


Júu 'mîi e cacuo
fidiée



New Testament in Chinantec, Comaltepec (MX:cco:Chinantec,
Comaltepec)

Júu 'mí e cacuo fidiée

New Testament in Chinantec, Comaltepec (MX:cco:Chinantec, Comaltepec)

copyright © 2002 Wycliffe Bible Translators, Inc.

Language: Chinantec, Comaltepec

Translation by: Wycliffe Bible Translators, Inc.

Chinanteco, Comaltepec [cco], Mexico

Copyright Information

© 2002, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Comaltepec

© 2002, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 21 Feb 2024 from source files dated 29 Jan 2022
30c6f873-0dee-5863-8883-ba3c5eaa988c

Contents

Mateo	1
Marcos	68
Lucas	110
Juan	182
Hechos	237
Romanos	302
1 Corintios	332
2 Corintios	358
Gálatas	375
Efesios	385
Filipenses	394
Colosenses	400
1 Tesalonicenses	406
2 Tesalonicenses	412
1 Timoteo	415
2 Timoteo	423
Tito	429
Filemón	433
Hebreos	435
Santiago	458
1 Pedro	466
2 Pedro	474
1 Juan	479
2 Juan	486
3 Juan	487
Judas	488
Apocalipsis	491

E lab júu[^] quiá[']- Dsea`Jmáang⁻ e cajme['] MATEO

*Jaléng['] 'lii[~] yáa['] quiá[']- Dsea`Jmáang⁻
(Lc. 3:23-38)*

¹ I lab jaléng['] 'lii[~] yáa['] quiá[']- Dsea`Jmáang⁻ i líng['] siju[~] 'lii[~] yáa['] dseata[~] Daví['] cóo[']gui 'lii[~] yáa['] Abraham. ² Jo Abraham calisí[^] tiquiá['] Isáa['] jo Isáa['] calisí[^] tiquiá['] Jacóo['] jo Jacóo['] calisí[^] tiquiá['] Judá cóo['] jaléng['] rúíñ[']. ³ Jo Judá calisí[^] tiquiá['] Fares cóo[']gui Zara jo niquiá[']r[^] calisí['] Tamar. Jo Fares calisí[^] tiquiá['] Esrom jo Esrom calisí[^] tiquiá['] Aram. ⁴ Jo Aram calisí[^] tiquiá['] Aminadab jo Aminadab calisí[^] tiquiá['] Naasón jo Naasón calisí[^] tiquiá['] Salmón. ⁵ Jo Salmón calisí[^] tiquiá['] Booz jogui niquiá[']r[^] calisí['] Rahab. Jo Booz calisí[^] tiquiá['] Obed jogui niquiá[']r[^] calisí['] Rut. Jo Obed calisí[^] tiquiá['] Isaí. ⁶ Jogui Isaí calisí[^] tiquiá['] i dseata[~] Daví['] jo íb['] tiquiá['] Salomón jogui niquiá[']r[^] i calíng⁻ dseamí['] quiá[']- Urías.

⁷ Jo Salomón calisí[^] tiquiá['] Roboam jo Roboam calisí[^] tiquiá['] Abías jo Abías calisí[^] tiquiá['] Asa. ⁸ Jo Asa calisí[^] tiquiá['] Josafat jo Josafat calisí[^] tiquiá['] Joram jo Joram calisí[^] tiquiá['] Uzías. ⁹ Jo Uzías calisí[^] tiquiá['] Jotam jo Jotam calisí[^] tiquiá['] Acáz jo Acáz calisí[^] tiquiá['] Ezequías. ¹⁰ Jo Ezequías calisí[^] tiquiá['] Manasés jo Manasés calisí[^] tiquiá['] Amón jo Amón calisí[^] tiquiá['] Josías. ¹¹ Jo Josías calisí[^] tiquiá['] Jeconías cóo['] jaléng['] rúíñ[']. Jo ie[~] job['] mi[~] cató⁻ dsea['] i seeng['] fí Babilonia fíng['] dsea['] Israel fí góor['] e 'ñúuñ['] do.

¹² Jo mi[~] cangí[']gui lajo, Jeconías calisí[^] tiquiá['] Salatiel jo Salatiel calisí[^] tiquiá['] Zorobabel. ¹³ Jo Zorobabel calisí[^] tiquiá['] Abiud jo Abiud calisí[^] tiquiá['] Eliaquim jo Eliaquim calisí[^] tiquiá['] Azor. ¹⁴ Jo Azor calisí[^] tiquiá['] Sadoc jo Sadoc calisí[^] tiquiá['] Aquim jo Aquim calisí[^] tiquiá['] Eliud. ¹⁵ Jo Eliud calisí[^] tiquiá['] Eleazar jo Eleazar calisí[^] tiquiá['] Matán jo Matán calisí[^] tiquiá['] Jacóo[']. ¹⁶ Jo Jacóo['] calisí[^] tiquiá['] Sé['], jo i Sé['] do íb['] i calí['] dseañ['] quiá['] Yá[']; jo i Yá['] do, íb['] i líng['] niquiá['] Jesús i líng['] Mesías e guóng[']: Dsea['] i caguíng['] Fidié['].

¹⁷ Jo caliséng['] guiqui['] 'lé['] íng['] dsea['] catí['] mi[~] caliséng['] Abraham jo cartí['] mi[~] caliséng['] dseata[~] Daví['], jo jíe[']gui guiqui['] 'lé['] catí['] mi[~] caliséng['] dseata[~] Daví['] jo cartí['] mi[~] cangojéng['] dsea['] Babilonia jaléng['] dsea['] Israel fí góor['] e 'ñúuñ['], jo jíéng[']gui guiqui['] 'lé['] catí['] mi[~] cangí['] e cató⁻ dsea['] Babilonia jaléng['] dsea['] Israel fí góor['] jo cartí['] mi[~] caliséng['] i Mesías do i caguíng['] Fidié['].

*Mi[~] caliséng['] Dsea`Jmáang⁻
(Lc. 2:1-7)*

¹⁸ Lalab calí['] mi[~] caliséng['] Dsea`Jmáang⁻. Jo ie[~] jo seeng['] jaang['] simí['] i sii['] Yá['] i nininé['] júu[^] quiá[']- cóo['] jaang['] siming['] i sii['] Sé['], dsu['] ná[']gui e nigüear['] colíng['] cangoquieeng['] i Yá['] do yáa['] la'eáang['] cóo['] Jmiguí['] quiá[']- Fidié[']. ¹⁹ Jo i Sé['] do líiñ['] jaang['] siming['] i dsíng['] guíung['], joba['] ja['] calí[']liñ['] fa['] e cajméer['] dsee['] quiá[']- i Yá['] do fí quini['] dsea[']. Joba['] ca[']í dsí['] e nitiúung['] neiñ['] do e ñm[']jiu e laco['] ja['] niliñ['] dsea[']. ²⁰ Jo lajee['] e í dsí['] i Sé['] do e nijmér['] lajo, lajee['] güñiñ['] jo caquir['] e cajnéng['] jaang['] ángel i líng['] guotí['] Fidié['] i casíng['] dsea['] do. Jo í casí[']r['] i Sé['] do jo cajíñ[']:

—Sé['], siju[~] dseata[~] Daví['], ja['] jmoo['] 'gó['] e nicøn['] Yá['] e niliñ['] dseamí['] quiá['], dsuco['] i jiuung['] i quíeeiñ['] na ca'uíñ['] cóo['] Jmiguí['] quiá[']- Fidié[']. ²¹ Jo niliseeng['] jaang['] yáa['] siñ['] quiá[']-r['], jo 'nu['] nitó['] e nilisiir['] Jesús, jo nilisiir['] lana dsuco['] nileáiñ['] jaléng['] dsea['] quiá[']-r['] jee['] jalé['] dsee['] quiá[']-ñ['].

22 Jo jalé' e cajíng' i ángel do calí' e laco' caliti~ júu^ quiá'- Fidié' e café' jaang` dsea` i café' cuaiñ~ quiá'r- malí~gui eáang' mi~ cajíñ'- lala:

23 Jaang` simí' nidsiquieeiñ~ jaang` yuu` siñuu^, jo mi~ niliseeng` i yuu` do, nitér- e nilisiñ` Emanuel e guóng': Fidié' seeiñ` cóo'~ jneaa~aa'.

24 Jo mi~ cajné- dsí' i Sé^ do, joba' cajmée`bre jalé' e cajíng' i ángel do jogui cacóm- bre i Yá^ do e nilí dseamí quiá'r-. 25 Dsu' ja` caquiaiñ` cóoiñ~ do cartí' mi~ caliséng' i yuu` i quieeiñ` do. Jo mi~ caliséng' í, joba' caté' Sé^ e calisiñ` do Jesús.

2

Mi~ caguilíng` dsea` i jmitíng` quiá'- jaléng` núu' fí' Jerusalén

1 Jo caliséng` Jesús fí' cóo' fii' e sii' Belén e née' lí' se' Judea. Jo ie~ jo líng' jaang` dsea` i sii' Herodes dseata~ dsea` féng' quiá'- jalé' fii' e sea` fí' jo. Jo ie~ job cajo caguilíng` fí' Jerusalén tú- 'ní' míng' dsea` i jmitíng` quiá'- jaléng' núu', jo i dsea` do huíib- eáang' jalíñ- fí' lí^ lí' guo' iee'. 2 Jo mi~ caguilíñ- fí' Jerusalén, cajmingí'r- jaléng' i dsea` seeng` fí' jo, jo cajíñ'-:

—¿Nang` i dseata~ dsea` féng' quiá'- dsea` Israel i nicaliséng` do? Dsúco' nicaneeñ~naa' núu' quiá'r- fí' lí^ lí' guo' iee', joba' ne~naa' e nicaliseiñ` jo lana nijáa'naa' e nijmiféng'naa're.

3 Jo mi~ canúu- dseata~ Herodes e júu^ jo, dsíng' jo` tii- seeiñ~, jogui lajobi cajo jaléng' dsea` i seeng` fí' Jerusalén. 4 Joba' i dseata~ do cató'r- jaléng' fii' jmidsea` quiá'- dsea` Israel cóo'~gui jaléng' tífa' quiá'- júu^ quiu' ta~ quiá'- dsea` Israel jo cajmingí'- reiñ' do jo cajíñ'-:

—¿Jie~ fí' lí' niliseeng` i Mesías?

5 Joba' cañí' i dsea` do quiá'- i dseata~ do jo casí'- reiñ':

—I dsea` í' niliseeiñ` fí' cóo' fii' e sii' Belén e née' lí' se' Judea; dsúco' lajob cajme' jaang` dsea` i café' cuaiñ~ quiá'- Fidié' malí~gui eáang' mi~ cajíñ'- lala:

6 E fii' pí^ e sii' Belén do née' fí' lí' se' Judea, dsu' e fii' jo ja` 'ga' lí' niing- lajee~ lajalé' fii' e sea` fí' jo, dsu' fí' job lí' nigüi'íng' jaang` dseata~ dsea` féng'

i nicá' nifí' quiá'- jaléng' dsea` quie- e, dsea` i líng' dsea` Israel.

7 Joba' i dseata~ Herodes do cató'r- jaléng' i dsea` i jmitíng` quiá'- jaléng' núu' do fí' cóo' lí' ja` 'ga' lí' ní dsea` jo cajmingí'r- dsea` do e` í' ngóo' mi~ cajnéng- i núu' do. 8 Jo mi~ cangí' jo, i dseata~ do casíñ` i dsea` í' fí' Belén jo casí'- reiñ' do lala:

—Güilíng-na' fí' jo, jo güijmidseáang` óo'na' laji` e lí'na' quiá'- i jiuung~ do; jo mi~ niguiéng'na're, jmée'na' jnea~ júu^, job cuóøng` nii' i e nijmifén'nre cajo.

9 Jo mi~ cató' sí' dseata~ Herodes i dsea` do lajo, joba' catam'-tuiñ' do fí' ngolíñ-. Jogui i núu' i cangáñ- jéeng' do, ngóo'biñ' do laco' ngolíñ-, jo cóob` mi~ caje' i núu' do fí' yá^ 'núu' lí' guíng~ i jiuung~ do. 10 Jo i dsea` do eám' iáang` dsí' dsu' e níñ- i núu' do. 11 Jo mi~ caguilíñ- fí' e 'núu' do, dsifí' ladob cangotáaiñ~ e fí' dsí' sinúu^ do jo cangáñ- i jiuung~ do cóo'~ niquiaíñ` Yá^ . Jo casí'r- uó- jnir~ fí' quini' i jiuung~ do jogui canaañ` e jmiféng'neiñ' do cajo. Jo mi~ calí- e cajmér- e jo, jo caneáar' guóo' quiá'r- e quier' do, jo cacuó'r' i jiuung~ do cuné' cóo'~gui su' e 'mo'^ eáang' cóo'~gui cuí' e jlo'^ jmeafii' cajo. 12 Jo mi~ cangí' jo, caquim'-tu i dsea` do fí' góor'. Dsu' fí' lí' jieb' caquiiñ'- do dsúco' Fidié' cajmea'breiñ' júu^ lajee~ güiñ` do e ja` cuóøng` niquíng'-tuiñ' do fí' lí' guíng~ i dseata~ Herodes do.

Mi~ cacuí' Sé^ cóo'~ Yá^ cóo'~gui i jiuung~ do e cangolíñ' fí' Egipto

¹³ Jo mi~ cangî e nicangolíng` i dsea` i jmitîng` quiá^- jaléng` núú` do, jo lajee` güüing` i Sé` do, caleáb`tu caquiîñ` jaang` ángel quiá^- Fidiée`. Jo i ángel do casí`r- i Sé` do jo cajíñ`-:

—;Sé`, ráan`- jo jéeng` i jiuung` na cóo`~gui niquiá`r^ jo cuii`-na` fí` Egipto! Jo fí` job nijá`na` cartí` mi~ nijméé`~e` 'nú` júu^, dsuco` i dseata` Herodes do ni`náíñ` i jiuung` na e nijngám`-bre.

¹⁴ Joba` caráam` i Sé` do ladsifí` lado, jo uóø` job cataiñ`- fí` e cangojééiñ` i jiuung` do cóo`~gui niquiáíñ`^ do fí` Egipto. ¹⁵ Jo dob cajeiñ` cartí` mi~ cajúng` i dseata` Herodes do. Jo cangojéé` e la e lí`^ laco` caliti~ lajii` júu^ e cajíng`- Fidiée` la`eáang` cóo`~ jaang` dsea` i café` cuaiñ` quiá`r- malii~gui eáang` mi~ cajíñ`- lala: “Catøø`-ø` Jóø`ø` e nigüi`fir` fí` Egipto.”

Mi~ cajnga` dsea` quiá^- jaléng` jiuung` ping`^

¹⁶ Jo mi~ calilí` i dseata` Herodes do e cajmigóøm` i dsea` i jmitîng` quiá^- jaléng` núú` do ír, joba` dsíng`- caliguiñ`-; jo caquiú`r` ta~ jaléng` `lée` quiá`r- e nidsijngáaiñ`~ jaléng` jiuung` i ping`^gui laco` tú` jî` i seeng` fí` Belén cóo`~gui jaléng` jiuung` ping`^ i seeng` fí` fiî` e née` lacúng` lajíng` e fiî` jo i ngolíng` í` lajo cajo. Jo cajngam`bre lí`^ laco`gui jii`~ jii` e cajíng`- i dsea` i jmitîng` quiá^- jaléng` núú` do. ¹⁷ Jo cóo`~ e nab caliti` e júu^ e cajme` jaang` dsea` i café` cuaiñ` quiá^- Fidiée` malii~gui eáang` i calisí` Jeremías mi~ cajíñ`- lala:

¹⁸ Jo canú` óo` jaang` dseamí` fí` coø` fiî` e sii` Ramá,

jo dsíng`- qui`r` jogui` óor`;

Raquéeb` sii` i dseamí` do jo qui`r` uí`~ jiuung` quiá`r- dsuco` nicajúm`-bing`,

jo ja` iíñ`~ nimíñ`- co` dsíng`- lijiuung` dsíir`.

¹⁹ Jo mi~ cangî e cajúng` i dseata` Herodes do, fí` Egipto táang` i Sé` do lajee` jo. Jo coø` ya` lajee` e güüiñ`, caquiim`-tur jaang` ángel quiá^- Fidiée`, jo í` casí`r- Sé` jo cajíñ`- lala:

²⁰ —Sé`, ráan`-, jo quíng`-tu` cóo`~ i jiuung` na cóo`~gui niquiá`r^ fí` lí` se` Israel, co` lana nicajúm` i lamí` iing` jngáng`- i jiuung` na.

²¹ Joba` lajob cajméé` Sé`, caráam`-bre jo catø`-bre i jiuung` do cóo`~gui niquiáíñ`^ do fí` lí` se` Israel. ²² Jo dsu` mi~ caliñir` e Arquelao niguiñ`~ líiñ` dseata` dsea` féng` quiá^- lí` se` Judea eáang` quiá^- i tiquiá`r^ dseata` Herodes do, joba` eáam` cafóíñ` jo jo` cangáíñ`- fí` jo, co` Fidiée` cajme`-tureiñ` júu^ lajee` güüiñ` e ja` cuóøng` nidsilíñ` fí` jo. Joba` fí` lí` se` Galileab cangolíñ`. ²³ Jo mi~ caguiéng`- Sé` fí` lí` se` Galilea, jo cangogüéar` fí` coø` fiî` e sii` Nazaret e née` fí` jo. Jo calí` e na e laco` caliti~ jalé` júu^ e café` dsea` i café` cuaiñ` quiá^- Fidiée` malii~gui eáang` mi~ cajíñ`- e Jesús nilisiir` jaang` dsea` nazareno.

3

Mi~ canaang` Juan i seáang` dsea` jmî` e guiar` júu^ quiá^- Fidiée`

(Mr. 1:1-8; Lc. 3:1-9, 15-17; Jn. 1:19-28)

¹ Jo mi~ cangîgui jmiguiú` jii` lajo, jo ie~ jo cangi` jaang` dsea` i sii` Juan i seáang` dsea` jmî` fí` ni` guóo`~ uó` quiú` fí` lí` se` Judea, ² jo guiar` júu^ jo fé`r` lala:

—Quí`- jíng`~ yaang`na` fí` quini` Fidiée` uí`~ dsee` qui`na`, dsuco` nijaquiéem`ba` e nicá` dsea` do nífi` quiá^- lajaang` lajaang` dsea` jmigüi`.

³ Jo malii~gui eáang` caliséng` jaang` dsea` i calisí` Saíi` i café` cuaiñ` quiá^- Fidiée`, jo íb` i café` uii` quiá^- i Juan do mi~ cajíñ`- lala:

Ngí` jaang` dsea` i fé` teá` fí` ni` guóo`~ uó` quiú` jo fé`r` lala:

“Jmeáang`na` guiú`- fí` jogui` nea`na` condséé`,

co` lana tí` lí` nijáab` Fí`naa`.”

Jo jalé` e na cajíng`- Saíi` fí` ni` jì` quiá^- Fidiée` do.

⁴ Jo si' i Juan i seáng` dsea` jmi' do lí' cóo'~ layaang` jñú' loo' jó' camello, jogui' ñúu' tu'r' coo' ñutu' e lí' cóo'~ loo' jó', jogui' jmitaang` ñia'r' cóo'~ sini' i cóong'~ cóo'~ gui ta' e dsé'r' fí jee' mó'. ⁵ Jo jaléng' dsea` i seeng' fí Jerusalén cóo'~ gui jaléng' dsea` i seeng' fí lí' se' Judea cóo'~ gui jaléng' i neáng' quiá'- gua` Jordán dsiliñ` e dsinúur` jalé' júu' e guia' i Juan do. ⁶ Jo jaléng' i dsea` do jmóor` júu' lajii'~ dsee` e nica'éer` quiá'r', jo lí' jo i Juan do seáaiñ` jmi' jaléng' í fí é' gua` Jordán.

⁷ Jo mi' cangá` i Juan do e fíim' dsea` Israel i líng' dsea` fariseo cóo'~ gui dsea` Israel i líng' dsea` saduceo jalíñ` e iñ` nisáñ` jmi', joba' cajíñ`- casí'r` jaléng' i dsea` do lala:

—jÓo' mi' guíng` 'nú'! ¿i' nicasí' 'nú' e nileáng`na' jee' iihuí' e nijaquíeng' e nicuó' Fidiéé'? ⁸ Jo ee`-na' røø' fí quini' dsea` jo jmiliing` yaang`na' e laco' nililí' jaléng' dsea` rúng`na' e já'ba' e nicaquí'~ jím' yaang`na' fí quini' Fidiéé'. ⁹ Jo ja' jmi'jløng'^ yaang`na' e fó'na': “Jnea'^ lí'naa' dsea` siju' 'lii' yúu'~ Abraham”; co' jnea' jmitaa' óo'na' e Fidiéé' cuóøm` lí' jmér` e cuu` néé' na e ni'uíng` dsea` siju' 'lii' yúu'~ Abraham faco' iñ` lajo.

¹⁰ Jo cajíng'- gui Juan casí'r` jaléng' i dsea` do lala:

—Ninéeb' guiá' ñigui' quiá'- Fidiéé' e niquiá'r` jalé' 'ma` catí' jmó' quiá'- Co' jalé' 'ma' ofii' e ja' cuø' ofii' e guiá' nihuib' jo nidsitóo'~ fí ni' jí. ¹¹ E já', jnea' seáan`n 'nú' jmi' jii'~ cóo'~ layaang` jmi'b' e laco' cuø' lí' e nicaquí'~ jím' yaang`na' fí quini' Fidiéé'; dsu' i dsea` i nijáa' mi' ningúng` jnea' niseáñ` 'nú' jmi' cóo'~ Jmiguí' quiá'- Fidiéé' jogui' cóo'~ jí' cajo. Jo i dsea' í dsíng'- gui 'gøiñ' laco' jnea' e jii'~ jnea' ja' catín`n co' sá'~i capí'~ ñi' 'ñúu' lomii'r`. ¹² Jo quier' coo' e jmáñ' ta' quiá'- e nisíñ' micui'íee', jo nisér` ca' e qui' quiá'- do. Jo dsu' e micui'íee' do ni'meár` fí dsí' sinúu' jogui' e qui' do quiá'- nijí'-bre fí lí' coo' jí' e ja' tóo' jmi' yu'.

Mi' cajgáang` Jesús jmi'

(Mr. 1:9-11; Lc. 3:21-22)

¹³ Jo mi' cangá' jo, cagüi'í' Jesús fí lí' se' Galilea jo cangór` fí lí' táang` i Juan do fí gua` Jordán e laco' dsea` í nisé` jmi' quiá'r'. ¹⁴ Dsu' i Juan do ja' lamí' iñ` e niseáñ` dsea` do jmi', jo lalab cajíñ`- casí'-reiñ':

—'Nub` dsea` catín'- e niseáan` jnea' jmi'; jo ¿jialí' ñi' e iin` e jnea' niseáan`n 'nú' jmi'?

¹⁵ Joba' cañí' Jesús jo casí'-reiñ':

—Lí' jmee` laco' e fí' i 'nú' lana; co' la guím` 'né' jmití'ii' jalé' ta' quiá' Fidiéé' e 'né' jmó'oo'.

Joba' ca'í'b` dsí' i Juan do e niseáñ` dsea` do jmi'. ¹⁶ Jo dsifí' mi' cajgáang` Jesús jmi', jo cagüi'í'bre fí dsí' jmi'. Jo ladsifí' lanab cana' fí yú' jmi'güi', jo cangá' Jesús e cajgó` Jmiguí' quiá'- Fidiéé' fí yú' moguir` e líng` jaang` mee'.

¹⁷ Jo guicaná' coo' luu' e jáa' fí yú' jmi'güi' jo guicajíng'- lala:

—I nab jóo' o' i 'neáan` eéang', jo dsíng'- íaang` dsii' cóo'r'.

4

Mi' cajméé' fii' i 'líng' quií' jial ni'é' Jesús dsee'

(Mr. 1:12-13; Lc. 4:1-13)

¹ Jo mi' cangá' e cajgó` Jmiguí' quiá'- Fidiéé' fí yú' mogui' Jesús, jo e Jmiguí' do cangojéeng` dsea` do fí coo' guóo'~ uø` quiú' e laco' fii' i 'líng'~ nijmér` quií' jial e ni'é` dsea` do dsee`.

² Jo fí job cateáang` Jesús lajee` tuló` jmi' jogui' tuló` uøø' jo ja' e cagó'r' jii'~ coo' lajee' jo. Jo mi' cangá' gui lajoba' cadseá` jmi'aañ`. ³ Jo lajee' job

cangoquiéeng' i fii' i 'ling'^ do fi' li' sing' Jesús e jmóor` quiijí` jial ni'é` dsea` do dsee` , joba' casí'r` dsea` do lala jo cajíñ'`:

—Song já' e 'nua' lin' i Joo' Fidiéé` camíng'` do, quiá' ta` e ni'uíng` iñí' e cuu` e neé` na.

⁴ Jo dsu' dsifí' lajob cañí' Jesús quiá'` i fii' i 'ling'^ do jo cajíñ'`:

—Dsu' lalab fé' fi' ni' jì quiá'` Fidiéé`: “Ja` niliseeng` jaléng` dsea` jmigüü` juguiá` e lico' ni'í' nidó'r` jalé' e sea` fi' jmigüü`, co' 'né` e nijmitir` jalé' ta` quiá' fi' ni' jì quiá'` Fidiéé`, jo lajoguiba' niliseeiñ` juguiá`.”

⁵ Jo mi` cangí' jo, i fii' i 'ling'^ do cangojéeiñ` Jesús fi' fi' güeang'^ quiá'` dsea` góor` dsea` Israel e sii` Jerusalén, jo caseáaiñ` dsea` do cartí' yá' guá'` fé' e si' fi' jo. ⁶ Jo lajee` niteáaiñ` fi' jo, lalab casí'r` Jesús jo cajíñ'`:

—Song já' e lin' i Joo' Fidiéé` camíng'` do, bíng' uó' cartí' uii' quiá'` e guá'` la; dsuco' fi' ni' jì quiá'` Fidiéé` fé' lala:

Fidiéé` niquiá'r` ta` jaléng` ángeles i líng' guotíir` e nijmér` í' 'nua', jo nisáaiñ' 'nua' cóo' guoor` lajee` guiáang'` guo' guiá'` güi' e laco' ja` nititaan'` cartí' ni' uó'.

⁷ Joba' cañí' Jesús jo casí'` reiñ':

—Dsu' lala fé' gui' fi' ni' jì quiá'` Fidiéé` cajo: “Ja` jmoo'` jial ni'é` Fíi' Fidiéé` dsee`.”

⁸ Jo mi` cangí' e jo, i fii' i 'ling'^ do cangojéeiñ` Jesús fi' coo' yá'` mó' e ñíí' eáang', jo ca'e'r` dsea` do jalé' fi' e sea` fi' jmigüü` jogui jial niing` lacoo' lacoo';

⁹ jo i fii' i 'ling'^ do casí'r` Jesús jo cajíñ'`:

—Jnea` nicuóó'` 'nua' lajalé' e móo'` na song nisi'` uó' jní'` fi' quini'` jogui nijmifén'` jnea`.

¹⁰ Joba' cañí' Jesús jo casí'` reiñ':

—Güihuíng` cáan`n, Satanás, dsuco' fi' ni' jì quiá'` Fidiéé` fé' gui: “Jíi' Fidiéé` dsea` guing` ñifí'`bing'` nijmifén'`, jo jíi' ta` quiá'` í'bre e nijmití'` cajo.”

¹¹ Jo dsifí' lajob cajmi'náng` 'ña' i fii' i 'ling'^ do fi' li' sing' Jesús, jo lí' jo caguilíng` tú'` ni' míng'` ángeles fi' li' sing' Jesús e cangoto'` fíiñ` dsea` do.

Mi` canaang` Jesús jmóor` ta` quiá'r` fi' li' se' Galilea

(Mr. 1:14-15; Lc. 4:14-15)

¹² Jo mi` cangí' jo, jo caliñí' Jesús e 'nuañí'` ni'iuung` Juan i seáang` dsea` jmíi, joba' caquim'` tur fi' li' se' Galilea. ¹³ Dsu' ja` cajer' fi' Nazaret, co' dob cangogüear' fi' Capernaum fi' 'ni'` guiéé' Galilea, fi' li' se' li' neáang` dsea` Israel i líng' dsea` siju` Zabulón cóo'` gui Neftalí. ¹⁴ Jo cangojéé' jalé' e jo e laco' caliti` lajii'` júu` quiá'` Fidiéé` e cajme' Saíí', jaang` i café' cuaiñ` quiá'` Fidiéé` malíi` gui eáang` mi' cajíñ'` lala:

¹⁵ E guóo'` uó' quiá'` dsea` siju` Zabulón cóo'` gui Neftalí

neé' cáang` gua` Jordán fi' 'ni'` guiéé' Galilea

fi' dsíi' li' se' Galilea cajo.

Jo fi' job li' seeng` dsea` i ja` cúing` Fidiéé`.

¹⁶ Jo lafa' i seeng` fi' li' nua` só'` líng' jaléng' i dsea` í',

dsu' cangár` coo' jì e jlo'` niing` 'gong'.

Jo jaléng' i dsea` í' líiñ' lafa' sijúuiñ` uii'` dsee` quiá'r`,

dsu' nicajneá` e jì do jee` ír`.

¹⁷ Jo lajee` e niguiing` Jesús fi' Capernaumba' canaaiñ` guiar' júu` quiá'r` jo fé'r`:

—Qui'` jíing'` yaang` na' fi' quini'` Fidiéé` uii'` dsee` qui'` na', dsuco'` nijaquiéem'ba' e nicá' dsea` do nífi' quiá'` lajaang` lajaang` dsea` jmigüü`.

Mi' cató'` Jesús quiúung` dsea` i jmóo' ta` sáng'` 'ña`

(Mr. 1:16-20; Lc. 5:1-11)

18 Jo mi~ cangá jo, lajee e ngóó Jesús ngir' fí 'ni' guiée Galilea, cangáin~ gáng dsea i la'ó' rúng', jaang i sii Simón jo sii'bir Tú^ cajo, jo jaang'gui i sii' Dí'. Jo laji huáaiñ' do taaiñ ta feá 'máa' fí dsí' jmá quía' e saíñ' 'ñu. 19 Jo Jesús casí' reiñ' jo cajíñ':

—'Ná' ñiling na' cóo' jnea, jo jnea nicuøø' 'nú' ta e guiá na' júu quía' Fidiée fí jee dsea jmigüi, jo líb'jiu e ta jo la lí' ta sáang' 'ñu.

20 Joba i dsea do dsifí ladob catár 'máa' quía'r jo cangolím bre cóo' Jesús.

21 Jo tí' dobijiá ningóó Jesús cóo' i dsea do mi~ cangáin~ jiéng'gui gáng dsea i la'ó' rúm' cajo, jo jaaiñ do siir' Tiáa jo jaang'gui i sii' Juan. Jo laji huáaiñ' do líiñ' jóo' jaang dseañu' i sii' Zebedeo. Jo teáaiñ' fí cóo' dsí' móo' coling cóo' tiquía'r e jmó'r jalé' 'máa' quía' e saíñ' 'ñu. Jo Jesús cató' reiñ' do, 22 jo dsifí lajob ca'uøøiñ' do e fí dsí' móo' lí' teáaiñ' do jo cangolím bre cóo' Jesús, jo dob caseáaiñ' i tiquía'r do.

Mi~ ca'e' Jesús fíng' dsea jalé' júu quía' Fidiée

(Lc. 6:17-19)

23 Jo mi~ cangá jo, cangá Jesús fí la'úng fí lí se' Galilea e e'r jaléng' dsea Israel júu quía' Fidiée fí dsí' guá' quía'r e té' lacoo' fí. Jo guiar' júu quía' Fidiée e nijaquíem'ba' e nicá dsea do nifí quía' lajaang lajaang dsea jmigüi. Jogui jmi'leám bir jaléng' dsea i líng lí' doñí ee jmohuí' osi lí' doñí jié' lí' cu' quíaíñ' é. 24 Jo eám' nini' júu quía' Jesús quía' jalé' e guiá e jmóor' do fí la'úng fí lí se' Siria. Jo jaléng' dsea i seeng' fí jo dsilíñ' fí lí táang Jesús e dsijeeiñ' jaléng' dsea dsée' quía'r lí' doñí ee jmohuí' líiñ'; jo quíéng i jée i 'líng' quía' cóo' gui jaléng' i joñíng jogui jaléng' i caang' guotí' jogui jaléng' i ja lí' ngí', lí' lajaléng' i na dseáng' jmi'leám Jesús.

25 Jo eám' fíng' jaléng' dsea i ningí cóo' Jesús; jo jaléng' i dsea í seeiñ' do i seeng' fí lí se' Galilea jogui seem'bi i jalíng fí jalé' fí e té' fí lí se' Decápolis jogui seem'bi i jalíng fí Jerusalén jogui seem'bi cajo jaléng' dsea i jalíng fí lí se' Judea cóo' gui jaléng' dsea i jalíng lí' lí' 'ngóo' lacoo' iu' gua Jordán.

5

Jalé' júu e ca'e' Jesús dsea quía'r fí cóo' yá' mó'

(Lc. 6:20-23)

1 Jo mi~ cangá Jesús e fíng' dsea ngolíng caluur' laco' ngóor, joba' cajgóor fí cóo' yá' mó' jo fí job caguár. Jo jaléng' i dsea quía'r do cangoquíeeiñ' fí lí guíng dsea do, 2 jo Jesús canaiñ e' reiñ' do jo cajíñ':

3 —Juguiá' jiu quía' jaléng' dsea i ní' e 'neáiñ Fidiée, có' dsea íb' dsea i quíe nifí quía'r.

4 'Juguiá' jiu quía' jaléng' dsea i dsíng' líjiuung dsí', có' Fidiée' ni jmi'iaaiñ dsí' jaléng' i dsea í.

5 'Juguiá' jiu quía' jaléng' dsea i 'neáng Fidiée, có' niñir' e jíi' cóo' ja' e quí'r jmí' jmér' yaaiñ; jo Fidiée'bing' i nicuø' jaléng' i dsea í jalé' e catíiñ lí' laco' jíi' júu e nicacuø' reiñ' lamí' jééng'gui.

6 'Juguiá' jiu quía' jaléng' dsea i dsíng' iing' jmé' jalé' e iing' Fidiée, có' dsea íbing' i nijmicóo' quía'r e nilí' bre jmér' jalé' e jo.

7 'Juguiá' jiu quía' jaléng' dsea i fí líng' jaléng' dsea rúng', có' Fidiée' nilí' fí líiñ' jaléng' i dsea í.

8 'Juguiá' jiu quía' jaléng' dsea i guíng dsí' e jmóor' jmang' jalé' e guiá, có' jaléng' dsea íbing' i niníng Fidiée.

9 'Juguiá' jiu quía' jaléng' dsea i jmóo' quijí' jial niliseeng' dsea juguiá' cóo' dsea rúíñ', có' Fidiée'bing' níjng' e dsea íbing' líng' jóor'.

10 'Juguiá-jii quiá'- jaléng' dsea`i dsing'ing- e jmó'- dsea`ga` quiá'r- uí' e jmóor` jalé' e iing` Fidiéé', co' i dsea`i dsing'ing- jalé' e jo, Fidiéé`bing' i quie` nifí quiá'r-.

11 'Juguiá-jii quiá' 'nú' mi` fé' dsea`ga` uii` quiá'-na' jogui jmaíñ' 'nú' jogui sí'r' 'nú' jalé' júu^ e o' já'- uí' e líng'na' dsea` quié'-e. 12 Jmi'iaang` óo'na' jogui güiliseeng'na' juguiá-, co' dsing'- niguó'^ e ni'ling'-na' quiá'- Fidiéé' e si'má'r^ quiá'-na' fí' ñiff-. Dsüco' jaléng' dsea`i café' cuaiñ` quiá'- Fidiéé' malíi`gui eáang', lajob`cajmeáng' dsea` ír` cajo.

*'Nú' líng'na' laco' la lí' ñi` cóo`gui la lí' jì' fí' jee` jaléng' dsea` jmigüi`
(Mr. 9:50; Lc. 14:34-35)*

13 Jo casí'-gui Jesús i dsea` quiá'r- do lala:

—'Nú' líng'na' la lí' ñi` jee` jaléng' dsea` jmigüi`, dsu' fíng`cajéng' e ñi` e ñi` do, joba' jo` quiá'- jmi` jóng`fa' e niliñi`tu` calé' catú-. Jo co' jo` e ta` líng` júi` coo` e ñi` do, joba' nibib` fí' guiá' fí' jóng, jo` jaléng' dsea`i ngí' fí' jo` niso'óm`bre.

14 'Jogui 'nú' líng'na' la lí' coo` jì' jee` jaléng' dsea` jmigüi`. Cofa' coo` fí' e néé' fí' coo` yú'^ mó' ja` quí' jmi` fa' e ni'méng- 'ña' e ja` cuóong` lí' jøø- dsea`. 15 'Jogui cajo ja` 'gui' dsea` coo` candí' jo` nisí'r` fí' coo` lí' cóong', co' 'né' nisí' dsea` coo` lí' ñi'ba' do, jo` lajoba' cuø` jì' e jné' dsea`i neáang` fí' dsí' sinúu^. 16 Jo lajob` 'nú' cajo, dsea` nilíng'na' lafa' jì' fí' quini` jaléng' dsea` jmigüi`, jmi'úung'na' e nijmee'-na' jalé' e guiá' fí' jee` jaléng' dsea` rúng'na', co' mi` niní' dsea` e jmoo'na' jalé' e jo, joba' lajím`bre nijmiféiñ' Tiquí'ii' dsea` guing` ñiff- jóng.

Mi` ca'e' Jesús cuaiñ` quiá'- júu^ quiá' ta` quiá'- Fidiéé' e cajme' Moi`

17 Jo lí' jo, lalab`casí'-gui Jesús i dsea` quiá'r- do jo` cajíñ'-:

—Ja` í' óo' 'nú' e cagá'-a fí' jmigüi` la e caga'ín'n` jalé' júu^ quiá' ta` quiá'- Fidiéé' e cajme' Moi~, o'gui e caga'ín'n` jalé' júu^ e ca'e' jaléng' i dsea`i café' cuaiñ` quiá'- Fidiéé' malíi`gui eáang'. Co' ja` cagá'-a fa' e caga'ín'n` jalé' e jo, co' jnea`cagá'-a fí' jmigüi` la e lí' laco' niliti` jalé' e júu^ job. 18 Jo jmitaa` óo'na' e lajee` róo`bi`guóo` uø` jmigüi`, ja` quí' jmi` fa' e nijé'- júi` camí'^ e júu^ quiá' ta` do cartí' mi` nidsijéé' jalé' e nisí'í' e nidsijéé' do. 19 Joba' i dsea`i ja` jmóo` núu` fa' camí'b'^ júu^ quiá' ta` quiá'- Fidiéé' e cajme' Moi~, doñi' fa' ja` 'ga' lí' niing- e júu^ camí'^ do, o'gui e'r' dsea` rúñ' jial e nijméiñ'- do núu'r` e júu^ jo, joba' i dsea` í' ni'uíñ- jaang` i ja` niing- júi` capí' fí' quini` Fidiéé' mi` tí' lí' nicá' dsea` do nifí' quiá'- lajaang` lajaang` dsea` jmigüi`. Dsu' jaléng'gui dsea`i núu` jalé' e júu^ quiá' ta` do jogui e'r' jaléng' dsea` rúñ' e nijméiñ'- do lajo, joba' i dsea` í' ni'uíñ- dsea`i niim- fí' quini` Fidiéé' mi` tí' lí' nití' í' e dsea` do nicár` nifí' quiá'- lajaang` lajaang` dsea` jmigüi`. 20 Joba' fí' 'nú' e song` ja` nijmi'úung'na' e nijmee'-na' núu`na' jalé' júu^ quiá'- Fidiéé' røø`gui laco'gui i tifa' quiá'- júu^ quiá' ta` quiá'- dsea` góo'naa' dsea` Israel jo` cóo`gui jaléng' dsea` góo'naa' i líng' dsea` fariseo, joba' ja` quí' jmi` jóng`fa' e Fidiéé' nicár` nifí' quiá'-na' mi` tí' lí' nití' e í' jo.

*Mi` ca'e' Jesús jial`lí' mi` guíng- dsea`
(Lc. 12:57-59)*

21 Jo mi` cangí' jo, Jesús ca'er' e júu^ la jo` cajíñ'-:

—Jo 'nú', nicanúu`ba' lajúi` júu^ e ca'ing' dsea` áang` quiá'-naa', jo` e lab e jo: "Ja` jngán' dsea` rún', dsüco' ii` i jmóo` lajo, joba' fí' quini` dseatab` catíng- dsér- e nitidsí' í' quiá'r- laco' catíng-." 22 Dsu' jnea`gui fí' 'nú' e doñi' ii` dsea` i liguíng- quiá'- jaang`gui dsea` rúng', joba' fí' quini` dseatab` catíng- dsé- i dsea` í' e laco' nitidsí' í' quiá'r-. Jo ii` dsea` i jmineang'^ jaang` dsea` rúng', joba' i dsea` í', dsea` cóong' i quiá' ta` quiá'- dsea` Israel catíng- niquidsí' í' quiá'r-.

Jogui iì dsea` i cuóøng` júu` 'li`^ jaang`gui dsea` rúng`, joba' fí lí` 'lib`^ catíng` i dsea` í fí lí` coo` jì` e ja` tóo` jmi` yu`.

²³ Jo mi` güilíng`-na' fí guá`- e líng` ee` güicuóø`-na' Fidiée` fí nife`, jo lajee` jo niguiéng`' óo`na' e seeng` jaang` dsea` i jmoo`na' mhi` cóo`, ²⁴ joba' dob` 'né`- sée`-na' e quié`na' do, jo nigüilíng`-na' e nijmití`' óo`na' la'uii` cóo` i dsea` rúng`-na' i jmoo`na' mhi` cóo` do. Jo mi` ningí, joguiba' nicuóøng` e güicá`-na' fí nife` jalé` e quié`na' do jóng.

²⁵ Jo song iì dsea` 'náng` 'nú` lajii`- dsee`- e nica`ee`-na', jogui iin` e nidsijeein` 'nú` fí quini` dseata~, joba' guiá`-gui jmi`úung`na' jóng e nisíng`-na' røø` cóo` i dsea` do la'uii~, nú`-gui e nijáiin` 'nú` fí jaguó` dseata~; dsuco` song ja` nijmee`-na' lajo, joba' i dseata` do nijáiin` 'nú` fí quini` jaléng`' hi` quiá`r`- jo 'nuñib` nitáin`' 'nú` jóng. ²⁶ Jo jmitaa` óo`na' e ja` ni'uóng`na' e fí dsí` 'nuñi` do cartí` niquá`na' jalé` cuu`- e nimí`- i dseata` do 'nú`.

Mi` ca'e` Jesús e ja` dseeng` e güüing` dsea` cóo` dsea` i o' quiá`r`

²⁷ Jo mi` cangí jo, ca'e`gui Jesús e júu` la jo cajíin`-:

—Nicanáub` 'nú` e júu` la malí`gui eáang`: “Ja` lee` e nigüín` cóo` dseañu` osi dseamí` i o' quiá`r`.” ²⁸ Dsu` jnea` fí` i 'nú` e doñi` iì i suung` jaang` dseamí` jo í dsír` e iin` güüin` cóo`iñ` do, joba' lí` lafa` nicajmee`bre e jo mi` ca`í` dsír` lajo cóo` i dseamí` do, jo dseeb` nica`éer` fí quini` Fidiée` jóng.

²⁹ Jo lajob` lí`, song jminí`na' dsée` jmoo` e niténg`na' fí ni` dsee`, joba' guiá`gui e gui`ba' jo nigüibí`na' fí lí` huí`- laco` seeng`na' yaang`na'; dsuco` guiá`-gui quiá`-na' e ni`íng`- capí`^ ngúu` táang`na' e laco`gui e nibíng`na' latøøng`-na' fí lí` 'li`^'. ³⁰ Jogui song guóo`na' dsée` jmoo` e niténg`na' fí ni` dsee`, joba' guiá`-gui quiá`-na' e quiá`ba' jo nigüibí`na' huí`- laco` seeng`na' yaang`na'; dsuco` guiá`-gui e ni`íng`- jii` guóo`na' e laco`gui e nibíng`na' latøøng`-na' fí lí` 'li`^'.

Mi` ca'e` Jesús quiá`r` mi` tiúung` dsea` rúin`

(Mt. 19:9; Mr. 10:11-12; Lc. 16:18)

³¹ Jo mi` calí` jo, cajíng`-gui Jesús e júu` la:

—Lalab júu` sea` malí`gui: “Doñi` iì dseañu` i tiúung` dseamí` quiá`r`, joba' 'né` cuó`-bre i dseamí` do cóo` mají` lí` fé` quiá`r` e nicatiúung` rúin`.” ³² Dsu` jnea`-gui fí` i 'nú` e song jaang` dseañu` tiúuin` dseamí` quiá`r` e ja` mí` ca`léé` i dseamí` quiá`r` do e güüin` cóo` dseañu` jiéng`, joba' i dseañu` do jmoo`r` e dseáang`- e ni`léb`- i dseamí` do cóo` dseañu` jiéng`, jo lajoba' ni`éin`- do dsee` fí quini` Fidiée`; jo i dseañu` i nicúng` guó` cóo` jaang` dseamí` i nicatiúung` rúng`, joba' dseeb`- éer` cajo.

Mi` ca'e` Jesús quiá`r` mi` éeng` dsea` fi`

³³ Jo mi` cangí jo, cajíng`-gui Jesús e júu` la:

—'Nú` nicanáub`-ba' lajii` júu` e fé` dsea` áang` qui`-naa', jo e lab e júu` jo: “Ja` se` jii` cóo` fa' e ja` nijmee`^ e nicafee`- e nica`een`- fi`.” ³⁴ Dsu` jnea` fí` i 'nú`: Ja` éeng`na' fi`- quiá`r`- lí`^ doñi` ee`: ja` éeng`na' ñifí`, dsuco` fí` job` lí` lí` ée` quiá`r`- Fidiée`; ³⁵ o`gui éeng`na' guóo` uó`, dsuco` job` lí` jmi`íng`' tii` Fidiée`; o`gui éeng`na' fí` Jerusalén, dsuco` job` lí` lí` fí` güeang`^ quiá`r`- Fidiée` i quiá`r` ta` fí` la`úng`- fí` jmigüi`. ³⁶ Jogui ja` éeng` 'nú` moguí`na', dsuco` ja` lí`na' jmisiíng`na' i jii` camí`^ jñu` guí`na' e tee` osi e uí`- é. ³⁷ Jo song fo`na' e nijmee`-na', joba' jmee`-na' jóng; jo song fo`na' e ja` jmee`-na', joba' ja` jmoo`na' jóng; dsuco` song jmoo`na' e jié`gui, joba' nijmoo`na' núu`na' júu` quiá`r` i 'lim`^ jóng.

Mi` ca'e` Jesús quiá`r` e ja` 'né` cóo` dsea` quiá`r`

(Lc. 6:29-30)

³⁸ Jo mi~ cangî jo, ca'e'gui Jesús e júu^ la:

—Nicanúub~ 'nú' e júu^ la malí~gui eáang': "Song jaang` dsea` ca'íiñ~ cōo` jminí^, joba' lajob 'né~ jme'^ cōo` i dsea` í; osi jaang` dsea` cafiñ` camí^ majá^, joba' lajob 'né~ jme'^ cōo` i dsea` í cajo." ³⁹ Dsu' jnea~ fíi~i 'nú': Ja` cōo`-na' quíi~na' mi~ iì jmáng` 'nú' ga; dsu' fíng song iì caquiúú` cataang` moní^na', joba' cuóó`-na'r e cataang`gui do güiquiúú` cajo. ⁴⁰ Jogui song iì iing~ ni'náng~ 'nú' fí quini~ dseata~, jogui iñ~ niguír~ 'mi'quíi~na', joba' cuóó`-na'r jóng la quie'gui 'mi'guiée~ quíi~na' güiquiúú` cajo. ⁴¹ Jo song iì quia` 'nú' ta~ e nigüicá^na' cōo` lee~ e ngí^na' cōo` kilómetro, joba' güica~na' jóng tú~ kilómetro. ⁴² Jo fíng mi' dsea` 'nú' lí^ doñí ee, joba' cuóó`-na'r jóng; jogui song iì mi' 'nú' e líng~ ee` nijmi'óóng`na're cateá, joba' jmi'óóng`na'r jóng.

'Né~ jmi'neáang`naa' jaléng` i 'ní' níng~ jneaa~aa'
(Lc. 6:27-28, 32-36)

⁴³ Jo mi~ cangî jo, ca'e'gui Jesús e júu^ la jo cajíñ~:

—Nicanúub~ 'nú' cajo e júu^ la malí~gui eáang': "Jmi'neáang` jaléng` dsea` i seeng` røø` cōo` jo jmee~ e 'ní' man' jaléng` i 'ní' níng~ 'nú'." ⁴⁴ Dsu' jnea~gui fíi~i 'nú': Jmi'neáang`na' jaléng` i 'ní' níng~ 'nú' jogui féeng`-na' Fidiée` uii~ quía~- jaléng` dsea` i jmáng` 'nú' ga, ⁴⁵ jo lajoba' ni'uíng~na' jóo` Tiquíi^na' Fidiée` dsea` guíng~ ñíff~. Dsaco' dsea` do jmóo`bre e guo' iee` lí~ seeng` jaléng` dsea` i jmóo` jalé` e ga` jogui lí~ seeng` jaléng` dsea` i jmóo` jalé` e guíá~ cajo; jogui sím`bre jmí` cajo lí~ seeng` jaléng` dsea` i ée` e guíá~ cōo`-gui fí lí~ seeng` jaléng` dsea` i ja` ée` e guíá~. ⁴⁶ Dsaco' song 'nú' jmi'neáang`na' lajii~ dsea` i jmi'neáang` 'nú', joba' ja` ni'íng`-na' jóng lajii~ e si'íng`na' quía~- Fidiée`; co' lajob cajo jmóo` jaléng` nodsicuu~ quía~- Roma. ⁴⁷ Jogui song fóng`na' lajii~ dsea` rúng`na', ¿e~ e jíe'gui jmoo`na' laco' doñí iì dsea'? Co' lajob jmóo` jaléng` dsea` i ja` cuíng` Fidiée` cajo. ⁴⁸ Jo jmi'neáang`na' jaléng` dsea` dseáng`- laco' sí'í lí^ laco'gui la jmóo` Tiquíi^na' dsea` guíng~ ñíff~.

6

Mi~ ca'e' Jesús quía~- mi~ jaang` dsea` jmicóo`r~ jaang`gui i 'né~ quía~- lajo

¹ Jo mi~ cangî jo, ca'e'gui Jesús e júu^ la jo cajíñ~:

—Ja` jmoo`na' jalé` e guíá~ e quí~ tíng`na' jmoo`na' e lí^ laco' nijóó~ jaléng` dsea`; co' song jmoo`na' lajo, joba' Tiquíi^na' Fidiée` dsea` guíng~ ñíff~ ja` nicuóó`r~ 'nú' jalé` e niguo` e sea` quía~- fí ñíff~ quía~-.

² Joba' mi~ jmicóo`-na' jaléng` dsea` i 'né~ quía~- lajo, ja` jmoo`na' lí~ cuóóng` jóó~ dsea` fíng` lí^ laco'gui la líng` dsea` i jmícaang~ e jmóor` jalé` e iing~ Fidiée~, dsu' o' já~- e jmóor` lajo. Co' jaléng` i dsea` í jmícaaiñ~ e jmicóo`r~ jaléng` dsea` i 'né~ quía~- lajo fí dsíí sinúu` guá~- cōo`-gui lacaang` jee~ 'núu` e lí^ laco' nífé` dsea` guíá~ uii~ quía~-bre. Jo dsu' jnea~ jmitaa` óo`na' e cōo` jalé` e jmícaang~ i dsea` do, nicalí~-bre lajii~ e 'nó`r` do, co' jo ee` ni'íng`-guír jii~ cōo` quía~- Fidiée`. ³ Jo dsu' mi~ jmicóo` 'nú' jaléng` dsea` i 'né~ quía~- lajo, ja` 'né~ jmée~-na' dsea` júu^ quía~- lajii~ e nijmee~-na' do, doñí fa' jaang` dsea` i cuíng`na' eáang`; ⁴ jo jmee~-na' e jo e ja` ní dsea`. Jogui Tiquíi^na' dsea` guíng~ ñíff~ jóó~-bre lajii~ e jmoo`na' do, jo lajoba' nicuóó`r~ 'nú' lajii~ e si'má`r^ quíi~na' fí ñíff~ quía~-.

Mi~ ca'e' Jesús jial féeng`-naa' Fidiée`
(Lc. 11:2-4)

⁵ Jo mi~ cangî jo, ca'e'gui Jesús e júu^ la jo cajíñ~:

—Jo mi~ siing~ 'nú' cóo~ Fidiée~, ja` jmoo`na' laco'gui la jmoo` i dsea` i jmicaang~. Co' i dsea` í tí dsír' síng` yaaiñ` e siiiñ` cóo~ Fidiée` fí dsí' sinúu` guá' jogui lacaang` lí seáng' dsea` fíng` i jòøng` ír` cóo~ jalé' e jmóor` do. Jo dsu' jnea~ jmitaa` óo`na' e cóo~ jalé' e jmicaang~ i dsea` do nicalí`-bre lajii~ e 'nó'r` do, joba' jo` ee` ni'íng`^guir` jii~ coo` quía' Fidiée`. ⁶ Dsu' 'nú'gui, mi~ siing~na' cóo~ Fidiée~, güitáang`na' fí dsí' sinúu` quí`na' jo jniing~ yaang`na' 'núu` jo siing~na' cóo~ Tiquí`na' dsea` guing~ ñifí` i seeng` cóo~ 'nú' fí jo. Jo co' Tiquí`na' dsea` guing~ ñifí` jòø`-bre jalé' e jmoo`na' do, joba' nicuó`-bre 'nú' lajii~ e si'má'r` quí`na' fí ñifí` quía'r`.

⁷ Jogui mi~ siing~na' cóo~ Fidiée~, ja` fó`na' jmigui` ya' jalé' júu` e ja` uing~ sea` lí` laco'gui la jmoo` dsea` i ja` cuíng` Fidiée~; co' jaléng` i dsea` í í dsír' e song jmigui`gui nifé'r`, joba' já`-gui ninú` dié~ quía'r` jalé' júu` quía'r`. ⁸ Jo jie~ mí jmeáng` yaang~ 'nú' lajo lí` laco'gui la jmoo` i dsea` í, co' Tiquí`na' Fidiée` jéem` niñir` jalé' e 'né` quí`na' 'nú' gui e nimí`na're. ⁹ Joba' lalab`né` siing~na' cóo~ Fidiée`:

Tiquí`ii', dsea` guin` ñifí`,
güijmifém' jaléng` dsea` jmigüi` 'nu`,
co' 'nub` dsea` fén' fí la'úng` fí jmigüi`.

¹⁰ Jogui güijáng` yaang~ dsea` fí quini`
e laco' nicá' nifí` quía'r` lajaang` lajaañ`.

Jogui güijmitib~ jaléng` dsea` jmigüi` jalé' e iing~ 'nu' fí jmigüi` la,
lí` laco'gui líti` fí ñifí` quí`.

¹¹ Jogui cuóø` jnea` jalé' e 'né` niquiee`naa' e jmí` lana.

¹² Jogui íng` dsee` uii~ quí`naa' quía' jalé' e ja` dseeng` e nicajmó`naa',
lí` laco'gui jnea` íng`naa' dsee` quía' jaléng` dsea` rú`naa' dsea` jmigüi` mí`
ee`gò nica`léer` quí`naa'.

¹³ Jogui jmee` í` jnea` lacaang` lí` ngi`naa`
e laco' ja` nijjá`naa' fí ni` dsee`,
jogui jmee` í` jnea` cajo
e laco' ja` nijmeáng` jaléng` i` líng` jnea`.

Co' 'nub` i` quíu' ta` røø` fí la'úng` fí jmigüi`
jogui i` gøng` jogui i` niing` eáang` cajo car` ngongí` jmí`.
Jo lajob` nilí`.

Jo lanab ca'e` Jesús ie~ jo jial féeng`naa' Fidiée`.

¹⁴ Jo mi~ calí` jo, cajíng`-gui Jesús:

—Jo song 'nú' íng`na' dsee` quía' jaléng` dsea` rúng`na' mi~ ee`gò 'léer` quí`na', joba' lajob` Tiquí`na' dsea` guing~ ñifí` cajo ni`ím`-bre dsee` quí`na'. ¹⁵ Dsu' song 'nú'gui ja` íng`na' dsee` quía' jaléng` dsea` rúng`na' mi~ ee`gò 'léer` quí`na', joba' lajob` Tiquí`na' dsea` guing~ ñifí` cajo ja` ni`íñ` dsee` quí`na'.

Mí` ca'e` Jesús quía' mi` jmoo` dsea` ayuno

¹⁶ Jo mi~ cangí`gui lajo, ca'e`gui Jesús e júu` la jo cajíñ`:

—Jo mi~ jmoo` 'nú' ayuno, ja` jmeáng` yaang`na' e líng`na' fí' lí` lí` laco'gui la jmoo` jaléng` dsea` i jmicaang~ e jmóor` jalé' e iing~ Fidiée~, dsu' o' já` e jmóor` lajo; co' jmoo` jaléng` i dsea` í lajo e lí` laco' nijøø` dsea` quía'r` e jmóor` ayuno. Jo dsu' jnea~ jmitaa` óo`na' e cóo~ jalé' e jmicaang~ i dsea` do, nicalí`-bre lajii~ e 'nó'r` do, jo jo` ee` ni'íng`^guir` jii~ coo` quía' Fidiée`.

¹⁷ Jo dsu' 'nú'gui, mi~ jmoo`na' ayuno, rúu`na' ní`na' jogui jmeáng`na' guíu` yaang`na', ¹⁸ jo lajoba' ja` nililí` dsea` e jmoo`na' ayuno. Jo jii~ Tiquí`na' Fidiée` i seeng` cóo~ 'nú', jii~ í`bing` i nililí` e jo, jo dsea` íb` i nicuó` 'nú' lajii~ e si'má'r` quí`na' fí ñifí` quía'r`.

*Jalé' e jlo' e sea` quía' Fidié' fí ñifí`
(Lc. 12:33-34)*

¹⁹ Jo mi~ cangî jo, ca'e'gui Jesús e júu^ la jo cajíñ'~:

—Ja` jmoo`na' e silí`na' eáang' cuu~ fí` jmigüí` la, dsuco' fí` jmigüí` la íim~ jalé' e óo` dsea` jogui seeng` cajo jaléng' guisí` i` 'léé', jogui seem` ñi` cajo i` dsitáaiñ'~ i` 'léé' fí` dsí' sinúu^ quía'~ dsea`. ²⁰ Jo guiá`guib e nijmee`na' e nilísea` quí`na' fí` ñifí` jalé' e jlo'^, co' fí` job lí` ja` seeng` jaléng' guisí` i` 'léé', o'gui dsitáang'~ jaléng' ñi` i` 'léé' cajo. ²¹ Co' lí` sea` jalé' e lí` óo`na' do, e jobi eáang' guíng~ óo`na' jóng.

*Mi~ ca'e' Jesús quía'~ coo` jì` cóo'~ e cuø' e jné' dsea`
(Lc. 11:34-36)*

²² Jo mi~ cangî jo, ca'e'gui Jesús e júu^ la jo cajíñ'~:

—Jalé' jmini` dsea` líí` la líí` coo` jì` cóo'~ e cuø' e jné'r' lacaang` fí` lí` ngír'; joba' song jlo'^ jminí`na', joba' guiáb~ jné`na' lacaang` fí` lí` ngí`na' jóng; ²³ jo dsu' song ja` dseeng` jminí`na', joba' ja` jné`na' jóng lacaang` fí` lí` ngí`na'. Jo song lajee` e jneá` røø` jminí`na' ni`uíng~ e ja` jné`na' jíí`~ capí'^, jo song lajob líí', joba' dseáng'~ nuu`guib ni`uíng~ jminí`na' jóng.

*Ja` cuøng` e guíng~ dsí' dsea` Fidié' mi~ eáang'gui guíng~ dsír' cuu`
(Lc. 16:13)*

²⁴ Jo mi~ cangî jo, ca'e'gui Jesús e júu^ la jo cajíñ'~:

—Jíí`~ jaang` dsea` quí`r~ jmií` fa' e nijmér~ ta` fí` quini` gáng~ fiir~ colíng~, dsuco' song cajméer` lajo, joba' nilí` 'ní' ním~bre jaang` jogui nijmiti~bre ta` e niquiá'~ i` jaang'gui do. Jo co' lajob líí', joba' ja` quí`r~ jmií` fa' e 'nú' nijmití`na' colíng~ jalé' ta` quíu' Fidié' jogui nijmití`na' cajo jalé' ta` seáng' jmiguiú` cuu`.

*To' fíim` Fidié' jaléng' dsea` quía'r`
(Lc. 12:22-31)*

²⁵ Jo uí'~ joba' fíi`~ i` 'nú' e ja` jmee`na' fí'í` uíi` quía'~ jalé' e u'^ cø`na' e laco' cuø' e seeng`na', o'gui quía'~ jalé' sí`na' cajo. Co' eáang'gui laniing~ e seeng` dsea` laco'gui jalé' e gø'r' do, jogui eáang'gui laniing~ ngúu' táaiñ` cajo laco'gui jalé' sí`r' e quí'r'. ²⁶ Quié`na' cuente quía'~ fíng' ta' i` ngí' fí' guíá'^ güí'; ja` e jní're' o'gui e sitíng`ne' o'gui 'mea're' jalé' e nidó`-re' fí' dsí' sinúu^ quíaa`-re'. Dsu' Tiquí' 'nú' dsea` guíng~ ñifí` hém'breiñ' do. Jogui 'nú', jeáang'gui quíng`na' laco'gui e fíng' ta'! ²⁷ Jo lajob líí' cajo, doñí` ñi` i` jmóo` fí'í` quía'~ jalé' e jo, ja` quí`r~ jmií` cajo fa' e nijmér~ e seeiñ` huøø`-gui laco'gui jíí`~ e sí'í` quía'r` fa' jialgui la lí` dsír'.

²⁸ Joba' ja` 'né` jmee`na' fí'í` quía'~ jalé' sí`na'. Co' quíe`na' cuente jial cuaang` jalé' lí' e sea` fí' jee` mó'; ja` jmóo` ta` o'gui jmiíng~ sí'^ yaang~. ²⁹ Jo dsu' jnea`gui fíi`~ i` 'nú' e jì`gui dseata` dsea` féng' Salomón do, dsea` i` eáang` sea` cuu~, dseáng'~ ja` caquíu' 'ñia'r' 'mi' e niguó'^ lí' laco'gui la niguó'^ coo` lí'. ³⁰ Jo song Fidié' jmóor` e eáang` niguó'^ sí'^ jalé' lí' e sea` lacaang` fí' jee` mó', jo dsu' lajee` cateá'ba' e ee` e jlo'^ do, co' dsa'ó` iéé' fí' ní` jib` nidsitóo'~, jo dsu' jeáang'guib nijmé` Fidié' í' 'nú' laco'gui e lí' do, 'nú' dsea` i` ja` 'ga' lí' já' líng` e tíng` Fidié' jmér~ lí'^ doñí' ee'! ³¹ Joba' 'nú' ja` 'né` jmee`na' fí'í` e fo`na': “¿E~ niquíee`naa'? osi ¿E~ ni`né`naa'? osi fo`bñí' é ¿E~ 'mi' niquí`naa'?” ³² Co' jaléng' dsea` i` ja` cuíng` Fidié'bing' i` jmóo` fí'í` quía'~ jalé' e lajo. Jo dsu' 'nú', seem` jaang` Tiquí`na' i` guíng~ ñifí`, jo í'bing' i` niñi' e 'né`na' jalé' e jo. ³³ Co' e laba' 'né` e jmee`na'; la`uíi` e nijmi'úung`na' e seeng`na' e Fidié' quier` nifí' quí`na', jogui e jmoo`na' dseáng'~ lajíí`~ ta` quíu'bre cajo, co' lajoba' e nicuø'r` 'nú' jalé' e 'né`na'. ³⁴ Joba' ja` 'né` jmee`na' fí'í` quía'~ jalé' e

nidsijéé' quíi~na' e jmíi~ dsa'ó', cō' dsa'ó' jíé'gui e líi' quíi~na'. Dsūco' nitéb' jii'~ fi'í' dsíi' e sea`lacoō' jmíi~.

7

Ja`cuø'na' dsee~ dsea`rúng'na'

(Lc. 6:37-38, 41-42)

¹ Jō lalab cajíng'~ gui Jesús:

—Ja`cuø'na' dsee~ jaléng' dsea`rúng'na', jō lajōba' ja`nicuø'~ Fidiéé' 'ná' dsee~ cajo. ² Dsūco' Fidiéé' nicuø'r~ 'nú' dsee~ lí' laco'gui la cuø' 'nú' dsee~ jaléng' dsea`rúng'na'; jogui jial tíi' dsee~ e cuø' 'nú' dsea`rúng'na', jōba' lajōb nicuø'~ Fidiéé' 'nú' dsee~ cajo. ³ Jōba' ¿jialí' ca`cuente lajii'~ quíi' iá~ jminí' jaang` dsea`rún', jogui ja`ca`cuente uø' e jíé' ja`latøøng~ cōō' 'mab` iá~ jminí'?' ⁴ Jō song latøøng~ cōō' 'mab` iá~ jminí' uø', jōba' ¿jial niteá' o' e nifí' jaang` dsea`rún': "Rú'uu', nea`du ne'ee', jō nigui`duu e quíi' iá~ jminí'?" ⁵ ¡jmicang~ 'nú'! Jang'~ gui`du e 'ma` e iá~ jminí' uø', jō lajoguib' nicuøøng` e jøø' guiá~ e nigui' e quíi' e iá~ jminí' i dsea`rún' do.

⁶ Ja`cuø'na' jalé' e güeang' quiá'~ Fidiéé' jaléng' dsea`'líng' i soo` dsíi', dsūco' i dsea`la'í líiñ' la líng' dsii' osi la líng' cú' é, e niso'ø'bre' jalé' e güeang' quiá'~ Fidiéé' do, jogui dseáam'~ e nilí' 'ní' níiñ' 'nú' jogui e nijmeáiñ' 'nú' ga` cajo.

Míi'na' Fidiéé' jalé' e 'né'na' jō nicuø'bre

(Lc. 11:9-13; 6:31)

⁷ Jō mí' cangí jō, lalab cajíng'~ gui Jesús:

—Míi'na' Fidiéé' jalé' e 'né'na', jō nicuø'bre; jogui mí' 'nó'na', niguié'ba' jalé' e 'nó'na' do; jogui mí' tø'na' fí' o'nú', jōba' nineab' e 'nú' do. ⁸ Dsūco' ii' dsea` i mí' Fidiéé' jalé' e 'né', ngím`bre; jogui ii' dsea` i 'nó', dsé'bre e 'nó'r' do; jogui ii' dsea` i tø' fí' cōō' o'nú', nineab' e 'nú' do.

⁹ Jō jnea` lí' dsii' e jii'~ jaang` 'nú', dsea`seeng` jaléng' jōō'na', e mí' nimí'r~ 'nú' ir~, nicuø'na'r cuu~; ¹⁰ osi mí' nimí'r~ 'nú' capí' ngúu' 'ñá', jō nicuø'na'r ngúu' mí'. ¹¹ Jō 'nú', dsea`jmoo'na' jalé' e 'lí', tii'm`ba' cuø'na' jaléng' jōō'na' jalé' e guiá~, jō dsu' eáang`gui`b jlo' jalé' e nicuø' Tiquíi'na' Fidiéé' dsea`guiing` ñifí' mí' nimí'naa'r.

¹² Jō lajōb líi', jōba' jmee~na' jmang'~ e guiá~ cōō'~ jaléng' dsea`rúng'na' lí' laco'gui iing`na' e nijmé~ dsea`cōō'~ 'nú'; cō' lajōb ta` quíi' júu' quíi' ta` quiá'~ Fidiéé', jogui lajōb' fé' fí' ní' jii' quiá'~ jaléng' dsea` i café' cuaiñ` quiá'~ Fidiéé' malíi'gui eáang'.

Mí' ca'e' Jesús quiá'~ e o'nú' e dsu'

(Lc. 13:24)

¹³ Jō mí' cangí jō, ca'e'gui Jesús e júu' la jō cajíi'~:

—Güitáng'na' fí' o'nú' e dsu'. Dsūco' e fí' o'nú' e ú' cōō'~gui fí' guiá' fí' e ú', fí' jōb lí' dsitáng'~ fíng'gui dsea` i niteáang'~ fí' e ngolíng' fí' lí' 'lí'; ¹⁴ dsu' e o'nú' jogui e fí' e ngo' fí' lí' guiá~, dsuub` jogui huím' eáang' cajo, jōba' ja`leáang~ dsea` i dsilíng' fí' jō.

Jalé' 'ma' ofii' cuíi' dsea`la'eáang' cōō'~ ofii' e íb'

(Lc. 6:43-44)

¹⁵ Jō fii'guí' 'nú' e júu' la: Ñiing` óo'na' cōō'~ jaléng' dsea` i jmicang~ e er' júu' quiá'~ Fidiéé', dsu' o' jalé' e júu' e fé'r' do. Jō mí' ngír' fí' jee' 'nú', jnéiñ` lí' caluu' la jnéeng~ dsea`guiúng~ i cúing' Fidiéé', jō dsu' caníing~ jii' e 'lé'bre í' dsíir' fí' dsíi'. ¹⁶ Jō cōō'~ jalé' e jmóob` i dsea`la'í cuøøng` jmicuíng`na'r. Jō lajōb líi' cajo, 'nú' lí'na' jmicuí'na' cōō' 'ma' ofii' la'eáang'

cóo' ofii e íb; dsuco' coo' 'matóo' ja' cuóøng' fa' e ni'í' mí' huing' jó' yá', o'gui coo' 'matóo' fi' ja' cuóøng' fa' e ni'í' güiñí' yá'. ¹⁷ Jo lajob jalé' 'ma' ofii e guiá-, jmang' ofii e guiáb- cuø; jo dsu' e 'ma' ofii e ja' dseeng', ja' dseeng' jalé' ofii e cuø. ¹⁸ Jo lajob jalé' 'ma' ofii e guiá-, ja' cuóøng' fa' e nicuø' ofii e ja' dseeng'; jogui jalé' 'ma' ofii e ja' dseeng', ja' cuóøng' fa' e nicuø' ofii e guiá-. ¹⁹ Jo nihuíb' jalé' 'ma' ofii e ja' cuø' ofii e guiá- jo fi' ni' jib' nidsitoo'. ²⁰ Jo co' lajob lí', joba' cóo' jalé' e jmóob' i dsea' i jmicaang' e er' júu' quia' Fidié' do lí' na' jmicuíng' na'r.

Ja' lajüing' dsea' lí'r' e Fidié' nicá' nifi' quia'r' lata~
(Lc. 13:25-27)

²¹ Jo mi' cangí jo, cajíng' gui Jesús e júu' la:

—Ja' lajüing' dsea' i sí' jnea~: “Fíi'i, Fíi'i”, nilí'r' e Fidié' nicá' nifi' quia'r' lata~, dsu' i dsea' i nijmé- jalé' e iing' Tiquié' e dsea' guing' ñifi', jii' íbing' i nilí' e jo. ²² Jo mi' nití- e í' jo mi' niquidsí Fidié' í' quia'~ lajaléng' dsea' jmigüí, fíim' dsea' nisí'r' jnea~ ie~ jo: “Fíi'i, Fíi'i, jnea' café' naa' júu' quíi' la'eáang' 'nu', jogui la'eáang' 'nu' ca'uóøng' naa' jaléng' i 'ling' i jée' quia'~ dsea', jo jmiguiab' jalé' e quíi'~ jmü~ e dsigá' dsí' dsea' cajmó' naa' la'eáang' 'nu' cajo.” ²³ Dsu' jnea~ ningü- quia'~ i dsea' í' ie~ jo: “Jéeng' na' fi' lí' sín' n la; jo güilíng' na' lí' do, co' dseáng' ja' calicuím' baa' 'nú', dsea' i sitíng' 'lée'!”

Mi' ca'e' Jesús quia'~ laji' tú- tü- fii'
(Mr. 1:22; Lc. 6:47-49)

²⁴ Joba' fii- güí 'nú' e jaléng' dsea' i núu' jogui jmóor' lajii' ta~ quia'~ líiñ' laco' jaang' dsea' i í' dsí' guiá- jalé' e nijmér-. Jo i dsea' í' cajme'r' 'nur~, jo ab' tíi- fii' catá'r- quia'~ e 'núu' do. ²⁵ Jo mi' cajá- jmí' dsiing' jo cacuáng- jalé' gua' jo dsíng' caquiá' guí' fi' lí' si' e 'núu' do, dsu' e 'núu' do ja' caqui'~, co' ab' ía~ tíi- fii' quia'~. ²⁶ Jo dsu' i dsea' i lico' núu' júu' quie' e jo ja' jmóor' lajii' ta~ quia'~ u, joba' i dsea' í' líiñ' laco' jaang' dsea' i ja' í' dsí' guiá- e nijmér-. Jo cajme'r' 'nur~, dsu' ja' catá'r- tíi- fii' quia'~ e 'núu' do. ²⁷ Joba' mi' cajá- jmí' dsiing' jo cacuáng- jalé' gua' jogui dsíng' ca'í' guí, joba' caquiá' e 'núu' do, jo dseáng' conguiab' ca'íng- quia'~ i dsea' í'.

²⁸ Jo mi' calí- fé' Jesús jalé' e júu' na, lajüim' dsea' i siseáng' do dsíng' cangogá' dsír' laco' e' dsea' do, ²⁹ dsuco' dsíng' 'gøng' jalé' júu' quia'r- jogui dsíng' tíiñ' er' cajo, co' ja' er' laco' e' i tifa' quia'~ júu' quia' ta~ quia'~ dsea' Israel.

8

Mi' cajmi' leáang- Jesús jaang' dsea' i lüing' jmohuí' 'lí' fi' ngúu' táang'
(Mr. 1:40-45; Lc. 5:12-16)

¹ Jo mi' cangí jo, cajgám- Jesús e fi' yá' mó' do, jo fíim' dsea' ngolíng- caluur' laco' ngóor'. ² Jo lajee' job cangoquiéng' jaang' dseañu' i nilíng' jmohuí' 'lí' fi' ngúu' táang' fi' quini' Jesús, jo casí'r' uø- jnir- fi' quini' dsea' do jo cajíñ' casí'- reiñ':

—Fíi'i, cuóøm' lí' jmi' leáan' jnea~ lajii'~ jmohuí' e lín' n song iin' lajo.

³ Joba' Jesús cagüiñ' capí' dsea' do jo cajíñ' casí'- reiñ':

—Íim' baa' jmi' leáan' n 'nu', jo lana ca' láam- ba' lajii'~ jmohuí' e lín'.

Jo dsifi' lajob ca' láang- i dsea' dsée' do lajii'~ jmohuí' líiñ'.

⁴ Joba' Jesús casí'- guir dsea' do jo cajíñ'~:

—Ja' fi' jii'~ jaang' lajii'~ e cajmé- e cóo' 'nu', lico' gua' güijéeng' uø' fi' quini' jmidsea' e laco' niliñí' i jmidsea' do e nica' láam- ba' lajii'~ jmohuí' e lamí' lín'. Jo mi' nilí' jo, joba' güica~ lajii'~ e feá' e 'né- cuø' Fidié' lí' laco' gui

e ta~ e caquiua' Moi~ ie~ malii~gui do. Jo e job cuø' li~ fi' quini~ jaléng' dsea` e nica'laám~ba' lajii'~ jmohuí' e lami~ lin'.

Mi~ cajmi'leáng~ Jesús jaang` dsea` 'léeng' quiá'- jaang` fi~ 'lée- romano
(Lc. 7:1-10)

⁵ Jo mi~ cangî jo, caguiéng'- Jesús fi' Capernaum, jo fi' jo jaang` fi~ 'lée- romano cangoquíeeiñ' fi' li~ ngang' dsea` do jo camí'r' dsea` do jmi'lee~ ⁶ jo casí'-reiñ':

—Fíi'i, dob ráang` dsea` 'léeng'~ quié~e dsée'r~ fi' quié~e, jo jii'~ ja lí jí'~ jóiñ' jogui dsím'- cu' líiñ' cajo.

⁷ Joba' cañí' Jesús jo casí'-reiñ':

—Nii~baa nijmi'leáan^ nre.

⁸ Joba' cañí' i fi~ 'lée- do quiá'- Jesús jo casí'-reiñ':

—Fíi'i, ja catíng~ jnea~ e nu' ni'ú'~ fi' dsí' sinúu^ quié~e; lico' fée'~ e ni'leáng~ i dsea` 'léeng'~ quié~e do, joba' lajob nil' jóng. ⁹ Dsucó' seem` dsea` i teáng~ nifi'gui i quiá' ta~ quié~e, jogui seem` 'lée- i quiá'~ ta~ cajo. Jo mi~ fíi~ jaang` 'lée- quié~e e dsér~, joba' dsé~bre jóng; jogui mi~ fíi~ jaang`gui e jáar', joba' jáa'bre jóng; jogui mi~ fíi~ dsea` 'léeng'~ quié~e e líng~ e jmér~, joba' jmóo'bre cajo.

¹⁰ Jo mi~ canúu~ Jesús e júu^ na, eáam' cangogá` dsíir' jo cajíñ'- casí'r~ jaléng' i dsea` i ngolíng~ cóo'r~ do:

—E já'~ e fíi~ 'nú' e jíi'~ coo' ya' ja mi' cajín'n jaang` dsea` góo`o dsea` Israel i dseáng' já'~ líng' júu^ quié~e lí' lacó'gui la líng' i fi~ 'lée- romano na. ¹¹ Jo fíi~ 'nú' e jmiguiab' íng'~ lí~ nijalíng~ fíng' dsea` i ja líng' dsea` Israel jo nigúeár' e nidó'r~ cóo'~ jaléng' 'lí~ dsea` cóong'~ qui~ii' i sii' Abraham jogui Isáa' cóo'~ gui Jacóo^ mi~ tí lí nití- í' e nicá' Fidié~ nifi' quiá'- lajaléng' dsea` jmigúí. ¹² Jo dsu' Fidié~ nibíim~bre fi' caluu' fi' lí nuu' só' fíng' dsea` Israel i lami~ sí'í' catíng~ seeng' cóo'r' fi' lí guiá' fi' lí quiá'r' ta~, jo i dsea` í' dob nijeár~ qui'r' jogui tar' majar~ uíi'~ jalé' iihuú' e ni'íñ' do.

¹³ Jo lí jo, Jesús casí'-guir i fi~ 'lée- romano do jo cajíñ'-:

—Guøng' fi' quií'- jo güilitib~ lajii'~ ta~ cañí', co' jáb'- nicalín'- júu^ quié~e.

Jo dsifi' lajob ca'laáng~ i dsea` 'léeng'~ quiá'- i fi~ 'lée- romano do.

Mi~ cajmi'leáng~ Jesús iemisé^ Tú^ Simón
(Mr. 1:29-31; Lc. 4:38-39)

¹⁴ Jo mi~ cangî jo, Jesús cangór~ fi' quiá'- Tú^ Simón. Jo mi~ caguiér~ fi' jo, dob ráang` iemisé^ Tú^ Simón e dsíng'~ iu~ guíiñ'. ¹⁵ Jo Jesús cagüi'r' guoo' i dseamî do, jo dsifi' lajob caguá~ e iu~ guíiñ' do. Jo mi~ cangî jo, i dseamî do caróor~ jo cajméer' e cagóob' jaléng' i dsea` do.

Mi~ cajmi'leáng~ Jesús fíng' dsea` dsée'~
(Mr. 1:32-34; Lc. 4:40-41)

¹⁶ Jo mi~ canuu~ lajo, fíim' dsea` caguilíiñ~ fi' lí guíng~ Jesús e jéeiñ` jaléng' dsea` i teáng'~ i líng' dsíi'; jo cóo'~ 'ñia' camí'^ júu^ e fé' Jesús, uøøm' jaléng' i líng' i teáng' dsíi' dsea`, jogui 'laám~bi lajaléng' dsea` dsée'~ la'eáang' cóo'~ e júu^ jo cajo. ¹⁷ Jo cangojée' e la e laco' caliti~ jalé' júu^ e cajíng'~ jaang` dsea` i café' cuaiñ~ quiá'- Fidié~ malii~gui eáang' i calisí' Saíi' mi~ cajíñ'- lala: "Íbre ca'íñ' jalé' iihuú' qui~naa' jogui cacór~ jalé' jmohuí' e lí'naa' cajo."

Jaléng' dsea` i iing~ dsilíng~ cóo'~ Jesús
(Lc. 9:57-62)

¹⁸ Jo mi~ cangî jo, cangá~ Jesús e dsíng'~ fíng' dsea` caseáng' fi' lacúng' lajíng' lí siñ', joba' caquiua'r' ta~ dsea` quiá'r~ e níngíiñ~ fi' lí 'ngóo' cataang' e

guiéé do. ¹⁹ Jo lajee job, cangoquiéeng' fí lí siñ' jaang' tifa' quíá' júú quiá' ta' quíá' dsea' Israel jo cajíñ' casí'r- dsea' do lala:

—Tifa', iim~baa nii~i cóo'~ 'nu' lí^ doñí' jié' fí guó'.

²⁰ Joba' cañí' Jesús quíá'~ i dseañu' do jo casí'~ reiñ':

—Jaléng' güí' seab' too' lí güing'ne', jo lajobi jaléng' ta' seab' sii~re' cajo; dsu' jnea~, dsea' gáa'a fí ñiff- e lán'n jaang' dsea' jmigüí, jii' lí quiee~e moguii- ja' sea'.

²¹ Jo mi~ cangf' jo, jaang' lajee~ i dsea' quíá'~ Jesús do casí'~ ír' lala jo cajíñ':

—Fíi'i, cuóø'~ jnea~ fí' jang'~ ni'áan'n tiquié'e, jo mi~ ningf' jo, joguiba' ninii~i cóo'~ 'nu'.

²² Joba' lalab cañí' Jesús quíá'~ i dsea' do jo casí'~ reiñ':

—Nea~ cóo'~ jnea~ lana jo cuó' fí' e jaléng' i dsea' i líng' lafa' 'líng~ ni'áaiñ~ tiquíi' mi' nití' oor~ quíá'r-.

Mí' cajmé' Jesús e ca'uáang- e róo- jmii' jogui ca'uáang- e í' guí'

(Mr. 4:35-41; Lc. 8:22-25)

²³ Jo mi~ cangf' jo, ca'ib- Jesús fí' cóo' dsí' móo' colíng~ cóo'~ jaléng' dsea' guitúung' quíá'r-. ²⁴ Jo lajee~ guiáang'~ e ningolíñ- ni' jmii'b' mi~ canaang' í' guí' la huíng' jogui canaang' e róo- jmii' cajo, jo mifíng' ninaang' dsi'ab~ jmii' fí' dsí' e móo' do. Jo lajee~ jo, güim' Jesús ngóor'. ²⁵ Joba' i dsea' quíá'r- do cañíim~bre dsea' do jo cajíñ' casí'~ reiñ':

—Fíi'ii', leaang- jneaa~aa', co' ningóo' dsi'am'baa'.

²⁶ Joba' cañí' Jesús quíá'~ i dsea' do jo casí'~ reiñ':

—¿Jialí' dsíng'~ 'gó'na'? Jo ¿jialí' ja' 'ga' lí' já' líng'na' e jnea~ quíi'~i jmii' e nijmee~e lí^ doñí' ee'?

Jo mi~ calí' fé'r' lana, jo caráaiñ- jo caquiur' ta~ e guí' do cóo'~gui e jmii' do, jo dsifí' lajob caquiung' e í' guí' jogui caquium'bi e róo- jmii' cajo, jo tiib- ca'f'. ²⁷ Jo dsíng'~ cangogá' dsí' i dsea' quíá'r- do mi~ cangár- lado, jo canaaiñ' jmíngí'~ rúíñ' lajee~ la'ó' yaaiñ~:

—¿I' guí' i dseañu' na e quiur' ta~ jo núu'~ jalé' guí' cóo'~ jalé' jmii' júú' quíá'r-?

Dsea' i seeng' fí' Gadara i niteáang' i 'líng' dsí'

(Mr. 5:1-20; Lc. 8:26-39)

²⁸ Jo mi~ tí' lí' caguié- Jesús fí' lí^ lí' ngóo'~ cataang' e guiéé do e fí' guóo'~ uó' lí' se' Gadara, jo fí' codsii' ca'uóøng' gáng- dsea' i niteáang' i 'líng' dsí' jo cangoquiéeiñ' fí' lí' sing' Jesús. Jo eám' soo' dsíiñ' do e jii'~ jaang' dsea' cuóøng' lí' ngíñ- e fí' jo. ²⁹ Jo lalab canaaiñ- do áiñ' Jesús:

—Ja' jmiguín'^ jnea'^, Jesús, co' ne~baa' guíá- e 'nub' dseáng'~ lín' Jóo' Fidiéé. Jo ¿su cañí' e ñicuóø'~ jnea'^ iihuí' e jii'~ ja' mí' catí' í' lajo?

³⁰ Jo e quíá'~ job nitaang~ i fíng' cú' i taang~ ta~ gø'. ³¹ Jo i 'líng' do camí'r' jmí'ee~ Jesús jo casí'r- dsea' do lala:

—Song ni'uóøñ- jnea'^ lí' téé'~naa' la, cuóø'~ jnea'^ fí' e nidsitoo'~naa' fí' dsí' i cú' i taang~ do.

³² Joba' lalab cañí' Jesús jo casí'~ reiñ' do:

—Güilíng-na' güitáang'~na' fí' jo.

Jo ladsifí' lajob ca'uóøm' i 'líng' do fí' dsí' i dsea' do jo cangotáaiñ' fí' dsí' i cú' i nitaang~ do. Jo dsifí' lajob canaang' i cú' do cuii're' cartí' cajiung' yaang~ne' fí' dse' jiáa', jo casojiung'ne' fí' dsí' jmí' jo fí' job cajgó're' jmii'.

³³ Jo i dsea' i nijmóo' í' i cú' do cacuíi'bre cangolíñ' fí' jee~ fii'. Jo mi~ caguiiñ' fí' jo, canaaiñ' guiar' júú' quíá'~ lajii'~ e calí' do cóo'~ i dsea' i teáang'~ i 'líng' dsí' do. ³⁴ Joba' lajim' i dsea' i seeng' e fii' do cangolíñ- fí' lí' táang'

Jesús. Jo mi~ cangáin~ dsea` do, jo camí`reín! jmi`ee` fa' e nigüi`lib' dsea` do e fi' guóol~ uø- li~ táain` do.

9

Mi~ cajmi`leáng- Jesús jaang` dsea` i caang` tñ-
(Mr. 2:1-12; Lc. 5:17-26)

¹ Jo mi~ cangí jo, cajgóob~ tu Jesús fi' dsíi' coo` móo' jo cangáin~ fi' lí- 'ngóol~ cataang` e guiéé' do jo caguiém'-tur fi' fi~ li~ guiiñ~. ² Jo mi~ caguiéin~ fi' jo, jo caguiling~ dsea` i jéeng` jaang` dsea` i caang` tñ- i dsíing~ ni~ coo` 'ma' e silíng~. Jo mi~ cangá- Jesús e jo, jo co' niñi`bre e jáb'- líng` jaléng` i dsea` do júu^ quiá'r~, joba' lalab casí'r- i dsea` dsée'~ do:

—Jóo'o, cuø bî uø', co' lana nica'ím- dsee- quíi'~.

³ Jo ie~ jo dob niteáng- tú- 'ni' mánng~ tifa' quiá'- júu^ quiá' ta~ quiá'- dsea` Israel. Jo mi~ canúur- e cajíng'- Jesús lajo, joba' ca'í dsíir' lala: “Lajíi~ e nicajíng' i dseañu' na, gab` fé'r' uii~ quiá'- Fidiéé~.”

⁴ Jo co' ñib' Jesús lajii~ e í dsíi' i dsea` do, joba' cajmingi`reín' do lala:

—¿Jialí' jmang' e ga'ba' í óo' 'nú'? ⁵ ¿E~ e líng-na' e ja`gui huíng' e nife`ee', su e “Ni'ím~baa dsee- quíi'~”, osi e nifé'naa' é: “Ráan'- jo ngi~”? ⁶ Jo dsu' lana jnea~ ni`ée^ e 'nú' e jneab~ dsea` cagáa' fi' ñiff- e lín'n jaang` dsea` jmigüi' jo oo~baa ta~ fi' jmigüi' la e ni'ín~n dsee- quíá'- dsea`.

Joba' casí'- Jesús i dsea` caang~ tñ- do jo cajíiñ'-:

—Ráan'- jo sée'~ lí~ ráan' jo guøng' fi' quíi'~.

⁷ Jo dsifí lajob caráang- i dseañu' do jo cangám'-bre fi' quiá'r-. ⁸ Jo mi~ cangá- i dsea` i teáng- do e ca'láam- i dsea` dsée'~ do, dsíng'- cangogá' dsíir'. Jo lajim~bre canaain~ jmiféin' Fidiéé~ dsuco' dsea` do cacuø'r' dsea` jmigüi' jalé' e quíiñ~ jmí do.

Mi~ catø'- Jesús jaang` dseañu' i sii` Mateo
(Mr. 2:13-17; Lc. 5:27-32)

⁹ Jo mi~ cangí jo, cagüi`í' Jesús e fi' fi~ li~ guiiñ~ do. Jo lajee` ngóor' guiá' fib' cangáin~ jaang` dseañu' i sii' Mateo i niguiing~ mí cuu- e catíng- dseata~ i guiing~ fi' Roma. Joba' lalab casí'- Jesús i dseañu' í jo cajíiñ'-:

—Mateo, nea~ cóo'~ jnea~.

Joba' caróob- Mateo e li~ niguiiñ~ do jo cangó-bre cóo'~ Jesús.

¹⁰ Jo mi~ cangí jo, e jmí~ job cagó' Jesús fi' quiá'- Mateo. Jo lajee` guiiñ~ gø'r' colíng~ cóo'~ jaléng` dsea` quiá'r~, caguiling~ i fíng' nodsicuu- i jmóo` ta~ cóo'~ i Mateo do cóo'~ gui jaléng` dsea` i sea` júu^ e dsíng'- røøiñ` dsee-, jo caguár` colíng~ cóo'~ Jesús e cagó'r' ni~ mes~ li~ guing~ dsea` do. ¹¹ Jo mi~ cangá- tú- 'ni' mánng~ dsea` Israel i líng` dsea` fariseo e guing~ Jesús gø'r' cóo'~ i dsea` do, joba' i dsea` fariseo do cajmingi`r- dsea` quiá'- Jesús jo cajíiñ'-:

—¿Jialí' gø' tifa' quíi'-na' cóo'~ jaléng` nodsicuu- jogui cóo'~ dsea` i sea` júu^ e dsíng'- røøiñ` dsee-?

¹² Jo nicanúub- Jesús lajii~ e cajíng'- i dsea` do, joba' lalab cañíir` quiáin~ do jo casí'-reín':

—Jaléng` dsea` i guiúng- ja` 'neáin~ timí', dsu' 'neám- jaléng` dsea` dsée'~.

¹³ Güilíng-na' jo güijmitíng-na' e júu^ la e fé' Fidiéé' fi' ni~ jì quiá'r-: “Jnea~ Fidiéé' iin~n e 'nú' nifí- líng-na' jaléng` dsea` rúng`na', jo o' lico' cuø'na' feá'- fi' quinií-.” Jo jnea~ fi~ i 'nú' e ja` cagá-a fi' jmigüi' la fa' e caga'nén'n jaléng` dsea` i ée` guiá~, dsuco' jnea~ caga'nén'n jaléng` dsea` dsee- dsea` quib'.

Mi~ cajmingi`- dsea` Jesús cuaiñ~ quiá'- ayuno
(Mr. 2:18-22; Lc. 5:33-39)

14 Jo cōo` jmiĩ cangoquiéeng` jaléng` dsea` quiá` i Juan i seáang` dsea` jmiĩ do fí` lí` sing` Jesús jo cajmingi`r` dsea` do lala:

—Jnea` colíng` cōo` jaléng` dsea` góo`naa` dsea` Israel i líng` dsea` fariseo contøom` jmoo`naa` ayuno, jo çjali` jaléng` dsea` quí` 'na` ja` jmóor` lajo?

15 Jōba' cañí` Jesús quiá` i dsea` do jo casí`-reñ`:

—Ja` cuóøng` nijmé` ayuno jaléng` dsea` i simíng` quiá` cōo` lí` cung` guoo` dsea` lajee` seeng` i siming` i cung` guo` do cōo`r`. Jo dsu` niguiéeb` jmiĩ mĩ nisáng` dsea` i siming` do, joguiba' nijmé` ayuno jaléng` i dsea` do.

16 Jo jiĩ` jaang` dsea` to`r` cōo` 'mi` e yúu` cōo` ca`ná` 'mi` e 'miĩ, dsuco` song cajméer` lajo, jōba' nijóm` e 'mi` 'miĩ do jogui` ni`guí`bi e 'mi` yúu` do cajo, jōba' lí` lí` jmigui`gui` ni`guí`b` jóng. 17 Jo lajōbi cajo ja` guié` dsea` méé` e laco` gui`ná` có` fí` cōo` dsí` loo` jó` e yúu`, dsuco` song cajméer` lajo, jōba' ni`guí`ba' do jo nidsi`íib` e méé` do jogui` ni`ím` e loo` jó` do cajo. Jo cō` lajōb lí`, jōba' guiá`-gui e niguié` dsea` e méé` laco` gui`ná` có` do fí` cōo` dsí` loo` jó` e 'miĩb`, jo lajōba' ja` dseáang` fa` e ni`guí` e loo` jó` do o`gui` fa` e nidsi`í` e méé` do cajo.

Mĩ cajmi`leáang` Jesús jōo` Jairo

(Mr. 5:21-43; Lc. 8:40-56)

18 Jo lajee` sing` Jesús e gui`ná` sím`bir cōo` i dsea` i caguilíng` jmingí` do, mĩ caguié` jaang` fii` féng` quiá` dsea` Israel i sii` Jairo fí` lí` sing` dsea` do. Jo casí`r` uo` jnir` fí` quini` dsea` do jo casí`-reñ`:

—Tifa`, 'micú` nabí cajúng` jaang` simí` quié`e; jo fa` nijgiéé` o` guó` güiquidsi` guoo` fí` moguir` jo nijib`tur.

19 Jo dsifib` cangó` Jesús fí` jo colíng` cōo` i dsea` quiá`r` do. 20 Jo lajee` e iuuiñ` fí` ngóobre mĩ cangoquiéeng` jaang` dseamí` lí` caluur` i nilíng` jmohuí` e tuuiñ` lajiĩ` níngoo` mí` guitu` jiĩ. Jo i dseamí` do catíiñ` capí` 'ni` sí` dsea` do; 21 cō` í` dsír` e fa` capí`b` sí` dsea` do catíiñ`, jōba' ni`leám`bre lajiĩ` jmohuí` e líiñ`. 22 Jo dsifí` mĩ cajméé` i dseamí` do lajo, caji` Jesús nir` fí` caluur` jo cangáñ` i dseamí` i catíng` sí`r` do jo casí`-reñ`:

—Cuóø` bí` uo`, jōo`o; nica`láam`ba' lajiĩ` jmohuí` e lamí` lin` uí` e jáb` calín` júu` quié`e.

Jo ladsifí` lajōb ca`láang` i dseamí` do lajiĩ` jmohuí` e líiñ`.

23 Jo mĩ tí` lí` caguié` Jesús fí` quiá` i fii` féng` quiá` dsea` Israel do, cangár` e niteáang` dseati` jíuur` lúu` quiá` 'líi` cō` tí` lí` ni`ám` i simí` 'líi` do, jogui` jaléng` dsea` eáang` niteáaiñ` ta` qui` óo`. 24 Jōba' caquiú` Jesús ta` quiá` jaléng` i dsea` do jo casí`-reñ`:

—Uøøng`na` lajiĩng`na` e la, cō` ja` 'líi`ng` i simí` na, cō` líco` güim`bre.

Dsu` mĩ canúu` jaléng` i dsea` do lajo, líco` cangím`bre Jesús, 25 dsu` Jesús ca`uøøm`bre jaléng` i dsea` do fí` lí` teáaiñ`. Jo mĩ cangí` jo, ca`lí`bre fí` dsí` sínúu` jo mifíng` catíiñ` guoo` i simí` 'líi` do, jo dsifí` lajōb caráaiñ` do. 26 Jo latøom` lí` se` Galilea cani` júu` quiá`-lajiĩ` e calí` do ie` jmiĩ jo.

Mĩ cajmi`leáang` Jesús gáng` dsea` tiuung`

27 Jo mĩ cangí` e cajmijí` Jesús i simí` 'líi` do, cagüi`í` dsea` do fí` jo; jo lajee` ngóor` fí` guiá` fí`, cangoquiéeng` gáng` dsea` tiuung` fí` lí` ngóor`, jo i dsea` í` áiñ` Jesús lala:

—ífĩ` güilín` jnea`, Jōo` dseata` Daví`!

28 Jo mĩ tí` lí` caguié` Jesús fí` cōo` lí` sí` 'núu`, jo ca`lí`bre fí` dsí`, jo cangotáam`bi i dsea` tiuung` do fí` jo cajo, jo Jesús cajmingi`r` dsea` do:

—¿Su` já` líng` 'nú` e quí`-baa` jmiĩ` jmee` e e nilijné`tu`?

Jōba' cañíñ` do:

—Dseáng' jáb' lí'naa', Fí'ii'.

²⁹ Jo dsifib' cagüi' Jesús jminiñ' do jo casí' reiñ':

—Nijmee'baa e nilijné'tu', co' jáb' calíng'na' e quí'baa jmiñ'.

³⁰ Jo dsifib' cana' jmini' i dsea' gáng' do. Dsu' Jesús ca'ír' 'goo' quiáiñ' do e ja' ii' nisíñ' jii' jaang' quiá' lajii' e calí' do. ³¹ Dsu' i dsea' do, jobi lico' nica'uøøiñ' fí' lí' si' e 'nú' do mi' canaaiñ' ni'r' júu' fí' lacaang' fi' e née' lí' se' Galilea quiá' lajii' e cajmée' Jesús cóo' ír' do.

Mi' cajmi'leáang' Jesús jaang' dsea' i ja' fé'

³² Jo lajee' e uøøng' i dsea' gáng' i lami' tiuung' do, jo lajee' jo, tú' 'ni' máng' dsea' cangojéiñ' fí' quini' Jesús jaang' dsea' i ja' fé' uí' e iuung' i 'líng' dsíir'.

³³ Jo mi' calí' e cajmihuíng' Jesús i 'líng' i iuung' dsíi' i dsea' i ja' fé' do, joguiba' canaaiñ' do café'r'. Jo jaléng' dsea' i siseáng' do ie' jo dsíng' cangogá' dsíir' jo fé'r' lala:

—Dseáng' jii' coo' ya' ja' mí' cane'ee' fí' góo'naa' Israel lajii' e nicalí' na jmiñ' na.

³⁴ Jo dsu' jaléng' dsea' Israel i líng' dsea' fariseo i siseáng' do ie' jo fé'r' lala:

—La'eáang' cóo' bí' quiá' fi' i 'líng' ba' tñng' i dseañu' na e jmihuíñ' i 'líng' i teáang' dsíi' dsea'.

Eáam' fí' líng' Jesús jaléng' dsea'

³⁵ Jo mi' cangí' jo, cangí' Jesús lacaang' jalé' fi' fé' cóo' gui jalé' fi' pí' e er' júu' quiá' Fidié' fí' laco' lí' té' guá' quiá' dsea' góor' dsea' Israel. Jogui guiar' júu' e nijaquíem'ba' e nicá' dsea' do nifí' quiá' lajaang' lajaang' dsea' jmigüi', jogui jmi'leáaiñ' jaléng' dsea' i líng' lí' doñí' ee' jmohuí' osi lí' doñí' jié' lí' cu' quiáiñ' é.

³⁶ Jo mi' cangáng' Jesús i dsea' 'leáang' i siseáng' do ie' jo, eáam' calí' fí' líng' neiñ', co' dsíng' jmiquíng' dsíñ' do jogui dsíng' ljiuung' dsíñ' cajo. Co' líiñ' do laco' líng' jaléng' jo'se' mi' ja' seeng' fi' re' i quie' nifí' quiáa' re'.

³⁷ Joba' cajíng' Jesús casí'r' jaléng' i dsea' quiá'r' do lala:

—E já' e dsíng' fíng' jaléng' dsea' i iing' nijmicuíng' jnea~, dsu' ja' ii' 'ga' lí' dsea' seeng' i niguiá' júu' quie' e. ³⁸ Joba' 'né' nimí' 'nú' Fidié' e nicuøng' guir dsea' i niguiá' jalé' júu' quie' e, jo e jo lí' lafa' mi' caroo' jalé' e cajní' jaang' dsea' jo dsu' jo ii' 'ga' lí' seeng' i nijmicóo' quiá'r' e ni' ta' do.

10

Mi' cagúing' Jesús dsea' guitúung' quiá'r'

(Mr. 3:13-19; Lc. 6:12-16)

¹ Jo mi' cangí' jo, coo' jmiñ' cató' Jesús lajñng' i dsea' guitúung' quiá'r' do, jo cacuø'reiñ' e óoiñ' do ta' e tññ' e ni'uøiñ' jaléng' i 'líng' i teáang' dsíi' dsea', jogui e tññ' nijmi'leáaiñ' jaléng' dsea' dsé' lí' doñí' ee' jmohuí' líiñ' osi lí' doñí' jié' lí' cu' quiáiñ' é.

² Jo lalab siñ' jaléng' i dsea' apóo' i ni' júu' quiá'r' do: i sing' nifí' do siir' Simón, jogui siñ'bir' Tú' cajo, jogui jaang' rúíñ' do i sii' Dí'; jogui Tiáa' cóo' jaang' rúíñ' i sii' Juan, jo laji' huáaiñ' na líiñ' jóo' jaang' dseañu' i sii' Zebedeo; ³ jogui Lii' jogui Bartolomé jogui Mój' jogui Mateo, jaang' i lami' jmóo' ta' mí' cuu' e catíng' dseata' i guíng' fí' Roma; jogui Tiáa~, jóo' jaang' dseañu' i sii' Alfeo; jogui Tadeo; ⁴ jogui jaang' i sii' Simón i líng' dsea' celote; jo jaang'gui i sii' Judas Iscariote, dsea' i ca'níng' Jesús fí' quini' dseata'.

Mi' casíng' Jesús dsea' guitúung' quiá'r' e nidsiguiiñ' júu' quiá' Fidié'

(Mr. 6:7-13; Lc. 9:1-6)

⁵ Jo mi~ cangf jo, jo lajee e ná~gui e nisíng~ Jesús i dsea` guitúung` quiá'r~ do e nidsiguiaíñ~ do júu^ quiá~ Fidiée~, la'uii~ jang~ casí~reiñ' jalé' ta~ e nidsijméieñ' do jo lalab casí~reiñ':

—Jie~ mi~ güilíng~na' fí guóo~ uó~ quiá~ dsea` i ja` líng' dsea` Israel, o'gui nigüitáang~na' fí jalé' fí quiá~ dsea` Samaria. ⁶ Jo lajii~ ta~ e nigüilíng~na' e güiquí~ jíing~na' jaléng' dsea` Israel jial laco' nilicuíñ` Fidiée~, co' i dsea` í líiñ' laco' jo'se' i sí'íng'. ⁷ Jo güilíng~na' güigua~na' júu^ jee~ jaléng' i dsea` í e nicatib' í' e Fidiée~ nicá nifí quiá'r~. ⁸ Jo lajee jo, jmi'leáang~na' jaléng' dsea` dsée~, jogui jmee~na' e nijí~tu jaléng' 'líi~, jogui jmi'leáang~na' jaléng' dsea` i líng' jmohuí' 'lí' fí ngúu' táang, jogui uóøng~na' jaléng' i 'líng' i teáang~ dsí' dsea`. Jo ja` cá~na' e 'léeng'~na' quiá~ lajii~ e nijmee~na' do, co' ja` ee` cuu~ cacóng~ qui~na' e cangíng~na'.

⁹ Jo ja` 'né~ cá~na' jii~ ca'íng'~ cuu~ quiá~ e 'né~na' ¹⁰ o'gui nosúu' quií~na'. Jogui jii~ sí'na' e quií~ba' 'né~ cá~na', co' ja` 'né~ cá~na' e co' cá~na'; lajobi lomii~na' cajo, lajii~ e ó'ba', o'gui 'né~ cá~na' 'ma'u~, cofa' jaléng' dsea` jmóo' ta` ngám~bre jalé' e gø'r'.

¹¹ Jo mi~ niguilíng~na' fí coo' fí pí^ osi fí coo' fí fé' é, 'néng'~na' jaang` dsea` i lí' i ní'íng' 'nú' fí sinúu^ quiá'r~, jo fí job nijá~na' carta~ taang~na' fí e fí jo. ¹² Cuóø'~ba' guicá^ jaléng' dsea` i neáang' fí jo mi~ nigüitáang~na' fí sinúu^ . ¹³ Jo song guíab~ ní'íng' 'nú' i dsea` lí~ niguilíng~na' do, joba' juguíá~ niliseeíñ; dsu' song ja` ní'íñ' 'nú' cóo~ e guíá~, joba' lajob ja` juguíá~ niliseeíñ yaaiñ~ cajo. ¹⁴ Jogui song ja` ní'íñ' 'nú' guíá~ o'gui iíñ~ e ninúr~ júu^ quií~na', joba' uóøng~na' lajminá~ e fí sinúu^ jo osi e fí fí jo é, jo bó'na' 'lee' tóo' tí~na'. ¹⁵ Jo jnea~ jmitaa^ óo'na' e mi~ nití' í' e niquidsí Fidiée' í' quiá~ lajaang` lajaang` dsea` jmigüí, eáang'guib nicuó'r~ iihu' i dsea` i ja` calijí' 'nú' do laco'gui iihu' e ca'íng' jaléng' dsea` i caliséng' fí Sodoma cóo'~gui fí Gomorra.

Mi~ cajíng'~ Jesús e~ jalé' iihu' ní'íng' dsea` guitúung` quiá'r~

¹⁶ Jo mi~ cangf jo, lalab casí~gui Jesús i dsea` quiá'r~ do:

—¡Téé' áa'na! Jnea~ nisín~n 'nú' jee~ dsea` i 'ní' níng~ 'nú' lafa' jaang` jo'se' i ní'iuung~ jee~ ie'dsinúu^ . Jogui jmee~na' lí^na' laco'gui la lí^ jaang` mi', jo 'né~bi cajo e ja` 'lee~na' dsuco' fa' jaang` mee~ ja` 'lee're'. ¹⁷ Jo ñiim~ áa'na', co' nisám' dsea` 'nú' jo nidsijeáaiñ~ 'nú' fí quini~ dseata~ qui~ii' dsea` Israel, jogui nijmihuíñ' 'nú' fí dsí' sinúu^ guá~ quiá'r~ ¹⁸ jo jí'gui cartí nidsijeáaiñ~ 'nú' fí quini~ dseata~ dsea` cóøng'~ uí~ e cuíng~na' jnea~ . Dsu' mi~ nijmeáíñ' 'nú' lajo, joba' cuóøng' e nifo'~na' fí quinir' cóo'~gui fí quini~ jaléng' dsea` i ja` cuíng' Fidiée~ jial mi~ ca'uíng~na' dsea` quié~e. ¹⁹ Jo dsu' mi~ nijáiñ' 'nú' fí quini~ dseata~, ja` jmee~na' fí'í' jial nifí~na'r osi jial ningí~na' quiá'r~ é, co' Fidiéeb' dsea` nicuó'r~ 'nú' e ñí~na' e júu^ e ningí~na' quiá'r~ mi~ tí' lí~ nití' í' e líng~ ee` nijming'~r~ 'nú'. ²⁰ Co' ie~ jo, Jmigüí quiá~ Tiquí^naa' Fidiée' dsea` guíng~ ñifí~ e nifé' cuaiñ~ quií~na' mi~ nití~ e í' jo, jo o' yaang~ 'nú' dsea` nifo'~na'.

²¹ Jo mi~ tí' lí~ jo, seem` dsea` nijáiñ' jaléng' rúíñ' e nijúuiñ~, jogui seem'bi tiquiá^ dsea` nijmér~ lajo cóo'~ jóor', osi jóor' é nijmér~ lajo cóo'~ tiquiá'r^ e nijngáng'~ rúíñ'. ²² Jo lajím` dsea` jmigüí nilí' 'ní' níñ~ 'nú' uí~ e cuíng~na' jnea~ ; jo dsu' i dsea` i nité' e siñ' teá' fí guíá~ contøøng~ cóo'~ jnea~, joba' i dsea` í'bing' i nileáang' jee~ jalé' dsee~ quiá~ mi~ nití' í' lajo. ²³ Jo mi~ ní'óøng~ dsea` 'nú' fí coo' fí, guíá~gui e cuí~ba' jo nigüilíng~na' fí jíe'gui coo' fí. Jo dsu' jmitaa^ óo'na' e jnea~ i cajá~ fí jmigüí la e lín~n jaang` dsea` jmigüí, nigáab'túu calé' catú~ nú~gui e niteáang'~na' ngí~na' ta~ guíá' júu^ quié~ e fí la'úng~ jalé' fí e téé~ lí~ se' Israel.

²⁴ Co' jii~ jaang` dsea` i jmitíng', tíng'guir laco' tifa' quiá'r~, o'gui jaang` dsea` 'léeng'~ fa' níng~guir laco' fíir~. ²⁵ Co' i dsea` i jmitíng' do 'néb~ nijmitíñ'

cartí nilitíiñ røø, jo lajoguiba' røøb` nicóíñ` cóo` tifa' quiá'r` jóng. Jogui i dsea` 'léeng` do mi` n'ingóo` jmóor` ta~, ni'uúim` bre laco' i fiir` do cajo. Jo song fé' dsea` e fiir` i 'ling`^ i sii` Beelzebú quier` nifí` sinúú` quíi`-na', joba' ga`guib nifé' dsea` jóng uúí` quiá'- dsea` sinúú` quíi`-na'.

Jial`né` nijmi`gó` dsea` Fidié`

(Lc. 12:2-7)

²⁶ Jo mi` cangí` jo, casí'-gui Jesús jaléng` i dsea` quiá'r` do jo cajíñ`-:

—Ja` fòøng`-na' quiá'- jaléng` dsea` i 'ni` n'ing` 'nú', co' ja` sea` jíi` cõõ` júu` e ja` ñí` dsea` fa' ja` tóo` jmíi` e niliñí` dsea`, o'gui cõõ` e si'ma` fa' ja` tóo` jmíi` e niguié' dsea` cajo. ²⁷ Jogui jalé' e fiir` i 'nú' e ñing`, guia`-ba' júu` jee` jaléng` dsea`; jogui jalé' e fiir` i 'nú' fi' oo` loguá`-na', féé`-ba' teá` jee` jaléng` dsea`. ²⁸ Jo ja` fòøng`-na' quiá'- jaléng` dsea` i iing` nijngáng`- 'nú', co' ja` e ta` íing` quiá'r` lico' lír` jíi` ngúu` táang`-na'; co' Fidiéeb` dsea` 'né` i nijmi`goo`-na', co' jíi` dsea` íbing` cuóøng` nijngáng`- dsea` jogui ni'íiñ` dsea` congua' fi' lí` 'li`^ car` ngongíi` jmíi`.

²⁹ Co' cuóøm` nilóng` dsea` gáng` ta` cóo` cõõ` tú` í' lajo, jo dsu' jíi` jaang` i ta` do quí'` jmíi` nidsi'íng`ne' e ja` mí` caquiú'` Tiquíi`-na' Fidié` ta` lajo.

³⁰ Jogui jaléng` 'nú', jiguí` jñuguí`-na' si'í`^ Fidié` jó' mí' tíí'. ³¹ Joba' ja` fòøng`-na' jíi` cõõ`, co' líi`gui quíing` 'nú' fi' quini` Fidié` laco'gui i fiing` ta`.

Jaléng` dsea` i jing`- e cuíiñ` Dsea` Jmáang` fi' quini` jaléng` dsea` jiéng`

(Lc. 12:8-9)

³² Jo cajíng`-gui Jesús casí'- dsea` quiá'r`-:

—Song ií` dsea` jing`- e cuíiñ` jnea` fi' quini` dsea` jiéng`, joba' lajob nifá` jnea` cajo e cuíim`baa i dsea` í` fi' quini` Tiquié` e dsea` guíing` ñifí` ; ³³ jo dsu' ií`gui i jing`- e ja` cuíiñ` jnea` fi' quini` dsea` jiéng`, joba' lajob nifá` jnea` cajo e ja` cuíin`re fi' quini` Tiquié` e dsea` guíing` ñifí` .

Nijíng` dsea` lajee` la'ó` rúíñ` uúí` quiá'- Jesús

(Lc. 12:51-53; 14:26-27)

³⁴ Ja` í` áa`na' fa' jnea` cagá` a fi' jmigüí` la e cagajmée` e seeng` dsea` juguiá` júu` røø, co' jnea` ja` cagajmée` lajo, dsuco' uúí` jnea` nijíng` dsea` lajee` la'ó` rúíñ`. ³⁵ Jo jóo` dsea` dseañu` nijíñ` cóo` tiquiá'r`, jogui jóo` dsea` dseamí` nijíñ` cóo` niquiá'r`, jogui dsea` miloo` quiá'- dsea` nijíñ` cóo` iemisér`; ³⁶ jo lajee` la'ó` dsea` sinúú` quiá'r` nilí` 'ní` n'ing` rúíñ`.

³⁷ Jogui song jaang` dsea` eáang`gui 'neáaiñ` tiquiá'r` osi niquiá'r` é laco'gui jnea`, joba' ja` quí'` jmíi` e líiñ` dsea` quié`-e jóng; osi jaang` sejmíi` dsea` eáang`gui 'neáaiñ` jóor` dseañu` osi jóor` dseamí` é laco'gui jnea`, joba' lajob cajo ja` quí'` jmíi` e líiñ` dsea` quié`-e. ³⁸ Jogui ií` dsea` i ja` niseáng` lafa' crúu` quiá'r` e laco' cuø` lí` e guia' dsíir` e ni'íiñ` iihu` uúí` e líiñ` dsea` quié`-e, ja` quí'` jmíi` e líiñ` dsea` quié`-e. ³⁹ Jogui ií` dsea` i í` dsíí` e lí` bre nileáng` 'ñia'r` jee` jalé' dsee` quiá'r`, joba' i dsea` í` conguiab` nibíiñ` fi' lí` 'li`^ jóng; jo dsu' ií` dsea` i júung` uúí` e líiñ` dsea` quié`-e, joba' i dsea` í` conguiab` nitíiñ` fi' quini` Fidié` jóng.

Lajíi` e cat#ng` dsea` íñ` quiá'- Fidié`

(Mr. 9:41)

⁴⁰ Jo lalab casí'-gui Jesús dsea` quiá'r`-:

—Íi` dsea` i íng` 'nú' lacoõ` lí` guilíng`-na', joba' ím`bre jnea` cajo; jogui ií` dsea` i íng` jnea`, joba' ím`bre i dsea` i casíng` jnea` fi' jmigüí` la. ⁴¹ Jogui ií` i íng` i dsea` i fé' cuaiñ` quiá'- Fidié`, co' dsea` íb` casíi` quiá'r`, joba' i dsea` i ni'íng` i dsea` í` røøb` ni'íiñ` cajo laco'gui e cuø' Fidié` i dsea` i fé' cuaiñ` quiá'r` do; jogui ií` i íng` jaang` dsea` i ée` guíá`, co' guíúm` i dsea` do, joba' røøb` ni'íng`

i dsea` í quiá'- Fidiéé` lí^ laco'gui la íng' i dsea` i ée` guiú- do. ⁴² Jogui doñí' i dsea` i cuø' fa' capi' jmi` i dsea` quié- e i doñí' fa' ni'lé' cuíng` jnea~, joba' jnea~ jmitaa` óo'na' e catim` bre ni'ín' lajii' e sí'íiñ^ quiá'- Fidiéé` cajo.

11

*Mi` casing` Juan i seáng` dsea` jmi` dsea` quiá'r- fi` lí` táang` Jesús
(Lc. 7:18-35)*

¹ Jo mi` tí' lí` cató' e cacuø' Jesús ta~ jaléng' i dsea` guitúung` do quiá'r-, joba' cangó-bre e cango'er' jogui e cangoguiar` júu^ quiá'- Fidiéé` fi' jalé' fi' e téé' lí' se' Galilea.

² Jo ie~ jo, 'nuñib^ iuung- i Juan i seáng` dsea` jmi` do. Jo lajee` iuuiñ- fi' job mi` caliñir' jalé' e quíi~ jmi` tíng` Dsea` Jmáang- e jmóor-, joba' casíiñ` coo` tú- míng' dsea` quiá'r- fi' lí` táang` dsea` do ³ e cangojmingíi' reiñ' su íb` dsea` i sijeeng` dsea` Israel i sí'íng` e nigüéeng- fi' jmigüí' la, osi nijém- bir jaang`gui i jíéng' é.

⁴ Joba' lalab cañíi` Jesús quiá'- i dsea` do:

—Güilíng`na' güicoo`na' júu^ quiá'- i Juan do lajii' e nicanúu-na' jogui nicañíi-na' e quíi~ jmi` e jmóo'o. ⁵ Síi'gor e lijnéb'tu jaléng' dsea` tiuung-, jogui e ngib'tu jaléng' dsea` jlúung', jogui e 'láam- jaléng' dsea` i líng` jmohuí' 'lí' fi' ngúu' táang, jogui e núub'tu jaléng' dsea` güíng~, jogui e jíb'tu jaléng' 'líi~, jogui cajo e guiaa- júu^ quiá'- jial nileáng` jaléng' dsea` jmigüí' jee~ jalé' dsee- quiá'r-. ⁶ iJuguiá- jia quiá'- jaléng' dsea` i ja' litúng- dsíi' lajii' fi' lí' nisiñ' coo` jnea~!

⁷ Jo mi` tí' lí' caquing'- tu i dsea` i casing` Juan i seáng` dsea` jmi` do, joba' Jesús canaaiñ` sí'r` jaléng' i dsea` i taang` cóo'r- do jalé' juguiá- uii' quiá'- i Juan do, jo lalab casí'- reiñ' jo cajíi'':

—¿E` caguijòø- 'nú' mi` canúu-na' e ningí' i Juan do fi' jee~ guóo' uø- quiú? ¿Já' leáa'?, ja' caguijòøng- 'nú' jaang` dsea` i uaang` júu^ quiá'- i jmóo' lí' doñí' ee' ta~ quiá' dsea` jíéng' i líng' la lí' coo` cuiñí' e dsée' cataang` lí' doñí' jíé' fi' lí' íi' guí'; ⁸ o'gui caguijòøng-na' jaang` dseañu' i jlo' sí', co' niñib^ 'nú' e i dsea` la'í' neáaiñ' quiá'- dseata~ dsea` féng', co' í'bing' sea` jalé' e jlo' quiá'- . ⁹ Jo ¿i' í' óo'na' i caguijòøng-na'? Jo e jáb'-, 'nú' caguijòøng-na' jaang` dsea` i laniing`gui laco' i dsea` caguiaang- i café' cuaiñ` quiá'- Fidiéé` malii~gui eáang'. ¹⁰ Jo nab nicaliti~ laco' fé' fi' ni' jì' quiá'- Fidiéé` cuaiñ` quiá'- i Juan i seáng` dsea` jmi` do mi` cajíng'- Fidiéé` e casí'r- Dsea` Jmáang- lala:

Nisñn`n jaang` dsea` i niguiá- júu^ quié- e

ná'-gui e niguó'^ fi' jmigüí'

e laco' niguiár- guiá- fi' lí' ningí'^.

¹¹ Jo lalab cajíng'-gui Jesús casí'r- i dsea` teáng- cóo'r- do ie~ jo:

—Jo jnea~ jmitaa` óo'na' e lajee` lajaléng' dsea` i nicafé' cuaiñ` quiá'- Fidiéé`, ja' mí' caliséng` jaang` i niing`gui ta~ quiá'- laco' i Juan i seáng` dsea` jmi` do. Jo dsu' i dsea` i ja' niing- fi' jmigüí' la dsu' Fidiéé` bing' i quié' nifi' quiá'r-, joba' í'bing' i niing`gui laco' i Juan do.

¹² 'Co' ie~ latí' mi~ canaang` Juan i seáng` dsea` jmi` e guiar' júu^ e nijáa' Dsea` Jmáang- jo cartí' lana, eáang` huíng` nicangojéé' cóo' júu^ quiá'- Fidiéé` e quiá'- e quier' nifi' quiá'- dsea` jmigüí'; jogui jaléng' dsea` i 'ní' ní-, cuø' bí' yaaiñ` e laco' iñ~ nijmiguíeíiñ` cóo' e júu^ jo. ¹³ Jo ná'-gui e cagüéng- Juan i seáng` dsea` jmi` fi' jmigüí' la, jalé' e júu^ e caguia' i dsea` i café' cuaiñ` quiá'- Fidiéé` jogui e júu^ quiá' ta~ quiá'- Fidiéé` do, jalé' e jo lico' jmita~ dsíi' e Fidiéé` iñ~ nicár` nifi' quiá'- lajaang` lajaang` dsea` jmigüí'. ¹⁴ Jo song` 'nú' iing`na' ni'íng'-na' e júu^ jo, joba' i Juan do líiñ' laco' Lí' i café' cuaiñ` quiá'- Fidiéé`

malih̄gui eáanḡ i si'í^ nijáa^tu calé^ catú^ . 15 Jo jaléng^ 'nú^', dsea` sea`loguá^na^, núu^na^ jalé^ e júu^ e nicafá^a na.

16 'Jo lana nifá^duu jial líng^ jaléng^ i dsea` seeng^ jmih̄ na, co^ jaléng^ í líiñ^ la líng^ jiuung^ i táang^ tacóo^ fí 'móo^, jo mi~ niti'áng^ rúíñ^ fé'r^ lala: 17 "Cajíu^ jnea^ lúu^, dsu^ 'nú^' ja` cadseeng^na^; jogui ca'ó^naa^ e ó^ dsea` lí ráang^ 'líi^, dsu^ 'nú^' ja` caquí^na^." 18 Co^ lalab café^ 'nú^' mi~ cajá^ i Juan i seáang^ dsea` jmih̄ do, ca'eeng^na^r e iuung^ i líng^ dsíir^ dsu^ uíi^ e ja` leáang^ gø'r^ jogui jíi^ capí^ méé^ ja` í'r^ . 19 Jogui mi~ cagüéng^ jnea^ fí jmigüí la, jnea^ dsea` i jáa^ fí ñífi^ e lín'n jaang^ dsea` jmigüí e gø^baa jíi^ laco^ gø^ dsea^, jo uíi^ e lajob líí, joba^ jaléng^ 'nú^' ca'eeng^na^ jnea^ e lín'n jaang^ dsea` cúng^ i gø^ contøng^ jogui e lín'n jaang^ dsea` íng^ i ngí cóo^ jaléng^ dsea` i ga` fé^ dsea` uii^ quiá^r^ osi cóo^ jaléng^ 'ná^' nodsicuu^ i jmóo^ ta^ mí cuu^ e catíng^ dseata^ quiá^ Roma é. Jo dsu^ cóo^ jalé^ e jmóo^ Fidié^ jmiñéiñ^ jial tíí tñiñ^ ngáiñ^ .

Dsea` i ja`já^ calíng^ júu^ quiá^ Dsea` Jmáang^

(Lc. 10:13-15)

20 Jo ie~ jo, canaang^ Jesús 'gaam^bre quiá^ jaléng^ dsea` i seeng^ fí fii^ lí nicajméer^ jalé^ e quíi^r^ jmih̄ e dsigá^ dsíi^ dsea^, co^ jaléng^ i dsea` í ja` caquí^ jíng^ yaaiñ^ fí quini^ Fidié^ . Jo lalab cajíng^ Jesús ie~ jo:

21 —E ngí fíi^ 'nú^', dsea` seeng^na^ fí Corazín cóo^ gui 'nú^' dsea` seeng^na^ fí Betsaida, cofa^ mi~ fí Tiro cóo^ gui fí Sidón cajmé^ e lajalé^ e guíá^ e quíi^ i jmih̄ laco^gui jíi^ e nicajmé^ e jee~ 'nú^', joba^ i dsea` í ladsifí lajo caquí^ jíng^ yaaiñ^ fí quini^ Fidié^ faco^ mi~ lajo, jo catíng^ e nineáaiñ^ fí íb^ uii^ quiá^ jalé^ e dsee^ e nicarøoiñ^! 22 Joba^ fii^ i 'nú^', dsea` seeng^na^ fí Corazín cóo^ gui fí Betsaida, ie~ mi~ nití^ í^ e niquidsí Fidié^ í^ quiá^ lajaang^ lajaang^ dsea` jmigüí, eáang^gui nicuø^r^ 'nú^' iihuí^ laco^gui e iihuí^ e ni'íng^ dsea` i seeng^ fí Tiro cóo^ gui fí Sidón. 23 Jogui jaléng^ 'nú^', dsea` seeng^na^ fí Capernaum, ¿su líng^na^ e 'nú^'bing^ i nisáng^ cartí yá^gui jee~ jaléng^ dsea^? Jo o^ lajo, co^ 'nú^'bing^ i nijgiáang^ tí lí^ lí^ mi~ nití^ í^ lajo. Cofa^ mi~ fí fii^ Sodoma calí lajalé^ e quíi^ jmih̄ laco^gui jíi^ e nicajmé^ e jee~ 'nú^', joba^ ja` ca'íng^ e fii^ jo, jo siji^bi latí lana. 24 Joba^ fii^ túu^ 'nú^', dsea` i seeng^ fí Capernaum, e mi~ nití^ í^ e niquidsí Fidié^ í^ quiá^ lajaang^ lajaang^ dsea` jmigüí, eáang^gui ni'íng^ 'nú^' iihuí^ laco^gui jíi^ iihuí^ e ca'íng^ jaléng^ i dsea` i seeng^ fí Sodoma.

Jaléng^ dsea` i óo^ fíí^ dsíi^ 'né^ nijaquíeíñ^ fí quini^ Jesús

(Lc. 10:21-22)

25 Jo lalab cajíng^ gui Jesús ie~ jo:

—Teaa~, lana jmifén^n 'nu^, dsea` Fii~ ñífi^ cóo^ jmigüí la, dsuco^ lana nicajmee^ e ngám^ jaléng^ dsea` dsee^ dsea` quí jalé^ júu^ quíi^, jogui cajmee^ba^ e ja` cangáng^ júu^ quíi^ jaléng^ dsea` i tíng^ eáang^ i jmicøng^ yaang^ fí jee~ jaléng^ dsea` rúng^ . 26 E jáb^, lajob líí, Teaa~, co^ lajob nicali^íng^ 'nu^ e calí^ .

27 Jo mi~ cangí jo, lalab casí^ Jesús dsea` quiá^r^:

—Tiquié^ e Fidiéeb^ dsea` nicacuø^r^ jnea^ e néé^ nii^ lajalé^ e sea` fí la'úng^ fí jmigüí. Jo jíi^ jaang^ dsea` dseáng^ mí cuíiñ^ jnea~, dsea` lín'n Jóo^ Fidié^ camíng^, co^ lajíi^ Tiquié^baa dsea` cuíiñ^ jnea~; jogui jíi^ jaang^ dsea` dseáng^ mí cuíiñ^ Tiquié^ e dsea` guíng^ ñífi^, co^ lajíi^ jneab^ dsea` cuíiñ^re cóo^ gui lajaléng^ dsea` i nisi'íng^ quíe^ e e nilicuíiñ^ dsea` do. 28 Jo jaléng^ 'nú^', dsea` i óo^ fíí^, cóo^ gui jaléng^ 'nú^', dsea` dsingíng^na^ iihuí^, quíi^ jíng^ yaang^na^ fí quini^, co^ jneab^ dsea` quíi^ i jmih̄ nijmee^ e e nitíi^ áa^na^ quiá^ jalé^ e jo. 29 Jogui íng^na^ jalé^ júu^ quíe^ e e guíaa^ jee~ 'nú^', jogui ee^ba^ guíá^ laco^gui jnea~, dsea` lín'n jaang^ dsea` féng^ dsíi^ cóo^ doñí^ ii^ jogui e ja`

jmiféng' 'ñiá'a cajo. Jo song nijmee~na' lajo, joba' nilí'ba' jóng e nití'~ áa'na' uii~ quiá'- jalé' e dsing'ng~na' do. ³⁰ Co' song ii' dsea' i iing~ nijmit'ing' júu^ quié' e jogui nijmitir~ lajú' júu^ quiu' ta~ quié'e, ja' hu'ng' quiá'r~ e nijmér~ lajo, co' ja' ii' e ta~ jo.

12

*Mi~ ca'éeng~ dsea` quiá'- Jesús láa' quiá'- cui'iee`
(Mr. 2:23-28; Lc. 6:1-5)*

¹ Jo ie~ jo, coo' jmii~ lajee~ e táng` dsea` Israel e jmi'íñ', cang'ing' Jesús col'ing~ cóo'~ dsea' guitúung` quiá'r~ fí' coo' guóo'~ uó^ lí~ sijnea~ cui'iee`. Jo lajee~ ng'íñ' fí' jo, cadseá~ jmi'aang~ i dsea' quiá'r~ do, jo canaaiñ' do éem~bre láa' quiá'- cui'iee' e sea' do jo canaaiñ' gø'bre mi'^ quiá'- . ² Jo ie~ jo, co' quiá'- dob nitaang~ coo' tú~ máng'~ dsea' Israel i líng' dsea' fariseo jo cangá~bre e ca'éeng~ i dsea' quiá'- Jesús do cui'iee', joba' lalab casí'r~ Jesús:

—Ja' cat'ing~ jmé~ i dsea' quí'~ na lana lajee~ jmii~ e jmi'íng'naa', jneaa~aa' dsea' lí'í' dsea' Israel!

³ Jo lalab cañí' Jesús quiá'- i dsea' do:

—Téé' óo'na' e nica'í'ba' fí' ni~ jì' quiá'- Fidiée' lí' fé' jial cajmée' dseata~ Daví'~ mi~ cadseá~ jmi'aaíñ~ col'ing~ cóo'~ jaléng' dsea' quiá'r~ . ⁴ Co' ie~ jo cang'íñ' cartí' dsí' sinúu^ guá'- , jo cagó'r' íñí'^ e güeang'^ quiá'- Fidiée' e jú'~ jmidsea'bing' sí'í' cuøøng` dó'- , dsu' cagó'bre col'ing~ cóo'~ i dsea' quiá'r~ do. ⁵ Jogui téé' óo'na' cajo jial fé' fí' ni~ jì' quiá'- Fidiée' e cajme' Moi~, co' fí' ni~ jo fé' e ja' dsee~ ée' jaléng' jmidsea' nañí' fa' jmóor' ta~ fí' dsí' sinúu^ guá'- fé' lajee~ jmii~ e jmi'íng' jneaa~aa', dsea' lí'í' dsea' Israel. ⁶ Jo dsu' jnea~ fí' i 'nú' e niing~gui júu^ quié' e laco'gui e guá'- do. ⁷ Dsu' latí' lana ja' mí' cangám'bi 'nú' e e guøng' lajú'~ e fé' fí' ni~ jì' quiá'- Fidiée' lí' fé' lala: “Jnea~ Fidiée' iin~ n e nilí' fí' líng~ rúng'na', jo o' e cuøna' feá'- fí' quini' .”

Jo casí'~gui Jesús i dsea' fariseo do:

—Facó' mi~ cangáng'na' e júu^ jo latí' mi~ uing~, joba' ja' e ta~ e cuó'^na' dsee~ jaang` dsea' i ja' mí' ca'lée' jú'~ coo'. ⁸ Jo dsu' e já'- , jnea~ dsea' cagá~a fí' jmigü' la e lín'n jaang` dsea' jmigü', oo~baa ta~ e niquiá'~u ta~ mi~ jmii~ e jmi'íng' jneaa~aa', dsea' lí'naa' dsea' Israel.

*Mi~ cajmi'leáng~ Jesús jaang` dsea' i caang~ guoo`
(Mr. 3:1-6; Lc. 6:6-11)*

⁹ Jo mi~ cangí' jo, cangó~ Jesús fí' coo' dsí' sinúu^ guá'- quiá'- dsea' góor' dsea' Israel. ¹⁰ Jo mi~ caguiér~ fí' jo, dob ni'iuung~ jaang` dseañu' i caang~ coo' guoo'. Jo ie~ jo, dob niteáng~ coo' tú~ máng'~ dsea' Israel i líng' dsea' fariseo e siteeíñ^ Jesús e iin~ ninír' su nijmi'leáng~ dsea' do i dsea' i caang~ guoo' do 'ñia' ie~ jmii~ e jmi'íng' dsea' Israel, jo lajoba' e niguié'r' jial e ni'níñ~ dsea' do fí' quini~ dseata~ . Joba' cajming'í'r~ Jesús lala:

—¿Su seab` fí' e nijmi'leáng~ jaang` dsea' dsée'~ lajee~ mi~ jmii~ e jmi'íng'naa'?

¹¹ Joba' cañí' Jesús quiá'íñ~ do jo casí'~ reiñ' lala:

—Facó' 'nú' aang~na' jo'se' jo caling'ing~na' e catóng' jaang` fí' dsí' í' 'ñia' ie~ jmii~ e jmi'íng'naa', ja' lí'^ dsii~ fa' lí'^ niseáng~na're' lajo, co' nigüiseám'ba're'. ¹² Joba' fí' i 'nú', jial tí' laniing~gui quíng' jaang` dsea' fí' quini~ Fidiée' laco'gui jaang` jo'se'. Jo lajob lí', seab` fí' e jmé'naa' coo' e guiá' 'ñia' mi~ jmii~ e jmi'íng'naa'.

¹³ Joba' lalab casí'~ Jesús i dsea' caang~ guoo' do:

—Ní'~ guóo', dseañu'.

Jø lajɔb cajmée` i dsea` do, jø ladsifí lanab ca'lóo` guóor` jø caliguiáb` e guóor` do lí` laco'gui e coo` do. ¹⁴ Jø mi` tí` lí` ca'uøøng` jaléng` i dsea` fariseo do e fí` dsíí` sínúú` guá' do, jø canaaíñ` sáíñ` quiá'` jial niguié'r` e nijngáíñ` Jesús.

Júu` e cajme` Saí` cuaiñ` quiá'` Jesús

¹⁵ Jø mi` calilí` Jesús e jø, cagüi`ñ`bre e fí` jø, jø cangór` fí` lí` jié', jø fíim` dsea` cangolíng` cóo'r` ie` jø. Jø laco' ngolíñ` teáaiñ` fí` lado, jmi'leáam` dsea` do jaléng` dsea` dsée', ¹⁶ jogui quiá'r` ta` quiá'` jaléng` i dsea` i jmi'leáaiñ` do e ja` niguiáiñ` do júu` quiá'` jalé' e quí'` dsea` do jmí` jmóor`. ¹⁷ Jø cajméer` jalé' e jø e laco' caliti` lajii` júu` quiá'` Fidié` e cajme` Saí', jaang` dsea` i café` cuaiñ` quiá'` Fidié` malí`gui eáang` mi` cajíñ` lala:

¹⁸ I lab i dsea` i nicaguín`n,

i jmóo` lajii` e iin`n,

jø eáam` 'neáan`nre jogui iáang` dsii` cóo'r`.

Jogui eáam` nili'gøiñ`

la'eáang` cóo'` Jmiguí` quié` e e nicuøø` øre,

jogui niguiár` júu` jee` jaléng` dsea` jmigüí`

e dseáng` røøb` ní'r` í'` quiá'` lajaang` lajaang` dsea`.

¹⁹ Dsu' ja` nijmér` ta` jíing` o'gui ta` ta'` mí';

jø jii` jaang` dsea` ja` ii` ninú` júu` quiá'r` jee` 'núú` e jmiféng` 'ñia'r`.

²⁰ Jø nijmicóo'`bre jaléng` dsea`

i í` dsíí` e ja` seeng` ii` nijmicóo'` quiá'r`.

Jogui nijmicóo'`bir cajo jaléng` dsea`

i í` dsíí` e ja` niquí'r` jmí`.

Jogui niguiár` júu` jee` jaléng` dsea`

car` nilita` dsííñ` e dseáng` røøb` í'` í'` quiá'` lajaang` lajaang` dsea`.

²¹ Jø la'eáang` íb` nijá'` líng`

jaléng` dsea` jmigüí` júu` quiá'` Fidié`.

Jø lanab cajíng` Saí'` ie` malí`gui do.

Mí` cacuø'` dsea` dsee` Jesús e jmóor` ta` la'eáang` cóo'` i` 'líng`

(Mr. 3:20-30; Lc. 11:14-23; 12:10)

²² Jø mi` cangí` jø, cangojéeng` dsea` fí` quini` Jesús jaang` dsea` tiuung` jogui` i` ja` fé'` cajo. Jø i` 'lim'` jmóo` e nilíng` i` dsea` do lado. Jø dsu' Jesús cajmi'leáam`bre i` dsea` do, jø calijnéb`tuiñ` do jogui` café`tuiñ` cajo. ²³ Jø jaléng` dsea` i` teáang` do ie` jø, eáang` cangogá` dsíir` jø canaaíñ` sí'` rúíñ` lajee` yaaiñ` jø fé'r` lala:

—Jangám` song Jóo'` dseata` dsea` féng` Daví'` i` na.

²⁴ Jø ie` jø, dob niteáang` coo` tú` míng` dsea` Israel i` líng` dsea` fariseo. Jø mi` canúur` síng` i` dsea` do lado, jøba'` cajíñ`:

—La'eáang` cóo'` bí` quiá'` Beelzebú` i` líng` fii` jaléng` i` 'líng', la'eáang` í`bing` tíing` i` dseañu'` na e uøøiñ` i` 'líng'` i` teáang` dsíí` dsea`.

²⁵ Jø co'` ñib` Jesús lajii` e í` dsíí` i` dsea` fariseo do, jøba'` cajíñ` casí'` reiñ`:

—Fa'` coo'` fii` jø jaléng` dsea` i` seeng` fí` jø 'ní'` níng` rúíñ', jøba'` sí'`ím` e fii` jø jóng, co'` ja` seeíñ` røø. Jø lajõbi` cajo fa'` coo'` fii` pí'` osi` coo'` sínúú` lí` 'ní'` níng` rúng` dsea', sí'`ím` cajo. ²⁶ Jø lajõb` lí'` cajo cóo'` Satanás i` líng` fii` i` 'líng'` do, song nijmihuiñ` i` 'líng'` quiá'r`, jøba'` nilí` e 'ní'` níim` rúíñ` jø lajõba'` ní'`ím` bí` quiá'r`. ²⁷ Jø 'nú'`gui fó'`na'` e jnea` tñn` jmihuín`n jaléng` i` 'líng'` i` teáang` dsíí` dsea` la'eáang` cóo'` bí` quiá'` fii` i` 'líng'` i` sii` Beelzebú; co'` faco'` lajõ, ¿i` i` í` óo'`na'` i` jmicóo'` quiá'` jaléng` dsea` i` ngí'` cóo'` 'nú'` e tñm`bre jmóor` lajõ faco'` lajõ? Co'` Fidié`bing` i` jmicóo'` quiá'` i` dsea` í` e tñiñ` jmóor` lajõ. Jøba'

lajjĩ e tũĩĩ do cuø li e ja dseeng`laco' jji e í áa'na'. 28 Co' lajjĩ e jmóo`jnea e jmihuĩn`n jaléng` i 'ling' i teáng` dsí' dsea, la'eáang` cóo' Jmiguĩ quía' Fidié`ba e jmóo`o lajo. Jo e jo cuø li e nicatib` í e Fidié` nicár` nifí quí' na' lajaang` lajaang`na'.

29 Jo jing`gui Jesús:

—Jo ja`nili` jaang` dsea`ni' r` fí dsí' cóo` sinúu` quía' jaang` dsea` i bígui dsí' laco' r` e ni'uø'r` jalé' e sea` quía'ĩ, dsaco' la'uii` jang` 'né` ni'nũm`bre i dsea` bí dsí' do, jo lajoguiba' cuøng` e nijmér` lajo.

30 Jo i dsea` i ja` sing' uii` quíe` e, joba' 'ní' níim`bre jnea`; jogui i i ja` jmicóo' jnea` e laco' nilicuĩng` dsea` jnea`, joba' ja` siñ' uii` quíe` e cajo.

31 Joba' fii` i 'nú' e íim`bi Fidié` dsee` quía' jaléng` dsea` jmigüi mi` ee`go júu` ga` fé'r` uii` quía' dsea` do, osi lí' doñí ee` dsee` e éeiñ` é; dsu' jo` ni'lii` dsee` fíng` song` i café' ga` uii` quía' Jmiguĩ quía'r`. 32 Joba' fii` túu` 'nú' e Fidié` íim`bir` dsee` quía' jaléng` dsea` jmigüi mi` ee`go ga` fé'r` uii` quíe` e, jnea` dsea` gáa`a` fí` ñifí` e lĩn`n` jaang` dsea` jmigüi; dsu' song` i`gui` café' ga` uii` quía' Jmiguĩ quía' Fidié`, joba' jo` tóo` jmii` fa' ni'ling` dsea` do dsee` quía' i dsea` í`lata` seeĩñ` fí` jmigüi la`o`gui` fí` jmigüi cóo` cajo.

Jalé' 'ma' ofii` cuí' dsea' la'eáang` cóo' ofii` e íb`
(Lc. 6:43-45)

33 Jo lalab`cajing`gui Jesús e éeiñ` i dsea` teáng` do ie` jo:

—Fa' 'nú' ta'na' o` fí` í' 'ma' ofii` quí' na', joba' jlob` ofii` nicuø` ; jo song` ja` jmoo`na' lajo, joba' ja` 'goo` ofii` nicuø`. Co' jaléb` 'ma' ofii` cuí' dsea` la'eáang` cóo' ofii` e íb`. 34 Joo' mi` guim` 'nú'! Ja` cuøng` e nifo`na' jmang` juguiú`, co' jmang` jalé' e ga`ba' í` áa'na'. Dsaco' lajjĩ e í` dsíib` dsea`, jji` joba' fé'r`. 35 Jo jaang` dsea` i`guiúng`, jmang` júu` guiáb` fé'r', co' jmang` e guiú`ba' í` dsíir`; jogui jaang` dsea` i`soo` dsíi, jmang` júu` gab` fé'r', co' jmang` e ga`ba' í` dsíir`. 36 Joba' fii` i 'nú' e mi` niguiéé` jmii` e niquidsí` Fidié` í' quía' lajaang` lajaang` dsea` jmigüi, ie` job` mi` niguiéé` dsea` júu` fí` quini` dsea` do jalé' e ja` íing` ta` e café'r` lajee` cateáiñ` fí` jmigüi la. 37 Jo cóo' lajjĩ` júu` e café' dsea`, cóo' jji` job` nija` í' su` røøiñ` dsee` osi ja` røøiñ` é` mi` tí` lí` nití` í' e nitidsí` í' quía'r`.

Mi` cami' dsea` Jesús e nijmér` cóo` li` e quii`r` jmii` e dsigá` dsíi` dsea`
(Mr. 8:12-13; Lc. 11:29-32)

38 Jo mi` cangf` jo, cóo` tú` máng` tifa' quía' júu` quíu` ta` quía' dsea` Israel cóo'gui cóo` tú` máng` dsea` Israel i`ling` dsea` fariseo cangoquíeiñ` fí` lí` sing` Jesús jo` casí'r` dsea` do lala:

—Tifa', iĩ`naa' ne`naa' e nijme' cóo` li` e quii`r` jmii` e dsigá` dsíi` dsea`.

39 Joba' cañi` Jesús quía' i dsea` do:

—Jaléng` dsea` seeng` jmii` na` dsíng` nirøøiñ` dsee` jogui ja` jmitir` júu` quía' Fidié`, co' lico' mi'r` jnea` e nijmee` e cóo` e lí` e quii`r` jmii` e dsigá` dsíi` dsea`. Dsu' ja` nijmee` e jji` cóo` e jo` fí` quinir`, co' nicaliseáb` e jo` lamí` jéeng`gui e cangongíng` Jonás, jaang` dsea` i`café' cuaiñ` quía' Fidié` malii`gui eáang`. 40 Jo laco' ca'í` Jonás`ni` jmii` jogui`ni` uøø` fí` dsíi` tu' jaang` ñu` dséé`, lajob` jnea` cajo, dsea` cagá`a` fí` ñifí` e lĩn`n` jaang` dsea` jmigüi, ni'ú`u`ni' jmii` jogui`ni' uøø` fí` ná' uøø`. 41 Jo mi` nití` jmii` e niquidsí` Fidié` í' quía' lajaang` lajaang` dsea` jmigüi, i dsea` seeng` fí` fii` Nínive do nicuø'r` dsee` jaléng` dsea` i seeng` jmii` na; co' mi` canúu` i dsea` í` júu` e caguia` Jonás, dsifí` lajob` caqui' jing` yaaiñ` fí` quini` Fidié` uíi` jalé' dsee` quía'r`. Dsu' jnea`gui fá'a` e jnea` niing`gui laco'gui i Jonás do. 42 Lajobi cajo ie` malii` do caliséng` jaang` reina` i caquiú` ta` fí` lí` huíi`, jo` cajar` cajanúur` jalé' júu` e tíng` jaang` dseata` dsea`

féng' i sii' Salomón. Jo lajòb líí, i dseamî î nicuó' bre dsee cajo jaléng' i dsea` seeng' jmî na mi` nití' jmî e niquidsi' Fidiéé' í' quíá' lajaang' lajaang' dsea` jmigúí. Dsua' júu^ quíé' e niing' gui lacò' gui júu^ quíá' i dseata' Salomón do.

Jial líí' mi' dsitáang' tu i 'ling' fí' dsí' dsea`
(Lc. 11:24-26)

⁴³ Jo mi' calí' cajíng' Jesús lana, jo casí' guir jaléng' i dsea` do jo cajíñ' -:

—Mi' güí'í' jaang' i 'ling' i iuung' dsí' jaang' dsea', ngir' fí' lí' quié' e 'nó'r' fí' lí' nijmi'íñ'. Jo song ja` niguié'r' lí' nijmi'íñ', joba' í' dsír': ⁴⁴ “Niním' túu fí' dsí' dsea' e lí' cajú' u do, co' ja' lí' sea' lí' nijmi'ín'n.” Jo mi' niguieng' tur dsí' i dsea` do, niguiéñ' lafa' coo' sináa' lí' joo' jogui siquiáang' jogui silií' jlo'. ⁴⁵ Jo mi' ninír' e dsíng' jlo' dsí' e lí' niguiéñ' do, joba' nidsér' nidsitéer' guiáng' i 'ling' gui lacò' ír' e nidsitáaiñ' fí' dsí' i dsea` do, joba' ga' gui nilíng' i dsea` do lacò' gui lamí' iuung' jaang' i 'ling' do fí' dsír'. Jo lajòb nidsing'ing' jaléng' i dsea` i røong' dsee' i seeng' jmî na.

Mi' cajíng' Jesús i' niquíá'r' jogui i' jaléng' rúñ'
(Mr. 3:31-35; Lc. 8:19-21)

⁴⁶ Jo lajee' gui'nang' sîm' bi Jesús cóo' jaléng' i dsea` teáang' do ie' jo, mi' caguié' niquíá'r' cóo' gui jaléng' rúñ', co' iñ' nisíñ' cóo' dsea` do. Dsua' ja' cangúíñ' do cartí' lí' iuung' dsea` do. ⁴⁷ Jo jaang' dsea` jiém' bing' cangojmée' júu^ Jesús e niteáang' i dsea' sináa' quíá'r' do fí' caluu', jo lalab júu^ quíé' i dsea` do:

—Nab nicagüéng' niquíá' cóo' gui jaléng' rún' e iñ' síñ' cóo' 'na', jo nab teáaiñ' fí' caluu' lana.

⁴⁸ Jo lalab cañí' Jesús quíá' i dsea` quíé' júu^ do:

—Jneab' nifí' i 'na' i' niquíé' e jogui i' jaléng' rún'n.

⁴⁹ Jo dsifib' ca'éeiñ' i dsea` quíá'r' do jo cajíñ' -:

—I dsea` nab niquíé' e cóo' gui jaléng' rún'n. ⁵⁰ Co' doñí' i dsea` i jmiti' lajúí' e iing' Tiquié' e dsea` guíng' ñifí', jaléng' dsea' í'bing' líng' rún'n jogui dsea' í'bing' líng' niquíé' e cajo.

13

Coo' júu^ já' e lafa' júu^ cuento quíá' mi' bí' dsea` mijú'
(Mr. 4:1-9; Lc. 8:4-8)

¹ Jo 'ñaia' ie' jmî jo cagüí'í' Jesús fí' jo, jo cangór' cangogüear' fí' 'ni' guíé' Galilea. ² Jo co' i 'leáam' bi dsea` caseáng' fí' jo, joba' Jesús cajgóor' fí' yá' coo' móo' e nisi' e fí' 'ni' e guíé' do jo fí' job' caguár'. Jo dob teáang' jaléng' dsea` fí' 'ni' jmî lajee' jo. ³ Jo catí' job' canaang' e' Jesús jaléng' i dsea` do jmiguiub' jalé' júu^ quíá'r', jo casí' reiñ' coo' júu^ já' e lafa' júu^ cuento jo cajíñ' -:

⁴ —Coo' née' jaang' dsea` cangór' cangobíir' mijú' quíá'r'. Jo mi' tí' lí' canaaiñ' bír' e mijú' do, e líng' do cajiá' lí' ngíng' fí', jo tab' cagó' jalé' e jo. ⁵ Dsua' e líng' gui e mijú' do cangotóo' jee' cuu' fí' lí' ja' 'leáang' guóo' née', jo e mijú' jo lajmináb' ca'íáang', co' nib' guóo' uó' cangotóo'. ⁶ Jo dsua' mi' tí' lí' cangíng' iee', lajmináb' caliquíú', co' ja' a' cangotóo' jmó' quíá'. ⁷ Jo e líng' gui e mijú' do cangotóo' jee' mijú' 'matóo', jo dsua' mi' cacuáng' e mijú' 'matóo' do cajmée' niúm' quíá' e mijú' e guíá' do. ⁸ Jo e líng' gui e mijú' do cajiá' lí' jlo' uó' jo jlob' cacuó' e mijú' do mi' cacuáng'; jo e líng' e mijú' do cacuó' lí' lí' cien mí' lacamí', ⁹ jogui e líng' gui do cacuó' jíí' sesenta, jo e líng' gui jíí' treinta. Joba' fí' i 'ná' jaléng' na' e i' 'ná' dsea` sea' loguá' na', i'na' na' jalé' júu^ quíé' e!

E~ uiing~ e cajíng~ Jesús jalé~ e júu^ do
(Mr. 4:10-12; Lc. 8:9-10)

¹⁰ Jo mi~ cató' e café' Jesús jalé' e júu^ na, jo cangoquiéng' i dsea` quiá'r- do fí' lí' guiiñ~ jo cajming' r- dsea` do lala:

—Jiali' fí' jaléng' i dsea` i caseáng' na cóo'~ jalé' júu^ já'- e lafa' júu^ cuento?

¹¹ Jo lalab cañí' Jesús quiá'- i dsea` quiá'r- do jo casí'- reiñ':

—Jo 'nú' nicangíng' na' quiá'- Fidié~ e ngáng' na' jalé' e ja' mí' ní' dsea` jéeng' gui e dsea` í' iñ~ cár' nifí' quiá'- lajaang' lajaang' dsea` jmigüí, jo dsu' jaléng' i dsea` na ja` cangíiñ' e ngáiñ' e jo. ¹² Co' i dsea` i nicangíng' e ngáng' jiaur júu^ quié~ e jmiguiá' guib niñíiñ' e ningáiñ' e jo, joba' lalím` nilisea` quiá'r-; jo dsu' i dsea` i ja` niñíng' e ngáiñ' jii'~ capí' e jo, joba' nigüeáb' lajii'~ capí' e ngíiñ' e ngáiñ' do. ¹³ Jo uii~ e lajob lí', joba' fii' i jaléng' i dsea` na cóo'~ júu^ já'- e lafa' júu^ cuento; co' jaléng' i dsea` na lím-bre e jné'bre, dsu' ja' jné'r'; jogui lím-bre e núu'bre, dsu' ja' núur' o'gui ngáiñ' cajo. ¹⁴ Jo cóo' i dsea` na líti' laco' jii'~ júu^ e cajíng' Saií', jaang' i café' cuaiñ~ quiá'- Fidié~ malíi' gui eáang' mi~ cajíñ'- lala:

Jial fa' jialgui la núur' dsu' ja' e ningáiñ',

jogui fa' jialgui la jóø- dsu' ja' e ninír`.

¹⁵ Dsaco' jmang' e ja' dseem'ba' í' dsí' i dsea` seeng' fí' la;

jogui jnái'bre loguar~ co' ja' iñ~ ninúr`,

jogui jnái'bre jminir~ cajo co' ja' iñ~ nijóø- ,

jo lajobi ja' cuóøng' ningáiñ' jii'~ coo',

jo lajobi cajo ja' niquí'- jíng' yaaiñ~ fí' quinií-

e laco' jnea~ nijmi'leáan`nre.

¹⁶ 'Joba' fii' i 'nú', dsea` nilíng' na' dsea` quié~ e, juguiá' jia quií' na', co' seab' jminí' na' cóo'~ e cuóøng' jóø' na', jogui seab' loguá' na' cóo'~ e cuóøng' núu' na'.

¹⁷ Jogui jnea~ jmitaa' óo' na' e fíim' dsea` i café' cuaiñ~ quiá'- Fidié~ malíi' gui eáang' cóo'~ gui jaléng' dsea` i ée' guiá' cali' iñ~ ninír' lajii'~ e cangíng' 'nú' e móo' na' jmií' na, dsu' ja' cangár-; jogui cali' iñ~ e ninúr' lajii'~ e núu' 'nú' lana, dsu' ja' canúur- cajo.

Mí~ cajíng' Jesús e~ guóng' e júu^ quiá'- i dsea` bí' mijú' do
(Mr. 4:13-20; Lc. 8:11-15)

¹⁸ 'Núu' na' júu^ quié~ e, lana nijméé'~ duu 'nú' júu^ e~ guóng' e júu^ quiá'- i dsea` bí' mijú' do. ¹⁹ Jaléng' dsea` i núu' jalé' júu^ quiá'- jial quié' Fidié~ nifí' quiá'- dsea` jo dsu' ja' ngáiñ' e júu^ jo, joba' jaléng' i dsea` í'bing' i líng' laco' e mijú' e ca' líng- fí' guiá' fí' do; co' dsifí' lanab guiéé' fii' i 'líng' jo íim-bre lajii'~ e nicangáng' i dsea` do. ²⁰ Jogui e mijú' e cajiá' fí' jee~ cuu~ do guóng' quiá'- jaléng' dsea` i tí' dsí' núu' júu^ quiá'- Fidié~ jogui tí' dsí' íñ' cajo; ²¹ jo dsu' laco' e mijú' do ja' lí' sea` lí' nisó' jmó' quiá'- jmiguiá', joba' lajob lí' cóo' i dsea` í', cateá'ba' e té'r' e siñ' teá' cóo'~ e júu^ jo; jo dsu' mi~ dsingíiñ~ e huíng' uí'~ e já'- líiñ' e júu^ do, joba' ladsifí' lanab tá'tur e já'- líiñ' e júu^ jo. ²² Jogui e mijú' e cajiá' fí' jee~ mijú' 'matóo' do guóng' quiá'- jaléng' dsea` i núu' júu^ quiá'- Fidié~ , jo dsu' eáang' gui guíng~ dsí' jalé' ta' lí' cuu- fí' jmigüí' la, jogui eáam' jmigóo' e cuu- do quiá'r-. Jo co' lajob líiñ~, joba' íim- dsí' lajii'~ e júu^ do; jo lajoba' íim- quiá'r-, co' ja' cuór' fí' fa' e nidsicuáng' e júu^ do quiá'r- e laco' teá'gui nisíñ'- fí' guiá' cóo'~ Fidié~. ²³ Jo dsu' e mijú' e cangotóo'~ lí' jlo' uó- do guóng' quiá'- jaléng' dsea` i núu' júu^ quiá'- Fidié~ jogui ngám'bre jalé' e júu^ jo, joba' eáam' dsicuáng' quiá'r- cóo'~ e júu^ jo. Jo i líng~ i dsea` í' líiñ' laco' e mijú' e cacuó' laj' cien mí' lacamí' do, jogui i líng~ gui i dsea` do líiñ' laco' e mijú' e cacuó' jii'~ sesenta mí' lacamí', jogui i líng~ gui líng' laco' e mijú' e cacuó' jii'~ treinta mí' lacamí'.

Coo`júu`já` e lafa' júu` cuento quiá'` onuu` guí`

²⁴ Jo mi` cangf jo, cajíng'` gui Jesús casi'r` jaléng'` i dsea` ngí cóo'r` do coo`gui júu`já` e lafa' júu` cuento jo cajíñ'`:

–Lalab lí' mi` Fidiéé` quier` nifí` quiá'` dsea: Jo e jo lí' laco' jaang` dseañu' i cangojnî micui'iee` jlo` fí` lí' nicajír`²⁵; jo dsu' lajee` uóøb` caguié` jaang` i 'ní' ní` quiá'` i dseañu' î jo cangoteá'r` mijú` onuu` guí` fí` jee` mijú` cui'iee` quiá'` i dsea` do, jo mi` cangf jo caquim'` tur. ²⁶ Jo mi` tí` lí' canaang` cacuáng` e mijú` cui'iee` do jo canaang` ca'ia` láa` quiá'`, jo mifíng` cajném` bi cajo e onuu` guí` do. ²⁷ Joba' i dsea` jmóo` ta` quiá'` e cui'iee` do caguijméé` bre júu` i dsea` fii` do cuaiñ` quiá'` e onuu` guí` e nica'iaang` do, jo lalab casi` reiñ' do: “Fí'ii', jmang'` mijú` jlob'` e caguijnî` nu` fí` ní` guóo'` uó` quí'` do. Joba' çjie` lí` cajá` jú` quiá'` e onuu` guí` e nica'iaang` do?” ²⁸ Jo lalab cañí` i dsea` fii` do quiá'` i dsea` 'léeng'` quiá'r` do: “Dsea` i 'ní' ní` quíé`-baa, íb` lí'` dsii` i cajméé` lajo.” Joba' cañí` tu` i dsea` 'léeng'` do quiá'` fii'r` jo casi` reiñ': “Cuø` nu` júu`, fii'i, e nidsisé'` naa' jalé` e onuu` guí` do.” ²⁹ Joba' cañí` tu` i dsea` fii` do quiá'` i dsea` 'léeng'` quiá'r` do: “U~, co' fing song cagüitøø'` e onuu` do, jo la quie` tí` e cui'iee` dob dseéang'` nigüitøø'` jóng. ³⁰ Joba' guiá`-gui güisée` lado jo güicuaang` colíng` cartí` mi` nití` í' e nihuí' e cui'iee` do; jo i dsea` i nisín` n i nisítíng` e jo, nifí` ire e nisø'r` la'uii` e onuu` guí` do jo niguiár` tá'` có` nibøø` jo ngf jo nitó'r` ji; jo mi` níngf, joguiba' nisítíiñ` e cui'iee` do jo nitá'r` éé` quiá'`.”

Coo`júu`já` e lafa' júu` cuento quiá'` coo` mijú` e sii` mostáa`

(Mr. 4:30-32; Lc. 13:18-19)

³¹ Jo casi'`-gui Jesús jaléng'` i dsea` quiá'r` do cóo'` e júu` lajob cajo jo cajíñ'`:
–Lalab lí' mi` Fidiéé` quier` nifí` quiá'` dsea: Jo e jo lí' la lí' coo` mijú` e pí'` eáang` e sii` mostáa` e jní` dsea` fí` guóo'` uó` quiá'r`. ³² Jo e já'` e mijú` jo pí'`gui eáang` lajee` lajalé'` mijú`, jo dsu' mi` nicuáng`, latí` coo` 'ma` féb'` tí, jo cuø` quiá'` jaléng'` ta` e jmo're'` si` re'` fí` lacaang` guo'` quiá'`.

Coo`júu`já` e lafa' júu` cuento quiá'` quie'` iñí`

(Lc. 13:20-21)

³³ Jo casi'`-gui Jesús jaléng'` i dsea` quiá'r` do cóo'` e júu` lajob cajo jo cajíñ'`:
–Jo lalab lí' mi` Fidiéé` quier` nifí` quiá'` dsea: Jo e jo lí' la lí' quie'` e cáng'` jaang` dseamí` fí` jee` ca` iñí'` quiá'r`. Jo cóo'` jí'` capí'` e quie'` dob jmóo` e røo` jalé'` e ca` iñí'` do.

E uing` e café'` Jesús cóo'` júu`já` e lafa' júu` cuento

(Mr. 4:33-34)

³⁴ Jo jmang'` cóo'` júu` lanab caféng'` Jesús jaléng'` i dsea` i ngí cóo'r` do, jo jí'` coo` júu` quiá'r` fa' ja` café'r` cóo'` e júu` lajo. ³⁵ Jo e júu` na caliti` lí'` laco'gui la júu` e caguiá` Saií` malí` gui eáang`, jaang` dsea` i café'` cuaiñ` quiá'` Fidiéé` mi` cajíñ'` lala:

Nifá'` a jmang'` júu`já` e lafa' júu` cuento,
jogu` nijmijnéem` baa jalé'` júu` e si` maang` lami` jéeng` gui
latí` jí'` ie` mi` cajméé` Fidiéé` jmigüí`.

Mi` cajíng'` Jesús e` guøng'` e júu`já` e lafa' júu` cuento quiá'` e onuu` guí` do

³⁶ Jo mi` cangf jo, ca'íib` Jesús júu` jaléng'` i dsea` ngí cóo'r` do jo ca'ír` fí` coo` dsí'` sínúu`. Jo fí` job cangoquiéeng` i dsea` guitúung` do quiá'r` jo casi'r` dsea` do e fa' nijméiñ'` do júu` e` guøng'` e júu` e cajíñ'` do cuaiñ` quiá'` e onuu` guí` e cajní` dsea` fí` lí` líng` ee` sijnéé'` dsea`.

³⁷ Jo lalab cañí` Jesús quiá'` i dsea` quiá'r` do:

—I dsea` i jni` e mijú` jlo` do, íb` i dsea` i jáa` fí` ñifí` e líiñ` jaang` dsea` jmigüü, ³⁸ jo e fí` ni` guóo` uó` do guóng` lafa' fí` jmigüü. Jo e mijú` e jlo` do guóng` lafa' jaléng` dsea` i náu` jalé` ta` quiu` Fidiéé, jogui e onuu` guí` do guóng` lafa' jaléng` dsea` i líng` dsea` quiá` fii` i` ling` i` ní` níng` Fidiéé. ³⁹ Jogui i fii` i` ling` i` ní` níng` Fidiéé do, íb` i cajni` e onuu` guí` do. Jogui cuaiñ` quiá` e sitíng` lajii` e cangojneá` do guóng` lafa' mi` tí` lí` ni`ling` jmigüü. Jogui jaléng` i` sitíng` lajii` e caroo` do, íb` jaléng` ángeles i líng` guotii` Fidiéé. ⁴⁰ Jogui lí` laco' sitíng` e onuu` guí` do jo nidsitoo` fí` ni` jì` e nicó, lajob cajo nidsijéé` mi` tí` lí` ni`ling` jmigüü. ⁴¹ Co` jnea, dsea` i cagüéng` fí` jmigüü la e lín`n jaang` dsea` jmigüü, nisín`n jaléng` ángeles quié` e jee` jaléng` dsea` i quiá`-u ta` quiá` e laco' nisitíiñ` do jaléng` i` dsea` i jmoo` e niténg` jaléng` dsea` rúng` fí` ni` dsee` jogui jaléng` gui` i` qui` títíng` jmoo` jalé` e ja` dseeng`. ⁴² Jo jaléng` i` dsea` í` nitáíñ` fí` lí` coo` jì` e ja` too` jmii` yu` jo fí` job ni`íñ` iihuú` e eáang` cartí` niquí`r` jogui nitár` majar`. ⁴³ Jo dsu` jaléng` gui` dsea` i náu` jalé` ta` quiu` Fidiéé, dob ninír` e guiá` fí` lí` guíng` Tiquí`ii` Fidiéé i` quiu` ta` fí` la`úng` fí` jmigüü. Jo jaléng` i` dsea` í, mi` niguilíiñ` fí` jo, nilijíiñ` lí` laco' gui` la jing` íee. Joba' fíi` i` ná', jaléng` na` dsea` sea` loguá` na', jnu` na` júu` quié` e!

Coo` júu` já` e lafa' júu` cuento quiá`- coo` e 'mo` eáang` e si`ma`

⁴⁴ Jo casí`-gui Jesús jaléng` i` dsea` quiá`r` do coo`-gui júu` já` e lafa' júu` cuento jo cajíñ` lala:

—Jo mi` Fidiéé` quier` nifí` quiá` dsea, lí` lafa' coo` e 'mo` eáang` e si`ma` lí` ná` uó`. Jo fíng` jaang` dsea` cadsé`r` e si`ma` do, jo mi` cadsé`r` e jo, ní` dsíir` e dob ni`meá`-túr` calé` catú` dseáng` e lí` cadsé`r` do; jo co' dseáng` eám` cali`iáang` dsíir` dsu` e cadsé`re` do, joba' mi` niguieíñ` fí` quiá`r`, ni`ní`-bre lajalé` e sea` quiá`r`, jo nilár` e uó` lí` cadsé`r` e 'mo` eáang` e si`ma` do.

Coo` júu` já` e lafa' júu` cuento quiá`- coo` cuu` e 'mo` eáang`

⁴⁵ Jo casí`-gui Jesús jaléng` dsea` quiá`r` coo`-gui júu` lajo jo cajíñ` lala:

—Jo mi` Fidiéé` quier` nifí` quiá` dsea, lí` lafa' jaang` dsea` i jmoo` ta` láa` jogui ta` 'nii` cuu` e jlo` jogui e 'mo`. ⁴⁶ Joba' mi` tí` lí` nijíiñ` coo` cuu` e jlo` jogui e 'mo` eáang`, joba' nidséiñ` nidsi`nii`-bre lajalé` e sea` quiá`r`, jo lajoba' nilí`r` cuu` e nilár` e cuu` do.

Coo` júu` já` e lafa' júu` cuento quiá`- coo` 'máa` e sáang` 'ñu`

⁴⁷ Lalab lí` cajo mi` Fidiéé` quier` nifí` quiá` dsea: Jo e jo lí` laco' coo` 'máa` e sáang` 'ñu` e bí` dsea` fí` é` jmii` jo lí`r` langíng` íng` 'ñu`. ⁴⁸ Jo mi` caróng` e 'máa` do e teáang` 'ñu, joba' i` dsea` jmoo` ta` sáang` 'ñu` do ni`óm`-bre e 'máa` do fí` 'ni` jmii, jo fí` job ni`uóíñ` jaléng` i` 'ñu` i` calí`r` do jo nitáíñ` fí` dsíi` 'matá` la lí` i` guíung`-gui jogui nibíim`-bre jaléng` i` ja` dseeng`. ⁴⁹ Jo lajob nidsijéé` cajo mi` tí` lí` nití` í` e ni`ling` jmigüü; co' ie` jo nisíng` Fidiéé` jaléng` ángeles i líng` guotii`r` e laco' ni`náíñ` ca' jaléng` i` dsea` i ca`ée` ga` i seeng` jee` jaléng` i` dsea` i ca`ée` guíu`. ⁵⁰ Jo jaléng` i` dsea` i ca`ée` ga` do nitáíñ` fí` dsíi` lí` coo` jì` e ja` too` jmii` yu`, jo fí` job ni`íñ` iihuú` cartí` niquí`r` jogui cartí` nitár` majar` uí` jalé` e nidsingíiñ` do.

Júu` e 'má` jogui júu` e yúu`

⁵¹ Jo cajmíngí`-gui Jesús jaléng` i` dsea` quiá`r` do jo casí`-reiñ` lala:

—¿Su nicangáng` 'nú` jalé` e júu` e fíi` i` ná` na?

Joba' cañí` i` dsea` do:

—¡Ngám`baa', Fíi`ii`!

⁵² Jo cajíng`-gui Jesús jo casí`-reiñ`:

—Mi~ jaang` tifa' quiá'- júu^ quiu' ta~ quiá'- dsea` Israel jmitíiñ` e quiá'- mi~ Fidiée` quier' nifí' quiá'- dsea`, joba' íb` tifa' i líng' laco' jaang` dsea` fii` coo` 'núu' e guiar' líng' langíng- íng' e dsér' e fí' sinúu^ quiá'r- do, doñí' si 'mí- osi yáú~ é, co' dseáng' sití~ bre lajalé`.

Mi~ caguiéng'-tu Jesús fí' góor` e sii` Nazaret

(Mr. 6:1-6; Lc. 4:16-30)

⁵³ Jo mi~ catáng' Jesús e fé'r` jalé` e júu^ já'- do e lí' lafa' júu^ cuento, joba' cagüi'í~bre fí' jo, ⁵⁴ jo caquim'-tur fí' góor` lí~ sii` Nazaret, jo fí' job canaang`tur e'r` jaléng` dsea` júu^ quiá'- Fidiée` fí' dsí' sinúu^ guá'- quiá'- dsea` góor` dsea` Israel e si' fí' jo. Jo lajalém' i dsea` i núu' e júu^ quiá'r- do, eáam' dsigá` dsíiñ' jo fé'r` lala cuaiñ~ quiá'- dsea` do:

—¿Ie~ fí' lí~ cajmitíng` i dseañu` na lajalé` e tíiñ` na? ¿Jial tíiñ` jmóor` jalé` e lí' e quí~r` jmí~ e dsigá` dsí' dsea`? ⁵⁵ Jo ¿su o' i nabi jóo' Sé^ i líng' tí'ma' i seeng` fí' la, jogui niquiá'r^ sii` Yá^? Jogui i nabi rúng' Tiáa~ cóo~ gui Sé^ jogui Simón cóo~ gui Judas, ⁵⁶ jogui labi neáang` i rúíñ` dseamí do jee~ jnea~aa' cajo. Jo i dseañu` na ja` ní^ jial jmóor` e tá'- tíng' lír.

⁵⁷ Jo jaléng` dsea` i teáang- do lajob fé'r`, joba' ja` iñ~ fa' já'- calíñ- dsea` do. Jo dsu' Jesús cajíñ'- casí'- reiñ' lala:

—Doñí' jíeb` jmi'gó` dsea` jaang` dsea` i fé' cuaiñ~ quiá'- Fidiée`, dsu' fíng catí' fí' góor`, jíi~ jaang` jo` i~ jmi'gó` ír` jogui lajobi fíng catí' fí' quiá'r- cajo.

⁵⁸ Jo e fí' jo ja` 'leáang- jalé` lí' e quí~r` jmí~ e dsigá` dsí' dsea` cajmée` Jesús, dsu' co' ja` já'- calíng- dsea` ír`.

14

Mi~ cajúng- Juan i seáang` dsea` jmí~

(Mr. 6:14-29; Lc. 9:7-9)

¹ Jo ie~ jo niseeng` jaang` dseata~ dsea` féng' i sii` Herodes i quiu' ta~ latøng- lí' se' Galilea. Jo i dseata~ í, mi~ caliñir' lajíi~ júu^ e fé' dsea` quiá'- Jesús, ² joba' lalab casí'r- i dsea` i jmóo' ta~ quiá'r- do ie~ jo:

—Jangám- i nab i Juan i lami~ seáang` dsea` jmí~ jo e nicajíb`tur calé` catú-. Joba' eáam' quí~r` jmí~ cóo~ jalé` e lí' e dsigá` dsí' dsea` e jmóor`.

³⁻⁴ Jo ie~ lami~ jéeng`gui do i dseata~ Herodes do 'nuñí~b^ cataiñ'- i Juan do. Jo caquiá'r' ta~ e cañung'- dsea` do cóo~ ní^ cadena fí' dsí' 'nuñí^ uíi~ i dseamí i sii` Herodías i calí- dseamí quiá'- Lii~ rúng' dsea` ngáang~ cóo~ i dseata~ Herodes do. Co' ie~ jo i Juan do cajíim~bre dseata~ Herodes jo casí'r- e ja` catíng- e jmóor` e jéeiñ` lafa' dseamí quiá'r- oo~ dseañu` rúíñ' i ngáang~ cóo~r~ i sii` Lii~ do.

⁵ Jo mi~ canúu- dseata~ Herodes e júu^ jo, joba' dseáng'- lami~ iñ~ ni-jngám'-bre i Juan do, jo dsu' ja` cajméer` lajo co' 'góm'-bre jaléng` dsea` fii~; co' lajím` dsea` já'- líiñ` e i Juan do líiñ' jaang` dsea` i fé' cuaiñ~ quiá'- Fidiée`. ⁶ Jo jo huøø- ngó- mi~ ngí' jo mi~ catí' jmí~ quiá'- dseata~ Herodes e cadsí'r- jíi. Jo i Herodías do niseeng` jaang` simí^ quiá'r-, jo i simí^ í cagüi'í~r' e cadséeiñ` dseáng'- fí' quini~ lí~ neáang` i dsea` simíng` do. Jo co' eáam' catí' dsí' i dseata~ Herodes do lajíi~ e cajmée` i simí^ do, ⁷ joba' casí'-reiñ' do e dseáng'- nicuø'-bre lí' doñí' e mí-biñ' do. ⁸ Jo i simí^ do, co' niteáaiñ~ júu^ quiá'- niquiá'r^, joba' casí'r- i dseata~ Herodes do lala:

—Cuøø~ jnea~ mogui~ Juan i seáang` dsea` jmí~ e iu~ fí' dsí' coo` huíi'.

⁹ Jo dsu' i dseata~ Herodes do fí'í~b^ eáang` calíñ- mi~ canúur- e júu^ jo lifa' jo` ñir' e~ jmé~bre, co' jéem' nicacuø' júu^ quiá'r- fí' quini~ i dseamí do jogui fí' quini~ i dsea` simíng` do e nicuø'-breiñ' do lí' doñí' ee` mí-biñ'. Joba' jo` e mí' caliseá` quiá'r- jo jíi~ lajob cajméer`. ¹⁰ Jo caquiá'r' ta~ dsea` quiá'r- e

caquiua'biñ' mogui~ i Juan do catí' lí~ iuuiñ~ dsí' 'ñañí'; **11** jo iu~ fí' coo' dsí' huí' b' cacór~ jo cacuø'r' i dseamî do, jo îguib cangîng' fí' jaguo' niquiá'r^ e huí' do.

12 Jo mi~ cangî jo, caguilíng~ jaléng' dsea` quiá'- i Juan do e fí' jo, jo catø~ bre i 'lí~ do e cango'áang' neiñ'. Jo mi~ cangî e ca'áaiñ~ dsea` do, jo cangolíim^ bre cangojmée'r' júu^ Jesús quiá'- lajii' e nicalí~ do.

Mi~ cahéng' Jesús 'niá` mil dsea`

(Mr. 6:30-44; Lc. 9:10-17; Jn. 6 :1-14)

13 Jo mi~ caliñí' Jesús e nicajngam' dsea` Juan i seáang` dsea` jmi~ do, joba' cagüi'í'bre 'ñia'r' e fí' lí~ táaiñ' do jo cangór~ fí' coo' lí~ ja` ii' 'ga' lí' dsea` seeng' e iuuiñ~ fí' dsí' coo' móo'. Jo dsu' mi~ caliñí' jaléng' dsea` i seeng' có~ quiá'- do e ningóo' Jesús, joba' dsifib' cangolíiñ~ fí' lí' lí~ ngóo' dsea` do lifa' la tóo' guoo'~ uób~. **14** Jo mi~ tí' lí~ cagüi'í' Jesús e fí' dsí' móo' do, dob niteáang~ i dsea` 'leáang~ do, jo calí~ fíi~ líim~ bre jaléng' i dsea` do jo cajmi'leáam~ bre lajaléng' dsea` dsée'~ i jéeiñ' do. **15** Jo co' ie~ jo ningóo' canuub~, joba' i dsea` quiá'- Jesús do cangoquiéeiñ' fí' lí~ sing' dsea` do jo lalab casí'-reiñ':

—Fí'i'ii', nicanuub' la, jo jii'~ jaang` dsea` neáaiñ' có~ quiá'- la, fa' ni'í'ba' júu^ jaléng' i dsea` na e güiguilíiñ~ fí' lí~ lí~ neáang' dsea` jo fí' job nidsileáar' capí' e nidø'r~, co' ja' e sea' fí' la.

16 Dsu' mi~ canúu~ Jesús lajo, lalab cañíir` quiá'- i dsea` quiá'r~ do:

—Ja' 'né~ dsilíng~ i dsea` na e nidsi'néer~ e dø'r~, co' 'núb' 'né~ cuó'na'r e jo.

17 Joba' cañíi' i dsea` quiá'r~ do lala:

—Jii'~ 'niá' iñí'~ cóo'~ gui gáng~ 'ñu, jii'~ joba' sea` qui~naa' lana.

18 Joba' lalab cañíi'tu Jesús quiá'iñ'~ do:

—Cuøø'~ du' jnea~ e jo fí' la.

19 Joba' caquiua' Jesús ta~ i dsea` fíng' do e nigüeáiñ` tá~ có' nibøø~ fí' jee~ ñii'. Jo mi~ cangî jo, catíng~ Jesús laji' 'niá' e iñí'~ do cóo'~ gui laji' huáang~ i 'ñu do jo cajøø'r~ fí' yá'~ jmigüi~, jo lajob cacuø'r~ gui'máang' Fidiée~ quiá'- jalé' e do. Jo ngî jo, cañim~ bre e iñí'~ do jo cacuø'r' i dsea` quiá'r~ do, jo îguib cajmée' guiéé~ jee~ jaléng' i dsea` i fíng' do. **20** Jo lajiiim~ i dsea` do cagø'r' guié~ ie~ jo car` calitaiñ~. Jo mi~ calí~ gø'r', caseám~ bi guitu'gui 'matá^ jalé' 'ná' iñí'~ cóo'~ gui jalé' 'náng'~ i 'ñu do. **21** Jo lajee~ lajiiing' dsea` i cagø' do ie~ jo tíir' 'niá' mil yaang~ dseañu', jo ja' lí'íng^ dseamî cóo'~ gui jaléng' jiuung~.

Mi~ cangî Jesús fí' ni~ jmi~

(Mr. 6:45-52; Jn. 6 :16-21)

22 Jo mi~ cangî jo, caquiua' Jesús ta~ i dsea` quiá'r~ do e cangotáaiñ'~ do fí' dsí' móo' jo nicuá'r~ e guiéé' do jéeng'guir laco' dsea` do, lajee~ e táaiñ' e i'r' júu^ jaléng' i dsea` i caseáng' do ie~ jo. **23** Jo mi~ catáiñ' e i'r' júu^ jaléng' i dsea` do, joguiba' cajgóor~ fí' coo' yá'~ mó' 'ñia'r' lado e cangoféeiñ' Fidiée~. Jo coob' mi~ tí' lí~ calí~ núu^, jo dobi táaiñ' 'ñia'r' e fí' yá'~ mó' do, **24** jogui e móo' e lí~ teáang'~ i dsea` quiá'r~ do ningo' huíim~ laco'gui 'ni' guoo'~ uø'. Jo lajee~ jo, dsíng'~ niroo~ jmi~ jogui ni'lea' jmi~ e móo' do, co' lí' lí~ jiéb' í' guí laco' la ngóo' e móo' do. **25** Jo ningóo' nijneáb' mi~ cangoquiéeng' Jesús fí' ni~ jmi~ fí' lí~ ningo' e móo' e lí~ teáang'~ i dsea` quiá'r~ do jo e ngí'bre cangáiñ' e fí' ni~ jmi~ do. **26** Jo mi~ tí' lí~ cangá~ i dsea` do e ngí' Jesús ni~ jmi~, joba' ladsifí' lanab ca'óor' e caføiñ' jo cajíiñ':

—jJaang` dsea` guí' do!

27 Dsu' Jesús cañíir` quiá'- i dsea` quiá'r~ do jo casí'-reiñ':

—Teá' teáang' óo'na', co' jneab~ la, jo ja' føøng'~na'!

28 J_oba' cañí' Tú^ Simón quiá'- dsea` do j_o cajíñ'-:

—Fí'ì, song já'- e 'n_u, j_oba' sí'~ jnea~ e ning_u~ fí' nì~ jm_u~ cartí' nijín'n 'n_u.

29 J_oba' cañí' Jesús quiá'- dsea` do:

—Nea~ fí' la j_o.

J_o laj_ob cajm_ee` Tú^ Simón, j_o cajgám-bre lí~ dsíñ^ fí' yá'^ e móo' do j_o cangoquiéiñ' fí' lí~ sing' Jesús. 30 J_o dsu' lajee` ngóor' ngir' nì~ jm_u~ b' m_i~ calilí'r^ e dsíng'- bíng- guí' e í' do, j_oba' cafóm'bre; j_o mifíng` ninaang` dsi'am'bre jóng, j_oba' ca'óor' j_o cajíñ'-:

—¡Leaang- jnea~, Fí'ì!

31 J_o dsifí' lanab catíng- Jesús guoo` Tú^ Simón e laco' ja` nidsi'aiñ' do j_o casí'- reiñ':

—¡Jiali' dseáng'- ja` 'ga' lí' já'- lín' júu^ quié'-e, j_ogui jiali' tú- ca'í' o'!

32 J_oba' m_i~ tí' lí~ cajgóor- laj_i huáaiñ- do e fí' yá'^ móo' do, ladsifí' lanab ca'uáang- e í' guí'. 33 J_o jaléng' dsea` quiá'- Jesús i caguaiang- do i teáang'- dsí' e móo' do canaiñ' sí'r uó- jnir~ fí' quini' dsea` do e jmiféng' neiñ' j_o cajíñ'-:

—Dseáng'- e jáb'- e 'n_u~ lín' i J_o Fidié~ dsea` guing~ ñí'fí'.

M_i~ cajm_i'leáang- Jesús jaléng' dsea` dsé~ fí' Genesaret

(Mr. 6:53-56)

34 J_o cacua'bre e guiéé' do e teáang'- tur fí' dsí' móo', j_o caguiliñ- fí' coo` lí' sií' Genesaret. 35 J_o m_i~ calilí'^ jaléng' dsea` i seeng` fí' j_o e dob táang` Jesús, dsifí' lanab cani'r' júu^ fí' la'úng- fí' lí' se' e fí' j_o jalé' e júu^ j_o. J_o jaléng' i dsea` í' cangolíñ- cangojéiñ` jaléng' dsea` dsé~ i seeng` quiá'r- fí' lí' táang` Jesús, 36 j_o camí'r' dsea` do fí' e fa' capí'^ 'ni' s_ib'^ dsea` do nigü'r-; j_o jaléng' i dsea` i lí' güi' fa' capí'^ 'ni' s_i^ dsea` do, dseáng'- 'láam-bre laj_i j_o mohuí' e líiñ'.

15

Jial lí' m_i~ jm_ir_ong` dsea` dsee- yaaiñ

(Mr. 7:1-23)

1 J_o m_i~ cangí' j_o, cangoquiéeng' fí' lí~ sing' Jesús coo` tú- m_ing'~ dsea` Israel i l_ing' dsea` fariseo coo'~ gui tú- 'n_i m_ing'~ tifa' quiá'- júu^ quiu' ta~ quiá'- dsea` Israel, j_o jaléiñ' do jalíñ- fí' Jerusalén, j_o cajm_ingí'r- dsea` do lala:

2 —¿Jiali' jaléng' dsea` quií'- ja' ru'r' guóor' laco' quí'- t_ing` 'lí~ dsea` áang' qui'- naa' m_i~ nú'- gui e nid_or- ir~?

3 J_ogui Jesús cajm_ingí'r- i dsea` do lala:

—J_o ¿jiali' 'nú' cajo ja' jm_i'goo'na' laj_i~ ta~ quiu' Fidié~, co' lico' jmití'-na' laj_i~ e quí'- t_ing'na' yaam~ba'? 4 Co' lalab j_ing'- Fidié~: “Jm_i'goo' tiquí'^ coo'~ gui niquí'”, j_ogui “I dsea` i cuo' júu^ 'lí' tiquí'^ osi niquí'^ é, ní'í' í' e 'né- nijúum- i dsea` í.” 5 J_o dsu' 'nú' fó'na' e jaang` dsea` cuóom' nisí'r' tiquíá'r^ osi niquíá'r^ é: “Ja' cuóong' lí' jm_icóo' o' 'n_u lana, co' laj_ib' e sea` quié'- e nicacuóo-ø Fidié~”; 6 j_ogui fó'na' cajo e lí'^ doñí' i i café' e júu^ la j_o catíng- fa' e nijm_icóo'~ guir tiquíá'r^ osi niquíá'r^ é. J_o laj_ob lí' coo'~ 'nú', co' j_o jí'na' fa' jmití'gui' laj_i~ júu^ quiá'- Fidié~ e cajme' dsea` malí~ gui, j_o jí'~ e quí'- t_ing'na' yaam~ba' jmití'na'. 7 ¡i jm_icaang~ i la 'nú' coo'~ jalé' e fó'na'! Co' jáb'- laco' jí'~ júu^ e café' Saí', jaang~ i café' cuaiñ~ quiá'- Fidié~ malí~ gui eáang' m_i~ café'r' uii~ quií'na' lala:

8 Jaléng' i dsea` na lico' fé'bre e jm_i'gór' jnea~ jí'~ coo'~ layaang~ júu^ quiá'-bre, dsu' huím- seeng' jalé' e í' dsí'r' do

e jm_i'gór' jnea~.

9 J_o dsu' jí'~ coo' ja' e ta~ íng^ quiá'r- jial e jmiféiñ' jnea~, co' laj_i~ ta~ quiu' dsea` jm_igü'ba' jmóor'.

10 J_o m_i~ cangí' j_o, cató'- Jesús jaléng' i dsea` i siseáng' do j_o casí'- reiñ' lala:

—Náa na jogui jmee na' úung e ningáng na' e júu la: ¹¹ Jíi coo e í' gø' dsea ja cuóøng lí jmé e nili'liiñ' fí quini Fidié, co' lajii júu e uøø fí mo'ob dsea, jii e joba cuóøng lí jmé e nili'liiñ' fí quini Fidié.

¹² Jo cangoquiéeng i dsea quiá- Jesús do fí lí sing' dsea do jo cajmingí-reiñ' lala:

—Fíi'naa, ¿ñi' e 'nib' catúng dsea fariseo e júu e café' na 'micú'?

¹³ Joba cañi Jesús quiá- i dsea quiá-r do jo cajíñ' lala:

—Lí' doñi ee onuu e sea fí guóo' uø e o' Tiquié e dsea guing ñifi cajní, nigüitøøb e jo cati jmó quiá-. ¹⁴ Joba fí i 'ná', ja jmiing na jaléng i dsea fariseo do; co' i dsea í líiñ' lafa dsea tiuung i jeeng jaang gui dsea tiuung. Jo ja lí' jii jaang dsea tiuung nijéiñ jaang gui dsea tiuung, co' fíng song cajméer lajo, joba laji huáam bre dseáng' nijiiñ' fí í jóng.

¹⁵ Jo mi cangí jo, cajíng' Tú Simón casí-r Jesús:

—Fíi, ¿já jié o' jmé' jnea' júu e guóng' e júu e café' na 'micú'?

¹⁶ Joba cañi Jesús quiá- Tú Simón:

—Jo ¿su o'gui 'nú' mí ngám' bi' júu quié e cajo? ¹⁷ ¿Su ja ñi'na' e lajalé' e í' gø' dsea ngúng' fí dsí tu'r, jo mi jo ee ta' íng, joba uøøb jóng fí lí caluu'?

¹⁸ Jo dsu' jalé' júu e uøø fí mo'oo dsea, fí dsíib' dsea lí jalí jalé' e jo, jo e joba jmóo e jmirøng' dsee yaang dsea. ¹⁹ Co' fí dsí dsea lí jalí jalé' e ga e í dsír, jo e jo quiéeng e jngang' dsea rúñ', osi e lee dsea e güiñ' cóo' dsea i o' quiá-r, osi e jmóo dsea jalé' e ja tí' ta e lí dsí ngúu táaiñ, osi jmóor í é, osi ngír ta' quié júu e o' já-, osi jmineaiñ' dsea rúñ' é. ²⁰ Jo jalé' e lí lanab e jmóo e jmirøng' dsee yaang dsea, jo o' uí' e ja jmitir lajii e qui' títng' dsea e ru'r guóor ná' gui e nidø'r ir, co' e jo ja jmóo e lirøøng' dsea dsee.

*Mi' já- calíng- jaang dseamí i ja líng' dsea Israel júu quiá- Jesús
(Mr: 7:24-30)*

²¹ Jo mi cangí jo, cagüi'íb' Jesús fí jo, jo cangór fí lí se' Tiro cóo' gui fí lí se' Sidón. ²² Jo mi caguiér fí jo, jaang dseamí cananea i niguiing' fí jo cangoquiéiñ' fí lí sing' dsea do e áñ' teá lala:

—Fíi, siju dseata dsea féng' Daví', fí güi'lin' jnea jo jmi'leáng i simí quié e, co' jaang i líng' iuung dsír!

²³ Jo dsu' jii camí' júu ja e cañi Jesús quiá- i dseamí do. Jo i dsea quiá-r dob cangoquiéeng' fí lí siñ' jo camí'r dsea do jmi'ee' jo casí-r dsea do lala:

—Fíi'naa, sí' go i dseamí na güiguiéiñ', co' jaar ta' oo' lí' caluu'naa'.

²⁴ Joba cañi Jesús quiá- i dsea quiá-r do jo casí-reiñ':

—Lajii ta' e casíng' Fidié jnea fí jmi'güi la e quiá- nilaan jaléng' dsea góo' dsea Israel jee jalé' dsee quiá-r, co' í líiñ' lafa jo se' i sí'ling'.

²⁵ Jo dsu' mi canúu i dseamí do lado, dsifí lajob cangór cangosi' uø jnir fí quini Jesús jo casí-r dsea do lala:

—Fíi, jié o' jmicóo' jnea!

²⁶ Joba cañi Jesús quiá- i dseamí do lala:

—Ja dseeng' e niguí dsea iñi' e gø' jiuung quiá-r jo nicuø'r jaléng' dsii.

²⁷ Joba cañi tu i dseamí do quiá- Jesús:

—Jáb-, Fíi'naa, lajob lí'; dsu' e já- cajo e jiguí dsii sitíng'ne' jalé' e cuí' iñi' e sojiá' fí nú- mes quiá- fí re'.

²⁸ Joba cañi tu Jesús quiá- i dseamí do jo casí-reiñ':

—Dseamí, dseáng' lajam' já- lán' júu quié e! Jo güi'lib' jii lacó' fó' na. Jo dsifí lajob ca'láng' i jóo' i dseamí do.

Mi' cajmi'leáng- Jesús i fíng' dsea dsé'

29 Jo mi~ cangf̄ jo, cagüi'ñb' Jesús fí jo, jo caguiér~ fí 'ni' guiéé Galilea jo fí job cajgóor~ fí coo' yá'^ mó', jo fí job caguár'. 30 Jo lajee~ jo, i fíing' dsea` caseáng' e fí li~ guiiñ~ do e jéeiñ jaléng' dsea` dsée'~ quiá'r~ i líng' doñi' ee` jmohuí; do dsea` jlúung'~, do dsea` tiuung~ , do dsea` bõøng'~ cóo'~gui jaléng' dsea` i ja` lí fé', jogui quiéem'bi i líng' lí'^ doñi' ee` jmohuí e jié'gui, jo dob cajmi'leáng~ Jesús lajaléng' í. 31 Joba' dseáng'~ lajim` dsea` cangogá` dsíir' ie~ jo mi~ cangár~ e caféb' jaléng' dsea` i ja` lamí' fé', jogui jaléng' dsea` bõøng'~ ca'láam~bre, jogui jaléng' dsea` jlúung'~ cangi'bre, jogui jaléng' dsea` tiuung~ calijné'~bre. Jo lajim`bing' do canaaiñ` jmifeiñ' Fidiée~ quiá'~ dsea` Israel.

Mi~ cahéng' Jesús quiá' mil dsea`

(Mr. 8:1-10)

32 Jo mi~ cangf̄ jo, cató'~ Jesús dsea` quiá'r~ jo casí'~ reiñ':

—Eáam' fíi~ lín~ n jaléng' i dsea` la, co' na ningóo' 'ni' jmñb~ e taaiñ~ fí la cóo'~ jnea~ jo ja` sea` jii'~ coo` e nidó'r~. Jo ja` iin~ n fa' lí'^ niguiéen'~ nre lajo fí quiá'r~ e ja` mi' gó'r, co' dseáam'~ fíng ca'uó'r' guiá'^ fí.

33 Joba' lalab cañi' dsea` quiá'~ Jesús jo casí'r~ dsea` do lala:

—Jo ¿jial nijmó'oo' jóng? ¿jie~ lí~ nidsilé'ee' e nidó' i dsea` fíing' na? Co' tí lab la ja` ii` dsea` seeng` có~ quiá'~ la fa' i ni'ní'.

34 Joba' cajming'í' Jesús i dsea` quiá'r~ do lala:

—¿jó' jii'~ tí' e iñi'^ e si'mang'^ 'nú' na?

Joba' cañi' i dsea` quiá'r~ do:

—Jii'~ guiéb~ iñi'^ tí', jogui jii'~ coo` tú~ máng'~ 'ññb'.

35 Jo Jesús caquiur' ta` i dsea` fíing' do e caguaiñ' do fí ni~ uó'. 36 Jo mifíing' catíiñ~ casá'r~ e guié~ iñi'^ do cóo'~gui i coo` tú~ máng'~ 'ññ do jo mifíing' cacuø'r' gui'máang'~ Fidiée'. Jo lí~ jo cafim'bre e iñi'^ do jo cangíiñ' fí jaguó' i dsea` quiá'r~ do, jo íguiib cajmée' guiéé^ jee~ lajaléng' i dsea` do. 37 Jo lajim` i dsea` do cagó'r' ie~ jo car` calitaiñ~ guiá'. Jo caróm~bi guié~gui 'matá' mi~ cangf̄ jo e téé' 'ná'^ e caseáng~. 38 Jo jaléng' i dseaññ' i cagó' ie~ jo tí'bre la quiá' mil, jo ja` lí'íng^ dseamf̄ cóo'~gui jaléng' jiuung~. 39 Jo mi~ cangf̄ jo, ca'ñb' Jesús júu^ jaléng' i dsea` i caseáng' do, jogui mifíing' ca'ír~ fí dsí' móo' jo cangór~ fí guóo'~ uó' lí~ se' Magdala.

16

Mi~ cali'iing~ dsea` Israel e Jesús nijmér~ coo` e li~ quí'r~ jmñ

(Mr. 8:11-13; Lc. 12:54-56)

1 Jo mi~ cangf̄ jo, coo` jmñ cangolíng^ jaléng' dsea` Israel i líng' dsea` fariseo cóo'~gui i líng' dsea` saduceo fí lí~ táang' Jesús, co' iññ e niguié'r' jial e ni'náiñ~ dsea` do fí quini~ dseata~. Joba' camí'r' dsea` do e fa' nijméiñ~ coo` e lí~ e quí'r~ jmñ, jo lajoba' nicuó'~ lí~ e Fidiéeb~ dsea` i casí' quiá'r~.

2 Jo dsu' lalab cañi' Jesús quiá'~ i dsea` do:

—Mi~ nica'lóo~ lalab fó' 'nú': “Lana ja` jmñ nitú, co' coo` jni' fí yá'^ jmigüí”;

3 jogui mi~ la'ee' fó'na' lala: “Náguijñ jmñb' nitú, co' eáang' nññ jni' téé' fí yá'^ jmigüí.” Jo song ngám'ba' guiá~ lajii'~ e lí' fí yá'^ jmigüí, joba' ¿jiali' ja` ngáng'na' e~ nidsijée' jmñ na? 4 Jo jaléng' dsea` seeng' jmñ na dsíng'~ nirøøiñ` dsee~ jogui ja` jmitir~ júu^ quiá'~ Fidiée', jogui mi'r' jnea~ e nijmee~ e jalé' e lí~ e quí' i jmñ; dsu' ja` nijmee~ e jii'~ coo` e jo fí quinir~, co' nicaliseáb~ e jo lamí' jéeng'gui e cangongúng~ Jonás, jaang' dsea` i café' cuaiñ~ quiá'~ Fidiée' malí'gui eáang'.

Jo dob caseáiñ' i dsea` do, jo fí lí~ jiéb' cangór~.

Jial l#ng' dsea fariseo
(Mr. 8:14-21)

⁵ Jo mi~ catang~ Jesús cóo' i dsea` quiá'r~ do lí' lí' 'ngóo'~ cataang` e guiéé' do, jo cadseng'~ dsí' i dsea` quiá'r~ do e ja` iñí'~ quier'. ⁶ Jo casí'~ Jesús i dsea` quiá'r~ do lala:

—Ñiing~ óo'na' cóo'~ jalé' e e' dsea` Israel i l#ng' dsea` fariseo cóo'~ gui i l#ng' dsea` saduceo, có' jalé' e e' i dsea` í' lí' lafa' quie'~ iñí'.

⁷ Joba' canaang` i dsea` quiá'~ Jesús do s#iñ` lajee` la'ó' yaaiñ~ jo sí' rúíñ':

—Uí'~ e ja` iñí'~ léé'naa', joba' jing'~ Fí'naa' lana.

⁸ Jo có' calilí'~ Jesús lajii'~ e s#ng' i dsea` quiá'r~ do, joba' casí'~ reiñ' lala:

—¿Jialí' fó'na' e ja` iñí'~ quie'na'? ¿Su dseáng'~ ja` já'~ mí' lím'bi' jalé' e quí'~ i jmíi~ jmóo'~? ⁹ Jo ¿su latí' lana ja` mí' cangám'bi' 'nú' o'gui tóo'~ óo'na' cajo quiá'~ e 'ñiá' iñí'~ e cajmitaan`n laji' 'ñiá' mil dsea`, jogui e jmigui'bi' 'matá' caseáng~ e téé'~ 'ná' quiá'~ e jo? ¹⁰ Jo ¿su ja` tóo'~ óo'na' cajo quiá'~ e guié' iñí'~ e cafiñ~, jo cagó'~ quiá'~ mil dsea`, jogui e jmigui'bi' caseáng~ ie~ jo? ¹¹ ¿Su dseáng'~ ja` cuante ca'ba' e o' cuaiñ~ quiá'~ iñí'~ e júu' e fá'a na? Joba' fí'~ i 'nú' e jmeáng'~ í' yaang~na' cóo'~ jalé' e e' dsea` fariseo cóo'~ gui dsea` saduceo, có' jalé' e jo lí' lafa' quie'~ quiá'~ iñí'.

¹² Joguib mi~ calilí' i dsea` quiá'~ Jesús do lajii'~ e guóng' e júu' e café' dsea` do quiá'~ quie'~ iñí'~, có' e laba' sí' Jesús i dsea` quiá'r~ do e nijmeiñ'~ do í' yaaiñ~ e ja` niligóo'iñ` cóo'~ jalé' júu' e e' dsea` fariseo cóo'~ gui dsea` saduceo.

Mí' cajing'~ T# Simón e Jesús l#iñ' i dsea` i sijeeng' dsea` Israel i nicá' nifí' quiá'r~

(Mr. 8:27-30; Lc. 9:18-21)

¹³ Jo mi~ tí' lí' caguié' Jesús fí' lí' se' Cesarea quiá'~ Filipino, lalab cajmingi'r' i dsea` quiá'r~ do jo cajíñ':

—¿E' fé' dsea` uii~ quie'~ jnea~, dsea` i cajá' fí' ñifí' jo cagüén`n fí' jmigüí' la e lín'n jaang` dsea` jmigüí'?

¹⁴ Joba' cañí' i dsea` quiá'r~ do jo cajíñ'~ lala:

—I l#ng' dsea` fé'r' e i Juan i lami~ seáng` dsea` jmíi' 'nu', jo i l#ng'~ gui fé' e Líí' 'nu', jogui i l#ng'~ gui dsea` éeiñ' 'nu' e Jeremías osi lí' jaang`gui lajee` dsea` i café' cuaiñ~ quiá'~ Fidiéé' malii~ gui eáng'.

Jo ngí' jo, joba' cajmingi' Jesús i dsea` quiá'r~ do jo cajíñ':

¹⁵ —Jogui 'nú', ¿i' fó'na' e lín'n?

¹⁶ Joba' cañí' i T# Simón do lala:

—'Nub` i dsea` i sijeeng'~ jnea', dsea` Israel, i nicá' nifí' quí'~naa', jogui 'nub` cajo lín' i Jóo' camáng'~ quiá'~ Fidiéé' i seeng`lata~ do.

¹⁷ Joba' cañí' tu Jesús quiá'~ T# Simón jo cajíñ'~ casí'~ reiñ':

—Juguiá'~ jiu quí'~, T# Simón, jóo' jaang`gui dseañu' i sii' Jonás, dsuco' jii'~ jaang` dsea` jmigüí' ja` ii' mí' ca'e' 'nu' e júu' na, có' Tiquié'e dsea` guing~ ñifí'bing' i nica'e' 'nu' e na. ¹⁸ Jo jnea~ fí'~ i 'nu' e cuu~ guóng' e sii' 'nu' cajo, jogui 'nub` dsea` i niling~ lafa' cóo' cuu~ quiá'~ tii' fí' quiá'~ guá'~ quie'~ e. Jo e guá'~ e ni'uíng~ do quie'~ e lí' lafa' jaléng' dsea` i ni'uíng~ dsea` quie'~ e, jo ja` sea` bí' quiá'~ 'mó' fa' nijmé' e ni'íng~ e jo. ¹⁹ Jo jneab~ nicuó'~ 'nu', T# Simón, cóo' lafa' joñí' quiá'~ ñifí' fí' lí' guing~ Fidiéé' i quiá'~ ta' quiá'~ lajaang` lajaang` dsea` quiá'~. Joba' jalé' e ja` nicuó'~ fí' jee~ jaléng' dsea` quie'~ e fí' jmigüí' la, ja` nicuó'~ Fidiéé' fí' quiá'~ e jo cajo. Jogui lajalé' e nicuó'~ 'nu' fí' jee~ jaléng' dsea` quie'~ e fí' jmigüí' la, joba' nicuó'~ Fidiéé' fí' quiá'~ e jo cajo.

²⁰ Jo mi~ cangí' jo, caquiá' Jesús ta' i dsea` quiá'r~ do e ja` ii' nisíñ' do jii'~ jaang` e í'bre l#iñ' i dsea` i sijeeng' dsea` góor` dsea` Israel i nicá' nifí' quiá'r~.

*Mi~ cajméé` Jesús júu^ e tí` lí~ nijngáng` dsea` tr`
(Mr. 8:31-9:1; Lc. 9:22-27)*

²¹ Jo lati' ie~ job canaang` Jesús jma'r` júu^ jaléng` i dsea` quiá'r~ do e fí Jerusalén 'né` dséng`-tur calé` catú~, jo fí job jaléng` i dsea` cóong` i quiá' ta~ quiá' dsea` góor` dsea` Israel cóo`-gui jaléng` fii~ jmidsea` quiá'r~ cóo`-gui jaléng` tifa' quiá' júu^ quiá' ta~ quiá'r~, jo jaléng` íbing` i nicuó' ír` iihuí' e eáang` cartí nijngáin` dsea` do. Jo dsu' mi~ nidsing` 'ni' jmí~ e cajúin~, nijib`-tur calé` catú~. ²² Joba' Tú^ Simón cajéin` dsea` do lí` cóo` yaain` jo cajím`-jiur dsea` do jo casí'r~:

—Ja` güil`iing` dsí' Fidié~ e nil` lajo, Fí'naa! Ja` catúng` 'nu` e nilín`-lajo!

²³ Jo Jesús cangoquiéin` calé` catú~ fí` quini` Tú^ Simón jo casí'-rein` do:

—Jéeng` cáan, Satanás! Ja` jnín`~ jnea` fí'. Co' 'nu` ja` ngáng` laco' júi' e í dsí' Fidié~, co' lajúi' e lí' quiá' dsea` jmigüi'ba' ñi' 'nu`.

²⁴ Jo mi~ cangf` jo, casí'-tu Jesús jaléng` i dsea` quiá'r~ do lala:

—Song` ii` dsea` iing` ni'uíng` dsea` quié`-e, joba' güitúr` jalé` e lí` dsí' 'ñia'r` jo güiseain` lafa' crúu^ quiá'r~ e laco' cuó' lí~ e guía` dsí' e nidsingüin` jalé` e huíng` uíi' e líin` dsea` quié`-e, jo lajoguiba' ningír` cóo` jnea` jóng. ²⁵ Co' lí^ doñi' ii` dsea` i í` dsí' e lí'bre nileáng` 'ñia'r` jee` jalé` dsee` quiá'r~, joba' i dsea` í` conguiab` nibiin` fí' lí' 'lí'; jogui lí^ doñi' ii` dsea` i nijúung` uíi' e líin` dsea` quié`-e, joba' i dsea` í` nitím`-bre fí` quini` Fidié~ jóng. ²⁶ Jo júi' cóo` ja` ee` ta` íing` quiá' dsea` jmigüi' e silír` latøong` jmigüi' song` ja`gui` cuiin` jnea~, co' ni'íim` quiá'r~ mi~ tí' lí` nití`-í' e nijúuin~, jogui ja` cuóong` lí` quir` cuu` e laco' nitíin` fí' quini` Fidié~. ²⁷ Dsaco' jnea~, i Joo' Fidié~ i cagüéng` fí' jmigüi' la e lín`n` jaang` dsea` jmigüi', nigáab`túu e niníing` 'gøng` quiá' Tiquié` e colíng`-gui cóo` jaléng` ángeles i líng` guotír` mi~ tí' lí` nití`-e i' jo. Jo ie~ job mi~ nicuóø` dsea` lajúi' e catúng`-lajaang`-lajaain` lí^ jialco' júi' lí' ta~ e nicajméer` fí' jmigüi' la. ²⁸ Jo fíi`-i 'nú' lana e i líng` 'nú' la'ó' teáang`-na' la jmí~ na ja` mí' júung`-na' cartí nimó`-na' e nigáa` jnea~, i dsea` i cagüéng` fí' jmigüi' la e lín`n` jaang` dsea` jmigüi', e nilín`n` jaang` dseata` dsea` féng` i quiá' ta~.

17

*Mi~ calisíng`-jial jnéeng` Jesús
(Mr. 9:2-13; Lc. 9:28-36)*

¹ Jo mi~ cangf` jñúu~ jmí~ lajo, cató' Jesús Tú^ Simón cóo`-gui Tiáa~ jogui Juan i líng` rúng` Tiáa~, jo lajee` la'ó' yaam`-bre cangolíin` fí' cóo` yú' mó' e ñí' eáang`. ² Jo lajee` teáain` fí' jo, i dsea` do cangár`-jial calisíng`-jial jnéeng` Jesús. Jo cangár` e jíing` jì' ni` dsea` do lafa' jì' iee~, jogui sí'r` dseáng`-calité` lafa' jì' e tee` jlo'. ³ Jo lajee` job cangáin`-Moi` cóo`-gui Líi' e teáain`-síin` colíng` cóo` dsea` do. ⁴ Joba' lalab cajíng`-Tú^ Simón e casí'r` Jesús:

—Fíi', juguiú`-o' e taang`-naa' colíng` fí' la, fa' na nijméé`-e 'ni' 'núu`-jiu cóo` má' 'ma~, cóo` quií`-nu, cóo`-gui quiá' Moi` jogui cóo` quiá' Líi'.

⁵ Jo lajee` gui'ná^ fé'bi Tú^ Simón lado, mi~ cajgó`-cabøø` jní' e jì' jlo' fí' lí' teáang` dsea` do, jo fí' jee` e jní' do guicanú' e líng` ii` guicafé` jo guicajín`:

—I lab Joo`o i 'neáan` eáang` jo eáam`-íang` dsii` cóo'r~. Jmee`-na' núu`-na' júu^ quiá'r~.

⁶ Jo mi~ canúu` i dsea` gaang` quiá' Jesús do lajo, dsifí' lanab casijníir` fí' ni` uó' jogui catú` guir~, co' eáam` cafóin'. ⁷ Jo cangoquiéeng` Jesús fí' lí' sijní' i dsea` quiá'r~ do jo caquidsir` guóor` quiáin` do jo casí'-rein`:

—Ráang`-na'; ja` føøng`-na'.

⁸ Jo mi~ caséè i dsea` quiá^- Jesús do nir~, jíí~ jaang` i dsea` gáng- do jo` ií seeng` e fí do; 'ñiab' Jesús sing' guir.

⁹ Jo ngí jo cajgám-bre e fí yá^ mó" do. Jo lajee` jo caquiá' Jesús ta~ quiá^- i dsea` quiá^- do jo casí^- reiñ' lala:

—Ja` fí^na' jíí~ jaang` lajíí~ e cañí-na' e fí yá^ mó" la cartí mi~ nití- í" e nijí' tu jnea~, dsea` cagá^- a fí ñiff^- e lín'n jaang` dsea` jmigüí.

¹⁰ Jo mi~ cangí jo, cajmingí i dsea` quiá^- Jesús do cajmingí^- dsea` do jo cajíñ^-:

—Fíinaa', ¿jali' fé' i tifa' quiá^- júu^ quiá' ta~ qui-ii' dsea` Israel e Líi^bing' i nijáa' nifígui?

¹¹ Joba' cañí Jesús quiáñ^- do lala:

—E jáb^- e Líi^bing' i nijáa' nifí, jo íbing' i niguiá^- guiá^- lajalé". ¹² Jo dsu' jnea~ gui fí i 'nú" e nicajáb^- Líi^, dsu' ja' calijíí^- dsea` ír', jo cajméeb^- dsea` la tí' e já^- dsír' cóo^- dsea` do. Jo lajob jnea~ cajo, i dsea` i cagüéng^- fí jmigüí la e lín'n jaang` dsea` jmigüí, niñim`baa iihuí' cajo e nicuó^- jaléng" i dsea` í.

¹³ Job mi~ calíí^- i dsea` quiá^- Jesús do e dsea` do fé'r` uii~ quiá^- i Juan i lamí seáang` dsea` jmí.

Mi~ cajmi'leáang^- Jesús jaang` s'iming" i iuung^- i 'líng" dsí'

(Mr. 9:14-29; Lc. 9:37-43)

¹⁴ Jo mi~ caguiéng^- Jesús cóo^- i dsea` quiá^- do fí lí teáang^- dsea` fíng', jo fí job cangoquiéeng^- jaang` dseañu" fí quini~ Jesús jo casí^- uó^- jnir~ fí quini~ dsea` do ¹⁵ jo casí^- reiñ' do lala:

—Fíi, fí- güilín' jóo^, co' contøøm^- dsea` e joñíñ', jo seab` mi~ quiñ' fí ni~ jí osi fí ni~ jmí é, jo dseáng^- eám íñ' iihuí'. ¹⁶ Jo nicagajéem`baa'r fí quini~ dsea` quií^, dsu' ja' mí cali' í fa' e nicajmi'leáang` neiñ'.

¹⁷ Joba' cañí Jesús jo cajíñ^-:

—Dsíng^- ja' já^- líng`na' júu^ quié^-e, jo jmang^- fí gab` iing`na' cá`na'. ¿Jial nité" lí" e niliseen^- cóo^- 'nú"? Nijéeng`na' i s'iming" do fí la.

¹⁸ Jo mi~ caguilíñ^- fí lí sing' Jesús, joba' cajíng^- dsea` do i 'líng" i iuung^- dsí i s'iming" do jo lajob cangoहुíng^- i 'líng" do ladsifí lana, jo ca'láam^- i s'iming" do. ¹⁹ Jo mi~ cangí jo, i dsea` quiá^- Jesús do casíñ^- cóo^- dsea` do lajee` la'ó' yaaiñ~ jo casí^- dsea` do lala:

—¿E~ uiing~ quiá^- e ja' calí^- jnea^ fa' e cajmihuíng`naa' i 'líng" i lamí iuung^- dsí i s'iming" do?

²⁰ Joba' cañí Jesús quiáñ^- do:

—Co' ja' 'leáang^- já^- líng` 'nú' júu^ quié^-e, jo uí~ e joba' e ja' calí^-na' cajmee^-na' lajo; jo dsu' jnea~ jmítaa^ óo`na' e fa' capí^ba' já^- líng`na' júu^ quié^-e fa' laco' jíí~ e tí' cóo^- mijú^- mostáa^, joba' cuøøm` lí quiá`na' ta~ cóo^- mó" e nilisíng^- ée^ quiá^- lí si', jo nidsisíng" 'ña' fí lí jíe^- faco' lajo. Jo song lajo, joba' doñí eeb` quiá`na' jmí~ jmee^-na' jóng. ²¹ Co' la'eáang^- cóo^- e féng' dsea` Fidié~ jogui jmóor` ayuno, quií^- jmí~ e ni'uóng` i 'líng" lado.

Mi~ cajméé tu Jesús júu^ e nijnga^- dsea` quiá^-

(Mr. 9:30-32; Lc. 9:43-45)

²² Jo mi~ cangí jo, lajee` e ngí Jesús colíng^- cóo^- dsea` quiá^- fí lí se' Galilea, lalab cajíñ^- casí^- i dsea` quiá^- do:

—Tí lí niguiéeb' í" e jnea~, dsea` i cajá^- fí ñiff^- e lín'n jaang` dsea` jmigüí, tí lí nitén"n fí jaguó^- dsea` jmigüí ²³ jo cartí nijngám^- bre jnea~. Jo dsu' mi~ nití^- ni~ jmí~ lajo nijíb` túu calé^- catú^-.

Jo mi~ canúu^- i dsea` quiá^- Jesús do lajo, joba' dsíng^- fí í calíñ^-.

Mi~ caquí' Jesús cuu^- e catíng^- guá^-

²⁴ Jo mi~ cangf jo, caguie~ tu Jesús fi' Capernaum coling~ cóo' i dsea` quiá'r do. Jo i dsea` i jmóo' ta~ mí cuu~ e catíng~ guá' caguiliñ~ fi' lí~ sing' Tú^ Simón jo cajmingf'r~ dsea` do jo cajíñ'~:

—¿Su ja` quí' tifa' quí'~ lajii'~ cuu~ e catíng~ niquí' fi' guá'~?

²⁵ —Quí' b~ dsea` do e jo —cañí' Tú^ Simón.

Jo mi~ tí' lí' ca'í' Tú^ Simón fi' dsí' sináa^, cuøng` Jesúsbi canaaíñ` s'í'r` dsea` do jo cajíñ'~:

—Janú', Tú^ Simón, ¿jial í' o' cuaiñ~ quiá'~ e júu^ la? Jo jee~ jaléng` dseata~ i quiá' ta' fi' jmigüí' la, ¿i~ quiá'~ jaléng` catíng~ nicár` cuu~ e 'né~ quí' dsea` jogui e cuu~ e íng^ dsea'? ¿Su quiá'~ jaléng` dsea` góor` osi quiá'~ jaléng` dsea` i jalíng~ fi' caluub` é?

²⁶ Joba' cañí' Tú^ Simón jo cajíñ'~:

—Mó' quiá'~ jaléng` dsea` i jalíng~ fi' caluub`.

Joba' cañí' tu Jesús quiá'~ dsea` do jo cajíñ'~:

—Joba' lajii'~ e catíng~ 'na', ja 'né~ qui' jii'~ cóo'. ²⁷ Jo lico' ja' í' dsí' i dsea` do ga` uii~ qui'ii', gua' fi' lí' néé' guiéé', jo güibí' 'máa' quí'~ jo guing~ i la'uii~ 'ñu' i nilí'; jo fi' mo'oo~ i 'ñu' í' nisicú' coo' cuu~, jo cóo' jii'~ e job nitíng` guiá' quiá'~ e nigüiquí' qui'ii' quiá'~ lajii'~ cuu~ e catí' naa' niquí'ii' quiá'~ guá'~; joba' quie' e cuu~ do jo güiquí' jóng.

18

¿I' i niing~ guí' fi' quini' Fidié'?

(Mr. 9:33-37; Lc. 9:46-48)

¹ Jo ie~ job cajo jaléng` dsea` quiá'~ Jesús cangoquieeiñ` fi' lí~ sing' dsea` do jo cajmingf'r~ lala:

—Fí' naa', ¿i' líng~ 'na' i niing~ guí' mi~ Fidié' quier' nifí' quiá'~ dsea` jmigüí'?

² Joba' Jesús cató'r~ jaang` jiuung~ jo casíñ' i jiuung~ do fi' guiá' joo' laco' la teáng~ i dsea` quiá'r~ do ³ jo casí' reiñ' do lala:

—E jáb' e fí' i 'nú' e song ja` nijmisíng` na' lajii'~ e í' óo' na' jogui song ja` ni'uíng~ na' laco' gui la líng` jiuung~, joba' ja` nilí' na' jóng e Fidié' nicár` nifí' qui' na'. ⁴ Jo lalab fí' i 'nú'; i~ dsea` i ja` jmiféng' 'ñia' jogui ni'uíng~ tur laco' gui la líng` i jiuung~ i sing' la, joba' í'bing' i niing~ guí' mi~ Fidié' quier' nifí' quiá'~ dsea`. ⁵ Jo i~ dsea` i íng' i dsea` i líng' laco' i jiuung~ la la'eáng` cóo'~ jnea~, joba' güiliñir' guiá' e jneab~ íñ' cajo.

Jial dseáng' e nijjúng' dsea' fi' ni~ dsee~

(Mr. 9:42-48; Lc. 17:1-2)

⁶ Jo fí' guí' 'nú' e doñí' i~ dsea` i nijmé~ e niténg` fi' ni~ dsee~ jaang` jiuung~ i nijá' líng` júu^ quie~ e, joba' guiá'~ gui quiá'~ i dsea` í' e nidsibíng' 'ña'r' fi' é' jmiñí' e guineaang` cóo' cuu~ 'loo' fi' moluur~ e laco' nineáiñ' cartí' uii~. ⁷ Jo gab` lí' quiá'~ jaléng' dsea` jmigüí' e sea` cóo'~ jalé' e jmirøng` yaaiñ~ dsee~, co' cóo'~ jalé' e job e tóñ' fi' ni~ dsee~. Jo dsu' e ngí' fí' b^ i dsea` i jmóo' e niténg' dsea` rúíñ' fi' ni~ dsee~.

⁸ Joba' fí' i 'na' e doñí' si guóo' osi tíi'~ nijmé~ e nitén' fi' ni~ dsee~, joba' jmeáng~ guí' quií'~ e niquí' ba' jo nigüibi' cartí' lí' huíí'. Co' guiá'~ gui quií'~ e niguøñ' fi' lí' guiá' e ja` sea` guóo' osi tíi'~ é e laco' gui niguøñ' e la'ieb' guotíi' fi' lí' coo' jì e ja` tóo' jmí~ yu'. ⁹ Jogui song jminí'~ nijmé~ e nitén' fi' ni~ dsee~, joba' jmeáng~ guí' quií'~ e niguí' ba' jo nigüibi' cartí' lí' huíí'. Co' guiá'~ gui quií'~ e niguøñ' fi' lí' guiá' e cóo' jminí' e laco' gui niguøñ' cóo'~ lajì tú~ jminí' fi' lí' coo' jì e ja` tóo' jmí~ yu'.

*Coo` júu`já` e lafa` júu` cuento quiá` jaang` jo`se` i si`ling`
(Lc. 15:3-7)*

¹⁰ Joba' fíi`guíi` 'nú' e ja` jmi`uóng`na' jii` jaang` i` jiuung` na. Co' jnea` fíi` i` 'nú' e fí` ñifb` seeng` ángeles quiá'r` i` neáng` colíing` cóo` Tiquié`e dsea` guing` fí` jo. ¹¹ Co' jnea`, i` dsea` i` cajá` fí` ñif` e lín`n jaang` dsea` jmigüi`, cagá` a e laco' nilaan` jaléng` dsea` i` si`ling` uíi` dsee` quiá'r`.

¹² Jogui` ¿jial` líng` 'nú' e júu` la? Facó' jaang` dsea` áaiñ` cien jo`se`, jo` caling`iiñ` e cango`íng` jaang` i` jo`se` do quiá'r` fí` jee` mó', ¿su ja` ni`tiúung` tear i` noventa y nueve do cateá' lajee` nidsér` e nidsi`néiñ` i` jaang` i` cango`íng` do quiá'r`? ¹³ Jo` song` cadséiñ` í, joba' eáng`gui` nili`iáng` dsíir` uii` quiá' i` jo`se` i` cadséiñ` do laco'gui` quiá' i` noventa y nueve i` caseáaiñ` do. ¹⁴ Jo` lajob` cajo, co' Tiquí`ii` dsea` guing` ñif` ja` iin` fa' e nidsi`íng` jii` jaang` i` jiuung` na.

*Jial` né` íng` dsea` dsee` quiá` jaang` dsea` rúiiñ`
(Lc. 17:3)*

¹⁵ Jo` fíi`guíi` 'nú', song` jaang` dsea` rúng`na' caling`iiñ` e cajmeáiñ` 'nú' ga, joba' guiá`gui` e siing`na' røø` lajee` co` gáng`na', jo` nifí`na're e` uing` quiá' e cajméer` e ga` do qui`na'. Jo` song` canúub` júuiñ` quiá' lajii` e cajméer` do, joba' røøb` niliseeng`tu` cóo`r`. ¹⁶ Jogui` dsu' song` ja` ni`í` júuiñ` lajii` e nifí`re do, joba' nitó`na' jóng`gáng` gaang` dsea` jiéng` i` tíi` ni` i` nija` júu` røø` quiá' lajii` e nisiing`na' do. ¹⁷ Jogui` song` la` lím`bre` líiñ` e ja` ni`í` júuiñ` cóo` i` dsea` í, joba' cóo` dsea` quiá' Dsea` Jmaam` né` ngíng` e júu` jo. Jogui` song` o' cóo` dsea` í` ni`í` júuiñ`, joba' 'né` e nita` óo`na' e i` dsea` í` ja` cuíiñ` Fidiéé` jogui` líiñ` laco' jaang` dsea` i` jmóo` ta` mí` cuu` e catíng` dseata` guing` fí` Roma.

¹⁸ Joba' jnea` jmitaa` óo`na' e jalé` e ja` nicuó`na' fí` jee` jaléng` dsea` quié` e fí` jmigüi` la, ja` nicuó` Fidiéé` fí` fí` ñif` cajo. Jogui` lajalé` e nicuó`na' fí` jee` jaléng` dsea` quié` e fí` jmigüi` la, joba' nicuób` Fidiéé` fí` cajo.

¹⁹ Lalab` fíi`guíi` 'nú' cajo, fa' gám` 'nú' fí` jmigüi` la nisiing`na' røø` quiá' lajii` e nimí`na' Fidiéé`, joba' Tiquié`e dsea` guing` ñif` nicuó`bre` 'nú' lajii` e nimí`na'r` do. ²⁰ Cofa' gáng` osi` gaang` dsea` siseáiñ` e jnea` quiee` nifí` quiá'r`, joba' dob` seeng` jnea` jee` ír` fí` lí` siseáiñ` do cajo.

²¹ Jo` ie` jo` cangoquiéeng` Tú` Simón` fí` lí` sing` Jesús` jo` cajming`r` dsea` do: —Fíi`i, ¿jó` ya' 'né` íin`n dsee` quiá' jaang` dsea` rún`n song` cajmeáiñ` jnea` ga? ¿Su` jii` guié` néeb` jii`?

²² Joba' caíi` Jesús` quiá' Tú` Simón` jo` casí` reiñ': —Ja` fíi` 'nú', Tú` Simón, e jii` guié` néé`, co' cartí` setenta ya' siete néé` 'né` íin` dsee` quiá' i` dsea` rún` do song` lí` 'né` lajo.

Coo` júu`já` e lafa` júu` cuento quiá` jaang` dsea` léeng`

²³ Jo` cajíng`gui` Jesús` casí`r` i` dsea` quiá'r` do e júu` la: —Jo` mí` Fidiéé` quier` nifí` quiá' dsea`, líi` laco' mí` jaang` dseata` dsea` féng` i` niseeng` dsea` 'léeng` i` nirøøng` quiá'r`. Jo` mí` catí` í` e camí` i` dseata` do cuu` quiá'r` lajii` e nirøøng` i` dsea` 'léeng` quiá'r` do, ²⁴ joba' i` dseata` dsea` féng` do cató`r` jaléng` i` dsea` 'léeng` i` nirøøng` quiá'r` do e laco' nidsicóoiñ` do lajii` e røøiñ`. Jo` la`uii` cató`r` i` dsea` 'léeng` i` nirøøng` jmiguiá` cuu` quiá'r`. ²⁵ Jo` co' ja` ee` cuu` sea`gui` quiá' i` dsea` 'léeng` do fa' e nija`r` i` fir` do, joba' i` fir` do caquiá`r` ta` e nidsi`nim` i` dsea` 'léeng` do colíing` cóo` dseamí` quiá'r` cóo`gui` jaléng` jóor` cóo`gui` lajalé` e sea` quiá'r` e laco' niquír` lajii` e røøiñ` do. ²⁶ Jo` dsu' i` dsea` 'léeng` do dsifí` lanab` casí`r` uó` jnir` fí` quini` i` fir` do jo` camí`r` dsea` do jmi`ee` jo` casí`r` dsea` do lala: “Fíi`i, míi` i` jmi`ee` 'nú' e nijméé` féng` a' uii` quié` e e ja` mí` seeng` quié` e lana e cuu` e røøn`

quí'⁻, dsu' niquí'⁻baa lajalé'⁻ e røøñ⁻ do quí'⁻ mi'⁻ niliseeng'⁻ quié'⁻e.” 27 Jo i fii'⁻ do calí'⁻b fí'⁻ líiñ'⁻ i dsea'⁻ 'léeng'⁻ i røøng'⁻ quiá'r'⁻ do, joba'⁻ jo'⁻ camí'⁻guir cuu'⁻ quiá'r'⁻ jo caleáam'⁻breiñ'⁻ do cóo'⁻ júu'⁻ røø'⁻.

28 Jo cangám'⁻ i dsea'⁻ 'léeng'⁻ do, jo lajee'⁻ ngaiñ'⁻ guiá'⁻ fib'⁻ mi'⁻ cajíñ'⁻ jaang'⁻gui dsea'⁻ 'léeng'⁻ rúíñ'⁻ la'ó'⁻ røø'⁻ nijmóor'⁻ ta'⁻ quiá'⁻ fii'⁻, jo i dseañu'⁻ í'⁻ nirøøng'⁻ capi'⁻ cuu'⁻ quiá'r'⁻. Jo casam'⁻ bre dsea'⁻ do jo canaaiñ'⁻ güi'r'⁻ luuiñ'⁻ jo casí'r'⁻ dsea'⁻ do lala: “¡Qui'⁻ quié'⁻ e lajii'⁻ e røøñ'⁻!” 29 Jo i dsea'⁻ 'léeng'⁻ rúíñ'⁻ do casí'r'⁻ uø'⁻ jñir'⁻ fí'⁻ quiniñ'⁻ do jo camí'r'⁻ dsea'⁻ do jmi'⁻ee'⁻ jo casí'r'⁻ lala: “Fa'⁻ nijmée'⁻ba'⁻ féng'⁻ o'⁻ e røøm'⁻bú'⁻ cateá'⁻ quí'⁻, dsu' niquí'⁻baa lajalé'⁻ mi'⁻ niliseeng'⁻ quié'⁻e.” 30 Jo dsu' i dsea'⁻ 'léeng'⁻ i cajmi'⁻øø'⁻ cuu'⁻ do jo'⁻ e canúu'⁻ júuiñ'⁻ jii'⁻ cóo'⁻, jo 'nuñ'⁻b'⁻ cangojéiñ'⁻ i dsea'⁻ 'léeng'⁻ rúíñ'⁻ i carøøng'⁻ quiá'r'⁻ do cartí'⁻ caquiñ'⁻ do e cuu'⁻ do. 31 Jo mi'⁻ caliñ'⁻ i dsea'⁻ 'léeng'⁻ rúíñ'⁻ i caguiaang'⁻gui do e júu'⁻ jo, joba'⁻ cangosí'⁻ bre fii'⁻ lajii'⁻ e cajmeáng'⁻ i dsea'⁻ 'léeng'⁻ rúíñ'⁻ i jaang'⁻gui do. 32 Jo ée'⁻ jo iing'⁻ i fii'⁻ do mi'⁻ caliñir'⁻ e júu'⁻ jo, joba'⁻ caquiñ'⁻ ta'⁻ e calitéb'⁻ i dsea'⁻ i ca'⁻léé'⁻ do jo lalab'⁻ casí'⁻ reiñ'⁻ do: “¡'Nu'⁻ lin'⁻ jaang'⁻ dsea'⁻ 'léeng'⁻ i soo'⁻ dsí'⁻! Jo jnea'⁻ jo'⁻ camí'⁻ i lajii'⁻ e røøñ'⁻ quié'⁻ e do dsu' uí'⁻ e camí'⁻ jnea'⁻ jmi'⁻ee'⁻. 33 Jo lajob'⁻ catíng'⁻ fa'⁻ mi'⁻ cajmee'⁻ cóo'⁻ i dseañu'⁻ rún'⁻ do mi'⁻ camí'r'⁻ 'nu'⁻ jmi'⁻ee'⁻ lí'⁻ laco'⁻gui cajmé'⁻ jnea'⁻ cóo'⁻ 'nu'⁻.” 34 Jo dseáng'⁻ la huím'⁻ eáng'⁻ caliguíng'⁻ i dsea'⁻ fii'⁻ do quiá'⁻ i dsea'⁻ 'léeng'⁻ quiá'r'⁻ i cajmée'⁻ ga'⁻ do có'⁻ jì'⁻gui cartí'⁻ caquiñ'⁻ ta'⁻ e cangíñ'⁻ do iihuí'⁻ cartí'⁻ caquiñ'⁻ lajii'⁻ e røøñ'⁻ do.

35 Jo cajíng'⁻gui Jesús casí'r'⁻ jaléng'⁻ i dsea'⁻ quiá'r'⁻ do:

—Lanab'⁻ cajo'⁻ nijmé'⁻ Tiquié'⁻ e dsea'⁻ guing'⁻ ñifí'⁻ cóo'⁻ jaléng'⁻ 'nú'⁻ song ja'⁻ ni'⁻líng'⁻ na'⁻ dsee'⁻ dseáng'⁻ lajang'⁻ uii'⁻ quiá'⁻ jaang'⁻ dsea'⁻ rúng'⁻ na'⁻.

19

Mi'⁻ ca'e'⁻ Jesús quiá'⁻ mi'⁻ tiúung'⁻ dsea'⁻ rúíñ'⁻
(Mr. 10:1-12; Lc. 16:18)

1 Jo mi'⁻ cangí'⁻ e cajíng'⁻ Jesús jalé'⁻ e júu'⁻ na, jo cagüi'⁻ hí'⁻ bre fí'⁻ lí'⁻ se'⁻ Galilea jo cagüé'⁻ tur'⁻ fí'⁻ lí'⁻ se'⁻ Judea e née'⁻ lí'⁻ 'ngóo'⁻ cataang'⁻ laco'⁻ iñ'⁻ gua'⁻ Jordán. 2 Jo i 'leáam'⁻ dsea'⁻ ngolíng'⁻ laco'⁻ ngóor'⁻, jogui'⁻ cajmi'⁻ leáam'⁻ bre jaléng'⁻ dsea'⁻ dsée'⁻ ie'⁻ jo.

3 Jo lajee'⁻ táang'⁻ Jesús fí'⁻ jo, cangoquiéeng'⁻ fí'⁻ lí'⁻ siñ'⁻ cóo'⁻ tú'⁻ máng'⁻ dsea'⁻ Israel i líng'⁻ dsea'⁻ fariseo e lico'⁻ iñ'⁻ do e niténg'⁻ dsea'⁻ do fí'⁻ ní'⁻ dsee'⁻, joba'⁻ cajmíng'⁻ dsea'⁻ do lala:

—¿Su'⁻ cuøøm'⁻ quiá'⁻ jaang'⁻ dseañu'⁻ e nitiúuiñ'⁻ dseamí'⁻ quiá'r'⁻ fíng'⁻ lí'⁻ doñí'⁻ ee'⁻ cajmiquíng'⁻ jñ'⁻ dsí'⁻ rúíñ'⁻?

4 Joba'⁻ cañí'⁻ Jesús quiá'⁻ i dsea'⁻ fariseo do lala:

—Nica'⁻ íb'⁻ 'nú'⁻ fí'⁻ ní'⁻ jì'⁻ quiá'⁻ Fidié'⁻ lí'⁻ fé'⁻ lala: “Jii'⁻ latí'⁻ mi'⁻ uing'⁻ cajmeáng'⁻ Fidié'⁻ dseañu'⁻ jogui'⁻ dseamí'⁻.” 5 Jogui'⁻ fé'⁻ cajo: “Uí'⁻ e cúng'⁻ dseañu'⁻ guóor'⁻, joba'⁻ 'naaiñ'⁻ quiá'⁻ tiquiá'⁻ niquiá'r'⁻ e laco'⁻ niliseeiñ'⁻ colíng'⁻ cóo'⁻ dseamí'⁻ quiá'r'⁻, jo lajoba'⁻ lafa'⁻ jaam'⁻ bre ni'⁻ uíñ'⁻ lajee'⁻ lajì'⁻ huáaiñ'⁻ do.” 6 Jo lajob'⁻ fí'⁻ i 'nú'⁻, jo tí'⁻ guir'⁻ gáíñ'⁻, có'⁻ lafa'⁻ jaam'⁻ bre nica'⁻ uíñ'⁻. Có'⁻ Fidié'⁻ bing'⁻ caguia'⁻ uing'⁻ e cúng'⁻ dsea'⁻ guóor'⁻, joba'⁻ jo'⁻ cuøøng'⁻ fa'⁻ e nitiúung'⁻gui dsea'⁻ rúíñ'⁻ mi'⁻ cangí'⁻gui e cacúíñ'⁻ guóor'⁻.

7 Jo cajmíng'⁻ tú'⁻ i dsea'⁻ fariseo do Jesús:

—Jo'⁻ çjali'⁻ caquiñ'⁻ Moi'⁻ ta'⁻ e cuøøm'⁻ tiúung'⁻ dsea'⁻ rúíñ'⁻ song'⁻ caráang'⁻ cóo'⁻ mají'⁻ lí'⁻ fé'⁻ lajo, jo lajoba'⁻ dseáng'⁻ e cuøøng'⁻ e tiúung'⁻ i dseañu'⁻ do dseamí'⁻ quiá'r'⁻?

8 Jo cañí'⁻ tú'⁻ Jesús quiá'⁻ do:

—Jo i Moi'⁻ do cacuør'⁻ fí'⁻ e catiúung'⁻ na'⁻ dseamí'⁻ quí'⁻ na'⁻ dsu' uí'⁻ e 'nú'⁻ dseáng'⁻ e eám'⁻ ue'⁻ óo'⁻ na'⁻. Có'⁻ jii'⁻ latí'⁻ mi'⁻ uing'⁻ ja'⁻ lajo'⁻ cali'⁻ iing'⁻ Fidié'⁻ e

nilí. ⁹ Jo jnea~gui fíi~i 'nú' e doñí' ií i tiúung~ dseamí quiá' e jíi~ ja`ca'lée' i dseamí quiá'r~ do e güiññ`cóo~ dseañu' jíéng', jogui e nicúng'tur guóor`cóo~ jaang`gui dseamí jíéng', joba' dseeb~ éer`jóng fí' quini~ Fidiée~.

¹⁰ Jogui i dsea` quiá'- Jesús do casí'r~ dsea` do lala:

—Song lajob lí' quiá'- jaléng' dseañu' cóo~gui dseamí quiá'r~, joba' guiá~gui líng~ jnea'^ e ja`nicúññ` guóor`.

¹¹ Joba' cañí'tu Jesús quiáíñ'- do:

—Ja`lajíng` dsea` catúññ~ e ngáiññ` jalé' e júu^ na, co' lajii~ dsea` i nicangíng` quiá'- Fidiée~, jíi~ í'bing' i ngáng' e jo. ¹² Jo jmiguiab' uing~ sea` e jmóo` huíng` quiá'- jaléng' dseañu' e ja`cuøøng` e nicúññ` guóor`: co' seem` dseañu' e latí' mĩ~ ngáam~bre ja`si'íññ` fa' e nicúññ` guóor`, jogui seem`bi cajo e dseañu' rúm~bre nicajmi'léng' ír', jogui seem`bi i ja`cuø' fí' yaang~ fa' e nicúññ` guóor` dsu' uíi~ e Fidiée~ quie' nifí' quiá'r-. Jo jaléng' dsea` i quíi~ jmíi~ nijmé~ lajo, joba' güijmée`bre lajo.

Mĩ~ cajmigüeang' Jesús jaléng' jiuung~
(Mr. 10:13-16; Lc. 18:15-17)

¹³ Jo mĩ~ cangí jo, caguilíng~ jaléng' dsea` e jéeiñ` jiuung~ quiá'r~ fí' lí~ sing' Jesús e laco' niquidsí' dsea` do guóor` fí' yú^ mogui~ lajaang` lajaang` i jiuung~ do jogui e niféiñ' Fidiée~ uii~ quiáíñ'- do, jo lajoba' niligüeaiñ'^ do. Jo dsu' i dsea` quiá'- Jesús do cajníim~bre quiá'- jaléng' sejmii~ i jiuung~ do jogui cajíim~breiñ' do cajo. ¹⁴ Joba' cajíng' Jesús casí'r~ i dsea` quiá'r~ do:

—Cuøø~na' fí' jaléng' i jiuung~ na güijalíñ~ fí' la jo ja`jni'na' quiá'r~, co' jaléng' dsea` i líng` laco' i jiuung~ la, í'bing' catíng~ e Fidiée~ quie' nifí' quiá'r-.

¹⁵ Jo caquidsib' Jesús guóor` fí' yú^ mogui~ lajaang` lajaang` i jiuung~ do, jo ngí jo, cagüi'íi~bre fí' jo.

Mĩ~ casíng~ Jesús cóo~ jaang` siming' i sea` cuu~
(Mr. 10:17-31; Lc. 18:18-30)

¹⁶ Jo mĩ~ cangí jo, caguie~ jaang` siming' fí' lí~ sing' Jesús jo cajming'í'r~ dsea` do:

—Tífa' i guiá~ dsíi', ¿e~ e guiá~ 'né~ jmee~ jnea~ e laco' nilí'i e niliseen~ cøøng` cóo~ Fidiée~ car` ngongíi~ jmíi~?

¹⁷ Joba' cañí' Jesús quiá'- i siming' do:

—¿Jialí' jnea~ jmíngíi~ cuaiñ~ quiá'- jalé' e guiá~? Co' jaam` i guiúng~ seeng` jo jíi~ Fidiée~bing' líng` lajo. Jo dsu' song 'nu'gui iin~ e niliseen` cøøng` cóo~ Fidiée~ car` ngongíi~ jmíi~, joba' 'né~ nijmití'ba' lajalé' júu^ quiu' ta~ quiá'- Fidiée~ jóng.

¹⁸ Joba' cañí' i siming' do quiá'- Jesús:

—¿E~gui e júu^ 'né~ líti~ do jóng?

Jo cañí'tu Jesús quiáíñ'- do jo casí'r~ lala:

—Lalab lí' jalé' e júu^ 'né~ líti~ do: Ja`jngán' jíi~ jaang` dsea` rún'; jogui ja`lee~ e nigüññ` cóo~ dseañu' dseamí i o' quíi'; jogui ja`jmoo' íi; o'gui cuø' dsea` dsee~ e ja` uing~ sea; ¹⁹ jogui jmí'goo` tiquíi' cóo~gui niquíi'; jogui jmí'neáan' jaléng' dsea` rún' lí' laco'gui jmí'neáan' uø'.

²⁰ Joba' cañí'tu i siming' do quiá'- Jesús jo casí'r~ dsea` do:

—Lajíb` e júu^ e fó'na' nicajmitii~; joba' ¿e~ jíi~ e 'né~ nijmiti'guíi?

²¹ Joba' cañí'tu Jesús quiáíñ'- do jo cajíñ':

—Song 'nu' iin~ e niliguiún' laco' sí'í' fí' quini~ Fidiée~, joba' guóng' fí' quíi~ jo güi'nñi~ lajalé' e sea` quíi~, jo jalé' e cuu~ e nilí' quiá'- e jo jmee~ guiéé^ jee~ jaléng' dsea` tiñíng~, jo lajoguiba' nilí' e nilisea` juguiá~ quíi~ fí' nifí' fí' lí~ guing~ Fidiée~. Jo mĩ~ ningí jo, nea~ cóo~ jnea~ jóng.

22 Jo dsu' mi~ canúu~ i siming' do jalé' júu^ e cajíng' Jesús, joba' fi'íb^ cangáin'~, co' eáam' sea` cuu~ quiá'r~.

23 Joba' casí' Jesús i dsea` quiá'r~ do jo cajíñ'~ lala:

—E já'~ e fi'~i 'nú' e huím' lí' quiá'~ jaang` dsea` sea` cuu~ e nijáng' 'ñia'r' fi' quini' Fidiéé' e laco' dsea` do nicá' nifi' quiá'r~. 24 Jogui fi'~túu 'nú' calé' catú~ e ja'gui huíng' quiá'~ jaang` jó' camello e ningíng' ne' fi' dsí' too' jmini' mocuu~ e laco'gui jaang` dsea` sea` cuu~ nijáng' 'ñia'r' fi' quini' Fidiéé' e laco' dsea` do nicá' nifi' quiá'r~.

25 Jo mi~ tí' lí' canúu~ i dsea` quiá'~ Jesús do lajo, joba' eáang'guib cangogá' dsíir' jóng, jo canaain' jmingi' rúin':

—Jo song lajob lí', joba' çí~ nilí' nijmé~ e nileáin' jee~ jalé' dsee~ quiá'r'?

26 Jo lico' cajøøm~ Jesús i dsea` quiá'r~ do, jo cañir' quiáin'~ do lala jo cajíñ'~: —Jíi'~ jaang` dsea` jmigüü' quí'~r~ jmí~ nileáng' 'ñia'r' jee~ jalé' dsee~ quiá'r~, co' jíi'~ Fidiéé'bing' quí'~r~ jmí~ jmé~ lajo.

27 Joba' cañi' Tú' Simón quiá'~ Jesús jo casí'r~ dsea` do lala:

—Fí'ii', jnea'^ nicatá'baa' lajalé' e sea` quí'naa' jo cóo'~ 'nub' ningi'naa' lana. Joba' çe~ jíi'~ e catí'naa' ni'íng'naa'?

28 Joba' lalab cañi' Jesús e casí'r~ i dsea` quiá'r~ do jo cajíñ'~:

—E laba' jmítáa^ óóna' e mi~ nití' í' e nilí'mí~tu latøøng~ jmigüü', job mi~ nimáang~na' jnea~, dsea` i cajá' fi' ñifi' e lín'n jaang` dsea` jmigüü', e niní' e niquiá'^u ta~ fi' ée^ lí' niing~ jlo'^ quié~e e sea` fi' ñifi'. Jo ie~ jo jaléng' 'nú', dsea` líng'na' dsea` quié~e, niliseab` cajo guitu' ée^ quí'na' fi' jo lí' niní'na' colíng~ cóo'~ jnea~ e laco' niquidsi'na' í' quiá'~ laji' guitu' 'lé' dsea` góona' dsea` Israel. 29 Jogui jaléng' dsea` i nilíng' dsea` quié~e, jo uí'~ e jo nicatár' jalé' 'nar~, osi nica'naain' quiá'~ jaléng' rúin' é, osi nica'naain' quiá'~ tiquiá'^ niquiá'r^ é, osi quiá'~ jóo'bir é, osi nicatár' uó~ quiá'r~ é, joba' jaléng' í'bing' i niñíng' cien ya' e jmigui'gui e laco' e catár' do jogui niñim'bir cajo e niliseeiñ' cøøng~ cóo'~ Fidiéé' car` ngongí' jmí~. 30 Jo i líng~ dsea` i líng~ e niñ~ eáang' fi' jmigüü' la, dsu' í'bing' jíi'~ capí'^ ja' ee' niñ~ mi~ nití' e í' jo; jo dsu' i líng~ dsea` i líng~ e ja' ee' niñ~ jíi'~ capí'^ fi' jmigüü' la, joba' í'bing' i eáang'gui nilíniing~ mi~ nití' e í' jo.

20

Coo' júu^ já' e lafa' júu^ cuento quiá' dsea' jmóo' ta~ quiá' mí'^ huíng' jó'^

1 Jo café'gui Jesús coo'gui júu^ já' e lafa' júu^ cuento jo cajíñ'~ lala:

—Jo mi~ Fidiéé' quier' nifi' quiá'~ dsea', lí' laco' mi~ jaang` dsea' fi' coo' uó~ lí' sijnea' mí'^ huíng' jó'^, jo i dsea' í' cagüi'fir' coo' ya' e la'ee' e cango'néeiñ' dsea' 'léeng' i nijmé~ ta~ quiá'~ e mí'^ huíng' jó'^ do. 2 Jo casí'~reiñ' do e niquí'bre e 'léeiñ'~ do quiá'~ coo' jmí~ ta~. Jo mi~ cangí' jo, casím'breiñ' do fi' jee~ ta~. 3 Jo i fi' do calé' catú~ cagüi'fir' fi' jee~ 'núu' mi~ catí' la ii'~ ñú~ e la'ee' jo cangáin'~ jiéng'gui dsea` i neáang' jøøng~ e ja' ta~ jmóor'. 4 Jo lalab casí'r~ í': “Song ja' ta~ sea' jmée' 'nú', güilíng'na' güijmee'na' ta~ quiá'~ mí'^ huíng' jó'^ quié~e, jo niquí'baa' quí'na' laco' sí'í'.” Jo cangolím^ i dsea` do cangojméer^ ta~.

5 Jo mi~ catí' guieñí'~, cagüi'fíb'tu i dsea` fi' do fi' jee~ 'núu' e ngojmée'guir quijí' dsea` i nijmé~ ta~ quiá'r~, jo caléb' catú~ cagüi'fir' mi~ catí' la ii'~ 'ní' e ca'lóo~ cajo. 6 Jo coob' mi~ catí' la ii'~ 'ñiá' e ca'lóo~, jo caléb' catú~ cagüi'fir' jo cangór~ fi' 'móo'~, jo fi' job cangár~ e neáang' jiéng'gui dsea` i ja' ta~ sea' jmé~, joba' cajmingi'r~ dsea` do: “Çialí' ngíng' 'nú' jmí~ quí'na' fi' la e ja' ta~ jmoo'na'?” 7 Joba' cañi' i dsea` do quiá'~ i fi' do: “Co' jíi'~ jaang` dsea`

ja` mí calí'neaiñ` jnea` ta`." Joba' cajíng` i fii` do casí`-reiñ': "Güilíng` 'nú' güijmee`-na' ta` cajo` fí` lí` sea` mí` huíng` jól` quié`-e."

⁸ Jo` mí` tí` lí` canuá`, i fii` do caquiá`r` ta` i dsea` née` ní` dsea` 'léeng` do e nitóor` jaléng` i dsea` jmóo` ta` do jo` casí`-reiñ' do lala: "Tee` lajaang` lajaang` i dsea` 'léeng` na` jo` quiá`r` quiá`r`, dsu` la`uii` níngíng` i dsea` i cangotáang` jee` ta` la` ii` 'ñiá` e ca`lloo` do jo` lajob` cartí` i cangotáang` la`ee` do." ⁹ Jo` lajob` cajmée` i dsea` do; jo` la`uii` cangíng` i dsea` i cangotáang` la` ii` 'ñiá` e ca`lloo`, jo` lajaang` lajaam` i dsea` í` ca`íñ` e 'léeiñ` quiá`- latøøng` jmií`. ¹⁰ Jo` mí` cató` quiá`- í, joguiba` cangíng` i dsea` i cangotáang` la`ee`gui` do, jo` i dsea` í` ca`í` dsíir` e jmiguiá`gui` nilí`r` e 'léeiñ`. Jo` dsu` o` lajo, co` røøb` ca`íñ` cóo` i nifí`gui` do cajo. ¹¹ Jo` mí` tí` lí` cangí` e ca`íñ` do e 'léeiñ`, joba` canaaíñ` fé`r` ga` uii` quiá`- i dsea` fii` do ¹² jo` casí`-reiñ' do lala: "I dsea` 'léeng` quiá`- i caguilíng` cøøng`gui` na, jii` cóo` oor`ba` cajméer` ta`; jogui` røøb` caquiá` quiá`- dsea` do laco`gui` jnea`^, dsea` cataang`naa` lajee` latøøng` jmií` e guí`- iee`." ¹³ Jo` dsu` i fii` do cañír` quiá`- jaang` lajee` i dsea` 'léeng` do jo` casí`-reiñ': "Ruu`, ofa` jnea` jmóo` o` jlon`n` cóo` 'nú. ¿Su` ofa` casí`naa` røø` jial` tí` 'léeng` dsea` laco` jmií`? ¹⁴ Joba` fí`-i` 'nú` lana, nab` róo` e 'léen` jo` nicuøøm` guón`^. Jo` song` jnea`gui` iin`n` quí` quiá`- i dsea` 'léeng` i ca`í` cajmée` ta` cøøng`gui` do røø` laco` jii` e nicaquí` quiá`-, ¹⁵ joba` cuøøm` lí` jmee`-e lajo, co` cuu` quié`-baa` e cacuøø`-øre` do, o` cuu` quiá`- dsea` jíéng`. ¿Ofa` dsihuá`m`ba` é dsu` uii` e cajmé`-e e guíá` cóo` i dsea` í`?"

¹⁶ Jo` cajíng`-gui` Jesús lala:

—Jo` i líng` dsea` i líng` e niiñ` eáang` fí` jmigüi` la, dsu` í`bing` e jii` capí`^ ja` ee` níing` mí` nití` e í` jo. Jo` dsu` i líng` dsea` i líng` e ja` ee` niiñ` jii` capí`^ fí` jmigüi` la, joba` í`bing` i eáang`gui` nilíniing` mí` nití` e í` jo.

*Mí` cajmée` Jesús júu` e catí` 'ní` ya` e tí` lí` nijngám`- dsea` r`
(Mr. 10:32-34; Lc. 18:31-34)*

¹⁷ Jo` cóo` jmií`, lajee` e ní`iuung` Jesús fí` ngaiñ` fí` Jerusalén, jo` cató`r` i dsea` guitúung` quiá`r` do cóo` lico` yaaiñ` jo` casí`-reiñ' do:

¹⁸ —Jo` lí`^ laco` jii` e móo` 'nú` jmií` na, lana` níngoo`naa` fí` Jerusalén, jo` fí` job` lí` nisáng` dsea` jnea`, dsea` i cajá` fí` níff` e lín`n` jaang` dsea` jmigüi`. Jo` nijáiñ` jnea` fí` jaguó` jaléng` fii` jmidsea` quiá`- dsea` góo`naa` dsea` Israel cóo`-gui` jaléng` tifa` i e` júu` quiá` ta` qui`naa` cajo. Jo` jaléng` i dsea` íb` i nicuø` júu` quiá`- e níjúung` jnea`. ¹⁹ Jogui` nijáiñ` jnea` fí` jaguó` jaléng` dsea` i ja` cuíng` Fidiéé`, jo` jaléng` íb` i niløø` quié`-e, jogui` nijmihuáíñ` jnea` cajo jo` jiguí` cartí` niteaiñ` jnea` fí` dse` crúu`, jo` fí` job` nijúun`-n; dsu` mí` nití` 'ní` jmií` lajo, nijí`b` túu` calé` catú`.

*Lajii` e camí` níquiá` Tiáa` cóo`-gui` Juan e camí`r` Jesús
(Mr. 10:35-45)*

²⁰ Jo` mí` cangí` jo, i dseamí` quiá`- jaang` dseañu` i sii` Zebedeo` cajaaní`eeíñ` fí` lí` síng` Jesús, colíng` cóo`-gáng` jóor`, jaang` i sii` Tiáa` jogui` jaang` i sii` Juan, jo` laji` huáaiñ` do quiíñ` jee` dsea` guitúung` quiá`- Jesús, jo` casí`r` uø` jnir` fí` quiniñ`, co` iin` líng` ee` ními`-bre` dsea` do. ²¹ Joba` cajmíng` Jesús i dseamí` do jo` casí`-reiñ':

—¿E` iin`?

Joba` cañí` i dseamí` do quiá`- Jesús jo` casí`r` dsea` do:

—Jíee` o` e nicuø` fí` e laji` gáng` i joo`o` la nigüear` cóo` 'nú` fí` lí` quiá` ta` mí` níngüing`-tu` fí` jo, jo` jaaiñ` la nigüear` lí` lí` dsée` jogui` jaang`guir` lí` lí` tuung`.

²² Joba` cañí` Jesús quiáiñ` do lala:

—'Ná' jii' ja' ñí'na' lajii' e mi'na' na. ¿Su líng'na' e nité'na' lajii' iihuí' e nijaquíéng' quié' jnea'?

Joba' cañí' i joo' i dseam' do jo cají'':

—Nité' lí'baa'.

²³ Jo cañí'tu Jesús quiá' i dseá' do:

—E jáb' e 'nú' nimó'ba' iihuí' cajo lí' laco'gui nimoo' jnea'; jo dsu' e nigüea' dseá' lí' lí' dsée' osi lí' lí' tuung' é laco'guiin' n, ja' jnea' catíin' n e jo fa' e nicuøø', co' lajii' dseá' i nicaguíng' Tiquié'e, jii' í'bing' i catíing' e jo.

²⁴ Jo mi' tí' lí' canúu' i dseá' quiá' Jesús i guíng'gui do lajii' e júu' jo, joba' caligüim'bre quiá' i gáng' do. ²⁵ Jo dsu' Jesús cató'r' jaléng' i dseá' guitúung' do quiá'r' jo casí'r' lala:

—Niñí' 'nú' guiá' e jee' jaléng' dseá' i ja' cúing' Fidié' seeng' jaléng' dseata' i quiá' ta' quiá' jaléng' dseá', jo jaléng' i dseá' i quiá' ta' do eáam' silí'r' cóo' e ta' líiñ' do. Jo lajob' lí' cajo cóo' jaléng' dseata' dseá' féng' i quié' nifí' quiá' jaléng' dseá', co' laguidseam' quiá'r' ta' quiá'ñ' do. ²⁶ Jo dsu' ja' cuøøng' e nidsijé' lajo jee' 'nú', co' ii' i iing' i nicá' nifí' jee' 'nú', í'bing' i 'né' nijmé' ta' jmicoo' quiá' i caguiaang'gui. ²⁷ Jogui ii' i iing' i nijmé' e niing'guir jee' 'nú', í'bing' i 'né' jmé' jalé' ta' huí' jee' jaléng' i caguiaang'gui e ja' jmiféng' 'ñia'r'. ²⁸ Jo lajob' 'né' jmér', co' lajob' ta' cagá' jnea' cajo, jnea' dseá' cagá'a fí' ñifí' e lín'n jaang' dseá' jmigüí'. Co' jnea' ja' cagá'a fa' e jmoo' dseá' ta' fí' quinií', co' jnea' cagá'a e laco' nijmicoo' jaléng' dseá' jmigüí' jogui e nijáng' 'ñia'a e nijúun' n e laco' nileáng' fíng' dseá' jmigüí' jee' jalé' dsee' quiá'r'.

Mi' cajmi'leáang' Jesús gáng' dseá' tiuung'

(Mr. 10:46-52; Lc. 18:35-43)

²⁹ Jo mi' cang' jo, mi' tí' lí' ca'uøøng' Jesús cóo' jaléng' dseá' quiá'r' fí' Jericó, eáam' cango'leáang' dseá' laco' ngóor'. ³⁰ Jo lajee' laco' teáaiñ' fí' lado, coob' mi' cangüiñ' lí' neáang' gáng' dseá' tiuung' i neáang' 'ni' fí'. Jo mi' tí' lí' calilí' i dseá' tiuung' do e cangíng' Jesús fí' jo, joba' ca'áiñ' dseá' do lala:

—Fí'ii', siju' dseata' Daví', fí' güilín' jnea'!

³¹ Jo dsu' jaléng' i dseá' i ngolíng' cóo' Jesús do ca'gaam'bre quiá'ñ' do e laco' jo' áng'guiñ' do dseá' do. Jo dsu' lí' lí' teá'gui canaang' oo' i dseá' tiuung' do e áñ' dseá' do jo fé'tur lala:

—Fí'ii', siju' dseata' Daví', fí' güilín' jnea'!

³² Joba' cajeab' Jesús laco' fí' iuuiñ' do jo cató'r' i dseá' tiuung' do jo cajmíng'í' rein' do:

—¿E' iing'na' e nijmee' e qui'na'?

³³ Joba' cañí' i dseá' tiuung' do quiá' Jesús lala:

—Fí'ii', ii'naa' e nijmé'e e nilijnéb'túu'.

³⁴ Joba' calí' fí' lím' Jesús i dseá' tiuung' do jo lico' cagüi'r' jmini'biñ' do lajaang' lajaañ'. Jo dsifí' lajob' ca'láang' i dseá' tiuung' do, jo calijné'bre. Jo mi' cang' jo, cangolíim'bre cóo' Jesús.

21

Mi' ca'tí' Jesús fí' jee' fí' Jerusalén

(Mr. 11:1-11; Lc. 19:28-40; Jn. 12:12-19)

¹ Jo lajee' ná' gui e niguieng' Jesús fí' Jerusalén colíng' cóo' jaléng' dseá' i ngí' cóo'r' do, jo caguiliñ' fí' coo' fí' e sii' Betfagé e néé' quiá' coo' mó' e sii' Olivos. Jo tí' job' caguíéng' Jesús gáng' lajee' i dseá' quiá'r' do e jééng'guiñ' ² jo casí' rein' do lala:

–Güiling-na' e fí fí'jiu e née' quini' na, jo fí' job niguiéng'na' jaang`bú' iee` i'ñúung` colíing` cóo' jaang` yuu` quíaa`re'. Jo síng`na're' jogui tee`na're' fí' la. ³Jo song`i` casí'` 'nú'` jialí'` jmoo`na' lana, joba' nifí'`na'r lala: “Lana 'neáng` fí'li' i' bú'` la. Dsu' mi` ningí' jo nijajeaam`túure'.”

⁴Jo cangojée' e na e laco' caliti` jii'` laco' júu` e cajíng'` jaang` dsea` i' café' cuaiñ` quíá'` Fidiée'` malí'`gui eáang` mi` cajme'r' lala:

⁵Sí'`na' jaléng` dsea` i' seeng` fí' Sión:

“Lab nijáa' i' dseata` dsea` féng'` i' quíe' nifí' quí`ii',

jo jaang` dsea` i' ja` jmiféng'` 'ñiab'` líiñ',

jogui guíiñ` fí' mocóo'` jaang` bú'` jiuung`.”

⁶Jo mi` cangí' jo, cangolím` i' dsea` gáng` quíá'` Jesús do jo cajmiti`bre laco' jii'` ta` caquiú'` dsea` do quíá'r`. ⁷Jo cató`bre i' bú'` iee` do colíing` cóo'` yuu` quíaa`re' do fí' lí'` sing'` Jesús, jo canaaíñ` sífir` sí'r` fí' mocóo'` i' bú'` jiuung` do jo mifíng` caguáb` Jesús fí' mocóo'` i' jó'` do. ⁸Jo fím'` dsea` ni'r` jalé'` sí'r` lacuee` guíá'` fí' lí'` cangíng` Jesús; jo i' líng`gui dsea` t'ur` guo'` 'ma' e tií' jo guiar' fí' guíá'` fí' lí'` ningíng` dsea` do cajo. ⁹Jo jaléng` i' dsea` i' ngolíng` nifí' cóo'`gui i' jalíng` catí'` cøøng` óor` lala:

–iMajmiféng'`naa' i' Jóo'` dseata` dsea` féng'` Daví'`! ;Jogui juguíá`-jiu quíá'` i' dsea` i' casíng` Fidiée'` fí' jmigüí'` la cuaiñ` quíá'r'! ;Jo majmiféng'`naa' Fidiée'` dsea` guíng` ñifí'!

¹⁰Jo mi` tí' lí'` ca'í'` Jesús fí' dsí'` fí' Jerusalén, lajim` dsea` canaaíñ` ta'r` mí'` jo jmíngí'` rúíñ':

–¿I'`gui i' dsea` na?

¹¹Jo i' líng` i' dsea` do ngír':

–Mó'` Jesús i' dsea` i' fé'` cuaiñ` quíá'` Fidiée'b` na, i' nabi i' seeng` fí' Nazaret do fí' lí'` se'` Galilea.

Mí'` ca'uóøng` Jesús jaléng'` dsea` i' jmóo'` ta'` 'n#` fí' dsí'` guá'`

(Mr. 11:15-19; Lc. 19:45-48; Jn. 2:13-22)

¹²Jo mi` cangí' jo, jo cangó'` Jesús fí' dsí'` guá'` fé'` quíá'` dsea` góor` dsea` Israel e sí'` fí' Jerusalén do. Jo mi` cangár` e lafa'` 'móob'` lí'` e fí' jo, co'` teáang'` dsea` ta'` 'n#` jogui ta'` láa', joba'` cajmiquím'` dsí'` Jesús mi` cangár` lajo, jo canaaíñ` jíim`bre jalé'` mes` quíá'` i' dsea` i' jmóo'` ta'` jmísiing`` cuu` jogui jalé'` 'masii` quíá'` i' dsea` i' jmóo'` ta'` 'n#ng` jaléng'` mee`. ¹³Jo cajíñ'` casí'r` jaléng'` i' dsea` do lala:

–Lalab fé'` Fidiée'` fí' ni` jì' quíá'r': “E 'nuu` la nilisii` 'nú'` lí'` nisíng` dsea` cóo'` jnea`”; jo dsu'` 'nú'` nicajmi`uíng`na'` coo'` 'nú'` lí'` teáang'` jaléng'` i'.

¹⁴Jo lajee'` táang` Jesús e fí' dsí'` guá'` do, job` caguilíng` jaléng'` dsea` tiuung` cóo'`gui jaléng'` dsea` jlúung'`, jo cajmi`leáang` Jesús jaléng'` i' dsea` í'. ¹⁵Jo mi` tí' lí'` cangá'` jaléng'` fí'` jmidsea` quíá'` dsea` Israel cóo'`gui jaléng'` tifa'` quíá'` júu` quíú'` ta'` quíá'r` lajii'` e quí'` Jesús jmí'` jmóor` e dsigá'` dsí'` dsea` jogui canúu`-guír e óo'` jaléng'` jiuung` e fí' guá'` do lala: “;Güijmiféng'` jaléng'` dsea` jmigüí'` i' Jóo'` dseata` dsea` féng'` Daví'`!”, joba'` jaléng'` i' dsea` í' eáam` caliguiñ`

¹⁶jo casí'r` Jesús:

–iNuu'` lajii'` e fé'` jaléng'` i' jiuung` na!

Joba'` cañí'` Jesús quíá'ñ'` do:

–Núu'`baa, jogui`su ja` mí'` ca'í'` 'nú'` lajii'` e tóo'` fí' ni` jì' quíá'` Fidiée'` lí'` fé'` lala?:

'Nu, Fidiée', nicajmee'`

e cóo'` jalé'` e ø'` jaléng'` jiuung` cóo'`gui jaléng'` yuu` nijmiféiñ'` 'nu`.

¹⁷Jo mi` calí'` casí'` Jesús i' dsea` do lala, jo cagü'`bre fí' fí' Jerusalén jo cangó`-tur fí' coo'` fí' lí'` síi` Betania, jo fí' job` cangongíñ` e uóø'` jo.

*Mi~ caliquiú` coo`'ma` güñí`
(Mr. 11:12-14, 20-26)*

¹⁸ Jo mi~ cangî jo, coo` e la'ee` lajee` e ni'iuung` Jesús fi' e ningáin` fi' Jerusalén, cadseá` jmi'aañ` . ¹⁹ Jo coo` cangá`bre e gui~ coo` 'ma` güñí` ca' fi' lana, jo cangoquiéeiñ` fi' li~ gui~ do, dsu' cadsé'r` e jii' coo` güñí` ja` íi~, dseáng`-yaang` má` quiáb`-dsi~. Joba' lalab casí'r` e 'ma` güñí` do:

—Jo` nicuó`gui' jii' coo` güñí` latí` lana!

Jo ladsifí` lanab caliquiú` e 'ma` güñí` do. ²⁰ Jo mi~ tí` li~ cangá` i dsea` quiá'r` do e calí` lado, joba' eám` cango`gá` dsíir` jo cajmingí'r` dsea` do lala:

—Fíi`naa', ¿e` uing` quiá`- e caliquiú` ladsifí` lana e 'ma` güñí` na?

²¹ Joba' cañí` Jesús quiáin` do:

—E já`- e fii`-i 'nú` e song dseáng`- já`- líng`na' e quíi`-baa jmi~ jmee` lí`- doñí` ee` jo ja` jmitúng`- áa`na', jo o' jii' e na niquíi`-na' jmi~ nijmee`-na' jóng lí`- laco`gui jii' e cajmé`-jneá`-cáo`- e 'ma` güñí` na. Co' song dseáng`- já`- líng`na' e quíi`-baa jmi~ jmee` lí`- doñí` ee`, joba' cuóom` lí` quiu`-na' ta` e mó` si' la e nijéng`- 'ñia' lí` si' jo nidsisíng` 'ñia' fi' 'ni' jmiñí`, joba' lajob nilí` jóng. ²² Joba' fii`-i 'nú` lajüing`na' na e mi~ fóng`na' Fidié`, míi`-ba're car` ngocáng` óo`na' jogui já`- líng`na' e quíi`-baa dsea` do jmi~ nijmér` lí`- doñí` ee`, joba' nicuó`-bre 'nú` jóng lajii' e mi`na' do.

*I` quiu` ta` Jesús e jmóor` jalé` e jmóor`
(Mr. 11:27-33; Lc. 20:1-8)*

²³ Jo mi~ cangî e cajíng`- Jesús lajo, jo ca'í`-bre fi' dsíi` sinúu` guá`- fé` e er' júu` quiá`- Fidié`. Jo lajee` iuuiñ` fi' job, mi~ cangoquiéeng` jaléng` fii` jmidsea` quiá`- dsea` góor` dsea` Israel fi' lí` siñ` colíng`-cáo`- jaléng` dsea` cóong`- quiá'r` cajo, jo cajmingí'r` dsea` do lala:

—¿I` i quiu` ta` quíi`- e jmoo` jalé` e na? Jo ¿i` i cacuó` 'nu` fi' e cuóong` jmee`- jalé` e na?

²⁴⁻²⁵ Joba' cañí` Jesús quiáin` do jo casí`-reiñ`:

—Jnea` cajo seab` coo` e nijmingíi`-i 'nú`. ¿I` casí` quiá`- Juan e niseáiñ` dsea` jmi~? ¿Su Fidié` ofa' dsea` jmigüib` é? Jo song nijmées`-na' jnea` júu` i casí` quiá'r`, joba' nijmées`- jnea` 'nú` júu` i quiu` jnea` ta` e jmóo`o lajalé` e la.

Jo i dsea` do canaañ` sñiñ` lajee` la'ó` yaaiñ` jo sí` rúin` lala:

—Song nisíi`-naa'r e Fidiéeb` dsea` casíi` quiá`- i Juan do, joba' nijñiñ`- nisí'r` jneaa`-aa': “¿Jialí` ja` já`- calíng`-na' i dsea` í` jóng?” ²⁶ Jo ja` cuóong` nisíi`-naa'r e dsea` jmigüib` casíi` quiá`- i Juan do, co' fíng song casíi`-naa'r lajo, dseám`- fíng ee` cajmeáng` dsea` jneaa`-aa'; co' lajüim` dsea` ñir` e i Juan do café'r` cuaiñ` quiá`- Fidié`.

²⁷ Joba' cañíir` quiá`- Jesús lala:

—Ja` ne`-naa' jii' coo`.

Jogui Jesús casí`-tütur i dsea` do jo cajíñ`-:

—O`gui jnea` cuóong` jmées`- e 'nú` júu` cajo i i quiu` jnea` ta` e jmóo`o jalé` e la.

Coo` júu` já`- e lafa` júu` cuento quiá`- gáng`-jóo` dsea`

²⁸ Jo cajmingí`-gui Jesús jaléng` i dsea` do lala:

—¿E` í` óo` 'nú` cuaiñ` quiá`- e júu` la? Coo` née`- nicaliséng` jaang` dseañu`, jo i dseañu` í` nicaliséng` gáng`-jóor`. Jo coo` née`- casí'r` i jóor` la'uii` do: “Jóo`o, fa' jgiéé` o' güijmées` coo` jmi~ ta` fi' lí` sijnea` mí`- huíng` jó`- qui`-ii` do.”

²⁹ Joba' cañíi` i jóor` do: “iU~, dseáng`- fími`-baa nii`i!” Jo dsu' mi~ cangî guijü lajo, ca'í`- dsíir` cangór`. ³⁰ Jo dsu' ngî jo i jóor` i catí` tú`-gui do casí`- tiquiá'r` laco` casí'r` i jóor` la'uii` do; joba' i jóor` í` cañíi`-bre ladsifí` quiá`- tiquiá'r` jo cajíñ`- e nidsé`-bre. Dsu' mi~ ngoyüung` jo ja` cangór`.

31 Jōba' cajmingí' Jesús i dsea` do:

—¿I' lajee' lajì gáng' i jōor' do líng' 'nú' i calinúu' júu^ quiá' tiquiá'r'?

Jōba' cañí' i dsea` do quiá' Jesús jō cajíñ':

—I jōor' la'uii~ do, í'bing' i calinúu'.

Jō Jesús casí'r' i dsea` do lala:

—E já' e fñi' i 'nú' e jaléng' i dsea` i jmóo` ta~ mí' cuu~ e catíng' dseata~ dsea` féng' i guing~ fí' Roma jōgui jaléng' dseamí i jmóo` ta~ 'núng' yaang~, jéeng'guir nijáng' yaaiñ~ laco'gui 'nú' fí' jaguó' Fidiéé' e laco' dsea` do nicár' nifí' quiáíñ'. 32 Co' mí' cajá' Juan i caseáng' dsea` jmíi jō ca'e'r' 'nú' jial niliguiúng' na' fí' quini' Fidiéé', dsu' ja' já' calíng' 'nú' jalé' e jō ie~ jō. Jō dsu' jaléng'gui i dsea` i jmóo` ta~ mí' cuu~ cóo'gui jaléng' dseamí i jmóo` ta~ 'núng' yaang~ jáb' calíñ' ie~ jō. Jō dsu' 'nú'gui, nañí' fa' cañí'ba' jalé' e jō, dsu' ja' caquí' jíng' yaang~ na' fí' quini' Fidiéé', jōgui dseáng' ja' já' calím'ba' júu^ quiá' Fidiéé'.

Cōo'gui júu^ já' e lafa' júu^ cuento quiá' dsea` 'léeng' i soo` dsí'

(Mr. 12:1-12; Lc. 20:9-19)

33 Jō mí' cangí' jō, cajíng'gui Jesús e júu^ la:

—Núu' na', la nifí' i 'nú' cōo'gui júu^ já' e lafa' júu^ cuento: Cōo` née' jaang' dseañu' ni'oor' cōo` uó' jō nicajme'r' iá' lacúng' e uó' quiá'r' do, jō cajnir' mí' huíng' jó' fí' dsí'. Jō cajmilíñ' cōo' lí' ni'uó'r' jmí', jōgui caséer' cōo' 'núu' ñí' fí' quiá' jō e laco' cuóøng' tí' nir' fí' la'úng' e fí' ni' guóo' uó' quiá'r' do lí' sijnea' mí' huíng' jó'.

Jō mí' cangí'gui jiu lajō, ca'náaiñ' cōo` tú' míng' dsea` i nijmé' ta~ uó' quiá'r'. Jō mí' cangí' jō, cagü'í'bre cangór' fí' lí' huí'. 34 Jō mí' tí' lí' catí' í' e caroo' e mí' huíng' jó' do, jō caguiém' i dsea' fii' uó' do cōo` tú' míng' dsea' 'léeng' quiá'r' i cangoquiéé' lajii' e catíñ' do. 35 Dsu' mí' tí' lí' caguiling' i dsea' 'léeng' do fí' lí' taang~ i dsea' jmóo` ta~ uó' do, dsíng' ga' cacóøiñ' e caquié' i dsea' i jmóo` ta~ uó' do; i líng' cacóøng' cóo' cuu~, jōgui i líng'gui dseáng' cajngam'bre. 36 Jō mí' cangí' jō, i fíng'gui dsea' 'léeng' caguiéng' tu i fii' do laco'gui i caguiéiñ' lamí' uii' do. Jō dsu' lajōb cajméé' tu i dsea' i jmóo` ta~ uó' do, cajmeám'tur jaléng' i dsea' 'léeng' i caguiéng' i dsea' fii' uó' do.

37 Jō mí' cangí' jō, jōo'gui i dsea' fii' uó' do caguiéiñ', co' ca'f' dsí'r' e í'guib fíng' nijmí'gó' i dsea' jmóo` ta~ uó' do. 38 Jō mí' tí' lí' cangáng' i dsea' jmóo` ta~ uó' do i jōo' i dsea' fii' uó' do jō canaaiñ' sñíñ' lajee' yaaiñ': "I siming' nabing' i nijmé' guiáa' e uó' la mí' tí' lí' nijúung' tiquiá'r'; majngáang' naa're lajminá', jō jneaa'aa' nilí'naa' nijé'ee' cóo' e uó' la." 39 Jō røøb' casíng' i dsea' jmóo` ta~ uó' do e nijmér' lajō, jō cangojéiñ' i siming' do catí' 'ni' guiee' lí' sijnea' e mí' huíng' jó' do jō fí' jōb cajngang'neiñ' do.

40 Jō cajíng'gui Jesús casí'r' i dsea` do:

—Jōba' fñi' i 'nú' e mí' niguiéé' i fii' uó' do, ¿e' líng' 'nú' e nijmeáiñ' i dsea' jmóo` ta~ uó' i ca'lée' do?

41 Jōba' cañí' i dsea` do:

—E nijngám' i fii' uó' do lajaléng' i dsea' jmóo` ta~ uó' do, jōgui dsea' jiem' nitáíñ' i nijmé' ta~ e uó' do lalí' i lí' dsí'r' i nija' lajii' e catíñ' quiá' e niró' do quiá'r'.

42 Jōba' cañí' Jesús quiá' i dsea` do:

—¿Su ja' mí' ca'í' 'nú' fí' ni' jì quiá' Fidiéé' lí' fé' lala? E cuu~ e ja' calijí' dsea' jmí'güi quiá' tí' fñi' quiá' 'nar~, lanagui dseáng' cuu~ laniim' nica'uíng' quiá' 'núu'. Jō 'ñiab' Fí'naa' dsea' cajméer' e la, jōba' dseáng' eám' dsi'gó' dsi'naa' lana.

⁴³ Jo uí~ joba' fíi~ i' ná' jmi~ na e nigüeáb' lajii~ e si'í' niñing' na' e Fidiée' nicár' nifí' quíi~ na' jo dsea' jém' niñing' e jo, co' í'bing' já'~ nilíng' jogui ni'é~ røø' fí' quini' dsea' do. ⁴⁴ Jogui doñí' ii' dsea' i nititaang' fí' ni' e cuu~ e julí' na, dseáng'~ táub'~ nilíiñ~; jogui song ii' dsea' cajlíng' e cuu~ do, dseáng'~ conguaí' 'leeb' nilíiñ~.

⁴⁵ Joba' mi~ tí' lí' canúu~ i fii~ jmidsea' quía'~ dsea' Israel do cóo'~ gui jaléng' dsea' i líng' dsea' fariseo lajii~ e júu' e cajíng'~ Jesús do, joba' calilí' r' e jaléng' í'bre éeng' dsea' do cóo'~ e júu' quía' r' do. ⁴⁶ Joba' ie~ jo lamí' iñ~ nisám' bre Jesús, dsu' ja' cateá' dsír' fa' cajméer' lajo, co' fíim' dsea' teáng' i já'~ líng' e dsea' do líiñ' jaang' i fé' cuaiñ~ quía'~ Fidiée'.

22

Coo' júu' já' e lafa' júu' cuento quía'~ mi~ cung' guó' dsea' (Lc. 14:15-24)

¹ Jo mi~ cangí' jo, jo cóo'~ júu' lanab canaang' tu Jesús sí' r' jaléng' i dsea' do jo casí'~ reiñ'!

²—Jo lalab lí' mi~ Fidiée' quier' nifí' quía'~ dsea'. Co' e jo lí' laco' mi~ jaang' dseata~ dsea' féng' cajméer' cóo' jmi~ fe' quía'~ e nicúng' guó' jóor'. ³ Jo mi~ tí' lí' ninée' guíu~ e jmi~ do, joba' i dseata~ do casíiñ' jaléng' dsea' 'léeng' quía' r' i cangoté'~ jaléng' dsea' simíng' e laco' nidó' r' colíng'. Dsu' i dsea' simíng' do ja' cali' iñ~ fa' cangolíiñ'. ⁴ Jo mi~ cangí' jo, i jiénng' gui dsea' 'léeng' quía'~ i dseata~ do casíiñ' i cangoté'~ i dsea' nisimíng' do jo casí'~ reiñ' do jial júu' nicáiñ' do jo cajíiñ' lala: “Güijmée'~ na' júu' i dsea' nisimíng' do e ninée' b' guíu~ lajaléb' e niquiee'~ naa', co' nicaquíu'~ ta~ e nicaingam' dsea' güitá' quíe' e cóo'~ gui jaléng' jó' caguiaang'~ gui i jlo'~ úung'~, jo lajib' ninée' guíu~ lana. Sí'~ gor güijalíiñ'~, co' lana nidsitoo'~ jmi~ quía'~ e nicúng' guó' jóo' baa.” ⁵ Dsu' dseáng'~ ja' cajmijíib' i dsea' simíng' do lajii~ júu' quíe' i dsea' 'léeng' do. Jo jaaiñ' do cajíiñ': “Sí'~ go fii' e ja' lí' nii' i lana, co' nabi' 'né' nii' i ni'é' e uø'~ quíe' e.” Jo jaang'~ gui do cajíiñ': “Sí'~ go fii' e ja' lí' nii' i lana, co' nabi' 'né' nijóø'ø' lajii' e 'nii' baa.” ⁶ Jogui i dsea' simíng' caguiaang'~ gui do caquíem' bre i dsea' 'léeng' quía'~ i dseata~ do cartí' cajngam' breiñ' do. ⁷ Job mi~ caligúing' i dseata~ do e eáang' jo caquíu' r' ta' 'lé'~ quía' r' e cangojngáam' biñ' do jaléng' dsea' i ca'lee' do jogui cají' bre fii' góoiñ' do cajo. ⁸ Jo mi~ cangí' jo, i dseata~ dsea' féng' do casí' r' i dsea' 'léeng' quía' r' caguiaang'~ gui do jo cajíiñ': “Lana ninée' guíu~ lajii~ jmiñ' e niquiee'~ naa', dsu' i dsea' i lamí' si'í' simíng' do ja' catíiñ' fa' e nijalíiñ' e niquiee'~ naa' colíng' cóo' r'.” ⁹ Jo lanagui fíi' i' ná' e güilíng' na' lacaang' jee' 'núu' fí' jalé' fí' e laniing' jo güite' na' lí' doñí' ii' dsea' i nijíng' na' jee' 'núu' do jo sí'~ na' r' e niquiee'~ naa' colíng' cóo' r', co' i dsea' i lamí' si'í' simíng' do ja' cali' iñ~ fa' cajalíiñ'.” ¹⁰ Joba' ca'uøøm' i dsea' 'léeng' quía'~ i dseata~ dsea' féng' do e cajmitir' laco' jii' ta' caquíu' fii'~, jo i fíim' i dsea' do cató' r', do i guiúng' jogui dogui i soo' dsí'; lifa' dseáng'~ caróm' dsí' sinúu' quía'~ i dseata~ do e catang'~ jaléng' i dsea' í'.

¹¹ Jo mi~ tí' lí' ca'í' i dseata~ do fí' lí' niteáang' i dsea' fíng' do, job cangáiñ' jaang' dseañu' i niquíng' jee' do i ja' quí' si'í' laco' catíng' quía'~ mi~ tí' jmi~ e cung' guó' dsea'. ¹² Joba' i dseata~ do casí' r' i dsea' í': “Ruu'~, ¿jial ca'í' o' ca'u' fí' la ja' gui sí' quíi'~ quía'~ lí' cung' guó' dsea'?” Jo tiib'~ caje' i dsea' i ja' quíe' si'í' laco' si'í' do. ¹³ Joba' i dseata~ do casí' r' jaléng' i dsea' 'léeng' i guía' guíu' mes' do: “Ñu' na' guoti~ i dseañu' na jo güibíng' na' r' cartí' lí' nuu' sò' fí' caluu'~, jo fí' job lí' nijmér' ta' quí' jogui ta' tu' maja'.” ¹⁴ Dsaco' tó' Fidiée' i fíim' dsea' e nijáng' yaaiñ' fí' jaguór', lifa' jii'~ tú' 'ní' míng'~ bing' i guíiñ'.

Mi~ cajmingt' dsea` Jesús cuaiñ~ quíá'- e cat'ing- dseata~
(Mr. 12:13-17; Lc. 20:20-26)

¹⁵ Jo mi~ cangî e la, caseáng' coo` tú- máng' dsea` Israel i líng' dsea` fariseo jo cas'ing-tur røø` jial laco' nicuø'r- Jesús dsee- fí quini` dseata~. ¹⁶ Jo casíim`biñ' do fí li~ táang` Jesús coo` tú- máng' dsea` i la'ó' ír` cóo'~gui dsea` quíá'- dseata~ Herodes, jo lalab júu` quieñ' do quíá'- Jesús jo casí'r-:

—Tifa', ne~baa' guiá- e jmang'- júu` já'-ba' fó' 'næ` jogui e dseáng'- la-jam`ba' já'- e e' jialco' iing~ Fidiée` e seë-naa'. Jogui ne`bí' cajo e ja` 'gó' 'næ` cóo'~jalé' e í dsí' dsea` osi jalé' e fé' dsea` uii~ quíá' é, co' ja` jøø` 'næ` júi~ jialco' líng' dsea` lí' caluu`. ¹⁷ Joba' ii~naa' nijmingí' 'næ` e~ nifo' cuaiñ~ quíá'- e júu` la: ¿Su 'né- niquí'naa' cuu- e cat'ing- dseata~ i guing~ fí Roma osi ja` 'né- quí'naa' é?

¹⁸ Jo dsu' Jesús calilí'bre lajúi~ e ga` e í dsí' i dsea` do, joba' cajíñ'- casí'-reiñ':
—i jmicang~ i la 'nú'! ¿jialí' 'nó'na' e iing~na' niguié'na' jial e ni'nang~na' jnea~ fí quini` dseata~? ¹⁹ Ée'na' jnea~ e cuu- e 'né- niquí' quíá' i dseata~ do. Joba' i dsea` fariseo do cacuø'r' dsea` do coo` cuu- lajo. ²⁰ Jogui Jesús casí'-reiñ' do lala:

—¿I~ i táang` fí ni~ e cuu- la jogui jial siir`?

²¹ Joba' cañí' i dsea` fariseo do quíá'- Jesús:

—Dseata~ dsea` guing~ fí Roma táang` fí na.

Joba' cañí'tu Jesús quíá'ñ'- do jo casí'-reiñ':

—Cuøø'na' dseata~ i guing~ fí Roma lajúi~ e cat'ing- î, jogui lajobi cajo cuøø'na' Fidiée` lajúi~ e cat'ing- Fidiée`.

²² Joba' mi~ tí li~ canúuiñ'- do lajo, eám' cangogá' dsíir' e júi~ o' ñir' e` niñí'-guir. Jo cangolíim`bre mi~ cangî lajo, jo 'ñiab' Jesús caje'guir.

Mi~ cajmingí' dsea` jial lí' mi~ nijí'tu dsea` calé' catú-
(Mr. 12:18-27; Lc. 20:27-40)

²³ Jo 'ñia' ie~ jmí~ jo caguilíng- coo` tú- máng' dsea` Israel i líng' dsea` saduceo fí li~ táang` Jesús. Jo co' jaléng' i dsea` saduceo do ja` já'- líiñ' e jí'tu 'lí~, joba' ca'í dsíir' e cangojmingí'r- Jesús jo casí'r- dsea` do lala:

²⁴ —Tifa', lalab cajíng'- Moi~ malí~gui eáang' e song cajúng- jaang` dseañu' e júi~ ja` jóor' caliséng', joba' i rúng' dsea` ngáang' cóo' i 'lí~ dob 'né- nicúíñ' guóor' cóo' i dseamí quíá'- i 'lí~ do e laco' niliseeng` jóor' cóo' ír`. Joba' lafa' jóob' i dseañu' la'uui~ do ni'uíng- i jiuung~ i niliseeng' do. ²⁵ Jo lalab calí' jee~ jnea'; coo` née' caliséng` guiáng- dseañu' i la'ó' rúng'. Jo i dseañu' la'uui~ do cacúm' guóor', jo ja` huøø- ngó- cajúm-bre, lifa' júi~ jaang` jóor' ja` caliséng` cóo' dseamí quíá'r-. Joba' i dseañu' rúíñ' i catí tú- do cacúm'bre guóor' cóo' i dseamí î, ²⁶ jo dsu' lajob calí-tu, cajúm-biñ' do jo ja` jóor' caliséng` cajo. Jo lajob i rúíñ' i catí 'ní' do cajo, cacúm'bre guóor' cóo' i dseamí î, dsu' lajobtu ca'uíng- quíá'r-, cajúm-bre e júi~ ja` jóor' caliséng`. Jo lajob calíng- laji' guiáng- i dseañu' do, cajúm-bre e júi~ ja` jóor' caliséng` cóo' i dseamí do. ²⁷ Jo ja` huøø- ngó- jo cajúm- i dseamí do cajo. ²⁸ Joba' jmingí' jnea' 'næ` lana e mi~ nití- í' e nijí'tu dsea`, ¿i~ dseáng'- i dseañu' do lajee` laji' guiáñ- nicúng' guóor' cóo' i dseamí do? Co' lajalém'bre cacúíñ' guóor' lajee` seeíñ' fí jmingí' la.

²⁹ Joba' cañí' Jesús quíá'ñ'- do:

—Sijgiém` áa' 'nú', co' ja` ñí'na' jial laco' fé' fí ni~ jì quíá'- Fidiée`, jogui dseáng'- ja` ñí'ba' cajo jial tí' 'gøng' dsea` do. ³⁰ Co' ie~ jo, mi~ nití- í' e nijí'tu jaléng' 'lí~, jaléng' dseañu' cóo'gui jaléng' dseamí jo` tóo' jmí~ fa' e nicúng'-gui guóor', dsuco' lafa' ángeles quíá'- Fidiée` i neáang' fí 'ñífb- nilíñ- ie~ jo. ³¹ Jogui 'nú' jmingí'na' su jí'tu jaléng' dsea` mi~ ningí' e júuiñ-, jo ¿su

ja` mí ca'í 'nú' lí tóo` lajii~ júu^ quiá'- Fidiée~ e cajíñ'- maliñ~gui mi~ café'r lala?: ³² “Jneab` lín'n Fidiée~ quiá'- Abraham cóo~ gui quiá'- Isáa' jogui quiá'- Jacóo^.” Joba' fii- i 'nú' lana e Fidiée~ ja` líiñ' Fidiée~ quiá'- jaléng` 'lí~, co' Fidiée~ quiá'- jaléng` dsea` jib` líiñ'.

³³ Jo mi~ tí lí canúu- jaléng` i dsea` do lajii~ júu^ e cajíng'- Jesús, joba' dsíng'- cango'gá` dsíir' jo cangolím` bre jóng.

E lab júu^ quiá' ta` e laniing- gui quiá'- Fidiée~

(Mr. 12:28-34)

³⁴ Jo mi~ tí lí cangí e casíng- Jesús cóo~ dsea` saduceo, jo caseám' rúng` dsea` fariseo mi~ tí lí caliñir' e cateá lanab cañi` Jesús lajii~ júu^ e cajmingí` i dsea` saduceo do. Jo i dsea` í cangolím` bre fí lí táang` Jesús. ³⁵ Jo jaang` lajee` la'ó' ír` i líng` tifa' quiá'- júu^ quiá' ta~ quiá'- dsea` góor` dsea` Israel e lí^ laco' iñ~ e niténg` Jesús fí ni~ dsee~, joba' cajmingí'r- dsea` do lala:

³⁶ —Tifa', ¿e~ e júu^ quiá' ta~ quiá'- Fidiée~ e niing- gui?

³⁷ Joba' cañi` Jesús quiá'- i dsea` do:

—E lab e júu^ e niing- gui do: “Jmi'neáang` Fíi' Fidiée~ car` ngocáng` o' jogui cóo~ jalé` bí seeng` jmiguí quií'- jogui cóo~ jalé` e í o'.” ³⁸ Jo e lab e júu^ e laniing- gui jogui e la'uii~ do cajo jee~ lajalé` júu^ quiá' ta~. ³⁹ Jogui e júu^ quiá' ta~ e catí tú- do røøbjii lí' cóo~ e la, jo lalab fé': “Jmi'neáang` jaléng` dsea` rún' lí^ laco' gui jmi'neáan' uø'.” ⁴⁰ Jo cóo~ e tú- júu^ quiá' ta~ nab lí' júu^ tíi- fii' quiá'- lajalé` e caguiee- gui júu^ quiá' ta~ quiá'- Fidiée~ jogui lajalé` júu^ e ca'e` i dsea` i café' cuaiñ~ quiá'- Fidiée~ maliñ~gui eáang`.

I~ dsea` siju` líng` Dsea` Jmáang-

(Mr. 12:35-37; Lc. 20:41-44)

⁴¹ Jo lajee~ e teám- bi jaléng` i dsea` fariseo fí do, ⁴² mi~ cajmingí'- Jesús ír` lala:

—Jo ¿e~ í óo' 'nú' cuaiñ~ quiá'- i dsea` i sijeeng` na' do i nicá` nifí quií- na' do? ¿Jial laco' jaa' siju~?

Joba' cañi` i dsea` do quiá'- Jesús jo cajíñ'-:

—Dsea` siju~ dseata~ dsea` féng' Daví^ í.

⁴³ Joba' cañi` Jesús quiáíñ'- do:

—Jo ¿jial lí jóng? Co' ie~ lamí cateáang` dseata~ Daví^ fí jmigüi` la, cajíñ'- la'eáang` cóo~ Jmiguí quiá'- Fidiée~ e Dsea` Jmáang- líng` Fiir~, co' lalab cajíñ'- ie~ jo:

⁴⁴ Lalab cajíng'- Fidiée~ casí'r- Fíi`:

“Ní lí^ lí dsée` laco' guin` n cartí nijmee~ e e jaléng` dsea` i 'ní' níng- 'nú' nisí'r- uø- jnir~ fí quiní^ e laco' nijmi'gór` 'nú'.”

⁴⁵ Jo cajíng'- gui Jesús e júu^ la:

—Jo song` 'ñia' bi dseata~ Daví^ sí'r` Fíi` i dsea` i sijeeng` na' do i nicá` nifí quií- na' do, joba' ¿jial cuøøng` e í líiñ' dsea` siju~ dseata~ Daví^ jóng?

⁴⁶ Jo jaléng` i dsea` i teáang- do ie~ jo jii~ camí^ júu^ ja` cadsé'r` fa' cañiir` quiá'- Jesús, jo latí ie~ job jii~ jaang` dsea` fa' cateá- gui dsíir` ee` nijmingí'r- dsea` do.

23

Mi~ cajíng'- Jesús jalé' e ga` e jmóo` jaléng` dsea` fariseo

(Mr. 12:38-40; Lc. 11:37-54; 20:45-47)

¹ Jo mi~ cangí e jo, casí'- Jesús jaléng` dsea` i teáang- do ie~ jo cóo~ gui jaléng` dsea` quiá'r- jo cajíñ'- casí'- reiñ':

2—Jaléng' tifa' quiá' júu' quiu' ta~ quiá' dsea' góo'naa' dsea' Israel cóo' gui jaléng' dsea' góo'naa' i líng' dsea' fariseo óor' ta~ e er' e~ guóng' lajii' júu' quiu' ta~ quiá' Fidiéé'. 3 Joba' fii' i 'nú', jmeé'ba' núu' na' lajii' júu' quiá'r' jogui jmiti'ba' lajii' e s'í'r' 'nú', jo dsu' jie' mí' jmoo'na' laco'gui la jmóor', dsuco' i dsea' í' ja' jmitir' lajii' e júu' quiá'r' do. 4 Dsuco' i dsea' í' lico' tiiñ' jmér' lafa' léé' dsea' cóo' jalé' e jín' e 'né' nijmiti' dsea' e jii' ja' quí' dsea' jmí' jmitir', jo dsu' ja' jmicóo'r' dsea' jii' cóo' camí' niguóor' e laco' niróo' e lee' do. 5 Jo lajii' e jmóor' do lico' iñ' e jøø' jaléng' dsea' jiém'. Jogui tí' dsír' e quier' lí' tóo' júu' quiá' Fidiéé' fí' guiaquí'r' osi fí' dse' cuéer' é, jo e jo tóo' cóo' júu' e líng' guiá' laco' jnéng' huí'. Jo lacaang' fí' dse' s'í'r' tí' dsír' e i'r' lo' e cuee'. 6 Jo tí' dsír' e guár' fí' lí' jlo' gui fíng dsiliñ' lacaang' lí' tí' jmí' osi lí' niing' gui é fíng dsiliñ' fí' sinúu' guá' quiá' dsea' góo'naa'. 7 Jogui iñ' e jmí'gó' dsea' ír' mí' jín' rúñ' jee' 'núu', jogui tí' dsír' e fa' jalém' dsea' sí' ír' tifa'.

8 'Jo dsu' 'nú' ja' catíng' na' fa' e nisí' dsea' 'nú' tifa', dsuco' jaam' tifa' i dseáng' seeng' quií' na', jogui lajaléng' 'nú' líng' na' laco' rúm'ba'. 9 Jogui 'nú', ja' catíng' na' e nifí' na' tea~ jii' jaang' dsea' fí' jmigü' la, dsuco' jaam' Tiquí'na' i seeng', jo íb' Fidiéé' i guíng' fí' ñifí'; 10 o'gui catíng' na' fa' e nisí' dsea' 'nú' fii', co' jaam' Fii' na' seeng', jo íb' i dsea' i sijeeng' na' do i nicá' nifí' quií' na'. 11 Jogui song' ií' lajee' la'ó' 'nú' líñ' e niing' guí, joba' í'bing' i 'né' nijmé' ta~ jmicóo' jee' jaléng' 'nú'. 12 Co' doñí' ií' dsea' i jmiféng' 'ña' jee' jaléng' dsea', joba' i dsea' í' eáam' nijgiáañ' mí' nití' í' lajo. Jo doñí' ií' dsea' i ja' jmiféng' 'ña' jee' jaléng' dsea' rúng', joba' í'bing' i eáang' gui niliniing' mí' nití' í' lajo.

13 'jE ngí' fíib' 'nú', jaléng' tifa' quiá' júu' quiu' ta~ quiá' dsea' Israel cóo' gui jaléng' 'nú', dsea' Israel i líng' dsea' fariseo, co' jmang' i jmicaam' 'nú'! Co' jni'ba' fí' e laco' dsea' jiéng' ja' nijáng' yaaiñ' fí' jaguó' Fidiéé' e laco' dsea' do nicá' nifí' quiá'r'. Jogui jii' 'nú' ja' jaang' yaang' na' fí' jaguó' Fidiéé' o'gui cuø'na' fí' jaléng' dsea' i iing' nijmé' lajo.

14 'jE ngí' fíib' 'nú', jaléng' tifa' quiá' júu' quiu' ta~ quiá' dsea' Israel cóo' gui jaléng' 'nú', dsea' Israel i líng' dsea' fariseo, co' jmang' i jmicaam' 'nú'! Co' jmoo'na' íí' 'nú' jaléng' dseamí' 'nú' i tiñíng', jogui jmicaang' na' e ja' lí' lajo, jogui jmoo'na' e cuee' fa' quií' na' mí' güilíng' na' fí' guá'. Jo uí' e lajob' jmoo'na', joba' 'nú'bing' i ga'gui eáang' ni'íng' iihuí' mí' nití' í' lajo.

15 'jE ngí' fíib' 'nú', jaléng' tifa' quiá' júu' quiu' ta~ quiá' dsea' Israel cóo' gui jaléng' 'nú', dsea' Israel i líng' dsea' fariseo, co' jmang' i jmicaam' 'nú'! Co' jmoo'na' ta~ ngí' lacaang' fí' ni' guóo' uø' quiá' cóo' gui lacaang' fí' ni' jmí' e laco' nilí' na' jaang' dsea' i nidsitáang' cóo' 'nú'. Jogui mí' tí' lí' calí' na' i dsea' í', dseáng' lico' síng' guina'r e catíñ' tú' né' fí' lí' lí' laco' gui la líng' 'nú' yaang' na'.

16 'jE ngí' fíib' 'nú', dsea' líng' na' lafa' dsea' tiuung' i jéeng' jaang' gui dsea' tiuung'! Co' 'nú' fó' na' e mí' jmóo' dsea' promes e éeiñ' guá' fé', ja' 'né' nijmitir' e jo; jo dsu' 'nú' fó' na' e mí' éeng' dsea' e cunée' e sea' fí' guá' do, joba' dseáng' 'né' e jmiti' bre jóng. 17 'Nú' líng' na' lafa' dsea' tiuung' i íí'! ¿E' e quíng' gui quií' na' eáang' líng' na'? ¿Su cunée' ofa' e guá' e jmigüeang' e cunée' dob é? 18 Jogui fó'bi' 'nú' cajo e doñí' ií' dsea' i jmóo' promes e éeiñ' fí' nife', ja' catíng' fa' e nijmitir' lajii' e ca'éeiñ' do. Jo dsu' 'nú' fó' na' e song' ca'éeng' dsea' lajii' e tíng' dsea' e cuø'r' Fidiéé' fí' nife', joba' dseáng' 'né' e nijmiti' bre jóng lajii' e ca'éeiñ' do. 19 'Nú' líng' na' lafa' dsea' tiuung'! ¿E' e quíng' gui quií' na' eáang' líng' na'? ¿Su lajii' e tíng' na' cuø'na' Fidiéé' fí' nife' do ofa' e nife' e lí' ligüeang' dob é? 20 Jo dsu' jnea' gui fá'a e i dsea' i éeng' e nife' do, o' jii' quiá' e jo jmóor' lajo, co' lajob' jmóor' cajo quiá' lajalé' e

sea` e fi` ni~ do. ²¹ Jogui i dsea` i éeng` guá'- fé', o' jji~ quiá'- e guá'- do jmóor` lajo, co' lajob jmóor` cajo cóo~ Fidié~ i seeng` fi' jo. ²² Jogui i dsea` i éeng` ñiff~, lajob éeiñ` ñia' Fidié~ cajo jogui fi' li~ líí` éé^ quiá'- dsea` do fi' jo.

²³ 'iE ngi~ fiib^ 'nú', jaléng` tifa' quiá'- júu^ quiu' ta~ quiá'- dsea` Israel cóo~gui jaléng` 'nú', dsea` Israel i líng` dsea` fariseo, co' jmang` i jmicaam~ 'nú'! Co' cuø'na' Fidié~ cóo` lajee` guí- lajji~ e catíiñ~ quiá'- jalé' e ro'na' do fa' jalé' oo` quiá'- jmiñi~ jogui jalé' e jié', jo dsu' ja' jmití'na' e júu^ quiu' ta~ quiá'- Fidié~ e niing~gui e quiá'- jialni'é- dsea` røø` cóo~ dsea` rúíñ' jogui jial nilí` fií- líng- dsea` jaléng` dsea` rúíñ' jogui jial dseáng'- nijmitir~ jalé' e iing~ Fidié~. Jo jalé' e nab e laniing~gui e 'né- nijmití'na' lifa' ja' 'naang'na' ca' jalé' e catíng- Fidié~ e nicuø'na're do. ²⁴ 'i'Nú'gui líng'na' lafa' dsea` tiuung- i jéeng` jaang`gui dsea` tiuung-! Jo tñm'ba' ngí'na' jalé' e ú'na' e laco' ja` nining'na' lu' ping', jo dsu' nám'ba' i jó' féng' i sií` camello!

²⁵ 'iE ngi~ fiib^ 'nú', jaléng` tifa' quiá'- júu^ quiu' ta~ quiá'- dsea` Israel cóo~gui jaléng` 'nú', dsea` Israel i líng` dsea` fariseo, co' jmang` i jmicaam~ 'nú'! Co' 'nú' lí' i ru' guiá- jalé' cuéé~ huíí` quiá'- jji~ lí' caluu~, jo dsu' e téé~ dsíí` do jmang'- jalé' e nicajmee~na' íi cóo~gui jalé' e lí' óo'na' e sea` fi' jmigüí. ²⁶ i tñm- 'nú', dsea` fariseo! Co' la'uii~ jang'- rúu'na' lí' lí' dsíib' jalé' cuéé~ huíí` quií'na' do, jo lajogui'ba' nijé- tee' fi' caluu~ cajo.

²⁷ 'iE ngi~ fiib^ 'nú', jaléng` tifa' quiá'- júu^ quiu' ta~ quiá'- dsea` Israel cóo~gui jaléng` 'nú', dsea` Israel i líng` dsea` fariseo, co' jmang` i jmicaam~ 'nú'! Co' 'nú' líng'na' laco'gui la líí` lí~ si'aang` 'líí~ e jlo'`jiu tee' lí- caluu~, jo dsu' lí- lí' dsíí` layaang~ móo` 'líí~ba' téé~ cóo~gui jalé' e 'líí' e jié'. ²⁸ Jo dseáng'- lajob líng` 'nú' cajo, co' guiúu~ba' jnéeng~na' jóøng- dsea` 'nú' lí- caluu~, jo dsu' dseáng'- lico' jmicaam~ba' cóo~ jalé' e fó'na' jogui jmang'- e 'lib' í' áa'na'.

²⁹ 'iE ngi~ fiib^ 'nú', jaléng` tifa' quiá'- júu^ quiu' ta~ quiá'- dsea` Israel cóo~gui jaléng` 'nú', dsea` Israel i líng` dsea` fariseo, co' jmang` i jmicaam~ 'nú'! Co' jmo'na' lí~ si'aang` jaléng` dsea` i café' cuaiñ~ quiá'- Fidié~ malíi~gui eáang` jogui jmoo'na' e silíi~ jlo'` lí~ si'aang` jaléng` dsea` i ca'éé` guiá- cóo~ Fidié~, ³⁰ jogui fó'na' lala: "Facó' jnea'^ calisé'naa' lajee` e caliséng` 'líí~ dsea` áang` quií'naa', joba' ja' cajmicóo'naa' jóng e cajnga' dsea` quiá'- i dsea` i café' cuaiñ~ quiá'- Fidié~ malíi~gui eáang` do." ³¹ Jo cóo~ jji~ e júu^ nab cuø'na' lí e dsea` sijú'ba' líng` i dsea` i cajngang` i dsea` i café' cuaiñ~ quiá'- Fidié~ malíi~gui do. ³² Jo co' lajob líí, joba' 'nú' jmité'na' náng lajji~ e nicanaang` 'líí~ dsea` cóøng' quií'na' cajméer`.

³³ 'i'Nú' líng'na' jóo' mi' guíng-! Jial nilí'na' e nileáng'na' lajji~ iihuí' e ni'íng'na' fi' lí' 'lí'?' ³⁴ Joba' fií- i 'nú' e jnea~ nisín^n jee~ 'nú' jaléng` dsea` i fé' cuaiñ~ quiá'- Fidié~ jogui jaléng` dsea` i tíng` eáang` cóo~gui jaléng` dsea` i e' jalé' júu^ quiá'- dsea` góo'naa' dsea` Israel; lifa' 'nú', nijngám'^ba' jogui nitáang~na' fi' dse' crúub^ i líng~ i dsea` í, jogui i líng~guiíñ' do nibóøng^na'r fi' dsíí` sínúu^ guá'- jogui ni'óøng~na'r fi' lacoø` fií` lí~ guilíiñ~. ³⁵ Jo lajoba' iihuí' e eáam` ni'íng'na' e jáa' quiá'- Fidié~ uii~ quiá'- jalé' jmi'óøng- i dsea` i guiúng- e nicatuu~ fi' ni' guóo~ uø- la. Jo e jo canaang` mi~ catuu~ jmi~ Abel i líng` jaang` dsea` guiúng- fi' quini~ Fidié~ jo cartí' mi~ catuu~ jmi~ Zacarías, jóo' jaang` dseañu' i calisí Berequías, co' i dsea` íb i cajngang` 'nú' cáang` nife' quiá'- sigui' guá'- fé' e si' fi' Jerusalén. ³⁶ Jo dseáng'- e jáb'- e fií- i 'nú' e i dsea` i seeng` jmi~ na, íbing' i ni'íng` iihuí' uii~ quiá'- lajalé' e jo.

*Mi~ caqui' Jesús uii~ quiá'- dsea` seeng` fi' fií` Jerusalén
(Lc. 13:34-35)*

³⁷ Jo mi~ cangí jo, cajíng'-gui Jesús e júu^ la:

—¡Fíib^ 'nú', dsea` seeng`na' fí Jerusalén, fíib^ 'nú', dsea` seeng`na' fí Jerusalén! Co' 'nú' i seeng` e fí fíi` lab i cajngang` jaléng` dsea` i café` cuaiñ` quiá'- Fidiéé, jōgui cuub` casi'lóo`na' cajo jaléng` dsea` i casíng` dsea` do i guía' júu^ quiá'r` jee` 'nú'. Jo ja` ñii` jó'gui néé` cali'iin`n e nito` fíin`n 'nú' lí^ laco'gui to' fíing` jaang` tui'iee` jaléng` tuyuu` quiáa`-re' fí` 'nú'` cuéé`re', jo dsu' ja` cali'ing`na' lajo. ³⁸ Joba' latí` lana jo` i niliseeng`gui fí` guá'- quií`na' la. ³⁹ Joba' fíi`-i 'nú' e jo` nimáang`gui jnea` cartí`mí` nifo`na' lala: “¡Juguíá` jiu quiá'- i dsea` i casíng` Fidiéé` fí` jmigüí` la cuaiñ` quiá'r`!”

24

Mí` cajíng`- Jesús e ni'íng`- guá'- fé' e si' fí` Jerusalén

(Mr. 13:1-2; Lc. 21:5-6)

¹ Jo mi` cangí` jo, mi` tí` lí` cagüi'íí` Jesús fí` dsíí` sinúu^ guá'- jo mifíng` ni'iuuiñ` fí` ngam`bre, mi` tí` lí` cangoquiéeng` i dsea` quiá'r` do fí` lí` ngóor` jo canaaíñ` do jōør`- la'úung` e guá'- fé' do. ² Joba' lalab casí` Jesús i dsea` í:

—¿Su jōør` 'nú' jial jlo` e guá'- si' na? Jo dsu' e já`-ba' e fíi`-i 'nú' e jíi` coo` cuu` jo` nijé`- sífíng`gui rúng` quiá'- e guá'- e móo`na' si' na lana; co' lajib` ni'íng`- jo jíi` coo` jo` e nijé`-gui.

Jalé' e lí` mi` tí` lí` ná`-gui e ni'íng`- jmigüí`

(Mr. 13:3-23; Lc. 21:7-24; 17:22-24)

³ Jo mi` cangí` jo, cangób`- Jesús fí` yá^ mó' e sii` Olivos colíng`- cóo` dsea` quiá'r`. Jo mi` caguilíñ` fí` jo, job caguá` Jesús, jo lajee` job cangoquiéeng` i dsea` quiá'r` do fí` lí` guíiñ` do lí` coo` yaaíñ`, jo cajíñ`- casí'r` dsea` do lala:

—Í`naa' fa' 'nu` nijméé`- jnea` júu` ¿lí` nidsijéé` lajalé' e la? ¿E` jalé' e nilíi` jéeng`gui mi` tí` lí` ná`-gui niñí`tu` 'nu` fí` jmigüí` la jōgui mi` tí` lí` nití` í' e ni'íng`- jmigüí`?

⁴ Joba' cañí` Jesús quiá'- i dsea` quiá'r` do jo casí`-reiñ`:

—Jíi` e laba' fíi`-i 'nú'; jmiñíng`- óo`na' e jíi`- jaang` dsea` ja` güijmigóoíñ` 'nú'.

⁵ Co' fíim`bing' i nijalíng`- i nijmigóo` jo nijíñ`-: “Jneab` i dsea` i síjeeng`na' do i nicá` nifí` quií`na'”; jo fíim` dsea` nilí'r` i niligøøng`. ⁶ Jo 'nú' ninúu`na' júu` e sea` 'nií` fí` la fí` na; jo dsu' ja` fóøng`na' mi` nití` í' lajo, co' jobi uíng` jōgui co' dseáng`- 'né` e nidsijéeb` lajalé' e jo; dsu' o' ie` jo nití` í' e ni'íng`-. ⁷ Co' ie` jo jaléng` dsea` nitíñ`- cóo` dsea` rúíñ`, jōgui coo` fíi` nitíng`- cóo`- coo`gui fíi`, jōgui nilisea` oo` fí` la fí` na, jōgui jmiguiab` lí` nijó' uø` e eáang` cajo. ⁸ Jo jobi lí^ uim`bi` jóng mi` nimó`na' e nidsijéé` jalé' e iihuá' jo.

⁹ Jo job mi` nitøør` jaléng` 'nú' e laco' nijmihuíñ` 'nú' cartí` nijngáíñ`- 'nú'. Jo ie` jo lajím` dsea` jmigüí` nilí` 'ní' níiñ`- 'nú' uíi`- jnea`. ¹⁰ Jo ie` jo fíim` dsea` nitú`bre e já`- líiñ` júu^ quié`- e jōgui nilí` 'ní' níng`- rúng` dsea` jōgui ni'náíñ`- lajee` la'ó' rúíñ` cajo. ¹¹ Jo fíim` dsea` nijalíñ`- mi` tí` lí` jo e nijmigóor` e fé'r` cuaiñ` quiá'- Fidiéé, jo fíim` dsea` nilí'r` i niligøøng`. ¹² Jo ie` jo dseáng`- jmang`- jalé' e 'lí`-ba' nijmé`- dsea', joba' fíim` dsea` nitú`bre e jmi`neáaiñ` jaléng` dsea` rúíñ`. ¹³ Jo dsu' i dsea` i nité' e siñ'` teá' fí` guíá`- lata` cóo`- jnea~, joba' í`bing' i nileáng` jee` dsee`- quiá'- mi` tí` lí` jo. ¹⁴ Jo e júu^ la quiá'- jial quié` Fidiéé` nifí` quiá'- dsea` nini`- fí` la'úng`- fí` jmigüí` e laco' nilicuíi` dsea` e júu^ jo; jo jōguib` mi` nití` í' e ni'íng`- jmigüí` jóng.

¹⁵ Jo malí`-gui eáang` i dsea` i café` cuaiñ` quiá'- Fidiéé` i calís` Daniel cajme'r` fí` ni` jì` quiá'r`- cuaiñ` quiá'- coo` e 'lí^ eáang` e nisi` dsea` fí` dsíí` guá'- fé' e si' fí` Jerusalén fí` lí` lí' e guá'- güeang` quiá'- Fidiéé. Jo mi` nimó`na' e jo e fí` lí` güeang` quiá'- Fidiéé` do —jaléng` 'nú' i í' e jì` la 'né`- ningám`ba'—, ¹⁶ joba' mi` nití`- e í' jo, jaléng` dsea` i neáang` fí` lí` se' Judea güicuúí`-bre fí`

jee mó' jóng. ¹⁷ Jogui i dsea i dsiing yá' 'nú' mi' tí lí' jo, ja' güi'í' dsír' fa' e nijgiáang'guir e laco' nidsi'uóø'r~ jalé' e sea` quiá'r-. ¹⁸ Jogui i dsea` i taang` fí' jee` mó' e jmóor` ta~, joba' ja' güi'í' dsír' fa' e niqing'~ guir fí' quiá'r- e faco' dsiquiéer` sí'r^'. ¹⁹ Joba' ífíib` eáang` jaléng` dseam` i quiéeng` yuu` ie~ jo osi i jéeng` yuu` i cu' tú' é! ²⁰ Jo má'~na' Fidiéé` e ja` nidsitíing` e ni'uóng`na' e cuí'na' lajee` jii` güi` osi lajee` jmíi` e jmi'ing` dsea` góo`na' é; ²¹ dsaco' ie~ jo gab` eáang` nilisea` iihu' e ja' mí' canga' dsea` lajii` mi~ catiroo` jmigüi` o'gui fa' niní'guir calé' catú` cajo. ²² Jogui faco' Fidiéé` nijmér` e nili'íi` eáang` e nidsijéé` jalé' e jo, joba' jii` jaang` jo` ii` nileáng`gui jóng faco' lajo. Jo dsu' ja' nijmi'íiñ` e jo uí' e fíi` líiñ` jaléng` dsea` quiá'r- i nicaguíñ` do.

²³ 'Jo song ie~ jo nijmigóøng` dsea` 'nú' jo nijíñ`-: "Jóø-, i lab i dsea` i sijeeng`na' do i nicá` nifi` qui`na'", osi "Jóø-, dob nisiñ` é", jo dsu' ja' já' güilíng`na' jóng. ²⁴ Co' ie~ jo fíim` dsea` nijalíñ` jo nijmigóor` e líiñ` i dsea` í, jogui seem`bi i nijmigóor` e líiñ` dsea` i fé' cuaiñ` quiá'- Fidiéé` cajo; jogui eáam` nijmér` jalé' e lí' jogui jalé' e quí'r~ jmíi` e dsigá` dsí' dsea`. Jo nijmér` lajo e lico' nijmigóo`bre jo quiáb'-jiu` nijmigóøiñ` la quié'gui i dsea` i nicaguíng` Fidiéé` do, dsu' ja' lí' jmér` lajo. ²⁵ Jo quié'na' cuente røø` quiá'- jalé' júu` e nicafá'-a na lana quiá'- jalé' e nidsijéé` cøøng`gui. ²⁶ Joba' ie~ jo, ja' güilíngøøng`na' mi~ nisi' dsea` 'nú' lala: "Jóø-na', e dob táang` i dsea` i sijeeng`na' do fí' ni` guóo`~ uó- quié'", jo dsu' ja' güilíng`na' fa' e nigüi'néng`na'r; osi nisi'`bi dsea` 'nú' lala é: "É lab si'maang` i dsea` í", jo dsu' ja' já' güilíng`na' e jo. ²⁷ Dsaco' lí' laco' lí' mi~ líji` güi'niá' e jnéeng` fí' yá' jmigüi' e jóø- dsea` lajiiñ`, lajob lí' cajo mi~ nigáatu` jnea~, dsea` lín'n jaang` dsea` jmigüi' i já' fí' ñifí-. ²⁸ Co' e já'-ba' fá'a, e jié' lí' ráang` jó' 'lí~, fí' job seáng' jaléng` tujlíi`.

Jial mi~ nijáatu` i dsea` jmigüi' i jáa' fí' ñifí-
(Mr. 13:24-37; Lc. 21:25-33; 17:26-30, 34-36)

²⁹ Jo cajíng'-gui Jesús e júu` la:

—Jo mi~ tí lí' casúung` e iihu' jo, joba' jo` jí' iee` nilisea`gui o'gui sí' cajo fa' nicuóø`guir jir~, jogui jaléng` núu` nijíuñ` cartí' guóo`~ uó-, jogui Fidiéé` nijmér` e niguiá'- jalé' e sea` fí' yá' jmigüi'. ³⁰ Jo ie~ jmíi` job mi~ nilisea` lí' fí' yá' jmigüi' e tí lí' nigáatu` fí' jmigüi' la, jnea` dsea` lín'n jaang` dsea` jmigüi', jo lajiiim` dsea` seeng` fí' la'úng- fí' jmigüi' niquí'r- uí' e 'gó'r, jo joguiba' mi~ nimáang`na' jnea~, dsea` lín'n jaang` dsea` jmigüi' i jáa' fí' ñifí-, e nigáa` e niquíin`n jee` cabøø` jní' cóo' e niing` jí e 'gøng' quiá'- Fidiéé`. ³¹ Jogui nisíng` Fidiéé` jaléng` ángeles i líng` guotiir` e nijíuñ` do teá' lúu' trompé' fí' yá' jmigüi' e laco' lajiiing` dsea` jmigüi' i nilíng` dsea` quiá'r- niseáñ` colíng` mi~ nití' e í' jo.

³² Jo cajíng'-gui Jesús e júu` la:

—Lanagui ni'éé` e 'nú' coo` júu` quiá'- 'ma` güiñí': Co' mi~ ninaang` iéé` jalé' guo' quiá'-, jo mifíng` canaang` e iáb` jalé' má' quiá'- cajo, joba' nilí' 'nú' e nijaquíéem` jii` jmíi` jóng. ³³ Jogui lajob lí' e júu` la cajo, co' mi~ tí lí' nidsijéé` lajalé' e nicafá'-a na, joba' niñí'ba' jóng e quiáb'- nijaquíéeng` e nigáa` jnea~, dsea` i líng` jaang` dsea` jmigüi' i jáa' fí' ñifí-. ³⁴ Co' dseáng'- já'-ba' fá'a e dseáng'- nidsijéé' jalé' e jo nú'-gui e nijúung` jaléng` dsea` i seeng` lajee` lana. ³⁵ Jo tóob` jmíi` ni'íing` la'úng- yá' jmigüi' cóo'-gui la'úng- guóo`~ uó-, lifa' júu` quié- e ja' tóo` jmíi` fa' e ja` niliti`.

³⁶ 'Jo jii` jaang` dsea` jmigüi' ñir` e jmíi` jogui e~ oor` e nidsijéé` e jo, co' j'gui jaléng` ángeles quiá'- Fidiéé` dsea` guíng` ñifí- ja' ñí' e jo, o'gui jnea` ñii` cajo. Co' dseáng'- lajii` Tiquí'ii' dsea` guíng` ñifí-, jii` í'bing' dseáng'- ñí' e jo.

³⁷ Jo mi~ tí li~ nití~ í' e nigáa'túu fí jmigüi' la, jnea~ dsea` lín'n jaang` dsea` jmigüi' i jaa' fí ñiff~, nilí lí' laco'gui calí~ ie~ lamí~ cateáng` Noé fí jmigüi' la. ³⁸ Co' ie~ jo, lajee~ e nú'~ gui e ca'á' jmi' fí la'úng~ fí guóo'~ uó~, i' gøb' dsea` laco' sí'í', jogui cúiiñ' guóor` cajo, lí' coob` mi~ catí' í' e ca'í' Noé fí dsí' coo` móo' e dsée~ cóo'~ jaléng' dsea` sinúu^ quiá'r~; ³⁹ jo dsu' lajee~ e ja` ñiing~ dsíib' dsea~, mi~ catí' í' e ca'á' jmi' fí la'úng~ fí guóo'~ uó~, jo job li~ cajúng~ lajaléng' dsea` lí' coo` gui'ná' i seeng` fí jmigüi'. Jo dseáng'~ lajob dseáng'~ nidsijéetu calé' catú~ mi~ tí li~ nigáa'túu fí jmigüi' la, jnea~ dsea` lín'n jaang` dsea` jmigüi' i jaa' fí ñiff~. ⁴⁰ Co' ie~ jo gáng~ dsea` taang~ jmóo' ta~ quiá'~ fí jee~ móo': jo jaañ' do nidsém'~bre, jogui jaang`guiiñ' do nijé~bre. ⁴¹ Jogui lajobi cajo gáng~ dseam' teáng' ta~ dsí': jo jaañ' do nidsém'~bre, jogui i jaang`gui do nijé~bre.

⁴² Joba' fii~ i 'nú', ñiing~ áa'na' contøøng~, co' coo` lajee~ ja` lí'na', lanab mi~ nigüéeng~túu. ⁴³ Jo e laba' iin~ n e ñí'na', faco' jaang` dsea` ñiñir' e í' nigüiéé' jaang` i' fí quiá'r~, joba' nigüéábre e jmóor' í' ñar~, jo ja` nilí' i i' do fa' ni'uó'r~ jalé' e sea` quiá'~ i dsea` do. ⁴⁴ Joba' lajob cajo, dseáng'~ contøøm~ 'né~ e siñiim' áa' 'nú'; co' jii' lajee~ ja` ñiing~ áa'na', lanab mi~ nigüéeng~túu fí jmigüi' la, jnea~ dsea` i jaa' fí ñiff~ e lín'n jaang` dsea` jmigüi'.

Jaang` dsea` 'léeng' i guiúng~ cóo'~ gui jaang`gui dsea` 'léeng' i soo` dsí'
(Lc. 12:41-48)

⁴⁵ Jo mi~ cangí e jo, cajíng'~ gui Jesús e júu^ la:

—Lalab lí' quiá'~ jaang` dsea` 'léeng' i núu'~ jalé' ta~ quiu' fii~ jogui i guiúng~ cóo'~ jaléng' dsea` 'léeng'~ rúiiñ' i caguaiang~gui. Co' mi~ cagüi' i fii~ do e nidsér~ fí lí' jje', caguiar' ni~ i dsea` 'léeng' i núu'~ do lajaléng' i seeng` quiá'r~ e laco' nicuó'~ reiñ' do e nidóiiñ'~ mi~ nití~ í' lajo. ⁴⁶ Joba' juguiá'~ jiu quiá'~ i dsea` 'léeng' i jmóo' ta~ laco' catúng~ mi~ niguieng' fii~ e cár` cuente. ⁴⁷ Joba' jmitaa^ óo'na' e i fii~ do dsíng'~ guiá~ nijmér~ jo nicuó'~ reiñ' do e nine'~ niñ'~ latøøm~ sinúu^ quiá'r~ cóo'~ gui jalé' e sea` fí jo. ⁴⁸ Jogui dsu' song i dsea` 'léeng' do líiñ' jaang` dsea` 'léeng' i soo` dsí' jo í' dsíir' e ja` mí' guieng' fii~ lajee~ jo, ⁴⁹ joba' nináiiñ' e nijmeáiñ' ga` jaléng' i dsea` 'léeng' rúiiñ' i caguaiang~gui do, jogui e niseáiñ' rúiiñ' cóo'~ jaléng' dsea` jmóo' ta~ i' e laco' ni' i' nidó'r~ colíng~, ⁵⁰ jo dsu' coo` lajee~ e ja` ñiing~ dsíir', lanab mi~ nití~ í' e niguieng' tu i dsea` fii~ do; ⁵¹ joba' i dsea` do iihuú'~ nicuó'r~ i dsea` 'léeng' do, co' nibíim~breiñ' do jee~ jaléng' dsea` i jmícaang~ e jmóor' jalé' e iing~ Fidiéé' fí lí' nijmér~ ta~ qui' jogui ta~ tu' maja~ uii'~ jalé' iihuú' e ni'íñ' do.

25

Coo` júu^ já' e lafa' júu^ cuento quiá'~ guíng~ simí'

¹ Jo cajíng'~ gui Jesús e júu^ la:

—Lab nifá'~duu jial lí' mi~ tí li~ jo, mi~ Fidiéé' nicár` nifí' quiá'~ dsea` jmigüi'. Co' e jo lí' laco' guíng~ simí' i ca'uøøng' quie' jmacó' jì candíi' e cango'íiñ' dseañu' i cung' guó. ² Jo dsu' 'ñíing~ lajee~ i simí' do ñiing~ dsíir' jogui i 'ñíing~gui do ja` ñiing~ dsíir'. ³ Joba' i simí' i ja` ñiing~ dsíir' do ca'uøøm~bre quier' jì candíi' quiá'r~ e cango'íiñ' i dseañu' i cung' guó do, jo dsu' jii' jmícoo' e a~ dsíir' candíi' quiá'~bre quier' co' jo quie'guir fa' e seáng~gui; ⁴ jo dsu' i simí' 'ñíing~ i ñiing~ dsíir' do ca'uøøm~bre cajo e quier' jì candíi' quiá'r~ jo lífa' quie'bir coo` sí'gui e co' quier' e a~ jmícoo'. ⁵ Jo co' cali'ím~ i dsea` cung' guó do e ja` nigüiéiñ', joba' lajím~ i simí' do nicaquiáiñ'~ lajee~ jo. ⁶ Jo coob~, mi~ catí' la i' guitu' guienúu', jo guicatá'~ mí' lí' caluu' jo guicafé' dsea': "jmiñéé' áa'na', co' nab nijang' i dsea` cung' guó do; jogui ñíling~na' e niñi'íng'~na're!" ⁷ Jo lajím~ i simí' do caráaiñ~ jo caguiar' guiá~ jì candíi'

quíar- lajaang`lajaaiñ. ⁸ Joba' i simí i ja` ñiing~ dsí' do casí'r- i simí i ñiing~ dsí' do: "Fa' jgiéé` óo' 'nú' fa' nijmi'ðøng`jiu' jnea'^ jmicoo` quí-na', dsuco' cadseáb- jmicoo` quíá'- candíi' quí-naa' jo jo` iing~ nicó." ⁹ Jo dsu' cañí i simí i ñiing~ dsí' do: "U~, ja` nijmi'ðøng`naa' 'nú' co' ja` nilíng` quí-naa' o'gui quí-na' cajo. Co' guiú-gui quí-na' e nigüilíng-na' fí' tieen~ e nigüileáa'na' e jmicoo` e 'né-na' do." ¹⁰ Jo lajee` cangolíng- i simí i ja` ñiing~ dsí' do fí' tieen~ e cangoleáar~ jmicoo` quíar-, lajee` job mi~ caguiéng'- i dseañu' i cung' guó' do, jo i simí i ñiing~ dsí' do cangotáam'-bre jmi~ colíng~ cóo' i dsea` cung' guó' do, jo cajníbre 'núu'. ¹¹ Jo mi'máing-guijiu lajo caguilím tu i simí i ja` ñiing~ dsí' do i cangolíng- fí' tieen~ do, jo guicatør- caluu` 'núu' jo guicajíñ': "¡Fíi'i!, fíi'i!, fa' jgiéé` o' e ná'go 'núu'!" ¹² Jo dsu' guicañí i dseañu' do jo cajíñ': "E já'-ba' e fíi-i 'nú', simí, ja` cuín`n 'nú'."

¹³ Jo cajíng'-gui Jesús:

—Jo co' lajob líi, joba' fíi-i 'nú' e jmiñiing~ áa'na', co' ja` ñí'na' e~ jmi~ jogui e~ oor~ e nigüéeng- jnea~, dsea` lín`n jaang` dsea` jmígüi i jáa' fí' ñifí-.

Coo` júu` já' e lafa' júu` cuento quíá'- dsea` 'léeng' i ca'íng' cuu`
(Lc. 19:11-27)

¹⁴ Jo mi~ cangí jo, cajíng'-gui Jesús e júu` la:

—Jo mi~ Fidiéé` quier` nifí quíá'- dsea`, jo e jo líi laco' jaang` dseañu' i cagüi'fí cangó- fí lí huíi-. Jo dsu' lajee` e ná' gui e nigüi'fí' nidsér-, jo cató'r- jaléng' i dsea` jmóo` ta~ quíar- do, jo cacuø'reiñ' do cuu- e laco' nijméiñ'- do ta~ e nilisea`gui e dsí quíá'- e cuu- do. ¹⁵ Jo jaang` i dsea` 'léeng' quíar- do cacuø'r` 'ñiá` mil cuu-, jogui jaang` cacuø'r` tú- mil cuu- lajo, jogui i jaang`gui do cacuø'r` coob` mil cuu-, jo laji` gaam`biñ' do cangüiñ` cuu- lí' jialco' jíi~ bí seem`bre. Jo ngí joguiba', cagüi'fí i dseañu' do e cangór- fí lí huíi-. ¹⁶ Jo i dsea` 'léeng' i cangüing` 'ñiá` mil cuu- do, eáam` guiú- cajméer` ta~ cóo' e cuu- do, jo calí'-bre jíe'gui 'ñiá` mil lajo. ¹⁷ Lajobi cajo i dsea` 'léeng' i ca'íng' tú- mil e cuu- do cajméé`bre ta~ cóo' do, jo calí'-bre jíe'gui tú- mil e cuu- do cajo. ¹⁸ Jo dsu' i dsea` 'léeng' i cangüing` coo` mil e cuu- do, cango'mea`bre fí' nú'-uø-.

¹⁹ Jo mi~ cangí gui lajo, caguiém'-tu i fir~ do, jo casí'r- lajaang` lajaang` i dsea` 'léeng' quíar- do e nigüiéeiñ'- do cuente lajii~ e nicajméer` cóo' cuu- e cangüiñ' do. ²⁰ Jo la'uii~ caguié- i dsea` 'léeng' i cangüing` 'ñiá` mil e cuu- do, jo cajá'r` fir~ 'ñiá`gui mil lajo e calí'r-, jo casí'r- dsea` do: "Fíi'i, 'nu' cacuøø' jnea` 'ñiá` mil cuu-, jo nicajmé`baa ta~ cóo' e jo, joba' lana nicalí'-i 'ñiá`gui mil lajo e dsí'." ²¹ Joba' cañí i fir~ do: "Nub` jaang` dsea` 'léeng' i guiúng-, co' cajmee`ba' ta~ røø` cóo' lajii~ capí' cuu- e cangüin'. Joba' lana jmiguiab` jalé' e sea` quíé- e e nicuøøø` 'nu' e nine'^ ní', jo lana røøb` nijmi'iaang` dsí'naa' náng." ²² Jo jo` huøø- líi' i dsea` 'léeng' i ca'íng' tú- mil e cuu- do caguiér- jo casí'r- fir~: "Fíi'i, 'nu' cacuøø' jnea` tú- mil cuu-, jo cajmé`baa ta~ cóo' e jo, jo lana nicalí'-i tú-gui mil e cuu- do e dsí'." ²³ Joba' cañí i fir~ do: "Nub` jaang` dsea` 'léeng' i guiúng- cajo, co' tii'm`ba' jmée'^ ta~ røø` cóo' capí' cuu-, joba' jmiguiab` jalé' e sea` quíé- e e nicuøøø` 'nu' e nine'- ní', jo lana røøb` nijmi'iaang` dsí'naa' náng." ²⁴ Jo jo` huøø- líi' guié- i dsea` 'léeng' jaang`gui do i cangüing` coo` mil e cuu- do, jo lalab casí'r- fir~: "Fíi'i, ñi'baa guiú- e jaang` dseañu' i ue' dsí' líng` 'nu' e lí' tii'n` sitíñ' lajii~ ta~ cajméé` dsea` jiém', jogui e ú' có' jalé' ta~ jmóo` dsea` jiéng' cajo. ²⁵ Joba' cafóm`baa 'nu', jo fí' nú'-uøb- ca'meáa` e cuu- e cacuøø' jnea~ do. Jo lana lab quiee`e lajii~ e cuu- jo." ²⁶ Joba' cañí i fii~ do quíá'- i dsea` 'léeng' quíar- do: "Nú' lín' jaang` dsea` 'léeng' i soo` dsí' jogui i fí', jo song` niñí'ba' guiú- e jnea~ sitíñ`n lajii~ ta~ cajméé` dsea` jiéng' jogui e gú' gøø` jalé' ta~ jmóo` dsea` jiéng', ²⁷ joba' jjiá' ja`

ca'í o' fa' mi~ caguite' cuu~ quié~ e fi' banco? Joba' mi~ cagüean'~n, ca'lim'~baa lajii'~ cuu~ quié~ e jogui e dsí quiá'~ cajo." ²⁸ Joba' casí'r~ jaléng'gui i dsea i teáng~ do ie~ jo, jo cajín': "Gui~na' e coo' mil cuu~ quiá'~ i dsea 'léeng'~ fi' na, jo cuóø'~na' i dsea 'léeng'~ i quie' gui' mil e cuu~ na. ²⁹ Dsuo' i dsea i sea' quiá'~, jmigui'gui' niñiñ' e nilisea, joba' lalim' nilisea' quiá'r~. Jo dsu' i dsea i ja' sea' quiá'~, nigüeáb' lajii'~ e capi'~jiu e sea' quiá'r~ do. ³⁰ Jogui i dsea 'léeng'~ fi' na guing~na'r fi' caluu' fi' li' nuu' só', jo fi' job niquí'r~ jogui nitár~ majar~ cajo."

Jial nil' mi~ nitidsi' í' quiá'~ dsea' jmigü'

³¹ Jo cajíng'~ gui Jesús e júu' la:

–Jo mi' tí' li' nití' í' e nigáá' jnea~, dsea' lín'n jaang' dsea' jmigü' i jáa' fi' ñifí~, nigáá'túu dsu' e niquín'~n jee~ jalé' e jlo' e niing~ 'gøng' quiá'~ Fidié' jogui colíng~ cóo'~ jaléng' ángeles i líng' guotí~ Fidié', jo joguib mi~ nin'i fi' ée' quié~ e li' niing~ jlo' quiá'~ Fidié'. ³² Jo lajim' dsea' seeng' fi' la'úng~ fi' jmigü' niseáiñ' fi' quini~, jo jneab~ dsea' ni'naan~ dsea' jie~ fi' li' catíñ'~ lajaang' lajaaiñ' lí' laco'gui la jmóo' jaang' dsea' i jmóo' í' jo'se' mi' 'náaiñ' jaléng' jo'se' jee~ jaléng' jo'chí'. ³³ Jogui jaléng' i dsea' i líng' lafa' i jo'se' do niguién'~n lí' lí' dséé' laco' guin~n, jogui jaléng' i dsea' i líng' lafa' i jo'chí' do niguién'~n lí' lí' tuung~ laco' guin~n. ³⁴ Joba' jnea~, dsea' lín'n i dseata~ dsea' féng' do, nifí' i jaléng' dsea' i neáang' lí' lí' dséé' laco' guin~n jo nifá'a: "Jaléng' 'nú', ñilíng~na' fi' la, co' 'nú'bing' i nicajmigüeang' Tiquié' e dsea' guing~ ñifí~, joba' íng'~na' lajalé' e catíng~na', co' lajob nisi'íng'~na' quiá'r~ lajii'~ latí' mi~ caguiar' uing~ jmigü'. ³⁵ Dsuo' lajee' cataan~n cóo'~ 'nú' fi' jmigü', mi~ cadseá~ jmi'aan~, jogui 'nú' cacuóø'~ba' jnea~ e cagóø; jogui mi~ cadseá~ jmi'jin~, cacuóø'~ba' jnea~ jmi' cagú'~u; jogui cangf'bi' cajo laco' ngí' jaang' dsea' i jáa' fi' caluu~, jo dsu' cacuóø'~ba' jnea~ li' cajmi'ín'~n. ³⁶ Jogui cali'né'~bí' sí' i, jo cacuóø'~ba' jnea~; jogui casá'bi' e calidséé'~e, jo cato' fíim'ba' jnea~; jogui ca'ú'bi' 'nuñí', jo dsu' cagui'ee'~ba' jnea~ cajo." ³⁷ Joba' jaléng' i dsea' í' i cajmée' jalé' e iing~ Tiquié' e dsea' guing~ ñifí' nijming'~r lala jo nijíñ': "Fí'ii', ¿li' caneeng~naa' 'nu' e jmi'aan'~, jo cacuóø'~baa' 'nu' e caquié'? Jogui ¿li' caneeng~naa' 'nu' e jmi'jin'~, jo cacuóø'~baa' 'nu' jmi' e ca'í'? ³⁸⁻³⁹ Jogui ¿li' caneeng~naa' 'nu' e lin' lafa' jaang' dsea' i jáa' fi' caluu~, jo cacuóø'~baa' 'nu' cajo li' cajmi'ín'~? Jogui ¿li' caneeng~naa' 'nu' e cali'né'~ sí', jo cacuóø'~baa' 'nu' e jo cajo; jogui e dséé'~ osi e iuun~ fi' 'nuñí' é, jo cango'ee'~ba' 'nu' cajo?" ⁴⁰ Joba' ie~ jo jnea~, dsea' lín'n dseata~ dsea' féng', lalab ningí~ quiá'r~: "E já' e fí' i 'nú' e lajalé' e cajmicóo'~na' i dsea' i líng' lafa' rún'n i dseáng'~ ja niing~ jí' capi', joba' lajaléb' e jo quié~ jneab~ cajmee'~na' cajo."

⁴¹ Jogui jnea~ i líng' dseata~ dsea' féng' do nifí' i jaléng' i dsea' i neáang' lí' lí' tuung~ laco' guin~n: "Do güilíng~ 'nú' lí' do, co' Fidié' nicabíim~bre 'nú', jo dob catíng~ 'nú' fi' ni' j' li' coo' j' e jo' tóo' jmi' ya' fi' li' nicajme' Fidié' li' catíng~ fii' i 'ling' colíng~ cóo'~ jaléng' ángeles i 'ling' quiá'r~ cajo. ⁴² Co' cadseáb~ jmi'aang~ jnea~ lajee' cataan~n cóo'~ 'nú' fi' jmigü' la, jo dsu' ja' cacuóø'~na' jnea~ e cagóø; jogui cadseá'~bi' jmi'jin~ cajo, dsu' 'nú' ja' cacuóø'~na' jnea~ jmi' e cagú'~u; ⁴³ jogui cangf'bi' laco'gui jaang' dsea' i jáa' fi' caluu~, dsu' 'nú' ja' cacuóø'~na' jnea~ li' cajmi'ín'~n; jogui cali'né'~bí' sí' i, dsu' 'nú' ja' cacuóø'~na' jnea~ sí' i; jogui calidséé'~bí' jogui ca'ú'~u 'nuñí' cajo, dsu' 'nú' ja' cagui'ee'~na' jnea~." ⁴⁴ Joba' i dsea' i neáang' lí' lí' tuung~ do nijming'~r lala: "Fí'ii', ¿li' caneeng~naa' 'nu' e cadseá~ jmi'aan'~, osi e cadseá~ jmi'jin'~ é, osi e lin' laco' jaang' dsea' i jáa' fi' caluu~, osi e 'né'~ sí' é, osi e dséé'~ osi e iuun'~ fi' 'nuñí'~bi' é, jo ja' cajmicóo'~naa' 'nu'?" ⁴⁵ Joba' ie~ jo lalab ningí~ quiá'r~, jnea~ dsea' lín'n dseata~ dsea' féng': "E já' e fí' i 'nú' e jalé' e ja'

cajmée-na' cóo'~ jaang`dsea`i lãng`lafa' rún`n i ja`niing` jii'~ capí'^, joba' lajob cajo ja` cajmee-na' cóo'~ jnea`." ⁴⁶ Joba' jaléng' i dsea` í fí lí' lib' nidsiliñ' fí lí' ni'íñ' iihu' e ja` tóo' jmi' nité'. Jo dsu' jaléng' gui dsea` i ja` dsee` røøng' fí quini` Fidié', íbing' i nidsigüea` car` ngongü' jmi' cóo'~ dsea` do fí ñifí`.

26

Mi' casãng` jaléng' dsea` jial e nisáñ' Jesús

(Mr. 14:1-2; Lc. 22:1-2; Jn. 11:45-53)

¹ Jo mi' cangí e cajíng' Jesús jalé' e júu^ na, lalab casí'r` i dsea` quiá'r` do:

² —Jii'~ laco' ní' 'ná' e tú` jmi'ba' 'né`gui e nití` e jmi' Pascua. Jo ie` jmi' job mi' nijáng' dsea` jnea~, dsea` cagá` a fí ñifí` e lãn`n jaang` dsea` jmi'gü', jo niteáiñ` jnea` fí dse' crúu^ cartí nijngáñ'` jnea~.

³ Jo ie` job cajo, jaléng' fii` jmidsea` quiá'` dsea` Israel cóo'~ gui jaléng' dsea` cóøng'~ quiá'r` caseáng' rúñ' fí lí' guíng` fii` jmidsea` laniing` i sii' Caifás quiá'r' ta~, ⁴ jo casáñ` cuaiñ` quiá'` jial nilí'r` e nijmigóøñ` Jesús e laco' nisáñ' dsea` do jo lajoba' nijngáng'` neiñ'. ⁵ Jo dsu' sáñ` e iñ` jmer` lajo lajee` e o' e jmi' jo, dsuco' jial fíng nitá'` dsea` má'~.

Mi' ca'ée` jaang` dseam' jmi' jmeafí' fí mogui` Jesús

(Mr. 14:3-9; Jn. 12:1-8)

⁶ Jo lajee` job cangó` tu Jesús fí coo' fii' e sii' Betania; jo lajee` táaiñ` fí jo, dob dsitiñ' fí quiá'` jaang` dseañ' i sii' Simón i nínicalíng` jmohu' lí' fí ngúu' táang` lamí` jéeng'gui. ⁷ Jo lajee` guíng` Jesús fí job mi' tí lí' cangoquiéng' jaang` dseam' fí lí' guíñ~, jo quieñ' do coo' sá' lí' a` jmi' jmeafí' e 'mo'^ eáang'. Jo lajee` e guíng` Jesús gø'bre mi' ca'ée` i dseam' do e jmi' jmeafí' e quier' do fí mogui` dsea` do. ⁸ Jo mi' tí lí' cangá` i dsea` quiá'r` do e cajmée` i dseam' do lajo, eáam' caligüñ` jo cajíñ'`:

—¿Jialí' jmi' i dseam' na e jmi' jmeafí' e 'mo'^ eáang' na? ⁹ Cofa' mi' ja` cajméer` lana, jmi'guib' cuu` nicøng` na faco' e cango'ni~, jo e cuu` jo nilí'íng` ta` e nilicóo'~ jiu jaléng' dsea` tiñíng`.

¹⁰ Jo dsuco' Jesús lí'bre lajii'~ e sãng` i dsea` do, joba' casí'` reiñ' do lala:

—¿Jialí' fí' 'ná' leáang` i dseam' la? Co' coo' e guí`ba' nicajméesñ' na quie` e. ¹¹ Co' contøøm` niliseeng` jaléng' dsea` tiñíng` jee` 'ná', dsu' jnea` gui cateá'ba' caga'ee` nii` fí jee` 'ná'. ¹² Co' e jmi' jmeafí' e ca'ée` i dseam' la fí ngúu' táan`n lí' lafa' e nicasúuiñ` jnea` e jmeafí' quiá'` mi' ni'ú`u fí dsí' tó` ée`. ¹³ Co' e já' e fii' i 'ná' e doñí' jé' fí ni' guóo'~ uó` fí jmi'gü' lí' niguiá` dsea` júu^ quiá'` jial laang` dsea` jee` jalé' dsee` quiá'r`, ninib'` júu^ cajo quiá'` lajii'~ e cajmée` i dseam' na cóo'~ jnea~, joba' lajob niguiéng' dsí' dsea` ír`.

Mi' camí' Judas Iscariote cuu` e quiá'` nijáñ' Jesús

(Mr. 14:10-11; Lc. 22:3-6)

¹⁴ Jo ie` jo jaang` lajee` dsea` guitúung` quiá'` Jesús i sii' Judas Iscariote cangór` fí lí' neáang` jaléng' fii` jmidsea` quiá'` dsea` góor` dsea` Israel, ¹⁵ jo cangosí' reiñ' do lala:

—¿Jial tí' cuu` guí' óo'na' e nicuó'^na' jnea` jo nijmee` e úung` e nijóøn'`n Jesús fí jaguóo'na'?

Joba' cañí' i fii` jmidsea` do jial tí' niquír` jo cajíñ'`:

—Niquí`baa' quí'` guí' cutee`.

¹⁶ Jo latí' ie` job canaang` i Judas do e 'nó'r' jial laco' nicuó` quiá'r` e nijáñ' Jesús fí jaguó` jaléng' i dsea` do.

Mi' cagó' Jesús í' canu` cóo'~ dsea` guitúung` quiá'r`

(Mr. 14:12-25; Lc. 22:7-23; Jn. 13:21-30; 1 Co. 11:23-26)

17 Jo ie~ jmii~ la'uii~ quiá~ e jmii~ e gø' dsea` Israel iñí^ e ja` quie^ quiéeng` do, cangoquiéeng` i dsea` guitúung` do fí lí~ sing' Jesús jo cajmingí'r~ dsea` do: –Fíi'ii', ¿jie~ fí lí~ iing~ 'nua` e nidsiguiá^naa' guiá~ e niquiee~ee' coling~ e quiá~ e jmii~ Pascua?

18 Joba' cañí dsea` do quiá~ i dsea` quiá'r~ do jo casí~ reiñ':

–Güiling~na' fí e fií la, jo mi~ niguiling~na' fí quiá~ i dseañu^ la, síi~na're lala: “Lalab jingl~ Tifa' qui~naa': Nijaquíem' e nití í^ quié~e, joba' ngóo' fí sináua^ quií~ jo fí job lí~ nijmee~e jmii~ Pascua coling~ cóo~ jaléng` dsea` guitúung` quié~e.”

19 Joba' cajméeb` i dsea` guitúung` do laco' jíi~ ta~ caquiá' Jesús e nijmér~, jo caguia`bre guiá~ lajii~ e nidó'r~ do quiá~ lajii~ e jmii~ e nijaquíéeng` do.

20 Jo mi~ tí lí~ canua` e jmii~ jo, cangím' Jesús fí mes~ coling~ cóo~ i dsea` guitúung` quiá'r~ do. 21 Jo lajee~ e nineáaiñ` gø'bre mi~ tí lí~ cajíngl~ Jesús lala e sí'r` i dsea` quiá'r~ do:

–E já~ e fií i 'nú' e jaang` lajee~ 'nú' nijáng` jnea~ fí jaguó` dsea` i 'ní' níng~ jnea~.

22 Jo mi~ canúu~ i dsea` guitúung` quiá'r~ do lajo, dsíngl~ fíí^ calíñ~, jo canaaiñ` casí'r~ dsea` do i~ lajee~ ír` nijmé~ ta~ jo, jo lalab cajíngl~ lajaang` lajaaíñ`:

–Fíi'ii', ¿su o' jnea~, faa~aa'?

23 Joba' cañí Jesús quiáiñ~ do:

–Lí^ jaang` i gø' cóo~ jnea~ fí cóo` cuéé~ huí, íb` nijáng` jnea~ do. 24 Co' dseángl~ nisi'í^ba' e lajo nidsingín~n jnea~, dsea` i cajá~ fí ñifí~ e lín'n jaang` dsea` jmigüí, lí^ laco'gui la fé' fí ní~ jì quiá~ Fidiéé~. Jo dsu' je ngí~ fiib^ i dsea` i nijángl~ jnea~ do! Co' guiá~ guib quiá~ i dsea` í fa' mi~ ja` caliséiñ`.

25 Jo i Judas i nguia' guiá~ e nijáiñ` dsea` do, jo 'ña'biñ` do cajíñ~ casí'r~ Jesús lala:

–Fíi'ii', ¿su o' jnea~, faa~aa', i nijmé~ lajo?

Joba' cañí Jesús quiáiñ~ do:

–'Nub` nicaféé~gui' lajo.

26 Jo lajee~ e neáaiñ` gø'r` íbre mi~ catíng~ Jesús cóo` iñí^, jo cacuø'r` guimángl~ Fidiéé~, jo lí~ jo cajméer` jmá~ ca'ná^ quiá~ lajaang` lajaang` i dsea` guitúung` quiá'r~ do jo cajíñ~ casí~ reiñ':

–Quié~na' e na, co' e nab ngúu' táan`.

27 Jo ngí jo catíiñ~ cóo` cóo^ e a~ jmí^ mí^ huíng` jó^, jo mi~ cangí e cacuø'r` guimángl~ Fidiéé~, jo joguiba' cacuø'r` lajaang` lajaang` i dsea` guitúung` quiá'r~ do jo casí~ reiñ' do:

–Í^na' lajiiñ`na' e la, 28 co' e lab jmi'øøn~ e nitú~ mi~ nitán~n fí dse^ crúu^ e laco' ni'íng~ dsee~ quiá~ lajaléngl~ dsea` jmigüí. Jo e jo líí júu^ tigua~ e 'mí~ e jmiró` Fidiéé~ cóo~ dsea` jmigüí. 29 Dsu' e já~ e fií i 'nú' e jo nidúu~guí jmi'^ mí^ huíng` jó^ cartí mi~ ni'né^túu' coling~ e jmí^ mí^ huíng` jó^ e 'mí~ mi~ nití~ í^ e Tiquié^e Fidiéé~ nicár` nifí quiá~ lajaang` lajaang` dsea`.

Mí~ cajméé` Jesús júu^ e nijíngl~ Tú^ Simón e ja` cuíñ` dsea` do

(Mr. 14:26-31; Lc. 22:31-34; Jn. 13 :36-38)

30 Jo mi~ cangí jo, ca'ø'r` quiá~ e jmiféiñ` Fidiéé~, jo ca'uøøm`bre jo cangolíng`tur fí mó^ Olivos. 31 Joba' cajíngl~ Jesús casí'r~ i dsea` quiá'r~ do lala:

–Lajii~ 'nú^ nitiúum~ba' jnea~ e uøø`na; co' lalab tóo` fí ní~ jì quiá~ Fidiéé~ lí~ fé^ lala: “Nijngám~ dsea` i fií i néé` ní~ jo'se^, jogui jaléngl` jo'se^ quiá'r~ lí^ nisojó~bre'.”

32 Jo cajíngl~ gui Jesús lala:

—Dsu' mi' tí lí' ningí' e nijí'túu jee' jaléng' 'lí'~, jo jéem'baa ninii'i fí' lí' se' Galilea jo fí' job nijí'tu rú'naa' calé' catú'.

³³ Jo cañí' Tú' Simón quiá'- Jesús:

—Dsu' song i caguaang' do nitiúuiñ' 'nua', Fí'i, dsu' jnea' ja' nijmee' e lajo.

Joba' cañí'tu Jesús quiá'ñ' do:

³⁴ —E laba' jmitaa' o', Tú' Simón, e uóø' na, nú' gui e niquí' tuidsée', 'nua' nifo' 'ní' ya' e ja' cuín' jnea'.

³⁵ Joba' cañí' Tú' Simón quiá'- Jesús:

—Fí'i, nañí' fa' nijngáng'- dsea' jnea' uii' 'nua', dsu' ja' nijmee' e lajo.

Jo lajob fé' i dsea' quiá'- Jesús i caguaang' gui do cajo.

Mí' caféng' Jesús Fidié' fí' coo' lí' sii' Getsemani

(Mr. 14:32-42; Lc. 22:39-46)

³⁶ Jo mi' cangí' jo, cangób' Jesús colíng' coo' dsea' quiá'r' fí' coo' lí' sii' Getsemani e néé' fí' mó' Olivos, jo lalab casí'r' i dsea' do mi' caguilíñ' fí' jo:

—Lab nijá' 'nú' la lajee' ninii' jnea' nifón'^n Tiquié'e Fidié'.

³⁷ Jo jí' Tú' Simómbing' jéeiñ' coo' gui laji' gáng' i jóo' jaang' dseañu' i sii' Zebedeo, jo mi' catí' fí' jo, canaang' e fí'í'b' líng' Jesús jogui lijjuung' dsí'r' cajo,
³⁸ jo casí'r' i dsea' gaang' do lala:

—Dsíng' lí' i e fí'í' lín'n dseáng' lafa' jo' seem'baa fí' jmigüí' la lín'n. Jo lab nijá' 'nú' lajee' jo, jo ja' jmigüíng' yaang' na' jo e sijnéeb' áa'na' coo' jnea'.

³⁹ Jo cangób' Jesús cartí' dogui capí' laco' caje' i dsea' quiá'r' do, jo fí' job catúuiñ' cartí' cajnúu' nir' fí' ní' uó' jo canaaiñ' féiñ' Fidié' lala:

—Tea~, leaang' jnea' lají' iihuí' e nijaquíéng' quié' e; jo dsu' ja' güilí' laco' iing' jnea', co' güilí'b' dseáng' laco' iing' 'nua' e nilí'.

⁴⁰ Jo mi' cangí' jo, caquim'-tur lí' caseáaiñ' i dsea' quiá'r' do, jo cadséng' neiñ' do e teiñ' güim'bre. Joba' cajíng' Jesús casí'r' Tú' Simón:

—¿Su dseáng' ja' téb' 'nú' fa' e ja' nigüíng' na' e neáang' jiu' e sijnéé' áa'na' coo' jnea' jí' coo' oor'? ⁴¹ ¿Jialí' güíng' 'nú'? Jminá' ráang' na' jo fééng' na' Fidié' dsea' güíng' ñí'f' uii' qui' na' yaang' na', jo lajoba' ja' dseáng' e nijjúng' na' fí' ní' dsee'. Co' eáam' iing' na' e nité' na' e sijnéé' áa'na', dsu' ngúu' táang' na' ja' cuø' fí' e nijmee' na' lajo.

⁴² Jo mi' máng' guiji' lajo cangób'-tu Jesús e fí' jo e catí' tú' ya' e féiñ' Fidié' jo cajíñ' lala:

—Tea~, song ja' niquí' jmi' fa' e nileán'n jee' jalé' iihuí' e nijaquíéng' quié' e, joba' lí' güilí'b' laco' iing' 'nua' e nilí'.

⁴³ Jo mi' tí lí' caquing' tur fí' lí' caseáaiñ' i dsea' quiá'r' do, cadséng' neiñ' e güim'tuiñ' do, co' dseáng' eáam' ja' lí' güíñ'. ⁴⁴ Jo cangób'-tur e catí' 'ní' ya' e cangoféiñ' Fidié', jo dob caseáaiñ' i dsea' quiá'r' do e güiñ', jo camí' tur Fidié' laco' nicajíñ' lami' jééng' gui do. ⁴⁵ Jo mi' cangí' jo, caquim'-tur fí' lí' caseáaiñ' i dsea' quiá'r' do jo lalab casí'-reiñ' do:

—¿Su dseáng' mí' 'noo'bi teng' 'nú' e jmi'íng' na'? Joba' fí' i 'nú' e lanab catí' í' e nijáng' dsea' jnea' fí' jaguó' jaléng' dsea' dsee' dsea' qui', jnea' dsea' i cajá' fí' ñí'f' e lín'n jaang' dsea' jmigüí'. ⁴⁶ Jo jminá' ráang' na' jo má'aa', co' nijaquíém' i dsea' i nijáng' jnea' do.

Mí' casáng' dsea' Jesús

(Mr. 14:43-50; Lc. 22:47-53; Jn. 18:2-11)

⁴⁷ Jo lajee' gui'ná' sing' Jesús fé'r', job mi' caguié' Judas Iscariote, jaang' lajee' i dsea' guitúung' quiá' Jesús, jo caguié' colíng' coo' i fíng' dsea' i quié' jalé' ñisú' coo' gui jalé' 'ma'. Jo jaléiñ' do ngolíñ' lají' ta' quiu' jaléng' fí'

jmidsea` quiá' dsea` Israel cóo'~gui jaléng' yúu' dsea` cóong' quiá'r. ⁴⁸ Co' i Judas do jéem' nicajmea'r' júu' i dsea` ngolíng' cóo'r' do jo casí'~reñ' lala:

—Ii` nimáang` 'nú' i nichá'~u ni~, íb` Jesús; jo séng' na're ladsifí'.

⁴⁹ Jo lajob` cajmée` Judas, cangoquiéem`bre fí' lí' sing' Jesús mi~ caguiér` jo casí'r` dsea` do:

—iCá'~, Tifa'!

Jo mifíng` cachu'r' ni~ dsea` do.

⁵⁰ Joba' cañí' Jesús quiá' dsea` do:

—Ruu'~, jmeeb` lajii'~ ta~ cañí'~.

Jo ladsifí' lanab cangoquiéeng' i dsea` caguiaang`~gui do, jo casam'~bre dsea` do jogui cató'r`.

⁵¹ Jo lajee` jo, jaang` lajee` dsea` quiá' Jesús caguir' ñisú' quiá'r` jo caquiú'r' cataang` logua` i dsea` 'léeng' quiá' i jmidsea` laniing` do. ⁵² Joba' cajíng' Jesús casí'~reñ':

—Te'tu ñisú' qui' ée` quiá'~, dsuco' i dsea` i títng' cóo' ñisú', cóo' e job nijúuiñ` cajo. ⁵³ ¿Su ja` ñí' 'nu` e cuóom` fii` jnea` Tiquié'e, jo nimán'~nre lí' gui guitúung` 'lé' 'lée' i líng' ángeles i líng' guotúir`, jo ladsifí' lanab nisíñ`? ⁵⁴ Jo dsu' faco' lajo, ¿jial niliti` jóng lajii'~ e fé' fí' ni` jì quiá' Fidiée`? Co' lajaléb' e jo dseáng' 'né' e nidsijéeb' dseáng'.

⁵⁵ Jo mi'máing`~guijia lajo cajmíng' Jesús i dsea` i caguilíng` do jo casí'~reñ':

—¿Jiali' cañilíng` 'nú' e quié'na' jalé' ñisú' jogui jalé' 'ma' e cañiséng'na' jnea`? Co' cañilíng`na' e lafa' jnea` lín'n jaang` ii`. Dsu' laco' jmiib` ie` lamí` jéeng'gui do táang` jnea` e ee` fí' guá' fé', jo ja` cateá` óo'na' fa' caséng'na' jnea` ie` jo. ⁵⁶ Jo dsu' lajalé' e na nidsijéeb' jmiñ` na e lí' laco' niliti` laco' fé' fí' ni` jì quiá' Fidiée` e cajme' dsea` i café' cuaiñ` quiá'r` malí' gui eáang'.

Jo ie` jo jaléng' i dsea` quiá'r` do cacuí`bre, jo 'ñiab' Jesús caseáang'guir do.

Mi~ caguiéng' Jesús fí' quini` jaléng' dsea` cóong'

(Mr. 14:53-65; Lc. 22:54-55, 63-71; Jn. 18:12-14, 19-24)

⁵⁷ Jo catób` i dsea` do Jesús jo cangojeáaiñ` dsea` do fí' quini` i jmidsea` laniing` quiá' dsea` Israel i sii' Caifás, co' fí' job nisiseáng' jaléng' tifa' quiá' júu' quiú' ta~ quiá' dsea` Israel cóo'~gui jaléng' yúu' dsea` cóong' quiá'r` cajo. ⁵⁸ Jo cangám' Tú` Simón t'leáaiñ' laco' cangolíñ` téer` Jesús cartí' caguilíñ` fí' siguí' quiá' e 'núu' lí' guíng` i jmidsea` laniing` do. Jo dob` jii'~ caje' Tú` Simón e fí' siguí' do colíng` cóo' jaléng' i jmóo' í' guá' e sijeeiñ` lajii'~ júu' nitigua` quiá' i jmidsea` laniing` do cóo' Jesús.

⁵⁹ Jo jaléng' fii' jmidsea` cóo'~gui lajüng' i dsea` cóong' i quiú' ta~ quiá' dsea` Israel do 'nó'r' jial e laco' niguié'r' e ni'náñ` Jesús cóo' júu' e o' já', jo lajoba' nilí'r' e nijngáñ` dsea` do. ⁶⁰ Jo dsu' ja` cadsé'r' jial laco' nijmér` lajo, nañí' fa' fím' dsea` caguilíng` e 'náiñ` Jesús cóo' e júu' lajo cajo. Jo mi'máing`~guijia lajo caguilíng` gáng`~gui dsea` jéng' ⁶¹ jo cajíng' í':

—I nabi i dseañu' i cajíng' e tñm`bre quí'r' guá' quiá' Fidiée`, jogui nijmé'~tur calé' catú' cóo' 'ní' jmiñ`.

⁶² Jo caróo` i jmidsea` laniing` do jo cajmíng'r` Jesús lala:

—¿Jiali' ja` ngii' jii'~ cóo'? ¿E` fó' lajii'~ e júu' e fé' i dsea` na uii` qui'?

⁶³ Dsu' Jesús tiib` cajer', ja` e cañí'r' jii'~ cóo'. Joba' cajíng'~tu i jmidsea` laniing` do:

—La'eáang` cóo' Fidiée` dsea` jí', lana quiú' ta~ e nijmée' júu' já' su 'nu' i líng' i Jóo' Fidiée` camíng' do i nisíng` Fidiée` i nicá' nifí' qui'~ii'.

⁶⁴ Joba' cañí' Jesús quiá'ñ` do:

—'Nub` nicafée'gui'. Jo fii`i 'nú' lana e nimáam`ba' jnea~, i líng' i dsea` i jáa' fí' ñiff` e lín'n jaang` dsea` jmigüi', e guin`n lí' lí' dsée' laco' guing` Fidiée` dsea` féng' dsea` ñíng' i 'gøng' eáang', jogui nimáam`ba' jnea` cajo mi` nigáa'túu fí' jmigüi' e quín'`n jee` cabøø` jní'.

⁶⁵ Jo mi` canúu` i jmidsea` laniing` do lajo, lico' casíñ` sí'`bre e cuø' lí' e liguíim`bre jo cajíñ`-:

—Lajíi` júu` e nicafé' i dseañu' na gab` fé'r` uí'` quiá'` Fidiée`, jo jo` i 'neáng`guí' fa' i ni'níng`gui ír', co' 'núb'` nicanáa`gui' lajii` júu` ga' e nicafé'r`.

⁶⁶ Jöba' jial í' óo' 'nú' cuaiñ` quiá'` e júu` jo?

Jöba' cañí' i dsea` 'leáang` do:

—E jáb'` e óo'bing' na dsee`, jöba' dseáng'` 'né' e nijúum`bre.

⁶⁷ Jo canaañ` 'ñíim`bre dsea` do jogui jmihuim`breiñ' cajo, jogui i líng`gui dsea` bár` moni` dsea` do ⁶⁸ jo sí'r` lala:

—Song já'` e 'nu` lin' i dsea` i sijeeng`naa' do i nicá` nifí' qui`naa', jöba' jmee` júu` lana i` cabøøng` 'nu'!

Mi` cajíng'` Tú` Simón e ja` cuíñ` Jesús

(Mr. 14:66-72; Lc. 22:56-62; Jn. 18:15-18, 25-27)

⁶⁹ Jo lajee` jo, dob guing` Tú` Simón fí' siguí' fí' lí' sí'` 'nu` i jmidsea` laniing` do fí' lí' quiá'r` ta`. Jo lajee` jo jaang` dseamf` i nijmóo` ta` e fí' jo cangoquiéiñ' fí' lí' guing` Tú` Simón jo casí'`reiñ':

—'Nu` cangi`ba' cajo cóo'` Jesús i seeng` fí' Galilea, jjá' leáa'`?

⁷⁰ Jo Tú` Simón cañír' quiá'` i dseamf` do jo cajíñ`- casí'`reiñ':

—Ja` ñii` ee` e fí' jnea` na, dseamf`.

⁷¹ Jo mi'míng`guijiu lajo cangoquiéeng` Tú` Simón fí' o'nú` quiá'` e 'núu` lí' guing` i jmidsea` laniing` do e quiá'r` ta`, jo fí' jöb` jiéng`gui jaang` dseamf` cangá'` quiá'r`, jo cajmea'r` júu` jaléng' i dsea` caguiaang`gui do jo casí'`reiñ':

—I dseañu' na cangi`bre cóo'` Jesús i seeng` fí' Nazaret cajo.

⁷² Jo caleáb` catú'` cañí'` Tú` Simón jo cajíñ`-:

—Ni` fii` ja` i dseañu' do cúing` jnea` la, dseamf`.

⁷³ Jo mi'míng`guijiu lajo i dsea` i neáang` quiá'` dogui cangoquiéiñ' fí' lí' sing'` Tú` Simón jo casí'`reiñ' do:

—'Nu` dseañu' e já'`ba' e ngi'` cóo'` Jesús cajo, co' cóo'` lajii` jial fó', nabi nicuø' lí'.

⁷⁴ Jöba' cañí'tu Tú` Simón jo casí'`reiñ' do:

—jDseáng'` e jáb'` ni` fii` e ja` i dseañu' do cúing` jnea` la!

Jo ladsifí' lanab caqui'` jaang` tuidsée`. ⁷⁵ Jo joguib mi` cadse'` dsí'` Tú` Simón e lajöb` cajíng'` Jesús lami` jéeng`gui mi` cajíñ`- casí'r` dsea` do lala: "Lajee` e nú'`gui e niquí'` jaang` tuidsée`, 'nu` nifo'` 'ní' ya' e ja` cuín'` jnea`." Jo cagüi`ñb' Tú` Simón fí' caluu`, jo caqui'r` dseáng'` e ngocáng` dsí'r' uí'` e calíñ` fí' e eáang'.

27

Mi` caguiéng'` Jesús fí' quini` dseata` Pilato

(Mr. 15:1; Lc. 23:1-2; Jn. 18:28-32)

¹ Jo mi` tí' lí' cajneá` e jmii` jo, lajaléng'` fi` jmidsea` cóo'`gui lajaléng'` yáa'` dsea` cóøng'` quiá'` dsea` Israel casíñ` røø` quiá'` jial laco' niguié'r' e nijngáiñ'` Jesús. ² Jo cató`bre dsea` do e 'núuñiñ` jo cangojeaaiñ` fí' quini` jaang` dsea` i sii` Pilato i líng'` jaang` dseata` romano.

Mi` cajúng` Judas Iscariote

³ Jo i dseañu' i sii Judas Iscariote, i dsea` i cajáng' Jesús fí jaguó` jaléng' i dsea` do, mi` cangár` e jaléng' i dsea` í tí lí` nijngám' bre Jesús, joba' job mi` tí lí` calilí'r' lajii' dsee` e ca'éer` do, jogui cajo' dsíir' cóo' lajii' e nicajméer` do, joba' cajáb'tur i fii` jmidsea` do cóo' gui jaléng' i yúu' dsea` cóong' quíá' dsea` Israel do lajii' e guigui' í` cutee' e ca'íñ' quíá' e cajáñ' Jesús do, ⁴ jo lalab cajíñ' casí' reiñ':

—Nica'ee` baa dsee` e nicajáan' n fí ni` 'mó` jaang` dseañu' i ja` røøng` dsee` jii' capí'.

Joba' i dsea` do cañíir` quíáñ':

—¿E` cuaiñ` quí` jnea' e cajmee` 'nu` lajo? ¿Cuaiñ` quíib` 'nu` e jo!

⁵ Jo i Judas do fí` dob cabír` e cuu` do fí` dsíi' sinúu` guá' fé' jo cagüi' ñ' bre jo cangote'r` si` luur` e cangojngáang' 'ñia'r'.

⁶ Jo jaléng' i fii` jmidsea` do casitím' bre e cuu` do jo cajíñ':

—E cuu` la nisi' lí' cóo' jmi'øøng` dsea`, jo ja` cuøøng` fa' e nidsitoo' gui fí` dsíi' guoo' lí` dsi'ma` cuu` quíá' guá'.

⁷ Jo job mi` casíñ' røø` e nilár` coo` uó` cóo' e cuu` do; jo e uó` jo sii` Uó` lí` uó' Dsea` Guoo' quíá' e Jmóor` Tu'. Jo job lí` cajme'r' coo` codsii` lí` ni'áaiñ` jaléng' dsea` i jalíng` fí` caluu` i lingüing` júung` fí` fii` do. ⁸ Joba' e uó` do sii` bi` cajo latí' lana Uó` lí` Catuu` Jmi'øøng`. ⁹ Jo job caliti` laco' jii' e cajíng' i dsea` i calisí` Jeremías, jaang` i café' cuaiñ` quíá' Fidiée' malii` gui eáang', mi` cajíñ' lala: “Cacá` bre laji` guigui` cutee` lí' laco' gui lajii' 'moo' cacuø` dsea` Israel, ¹⁰ jo cóo' e cuu` job calár` e guoo' uó` e sii` Uó` lí` uó' dsea` Guoo' quíá' e Jmoo' Tu', lí' laco' gui ta` e caquia' Fii'.”

Mi` caguiéng' Jesús fí` quini` dseata` Pilato

(Mr. 15:2-5; Lc. 23:3-5; Jn. 18 :33-38)

¹¹ Jo mi` caguiéng' Jesús fí` quini` i dseata` i sii` Pilato do, jo í` cajming'r` Jesús:

—¿Su e já' ba' e 'nu` lin' dseata` dsea` féng' i quie' nifí` quíá' jaléng' dsea` góo' dsea` Israel?

—'Nub` nicafée' gui' —cañíi` Jesús.

¹² Jo lajee` e teáang` i fii` jmidsea` do cóo' gui jaléng' yúu' dsea` cóong' e jmóor` dsee` quíá' Jesús, dsu' dsea` do ja` e ngíir` jii' coo' quíá' i dsea` í. ¹³ Jo uii' joba' cajming' dseata` Pilato cajming'r` Jesús jo cajíñ':

—¿Su ja` nuu' lajii' dsee` e cuø' i dsea` na 'nu`?

¹⁴ Jo dsu' Jesús ja` cañíir` jii' camí' júu' quíá' dseata` do; joba' i dseata` do eáam' cangogá` dsíir' jo jo` ñir' e` nijmé` gui.

Mi` cahuí' ta` e nijúung` Jesús

(Mr. 15:6-20; Lc. 23:13-25; Jn. 18 :38-19:16)

¹⁵ Jo lajee` e jmi` e gø' dsea` Israel iñí' e ja` quie' quíéng' jo tíng' i dseata` do e láaiñ` jaang` dsea` sijnáng` 'nuñí' lí' doñí' ii' i niguíng' dsea` fii'. ¹⁶ Jo ie` jo ni'iuung` jaang` dsea` i ninica'leé' eáang' i sii` Jesús Barrabás. ¹⁷ Joba' cajíng' i dseata` do cajming'r` dsea` fii':

—¿I` dsea` iing` 'nu' e nilaan'? ¿Su Jesús Barrabás ofa' Jesús i sii` Dsea` Jmáang` dob é?

¹⁸ Jo dsu' calilí' i dseata` do e cajáng' i dsea` do Jesús uii' e dsihuím' bre quíá' dsea` do.

¹⁹ Jo lajee` guíng` i dseata` Pilato do fí` lí` quíu'r' ta`, lajee` job caguié` júu' quíá' i dseamí' quíá'r` do jo sí' reiñ': “Ja` e jmoo' jii' coo' cóo' i dseañu' i ja` dsee` røøng` na, dsuco' dsi'lóo' bi` gab` caquí` uii' quíá'r'.”

20 Jo dsu' jaléng' i fiir jmidsea` do cóo'~gui jaléng' yúu'~ dsea` cóong'~ cacóoiñ` dsí' jaléng' dsea` fiir e laco' nileáng' i Barrabás do jogui e nijúum` Jesús. 21 Jo dsu' i dseata` Pilato do cajmingí' tur calé' catú' dsea` fiir jo cajíñ':

—¿I lajee` i dseañu' gáng' la iing' 'nú' e nilaan'? ¿Su Jesús ofa' Barrabás? Joba' i dsea` fiir do cañíir` jo cajíñ':

—¡Leaang` Barrabás!

22 Jo caleá' catú' cajmingí' tu dseata` Pilato jo cajíñ':

—Jo ¿e`gui nijmee` jnea` jóng cóo' Jesús i sii` Dsea` Jmáang` la?

Joba' lajim` i dsea` fiir do cañíir` jo cajíñ':

—¡Güitáin` fi' dse' crúu`!

23 Joba' cañíir` dseata` Pilato quiá' i dsea` fiir do jo cajíñ' casí'~rein':

—¿E`gui e ga` e nicajméer` e catíin` lajo?

Jo dsu' caleáb' tu cacuø' i dsea` fiir do 'goo' jo cajíñ':

—¡Güitáin` fi' dse' crúu`!

24 Jo cóob' mi` jo`ñi dseata` Pilato e` nijmé` guir, có' dseáng' gab` ta' i dsea` do mii' e mir` e nitáng` Jesús fi' dse' crúu`, joba' caquiur' ta` dsea` quiár` e cangoquieñ` jmiir` jo caru'r guóor` fi' quini` jaléng' dsea` fiir jo cajíñ':

—Ja` dsee` quié` e lajiir` 'mó` nitáng` i dseañu' la, có' cuaiñ` quií' 'nú' yaam`ba' na.

25 Joba' lajim` dsea` fiir cañíir`:

—¡Jneab' colíing` cóo' jaléng' jóo`naa' nine' ni`naa' lajiir` 'mó` quiá' i dseañu' na!

26 Jo dseata` Pilato caleáam`bre Barrabás; jo caquiur' ta` e cabóom` Jesús, jo mifíing` cajám`bre dsea` do e quiá' nitáin` do fi' dse' crúu`.

27 Jo jaléng' 'léé` quiá' i dseata` do cató`bre Jesús fi' 'nuff` jo casíin` yaaiñ` lacúng' lajín` laco' sing' dsea` do. 28 Jo i 'léé` do ca'uø'bre si' Jesús jo ca'iañ' dsea` do cóo' jmáang' 'mi' e nú'. 29 Jogui catá'r` cóo' lí' corona e lí' cóo' layaang` tóo' fi' mogui` dsea` do, jogui cóo' siir` cacuø'r` dsea` do jo casaiñ' do fi' guóor` dsée'. Jo mi` cangí' jo, casí'r` uø' jnir` fi' quini` dsea` do jo lóoiñ` dsea` do jo sí'r` lala:

—¡Majmiféng'naa' dseata` dsea` féng' quiá' dsea` Israel!

30 Jogui`ñim`bir dsea` do cajo, jo cóo' e siir` e cacuø'r` dsea` do, cóo' e job canaiñ` bár` fi' mogui` dsea` do. 31 Jo mi` cangí' e jmóor` ta` lóong` dsea` do, cajéb'tur e jmáang' 'mi' do jo caquíng'tur dsea` do siin` e lamí` qui'r', jo cajéem`bre dsea` do fi' lí' nitáin` fi' dse' crúu`.

Mi` catáng` Jesús fi' dse' crúu`

(Mr. 15:21-32; Lc. 23:26-43; Jn. 19:17-27)

32 Jo lajee` e ningolíin` jéeiñ` dsea` do, cajíñ' jaang` dseañu' guiá' fi' i sii` Simón i niseeng` fi' cóo' fiir e sii` Cirene; jo caquiur' i dsea` i jéeng` Jesús do ta` i dseañu' í e cajéeiñ` do crúu` quiá' Jesús.

33 Jo mi` caguilíin` fi' cóo' lí' sii` Gólgota e guóng' Cuø' Mogui' 'Lii', 34 jo fi' job cacuø'r` Jesús jmí'` mí'` huíng` jó' e tí' e sicáang' cóo' jmí'` dsí' e guí'; jo cóo' ni'ba' cali'ing` dsea` do ca'í'r', jo jo` cali'ing` guir fa' ca'í'r` guir.

35 Joba' mi` tí' lí' nicateáaiñ` Jesús fi' dse' crúu`, i 'léé` do canaiñ` cóor` e laco' nigüéang' i nilí' i nicóo' e si' dsea` do. 36 Jo mi` cangí' jo, dob caguár` e jmóor` í Jesús lajee` táang` dsea` do fi' dse' crúu`. 37 Jo fi' yú' gui` dsea` do catéer` cóo' lí' tóo' júu` e fé' e` uing` quiá' e jmáng' dsea` ír` lado, jo lalab tóo': "I lab Jesús, dseata` dsea` féng' quiá' dsea` Israel."

38 Jo gáng` i catáng` fi' dse' crúu` colíing` cóo' Jesús cajo, jmá'` jáng` crúu` la jaaiñ` do, jaaiñ` do táaiñ` lí' lí' dsée' jo jaang`guiñ' do lí' lí' tuung`. 39 Jo

jaléng' dseá ì ngúng' fí lí táang' Jesús fí dseá crúu^ do, gab' fé'r' uii~ quiá'- dseá do jò lico' guiar' mogui~bre jòõñ dseá do jò fé'r':

⁴⁰ —'Nu' dseá fó' e niquiá^ guá'- jò nijméé'tu' calé' catú- cóo' 'ní jmií. Jò song já'- e 'nu' lin' Joo' Fidiée' ì camúng' do, jòba' jleang- uø' lí táan' na jóng!

⁴¹ Jò lajobi jaléng' fii~ jmidseá cajo cóo' gui jaléng' tifa' quiá'- júu^ quiu' ta~ quiá'- dseá Israel cóo' gui jaléng' yúu' dseá cóong' quiá'r- lóøm-bre dseá do jò fé'r':

⁴² —Caleám-bre jaléng' dseá jiéng' jò lajò güileáang' ñia'r' lana. Jò song já'- e líiñ dseata~ dseá féng' quiá'- dseá Israel, jòba' güjgiáang' ñia'r' lí táaiñ fí dseá crúu^ na jò lajoguiba' já'- nilí'ii' jóng e líiñ ì Joo' Fidiée' camúng' do. ⁴³ Jò song dseáng'- já'- líiñ e Fidiée' seeng' cóo'r~, jòba' íb' catúng- nileáng' ír' lana song dseáng'- já'- e iing~neiñ'; co' nicajím'- bir e líiñ ì Joo' Fidiée' camúng' do, ¿já^ leáa'~?

⁴⁴ Jò jì'gui jaléng' ì ii' ì táang' cáang' Jesús do, gab' fé'r' uii~ quiá'- dseá do cajo.

Mi~ cajúng- Jesús

(Mr. 15:33-41; Lc. 23:44-49; Jn. 19 :28-30)

⁴⁵ Jò mi~ tí lí catí guieñí'- jò cartí la ii' 'ní e ca'lóo- dseáng'- canuu' sób' fí e guoo'~ uø- jò. ⁴⁶ Jò lajee' jòba' mi~ ca'óo' Jesús e teá jò cajíñ'-:

—Elí, Elí, ¿lama sabactani? —e guóng': Fidiée' quié-e, Fidiée' quié-e, ¿jali' nicatiun' jnea~?

⁴⁷ Jò ìliing' ì dseá ì teáang- do ie~ jò canúur- e cajíng'- Jesús lajò, jòba' cajíñ'-:

—Ì Líí^ tó' ì dseá na, jaang' dseá ì café' cuaiñ~ quiá'- Fidiée' malí~ gui eáang'.

⁴⁸ Jò ladsifí lanab jaang' lajee' ì dseá do cangór- güi'íi' jò cangoquier' cóo' joo' jò cajmi'lear' cóo'~ jmi'~ mí'~ huíng' jò' e tí' jò caquidsir' fí cóo' yá^ sñ- jò ca'úuiñ' fí mo'oo- dseá do e laco' niyúíñ'- . ⁴⁹ Jò dsu' ì dseá caguiaang- gui do cajíñ'-:

—Jéeng'gui cateá, ne~duu' su nigüéeng- ì Líí^ do ì nileáng' ír'.

⁵⁰ Jò Jesús calé' catú- ca'óor- teá lado, jò ngí jò cajúm- bre. ⁵¹ Jò ladsifí lajòba' calí- tú- dseá'- joo' e 'mi' e í' guiá^ joo' guá'- fé' e si' fí Jerusalén, co' casíng- catí yá^ jogui cartí uii~. Jògui cajo cajó' uø- jogui caíng- jalé' cuu- cóo'~, ⁵² jogui jalé' ée' lí teáang'~ líi~ canab'; jogui fíim' jaléng' dseá quiá'- Fidiée' ì nicajúng- lamí jéeng'gui cajíb'tur. ⁵³ Jò mi~ cangí e cají'tu Jesús, jò jaléng' ì dseá ì cají'tu do cangolíñ' fí Jerusalén fí lí lí' fii' güeang' quiá'- Fidiée', jò fíim' dseá ì cangáng- ír' fí jò.

⁵⁴ Jò mi~ cangá- ì fii' 'léé- do cóo'~ gui jaléng' ì dseá ì teáang- cóo'r~ do ì jmóo' í Jesús jial cajó' uø- jogui cóo'~ jalé' e calí- gui do, jòba' eáam' cafóñ' jóng jò cajíñ'-:

—E nijáb'- e ì dseañu' na líiñ' ì Joo' Fidiée' camúng' do.

⁵⁵ Jò ie~ jò dob teáang- ì fíing' dseamí ì jòø- catí huí- ì nicajalíng- cóo'~ Jesús catí lí se' Galilea jogui ì nicajmicóo'~ quiá'r^ cajo. ⁵⁶ Jò jee~ jaléng' ì dseamí í quiéeng' Yá^ ì seeng' fí Magdala, jogui Yá^ niquiá^ Tiáa~ cóo'~ Sé^, jogui niquiá^ jaléng' joo' yúu' Zebedeo cajo.

Mi~ ca'áng- Jesús

(Mr. 15:42-47; Lc. 23:50-56; Jn. 19 :38-42)

⁵⁷ Jò mi~ tí lí ngóo' ca'í núu^, caguié- jaang' dseañu' ì sea' cuu- eáang' ì sii' Sé^ ì seeng' fí cóo' fii' e sii' Arimatea, jò í cangí-bre cóo'~ Jesús lamí jéeng'gui cajo. ⁵⁸ Jò ì dseañu' í cangó-bre fí lí guíng~ dseata~ Pilato jò cangomir~ fí e fa' ni'áam-bre Jesús. Jòba' cacuøb' ì dseata~ Pilato do fí lajò. ⁵⁹ Jò cangojgiáam' ì Sé^ do Jesús fí lí táaiñ' fí dseá crúu^, jò caquíñ' dseá do cóo'~ cóo' 'mi' té e niguó', ⁶⁰ jò cango'áam-bre dseá do fí cóo' dsíí tó lí ja ii' mí áang' júi~ jaang';

jo uó- quiá'-bre lí' lí' ca'áaiñ- dsea` do, jo ja` mí' ngóo' eáang' caquiur' ta~ e calí- e too' ée` do. Jo mí' tí' lí' calí-, caquiéer' coo' cuu~ e dsée- e otoo' ée` do jo cangám'-bre jóng. ⁶¹ Dsu' i Yá^ i seeng' fí' Magdala do cóo' gui i Yá^ jaang'gui do, dob cajer' fí' quini~ e too' ée` e lí' ca'áng- Jesús.

Mí' cajmé'e` dsea` í' oo- ée` quiá'- Jesús

⁶² Jo mí' tí' lí' cajneá- e jmíi~ coo'gui do, jo ie~ jo cangotíng' jmíi~ e jmi'íng' jaléng' dsea` Israel, job mí' cangolíng- jaléng' fí' jmidsea` quiá'- dsea` Israel colíing~ cóo' jaléng' dsea` Israel i líng' dsea` fariseo fí' lí' guíng~ dseata~ Pilato jo casí'-reiñ' do:

⁶³ —Dseata~ quí-ii', tóob` dsí'naa' e ie~ lami~ seeng'gui i dsea` i jmigóo` do cajíñ'- e mí' níng'f' 'ní' jmíi~ e cajúñ'-, nijíb'tur calé' catú-. ⁶⁴ Jo uíng~ e joba' síi'naa' 'nú' e nijmé- dsea` íb' e lí' ca'áng- dsea` do lajee' 'ní' jmíi~, co' jial fíng lajee' dsea` quiá'-bre nijalíng- e uóo' jo niguím-bre dsea` do, jo mí' nilicøong'gui lajo nijmigóor' e nicajíb'tu dsea` do. Jogui song nilí' lajo, joba' eáang'guib ga' nilí' jóng laco'gui latí' mí' uii~ do.

⁶⁵ Joba' cañí' dseata~ Pilato jo cajíñ'-:

—Lab teáang- 'lée- i cuóøng` lí' jmeáang'-na' ta~ i nijmé- í' oo- ée`. Jo güilíng-na' colíing~ cóo'r~ jo güijmee-na' í' car' jíé' jii' lí' quí'- jmíi~ fí' jo.

⁶⁶ Jo cangolíim`biiñ' do cóo' i 'lée- do jo cajméer' lí' fí' e cuu~ fé' e jní' e oo- ée` do e laco' ja' ií' cuóøng` nineá-; jo dob caseáaiñ' 'lée- i caguá' cajmé'e` í' e fí' jo.

28

Mí' cají'tu Jesús

(Mr. 16:1-8; Lc. 24:1-12; Jn. 20:1-10)

¹ Jo mí' tí' lí' cangí' e jmíi~ e jmi'íng' jaléng' dsea` Israel e lí' lí' ngóo' nijneá' e jmíi~ la'uii~ quiá'-semaan~, jo cangojóo' Yá^ i seeng' fí' Magdala cóo' gui i Yá^ jaang'gui do fí' lí' ca'áng- Jesús. ² Jo lajee' job mí' cajó' uó- e eáang', co' jaang' ángel i líng' guotíi- Fidiéé' cajgáng- fí' yú' jmigüi' ie~ jo, jo cangoquiéeiñ' fí' oo- ée` quiá'- Jesús, jo cajé'r' e cuu~ fé' e jní' e oo- ée` do, jo fí' ní' job caguár-. ³ Jo dseáng'- jlo' jíng' i ángel do lí' laco'gui la jnéeng- jí' mí' jmijneá' güi'ñiá' jí're', jogui jlo' tee' sí'r' cajo dseáng'- lí' laco' la tee' joo'b' dseáng'- . ⁴ Jo i 'lée- i teáang- jmóo' í' e oo- ée` do dsíng'- cajléiñ- dsu' uii' e 'gó'r' jo jí'gui cartí' ca'íng- dsíir'. ⁵ Jo i ángel do casí'r- i dseamí' do jo cajíñ'-:

—Ja' fóøng'-na' jii' coo', co' ñi'baa' guíá- e Jesús dsea` 'náng'-na' i cajúng- fí' dse' crúu' do. ⁶ Jo dsu' jo iuuiñ- fí' la lana, co' nicají'-bre lí' laco'gui cajíñ'- ie~ lami~ cangir' cóo' 'nú' do. Ñilíng-na' ñijóo'-na' fí' lí' ca'áng- dsea` ír-. ⁷ Joba' fíi- i 'nú' lana, güilíng'tu' lajminá- jo güijmé'e'-na' júu' jaléng' dsea` quiá'r- e nicajíb'tur jo jéeng'guir nidsér- fí' lí' se' Galilea laco'gui 'nú', jo fí' job nimáang'-na're. Jo jii' lanab júu' quíe~ quí'-na' lana.

⁸ Joba' i dseamí' do caquim'-bre lajminá- e fí' oo- ée` do, jo lajee' jo dseáng'- 'gó'-bre jogui dseáng'- dsíng'- iáang' dsíir' cajo. Jo jmináb- cangolíñ' e cangocóor' e júu' do fí' quini~ jaléng' i dsea` quiá'- Jesús do. ⁹ Jo jo huóo' lí'ñi~ lajo, coob' mí' cajmijnéeng' 'ñia' Jesús fí' quini~ i dseamí' do jo caféng'neiñ' do. Jo cangoquiéem'bi i dseamí' do cajo fí' lí' sing' dsea` do jo canaaiñ' do rír' tíi- dsea` do jo lajee' jo jmiféng'neiñ'. ¹⁰ Joba' cajíng'- Jesús casí'r- i dseamí' do:

—Ja' fóøng'-na' jii' coo', jo güilíng-na' lana jo güisíi'-na' jaléng' dsea` quié- e i líng' laco' rún'n e güidsilíñ' fí' lí' se' Galilea lajminá-, jo fí' job nijí' rú'naa' cóo'r-.

Lajii' júu' quiá'- 'lée- e casí'r- fí' jmidsea'

¹¹ Jo lajee˘ e ngolíng` i dseam˘ do, i líng` i 'léé` i teáang` jmóo` í` do caguilíñ` fí jee` fí jo casí`r` jaléng` i fí jmidsea` do laji` e calí` do. ¹² Joba' i fí jmidsea` do cangolímbre e cangosiñ` cóo` jaléng` yúu` dsea` cóong` quíá` dsea` Israel cuaiñ` quíá` lajii` júu` e nisea` quíá` Jesús do. Joba' casíñ` e cacuø`r` jmigui` cuu` i 'léé` do ¹³ jo casí`-reiñ` do lala:

–Lalab júu` nijmitíng`na', e lajee˘ uø` e teng`na' gümm`ba', caguilíng` i dsea` quíá` Jesús do jo caguímbre dsea` do fí dsí` tó` éé`. ¹⁴ Jogui song nilíñ` dseata` lajii` e júu` jo, joba' jneab` nine`naa' jial laco' nisíng`naa' cóo`r` e laco' ja` ni`uíng` huíng` quí`na'.

¹⁵ Jo ca'ím` i 'léé` do e cuu` do jo cajmée`bre lajii` júu` e nisínú`r`. Jo lajob jii` lí` júu` e ngí` cartí` jmí` na jee` jaléng` dsea` Israel.

*Lajii` júu` e ca'í` Jesús quíá` dsea` quíá`r`
(Mr. 16:14-18; Lc. 24:36-49; Jn. 20 :19-23)*

¹⁶ Joba' lajob cajmée` i dsea` guíáng` quíá` Jesús do, cangolímbre fí lí` se` Galilea jo cangolíñ` fí cóo` yúu` mó` fí lí` caqui` Jesús ta`. ¹⁷ Jo mí` tí` lí` cangáñ` Jesús, eám` cajmiféñ` dsea` do, jo dsu' seem`bi i líng` cajo i ja` já` líng` e dsea` do Jesús. ¹⁸ Jo cangoquíém` Jesús fí quíá` guí laco' teáañ` do jo casí`r` dsea` do lala:

–Fidiée˘ nicacuø`r` jnea` e niquíu` ta` fí latøng` fí ñíñ` jogui fí ni` guóo` uø` la. ¹⁹ Joba' gülíng`na' fí jalé` fí e sea` fí jmigüí, jo jmee`na' e niquí` jíng` yaang` dsea` e laco' ni`uíñ` dsea` quíé` e; jogui míñg` seaang`na'r jmí` la'eáang` cóo` júu` quíá` Tiquíé` e Fidiée˘ jogui la'eáang` cóo` jnea`, i Jóor` camíng` do, jogui la'eáang` cóo` Jmiguí` quíá` Fidiée˘ cajo, ²⁰ jogui éé`na'r jial laco' nijmitir` lajalé` e júu` quíá` Fidiée˘ e nicafí` i`nú` e nijmití`na'. Jogui gülíñ`na' guí` e seem`baa cóo` 'nú` laco` jmí` laco` jmí`, jo dseáng` lajob nilí` car` ngongí` jmí`.

Jo lajob nilí`.

Jo lanab jii` lí` júu` quíá` Fidiée˘ e cajme` Mateo.

E lab júu^ quiá'- Dsea` Jmáang- e cajme' MARCOS

Mi~ cajá- Juan i seáang` dsea` jmí`

(Mt. 3:1-12; Lc. 3:1-9, 15-17; Jn. 1:19-28)

¹ Lalab mi~ canaang` cani'- juguiá- quiá'- Dsea` Jmáang- i líng' Joo' camíng'~ quiá'- Fidiéé` dsea` guíng~ ñiff'.

² Jo lajii'~ mali'gui eáang' jaang` dsea` i café' cuaiñ~ quiá'- Fidiéé` i calisí Saií^ catéer' fí ni~ jì quiá'r- lala:

Lalab fé' Fidiéé` e casí'r- Dsea` Jmáang-:

Nisín^n jaang` dsea` i niguiá- júu^ quié- e nú'- gui e niguo' fí jmígüi`
e laco' niguiar' guiá- fí li~ ningí'.

³ Jo fí jee~ uó^ quiú` do guicaná' coo` luu~ dsea` e fé' teá' lala:

“Jmeáang'na' guiá- fí, co' tí li~ nijáab' Fí'naa';

jogui nea~na' condsée', co' 'né- e nilirøøb' fí.”

Jo jalé' e jo cajíng'- Saií^ fí ni~ jì quiá'- Fidiéé`.

⁴ Jo lajob líí mi~ cajá- jaang` dsea` i sii' Juan e fí jee~ uó^ quiú` do; jo ie~ jo, i Juan do caseáaiñ` jmí` jaléng' dsea`, jo sí'reiñ' e 'né- quí'- jíng' yaaiñ` do fí quini` Fidiéé` jogui e nisaiñ' do jmí`, jo lajoba' cuøøng' e íng- Fidiéé` lajalé' dsee- quiáiñ'-. ⁵ Jo fím' dsea` dsilíiñ- e dsináur- júu^ e guia' i Juan do; dsilíng- jaléng' dsea` i seeng' fí Jerusalén jogui jaléng' i seeng' fí fí' jíe' li~ se' Judea e laco' jmóoiñ' do júu^ lajii'~ dsee- e nica'éer'. Jo mi~ ningí' jo, i Juan do seáang'neiñ' jmí` fí dsí' gua` Jordán.

⁶ Jo i Juan do qui'r' 'mi' e líí cóo'~ jñú^ loo` jó' camello jogui 'ñú' tu'r cóo'~ coo' lo'ñutu' e líí cóo'~ loo` jó', jogui jmítaang~ 'ña'r cóo'~ jaléng' sini' i cóøng'~, jogui í'r' jalé' jmí' ta' e dsér' fí jee~ mó'. ⁷ Jo lalab líí e júu^ e guiar' jee~ jaléng' dsea` i dsilíng- dsináur- júu^ quiá'r- do:

—Mi~ nisóong- jnea~, nijáa' jaang` i 'gøng'gui laco' jnea~; joba' jnea~ quini` i dsea` í ja' e quín'n e co' tuun~n e sá'~i 'nii~ ñí 'ñú' lomíur-. ⁸ Co' jnea~ nicaseán`n jaléng' 'nú' jmí` cóo'~ layaang~ jmí` e laco' cuø li~ e nicaquí'- jíng' yaang~na' fí quini` Fidiéé`; dsu' ír' mi~ nigüéeiñ-, niseáiñ- 'nú' jmí` cóo'~ Jmíguí quiá'- Fidiéé` e laco' cuø li~ e nicangíng'na' Jmíguí quiá'- dsea` do.

Mi~ cajgáang- Jesús jmí`

(Mt. 3:13-17; Lc. 3:21-22)

⁹ Jo ie~ jo cagüí'í' Jesús fí Nazaret e née' fí li~ se' Galilea, jo cangór- e fí gua` Jordán e née' fí li~ se' Judea; jo fí dsí' gua` job caseáang` i Juan do jmí` ír'.

¹⁰ Jo dsifí mi~ cagüí'í' Jesús fí dsí' jmí, cangár- e cana' cateá' fí yú' jmígüi'; jo lajee` jo cajgó- Jmíguí quiá'- Fidiéé` fí yú' moguir~ e líng~ jaang` mee'. ¹¹ Jo guicaná' coo` luu~ e jáa' fí yú' jmígüi' e guicajíng'- lala:

—'Nub' Joo`o i 'neáan`n eáang'; jo eáam' íaang` dsii- cóo'~ 'nu'.

Mi~ cangó- Jesús fí jee~ uó^ quiú`

(Mt. 4:1-11; Lc. 4:1-13)

¹² Jo dsifí mi~ cangí' jo, cajmée` Jmíguí quiá'- Fidiéé` e cangó- Jesús fí jee~ uó^ quiú`. ¹³ Jo fí job cajer' lajee` tuló- jmí` fí li~ ngí' jaléng' jó' nuu'; jo lajee` jo lamí` iing~ i fí' i 'líng' i sii' Satanás e niténg' Jesús fí ni~ dsee-, dsu' ja' calí'r- fa' cajméer' lajo. Jo mi~ cangí' job mi~ caguilíng- jaléng' ángeles i líng' guotíi- Fidiéé` i cangoto' fíng` dsea` do.

*Mi~ canaang` Jesús jmóor` ta~ quía`r` fí` lí` se` Galilea
(Mt. 4:12-17; Lc. 4:14-15)*

¹⁴ Jò mi~ cangîgui lajò, mi~ nicatang` dsea` Juan ì seáang` dsea` jmiî fí` dsíí` 'nuñí', joba` cangáng`-tu Jesús fí` lí` se` Galilea e cangoguiar` júu` quía`-Fidiée` fí` jò, ¹⁵ jò lalab fé`r`:

—Lanab catî í` e nijaquíéeng` e nicá` Fidiée` nifí` quía`-lajaang` lajaang` dsea` jmigüî. Jò nab tí`gui e quí`-jíng` yaang`-na` fí` quini` Fidiée` jogui íng`-na` e ngocáng` óo`na` júu` quía`r`.

*Mi~ cató`- Jesús quiúung` dsea` ì jmóo` ta` sáang` 'ñu`
(Mt. 4:18-22; Lc. 5:1-11)*

¹⁶ Jò mi~ cangî lajò, cangó`- Jesús fí` lí` née` còo` guíéé` e sii` Galilea. Jò mi~ caguiéer` fí` jò, lajee` e ngir` fí` lí`-lí` 'ni` e guíéé` do, joba` cangáin`-jaang` dseañu` ì sii` Tâ` Simón còo`-gui jaang` rúin` do ì sii` Dî. Jò dob táain` do lajî huáain` e jmóor` ta` bí` 'máa` fí` é` guíéé` e quía`- e sáin` 'ñu`. ¹⁷ Jòba` casí`- Jesús ì dsea` do lala:

—'Nú` ñilíng`-na` còo`-jneá`, jò latí` lana nicuóø`-ø` 'nú` ta` e guía`-na` júu` quía`- Fidiée` fí` jee` dsea` jmigüî, jò líb`jiu e ta` jò la lí` ta` sáang` 'ñu`.

¹⁸ Jò dsifí` mi~ canúu` ì dsea` gáng` do e júu` e cajíng`- Jesús do, ladsifí` lanab catúr` e 'máa` quía`r` do jò cangolíim`-bre còo`- dsea` do.

¹⁹ Jò ja` huíi`- mí` ngolíim`-bir mi~ cangáng`- Jesús jaang` dseañu` ì sii` Tiáa` còo`-gui jaang` rúin` do ì sii` Juan, jò lajî huáain` do líin` jóo` jaang` dseañu` ì sii` Zebedeo, jò teáain` do fí` còo` dsíí` móo` e niguiar` guíá`- 'máa` quía`r` e quía`- nisáin` 'ñu`. ²⁰ Jò dsifib` cató`- Jesús ì dsea` do e cangolíin` do còo`r`, jò ladsifí` lanab cangolíng` ì dsea` do còo`- Jesús; jò dob caseáain` do tiquía`r` fí` dsíí` e móo` do colíng` còo`- jaléng` ì dsea` ì jmicòo`-gui quía`r`.

*Jaang` dseañu` ì iuung` ì 'ling`^ dsíí`
(Lc. 4:31-37)*

²¹ Jò mi~ cangî jò, cangolíin` fí` còo` fí` lí` sii` Capernaum. Jò fí` jò mi~ catî e jmi` e jmi`íng` dsea` Israel, jò Jesús ca`ír` fí` dsíí` guá`- quía`- ì dsea` góor` do, jò canaain` e`r` jaléng` dsea` ì teáang` do ie` jò. ²² Jò dsíng`- dsí`gó` dsíí` jaléng` ì dsea` do dsu` e núur` jalé` e júu` e guía` Jesús do, cò` er` laco` jaang` dsea` ì quie` nifí` e ja` 'gó`r`, jò ja` er` laco` e` jaléng` tifa` ì e` jalé` júu` quíu` ta` quía`- dsea` Israel. ²³ Jò ie` jò e fí` dsíí` guá`- dob ni`iuung`- jaang` dseañu` ì ni`iuung` ì 'ling`^ dsíí`. Jòba` mí` tí` lí` cangáng` ì dsea` do Jesús, dsifí` ladob ì 'ling`^ do cajméer` e ca`óo` ì dseañu` do jò cajíin` do lala:

²⁴ —¿Jialí` ñijmiguín`^ jnea`, Jesús, dsea` seen` fí` Nazaret? ¿Su cañí`- e ni`íin` jnea`? Cuím`baa` 'nu`, joba` ne`naa` e lin` dsea` güeang` quía`- Fidiée` dsea` guíng` ñifí`.

²⁵ Jòba` mí` canúu`- Jesús lajò, dsifí` lanab cajíin` ì 'ling`^ ì ni`iuung`- dsíí` ì dseañu` do jò cajíin`- casí`-reiñ` lala:

—¿Catíi` î moní`^, jò tiúung` ì dseañu` la!

²⁶ Jò dsifí` lajòb cajméé` ì 'ling`^ do e cadseá`- joñíng` ì dseañu` do, jò teáb` ca`óoiñ` do mi~ cagüí` ì 'ling`^ ì ni`iuung`- dsíir` do. ²⁷ Jò jaléng` dsea` ì cangá` e jò ie` jò, eám` cafóin` jò canaain` jming`- rúin`:

—¿I` ì dsea` na? ¿Cò` fé`r` júu` e ja` mí` ne`naa` jogui ja` 'gó`r` fé`r` lí`^ laco` jaang` dsea` ì quie` nifí`, jò la quie`gui jaléng` ì 'ling`^ ì teáang`- dsíí` dsea` núu`r` júu` quía`- dsea` na!

²⁸ Jò mi~ cangî jò, eám` caní`- júu` quía`- Jesús còo`- jalé` e guíá`- e jmóor` do fí` latøng` lí` se` Galilea.

*Mi~ cajmi'leáang~ Jesús iemisé Tú^ Simón
(Mt. 8:14-15; Lc. 4:38-39)*

²⁹ Jo mi~ tí lí ca'uøøiñ e fi' dsí' guá' e si' fi' Capernaum do, dsifí lajob cangó~ Jesús cóo'~ Tiáa~ cóo'~ gui Juan fi' quiá'~ Tú^ Simón cóo'~ gui Dí'. ³⁰ Jo mi~ caguiliñ fi' quiáñ' do, dob ráang iemisé Tú^ Simón e iu~ guim bre, jo casí'~ i dsea do Jesús e calí~ cóo'~ i dseam do. ³¹ Joba' Jesús cangoquiéiñ fi' quiá'~ lí ráang i dsea dsée' do, jo catiñ guóoiñ do jo caseáng neiñ'; jo mifing caráam biñ do, jo ladsifí lanab caguá' e iu~ guíñ^ jo canaaiñ do guiar' guiá' e quiá'~ nihéiñ' Jesús cóo'~ gui i dsea i ngí cóo'~ dsea do.

*Mi~ cajmi'leáang~ Jesús i fñng' dsea dsée'~
(Mt. 8:16-17; Lc. 4:40-41)*

³² Jo mi~ canuu e jmiñ jo e lico' nicadseá ié, cangojéeng dsea i fñng' dsea dsée' i seeng quiá'r fi' quini Jesús, jo do quiéeng jaléng' dsea i teáng i ling' dsí'. ³³ Jo dseáng latøøng fiib caseáng' e o'nú^ lí iuung Jesús ie jo. ³⁴ Jo fñm dsea cajmi'leáang Jesús ie jo lí^ doñí ee jmohuí e lñng' dsea, jogui fñm bi jaléng' dsea i niteáng i ling' dsí' cajmi'leáam Jesús cajo; dsu' ja cacuø'r fi' i ling' do fa' e niféiñ do e nijmér júu i i dsea do, co' ñib i ling' do guiá i lñng' dsea do.

*Mi~ caguia' Jesús júu^ quiá' Fidié' fi' lí se' Galilea
(Lc. 4:42-44)*

³⁵ Jo nú' gui e ngóo' nijneá e uøø jo, caróob Jesús jo cagüi' bre e fi' jo, jo cangór cangoféiñ' Tiquiá'r^ Fidié' fi' cóo' lí ja 'ga' lí dsiling dsea. ³⁶ Jo Tú^ Simón coling cóo' jaléng' dsea i la'ó' ngí cóo' Jesús cangoliñ cango'néem bre dsea do, ³⁷ jo mi~ cadséiñ' dsea do jo casí'r:

—Fí'naa', lajñim dsea ngir 'náñ' 'nu' lana.

³⁸ Dsu' Jesús cañir quiá' i dsea do jo casí'r reiñ' lala:

—Má'aa' fi' jalé' fi' e née' fi' quiá' gui la, jo fi' job nidsiguiá'naa' júu^ quiá' Fidié', dsuco' ta joba' e cagá' jnea' fi' jmigü' la.

³⁹ Jo lacaam lí se' Galilea ngí Jesús e guiar' júu^ quiá' Fidié' lí^ lacaang lí téé' guá' quiá' dsea góor dsea Israel, jogui jmóo' bir e túu jaléng' i ling' i teáng dsí' dsea.

*Mi~ cajmi'leáang~ Jesús jaang dsea i lñng' jmohuí' lí^
(Mt. 8:1-4; Lc. 5:12-16)*

⁴⁰ Jo lajee e ngí Jesús fi' lí se' Galilea, cangoquiéeng jaang dseañu' fi' lí ngóor i niling jmohuí' lí^ fi' ngúu táaiñ. Jo mi~ caguiér quiá' lí ngóo' Jesús, joba' casí' uøø jnir jo casí'r dsea do lala:

—Fí'i, cuøøm lí jmi'leaan^ jnea' lajñi' jmohuí' e lñn' song iin' lajo.

⁴¹ Jo Jesús calí fi' lñm bre i dseañu' do, joba' cagüiñ' dsea do jo cajñi':

—Ím baa jmi'leaan^ n' nu'. jo lana ca'láam ba' lajñi' jmohuí' e lin'!

⁴² Jo dsifí lajob ca'láang i dseañu' do, jo jo e lññ jñi' cóo' jóng. ⁴³ Jo mi~ cangí jo, ca'ñb Jesús júu i dseañu' do e nidséiñ', jo eáam ca'ñr 'goo' quiáñ' do jo lalab casí'r:

⁴⁴ —Fí' i 'nu' e jñi' jaang dsea ja iñ nifí^ lajalé' e calí na; lico' güjjeaang uø' fi' quini jmidsea lí^ laco' tñng dsea góo'oo' dsea Israel, jogui lñng ee nigüicá^ quiá' e ca'láam ba' lí^ laco' gui ta caqui' Moi~ maliñ gui eáang, jo lajoba' niliñ dsea e nica'láam ba' lajñi' jmohuí' e lamí lin'.

⁴⁵ Jo cangám i dseañu' do, dsu' cajmea' bre júu lajñim dsea lajñi' e calí do. Joba' Jesús jo lí'r fa' ngí guir dseáng fi' lí teáng dsea eáang, jo fi' caluub fi' jñi' ja guir fi' lí ja iñ 'ga' lí dsea jøø quiá'r; dsu' car jñi' jo dseáng dsilim bi dsea i 'nó' quiá'r.

2

Mi~ cajmi'leáang~ Jesús jaang`dseañu`i caang~ tii~
(Mt. 9:1-8; Lc. 5:17-26)

¹ Jo mi~ cangîgui tú~ 'ni~ jmi~ lajo, cangám~tu Jesús fi' Capernaum. Jo mi~ caliñi' jaléng' dsea` e liing~ jié' fi' li~ nitáang` dsea` do, ² joba' ladsifi' lanab caseáng' fíing' dsea` e fi' 'núu' li~ iuung~ Jesús e guiar' júu^ quiá'- Fidié~, jo jii' jo` íng~gui dsea` fi' o'nú^ quiá'- e 'núu' do, cõ' i' leáam~ dsea` teáang'~ e fi' dsíi' jo. ³ Jo lajee~ jo caguiling~ quiúung~ dseañu` i dsíing` jaang`gui dseañu` i caang~ tii~. ⁴ Jo dsuco' eámam` fíing' dsea` i teáang~ do ie~ jo, joba' ja` cuøng` fa' e nidsijeeiñ` i dsea` dsée'~ do cati' quini' Jesús. Joba' caneáar' capí' fi' yá' 'núu' dseáng'~ e li~ iuung~ Jesús cóo'~ jaléng' i dsea` do, jo fi' job cajgiéer~ e 'ma' li' dsíing` i dsea` dsée'~ do carti' quini' laco' sing' Jesús. ⁵ Jo dsifi' mi~ calilí' Jesús jial dseáng'~ já' líng` jaléng' i dsea` do júu^ quiá'r~, joba' cajíñ' casí'r~ i dsea` dsée'~ do lala:

—Jóo`o, nica'ím~baa dsee~ quíi'~.

⁶ Jo mi~ cajíng'~ Jesús lajo, joba' i liing~ tifa' quiá'- júu^ quiu' ta~ quiá'- dsea` Israel i teáang~ do ie~ jo canaañ` i dsír': ⁷ “¿Jial teá` dsíi' i dseañu' na e fé'r' lana? Cõ' jalé' e fé'r' na, júu^ gab` lí' fi' quini' Fidié~, dsuco' dseáng'~ lajii'~ Fidié`bing' cuøng` lí' íing~ dsee~ quiá'- dsea'.” ⁸ Jo dsu' dsifi' lajob calilí' Jesús lajii'~ e i dsíi' i dsea` do, joba' casí'-reiñ' do lala:

—¿Jiali' i áa' 'nú' lana? ⁹ ¿E~ e líng~ 'nú' e ja`gui huíng` nifii'~ i dsea` caang~ tii~ na? ¿Su nifii'ire: “Nica'ím~baa dsee~ quíi'~”, osi nifii'ire é: “Ráan'~ jo ngí~, jo quíe~ uø' e 'ma' li~ dsíin' na”? ¹⁰ Jo dsu' lana jnea~ ni'ée' e 'nú' e jneab~ cagá~ a fi' ñifí~ e líin' jaang` dsea` jmiçüü' e oo~baa ta~ fi' jmiçüü' la e ni'íin' n dsee~ quiá'- dsea`.

Jo mi~ cangî e cajíñ'~ lajo, joba' casí'r~ i dsea` caang~ tii~ do lala:

¹¹ —Jnea~ fi' i 'nu', ráan'~ jo quíe~ e 'ma' li~ dsíin'~ na jo guóng' fi' quíi'~.

¹² Joba' dsifi' ladob caráang~ i dsea` caang~ tii~ do, jo cacór~ e 'ma' li~ lamí' dsíiñ' do la nî jaléng' i dsea` i teáang~ do ie~ jo. Jo mi~ cangá~ jaléng' i dsea` do lajii'~ e calí~ do, joba' lajii'm`bre cango'gó` dsír' jo canaañ` jmiféiñ' Fidié~ jo fé'r':

—Dseáng'~ jii'~ cõo` ya' ja` mí' cane'naa' lajii'~ e nicalí~ jmi~ na.

Mi~ cató'~ Jesús jaang`dseañu`i sii' Leví
(Mt. 9:9-13; Lc. 5:27-32)

¹³ Jo mi~ cangî lajo, cangób~tu Jesús fi' 'ni' guíeé' e née' fi' Galilea do. Jo lajee~ táaiñ` fi' jo, dseáng'~ eámam` dsilíng~ dsea`, joba' e'bre jaléng' dsea` i guiling~ do júu^ quiá'- Fidié~. ¹⁴ Jo lajee~ e iuung~ Jesús fi' ngóor' fi' li~ jié', cangáñ` jaang` dseañu` i sii' Leví, jóo' jaang` dseañu` i sii' Alfeo, e guíiñ'~ do fi' cõo' li~ mír' cuu~ e catíng~ dseata~ i guíing~ fi' Roma, cõ' líiñ' do nodsicuu~. Joba' casí' Jesús i dseañu` do lala:

—Leví, má~aa' cóo'~ jnea~.

Jo dsifi' ladob carõo~ Leví jo cangó~bre cóo'~ Jesús.

¹⁵ Jo mi~ cangî jo, Leví cató'r~ Jesús e nidsé~ dsea` do e nidsihér' fi' quiáiñ'~. Jo fi' jo niguiing~ dsea` do gø'r' colíng~ cóo'~ jaléng' dsea` i ngí cóo'r~ jogui cóo'~ i fíing' dsea` i mí' cuu~ quiá'- dseata~ guíing~ fi' Roma jogui cóo'~ jaléng' dsea` i jiéng'gui i sea` júu^ i røng` dsee~ cajo. ¹⁶ Jo mi~ cangá~ jaléng' dsea` Israel i líng' dsea` fariseo cóo'~gui jaléng' tifa' quiá'- júu^ quiu' ta~ quiá'r~ e Jesús guíiñ' gø'r' colíng~ cóo'~ jaléng' i dsea` do, joba' cajmingí'r~ i dsea` quiá'- Jesús do jo casí'-reiñ' do lala:

—¿Jiali' gø' tifa' quíi'~na' colíng~ cóo'~ jaléng' 'ná' nodsicuu~ cóo'~gui jaléng' dsea` caguiaang~gui i sea` júu^ i røng` dsee~?

17 Jo mi~ canúu~ Jesús lado, joba' cañiir` quiá'- i dsea` do lala:

—Jaléng' dsea` i guiúng~ ja` 'neáiñ~ timí', dsu' jaléng' dsea` dsée'bing' i 'neáng~ í. Jo jnea~ ja` cagá~ a fí' jmigüü' la fa' e caga'nén'n jaléng' dsea` i ée' guiá~, dsu' jaléng' dsea` dsee~ dsea` qui'bing' i caga'nén'n.

*Mi~ cajmingí'~ dsea` Jesús uii~ quiá'- jalé' ayuno
(Mt. 9:14-17; Lc. 5:33-39)*

18 Jo cōo` née'~ cajmée` ayuno jaléng' i dsea` i ngí' cōo'~ Juan i seáang` dsea` jmíi` cōo'~ gui jaléng' i dsea` i líng' dsea` fariseo. Jo lajee` jo, caguilíng~ i líng~ dsea` fí' lí' táang` Jesús jo cajmingí'r~ dsea` do lala:

—Jaléng' i dsea` quiá'- Juan i seáang` dsea` jmíi` cōo'~ gui jaléng' dsea` fariseo jmóo`bre ayuno, jo ¿jialí' jaléng' dsea` quií- 'nu` ja` jmóor` lajo?

19 Joba' cañií' Jesús quiá'- i dsea` do lala:

—Ja` cuóøng` nijmé~ ayuno jaléng' dsea` i simíng~ quiá'- cōo` lí~ cung' guoo` dsea` lajee` seeng` i siming' i cung' guó` do cōo'r~; cō' lajee` siseáng' i siming' do cōo' i dsea` simíng~ do, ja` cuóøng` fa' nijmé~ i dsea` simíng~ do ayuno. 20 Jo dsu' cōo`b` mi~ nití- í' e nisáiñ' i siming' i cung' guó` do, jo joguü' mi~ niguiéé' jmíi` e nijmé~ dsea` ayuno.

21 Jo jíi'~ jaang` dsea` to'r` cōo` 'mi' e yáú~ cōo'~ ca'ná'^ 'mi' e 'míi~, dsuco' song cajméer` lajo, joba' nijóm' e 'mi' e 'míi~ do joguü' ni'guí'bi e 'mi' e yáú~ do cajo, joba' lí' lí' jmigui'gui ni'guí' b` jóng. 22 Jo lajobi cajo, ja` guié' dsea` méé' e laco' gui'ná'^ có' fí' cōo` dsíi' loo~ jó' e yáú~; dsuco' song cajméer` lajo, joba' ni'guí'ba' do jo nidsi'íib` e méé' do joguü' ni'ím~ e loo~ jó' do cajo. Jo cō' lajob líi', joba' guiá~gui e niguié' dsea` e méé' laco' gui'ná'^ có' do fí' cōo` dsíi' loo~ jó' e 'míi'b~, jo lajoba' ja` dseáang' fa' e ni'guí' e loo~ jó' do o'gui fa' e nidsi'íi e méé' do cajo.

*Mi~ ca'éeng~ dsea` quiá'- Jesús láa' quiá'- cui'iee`
(Mt. 12:1-8; Lc. 6:1-5)*

23 Jo cōo` ya' ie~ jmíi~ e jmi'íng' dsea` góo` Jesús dsea` Israel, jo caguieé~ dsea` do colíng~ cōo'~ jaléng' dsea` quiá'r~ fí' cōo` guiee' lí~ sijnea` cui'iee'. Jo jaléng' i dsea` quiá'r~ do mi~ cangíiñ' fí' jo, canaaiñ' éeiñ~ láa' quiá'- e cui'iee' e sea` do ie~ jo. 24 Joba' jaléng' dsea` Israel i líng' dsea` fariseo cajmingí'r~ Jesús lala:

—Janú', ¿jialí' jmóo` dsea` quií- lana?, cō' ja` cuóøng` jmé~ dsea` Israel e lana mi~ jmíi~ e jmi'íng' naa'.

25 Joba' cañií' Jesús quiá'- i dsea` do lala:

—¿Su jíi'~ cōo` ya' ja` mí' ca'í' 'nú' fí' ni~ jì' quiá'- Fidiéé' lí' fé' e~ cajmée` dseata~ Daví'^ ie~ malíi~ do cōo` ya' lajee` e jmi'aang~ dsea` do cōo' dsea` quiá'r~? 26 Jo ie~ jo jaang` dsea` i sii' Abiatar líiñ' jmidsea` laniing~, dsu' i dseata~ Daví'^ do ca'í~ bre fí' dsíi' 'nu~ Fidiéé' jo cagó'bre e iñí'^ güeang'^ quiá'- Fidiéé' e si'í' dseáng'~ lajíi'~ jmidsea`bing' cuóøng` lí' dó'~; joguü' cacuó'bir cajo jaléng' i dsea` i ngolíng~ gui cōo'r~ do e cagó'iñ' do.

27 Jo cajíng'~ gui Jesús cajo:

—E jmíi~ e jmi'íng' dsea` cajmée` Fidiéé' e laco' nijmicóo'r~ dsea` jmigüü'b~, jo o' yaang~ dsea` jmigüü' caguí'r' e jmíi~ jo e laco' nijmi'íñ'. 28 Jo uíi~ lajoba' e jnea~, i caguéng~ fí' jmigüü' la e gáa' a fí' ñiff~ e lín'n jaang` dsea` jmigüü', seab' fí' quié~ e e quiá'~ ta~ lajee` e jmíi~ e jmi'íng' dsea` góo` dsea` Israel.

3

*Mi~ cajmi'leáang~ Jesús jaang` dsea` i caang~ guoo`
(Mt. 12:9-14; Lc. 6:6-11)*

¹ Jo mi~ cangî jo, coo` jmi~ ca'ib-tu Jesús fí coo` dsí' guá'- quiá'- dsea` góor` dsea` Israel, jo fí job ni'iuung- jaang` dseañu` i caang` coo` guoo`. ² Jo ie~ jo i fñim` dsea` siteeñ` Jesús fí e guá'- jo e lí' laco' nijøør- su nijmi'leáng- dsea` do i dsea` dsée'~ do 'ña' ie~ jmi~ e jmi'ing' jaléng' dsea` góor` dsea` Israel, co' fing cajmée` dsea` do lajo, lajoba' líiñ- e nilí'r` e ni'níng- neiñ' fí quini` dseata`. ³ Jo mi~ cangáng- Jesús i dseañu` i caang` guoo` do, dsifí lajob casí' reiñ' do lala:
 -Ráan'- jo síng'- uø' e guiá'^ joo` do.

⁴ Jo mifíng` cajmingí'r- jaléng' i dsea` i teáng- do ie~ jo, jo casí'- reiñ' do lala:
 -¿E' í óo' 'nú' e cuøøng` líl' mi~ jmi~ e jmi'ing' jneaa`aa', dsea` Israel? ¿Su e guiá- ofa' e ja` dseem` é? ¿Su 'né- e nijmi'leáng`naa' jaang` dsea` rú'naa' jee` jmohuí, osi e nibiing`naa'r é?

Dsu' jaléng' i dsea` do tiib- cajer'. ⁵ Jo lí' cajøøm- Jesús jaléng' i dsea` i teáng- lacúng' lajíng` do, jo caliguim` bre quiáñ'- do, jogui fí'í'bi cajer` cajo, co' dseáng'- ja` iing` jaléng' i dsea` do ningám`bre. Joba' lalab casí'r- i dseañu` i caang` guoo` do:

-Ní'~ guoo', dseañu`.

Joba' cani'biñ' do guoor` e caang` do, jo ladsifí lanab ca'lóo-. ⁶ Jo mi~ cangá- jaléng' i dsea` Israel i líng' dsea` fariseo i teáng- do ie~ jo jalé' e calí- do, dsifí mi~ tí lí' ca'uøøiñ' fí jo, jo canaaiñ` sñiñ` cóo'~ jaléng' dsea` quiá'- dseata` Herodes e quiá'- jial nijmér- e laco' nijngáñ'- Jesús.

Mi~ caseáng' i fñing' dsea' fí 'ni' guiéé' Galilea

⁷ Jo mi~ cangî jo, cangób-tu Jesús colíng` cóo'~ jaléng' dsea` quiá'r- fí 'ni' guiéé' Galilea, jogui i fñim` dsea` seeng` lacaang` fñi lí' se' Galilea ngolíñ- laco' ngóo` dsea` do. ⁸ Jo mi~ caliñí' jaléng' dsea` quiá'- jalé' e guiá- e jmóo` Jesús, i fñim` dsea` cajalíñ` cajajøøiñ` dsea` do; cajalíng` jaléng' dsea` i seeng` fí Jerusalén, jogui lacaang` fñi jíe' lí' se' Judea, jogui lí' se' Idumea, jogui jaléng' dsea` i neáng` lí' lí' guiéé'~ laco' iu~ gua` Jordán, jogui jaléng' dsea` i seeng` fí fñi Tiro cóo'~ gui fí fñi Sidón. ⁹ Jo casí'- Jesús i dsea` quiá'r- do e nijméiñ'- do quijí- coo` móo' e ni'ír' e lí' laco' ja` nicúñ'- eáng' fí jee` i dsea` 'leáng- do; ¹⁰ dsuco' Jesús dseáng'- i 'leáam- dsea` dsée'~ i nicajmi'leáañ-, joba' jaléng' dsea` dsée'~ dseáng'- dsiquiéiñ' e güim`bre dsea` do. ¹¹ Jogui jaléng' i dsea` dsée'~ i jée' i 'líng'^ quiá'- laco' mi~ níñ- Jesús, dsifí lajob sí'r- uø- jnir` fí quini` dsea` do jo oor` teá jo fé'r` lala:

-'Nu` lin' i Joo' Fidiéé` camíng'~ do.

¹² Jo Jesús cajmi'leáam`bre i dsea` dsée'~ do, jo jíim`bre i 'líng'^ do jogui quiá' reiñ' ta~ e ja` niféiñ' do cuaiñ` quiá'r- 'ña'r' fí quini` dsea`.

Mi~ caguíng' Jesús dsea` guitúung` quiá'r- (Mt. 10:1-4; Lc. 6:12-16)

¹³ Jo mi~ cangî gui lajo, cajgóo- Jesús fí coo` yá' mó', jo fí job cató'r- i fíng` dsea` e laco' niguíñ' i jaléng' ni'uíng- dsea` quiá'r-. Jo lajee` e nicaseáñ' lajñiñ` e fí yá' mó' do, ¹⁴ caguíñ' lajee` jaléng' i dsea` i teáng- do ie~ jo guitúung` dsea` i nisiñ- cuaiñ` quiá'r- e laco' nidsiguiañ'~ do júu` quiá'- Fidiéé` jee` jaléng' dsea` jmigüi; joba' i dsea` í calisír` dsea` apoo`, e guøng' dsea` si'neaang` quiá'- Fidiéé` i quie` júu` quiá'r-. ¹⁵ Jogui cacuø' reiñ' do ta~ e quí'r- jmi~ e ni'uøiñ- jaléng' i 'líng'^ i jée' quiá'- dsea`. ¹⁶ Jo lalab sii i dsea` guitúung` i ca'naaiñ` do: jaang` i sii Simón, jo mi~ cangír' cóo'~ Jesús calisír` Tú; ¹⁷ jaang` gui i sii Tiáa` cóo'~ gui jaang` rúñ' do i sii Juan, jo laji huáañ'- do líiñ` jóo' jaang` dseañu` i sii Zebedeo, jo mi~ cangír' cóo'~ Jesús laji huáañ'- do calisír` Boanerges, e guøng' Joo' Ji` Güi'ñiá'; ¹⁸ jaang` gui i sii Dí', jaang` gui i sii Lií, jo jaang` gui i sii Bartolomé cóo'~ jaang` gui i sii Mateo, jogui jaang` gui i sii

Mó[^], jō jaang[^]gui i sii[^] Tiáa[~], jóo[^] jaang[^] dseañu[^] i sii[^] Alfeo, jogui jaang[^]gui i sii[^] Tadeo cóo[^] jaang[^]gui i sii[^] Simón i líng[^] dsea[^] celote, ¹⁹ jō catí[^] lí[^] cadséng[^] gui Judas Iscariote i cajáng[^] Jesús fí[^] jaguó[^] dsea[^] i cajnga[^] quiá[^]r⁻.

Mi[~] cacuø[^] dsea[^] dsee[^] Jesús e jmóor[^] ta[^] la'eáang[^] cóo[^] fi[^] i 'ling[^]

(Mt. 12:22-32; Lc. 11:14-23; 12:10)

²⁰ Jō mi[~] cang[^]gui lajō, caí[^]-tu Jesús fí[^] cóo[^] dsí[^] sinúu[^], jō dsifí[^] lajōb caseáng[^]tu dsea[^] i 'leáang[^] e jíi[^] o[^] cuø[^] fí[^] dó[^]-gui dsea[^] do colíng[^] cóo[^] dsea[^] guitúung[^] quiá[^]r⁻. ²¹ Jō mi[~] caliñí[^] i dsea[^] rúng[^] Jesús e jō, jōba[^] cangolíñ[^] e cangotéer[^] dsea[^] do ladsifí[^] lado, co[^] fé[^]r[^] e ningaam[^]biñ[^].

²² Jogui lajōbi cajo, lalab fé[^] jaléng[^] tifa[^] quiá[^]- júu[^] quiu[^] ta[^] quiá[^]- dsea[^] Israel i jalíng[^] catí[^] Jerusalén jō cajíñ[^]:

—La'eáang[^] cóo[^]- bí[^] quiá[^]- Beelzebú i líng[^] fi[^] jaléng[^] i 'ling[^], la'eáang[^] í[^]bing[^] tíng[^] i dseañu[^] na e uøøiñ[^] i 'ling[^] i teáang[^] dsí[^] dsea[^].

²³ Jōba[^] cató[^]b[^] Jesús jaléng[^] i dsea[^] do, jō casí[^]-reiñ[^] do cóo[^] júu[^] já[^]- e lafa[^] júu[^] cuento jō lalab cajíñ[^]:

—¿Jial lí[^] Satanás niguíñ[^] 'ñia[^]r[^]? ²⁴ Jogui fa[^] dsea[^] i seeng[^] fí[^] cóo[^] fi[^], jō nilí[^] e 'ní[^] níng[^] rúíñ[^] lajee[^] la'ó[^] yaaiñ[^], jōba[^] ja[^] huøø[^] nité[^] e seeng[^] dsea[^] e fí[^] fi[^] jō, ¿já[^] já[^]? ²⁵ Jogui lajōbi fa[^] cóo[^] sinúu[^] quiá[^]- dsea[^] lí[^] seeiñ[^] mii[^], ja[^] cuø[^] fí[^] fa[^] e seeiñ[^] juguiú[^] fí[^] jō, ¿já[^] já[^]? ²⁶ Lajōbi lí[^] cóo[^] Satanás i líng[^] fi[^] i 'ling[^] do; cofa[^] caliséiñ[^] mii[^] jogui catíñ[^] cóo[^] i 'ling[^] i líng[^] la'ó[^] 'ñia[^]r[^] do, jōba[^] ja[^] røø[^] nigüi[^]íng[^] quiá[^]r⁻, co[^] ni[^]lim[^]-bre congua[^] jóng, ¿já[^] já[^]?

²⁷ Jogui lajōbi cajo jíi[^] jaang[^] dsea[^] lí[^]r[^] í[^]r[^] fí[^] dsí[^] sinúu[^] e nidsijméer[^] í[^] quiá[^]- jaang[^]gui dsea[^] i bí[^]gui dsí[^] laco[^] í[^]r[^]; co[^] la'uii[^]-jang[^] 'né[^] e ni[^]ñúm[^]-bre i dsea[^] í[^], jō joguiba[^] nilí[^]r[^] e nijmér[^] í[^] jóng.

²⁸ Jō jnea[^] jmitaa[^] óo[^]na[^] e cuøø[^]m lí[^]líng[^] Fidié[^] dsee[^] quiá[^]- jaléng[^] dsea[^] uii[^] quiá[^]- jalé[^] e nicajméer[^] cóo[^]-gui jalé[^] e nicafé[^]r[^], ²⁹ dsu[^] song íi[^]-gui fé[^] ga[^] uii[^] quiá[^]- Jmiguí[^] quiá[^]- Fidié[^], jōba[^] dseáng[^] jō[^] ni[^]lim[^] Fidié[^] dsee[^] quiá[^]- i dsea[^] í[^], co[^] latab[^] nirøiñ[^] dsee[^] jóng.

³⁰ Jō lanab jíi[^] lí[^] júu[^] e casí[^] Jesús i dsea[^] do ie[^] jō uí[^] e féiñ[^] do e jée[^] i 'ling[^] quiá[^]r⁻.

Mi[~] cajíng[^] Jesús i[^] niquiá[^]r[^] jogui i[^] rúíñ[^]

(Mt. 12:46-50; Lc. 8:19-21)

³¹ Jō mi[~] cang[^] jō, jō lajee[^] e iuum[^]-bi Jesús fí[^] dsí[^] e sinúu[^] do, mi[~] caguié[^] niquiá[^]r[^] cóo[^]-gui jaléng[^] rúíñ[^]. Dsu[^] jíi[^] caluub[^] cajeiñ[^] do, co[^] eáam[^] fíng[^] dsea[^] teáang[^] dsí[^] e sinúu[^] jō ie[^] jō. Jōba[^] casíñ[^] jaang[^] dsea[^] i sí[^]í[^] cangote[^] Jesús. ³² Jō i dsea[^] i neáang[^] lacúng[^] lajíng[^] lí[^] sing[^] Jesús casí[^]r[^] dsea[^] do lala:

—Nab nicagüéng[^] niquí[^] cóo[^]-gui jaléng[^] rún[^] dseañu[^] cóo[^]-gui rún[^] dseam[^] e 'náíñ[^] 'nu[^], jō nab teáiñ[^] caluu[^] lana.

³³ Jōba[^] cañí[^] Jesús quiá[^]- i dsea[^] do lala:

—¿Í[^] líng[^] 'nú[^] i líng[^] niquié[^] e jogui jaléng[^] rún[^]n?

³⁴ Jogui cajóøiñ[^] i dsea[^] i neáang[^] lacúng[^] lajíng[^] lí[^] guíñ[^] do jō cajíñ[^]:

³⁵ —Co[^] lí[^] doñí[^] íi[^] dsea[^] i jmóo[^] dseáng[^] lají[^] ta[^] e iing[^] Fidié[^], jōba[^] i dsea[^] í[^]bing[^] i líng[^] rún[^]n jogui í[^]bing[^] i líng[^] niquié[^] e cajo.

4

Coo[^] júu[^] já[^]- lafa[^] júu[^] cuento quiá[^]- mi[~] bí[^] dsea[^] mijú[^]

(Mt. 13:1-9; Lc. 8:4-8)

¹ Jō cóo[^]-gui née[^] canaang[^]tu Jesús e e[^]r[^] dsea[^] júu[^] quiá[^]- Fidié[^] fí[^] 'ni[^] e guiéé[^] do. Jō dsuco[^] i fím[^] dsea[^] caseáng[^]tu e fí[^] jō, jōba[^] lajee[^] jō ca[^]íb[^]-tu Jesús fí[^] dsí[^] cóo[^] móo[^] e sí[^] e 'ni[^] e guiéé[^] do, jō fí[^] jōb caguár[^] lajee[^] e jaléng[^] i dsea[^]

caguaang⁻ do teáaiñ⁻ fi' 'ni' e guiéé' do e núur⁻ júu[^] quiáañ⁻ do. ² Jo fi' job canaang⁻ Jesús ca'e'r' jaléng[^] i dsea⁻ do jmguiá' júu[^] já⁻ lafa' júu[^] cuento, jo lalab fé'r' e sí'r' i dsea⁻ do:

³ —Janú[^], náu⁻na' jalé[^] e nifá[^]a la: Coó⁻ ya' cagüi'fi' jaang⁻ dsea⁻ quie' mijú⁻ e ngojñir⁻ jma⁻. ⁴ Jo lajee⁻ ngóor' jnir' jma⁻ quiá'r⁻, e liing⁻ e mijú⁻ do cajiá'⁻ fi' li' ngóo' fi', jo jiaub⁻ cøong⁻ lajo caguiling⁻ ta' jo cagó⁻'bre' e mijú⁻ do. ⁵ Jogui sea'bi e mijú⁻ do e cajiá'⁻ fi' jee⁻ cuu⁻ fi' li' ja' 'leáang⁻ guóo⁻' née'; jo e mijú⁻ jo lajmináb⁻ ca'iaang⁻, co' ja' 'leáang⁻ 'mhi⁻ née' guóo⁻'; ⁶ jo dsu' mi⁻ cangáng⁻ iee', cacám⁻ jo caliquiáb⁻, co' ja' 'ga' lí' jmó[^] sea⁻ quiá⁻'. ⁷ Jo e liing⁻gui e mijú⁻ do cajiá'⁻ fi' jee⁻ 'matóo', jo co' eáang⁻gui cacuáng⁻ e 'matóo' do jo niúm⁻ ca'uúing⁻ quiá⁻' e mijú⁻ e ca'iaang⁻ do, joba' e mijú⁻ do dseáng⁻ ja' e cacuøb'. ⁸ Jogui e liing⁻gui e mijú⁻ do cajiá'⁻ fi' li' jlo[^] uó⁻, joba' jlob[^] cacuáng⁻; jo e liing⁻ cacuó' lí'gui treinta lacamí[^], jogui e liing⁻gui cacuó' lí'gui sesenta lacamí[^], jogui e liing⁻gui cajo cacuó' latí' cien mí[^] lacamí[^] do.

⁹ Jo cajíng⁻gui Jesús casí'r⁻ i dsea⁻ do:

—Jaléng[^] 'nú', dsea⁻ sea⁻ loguá[^]na', náu⁻na' e júu[^] na.

*E⁻ uing⁻ e cacuó' Jesús jalé[^] júu[^] já⁻ lafa' júu[^] cuento
(Mt. 13:10-17; Lc. 8:9-10)*

¹⁰ Jo mi⁻ cang⁻ jo, mi⁻ caje' Jesús 'ñia'r', jo jaléng[^] i dsea⁻ i neáang⁻ cáang⁻ laco' guiiñ⁻ do coling⁻ cóo⁻' jaléng[^] dsea⁻ guitúung⁻ quiá'r⁻ cajmingí'r⁻ dsea⁻ do e guóng[^] e júu[^] e cajíñ⁻ do e lí' lafa' júu[^] cuento. ¹¹ Joba' cañí' Jesús quiá⁻' lajaléñ⁻ do jo lalab casí⁻'reñ':

—Ngñm⁻ 'nú' e cuó' Fidiéé⁻ e ñí'na' jialco' quie' Fidiéé⁻ nifi' quiá⁻' dsea⁻ e ja' mí' ñí' dsea⁻ jmgüi' lami⁻ jéeng⁻gui; dsu' jaléng[^]gui dsea⁻ i ja' mí' íng[^] júu[^] quiá⁻' Fidiéé⁻, núur⁻ e júu[^] do la'eáang⁻ cóo⁻' júu[^] e lí' lafa' júu[^] cuento. ¹² Co' lajob fé' fi' ní' jì' quiá⁻' Fidiéé⁻ cuaiñ⁻ quiá⁻' jaléng[^] i dsea⁻ í':

Jo dsu' nañí' fa' jialgui la jøør⁻, dsu' ja' ninír⁻,
jogui nañí' fa' jialgui la núur⁻, dsu' ja' ningáñ⁻,
e laco' i dsea⁻ la'í' ja' niquí⁻' jíng[^] yaaiñ⁻ fi' quinií⁻,
jo o'gui jnea⁻ ni'ín⁻n dsee⁻ quiá'r[^] cajo.

*Mí' cajíng⁻ Jesús e guóng[^] e júu[^] quiá⁻' i dsea⁻ bí' mijú⁻ do
(Mt. 13:18-23; Lc. 8:11-15)*

¹³ Jo cajíng⁻gui Jesús casí'r⁻ jaléng[^] i dsea⁻ do:

—¿Su ja' ngáng[^] 'nú' e júu[^] já⁻ e lí' lafa' júu[^] cuento la? Jo ¿jial ningáng[^]na' e caguiee⁻gui do song ja' ngáng[^]na' e la? ¹⁴ Jo lalab guóng[^] e júu[^] la: I dsea⁻ i jni' e mijú⁻ do líiñ⁻ lafa' jaang⁻ dsea⁻ i jmóo' ta' guía' júu[^] quiá⁻' Fidiéé⁻ cuaiñ⁻ quiá⁻' Dsea⁻ Jmaang⁻. ¹⁵ Jo i liing⁻ dsea⁻ líiñ⁻ laco' lí' e mijú⁻ e cajiá'⁻ fi' guiá[^] fi' do, co' núur⁻ e júu[^] jo, jo mi⁻ ningí' jo, dsifi' lajob guiéé' Satanás, jo íb⁻ jmóo' e ím⁻tu dsír⁻ lajii⁻' e júu[^] e nicanúur⁻ do. ¹⁶ Jo i liing⁻gui dsea⁻ líiñ⁻ laco' la lí' e mijú⁻ e cajiá'⁻ fi' jee⁻ cuu⁻ lí' ja' 'ga' lí' guóo⁻' sea', co' i dsea⁻ í' núur⁻ e júu[^] quiá⁻' Fidiéé⁻ do, jo ladsifi' íaam⁻ dsír⁻ e íñ⁻ e júu[^] jo. ¹⁷ Jo dsuco' ja' mí' ca'íng[^]guir dseáng⁻' e ngocáng⁻ dsír⁻ e júu[^] jo, joba' ja' huøø⁻ té'r' e já⁻ líiñ⁻; jo mi⁻ dsingñiñ⁻ ee'go e huíng⁻ osi e 'ní' ní' dsea⁻ quiá'r⁻ é uí⁻' e cuíñ⁻ Dsea⁻ Jmaang⁻, joba' jgiéem⁻ dsír⁻ cóo⁻' e júu[^] jo. ¹⁸⁻¹⁹ Jogui i liing⁻gui dsea⁻ líiñ⁻ laco' lí' e mijú⁻ e cajiá'⁻ fi' jee⁻ 'matóo' do, co' lico' núur⁻ e júu[^] quiá⁻' Fidiéé⁻ do, jo dsu' eáang⁻gui guing⁻ dsír⁻ jial nilí'r' jalé[^] e 'né'r⁻, jogui eáam⁻ jmgøøiñ⁻ yaaiñ⁻ e dsináaiñ⁻ cuu⁻ cóo⁻'gui jalé[^] e sea⁻ fi' jmgüi' la. Jo lajaléb⁻ e jo jmóo' e túb⁻tur e júu[^] jo, jo ja' ee' ta' íng[^] quiá'r⁻ e já⁻ calíñ⁻ e júu[^] jo co' ja' ee' dsicuáng⁻ quiá'r⁻. ²⁰ Dsu' i liing⁻gui dsea⁻ núur⁻ e júu[^] quiá⁻' Fidiéé⁻ do, jo jáb⁻ líiñ⁻ e júu[^] jo, jo guiáb⁻ uúing⁻ quiá'r⁻, jo i dsea⁻ la'í'bing⁻ líng⁻ laco' lí' e mijú⁻ e cajiá'⁻ fi' lí' jlo[^] uó⁻ do. Jogui i liing⁻gui i

dsea`la'í lãíñ' laco' e mijú` e cacuø` treinta lacamí` do, jo` i lãíng` gui lãíng' laco' e mijú` e cacuø` lí` gui sesenta lacamí` ^, jogui` i lãíng` gui lãíng' laco' e mijú` e cacuø` lajì` cien lacamí` ^ do.

*Coo`gui` júu` já`- lafa' júu` cuento quiá`- jial` mĩ` jmijneá` dsea` jì`
(Lc. 8:16-18)*

²¹ 'Jogui` fĩ`-biguĩ` 'nú` cajo: Ja` ee` uing` sea` e sí` dsea` coo` candí` mĩ` canu` fí` dsí` coo` caja` osi` fí` coo` lí` cøøng` é, dsuco` coo` lí` ñíib` 'né` sí` do e laco' cuøøng` jneá` guiú` fí` latøøng`- sinuú` ^.²² Jogui` lajob` lí', co'` jii` coo` sea` e si` maang` fa' e ja` tóo` jmĩ` niliñi` dsea`, o'gui` jii` coo` júu` e ja` mĩ` ñi` dsea` jéeng` gui fa' ja` tóo` jmĩ` e niliñir`.²³ Joba' fĩ`-i` 'nú', ii` 'nú` dsea` sea` loguá` na', nuu` na' jalé` e júu` na.

²⁴ Jo` mĩ` cangf` jo, lalab` cajíng`-gui` Jesús` casí`r` i` dsea` do` jo` cajíñ`-:

—Quié`na' cuante lajii` e nuu`na'; co'` lafa'` cóo` e guía` 'nú` í', cóo` e job` cajo` e niguiá` Fidiéé` í` ee` go` nicuø`r` 'nú` jo` car` jii` lí`bi` lajo` nicuø`r` 'nú'.²⁵ Dsuco` i` dsea` i` sea` quiá`, jmigui`-guib` niñiñ` e nilisea`, joba'` lalim` nilisea` quiá`r`-; jo` dsu`gui` i` dsea` i` ja` sea` quiá`, nigüéáb` lajii` capí`-jiu` e sea` quiá`r` do.

Coo`gui` júu` já`- lafa' júu` cuento quiá`- mijú` e cuaang`

²⁶ Jo` cajím`-bigui` Jesús` cajo:

—Mĩ` quié` Fidiéé` nifí` quiá`- dsea`, lí` la lí` quiá`- jaang` dsea` i` ta'` mijú` fí` ná` uø`-.²⁷ Jo` mĩ` ningf` e cajní` e mijú` do, jo` nidsém`-bre` fí` quiá`r`- . Jo` mĩ` nití` tú` 'ní` jmĩ` lajo, nidsi`ee` tur` fí` lí` cató`r` e mijú` do, jo` lacoo` jmĩ` jneá` jogui` lacoo` jmĩ` nuu` cuaam`ba' do, dsu` i` dsea` i` cajní` do` ja` ñir` jial` e cuaang`,²⁸ co'` 'ñiab` guóo`- uø` e jmóo` e cuaang` do: co'` la`uii` nijnéng` sú`^ quiá`, jo` mĩ` ningf` jo` nijáa` lí` quiá`, jo` mĩ` cangf` joguiba'` nicuø` ofi`.²⁹ Jo` mĩ` lí` e nicaroo` e ofi` do, joba'` nidsicu`-bre, co'` lí`r` e nicatf` í` e nisitám`ba' do.

*Coo`gui` júu` já`- lafa' júu` cuento quiá`- coo` mijú` e sii` mostáa`
(Mt. 13:31-32; Lc. 13:18-19)*

³⁰ Jo` cajíng`-gui` Jesús:

—Jial` lãíng`-na' e lí` mĩ` jaang` dsea` quié` Fidiéé` nifí` quiá`r`-? Jogui` ¿e` cóo` cuøøng` nicøøng`naa'?³¹ Jo` mĩ` quié` Fidiéé` nifí` quiá`- dsea`, lí` lafa' e mijú` e sii` mostáa` e jní` dsea`. Jo` e mijú` jo` dseáng`- pí`gui` lajee` lajalé` mijú` e sea` fí` jmigüi`,³² dsu` fíng` cajní` dsea`, dseáng`- féb` eáang` cuaang`, co'` fé`gui` eáang` lajee` lajalé` onuu`, jogui` cóob`- guo` quiá`- uíng` cajo` e cuøøng` guía` jaléng` ta'` sii`-re` fí` yú`^ jee` i`^ quiá`-.

*E` uing` e cajíng`- Jesús e júu` já`- do e lí` lafa' júu` cuento
(Mt. 13:34-35)*

³³ Jo` lajob` ca'e' Jesús` jaléng` dsea` júu` quiá`- Fidiéé` e quiigeáang` jalé` júu` já`- e lí` lafa' júu` cuento lí`^ cartí` calíng`- mogui` dsea` e jo` ningáng`-gui` guiú`.³⁴ Jo` dseáng`- ja` e`bre` dsea` júu` quiá`- Fidiéé` e ja` quiéeng` e júu` lajo. Dsu` lajaléb` e guóng` e júu` do` jma`-bre` júu` condséé` i` dsea` guitúung` quiá`r` do` mĩ` neáaiñ` colíng` lí` ja` seeng` dsea` jiéng`.

*Mĩ` cajméé` Jesús e ca`uáang` e í` guí` jogui` e ca`uáang` e róo`- jmĩ`
(Mt. 8:23-27; Lc. 8:22-25)*

³⁵ Jo` ñia` ie` jmĩ` jo, mĩ` tí` lí` ca'í`- nuu`^, casí`- Jesús` jaléng` i` dsea` guitúung` quiá`r`- do` lala:

—Má`-aa' fí` lí` lí` 'ngóo`- cataang` e guiéé` la.

³⁶ Joba'` lajob` cajméer`-: caseáam`bre` i` fíng` dsea` jo` cangó`-bre` cóo`- i` dsea` quiá`r`- do, jo` cangotáaiñ` fí` dsí` coo` móo` e nisi` do, jogui` cangotáam`-bigui`

dsea`jiéng` fí dsí' tú` 'ní' móo' e jié'gui, jò cangolím`biñ' do cóo'r` cajo. ³⁷ Jò lajee` ningolíñ` ní` jmíib` mí` canaang` í` guí` e teá` eáang` jogui canaang` róo` jmí` cajo, jò catí` dsí' móob` nicanaang` dsi'a` jmí`. ³⁸ Jò lajee` jò güñm` Jesús ngóor` lí` to'míi` e móo' do e sijnuuñ` dse` cóo` to'mí' dsíng` guí`. Jòba' cangoñiñ` dsea` do ladsifí` lado jò casí` reiñ' lala:

—¡Tifa'! ¿Su ja` dsi'gó` o' e nicanaang` dsi'am'baa'?

³⁹ Jòba' caróo` Jesús jò caquiur` ta` e guí` do jò cajíñ`-:

—¡Catii`!

Jògui caquiur` ta` e jmíi` do jò cajíñ`-:

—¡Jmí'uáang` uø'!

Jò ladsifí` ladob ca'uáang` e í' guí` cóo`~gui e róo` jmíi`, jò tiib` ca'f` jóng.

⁴⁰ Jò mí` cangí` jò, lalab cajíng`- Jesús casí'r` i dsea` guitúung` quiár` do:

—¿Jialí' eáang` 'gó'na'? ¿Su ja` já`- mí` calím`-bí' lajii` júu` quié`e?

⁴¹ Jò mí` canúu`- i dsea` guitúung` do lajò cafóm`bre, có' ja` ñir` jialí' cajíng`- dsea` do lado, jò canaaiñ` jmingí`- rúñiñ` lajee` yaaiñ` jò fé'r`:

—¿I` i dseañu` la e la quie`gui tí` guí` cóo`~ jmíi` núu` júu` quiár`-?

5

Jaang`dseañu` i teáang` i 'ling`^ dsí'

(Mt. 8:28-34; Lc. 8:26-39)

¹ Jò mí` cangí` jò, caguié` Jesús cóo`~ i dsea` quiár` do fí` lí` lí` 'ngóo`~ cataang` e guiéé` do e fí` ní` guóo`~ uø` lí` se' Gerasa. ² Jò mifíng` mí` tí` lí` cajgáng` Jesús e fí` yá' e móo' do, cangoquiéeng` fí` lí` siñ' jaang` dseañu` i teáang` i 'ling`^ dsí'. Jò i dseañu` do lí` nijar` fí` codsiib`, ³ có' fí` job fí` lí` guíñ`. Jò jii` jaang` dsea` ja` ii` mí` cali' fa' e nicasang`- neiñ` o'gui` ii` mí` cali' fa' ni'ñúng` neiñ' cóo`~ ñí` cadena cajo. ⁴ Jò jmiguiub` ya' ninicajmée` dsea` quijí` e ni'ñú'r` guotíiñ`- do cóo`~ e ñí` jò, dsu' dsifí` lado fíiñ` do jò dseáng`- jii` jaang` ja` ii` mí` catéé` quiár`. ⁵ Jò i dseañu` do uøø` jmíib` ngír' fí` lacaang` jee` mó' jogui lacaang` fí` lí` si'aang` jaléng` 'líi` e óor` jogui e jmihuúng` 'ñia'r` cóo`~ cuu`. ⁶ Dsu' mí` tí` lí` cangáñ` Jesús e huím`-bí, dsifí` lajob cacuír`, jò cangoquiéeiñ` fí` lí` sing' dsea` do jò casí'r` uø` jnir` e jmiféiñ` dsea` do, ⁷ jò lalab casí`-reiñ' e dsíng`- teá` óor`:

—¡Jesús, Jóo' Fidiéé` dsea` guíng` ñifí`, ja` jmiguíin` jnea`; jò má'i` 'nu` jmí'ee` fí` quini` Fidiéé` e ja` jmihuúin` jnea'!

⁸ Jò cajíng`- i dseañu` i iuung`- i 'ling`^ dsí' do lado, có' Jesús nicanaaiñ` quiur` ta` i 'ling`^ do jò cajíñ`- lala:

—¡I` 'ling`^, júu` lí` iuun`- fí` dsí' i dseañu` na!

⁹ Jò casí`-gui Jesús i 'ling`^ do:

—¿Jial sii'?

Jò cañí` i 'ling`^ i teáang`~ dsí' i dseañu` do:

—Legióm sii`, có' fí'baa'.

¹⁰ Jò i 'ling`^ do, eáam` mí'r` Jesús jmí'ee` e laco' ja` nisíng`- dsea` do jaléng` í` fí` lí` huíi`. ¹¹ Jò có' quiá' do nisi' cóo` mó', jò e fí` jò nitaang` i fíng` cú` e 'nó're' e gø're', ¹² jòba' i 'ling`^ do camí'r` Jesús fí` e nidsitáaiñ` fí` dsí' i cú` do, jò casí'r` dsea` do lala:

—Siíng` jnea` fí` dsí' i cú` do, jò cuø' jnea` fí` e nidsitóo`~naa' fí` dsí're'.

¹³ Jò cacuøb` Jesús fí` jaléng` i 'ling`^ do e nijméiñ`- do lajò, jòba' ca'uøøm`biñ` do fí` dsí' i dseañu` do, jò fí` dsí' i cú` i taang`~ dob cangotáaiñ`. Jò dsifí` lajob canaang` i cú` do cuíi`re' fí` lí` quiá~, jò cajiúng`ne' jiáá` car` catisíng`ne' fí` é' cóo` guíéé', jò fí` job cajgó're' jmíi` jò cajúm`-bre' jaléng`ne'. Jò tíib` i cú` i taang` do la tú` mil.

14 Jo jaléng' i dsea' i táang' jmóo' í i cú' do cacu'bre cajo, jo cangoliñ' fí lí' neaiañ' e ngoguiar' júu' quíá' lajii' e calí' do, jogui sí'bir cajo jaléng' dsea' i táang' jmóo' ta' lacaang' lí' cangaiñ'. Jo lajii' dsea' cangoliñ' cangojór' fí lí' cangojé' jalé' e jo. 15 Jo mi' tí' lí' caguiling' i dsea' do fí lí' sing' Jesús, dob niguiing' i dseañu' i lami' teáang' jaléng' i 'ling' dsí' do e jo' e líiñ' jii' coo', jo nilí'bre co' nínica'uøøm' lajaléng' i 'ling' i lami' teáang' dsíir' do; joba' eáam' cafóng' jaléng' i dsea' do. 16 Jo jaléng' i dsea' i cangá' jalé' e calí' do quíá' e ca'uøøng' i 'ling' do dsí' i dseañu' do jo cangotáiñ' dsí' i cú' do, lajib' e jo cajmea'r' júu' jaléng' dsea' caguiaang' gui. 17 Joba' jaléng' i dsea' do canaaiñ' mi'r' jmi'ee' Jesús e nijmihuim' 'ñia'r' e fí lí' táaiñ' do.

18 Jo mi' tí' lí' caquing' Jesús e ni'itur' fí dsí' móo' e nidséiñ', i dseañu' i lami' teáang' i 'ling' dsí' do camir' Jesús fí e nidsér' cóo' dsea' do. 19 Jo dsu' Jesús ja' cacuø'reiñ' do fí lajo, jo lí' casí' reiñ' do e nidséiñ' fí quíá'bre jogui e nisí'r' jaléng' dsea' sinúu' quíá'r' lajalé' e nicajmée' Fí'naa' cóo' ír', jogui jial calí' fí' líiñ' dsea' do cajo.

20 Jo cangám' i dseañu' do i lami' teáang' i 'ling' dsí', jo canaaiñ' guiar' júu' jo sí'r' jaléng' dsea' seeng' fí lí' se' Decápolis jalé' e guíá' e cajmée' Jesús cóo'r'. Joba' lajii' i dsea' i núu' jalé' e jo, eáam' dsigá' dsíir'.

*Mi' cajmi'leáang' Jesús jóo' Jairo
(Mt. 9:18-26; Lc. 8:40-56)*

21 Jo mi' caquing'-tu Jesús fí lí' 'ngóo' cataang' e guíé' do e iuiñ' dsí' móo', jo i 'leáam' dsea' i caguiling'-tu fí lí' siñ', jo dob cajé' Jesús e fí 'ni' e guíé' do. 22 Jo lajee' job caguíe' jaang' dseañu' i sii' Jairo i néé' ni' e guá' quíá' dsea' Israel. Jo mi' tí' lí' cangaiñ' Jesús, catúuiñ' cartí' uii' tii' dsea' do, 23 jo lalab casí'r' dsea' do e mi'r' jmi'ee':

—Jesús, dob ráang' Mí' quíé' e e jia' jii'bre, jo fa' nijgié' o' jnea' niguó' e güiquidsi' guóo' fí moguir' e laco' ni'leáaiñ', jo lajoba' ja' nijúuiñ'.

24 Joba' cangób' Jesús cóo' dsea' do, dsu' eáam' fíng' dsea' i ti'leáang' laco' ngóor' dseáng' e 'leng' rúm' dsea'. 25 Jo jee' i dsea' i ningolíng' do, niquiéeng' jaang' dseam' i nidséi' ningóo' mí' guitu' jii' e nilíiñ' jmohuí' e tuuiñ' jmi'. 26 Jo eáam' nicajmée' quijí' cóo' jaléng' timí' fa' e ni'leáaiñ', jo eáam' nica'liñ' cuu' lí' laji' jii' e nisea' capí' quíá'r', dsu' ja' e ta' íng' jii' coo', co' lí' lí' ngóo' fí'guib' e líiñ' do. 27 Jo mi' canúur' jial tí' 'gøng' Jesús, joba' cangoquíéiñ' fí lí' caluu' dsea' do lí' ngolíng' dsea' i 'leáang' do, jo catíiñ' capí' sí' dsea' do, 28 co' í' dsíir' e fa' capí' sí' dsea' do catíiñ', joba' ni'leáam'bre lajii' e jmohuí' e líiñ'. 29 Jo dseáng' lajee' e guiang' e catíiñ' sí' dsea' do, joba' caquium' e tuuiñ' jmi' do, jo dsifí' lajob calilí' e ca'láam'bre lajii' e jmohuí' e lami' líiñ' do. 30 Jo dsifí' lajob calilí' Jesús e cajmeaiñ' ta' capí' e 'gøng' quíá'r', co' líi' i' cajmi'leáaiñ'; joba' caji'r' nir' lí' lacaang' lí' jalíng' jaléng' dsea' do, jo lalab cajíñ' cajmingí'r' jaléng' i dsea' do:

—¿I' i catíng' capí' sí'?

31 Jo cañí' i dsea' guitúung' do quíá'r' lala:

—¿Jialí' jmingí' lajo, Tifa'? Ne'bí' e dseáng' sicúum'baa' ngóo'naa' la, jo jmingí'bi': “¿I' i catíng' capí' sí'?”

32 Jo dsu' Jesús jii' nir' jii' ngó' catoo' e jóør' i' i cagüi' capí' sí'r'. 33 Jo i dseam' i catíng' sí'r' do ní'bre guíá' jalé' e calí' do, joba' dseáng' e jléeiñ' eáam' e 'gór', jo cangosí'r' uø' jnir' fí quini' dsea' do, jo job casí'-reiñ' e dseáng' e calí' cóo'r'. 34 Joba' casí' Jesús i dseam' do lala:

—Jóo'o, uí' e jáb' calín' júu' quíé' e, joba' nica'láam'ba' lajii' jmohuí' e lami' lín'. Jo lana guóng' cóo' e guíá' fí quí', co' jo lín' e jmohuí' e lami' lín' do.

³⁵ Jo lajee' fé'bi Jesús e jo mi' caguiling' coo' tú' m'ing' dsea' i jalíng' fí' quíá' i dsea' i neé' ni' guá' quíá' dsea' Israel do e ngojmée'r' júu' tiquiá' i simí' jiuung' i nidsée' do lala:

—Jmóo' naa' júu' 'nu' e nicajúm' jóo', jo jo' 'né' fa' fí'gui' i tifa' na e nidsé' guir' fí' quí'.

³⁶ Jo dsu' Jesús ja' cajmi'gór' lajii' e cajíng' i dsea' do, jo lalab casí'r' i fii' i neé' ni' e guá' do:

—Ja' fòon', Jairo, lico' já' güilín' júu' quíe'.

³⁷ Jo jo' cacuø' guir' fí' i fíng' dsea' i jiéng' i cangolíng' coo'r', jo jii' Tú' Simón coo' gui' Tiáa' jogui' Juan, rúng' i Tiáa' do, jii' í'bing' i cangolíng' coo'r'. ³⁸ Jo mi' caguilín' fí' quíá' i Jairo do, jo canúur' e ninée' má' e teáng' dsea' ta' qui' óo' dsu' e nicajúng' i jiuung' simí' do. ³⁹ Joba' casí' Jesús i dsea' do lala:

—¿Jialí' eáang' ta'na' má' jogui' jialí' jmoo'na' ta' qui'? Co' ja' sijúung' i jiuung' simí' na, co' lico' güim'bre.

⁴⁰ Jo dsu' mi' canúu' dsea' e cajíng' Jesús lajo, lico' cangím'bre dsea' do, co' ní'bre guíá' e nicajúm'biñ' do. Joba' Jesús lico' cajéiñ' jii' tiquiáb' i jiuung' simí' do coo' gui' niquiá' coo' gui' i dsea' quíá'r' i coo'r' do, jo cangotáam'bre e fí' dsí' lí' ráang' i jiuung' simí' i 'lí' do. ⁴¹ Jo catíng' Jesús guoo' i simí' jiuung' i 'lí' do jo casí' reiñ' lala:

—Talita cum —e guóng': Mí', jnea' fí' i 'nu' e niráan'.

⁴² Jo dsifi' mi' cajíng' Jesús lado, caróob' i jiuung' simí' do, jo canaaiñ' ngí'bre co' nicají'bre. Jo jaléng' i dsea' i cangá' jalé' e jo, dseáng' eáam' cango'gó' dsí'r'. ⁴³ Jo Jesús caquiur' ta' lahuíng' quíá' jaléng' i dsea' do e ja' ii' nisíñ' jii' jaang'. Jo mi' cangí' jo, caquiur' ta' e cangíng' i jiuung' simí' do e cagó'r'. Jo i jiuung' simí' do niningóor' guitu' jii'.

6

Mi' cangáng'-tu Jesús fí' Nazaret

(Mt. 13:53-58; Lc. 4:16-30)

¹ Jo mi' cangí' jo, cangám' tu Jesús fí' góor' fí' lí' cacuáiñ' fí' lí' siñ' Nazaret, jo coo'bre jaléng' dsea' guitúung' quíá'r'. ² Jo mi' catí' jmí' e jmi'íng' dsea' góo' Jesús dsea' Israel, jo canaaiñ' e'r' jaléng' dsea' jalé' júu' quíá' Fidiée' e fí' dsí' guá' e si' fí' jo. Jo dseáng' i 'leáam'bi dsea' i núu' júu' e guiar' do, jo eáam' dsigá' dsí' dsea', joba' lalab naaiñ' sáñ' lajee' yaaiñ':

—¿Jie' fí' lí' cajmitíng' i dseañu' na jalé' e tñiñ' na? ¿Jie' lí' caguir' e tá' tñing' lí' coo' gui' jalé' e lí' e 'gøng' e jmóor' e dsigá' dsí' dsea'? ³ ¿Su o' i nabi i líng' tí'ma' do, jóo' Yá' jogui' rúñ' Tiáa' coo' gui' Sé' jogui' Judas coo' Simón? Jogui' ¿su o' labi neáang' jaléng' rúñ' dseamí' cajo jee' jneaa' aa' la?

Jo uí' e joba' e ja' 'ga' lí' iing' dsea' fa' dseáng' e cajmi'gór' dsea' do. ⁴ Joba' lalab casí' Jesús jaléng' i dsea' do jo cajíñ':

—Doñí' jiéb' jmi'gó' dsea' jaang' dsea' i fé' cuaiñ' quíá' Fidiée', lifa' ja' jmi'gór' dsea' do fí' lí' lí' góoiñ' fí' lí' caliséiñ' fí' lí' neáang' jaléng' rúñ' osi jaléng' dsea' sinúu' quíá'r' é.

⁵ Joba' ja' 'ga' lí' cajmée' Jesús jii' coo' e 'gøng' e dsigá' dsí' i dsea' góor' do, co' lico' caquidsir' guóor' fí' mogui' tú' 'ni' m'ing' dsea' dsée' jo lajii' í'bing' i cajmi'leáaiñ'. ⁶ Jo eáam' cangogá' dsí' Jesús quíá' jaléng' i dsea' góor' do, co' dseáng' ja' já' lí' m'biñ' do lajii' júu' quíá'r'. Jo mi' cangí' jo, dséeb' Jesús lacaang' jalé' fí' pí' e neé' co' quíá' do e dsí'e'r' dsea' júu' quíá' Fidiée'.

Mi' casíng' Jesús dsea' guitúung' quíá'r' e nidsiguaiñ' do júu' quíá' Fidiée'
(Mt. 10:5-15; Lc. 9:1-6)

⁷ Jo lajee˘ job cató˘r˘ i dsea˘ guitúung˘ quiá˘r˘ do jo canaaín˘ sún̄g˘neín˘ do tá˘ la gáín˘ e nidsi˘ééiñ˘ do dsea˘ júu˘ quiá˘r˘ Fidié˘, jogui cacuó˘bireiñ˘ e quí˘r˘ jmí˘ cajo e quiu˘r˘ ta˘ quiá˘r˘ jaléng˘ i ˘ling˘. ⁸ Jo caquiú˘ Jesús ta˘ quiá˘r˘ i dsea˘ guitúung˘ quiá˘r˘ do e ja˘ nicáín˘ do jíi˘ coo˘ fí˘ lí˘ nidsilíñ˘; jíi˘ coo˘ ˘ma˘u˘ba˘ ˘né˘ só˘r˘, jo ja˘ ˘né˘ fa˘ nicá˘r˘ nosúu˘ quiá˘r˘ o˘gui˘ ir˘ e nidó˘r˘ o˘gui˘ cuu˘ cajo. ⁹ Jo jíi˘ lomí˘ e ó˘bre ˘né˘ cár˘, co˘ ja˘ ˘né˘ fa˘ e nicá˘guir˘ e jié˘ o˘gui˘ sí˘r˘ e co˘ quié˘guir˘. ¹⁰ Jo lalab casí˘r˘ i dsea˘ guitúung˘ quiá˘r˘ do:

—Mí˘ nigüitáang˘na˘ fí˘ quiá˘r˘ dsea˘ lí˘ niguilíng˘na˘, fí˘ job nijá˘na˘ carta˘ nilí˘ lajíi˘ ta˘ güilíng˘na˘. ¹¹ Jo song caguilíng˘na˘ coo˘ quiá˘r˘ dsea˘ lí˘ ja˘ ín˘ ˘nú˘ o˘gui˘ iñ˘ ninúr˘ júu˘ e quié˘na˘, joba˘ uóom˘ba˘ ladsifí˘ lado quiá˘r˘ i dsea˘ í˘, jo bó˘na˘ ˘lee˘ too˘ tí˘na˘ e laco˘ cuó˘ lí˘ e Fidié˘ nicuó˘r˘ dsea˘ do iihuí˘ uí˘ e jo.

¹² Jo lajob cajmée˘ i dsea˘ guitúung˘ quiá˘r˘ do, cangoguia˘bre júu˘ jee˘ jaléng˘ dsea˘ e quiá˘r˘ e niqú˘r˘ nijíng˘ yaaiñ˘ fí˘ quini˘ Fidié˘. ¹³ Jogui ca˘uóom˘bir jaléng˘ i ˘ling˘ i teáang˘ dsí˘ dsea˘ lacaang˘ lí˘ guilíñ˘, jogui cajmi˘leám˘bir i fíng˘ dsea˘ dsée˘ e lico˘ éer˘ capí˘ aceite fí˘ moguiñ˘ do.

Mí˘ cajúng˘ Juan i seáang˘ dsea˘ jmí˘

(Mt. 14:1-12; Lc. 9:7-9)

¹⁴ Jo eám˘ cani˘ júu˘ quiá˘r˘ jalé˘ e eáang˘ ˘gøng˘ e dsigá˘ dsí˘ dsea˘ e jmóo˘ Jesús. Jo mí˘ caliñí˘ dseata˘ Herodes jalé˘ e guiú˘ e jmóo˘ dsea˘ do, joba˘ lalab cajíñ˘:

—Jangám˘ i nab i Juan i lami˘ seáang˘ dsea˘ jmí˘ i nínicají˘tu˘ jee˘ jaléng˘ ˘lí˘, joba˘ eáang˘ tíiñ˘ e jmóor˘ jalé˘ e dsigá˘ dsí˘ dsea˘.

¹⁵ Jo i líng˘gui dsea˘ fé˘r˘ lala:

—Líib˘ i na i café˘ cuaiñ˘ quiá˘r˘ Fidié˘ malí˘gui eáang˘.

Jo i líng˘gui dsea˘ fé˘r˘ lala:

—Jaang˘gui dsea˘ i fé˘ cuaiñ˘ quiá˘r˘ Fidié˘b˘ i na, lí˘ laco˘gui i nicajalíng˘ lami˘ jéeng˘gui.

¹⁶ Dsu˘ mí˘ canúu˘ dseata˘ Herodes e júu˘ la, joba˘ lalab cajíñ˘:

—Juan i lami˘ seáang˘ dsea˘ jmí˘b˘ i na, dsea˘ i nicaquiú˘ta˘ ta˘ e cahuí˘ moguir˘, jo lifa˘ lanagui e nicají˘tur˘ jee˘ jaléng˘ ˘lí˘.

¹⁷ Co˘ lami˘ jéeng˘gui do i dseata˘ Herodes do caquiú˘r˘ ta˘ e catáng˘ i Juan i seáang˘ dsea˘ jmí˘ do jo ca˘ñúng˘neín˘ cóo˘ ní˘ cadena fí˘ dsí˘ ˘nuñí˘ uí˘ jaang˘ dseamí˘ i síi˘ Herodías; jo i dseamí˘ la líiñ˘ dseamí˘ quiá˘r˘ Líi˘, i rúng˘ dsea˘ ngáang˘ cóo˘ dseata˘ Herodes do. Jo dseata˘ Herodes nicajméer˘ lafa˘ dseamí˘ quiá˘r˘ bre i dseamí˘ quiá˘r˘ i Líi˘ do. ¹⁸ Joba˘ lami˘ jéeng˘gui nínicajíng˘ i Juan i seáang˘ dsea˘ jmí˘ do e casí˘r˘ i dseata˘ Herodes do lala:

—Ja˘ dseeng˘ e jmée˘ lafa˘ dseamí˘ qui˘ i oo˘ dseañu˘ rún˘ dsea˘ ngáang˘ cóo˘.

¹⁹ Jo mí˘ canúu˘ i dseamí˘ i síi˘ Herodías do lado, joba˘ ˘nib˘ cangáín˘ i Juan do jóng, jo dseáng˘ iñ˘ nijngám˘breiñ˘ do, dsu˘ huím˘jiu˘ e nilí˘r˘ lajo, ²⁰ co˘ níib˘ dseata˘ Herodes guiú˘ e jaang˘ dsea˘ güeang˘ líng˘ i Juan do jogui dseáng˘ røø˘ ír˘ í˘ quiá˘r˘ jaléng˘ dsea˘ cajo. Jo uí˘ joba˘ ja˘ fí˘ cuó˘ i dseata˘ Herodes do fa˘ ee˘ nijmeáng˘ dsea˘ i Juan i seáang˘ dsea˘ jmí˘ do. Jo nañí˘ fa˘ ja˘ ˘ga˘ lí˘ ngáng˘ dseata˘ Herodes lajíi˘ júu˘ quiáín˘ do, dsu˘ tib˘ dsíir˘ e núur˘ jalé˘ e júu˘ jo e iáang˘ dsíir˘. ²¹ Dsu˘ coob˘ mí˘ tí˘ lí˘ calí˘ i dseamí˘ i síi˘ Herodías do mí˘ tí˘ lí˘ catí˘ coo˘ jmí˘ e quiá˘r˘ cadsí˘ dseata˘ Herodes jíi˘, jo cajméer˘ coo˘ jmí˘ fé˘ jo cató˘r˘ i fíng˘ dsea˘ laniing˘ i seeng˘ fí˘ lí˘ se˘ Galilea colíng˘ cóo˘ jaléng˘ fíi˘ ˘lée˘. ²² Jo lajee˘ e teáaiñ˘ e jmí˘ do, ca˘í˘ i símí˘ quiá˘r˘ i Herodías do fí˘ dsí˘ sinúu˘ e lí˘ teáang˘ jaléng˘ i dseañu˘ do e gø˘r˘ jo cadséeiñ˘, jo dseáng˘ eám˘

catí dsíi i dseata~ Herodes do coling~ cóo~ jaléng~ dseañu i caguaang~ gui do e cadséeng i simí do. Joba' cajíng~ dseata~ Herodes casí'r i simí do lala:

—Mí~ jnea lí^ doñí ee iin~, jo nicuøbaa.

²³ Jo dseáng~ cacuøbre júu^ quiá'r i simí do e nicuøbreiñ do lí^ doñí ee iin~ do nañí fa' condseá~ uø lí quiá'r ta~. ²⁴ Joba' mi~ canúu i simí do lado, jo cagüiñ bre jo cangám~ bre fí lí guing~ niquiá'r jo lalab cajmingí'r dseá do:

—¿E~ nimí~ i i dseata~ do, Nea~?

Joba' cañí i niquiá'r do jo lalab casí'r reiñ:

—Mí~ mogui Juan i seáng dseá jmí do.

²⁵ Jo i simí do dsifí ladob ngó~ tur güi'í fí lí guing~ dseata~ Herodes, jo mi~ caguié~ fí jo lalab casí'r reiñ:

—Lana iin~ n e nicuø~ jnea~ mogui Juan i seáng dseá jmí fí cóo dsí huí.

²⁶ Jo mi~ canúu dseata~ Herodes lado, eám fí' calíñ, jo dsuco' jéem' nicacuøguir júu^ quiá'r fí quini jaléng' i dseá niing~ i cagó' coling~ cóo'r do e nicuøbre i simí do lí^ doñí ee iin~, joba' lajob 'né~ jmér~. ²⁷ Joba' dsifí ladob casíñ jaang 'lé~ fí lí iuung~ i Juan do fí dsí 'nñí, jo caquiá'r ta i 'lé~ do e niquiñ mogui i Juan do. ²⁸ Joba' cangób i 'lé~ do fí dsí 'nñí, jo cangoquiñ bre mogui i Juan do, jo cacór e iá fí cóo dsí huí, jo cajá bre i simí do, jo i simí dogui cajá'r niquiá'r. ²⁹ Jo mi~ caliñ jaléng' i dseá i ngí cóo Juan i seáng dseá jmí do e nicalí lado, joba' dsifí lajob camir fí e nitøbre i 'lí do e quiá' e ni'áng neiñ.

Mí cahéng' Jesús 'ñiá mil dseañu'

(Mt. 14:13-21; Lc. 9:10-17; Jn. 6:1-14)

³⁰ Jo mi~ cangí jalé e jo, caquim~ tu jaléng' i dseá guitúung' do fí lí cangolíñ e cangoguiar~ e júu^ do, jo caseám' tur cóo Jesús jo cajú'r júu^ fí quini dseá do cuaiñ quiá' jalé e nicajméer cóo~ gui jalé e nica'er do. ³¹ Jo có dseáng~ eám seeng' dseá fí jo e jíi~ ja jøøng~ Jesús cóo i dseá quiá'r do e có' dør ir~, joba' lalab casí'r Jesús i dseá quiá'r do:

—Ñilíng~ na, má~ aa' yee~ naa' e nijmi'íng' naa' cateá fí cóo lí ja ii 'ga' lí dseá ngí.

³² Joba' ca'ib Jesús coling~ cóo i dseá guitúung' quiá'r do fí cóo dsí míoó jo cangolíñ fí cóo lí ja 'ga' lí dseá ngí. ³³ Jo dsu' fím dseá cangáng~ ír e cangolíñ, jo calicuím bre dseá do, joba' lajim dseá i seeng' có quiá' do cangolíñ fí jo, jo jéeng' guib i dseá í cagüliñ laco'gui Jesús. ³⁴ Jo mi~ tí lí cagüiñ Jesús e fí dsí e míoó do, jo cangáñ dseáng' i 'leám dseá i caseáng' fí jo, joba' calí fí lím breiñ do dsuco' teáiñ do la teáng~ jo'se' i ja seeng' i to' fíng' íre'. Joba' canaam bre e'r i dseá do jalé júu^ quiá'r. ³⁵ Jo mi~ tí lí ca'lóo e jmí jo cangoquiéeng' i dseá guitúung' do fí lí sing' Jesús jo casí'r dseá do lala:

—Fíi'naa', nica'lóob~ la, jo e fí lí taang~ naa' la ja ii dseá seeng'. ³⁶ I' júu^ jaléng' i dseá na, jo güidsilíñ lacaang' fíjiu e néé có quiá' na e laco' nidsileá'jiur e nidør.

³⁷ Jo lalab cañí Jesús quiá' i dseá quiá'r do:

—Cuø~ 'nú' jaléng' i dseá na e nidør.

Joba' cañí i dseá quiá'r do lala:

—¿ling~ 'nu' e nidsileá'naa' iñí^ cóo~ doscientos cuu~ denario jo nicuø'naa' jaléng' i dseá na e nidør?

³⁸ Jo cañí tu Jesús quiá' i dseá guitúung' quiá'r do jo casí'r reiñ lala:

—¿jó' iñí^ sí'má' 'nú'? Güjøø~ na' jóo~ tí.

Jō mi~ caguijōø^ i dsea` guitúung` do jóo~ iñí^ tíí, jōba' caguo~ júu^ e lajii~ 'ñiáb' iñí^ tíí cóo~ gui jii~ gáng~ 'ñu`.

³⁹ Jō mi~ canúu~ Jesús e jō, caquiur' ta~ i dsea` guitúung` quiár~ do e niguiéiñ~ jaléng` i dsea` do tá~ có nibøø` fí ni~ ñii`. ⁴⁰ Jō lajōb cajméiñ` do, caguábre tá~ cien cóo~ gui tá~ cincuenta. ⁴¹ Jō mi~ nineáng` i dsea` do røø` tá~ có nibøø~, jōba' Jesús catíiñ~ lajì 'ñiá' e iñí^ do cóo~ gui lajì gáng~ i 'ñu` do jō cajōør~ fí yá^ jmigüi, jō lajōba' cacuoør' gui'máang` Fidiée` quiár~ jalé` e jō. Jō mi~ calí jō, cafiim`bre e iñí^ do jō cacuoør' i dsea` guitúung` do quiár~ e laco' ígui nijmé~ guiéé` jee~ jaléng` i dsea` do. Jogui lajōbi i 'ñu` do cajo, cacuoør`bre e laco' nijméiñ~ do guiéé` cajo. ⁴² Jō lajiiim` i dsea` do cagøør` ie~ jō car` calitaiiñ~ guiá~. ⁴³ Jō mi~ calí gøør', lajiiñ` do caseám~ bi guitú`gui 'matá' e røøng` téé~ 'ná^ iñí^ cóo~ gui 'náng^ i 'ñu` do. ⁴⁴ Jō lajee~ lajiiing` i dsea` i cagøø` do ie~ jō, tíi`bre la 'ñiá` mil dseañu`.

*Mi~ cangí Jesús fí ni~ jmii`
(Mt. 14:22-27; Jn. 6:16-21)*

⁴⁵ Jō mi~ cangí lajō, caquiur' Jesús ta~ jaléng` i dsea` guitúung` quiár~ do e nidsitáng` tuiñ` do fí dsíí móo` e quiár~ nicuóñ~ do e guiéé` do jéeng`guijiiar laco' ír` jō niguilíiñ~ fí cóo` fii` lí sií Betsaida lajee` e ii` Jesús júu^ jaléng` i dsea` caguiiang~ gui do. ⁴⁶ Jō mi~ nica`fir~ júu^ jaléng` i dsea` do, cajgóo`bre fí cóo` yá^ móo` 'ñia'r' e quiár~ nidsiféiñ` Fidiée`. ⁴⁷ Jō mi~ tí lí canuu` e jmii` jō, catí` guiá^ jóob` e guiéé` do ningóo` e móo` lí teáng~ i dsea` guitúung` quiár~ do. Jō fí ni~ guóo~ uó~ quiú`bi sing` Jesús 'ñia'r'. ⁴⁸ Jō jōb mi~ cangár~ e jō nidsijeng` fí røø` e móo` do, dsuco' lí lí cøøm` 'lea' guí. Jō mi~ tí lí ningóo` nijneá` cangoquiéem` Jesús fí lí ngóo` e móo` do lí teáng~ i dsea` guitúung` quiár~ do, jō cangiñ` e ngi`bre fí ni~ jmii`. Jō mi~ tí lí catáaiñ~ e móo` do, cajméer` lafa' e cangiiim`bre. ⁴⁹ Jō mi~ tí lí cangá~ i dsea` guitúung` do quiár~ e ngóor` ngir' fí ni~ jmii`, jōba' calí dsiiñ` do e jaang` dsea` guib` do, jōba' calóor` teá, ⁵⁰ co' lajiiim`bre cangáñ~ dsea` do, jōba' eám` cafóñ`. Dsu' ladsifib` cañii` Jesús jō casí'r~ i dsea` guitúung` do lala:

—iTeá` teáng` óo`na!; jneab~ la, ja` føøng`na!

⁵¹ Jōba' ladsifí lajōb cajgóor~ dsíí e móo` do, jō ladsifí ladob ca'uáng~ e íí guí cajo. Jō dseáng~ eám` cangogá` dsíí i dsea` guitúung` do, ⁵² co' ja` mí cangám`biñ` do e` guøng` e lí e quii~ jmii` e cajméé` dsea` do cóo~ e iñí^ do, dsuco' dseáng~ sijniib` moguiñ~ do, jō uíi~ jōba' e ja` ngáñ`.

*Mi~ cajmi`leáng~ Jesús jaléng` dsea` dsée~ fí Genesaret
(Mt. 14:34-36)*

⁵³ Jō cacuoør`bre cóo~ dsea` guitúung` quiár~ calé` catú~ e guiéé` do, jō caguilíiñ~ fí guóo~ uó~ lí se' Genesaret, jō fí jō lí ca`ñú'r` e móo` do fí 'ni' e guiéé` do. ⁵⁴ Jō ladsifí mi~ tí lí cajgáñ~ e móo` do, dsifí calicuíng` jaléng` i dsea` i seeng` do Jesús. ⁵⁵ Jōba' cangí jaléng` i dsea` do fí la`úng~ fí lí se' Genesaret, jō canaaiñ` jéiñ` jaléng` dsea` dsée~ quiár~ i dsiiing~ ni~ 'ma` fí lí ñir` e táang` Jesús. ⁵⁶ Jō doñí` jié` lí dsée` Jesús, si lacaang` fii` pí^ osi lacaang` fii` cóo~ osi lacaang` jenuu` é, jō dsijéeng` dsea` jaléng` dsea` dsée~ quiár~ fí jee~ 'núu', jō mi' dsea` do jmi'ee` Jesús e fa' capíb` sí`bre nigüi~ i dsea` dsée~ do. Jō lajiiing` i dsea` dsée~ i güi' capí^ 'ni' sí^ dsea` do, ladsifí ladob 'láaiñ`.

7

*Jial lí` mi~ jmii`róng` dsea` dsee~ yaaiñ`
(Mt. 15:1-20)*

¹ Jo mi~ cangf jo, coo` tú~ mning~ dsea` Israel i líng` dsea` fariseo cóo~gui tú~ 'ni mning~ tifa' quía~ júu^ quíu' ta~ quía~ dsea` Israel, jo jaléin' do jalíin' fí Jerusalén jo cangoquíein' fí lí~ sing' Jesús. ² Jo mi~ cangá~ jaléng' i dsea` do e i líng~ lajee~ dsea` guitúung` quía~ Jesús gø'r' e ja` mí cajmitir~ e ru'r' guoor` lí^ laco' quí~ títng` dsea` góor` dsea` Israel, jo uíi~ joba' canaang` i dsea` do fé'r' ga` uii~ quía~ i dsea` i ngí cóo~ Jesús do. ³ Co' jaléng' i dsea` fariseo do cóo~gui jaléng' dsea` Israel i caguiaang~gui mí 'noo`bi jmitir~ laco' quí~ títng` 'líi` dsea` áang` quía~r~ e ja` mí dór~ ir` fíng song ja` mí cajmitir~ e ru'r' guoor` dseáng~ laco' síí^'. ⁴ Jogui cajo mi~ niquíin' e dsileáar` jalé' e gø'r' fí 'móo~, ja` cuóøng` dór~ fíng song ja` mí cajmitir~ e ru'r' guoor` laco' quí~ títin'. Jo jmigui`bi jalé' e quí~ títin' e jié'gui e 'né~ nijmitir~ dseáng~ laco' síí^, fa' la e 'né~ ru'r' jalé' vas cóo~gui jalé' dsu~ cóo~gui jalé' e jmáin' ta~ e líí` ní jogui lajobi ní lí` güíin' cajo. ⁵ Jo uíi~ joba' jaléng' dsea` Israel i líng` dsea` fariseo cóo~gui jaléng' i tifa' do cajmingí'r~ Jesús jo casí'r~ dsea` do lala:

—¿Jialí' jaléng' dsea` quíi~ ja` náu'r~ fa' e jmitir~ lajii~ e quí~ títng` 'líi` dsea` áang` quí~naa', dsea` Israel, co' ja` ru'r' guoor` laco' síí^ ná~gui e nidór~ ir~?

⁶ Joba' cañíi` Jesús quía~ i dsea` do lala:

—E jáb~ laco' café' jaang` dsea` i café' cuaiñ~ quía~ Fidié~ malii~gui eáang` i calisá Saíi^ mi~ café'r' uii~ quíi~ 'nú' e líng`na' dsea` i jmícaang~ cóo~ jalé' e fóna', co' lalab cajme' dsea` do ie~ jo:

Jaléng' i dsea` na lico' fé'bre e jmi'gór` jnea~ jii~ cóo~ layaang~ júu^ quía~bre, dsu' huím~ seeng` jalé' e í dsíir` do e jmi'gór` jnea~.

⁷ Dsu' ja` ee` ta~ íng^ quía~r~ jii~ coo` jialco' jmiféin' jnea~, co' lico' jmitir~ lajii~ ta~ quíu' dsea` jmigüíb`.

⁸ Co' 'nú' tiúum`ba' lajii~ júu^ quíu' ta~ quía~ Fidié~ jo lí^ jmití`na' dseáng~ lajii~ e quí~ títng` la'ó' dsea` jmigüí`.

⁹ Jogui casí~biguir i dsea` do lala:

—'Nú', lico' jmití`na' laco' quí~ títng` 'líi` yáu~ quíi~ba' jo dsu' ja` jmi'goo`na' laco' catíng~ júu^ quíu' ta~ quía~ Fidié~. ¹⁰ Co' lalab cajíng~ Moi~ malii~gui eáang`: “Jmí'goo` tiquíi^ cóo~ niquíi^”, jogui cajíng~guir: “I dsea` i cuø` júu^ 'lí^ tiquíi^` osi niquíi^` é, joba' ñ Fidié~ í' e 'né~ nijúung~ i dsea` la'í.” ¹¹ Jo dsu' 'nú' fóna' e jaang` dsea` cuóøm` nisí'r` tiquíi^` osi niquíi^` é: “Ja` cuóøng` lí` jmicóo~`o` 'nú' lana, co' lajaléb` e sea` quíe~ e e líí` Corbán” (jo e la guóng` e nicacuøø` Fidié~); ¹² jogui fón`bi 'nú' cajo e i dsea` i fé' lajo jo 'né~ fa' e nijmicóo~`guir tiquíi^` osi niquíi^` é. ¹³ Jo mi~ jmoo` 'nú' e jo e jmití`na' jalé' e júu^ e caséé` dsea` mí áang` quíi~na', joba' íim`ba' lajii~ e júu^ quíu' ta~ quía~ Fidié~. Jo jmigui`bi jalé' e jié' e ja` dseeng` e cøøng`jiu`røø` laco' e la e jmoo`gui 'nú'.

¹⁴ Jo mi~ cangf gui lajo, cató~tu Jesús lajiiing` i dsea` do jo casí'r~ lala:

—Náu~na' júu^ quíe~ e lajiiing`na', jo jmee~na' úung` e ningáng`na': ¹⁵ Jii~ coo` e í' gø' dsea` cuóøng` lí` jmé~ e nili`líiñ^ fí quini` Fidié~. Co' lí^ lí' lajii~ e ga` e í dsíib` dsea`, e job e jmóo` e lí`líiñ^ fí quini` Fidié~ jóng. ¹⁶ Joba' fíi` i 'nú', jaléng' 'nú' i dsí~ loguá^, náu~na' jalé' e júu^ quíe~ e la.

¹⁷ Jo mi~ cangf jo, ca'íi~ Jesús júu^ jaléng' i dsea` do, jo ca'ír~ fí dsíi` sináu^ cóo~ lajii~ dsea` guitúung` quía~r~, jo fí jo i dsea` quía~r~ do cajmingí~reiñ' cuaiñ~ quía~ e júu^ na. ¹⁸ Jo lalab cañíi` dsea` do quía~ i dsea` quía~r~ do:

—¿Su o'gui 'nú' mí ngám`bi lajii~ e júu^ la cajo? ¿Su ja` mí ní`na' e jii~ coo` e jáa' fí caluu~ cuóøng` sea` lí` jmé~ e nisó' dsea` fí ga` jo e nijmí`líng^ yaaiñ~ fí quini` Fidié~? ¹⁹ Dsaco' jalé' e jo ja` dsitóo~ fí dsíi` dsea`, co' lajii~ fí dsíi` tub' dsea` lí~ ngíng` e jo, jo mi~ níngf jo, joguiba' e uøø` fí caluu~.

Jø cajiñ' lajō e laco' jmóor' júu^ e guiáb' lajaléb' e gø' dsea, jø ja e si'li^ fi' quini' Fidiée'. ²⁰ Jøgui cajím' biguir cajo lala:

—Jalé' e í dsí' dsea, jalé' e jōba' uíng' e jmi'ling' yaaiñ' fi' quini' Fidiée' dsaco' fi' gab' cār'. ²¹ Dsaco' fi' dsí' dsea' li' uíng' e í dsír' jalé' e ga' fa' jalé' e la: e 'lée' dsea' e güññ' cóo' dseañu' osi dseam' i o' catññ', jøgui jmóor' ta' jngang' dsea' rúng', jøgui jmóor' h' quía' jaléng' dsea' rúñ' cajo, ²² jøgui suuiñ' jalé' e sea' quía' dsea' rúñ', jøgui jmóor' jalé' e 'li' e ja' dseeng', jøgui jmóor' ta' jmigoo', jøgui jmóor' jalé' ta' ja' dseeng' e sea' fi' jmigüi, jøgui eáang' dsihuññ' quía' dsea' rúñ', jøgui eáang' tí dsír' fé'r' jalé' júu^ ta' júu^, jøgui eáang' jmi'ljong' yaaiñ', jøgui ja' mí' ca'í' dsír' røø' cóo' jalé' e jmóor'. ²³ Jø jalé' e ja' dseeng' laba' e uøø' fi' dsí' dsea, jø e jōba' e jmóo' e cār' fi' ga' e laco' jmi'ling' yaaiñ' fi' quini' Fidiée'. Jø e jōb' júu^ quíe' e.

*Mi' já' calíng' jaang' dseam' i ja' lāng' dsea' Israel júu^ quía' Jesús
(Mt. 15:21-28)*

²⁴ Jø mi' cang' jø, jø cagüi'ñ' Jesús fi' jø, jø cangór' fi' li' se' Tiro cóo' li' se' Sidón. Jø mi' cagüer' fi' jø, ca'ír' fi' cóo' dsí' sinúu' co' ja' iñ' e caliñ' jüi' jaang' dsea' jie' fi' táaiñ'; dsu' ja' calír' fa' ca'méeiñ', ²⁵ co' ladsifí' ladob caliñ' niquía' jaang' simí' i ni'iuung' i 'ling' dsí' jie' fi' li' táang' Jesús. Jōba' ladsifí' ladob cangór' fi' quini' dsea' do jø casír' uø' jnr' fi' uii' tññ' do. ²⁶ Jø i niquía' i simí' do seeiñ' fi' li' huí', fi' cóo' fi' jé' laco' góo' Jesús, fi' cóo' li' sii' Sirofenicia. Jø mi' cangoquíeeiñ' fi' li' sing' Jesús, jø camír' dsea' do fa' niguíñ' i 'ling' i iuung' dsí' i simí' quía'r' do. ²⁷ Jø cañi' Jesús quía' i dseam' do lala:

—Cuø' fi' e cuøøng' jaléng' jōo'bi dsea' nidø' la'uii', dsaco' ja' dseeng' e niguí' dsea' e iñi' e gø' jiuung' quía'r' jø nicuø'r' jaléng' dsii'.

²⁸ Jōba' cañi' i dseam' do quía' Jesús lala:

—Jáb', Fí'i, lajōb' lí', dsu' e jáb' cajo e jaléng' dsii' i teáang' uii' mes' sitám'bre' jalé' cuí' iñi' e sojiú' quía' jōo' dsea'.

²⁹ Jōba' cañi' tu Jesús quía' i dseam' do:

—Jáb' quí', dseam', nicuøøm' guøn' fi' quí' lana, co' lana nicagüi'ñ' i 'ling' i lamí' iuung' dsí' i simí' quí' do.

³⁰ Jø cangám' i dseam' do fi' quía'r', jø mi' cagüeiñ' fi' jø, cadséiñ' i simí' quía'r' do fi' ni' co'ma' e niguíum' biñ' do, co' nicagüi'ñ' i 'ling' i lamí' iuung' fi' dsír' do.

Mi' cajmi'leáang' Jesús jaang' dsea' güñng' jøgui i ja' lí' fé'

³¹ Jø mi' cang' gui lajō, cagüi'ñ' Jesús e fi' guóo' uø' li' se' Tiro, jø cangüññ' fi' li' se' Sidón cóo' gui jalé' fi' e néé' fi' li' se' Decápolis, jø cagüé' tur e fi' li' néé' e guiéé' Galilea do. ³² Jø fi' jōb' cagüilíng' dsea' i jéeng' jaang' dseañu' i güñng' jøgui i ja' lí' fé'. Jø camí' jaléng' i dsea' do e fa' Jesús niquidsir' guóor' fi' mogüi' i dsea' dsée' do. ³³ Jōba' cajéeng' Jesús i dseañu' do fi' lí' lacaang' li' siñ' fi' li' ja' teáang' dsea' jéng', jø catá'r' niguóor' fi' dsí' tó' logua' i dseañu' do, jøgui ca'ñi' capí' jø cóo' capí' jme'e'r' cagüi'r' nisí' i dseañu' do. ³⁴ Jø mi' cang' jø, caséer' nir' fi' yá' jmi'güi' jø caseáang' dsír' casír' i dseañu' do:

—¡Efata! —e guøng': ¡Güineab' loguá'!

³⁵ Jø dsifí' mi' café'r' lajō, ladsifí' lanab cana' logua' i dseañu' do jøgui canaang' fé'bir' guiá' cajo. ³⁶ Jø caqui' Jesús ta' jaléng' i dsea' do e ja' iñ' nisíñ' jüi' jaang'. Dsu' fa' jmi'gui'gui' ya' e quí' Jesús ta' e ja' niguíá' jaléng' i dsea' do júu^, eáang' gui'b' guiá' i dsea' do. ³⁷ Jø eám' dsigá' dsí' jaléng' i dsea' i cangá' jalé' e jø, jø lalab' fé'r':

—Lajaléb' e jmóo' i dsea' na eám' guiá', co' lí'bre' jmér' e ninú' tu jaléng' dsea' güñng' jøgui jmér' cajo e nifé' tu jaléng' dsea' i ja' lí' fé'.

8

Mi~ cahéng' Jesús quiá' mil dsea`
(Mt. 15:32-39)

¹ Jo mi~ cangf̂ jo, jo cōo` jmi~ caseáng'tu dsea` calé` catú` fí' lí' táang` Jesús, jo cō' ja` sea` e nidó'` guiñ' do, joba' cató'` Jesús i dsea` guitúung` quiá'r` do jo casí'` reiñ' lala:

²—Eáam' fñi~ lín`n jaléng' i dsea` na, cō' lana catf̂ 'n' jmi~ e taaiñ` la cōo'` jneaa`aa' jo jíi'` cōo` ja` e sea` dó'r`-; ³ jogui song jnea` niguiéen'`nre fí' quiá'r` e nidsihér` ir~, dseáam'` ni'uó'r` guiá'` fí', cō' seem'biñ' na e jalíiñ` lí' huíi`.

⁴ Jo cañi' i dsea` guitúung` quiá'r` do lala:

—¿Jial' í' óo'` 'nñ', Fii'naa', e cuóong` nihéng'`naa' i dsea` na? cō' fí' la ja` seeng` dsea` i 'nñ' e gø'` dsea`.

⁵ Jo cajmingí'` Jesús i dsea` guitúung` quiá'r` do lala:

—¿Jó'` iñi'` s'i'mang'` 'ná'?

Jo cañi' i dsea` quiá'r` do:

—E guié`ba' sea`.

⁶ Joba' caquiá'` Jesús ta~ e nigüea` jaléng' i dsea` do tá'` có' nibøø` fí' ni~ uó', jogui mifñing` casá'`bre laji` guié` e iñi'` do jo cajóor` fí' yá'` e cuó'r` gui'máang'` Fidiéé`. Jo ngf̂ jo, cañiñ` e iñi'` do jo mifñing` cacuó'r` i dsea` guitúung` quiá'r` do, jo íguib` cajmée` guiéé` e do jee~ jaléng' i dsea` do, ⁷ jogui nisi'mam'`bir jaang` gáng` 'ññ` cajo. Joba' lajob` cajmée` Jesús cóoiñ'` do cajo, jang'` cacuó'r` gui'máang'` Fidiéé`, joguiba' caquiá'r` ta~ dsea` quiá'r` e nijméiñ'` do guiéé` jee~ jaléng'` dsea`. ⁸ Joba' lajim`bre cagó'r` ie~ jo car` calitaiñ` guiá', jo casé`bi guié`gui`matá` e téé'` jalé'` 'ná'` e casé`gui`do. ⁹ Jo jaléng' i dsea` i cagó'` ie~ jo tíi'bre jia~ ja` quiá'` mil. Jo mi~ cangf̂ e cagó'iñ'` do, ca'ñib` Jesús júu` e dsilíiñ'` do. ¹⁰ Jo ngf̂ jo, cajgóob` Jesús calé` catú` fí' ni~ móo'` colíing` cōo'` jaléng'` dsea` guitúung` quiá'r` jo cangolíiñ` fí' lí' se'` Dalmanuta.

Mi~ camí' dsea` fariseo cōo` e lí' e quíi'` jmi~
(Mt. 16:1-4; Lc. 12:54-56)

¹¹ Jo lajee` e nitáang` Jesús fí' ni~ guóo'` uó` jo, job mi~ caguilíng` dsea` góor` i líing` dsea` fariseo e canaañ` dsihuñing` júu` quiá'r` cōo'` dsea` do. Jo laco'` niguié'r` jial ni'náñ` dsea` do fí' quini` dseata~, joba' camí'r` dsea` do e fa' nijméiñ'` do cōo` e lí' e quíi'` jmi~, jo lajoba' nicuó` lí' e Fidiéé` dsea` casí'` quiá'r`. ¹² Joba' caseáang` dsíi'` Jesús e lajang'`, jo ngf̂ jo cajíiñ'`:

—¿Jiali'` má'`na' jnea~ e nijmee`e cōo` lí' e quíi'`i jmi~, cō' jnea~ dseáng'` fá'baa condsée' e jíi'` cōo'`gui lajo nijmee`e fí' quini'`na'?

¹³ Jo dob caseáañ' i dsea` do jo calí`-túr fí' dsíi'` móo'` jo cangóor` lí' lí' 'ngóo'` cataang` e guiéé` do.

Jial lñng' dsea` fariseo
(Mt. 16:5-12)

¹⁴ Jo ie~ jo nica'ím` dsíi'` dsea` quiá'r` fa' e nicár` e nidó'r`, jo la nitíing'` cōo'` iñi'`ba' niquie`guir fí' dsíi'` e móo'` do. ¹⁵ Jo cajíng'` Jesús casí'r` i dsea` guitúung` quiá'r` do:

—Ñiing` óo'`na' cōo'` jalé'` e e' dsea` Israel i líing` dsea` fariseo cōo'`gui jalé'` e e' dseata~ Herodes, cō' jalé'` e e' jaléng' i dsea` í líi' lafa' quie'` iñi'`.

¹⁶ Jo i dsea` guitúung` do lí'` cajér` sñiñ` lajee` la'ó'` yaam`bre cuaiñ` quiá'` e ja` quier` iñi'`, ¹⁷ dsu' calilíb'` Jesús lajii'` e sñing` i dsea` do, joba' casí'` reiñ'` do lala:

—¿Jiali'` fó'` 'ná'` e ja` iñi'` quié'`na'? ¿Su ja` mí cangám'`bi' o'gui mí calilí'`bi'? ¿Su dseáng'` eáam'` sijni'` moguí'`na'? ¹⁸ Cō' téeb'` jminí'` 'ná'`, dsu' ja` jné'`na';

jogui dsi~bi loguá^na! cajo, dsu! ja`nuu^na!. ¿Su ja`tóo~ óo^na? 19 ¿Jóo~ 'matá^ e røøng` téé~ 'ná^ e caseáng~ gui jø casitíng` 'nú^ ie~ mi~ cafiing~ jnea~ 'ñiá^ iñi^ e cagó^ 'ñiá^ mil dseañu^'?

Jø cañií` i dsea` guitúung` do:

—Tíib` guitu` do.

20 —Jogui mi~ cafiing~ jnea~ e guié~ iñi^ do e cagó^ laji` quiú` mil dsea`, ¿jóo~ gui 'matá^ e røøng` téé~ 'ná^ casití~na'?

Jø cañií` tu` i dsea` do:

—Tíib` guié~.

21 Jøba' casí~` tureiñ` lala:

—¿Su ja` mi` ngám^'bi^ latí` lana jóng?

Mi~ cajmi^leáng~ Jesús jaang` dsea` tiuung~ fi` Betsaida

22 Jø mi~ cangí`gui lajò, caguilíng~ Jesús cóo~` dsea` quiá~r~ fi` Betsaida. Jø lajee` e nitaaiñ~ fi` jø, caguilíng~ dsea` jéiñ` jaang` dsea` tiuung~ fi` quini~ Jesús, jø mi~r` dsea` do fa' e nigüiñ~` capí^` i dsea` tiuung~ do. 23 Jøba' catíng~ Jesús guoo` i dsea` tiuung~ do jø cangojéiñ` fi` lí~` 'ni^` fi~. Jø cajmijmí~r^` jmini~ dsea` do cóo~` jme^e^r`, jø ngí` jø caquidsir` guoor` fi` moguiñ~`; jø mi~ calí~ jø, cajmingí~`-reiñ` su nilí` jøør~` capí^`. 24 Jøba' cajíng~` i dsea` tiuung~ do e nicuøøm`jiu lí` jøør~` jø cajíñ~`:

—Nimáam`baa jaléng` dsea`. Jøø~ø e jnéeng~ lafa` 'ma` e ngí`.

25 Jøba' caléb^` catú~` caquidsí` Jesús guoor` fi` ni~` jmini~` i dsea` do, jø ladsifí` lanab calijné^` i dsea` do jø ca`láam~`bre, jø dseáng~` røøb` nijøør~` jóng. 26 Jø caquiú^` Jesús ta~` e cangám~`-biñ` do fi` quiá~r~` jø casí~`-reiñ` do lala:

—Ja` güiguiá^` júu^, melé^, cóo~` jalé^` e cajmé~` e cóo~` 'nu^`.

Mi~ cajíng~` Tú^ e Jesús líiñ` Dsea` Jmáang~`

(Mt. 16:13-20; Lc. 9:18-21)

27 Jø mi~ cangí`gui lajò, Jesús colíng~` cóo~` jaléng` dsea` guitúung` quiá~r~` cangolíñ` lacaang` jalé^` fi~`jiu e née` lí` se^` Cesarea quiá~r~` Filipo. Jø lajee` ngolíñ~` e teáaiñ~` fi`, cajmingí~` Jesús i dsea` guitúung` quiá~r~` do lala:

—¿I~` í` dsíi` dsea` e líng` jnea~`?

28 Jøba' cañií` i dsea` guitúung` do lala:

—I` líng~` dsea` fé^r` e lin^` Juan i lami~` seáang` dsea` jmí~, jogui i líng~`gui fé^` e lin^` Lii^, jogui i líng~`gui fé^` e lin^` jaang`gui dsea` i café^` cuaiñ~` quiá~r~` Fidiéé` malií~`gui.

29 —Jogui 'nú^', ¿i~` fó^na^ e líng` jnea~`?

Jø cañií` Tú^ Simón quiá~r~` Jesús lala:

—'Nu^` dsea` i líng` Dsea` Jmáang~` i casíng` Fidiéé` cuaiñ~` quiá~r~` e laco^` nilaan~` dsea` jmigüí^`.

30 Jø caquiú^` Jesús ta~` i dsea` quiá~r~` do e ja` nifé^` dsea` do júu^ uii~` quiá~r~` fa` nisí~r` dsea` jíéng^`.

Mi~ cajméé` Jesús júu^ e tí` nijngáng~` dsea` ír`

(Mt. 16:21-28; Lc. 9:22-27)

31 Jø cóob` mi~ canaang` Jesús e^r` jaléng` dsea` guitúung` quiá~r~` e dseáng~` nisi^líim^bre e ni^iñ` iihuí^ dseáng~` e eáang`, íb` dsea` i cajár~` fi` ñiff~` e líiñ` jaang` dsea` jmigüí^, jogui e jaléng` yúu~` dsea` cóøng~` i teáang~` nifí` quiá~r~` dsea` góor` dsea` Israel cóo~`gui jaléng^` fi~` jmidsea` quiá~r~` cóo~`gui jaléng^` tifa^` quiá~r~` júu^ quiú^` ta~` quiá~r~` nilí` 'ní^` níim~`bre dsea` do. Jogui casí~`-guir` i dsea` quiá~r~` do e nijngám~` dsea` ír~; jø dsu^` mi~ nití~` 'ni^` jmí~` lajò, nijí~b^`tur calé^` catú~`.

32 Jø dseáng~` júu^ røøb` cajmea^r` i dsea` guitúung` quiá~r~` do. Jø mi~ canúu~` Tú^ Simón lajò, cajéiñ` Jesús fi` cóo~` lí~` ja` ii^` núu^, jø canaaiñ` jíim~`bre dsea`

do. ³³ Dsu' caji'tu Jesús nir' fí lí' caseáaiñ' dsea' quiá'r- i caguaiang- gui do jo cajóøng- neiñ', jogui cajiñ- Tú' Simón jo casí'r- lala:

—jJéeng' cáan'n, Satanás! Ja' jnñ'n- jnea' fí, co' 'nñ' ja' ngáng' laco' jji' e í dsí' Fidié', co' laji' e lí' quiá'- dsea' jmigüi'ba' ní' 'nñ'.

³⁴ Jo mi' cangí jo, cató'- Jesús dsea' guitúung' quiá'r- cóo'- gui jaléng' dsea' caguaiang- gui jo casí'- reiñ' do lala:

—Song i' dsea' iing' ni'uíng- dsea' quié'-e, güitúr' jalé' e lí' dsír' 'ñia'r' jo güiseaiñ' lafa' crúu' quiá'r- e laco' cuø' lí' e guia' dsír' e nidsingüiñ- jalé' e huíng' uí' e líiñ' dsea' quié'-e, jo lajoguiba' ningír- cóo'- jnea' jóng. ³⁵ Co' lí' doñí' i' dsea' i' í dsí' e lí' bre nileáng- 'ñia'r' jee' jalé' dsee- quiá'r-, jo dsu' i' dsea' í conguiab' nibiñ' fí lí' 'lí'; jogui doñí' i' dsea' nijúuiñ- uí' e líiñ' dsea' quié'-e jogui uí' e ni'r' júu' quiá'- jial laang' dsea' jee' jalé' dsee- quiá'r-, joba' i' dsea' í nitím'-bre fí quini' Fidié' jóng. ³⁶ Co' ¿e' ta' íng' quiá'- jaléng' dsea' jmigüi' e seeiñ' e silí'r' jmigui' fí jmigüi' la song si'naam' bre lata' cóo'- jnea' mi' nijúuiñ'-? ³⁷ Osi' ¿jial tí' cuøøng' sea' lí' qui' jaang' dsea' e laco' nilí'r' nitíiñ' fí quini' Fidié' é? ³⁸ Co' song jaang' dsea' jmóor' i' líiñ- uí' quié'-e jogui uí' quiá'- jalé' júu' quié'-e e guiaa' fí quini' jaléng' dsea' dsee- dsea' qui' i' ja' já' líng' e júu' jo, joba' lajob jnea' cajo, dsea' lín'n jaang' dsea' jmigüi' i' jáa' fí ñifí', nijmee'baa' i' lín'n quiá'- i' dsea' í mi' tí' lí' nití' í' e nigáa'túu calé' catú- fí jmigüi' la e gáa'a jee' e niing- j' niguo' quiá'- Fidié' colíng' cóo'- jaléng' ángeles quiá'r-.

9

¹ Jogui casí'-bigui Jesús cajo jaléng' i' dsea' quiá'r- do:

—E laba' jmitaa' óóna' e i' líng' 'nú' la'ó' teáng-na' la jmí' na ja' mí' nijúung-na' cartí' mi' cangí cangíng-na' jial nicá' Fidié' ní' quiá'- dsea' la'eáang' cóo'- e laniing- 'göiñ' do.

*Mí' calisíng- jial jnéeng- Jesús
(Mt. 17:1-13; Lc. 9:28-36)*

² Jo mi' cangí gui jñúu- jmí' lajo, cangó- Jesús fí cóo' yá' mó' e ñí' j, jo laji' Tú' Simómbing' jéeiñ' cóo'- gui Tiáa' jogui Juan. Jo lajee' e niteáiñ' e fí yá' mó' do, canaang' calisíng- jial jnéeng- Jesús. ³ Jo calisíng- jial lí' sí'r' jo dseáng'- cajnéng- e j' jogui e tee' eáang' e jji' jaang' dsea' ja' lí'r' sér- tee' lado mi' ru'r'. ⁴ Jogui cangáiñ- Lí' cóo'- gui Moi' e teáiñ- síiñ' cóo'- Jesús. ⁵ Jogui lalab cajíng'- Tú' Simón casí'r- Jesús:

—Tifa', jeám' íaang' dsii' e taang' naa' colíng' fí la! Jo majmóo'-naa' 'ní' 'nú' jiu lí' nitaang-na': cóo' quií', cóo' gui quiá'- Moi' jogui cóo' gui quiá'- Lí'.

⁶ Jo cajíng'- Tú' Simón lajo co' ja' ñí' guir e' nijíñ', co' dseáng'- eám' cafóñ' laji' gaaiñ' do, Tú' Simón jogui Tiáa' cóo'- Juan. ⁷ Jo lajee' job mi' cajgó- cabøø jní' fí yá' jmigüi', jo jee' job caquíñ' lajaléiñ' do. Jo fí jee' e jní' do guicaná' e guicafé' dsea' lala:

—I lab jóo' o' i' neáan'n eáang', jo núu-na' laji' júu' quiá'r-.

⁸ Jo mi' tí' lí' cajóø' i' dsea' gaang' do lacúng' lajíng' e lí' teáiñ'- do, jji' jaang' i' dsea' gáng' do jo i' cangáng- guir cáang' Jesús, jo jji' 'ñiab' dsea' do cajé' guir.

⁹ Jo lajee' cajgáiñ- e fí yá' mó' do, caqui' Jesús ta' quiá'- i' dsea' gaang' do quiá'r- e ja' niguiáiñ'- do júu' laji' e nicangár- do, co' cartí' mi' ningí' e nijí'tu i' dsea' i' jáa' fí ñifí' i' líng' dsea' jmigüi', joba' nicuøøng' e nijméeiñ'- do júu' quiá'- jalé' e jo. ¹⁰ Joba' lajob cajmée' i' dsea' gaang' do, ja' caguiar' e júu' jo nañí' fa' jmíng'-bre rúíñ' lajee' la'ó' yaaiñ' e' guøng' e jíng'- dsea' do e nijí'tur calé' catú-. ¹¹ Jo lalab cajmíng'- i' dsea' gaang' do Jesús:

—¿Jialí' fé' jaléng' tifa' quiá'- júu^ quiu' ta~ quí'-ii', dsea` Israel, e Líi^bing' né- nijáa'tur nifí' fí' jmigüü' la?

¹² Joba' cañí' Jesús quiá'- i dsea` quiá'-r- do, jò lalab casí'- reiñ' do:

—E jáb'- e nifí' nijáa'tu Líi^, jò íb` dsea` i niguiá- guiú- lajalé'. Jò ¿jialí' fé' fí' ni~ jì' quiá'- Fidiéé' e jnea~, dsea` lín'n jaang` dsea` jmigüü' i jáa' fí' ñiffí-, guím'ba' 'né- e nicaa- iihuú' e eáang' cartí' nijngáng'- dsea` jnea~? ¹³ Dsu' jnea~ fá'a e fíi- i 'nú' e nicajáb- Líi^, jò cajméeb` dsea` la tí' e já- dsír' cóo~ dsea` do lí^ laco'gui la fé' fí' ni~ jì' quiá'- Fidiéé' e nisi'í^ e nidsing'ing- dsea` do.

Mi~ cajmi'leáang- Jesús jaang` siming' i iuung- i 'ling'^ dsí'
(Mt. 17:14-21; Lc. 9:37-43)

¹⁴ Jò mi~ cangí' jò, caquing'- Jesús cóo~ Tú^ Simón jogui Tiáa~ cóo~ gui Juan fí' lí- táang` jaléng' dsea` guitúung` quiá'-r- i caguaang- gui do, jò cadseíñ' dsea` do jee~ cabøø~ jaléng' dsea` jiéng', jogui i lúng~ tifa' quiá'- júu^ quiu' ta~ quiá'- dsea` Israel teáaiñ- sáiiñ' cóo~ jaléng' i dsea` do. ¹⁵ Jò mi~ tí' lí- cangáng- jaléng' i dsea` do Jesús, ladsifí' ladob cangojmijíñ' dsea` do e féng' neiñ' jogui dseáng'- eáam' dsigá' dsír' cajo. ¹⁶ Joba' lalab cajmingí'- Jesús i dsea` quiá'-r- do:

—¿E~ teáang- 'nú' jmoo'na' cuee' júu^ cóo~ jaléng' i dsea` do?

¹⁷ Joba' cañí' jaang` lajee~ i dsea` fíng' do lala:

—Tifa', lab niseen- jaang` jóo'o, jò i 'lím'^ iuung- dsír', jò nicajméeiñ' do e ja' lí' fé' jóo'o, ¹⁸ jò doñí' jié' sim' jóo'o, jmóo' i 'lúng'^ i iuung- dsír' do e quiñí' fí' ni~ uó'; jogui uøø' ja' fí' mo'oor-, jogui tar' majar~, jò dseáng'- i' teá' guotíir-. Joba' nicamíi~ i dsea` quií'- na fa' e niguiñ- i 'lúng'^ na, dsu' ja' mí' cali'r'.

¹⁹ Joba' cañí' Jesús quiáíñ'- do lala:

—¿Dseáng'- ja' já'- lím' 'nú' júu^ quié-e! ¿Lí~ jmí~ e nilínáa~'na' dseáng'- lajang'- júu^ quié-e? Jogui ¿lí~ tí' jmí~ nijmee~ e té'e cóo~ 'nú'? Ñijéeng'na' fí' la i siming' na.

²⁰ Joba' cangojéeng' i dsea` do i siming' i dsée~ do fí' quini~ Jesús. Dsu' mi~ tí' lí- cangáng- i 'lúng'^ i iuung- dsí' i siming' do Jesús, dsifí' ladob cajméeiñ' do e cadseá-tu joñíng' i siming' do, jò caquím'- biñ' do fí' ni~ uó' e beár', jogui e uøø' ja' fí' mo'oor-. ²¹ Joba' cajmingí'- Jesús tiquiá'^ i siming' do:

—¿Lí~ lajii~ lúng' i siming' quií'- e la?

Joba' cañí' i tiquiáíñ'^ do quiá'- Jesús:

—Latí' jíi~ mi~ jiuum~biñ' líiñ' lana; ²² jò jmiguiab' ya' nicajméeiñ' e nicabíng- neiñ' fí' ni~ jì' jogui fí' dsí' jmí' e laco' nilí'r' nijngáng'- neiñ'. Joba' míi~naa' 'nú' jmí'ee' fa' 'nú' bi nilí' nijmi'leáan'^re, fíi- güilín' jnea^ jò jmicóo~ jnea^.

²³ Joba' cañí' Jesús quiá'- i dsea` do lala:

—¿E lí~ song lí'baa fó' 'nú'? ¿Co' lajib` cuøøng` sea' lí' jmee~ jnea~ quiá'- i dsea` i já'- lúng' júu^ quié-e!

²⁴ Joba' cañí' tiquiá'^ i siming' i dsée~ do e teá':

—¿Jáb'- lúng' jnea~ júu^ quií'-, Fíi'naa', jogui jmicóo~ jnea~ e laco' já'- gui nilín' e jò!

²⁵ Jò mi~ cangá- Jesús e eáam' ngóo' seáng' dsea` fí' jò, joba' cajíiñ- i 'lúng'^ i iuung- dsí' i siming' do jò casí'-r- lala:

—Dsea' 'lúng'^ i jmóo' e ja' lí' fé' jogui ja' lí' ná- i siming' na, jnea~ quiú' 'u' 'nú' ta~ e nijúu' lí- iuun'- dsí' i siming' na, jogui e jò' quí'- jmí~ fa' e ni'ú'tu' calé' catú-.

²⁶ Jò dsifí' lajob ca'óo' teá' i 'lúng'^ do, jò cajméeiñ' do e cadseáb-tu joñíng' i siming' do. Jò mi~ cangí' joguiba' cagüi'íiñ' do fí' lí- iuuiñ-, dsu' i 'lúng'^ do caseáaiñ' i siming' do dseáng'- lafa' 'lím~biñ' e lí^ laco' lajüng` dsea` do

nifé'r e cajúm biñ do. ²⁷ Dsu' Jesús ladsifí ladob catúñ guoò i siming do, jo caseang'neiñ; jo caráam i siming do jo casím bre.

²⁸ Jo mi cangí jo, ca'í Jesús fí dsí sinúú^ cóo~ dsea guitúung quiá'r, jo fí jo i dsea quiá'r do cajmingí'r dsea do lajee' la'ó' yaaiñ:

—¿Jialí' jnea' ja calí' naa' fa' caguíng naa' i 'ling' i iuung dsí' i siming do?

²⁹ Joba' cañí' Jesús quiáñ do jo cajíñ:

—I 'ling' i lado líb ni'uóñ' dsu' la'eáang cóo~ e féng' dsea Fidié' jogui jmóor ayuno.

Mi cajmé tu Jesús júu^ e nijnga' dsea quiá'r

(Mt. 17:22-23; Lc. 9:43-45)

³⁰ Jo mi ca'uóñ' e fí jo, cangúim tur fí lí se' Galilea. Jo dsu' Jesús dseáng' ja iim bre fa' e caliñ' jii' jaang dsea jie' fí lí táaiñ, ³¹ co' iñ e e'r lajii' i dsea guitúung quiá' bre. Jo lajee' táaiñ fí jo, lalab s'í'r jaléng' i dsea quiá'r do:

—E laba' fí i 'nú' e jnea i cagüéng fí jmigüú la i jáa fí ñifí e lán'n jaang dsea jmigüú, jo 'né ba' e nijám dsea jnea fí quini dsea i 'ní' ní quié e cartí nijngáñ' jnea; jo dsu' mi ningí 'ní jmii lajo, nijíb' túu calé' catú'.

³² Dsu' ja cangáng' i dsea guitúung do e uing e cajíng' Jesús lado, jogui gó'bir cajo fa' e nijmingí'r dsea do.

¿I i laniing gui fí quini Fidié'?

(Mt. 18:1-5; Lc. 9:46-48)

³³ Jo mi cangí jo, jo mi tí lí caguíling tur fí Capernaum, jo cangúñ' fí dsí sinúú^ . Jo mi niteáañ' fí jo, lalab cajmingí' Jesús i dsea guitúung quiá'r do:

—¿E e ñilíng 'nú' jüng na' lacuee guiá' fí?

³⁴ Jo mi canúu i dsea guitúung quiá'r do lado, lí^ cajer tiib, dsuco' lajee' teáañ' do fí e jalíñ sáñ' e i i laniing gui lajee' la'ó' yaaiñ. ³⁵ Joba' caguáb' Jesús jo cató'r i dsea guitúung do quiá'r jo casí' reiñ do lala:

—Song ii dsea iñ e líñ dsea laniing gui, joba' güí' dsír e íb i dsea i catí lí dséng gui, jogui íb dsea cajo i nijmé jalé' ta quiu' jaléng' dsea jiéng' e 'né jmér.

³⁶ Jo mi cangí jo, casíng' Jesús jaang jiuung pí' fí guiá' jóo lí teáañ' do, jo casíñ i jiuung do jo catañ' cuéer, jo casí'r i dsea quiá'r do lala:

³⁷ —I dsea i íng' i jiuung la la'eáang cóo~ jnea, lajob cajo íñ jnea; jogui i dsea i íng' jnea, güilíñ bre guiá' e o' jii' jnea íñ, co' lajob cajo íñ Tiquié e dsea guing ñifí, dsea casíñ jnea fí jmigüú la.

I dsea i ja 'ní' níng jneaa' aa' sitáam bre cóo~ jneaa' aa'

(Lc. 9:49-50; Mt. 10:42)

³⁸ Jo mi cangí jo, e lab cajíng' Juan casí'r Jesús:

—Tifa', jnea' nicanem baa' jaang dseañ' i jmóo ta uóong jaléng' i 'ling' la'eáang cóo~ 'nú, jo co' ja ngí'guir colíng cóo~ jneaa' aa', joba' nicañím' baa' quiá'r e nijmér lajo.

³⁹ Joba' lalab cañí' Jesús quiá' i dsea quiá'r do:

—Ja jñng na' quiá' i dsea do, co' ja seeng jii' jaang dsea i nijmé coo e lí e dsigá dsí' dsea la'eáang cóo~ jnea, jo mi nilicóong gui lajo nifé'r ga uii quié e. ⁴⁰ Co' i dsea i ja fé' ga uii qui' ii, joba' cóo~ jneaa' aa' sitáañ.

⁴¹ Jogui ii dsea i cuo' 'nú' fa' lab coo vas jmii uí' e 'nú' líng na' dsea quié e, joba' jnea jmítaa óo na' e seab guié' quiá'r mi nití fí jmigüú coo.

Jial dseáng' e nijúng' dsea fí ni dsee

(Mt. 18:6-9; Lc. 17:1-2)

42 Jogui song iì dsea` jmóor` jial e niténg` fí ní dsee` doñí iì i jiuung` lala i nijá` líng` júu` quié` e, joba' guiá` guib ni`uíng` quiá` i dsea` í e nidsibíng` 'ñia`r' fí é` jmi` e guinee` cõõ` cuy` 'loo` fí moluur`. 43 Jo song guóo` nijmé` e nitén` fí ní dsee`, joba' quiáa` jóng; cõõ' guiá` gui quií` e nitáang` fí` jmigüi` la cõõ` cõõb` guóo`, jo ja` guien` fí` lí` 'lí` fí` lí` coo` jì` cõõ` lajì` tú` guóo` mí` nití` oor` quií`. 44 Cõõ' e fí` jo` jò` tóõ` jmi` fa' e nijúung` gui jaléng` jóo` o` gui fa' e niyu` gui jì. 45 Jogui song tii` nijmé` e nitén` fí` ní dsee`, joba' quiáa` jóng; cõõ' guiá` gui quií` e nitáang` fí` jmigüi` e jlúun` e laco` gui e niguøn` cõõ` lajì` tú` tii` fí` lí` 'lí` 46 fí` lí` teáang` jóo` i ja` tóõ` jmi` nijúung` jogui fí` lí` coo` jì` e jò` tóõ` jmi` yu`. 47 Jogui song jminí` jmóo` e nitén` fí` ní dsee`, joba' gui` jóng; cõõ' guiá` gui quií` e Fidié` quier` nifí` quií` e ja` sea` cõõ` jminí` e laco` gui téeb` lajì` tú` jminí` niguøn` fí` lí` 'lí` 48 fí` lí` teáang` jóo` i ja` 'mó` sea` quiá` jogui fí` lí` coo` jì` e ja` tóõ` jmi` yu`.

49 Jo ligüeang` jaléng` dsea` quié` e la`eáang` cõõ` jalé` e huíng` e dsingüiñ` lí` laco` gui ligüeang` jalé` feá` la`eáang` cõõ` ñi` jogui jì. 50 Jo eám` íng` ta` jalé` ñi`, jo dsu` song ca`íng` lajii` e ñi` do, joba' j`jial nilí` 'nú` nijmee` na` e niliñi` tu` calé` catú`? Joba' fí` 'nú` e güi`uíng` na` laco` lí` ñi` e guiá` do, jo güiliseeng` na` juguiá` júu` røø` lajee` la`ó` rúng` na`.

10

*Mi` ca`e` Jesús quiá` mi` tiúung` dsea` rúñi`
(Mt. 19:1-12; Lc. 16:18)*

1 Jo mi` cangí` jo, cagüi`ñi` Jesús fí` Capernaum jo cangó` tur` fí` guóo` uó` lí` se` Judea jogui e fí` guóo` uó` e née` lí` lí` guíe` laco` iá` gua` Jordán. Jo fí` job caseáng` tu` jaléng` dsea`, jo canaaiñ` e`r` jaléng` i dsea` do júu` quiá` Fidié` lí` laco` litüiñ` do. 2 Jo lajee` jo cangoquiéeng` jaang` gáng` dsea` Israel i líng` dsea` fariseo fí` lí` sing` Jesús e lí` laco` niguié`r` jial ni`ñiñ` dsea` do fí` quini` dseata`. Joba' cajmingí`r` dsea` do e su seab` fí` e nitiúung` dseañu` dseamí` quiá`r`. 3 Joba' lalab cañi` Jesús quiá` i dsea` do:

—¿E` ta` caquiá` Moí` e nijmee` na` quiá` e jo?

4 Jo jaléng` i dsea` do cañi`r` lala:

—Moí` cacuøbre e líb` jaang` dseañu` nitiúuiñ` dseamí` quiá`r` lifa` 'né` seáiñ` cõõ` maji` lí` fé` lajo.

5 Joba' cañi` Jesús quiá` i dsea` do lala:

—Moí` cacuør` e júu` jo, cõõ` ñi`r` e dseáng` eáang` ue` óo` 'nú`. 6 Jo dsu` lajii` ie` mi` catiroo` jmigüi`, “Fidié` cajmeáaiñ` dseañu` cõõ` gui dseamí”. 7 “Jo uí` e joba' e cúng` dseañu` guóor` jo 'naaiñ` quiá` sejmíir` e laco` niliseeiñ` colíng` cõõ` dseamí` quiá`r`. 8 Jo lajì` huáaiñ` do lafa' jaam`bre nica`uíñ` jóng.” Joba' jo` tí`guir` gáng` dsea`, cõõ' lafa' jaam` dsea` ca`uíñ`. 9 Cõõ' Fidié`bing` caguiá` uíng` e nicúng` dsea` guóor`, joba' jo` cuøøng` fa' e nitiúung` gui dsea` rúñi` mi` nicangí` e cacúng` guór`.

10 Jo mi` cangí` jo, jo ca`íb` tu` Jesús fí` dsí` sináa` colíng` cõõ` dsea` guitúung` quiá`r`, jo lajee` jo calé` catú` cajmingí` i dsea` quiá`r` do cuaiñ` quiá` e júu` e ngóo` do. 11 Joba' Jesús cañi`r` quiá` i dsea` do lala:

—Ii` dseañu` i tiúung` dseamí` quiá` jo cúñi` guór` cõõ` dseamí` i jíéng`, joba' ée`bre dsee` fí` quini` Fidié` uii` quiá` i dseamí` la`uii` do; 12 jogui song jaang` dseamí` catiúuiñ` dseañu` quiá`r` jo cacúñi` guóor` cõõ` jaang` gui dseañu`, joba' ée`bre dsee` cajo` fí` quini` Fidié`.

*Mi` cajmigüeang` Jesús jaléng` jiuung`
(Mt. 19:13-15; Lc. 18:15-17)*

13 Jo lajee˘ jo fíim' dsea` cangojéeiñ˘ jiuung˘ quiá'r- fí li˘ táang` Jesús e laco' niquidsí' dsea` do guóor' fí moguiñ˘ e laco' niligüeaiñ˘ do, dsu' i dsea` guitúung` quiá'- Jesús do canaiñ˘ jím-bre jaléng' i dsea` i dsijéeng` jiuung˘ quiá'r- fí do. 14 Jo mi˘ cangá- Jesús e jo, eáam' caliguiñ˘ jo lalab casí'r- i dsea` quiá'r- do:

—Cuøø' na' fí e jalíng- jaléng' i jiuung˘ na fí quini- jo ja` jn#ng' na' quiá'r-, dsuco' Fidiéé`bing' i quie' nifí quiá'- jaléng' i dsea` i líng' laco' i jiuung˘ la. 15 Jo dseáng'- fá'baa e i` ja` iing˘ ni'ing' e Fidiéé` nicá' nifí quiá'r- laco'gui íng' jaang` jiuung˘, joba' ja` toø` jmíi˘ e Fidiéé` nicá' nifí quiá'r- cajo.

16 Jo mi˘ cangá jo, casáng' Jesús lajaang` lajaang` i jiuung˘ do, jo cataiñ˘` güea'^ lajaléiñ˘ do e lico' caquidsir' guóor' fí moguiñ˘.

Mi˘ cas#ng- jaang` dseañu' i sea` cuu- cóo' Jesús

(Mt. 19:16-30; Lc. 18:18-30)

17 Jo mi˘ cangá jo, lajee˘ e nú'-gui nilí Jesús fí e nidsér- fí iuuiñ˘, ladsifí' ladob caguié- jaang` dseañu' i cuíi, jo casí'r- uø- jnir- fí quini˘ dsea` do jo cajmingí'r- dsea` do lala:

—Tifa' i guiá- dsíi, ¿e˘ 'né- nijmee˘ jnea˘ e laco' nilí' i e niliseen- cøøng` cóo' Fidiéé` car` ngongíi` jmíi˘?

18 Jo cañíi` Jesús quiá'- i dseañu' do lala:

—¿Jiali' fí' jnea˘ e guiá- dsii'? E jáb'- dseáng'- jaam` dsea` guiúng- i seeng', jo íb' Fidiéé`. 19 Jo niñí' lajii˘` júu^ quiu' ta˘ quiá'- Fidiéé': “Ja` jngan' dsea` rún"; ja` lee' e nigüín' cóo' dseañu' osi dseamf i o' quíi'; ja` jmée'^ ii; ja` cá^ júu^ e o' já- e en' jaléng' dsea` rún"; ja` jmigøøñ' dsea` rún"; jogui jmí'goo' tiquíi'^ cóo' niquíi'^.”

20 Jo cajíng'- i dseañu' do lala:

—Tifa', lajaléb' e jo nicajmiti˘baa latí' jii˘` mi˘ simím'baa.

21 Joba' cajøøng- Jesús i dseañu' do e iáang` dsíir', jo cañíir' quiáiñ˘ do lala:

—Coo'gui sea' e 'né- fíi- i nu' e 'né- quíi': guøng' jo gü'iñi˘ lajalé' e sea` quíi', jo e nilí' do nijmée'^ guíee˘ jee˘ jaléng' dsea` tiñíng-. Jo lajoba' nilisea` juguiá- quíi'- fí ñifí- mi˘ nití- fí jmigüi˘ cóo'. Jo mi˘ ningí e nijme'^ e nicafíi- i nu' na, joba' nea˘ jo ningí'^ cóo' jnea˘.

22 Jo dsu' mi˘ canúu- i dseañu' do lado, eáam' fí'í^ calíiñ˘; jo jo` iáang` dsíir' cangáiñ˘ fí quiá'r-, co' líiñ˘ jaang` dsea` i eáam' sea` cuu-.

23 Jo mi˘ cangá jo, cajøø- Jesús lacúng' li˘ siñ', jo casí'r- i dsea` guitúung` quiá'r- do lala:

—Eáam' huíng' lí' quiá'- jaléng' dsea` sea` cuu- e nijáng' yaaiñ˘ fí quini˘ Fidiéé` e laco' dsea` do nicá' nifí quiá'r-!

24 Jo mi˘ canúu- i dsea` guitúung` do lala, eáam' cangogá` dsíir'. Jo dsu' caléb'tu casí'- Jesús i dsea` quiá'r- do lala:

—Jóøø, jeáam' huíng' e ni'ing' dsea` e Fidiéé` nicá' nifí quiá'r-! 25 Co' ja`gui huíng' quiá'- jaang` jó' camello e ningíng-ne' fí dsíi' tó` jmini˘ quiá'- mocuu- 'mí' 'mí' e laco'gui jaang` dsea` sea` cuu- nilí'r' e ni'íñ˘ e Fidiéé` nicá' nifí quiá'r-.

26 Jo mi˘ canúu- dsea` guitúung` quiá'r- e jo, eáang'guiø` cangogá` dsíir', jo canaiñ˘ jmingí'- rúíñ˘ lajee˘ la'ó' yaaiñ˘ lala:

—Jo ¿i˘ i nilí' e nileáiñ˘ jee˘ jalé' dsee- quiá'r-?

27 Joba' cajøøng- Jesús i dsea` do, jo cañíir' quiáiñ˘ lala:

—Huím' lí' quiá'- jaléng' dsea` jmigüi˘, dsu' ja` lí' lajo quiá'- Fidiéé`, co' lajib` quíi' dsea` do jmíi˘ lí' jmér-.

28 Jo mi˘ cangá jo, Tú^ Simóngui canaiñ˘ sí'r' dsea` do lala:

—Fíi'naa', jnea'^ nīcatú^baa' lajaléb^ e sea` quí'naa', jō jōguiba' cangí^naa' cóo'^ 'na'.

²⁹ Jōba' cañí' Jesús quiáíñ'^ do:

—Dseáng'^ e já'^ e fíi' i 'nú' e doñí' jii' i catú' jalé' e sea` quiá'^ osi góor` osi ca'naaiñ' quiá'^ jaléng^ rúíñ' osi quiá'^ tiquiá'r^ niquiá'r^ osi quiá'^ jaléng^ jōor' osi catúr' jalé' uó' quiá'r^- dsu' uíi' e ca'íñ' jnea~ jōguí uíi' e ni'r' júu^ quiá'^ jial laang` dsea` jee~ jalé' dsee~ quiá'r^, ³⁰ jōba' i dsea` í' ni'ím^bre fí' jmīgüí' la cien née'gui e jmīgüí' quiá'^ jalé' e catúr' do, nañí' fa' gab` jmáng^ dsea` ír'; jōguí mi~ nití' fí' jmīgüí' cóo', ni'ím^bre e seeíñ' cōong` cóo'^ Fidiée~ lata~ cajo. ³¹ Jō i lūng~ dsea` i lūng^- e niíñ' eáang' fí' jmīgüí' la, jō dsu' í'bing' jii'^ capí'^ ja ee` niing^- mi~ nití' e í' jō. Jō dsu' i lūng~ dsea` i lūng^- e ja ee` niíñ' jii'^ capí'^ fí' jmīgüí' la, jō í'bing' i eáang'gui nilniing^- mi~ nití' e í' jō.

*Mi~ catí' 'ní'ya' e cajíng'^ Jesús e nijnga'^ dsea` quiá'r^-
(Mt. 20:17-19; Lc. 18:31-34)*

³² Jō mi~ cangí' jō, iuung^- Jesús fí' e ngóor' fí' Jerusalén colūng~ cóo'^ dsea` quiá'r^, jō 'ñiáb' Jesús ngóor' nifí' ie~ jō, jō caluu'gui lajō ngolíng^- dsea` guitúung` quiá'r^, jō i dsea` la eáam' dsigá' dsíir'. Jō caluu' i dsea` guitúung` do ngolíng^- dsea` quiá'r^- caguiaang^-gui, jō i dsea` la dseáng'^ 'gó'bre. Jō Jesús ca'naam^bre calé' catú' cóo'^ i dsea` guitúung` quiá'r^- do jō casí'-reiñ' do lajii'^ e nidsijée' cóo'r^- jō lalab cajíñ'^:

³³ —Jō lí'^ laco' jii'^ e la móo^- 'nú' jmi~ na, lana níngóo'naa' fí' Jerusalén, jō fí' fíi' jōb lí~ nijáng^ dsea` jnea~, dsea` cagá'-a fí' ñifí^- e lín'n jaang` dsea` jmīgüí', jō fí' jaguó' jaléng^ fíi' jmidsea` quiá'^ dsea` góo'baa' cóo'^gui fí' jaguó' jaléng^ tifa' quiá'^ júu^ quiu' ta~ quí'-baa' lí~ nijáiñ' jnea~ jō nicuó'r^- jnea~ dsee^- e dseáng'^ 'né- nijúum^-baa; jō nijáiñ' jnea~ fí' jaguó' dsea` i ja lūng' dsea` góo'naa' dsea` Israel, ³⁴ jō nilóom^-bre jnea~, jōguí ni'ñíñ^- jnea~, jōguí nijmihuíñ^- jnea~ cartí' nijngám^-bre jnea~; dsu' mi~ nisúung^- 'ní' jmi~ lajō, nijíb'^túu calé' catú^-.

*Mi~ camí' Tiáa~ cóo'^ Juan cóo' jmi'ee'
(Mt. 20:20-28)*

³⁵ Jō mi~ cangí' jō, cangoquiéeng' Tiáa~ cóo'^gui Juan fí' lí~ sing' Jesús, jō laji' huáiñ'^ do líiñ' jōo' jaang` dseañu' i sií' Zebedeo, jō lalab cajíng'^ i dsea` do casí'r^- Jesús:

—Tifa', ii~naa' e nijmití'^ cóo' jmi'ee~ lajii'^ e nimí'^naa' 'na'.

³⁶ Jōba' cañí' dsea` do:

—¿E~ iing~na' e nijmicóo'^o 'nú'?

³⁷ Jōba' cañí' i dsea` gáng^- do quiá'^ Jesús:

—Cuóø~ jnea'^ e nití'naa' fí' ñifí^- quií'^ mi~ níguíing~tu' fí' jō e ni'ie^naa' jaang` lí'^ lí' dsée' jōguí jaang` lí'^ lí' tuung~.

³⁸ Jōba' cañí' Jesús quiáíñ'^ do lala:

—'Nú' jii'^ ja ñí'na' lajii'^ e mi'na' na. ¿Su lūng^-na' e nité'na' lajii'^ e iihuí' e nijaquiéeng' quié^- e jōguí e nité'na' e nijmeáng^ dsea` 'nú' ga' lí'^ laco'gui nidsing~ng^- jnea~?

³⁹ Jōba' cañí' i dsea` gáng^- do quiá'^ Jesús lala:

—Lí'^baa'.

Jōba' cajíng'^ tu' Jesús casí'^reiñ':

—E jáb^- e 'nú' nimó'na' iihuí' cajo lí'^ laco'gui nimoo~ jnea~, jōguí e gab` nijmeáng^ dsea` 'nú' lí'^ laco'gui nijmeáng^ dsea` jnea~; ⁴⁰ jō dsu' e nigüea' dsea` lí'^ lí' dsée' osi lí'^ lí' tuung~ é laco'guiin~n, ja' jnea~ catín^-n fa' e nicuóø^- e jō, có' nigüea' fí' jō jaléng^ i dsea` i nisi'íng^ i niñíng^ e jō.

⁴¹ Jo mī tí lí canúū i dsea` quiá' Jesús i guínḡ-gui do e cajmée` Tiáa` cóo'~gui Juan lajo, joba' eáam' caliguiñ̄ quiáñ' do. ⁴² Jo dsu' Jesús cató'~bre jaléng' i dsea` guitúung` do quiá'r̄ jo casí'~reiñ' lala:

–Niñib` 'nú' guiá' e jee` jaléng' dsea` i ja` cúing` Fidié` seeng` jaléng' dseata` i quiu' ta` quiá' jaléng' dsea`, jo jaléng' i dsea` i quiu' ta` do eáam' silir' cóo'~ e ta` líñ̄ do. Jo lajob lí' cajo cóo'~ jaléng' dseata` dsea` féng' i quie' nifí quiá' jaléng' dsea`, co' laguidseam` quiu'r̄ ta` quiáñ' do. ⁴³ Jo dsu' ja` cuøøng` e nidsijéé' lajo jee` 'nú', co' ī i iing` i nicá' nifí jee` 'nú', íbing' i 'né' nijmé` ta` jmicóo'~ quiá' i caguaang`-gui; ⁴⁴ jogui ī i iing` i nijmé` e niing`-guir jee` 'nú', íbing' i 'né' jmé` jalé' ta` huí' jee` jaléng' i caguaang`-gui e ja` jmiféng' 'ñia'r'. ⁴⁵ Jo lajob 'né' jmér̄, co' lajob ta` cagá` jnea` cajo, jnea` dsea` cagá` a fí ñiff` e lín'n jaang` dsea` jmigüi'; co' jnea` ja` cagá` a fa' e jmóo' dsea` ta` fí quinī, co' jnea` cagá` a e laco' nijmicóo'~o jaléng' dsea` jmigüi' jogui e laco' nijáang'~ 'ñia'a e nijúun` n e laco' nileáng` fíng` dsea` jmigüi' jee` jalé' dsee` quiá'r̄.

*Mī cajmi'leáang` Jesús jaang` dsea` tiuung` i sii` Bartimeo
(Mt. 20:29-34; Lc. 18:35-43)*

⁴⁶ Jo mī cangí jo, caguié` Jesús cóo'~ dsea` quiá'r̄ fí Jericó. Jo lajee` e uøøiñ̄ e fí jee` fī jo colíng` cóo'~ dsea` quiá'r̄ cóo'~gui i fíng`-gui dsea` i jiéng' cajo, jo jaang` dsea` tiuung` i sii` Bartimeo, jóo' jaang` dseañu' i sii` Timeo, guiiñ̄ 'ni' fí e jmóor` ta` mí cuu'. ⁴⁷ Joba' mī tí lí calilí` i dsea` tiuung` do e quiá'~ níngóo' Jesús dsea` seeng` fí Nazaret, joba' canaañ̄ óo'bre jo fé'r̄ lala:

–¡Jesús, dsea` siju` dseata` Daví', fī` güilín' jnea`!

⁴⁸ Jo i fím' dsea` cajíñ̄ i dsea` tiuung` do e laco' jo` nifé'guiñ' do lado, jo dsu' i dsea` tiuung` do lí' lí' teágui canaañ̄ ám'bre dsea` do jo café` tur lala:

–¡Jesús, dsea` siju` dseata` Daví', fī` güilín' jnea`!

⁴⁹ Joba' Jesús caquium'bre fí iuuiñ̄ jo cajíñ̄':

–Jéeng`na're fí la.

Joba' cató'b' jaléng' i dsea` i ngolíng` cóo'~ Jesús i dsea` tiuung` do jo casí'~reiñ' do lala:

–Cuøø' bí uø' jo ráan', co' dob tó' Jesús 'nu`.

⁵⁰ Joba' cab' caquiéer` e 'mi' jlíñ̄ do, jo lico' ca'ím̄-bre jo caguiér̄ catí` quini` Jesús. ⁵¹ Joba' cajmingí' Jesús i dsea` tiuung` do lala:

–¿Ē iing` 'nu` e nijmee` e quií'?

Joba' cañí' i dsea` tiuung` do quiá' Jesús lala:

–Tifa', iin` n e nijmée'^ e nilijné'baa.

⁵² Joba' cañí' Jesús quiá' i dsea` tiuung` do lala:

–Nicuøøm` guøn'^ náng, co' nica'láam`-ba' uí' e jáb' calín' júu` quié`e.

Jo ladsifí lado calijné' i dsea` do, jo cango'leáam`bre laco' ngóo' Jesús lajii' fí iuung` dsea` do.

11

*Mī ca't` Jesús fí jee` fī Jerusalén
(Mt. 21:1-11; Lc. 19:28-40; Jn. 12:12-19)*

¹ Jo mī cangí jo, mī tí lí niteáañ̄ quiá' jee` fī Jerusalén jo e fí lí' née' e fī e sii` Betfagé cóo'~gui e fī e sii` Betania, quiá' fí mó' e sii` Olivos, jo fí jo casíng` Jesús gáng` lajee` dsea` guitúung` quiá'r̄, ² jo lalab casí'r̄ i dsea` do:

–Güilíng`-na' e fí fī pí'^ e née' quini` na, jo mī nigüitáng'~na' fí jee` fī, nimáang`~na' jaang` bú'^ iee` i sing' 'ñúung' e jí' jaang` dsea` ja` ī mí caguá' fí mocóo'~re'. Jo síng'~na're' jo tee`-na're' fí la. ³ Jo song` ī dsea` jíñ' s'r̄ 'nú'

jiali' jmoona' lana, joba' síina're e ta~ quia' Fí'baa', co' 'neám-bre i jó' la cateá, jo mi~ ningf jo, nijajeaam-ture' calé' catú- fí' ée^ quiaa-re'.

⁴ Joba' lajob cajmée' i dsea' gáng- quia'- Jesús do; cangolím-bre, jo mi~ cangotáaiñ- fí' jee~ fi~, cangáiñ- jaang' bú^ i sing' 'núung- fí' jee~ 'núú' cáang' o'nú' quia'- coo' 'núú', joba' casim-bre i bú^ do lí^ laco' ta~ siná'r quia'- Jesús.

⁵ Jo i líng- dsea' i cangá- mi~ casing' i dsea' do i bú^ do cajíñ'-:

—¿E~gui jmoó' 'nú', dsea'? ¿Jiali' síng-na' i bú^ na?

⁶ Joba' cañí' i dsea' gáng- do jo casí'-reiñ' lajii~ júu^ e nicasí'- Jesús ír lamí~ jéeng'gui; joba' calí'-bre cató- i bú^ do. ⁷ Jo cató-bre i bú^ do fí' lí' sing' Jesús jo caguiar' sí'r^ fí' mocóo~ i bú^ do, jo mifíng' caguáb' Jesús. ⁸ Jo fíim' dsea' cani'r' sí'r^ lacuee' guia'^ fí', jogui seem'bi dsea' caquiur' guo' 'ma' e ji~ jo caguiar' guia'^ fí' cajo. ⁹ Jo jaléng' dsea' i ngolíng- nifí' cóo'~gui i jalíng- cøng' canaaiñ' oor' teá' jo fé'r' lala:

—iMajmifém'baa' i dsea' güeang' na i jáa' fí' ñiff- cuaiñ~ quia'- Tiquí'ii' dsea' guing~ fí' jo! ¹⁰ Co' nicatí' í' e nijáa' i dsea' siju~ quia'- dsea' áang' quí-ii' i calisí' Daví' do i sí'íng^ e niquia'- ta~ quia'- dsea' jmigüí'. iMajmiféng'naa' jogui majmi'goo-naa' Fidié~ dsea' guing~ ñiff'-!

¹¹ Jo mi~ caguié- Jesús fí' jee~ fi~ Jerusalén, cangór- fí' dsí' sinúu^ guá'- fé' quia'- dsea' góor' dsea' Israel e sí' fí' jo; jo cajóor- fí' la fí' na e fí' jo, jo mi~ cangf jo, cangó-tur fí' Betania colíng- cóo'~ i dsea' guitúung' quia'r- do, co' nica'lóob- ie~ jo.

*Coo' 'ma' güñí'^ e ja' dsi' güñí'^ quia'-
(Mt. 21:18-19)*

¹² Jo mi~ cajneá- e jmi~ jo, mi~ tí' lí' ca'uóoñ' fí' Betania, cadseá- jmi'aang- Jesús. ¹³ Jo lajee~ e teáaiñ~ fí', huím-bi cangá- Jesús e gui~ coo' 'ma' güñí'^ e dsi' má'^; joba' cangojóor^ catí' quia'- su dsi' güñí'^ quia'- e 'ma' do, dsu' ja' ee' cadsér' jii~ coo' mi~ tí' lí' caguié-, dseáng' lajii~ má'^ba' dsi~, co' o' jii' e dsi' güñí'^ ie~ jo. ¹⁴ Joba' café' Jesús quia'- e 'ma' güñí'^ do lala:

—Jii~ jaang' dsea' jo' nidó'~guir güñí'^ quí'-.

Jo canúub- dsea' guitúung' quia'- Jesús e café'r' lajo.

*Mi~ ca'uóøng' Jesús jaléng' dsea' i jmóo' ta~ 'nñ' fí' dsí' guá'-
(Mt. 21:12-17; Lc. 19:45-48; Jn. 2 :13-22)*

¹⁵ Jo mi~ cangf e caguilíng-tur fí' Jerusalén, job mi~ ca'í-tu Jesús fí' dsí' sinúu^ guá'- fé' quia'- dsea' góor' dsea' Israel, jo canaaiñ' uóøm-bre jaléng' dsea' i niteáang~ ta~ 'nñ' jogui ta~ láa' e fí' dsí' sinúu^ guá'- do, jogui canaaiñ' jii~bre jalé' mes~ quia'- jaléng' i dsea' i neáang' ta~ jmifíng~ cuu- quia'- jaléng' dsea' jogui mes~ quia'- jaléng' dsea' i neáang' ta~ 'nñng' mee~ cajo. ¹⁶ Jo dseáng' jo' cacuø'r' fí' jii~ jaang' dsea' fa' e nidsica~gui dsea' fí' dsí' sinúu^ guá'- jii~ coo' e 'nñr'. ¹⁷ Jo lalab canaaiñ' e'r' jaléng' i dsea' do ie~ jo:

—Lalab fé' Fidié~ fí' nñ' jii' quia'r-: “Fí' dsí' sinúu^ quie~ e la íng^ ta~ e jmiféng' dsea' jnea' lí^ lajaléng' dsea' i seeng' fí' la'úng- fí' jmigüí'”; dsu' 'nú'gui nicajmee-na' e 'núú' la lafa' too' lí' neáang' jaléng' iib'.

¹⁸ Jo jaléng' fii~ jmidsea' quia'- jaléng' dsea' Israel cóo'~gui jaléng' tifa' quia'- júu^ quia' ta~ quia'- dsea' Israel canúu-bre júu^ quia'- Jesús, jogui canaaiñ' 'nó'r' jial nijngáiñ- dsea' do, co' 'góm-bre dsea' do, co' dseáng' eám' dsi'gó' dsí' jaléng' dsea' quia'- lajii~ e e' dsea' do. ¹⁹ Jo mi~ tí' lí' ca'í- núu^, cagüi'ib' Jesús colíng- cóo'~ dsea' quia'r- e fí' jee~ fi~ jo.

*Mi~ caliquiú' e 'ma' güñí'^ do
(Mt. 21:20-22)*

20 Jo mi~ cajneá~ e jmi~ coo`gui do e la'ee, cangíng'tu Jesús cóo~ dsea` quíá'r~ fí lí~ gui~ e 'ma` güiñí'^ do, joba' cangár~ e nicaliquiú'ba' do catí' jmó^ quíá'. 21 Jo job mi~ tí lí~ cadseng'~ dsí' Tú^ Simón, joba' casí'r~ Jesús lala:

—Tifa', fíng na jóø~ e 'ma` güiñí'^ e café'e~ ga` uii~ quíá'~ lado guiée~: Nicaliquiú'b` lana.

22 Joba' cañí' Jesús quíá'~ Tú^ Simón:

—Já'~ güilíng`na' lajii'~ júu^ quíá'~ Fidiée'. 23 Dseáng'~ e já'~ba' fí~i 'nu` e doñí' ií~ i nijíng'~ e nisí' e mó' la: “iJéeng'~ 'nu` fí na jó güiteáng' uø' fí 'ni' jmiñí'^!”, jo song coo`ba' í' dsír' jogui já'~ líiñ e lajii'~ e nicafé'r` do dseáng'~ nilitib~, joba' lajob nilí jóng. 24 Joba' fá'guí e fí~i 'nú' e lajalé' e mi' 'nú' lajee~ e fong'na' Fidiée~, jo song já'~ líng`na' e nica'ím'~ba' e jo, joba' lajob nilí jóng. 25 Jogui mi~ fong'na' Fidiée~ cajo, song ja` guiú~ seeng`na' cóo~ i líng~ dsea` rúng'na', íng`na' dsee~ uii~ quíá'~ i dsea' í, jo lajoba' Tiquí'na' dsea` guíng~ ñifí~ ni'ím~bre dsee~ quí'na' cajo. 26 Jogui song 'nú' ja` íng`na' dsee~ quíá'~ dsea` rúng'na', joba' lajob nijmé~ Tiquí'na' dsea` guíng~ ñifí~ cóo~ 'nú' cajo, ja` ni'íiñ~ dsee~ quí'na'.

*I~ quiú' ta~ Jesús e jmóor` jalé' e jmóor`
(Mt. 21:23-27; Lc. 20:1-8)*

27 Jo mi~ cangígui lajo, caquim'~tur fí Jerusalén. Jo lajee~ e ngí Jesús fí sinúú^ guá'~ fé', jo cangoquiéeng' fí lí~ siñ' jaléng' fí~ jmidsea` quíá'~ dsea` góor` dsea` Israel cóo~gui jaléng' tifa' quíá'~ júu^ quiú' ta~ quíá'r~ cóo~gui jaléng' dsea` cóong'~ quíá'r~ cajo, 28 jo lalab cajmingí'r~ dsea` do:

—¿I' i quiú' ta~ quí'~ e jmoo' jalé' e na? ¿I' i cacuo' 'nu` fí e cuóong` jme'^ jalé' e na?

29 Jo lalab cañí' Jesús quíá'~ i dsea` do:

—Jo jnea~ iim~baa jmee~ e camí'^ júu^ cóo~ 'nú' cajo, jo e laba' iin~n jmingí'~i 'nú': 30 ¿I' i caquiú' ta~ quíá'~ Juan i caseáng` dsea` jmi~ do? ¿Su Fidiée~ osi dsea` jmigü'b` é? Jo song nilí'na' ningí~na' quíe~ e lana, joba' jnea~ nifí'~i 'nú' i i quiú' ta~ quíe~ e e jmóo`o jalé' e na.

31 Jo lí^ canaang` i dsea` do sáíñ lajee~ la'ó' yaam~bre jo sí' rúíñ' lala:

—Song nifé'naa' e Fidiéeb' casí' quíá'r~, joba' lalab niñí'r~ quí'naa': “¿Jialí' ja` já'~ calíng`na' lajii'~ júu^ quíá'~ i dsea' í?” 32 ¿Osi nisí'~bí're é e dsea` jmigü'bing' caquiú' ta~ quíá'r~ e jmóor` lajo?

Jo co' 'góm'bre jaléng' dsea`, dsuco' lajalém' dsea` já'~ líiñ e i Juan do dseáng' já'~ba' e fé'r' cuaiñ' quíá'~ Fidiée~, 33 joba' lalab cañí' i dsea` do quíá'~ Jesús:

—Ja` ne~naa' jii'~ coo`.

Joba' cañí' Jesús quíá'ñ' do:

—O'gui jnea~ cuóong` lí fí~i 'nú' i i quiú' ta~ quíe~ e e jmóo`o jalé' e la.

12

*Coo` júu^ já'~ lafa' júu^ cuento quíá'~ dsea` 'léeng' i soo` dsí'
(Mt. 21:33-46; Lc. 20:9-19)*

1 Jo lajee~ e táam`bi Jesús fí Jerusalén, jo canaaíñ` féíñ' jaléng' dsea` cóo~ jalé' júu^ já'~ e lí' lafa' júu^ cuento jo lalab casí'~reiñ' do:

—Coo` née'~ caliséng` jaang` dseañu' malí' gui i cajní' jmang'~ huíng` jó'^ fí ni~ guóo'~ uø~ quíá'r~; jo cajme'r' coo` iá, jogui cajme'r' coo` fí lí~ niniúung~ e nicuø~ jmí'^ e mí'^ huíng` jó'^ do, jogui cajme'b'ir coo` lí~ nigüear~ e quíá'~ nijmér~ í. Jo mi~ cangí jo, cacuo'r' dsea` i cajmée' ta~ e uø~ quíá'r~ do, jo cagüi'ñ'bre 'ñia'r' cangór~ fí lí~ huí'. 2-3 Jo mi~ tí lí~ catí' í' e nisítíng', co' nicaroob` lajii'~ e cajní'r` do, joba' casíng` i dsea` fí~ uø~ do jaang` dsea` 'léeng'~

quíar- e nidsimíiñ- lajii- e catíng- i dsea` do quiá- jalé` e caroo` e ni` guoo` uó- quiar- do. Jo mi` tí li` caguié- i dsea` 'léeng- do quiar-, i dsea` i jmáng- ta` uó- do cajmihuim`bre i dsea` 'léeng- do, jo caguiém`tureiñ' e ja` quíeiñ' do jii- coo`. ⁴ Jo mi` casíng- i dsea` fii- uó- do jaang`gui dsea` 'léeng- quiar- e quiá- nidsimíiñ- do lajii- e catíiñ-, dsu` cuub- catéé- i dsea` jmoo` ta` uó- do mogui- í cajo, jo júu` 'léb- casí- reiñ' do. ⁵ Jo mi` cangí í, i dsea` fii- uó- do casíiñ- jiéng`gui jaang` dsea` 'léeng- quiar-. Jo mi` tí li` caguié- í, cajúm-bre, co' cajngab' i dsea` jmáng- ta` uó- do quiar-. Jo mi` cangí gui lajo, i dsea` fii- uó- do i fíim`bi dsea` 'léeng- quiar- casíiñ-; jo i líng- lí- calihuim`bre, jogui i líng- dseáng- cajngab' i dsea` do quiar-.

⁶ Jo coob` mi` jaang` jóob- i dsea` fii- uó- do seáng-gui, jo íb- i dseáng- i 'neáiñ- eáang-. Jo ca'í dsír- e i jóor` dob nisiñ-, co' líiñ- e i jóor` doguibing- i nijmí'gó jaléng- i dsea` do. ⁷ Dsu- i dsea` jmáng- ta` uó- do casíiñ- lajee` yaaiñ-: "I jóor` nab i nine- ni` latøng- e guoo` uó- na; joba' guiá-gui e nijngáam`baa're, jo lajoba' jneaa`aab' dsea` nilí'naa' e guoo` uó- la." ⁸ Joba' casam`bre i jóo- i dsea` fii- uó- do, jo cajngam`breiñ' do, jo cangojéeng`neiñ' do fí lí- caluub- e guoo` uó- quíaiñ- do.

⁹ Jo mi` cangí e fé- Jesús e júu` jo, jo cajmingí-r- jaléng- i dsea` do lala: —¿E` líng- 'nú- e nijmé- i dsea` fii- guoo` uó- do? E jáb- nidsé-bre jo nidsijngáam`bre jaléng- i dsea` jmoo` ta` uó- quiar- do, jo i jiém- nitáiñ- i nijmé- ta` e fí ni` guoo` uó- quiar- do.

Joba' cajíng- gui Jesús lala:

¹⁰ —¿Su ja` mi` ca'í 'nú- lajii- e too- fí ni` jì quiá- Fidié- lí fé- lala?: E cuu- e ja` calijii- jaléng- dsea` jmo' 'nú-, lanagui dseáng- cuu- laniim- nica'uíng- quiá- 'nú-.

¹¹ Jo 'ñiab' Fí'naa' dsea` cajmée- e la, joba' dseáng- eám- dsigá- dsí'naa'. Jo lanab too- fí ni` jì quiá- Fidié-.

¹² Jo job mi` cajmée- quijí- jaléng- fii- jmidsea` quiá- dsea` Israel jogui jaléng- tífa' quiar- cóo- gui jaléng- dsea` cóong- quiar- jial e nisáiñ- dsea` do, co' calilí-bre e caféiñ- do e éeiñ- jaléng- íb-. Jo dsuco' 'góm`bir jaléng- dsea` i núu- júu- quiá- dsea` do, joba' catíuum-bre dsea` do jo cangolíim-bre jóng.

Mí cajmingí- dsea` Jesús cuaiñ- quiá- e catíng- dseata` (Mt. 22:15-22; Lc. 20:20-26)

¹³ Jo mi` cangí gui lajo, i dsea` i quie- nifí quiá- dsea` Israel casíiñ- fí lí- táang- Jesús coo- tú- míng- dsea` fariseo cóo- gui coo- tú- míng- dsea` quiá- Herodes e laco' ni'nóiñ- do jial nisi-r- Jesús e laco' niguié-r- jial ni'níiñ- dsea` do fí quini- dseata-. ¹⁴ Jo mi` caguilíiñ- fí lí- sing- dsea` do lalab casí- reiñ-:

—Tífa', ne`naa' e jmang- júu- já-ba' fó- 'nú-, jogui e ja` 'gó- cóo- jalé- e í dsí- dsea` jogui jalé- e fé-r- uí- quí-, jogui dseáng- e já-ba' e røb- í- 'nú- í- quiá- jaléng- dsea`, co' ja` jóø- 'nú- jii- jialco' líng- dsea` lí- caluu-, jogui e e' jial e niliseeng- dsea` dseáng- laco' iing- Fidié-. Joba' jmíngí'naa' 'nú- e júu- la: ¿Su 'né- quí'naa' cuu- e catíng- dseata- i guíng- fí Roma osi ja` 'né- quí'naa' é?

¹⁵ Jo co' calilí- Jesús lajii- e iing- i dsea` do jmícaaiñ-, joba' casí-r- dsea` do lala:

—¿Jialí- 'nó'na' e iing-na' niguié'na' jial e ni'níng-na' jnea- fí quini- dseata-? Fíng na cuóø- na' jnea- coo- cuu- jo nijóøø.

¹⁶ Joba' ca'e'bi i dsea` do coo- cuu-, jo cajóøb- Jesús, jo mi` cangí jo cajmingí-r- jaléng- i dsea` do lala:

—¿I- moni- tóo- e ni- cuu- la?, jogui ¿e- júu- e silí- fí ni- la?

Joba' cañí' i dsea` do lala quiá'- Jesús:

—Ni` dseata` dsea` guing` fí` Romab tóo`.

¹⁷ Joba' cañí'tu Jesús quiá'- jaléng' i dsea` do:

—Cuóø'na' dseata` dsea` guing` fí` Roma lajii' e catúng` í, jogui cuóø'na' Fidié` cajo lajii' e catúng` Fidié`.

Jo eám' cangogá` dsí' jaléng' i dsea` do mi` canúur` lajii' e júu` e cañí' Jesús do.

Mi` cajming` dsea` jial lí' mi` nijí'tu dsea` calé' catú'

(Mt. 22:23-33; Lc. 20:27-40)

¹⁸ Jo mi` cangí`gui lajo, cangolíng` coo` tú` m`ng` dsea` Israel i líng` dsea` saduceo fí` lí` táang` Jesús. Jo i dsea` do fé'r e jo` jí'tu jaléng` 'lí' , joba' e job e iin` nijming`r` Jesús jo casí'r` dsea` do lala:

¹⁹ —Tifa', Moi` caséer' e too` fí` ni` jì` quiá'r` e song cajúng` jaang` dseañu', jo caseáañ' dseamí` quiá'r` e ja` mí` seeng` jóor', joba' rúng' i dseañu' do 'né` nicúng` guór` cóo` i dseamí` 'n` i caseáng` do; jo mi` caliseeng` jóor` cóo` í, joba' lafa' jóob' i dseañu' quiá'r` mi` uii` do nilíng` i jiuung` do. ²⁰ Jo lafa' e já', coo` ya' caliséng` guiáng` dseañu' i la'ó' rúng', jo i dseañu' la'uii` do cacúm' guóor', dsu' jo` huóø` ngó` cajúm` bre la ja` mí` seem`bi` jóor'. ²¹ Joba' i dseañu' i catí` tú` do cacúm' guóor` cóo` i dseamí` 'n` do, jo lajob cajo cajúm` bre jo jii' camúng` jóor` ja` mí` lí` sém`bi; jo lajob calí` cóo` i dseañu' i catí` 'ni' do cajo. ²² Jo lajob lajii' guiám` i dseañu' do cacúng` guóor` cóo` i dseamí` do, dsu' jii' jaaiñ' do fa' caliséng` jiuung` quiá'r`. Jo mi` lí` cóng`guijia lajo, cajúm` i dseamí` do 'nia'r' cajo. ²³ Joba' mi` tí` lí` nijí'tu jaléng' i dsea` do calé' catú' fí` fí` coo`, ¿i` lajee` lajii' guiáng` i dseañu' do ni'uíng` dseáng` dseañu' quiá' i dseamí` do?

²⁴ Joba' cañí' Jesús quiáañ' do lala:

—Sijgiém` áa' 'nú', dsuco' ja` n`na' jial laco' fé' fí` ni` jì` quiá' Fidié`, o'gui n`na' jial tí' 'gøng' dsea` do cajo. ²⁵ Dsuco' mi` nijí'tu jaléng` 'lí' fí` jmigú' coo`, jo` nicúng`-gui guoo` dseañu' o'gui dseamí`, lí' laco' dsingúng` jaléng` ángeles quiá' Fidié` i seeng` fí` niff`. ²⁶ Jogui e cuaiñ` quiá' e fíng` jí'tu jaléng` 'lí' do, ¿su ja` mí` ca'í' 'nú' jalé' e too` fí` ni` jì` quiá' Moi` jial mi` caféng' Fidié` ír` catí` lí' si' coo` 'matóo' e ia` jì? Jo lalab casí`-reiñ' do ie` jo: “Jneab` lán`n Fidié` i jmiféng' Abraham cóo'gui Isáa' jogui Jacóo` cajo.” ²⁷ Jo Fidié` ja` líiñ` Fidié` quiá' jaléng` 'lí', co' Fidié` quiá' dsea` jib' líiñ'; joba' sijgiém` jalé' e í` óo' 'nú'.

E lab e júu` laniing`-gui quiá' Fidié`

(Mt. 22:34-40)

²⁸ Jo lajee` jo caguié`-gui jaang` lajee` la'ó' tifa' quiá' júu` quiu' ta` quiá' dsea` Israel, jo mi` calilí'r` e cañib` Jesús røø` lajii' e júu` do, joba' i dsea` í` cangoquiéiñ` cáang` Jesús jo cajming`r` dsea` do lala:

—¿E` e júu` laniing`-gui lajee` lajalé' e júu` quiá' Fidié`?

²⁹ Joba' cañí' Jesús quiáañ' do:

—E lab e júu` e laniing`-gui do quiá' lajee` lajalé' e júu` jo, jo lalab fé': “Núu`na' dsea` Israel e Fii`naa' Fidié` jii' íb` dseáng' i líng` Fii`naa'.

³⁰ Jmi'neáng` Fii' Fidié` car` ngocáng` o' jogui cóo` lajii' jmigui` qui' jogui cóo` lajii' e í` a' jogui cóo` lajii' bí` seen'.” Jogui e nab e júu` laniing` do. ³¹ Jogui e lab e júu` laniing` e catí` tú` do: “Jmi'neáng` jaléng' dsea` rún' lí' laco'gui jmi'neán' uø'.” Jo e nab e júu` quiá' Fidié` e laniing`-gui eáang` do lajee` lajalé'.

³² Joba' lalab cañí' i tifa' do jo cajíñ':

—Eáam' guiá' lajo, Tifa', dseáng' jáb' júu' quí' e já' ba' e jaam' Fidié' seeng', jo ja' seeng' i jiéng' gui. ³³ Jogui e jáb' e 'né' e nijmi'neáng'naa' Fidié' dseáng' e ngocáng' dsi'naa' jogui cóo' laji' e í dsi'naa' jogui cóo' laji' bí' see'naa', jogui e jmi'neáng'naa' jaléng' dsea' rú'naa' laco'gui i'naa' e nijmi'neáng' dsea' jneaa'aa', jo lajalé' e la eáang'gui quíng' laco'gui lajalé' feá' e cuóø'naa' Fidié', fa' la mi' jngang'naa' jó' fí' quinir' osi mi' ee'go e ju'naa' fí' nife' é.

³⁴ Jo mi' calilí' Jesús e guiáb' cañí' i dsea' do, joba' casí' reiñ' do lala:

—Na jaquiém' e tí' lí' nicá' Fidié' nifí' quí'.

Jo mi' cang' jo, jí' jaang'gui i dsea' do fa' cateá' gui dsír' ee' nijmingí' guir Jesús.

I' dsea' siju' líng' Dsea' Jmáang'

(Mt. 22:41-46; Lc. 20:41-44)

³⁵ Jo lajee' e iuung' Jesús fí' guá' fé' quí' dsea' góor' e si' fí' Jerusalén e e'r' dsea' júu' quí' Fidié', jo lalab cajmingí'r' jaléng' i dsea' i teáng' do:

—¿Jial lí' quí' i tifa' quí' júu' quí' ta' quí' ii', dsea' Israel, e fé'r' e Dsea' Jmáang' líiñ' siju' dseata' Daví'? ³⁶ Co' 'ñiab' dseata' Daví' cajíñ' la'eáang' cóo' Jmiguí' quí' Fidié' lala:

Lalab cajíng' Fidié' casí'r' Fí'i:

“Ní' lí' lí' dsée' laco' guin' n

cartí' nijmee' e e jaléng' dsea' i 'ní' níng' 'nu' nisí'r' uó' jnir' fí' quini' e laco' nijmi'gór' 'nu'.”

³⁷ Jo cajíng' gui Jesús e júu' la:

—Jo song 'ñia' bi dseata' Daví' sí'r' Dsea' Jmáang' Fí'i, joba' ¿jial cuóøng' e Dsea' Jmáang' líiñ' dsea' siju' dseata' Daví' jóng?

Jo lajaléng' i dsea' fíng' i teáng' núu' do eáam' íaang' dsír' e núur' jalé' júu' e fé' Jesús.

Jalé' e ga' e jmóo' jaléng' tifa' quí' júu' quí' ta' quí' dsea' Israel

(Mt. 23:1-36; Lc. 11:37-54; 20:45-47)

³⁸ Jo mi' cang' jo, lalab café' Jesús jeeng' júu' quí'r' e er' do:

—Ñiing' óo'na' cóo' jaléng' tifa' quí' júu' quí' ta' quí' ii', dsea' Israel, co' lí' tí' dsír' e ngír' e jlo' silim'bre, jogui eáang' iñ' i' nijmi'gó' ír' lacaang' jee' 'núu' lí' ngír', ³⁹ jogui iñ' güeár' ni' 'masii' e jlo' gui fí' lacaang' dsí' guá' quí'r', jogui iñ' e nigüeár' cajo dseáng' la jmang' lí' jlo' gui fíng' catí' e nidó'r', ⁴⁰ jogui gui'bre 'nu' jaléng' dseamí' i 'nii', jogui jmicaaiñ' e fé'r' fa' e cuee' fí' quini' dsea'. Dsa' jaléng' i dsea' la'ib' ní'ng' iihu' e eáang'gui mi' nití' í' lajo.

Jaang' dseamí' 'nii' i catá' cuu' fí' dsí' guóo' quí' guá'

(Lc. 21:1-4)

⁴¹ Jo mi' cang' jo, cóo' ya' guing' Jesús fí' ca' guóo' lí' ta' dsea' cuu' quí' guá' e si' fí' Jerusalén, jo jóø'r' jial dsitea' dsea' cuu' fí' jo. Jo lajee' jo jaléng' dsea' sea' cuu' eáam' dsitea'r' cuu' fí' jo. ⁴² Jo cóo' caguiéb' jaang' dseamí' i 'nii' i tiñíng' eáang', jo catá'r' e fí' dsí' guóo' do tú' cuu' e ja' ee' 'ga' lí' quíng'.

⁴³ Joba' cató'r' Jesús i dsea' guitúung' quí'r' do jo casí' reiñ' do lala:

—Dseáng' e já' e fí' i 'nú' e i dseamí' 'nii' la nicató'r' jmiguí'gui cuu' e fí' dsí' guóo' quí' guá' la laco'gui dsea' caguiaang' gui; ⁴⁴ co' jaléng' dsea' sea' cuu' cuór' lajii' e seáang' quí' bre; dsa' i dseamí' 'nii' la lajib' lajii' e sea' quí'r' e 'né'r' nicatá'r' e fí' dsí' guóo' la.

13

Mi cajing Jesús e ni'ing guá' fé' e si' fi' Jerusalén

(Mt. 24:1-2; Lc. 21:5-6)

¹ Jo lajee ni'iuung Jesús fi' e güi'fir' fi' dsí' guá' fé' quiá' dsea`góor` dsea` Israel e si' fi' Jerusalén, jo jaang` lajee` dsea` guitúung` quiá'r` casí'r` dsea` do lala:

—jTifa', fing na jóø` jalé' cuu` cóo' e niguo' e silí' e guá' la!

² Jo cañi' Jesús quiá' i dsea` quiá'r` do:

—Jóø` jial jlo'` cóo' e silí' e guá' na. Dsu' latøng` e guá' na jii'` coo` cuu` jo` e nijé` gui sifíng` quiá'` rúng', co' dseáng'` lajib` ni'íng` mi` nití' í' lajo.

Jial nilí mi` nijaquíéng' e tí lí ni'íng` jmigüi'

(Mt. 24:3-28; Lc. 21:7-24; 17:22-24)

³ Jo mi` cangí jo, cangób` Jesús cóo'` dsea` guitúung` quiá'r` fi' yá'` mó' e sii` Olivos e si' fi' lí'` quini` laco' si' e guá' do. Jo lajee` e taang` Jesús e fi' yá'` mó' do, jo job mi` cangoquíéng'` Tú` Simón cóo'` gui Tiáa` jogui Juan cóo'` Df' fi' lí'` guing` dsea` do, jo casí'` reiñ' lala coo` yaaiñ`:

⁴ —I'naa' e jmé'` jnea'` júu', Tifa', lí' e nidsijé'` jalé' e fó'` 'nu' na. Jo ¿e` e nicuø` lí'` quiá'` e jo` huøø`` róo` jmigüi'` jogui e nijaquíéng' e tí lí' nidsijé'` jalé' e jo?

⁵ Joba' cañi' Jesús quiá'` do lala:

—Ñiing` áa'na' e jii'` jaang` ja` ii'` nijmigøøng` 'nú'. ⁶ Dsüco'` fím'bing' i nijalíng` i jmigóo' e jiiñ' e íbre líiñ' Dsea` Jmáang` jo nifé'r': "Jneab` i dsea` í"; jo fím'` dsea` niligøøiñ` jo jáb'` niliñ` e júu' e o'` já'` do mi` niguiéé e jmíi` jo.

⁷ Jo mi` ninúu'` 'nú'` júu'` quiá'` e ninéé'` 'nii'` fi' la fi' na, ja` føøng'` na' jóng, co' lajob nisi'í'` quiá'` Fidiéé' e nidsijéé'; dsu' lí'` uiim`bi jóng ja` mí` tí` lí'` ím`bi.

⁸ Dsüco'` mi` nú'` gui e ni'íng` jmigüi', eáam'` nitíng` dsea` lajee` la'ó'` rúíñ'; co' nitíng` coo'` fi' cóo'`` jié'` gui coo'` fi', jogui lajobi coo'` góo'` dsea` cóo'`` jié'` gui coo'` góo'` dsea'; jogui jmiguiab'` lí'` nijó'` uø` e eáang', jogui jmiguiab'` lí'` nijáa'` jii'` oo` cajo. Jo dsu' lí'` uiim`bi jóng mi` tí` lí'` nidsijéé'` jalé' e iihuí' na.

⁹ Dsu' eáang'` 'né'` ñiing` áa'` 'nú'` mi` nití'` í' lajo, co' nijáng'` dsea` 'nú'` fi' quini` dseata~, jogui nijmihuíiñ'` 'nú'` fi' lacaang` dsí'` sinúu'` guá'. Jo uii'` e já'` líng'na'` júu'` quié` e, joba' nidsijeáaiñ'` 'nú'` fi' lacaang` quini` dseata` dsea` cóøng'` cóo'` gui fi' quini` jaléng'` dsea` féng'. Jo mi` nijmér` lajo, joba' cuøøng'` e niguiá'` 'nú'` júu'` quié` e fi' quini` jaléng'` i dseata` do. ¹⁰ Dsüco'` nú'` gui e tí` lí'` ni'íng` jmigüi', dseáng'` 'néb` e nini'` júu'` quié` e jee` jaléng'` dsea` fi' la'úng` fi' jmigüi' e quiá'` jial nileáng'` dsea` jee` jalé'` dsee` quiá'r`.

¹¹ Jo mi` tí` lí'` nitøør` 'nú'` fi' quini` dseata` e nijáiñ'` 'nú', jo ja` jmee`na'` fi'í'` fa' ja` ñí'na'` ee` ningíi`na'` quiá'r`, co' dseáng'` ja` 'né'` í'` áa'na' lajo, dsüco'` Fidiéeb'` dsea` nijmicóo'`` qui'`na' e ningíi`na'` quiá'r` mi` nití'` í' lajo; dsüco'` o'` dseáng'` 'nú'` i nifé'` mi` nití'` í' lajo, co'` ñiab'` Jmiguí` quiá'` Fidiéé'` nifé', jo eáam'` nijmicóo'`` 'nú'` jóng. ¹² Dsüco'` mi` nití'` í' lajo, jaléng'` dsea` ni'lé`bre quiá'` rúíñ' e nijáng'` neiñ'` quiá'` e nijúuiñ', jogui lajo cajo jaléng'` tiquiá'` dsea` nijám'`bre jaléng'` joor` e nijúuiñ'; jogui jaléng'` joo'` dsea` nitíng` nijíñ` cóo'`` jaléng'` sejmiir` jo cartí` nijngám'`breiñ'. ¹³ Jogui jaléng'` dsea` jmigüi'` nilí'` 'ní'` níiñ'` 'nú'` uí'` e já'` líng'na'` júu'` quié` e; jo dsu'` ii'` i teáng` teá'` cóo'`` júu'` quié` e carta` seeiñ'` fi' jmigüi'` la, joba' nileám'`bre jee` jalé'` dsee` quiá'r`.

¹⁴ Jo 'nú', mi` nimó'na'` coo'` e ga` eáang' e nijmé` dsea` fi' dsí' guá' fé' e si' fi' Jerusalén fi' lí'` lí' e guá'` güeang'` quiá'` Fidiéé'` lí'` laco'` cajme'` jaang` i café'` cuaiñ` quiá'` Fidiéé'` malí'` gui eáang' i calisí` Daniel` —güingáng'na' e júu'` la, 'nú', dsea` í'na' e la—, jo mi` nití'` e í'` jo, jaléng'` dsea` i neáang'` fi' lí'

se' Judea güicuiñ^{bre} fi' jee' mó'. ¹⁵ Jogui song ii' dsea' dsiiñ' fi' yá'^ 'núu' mi' nití' e í' jo, ja' güijgiáaiñ' fa' e nidsi'uóø'r' jalé' e sea' quiá'r', co' 'né' cuí-bre; ¹⁶ jogui song ii' dsea' taang' jmoo' ta' fi' jee' mó', joba' ja' güi'í' dsíir' fa' e niqing' guir' fi' quiá'r' e fa' e nidsiquiéer' jalé' si'r'. ¹⁷ iLí'^ e ngi' fii' jaléng' dseamí' i jobi quiéeng' yuu' mi' tí' lí' jo' osi dseamí' i jobi cuø' yuu' tú' é! ¹⁸ Jo nab tí'gui e mii'na' Fidiéé' e ja' dsijéé' jalé' e la dseáng' lajee' jii' güií', ¹⁹ dsuco' ie' jo dseáng' eáam' iihuí' ni'íng' jaléng' dsea' e ja' mí' cangongíiñ' jii' coo' ya' latí' mi' catiroo' jmigüí, o'gui nidsingíiñ' mi' ningí' jo. ²⁰ Jo faco' Fii'naa' nijmi'íiñ' eáang' e nidsijéé' jalé' e jo, joba' jii' jaang' jo' ii' nileáng' jóng' faco' lajo; dsu' nicajmitiíñ' jalé' e jo uí' e 'neáaiñ' jaléng' dsea' quiá'-bre i nicaguiñ' lamí' jéeng'gui.

²¹ Jo ie' jo, song ii' dsea' nijmigøøng' 'nú' jo nisí'r' 'nú' lala: "I lab i dsea' i sijeeng'na' do", osi "Dob siñ'" é, dsu' ja' já' güilíng'na' jii' coo', co' o' já' e lajo. ²² Co' fíim'bing' nijalíng' i nijmigoo' e nijmicaaiñ' e líiñ' Dsea' Jmáang', osi nijmigoor' e líiñ' dsea' i fé' cuaiñ' quiá' Fidiéé' é; jo nijmé'-bre jalé' lí' e quí'r' jmí' e dsigá' dsí' dsea' e lí'^ laco' iíñ' e niligøøng' dsea', jo dseám' e niligøøng' la quie'gui i dsea' i nicagúing' Fidiéé' i nilíng' dsea' quiá'r'. ²³ Jo lana fí' i 'nú', 'né' e eáam' siñiing' oo'na', co' nicaliúum' baa 'nú' e júu' la lamí' jéeng'gui.

Jial mi' nijáa'tu i dsea' i jáa' fi' ñifí' i líng' dsea' jmigüí
(Mt. 24:29-35,42-44; Lc. 21:25-36)

²⁴ Jo mi' nití' e jmí' jo, mi' nisóong' jalé' e iihuí' e nijáa' do, jo jo' nicuø' gui' iee' jir', o'gui si' nicuø' guir' jir' cajo. ²⁵ Jogui nijíum' jaléng' 'núu' i sitóng' fi' yá'^ jmigüí, jogui niguiá' fi' yá'^ jmigüí. ²⁶ Jo joguib' mi' nití' í' e nigáa'tu jnea' fi' jmigüí la, dsea' lín'n jaang' dsea' jmigüí i jáa' fi' ñifí', jo nigáa'a fi' jee' cabøø' jní' cóo' gui jalé' e 'gøng' jogui e ji' laniing' güea'^ ji' niguoa' quiá' Fidiéé'. ²⁷ Jo job' mi' nití' í' e nisíng' Fidiéé' jaléng' ángeles quiá'r'; jo i ángeles do niseáiñ' jaléng' dsea' i nicagúing' Fidiéé' lamí' jéeng'gui fi' laji' quiú' quiúung' jmigüí, catí' lí' huí' gui quiá' guoo' uø' jogui catí' lí' huí' gui quiá' yá'^ jmigüí cajo.

²⁸ Jo téé' oo'na' la'eáang' cóo' e júu' quiá' 'ma' güiñí': Mi' nidsi' guo' e sí' quiá', jogui ni'ía' má' e sí' quiá' cajo, joba' niñí' 'nú' e quiáb' nijaquiéeng' jii' jmí' jóng. ²⁹ Jo lajob' lí' cóo' e júu' la; co' mi' nimoo' 'nú' e nidsijéé' jalé' e jo, joba' nicuø' lí' jóng e quiáb' nigáa'a, jnea' dsea' lín'n dsea' jmigüí i jáa' fi' ñifí'. ³⁰ Co' dseáng' já' ba' fá'a e dseáng' 'né' e nidsijéé' jalé' e jo ná' gui e nijúung' jaléng' dsea' i seeng' lajee' lana. ³¹ Co' ni'ím' fi' la'úng' jmigüí jogui lajobi la'úng' fi' yá'^ jmigüí cajo, dsu' ja' tóo' jmí' fa' e ja' niliti' jalé' júu' quié' e.

³² Jo dsu' jii' jaang' dsea' ja' ii' ñí' e júu' jo jéeng'gui cuaiñ' quiá' e jmí' jogui e í' e nidsijéé' jalé' e jo, jo jii' gui latí' jaléng' ángeles quiá' Fidiéé' ja' ñir' e jo, o'gui jnea' cajo, dsea' lín'n i Joo' Fidiéé' camíng' do, ja' ñii', co' dseáng' lajii' Tiquí'ii' Fidiéé' dsea' guing' ñifí'bing' ñí' e jo.

³³ Joba' fí' i 'nú' e dseáng' 'né' e ñiing' oo'na' contøøm' e sijeeng'na' jalé' e jo, jogui féeng'na' Fidiéé', co' ja' ñí'na' røø' lí' dseáng' e nidsijéé' jalé' e jo. ³⁴ Co' e la lí' lafa' jaang' dsea' i ni'í' fi' dsé' fi' lí' huí', jo lajee' e ná' gui nigüí'fir' fi' quiá'r', jo caseáaiñ' dsea' 'léeng' quiá'r', jo cacuø'r' ta' lajaang' lajaaiñ' do, jogui caseáaiñ' jaang' dsea' i jmoo' í' jaléng' i dsea' jmoo' ta' do. ³⁵ Joba' lalab cajíng' i dsea' i néé' ni' dsea' 'léeng' do casí'r' jaléng' i dsea' jmoo' ta' do: Jmiñiing' oo' 'nú', melé', co' ja' ñí'na' lí' e nigüeáng'tu i dsea' fii' 'núu' la, su milí' na' osi uøø' guié' núub' é, osi téé' ogóo' mi' niquí' tú' é, osi dsa'ee'guib

é; ³⁶ cō' jial fing lajee' teng' 'nú' güim'ba' nigüeáin'. ³⁷ Jo lajii' e fi' 'nú' la, lajob lí' júu' quíe' e cóo' dsea' jién'gui cajo: jli' 'né'ba' e jmiñing' ó'na'!

14

Mi' casang' dsea' e nisáin' Jesús

(Mt. 26:1-5; Lc. 22:1-2; Jn. 11 :45-53)

¹ Jo tú' jmi'ba' jmó'gui e nití' cóo' jmi' quíá' dsea' Israel e si' Pascua e gø'r' iñi' e ja' quie' quíeng'. Jo jaléng' fi' jmidsea' cóo' gui jaléng' tifa' quíá' júu' quíu' ta' quíá' dsea' Israel canaain' 'nó'r' jial niguié'r' e nisáin' Jesús e nijmigø'ñ' dsea' do e laco' nilí'r' nijngáng' neiñ'. ² Jo lalab sáing' i líng':

—Ja' nijmó'oo' e jo lajee' jmi' Pascua e laco' ja' dseáng' quí'ii' e nitá' dsea' mii'.

Mi' ca'éé' jaang' dseam' jmi' jmeafi' fi' mogui' Jesús

(Mt. 26:6-13; Jn. 12 :1-8)

³ Jo mi' cang' jo, Jesús cangó'r' cóo' dsea' quíá'r' fi' Betania fi' quíá' jaang' dseañu' i si' Simón, jaang' dsea' i lamí' líng' jmohu' 'li' fi' ngúu' táang'. Jo mi' caguié' Jesús fi' jo, lajee' e guíñ' fi' 'ni' mes' e gø'r' ir', caguié' jaang' dseam' i quie' cóo' sá' e lí' cóo' cóo' cuu' niguo' e si' alabastro e a' jmi' jmeafi' e lí' cóo' layaang' nardo e 'mo' eáang'. Jo i dseam' do cafiim'bre e sá' do jo ca'éer' e jmi' jmeafi' do fi' mogui' Jesús. ⁴ Jo i líng' dsea' i cangá' e cajmée' i dseam' do lajo caliguiim'bre eáang', jo canaain' sáin' lajee' la'ó' yaain':

—¿Jiali' nicango'fi' e jmi' jmeafi' na? ⁵ Cō' jmáang'gui fa' mi' ii' ca'ná', jo jmigui'gui laco' trescientos cuu' denario nilí'r' jóng e laco' sea' jia' e nilicóo' jaléng' dsea' tiñing'.

Joba' i dsea' i teáng' do ie' jo gab' fé'r' uii' quíá' i dseam' do.

⁶ Jo dsu' lalab cañi' Jesús quíá' i dsea' do:

—¿Jiali' jmiguíng'na' i dseam' na? ja' e fi'na'r' jii' cóo'! Cō' lajii' e nicajméer' quíe' e na eáam' guíá'. ⁷ Jo jaléng' dsea' tiñing' nab ní' 'nú' ee' cajmée'na' cóo'r', có' cuø'm' lí' jméena' e guíá' cóo'r' lí' iing'na', dsu' jnea'gui ja' contøng' seen' jee' 'nú'. ⁸ Cō' i dseam' na nicajmée'bre lajii' e tiiñ': jo nicasúu'bre jmi' jmeafi' ngúu' táan' ná'gui e ni'áang' dsea' jnea'. ⁹ Cō' jnea' jmitaa' ó'na' e doñi' jié' fi' lí' niguiá' dsea' júu' quíá' jial nileáng' dsea' jee' jalé' dsee' quíá'r', niliseab' júu' cajo lajii' e cajmée' i dseam' na, jo lajoba' niguiéng' dsí' dsea' i dseam' na.

Mi' ca'náng' Judas Iscariote Jesús fi' quini' jaléng' jmidsea'

(Mt. 26:14-16; Lc. 22:3-6)

¹⁰ Jo mi' cang' jo, Judas Iscariote, jaang' dsea' i quíng' jee' dsea' guitúung' quíá' Dsea' Jmáang', cangó'r' cangosiñ' cóo' jaléng' fi' jmidsea' quíá' dsea' Israel e laco' nisáin' rø' jial nijáin' Jesús fi' jaguó' dsea' do. ¹¹ Joba' mi' tí' lí' canúu' i dsea' í', eáam' cali'íáang' dsíir', jo casí'r' Judas e nicuø' reiñ' cuu'. Jo mi' canaang' Judas 'nó'r' jialcō' cuøng' nijáin' Jesús fi' jaguó' i dsea' do.

Mi' cagó' Jesús í' canu' cóo' dsea' guitúung' quíá'r'

(Mt. 26:17-29; Lc. 22:7-23; Jn. 13 :21-30; 1 Co. 11 :23-26)

¹² Jo mi' cang' jo, canaang' la'uii' jmi' e quíá' gø' dsea' Israel iñi' e ja' quie' quíeng', jogui e jngang' dsea' Israel jaléng' jo'se' jiuung' quíá' e jmi' jo. Joba' lalab cajming' i dsea' guitúung' quíá' Jesús cajming'r' dsea' do jo cajiiñ':

—Fí'naa', ¿jie' fi' fó' 'nu' e nidsé'naa' nidsiguiá'naa' guíá' quíá' e niquiee'naa' í' canu' quíá' jmi' Pascua?

¹³ Joba' casíng' Jesús gáng' i dsea' guitúung' quíá'r' do jo casí' reiñ' do lala:

—Güilíng-na' fí fíi Jerusalén, jo fí job niguiéng-na' jaang` dseañu` i quié` coo` dsuu` e a` jmi; jo nigüilíng-na' laco' ngang' i dseá do. ¹⁴ Jo mi` niguilíng-na' fí lí ni'ír, síi-na' i fii` 'núu' jo: “Lalab jing'- Tifa' qui-naa': ¿Jie` fí lí si' 'núu' lí nidøø` í' canuu` quiá'- jmi` Pascua colíng` cóo' dseá quié`-e?” ¹⁵ Jo joguib ni'é` i dseá do coo` 'núu' yá' e nisilíng` guiá-, jo fí job niguiá-na' guiá- e niquiee-naa' do.

¹⁶ Jo mi` cangí jo, ca'uøøm` i dseá gáng- do cangolíñ` fí fíi jo, jo cadsém`bre i dseañu` do dseáng'- lí' laco' nicajíng'- Jesús e nicasi'-reíñ' do; joba' fí job cagua' i dseá gáng- do guiá- quiá'- e nidør- lajaléíñ` do í' canuu` colíng` cóo' Jesús ie` jmi` Pascua do.

¹⁷ Joba' mi` canuu` e jmi` jo, caguiéb- Jesús colíng` cóo' dseá guitúung` quiá'- fí jo. ¹⁸ Jo lajee` mi` nineáaiñ` fí 'ni' mes` e ninaaiñ` gø'r, lalab cajíng'- Jesús casi'-reíñ' do:

—Dseáng'- e já'- e fíi` i 'nú' e jaang` lajee` la'ó' 'nú' i neáng` gø' cóo' jnea` lana, íb` i nijáng` jnea` fí jaguó` dseá i 'ní' ní- quié`-e.

¹⁹ Jo mi` canúu` i dseá guitúung` do lado, eám' fí'í' calíñ-, jo canaaíñ` jmingí'r- dseá do lajaang` lajaaíñ`:

—¿Su jneab~, faa`aa'?

Jo jíéng`gui jaang` cañí`:

—¿Si jneab` é?

²⁰ Joba' cañí` Jesús:

—Lí' jaang` 'nú' la'ó' guitúung-na' na, jaang` i gø' cóo' jnea` fí coo` cuéé` huí, íb` i ni'lé- do. ²¹ Co' jáb'- e jnea~, dseá lín'n jaang` dseá jmi`güi` i cajá- fí ñifi-, dseáng'- 'né- e nidsingm`baa lí' laco'gui la fé' fí ni` jì quiá'- Fidiéé`; dsu' jnea` fá'a, je ngí` fíib` i dseá i ni'lé- do! Co' guiá- guib quiá'- i dseañu` í' fa' mí ja` caliséíñ`.

²² Jo lajee` e neáaiñ` gø'bre, catíng- Jesús coo` iñí' jo cacuø'r` gui'máang` Fidiéé`, jo mi` cangí e jo, caffim`bre jo cajméer` guiéé` quiá'- i dseá quiá'-r- do, jo casi'-reíñ' do lala:

—Quié`na' e iñí' la, co' ngúu` táam`baa la.

²³ Jo mi` cangí jo, catíñ- coo` cóo` e a` jmi'` mí'` huíng` jó', jo cacuø'r` gui'máang` Fidiéé` cajo mifíng` cajméer` guiéé`, joba' lajím`bre ca'í'r- e a` dsí' e cóo` do. ²⁴ Jo casi'-r- i dseá quiá'-r- do lala:

—E lab e jmi'øøn- e laco' nicuø` lí' quiá'- júu` tigua` e 'má-, jo fíim` dseá nijmicóo' quiá'-r- lajii` e jmi'øøn- e nitú. ²⁵ Co' dseáng'- já'-ba' e fíi` i 'nú' e jo nidúu`-guí e jmi'` mí'` huíng` jó' la cartí mi` nití- jmi` e nidúu`-u jmi'` mí'` huíng` jó' e 'má- mi` nití- í' e niquiá'- Fidiéé` ta` fí la'úng` fí jmi`güi`.

Mi` cajméé` Jesús júu` e nijíng'- Tú` Simón e ja` cuíñ` dseá do

(Mt. 26:30-35; Lc. 22:31-34; Jn. 13:36-38)

²⁶ Jo mi` cangí e ca'ø'r` e jmiféiñ` Fidiéé`, jo cangolíim`tur fí mó' Olivos. ²⁷ Jo fí job casi'- Jesús i dseá quiá'-r- do lala:

—Lajím` 'nú' nitiúung-na' jnea` e uøø` na lí' laco'gui la fé' fí ni` jì quiá'- Fidiéé': “Nijngám'- dseá i fii` i jmóo` í' jo'se", jogui jaléng` jo'se" quiá'-r- lí' nisojóm`bre'.” ²⁸ Dsu' mi` ningí e nijí'túu, fí lí se' Galileab ninii` i calé` catú` jééng`gui laco' 'nú'.

²⁹ Joba' cañí` Tú` Simón quiá'- dseá do lala:

—Nañí fa' lajím` nitiúung- 'nu', Fíi', dsu' jnea` ja` nijmee` e lajo.

³⁰ Joba' cañí` Jesús quiá'- Tú` Simón:

—Dseáng'- e já'- e fíi` i 'nu', Tú` Simón, e 'ñia' e uøø` na e ná'-gui e niquí'- tuidsee` tú` ya', 'nu` nifo'` 'ní` ya' e ja` cuín` jnea`.

³¹ Jo cuø'bi Tú` Simón 'goo` dseá do jo sí'reíñ' lala:

—Nañí fa' nijúum-baa colíing~ cóo~ 'nu, dsu' ja` nifá^a e ja` cuín`n 'nu.
Jò lajòb cajíng'- lajüing` i dsea` quiá'r- caguaang- gui do cajo.

Mi~ caféng' Jesús Fidié' fí' cóo' li~ sii' Getsemaní
(Mt. 26:36-46; Lc. 22:39-46)

³² Jò mi~ cangí' jò, jò cangó- Jesús colíing~ cóo~ dsea` quiá'r- fí' cóo' li~ sii' Getsemaní e née' fí' mó' Olivos, jò fí' jò casí'r- i dsea` quiá'r- do lala:

—Ní'na' e la lajee~ nii~ jnea~ nisiin`n cóo~ Tiquié^e Fidié~.

³³ Jò jii~ Tú^ Simón cóo~ gui Tiáa~ jogui Juan, jii~ í'bing' cajéiñ, jò Jesús mifíng` e ninaang` e líiñ' fí'í^ e eáang' jogui e jiuung~ dsír' cajo. ³⁴ Jò lalab cajíñ'-:

—Dsíng'- lí'í e fí'í^ lín`n dseáng'- lafa' jò jmiügü' la seem-baa lín`n. Jò lab nijá^ 'nú' lajee~ jò, jò ja` jmiügüing` yaang`na'.

³⁵ Jòba' Jesús cangó- catí' doguijia, jò catúuiñ' cartí' cajnúu- dsequír' fí' ni~ uó^, jò camí'r' Fidié~ fa' ja` ni'íñ' iihuú' lajii~ e nisijé~ quiá'r- mi~ nití' í' lajò.

³⁶ Jò lalab caféiñ' Fidié~ ie~ jò:

—Teaa~, lajib' cuóøng` sea` lí' jmée^ 'nu, jòba' mí'í' 'nu e jmiñ' lana e nilaang~ jnea~ jee~ e iihuú' e eáang' e nijaquíéeng' quié~e, dsu' ja` güilf' lacò' iing~ jnea~, cò' iin`n e nilí' dseáng'- lacò' iing~ 'nu.

³⁷ Jò mi~ caquing'- tu Jesús fí' lí' caseáiñ' i dsea` gaang` do, jò cadséng` neiñ' do e teiñ' güim`bre, jòba' casí'r- Tú^ Simón lala:

—Simón, ¿su güim`ba'? ¿Su dseáng'- ja` té'ba' fa' e sijné~ o' jii~ cóo' oor~?

³⁸ Jmijné~ óó'na', jogui mí'na' Fidié~ e lacò' ja` nijjúng`na' fí' ni~ dsee-. Dseáng'- e jáb'- iáam` óó'na' e jmée^na' jalé' e guiá~, dsu' ngúu' táang`na' ja` cuó' fí' e nijmée^na' lajò.

³⁹ Jogui cangób-tu Jesús calé' catú- cangoféiñ' Fidié~ lacò'gui nicangoféiñ' lami~ jéeng'gui do. ⁴⁰ Jò mi~ tí' lí' caquing'-tur fí' lí' neáang` i dsea` gaang` quiá'r- do, jò caléb' catú- cadséng`tureiñ' do e güim`biñ', cò' dseáng'- eám' jò` teiñ' do e jaligüiñ'. Jòba' ja` ñir' e~ niñír- quiá'- dsea` do.

⁴¹ Jò caquim'-tu Jesús e catí' 'ní' ya' jò lalab casí' reiñ' do:

—¿Su mí' 'noo' güim`bi 'nú' jogui jmi'ing`na'? Dsu' nitéb' jii~ lana, cò' dseáng'- lanab catí' í' e fí' jaguó' dsea` dsee- dsea` quib' nijáng' dsea` jnea~, i dsea` i cagüéng- fí' jmiügü' la e lín`n jaang` dsea` jmiügü'. ⁴² Jminá- ráang`na' na, jò má^aa', cò' nab nijáa' i dsea` i nijáng' jnea~ fí' jaguó' jaléng' dsea` i 'ní' ní- quié~e.

Mi~ casang'- dsea` Jesús
(Mt. 26:47-56; Lc. 22:47-53; Jn. 18 :2-11)

⁴³ Jò lajee~ e fé'bi Jesús, mi~ tí' lí' caguié- Judas Iscariote i quíng' jee~ dsea` guitúung` quiá'r-, jò i fíim' dsea` cóo'r- i quie' ñisú' cóo'gui jalé' 'ma, cò' ta~ quia' jaléng' fii~ jmidsea'ba' e ngolíng- i dsea` do cóo'gui jaléng' tifa' quiá'- júu^ quia' ta~ quiá'- dsea` Israel cóo'gui jaléng' dsea` cóøng' quiá'r- cajo. ⁴⁴ Jò Judas Iscariote lami~ jéeng'gui, lalab casí'r- jaléng' i dsea` i jéeiñ' do e nijmér- cóo' li~, jò nijíñ'- jnang~ i sii' Jesús, cò' cajíñ'- ie~ jò:

—Ii~ i nimó^ 'nú' i nichú^u ni~, íb' Jesús, jòba' séng`na're jóng, jò tee`na're e 'ñúuiñ' guiá-.

⁴⁵ Jò mi~ tí' lí' cangáiñ- Jesús, jò cangoquíeiñ' fí' quini~ dsea` do jò casí'r- lala:

—i Tifa'!

Jò mifíng` cachu'r' ni~ dsea` do. ⁴⁶ Jò casam'- jaléng' i dsea` do Jesús ladsifí' lado jò e 'ñúung'biñ' do catór-.

⁴⁷ Dsu' jaang' lajee' la'ó' dsea' quiá'- Jesús caguir' ñisú' quiá'r-, jo caquiú'r' dseáng'- logua~ jaang' dsea' i jmóo' ta~ quiá'- i jmidsea' i laniing-. ⁴⁸ Jo Jesús cajmingí'r- jaléng' i dsea' do lala:

—¿Jiali' nicañilíng-na' e quié'na' jalé' ñisú' cóo'gui jalé' 'ma' e laco' nitø-na' jnea~ e 'ñúun' lacogui la cáng' dsea' jaang' h? ⁴⁹ Co' lacoo' jmíib~ nicangí jnea~ jee~ 'nú' e ée- e 'nú' júu^ quiá'- Fidiéé' fí' dsí' sinúu^ guá'- fé' quí-ii', dsu' ja' ca'í' óo'na' fa' lajii' ie~ jo caséng'na' jnea~. Dsu' lanagui nilitib~ náng lacogui la fé' fí' ni~ jì quiá'- Fidiéé'.

⁵⁰ Joba' lajim' i dsea' quiá'- Jesús do catiúum-bre dsea' do jo cacuí-bre. ⁵¹ Jo dsu' jaang' siming' cangó-bre t'leáaiñ' lacogui cangáng'- Jesús, jo lico' íaiñ' coo' jmóo' 'mi' lajob. Jo casam'-bre i siming' do cajo; ⁵² dsu' i siming' do catú-bre e jmóo' 'mi' do jo cacuí-bre la ringúuiñ' lado.

Mi~ caguiéng' Jesús fí' quini' jaléng' dsea' cóong'

(Mt. 26:57-68; Lc. 22:54-55, 63-71; Jn. 18:12-14, 19-24)

⁵³ Jo cató-bre Jesús fí' quini' fii~ laniing- quiá'- jaléng' jmidsea' quiá'- dsea' góor' dsea' Israel; jo fí' job caseáng' jaléng' fii~ jmidsea' quiá'r- cóo'gui jaléng' dsea' cóong' quiá'r- jogui jaléng' tifa' quiá'- júu^ quiú' ta~ quiá'- dsea' Israel cajo. ⁵⁴ Jo dsu' cangób- Tú' Simón jiaub~ cøøiñ' lacogui cangó- Jesús cartí' caguilíñ- e fí' sigui' fí' lí' guing~ i jmidsea' laniing- do, dsu' fí' caluub' caje' Tú' Simón colíng~ cóo' i dsea' i néé' ni~ e guá'- fé' quiá'- dsea' Israel i neáng' jmiguiáng' fí' ca' lí' coo' jì.

⁵⁵ Jo jaléng' fii~ jmidsea' quiá'- dsea' Israel cóo'gui lajaléng' dsea' cóong' i quiú' ta~ quiá'r- canaiñ' 'nó'r' e~ jalé' dsee- sea' quiá'- Jesús e laco' nilí'r' e nijngáañ'- dsea' do, jo dsu' ja' cadsé' i dsea' do jii' coo'. ⁵⁶ Jo fíim' dsea' 'náiñ' Jesús cóo' júu^ e o' já'-, dsu' jmaquíim' júu^ fé'r' lajaang' lajaañ' jo jii' jaañ' ja' cuó'- júu^ rúñ'. ⁵⁷ Jo caróo'-bi jaang' gáng- dsea' e 'náiñ' Jesús cóo' júu^ e o' já'- jo cajíñ'- lala:

⁵⁸ —Jnea'^ canú'naa' e cajíng'- dsea' na lala: “Jo ni'ím~baa guá'- fé' quí-ii' e si' fí' Jerusalén e cajme' jaléng' dsea', jogui lajee' 'ní' jmíi' lajob nijméé'-túu coo'gui e ja' nitaan~n jii' jaang' dsea' jmigúí' e jme'r-.”

⁵⁹ Jo dsu' dseáng'- ja' cuøb' júu^ rúng' jii' jaang' i dsea' do cóo' lajii' e síiñ' do.

⁶⁰ Joba' caróo- i jmidsea' laniing- do jee~ jaléng' i dsea' do, jo lalab cajmingí'r- Jesús:

—¿Su jii' coo' ja' iin' ngíi'? ¿E~ e fé' jaléng' i dsea' na e 'náiñ' 'na'?

⁶¹ Dsu' jii' coo' ja' ee' cañí' Jesús quiáañ'- do, jo lí' cajer' tiib-. Joba' caleáb'tu cajmingí' i jmidsea' laniing- do jo cajmingí'r- dsea' do lala:

—¿Su já'-ba' e 'nab' lin' Dsea' Jmaáng- i nisíng- Fidiéé' i nicá' nifí' quí' jnea'^, jogui lin' i Jóo' Fidiéé' camíng' i dseáng'- i güeang'^ do?

⁶² Joba' cañí' Jesús quiáañ'- do lala:

—E jáb'-, jneab~ í', jogui 'nú' nimáam~ba' jnea~, i dsea' jmigúí' i jáa' fí' ñiff-, e guiin~n lí' lí' dsée' lacogui la guing~ Fidiéé' i quí' jmíi' jmé- lí' doñí' ee', jogui e nigáa'a' fí' yú' jmigúí' fí' jee~ cabøø~ jní'.

⁶³ Job mi' i jmidsea' laniing- do canaiñ' síiñ' sî'r^ dsu' e guíñ- jo cajíñ'- lala: —¿E~ gui e güijeeng' guí' e niline' guí'? ⁶⁴ Nab nicanúu-na' jial nicafé'r' júu^ ga' uí' quiá'- Fidiéé'. ¿Jial í' óo' 'nú' cóo' jalé' e nicafé'r' na?

Jo lajim' i dsea' do casíiñ- røø' e røøm' dsea' do dsee-, joba' 'né- e nijúum-bre.

⁶⁵ Jo i líng~ i dsea' do canaiñ' 'níim-bre Jesús, jogui qui'r' ni~ dsea' do jogui naaiñ' jnóor' moníñ' jo jmingí'r- dsea' do lala:

—iNe~duu' su já'- quí'- ní'^ i~ i cabá' moní'^!

Jogui jaléng' i jmóo' í e guá' fé' do canaañ' jnóor' moni' dsea' do cajo.

Mi' cajíng' Tú' Simón e ja' cuiñ' Jesús

(Mt. 26:69-75; Lc. 22:56-62; Jn. 18:15-18, 25-29)

⁶⁶ Jo cõ' dobi guing' Tú' Simón e fi' sigui' do ie' jo, jo lajee' jo mi' tí' lí' caguié' jaang' dseam' i jmóo' ta' quiá' i jmidsea' laniing' do. ⁶⁷ Jo mi' cangáñ' Tú' Simón e dobi guiiñ' do 'ni' j' jmiguiáñ', lí' cajer' jøøm-bre dsea' do jo casí'r' lala:

—Cangí' b' já' 'nu' cõ' Jesús i seeng' fi' Nazaret do, ¿já' já'?

⁶⁸ Dsu' Tú' Simón cañír' quiá' i dseam' do lala:

—Ja' cuiñg' jnea' i dsea' í, dseam'. Ja' ñii' e' gui e fó' na.

Jo cagü'í' Tú' Simón fi' lí' o'nú', jo job mi' caqui' jaang' tuidsée'. ⁶⁹ Joba' cajøøng-tu i dseam' do ír', jo mifíng' canaañ' s'í'r' i dsea' teáng' do ie' jo:

—I cangi' cõ' Jesús i dseañ' la cajo.

⁷⁰ Dsu' Tú' Simón cajíñ' calé' catú' e ja' cuiñ' dsea' do. Jo mi' m'ing' guijiá' lajo cajíng' i teáng' do cajo casí'r' Tú' Simón lala:

—E jáb' dseáng' 'nub' i cangi' cõ' Jesús do, ¿já' já'?, cõ' dsea' Galileab lin'.

⁷¹ Joba' Tú' Simón canaañ' jmi'lim' 'ña'r' e jíñ' e dseáng' ja' ñir', jo casí'r' dsea' do:

—Ni' fii'. Dseáng' ja' cuim'baa i dseañ' i éeng' 'nú' na.

⁷² Job mi' tí' lí' caqui' tuidsée' e catí' tú' ya', jo joguib' cadseng' dsí' Tú' Simón cajo e cajím' Jesús la nú' gui do lala: “Nú' gui e niquí' tuidsée' e nití' tú' ya', 'nu' nifo' 'ní' ya' e ja' cuiñ' jnea'.”

Jo mi' cadseng' dsí' gui' e jo, canaañ' qui'bre jóng dseáng' e ngocáng' dsí'r'.

15

Mi' caguiéng' Jesús fi' quini' dseata' Pilato

(Mt. 27:1-2, 11-14; Lc. 23:1-5; Jn. 18:28-38)

¹ Jo mi' cajneá' e jmii' jo, jaléng' fii' jmidsea' quiá' dsea' Israel caseáng' yaaiñ' cõ' jaléng' dsea' cøøng' quiá'r' cõ' gui tifa' quiá' júu' qui' ta' quiá' dsea' Israel, lí' lajüing' i dsea' Israel i quie' nifi' i qui' ta', jo catø-bre Jesús e 'ñüuiñ' fi' quini' dseata' Pilato. ² Jo mi' caguilíng' jaléng' i dsea' í fi' jo, jo dseata' Pilato cajming'í'r' Jesús lala:

—¿Su já' ba' e 'nub' i líng' dseata' dsea' féng' quiá' dsea' Israel?

Jo Jesús cañír':

—E jáb'. Lajob lí' lí' laco'gui la nicafee' na.

³ Jo cõ' jmiguiub' dsee' cuø' jaléng' i fii' jmidsea' do Jesús, ⁴ joba' cajming'í'r' tu dseata' Pilato Jesús lala:

—¿Su jí' cõ' ja' e iin' ngii'? Cõ' dseáng' jmiguiub' dsee' jmóo' jaléng' i dsea' la qui'.

⁵ Dsu' Jesús caleáb'tu ja' ee' cañír' jí' cõ'; joba' eám' dsigá' dsí' dseata' Pilato.

Mi' cahu'í' ta' e nijúung' Jesús

(Mt. 27:15-31; Lc. 23:13-25; Jn. 18:38-19:16)

⁶ Jo lajee' e tí' e jmii' jo, nitíng' dseata' Pilato e láaiñ' jaang' dsea' i sijnáng' lí' doñi' i' i m'ing' dsea' fi'. ⁷ Jo ie' jo ni'iuung' jaang' i sijnáng' i sii' Barrabás colíng' cõ' jaléng' i nijmóo' ta' jngang' jaléng' dsea' fi' jee' mii'. ⁸ Job mi' casimó' dsea', jo camí'r' dseata' Pilato e nijmé' dsea' do lajo, e nileáiñ' jaang' i dsea' sijnáng' do laco'gui jí' e qui' tiiñ'. ⁹ Joba' cañi' dseata' Pilato quiá' jaléng' i dsea' do lala:

—¿Su iing` 'nú' e nilaan` i dseata` dsea` féng'` quiá'` dsea` góo`na' dsea` Israel?

¹⁰ Jo cō' calilíb` i dseata` do jéeng`gui e lí' uí' e dsihuím' jaléng' i fií` jmidsea` do quiá'` Jesús, joba' cajáng`neiñ'. ¹¹ Dsu' jaléng' i fií` jmidsea` do canaaíñ` ta'r` mii'` jo canaaíñ` sí'r` jaléng' dsea` jiéng`gui e guiá`gui e nileáng` Barrabás. ¹² Joba' cajmingí`tu dseata` Pilato lala:

—Jo ¿e` iing` 'nú' e nijmee` e cóo'` i dsea` i fií' 'nú' dseata` dsea` féng'` quiá'` dsea` góo`na' dsea` Israel?

¹³ Jo cañí`tu jaléng' i dsea` do cóo'` júu` teá':

—¿Güitáiñ` fi' dse'` crúu`!

¹⁴ Jo cañí`tu dseata` Pilato:

—¿E`gui e ga` e nicajmée` i dseañu` na?

Dsu' i dsea` do caleáb`tu canaaíñ` ta'r` mii'` jo fé'r':

—¿Güitáiñ` fi' dse'` crúu`!

¹⁵ Jo cō' i dseata` Pilato do contøm` iin` e seeiñ` guiá` cóo'` jaléng' dsea`, joba' caguím`bre i Barrabás do dsí'` 'nuñí'; jo mi` cangí` e jo, caquiur` ta` e calihuíng` Jesús cóo'` 'nii` jo cajáng`neiñ' do e quiá'` nitáng` dsea` do fi' dse'` crúu` jóng.

¹⁶ Jo jaléng' i 'lée` do cajéem`bre dsea` do fi' ni` 'núu` jo fi' jo caseáiñ` lajiing` 'lée`. ¹⁷ Jo caquíng`neiñ' do cóo'` 'mi' e ná', jogui catá'r` fi' mogui` dsea` do cóo'` lí' corona e lí' cóo'` layaang` 'matóo'. ¹⁸ Jo mi` cangí` jo, canaaíñ` fé'r` teá' lala e løøng`neiñ':

—¿Güiliseem` dseata` dsea` féng'` quiá'` dsea` Israel!

¹⁹ Jo bár` sii` mogui` dsea` do, jogui` ñíiñ` dsea` do, jogui` jmicaaiñ` e jmiféiñ' dsea` do e sí'r` uø` jnir` fi' quiniñ'. ²⁰ Jo mi` cangí` e løøiñ` dsea` do lajo, cajé`bre e 'mi' ná' do, jo caquíng`tur dsea` do siiñ` e lami` quiñ'. Jo mi` cangí` jo, caguím`bre dsea` do e quiá'` niteáiñ` fi' dse'` crúu`.

Mi` catáng` Jesús fi' dse'` crúu`

(Mt. 27:32-44; Lc. 23:26-43; Jn. 19:17-27)

²¹ Jo lajee` e teáaiñ` fi', cajíñ' jaang` dseañu` i sii` Simón i seeng` fi' Cirene, tiquiá'` jaang` i sii` Jaang` cóo'` gui jaang` i sii` Rufo, jo nijaiñ' do fi' jenuu` fi' lí` jmóor` ta`, jo jaléng' i dsea` i ngolíng` do cajmeáiñ' 'goo` i Simón do e nijéiñ` crúu` quiá'` Jesús.

²² Jo cajéem`bre Jesús fi' cóo'` lí` sii` Gólgota e guøng` Cuo'` Mogui` 'Lii'. ²³ Jo cacuø'r` Jesús jmí'` jmii` huíng` jø'` e sicáang' cóo'` cóo'` oo' e sii` mirra e sí'í` ni'í'` dsea` do, dsu' Jesús ja` cali'iiñ` fa' e ca'í'r` e jo. ²⁴ Jo job mi` cateáaiñ` dsea` do fi' dse'` crúu`; jo jaléng' i 'lée` do canaaíñ` cóor` quiá'` e nijmér` guié` sí'` Jesús, jo ne`duu e` nilí'r` nicóor` lajaang` lajaaíñ`.

²⁵ Jo ngóo`jiu la ii` ñú` e la'ee` mi` cateáaiñ` dsea` do fi' dse'` crúu`. ²⁶ Jo catéer` cóo'` 'majmá'jiu fi' yá'` gui` dsea` do e tóo'` e` uing` e jmáiñ' dsea` do lado, jo lalab tóo': "I lab dseata` dsea` féng'` quiá'` dsea` Israel." ²⁷ Jo cateáang`guir gáng` ii` colíng` cóo'` Jesús, jmá'` jáng` crúu` lajaaíñ' do, jaang` la cataang` cáang` dsea` do. ²⁸ Jo lajob caliti` laco'` la fé'` fi' ni` jì quiá'` Fidié` lí` fé'` lala: "Calí'íiñ` jee` jaléng' dsea` i 'lée'."

²⁹ Jo jaléng' dsea` i ngíng` lajee` e táang` Jesús fi' dse'` crúu` lico'` guia'r` gui`bre e jøøiñ` dsea` do jo fé'r` lala:

—¿Jaa`! ¿Su o'` 'nu`bi i fé'` i lí' qui'` guá'` fé'` quiá'` dsea` góo', jogui cóo'` 'ní` jmii` lajo lí'` jméel`tu'? ³⁰ Jo lana leaang` uø', jo güíng` fi' lí` táan' fi' dse'` crúu` na.

³¹ Jo lajobi jaléng' fií` jmidsea` quiá'` dsea` Israel cóo'` gui jaléng' tifa' quiá'` júu` quiu'` ta` quiá'r` dseáng'` løøm`bre dsea` do, jogui` siiñ` lajee` yaaiñ` lala:

—Caleám-bre jaléng' dsea`jiéng', dsu' ñia'r' jo`quí'r~ jmí~ fa' e nileáng-gui ñia'r' náng. ³² Song nine`naa' e nijgiáaiñ' fí' dse' crúu^ fí' lí~ táaiñ', joguiba' já'~ nilí'naa' jóng e í'bre líiñ' Dsea`Jmáang~, i dsea`i sijeeng`naa' i nicá' nifí' qui' ii', jogui i nilíng~ dseata~ dsea` féng' qui' ii' cajo.

Jø jì'gui cartí' i ìi i taang~ cáaiñ' do, gab`fé'r` uí'~ quiá'~ dsea` do cajo.

Mí~ cajúng~ Jesús

(Mt. 27:45-56; Lc. 23:44-49; Jn. 19:28-30)

³³ Jø mí~ catí' guieñí'~ e jmí~ jo, dseáng'~ latøøng~ e fí' jø calinú` congua', jø lajòb lí' cartí' la ìi~ 'ní' ca'lóo~. ³⁴ Jø e í' jøb mí~ ca'óo` Jesús teá' jø cajíñ'~ lala:

—Eloi, Eloi, ¿lama sabactani? —e guøøng': Fidiéé` quié`e, Fidiéé` quié`e, ¿jiali' nícatiun' jnea~?

³⁵ Jø i líng~ dsea` i teáng~ do ie~ jø canúur~ e jø, jø cajíñ'~:

—Fíng na núu~na', lana tó'r' i café' cuaiñ' quiá'~ Fidiéé` malí~gui eáang' i calisí' Líí'.

³⁶ Jøba' ladsifí' ladob cangó~ jaang' i dsea` do, jø cangoquier` coo` joo` e nisíyá'~ jmí'~ jmí~ huíng' jó'~ e tí', jø caquíñ' e joo` do fí' coo` yá' tá' jø caséer` e laco' niyá'~ Jesús jø cajíñ'~ lala:

—Ja' ee' cang'na're, majeeng`duu' su nijáa' i Líí' do e nijajgiáaiñ' dsea` na.

³⁷ Jøb mí~ ca'óo` Jesús e teá' eáang' jø cajúm~bre. ³⁸ Jø mí'fíng' jøb cajo casím~ e 'mí' fé' e í' fí' sínúu^ guá'~ fé' quiá'~ dsea` Israel e sí' fí' Jerusalén jø calí~ tú~ fóo~ catí' yá'~ jogui catí' uii~. ³⁹ Jø mí~ calilí' i fii' 'léé~ romano i sing' jmóo' í' cáang' Jesús e nicajúm~ dsea` do, jøba' cajíñ'~ lala:

—Dseáng'~ e já'~ba' e i dseañu' na líiñ' i Joo' Fidiéé` camíng'~ do.

⁴⁰ Jogui huíi~bijiú teáng~ coo` tú~ míng'~ dseamí e jøør~ fí' jø; jø jee~ í' quíng'~ Yá' i seeng' fí' Magdala, jogui Salomé, jogui Yá', niquiá'~ Tiáa~ i jiuung~ do jogui niquiá'~ Sé^ cajo. ⁴¹ Jø jaléng' i dseamí na cangi'bre e jmicóo'r~ cóo'~ lí' ee'go 'né' Jesús ie~ lamí~ cateáaiñ' fí' lí' se' Galilea. Jogui i fíim'bigui dseamí i jiéng' i teáng~ do ie~ jø cajo i cajalíng' fí' Jerusalén cóo'~ dsea` do.

Mí~ ca'áng~ Jesús

(Mt. 27:57-61; Lc. 23:50-56; Jn. 19:38-42)

⁴² Jø jaquíéng' e tí' lí' ní'f' núu^ ie~ guati'ló~ jmí~ e guía' dsea` Israel guíá~ e nití~ jmí~ e jmi'íñ'. ⁴³ Jø ie~ jøb mí~ caguié~ jaang' dseañu' i sii' Sé^ i seeng' fí' coo' fí' e sii' Arimatea, jø i dsea' la líiñ' jaang' i niing~ quiá'~ jaléng' dsea` cóøng'~ i quiu' ta~ quiá'~ dsea` Israel, jø sijeem`bre cajo e Fidiéé` nicá' nifí' quiá'r~; jø dseáng'~ teáb' táang' dsíir' cangó~ fí' lí' guíng~ dseata~ Pilato, jø camí' fí' e nidsi'áaiñ' Jesús. ⁴⁴ Jø cangogáb' dsíí' dseata~ Pilato e nicajúm~ Jesús, jøba' cató'r' i fii' 'léé~ e quiá'~ nijmíng'~ reiñ' do jial tí' níngóo' e cajúng~ dsea` do. ⁴⁵ Jø mí~ cajmea' i fii' 'léé~ do júu^ i dseata~ do, jøba' dseata~ Pilato cacuø'bre fí' i Sé^ do e nidsi'áaiñ' Jesús. ⁴⁶ Jø i Sé^ do calár~ coo' 'mí' e niguó' eáang' e quiá'~ niquiíñ'~ Jesús. Jø cangojéem`bre dsea` do fí' lí' ní'áaiñ' fí' coo' dsíí' too' jiáa', jø cajlír~ e ni~ do cóo'~ coo' cuu~ e fe'. ⁴⁷ Jogui Yá' i seeng' fí' Magdala cóo'~ Yá' niquiá'~ Sé^ i jaang'gui do cangá~bre jie~ lí' ca'áaiñ' dsea` do.

16

Mí~ cají'tu Jesús

(Mt. 28:1-10; Lc. 24:1-12; Jn. 20:1-10)

¹ Jø mí~ nicasúung~ e jmí~ e jmi'íng' dsea` Israel, i Yá' i seeng' fí' Magdala jogui Salomé cóo'~gui Yá', niquiá'~ Tiáa~, calár~ jmí~ jmeafíi' e quiá'~ e nidsisuiñ' Jesús fí' lí' iuung~ dsea` do. ² Jø eeb' e jmí~ la'uii~ quiá'~ seaman~

cangoliñ[^] fí lí[~] ca'áng⁻ Jesús, jò caguiliñ⁻ e lico' nicaguá⁻ iee', ³ jò sñiñ[~] lajee[~] yaaiñ[~] lala:

—¿I[~] nijé[~] e cuu[~] e jlí[~] fí[~] otoo[~] ée[~] lí[~] ca'áiñ⁻ do?

⁴ Dsu[~] mi[~] cangár⁻ røø, e cuu[~] e cajlí⁻ ni[~] otoo[~] quiá⁻ e ée[~] do jò róo[~] ée[~] quiá⁻. ⁵ Jò cangotáam[~] bre e fí[~] dsí[~] tó[~] ée[~] do, jò fí[~] job[~] cangáiñ⁻ jaang[~] siming[~] i guing[~] lí[^] lí[~] dsée[~] i qui[~] coo[~] 'mi[~] té[~] e cuee[~]. Jò eám[~] caføng[~] i dseam[~] do, ⁶ dsu[~] i siming[~] do cañír[~] lala:

—Ja[~] føøng[~] na[~] jí[~] coo[~]; co[~] ñi[~]baa e 'náng[~] na[~] Jesús i seeng[~] fí[~] Nazaret i cajúng⁻ fí[~] dse[~] crúu[^] do, dsu[~] lanagui nicajíb[~] tur, jò jò iuiñ⁻ fí[~] la lana. Fí[~] na jøø⁻ na[~] e fí[~] lí[~] catiraiñ⁻ do, jò i[~] seeng[~] jí[~] jaang[~]. ⁷ Güilíng[~] na[~] jò güijmée[~] na[~] júu[^] dsea[~] guijáng[~] quiá[~] r⁻, jò jee[~] jò quíng[~] Tú[^] Simón cajo, jò sí[~] na[~] r lala: “Jéeng[~] gui nidsé⁻ Jesús fí[~] lí[~] se[~] Galilea laco[~] gui 'ná[~], jò fí[~] job nimáang[~] na[~] re lí[^] laco[~] gui jí[~] e cajíñ⁻ ie[~] lamí[~] nú⁻ gui e nijngáng⁻ dsea[~] ír.”

⁸ Jò mi[~] cangí[~] e jò, ca'uøøm[~] i dseam[~] do e cuír[~] e fí[~] lí[~] ca'áng⁻ dsea[~] do, co[~] dseáng⁻ eám[~] jléeiñ[~] e 'gó[~] r. Jò jí[~] jaang[~] ja[~] i[~] cajmea[~] i dseam[~] do júu[^], co[~] dseáng⁻ 'gó[~] bre.

Mí[~] cajmijnéeng[~] 'ñia[~] Jesús fí[~] quini[~] i Yá[^] i seeng[~] fí[~] Magdala (Jn. 20:11-18)

⁹ Jò mi[~] nicangí[~] e nicají[~] Jesús, mi[~] cajneá⁻ e jmí[~] la'uii[~] quiá⁻ seamaan[~] do, jò la'uii[~] cajmijnéeng[~] 'ñia[~] r fí[~] quini[~] i Yá[^] i seeng[~] fí[~] Magdala, i dseam[~] i ca'uøøng[~] guijáng⁻ i 'líng[^] fí[~] dsí[~] lamí[~] jéeng[~] gui. ¹⁰ Jò i Yá[^] do ladsifib[~] cangojmée[~] r júu[^] jaléng[~] i dsea[~] i cangí[~] cóo[~] Jesús do; jò jaléng[~] i dsea[~] i dseáng⁻ eám[~] fí[~] lí[^] líiñ[~] jogui neáiñ[~] ta[~] qui[~]. ¹¹ Jò mi[~] canúu⁻ i dsea[~] do e nicajíb[~] tu Jesús jogui e nicangám⁻ i Yá[^] do, jò dsu[~] ja[~] já⁻ calíng⁻ i dsea[~] do ladsifí[~] lado.

Mí[~] cajmijnéeng[~] 'ñia[~] Jesús fí[~] quini[~] gáng⁻ i dsea[~] quiá[~] r do (Lc. 24:13-35)

¹² Jò mi[~] cangí[~] e jò, cajmijnéem[~] 'ñia[~] Jesús fí[~] quini[~] gáng⁻ lajee[~] i dsea[~] quiá[~] r do lajee[~] ngoliñ⁻ e teáiñ[~] fí[~] fí[~] jee[~] mó[~]. ¹³ Joba[~] ladsifí[~] ladob caquim[~] tu i dsea[~] gáng⁻ do, jò cangojmée[~] r júu[^] i caguiaang[~] gui do; jò dsu[~] ja[~] já⁻ calíñ⁻ do cajo ladsifí[~] lado.

E ta[~] e cacuø[~] Jesús jaléng[~] dsea[~] quiá[~] r (Mt. 28:16-20; Lc. 24:36-49; Jn. 20:19-23)

¹⁴ Jò mi[~] cangí[~] gui lajo, lajee[~] e neáng[~] i dsea[~] guijáng[~] quiá[~] r e gø[~] r fí[~] 'ni[~] mes[~], jò lajee[~] jò mi[~] cajmijnéeng[~] 'ñia[~] Jesús fí[~] quini[~] jaléng[~] i dsea[~] do, jò cajím⁻ breiñ[~] do, co[~] dseáng⁻ ja[~] já⁻ mí[~] lím[~] biñ[~] do e nicajíb[~] tur; jogui co[~] eám[~] ue[~] moguiñ[~] cajo, joba[~] ja[~] já⁻ calíñ⁻ do ladsifí[~] lado mi[~] cajíng⁻ i dsea[~] i cangá⁻ quiá[~] r e nicají[~] tur. ¹⁵ Jò casí⁻ Jesús i dsea[~] do lala:

—Güilíng⁻ na[~] fí[~] la'úng⁻ fí[~] jmigüí[~], jogui güigua[~] na[~] júu[^] jee[~] jaléng[~] dsea[~] jmigüí[~] jial nileáng[~] dsea[~] jee[~] jalé[~] dsee⁻ quiá[~] r. ¹⁶ Jò jaléng[~] i dsea[~] i já⁻ nilíng[~] júu[^] quié⁻ e jogui e nisáiñ[~] jmí[~] e laco[~] cuø[~] lí[~] e nica'uiñ⁻ dsea[~] quié⁻ e, joba[~] i dsea[~] i nileám[~] bre jóng[~] jee[~] jalé[~] dsee⁻ quiá[~] r; dsu[~] i dsea[~] gui i ja[~] já⁻ nilíng[~] júu[^] quié⁻ e, joba[~] i dsea[~] i latab[~] ni'naaiñ[~] quiá[~] Fidié[~]. ¹⁷ Jogui niñím[~] jaléng[~] i dsea[~] i já⁻ líng[~] júu[^] quié⁻ e e nilí[~] bre uóñ⁻ i 'líng[^] i teáng[~] dsí[~] dsea[~] la'eáng[~] cóo[~] júu[^] quié⁻ e; jogui niñím[~] bir cajo e nifé[~] r jmí[~] e ja[~] mí[~] ñír[~] jéeng[~] gui; ¹⁸ jogui nilí[~] bir e sáiñ[~] mí[~] i guíng⁻ cajo e ja[~] nicúñ[~] do quiá[~] r, jogui song ni'í[~] r lafa[~] oguí⁻, ja[~] nilé⁻ quiá[~] r jí[~] coo[~]; jogui niñím[~] bir e nilí[~] r jmi[~] leáiñ⁻ jaléng[~] dsea[~] dsée[~] cajo e lico[~] niquidsir[~] guóor[~] fí[~] yá[^] moguiñ[~], jò ni'leám⁻ biñ[~] do jóng.

Mĩ cangáng'⁻tu Jesús fí' ñifí'⁻
(Lc. 24:50-53)

19 Jo mĩ cangí' e casí'⁻ Fí'naa' Jesús jaléng'⁻ i dsea` quiá'r⁻ do lajo, joba' cajgóo⁻bre fí' yá'⁻ jmĩgüi' jóng, jo cangám'⁻tur fí' ñifí'⁻ fí' lí' cajár⁻, jo cangogüea'tur lí'⁻ lí' dsée' laco'gui la guing~ Tiquiá'r^ Fidiée'. 20 Jo mĩ cangí' jo, ca'uøøm` jaléng'⁻ i dsea` do fí' la'úng⁻ fí' jmĩgüi' e cangoguiar~ júu^ quiá'⁻ jial laang` dsea` jee~ jalé'⁻ dsee⁻ quiá'r⁻, jo 'ñiab' Fí'naa' jmicóo'r~ i dsea` î e guiañ' do júu^ quiá'r⁻, jogui ca'e'bir dsea` jmĩgüi' e dseáng'⁻ e já'⁻ júu^ quiá'r⁻, co' jaléng'⁻ i dsea` do jmóor jalé'⁻ e dsigá` dsí' dsea` la'eáang' cóo'⁻ güea'^ quiá'⁻ Fí'naa'.

Jo lajob nilí.

Jo lanab jíi'⁻ lí' júu^ quiá'⁻ Fidiée' e cajme' Marcos.

E lab júu^ quiá'- Dsea` Jmáang- e cajme' LUCAS

E uing~ e cajme' Lucas e ji` la

¹ Teófilo, niñí^b 'nu e fím' dsea` cajme'r' fí' ni` ji` jalé' e nicalí- jee~ jneaa~aa',
² jo cajme'r' laco' júu^ e cajméé` jaléng' i dsea` i cangá- jial calí- lamí~ cagüéng-
 Jesús fí' jmigüí' la, jo i dsea` íb` i ca'e' jalé' júu^ quiá'- Jesús cajo. ³ Jo nica'nób'
 jnea~ cajo, jo nicalidseáam' dsii- jalé' e já'- e calí- latí' mi~ uing~ jo latí' lana,
 joba' nijméé' e 'nu` júu^ jial calí- lamí~ cateáang` Jesús fí' jmigüí' la, ⁴ jo lajoba'
 dseáng'- lajang'- niliñí' jalé' e júu^ e nica'e' dsea` 'nu`.

Jaang` ángel cajméer` júu^ e niliseeng` Juan i seáang` dsea` jmí`

⁵ Jo lajee` líng' Herodes dseata~ dsea` féng' quiá'- Judea, jo seeng` jaang`
 jmidsea` quiá'- dsea` Israel i sii` Zacarías, i líng' dsea` quiá'- jaang` jmidsea` i
 sii` Abías. Jo i dseamí` quiá'- i Zacarías do siir` Elisabet, siju` jaang` jmidsea` i
 calisí Aarón. ⁶ Jo laji` huáam- bre núu'r- jalé' ta` quiá' Fidiéé', jo eáam` guiúíñ-
 fí' quini` dsea` do cajo e laco' jíí~ jaang` dsea` ja` cuøøng` cuø' reiñ' do dsee-.
⁷ Jo dsu' ja` i jóor' seeng`, co' i dseamí` do ja` cuøøng` nidsiquieeiñ` yuu, jogui
 dsím'- nidseáaiñ- laji` huáaiñ- do cajo.

⁸⁻⁹ Jo coo` jmí` catíng- jaléng' jmidsea` e lí' quíng' Zacarías do e nijmiféiñ'
 Fidiéé' fí' dsíí' guá'- fé' e si' fí' Jerusalén, jo nitíng- lajee' la'ó' jmidsea` e
 guíng' yaaiñ~ i` i nitíng- e nijír- su' fí' nife', jo Zacaríasbing' catíng- ie~ jo.
¹⁰ Jo 'ñiab' Zacarías ca'ír- tí' nife' ie~ jo e quier' e su' do. Jo lajee' coo' e su' do,
 lajalém' dsea` teáaiñ- fí' caluu' e jmiféiñ' Fidiéé'. ¹¹ Jo lajee' iuung- Zacarías
 fí' nife' do, jo coo` cajném- jaang` ángel quiá'- Fidiéé' lí'- lí' dsée' e nife' e lí'
 iuuiñ- jír' e su' do. ¹² Jo mi~ cangáng- Zacarías i ángel do, dsíng'- cafóíñ' jíí~ ja`
 ñír' e~ nijmér- . ¹³ Jo cajíng'- i ángel do casí'r- Zacarías:

-Ja` fòøñ~, Zacarías, co' nicanúub- Fidiéé' lajíí~ júu^ e nicanmí~na'r do, jo
 lana dseamí` quií'- nidsiquieeiñ~ jaang` yuu siñuu^ i nitó' e nilisií` Juan mi~
 niliseeiñ'. ¹⁴ Jo fím' dsea` nili'iaang` dsíir' jogui dsíng'- nili'iaang` óo' 'nú' e
 niliseeng` i yuu quií'-na' do cajo, ¹⁵ co' mi~ nicuáiñ, dsíng'- niliféiñ' fí' quini`
 Fidiéé'. Jo ja` méé' ni'í'r' carta~ niteáiñ- fí' jmigüí', jogui nú'-gui e niliseeiñ,
 ni'íñ' Jmiguí quiá'- Fidiéé' e nijmicóo~ quiá'r- lajíí~ ta~ e nijmér- fí' jmigüí'
 la. ¹⁶ Jogui nijmér- e niquí'- jíng' yaang~ fím' dsea` Israel fí' quini` Fidiéé'. ¹⁷ Jo
 i Juan do ni'íñ' Jmiguí quiá'- Fidiéé' laco' ca'íng' jaang` dseañu' i cali'gøng'
 eáang' i calisí Líí, jaang` i café' cuaiñ~ quiá'- Fidiéé' malií'gui eáang'. Joba'
 i Juan na niguiár- júu^ mi~ nijaquíéng' e nijáa' Dsea` Jmáang- e laco' røøb`
 nisíng`tu jaléng' jóo' dsea` cóo' jaléng' sejmiir, jogui e laco' jaléng' dsea` i
 jo` núu' júu^ quiá'- Fidiéé' niquí'- jíng' yaaiñ~ mi~ ninúr- jalé' júu^ e niguiá-
 i dsea` í. Jo lajoba' nijmér- e niguiéng- guiá- yaang~ dsea` e nijmicuíñ` Dsea`
 Jmáang-.

¹⁸ Jo mi~ cató' e fé' i ángel do jalé' júu^ quiá'- Fidiéé', jo cajmíngi' Zacarías i
 ángel do:

-Jial nilita~ dsí` jnea~ jalé' e jo, co' nidseáam-baa' eáang' cóo' dseamí`
 quié-e?

¹⁹ Jo cañí' i ángel do:

-Jneab~ i ángel Gabriel, jo jmóo'o jalé' ta~ e iing~ Fidiéé', jo íb` dsea` casííñ`
 jnea~ e cagajméé' e 'nu` jalé' e juguiú- e nifá'-a na. ²⁰ Jo dsu' uíí' e ja` já'-
 calín'- jalé' júu^ quié-e, joba' latí' lana nijá' e jo lí' fo' jíí~ camí' júu^ cartí'
 niliti~ lajíí~ júu^ e nifá'-a na, jo joguib nifo'^tu' jóng.

21 Jo lajee` s̄ing` Zacarías cóo` i ángel do, jo caluu` guá` féb` teáng` jaléng` i dsea` i sijeeng` ír` do. Jo lajaléng` i dsea` do ninaang` í dsír` jiali` cali`ing` Zacarías eáng` fí lí` cangór` fí nife` do. 22 Jo dsu` mi` cagüi`hí` Zacarías fí jo, jo lí` fé`r`. Joba` dsifí` lajob` calilí` jaléng` i dsea` i teáng` caluu` do e lüm`ba` e cangáin` do e fí dsí` guá` do. Jo dsifí` ladob` canaang` Zacarías e jmóor` lí` cóo` guóor` quiá` jial` e cangár` do, jo cangoca`bi` e lüin` lado.

23 Jo mi` cangá` jo, mi` catí` í` e cadsíng` lajii` jmü` e catíng` Zacarías e iuuiñ` fí sinúu` guá` do, jo cangám` bre` fí quiá`r`. 24 Jo mi` calicóng` gui lajo, yuub` cacóng` dseamf` quiá`r`. Jo lajee` 'ñíng` si` jo` cagüi`hí` i dseamf` do sinúu` quiá`r`, jo lajee` jo` í dsír`: 25 “Gui`máam` Fidié` quiá` e guiá` e jmóor` cóo` jnea` e laco` jo` nife` dsea` ga` uii` quié` e.”

Mi` cajmé` i ángel do júu` e niliseeng` Dsea` Jmáang`

26 Jo mi` cadsíng` jñúung` si` lajo, cóo` jmü` casíng` Fidié` i ángel Gabriel do fí cóo` fí` lí` sii` Nazaret e née` fí lí` se` Galilea. 27 Jo casíñ` dsea` do fí quiá` jaang` simí` i sii` Yá` i niné` júu` quiá` cóo` jaang` siming` sijü` Daví` i sii` Sé`. 28 Jo mi` cagüé` i ángel do fí quiá` i simí` do jo casí` reiñ`:

—Juguiá` o` quíi`, simí`, co` 'nu`bing` i nicaguíng` Fidié` lajee` lajaléng` dsea` i seeng` fí jmigüi`, jo Fidiéeb` nijmicóo` 'nu`.

29 Jo mi` canúu` i simí` do júu` quiá` i ángel do, dsíng` cangogá` dsír` jo ca`f` dsír` e` uing` e cajíng` dsea` do lado.

30 Jo cajíng` tu` i ángel do:

—Ja` fõon` jii` cóo`, co` íáam` dsí` Fidié` cóo` 'nu`, 31 jogui` lana nigüi`quiéen` jaang` yuub` siñuú`, jo mi` niliseeñ`, nitó`na` e nilisiir` Jesús. 32-33 Jo mi` nicuáiñ`, nijmé` Fidié` e nilíñ` jaang` dsea` féng` laco` calíng` i sijur` Daví` do. Jogui` i yuub` do quíi` latab` niquiú`r` ta` quiá` lajaléng` dsea` Israel, jogui` niquiú`r` ta` cajo` fí la`úng` fí jmigüi`, jogui` nilisiir` Jóo` Fidié` dsea` guing` ñiff`.

34 Joba` cajmingi` Yá` i ángel do:

—Jial` cuõong` nilí` lajo? Ja`gui` cóo` o` dseañu`.

35 Joba` cañí` i ángel Gabriel do:

—Fidié` dsea` guing` ñiff` nijmér` cóo` güea` 'gõng` quiá`r` e niquin` lafa` jee` cabõõ` jníi`, jo lajee` joba` nicuó`r` 'nu` Jmiguí` quiá`r`, jo joguiba` nigüi`quiéen` i yuub` güeang` i líng` Jóo` Fidié` do. 36 Jogui` i nii` i sii` Elisabet, jaang` dseamf` i niyúng` eáng`, jñúung` si` ningóo` e quíeeñ` jaang` yuub` siñuú`. Jo i dseamf` do i nica`éeng` dsea` eáng` e ja` jiuung` nicóõin`, yuub` niquíeeñ` lana, 37 co` jaléb` tíng` Fidié` jmér`.

38 Joba` cañí` Yá`:

—I` quiá` Fidiéeb` jnea`. Güijméeb` Fidié` cóo` jnea` laco` nicafee` na.

Jo mi` calí` sñiñ` lado, jo cangám` tu` i ángel do fí lí` cajár`.

Mi` cangó` Yá` e cango`eer` Elisabet

39-41 Jo dsifí` mi` cangá` lajo, cangó` Yá` fí cóo` fí` e née` fí jee` mó` lí` se` Judea e cango`eer` i níir` Elisabet i cóo` Zacarías do.

Jo mi` cagüé` fí jo, jo cangoféiñ` dsea` do. Jo mi` cató` Yá` cató`r` Elisabet, dsifí` ladob` cajóng` i yuub` i iuung` dsí` tu` Elisabet, jogui` dsifí` ladob` ca`íng` Elisabet Jmiguí` quiá` Fidié`. 42 Joba` cajíng` i Elisabet do casí`r` Yá` e ngocáng` dsír` jo cajíñ`:

—'Nu`bing` i nicajmigüeang` Fidié` lajee` lajaléng` dseamf` i seeng` fí jmigüi`, jogui` nicajmigüeaiñ` yuub` quíi` cajo. 43 J` jnea` e nija`ee` niquiá` Fíi` jnea`? 44 Co` mi` canú` u` e cate` jnea`, dsifí` ladob` cajóng` yuub` quíe` e lí` iuuiñ` fí dsí` tú` u` e íáang` dsír`. 45 Joba` eám` juguiá` quíi`, co` jáb` calín` e niliti` jalé` júu` quiá` Fidié` e cacuó`r` 'nu`. 46 Joba` cajíng` Yá`:

Dsíngr¹ jmifén¹ jnea[~] Fidiée[~],
⁴⁷ jogui dsíngr¹ iáang¹ dsii¹ cóo¹r[~] cajo,
 co¹ íbre dsea¹ caleáaiñ¹ jnea[~] jee[~] dsee[~] quié[~]e.
⁴⁸ Dsu¹ jnea[~] lín¹n jaang¹ dsea¹ quiá¹- Fidiée[~]
 i ja¹ jmiféng¹ 'ñia¹, jo si¹ím¹ Fidiée[~] jnea[~],
 jo latí lana jo cartí róo¹ jmigüi¹ nifé¹ jaléng¹ dsea¹ jmigüi¹ juguiá¹ uii¹
 quié[~]e.
⁴⁹ Co¹ Fidiée[~] dsea¹ 'gøiñ¹ fi¹ la'úng¹ fi¹ jmigüi¹,
 jogui jmiguiab¹ jalé¹ e nicajméer¹ cóo¹~ jnea[~] cajo,
 co¹ íbre dsea¹ güeaiñ¹ fi¹ latøøng¹ fi¹ jmigüi¹.
⁵⁰ Jogui contøøm¹ nilí fi¹ líiñ¹ jaléng¹ dsea¹ i nijmi¹gó¹ ír¹.
⁵¹ Jo íbre tñiñ¹ jmér¹ lí¹ doñí¹ ee¹,
 jogui cajméer¹ e cajgiéem¹ jalé¹ e í dsí¹ dsea¹ i jmicøøng¹ yaang[~].
⁵² Jogui cajgiáam¹ bre uø¹ jaléng¹ dsea¹ i óo¹ ta[~] ñí¹,
 jogui yúb¹ caseaiñ¹ jaléng¹ dsea¹ i ja¹ jmicøøng¹ yaang[~].
⁵³ Jogui juguiab¹ cacuø¹r¹ jaléng¹ dsea¹ i ja¹ 'ga¹ lí sea¹ quiá¹-,
 jogui cajmilím¹ bre guoo¹ jaléng¹ dsea¹ sea¹ cuu¹.
⁵⁴⁻⁵⁵ Jogui cajmicóo¹r¹ jaléng¹ dsea¹ góor¹ dsea¹ Israel
 i caguíñ¹ lamí¹ jéeng¹gui i nilíng¹ dsea¹ quiá¹r¹,
 co¹ lajob júu¹ caséer¹ cóo¹~ lí¹ yúu¹ qui¹ii¹ i sií Abraham e nilí fi¹ líng¹
 Fidiée[~] jneaa[~]aa¹,
 jogui nijmicóo¹r¹ jneaa[~]aa¹ lata[~].
 Jo jalé¹ e júu¹ na cajíng¹ Yá¹ ie[~] jo.
⁵⁶ Jo cajeb¹ Yá¹ gaang¹ si¹ cóo¹~ i Elisabet do. Jo mi¹ cangí¹ jo, joguiba¹
 cangáng¹ tur fi¹ quiá¹r¹.

Mí¹ caliséng¹ Juan i seáang¹ dsea¹ jmí¹

⁵⁷ Jo mi¹ cangí¹ jo, cadsím¹ jmí¹ e niliseeng¹ y¹ quiá¹- Elisabet, jo jaang¹ y¹
 siñuub¹ caliséng¹ quiá¹r¹. ⁵⁸ Jo dsíngr¹ cali¹íáang¹ dsí¹ jaléng¹ rúíñ¹ cóo¹~ jaléng¹
 dsea¹ i neáang¹ lacúng¹ lajíng¹ lí neáaiñ¹, co¹ calilí¹r¹ e dsíngr¹ guiá¹ e cajméé¹
 Fidiée[~] cóo¹~ i Elisabet do. ⁵⁹ Jo mi¹ cadsí¹ i y¹ quiá¹- Elisabet do jñiá¹ jmí¹,
 joba¹ cangojéeng¹ neiñ¹ e nitó¹ lí fi¹ ngúu¹ táaiñ¹ lacó¹ e qui¹ tñng¹ dsea¹ Israel.
 Jo mi¹ cajméer¹ lajo, si¹í¹ nilisii¹ i y¹ do lacó¹ sií tiquiá¹r¹ Zacarías. ⁶⁰ Dsu¹ i
 Elisabet do cañír¹ jo casí¹r¹ jaléng¹ i dsea¹ do:

—U[~], Juam 'né¹ nilisiiñ¹ na.

⁶¹ Joba¹ cajíng¹ i dsea¹ caguiaang¹ do casí¹r¹ Elisabet:

—Jo ¿jialí¹ nilisiir¹ lajo? Jí¹ jaang¹ gui dsea¹ sinúu¹ quií¹ ja¹ siir¹ lajo.

⁶² Joba¹ cajmíngí¹ i dsea¹ caguiaang¹ do Zacarías e jmóor¹ lí cóo¹~ guoor¹:

—Jo ¿jial nilisii¹ i y¹ la, fó¹ 'nu¹?

⁶³ Jo Zacarías camir¹ cóo¹ lí nijmé¹r¹ jial iñ¹ e nilisii¹ i y¹ do, joba¹ cajme¹r¹
 e Juam nilisiiñ¹ do. Jo dsíngr¹ cangogá¹ dsí¹ jaléng¹ i dsea¹ do e calisí¹ i y¹ do
 Juan. ⁶⁴ Jo dsifí¹ ladob cana¹ oo¹ luu¹ Zacarías jo canaiñ¹ jmiféiñ¹ Fidiée[~].

⁶⁵ Jogui jaléng¹ dsea¹ i neáang¹ lacúng¹ lajíng¹ lí guing¹ Zacarías eáam¹
 cangogá¹ dsíir¹ quiá¹- jalé¹ e calí¹ do, jo lajobi lacaang¹ jee[~] mó¹ lí se¹ Judea
 eáam¹ caliseá¹ e júu¹ jo. ⁶⁶ Jo lajüng¹ dsea¹ i caliñí¹ jalé¹ e calí¹ do cajmíngí¹ rúíñ¹:
 —¿E[~] si¹íng¹ i y¹ la mi¹ nicuáiñ¹? Dsucó¹ eáam¹ lí e jmicóo¹ Fidiée[~] quiá¹r¹.

Jalé¹ e ca'ø¹ Zacarías quiá¹- Fidiée[~]

⁶⁷ Jo mi¹ cana¹ oo¹ luu¹ Zacarías, dsifí¹ lajob ca'íñ¹ Jmiguí¹ quiá¹- Fidiée[~] jo
 canaiñ¹ fé¹r¹ jalé¹ júu¹ e cangüiñ¹ cacuø¹ Fidiée[~] ladsifí¹ lado jo cajíñ¹:

⁶⁸ Güijmifém¹ jaléng¹ dsea¹ Fí¹naa¹ Fidiée[~] quiá¹- dsea¹ Israel,
 dsucó¹ nicajár¹ jee[~] jneaa[~]aa¹, dsea¹ lí¹naa¹ dsea¹ quiá¹r¹,

jō nicaleáam bre jneaa~aa' jee~ jalé' dsee~ quí~naa'.

⁶⁹ Jō caguíñ' lajee~ lajaléng' siju~ dseata~
dsea` féng' Daví' i jmóo' ta~ quiu' Fidié~ do jaang` i 'gøng' gui eáang'
e quiá'~ nileáiñ~ jneaa~aa' jee~ jalé' dsee~ quí~ii'.

⁷⁰⁻⁷¹ Cō' lajob júu^ cacuø' Fidié~ jaléng' dsea` quiá'r~ i nicafé' cuaiñ~ quiá'r~
mali' gui eáang'

e nileáiñ~ jneaa~aa' jee~ jaléng' i 'ní' níng~ jneaa~aa'

jōgui jee~ jaléng' i guíng~ quí~naa' cajo,

⁷² jōgui nilí' fí' lím~ bre jaléng' 'lí' dsea` cóøng'~ quí'naa',

cō' ja' ni'íng~ dsír' lajii' júu^ e cajmirør'

cō'~ 'lí' yúu'~ quí'ii' Abraham lajii'~ mali' gui eáang'.

⁷³ Jō e lab júu^ e cacuø' Fidié~ i Abraham do ie~ jō:

⁷⁴ e nileáiñ~ jneaa~aa' jee~ jaléng' i 'ní' níng~ jneaa~aa',

jōba' jneaa~aa' nijmó'naa' e ngocáng' dsi'naa' lí' dseáng'~ laco' iing~ Fidié~,

jō jō' e 'góng'naa' jii'~ cō' i dsea` i 'ní' ní' quí~ii' do jōng.

⁷⁵ Jōgui lata~ see~naa' fí' jmigüí' la,

nisee~naa' e lí'naa' dsea` güeang' quiá'~ Fidié~ jōgui dsea` i ée` røø' laco'
sí'í' fí' quini' Fidié~.

⁷⁶ Jō mi~ calí' e jō, jō lalab casí'~ Zacarías i yuu' do:

Jōgui 'nu, yuu' quí~ii', nilisii' dsea` i caguíng' Fidié~ dsea` guíng~ ñifí' i nifé'
cuaiñ~ quiá'r~;

cō' 'nu' dsea` niguiéen'~ dsea` guiá',

cō' lana nijaquíéeng' e tí' lí' nijáa' Fí'naa' Dsea` Jmáang~.

⁷⁷ Jō nijméel'~ dsea` júu^ jial nileáng~ Fidié~ jaléng' dsea` jmigüí' e ni'íng~ dsee~
quíá'r~.

⁷⁸ Jō Fidié~ nijmér~ jalé' e jō, cō' dsíng'~ 'neáaiñ' jneaa~aa', jōgui eáam' fí' líiñ~
jneaa~aa' cajo.

Jōba' nicacuø'r' jneaa~aa' e lafa' nijneá' cō' jì' e jlo'~ níng~ 'gøng' fí' lí'
see~naa' lana,

⁷⁹ jō e jōba' nijmicóo'~ quiá'~ jaléng' dsea` i seeng' lafa' sijúung~ lí' nuu' só'.

Jō Fidié~ ni'é'r^ jneaa~aa' fí' guiá'~ quiá'r~ e laco'

nilisee~naa' juguiá' júu^ røø'.

Jō jalé' e júu^ na café' Zacarías ie~ jō.

⁸⁰ Jō cuaam` i yuu' quiá'r~ do laco' ngóo' jmii'. Jō lajee~ cuaaiñ', eáang' ngóo'
licuíñ' Fidié~ jōgui eáang' ngóo' liguiúñ' la'eáang' cóo'~ Jmiguí' quiá'~ dsea`
do. Jō mi~ 'lé' cacuaiñ~, jō cangór~ fí' cō' jee~ mó', jō jōb cateáaiñ' cartí' mi'
caguié' jmii' e nilicuí' dsea` Israel quiá'r~.

2

Mi~ caliséng' Jesús

(Mt. 1:18-25)

¹⁻² Jō ie~ jō seeng' jaang' dseata~ dsea` féng' i sii' Augusto i quiu' ta~ ie~ jō, jō
seeng' jaang' dseata~ dsea` nu'luu~ quiá'r~ i sii' Cirenio i guíng~ líng' ta~ fí' lí'
se' Siria. Jō ie~ jō caquiú' i Augusto do ta~ e nilí'íng' jaléng' dsea'. ³ Jō jaléng'
dsea` i taang' fí' lí' jíe' 'né' nidsilíiñ' fí' góo'bre, jō fí' jōb nilí'íiñ'.

⁴ Jō mi~ cahuí' ta~ lajō, jōba' cagüí' i Sé' do fí' lí' guíiñ' fí' fii' Nazaret lí' se'
Galilea, jō cangáñ'~ fí' góor' fí' lí' se' Judea fí' cō' fii' e sii' Belén fí' lí' caliséng'
i dseata~ dsea` féng' i sii' Daví' do, jaang' dsea` siju~ Sé' i caliséng' mali' gui
eáang'. ⁵ Jō mi~ cangáng'~ Sé' fí' góor', tée'bre Yá', cō' ninée' júu^ quiá'r~ cóoiñ'~
do, jōgui yuub' niquíéiñ' do cajo.

6-7 Jo mi~ caguiliñ' fi' Belén, job catí' í' e niliseeng' yuu' quiá'- Yá^, dsu' ja' lí' calí'r- lí' nijér-, co' dsíng'- fíng' jaléng' dsea' i caseáng' e fi' fi' do ie~ jo. Jo lí' güñng' jaléng' cuea~ güitáb^ cajer', jo job caliséng' i yuu' do. Jo íb' la'uii~ jóo' Yá^ i caliséng'. Jo mi~ cangí' jo, caquiñ'- coo' 'mi', jo catiráaiñ' dsí' coo' ni'núu' lí' gø' jó', dsuco' ja' lí' sea' lí' guiá- fa' niquier'.

Mi~ cajnéng- ángeles fi' lí' taang' dsea' jmóo' í' jo'se'

8 Jo mi~ canuu' e jmiñ' jo, jo nicaje' coo' tú- míng' dsea' i jmóo' í' jo'se' quiá'- fi' lí' caluu' fi' Belén. 9 Jo lajee' neáaiñ' e canuu' e jmiñ' jo, coo' cajném- jaang' ángel i casíng' Fidié' fi' lí' neáaiñ', jo dsíng' jlo' cajneá- e güea' quiá'- Fidié' do lacúng' lajíng' lí' neáang' i dsea' do, jo dsíng' cafóñ'. 10 Jo cajíng' i ángel do casí'r- jaléng' i dsea' do:

—Ja' føong'~na' jii' coo', dsuco' juguiáb- quiee^ qui'na', jo fím' dsea' nili'iaang' dsí'r' uí' e júu^ jo. 11 Co' fi' lab góo' dseata~ dsea' féng' Daví', jo lana fi' lab nicaliséng' Dsea' Jmáang-, dsea' nileáiñ' 'nú' jee~ jalé' dsee- qui'na'. 12 Jo niñí'ba' e mi~ nigüi'néng'na'r jo niguiéng'na'r quiñ' coo' 'mi' jo ráaiñ' dsí' coo' ni'núu' lí' gø' jó'.

13 Jo mi~ cató' e café' i ángel do lado, coo' cajném- ángeles i fíng'gui fi' lí' neáang' i dsea' do, jo lajalém' i ángeles do canaaíñ' e jmiféñ' Fidié' lajaléñ' do jogui canaaíñ' do ø'r lala:

14 i Majmiféng'naa' Fidié' dsea' guíng' ñiff-, jogui jaléng' dsea' jmigüi i seeng' guiá- cóo'r- güiliseem~bre juguiá- júu^ røø' cóo' dsea' do!

15 Jo mi~ cató' e ca'ø' i ángeles do, cangolíim^tur fi' lí' jaliñ-. Jo i dsea' i jmóo' í' jo'se' do canaaíñ' sñiñ' lajee' la'ó' yaaíñ' jo sí' rúñ' lala:

—Má-aa' fi' Belén. Mane'duu' jalé' e nicajíng' Fí'naa' Fidié' quiá'- jalé' e nicalí' jmiñ' na.

16 Jo catam' i dsea' do fi' lajminá-, jo mi~ caguiliñ' fi' Belén, cadséñ' Yá^ cóo' Sé' jogui i yuu' do e ráaiñ' dsí' coo' ni'núu' lí' gø' jó'. 17 Jo mi~ cangí' e cangáñ' i yuu' do, jo canaam~bre ni'r' júu^ lajii' e cajíng' i ángel do cuaiñ' quiáñ' do. 18 Jo jaléng' dsea' i canúu- e júu^ jo dsíng' cangogá' dsí'r'. 19 Jo dsíng' ca'í' dsí' Yá^ quiá'- jalé' e calí' ie~ jo, jogui ca'mea'bir e júu^ jo fi' dsí' moguir~.

20 Jo mi~ cangí' jo, caquim'- tu i dsea' jmóo' í' jo'se' do. Jo lajee' ngolíñ' jo ø'r quiá'- Fidié' jo dsíng' jmiféñ' Fidié', co' calitib~ lajii' júu^ e quie' i ángel do ie~ jo.

Mi~ cangojéñ' Jesús fi' guá'- fé' e si' fi' Jerusalén

21 Jo mi~ cadsí' i yuu' do jñiá- jmiñ-, jo cangojéng'neiñ' e cató- lí' fi' ngúu' táaiñ' laco' qui' tíng' dsea' Israel. Jo dsífi' ladob catéer' e calisíñ' do Jesús lí' laco'gui cajíng' i ángel do casí'r- Yá^ lajii' mi~ nú' gui e nidsiquiééñ' i yuu' do.

22 Jo mi~ cangí' jo, mi~ cadsí'- Yá^ tuló- jmiñ' e caliséng' i yuu' do, cajmiti~bre lajii' júu^ e caséé' Moi' e 'né- nilí', joguiba' cangolíñ' cangojéng'neiñ' fi' guá'- fé' e si' fi' Jerusalén e laco' nidsijeáang~neiñ' fi' quini' Fidié'. 23-24 Jo mi~ nití' í' e nidsilíng- dsea' Israel sinúu' guá'- cóo' yuu' siñuu' la'uii~ i liseeng' quiá'r-, 'né- jéeng' sejmii' i yuu' do gáng- bøsii' osi gáng- mee~ quiá'- e nijngáng'- jmidsea' fi' nife' quiá'- e sinúu' guá'- do. Jo jalé' e jo cajmée' i Sé' do cóo' i Yá^ do ie~ jo, co' lalab ta~ caqui' Fidié' malí'gui eáang': “Song ii' caliséng' yuu' siñuu' la'uii' quiá', í'bing' i nijmé- ta' lí' lajii' e iing' Fidié'.”

25 Jo ie~ jo seeng' jaang' dseañu' fi' Jerusalén i siñ' Simeón, jaang' dseañu' i guiúng- eáang', jo dsíng' jmiféñ' Fidié', jogui sijeeñ' i nisíng' Fidié' i

nileáng- dsea`góor` dsea` Israel jee` jalé` dsee- quiáin`. Jo jéeb` Jmiguí` quiá-` Fidiéé` quiá-` i Simeón do, ²⁶ jo la'eáang` cóo` e joba' caliñir` lajii` lamí` jéeng`gui e ja` nijúuin` e ja` mí` cangáaiñ` Dsea` Jmáang-, dsea` i nisíng- Fidiéé` do. ²⁷ Jo ie` jo cajmée` Jmiguí` quiá-` Fidiéé` e cangó- Simeón fí` guá-` fé` e si' fí` Jerusalén. Jo mi` caguiér- e fí` guá-` jo, fí` job` nitaang` Yá` cóo`-gui Sé` e jéeiñ` i yuu` Jesús do e jmóor` jalé` ta` e caquiá' Fidiéé` e 'né- lí. ²⁸ Jo mi` cangáng- Simeón i yuu` do jo casang`-nein` jo canaaiñ` jmiféiñ` Fidiéé` jo cajíñ`-:

²⁹ Gui'máam`-ba' Fí`naa' Fidiéé`, có' nicalitib` lajii` júu` quií-` e cajmée`- jnea` jéeng`gui.

Joba' dsíng`- iáang` dsii- lana, jo nicuøøm` nitøø`- jnea` fí` ñiff- quií-`, jnea` dsea` i jmóo` lajii` e iing` 'na`;

³⁰⁻³¹ có' nicamám`-baa i yuu` la, dsea` i nileáng- jnea` jee` jalé` dsee- qui-`ii', dsea` see`-naa' fí` jmigüi` la.

³² Có' i lab dsea` i líng` e ji` e jneá` jee` jaléng` dsea` jmigüi`,

joguí` la'eáang` i lab cajo e nijmí`gó` dsea` jaléng` dsea` quií-` dsea` Israel.

³³ Jo dsíng`- cangogá` dsí` Yá` cóo`-gui Sé` quiá-` jalé` e cajíng`- i Simeón do uii` quiá-` i yuu` do. ³⁴ Jo mi` calí-` e café` Simeón lajo, jo cataiñ`- güea` i yuu` do cóo`- sejmiin` jogui` cajíñ`- casí`r- Yá`:

-I yuu` la nisi`liñ` mi` nicuáin` e niguiár- júu` jial nijmicuíng` dsea` Fidiéé`, joba' fíim` dsea` jmigüi` niquí-` jing` yaaiñ` fí` quini` Fidiéé`. Dsu` seem` dsea` i ja` ni'íng` jalé` júu` e niguiáin`- do, có' ja` nití` dsíir', ³⁵ có' niguiéeb` jmí` mi` nilidseáang` dsíi` jial` dsíi` lajaang` lajaang` dsea` jmigüi`. Jogui` 'na` dsíng`- nilijiuung` o' mi` nijmeáang` dsea` i yuu` la quií-` mi` níféiñ`.

³⁶ Jo mi` calí-` e fé` Simeón lajo, jo cajám`-bre i yuu` do cóo`- sejmiin`. Jo dsifí` ladob cangoquiéeng` jaang` dseamí` i sii` Aa-` fí` lí-` sing` Yá` cóo`-gui Sé` e jéeiñ` i yuu` do, jo fé` i dseamí` i sii` Aa-` do cuaiñ` quiá-` Fidiéé` cajo, jo i dseamí` í` líiñ` jóo` jaang` dseañu` i sii` Fanuel i líng` dsea` siju` jaang` dsea` i calisí` Aser. Jo i dseamí` do eámam` niyúin`; ochenta y cuatro jii` ningóo` e 'niin` jo le'eámam` bir eáang` mi` cacúng`- guór`, jo guié` jii` mi` cangí`gui lajo, cajúm- dseañu` quiá`r-. ³⁷ Jo contøøm- iuuin` sinuá` guá-` e jmitir` lajii` e iing` Fidiéé` e jmiféiñ` dsea` do jogui` e jmóor` ayuno cajo. ³⁸ Jo mi` cangáin` i yuu` Jesús do, jo cacuø`r` gui'máang` Fidiéé` uii` quiáin`. Jo mifíng` canaaiñ` jma`r` júu` jaléng` i dsea` i sijeeng` i dsea` i nisíng- Fidiéé` e quiá-` nileáin` dsea` jee` dsee- quiá`r- jo cajíñ`- casí`-rein`: "I lab i yuu` i cajíng`- Fidiéé` i nisíñ- i ni'íng- dsee- qui`naa'."

Mi` cangolíng` tu Yá` cóo`- Sé` fí` Nazaret

³⁹ Jo mi` cangí` e cajmiti` sejmiin` Jesús jalé` e ta` huí` fí` ni` jii` quiá-` Fidiéé` do, cangolíim` tur cóo`- i yuu` do fí` Nazaret fí` lí-` se` Galilea. ⁴⁰ Jo cuaam` Jesús lajee` jo laco` ngóor` jmí~, jo dsíng`- ngóo` litíin`, jo eámam` jmigüeang` Fidiéé` ír`.

Mi` caje` Jesús fí` dsíi` guá-` fé` e si' fí` Jerusalén

⁴¹ Jo laco` jii` mi` tí` jmí` Pascua quiá-` dsea` Israel, nitíng` sejmiin` Jesús e dsilíin` fí` Jerusalén. ⁴² Jo ie` mi` cadsí-` i jiuung` do guitú` jii`, jo fí` job` cangór- cóo`- sejmiir` cóo`- jaléng` dsea` sinuá` quiá`r- jogui` cóo`- jaléng` dsea` i neáang` fí` Nazaret. Jo fí` job` caje` lajaléng` i dsea` do lajee` catí` e jmí` do. ⁴³ Jo mi` cadséng` e jmí` do, jo cangolíim` tur lajaléin` do fí` Nazaret, ⁴⁴ dsu` dob nicaje` i jiuung` Jesús do fí` Jerusalén. Jo ja` nicalilí` sejmiir` e nicajer`, có' líiñ` e jee` i dsea` caguiaang` dob ngaiñ`. Jo catam`-bre fí` lajaléin` do lajee` cóo` jmí~. ⁴⁵ Jo mi` caniúin` quiá-` fí`, jo ca'naiñ` Jesús jee` jaléng` i dsea` caguiaang` do,

dsu' jo` li~ cadséng`neiñ' do. Joba' caquim`tur fi' Jerusalén e cango`néeiñ' i jiuung` do.

46 Jo mi~ caguiling`tur fi' Jerusalén, jo ja` cadséng`neiñ' dsifi' lado car` mi~ cadsing` 'ni' jmi~gui lajo, joguiba' cadséng`neiñ'. Dsu' fi' guáb`-guiiñ' do e núur` e síng` jaléng` tifa' quiá' júu` quiu' ta~ quiá' dsea` Israel, jogui jmiguiab' jalé' e jmingi' rúng` Jesús cóo` jaléng` i dsea` í. 47 Jo jaléng` dsea` i teáng` núu` jial ngi` i jiuung` Jesús do dsing` dsigá` dsír', co' tím`biñ' eáang`. 48 Jo mi~ cangá` sejmiñ` Jesús e dob guiiñ~, jo dsing` cango`gó` dsír' jo cajíng` niquiá'r` casí`reiñ':

—Yuu` qui`ii', ¿jiali' cajmeáan` jnea` lana? Dsing` nicajmó`oo' fi'í` cóo` tiquí'í, jo dsing` nica`néeng`naa' 'nu`.

49 Joba' cañi' Jesús quiá' niquiá'r` jo casí`reiñ':

—¿Jiali' ngi'na' 'náng`na' jnea`? ¿Su ja` ñi'na' e~ ta~ nisi'ín`n e nijmee`e quiá' Tiquié`e dsea` guiiñ` ñifi'?

50 Dsu' i sejmiir` do ja` cangáñ' jiali' cajíng` i jiuung` Jesús do lado.

51 Jo mi~ calí` síiñ` e jo, jo cangolím`tur laji` gaaiñ` do fi' Nazaret. Jo dsing` guiúng` Jesús cóo` sejmiir`, jo dsing` núur` cajo. Jo eáam`iáang` dsí' niquiá'r` mi~ ca'fi` dsír' quiá' jalé' e cangojéé' ie~ jmi~ jo. 52 Jo lajee` jo cuaam` Jesús, jo ngóo` litiing`guir lacoo` jmi~, jo dsing` iáang` dsí' jaléng` dsea` cóo`r`, jogui lajobi Fidiéé` cóo` ír` cajo.

3

*Mi~ canaang` Juan i seáang` dsea` jmi~ e guiar` júu` quiá' Fidiéé`
(Mt. 3:1-12; Mr. 1:1-8; Jn. 1:19-28)*

1 Jo ie~ jo ningóo` guiñiá` jiing` e líng` Tiberio dseata` dsea` féng' quiá' fi' la'úng` fi' jmigüi. Jo seeng` quiúung` dseata` dsea` nu`luu` quiá'r`, jaang` i sii` Poncio Pilato i guiiñ` líng` ta~ fi' Judea, jo jaang` i sii` Herodes i líng` ta~ fi' Galilea, jo seeng` jaang` rúng` dsea` ngáang` cóo` Herodes i sii` Lii` i guiiñ` líng` ta~ fi' Iturea cóo` cóo` li~ sii` Traconite, jogui jaang` i sii` Lisanías i guiiñ` fi' cóo` li~ sii` Abilinia. 2 Jo ie~ jo seeng` gáng` jmidsea` laniing`, jaang` i sii` Anás cóo` gui jaang` i sii` Caifás. Jo ie~ jo cajo i Juan do i líng` jóo` Zacarías guiiñ` fi' jee` uó` quiú` mi~ café` Fidiéé` caféng`neiñ' e nicatib` í' e nináiñ` do e niguiár` júu` quiá' Fidiéé` fi' jee` dsea` jmigüi. 3 Jo mi~ cahuí` ta~ lajo, jo dsifi' lajob cangó` i Juan do fi' gua` Jordán, jo fi' job canaaiñ` e guiar` júu` quiá' Fidiéé` fi' quini` dsea` i caseáng` fi' lacuee` e gua` do ie~ jo. Jo fi' job e'r` jaléng` dsea` i guiling` do, jo sí`reiñ' e 'né` niquí'` jing` yaaiñ` fi' quini` Fidiéé`, jo lajoguiba' e nisiñ` jmi~ e laco' cuø` li~ e cajmée` dsea` do lajo. 4 Jo e jo cangojéé` lí' laco' fé' fi' ni` jì` quiá' Fidiéé` e cajme' Saí` malii`gui eáang`, jaang` dsea` i café' cuaiñ` quiá' Fidiéé`, li~ fé' lala:

Ngí` jaang` dsea` i fé' teá' fi' ni` guóo` uó` quiú` jo fé'r` lala:

“Jmeáang`na' guiá' fi',

joguí`nea`na' condsée',

co' lana tí` li~ nijáab' Fí'naa'.

5 Jo jmirøø`na' lacaang` guiá' fi',

jo jmirøø`na' lacaang` li~ jung',

jo jmee`na' condsée' fi' lacaang` li~ tu' fi',

jo jaléb' fi' nilí`røø`.

6 Jo jalém' dsea` jmigüi` nilí'r` jial e nileáiñ` jee` jalé' dsee` quiá'r` la'eáang` cóo` i dsea` í.”

Jo jalé' e na cajíng` Saí' fi' ni` jì` quiá' Fidiéé`.

⁷ Jo mi~ caguiling~ dsea` i iing~ nisang` jmi~ e fi` gua` li~ táang` i Juan i seáng` dsea` jmi~ do, jo casí` i Juan do lajaang` lajaang` i dsea` i caguiling~ do ie` jo:

—jJóó` jaléng` mi` guíng` 'nú'! ¿i~ cajme' 'nú' júu` e lala cuøng` nileáng` na' lajii~ iihuá' e nijaquíéng` jmi~ na? ⁸ Né~ nijmiliing` yaang` na' e laco' nililí` jaléng` dsea` rúng` na' e dseáng` e já`-ba' nicaquí` jing` yaang` na' fi` quini` Fidié`. Jo ja` jmigøng` yaang` na' e nileáng` na' jee` dsee` quí` na' dsu' uí` e Abraham líiñ` 'lí` yáa' quí` na', co' e já` e fi`-i 'nú' e cuøm` jmé` Fidié` siju` Abraham jalé` cuu` e née` la faco' iin~ lajo. ⁹ Cofa' jaléng` dsea` i ja` quí` jing` yaang` fi` quini` Fidié` líiñ` laco' e 'ma` ofi` e ja` dseeng` ofi` e cuø, joba' huñb` e 'ma` do jo dsitoo~ fi` ni~ ji` lafa' cuñb~, co' ja` ee` ta~ íng` jíi~ coo`.

¹⁰ Jo mi~ canúu` jaléng` i dsea` do jalé` e café` i Juan i seáng` dsea` jmi~ do, joba' cajmingí`-reiñ` do lala:

—¿jial ni`ee` jnea` guíá` cóo~ Fidié`?

¹¹ Joba' cañí` i Juan do jo casí`r` i dsea` do:

—E laba' 'né` nijmee`-na': Ii` 'nú' oo`-na' tú` 'mi`quí`na', 'né` nicuó`^na' coo` jaang` dsea` i ja` sea` quiá`-; jogui` i 'nú' sea` e co`^na', 'né` nicø`^na' jmá`-jiu` cóo~ jaléng` i ja` sea` e dø`-.

¹² Jo lajee` sáing` Juan i seáng` dsea` jmi~ do cóo~ i dsea` do, job caguiling~ coo` tú` máing`~ nodsicuu` i iing~ nisang` jmi~, jo cajmingí`r` i Juan do jo cajíñ`-:

—Tífa', ¿e~ 'né`-jmó` jnea` e laco' ni`ee`-naa' guíá` cóo~ Fidié`?

¹³ Joba' cañí` i Juan do quiá`- i nodsicuu` do jo casí`-reiñ`:

—E laba' 'né` nijmée` ^nú': Jo` mí`na' cuu` quiá`- dsea` e jmiguiá`gui laco' ta~ quia' fi` ni~ ji` quiá`- dseata`.

¹⁴ Jo lajee` sáing` i Juan do cóo~ i nodsicuu` do, caguiling~ coo` tú` máing`~ 'lée`- fi` lí` táaiñ` jo cajmingí`-reiñ`:

—Jogui jnea`, ¿e~ 'né`-nijmó`^naa' e laco' ni`ee`-naa' guíá` cóo~ Fidié`?

Joba' cañí` i Juan do jo casí`r` i 'lée` do:

—E laba' 'né` nijmití` ^nú': Ja` ee` uøø`-na' quiá`- dsea` laguidseaang`, o`gui fong`na' dsea`, o`gui jmoo`na' dsee` quiá`- dsea` e ngi~gui, o`gui ni`náng`na' dsea` e ja` ee` mí` cajméer` jíi~ coo`; jo güili`iáang` oo`na' cóo~ lajii~ e 'léng`na'.

¹⁵ Jo lajee` fé` i Juan do e júu` na, jo jaléng` i dsea` caguiaang` do í` dsíir` e nilí` jogui` í` dsíir` su Dsea` Jmáam` i Juan i seáng` dsea` jmi~ do. ¹⁶ Jo mi~ calilí` i Juan do e í` dsíi` i dsea` do lajo, joba' casí`-reiñ` jo cajíñ`-:

—E já`, jnea` seáan` ^nú` jmi~ cóo~ layaang` jmi~, jo dsu' nabi nijáa` jaang`gui dsea` i niseáng` ^nú` jmi~ cóo~ Jmiguí` quiá`- Fidié` jogui` cóo~-ji. Jo i dsea` í` 'gøng`guir laco' jnea` e jíi~ jnea` ja` catín`-n fa' nisí`-i capí`-ñí` 'ñúu` lomíir`. Co' jnea` nicaseán`-n jaléng` ^nú` jmi~ cóo~ layaang` jmi~ e laco' cuø` lí` e nicaquí`- jing` yaang` na' fi` quini` Fidié`; dsu' ír` mi~ nigüééiñ` niseáiñ` ^nú` jmi~ cóo~ Jmiguí` quiá`- Fidié` e laco' cuø` lí` e nicangíng`na' Jmiguí` quiá`- dsea` do. ¹⁷ Jo quieb` dsea` do e jmáin` ta~ quiá`- e nisíñ` micui`iee', jo nisér`-ca' e qui` quiá`- do. Jo dsu' e micui`iee` do ni`meár` fi` dsíi` sinúu`, jogui` e qui` quiá`- nijí`-bre fi` lí` coo`-ji e ja` tóo` jmi~ yu`.

¹⁸ Jo jmang`- cóo~ júu` lanaba' caféng` i Juan do jaléng` i dsea` do, jo ca'e`reiñ` jalé` júu` quiá`- Fidié` quiá`- jial laang` dsea` jee` jalé` dsee` quiá`r`. ¹⁹ Jogui` caféng` i Juan do jaléng` dsea` e ja` dseeng` laco' jmóo` i dseata` Herodes do e jeeiñ` lafa' dseamí` quiá`r` oo` dseañu` rúin` dsea` ngáang` cóo`r` i sii` Lii~, jogui` cajíñ`- dseata` Herodes cóo~ jalé` e ga` e jmóoiñ` do. ²⁰ Jo mi~ caliñí` i dseata` do lajii~ e júu` e fé` i Juan do uí` quiá`r`, joba' dsíng`- caliguiñ` jogui` cajméer` coo`gui e ga`, co' caquiá`r` ta~ e catam` i Juan do, jo 'nuñib` catang`-neiñ` do.

*Mi~ cajgáang~ Jesús jmii`
(Mt. 3:13-17; Mr. 1:9-11)*

²¹ Jo dsu' ná' gui e ni' í i Juan do 'nuñí', lajee` cateáaiñ` fi' gua` Jordán e seáaiñ` dsea` jmii`, jo cōo` jmii` caguié` Jesús fi' jo, jo cajgáaiñ` jmii` cajo. Jo dsifí` mi` cangí` e jo, jo caféng' Jesús Fidiée` dsea` guiiing` ñiff`, jo lajee` jo cana` cateá` fi' ñiff`, ²² jo fi' job cajgó` Jmiguí` quiá' Fidiée` e lling` jaang` mee` fi' yú' mogui` Jesús, jo caná' e lling` ii` guicafé' fi' yú' jmigüi` jo guicajíñ`:

—'Nub` Jōo` o i 'neáan`n eáang', jo dsíng' iáang` dsii` cōo' 'nu`.

*Jaléng' 'lii` yúu'` quiá'` Jesús
(Mt. 1:1-17)*

²³ Jo guigui` jii` ningóo' Jesús mi` canaiñ` jmóor` ta` e si'íiñ`. Jo jaléng' dsea` líiñ` e i Sé` do tiquiá'` Jesús. Jo tiyúu'` quiá'` Jesús siir` Elí, ²⁴ jo tiquiá'` Elí siir` Matat, jo tiquiá'` Matat calisír` Leví, jo tiquiá'` Leví calisír` Melqui, jo tiquiá'` Melqui calisír` Jana, jo tiquiá'` Jana calisír` Sé, ²⁵ jo tiquiá'` Sé` calisír` Matatías, jo tiquiá'` Matatías calisír` Amós, jo tiquiá'` Amós calisír` Nahum, jo tiquiá'` Nahum calisír` Esli, jo tiquiá'` Esli calisír` Nagai, jo tiquiá'` Nagai calisír` Maat, ²⁶ jo tiquiá'` Maat calisír` Matatías, jo tiquiá'` Matatías calisír` Semei, jo tiquiá'` Semei calisír` Sec, jo tiquiá'` Sec calisír` Judá, ²⁷ jo tiquiá'` Judá calisír` Joanán, jo tiquiá'` Joanán calisír` Resa, jo tiquiá'` Resa calisír` Zorobabel, jo tiquiá'` Zorobabel calisír` Salatiel, jo tiquiá'` Salatiel calisír` Neri, ²⁸ jo tiquiá'` Neri calisír` Melqui, jo tiquiá'` Melqui calisír` Adi, jo tiquiá'` Adi calisír` Cosam, jo tiquiá'` Cosam calisír` Elmodam, jo tiquiá'` Elmodam calisír` Er, ²⁹ jo tiquiá'` Er calisír` Josué, jo tiquiá'` Josué calisír` Eliezer, jo tiquiá'` Eliezer calisír` Jorim, jo tiquiá'` Jorim calisír` Matat, ³⁰ jo tiquiá'` Matat calisír` Leví, jo tiquiá'` Leví calisír` Simeón, jo tiquiá'` Simeón calisír` Judá, jo tiquiá'` Judá calisír` Sé, jo tiquiá'` Sé` calisír` Jonám, jo tiquiá'` Jonám calisír` Eliaquim, ³¹ jo tiquiá'` Eliaquim calisír` Melea, jo tiquiá'` Melea calisír` Mainán, jo tiquiá'` Mainán calisír` Matata, jo tiquiá'` Matata calisír` Natán, ³² jo tiquiá'` Natán calisír` Daví, jo tiquiá'` Daví` calisír` Isaí, jo tiquiá'` Isaí calisír` Obed, jo tiquiá'` Obed calisír` Booz, jo tiquiá'` Booz calisír` Salmón, jo tiquiá'` Salmón calisír` Naasón, jo tiquiá'` Naasón calisír` Aminadab, ³³ jo tiquiá'` Aminadab calisír` Aram, jo tiquiá'` Aram calisír` Esrom, jo tiquiá'` Esrom calisír` Fares, jo tiquiá'` Fares calisír` Judá, ³⁴ jo tiquiá'` Judá calisír` Jacóo, jo tiquiá'` Jacóo` calisír` Isáa, jo tiquiá'` Isáa` calisír` Abraham, jo tiquiá'` Abraham calisír` Taré, jo tiquiá'` Taré calisír` Nacor, ³⁵ jo tiquiá'` Nacor calisír` Serug, jo tiquiá'` Serug calisír` Ragau, jo tiquiá'` Ragau calisír` Peleg, jo tiquiá'` Peleg calisír` Heber, jo tiquiá'` Heber calisír` Sala, ³⁶ jo tiquiá'` Sala calisír` Cainán, jo tiquiá'` Cainán calisír` Arfaxad, jo tiquiá'` Arfaxad calisír` Sem, jo tiquiá'` Sem calisír` Noé, jo tiquiá'` Noé calisír` Lamec, ³⁷ jo tiquiá'` Lamec calisír` Matusalén, jo tiquiá'` Matusalén calisír` Enoc, jo tiquiá'` Enoc calisír` Jared, jo tiquiá'` Jared calisír` Mahalaleel, jo tiquiá'` Mahalaleel calisír` Cainán, jo tiquiá'` Cainán calisír` Enós, ³⁸ jo tiquiá'` Enós calisír` Set, jo tiquiá'` Set calisír` Adán, jo tiquiá'` Adán 'ñia' Fidiée`.

4

*Mi~ cajmée` fi` i 'ling'` quijí` jial niróng` Jesús dsee`
(Mt. 4:1-11; Mr. 1:12-13)*

¹ Jo ie` jo, mi` cangí` e cangíng` Jesús Jmiguí` quiá'` Fidiée`, jo e Jmiguí` do cangojéeng` ír` fi' jee` uó` quiú, ² jo fi' job cajer` lajee` tuló` jmii`. Jo lajee` jo ja` e cagó'r` jii'` capí'. Jo lajee` táaiñ` fi' jo, jo caguié` fi` i 'ling', jo cajméer` quijí`

jial e niróng` dsea` do dsee`. Jo mi` cangf e tuló` jm#` do, joguiba' cadseá` jmi'aang` Jesús jóng. ³ Jo dsifí' lajob cajíng' fii` i` 'ling'^ casí'r` dsea` do:

—¡Song já' e 'nu` lin' i` Jóo' Fidiée` camíng' do, joba' jmee` e ni'uíng` iní'^ e cuu` née' la!

⁴ Joba' cañí' Jesús quiá' fii` i` 'ling'^ do jo casí'` reiñ':

—Lalab fé' fí' ni` jì' quiá' Fidiée': "Ja` niliseeng` jaléng' dsea` jmigüi` juguiá` e lico' ni'í' nidó'r` jalé' e sea` fí' jmigüi`. Co' 'né` nijmiti` bre jalé' ta` quiá' fí' ni` jì' quiá' Fidiée', jo lajoguiba' e niliseeiñ` juguiá` jóng."

⁵ Joba' cajmée` tu fii` i` 'ling'^ quijí` jial e niróng` dsea` do dsee`, jo cangojéeiñ` dsea` do fí' coo` yú'^ mó' e ñí' eáang', jo ca'e' reiñ' jalé' fii` e sea` fí' la'ung` fí' jmigüi` dseáng' lajee` cateá'. ⁶ Jo cajíñ' casí'r` dsea` do:

⁷ —Jalé' e la nicuøø` quií' coo` jalé' gui e jlo'^ e sea` fí' jo song nisi'^ uø` jní'^ jo nijmifén' jnea~, co' e quié` baa lajalé' e na, jo jneab` cuøøng` jmee` e guiée` jo cuøøm` cuøøø` doñí' i` i` iin` n.

⁸ Dsu' dsifí' ladob cañí' tu Jesús quiá' fii` i` 'ling'^ do jo casí'` reiñ':

—Güihuíng` cáan`n, Satanás, dsuco' lalab fé' gui fí' ni` jì' quiá' Fidiée` cajo: "Jíi' Fidiée` dsea` guíng` ñifí` bing' nijmifén', jo jíi' ta` quiá' í` bre e nijmití'^ cajo."

⁹ Jo mi` cangf jo, cajmée` tu fii` i` 'ling'^ quijí` jial niróng` Jesús dsee`, jo cangojéeiñ` dsea` do fí' yú'^ guá' fé' e si' fí' Jerusalén jo cajíñ' casí'r` dsea` do:

—Song já' e 'nu` lin' i` Jóo' Fidiée` camíng' do, laco' tée` ee' tí' yú'^ la bíng' uø' cartí' uii~, ¹⁰ co' lalab fé' fí' ni` jì' quiá' Fidiée':

Fidiée` niquiá'r` ta` jaléng' ángeles quiá'r` e nijmér` í' 'nu`,

¹¹ jo nisáíñ' 'nu` coo` guoor` lajee` guiáang' guo' guiá'^ güi`,

jo lajoba' ja` nilihuín' mi` nititáan' fí' ni` uø`.

¹² Dsu' Jesús cañí' tur quiá' fii` i` 'ling'^ do jo casí'` reiñ':

—Dsu' lalab fé' gui cajo fí' ni` jì' quiá' Fidiée': "Ja` jmoo' jial ni'é` Fíi' Fidiée` dsee`."

¹³ Jo coo' e job catí' 'ni' née' e jmoo` fii` i` 'ling'^ quijí` jial e niróng` Jesús dsee`, dsu' jíi' coo` née' ja' calí'r` lajo. Jo mi` cangf jo, mi` jo` ñí' fii` i` 'ling'^ jial nijmér` e niróng` Jesús dsee`, joba' catiúum` bre dsea` do, jo cangohuím` bre lajee` cateá'.

Mi` canaang` Jesús jmóor` ta` quiá'r` fí' lí' se' Galilea

(Mt. 4:12-17; Mr. 1:14-15)

¹⁴ Jo mi` cangf jo, cangám' tu Jesús fí' lí' se' Galilea, jo la'eáang' coo' jalé' bí' gøng' quiá' Jmiguí' quiá' Fidiée` canaang` ni' júu` quiá'r` fí' lacoo' fii` e née' fí' la'ung` lí' se' fí' jo. ¹⁵ Jo mi` niguiéer' lacoo' fii` lí' dséer', dsifí' ladob ír' fí' dsí' guá' quiá' dsea` góor` dsea` Israel, jo fí' job e'r' jaléng' dsea` i` dsilíng` fí' guá' do jalé' júu` quiá' Fidiée`. Jo jaléng' dsea` i` núu` júu` quiá'r` eám' jímiféiñ' dsea` do.

Mi` cangáng' tu Jesús fí' Nazaret

(Mt. 13:53-58; Mr. 6:1-6)

¹⁶ Jo ie` jo, lajee` ngí' Jesús fí' lí' se' Galilea, jo caguiéng' tur fí' Nazaret fí' lí' cacuaiñ`. Jo mi` jmi` e jmi'íng' jaléng' dsea` góor` dsea` Israel, dséer' fí' Sináu` guá' laco' jíi' e tiiñ' ñia'r'. Jo lajee` táaiñ' fí' e sináu` guá' do, jo casíng' ñia'r' jee` jaléng' dsea` góor', ¹⁷ jo ca'íñ' coo' jì' e ca'ír' lí' tóo' jalé' júu` quiá' Fidiée` e cajme' Saíí', jaang` dsea` i` café' cuaiñ' quiá' Fidiée` malí' gui eáang'. Jo mi` caneáar' e jì' do, joba' cadsé'r' lí' tóo' lala jo ca'ír':

¹⁸⁻¹⁹ E Jmiguí' quiá' Fii' Fidiée` baa' e jéeng' jnea~,

co' caguíng' Fidiéé' jnea~ e laco' niguiaa^ jalé' juguiá- quiá'r- fí jee~ jaléng' dsea` tiñíng-:

joguínicasiíñ' jnea~ cajo e laco' niguiaa^ juguiá- quiá'- e nileáng' jaléng' i dsea` i lafa' 'ñúung'~ cóo'~ dsee- quiá'-,

joguie e nijmee~ e e nilijné' tu jaléng' dsea` tiuung-,

joguie e nilaan- jaléng' dsea` i íng' iihuí' quiá'- dsea` rúng',

joguie e nijmées' e júu^ e nicatíb' í' e nijmé- Fidiéé' e ni'uíng- guiá- quiá'- dsea` jmigüí'.

Jo lanab jii'~ líí' júu^ e fé' fí ni~ jì quiá'- Fidiéé'.

²⁰ Jo mi~ calí- e í Jesús e júu^ do, jo cajníb'tur e jì do jo cajá'r i dsea` néé' ni~ e guá'- do, jo caguáb'tur. Jo jalém' i dsea` teáng'~ sinúu^ guá'- do teáaiñ- jòøiñ- Jesús. ²¹ Jòba' canaang' Jesús sí'r' jaléng' i dsea` do jo cajíñ'-:

—E jmíi~ na nicaliti~ jalé' e nicanúu- 'nú' e tóo' e fí ni~ jì la.

²² Jo jaléng' dsea` i teáng' dsí' e guá'- do dsíng' dsigá dsír' jalé' júu^ quiá'- Jesús, jogui jmang' juguiáb- fé'r' quiá'- dsea` do, jogui jmingí'- rúíñ' la'ó' yaaiñ-:

—¿Su o' i nabi jóo' Sé' i guíng' fí fíi' la?

²³ Jòba' cañí' Jesús casí'r- jaléng' i dsea` do jo cajíñ'-:

—Ja` ngám- nisí' 'nú' jnea~ jii'~ laco' júu^ róo': “Timíí', jmee- m'í' quiá'- uø'”; o'si nifo'^bi' é: “¿Jialí' ja` jmées' fí góo'- la lajalé' e nicajmee'- fí Capernaum?”

²⁴ Jo cajíng'- gui Jesús casí'r- jaléng' i dsea` do:

—Jo jnea~ jmítaa- óo'na' e jii'~ jaang' dsea` i fé' cuaiñ~ quiá'- Fidiéé' ja` íng' dsea` góor' ír'. ²⁵ ¿Ja` tóo' óo'na' jalé' e fé' fí ni~ jì quiá'- Fidiéé' e calí- malí'gui eáang' mi~ cajá- Líí' i café' cuaiñ~ quiá'- Fidiéé'? Co' ie~ jo ja` catuu' jmí' fí Israel lajee' 'ní' jíing' dsí' ca'ná'^, jogui dsíng'- cajá- oo- cajo. ²⁶ Jo dsu' ie~ jo ja` caquiú' Fidiéé' ta~ fa' e cajmées' Líí' e guiá' quiá'- i dseamí dsea` góor' i 'n'í-, co' caquiú' dsea` do ta~ e cajmées' i Líí' do e guiá' dsu' quiá'- jaang' dseamí i 'n'í- i guíng' fí lí' huíí' eáang' fí cóo' lí' sii' Sarepta quiá'- lí' néé' fí Sidón. ²⁷ Jo lajòb calí- cajo ie~ malí'gui eáang' mi~ cajá- Cheey~, jaang' dsea` i café' cuaiñ~ quiá'- Fidiéé'. Co' fíim' dsea` Israel dsea` góo' Cheey~, calidsées'r~ e cacár- jmohuí' 'lí' fí ngúu' táaiñ' ie~ jo, dsu' jii'~ jaang' i dsea` góor' fa' cajmi'leáaiñ-. Co' camíng' dsea` i sii' Naamán i guíng' tí lí' huíí' eáang', tí lí' se' Siria, jii'~ í'bing' i ca'láang-, co' lajòb ta~ caquiú' Fidiéé'.

²⁸ Jo mi~ canúu- jaléng' i dsea` i teáng' dsí' sinúu^ guá'- do jalé' júu^ quiá'- Jesús jo dsíng'- caliguiíñ-. ²⁹ Jòba' caguíim'bre dsea` do sinúu^ guá'-, jo ca'øng'neiñ' catí' guiées' fíi', jogui cangojéeng'neiñ' cartí cóo' yú'^ jíaa'. Jo fí jòb lí' lamí~ iíñ~ nibíiñ- dsea` do, co' í dsír' e nijngám'-breiñ'. ³⁰ Jo mi~ caguilíiñ- tí e yú'^ jíaa' do e lí' í dsír' e nibíiñ- dsea` do, jo dsu' Jesús caquiim'-tur jo cangíiñ' jee~ jaléng' i dsea` do, jo jii'~ cóo' jo ee' cajméesiñ' do quiá'r-.

Jaang' dseañu' i jée' i 'líng' quiá'-

(Mr. 1:21-28)

³¹ Jo mi~ cangí jo, jo cangób-tu Jesús fí Capernaum fí lí' se' Galilea. Jo mi~ caguier- e fí jo, jo calí'r- fí dsí' sinúu^ guá'- quiá'- dsea` góor' dsea` Israel, jo fí jòb canaaiñ' e'r' jaléng' i dsea` í jalé' júu^ quiá'- Fidiéé' lajee' jmíi~ e jmi'íng' jaléiñ' do. ³² Jo dsíng'- dsigá dsí' jaléng' dsea` i núu' júu^ quiá'r-, co' fé'r' lí'^ laco' jaang' dsea` i óo' ta~.

³³ Jo e fí guá'- do e lí' caguier- Jesús e cango'éer' dsea` júu^ quiá'- Fidiéé', jo fí jòb nising' jaang' dseañu' i jée' i 'líng' quiá'- . Jo cajmées' i 'líng' do e ca'óo' i dseañu' do ga' eáang', jogui café'r' jo cajíñ'- lala:

³⁴ —Jéeng' na, Jesús, dsea` seeng` fí Nazaret. ¿Jialí' ñijmiguín' jnea'^? ¿Su cañí' e ni'ín' jnea'^? Cuím'baa' 'nua', joba' ne~naa' e lin' dsea` güeang'^ quiá'- Fidié' dsea` guing~ ñiff'.

³⁵ Joba' cajíng~ Jesús i 'ling'^ do jō casí'-reiñ':

—¡Tii' í' moní'^, jō tiúung` i dseañu' na lana!

Jō mi~ cajíng'- Jesús lajō, jō dsifí' ladob cajmée` i 'ling'^ do e caquing'- i dseañu' do fí quini' jaléng' i dsea` teáng'~ dsí' sinúu' guá' do. Jō joguiba' catiúung~ i 'ling'^ do i dsea` do, jō jíí'~ coo` jō ee` cajmeáiñ' i dseañu' do. ³⁶ Jō dsíng'- cafóng' jaléng' dsea` jō jmingi' rúíñ' lala:

—¿I' i dsea` na, faa~aa', e quiu'r' ta~ laco' jaang` dsea` i óo` ta~, jogui quí'~bre jmí~ e jmihuíñ~ jaléng' i 'ling'^ i jée' quiá'- dsea`, jō dsifí' lajōb dsihuíng~ jaléng' i 'ling'^ do?

³⁷ Jō mi~ calí' lado, dsíng'- cani'- júu' la'úng` fí lí' se' Galilea quiá'- jalé' e guiá' e jmóo` Jesús fí Capernaum.

Mi~ cajmi'leáng~ Jesús iemisé` Tú` Simón

(Mt. 8:14-15; Mr. 1:29-31)

³⁸ Jō mi~ cangí jō, jō cagüi'íib' Jesús lí' iuuiñ~ fí dsí' guá'- quiá'- dsea` góor` i seeng` fí Capernaum, jō cangór~ fí quiá'- Tú` Simón. Jō mi~ caguiér~ fí jō, nidséeb'~ iemisé` Tú` Simón e dsíng'- iu~ guíñ'. Jō coo` tú~ míng'~ dsea` i teáng'~ e sinúu' do camí'r' Jesús jmi'ee' fa' e nijmi'leáaiñ~ i dseamí do. ³⁹ Joba' cangó~ Jesús fí lí' ráang` i dsea` dsée'~ do. Jō mi~ caguiér~ lí' ráaiñ' do, jō cajíñ~ e jmohuí' e líng' i dsea` do. Jō dsifí' ladob ca'láang~ i dseamí do, jō cajém' e iu~ guíñ'^ do. Jō mi~ cangí lado, jō caróo~bre jō cajmээр` e cagó' Jesús cóo' i dsea` caguiaang~ gui do.

Mi~ cajmi'leáng~ Jesús fíng' dsea` dsée'~

(Mt. 8:16-17; Mr. 1:32-34)

⁴⁰ Jō mi~ canuu' e jmí~ jō, jō fím' dsea` caguilíñ~ e 'náiñ' Jesús, jō jéeiñ` jaléng' dsea` dsée'~ quiá'r~ e laco' nijmi'leáng~ dsea` do. Jō mi~ caguilíñ~ fí lí' guing~ Jesús, jō camí'r' dsea` do jmi'ee' lajii'~ ta~ ngolíñ~; joba' lí' jō caquidsí' Jesús guóor` fí moguí~ lajaang` lajaang` i dsea` dsée'~ do, jō dsifí' ladob 'láaiñ'-. ⁴¹ Jō jee` i dsea` dsée'~ do niquiéeng` dsea` i jée' i 'ling'^ quiá'-. Jō laco' Ngôo' Jesús e jmi'leáaiñ~ lajaang` lajaang` i dsea` do, jō lajōb dsihuíng~ jaléng' i 'ling'^ do, jō sóong` óor` ti'áiñ' Jesús jō fé'r':

—'Nab` dsea` lin' Dsea` Jmáang~ i Jóo' Fidié' camíng'.

Jō dsifí' mi~ canúu~ Jesús e fé' i 'ling'^ i jée' quiá'- i dsea` do lado, dsifí' ca'gaaíñ` quiáiñ'~ jō jō cacuø'r' fí fa' ee` café'guiíñ' do, co' líb'^ i 'ling'^ do e Jesús líiñ' Dsea` Jmáang~ i cajíng'- Fidié' i nisíñ~ fí jmigüi' la lajii'~ lamali'gui eáang'.

Mi~ caguia' Jesús júu' quiá'- Fidié' fí lí' se' Galilea

(Mr. 1:35-39)

⁴² Jō mi~ cajneá~ e jmí~ e cajmi'leáng~ Jesús jaléng' i dsea` dsée'~ do, cagüi'íib' Jesús e fí do, jō cangór~ fí coo` lí' cateáaiñ` 'ñia'r'. Dsu' dsifí' ladob caguilíng~ jaléng' dsea` e 'náiñ' dsea` do calé' catú~, jō jnáiñ' dsea` do e laco' ja` nidséiñ' fí lí' jie'. ⁴³ Joba' cajíng'- Jesús casí'r~ jaléng' i dsea` do:

—'Né~ ninii' i lacoo` lacoo` fí e niguiaa' júu' quiá'- jial íng~ Fidié' dsee' quiá'- dsea` e laco' cuøng` nicár' nifí quiáiñ'.

⁴⁴ Joba' canaaíñ` ngír' lacoo` fí e guiar' e júu' jō fí lacoo` guá' quiá'- dsea` góor` dsea` Israel e tée~ fí la'úng` fí lí' neáang' dsea` do.

5

*Mi~ cajmée` Jesús e calí`- Tú` Simón` ñu` i lí` eáang`
(Mt. 4:18-22; Mr. 1:16-20)*

¹ Jo cōo` jmi~ cangó` Jesús fí` 'ni` cōo` guieé` fé` e sii` Genesaret, jogui sii`bi guieé` Galilea cajo, jo caguiling` fíng` dsea` e iin~ ninúr` jalé` júu` quiá`- Fidié` e e` dsea` do. Jo dsíng` fíng` i dsea` i caguiling` do, joba` dsíng`- sicúung` Jesús jee` jaléng` i dsea` do. ² Jo lajee` jo, cangá` Jesús tú` móo` e téé` quiá`- 'ni` jmi~, jo i dsea` fii` e móo` do ninica'uøøm`bre dsíi, jo dob nitaaiñ` ru`r` 'máa` quiá`r` 'ni` e guieé` do. ³ Joba` camí` Jesús fí` e cajgóor` dsíi` cōo` e móo` do e quiá`- Tú` Simón, jo caguá`bre fí` dsíi, jo casí`r` i dsea` do fa` e nidsihuíng` guiji~ e móo` do fí` 'ni` uó` quiú`. Jo mi~ caje` e móo` do ni~ jmi~, jo tí` job ca'e` Jesús jaléng` i dsea` i teáang` 'ni` jmi~ do jalé` júu` quiá`- Fidié`. ⁴ Jo mi~ cató` e e` Jesús jaléng` i dsea` do jalé` júu` quiá`- Fidié`, jo casí`r` i Tú` Simón do jo cajíñ`-:

—Jmee` e nidsé` e móo` la tí` dóo` tí` lí` ni'a`gui quiá`- e guieé` la. Jo mi` niguiéé` lí` ni'a`gui, nibí`na` 'máa` quií`na` jo nijmang`^na` 'ñu`.

⁵ Joba` cañí` Tú` Simón jo casí`r` Jesús:

—Tifa`, lata` uøøb` nicataang`naa` jmoo`naa` ta` bí` 'máa`, jo júi` jaang` 'ñu` ja` mí` calí`naa`. Dsu` 'nu`gui quiú` ta` lana, joba` nibí`baa` 'máa` quié`e.

⁶ Joba` cangoliñ` cartí` lí` ni'a`gui quiá`- e guieé` do, jo job cabír` 'máa` quiá`r` fí` lí` ca'e` Jesús, jo i lí` 'ñu` calí`r`. Jo mi~ canaaiñ` øøiñ` e 'máa` do, jo canaang` 'guí`ba` do, cō` dsíng` fíng` i jó` do nicangotáang`ne` fí` dsíi` e 'máa` do. ⁷ Joba` cató`r` i dsea` la'ó` jmoo` ta` cōo`r` i teáang` dsíi` e móo` e cōo`gui do, jo íb` cangolíng` e cangojmícoo` quiá`r` e quiá`- e caguá` e 'máa` do. Jo mi~ caguir` e 'máa` do, jo canaaiñ` uøøiñ` i 'ñu` do, jo catáng`neiñ` do fí` dsíi` e móo` do car` caróng` laji` tú`. Jo ji~ ja` cango`ang` e móo` do, cō` dsíng` fíng` i 'ñu` do calí`r`. ⁸ Jo mi~ cangá` Tú` Simón jalé` e do, dsifí` lajob casí`r` uó` jnir` fí` quini` Jesús laco` teáaiñ` dsíi` e móo` do, jo casí`r` dsea` do jo cajíñ`-:

—Fíi`, ja` catín` sin` cáan`, cō` jaang` dsea` dsee` dsea` quib` líng` jnea`.

⁹ Jo cajíng` Tú` Simón lajo, cō` dsíng` cangogá` dsíi` colíng` cōo` jaléng` i dsea` caguiaang`gui do dsu` e calí`r` jaléng` i 'ñu` do ie~ jmi~ jo. ¹⁰ Jo jee` i dsea` í` nitaang` gáng` dseañu` i jmoo` ta` colíng` cōo` Tú` Simón, jaaiñ` do siir` Tiáa` jo jaang`gui i sií` Juan, jo laji` huáaiñ` do líiñ` jóo` jaang` dseañu` i sií` Zebedeo. Joba` cajíng` Jesús casí`r` Tú` Simón:

—Ja` føøñ~, Tú` Simón, cō` latí` lana nitá` e ta` jmoo` na, jogui nicuøø` 'nu` cōo`gui ta` e líb`jiu` la lí` e ta` na cajo, cō` nijmée` ta` guía` júu` quié`e jee` jaléng` dsea` jmi`güi`.

¹¹ Jo mi~ cangí` jo, cangolíng`tur fí` 'ni` uó` quiú` cōo` laji` tú` e móo` do, jo job catú` i dsea` do laji` tú` e móo` do cōo` lajalé` e sea` quiá`r`, jo cangolíng`bre cōo` Jesús.

*Mi~ cajmi`leáang` Jesús jaang` dsea` i líng` jmohuí` 'li`
(Mt. 8:1-4; Mr. 1:40-45)*

¹² Jo mi~ cangí` jo, jo lajee` táang` Jesús fí` cōo` fii` lí` se` Galilea, jo caguieé` jaang` dseañu` i líng` jmohuí` 'li` fí` ngúu` táang`. Jo mi~ caguié`r` quiá`- lí` sing` Jesús, jo casí`r` uó` jnir` jo catúuiñ` cartí` ni` uó` jo camí`r` jmi`ee` dsea` do jo cajíñ`- casí`-reiñ`:

—Fíi`naa`, cuøøm` lí` jmi`leáan`^ jnea` song` iin` lajo.

¹³ Joba` cagüing` Jesús i dsea` dséi` do jo cajíñ`- casí`-reiñ`:

—Íim`baa` jmi`leáan` n` 'nu`. Joba` latí` lanab` ni`leáan`- laji` jmohuí` e lin`.

Jø dsifí mi~ cajíng' Jesús lajo, cajém' e jmohuí' e líng' i dsea` dsée' do, jø jii' capí' jo ee' líng' guir e jmohuí' 'li' do. ¹⁴ Jøba' caquiú' Jesús ta~ i dseañú' do e ja' ii' nisí'r' jii' jaang' lajii' e calí' do, jø casí'-reíñ' do jø cajíñ'- lala:

—Gua~ jø güijáang' uø' fí' quini' jmidsea` quí'-ii', jogui' né' líng' ee' coo` nigüicá' e quiá' e nicuó' gui'máang' Fidié' lí' laco'gui ta~ caquiú' Moi'. Jøba' i jmidsea` do nijíñ' e nica'láam' ba' lajii' jmohuí' e lin', jø lajòb jaléng' dsea` ninír' e jo` lin' jii' coo`.

¹⁵ Jø dsu' dsifí ladob cani' júu' e dsíng' 'gøng' Jesús. Jø dsíng' fíng' dsea` cangolíng' e 'náíñ' dsea` do e iíñ' ninúr' jalé' júu' quiá' Fidié', jogui' iíñ' e nijmi'leáang' dsea` do lajii' jmohuí' e lííñ' do. ¹⁶ Jø dsu' tá' co' jeeng' jmi'nám' 'ñia' Jesús, jø 'nó'r' lí' ja' ii' dsea` seeng', jø fí' jøb dséer' dsisíñ' coo' Fidié'.

Mi~ cajmi'leáang' Jesús jaang' dseañú' i caang' tii'
(Mt. 9:1-8; Mr. 2:1-12)

¹⁷ Jø mi~ cangí' jø, coo` jmii' lajee' e' Jesús jaléng' dsea` jalé' júu' quiá' Fidié', jø fí' jøb neáang' coo` tú' míng' dsea` Israel i líng' dsea` fariseo colíng' coo' tifa' quiá' júu' quiú' ta~ quiá' dsea` Israel. Jø i dsea` do, seeíñ' do jalíñ' fí' Jerusalén coo' gui jalé' fii' e néé' quiá' lí' se' Galilea coo' gui lí' se' Judea. Jø dsíng' lí' e jmicóo' quiá' Jesús e güea' 'gøng' quiá' Fidié', co' dsíng' tiiñ' e jmi'leáaiñ' jaléng' dsea` dsée'. ¹⁸ Jø lajee' jø caguilíng' tú' 'ní' míng' dseañú' fí' lí' táang' Jesús e dsíñ' jaang' dseañú' i caang' tii', co' iíñ' nidsijéiñ' i dsea` dsée' do fí' quini' Jesús. ¹⁹ Dsu' ja' lí' cadsé' i dsea` do fí' lí' ningíñ', co' dsíng' fíng' dsea` i teáang' e sínúu' do ie' jø. Jøba' cajgóo' i dsea` jéeng' i dsea` dsée' do fí' yú' 'núu' lí' røø'. Jø mi~ caguilíñ' fí' jø, jø ca'òr' coo' too', jø fí' jøb cangíñ' i dsea` dsée' do laco' dsíñ' do e fí' ni' lí' ráaiñ', jø cajgiáang' neiñ' do jee' jaléng' i dsea` i teáang' e dsí' sínúu' do dseáng' fí' quini' Jesús. ²⁰ Jø mi~ catísíng' i dsea` dsée' do cartí' ni' uø', dsifí' ladob calilí' Jesús e jáb' líng' i dsea` dsée' do coo' i dsea` dsí' quiá'r' do e quíib' dsea` do jmii' e nijmi'leáaiñ' jaléng' dsea` dsée'. Jøba' casí'r' i dsea` dsée' do jø cajíñ':

—Ni'íim'baa dsee' quí', Ruu'.

²¹ Jø mi~ canúu' jaléng' tifa' quiá' júu' quiú' ta~ quiá' dsea` Israel coo' gui jaléng' i dsea` fariseo do e cajíng' Jesús lajo, jø canaaiñ' í' dsíir' jø siiiñ' la'ó' yaaiñ': “¿Í' i dseañú' la e jafée'r' jalé' júu' e jii' Fidiéeb' dsea` catíiñ' fér'? Co' jii' Fidié' dsea' guiing' ñifí' catíiñ' ni'íiñ' dsee' quí'naa'.”

²² Dsu' Jesús calilí' bre jalé' e í' dsí' i dsea` do, jøba' casí'-reíñ' jø cajmíng'í'-reíñ' lala:

—¿Jialí' í' óóna' lana? ²³ ¿E' e líng' na' e ja'gui huíng' e nifé'naa': su e “Ni'íim'baa dsee' quí'”, osí e nifé'naa' é: “Ráan' jø ngí'”? ²⁴ Dsu' lana jnea' ní'ée' e 'nú' e jnea', i cajá' fí' ñifí' e lín'n jaang' dsea` jmígüí', oo'baa ta~ e ni'íin'n dsee' quíá' jaléng' dsea` jmígüí'.

Jøba' casí'- Jesús i dsea` i caang' tii' do jø cajíñ':

—Ráan', Ruu', jø uøø'ba' nicó' e lí' dsín' na, jø guóng' fí' quí' náng.

²⁵ Jø mi~ café' Jesús lado, dsifí' ladob caróo' i dsea` caang' tii' do jee' jaléng' i dsea` i teáang' do, jø case'r' e lí' dsíiñ' do, jø cangáíñ' fí' quiá'r'. Jø lajee' ngaiñ' jø jmiféiñ' Fidié' dsu' uí' e ca'láaiñ'. ²⁶ Jø lajalém' i dsea` i teáang' do dsíng' cangogá' dsíir', jø canaaiñ' cuø'r' gui'máang' Fidié' jogui' jmiféiñ' dsea` do cajo dsu' e ca'láang' i dseañú' i caang' tii' do, jø siiiñ' lajee' yaaiñ':

—Jii' coo' néé' ja' mí' cane'naa' e guiú' e la jmóo' i dseañú' na.

Mi~ cató' Jesús jaang' dseañú' i sii' Leví
(Mt. 9:9-13; Mr. 2:13-17)

27 Jo mi~ cangf jo, jo cagüi'ñb' Jesús li~ iuuiñ~ do, jo cangór~ fi' li~ jié'. Jo lajee~ iuuiñ~ fi' ngóor', cangáñ~ jaang` nodsicuu~ i sii` Leví i guing~ fi' li~ mir' cuu~ e catíng~ dseata~ i guing~ fi' Roma. Jo cató'~ Jesús i dsea` do jo casí'~ reiñ':

—Leví, má~ aa' cóo'~ jnea~.

28 Jo mi~ canúu~ Leví e tó` Jesús, jo dsifi' ladob catár` ta~ jmóor` cóo'~ jalé' e sea` quiá'r~ jo cangó~ bre cóo'~ Jesús.

29 Jo mi~ cangf jo, fi' quiá'~ Leví cajméer` cóo' jmi~ fe' e quiá'~ e jmi'gór` Jesús, jogui cató'r~ jaléng`gui nodsicuu~ i cuiñ` e cagó'r` colíng~, jogui fím'bi dsea`jiéng` i caseáng' fi' jo ie~ jo. 30 Jo lajee~ jo, dob neáng` jaléng` dsea` fariseo cóo'~ jaléng` tifa' quiá'~ júu^ quiu' ta~ quiá'~ dsea` Israel. Jo mi~ cangár~ e gø' Jesús cóo'~ jaléng` nodsicuu~ cóo'~gui jaléng` dsea` i sea` júu^ e dsíng'~ røøiñ` dsee~, joba' canaaiñ` éeiñ` Jesús jo casí'r~ i dsea` i caguilíng~ cóo'~ dsea` do:

—¿Jiali' i' gø' tifa' quií'~na' cóo'~ jaléng` nodsicuu~ cóo'~gui jaléng` dsea` i sea` júu^ e dsíng'~ røøiñ` dsee~?

31 Jo mi~ canúu~ Jesús e fé' i dsea` do lado, jo cañíir` quiáíñ'~ jo casí'~ reiñ':

—Jaléng` dsea` guiúng~ ja` 'neáiñ~ timí', co' lají'~ dsea` dsé'~bing' i 'neáng~ timí'. 32 Jo jnea~ ja` cagá~ a fi' jmi'güi' la e caga'nén'n jaléng` dsea` i guiúng~, co' jaléng` dsea` dsee~ dsea` qui'bing' i caga'nén'n e laco' niqú'~ nijíng' yaaiñ` fi' quini` Fidié~ dsea` guing~ ñiff~.

*Mi~ cajming'~ dsea` Jesús cuaiñ` quiá'~ ayuno
(Mt. 9:14-17; Mr. 2:18-22)*

33 Jo mi~ cangf e cajíng'~ Jesús lajo, jo caleáb` catú~ cajming'~tu i dsea` Israel i líng` dsea` fariseo do jo cajíñ'~ lala e cajming'r~ Jesús:

—Jaléng` dsea` i ngí cóo'~ Juan i seáng` dsea` jmi~ cóo'~gui jaléng` jnea'^, dsea` lí'naa' dsea` fariseo, dsíng'~ jmoo~naa' ayuno jogui dsíng'~ fé'naa' fa', jo ¿jiali' jaléng` dsea` i ngí cóo'~ 'na' laco' jmi~b~ i' gø'r', jo ja` jmóor` ayuno laco' jnea'^?

34 Joba' cañí'tu Jesús quiá'~ i dsea` do jo cajíñ'~ casí'~ reiñ':

—Fa' mi~ jmoo` 'ná' jmi~ e cung' guoo` dsea`, joba' ja` cuøøng` e niseáng~na' jaléng` i dsea` simíng~ do e nijmér~ ayuno lajee~ neáaiñ` cóo'~ i simíng` i nicúng'~ guó do. 35 Jo dsu' niguiéeb' jmi~ mi~ nitøø` dsea` i simíng` do, jo ie~ jo mi~ nijmé~ ayuno i dsea` simíng~ do.

36 Jogui ca'e'gui Jesús jaléng` i dsea` do jalé' júu^ já' e lafa' júu^ cuento jo cajíñ'~:

—Mi~ 'né~ te' dsea` cóo' 'mi', ja` jmóor` fa' e quiu'r' ca'ná'^ 'mi'qui' e 'mí~ jo nite'r~ cóo'~ cóo' 'mi'qui' e yúu~. Co' song cajméer` lajo, ni'ím~ e 'mi'qui' e 'mí' do, jogui ni'ím~ e 'mi'qui' e yúu~ do cajo, co' mi~ nijgí~, nijóm' e 'mi' 'mí' e sito' do, jo nilife'gui e lí' si'gui' do. Jo mi~ niliqui'~ jo jo ee' ta~ íng^ júi'~ capí'^ jóng.

37 Jogui cajíng'~ gui Jesús casí'r~ jaléng` i dsea` do:

—Jo lajobi cajo, ja` guié' dsea` jmi'^ mí'^ huíng` jø'^ e laco' gui'ná'^ có' fi' cóo' dsí' loo~ jó' e yúu~, dsuco' song cajméer` lajo, joba' ni'gui'ba' do jo nidsi'ñb' e jmi'^ do jogui ni'ím~ e loo~ jó' do cajo. Jo co' lajob lí', 38 joba' guiá~gui e niguié' dsea` e jmi'^ mí'^ huíng` jø'^ do laco' gui'ná'^ có' fi' cóo' dsí' loo~ jó' e 'mí~b~, jo lajoba' ja` dseáng'~ fa' e ni'gui' e loo~ jó' do o'gui fa' e nidsi'ñb' e jmi'^ do cajo.

39 Jogui júi'~ jaang` dsea`, mi~ nicangoyúung'~ e ca'í'r~ jmi'^ mí'^ huíng` jø'^ e nicó', iing~guir fa' ni'í'r' jmi'^ e ja` mi' lí' lajo, co' jalém' dsea` fé'r': “Eáng'gui jlo'^ jmi'^ mí'^ huíng` jø'^ e nicó' laco'gui jmi'^ e ja` lí' lajo.”

Jo jalé' e júu^ na ca'e' Jesús jaléng` i dsea` do ie~ jo.

6

*Mi~ ca'éeng` dsea` quiá'- Jesús láa' quiá'- cui'iee`
(Mt. 12:1-8; Mr. 2:23-28)*

¹ Jo mi~ cangí jo, coo` jmi~ lajee` e jmi'ing' jaléng' dsea` Israel, cangíng` Jesús cóo'~ jaléng' dsea` quiá'r- fí 'ni' lí síjnea~ cui'iee`. Jo lajee` teáaiñ' fí lado, jaléng' i dsea` do canaaiñ` éeiñ` láa' quiá'- cui'iee`, jo guiúr` fí jaguór` jo jiuur` qui' quiá'-, jo cu'r` e micui'iee` do. ² Jo dob ngolíng` tú` 'ni' máng'~ dsea` Israel i líng' dsea` fariseo. Jo mi~ cangár` e éeng` jaléng' i dsea` do láa' quiá'- cui'iee`, jo dsifí ladob cajmíngi' reiñ' jo cajíñ'- lala:

—¿Jialí' jmoo` 'nú' coo` e ja` catíng` nijmé` dsea` mi~ jmi~ e jmi'ing'naa', dsea` lí'naa' dsea` Israel?

³ Joba' cañí' Jesús quiá'- i dsea` do jo casí'- reiñ' jo cajíñ'-:

—¿Su ja` mí ca'í 'nú' fí ni` jì quiá'- Fidiée` lí fé' jial cajmée` dseata~ dsea` féng' Daví^ cóo'~ jaléng' dsea` quiá'r- mi~ cadseá~ jmi'aaiñ`? ⁴ Co' ie~ jo i dseata~ Daví^ do ca'ír- fí dsí' sinúu` guá'- quiá'- dsea` góor` dsea` Israel, jo camí'r` jmidsea` i néé ni` guá'- do iñí^ e güeang'^ e tíng' dsea` e cuø'r` Fidiée`, jo cagø'r` cóo'~ jaléng' i dsea` i cóo'r` do. Jo niñí'b` 'nú' e ja` cuøng` dø' lí^ doñí' i~ dsea` e iñí^ do, co' lajii'~ jmidsea`bing' cuøng` lí dø'- e jo. Dsu' cangím` i dseata~ dsea` féng' Daví^ do e cagø'r` e iñí^ do ie~ jo colíng` cóo'~ jaléng' dsea` quiá'r-.

⁵ Jo lalab cajíng'- gui Jesús:

—Jo jnea~, i cagüéng` fí jmigüü` la e gáa'a fí ñifí` e lín'n jaang` dsea` jmigüü`, seab` fí quié` e e quiú' u ta~ lajee` e jmi~ e jmi'ing' dsea` góo'o dsea` Israel.

*Mi~ cajmi'leáang` Jesús jaang` dseañu` i caang` guoo`
(Mt. 12:9-14; Mr. 3:1-6)*

⁶ Jo mi~ cangí jo, mi~ caguié` coo`gui jmi~ e jmi'ing' jaléng' dsea` Israel, jo ca'í- Jesús fí dsí' coo` guá'- quiá'- dsea` góor` dsea` Israel, jo canaaiñ` e'r` jaléng' dsea` jalé' júu` quiá'- Fidiée`. Jo job nitáang` jaang` dseañu` i nicaang` guoo` dsée'. ⁷ Jo jaléng' tifa' quiá'- júu` quiu' ta~ quiá'- dsea` Israel cóo'~ gui jaléng' dsea` Israel i líng' dsea` fariseo dob ngir` e téeiñ` Jesús, jo iñ~ e nijøor` su nijmi'leáang` dsea` do i dsea` dsée'~ do lajee` mi~ jmi~ e jmi'ing' jaléng' dsea` Israel; jo faco' lajo, niguié'r` jial e ni'naiñ` dsea` do. ⁸ Jo dsu' Jesús lí^bre jalé' e í dsí' jaléng' i dsea` do, jo casí'r- i dseañu` i caang` guoo` do jo cajíñ'-:

—Ráan'- jo ñising' uø' fí quini` jaléng' i dsea` la.

Jo dsifí ladob caróo` i dseañu` i caang` guoo` do, jo cangór` fí lí cajíng'- Jesús. ⁹ Jo mi~ caguiér` fí lí e' dsea` do, joba' cajíng'- Jesús casí'r- jaléng' i dsea` i teáang` dsí' e sinúu` guá'- do:

—Sea` coo` e nijmíngí' i 'nú' jaléng'na' na. ¿E~ ta~ quiu' fí ni` jì quiá'- Moir` e cuøng` jmó'oo' mi~ jmi~ e jmi'ing'naa', su jalé' e ga` ofa' jalé' e guiúb` é? ¿Su e jngáang`naa' jaléng' dsea` dsée'~ ofa' e jmi'leáam`baa'r é?

¹⁰ Jo mi~ calí` e fé' Jesús lajo, jo cajøøiñ` jaléng' i dsea` i teáang` dsí' e sinúu` guá'- do, jo casí'r- i dsea` caang` guoo` do jo cajíñ'-:

—Níi'~ guoo', dseañu`.

Jo mi~ cani' i dsea` do guóor` e caang` do, dsifí ladob ca'lóo`, jo jii'~ coo` jo` ee' lí'. ¹¹ Jo mi~ cangá~ jaléng' i tifa' quiá'- júu` quiu' ta~ quiá'- dsea` Israel cóo'~ gui jaléng' dsea` Israel i líng' dsea` fariseo e cajmi'leáam` Jesús i dsea` dsée'~ do, dsíng' caliguíñ` jo canaaiñ` síiñ` lajee` yaaiñ` jial laco' cuøng` e nijmeaiñ` dsea` do.

*Mi~ cagúing' Jesús dsea` guitúung` quiá'r-
(Mt. 10:1-4; Mr. 3:13-19)*

12 Jo mi~ cangí jo, coo` jmi~ cangó- Jesús fí coo` yú^ mó', jo fí job cateáaiñ` lata` uøø` e siiiñ` cóo`~ Fidiée` dsea` guing~ ñiffí. 13 Jo mi~ cajneá- e uøø` jo, jo cató'r- jaléng` dsea` i ngí cóo`r- do. Jo mi~ caguiliñ`- do fí lí- siñ', jo caguín` guitúung` i dsea` do i ni'uíng- dsea` apóo^ i nijmé- ta~ ni' júu^ quiá'r-. 14 Jo lalab sii` i dsea` guitúung` do: jaang` i sii` Simón, jo mi~ canaaiñ` ngir` cóo`~ Jesús jo calisír` Tú^; jaang`gui i sii` Dí^, rúng` dsea` ngáang` cóo`~ i Simón do; jaang`gui i sii` Tiáa~, jaang`gui i sii` Juan, jaang`gui i sii` Lií~, jo jaang`gui i sii` Bartolomé, 15 jaang`gui i sii` Mateo, jaang`gui i sii` Mó^, jaang`gui i sii` Tiáa~, joo` jaang` dseañu` i sii` Alfeo; jaang`gui i sii` Simón i líng` dsea` celote; 16 jaang`gui i sii` Judas, rúng` dsea` ngáang` cóo`~ i Tiáa~ do; jo lí- cadséng- gui jaang`gui i sii` Judas Iscariote, dsea` i cajáng` Dsea` Jmáang- fí jaguó` jaléng` dsea` cóøng` quiá'- dsea` Israel.

*Mi~ ca'e' Jesús fíng` dsea` jalé' júu^ quiá'- Fidiée`
(Mt. 4:23-25)*

17 Jo mi~ cangí jo, cajgám- tu Jesús fí e yú^ mó' do colíng~ cóo`~ dsea` quiá'r- jo catisíiñ` coo` lí- iu~ coo` mí^ røø, jo fí job cajer` e ca'e'reiñ` do jalé' júu^ quiá'- Fidiée`. Jo lajee` jo caguilíng- jaléng` dsea` i jalíng- fí Jerusalén cóo`~ jalé'gui fí jé' e téé' lí- se' Judea cóo`~ jaléng` dsea` i neáang` fí 'ni' jmiñí^ fí Tiro cóo`~gui fí Sidón. Jo jaléng` i dsea` do caguiliñ`- 'náin` Jesús, co' iin~ e ninúr- jalé' júu^ quiá'- Fidiée` e e' dsea` do. Jogui fíim`biñ` do jeeiñ` jaléng` dsea` dsée'~, co' niñir` e jmi'leáam- Jesús jaléng` i dsea` la'í lí^ doñí ee` jmohuí e líiñ'. 18 Jogui jaléng` dsea` i jée' i líng`^ quiá'- cajmihuím- Jesús i líng`^ do, jo lajoba' ca'láam- jaléng` i dsea` do. 19 Jo jalém` dsea` ie~ jo iin~ nidsilíiñ` cáang` Jesús, jo iin~ nigü'r- fa' capí^ sib`^ dsea` do, jo lajoba' ni'leáaiñ` lí^ doñí ee` jmohuí e líiñ` la'eáang` cóo`~ güea'` gøng` quiá'- dsea` do.

*I` jaléng` i seeng` juguiá`
(Mt. 5:1-12)*

20 Jo lajee` sing' Jesús colíng~ cóo`~ i dsea` quiá'r- do, jo cajøøng- neiñ` jo casí'r- dsea` do lala:

—Juguiá`-jiu quií` 'nú', ja` e lí' jialgui la tiñíng- na', co' Fidiéeb` dsea` niquie` nifí` quií`-na' lana.

21 'Juguiá`-jiu quií`-na', 'nú' dsea` móo`-na' oo-, co' Fidiéeb` nicuø'` 'nú' lalíng` mi~ nití` í' lajo.

'Juguiá`-jiu quií`-na', 'nú' dsea` jiuung~ óo`na' car` quií`na', co' 'nú'bing` i níngí- mi~ niguiée` jmi~.

22 'Juguiá`-jiu quií`-na' mi~ 'ní' níng- jaléng` dsea` 'nú' uii~ quie` jnea~, o si mi~ øøiñ` 'nú' fí caluu` fí lí` seeng`na', o si mi~ jmineaiñ`^ 'nú', o si mi~ nijíng`- jaléng` dsea` e 'lim`^ba' dsu' uí'~ e núu`~na' jalé' júu^ quie`-e, dsea` i casíng` Fidiée` fí jmiçü` la e lín`n jaang` dsea` jmiçü`. 23 Jo e jmi~ e mi~ nijmeáng` dsea` 'nú' jalé' e ga` lajo, güilí`iáang` óo`na' dsuco' niliseab` guiee^ quií`-na' mi~ nití` fí ñiffí. Dsuco' lajob cajmée` jaléng` i líi~ yúu~ quiá'- jaléng` i dsea` i 'ní' níng- 'nú' do ie~ lamí~ cajmeaiñ` ga` jaléng` i dsea` i café` cuaiñ` quiá'- Fidiée` malii`gui eáang`.

Jo mi~ calí- e ca'e' Jesús jalé' e júu^ na, jo lalab cajíng`- guir:

24 —E ngí` fí- 'nú', jaléng` dsea` sea` cuu-, co' nicañí`-ba' e sii` juguiá`.

25 'E ngí` fí- 'nú', dsea` sea` e øø^na' lalíng` lana, co' niguiée` jmi~ mi~ nimó`na' oo-.

'E ngí` fí- 'nú', dsea` jmi'iáang` óo`na' cóo`~ jalé' e sea` fí jmiçü` la, co' niguiéeb` jmi~ mi~ nilíjiuung~ óo`na' car` niquí`na' uii~ quiá'- jalé' e jo.

26 'E ngi~ fñ~ 'nú' mi~ fé' jaléng' dsea` jmang' e guiá~ uii~ quí'na', cõ' lajõb cajmée' lñi~ yúu~ quiá'r~ cõõ'~ jaléng' dsea` i cajmicaang~ e café'r` cuaiñ~ quiá' Fidiée~ malñi~ gui eáang'.

'Né~ nijmi'neáang'naa' jaléng' i 'ní' níng~ jneaa'aa'

(Mt. 5:38-48; 7:12)

27 Jo mi~ calí~ e cajíng'~ Jesús lajo, jo caféng'guir jaléng' i dsea` do jo cajíñ'~ casí'~ reiñ':

–Núu~na' jalé' júu^ quié~e: 'Né~ nijmi'neáam'ba' jaléng' i 'ní' níng~ 'nú', jogui jmee~na' jmang' e guiá~ cõõ'~ jaléng' dsea` i 'léé' quí'na', 28 jogui féeng'~na' Fidiée~ uii~ quiá'~ jaléng' i cuõ' 'nú' júu^ 'lí', jogui mí'~na' Fidiée~ jalé' e guiá~ uii~ quiá'~ jaléng' i jmineang' 'nú'. 29 Song iì' caquiúu~ cataang' moní'na', jõba' cuõõ'~na'r e cataang'gui do güiquiúur` jõng. Jo song iì' cagui' 'mi'guiéé~ quí'na', jõba' cuõõ'~na'r la quie' 'mi'quí'~na' cajo. 30 Cuõõ'~na' jaléng' i mi' 'nú' lí' doñi' eé' mir', jo song iì' cacá~ eé'go e sea` quí'na', jo güimí'~na'r. 31 Jmicõõ'~na' jaléng' dsea`, jo jmee~na' jmang' e guiá~ cõõ'r` lí' laco'gui iing~na' e nijmér~ cõõ'~ 'nú'.

32 'Jo song 'nú' 'neáang'na' lajii'~ i 'neáang' 'nú', jõba' ja` güi'f' óó'na' e jmoo'na' e guiá~, cõ' lajõb jmóo` cajo jaléng' dsea` dsee~ dsea` quí'. 33 Jogui song jmicõõ'~na' lajii'~ dsea` i jmicõõ'~ 'nú', jõba' ja` güi'f' óó'na' fa' e jmoo'na' e guiá~, cõ' lajõb jmóo` cajo jaléng' dsea` dsee~ dsea` quí'. 34 Jogui mi' eé'go jmi'õõng` rúng'na' jo jmoo'na' lajõ cõõ'~ i dsea` i líng~na' i niquí~ e dsí' quí'na', jõba' ja` güi'f' óó'na' jõng fa' e jmoo'na' e guiá~, cõ' lajõb jmóo` cajo jaléng' dsea` dsee~ dsea` quí', jo jmóor` lajõ uii'~ líng~ eé' sijear~ e ni'íñ' quiá'~ dsea` rúñ'.

35 'Dsu' 'nú' 'né~ nijmi'neáang'na' jaléng' i 'ní' níng~ 'nú', jogui jmang' e guiá~ 'né~ nijmee~na' cõõ'~ lajaléng' dsea`. Jogui jaléng' dsea` i líng~ eé'go jmi'õõng` 'nú', ja` güi'f' óó'na' fa' dseáng'~ e niquí'~tur quí'na'. Jo song nijmití'na' jalé' e nicafá'~a na, jõba' dseáng'~ niliseab` guiéé` quí'na', jo lajõguiba' nilíng~na' jõõ' Fidiée~ dsea` guing~ ñifi~, cõ' jii'~ íb` dsea` guiúng~ cõõ'~ jaléng' dsea` doñi' fa' soo` dsíur` osi ja` cuõ'r` gui'máang'~ dsea` do é mi' eé'go íñ'. 36 Jo jmee~ba' fñi~ líng~ rúng'na' laco'gui Tiquí'ii' dsea` guing~ ñifi~ fñi~ líñi~ 'nú'.

Ja` cuõ'na' dsee~ dsea` rúng'na'

(Mt. 7:1-5)

37 'Jo ja` cuõ'na' dsee~ dsea` rúng'na', jo lajõba' Fidiée~ ja` nicuõ'r~ 'nú' dsee~ cajo. Jo ja` fó'na' júu^ ga` quiá'~ dsea` rúng'na', jõba' Fidiée~ ja` nijmér~ lajõ cõõ'~ 'nú'. Íng'na' dsee~ quiá'~ jaléng' dsea`, jo lajõb ni'íng~ Fidiée~ dsee~ quí'na' cajo. 38 Cuõõ'~na' jaléng' dsea` eé'go e 'né~', jo lajõb ni'íng'na' quiá'~ Fidiée~ cajo; jo nijmér~ lajõ cõõ'~ 'nú' lafa' mi~ cuõ'na' dsea` micuú' e néé' í' cõõ'~ 'ma' í' cuú', jo mi~ nidsitóo'~, 'né~ e ni'iéng' e 'ma' í' cuú' do, jo mi~ carõng~ 'né~ e nidsitóo'~ teá', jo mi~ calí~ jo, 'né~ e nilí' guisó^ guiá~. Jo Fidiée~ nijmér~ cõõ'~ 'nú' lí' laco'gui la jmoo'na' cõõ'~ jaléng' dsea` rúng'na'.

39 Jo mi~ calí~ e cajíng'~ Jesús jalé' e júu^ na, jo ca'e'guir jaléng' i dsea` do jo casí'~ reiñ' lala jo cajíñ'~:

–Song jaang` dsea` tiuung~ nijéiñ~ jaang`gui dsea` tiuung~, jõba' dseáng'~ fí' íb' nijiúñ' lajõ huáaiñ~ do. 40 Jogui jii'~ jaang` dsea` i jmitíng', tíng'guir laco' tifa' quiá'r~ lajee~ e jmitíñ'. Dsu' mi' ca'e' i tifa' do lajalé' e tíñ', jõguiba' rõõb` nilitíñ' jõng.

41 'Jo çjialí' ca' cuente lajii'~ quí' iá~ jmini~ jaang` dsea` rún', jo dsu' ja` ca' cuente uõ' e jie~ ja` latõõng~ cõõ' 'mab' iá~ jminí'^? 42 Jo song ja` lí' cá' cuente uõ' jial tí' fe' e iá~ jminí', jõba' çjial niteá' o' e nifi'^ jaang` dsea` rún' lala:

“Rú'uu', nea' du ne' ee', jò niguí' duu e qui' iá' jminí'”? ¡j mīcaang' 'nū! Jáng' gui' du e 'ma' e iá' jminí' uó', jò lajoguiba' nicuóøng' jòø' guiá' e niguí' e qui' e iá' jminí' i dsea' rún' do.

Jalé' 'ma' ofi' cuí' dsea' la'eáang' cóo' ofi' e íb'
(Mt. 7:17-20; 12:34-35)

⁴³ Jò mī' calí' jò, jò cajíng' gui Jesús casí'r' jaléng' i dsea' do:

—Ja' sea' 'ma' ofi' e guiá' e cuó' ofi' e ja' dseeng', o'gui sea' 'ma' ofi' e ja' dseeng' fa' e cuó' ofi' e guiá'. ⁴⁴ Co' jalé' 'ma' ofi', mī' cacuó' ofi' quiá', jòguiba' nililí' dsea' su guiá' osi ja' dseeng' e 'ma' ofi' do. Co' ja' cuó' güñí' yá' 'matóó', o'gui mī' huñng' jò' í' yá' 'matóó' fí'. ⁴⁵ Jò jaang' dsea' i guiúng' fé'r' jalé' e guiá', co' jmang' e guiáb' í' dsíir'. Jògui jaang' dsea' i soo' dsíi' jmang' e gab' fé'r', co' jmang' e gab' í' dsíir'. Co' dseáng' lajii' e í' dsíib' dsea' e fé'r'.

Jial' lī' mī' nū' dsea' júu' quiá' Fidié'
(Mt. 7:24-27)

⁴⁶ 'Jialí' fí'na' jnea~, “Fí'i, Fí'i”, song ja'gui nū'na' jalé' ta' quiá' u? ⁴⁷ Nifá' duu i' líng' la líng' jaang' dsea' i nū' júu' quié' e jògui jmitir' jalé' e fá'a: ⁴⁸ i dsea' í' líiñ' la líng' jaang' dsea' i cajme' cóo' 'nū'. Jò i dsea' í', ná' gui e nijmé'r' e 'nū' do, catá'r' tí' fí' e a' jògui caséer' cóo' cuu' e cóo' eáang', jòguiba' cajme'r' e 'nū' do. Jò mī' cajá' jmí' dsiing~, dsíng' calí' jmí' e tí' e 'nū' do, jò dsu' jí' cóo' ja' ee' calíng~, co' teáb' eáang' sí'. ⁴⁹ Jògui i dsea' i ja' nū' jalé' júu' quié' e o'gui jmitir' jalé' e fá'a, i dsea' í' líiñ' la líng' jaang' dsea' i cajme' cóo' 'nū', jò ja' catá'r' tí' fí'. Jò mī' cajá' jmí' dsiing~, eáang' calí' jmí' tí' e 'nū' do, jò ca'ím'ba' do co' caquib'.

Jò jalé' e júu' na ca'e' Jesús jaléng' i dsea' do e fí' e mí' røø' do ie' jò.

7

Mī' cajmī'leáang' Jesús jaang' dsea' 'léeng' quiá' jaang' fii' 'lée' romano
(Mt. 8:5-13)

¹ Jò mī' cató' e caféng' Jesús jaléng' i dsea' do, jò cangám' tur cóo' dsea' quiá'r' fí' Capernaum. ² Jò e fí' fí' Capernaum do nitáang' jaang' fii' 'lée' i niseeng' fí' Roma. Jò niseeng' jaang' dsea' 'léeng' quiá'r' i iñ' dsíng', jò i dsea' í' niráaiñ' dséer', jò dseáng' tí' lí' nijúum-bre co' eáam' líiñ'. ³ Jò mī' calí' i fii' 'lée' do e caguiéng' Jesús fí' Capernaum, jò dsifí' ladob casíiñ' tú' 'ní' máng' dsea' cóøng' quiá' dsea' Israel e cangoféiñ' Jesús fa' e nidsér' e nidsijmī'leáaiñ' i dsea' dséer' do. ⁴⁻⁵ Jò mī' caguilíng' i dsea' cóøng' do fí' lí' sing' Jesús, jò camí'r' dsea' do jmí'ee' lajii' ta' ngoliiñ' jò cajíiñ':

—I fii' 'lée' i casíi' qui'naa' do, dsíng' guiúiiñ' cóo' jaléng' dsea' góo'naa' dsea' Israel, co' í'bre caquiur' ta' e calí' guá' qui'naa', jòba' iñ'naa' e nijmicóo' re lana.

⁶ Jò mī' canúu' Jesús jalé' e cajíng' i dsea' do, jò cangó-bre cóoiñ' do. Dsu' ná' gui e niguíéé' Jesús fí' quiá' i dsea' do, cajíiñ' tú' 'ní' máng' dsea' i casíng' i fii' 'lée' do i quié' júu' quiá'r', jò cajíiñ' casí'r' Jesús lala:

—Lalab jíng' fii'naa': ⁷ “Fí'i, ja' jmé'e' fí' fa' ní' tí' quié' e, co' ja' catíin' fa' e ní'úun' sinúu' quié' e, co' dsea' 'gøm' 'nū', o'gui fa' e cateá' dsii' e caga'nén'n 'nū' 'ñiá'a, co' dsea' fém' 'nū'. Jò licó' fée' e ni'leáang' dsea' dséer' quié' e, jò ni'leáam-bre jóng. ⁸ Dsuo' jnea' seem' dsea' i quiá' ta' quié' e, jògui seem' dsea' i quiá' ta' cajo. Jò mī' fí' i jaang' dsea' quié' e e gua~, jòba' dsifí' lajòb dséer'; jògui mī' fí' guí' i jíéng' e nea', jòba' dsifí' lajòb jáar' cajo; osi mī' fí' i

jaang` dsea` 'léeng` quié` e e jmee` e la, joba' dsifí' lajob jmóor` cajo; jo jalém` dsea` quié` e náur` júu` quié` e.”

Jo jaléb` e júu` na quié` i dsea` i cangojmijíng` Jesús do.

⁹ Jo mi` canúu` Jesús lado, jo dsíng` cangogá` dsír' jo caji'r` nir` cajóøiñ` jaléng` i dsea` i cóo'r` do jo casí`-reiñ' jo cajiñ` lala:

–Lajee` lajaléng` dsea` góo`naa' dsea` Israel ja` mí' cajín`n jíi` jaang` i dseáng` lajang` ja` líng` júu` quié` e laco'gui` i dsea` romano la.

¹⁰ Jo cangolíim`tu` i dsea` do fí' quiá'- i fi` 'léé` do. Jo mi` caguiliñ`, jo` ee` líng` i dsea` dsée` do jíi` cóo`, có' ninica`láam`bre.

Mi` cajmée` Jesús e caji`tu` jóo` jaang` dseam` i` nã`

¹¹ Jo mi` cangí' jo, cangó` Jesús fí' cóo` fi` e sii` Naín cóo` dsea` guitúung` quiá'r`, jo dsíng` fíng` dsea` i ngolíng` cóo'r` ie` jo. ¹² Jo mi` caguiér` quiá'- e fi` do, jo cajiñ` cabøø` dsea` i jéeng` jaang` 'lii`, jo teáaiñ` do fí' e ningolíiñ` fí' codsii`. Jo dsíng` qui' niquiá'^ i 'lii` do, có' jíi` dob jóor` i niseeng`, jo jíi` jaang` jo` i seeng` quiá'r`, có' ninicajúm` dseañu` quiá'r` cajo. ¹³ Jo mi` calilí'^ Jesús e jo` ii` seeng` quiá'- i dseam` 'nã` do, jo dsíng` calí` fi` líng`-neiñ', jo casí'r` i dseam` do lala:

–Jo` qui`.

¹⁴ Jo mi` cajiñ` lado, jo cangoquiéeiñ` quiá'- li` ngóo` e guóo` e iuung` i 'lii` do, jo cagüi'r` e dse` guóo` do. Jo i dsea` i jée` quiá'- i 'lii` do, dsifí' ladob cajer`. Jo cajíng` Jesús caféiñ` i 'lii` do:

–Simíng`, jnea` tóø`ø` 'nã': jRáan` na!

¹⁵ Jo dsifí' ladob caji' i 'lii` do, jogui caguár` jo canaaiñ` fé'r`. Jo Jesús cajáiñ` i simíng` do cóo` niquiáiñ`. ¹⁶ Jo mi` cangá` jaléng` i dsea` do e caji' i 'lii` do, joba' dsíng` cangogá` dsír' jogui dsíng` cafóíñ` cajo. Jo canaaiñ` jmiféiñ` Fidiée` jo sáíñ` lajee` yaaiñ`:

–Jaang` dsea` i 'gøng` eáang` i fé` cuaiñ` quiá'- Fidiée` nicagüéiñ` jee` jneaa`aa' lana.

Jogui fé`guir cajo lala:

–Fidiéeb` nicagüéiñ` e nijmicóo'r` jaléng` dsea` góor`.

¹⁷ Jo jalém` dsea` i seeng` fí' jalé` fi` e née` fí' li` se` Judea cóo`gui fí' lacúng` jo, caliñir` e júu` jo lajii` e cajmée` Jesús do.

Mi` casíng` Juan i seáang` dsea` jmii` dsea` quiá'r` fí' li` táang` Jesús

(Mt. 11:2-19)

¹⁸ Jo lajee` jo caliñí' Juan i seáang` dsea` jmii` do jalé` e jmóo` Jesús, có' e júu` jo cajmée` i dsea` quiá'- i Juan do. ¹⁹ Joba' cató' i Juan do gáng` dsea` quiá'r`, jo casíng`neiñ' fí' li` táang` Jesús e cangojmíngi'r` dsea` do su íbing` i cajíng` Fidiée` i nigüéeng` fí' jmigüi` la, osi` 'né` e nijém`bir jaang`gui` i jíéng` é. ²⁰⁻²¹ Jo mi` caguilíng` i dsea` quiá'- i Juan do fí' li` táang` Jesús, jo gui`nang` jmóo` dsea` do mí' quiá'- jaléng` dsea` dsée` i líng` doñí' ee` jmohuú': seeng` dsea` tiuung` jogui seeng` dsea` i jée` i 'ling` quiá'- . Joba' cangáb` i dsea` gáng` do mi` cajmi`leáang` Jesús jaléng` i dsea` dsée` do. Jo cangoquiéeng` i dsea` quiá'- i Juan do fí' li` sing` Jesús jo cajmíngi'r` dsea` do:

–I Juan i seáang` dsea` jmii` do casíñ` jnea` e cajajmíngi`naa' 'nã', ¿su` 'nãb` dsea` i cajíng` Fidiée` i nigüéeng` fí' jmigüi` la, osi` 'né` e nijeem`baa' jaang` i jíéng`gui` é?

²² Joba' cañí' Jesús casí'r` i dsea` do:

–Güilíng`na' güijmée`na' i Juan do júu` jalé` e nicañí`na' jogui jalé` e nicanáa`na' na: güijmée`na'r` júu` jial líjné`tu` jaléng` dsea` tiuung`, jogui jial ngí`tu` jaléng` dsea` jlúung`, jogui jial linúub`tu` jaléng` dsea` güiing`, jogui jial

'láang-tu jaléng' dsea` líng' jmohuí' 'lí' fí' ngúu' táang, jogui jial jí'tu jaléng' 'lí', jogui jial guiaa- júu^ cajo quiá'- jial nileáng' jaléng' dsea` dsee- dsea` qui' jee~ jalé' dsee- quiá'r-. ²³ Jo juguiá- jia quiá'- jaléng' dsea` i ja` litúng- dsí' cóo'~ jalé' júu^ quié- e.

²⁴ Jo mi~ calí- e fé' Jesús lado, jo cangolíim-tu i dsea` quiá'- i Juan i seáang` dsea` jmíi do, jo Jesús canaaín` sí'r` jaléng' i dsea` i taang` cóo'r` do jalé' juguiá- uii~ quiá'- i Juan do, jo casí'- reiñ' do jo cajíñ'- lala:

—¿E~ caguijòø- 'nú' mi~ canúu- na' e ningí' i Juan i seáang` dsea` jmíi do fí' guóo'~ uó- quiú'? ¿já^ leáa'~?, ja` caguijòøng~ 'nú' jaang` dsea` i uaang~ júu^ quiá'- i jmóo` lí^ doñí' ee' ta~ quiu' dsea` jiéng' i líng' la lí' cóo' cuiñí'^ e dsée' cataang` lí^ doñí' jié' fí' lí' í' guí', ²⁵ o'gui caguijòøng~ na' jaang` dseañu' i jlo'^ sí'^ i seeng` juguiá-, co' niñíb^ 'nú' e i dsea` la'í' neáaiñ' quiá'- dseata~ dsea` féng'. ²⁶ Jo ¿i~ í' óo'na' i caguijòøng~ na'? Jo e já'-, 'nú' caguijòøng~ na' jaang` dsea` i laniing- gui laco'gui i dsea` caguiaang- i café' cuaiñ~ quiá'- Fidié~ malíi~gui eáang'. ²⁷ Jo nab nicaliti~ laco' fé' Fidié~ fí' ní' jì quiá'r- cuaiñ~ quiá'- i Juan i seáang` dsea` jmíi do mi~ cajíñ'- lala:

Nisín^n jaang` dsea` i niguiá- júu^ quié- e nú' gui e niguó'^ fí' jmigüí' e laco' niguiár- guiá- fí' lí~ ningí'^.

Jo lanab fé' fí' ní' jì quiá'- Fidié~ uii~ quiá'- i Juan do.

²⁸ Jo casí'- gui Jesús jaléng' i dsea` do jo cajíñ'- lala:

—Lajee~ lajaléng' dsea` i nicafé' cuaiñ~ quiá'- Fidié~, ja' mi' caliséng` jaang` i niing- gui ta~ quiá'- laco' i Juan i seáang` dsea` jmíi do. Jo dsu' i dsea` i ja` niing- fí' jmigüí' la, dsu' Fidié~ bing' i quie' nifí' quiá'r-, joba' í'bing' i niing- gui laco' i Juan do.

²⁹ Jo jaléng' dsea` i canúu- júu^ quiá'- i Juan do ie~ jo cajgáam-bre jmíi, jogui lajob cajmée` cajo jiguí jaléng' nodsicuu- i jmóo` ta~ quiá'- dseata~ quiá'- Roma, co' calilí'r^ e Fidié~ bing' i ée' røø laco' catíng-. ³⁰ Dsu' jaléng' i dsea` Israel i líng' dsea` fariseo cóo'~ jaléng' i tifa' quiá'- júu^ quiu' ta~ quiá'- dsea` Israel ja` cali'iiñ~ fa' cajgáaiñ~ jmíi mi~ cajá- i Juan do, co' ja` cali'iiñ~ lajii' e lami~ sí'íiñ^ ni'íñ' quiá'- Fidié~.

³¹ Jo cajíng'- gui Jesús:

—¿I~ nifá'^ a i líng' la líng' jaléng' i dsea` i seeng` lana? ³² Co' jaléng' í' líiñ' la líng' jiuung~ i taang~ tacóo' fí' 'móo'~, jo mi~ niti'áng' rúíñ' jo fé'r lala: “Jnea'^ cajíu^ naa' lúu', dsu' ja` cadseeng~ na'; jo ca'ó^ naa' jalé' e ø' dsea` lí' ráang` 'lí', dsu' ja` caquí'~ na'.” ³³ Co' lalab café'~ 'nú' mi~ cajá- i Juan i seáang` dsea` jmíi do, co' ca'eeng- na'r e jée' i 'ling'^ quiá'r- dsu' uii~ e ja' leáang- gø'r jogui jíi'~ capí'^ jmí'^ mí'^ huíng' jó'^ ja' í'r'. ³⁴ Jogui cagá- jnea~ fí' jmigüí' la e lín'n jaang` dsea` jmigüí' e gø' baa jíi'~ laco' gø' dsea', jo dsu' jaléng' 'nú' ca'eeng- na' jnea~ e lín'n jaang` dsea` cúng' i gø' contøøng-, jogui e lín'n jaang` dsea` íng' i ngí' cóo'~ jaléng' dsea` i sea` júu^ e dsíng'- røøiñ` dsee-, osi cóo'~ jaléng' 'ná'^ nodsicuu- é i jmóo` ta~ mí' cuu- e catíng- dseata~ quiá'- Roma é. ³⁵ Jo dsu' cóo'~ jalé' e jmóo` Fidié~, jmijnéeiñ` jial tí' tiiñ` ngáiñ'.

Mi~ cagó' Jesús fí' quiá'- jaang` dsea` fariseo i sii` Simón.

³⁶⁻³⁷ Jo mi~ cangí jo, jaang` dsea` fariseo i sii` Simón catø'r- Jesús fí' quiá'r- e cagø'r` í' e jmíi jo. Jo e fí' góo' i Simón do niseeng` jaang` dseamí i nijmóo` ta~ 'núng` 'nia'. Jo mi~ nicaliñí' i dseamí do e nidsé- Jesús fí' quiá'- i dsea` fariseo do, jo cangó-bre cajo. Jo lajee~ guíng` Jesús e gø'r cóo'~ jaléng' i dsea` do, calí- i dseamí do fí' lí' guíng~ Jesús jo quier` cóo' sí' e a~ jmíi jmeafíi' e 'mo'^ eáang'. ³⁸ Jo mi~ caguié- i dseamí do tí' lí' guíng~ Jesús, jo casí'r` uó- jnir~, jo canaaín` qui'r'. Jo laco' qui'r', jalé' jmíi e í' jminir~ do tí' fí' tíi- Jesús, jo cóo'~ e jmíi jo canaaín` ru'r` tíi- dsea` do, jogui cajmiquíu'r` tíi- dsea` do cóo'~ jñuguir~. Jo mi~

calíˉ lajo, jo cachuˉr tiiˉ dseaˉ do, jo casúurˉ e jmiˉ jmeafiiˉ e quierˉ do fiˉ tiiˉ dseaˉ do. ³⁹ Jo miˉ cangáˉ i dseaˉ fariseo do i catóˉˉ Jesús fiˉ quiáˉrˉ do jaléˉ e cajméeˉ i dseamíˉ do quiáˉˉ Jesús, jobaˉ canaaiñˉ i dsírˉ: “Facóˉ jáˉ i féˉ cuaiñˉ quiáˉˉ Fidiéˉ i dseañuˉ la, jobaˉ nilíˉ bre jóng e jaléˉ dseeˉ røøngˉ i dseamíˉ i güiˉ tiiˉ na.” ⁴⁰ Jobaˉ Jesús casíˉrˉ i dseaˉ do jo cajíñˉˉ:

–Simón, seaˉ cooˉ e 'néˉ nifíˉ i 'nuˉ.

Jobaˉ cañíˉ i dseaˉ fariseo i siiˉ Simón do jo cajíñˉˉ:

–¿Eˉ nifoˉ, Tifaˉ?

⁴¹ Jobaˉ cajíngˉ Jesús casíˉˉ reiñˉˉ:

–Cooˉ nééˉ caliséngˉ gángˉ dseaˉ i røøngˉ cuuˉ quiáˉˉ jaangˉ dseañuˉ i jmóoˉ taˉ jmiˉøøˉ cuuˉ. Jo jaaiñˉ do røøiñˉ 'ñiáˉ ciento cuteeˉ, jo jaangˉguiñˉ do røøiñˉ jiiˉ cincuenta cuteeˉ. ⁴² Jo miˉ camíˉ i dseaˉ do cuuˉ quiáˉrˉ, jiiˉ jaangˉ i dseaˉ do jaˉ eeˉ seaˉ quírˉ quiáiñˉˉ. Jobaˉ joˉ eeˉ camíˉ i dseaˉ fiˉ cuuˉ do cuuˉ quiáˉrˉ, jo caláamˉ i dseaˉ do, jo joˉ eeˉ caquíˉrˉ jiiˉ cooˉ 'ñiáˉ. Fééˉˉ duˉ 'nuˉ neˉˉ duˉ: ¿Iˉ lajeeˉ lajiˉ huángˉ i dseaˉ do eáangˉguiˉ 'neáangˉ i dseaˉ cacuøˉ cuuˉ do?

⁴³ Jobaˉ cañíˉ i Simón do jo cajíñˉˉ:

–Jneaˉ línˉ e i dseaˉ i carøøngˉ jmiguiˉgui do.

Jobaˉ cañíˉ Jesús quiáiñˉˉ do jo cajíñˉˉ:

–E uiiˉ, jábˉ quiíˉˉ, lajob líˉ.

⁴⁴ Jobaˉ cajøøngˉ Jesús i dseamíˉ i guingˉ uiiˉ tiiˉ do, jo casíˉrˉ Simón jo cajíñˉˉ:

–¿Jøøngˉ i dseamíˉ la? Miˉ ca'úuˉ sinúuˉ quiíˉˉ, jaˉ cacuøøˉˉ jneaˉ jmiˉ faˉ e carúuˉˉ tiiˉ lacoˉ títngˉ jneaaˉaaˉ fiˉ la; dsuˉ i dseamíˉ la, dseaˉ i coˉ jáabˉ la, nicaruˉˉ bre tiiˉ cóoˉˉ jmiˉ íˉ jminirˉ joguiˉ nicajmiquiuiˉrˉ cóoˉˉ jñuguirˉ. ⁴⁵ Joguiˉ jaˉ cachuˉˉ 'nuˉ niiˉ lacoˉ títngˉ jneaaˉaaˉ fiˉ la miˉ neengˉ rúˉnaaˉ; dsuˉ i dseamíˉ la jaˉ míˉ caquiuiñˉ e chuˉrˉ tiiˉ lacoˉ miˉ ca'úuˉ sinúuˉ quiíˉˉ. ⁴⁶ Joguiˉ jaˉ casúuˉˉ jmiˉ jmeafiiˉ moguiiˉ lacoˉ títngˉ jneaaˉaaˉ fiˉ la; dsuˉ i dseamíˉ la cagüeiñˉˉ quierˉ cooˉ síˉ e aˉ jmiˉ jmeafiiˉ e 'moˉ eáangˉ, jo nicasúurˉ tiiˉ. ⁴⁷ Dsuˉ jneaˉ nifíˉ i 'nuˉ e jáˉ i dseamíˉ la dsíngˉˉ nicarøøiñˉ dseeˉ, dsuˉ jneaˉ nica'ímˉ baa jaléˉ e dseeˉ jo quiáˉrˉ, jobaˉ dsíngˉˉ jmiˉneáaiñˉ jneaˉ lana; dsuˉ jaléngˉgui i dseaˉ i língˉ e jaˉ 'gaˉ líˉ dseeˉ røøiñˉ e lacoˉ jneaˉ ni'ínˉˉ jaléˉ e jo, jobaˉ jaˉ 'gaˉ líˉ jmiˉneáaiñˉ jneaˉ jóng.

⁴⁸ Jobaˉ cajíngˉ Jesús casíˉrˉ i dseamíˉ do:

–Nica'ímˉ baa jaléˉ dseeˉ quiíˉˉ.

⁴⁹ Jo jaléngˉ i dseaˉ i neáangˉgui do cóoˉˉ Jesús canaaiñˉ sñiñˉ lajeeˉ yaaiñˉ:

–¿Iˉ i dseañuˉ la e íñˉ dseeˉ quiáˉˉ jaléngˉ dseaˉ?

⁵⁰ Dsuˉ Jesús casíˉˉ guir i dseamíˉ do jo cajíñˉˉ:

–Jneaˉ nica'ínˉˉ jaléˉ dseeˉ quiíˉˉ dsucoˉˉ jábˉ calínˉˉ jaléˉ júuˉ quiéˉ e; jobaˉ lana guøngˉ cóoˉˉ e guiáˉ fiˉ quiíˉˉ.

8

Jaléngˉ dseamíˉ i cajmicóoˉˉ quiáˉˉ Jesús

¹ Jo miˉ cangíˉ jo, cangóˉ Jesús lacoˉ fiˉ e cóoˉˉ cóoˉˉ jaléˉ fiˉ e píˉ quiáˉˉ e guiarˉ jaléˉ júuˉ quiáˉˉ Fidiéˉ e quiáˉˉ jial quieˉ dseaˉ do nifíˉ quiáˉˉ jaléngˉ dseaˉ. ²⁻³ Jo cóoˉˉ bre jaléngˉ i dseaˉ guitúungˉ do quiáˉrˉ, joguiˉ ngolímbiˉ cajo jaléngˉ dseamíˉ i nicajmiˉleáangˉ Jesús líˉ doñíˉ eeˉ jmohuíˉ líñiñˉ, faˉ jaléngˉ i jeeˉ i 'língˉ quiáˉˉ lamíˉ jéengˉgui. Jo jeeˉ jo quieengˉ jaangˉ dseamíˉ i siiˉ Yáˉ i seengˉ fiˉ Magdala i ca'uøøngˉ guiángˉ i 'língˉ quiáˉˉ; jo jaangˉgui dseamíˉ i siiˉ Sihuoˉ i língˉ ooˉ jaangˉ dseañuˉ i siiˉ Chuza i jmóoˉ taˉ laniingˉ quiáˉˉ dseataˉ Herodes; jo jaangˉgui i siiˉ Susana, jo fímbiˉ jaléngˉ dseamíˉ i jiéngˉgui i ngolíngˉ ieˉ jo, jo jmicóoˉrˉ Jesús cóoˉˉ jaléˉ e seaˉ capíˉˉ quiáˉrˉ.

Mi ca'e Jesús coo júu já' e lafa' júu cuento quía' mi bí dsea mijú'
(Mt. 13:1-9; Mr. 4:1-9)

⁴ Jo coo jmí' ie jo, mi caliñi jaléng' dsea jie' fi li táang' Jesús, jo ca'uøøiñ' cango'neeiñ' dsea do; jo dsíng' fíng' dsea caseáiñ' ie jo, joba' ca'e' Jesús jaléng' i dsea do coo júu já' e lafa' júu cuento jo casí'r dsea do lala:

⁵ —Jaang' dseañu' cangór cangobí'r mijú' quía'r' fi li nicajír'. Jo mi cabír' e mijú' do, sea e cajiá' li ngúng' fi. Jo mi cangúng' jaléng' dsea, caso'øm'bre jalé' e mijú' do, jo e liing' gui cagó' ta' cajo. ⁶ Dsu' sea'bi e cajiá' ni cuu li ja' leáang' guóo' nee'; joba' mi ca'iaang', dsifib' caliquiú' co' ja' sea' li nisó' jmó' quía' li gúí', joba' ca'ím' cajo. ⁷ Jogui sea'bi e mijú' do e cajiá' jee' mijú' 'matóo'; jo mi ca'iaang' e mijú' do, jéeng' gui e mijú' 'matóo' do cacuáng' jo ca'ím' e mijú' e cabí i dsea do jee' e mijú' 'matóo' do. ⁸ Dsu' seab' e mijú' do e cajiá' li jlo' uø'; jo mi cacuáng' jo jlob' cacuø'; sea e cacuø' laji' cien mí' lacamí' mijú'.

Jo mi calí' fé' Jesús jalé' e júu na, jo casí' guir jaléng' i dsea do, jo café'r laco' ninú' i dsea do røø jo cajíñ':

—Ii' 'nú' sea' loguá'na', nú'na' jalé' júu quí'e.

E uing' e ca'e Jesús jalé' júu já' e lafa' júu cuento
(Mt. 13:10-17; Mr. 4:10-12)

⁹ Jo mi cang' jo, jo cajmingí' i dsea' guitúung' do cajmingí'r Jesús e guóng' e júu e ca'er' do. ¹⁰ Joba' cajíng' Jesús casí'r i dsea' guitúung' do:

—Quía' Fidié' nicangúng' 'nú' e ngáng'na' jalé' e ja' mí' ní' dsea' jéeng' gui, e dsea' í' iñ' cár' ní' quía' lajaang' lajaang' dsea' jmigüí'. Dsu' jnea' ée' e jaléng' i dsea' na cóo' júu já' e lafa' júu cuento e laco' mi ninír', nijér' lafa' ja' ee' cangá'bre, jogui mi ninúr', nijér' lafa' ja' ee' canúu'bre cajo.

Mi cajmé' Jesús júu e guóng' e júu quía' i dsea' bí mijú' do
(Mt. 13:18-23; Mr. 4:13-20)

¹¹ Joba' cajíng' Jesús casí'r i dsea' guitúung' do:

—Lalab guóng' e júu e ca'é'e na 'micú': E mijú' do lí' lafa' júu quía' Fidié'. ¹² Jo e cajiá' li ngúng' fi do lí' lafa' i dsea' i núu e júu do, jo dsu' lajmináb' güéeng' fi i 'ling', jo dsifí' lajob jmóor' e ja' já' líng' i dsea' do e júu jo, jo lajoba' ja' nileáiñ' do jee' jalé' dsee' quía'r'. ¹³ Jogui e mijú' e cajiá' fi ni cuu do lí' lafa' jaléng' dsea' i iaang' dsí' íng' jalé' e júu jo, jo dsu' ja' huøø' ee' e já' líñ', co' mi huíng' dsijéé' quía'r' uí' e já' líñ' júu quía' Fidié', joba' dsifí' lajob tá'tur e júu jo, jo i dsea' í'bing' i líng' la lí' e mijú' e ja' 'leáang' jmó' sea' do. ¹⁴ Jo e mijú' e cajiá' jee' mijú' 'matóo' do lí' lafa' jaléng' dsea' i núu júu quía' Fidié' jo ca'ím'bre e júu jo, jo dsu' laco' ngóo' jmúng', eáang' gui guíng' dsí'r jalé' fi'í' dsí' sea' quía'r' jogui quía' jalé' ta' li' cuu jogui cajo e quía' jial nijmi'iaang' dsí'r cóo' jalé' e sea' fi' jmigüí'. Jo co' lajob líñ', joba' ja' cuø' fi' quía'r' fa' e nidsicuáng' gui e júu quía' Fidié' e já' líñ' do. ¹⁵ Jogui e mijú' e cajiá' li jlo' uø' do lí' lafa' jaléng' dsea' i dsíng' iaang' dsí' íñ' júu quía' Fidié', jogui eám' jmóor' nú'r jalé' júu quía' dsea' do, co' ja' lítúng' dsí'r jalé' e jo. Jo i dsea' í'bing' i teáang' teá' cóo' júu quía' Dsea' Jmáang', jogui eám' dsicuáng' e júu jo quía'r'.

Coo júu já' e lafa' júu cuento quía' jial mi' jmijneá' dsea' j'
(Mr. 4:21-25)

¹⁶ Jo mi calí' e fé' Jesús júu quía' mi bí dsea' mijú', jo cajíng' guir casí'r jaléng' i dsea' do:

—Jí' jaang' dsea' ja' 'gui'r' cajlí' quí' e mi' nicoo' jo nijlír' o'gui nisí'r coo' li cóøng', co' iñ' e jneá' fi' la'úng' sinúu' quía'bre. Co' 'né' niquidsir'

e quíi do cóo li ñí e laco' jneá mi dsitáaiñ~, jo lajoba' jné' jaléng' dsea i dsitáng' e sínúu do. ¹⁷ Jo lajob lí' cóo' júu quié- e: Ja' sea' jalé' júu quié- e fa' e si'ma' e ja' niní dsea, o'gui sea' jalé' júu quié- e fa' e ja' tóo' jmíi nilíi' dsea' jaléiñ'. ¹⁸ Joba' fíi' jnea' 'nú', náu-na' júu quié- e; có' jaléng' dsea i ninúu' júu quié- e, jmigui'gui niñíiñ' e ngáiñ', jo dsu' jaléng' dsea i ja' náu' júu quié- e, joba' ni'ím- lajii' e ni'i' dsíir' e ngáiñ' do.

Mi cajá- niquiá' Jesús cóo' jaléng' rúiiñ'

(Mt. 12:46-50; Mr. 3:31-35)

¹⁹ Jo lajee' táang' Jesús e e'r' jaléng' i dsea do, caguié- niquiá'r' cóo' jaléng' rúiiñ' e 'náiiñ' dsea do. Jo có' ja' cuóong'gui fa' e nidsiquiéeiñ' do tí' quiá' li' sing' dsea do, có' dsíng' fíng' dsea, ²⁰ joba' jaang' i dsea do cajmea'r' Jesús júu jo casí'r- dsea do jo cajíiñ' lala:

—Na nicagüéng- niquiá' cóo'gui jaléng' rún' e 'náiiñ' 'nu', jo nab teáaiñ' caluu' lana.

²¹ Dsu' Jesús cañíir' jo casí'r- i dsea do jo cajíiñ':

—Jaléng' dsea i núu' júu quiá' Fidié' jo jmitir' e júu jo, jaléng' i dsea í'bing' líng' niquié' e jogui rún'n.

Mi cajméé' Jesús e ca'uáang- e í' guí' jogui ca'uáang- e róo- jmíi'

(Mt. 8:23-27; Mr. 4:35-41)

²² Jo mi' cangí' jo, lajee' e táang' Jesús fí' Galilea, jo cóo' jmíi' ca'ír- fí' dsíi' cóo' móo' cóo' i dsea guitúung' quiá'r- do jo casí'-reiñ':

—Má-aa' lí' 'ngóo' cataang' e guiéé' la.

Jo dsifí' ladob cangolíiñ- fí' lí' e' Jesús. ²³ Jo lajee' ngolíiñ- ni' jmíi' jo caquiam'- Jesús. Jo lajee' güiing' dsea do, jo dsíng' canaang' í' guí', jo mifíng' canaang' dsí'a' jmíi' dsíi' e móo' do, jo cafóm' i dsea guitúung' do, có' fò' nidsi'am' e móo' lí' teáaiñ' do. ²⁴ Joba' cangoñiiñ' Jesús jo cajíiñ' casí'r- dsea do:

—¡Tifa'! ¡Tifa', nicanaang' dsí'am' baa'!

Jo caróo- Jesús, jo caquiur' ta' e guí' do cóo' e jmíi' do. Jo dsifí' ladob cahuíng' e í' guí' jo cahuím' e róo- jmíi' cajo, jo tiib- ca'í. ²⁵ Jo casí'- Jesús i dsea do jo cajíiñ' lala:

—¿Na' gui e fól'na' e já'- líng'na' júu quié- e?

Dsu' i dsea guitúung' do dsíng' cafóiiñ' jo cangogá' dsíir' jo cajmingí' rúiiñ':

—¿I' i dseañu' la e quiur' ta' jo náu' jalé' guí' cóo' jalé' jmíi' júu quiá'r-?

Jaang' dseañu' i seeng' fí' Gadara i nijéé' i 'ling' quiá'-

(Mt. 8:28-34; Mr. 5:1-20)

²⁶ Jo mi' caguié- Jesús cóo' dsea quiá'r- fí' lí' 'ngóo' cataang' e guiéé' do, jo caguilíiñ- fí' cóo' fíi' lí' sii' Gadara. ²⁷ Jo mi' cajgáiñ- e móo' do, jo cangoquiéeng' jaang' dseañu' i niseeng' e fíi' do i nijéé' i fíng' i 'ling' quiá'- lajii' maliib' jia eáang'. Jo ja' eé' sí'r' qui'r', o'gui guiíiñ- fí' quiá'r-, jo jii' fí' lí' áang' 'liib' güiíiñ'. ²⁸ Jo mi' cangáng- i dsea do Jesús, jo cangoquiéeiñ' fí' quini' dsea do jo casí'r' uó' jnir~, jo canaaiñ' fé'r' teá' jo sí'r' dsea do lala:

—¡Jesús, Jóo' dsea' guiing' ñífi', ja' jmiguín' jnea'! ¡Jo mii' i 'nu' jmi'ee' fa' nijiéé' o' e ja' nijmeáan' jnea' ga'!

²⁹ Jo i 'ling' i jée' quiá'- i dsea do café'r' lado, có' Jesús nicanaaiñ' quiur' ta' i 'ling' do e nitiúuiñ- do i dsea do. Có' lamí' jéeng'gui, eáang' jmigui' néé' nicajméé' i 'ling' i jée' quiá'- i dseañu' do e ga' eáang'; jo nañí' fa' jaléng' dsea nicasaiñ- i dseañu' do, jo nicañu'r' guoo' tiiñ- cóo' ní' cadena e laco' jo' nijméiñ- ga', dsu' dsifí' ladob fíiñ' do jalé' ní' cadena, jo jmóo' i

'ling' do e dsée' i dseañu' do fi' li' ja' ii' dseañu' seeng'. ³⁰ Jo lalab cajíng' Jesús cajmingi'-reñ':

—¿Jial sii'?

Joba' cañí' i 'ling' i jée' quía' i dseañu' do:

—Legióm sii' naa'.

Jo cajíng' i 'ling' do lado, co' dsíng' fñíñ' jéer' quía' i dseañu' do. ³¹ Jo jaléng' i 'ling' do camí'r' Jesús e ja' niquiá' dseañu' do ta' e nidsilíñ' do fi' li' 'li'. ³² Jo co' dsíng' fñíng' cú' nitaang~ne' gø're' nuu' fi' dse' coo' mó' quía' li' táang' Jesús, joba' camí' i 'ling' do jmi'ee' camí'r' dseañu' do e nicuór' fi' e nidsitáañ' do dsí' jaléng' i cú' do. Joba' cacuø' Jesús jaléng' i 'ling' do fi' lajo. ³³ Jo dsifí' ladob catiúung~ jaléng' i 'ling' do i dseañu' do, jo cangotáañ' dsí' jaléng' i cú' do. Jo mi' cangotáang~ i 'ling' do fi' dsí' jaléng' i jó' do, jo dsifí' ladob cacuí're', jo cabíng~ yaang~ne' fi' 'ni' jiáa', jo cajiúng'ne' fi' dsí' jmí, jo cajgó'bre' jmí jóng.

³⁴ Jo mi' cangá~ jaléng' i dseañu' i jmóo' í' i cú' do lajii' e calí' do, dsifí' ladob cacuí'r' cangolíñ' fi' fi', jo caguiar' júu' lajii' e calí' cóo' i cú' do, jogui cajmea'r' júu' jaléng' dseañu' i cajíñ' guiá' fi' cóo' fi' jee' mó' laco' ngolíñ'.

³⁵ Jo mi' caliñí' jaléng' i dseañu' seeng' fi' jo jalé' e calí' e jmí jo, jo dsifí' ladob cangolíñ' fi' li' táang' Jesús. Jo mi' caguilíñ' fi' li' táang' dseañu' do, jo cangár~ e dob niguiing~ i dseañu' i lamí' jée' i 'ling' quía' do colíng~ cóo' Jesús, jo niqui'bre' si'r', jo jo' ee' líiñ' jii' coo'. Jo dsíng' caføng' jaléng' i dseañu' i caguilíng~ do. ³⁶ Jo jaléng' dseañu' i cangá~ jial ca'láang~ i dseañu' i lamí' jée' i 'ling' quía' do, dsifí' ladob caguiar' júu' jial calí'. ³⁷ Jo mi' calí' lado, jaléng' i dseañu' i seeng' fi' Gadara do camí'r' jmi'ee' Jesús e nigü'áb' dseañu' do e fi' li' táañ' do, co' dsíng' 'gó' jaléng' i dseañu' do. Jo mi' cajíng' i dseañu' do lado, jo dsifí' ladob ca'í-tu Jesús dsí' e móo' do, jo ca'í'r' fi' e nidsém'-tut' fi' Galilea. ³⁸ Jo i dseañu' i lamí' jée' i 'ling' quía' do camí'r' Jesús jmi'ee' e nidsér~ cóo' dseañu' do, dsu' ja' cacuø' Jesús fi' lajo. Jo caquiur' ta' i dseañu' do e cangáñ' do fi' quía'r', jo casí'-reñ' jo cajíñ':

³⁹ —Guøng' fi' quí', jo güiguia~ júu' jalé' e guiá' e nicajmée' Fidiée' cóo' 'nu'.

Jo cangám' i dseañu' do, jo cajmiti~bre' jalé' ta' e caquiur' Jesús, jo caguia'bre' júu' jalé' e guiá' e cajmée' dseañu' do cóo'r'.

Mi' cajmi'leáng~ Jesús jóo' Jairo

(Mt. 9:18-26; Mr. 5:21-43)

⁴⁰ Jo mi' caguiéng'-tu Jesús fi' Galilea, jo dsíng' fñíng' dseañu' i niteáng~ güijée' quía'r'. Jo dsíng' iáang' dsí' jaléng' i dseañu' do dsu' caguiéng'-tu Jesús fi' do. ⁴¹ Jo lajee' jo, caguié~ jaang' dseañu' i sii' Jairo i líng' fi' féng' quía' guá' quía' dseañu' Israel. Jo mi' caguié~ fi' quini' Jesús, jo casí'r' uø' jni' fi' quini' dseañu' do jo camí'r' jmi'ee' fa' e nidsé~ dseañu' do fi' quía'r', co' seeng' camíng' simí' jiuung~ quía'r' i ningóo' guitu' jii' jo niráañ' do dsée'r' eáang' e dseáng' tí' li' nijúum~bre. ⁴² Jo lajee' ngóo' Jesús fi' quía' Jairo, dsíng' fñíng' dseañu' ngolíñ', jo dsíng' sicúung' Jesús jee' jaléng' i dseañu' do.

⁴³ Jo jee' jaléng' i dseañu' i jée' quía' Jesús ningóo' jaang' dseamí' i nilíng' jmohuí' e tuuiñ' lajii' ningóo' mi' guitu' jii'. Jo lamí' jéeng' dsíng' nica'liñ' cuu' quía'r' cóo' jaléng' timí', jo jii' jaang' ja' ii' mi' cali' fa' i nicajmi'leáng~ ír'. ⁴⁴ Jo guidseaam' calí' i dseamí' do cangáñ' jee' jaléng' i dseañu' do, jo cangoquiéeiñ' fi' lí' caluu' Jesús jo catíñ' capí' 'ni' sí' dseañu' do, jo dsifí' ladob ca'láañ', jo jii' capí' jmi' jo' e tuuiñ' jóng. ⁴⁵ Jo Jesús dsifí' ladob cajmingi'r' jaléng' i dseañu' cóo'r' do jo cajíñ':

—¿I' i catíng~ capí' sí'?

Jò cò' jaléngⁿ ì dsea` do cañíir` e jíí[~] jaang` ja` ìi` cajmée` lajò, jòba' cañíi` Tú[^] Simón:

—Tifa', ¿jiali' jmingüi' ì catíng` capí[^] sí[^]? Cò' jalémⁿ dsea` 'leng' rúíñⁿ fí' la fí' na.

⁴⁶ Jòba' cañíi` tu Jesús jò cajíñⁿ:

—Líim`bing' ìi` cagüi' sí[^], cò' 'ñiáⁿ a calilíⁿ e líim`bing' ì nicajmiⁿ leáanⁿ cóo[~] e 'gøñⁿ.

⁴⁷ Jò ì dseamⁿ do, mi[~] canúurⁿ e calilíⁿ Jesús e líing[~] ìi` catíng` sí[^]r[^], jòba' dsíngⁿ cafóíñⁿ jò dsíngⁿ jléeiñ` cangórⁿ fí' quini[~] Jesús, jò casí[^]r[^] uøⁿ jnir[~] fí' quini[~] dsea` do. Jòba' cajmée^r júu[^] fí' quini[~] jaléngⁿ ì dsea` do jiali' cagüi[^]r[^] sí[^] Jesús, jò jial ca'láaiñⁿ ladsifí[^] lado e jmohüⁿ e lamí[~] líiñⁿ.

⁴⁸ Jòba' cajíngⁿ Jesús casí[^]r[^] ì dseamⁿ do:

—Jóo^o, uí[~] e jábⁿ calínⁿ júu[^] quiéⁿ e, jòba' nica'láam`ba' lajíí[~] jmohüⁿ e lamí[~] líñⁿ. Jòba' lana guóngⁿ cóo[~] e guiáⁿ fí' quíiⁿ.

⁴⁹ Jò laco[^] guiⁿnamⁿ bi síngⁿ Jesús cóo[~] ì dseamⁿ do, mi[~] caguiéⁿ jaang` dsea` sinúu[^] quiáⁿ Jairo e quier[^] júu[^] cuaiñⁿ quiáⁿ ì simí[^] do, jò lalab casí[^]r[^] dsea` do:

—Jò taanⁿ ì tifaⁿ na e dsérⁿ fí' quíiⁿ, cò' nicajúmⁿ simí[^] jiuung[~] quíiⁿ.

⁵⁰ Dsuⁿ mi[~] canúuⁿ Jesús lado, dsifí[^] ladob casí[^]r[^] Jairo:

—Ja` fòøñⁿ jíí[~] cóo[~], lico[^] 'néⁿ e jábⁿ nilínⁿ e quíi[~]baa jmü[~] nijmee[~] e e niⁿleáangⁿ ì simí[^] jiuung[~] quíiⁿ, jò lajòb nilíⁿ.

Jò mi[~] cajíngⁿ Jesús lado, dsifí[^] cangórⁿ fí' quiáⁿ Jairo.

⁵¹ Jò mi[~] caguiéⁿ Jesús fí' quiáⁿ dsea` do, jò ja` cacuør[^] fí' fa' e cangotáangⁿ dsea` jiéngⁿ gui, jíí[~] Tú[^] Simón cóo[~] Tiá[~] cóo[~] Juan cóo[~] sejmii[~] ì simí[^] jiuung[~] do, jíí[~] íbìngⁿ ì cangíngⁿ fí' e cangotáangⁿ fí' dsí[^] sinúu[^] e lí[~] ráangⁿ ì lí[~] do. ⁵² Jò jaléngⁿ ì dsea` sinúu[^] quiáⁿ Jairo dsíngⁿ qui[^]r[^] jogui dsíngⁿ jiuung[~] dsí[^]r[^] dsuⁿ e nicajúngⁿ ì jiuung[~] simí[^] do. Jòba' cajíngⁿ Jesús casí[^]r[^] jaléngⁿ ì dsea` do:

—Ja` qui[^]na', cò' ja` sijúung[^] ì jiuung[~] na cò' lico[^] güümⁿ bre.

⁵³ Dsuⁿ jaléngⁿ ì dsea` do lí[^] cangíimⁿ bre Jesús mi[~] cajíngⁿ dsea` do lado, cò' ñí[^]bre e nicajúmⁿ ì jiuung[~] do. ⁵⁴ Jò lajeeⁿ e jmóo[~] ì dsea` do lajò, jò Jesús catíñⁿ guoo[~] ì jiuung[~] do, jò cató[^] reiñⁿ la'úungⁿ jò casí[^] reiñⁿ lala:

—¡Ráanⁿ na, Mí[^]!

⁵⁵ Jò mi[~] cajíngⁿ Jesús lado, dsifí[^] ladob cají[^]tu ì simí[^] do jò caróoⁿ bre. Jò dsifí[^] caquiüⁿ Jesús ta[~] e cangíñⁿ do e cagó[^]r[^]. ⁵⁶ Jò mi[~] cangáⁿ sejmii[~] ì jiuung[~] do e cají[^]bⁿ tuiñⁿ do, jòba' dsíngⁿ cangogáⁿ dsíñⁿ; dsuⁿ Jesús caquiüⁿ ta[~] sejmii[~] ì simí[^] do e ja` ìi` nisíñⁿ do jíí[~] jaang` lajíí[~] e cajmée^r e sinúu[^] do ie[~] jmü[~] jò.

9

Mí[~] casíngⁿ Jesús dsea` guitúungⁿ quiá[^]r[^] e niguiáñⁿ do júu[^] quiáⁿ Fidiéeⁿ (Mt. 10:5-15; Mr. 6:7-13)

¹⁻² Jò mi[~] cangíⁿ jò, caseángⁿ Jesús jaléngⁿ dsea` guitúungⁿ quiá[^]r[^], jò caquiüⁿ reiñⁿ ta[~] e nidsiguiáñⁿ do júu[^] quiáⁿ jial iing[~] Fidiéeⁿ e nicárⁿ nifí[^] quiáⁿ dsea`, jogui cacuør[^] reiñⁿ do bíⁿ e quíiñⁿ do jmü[~] e niⁿuóñⁿ jaléngⁿ ì língⁿ ì jée[^] quiáⁿ dsea`, jogui e nijmiⁿ leáaiñⁿ do jaléngⁿ dsea` dséeⁿ ì língⁿ doñíⁿ ee[~] jmohüⁿ. ³ Jò lalab casí[^] Jesús ì dsea` guitúungⁿ do quiá[^]r[^] jò cajíñⁿ:

—Nigüilíngⁿ na' jò ja` eeⁿ 'néⁿ cáⁿna' jíí[~] cóo[~] quiáⁿ guiá[^] fí': ja' 'néⁿ cáⁿna' maⁿ u' o'gui nosúuⁿ o'gui í[^] o'gui ñinéeⁿ. Jogui jíí[~] sí[^]na' e quíi[~]ba' nicáⁿna', cò' ja' 'néⁿ fa' cáⁿna' túⁿ neáangⁿ sí[^]na'. ⁴ Jò mi[~] niguilíngⁿ na' fí' cóo[~] fíⁿ, jò 'néⁿ niⁿnoⁿna' cóo[~] 'núuⁿ lí[~] nijáⁿna' carta[~] taangⁿna' e fíⁿ jò, jò ja' jmíⁿngⁿna' lí[~] jáⁿna'. ⁵ Jò jíéⁿgò fíⁿ lí[~] niguilíngⁿ na' lí[~] ja' niⁿngⁿ dsea' 'núⁿ', jòba' uøngⁿna' e

fiĩ jo, jo mĩ niteáang̃-na' 'ni' e fiĩ do, bó'na' 'lee' e toq̃ tiĩ-na' laco' cuø' lĩ e ja' ca'éẽ ĩ dsea' do guiá' cóo' 'nú'.

Jo jalé' e tã na caquiá' Jesús quiá' jaléng' ĩ dsea' guitúung' do.

⁶ Jo ca'uøøm̃ ĩ dsea' guitúung' do mĩ cangoyúung' e ca'íñ' jalé' tã nijmér̃, jo cangolíim̃ bre fí jalé' fiĩ e guiar' jalé' júu' quiá' Fidié' quiá' jial laang' dsea' jeẽ jalé' dsee' quiá'r̃, joguĩ jmi'leáam̃ bir cajo jaléng' dsea' ĩ líng' doñí ee' jmohuí'.

Mĩ cangogá' dsí' Herodes jial fé' dsea' uiĩ quiá' Jesús
(Mt. 14:1-12; Mr. 6:14-29)

⁷⁻⁸ Jo iẽ jo nicanúũ dseatã Herodes jalé' e s̃ing' dsea' quiá' jalé' e guiá' e jmóo' Jesús, jo jiĩ ja' ñí ĩ dseatã do ẽ nijmér̃, co' seeng' dsea' dsicóor' júu' e nicají'tũ jaang' lajeẽ lajaléng' dsea' ĩ café' cuaiñ̃ quiá' Fidié' malĩ gui eáang', joguĩ seeng' dsea' fé'r' e nicajném̃ tũ Líí', jaang' dsea' ĩ café' cuaiñ̃ quiá' Fidié' malĩ gui eáang' cajo, dsu' seem̃ bĩ dsea' ĩ fé' e Juan ĩ seáang' dsea' jmĩ bing' ĩ nicají'tũ calé' catú'. ⁹ Jo mĩ canúũ ĩ dseatã do e fé' dsea' e nicajíb'tũ ĩ Juan ĩ seáang' dsea' jmĩ do, joba' eáam' cangogá' dsí'r̃ jo cajíñ' :

—Jneab̃ dsea' caquiá' tã e cahuí' moluũ ĩ Juan do. Jo çí ĩ éeng' jaléng' dsea' ĩ ngí jmóo' jalé' e guiá' joguĩ quiá'r̃ jmĩ e jmóor' lí' doñí ee'?

Joba' lajiĩ iẽ job cajmi'úung' dseatã Herodes e 'nó'r' jial niníñ' Jesús.

Mĩ cahéng' Jesús 'ñiá' mil dseañu'
(Mt. 14:13-21; Mr. 6:30-44; Jn. 6:1-14)

¹⁰ Jo mĩ calicóng' gui lajo, caguilím̃ tũ ĩ dsea' guitúung' do e cangocóor' júu' fí quinĩ Jesús jalé' e guiá' e cajméer' lacoq̃ fiĩ lĩ cangolíñ'. Jo mĩ calí' féng' rúíñ', jo cajéem̃ Jesús ĩ dsea' guitúung' do fí coq̃ lĩ ja' iĩ 'ga' lí dsea' ngí, quiá' cóo' fiĩ lĩ sĩ Betsaida. ¹¹ Jo mĩ caliñí jaléng' ĩ dsea' ĩ seeng' e fiĩ jo jiẽ fí lĩ nitáang' Jesús, joba' fíim' dsea' cangolíñ' fí lĩ táang' dsea' do. Jo Jesús ca'ím' bre jaléng' ĩ dsea' do mĩ caguilíñ', jo canaaiñ' e'r' júu' quiá' jial iing' Fidié' nicár' nifí quiá' jaléng' dsea', joguĩ cajmi'leáam̃ bir jaléng' dsea' dsée' ĩ quiéeng' jeẽ ĩ dsea' do cajo.

¹² Jo mĩ ningóo' ca'lóo' e jmĩ jo, cangoquiéeng' ĩ dsea' guitúung' do fí lí sing' Jesús jo casí'r̃ dsea' do jo cajíñ' :

—I' júu' joguĩ sí' jaléng' ĩ dsea' na güiguilíñ' jo güiguijméer' quijí' lĩ nijér' cóo' gui jalé' e nidó'r̃ jé' fí lĩ lí'r' e tée' 'núú, co' fí lĩ taang' naa' la ja' ee' sea' e niquiee' naa' cóo'r̃.

¹³ Joba' cañí' Jesús casí'r̃ ĩ dsea' guitúung' do:

—'Náb' 'né' cuó'na' e nidó' jaléng' ĩ dsea' la.

Jo cañí'tũ ĩ dsea' guitúung' do:

—Jial nilí gui jo? Co' jiĩ 'ñiá' iñí'ba' sea' cóo' gui gáng' 'ñu', jo fíng ja' 'né' dsé'baa' e dsileá'naa' e nidó' jaléng' ĩ dsea' na.

¹⁴ Co' dsíng' fíng' jaléng' ĩ dsea' do; tí'bre la 'ñiá' mil jiĩ dseañu' jo ja' íng' jaléng' dseam̃ o'gui jaléng' jiuung' cajo.

Dsu' Jesús casí'r̃ jaléng' ĩ dsea' quiá'r̃ do:

—Sí'na' jaléng' dsea' güigüear' tá' có' nibøø' tá' cincuenta dsea'.

¹⁵ Jo lajob cajmée' ĩ dsea' guitúung' do, jo caguáb' ĩ dsea' do laco' tã caquiá' Jesús. ¹⁶ Jo mĩ calí' caguá' jaléng' ĩ dsea' do tá' có' nibøø' lacúng' lajíng' lí sing' Jesús, joba' catíng' dsea' do lajì 'ñiá' e iñí' do cóo' gui lajì huáang' ĩ 'ñu' do, jo cajóor' fí yá' jmĩ güi, jo lajoba' cacuø'r' gui'máang' Fidié' quiá' e do. Jo mĩ calí' jo, cajméer' jmá' jiĩ e do jeẽ jaléng' ĩ dsea' guitúung' do, joba' íguib cajmée' guié' jeẽ lajaléng' ĩ dsea' fíng' do. ¹⁷ Jo jalém' ĩ dsea' do cagó'r̃

car` calitaaĩ~ guiá~. Jo mi~ calí~ gó'r` lajiiĩn` do, caseám~bi guitu' `matá^gui e røøng` téé' `ná' iĩ' cõo' gui `náng' i `ñu` do.

*Mi~ cajing'` Tú^ Simón e Jesús líiĩ' Dsea` Jmáang`
(Mt. 16:13-19; Mr. 8:27-29)*

¹⁸ Jo mi~ cangí jo, coo` jmiĩ taang~ Jesús e féiĩ' Fidiée~, jo cõo'~bre i dsea` guitúung` quiá'r~ do. Jo lajee~ jo cajmingi'~ Jesús jaléng' i dsea` quiá'r~ do jo cajíĩ'~:

—¿I~ jnea~ fé' jaléng' dsea`?

¹⁹ Jõba' caĩi' jaléng' i dsea` guitúung` do:

—Seeng` dsea` dsicueáaiĩ'~ `nu` cõo'~ i Juan i seáng` dsea` jmiĩ` do, jo seeng`gui dsea` dsicueáaiĩ'~ `nu` cõo'~ Líi' i café' cuaiĩ~ quiá'~ Fidiée~ maliĩ~ gui eáang', jogui seem`bi dsea` dsicueáaiĩ'~ `nu` e lin' jaang`gui i nicafé' cuaiĩ~ quiá'~ Fidiée~ jogui e nicají'tur lana.

²⁰ Jõba' cajmingi'~tu Jesús i dsea` guitúung` do jo cajíĩ'~:

—Jõgui `nú', ¿i~ fó'na' e lín'n?

Jõba' caĩi' Tú^ Simón quiá'~ Jesús:

—'Nub` dsea` i líing` Dsea` Jmáang` i casíng` Fidiée~ dsea` guing~ ñiff' cuaiĩ~ quiá'r~.

²¹ Dsu' Jesús ca'fir~ `goo` quiá'~ jaléng' i dsea` guitúung` do e ja` iĩ` nisfiĩn` do jii'~ jaang` e íbre líiĩn` Dsea` Jmáang`.

*Mi~ cajmée` Jesús júu^ e tí` nijngáng'~ dsea` ír`
(Mt. 16:20-28; Mr. 8:30-9:1)*

²² Jo mi~ calí~ cajíĩ'~ lado, jo casí'~ guir i dsea` guitúung` do lala:

—E jáb' e jnea~ lín'n i dsea` i cajá' fí' ñiff' e lín'n jaang` dsea` jmiĩgüi. Jo dsíng' `né~ nimoo~o iihuĩ e eáang', co' jaléng' dsea` cõøng'~ quiá'~ dsea` góo` dsea` Israel nilí' `ní' ním~bre jnea~, jogui lajõb nijmé~ jaléng' dsea` quie' nifí' quiá'~ jaléng' jmidsea` quí'~ii' cõo'~gui jaléng' tifa' quiá'~ júu^ quiu' ta~ quí'~ii'. Jo jaléng' íbing' i nijngáng'~ jnea~; jo dsu' mi~ nití' `ni' jmiĩ~ lajõ, nijíb'túu calé' catú'.

²³ Jo mi~ calí~ jo, cangób~tur cõo'~ i dsea` guitúung` do fí' lí' teáng` jaléng' i dsea` fíing` do jo casí'~ reiĩ':

—Song iĩ' dsea` iing~ ni'uíng~ dsea` quie~e, jõba' güitár` jalé' e lí' dsíir' `ñia'r', jogui lacoo` jmiĩ~ güiseaiĩ' lafa' crúu^ quiá'r~ e laco' cuø' lí' e guia' dsíir' e nidsingüiĩn~ jalé' e huíng' uíi' e líiĩn' dsea` quie~e, jo lajõguiba' ningír~ cõo'~ jnea~ jõng. ²⁴ Co' iĩ' dsea` i í' dsí' e lí'bre nileáng~ `ñia'r' jee~ jalé' dsee~ quiá'r~, jõba' i dsea` í' conguiab' nibiĩn' fí' lí' `lí'; jo dsu' iĩ' dsea` nijúuiĩn~ uíi' e líiĩn' dsea` quie~e osi uíi' e ni'r' júu^ quiá'~ jial niliseeng` dsea` cõøng` cõo'~ Fidiée~, jõba' i dsea` í' nitíim'~bre fí' quini' Fidiée~ jõng. ²⁵ Jo ja` ee` ta~ íing` quiá'~ jaang` dsea` e silíi'r' jalé' e sea' fí' jmiĩgüi song ja`gui cuiĩn' jnea~, co' fí' lí' `lib' nidséiĩn' mi~ nití' `í' e nijúuiĩn~, jo doguib lí' ninír' iihuĩ lata~. ²⁶ Jõgui song iĩ' i `gó' nifé' e líiĩn' dsea` quie~e, osi i' líiĩn~ e nifé'r' e já' líiĩn' júu^ quie~e e, jõba' lajõb nijmee~ jnea~ cõo'~ i dsea` í' cajo, jnea~ dsea` gáa'a fí' ñiff' e lín'n jaang` dsea` jmiĩgüi; co' lajõb nijmee~ e mi~ nigáa'túu fí' jmiĩgüi e niniing~ `gøiĩn' quiá'~ Tiquié' e Fidiée~ jogui cõo'~ jaléng' ángeles i güeang' cajo. ²⁷ E já' e fíi' `nú' e i líing~ lajee~ i dsea` i teáng~ la ja` mí' júuiĩn~ cartí' ninír' jial líi' mi~ nicá' Fidiée~ nifí' quiá'~ lajaang` lajaang` dsea` jmiĩgüi.

Jo jalé' e júu^ na cajing'~ Jesús casí'r~ jaléng' i dsea` do ie~ jo.

*Mi~ calisíng~ jial jnéeng~ Jesús
(Mt. 17:1-8; Mr. 9:2-8)*

28 Jo mi~ cangf̄ jñiá~ jm̄i e cajíng' Jesús lajo, jo cajgóor~ fí' coo` yá^ mó^ e cangoféiñ' Fidiéé, jo cóo~bre Tú^ Simón cóo~ Tiáa~ jogui Juan. 29 Jo lajee táang Jesús e féiñ' Fidiéé, tá~ jiu ladob jnéeng^ calisíng~ jial jnéeng~ nir~ jogui calisíng~ si'r^ cajo, jo cajnéng~ e tee' jlo^ lafa' joo, jogui calijíñ' laco' jing' iee. 30-31 Jo lajee jo cajnéng~ gáng~ dseañu' i síng` cóo'r~, jo ni~ Moib~ do cóo~gui ni~ Líi^, jo laji huáaiñ' do líiñ' dsea i café' cuaiñ~ quiá~ Fidiéé malí~gui eéang', jo jlob^ jing' i dseañu' do cajo, jo síiñ~ quiá~ jalé^ iihuá^ e nicá' Jesús fí' Jerusalén mi~ nití~ í' e nijngáng' dsea ír'. 32 Jo dsu' laji gaang` i dsea' quiá~ Jesús i jéiñ' do dsíng'~ cajá~ e jalgüíñ' dsu' caje bre e sijnéé dsíir', joba' cangár~ e jlo^ jing' Jesús jo la quié'gui i dsea gáng~ do jiiñ' cajo. 33 Jo mi~ cangá~ Tú^ Simón e catang' fí' i dsea gáng~ i teáng~ cóo~ Jesús do, joba' dsifí lala casí'r~ Jesús jo cajíñ'~:

—Tifa', jdsíng'~ juguiá~ dsu' taang~naa' cóo~ i dsea` na fí' la! Fa' na nijméé~naa' 'ní' 'núu' jiu cóo~ má^ 'ma~, coo` quiá~ jogui coo` quiá~ Moi~ jogui coo` quiá~ Líi^ cajo.

Dsu' jii~ ja` calilí^ Tú^ Simón e café'r' lado. 34 Jo lajee gui'nang' fé'bir mi~ cajgó~ cabøø~ jní', jo caquiñ'~ lajee teáaiñ~ fí' e yá^ mó^ do, jo dsíng'~ cafóng' Tú^ Simón cóo~ Tiáa~ cóo~gui Juan. 35 Jo lajee teáaiñ~ jee~ e jní' do, guicaná' coo` luu~ dsea' fí' yá^ jmigüí jo guicajíng'~:

—I lab Jóo`o i camíng'~ i 'neáan`n eéang'. Jmee~na' núu~na' jalé^ ta~ quiu'r'.

36 Jo mi~ cangoyúung'~ e caná' e luu~ dsea` do, cangá~ i dsea` gaang` do e jo jnéeng~gui Moi~ o'gui Líi^ fí' do, jo 'ñiab' Jesús sing'gui. Jo mi~ cangf̄ jo, jii~ jaang` dsea` ja` ii~ cajmea'r' júu^ jalé^ e cangár~ e fí' yá^ mó^ do ie~ jm̄i jo.

Mi~ cajmi'leáang~ Jesús jaang` siming' i iuung~ i 'ling'^ dsí'
(Mt. 17:14-21; Mr. 9:14-29)

37 Jo mi~ cajneá~ coo~gui jm̄i, jo cajgám~bre e fí' yá^ mó^ do. Jo dsíng'~ fíng' dsea' cajíñ' i ngolíng~ ngo'née' quiá'r~. 38 Jo jaang` dseañu' lajee lajaléng' i dsea' fíng' do cató'r~ Jesús e teá eéang' jo cajíñ'~:

—Tifa', ¿já^ jmée^ uí^ diéé~ fa' ñijmee' mii~ quiá~ joo`o? co' camíng'~ siming' labing' i seeng` quié~ e; 39 jo jaang` i 'ling'^ jée' quiá'r~, jo yejib~ jmóoiñ' do e dsea' joñiñ~, jo óor` teá jogui iéng' jalé^ ja' fí' mo'oor~ lajee jo, jo dsíng'~ jmihuíng`neiñ', jo ja` iin~ do nitúur~. 40 Jo nicamá~baa jmí'ee' dsea' quiá~ fa' e nijmihuíñ~ i 'ling'^ do, dsu' ja` mí' cali'r'.

41 Joba' lalab casí' Jesús jaléng' i dsea` do jo cajíñ'~:

—Dsíng'~ ja` já~ líng`na' jnea~, jo jmang'~ fí' gab` iing~na' cá^na!! ¿Jial nité^ lí'i e niliseen~ cóo~ 'nú'?' Ñijéeng` i siming'~ quiá~ do fí' la.

Jo dsifí ladob cangojéeng` i dseañu' do i dsea` dsée' quiá'r~ do.

42 Jo mi~ cangoquiéeng` i dsea` dsée' do quiá~ lí~ sing' Jesús, dsifí ladob cabí~ i 'ling'^ do cabíñ~ i siming' do fí' ni~ uó^, jo cajméer` e cadseá~tu joñiñ' do. Jo dsifí ladob ca'gaang` Jesús cajíñ~ i 'ling'^ do, jo ngohuím~biñ' do quiá~ i siming' do, jo ca'láam~biñ' do. Jo ngf̄ joguiba' cajáng' Jesús i siming' do cóo~ tiquiá'r^'. 43 Jo dsíng'~ cangogá' dsíi' jaléng' dsea' i cangá~ e jo ie~ jo, co' dsíng'~ 'gøng' Jesús laco' 'gøng' Tiquiá'r^ dsea' guíng~ ñiff~.

Mi~ cajméé~tu Jesús júu^ e nijnga' dsea' quiá'r~
(Mt. 17:22-23; Mr. 9:30-32)

Jo lajee teáng~ jaléng' i dsea` do e dsigá' dsíir' quiá~ jalé^ e cajméé' Jesús cóo~ i siming' do, jo lajee jo cajíng' Jesús casí'r~ jaléng' dsea' quiá'r~:

44 —Núu~na' røø` jalé^ e nifá^a la lana, jo ja` güi'ling^ óo'na' lata~ taang~na' fí' jmigüí; co' lana tí lí~ niguiéé' jm̄i e nisáng' dsea' jnea~, dsea' gáa'a fí' ñiff~ e lán`n jaang` dsea' jmigüí.

⁴⁵ Dsu' mi~ canúu~ jaléng' i dsea` guitúung` do jalé' e cajíng' Jesús, jíi~ jaaiñ' do ja` cangáin' jíi~ camí'^ júu^ jiali' cajíng' dsea` do lado, co' ja` mí cangáin' fa' nicacuø' Fidié~ e ningáin' e júu^ jo, jogui ja` teá` dsír' fa' e nijmingúir` jiali' cajíng' dsea` do lado.

¿I~ i niing~gui fi' quini' Fidié~?

(Mt. 18:1-5; Mr. 9:33-37)

⁴⁶ Jo mi~ cangí jo, coo` jmi~ canaang` i dsea` guitúung` do e guíng' rúin' i~ i niing~gui lajee~ lajaléin' do. ⁴⁷ Jo dsu' calilí' Jesús jalé' e síng` dsea` quiá'r~, joba' dsifí ladob cató'r~ jaang` jiuung~ jo casíng' neiñ' cáain', ⁴⁸ jo casí'r~ jaléng' i dsea` quiá'r~ do jo cajín'~:

–Doñi' ii~ i íng' dsea` i línng' laco' línng' i jiuung~ la la'eáang' cóo'~ jnea~, joba' güiliñir' jóng e jneab~ ín'; jo ii~ dsea` i íng' jnea~ güiliñir' e ím'bre Fidié~ dsea` guing~ ñiff~, dsea` casíin' jnea~ fi' jmigüi' la. Jogui doñi' ii~ i ja` jmiféng' 'ña' jee~ jaléng' dsea` rúng', íbing' i niing~gui lajee~ lajaléng'.

Doñi' ii~ dsea` i ja` fé' ga` uii' quí'ii', joba' uii' quí'baa' siñ'

(Mr. 9:38-40)

⁴⁹ Joba' cajíng' Juan casí'r~ Jesús:

–Tifa', jnea'^ nicaneem~baa' jaang` dseañu' i jmóo` ta~ uøøng` jaléng' i 'ling'^ la'eáang' cóo'~ 'nu~, jo co' ja` ngíguir colíing~ cóo'~ jneaa~aa', joba' nicajním~baa' quiá'r~ e nijmér~ lajo.

⁵⁰ Joba' lalab cañi' Jesús quiá'r~ i dsea` quiá'r~ do:

–Ja` jnáng'~na' quiá'r~ i dsea` do, co' ja` seeng` jíi~ jaang` dsea` i nijmé~ coo` e lí' e dsigá` dsíi' dsea` la'eáang' cóo'~ jnea~, jo mi~ nilicøøngui lajo, nifé'r' ga` uii' quíe~e. Co' i dsea` i ja` fé' ga` uii' quí'ii', joba' uii' quí'baa' siñ'.

Mi~ ca'gaang` Jesús quiá'~ Tiáa~ cóo'~gui quiá'~ Juan

⁵¹ Jo mi~ cangí jo, nijaquíéng' jmi~ e nidséng'~tu Jesús fi' ñiff~, jo teáb` née' dsír' cangór~ fi' Jerusalén, co' niñi'bre e fi' job nijngáng' dsea` ír'. ⁵² Jo nifib' casíin' dsea` quiá'r~ i cangojmée^ quijí~ lí~ nijér~ lajee~ uøø. Jo cangolíng^ i dsea` do fi' coo` fi~ pí'^ e née' fi' lí~ se' Samaria. ⁵³ Jo mi~ caguilíng~ i dsea` quiá'r~ Jesús do fi' jo, ja` ca'íng' neiñ' do o'gui cacuør' lí~ nijéin'~ do, co' calilí'r^ e iuung~ Jesús fi' e ngóor' fi' Jerusalén. ⁵⁴ Jo mi~ canúu~ Tiáa~ cóo'~gui Juan e ja` lí~ cangáin' do lí~ nijér~ fi' jo, joba' casí'r~ Jesús:

–Tifa', ¿su iin'~ e niquíá'^naa' ta~ e nijjá' j' fi' yá'^ jmigüi' jo nicáng` jaléng' i dsea` do laco'gui cajmée' Lí'^ mali~gui eáang'?

⁵⁵ Jo mi~ canúu~ Jesús e cajíng'~ i dsea` quiá'r~ do lado, dsifí ladob cajíng' 'ña'r' jo ca'gaain' quiáin'~ do jo casí'r~ reiñ':

–¿I' júu^ quiá'r~ jmití' 'ná'? ⁵⁶ Co' ja` cagá~ jnea~ fi' jmigüi' la e lín'n jaang` dsea` jmigüi' fa' e nijngán'^n jaléng' dsea` jmigüi', co' jnea~ cagá~a e lí'^ laco' nilaan~re jee~ jalé' dsee~ quiá'~bre.

Jo mi~ calí~ cajíng'~ Jesús lado, jo fi' lí~ jiéb' cangolíin'~ e ngojmée'r^ quijí~ lí~ cajér' e uøø` jo.

Jaléng' dsea` i iing~ nidsilíng~ cóo'~ Jesús

(Mt. 8:19-22)

⁵⁷ Jo lajee~ iuung~ Jesús fi' cóo' dsea` quiá'r~ e ngóor' fi' Jerusalén, jaang` dseañu' cangoquíéin' fi' lí~ ngóo' dsea` do, jo casí'r~ reiñ' lala jo cajín'~:

–Tifa', iim~ jnea~ ni~i cóo'~ 'nu' doñi' jié' fi' lí~ guó'^.

⁵⁸ Joba' cañi' Jesús quiá'r~ i dseañu' do jo casí'r~ reiñ':

–Jaléng' güi' seab` too` lí~ güing'ne', jogui jaléng' ta' seab` si~re', jo dsu' jnea~, dsea` gáa'a fi' ñiff~ e lín'n jaang` dsea` jmigüi', jíi~ lí~ quíee~e moguii~ ja` sea`.

59 Jo mali~guijiu lajo cajíng' Jesús e sí'r' jaang'gui dsea` lala:

—Nea` cóo~ jnea` lana.

Jo dsu' i dsea` do cañír` quiá'- Jesús jo cajíñ'- lala:

—Fíi'i, cuøø~ jnea` fí' e jang'- ni'áan`n tiquié`e, jo mi~ ningf' jo, joguiba' ninii~i cóo~ 'nu`.

60 Jo dsu' Jesús cañír` quiá'- i dsea` do jo casí'-reiñ':

—Lí'` 'nu` gua~ lajminá~ güiguiá~ júu^ quiá'- jial iing~ Fidiéé` nicár` nifí' quiá'- dsea`, jo cuøø' fí' e jaléng' i dsea` i líng' lafa' 'líng' ni'áaiñ` tiquíi'` mi~ nití~ oor~ quiá'r`.

61 Jo ngf' jo jaang'gui dsea` casí'r` dsea` do jo cajíñ'-:

—Fíi'i, iim~ jnea` ninii~i cóo~ 'nu`, dsu' lifa' la'uii~ cuøø~ jnea` fí' e jang'- ni'í'`i júu^ jaléng' dsea` sinúu^ quié`e.

62 Joba' cañír' Jesús quiá'- i dsea` do jo casí'-reiñ':

—Jo i dsea` i já'- nicalíng` júu^ quiá'- Fidiéé`, jo dsu' mi' 'noo`bi guing~ dsír' jalé' e sea` fí' jmigüí, joba' i dsea` í ja` ta` íng` e nicá' Fidiéé` nifí' quiá'r`. Jo e la lí' lafa' mi~ jñ' dsea` cóo~ güitá`, co' ja' cuøøng` fa' e nijøør` fí' lí' caluu` lajee` e jír`.

10

Mi~ casíng` Jesús setenta dsea` quiá'r` i cangoguiá` júu^ quiá'- Fidiéé`

1 Jo mi~ cangf' jo, caguíng' Jesús setenta dsea` lajee` lajaléng' dsea` i ngí' cóo'r~, jo caquiur' ta~ e cangolíñ' do tá' gáíñ` nifí'gui laco' ngóor' 'ñia'r' e cangoguiain' do júu^ e nijaquíem`ba' e ningí' dsea` do lacoø` lacoø` fíi. 2 Jo mi~ cató' e caguíng' Jesús jaléng' i dsea` do jo cajíñ'- casí'-reiñ':

—E já'- e dsíng' fíng' jaléng' dsea` i iing~ nijmicuíng` jnea~, dsu' ja` ii` 'ga' lí' dsea` seeng` i niguiá` jalé' júu^ quié`e. Joba' 'né` nimí'` 'nú' Fidiéé` e nicuøng` guir dsea` i niguiá` jalé' júu^ quié`e. Co' lí' la lí' fa' mi~ caroo` jalé' e cajní jaang` dsea`, jo jo` ii` 'ga' lí' dsea` seeng` i nijmicóo~ e nisitíng', joba' 'né` nimíñ` i fíng'gui dsea` i nijmicóo~ quiá'r` e ni` ta` do. 3 Jo lana nigüilíng`na', jo quie`na' cuente e nisín`n 'nú' lafa' sín`n jaang`jo'se' jee` jaléng' ie'dsinúu`.

4 Jo ja` 'né` cá`na' jalé' nosúu` o'gui ñiné` o'gui 'né` cá`na' tú` neáng' lomí`na', jogui jíi~ sí'na' e quíi`ba' cá`na'. Jogui ja` jmi'íng` yaang`na' e sñng`na' cóo~ doñí' ii` dsea` i nijíng'na' guiá' fí'. 5 Jo mi~ niguilíng`na' quiá'- dsea` lacoø` fíi lí' nisín`n 'nú', joba' síi`na're ladsifí' lala: “Güiliseem`ba' juguiá` júu^ røø.” 6 Jo song guiab` ni'íng' i dsea` lí' niguilíng`na' do 'nú', joba' juguiab` niliseeíñ; jo dsu' song ja` ni'íñ' 'nú' cóo~ juguiá`, joba' lajob ja` juguiá` niliseeíñ` yaaiñ` cajo. 7 Jo mi~ niguilíng`na' lí' nicuø` dsea` 'núu', jo job nijá`na' carta` taang`na' e fíi jo, jogui jalé' e í' gø' i dsea` do e joba' ni'u'` nicø`na' cajo; dsuco' lafa' jaang` dsea` i jmoo` ta` ngím`bre e 'léeiñ` , jo lajobi 'nú' cajo. Jo ja` 'né` ngí`na' la gui` 'núu'. 8 Jo mi~ niguilíng`na' coø` fíi lí' iing~ dsea` 'nú', quié`na' doñí' ee`go cacuø' i dsea` do 'nú'. 9 Jogui jmi'leáng`na' jaléng' dsea` dsée' i seeng` fí' jo, jo síi`na' jaléng' i dsea` do lala:

“Lana nijaquíeng` e nicá' Fidiéé` nifí' quiá'- lajaang` lajaang` 'nú'.” 10 Dsu' fíng caguilíng`na' coø` fíi lí' ja` íng' dsea` 'nú', dsifí' uøøng`na' e fíi do, jo lajee` jo nifí`na' jaléng' dsea` i nijíng'na' e jee` fíi do: 11 “Lana nicabó`naa' 'lee' quiá'- jee` fíi góo`na' e nicaséng' lomí`naa'. Jo latí' lana nilíng` jaléng' dsea` i seeng` e fíi la e ja` íñ' jalé' júu^ quiá'- Fidiéé`, dsu' güilíñ`na' guiá` e nijaquíem`ba' e nicá' Fidiéé` nifí' quiá'- lajaang` lajaang` dsea` jmigüí.” 12 Jo lana fíi`guí 'nú' e mi~ nijáa' jmí` e nicá' dsea` iihuí' uui~ quiá'- jalé' dsee` quiá'r`, eáang'gui iihuí' nicá' i dsea` seeng` e fíi lí' ja` ca'íñ' 'nú' laco'gui iihuí' e cacá` jaléng' dsea` i caliséng' fí' Sodoma mali'gui eáang'.

*Dsea`i ja`já` calíng` júu` quiá`- Dsea` Jmáang`
(Mt. 11:20-24)*

¹³ Jo mi` calí` jo, jo canaang` Jesús e jiiñ` jaléng` dsea` i seeng` fi` fi` li` seeng` jaléng` dsea` i ja` já` calíng` jalé` júu` quiá`r` jo cajíñ`:

—jFí` jaléng` 'nú', dsea` seeng`na' fi` Corazín cóo` jaléng` 'nú' dsea` seeng`na' fi` Betsaida! Cofa' mi` cajmé` e cóo` jaléng` dsea` seeng` fi` Tiro cóo` gui` fi` Sidón lajalé` e guiá` e quí` i jmi` e nicajmé` e cóo` 'nú', joba' dsifí` lajob caquí` jing` yaaiñ` fi` quini` Fidié` faco' mi` lajo, jo catíng` e nineaíñ` fi` eáang` uii` quiá` jalé` dsee` e nicarøøiñ`. ¹⁴ Joba' fi` i 'nú', dsea` seeng`na' fi` Corazín cóo` gui` fi` Betsaida, ie` mi` nití` í` e niquidsí` Fidié` í` quiá` lajaang` lajaang` dsea` jmigüf, eáang` gui` nicuø`r` 'nú' iihuí` laco`gui e iihuí` e ni`ing` dsea` i seeng` fi` Tiro cóo` gui` fi` Sidón. ¹⁵ Jogui` jaléng` 'nú', dsea` seeng`na' fi` Capernaum, ¿su líng`na' e 'nú'bing` i nisáng` cartí` yá`gui jee` jaléng` dsea`? U~, o' lajo, co' 'nú'bing` i nijgiáang` tí` lí` 'li` mi` nití` e í` jo. Cofa' mi` fi` fi` Sodoma calí` lajalé` e quí` jmi` laco`gui jii` e nicajmé` e jee` 'nú', joba' ja` calíng` e fi` jo, jo siji`bi jaléng` i dsea` do latí` lana.

Jo cóo` júu` lanab cajíng` Jesús jaléng` dsea` i ja` já` calíng` júu` quiá`r`.

Jo mi` calí` jo, jo casí` guir jaléng` i dsea` setenta do lajee` ná` gui e ni`uøiñ` do e nidsiliñ` e nidsiguiar` júu` quiá` Fidié` jo cajíñ`:

¹⁶ —Ii` dsea` i ja` canúu` júu` quí`na', jáb` ninúr` júu` quié` jnea` cajo; jogui` jaléng` dsea` i ja` íng` 'nú', ja` iñ` jnea` cajo colíng` cóo` Fidié` dsea` guing` ñifí`, dsea` i casíng` jnea` fi` jmigüf la.

Jo mi` calí` e cajíng` Jesús lajo, jo cangolíng` jaléng` i dsea` setenta do laco` ta` cahuí` ie` jo.

Mi` caguilíng` tu` jaléng` i dsea` setenta do

¹⁷ Jo mi` li` cóng`gui lajo, caguilíng` tu` i dsea` setenta do fi` li` táang` Jesús, jo dsíng` íáang` dsíir` mi` caguilíñ`, jo casí`r` dsea` do jo cajíñ`:

—Tifa', dsíng` íáang` dsí`naa' jó`naa' lana, co' jiguí` jaléng` i 'ling` i jée` quiá` dsea` calinúu`r` jalé` júu` quí`naa' mi` casí`naa' e ngóo`naa' lafa' guóo` 'nú'.

¹⁸ Joba' cañi` Jesús casí`r` i dsea` setenta do jo cajíñ`:

—Lajob lí', jo camób` jnea` mi` catóng` fi` i 'ling` fi` lí` lamí` guiiñ` fi` ñifí`, jo catóñ` lafa' mi` casí` coo` j` güi`ñiá`. ¹⁹ Jogui` jnea` nicacuøø` 'nú' e niquí`na' jmi` jogui` e nilí`ba' jaléng` i 'ling` mi` jmaíñ` jaléng` dsea` jmigüf, jogui` ja` ee` nilíng`na' nañi` fa' nicúng` jaléng` mi` guíng` 'nú' osi` ni`ing` jaléng` tacú` 'nú' é. ²⁰ Jo dsu` ja` güli`íáang` óo`na' e lico` nilí`na' uøøng`na' i 'ling` i jée` quiá` dsea`, co' güli`íáang`gui óo`na' e niteáang`na' fi` ni` j` quiá` Fidié` fi` lí` niteáang` jaléng` dsea` quiá`r` i nidsilíng` fi` ñifí`.

Mi` cali`íáang` dsí` Jesús

(Mt. 11:25-27; 13:16-17)

²¹ Jo ie` jo, dsíng` cali`íáang` dsí` Jesús la'eáang` cóo` Jmiguí` quiá` Fidié`, jo cajíñ` casí`r` Tiquiá`r` dsea` guíng` ñifí`:

—Teaa~, lana jmifén`n 'nú', dsea` Fii` guóo` uó` jmigüf la, dsuco` lana nicajmee` e ngám` jaléng` dsea` dsee` dsea` qui` jalé` júu` quí`, jogui` cajmee`ba' e ja` cangáng` júu` quí` jaléng` dsea` i tíng` eáang` i jmicøøng` yaang` fi` jee` jaléng` dsea` rúng`. Jo lajob lí', Teaa~, co' lajob cali`íáang` o' e nilí`.

²² Jo mi` calí` cajíng` Jesús jalé` e júu` na, jo cajíng` guir casí`r` jaléng` dsea` i teáang` cóo`r` do ie` jo:

—Nicacuø` Tiquié` e jnea` e née` nii` jalé` e sea` fi` la`úng` fi` jmigüf. Jo jii` jaang` dsea` dseáng` mi` cuiñ` jnea~, dsea` lín`n` Jóo` Fidié` camíng`, co' lajii` Tiquié`baa` dsea` cuiñ` jnea~; jogui` jii` jaang` dsea` dseáng` mi` cuiñ`

Tiquié^e dsea` guing` ñifí⁻, cō' lajii[~] jneab` dsea` cuín`nre cóo[~]gui lajaléng^l dsea` i nisi^ling[^] quié⁻e e nilicuíñ^ñ dsea` do.

²³ Jo mi[~] calí⁻ cajíng^l Jesús lana, jo cajóøiñ⁻ lajii[~] dsea` quiá^r- jo casí⁻ reiñ^l:
 –Juguiá⁻ jiu quií⁻ 'nú', dsea` máang^{na} jnea[~] jogui calicuíng^{na} jnea[~], cō' cangúng^{na} e ngám^l jiu[^] júu[^] quié⁻e. ²⁴ Dsucō' dsíng^l calí^ling[~] jaléng^l dsea` i café^l cuaiñ[~] quiá⁻ Fidié[~] malí[~]gui eáang[^] cóo[~] jaléng^l dseata[~] dsea` cóøng^l fa^l mi[~] cangár⁻ jalé^l e móo⁻ 'nú' jmí[~] ná, dsu^l ja[^] cangár⁻; jogui eám[^] calí^liñ[~] fa^l mi[~] canúur⁻ jalé^l júu[^] quié⁻e, dsu^l ja[^] canúur⁻.

Mi[~] ca'e' Jesús jial nijmi'neáang` dsea` rúñ^ñ

²⁵ Jo mi[~] calí⁻ caféng^l Jesús jaléng^l dsea` quiá^r-, jo cangoquiéeng[^] fí^l lí[~] siñ^l jaang[^] tifa^l quiá⁻ júu[^] quiu^l ta[~] quiá⁻ dsea` góor[^] dsea` Israel, cō' iñ[~] do e niguié^r jial ni^ñiñ[~] dsea` do cóo[~] lajii[~] júu[^] e eiñ^l, jo cajmingí^r- dsea` do jo cajíñ^l-:

–Tifa^l, ¿e[~] 'né⁻ nijmee[~] e laco^l niñínⁿ e niliseen⁻ cóøng[^] cóo[~] Fidié[~] lata[~]?

²⁶ Jōba^l cañí^l Jesús quiá⁻ i tifa^l do jo casí⁻ reiñ^l:

–¿E[~] jalé^l e fé^l fí^l ni[~] jì[~] quiá⁻ Fidié[~] jo jial ngán^l?

²⁷ Jōba^l cañí^l i tifa^l do jo casí^r- Jesús:

–“Né⁻ jmi'neáang^{naa} Fidié[~] qui⁻ii^l car[^] ngocáng[^] dsi^lbaa^l jogui cóo[~] jalé^l bí[^] seeng[^] jmiguí[^] qui⁻naa^l jogui cóo[~] jalé^l bí[^] see⁻naa^l jogui cóo[~] jalé^l e í[^] dsi^lnaa^l; jogui 'né⁻ jmi'neáang^{naa} jaléng^l dsea` rú^lnaa^l lí[^] laco^lgui jmi'neáang[^] yee⁻naa^l.”

²⁸ Jōba^l cañí^l Jesús quiá⁻ i dsea` do jo cajíñ^l-:

–Lajōb lí[^] laco^l fō^l na. Jo song nicajmití^l jalé^l e jo, jōba^l niñín^l e niliseen^l cóøng[^] cóo[~] Fidié[~] lata[~].

²⁹ Jo dsu^l i tifa^l do iñ[~] e niní[^] jaléng^l i dsea` do e í[^]bre tūng[^]guir laco^l Jesús, jōba^l casí^r- dsea` do jo cajíñ^l-:

–¿Í[~] dsea` i 'né⁻ nijmi'neáanⁿ jōng, Tifa^l?

³⁰ Jōba^l cañí^l Jesús quiá⁻ i dsea` do jo casí⁻ reiñ^l:

–Cōo[~] née^l jaang[^] dsea` Israel cagüí^l fí^l Jerusalén jo cangór⁻ fí^l Jericó. Jo lajee[~] ngóor[^] guiá[^] fí^l, catóo[~] ñ[~] quiá^r- i ca'uø^l jalé^l e quier^l, jo jì^lgui sí[^] i dsea` do ca'uø^r, jo caquiéng^l neiñ^l jo jiu[~] ja[^] cajngam^l bre i dsea` do. Jo mi[~] calí⁻ jo, jo cangolím^l bre, jo dob caseáaiñ[^] i dsea` sihuíng[^] do 'ni^l fí^l. ³¹ Jo cō'ná^l lajōb cangotíng[^] cangúng[^] jaang[^] jmidsea[^] quiá⁻ dsea` Israel fí^l lí[~] ráang[^] i dsea` sihuíng[^] do. Jo mi[~] caguiér⁻ fí^l lí[~] ráaiñ^l do, cajméer[^] lafa^l ja[^] cangám[~] breiñ^l, jo cangám^l bre; ja[^] ee[^] cajmicóo^r i dsea` sihuíng[^] do. ³² Jo mi^l mún^g guijiū lajō cangúng[^] jaang[^] dsea` levita. Jo mi[~] caguiér⁻ lí[~] ráang[^] i dsea` sihuíng[^] do, cajméer[^] lafa^l ja[^] cangám[~] breiñ^l do cajo, jo cangám^l bre; ja[^] ee[^] cajmicóo^r i dsea` do cajo. ³³ Jo dsu^l mi^l mún^g guijiū lajō caguié⁻ jaang[^] dseañu^l i seeng[^] fí^l Samaria i la'ó^l 'ní^l níng[~] rúng^l cóo[~] dsea` Israel. Jo mi[~] cangáñ[~] i dsea` sihuíng[^] do, dsíng^l calí⁻ fí^l líng[~] neiñ^l. ³⁴ Jo cangoquiéeiñ[^] fí^l lí[~] ráaiñ^l do. Jo mi[~] cangár⁻ e sihuím[^] i dsea` do, jo dsifí^l lajōb cajméer[^] mí^l quiáiñ^l, jo ca'ñú^r lacaang[^] lí[~] sihuíng[^] quiáiñ^l do. Jo mi[~] calí⁻ e cajméer[^] mí^l quiá⁻ i dsea` do, jo caseáang[^] neiñ^l fí^l mocóo[^] bú[^] quiá^r-, jo cató[~] reiñ^l fí^l lí[~] seeng[^] dsea` fí^l lí[~] cajméer[^] í[^] i dsea` do, jo jōb cajer[^] cóoiñ[~] do ie[~] canu[~] e jmí[~] jo. ³⁵ Jo mi[~] cajneá⁻ e jmí[~] jo, mi[~] caguiá[^] i dsea` seeng[^] fí^l Samaria do guiá⁻ e nidséiñ^l, caguir[^] cuu⁻ quiá^r- jo caquí^r quiá⁻ i dsea` lí[~] cajer[^] do quiá⁻ e nito^l fíiñ^l do i dsea` sihuíng[^] do. Jo casí^r- i dsea` fí^l 'nú^l do jo cajíñ^l-: “Jmee⁻ í[^] i dseañu^l la, jo song calíng[^]gui^l cuu⁻ quií⁻ cóo[~] jalé^l mí^l quiá^r-, jneab[~] niquí^l quií⁻ mi[~] nigüéeng[~] túu[^] calé^l catú[~].”

³⁶ Jo mi[~] calí⁻ e cajíng^l Jesús lajō, jo cajmingí^r- i tifa^l do jo cajíñ^l-:

—¿I lajee laji gaang i dsea do i lin i cajmi'neáang i dsea sihuing do?

³⁷ Joba' cañi i tifa' do jo casí'r Jesús:

—I dsea i calí fi' ling ír, í'bing' cajmi'nee' quiá'r.

Joba' cañi Jesús jo casí'r i dsea do:

—Guøng' jo güijmi'neáang jaléng' dsea laco' cajmee i dsea seeng' fi' Samaria do cóo' i dsea sihuing do.

Mi caguié Jesús fi' quiá' Marta cóo' gui Yá

³⁸ Jo mi cangí jo, jo cangób tu Jesús laco' i uuiñ fi' e ngóor fi' Jerusalén. Jo lajee ngoliñ fi' jo, caguiliñ fi' cóo' fi' li niseeng jaang dseam i sii Marta cóo' jaang ruiñ dsea ngáang' cóo' i sii Yá. Jo mi caliñ i dseam do e caguiling Jesús cóo' dsea quiá'r fi' jo, dsifi' lajob cató'r dsea do fi' quiá'r.

³⁹ Jo mi caguié Jesús fi' jo, dob caguá Yá quiá' li guing Jesús e núur jalé' júu e e' dsea do. ⁴⁰ Jo lajee jo iuung Marta e ja' dsiniñ e guiar' guiá' jalé' e nidó' Jesús cóo' jaléng' dsea quiá'r. Joba' cangoquiéiñ li guing Jesús, jo casí'r dsea do jo cajíñ':

—Tifa', ¿su ja' cuø' fi' uø' e nijngáng' 'ñiá'a e ni ta la? Có' nab guing i rún'n na ja' ee' jmijir fa' e nijmicóo'r jnea cóo' jalé' e jmóo' la. Jié' o' síi' gor güijmicóo'r jnea lana.

⁴¹ Joba' cañi Jesús casí'r i dseam do jo cajíñ':

—Marta, Marta, dsing' guing o' dsaco' ja' nidsiniñ' e nijmee' jalé' e lí' quií'. ⁴² Dsu' sea cóo' e niing' gui e áang' e 'né' ninúu', jo Yá rún' nicagui'bre e e niing' gui e 'né' jmér', jo jíi' jaang' jo' ii' cuøng' lí' jning' quiá'r.

Jo lanab cajíng' Jesús casí'r i dseam gáng' do ie jo.

11

Mi ca'e Jesús jial nisii'naa' cóo' Fidié'

(Mt. 6:9-15; 7:7-11)

¹ Jo cóo' jmii, mi cangí e caféng' Jesús Fidié', cangoquiéeng' jaang dsea quiá'r fi' li siñ' jo casí'r dsea do jo cajíñ':

—Tifa', mi cateáang i Juan i caseáang dsea jmii do fi' jmigüi la, ca'e'r jaléng' dsea quiá'r jial nisiñ cóo' Fidié'. Jo ¿su ja' é' 'nu' jnea' cajo?

² Joba' cajíng' Jesús casí'r jaléng' i dsea do:

—Mi iing' na' siing' na' cóo' Fidié', lalab 'né' naang' na' fo' na':

Tiquí'ii', dsea guin' ñiff',

güijmifém' jaléng' dsea jmigüi 'nu', có' 'nu' dsea fén' fi' la'úng' fi' jmigüi.

Jogui güijáng' yaang' dsea fi' quini' e laco' niquiá' ta' quiá'r lajaang' lajaaiñ.

Jogui güijmitib' jaléng' dsea jmigüi jalé' e iing' 'nu' fi' jmigüi la

lí' laco' gui liti' fi' ñiff' quií'.

³ Jogui cuø' jnea' jalé' e 'né' niquiee'naa' e jmii lana.

⁴ Jogui íng' dsee' uii' qui'naa' quiá' jalé' e ja' dseeng' e nicajmó'naa',

lí' laco' gui jnea' íng'naa' dsee' quiá' jaléng' dsea rú'naa' dsea jmigüi mi' ee' go nica'léer' qui'naa'.

Jogui jmee' í' jnea' lacaang' li' ngi'naa' e laco' ja' nijia'naa' fi' ni' dsee',

jogui jmee' í' jnea' cajo e laco' ja' nijmeáng' jaléng' i 'ling' jnea'.

Jo lanab ca'e Jesús ie jo jial féeng'naa' Fidié'.

⁵ Jo mi calí jo, Jesús casí' guir jaléng' i dsea do jo cajíñ':

—Majmó'naa' cuente e jaang' 'nú' seeng' jaang' cabóo' quií'naa', jo i cabóo' do niguiéer' e tó'r 'nú' fi' quií'naa' e guiáang' uøø' guienúu' jo nijíñ': "Cabóo', ¿su ja' jié' o' fa' jmi'øon' jnea' ni' í', ⁶ có' dob nicaguié' i cabóo' quié' e do fi' quié' e i iuung' fi' jang' fi' li' huí' e áang', jo ja' ee' sea' cuøø'øre e nidó'r?"

7 Jogui jíi' jaang` 'nú' ja` ningüi-na' quíá' i cabóo` quíi-na' do jo nífi'na'r: "Ja` ñijmiguíi', cabóo`, co' uóøb` eáang', jogui lanabi guíáang'` güüing` jaléng' jiuung` quíe` e, jo dsíng'` fín'`-n niráan`-n nicuóø`ø` 'nú' jalé' e fó' na." 8 Dsu' jnea` fíi` i 'nú' e doñí' fa' ja` ráang`-na' uíi'` e líng' i dsea` do cabóo` quíi-na', dsu' niráam`-ba' nicuóø'`na'r e mír' 'nú' do e laco' jo` siñ' jmiguíiñ` 'nú'. 9 Jo lajob` fíi` i 'nú': Míi'`na' Fidié` jalé' e 'né'-na' jo nicuóø`-bre; jogui mĩ' 'nó'na' e 'né'-na', niguié'ba' jalé' e 'nó'na' do; jogui mĩ' tó'na' fí' o'nú', joba' nineab' e 'núu' do. 10 Dsuco' i` dsea` i mĩ' Fidié` jalé' e 'né'-, ngüim`bre; jogui i` dsea` i 'nó', niguié'bre e 'nó'r' do; jogui i` dsea` i tó' fí' o'nú', nineab' e 'núu' do.

11 Jo ja` lí'` dsii` e seeng` jaang` 'nú', dsea` aang`-na' jaléng' jiuung`, e mĩ' nimír'` 'nú' ir~, jo nicuóø'`na'r cuu~, osi mĩ' mĩ'r' 'nú' capi'` ngúu' 'ñu, jo nicuóøng'`na'r mĩ', 12 osi nicuóøng'`na'r jaang` tacú' mĩ' nimír'` 'nú' coo` motu`. 13 Jo co' 'nú', dsea` si'ling'`na' fí' quini` Fidié`, tiiim`ba' cuó'`na' jaléng' joo'na' jalé' e guíá`, jo dsu' eáang'gui jlo'` nicuóø` Tiquí'ii' dsea` guing` ñifi` mĩ' nimíi'`na'r, co' nicuóø'`-bre 'nú' Jmiguí' quíá'r`.

*Mĩ' cacuø'` dsea` dsee` Jesús e jmóor` ta` la'eáang'` cóo'` i 'ling'`
(Mt. 12:22-30; Mr. 3:19-27)*

14 Jo mĩ' cangí' jo, coo` jmii` caguíng` Jesús jaang` i 'ling'` i jée' quíá'` jaang` dseañu', jo i 'ling'` do ninicajméer` e ja` lí' fé' i dseañu' do jíi'` camí'` júu. Dsu' mĩ' caguíng` Jesús i 'ling'` i jée' quíá'` i dsea` do, dsifí' ladob canaang' fé'tuiñ' do. Jo dsíng'` cangogá' dsíi' jaléng' i dsea` i teáang` do mĩ' calí'` lado, 15 dsu' i líng'` i dsea` do cajíiñ` ca'éeiñ` Jesús:

—La'eáang'` cóo'` bí' quíá'` Beelzebú i líng'` fii` jaléng' i 'ling'`, la'eáang'` íbing'` tiiing` i dseañu' na e uóøiñ` i 'ling'` i teáang'` dsíi' dsea`.

16 Jogui i líng'`gui i dsea` do e laco' niguié'r' jial ni'niñ` Jesús fí' quini` dseata`, joba' camí'r' dsea` do e fa' nijméiñ'` coo` e lí' e quíi'r'` jmii`, jo lajoba' nicuóø` lí' e Fidiéeb` dsea` casí' quíá'r`. 17 Jo dsifí' ladob calilí'` Jesús jalé' e í' dsíi' i dsea` do, joba' cajíiñ` casí'`-reiñ'.

—Niñí'` 'nú' jialco'` lí' coo` fíi` lí' ja` síng'` dsea` røø, co' seeng` jmaquíng'` dsea` i quíu'` ta` quíá'r`, jo ja` ee` juguíá` seeng` jaléng' i dsea` do. Jogui niñí'`bí' cajo jialco'` lí' quíá'` dsea` i seeng` coo` sínúu` i teáang'` ta` jüing`, ja` ee` juguíá` seeiñ`, co' ja` røø` síiñ`. 18 Jo song lajob` lí' cóo'` fii` i 'ling'` i sii` Satanás e quíu'r' ta` condseá'` dsea` quíá'r` e nijmeáiñ'` dsea` ga, jogui condseá'`-gui dsea` do e nijmicóo'r` dsea, joba' ja` e ta` íng'` quíá'r` song cajméer` lajo, co' ni'ím` lajé' tú` e ta` do, jo jo` ee` bí' seeiñ` jíi'` coo` jóng. Joba' nicafíi` i 'nú' jalé' e na, co' fíing'` 'nú' fó'na' e la'eáang'` fii` i 'lim'`ba' e tiiñ` uøøñ` jaléng' i 'ling'` i jée' quíá'` dsea; 19 dsu' fa'jiu e jmicóo'` fii` i 'ling'` quíe` e laco' fó'na' na, joba' ¿i` i líng'`-na' i jmicóo'` quíá'` jaléng'` dsea` góo'na' i nica'uóøng` jaléng' i 'ling'` i jée' quíá'` dsea? Co' i dsea` í' e'r' 'nú' e o' lajo e í' óo'na'. 20 Dsu' song jnea` tiiñ` uøøñ` jaléng' i 'ling'` i jée' quíá'` dsea` la'eáang'` cóo'` güea'` quíá'` Fidié` dsea` guing` ñifi`, joba' nicatí'` í' jóng e nijáang'` yaang`-na' fí' quini` Fidié` e laco' nicár` nífi' quíi`-na' lajaang` lajaang`-na'.

Jo mĩ' calí'` e cajíng'` Jesús lana, jo casí'`-guir jaléng' i dsea` do jo cajíiñ`-:

21 —Jo mĩ' seeng` jaang` dseañu' i 'gøng'` jogui óor` jalé' e cóo'` nijmí'`øng'` 'ñia'r' mĩ' jmí'`ø'r' jalé' e sea` quíá'r`, jo líiñ` e jo` i` quí'` jmii` nicó'` quíá'r`. 22 Jo dsu' fíng` caguíe` jaang`gui dsea` i 'gøng'`gui eáang', jo nilí'`bre tíñ` cóo'` i dsea` jaang`gui do, joba' ni'uóø'`-bre jalé' e sea` quíáiñ` do.

23 Joba' fíi` i 'nú' e i` i ja` síng'` uii` quíe` e, joba' 'ní'` níim`-bre jnea` jóng, jogui i` i ja` jmicóo'` jnea` e laco' nilicuíng'` dsea` jnea`, joba' ja` siñ'` uii` quíe` e cajo.

Jial lá' mi' dsitáng' tu i 'ling' fi' dsí' dsea'
(Mt. 12:43-45)

²⁴ Jo mi' calí' cajíng' Jesús lana, jo casí' guir jaléng' i dsea' do jo cajíñ':
—Mi' güi'fi' jaang' i 'ling' i iuung' dsí' jaang' dsea', ngir' fi' li' qui' e 'nó'r' fi' li' nijmi'íñ'. Jo mi' ngir' e ja' niguié'r' li' nijmi'íñ', joba' i' dsír': "Ním'túu fi' dsí' dsea' e li' cajú-u do, co' ja' li' sea' li' nijmi'ín'n." ²⁵ Jo mi' niguieng'tur dsí' i dsea' do, niguiéñ' lafa' coo' sinúu' li' siquiáng' guiá' jo silí' jlo'. ²⁶ Jo mi' ninír' e dsíng' jlo' dsí' i dsea' do li' ni'ítur, jo nidsér' nidsitéer' guiáng' i 'ling' gui laco' ír' e nidsitáaiñ' dsí' i dsea' do. Joba' ga'guib nilíng' i dsea' do jóng laco'gui lamí' iuung' jaang' i 'ling' do fi' dsír'.

Jial lá' mi' dseáng' e já' e íáng' dsí' dsea'

²⁷ Jo lajee' gui'nang' e fé'bi Jesús e júu' na mi' tí' li' guicafé' jaang' dseam' e teá' eáang' jee' jaléng' i dsea' do jo guicajíñ':

—Juguiá' o' quiá' niquí', dsea' cangoquieeiñ' 'nu' jogui cajmicuáaiñ' 'nu' cajo!

²⁸ Jo dsu' Jesús cañír' quiá' i dseam' do jogui casí'r' jaléng' i dsea' do jo cajíñ':

—Jo dsu' juguiá' gui quiá' jaléng' i dsea' i núu' jalé' júu' quiá' Fidié' jogui jmitir' jalé' e jo cajo!

Mi' camí' dsea' Jesús e nijmé' dsea' do li' e já' ba' e tñiñ'
(Mt. 12:38-42; Mr. 8:12)

²⁹ Jo lajee' jo, dsíng' gui caguilíng' dsea' fi' li' táang' Jesús, joba' canaang'tu dsea' do e e'guireiñ' jo cajíñ':

—Jaléng' dsea' i seeng' jmí' na dsíng' nirøøiñ' dsee', joba' mi'r' jnea' e nijmee' e li' e já' ba' e tiin', dsu' nicaliseáb' jalé' e lajo lamí' jéeng'gui. Téé' óo'na' mi' cajá' Jonás, jaang' dsea' i café' cuaiñ' quiá' Fidié' malí'gui eáang'.

³⁰ Jo laco' Fidié' casíñ' i Jonás do e niguiáíñ' do júu' quiá' dsea' do jee' jaléng' dsea' i caliséng' fi' Nínive, jo lajob cajo casíng' Fidié' jnea', dsea' i cajá' fi' ñifí' e lín'n jaang' dsea' jmigüí', e niguiáa' júu' quiá'r' jee' jaléng' 'nú'. ³¹ Jo malí'gui eáang' cajo caliséng' jaang' dseam' i ca'ée' coo' ta' fé' fi' lí huí' eáang'. Jo ie' jo seeng' jaang' dseata' dsea' féng' fi' Israel i calisí Salomón i tiing' eáang'. Jo i dseam' do cangór' cangonúur' e júu' quiá' i dseata' Salomón do. Jo dsu' mi' niguiéé' jmí' e niquidsí Fidié' í' quiá' jaléng' dsea' uí' jalé' dsee' quiá'r', joba' i dseam' do nicuó'r' 'nú' dsee', co' ja' núu' na' jalé' júu' quié' e.

³² Dsaco' mi' cajá' i Jonás do e caguiar' júu' quiá' Fidié' fi' Nínive, lajalém' i dsea' seeng' e fi' jo dsifí' lajob caquí' jíng' yaaiñ' fi' quini' Fidié', joba' i dsea' í'bing' nijmé' gui dsee' qui' na' mi' niguiéé' jmí' e niquidsí Fidié' í' quiá' jaléng' dsea' jmigüí'. Jo dsu' jnea' niing' gui laco' i Jonás do.

Mi' ca'e' Jesús jial lá' mi' jmijneá' dsea' ji'
(Mt. 5:15; 6:22-23)

³³ Jo mi' calí' jo, jo canaang' Jesús coo' 'lé' gui júu' quiá'r' jo cajíñ':

—Mi' jmijneá' jaang' dsea' coo' candí' quiá'r', 'né' nisí'r' coo' li' ñí', joba' nijneá' fi' la'úng' sinúu' quiá'r'. Jo ja' jmijneár' e jì do e laco' nisí'r' fi' coo' dsí' caja o'gui e ni'mear' fi' coo' li' ja' jnéng', co' iíñ' e jnéb' jaléng' dsea' i dsitáng' fi' dsí' sinúu' quiá'r'. ³⁴ Jo jalé' jmini' dsea' íng' ta' e jné'r' laco'gui ta' íng' e candí' do e jneá' mi' canúu'. Jogui jaléng' dsea' i guiá' jmini', jlo' gui jné'r' lacaang' fi' li' ngir' laco'gui jaang' dsea' i jo 'ga' lí dseeng' jmini', co' i dsea' í jo 'ga' lí røø jné'r' lacaang' fi' li' ngir'. ³⁵ Jo lajob lí' cóo' 'nú' mi' já' líng' na' jalé' júu' quié' e quiá' jial laang' Fidié' dsea' jee' jalé' dsee' quiá'r', co' e jo lí' lafa' mi' jneá' coo' jì dsí' coo' sinúu' e núu'. ³⁶ Joba' 'né' ñiing' óo' 'nú'

jie~ mi' jmee~na' e ja`já' líng`na' e júu^ quié~ e do, co' e jo lí' lafa' mi~ ja`jneá' jí' dsí' coo` sinúu^ e nuu` eáang'.

Mi~ cajíng~ Jesús jaléng` dsea` fariseo cóo~ jaléng` tifa' quiá'- júu^ quiu' ta` quiá'- dsea` Israel

(Mt. 23:1-36; Mr. 12:38-40; Lc. 20:45-47)

³⁷ Jo mi~ cangí e cajíng'~ Jesús lado, jaang` dsea` Israel i líng' dsea` fariseo cató'r~ Jesús fí' quiá'r~ e nidó'r~. Jo mi~ caguié~ dsea` do fí' quiá'~ i dsea` fariseo do, jo cangim`bre dsí' sinúu^ jo cangíiñ` caguár` lí~ nidó'r~. ³⁸ Jo i dsea` fariseo do dsíng'~ cangogá` dsí' mi~ cangár~ e ja` cajmiti~ Jesús fa' caru'r` guóor` laco' tíng` jaléng' dsea` Israel. ³⁹ Joba' cajíng'~ Jesús casí'r~ i dsea` fariseo do:

—Jaléng'`nú', dsea` fariseo, rúu'~na' jalé` cuéé~ huí' quií~na' jíi~ lí' caluu~, jo dsu' eám'`lí' lí' dsí'. Jo lajob líng'`nú' yaang`na' cajo, co' guiáb~ tíng`na' rúu'~na' ní'na' jee~ jaléng' dsea` mi~ ja` lí' dsea` jial tí' jmoo`na' íi` quiá'r~ jo ee`gui jalé'`lí' rúng'`na' jmoo`na' cóo~ jaléng' dsea`. ⁴⁰ ¡Dsinóo'`nú'! ¿E~ ta` íng` quií~na' e jmoo`na' lajo? Co' fí' quini~ Fidiéé'`né~ e tee`laji` tú~ taam'. ⁴¹ Jo mi~ líng~ e cuø'na' jaléng' dsea` i ja` sea` e`né~ quiá', joba'`né~ jmee~na' lajo e ngocáng` óo`ba', jo lajoba' ni`uíng~ guiú~ quií~na' fí' quini~ Fidiéé'.

⁴² ¡E ngí~ fíib~`nú', jaléng' dsea` fariseo! Co' dsíng'~ guíng~ óo`na' e nicuø'`na' Fidiéé' dseáng'~ ca'íng'~ lajee` guí' íng'~ lajalé'`oo` quiá'~ jmiñi~ e ro'na', jo dsu' ja` e guíng~ óo`na' fa' e ni`há'na' i' røø` quiá'~ jaléng' dsea` rúng'`na' o'gui e jmi'neáang`na' Fidiéé'. Co' lajalé' e joba'`né~ nijmití'na' cóo'~gui jalé' e caguié~gui do cajo.

⁴³ ¡E ngí~ fíib~`nú', jaléng' dsea` fariseo! Co' iing`na' ní'na' jíi~`masii~ e jlo'` quiá'~ dsea` laniing~ mi~ nití' fí' guá'~, jogui jmoo`na' e`nú'`bing' i niing~gui mi~ nití' fí' jo cajo. Jogui lajobi mi~ jíng'`na' jaléng' dsea` guiá' fí', jmoo`na' e jmi'féiñ'`nú' lafa' jíi'`nú'`bing' i cóøng'~gui fí' la'úng~ jmi'gúí'.

⁴⁴ ¡E ngí~ fíib~`nú', jaléng'`na' dsea` fariseo! Co' dsíng'~ jmi'gøøng`na' jaléng' dsea` cóo'~ jalé' e jmoo`na'. Co'`nú' líng`na' la lí' lí' sí'aang'`líi~, co' dsíng'~ jlo'` jíng` tee` lí' lí' ní~, jo dsu' lí' lí' dsí' jolíng~ téé'`ngúu' jmé' e teáang'`jóo'~.

⁴⁵ Jo mi~ canúu~ i tifa' quiá'~ júu^ quiu' ta` quiá'~ dsea` Israel e cajíng'~ Jesús lado, joba' dsifí' ladob`ní' catíiñ~ júu^ quiá'~ dsea` do, jo cañí' quiá'~ Jesús jo cajíñ'~:

—Tifa', mi~ fó'`lana la quié~ jneab'`jminean'` cajo.

⁴⁶ Joba' cañí' Jesús quiá'~ i dsea` do jo cajíñ'~ casí'~reiñ':

—¡E ngí~ fíib~`nú' cajo, jaléng' tifa' quiá'~ júu^ quiu' ta` quiá'~ dsea` Israel! Co' cuø'`na' lee~ laguidseaang` jaléng' dsea` jíéng' e jíi'~ jaang` ja` íi` quíi~ jmiñ` niró', jogui jíi'~ yaang`na' ja` iing`na' fa' taang`na' guóo`na' e niróo~ e lee` do.

⁴⁷ ¡E ngí~ fíib~`nú' jaléng'`na', co' jmo'`na' jlo'` lí' sí'aang' jaléng' dsea` i café' cuaiñ` quiá'~ Fidiéé', jo jaléng' dsea` íb` i cajngang'`líi~ dsea` cóøng'~ quií~na' ie~ malí'`gui do! ⁴⁸ Dsu' jalé' e jmoo`na' do guøng' e lafa' røøb` síng`na' cóo'~ jaléng'`líi~ dsea` cóøng'~ quií~na' jo e lafa'`núb'`cajngang'`na' jaléng' i dsea` do cajo.

⁴⁹ Jo co' lajob lí', joba' Fidiéé' dsea` eáang' tiiñ` cajíñ'~ lala: “Nis#n^n jaléng' dsea` i fé' cuaiñ` quié~ e cóo'~gui jaléng' dsea` apóo^ i sí'íng` e ni' júu^ quié~ e jee~`nú', jo dsu'`nú', seem`biñ' do i nijmeáang'`na' la tí' e ja` óo`na', jogui seem`biñ' do cajo i nijíung' fí' jaguóo`na' cartí' nijngám'`ba'r.” ⁵⁰ Jo dsu' Fidiéé' nijmér~ e niquí~ jaléng' dsea` seeng` jmiñ` na jalé' e cangong'íng~ jaléng' dsea` i café' cuaiñ` quiá'r~ i nicaliséng` lajíi'~ mi~ catiroo' jmi'gúí' jo latí' lana ⁵¹ jo latí' mi~ cajnga' dsea` quiá'~ Abel jogui cartí' mi~ cajnga' dsea` quiá'~ Zacarías fí' jeeng` lí' guí' jaléng' dsea` jalé' e cuø'r' Fidiéé'. Joba' fíi' i`nú' e nijméb~ Fidiéé' e niquí~ jaléng' dsea` seeng` jmiñ` na jalé' e cangong'íng~ i dsea` do.

⁵² 'E ngi' fii'b 'nú', jaléng' tifa' quiá' júu^ quiu' ta' quiá' dsea' Israel! Co' 'núb' dsea' quié'na' jalé' jì lí' toq~ jalé' júu^ quiá' Fidiéé', jo dsu' ja' iing~ 'nú' jmiti'na' laco' fé' e fi' ni' jì do, o'gui cuø'na' fi' e nijmiti' jaléng' dsea' i iing~ jmé^ lajo.

⁵³ Jo mi' cató' e cajíng~ Jesús jaléng' i dsea' fariseo cóo'~ jaléng' i tifa' do, jo jaléng' i dsea' do canaañ` jmiqúim' dsír' cóo'~ jalé' júu^ e cajíng' Jesús, jo jmiguiab' jalé' e canaañ` jmingúir' laco' e nijmiguíñ` dsea' do; ⁵⁴ co' jaléng' i dsea' fariseo do cóo'~ jaléng' i tifa' do 'nó'r' jial ni'núñ` Jesús fi' quini' jaléng' dseata' quiá'r~ cóo'~ jalé' e fé' dsea' do.

12

Mi' ca'e' Jesús e ja' dseeng' jmijløng'^ yee'naa' jee' jaléng' dsea'

¹ Jo lajee' e fé' Jesús jalé' e júu^ na, caseáng' lí' lí' tú' 'ní' mil dsea'. Jo laco' ngóo' seáng' jaléng' i dsea' do, dsíng'~ ninaañ` 'leng' rúñ', co' lajalém'bre iññ` ninúr~ jalé' júu^ e e' Jesús. Jo lajee' jo canaang' Jesús féñ' jaléng' dsea' guitúung' quiá'r~ jo casí'~reñ':

—Ñiing~ óo'na' cóo'~ jalé' e fé' jaléng' dsea' Israel i líng' dsea' fariseo, co' jii'~ yaañ` ja' já'~ líññ` jalé' e fé'r', jo jalé' e jo íng^ ta' quiá'r~ e lico' jmijløng'^ yaam~bre fi' quini' jaléng' dsea' fii'. ² Dsuco' ja' sea' cóo' e sii' jneaa'aa' e ñng' e ja' tóo' jmiñ` niliñí' jaléng' dsea', o'gui cóo' e si'má'^naa' e ja' tóo' jmiñ` niní' jaléng' dsea' cajo. ³ Joba' jalé' e nicaféé' 'nú' e ñng', niliñib' jaléng' dsea'; jogui lajobi jalé' e nicaféé'na' fi' sinúu^ qui'na', niliseab' júu^ latøøng' fii' cajo.

I' i catíng' e 'gøng'naa'

(Mt. 10:28-31)

⁴ Jo lala fii' i jaléng' 'nú', dsea' rú'naa'; ja' føøng'na' jaléng' i iing~ jngáng'^ 'nú', co' jii'~ e joba' tñññ` jmér'. ⁵ Dsu' lana nijmée' e 'nú' júu^ i' i catíng' i niféng'na': güiféng'na' i dsea' i niquiá' ta' lí' nijúung'na' jogui quí'r~ jmiñ` e guiéñ' dsea' fi' lí' 'lí'. Joba' fii' i 'nú' i güiféng'na' i dsea' í!

⁶ Jo niñib^ 'nú' e 'núm' dsea' tá' la ñíng~ tá' cóo'~ tú' 'ní' í' cuu'. Dsu' e já'ba' e jii'~ camíng' i tá' do ni'íng~ dsí' Fidiéé' laco'gui ja' ni'íng~ dsír' jii'~ jaang' 'nú' cajo. ⁷ Jo jì'gui jalé' jñu'guí' 'nú' si'í'^ Fidiéé' tá' camí'. Joba' fii' i 'nú' e ja' føøng'na' mi' iing~ dsea' nijngáñ' 'nú', co' eáang'gui quíng' 'nú' laco'gui fíng' tá'.

Jaléng' dsea' i ja' i' líng' e cuíñ` Dsea' Jmáang'

(Mt. 10:32-33; 12:32; 10:19-20)

⁸ Jogui jaléng' 'nú', dsea' i ja' i' líng'na' e nijmée'na' dsea' júu^ e cuíng'na' jnea' fi' jmigüí' la, joba' jnea~, dsea' cagá'a fi' ñifí' e lín'n jaang' dsea' jmigüí', lajob nijmee~ e cajo fi' quini' jaléng' ángeles quiá' Fidiéé' mi' niguilíng' 'nú' fi' jo. ⁹ Dsu' jaléng' dsea' i nijíng' e ja' cuíñ` jnea~ jee' jaléng' dsea' jmigüí', joba' lajob nifá'^a fi' quini' jaléng' ángeles quiá' Fidiéé' e ja' cuín'nre cajo.

¹⁰ Jogui doñí' i i 'ní' níng~ jnea~, dsea' gáa'a fi' ñifí' e lín'n jaang' dsea' jmigüí', ni'ím~ Fidiéé' dsee~ quiá'r'; jo dsu' i i café' ga' uii' quiá' Jmiguí' quiá' Fidiéé', joba' jo' quí'~ jmiñ` fa' e ni'íng~gui Fidiéé' dsee~ quiá'r'.

¹¹ Jo jaléng' 'nú', song cajiúng'na' fi' jaguó' dseata' quiá' guá' quí'naa' osi fi' jaguó' dsea' i quidsí' í' osi dseata~bi é, joba' ja' føøng'na' fa' e ja' ñí'na' jial nijmi'øng' yaang'na' o'gui jial ningüñ'na' quiá'r~ mi' nijmingí'r' 'nú'. ¹² Co' mi' niteáang'na' fi' quini' jaléng' i dseata' do, dsifí' lajob nijmé' Jmiguí' quiá' Fidiéé' jial ningüñ'na' quiá'r~ mi' nijmingí'r' 'nú'.

Eám' dseáng'~ mi' óo' dsea' cuu' eáang'

13 Jo mi~ cangf e cajing^- Jesús jalé^ e júu^ na, jo jee~ jaléng^ i dsea i teáng^- núu jalé^ e júu^ jo guicató^- jaang^ dseañu^ jo guicajíñ^- casí^- Jesús:

—Tifa^, síi^ go rún^n dsea ngáang^~ cóo^ o guicuó^- jnea~ guié^ quié^- e jalé^ e casé^ 'lii^ tiquié^ e mi~ cajúñ^-.

14 Joba^ cañi^ Jesús quiá^- i dseañu^ do jo casí^- reiñ^:

—Ja^ casíng^ Fidié^ jnea~ jee~ 'nú^ fa^ e lín^n dseata~ i cajajmée^ jmá^- jia jalé^ e sea^ quií^-na^.

15 Jogui casí^- guir jaléng^ i dsea^ teáng^- do jo cajíñ^-:

—Ñiing^ óo^na^ jo ja^ jmee^-na^ e dsináang^na^ jalé^ cuu^- o'gui doñi^ ee^ e sea^ fí^ jmigüí^, co^ jii^ jaang^ dsea^ ja^ quí^- jmii^ e niquír^- quiá^- e niteáng^- guir huóó^- fí^ jmigüí^ la fa^ jialgui la sea^ quiá^-r^-.

16 Joba^ ca'e^ Jesús jaléng^ i dsea^ do cóo^ júu^ já^- e lafa^ júu^ cuento e fé^ lala jo cajíñ^-:

—Coo^ née^~ caliséng^ jaang^ dseañu^ i sea^ cuu^- eéang^ jo óor^ uó^- e jlo^ eéang^ cajo, jo catáíñ^- dsea^ 'léeng^~ quiá^-r^- i cajmée^ ta~ e uó^- do. Jo mi~ caroo^ jalé^ e cajnir^ do, dsíng^- jlo^ cacuo^ e uó^- do, jo dsu^ jo lí~ sea^gui e ni'meá^- i dsea^ sea^ cuu^- do jalé^ e caró^-r^.

17 Joba^ canaaiñ^ í^ dsír^: “¿E~ nijmee^ e cóo^~ jalé^ e caró^o e jii^ lana? Co^ ja^ sea^ lí~ ni'meaa^- jalé^ e jo.”

18 Jo cóob^ mi~ ca'óng^ dsír^ jial nijmér^, joba^ cajíñ^-: “Níca'óm^ dsii^- jial nijmee^ e. Nijiéem^ baa 'núu^ quiá^- cuí^ quié^- e e tee^- lana, jo nijmées^ e e cóo^~ gui eéang^, jo job ni'meaa^- jalé^ e caró^o do cóo^~ lajì^ e sea^ quié^- e.

19 Jo mi~ ni'iéng^ e 'nuu^- do jogui mi~ nitée^~ líng^ jalé^ e sea^ quié^- e, dsíng^- juguiá^- niliseen^- jo jii^ cóo^ fí^ í^ jo ee^ nijáa^ quié^- e jóng. Joguiba^ nijmi'ín^ teáa^ tú^- 'ní^ jiiing^, jo lajee^ jo nidúu^~ nidóó^- jalé^ e sea^ quié^- e jo dsíng^- nijmi'iaang^ dsii^- lajee^ jo.”

20 Jo dsu^ uóó^- job cajíng^- Fidié^ casí^-r^- i dseañu^ do: “Dsea^ tuung^, náb nití^ í^ e nijúun^-, jo ¿e^ ta^ íng^ quií^- jalé^ e oo^- lana mi~ niguøng^ fí^ jmigüí^ cóo^?”

21 Jo lanab dsíngíng^- jaléng^ dsea^ i silí^~li cuu^-, co^ o^ cóo^ e jo nitíñ^- fí^ quini^ Fidié^ mi~ nití^- oor^ quiá^-r^-.

To^ fñm^ Fidié^ jaléng^ dsea^ quiá^-r^-

(Mt. 6:25-34)

22 Jo mi~ cangf jo, jo caféng^gui Jesús jaléng^ dsea^ guitúung^ quiá^-r^- jo casí^- reiñ^:

—Lala fñi^ i 'nú^: ja^ jmee^-na^ fí^ í^ quiá^- jalé^ e nicó^na^ o'gui jmee^-na^ fí^ í^ quiá^- jalé^ sí^na^.

23 Co^ eéang^gui laniing^- 'né^- e jmíta^ óo^na^ e nigüilím^ba^ fí^ lí^ guiá^ mi~ nití^- fñi^ cóo^ e laco^gui e nijmee^-na^ fí^ í^ quiá^- jalé^ e nicó^na^ cóo^~ gui quiá^- jalé^ sí^na^.

24 Jo quié^na^ cuente quiá^- jaléng^ quiee^; ja^ jié^ jii^re^ o'gui jié^ tee^~ jalé^ e gø^re^ o'gui 'mea^re^ jalé^ e nidó^-re^, dsu^ Fidié^ ñi^bre^ e héiñ^ jaléng^ i jó^ do quiá^-r^-.

Jo eéang^gui quíng^ 'nú^ fí^ quini^ Fidié^ laco^gui lajee^ fíng^ ta^ i seeng^ fí^ jmigüí^!

25 Jo ¿i^ jaang^ 'nú^ niquí^- jmii^ nijmee^-na^ e nicuáng^guina^ ca'ná^ metro laco^gui jii^ tí^na^ lana?

26 Jo song ja^ quí^na^ jmii^ jmee^-na^ e capí^ lajo, joba^ ¿jiali^ guíng^ óo^na^ jalé^ e lí^ seeng^na^?

27 Jo quié^na^ cuente jial jlo^ jalé^ lí^ e sea^ fí^ jmigüí^, jogui ja^ ee^ ta^ jmóo^ o'gui quié^ fí^ í^ jial ni'uíng^- e jlo^.

Jo dsu^ car^ jii^ dseata^ Salomón cóo^~ jalé^ e jlo^ e caliseá^ quiá^-r^- ja^ casíng^ 'ñia^r^ e jlo^ lí^ laco^gui la jnéeng^- cóo^ lí^.

28 Cofa^ jlob^ cajmées^ Fidié^ e jnéeng^- jalé^ lí^ e ja^ huóó^- té^, dsu^ jaléng^gui 'nú^, dsea^ i ja^ mí^ teáng^- teá^ cóo^~ júu^ quié^- e, jmiguiá^gui niñíng^na^ quiá^- Fidié^ jalé^ e 'né^-na^.

29-30 Joba^ fñi^ i 'nú^ lana, ja^ jmées^na^ fí^ í^ quiá^- jalé^ e ni'u^ nicó^na^, dsuco^ lajob^ jmóo^ jaléng^ dsea^ jmigüí^ i ja^ cuíng^ Fidié^.

Jo dsu^ 'nú^ seem^ jaang^ Tiquí^na^ dsea^ guíng^ ñifí^- i ñiñi^ jalé^ e 'né^-na^ lacoó^

jm̄ī lacoo` jm̄ī. ³¹ Jo f̄ī-gūī 'nú' lana e 'né- nijmi'úung'na' e Fidiée` dsea` nicá` nifí` quíi-`na', jo lajoba' niñíng'na' jalé' e 'né-`na' lacoo` jm̄ī.

*Jalé' e cat̄ing-` dsea` quíá'- Fidiée` fí` jm̄igüi'` cõõ`
(Mt. 6:19-21)*

³² Jo ja` jmee-` 'nú' fí'í, dsea` i ja` f̄ing' mí` cúing` jnea~, co' Tiquíi'na' dsea` guing~ ñifí-` i quie' nifí` quíi-`na' nica'f̄ dsíir' e nicuó'r-` 'nú' lajii'~ e cat̄ing-`na' e iáang` dsíir'. ³³ Jõba' 'né-` e 'nii'na' jalé' e sea` quíi-`na' jo nijmicõõ'~na' jaléng' dsea` i li-` 'né-` quíá'- lajo; co' ja` ee` ta` íng^ quíi-`na' f̄ing` tá'- ca'meá' lí' cuu-` cõõ'~ jalé' e sea` fí` jm̄igüi' la, co' dsíng'-` f̄o' nicá` jaléng'` ñī jalé' e sea` quíi-`na' osi nidó'-` jaléng'` guisf` i 'léé' é. Co' guiá-guib e nijmee-`na' e nilisea` quíi-`na' fí` ñifí-` jalé' e jlo'^, dsucõ' fí` jo jo` seeng` ñī o'gui fa' dseáang'~ e ni'lé-gui guisf̄. ³⁴ Co' li-` sea` jalé' e lí a' do, e jõbi guing~ a' jóng.

Dseáng'-` 'né-` e siñiing` dsi'naa'

³⁵⁻³⁶ Jõba' f̄ī-` i ná' e 'né-` neáang'na' lacõ' guing~ jaang` dsea` 'léeng'-` i guing~ fí` quíá'-` fii' e güjeeeñ' e nineár-` 'núu' mĩ` niguieng'` fiir~ i ngí' fí' lí` cung' guoo` dsea, jo 'né-` sijeeng` i dsea` 'léeng'-` do e jnea` jib` guiiñ~, jõba' dsifib' nineár-` 'núu' mĩ` niguieng'` fiir~ e nitó'r'. ³⁷ Jo juguiá-` jia quíá'-` jaléng' dsea` 'léeng'-` i sijnéé` dsíi' mĩ` niguieng'` fiir~. Co' jnea` jm̄itaa-` ó'na' e dsíng'-` nili'íáang` dsíi' i fiir~ do jo nitó'r` jaléng'` i dsea` 'léeng'-` i sijnéé` dsíi' do e nidó'r-` col̄ing~ cõõiñ'~ do e uóø` jo. ³⁸ Jo juguiá-` jia quíá'-` jaléng'` i dsea` 'léeng'-` i sijnéé` dsíi' do mĩ` niguieng'` fiir~, nañi' fa' niguieñ' do guienúu' osi téé-` ogóó' é. ³⁹ Jõgui cajo fa' jaang` dsea` niñir' e oor~ niguiéé' jaang` ñī fí' quíá'r-, nijé-` bre e jo` nigüiñ' e uóø` jo, jo lajõba' ja` nicuó'r-` fí' e ni'uó'-` i ñī do jalé' e sea` quíá'r-. ⁴⁰ Jõba' lajõb' 'né-` neáang' 'nú' e siñiing` ó'ba'; co' jnea~, dsea` i cajá-` fí' ñifí-` e l̄in'n jaang` dsea` jm̄igüi', nigáa'túu` calé'` catú-` fí' jm̄igüi' la lajee` e ja` ñiing` ó'na'.

*Jaang` dsea` 'léeng'-` i guiúng-` cõõ'~ jaang`gui dsea` 'léeng'-` i soo` dsíi'
(Mt. 24:45-51)*

⁴¹ Jo dsifí' mĩ` cató' e ca'e` Jesús jalé' e júu^ na, jo dsifí' lajõb' cajmingī Tú^ Simón cajmingi' r' Jesús jo cajíñ'-`:

—Tifa', jalé' e júu^ e nica'é'^ na, ¿su ca'éé'^ jii'~ jnea'^ dsea` guitúung'naa' ofa' quíá'-` lajiiim` dsea` é?

⁴² Jo lalab cañi' Jesús:

—Lalab lí' quíá'-` jaang` dsea` i neé' ni~ jaléng' dsea` 'léeng'-` i núu'gui jalé' ta~ quia' fiir~, jo guiúng` guir cõõ'~ jaléng' dsea` 'léeng'-`, jõgui nicuó' reiñ' do e nidó'iñ'-` mĩ` nití-` oor~ e gø' dsea. Jo mĩ` cagüi'ñ' i fiir~ do e nidsér-` fí' lí' jíé', caséer' jalé' ta~ quíá'r-` jo caguiar' ni~ i dsea` i neé' ni~ jaléng' dsea` 'léeng'-` do, jo jõguiba' cangór-` jóng. ⁴³ Jo mĩ` niguieng' tu i fiir~ do, juguiá-` o' quíá'-` i dsea` i neé' ni~ dsea` 'léeng'-` do song nicató' jalé' ta~ e caséé' fiir~ mĩ` cagüi'ñ' cangór-. ⁴⁴ Jo já'-` ba' f̄ī-` i 'nú' e dsíng'-` nili'íáang` dsíi' i fiir~ do, co' calitib~ jalé' ta~ e caséer' cõõ'~ i dsea` neé' ni~ jaléng' dsea` 'léeng'-` quíá'r-` do, jo jõguiba' nicuó'-` reiñ' do e nine'-` niñ' do jalé' e sea` quíá'r-. ⁴⁵ Jo dsu' f̄ing` song ja` cajmiti~ i dsea` neé' ni~ i dsea` 'léeng'-` do lajii'~ ta~ caquia' fiir~, co' ca'f̄ dsíir' e ja` mĩ` niguieng' fiir~ lajminá~, jo lajee` jo cajméer' soo` dsíir' cõõ'~ jaléng' dsea` 'léeng'-` i neé' nir~, jõgui canáñ' i' gø'r' jalé' e sea, jõgui cajméer' ta~ i' mée'; ⁴⁶ jo dsu' lajee` jmóo` i dsea` neé' ni~ i dsea` 'léeng'-` do jalé' e jo, lajee` jõb' caguiéng'-` fiir~, jo dsíng'-` nicaliguiñ'-` do, jo iihuñ' nicuó'-` reiñ' do lí'^ lacõ' cat̄ing-` e niñíng' jaang` dsea` i ja` núu' jalé' júu^ quíá'-` fiir~.

⁴⁷ Jo i dsea` 'léeng'-` i ñi' jial lí' jalé' e iing~ fiir~ e nilí jo dsu' ja` caguiar' guiá-` o'gui calinúu'r~ e nijmér-` jalé' ta~ caquia' fiir~, jõba' dsíng'-` niñiñ' iihuñ' jóng.

48 Jo dsu' i dsea`'léeng' i ja` ñi' jalé' e nijmér- jo eáam' ca'léer' quiá'- fiir~, joba' i dsea` i ja`gui niñiñ` iihu' laco'gui i jaang` do. Jo i dsea` i cangúng` jmiguiá', jmiguiá'guib catúng- niguiéer- cuente mi~ nití- í' lajo; jogui i dsea` i ée' guiá- cóo'~ lajií'~ ta~ e cangúñ` e néé' nir~, joba' eáang'gui guiá- 'né- guiér- cuente mi~ nití- í' lajo.

*Nijíng- dsea` lajee` la'ó' rúñ` uí'~ Jesús
(Mt. 10:34-36)*

49 Jo mi~ calí- e cajíng'- Jesús jalé' e júu^ na, jo casí'- guir jaléng' i dsea` do jo cajíñ'-:

—Jnea~ cagá-a lafa' e caga'uun- jì fí' jmigüi' la; jo dsíng'- lí dsii- fa' jia~ nicoo` lana! 50 Co' ná-bi nicaa- iihu' e eáang', jo dsíng'- lijjuung~ dsii- cartí' niliti~ lajalé' e jo! 51 Jo dsu' jaléng' 'nú' í' óo'na' e cagá-a fí' jmigüi' la e gajmée' e liseeng`na' juguiá- júu^ røø, dsu' o' lajo; co' uí'~ jnea~ ná-bi nijmé- dsea` mí'~ cóo'~ dsea` rúñ'. 52 Co' latí' lana gaang` dsea` nijíñ- cóo'~ gáng- dsea` la'ó' dsea` sinúu^ quiá'r-. 53 Co' tiquiá'^ dsea` nijíñ- cóo'~ jóor' dseañu', jo jaléng' jóo' dsea` dseañu' nijíñ- cóo'~ tiquiá'r'; jogui niquiá'^ dsea` nijíñ- cóo'~ jóor' dseamí, jo jaléng' jóo' dsea` dseamí nijíñ- cóo'~ niquiá'r'; jogui iemisé^ dsea` nijíñ- cóo'~ dsea` miloo~ quiá'r-, jogui jaléng' dsea` miloo~ quiá'- dsea` nijíñ- cóo'~ iemisér^, co' ja` nisíñ- røø uii~ quié- jnea~ cóo'~ jalé' júu^ quié-e.

*'Né- òng' dsí' dsea` e jalé' dsijée' jmü~ na
(Mt. 16:1-4; Mr. 8:11-13)*

54 Jo casí'- gui Jesús jaléng' i dsea` do jo cajíñ'-:

—Mí~ móo- 'nú' e ta' jní' nuu fí' yá'^ jmigüi', joba' dsifí' lajob fó'na' e nitú' jmí', jo lajob dsitíng` jóng. 55 Jogui mi~ móo- 'nú' e í' guí' quiuü, dsifí' lajob fó'na' e ja` nitú' jmí', jo lajob dsitíng` cajo. 56 i~ jmicaang~ 'nú'! Co' ñí'ba' jalé' e dsijée' fí' yá'^ jmigüi' jogui fí' guoo'~ uó'; joba' ¿jali' ja` ñí'na' e~ uuing~ quiá'- jalé' e dsijée' jee' 'nú' lana?

*Jmí'úung`na' e niliseeng`na' juguiá- cóo'~ jaléng' dsea` i 'ní' níng- 'nú'
(Mt. 5:25-26)*

57 Jo mi~ cangí jo, cajíng'- gui Jesús e júu^ la:

—Jo ¿jali' ja` lí'na' guí'~na' jnang~ e guiá- jogui jnang~ e ja` dseeng` e dsijée' quií-~na'? 58 Co' song i' dsea` i 'ní' níng- 'nú' cangojéeiñ` 'nú' fí' quini~ dseata~, joba' jmí'úung`na' e nisíng~tu' røø cóo'r~ lajee` ná'-gui e niguilíng`na' fí' quini~ i dseata~ do. Dsucó' song caguilíng`na' fí' lí' guiiñ~, joba' niquiá'r- ta~ jaléng' í'~ quiá'r- e nisáñ' 'nú' jo nitáiñ' 'nú' dsí' 'nuñí^ jóng. 59 Joba' í'~ 'nú' e ja` nijúu'~na' e fí' dsí' 'nuñí^ do cartí' niquí'~na' jalé' cuu- e nimír-, co' lajob lí' fíng catí' fí' quini~ dseata~.

13

Dsíng'- 'né- e niquí'- jíng` yaang~ dsea` fí' quini~ Fidiée`

1 Jo ie~ jo caguilíng- cóo' tú- míng'~ dsea` fí' lí' táang` Jesús i jmóo` júu^ jalé' e ga' e cajmée` dseata~ Pilato cóo'~ dsea` Israel, co' caquiá'r' ta~ e cajúng- cóo' tú- míng'~ dsea` Israel i seeng` fí' Galilea, jo e jmi'øøng- i dsea` Israel i cajngaiñ' do cacáiñ` cóo'~ jmí' jó' i cajngaiñ' fí' nife' quiá'- guá'- e si' fí' Jerusalén do.

2 Joba' cañí' Jesús casí'r- jaléng' i dsea` do jo cajíñ'-:

—Ja' í' óo'na' e calíng- jaléng' i dsea` do jalé' e fó'na' na dsu' uí'~ e røøng`guir dsee- lajee` lajaléng' dsea` jmigüi', 3 co' o' lajo; jo song 'nú' ja` niquí'~ jíng'~ yaang`na' fí' quini~ Fidiée', joba' fí' lí' 'lib'~ nigüilíng`na' dsifí' mi~ nijúung`na'.

4 Jo ¿su ja` tóo` óo'na' mi~ cajíng- guijíng` dsea` cóo' 'nú' e ñí' eáang` quiá'- ojmí' Siloé e si' fí' dsí' í' Jerusalén? Ja' í' óo'na' e cajúng- jaléng' i dsea` do dsu'

uí' e røong`guir dsee` eáang` lajee` lajaléng` dsea` seeng` fí Jerusalén, ⁵ co' o' lajo. Jo 'nú', song ja` niquí'` jíng` yaang`na' fí quini` Fidié`, joba' fí lí` 'lib` nigüilíng`na' dsifí` mi` nití` oor` quí`na'.

Mi` ca'e` Jesús quía` 'ma` güiñí` e ja` ee` cuø`

⁶ Jo casí`-gui Jesús jaléng` i dsea` do coo` júu` já` e lafa' júu` cuento jo cajíñ`-: -Coo` néé` jaang` dseañu` nicajnr` coo` 'ma` güiñí` fí uó` quía`r`. Jo mi` catí` í` e líiñ` e ni`í, jo cangojòø`bre su ni`íi` ofí` quía` e 'ma` güiñí` do. ⁷ Jo mi` caguié`r, jo casí`r` i dsea` néé` ni` e uó` quía`r` do jo cajíñ`-: "Lajee` 'ní` jii` ningóo` e gaa` coo` néé` lacoo` jii` e gajòø`ø` fa' ni`í ofí` quía` e 'ma` la, dsu' jii` coo` ja` mí` cadsé`e. Joba' fí`-i` nu` e ni`né` nihuí`b`, co' ja` tá`- jmóo` jii` quía` e ni` uó` la." ⁸ Jo dsu' i dsea` i jmóo` í` e uó` do cajíñ`- casí`r` fiir`: "Fíi`i, güigui`gui cateá` lajee` jii` lana, jo lajee` jo niylén`n i' jo nitá`^a o'". ⁹ Jo ne`duu' fíng lajogu`ni`í` ofí` quía`` ; jo song ja` ee` lí` ni`í, joguiba' nihuí` jóng`."

Mi` cajmi`leáang` Jesús jaang` dseamí` i tu` cogui`

¹⁰ Jo mi` cangí` jo, coo` jmi` lajee` e jmi`íng` dsea` Israel, ca'e` Jesús jaléng` dsea` do júu` quía`r` fí dsíi` coo` guá`- quía`- dsea` góor` dsea` Israel. ¹¹ Jo jee` jaléng` i dsea` i teáang` fí guá`- do niquiéng` jaang` dseamí` i nijée` i 'líng` quía`-, jo ningóo` mí` guijñia` jii` e nicajmée` i 'líng` do e calitú` cogui` i dseamí` do, jo jii` capí`^ ja` e lí` niñ`- do. ¹² Jo mi` cangáng` Jesús i dseamí` do, dsifí` ladob cató`-reíñ` fí lí` siñ` jo casí`-reíñ`:

-Dseamí` rú`uu', jmi` na ni`leáan`- lajii` jmohuí` e quie`^ na.

¹³ Jo caquidsir` guóor` fí mogui` i dseamí` do, jo dsifí` ladob cangoहुíng` i 'líng` do, jo canim`- i dseamí` do, jo canaaiñ` jmiféiñ` Fidié` jóng. ¹⁴ Jo dsu' dsíng`- caligúing` i dsea` i néé` ni` e guá`- do dsu' e cajmi`leáang` Jesús i dseamí` do lajee` jmi` e jmi`íng` jaléng` dsea` góor` dsea` Israel. Joba' casí`- i dsea` i néé` ni` guá`- do jaléng` dsea` i teáang` do ie` jo, jo cajíñ`-:

-Lacoo` semaan` sea` jñáuu` jmi` e jmóo` dsea` ta`, jo lajee` joba' e catíng` e ñilíng`na' e nilí` mí` quí`na', jo dsu' ja` ñilíng`na' mi` jmi` e jmi`íng`naa'.

¹⁵ Jo mi` cajíng`- i dsea` néé` ni` guá`- do lado, joba' dsifí` lajob cañí` Jesús casí`-reíñ` jo cajíñ`-:

-i jmicang` 'nú`! ¿Su ja` güilíng`na' e güi`líng`na' güitá` quí`na' jmi` osi bú`^ quí`na' é lacoo` jmi` mi` catíng` e jmi`íng`naa'? ¹⁶ Dsu' i dseamí` la líiñ` siju` Abraham, jo ningóo` guijñia` jii` e cajmée` Satanás e calidsée`r` jo cajer` tuiñ`. Jo laco' güijéeng` 'nú` jó` quí`na' e dsíi`re' jmi` mi` jmi` e jmi`íng`naa', lajob catíng` e nilaang` jnea` i dseamí` la fí jaguó` Satanás mi` jmi` e jmi`íng`naa' cajo.

¹⁷ Jo mi` cajíng`- Jesús lado, dsíng`- calí` i` líng` jaléng` i dsea` i 'ní` ní` quía`r` do. Jo dsu' lajaléng` i dsea` caguiang`-gui do dsíng`- cali`iáang` dsíir` dsu' e cangár` jalé` e jlo` e cajmée` Jesús ie` jmi` jo.

*Mi` ca'e` Jesús quía`- coo` mijú` 'ma` e si` mostáa`
(Mt. 13:31-32; Mr. 4:30-32)*

¹⁸ Jo mi` calí` jo, jo cajíng`- Jesús:

-¿Jial líng`na' e líi` mi` quie` Fidié` nifí` quía`- jaang` dsea`? Jogui` ¿e` cóo` cuøong` nicøong`naa'? ¹⁹ Co' e jo líi` la líi` camí`^ mijú` 'ma` e si` mostáa`^; jo e mijú` quía`- e 'ma` do pí`gui lajee` lajalé` mijú` 'ma` e sea` fí` jmigüi`. Jo dsu' mi` nijni` dsea` e mijú` do, féb` cuaang` lafa' coo` 'ma`, jo fí` yá`^ e 'ma` do dsilíng` jaléng` ta` e jmo`re' si`re'.

*Mi` ca'e` Jesús quía`- quie`^ iñí`^
(Mt. 13:33)*

²⁰ Jogui` cajíng`-gui Jesús casí`r` jaléng` i dsea` do:

—Jo ¿e~ cóo~ cuøøng` lí cøøng`naa' mi~ quie' Fidiée~ nifi' quía'- jaang` dsea? 21 Co' e jo líí la líí capí'^ quie'^ iñí'^ e cáng' dsea' jee~ fi~ iñí'^ quía'r~ e laco' niróo~ jalé" e ca~ iñí'^ do, jo jíí'~ ja` ñí' dsea' jialí' calí~ lajo. Jo dseáng'~ lajob líí cajo mi~ Fidiée~ quier' nifi' quía'- dsea`.

*Coo`o'nú^ e dsuu`
(Mt. 7:13-14, 21-23)*

22 Jo mi~ cangí jo, lajee~ iuung~ Jesús fí e ngóor' fí Jerusalén, ja`bre e e'r' jaléng' dsea' jalé' júu^ quía'r~ mi~ ngúíñ' jalé' fíí pí'^ osi jalé' fíí cóo'~ é. 23 Jo coo' fíí lí~ caguiér~, cangoquíeng' jaang` dsea' fí lí~ cajer', jo cajmingí' i dsea` do ír' jo cajíñ'~:

—Fíí'i, ¿su jíí'~ tú~ 'ní mím'~ tíí' dsea` i laang` jee~ jalé' dsee~ quía'~?

Joba' cañí' Jesús quía'- i dsea` do jo casí'~ reiñ':

24 —Jmí'úung`na' e nigüitáng`na' fí o'nú^ e dsuu`, dsuco' dsíng'~ fíng' dsea` nijmér~ quijí~ e nidsitáañ'~ fí jo, dsu' jíí'~ tú~ 'ní mung'~bing' i nilí'^. 25 Co' mi~ nití' oor~ e nijní~ i dsea' fí~ do e o'nú^ do, jaléng' 'nú', dsea' nijá'na' fí caluu~, nitó'^na'r jo nifi'^na'r lala: “Janú", Éé, jmee~ uí^ dié~ nea~go e o'nú^ la.” Jo dsu' lalab niñí~ i dsea' fí~ e o'nú^ do jo nijíñ'~: “Ja` cuín'n 'nú'.” 26 Jo mi~ ninúu`na' e nijíñ'~ lajo, jo ninaan~ 'nú' nifi'^na'r: “Colim~ nica'ie^ee' e nica'nee'^ caquiee~ee', jogui 'nub' dsea' nica'é^ fí jee~ fíí góo'naa'.” 27 Joba' niñí~ i dsea' fí~ e o'nú^ do calé' catú~: “Nícafá'~baa e ja` cuín'n 'nú'. iDo güilíng`na' lí~ do jaléng' 'nú', dsea' i sitíng' 'léé'!” 28 Jo job mi~ niquí'^ 'nú' jo dsíng'~ nilijiuung~ óo'na' jogui nitú'na' majá'na' mi~ nimáang`na' Abraham cóo' Isáa' cóo' Jacóo' cóo' jaléng' dsea' i café' cuaiñ~ quía'- Fidiée~ malí~gui eáang'; co' jaléng' i dsea' la nineáañ' colíng~ cóo' Fidiée~ fí ñifí~ lana, jo dsu' 'nú' fí caluub~ ni'øøng`na'. 29 Jo nijalíng' jaléng' dsea' quía'- Dsea' Jmáang~ fí la'úng~ fí jmigüí e nigüear' e nidó'r~ ir~ colíng~ cóo' Fidiée~ fí ñifí~. 30 Jo i líng~ dsea' i líng~ e niñí~ eáang' fí jmigüí la, dsu' íbing' i jíí' capí'^ ja` ee` niing~ mi~ nití' í' jo. Jo dsu' i líng~ dsea' i líng~ e ja` ee` niñí~ jíí' capí'^ fí jmigüí la, jo íbing' i eáang'gui nilíniing~ mi~ nití' e í' jo.

*Mí caqui' Jesús uii~ quía'- dsea' i seeng' fí Jerusalén
(Mt. 23:37-39)*

31 Jo e jmí~ jo caguilíng~ coo' tú~ mung'~ dsea' Israel i líng' dsea' fariseo fí lí~ táang' Jesús jo casí'r~ dsea` do lala jo cajíñ'~:

—'Né~ niguó' fí lí~ jié', co' lana niguiá' dseata~ Herodes guiá~ e nijngáiñ'~ 'nu`.

32 Joba' cañí' Jesús quía'- i dsea` do jo casí'~ reiñ':

—Güilíng`na' güisí'na' i 'ná'^ dsinóo' í: “Lajee~ jmí~ e sea`gui la 'né~ nijmité'e lajíí'~ ta~ cagá~a fí jmigüí la e nijmi'leáan`n jaléng' dsea' dsée'~ jogui nijmihuín`n jaléng' i 'líng'^ i jée' quía'- dsea'.” 33 Dsu' lajee~ jo 'né~ niguiéé' lajíí'~ lí~ iuun~ fí ngóo'o, co' ja` catíng~ jaang` i fé' cuaiñ~ quía'- Fidiée~ e nijúuiñ' fí caluu' fíí Jerusalén.

34 Jo dsíng'~ fíí lín~n jaléng' 'nú', dsea' seeng`na' fí Jerusalén, co' 'núb' dsea' nicajngang`na' jaléng' dsea' i café' cuaiñ~ quía'- Fidiée~ jogui nicasi'lóo'na' cuu~ jaléng' i cajmicóo'~ quía'- jaléng' i dsea' í cajo. Jo jnea~, ja` ñii~ jó'gui néé~ cali'ín~n e nito' fíí'n`n 'nú' laco' to' fíng' jaang` tui'íee~ jaléng' tuyuu' quíaa~re' fí nú'~ cuéé're', jo dsu' ja` cali'íng`na' lajo. 35 Jo lana tí lí~ ni'nám`baa jee~ 'nú', jo jo`nimáang`gui' jnea~ cartí niguiéé' oor~ e nifo'na' lala: “iJuguiá~ o' quía'- i dsea' i casíng' Fidiée~ fí jmigüí la cuaiñ~ quía'r'!”

14

Mi~ cajmi'leáng- Jesús jaang` dseañu` i yaang`

¹ Jo mi~ cangî jo, coo` jmî~ lajee` e jmi'ing' dsea` Israel, cató- jaang` fii` quiá- jaléng' dsea` Israel i líng' dsea` fariseo cató-r` Jesús e nidó- dsea` do íi' fí quiá-r`. Jo lajee` jo, dob teáng- jaléng' dsea` Israel i líng' dsea` fariseo i caguaang- do cóo- tifa' quiá- júu^ quiu' ta~ quiá-r` e téeiñ` Jesús lajee` jo. ² Jo jee~ jaléng' i dsea` teáng- do niquiéng` jaang` dseañu` i nilíng' jmohuî e yaaiñ`. ³ Jo mi~ cangáng- Jesús i dsea` dsée- do, dsifí lajob cajmingi-r` jaléng' i dsea` neáng` do jo casí- reiñ`:

—¿Su cuóøng` e nijmi'leáan`n jaang` dsea` dsée- lajee` jmî~ e jmi'ing'naa' ofa' ja` cuóøng` é?

⁴ Dsu' tiib- cajé jaléng' i dsea` do, jíi~ camí^ júu^ ja` ee` cañíir`. Jo dsifí lajob catíng- Jesús i dsea` dsée- do, jo ca'láam`-biñ` do lajíi~ e jmohuî e lamí` líiñ`. Joba' caqui- Jesús ta` e cangám- biñ` do. ⁵ Jogui dsifí ladob casí- Jesús jaléng' i dsea` i teáng- do jo cajíiñ`:

—¿Já` já-? jíi~ jaang` 'nú' ja` niseáang`na' jóo`na' osi jó` núu^ qui- na' song calíng`na' e catóin` osi catóng`ne' fí coo` dsíi` íi` lajee` jmî~ e jmi'ing'naa'.

⁶ Dsu' caléb`tu jíi~ jaang` i dsea` do ja` ee` cañíir` jíi~ camí^ júu^ quiá- Jesús.

Jaléng' dsea` mîng` quiá- dsea` cung' guó`

⁷ Jo lajee` jo cajíng- i dsea` fii~ jaléng' dsea` Israel i líng' dsea` fariseo do e nigüea` dsea` e nidó-r`, jo jalém` i dsea` do cagui-r` lí~ niing-gui nigüear`. Jo mi~ cangá- Jesús e cajmee` jaléng' i dsea` do lado, joba' ca'e`reiñ` e júu^ la jo cajíiñ`:

⁸ —Mi~ jaang` dsea` i cung' guó` tó-r` 'nu` fí quiá-r`, jo mi~ niguie' quiá- i dsea` í, ja` jmee- fa' ningüin` e niní^ lí~ niing-gui, co' jialfa' cagüé- jaang` dsea` mîng` i niing-gui laco' 'nu` fí quiá- i dsea` do. ⁹ Jo song 'nu` nigüiin` lí~ niing-gui, joba' i dsea` cató- 'nu` do 'né- nisí-r` 'nu` e nijéen` lí~ nigüiin` do, jo nigüea` i dsea` jaang` do, jo job lí~ nicá` 'nu` fí-i' mi~ nijéen` e lí~ nigüiin` do, jo nigüiní` cartí cøøng`gui fí lí~ neáng` dsea` i ja` niing`. ¹⁰ Dsu' mi~ tó- i dsea` do 'nu` fí lí~ née` júu^, 'né- niní^ cartí cøøng`gui lí~ neáng` dsea` i ja` niing- mi~ niguie' quiá- i dsea` í. Joba' mi~ niníiñ` 'nu`, nitó-r` 'nu` jo nijíiñ`-: “Fí la ngüing~, co' fí lab lí~ gua` dsea` i niing-gui.” Joba' niní^ lí~ niing-gui jee~ jaléng' dsea` i mîng` i nineáng` quiá-r` do. ¹¹ Dsuo' jaléng' dsea` i jmicóøng` yaang` jee~ jaléng' dsea` rúng', íbing' i nicá` fí-i', jo jaléng' dsea` i ja` jmicóøng` yaang` jíi~ capí^, íbing' i niing-gui lajee` lajaléng' dsea` jmigüi.

¹² Jogui casí- Jesús i dsea` i cató- quiá-r` do jo cajíiñ`:

—Mi~ jmoo' 'nu` jmî~ jo iin` nihéen` jaléng' dsea`, ja` 'né- nitó^ jaléng' i cuíin' o'gui jaléng' rún' o'gui jaléng' i sea` cuu-. Dsuo' song cajmee- lajo, joba' lajob nitó-tu jaléng' i dsea` do 'nu` mi~ nijmér- jmî~ lajaang` lajaaiñ` fí quiá-r`. ¹³ Co' guiá-gui e mi~ nijmée^ 'nu` jmî~, nitó^ jaléng' dsea` i ja` cuíin' jogui jaléng' dsea` tíñing- cóo- jaléng' dsea` i ja` lí ngí- cóo- jaléng' dsea` bøøng` jogui jaléng' dsea` tiuung-. ¹⁴ Jo joguiba' dsíng- nilí'iaang` o' jóng dsuo' ja` lí niqui^ jaléng' i dsea` do táa` quií- fa' nicuó-r` 'nu` laco' cacuóø-r` re. Jo dsu' Fidiée` dsea` guíng` ñiff-, íb` dsea` i nicuó- 'nu` mi~ nigüieé` oor` e nijí-tu calé` catú- jaléng' dsea` i nisigüiung` fí quini` Fidiée`.

Mi~ jaang` dsea` cahéiñ` fîng` dsea` fí quiá-r`

¹⁵ Jo mi~ canúu- jaléng' i dsea` do jalé` júu^ quiá- Jesús, jaang` i dsea` la'ó` neaaiñ` gø-r` do cajíiñ` casí-r` Jesús:

—Juguiá- o' quiá- jaléng' i nitíng- nidó- colíng- cóo- Fidiée` fí ñiff- mi` nití- oor` quiá-r`.

16 J_oba' casí' gui Jesús jaléng' i dsea` do j_o cajíñ' :

—Coo` née' caguia' jaang` dseañu' guiá' e nidó' fíng' dsea` i máng' fí quiá'r'. 17 J_o mi` catí oor` e nidó'r-, j_o casíñ' jaléng' dsea` léeng' quiá'r` e cangotéer` jaléng' i dsea` nisimáng' do. J_o mi` caguié` i dsea` léeng' do fí quiá' lajaang` lajaang` i dsea` nisimáng' do, j_o casí'-reíñ': “Güiling` na' lajminá-, co' dob nigüijee` fí'i e nicó'na' colíng` cóo'r.” 18 J_o dsu' jii` jaang` i dsea` do j_o cali'iiñ` fa' cangoliiñ`. J_o i la'uii` do cajíñ': “Sí'go fíi' güijmée`gor féng' dsír' e ja` nilí` nii`i, co' nabi nicalá'a coo` jmaang` uó', j_o j_obi` né` nijóó` lajminá-.” 19 J_o jaang`gui cajíng': “Sí'go fíi' güijmée`gor féng' dsír' e ja` nilí` nii`i, co' nabi nicalón` n`ñiá` jming` güitá` quié`e, j_o íbi` né` nimoo` o jial jí're.” 20 J_ogui jaang`gui cajíng': “Güisí'go fíi' e ja` nilí` nii`i, co' la güeam`-bí e ngocúun`n guóo`, j_o güijmée`gor féng' dsír' uii` quié`e.” 21 J_o mi` caguiéng' i dsea` léeng' do fí lí` guing` fiir` e cangocóor` júu` e jii` jaang` i dsea` do ja` nilí` guiliiñ-, j_oba' dsíng' caliguiing` i fiir` do mi` canúur` laj_o, j_o caquiur` ta` i dsea` léeng' do quiá'r` j_o casí'-reíñ': “Gua` güingí` lajminá` lacaang` jee` 'núu', j_o güite' jaléng' dsea` tiñing` cóo` jaléng' dsea` i ja` lí` ngí` cóo` jaléng' dsea` tiuung` cóo` jaléng' dsea` bóong`, j_o güijaliiñ` e nidó'r` fí quié`e.” 22 J_o cangób` i dsea` léeng' do cangojmée` laco' ta` caquiur` fiir`. J_o malii`gui laj_o caguiém`-tur fí lí` guing` fiir` j_o casí'-reíñ' do lala: “Nicanotée`baa jaléng' i dsea` i café' do 'mí-, j_o nab nineaaiñ` lana, dsu' j_obi` lí` nigüeá'gui dsea’.” 23 J_oba' cajíng' i fiir` do j_o casí'-reíñ': “Gua` güingí`gui la'ung` lacaang` lí` ja` mí` caguié'`, j_o güite'gui jaléng' dsea`, j_o güijaliiñ` líng` güiróong` sinúu` quié`e. 24 Dsucó' jii` jaang` i dsea` i catóó` la'uii` do j_o nidó'r` jii` capi' fí quié`e.”

'Né` í` dsí' dsea` røø` song iñ` nijmicuíñ` Dsea` Jmaang`

25 J_o mi` cangí j_o, dsíng' fíng' jaléng' dsea` ngoliiñ` fí lí` ngóo` Jesús. J_oba' cajér` j_o casí'r` jaléng' i dsea` do j_o cajíñ' :

26 —Song` i` iing` ni'uíng` dsea` quié`e, 'né` nili'ing`guir` jnea` laco'gui tiquiá'r` osi niquiá'r` osi jaléng' rúíñ` osi dseamí` quiá'r` osi dseañu' quiá'r` é osi jaléng' j_oor`, j_ogui`né` nili'ing`guir` jnea` laco'gui`ñia'r` cajo. 27 J_o song` i` dsea` i ja` niseáng' lafa' crúu` quiá'r` e laco' cuó' lí` e guiá' dsír' e nidsingíñ` e huáng` uí' e líiñ` dsea` quié`e j_ogui` ja` ningír` cóo` jnea`, j_oba' i dsea` í` ja` quí' jmi` e niliiñ` dsea` quié`e. 28 Fa' jaang` 'nú' iing`na' nijmée`na' coo` 'núu', 'né` nijmée`na' cuante quií`na' su seab` cuu` quiá' e ninaang`na' e nijmée`na' e 'núu` do car` nité'. 29 Dsucó' fa' lí' canaang` e lí' e 'núu` do laj_o e ja` mí` calí` cuante røø` jial tí' cuu` nili`né-, j_o jialfa' ja` cató', j_o dsíng' ningíng` dsea` i dsea` fí' e 'núu` e gui'ná' lí' do 30 j_o nijíñ': “I dseañu' do nicajmicaiñ` e cajme'r` 'nur` ofa' nisea` cuu` e nijmité'r` car` ca'ieeng’.” 31 Osi jaang` dseata` iñ` nijmér` má' cóo` jaang`gui dseata` i jiénng', j_oba' 'né` ní'í` dsír' su niquí' jmi` e nitíñ` cóo` i dseata` do song` i dseata` í` jéeiñ` tú` 'lé'gui dsea` laco'gui`ñia'r`. 32 J_o song` calilí` i dseata` do e ja` niquí' dsea` quiá'r` jmi` e nitíñ` cóo` i fíng'gui do, j_oba' 'né` nisíñ` dsea` quiá'r` e nidsimiñ` do jmi`ee` e j_o nitíñ` cóo` i dseata` i jaang`gui do. 33 J_o laj_o lí', doñí` i` 'nú' i ja` ni'náng` ca' lajalé' e lí` dsír' e sea` fí` jmi`güí` la, j_oba' ja` quí' jmi` jóng` e niliiñ` dsea` quié`e.

Jial mi` j_o dseeng`ñi`

(Mt. 5:13; Mr. 9:50)

34-35 J_o cajíng' gui Jesús casí'r` jaléng' i dsea` do lala:

–Dsíng' íng' ta' jalé' ñi~, jò dsu' song ca'íng' lajii' e ñii' do, jòba' jò' ee' ta' íng' jíi' coo' jóng, jò lico' nibíb' dsea', dsuco' ja' m'í' sea' quíá' fa' e niliñi' tu. Jòba' fñi' i' 'nú' e ii' 'nú' sea' loguá' na', náu' na' jalé' júu' quíe' e.

15

Mi' ca'e' Jesús júu' quíá' jaang' jo'se' i' si'íng'
(Mt. 18:10-14)

¹ Jò ie' jò dsíng' fñing' jaléng' nodsicuu' quíá' Roma cóo' gui jaléng' dsea' i' sea' júu' e dsíng' røøiñ' dsee' ngoliñ' fí' lí' sing' Jesús e núur' jalé' júu' quíá' dsea' do. ² Jò mi' cangá' jaléng' dsea' Israel i' líng' dsea' fariseo cóo' gui jaléng' tifa' quíá' júu' quiu' ta' quíá'r' e ngolíng' jaléng' i' dsea' do fí' lí' sing' Jesús, jòba' canaañ' do éeiñ' Jesús jò fé'r':

–I' dseañu' na' colim' ngir' jogui gø'r' cóo' jaléng' dsea' sea' júu' e dsíng' røøiñ' dsee'.

³ Jò mi' canúu' Jesús e fé' jaléng' i' dsea' do lado, jòba' ca'e' reiñ' júu' já' e lafa' júu' cuento jò cajíñ':

⁴ –Facó' jaang' 'nú' aang' na' cien jo'se', jò calingüing' na' cango'íng' jaang' lajee' taang' na' e móo' na're', 'né' nitiúung' tea' i' caguaang' gui do lajee' nigüi' néng' na' i' cango'íng' do cartí' niguiéng' na're'. ⁵ Jò mi' niguiéng' na're', dsíng' nili' íang' óo' na' jò nitøø' na're' e dsíng' ne' yú' 'ná' na'. ⁶ Jò mi' niguilíng' na' fí' quí' na', niseáang' na' jaléng' dsea' cúing' na' jò nifí' na'r: “Lana nijmi' íang' dsi' naa', co' cadsém' baa jaang' jo'se' quíe' e i' calingüin' n cango'íng'.” ⁷ Jò laco' li' íang' óo' 'nú' mi' dséng' na' jaang' jo'se' i' dsí' íng' quí' na', jòba' lajòb' li' íang' dsí' Fidié' coling' cóo' jaléng' i' neáang' fí' ñifí' quíá'r' mi' caqu' jíng' 'ña' jaang' dsea' i' calilí' e líiñ' dsea' dsee' dsea' quí' fí' quini' laco' gui noventa y nueve dsea' i' líng' e ja' líiñ' lajò fí' quini' Fidié'.

Mi' ca'e' Jesús júu' quíá' coo' cuu' e si'íng'

⁸ Jòba' cajíng' gui Jesús casí'r' jaléng' i' dsea' do:

–Fa' jaang' dseam' i' óo' guí' cuné', jò calingüiñ' e cango'íng' coo' e cuu' do fí' dsí' sinúu' quíá'r'. Jòba' dsifib' nijmijneár' coo' jì' jò ni'ír' niqúiaañ' røø' la'úng' e sinúu' do, jò ni' nó'r' e cuu' do car' niguié'r'. ⁹ Jò mi' niguié'r' e cuu' do, jò nitøø'r' jaléng' dsea' i' cuiñ' jò nisí' reiñ': “Lana nijmi' íang' dsi' naa', co' cadsé' baa coo' cuné' quíe' e e calingüin' n cango'íng'.” ¹⁰ Jò laco' li' íang' dsí' jaang' dsea' i' dsé' cuu' quíá', jòba' lajòb' li' íang' dsí' jaléng' ángeles quíá' Fidié' mi' caqu' jíng' 'ña' jaang' dsea' i' calilí' e líiñ' dsea' dsee' dsea' quí' fí' quini' Fidié'.

Mi' ca'e' Jesús quíá' jaang' dseañu' i' ca'íng' dsee' quíá' jaang' jòor'

¹¹ Jò mi' calí' jò, jò ca'e' gui Jesús jaléng' i' dsea' do coo' gui júu' já' e lafa' júu' cuento jò cajíñ':

–Coo' née' caliséng' jaang' dseañu', jò caliséng' gáng' jòor' dseañu'. ¹² Jò i' jiuung' gui do coo' née' casí'r' tiquiá'r' jò cajíñ': “Teaa~, mi' nijúung' 'nu', 'né' nilí' jmá' jiu røø' jalé' e sea' quí' lana. Jòba' fñi' i' 'nu' fa' jmée' ba' jmá' jiu jalé' e jò na' la seeng' gui.” Jò dsifí' lajòb' cacuø' i' tiquiá'r' do lajii' e catíiñ' do. ¹³ Jò mi' cangá' tú' 'ni' jmí' lajò, ca' náb' i' siming' do jalé' e nicangüiñ' cacuø' tiquiá'r', jò cóo' jalé' e cuu' e calí'r' do cagüi' bre góor' jò cangór' fí' lí' huí' eáang', jò fí' jòb' ca'íñ' jalé' e cuu' quíá'r' do, jò cajmirøng' dsee' 'ña'r' cóo' jalé' e 'li' e sea' fí' jmigü'. ¹⁴ Jò dsu' mi' cangá' e cadseá'r' jalé' e cuu' quíá'r' do, lajee' jòb' cali'øng' jalé' e gø' dsea' e fí' lí' táaiñ' do, jò coo' mi' cangir' e jò' ee' sea' dør'. ¹⁵ Jò joguiba' cajméer' quijí' ta' nijmér' cóo' jaang' dseañu' i' seeng' e fí' lí' táaiñ' do, jò cangüiñ' coo' ta' e jmóor' í' cú'. ¹⁶ Jò dsíng' lí' dsí'r'

fa' nidó' b'ijuar jalé' e gø' i cú^ do lacoó` jmi~, co' ja` ee` 'ga' lí` ngüiñ` e nidó'r` 'ñia'r'. ¹⁷ Jo lajee` jo dsíng' cajo' dsíir' quiá' jalé' e cajméer` lamí` jéeng` gui do jo ca'f dsíir': "ja` ñí` jøng` gui dsea` jmóo` ta` quiá' tiquié` e jo seab` e gø'r` lalíng` lana, jo dsu' jnea` lab táan` nijúun` n oo`! ¹⁸ Joba' ním` túu` fí` góo` jo ni'ném` túu` tiquié` e jo nifí` ire: Teaa~, dsíng' nicajmíróøng` dsee` 'ñia` a fí` quini` Fidié` jogui fí` quini` cajo. ¹⁹ Jo lana gán` n e iin` n nijméé` e ta` lafa' jaang` dsea` 'léeng` qui` ba', jo jo` jmée` cuente e jóo` jnea~." ²⁰ Jo mi` cangf` e ca'f dsíir' lado, dsifí` lajob cangáng` tur fí` góor`, jo cango` néeng` tur tiquiá'r`.

'Jo jaquiém` niguieñ` quiá'r` mi` tí` lí` cangá` tiquiá'r` e ningaiñ'. Jo dsíng' calí` fí` líng` i dseañu` do i jóor` do, jo e cuí` bre cangojmijíng` neiñ' jo carøøng` rúñ'. ²¹ Joba' cajíng' i simíng' do casí'r` tiquiá'r': "Teaa~, dsíng' nica'lee` e fí` quini` Fidié` jogui nica'lee` baa fí` quini` cajo, jo jo` jmée` cuente e jóo` jnea~." ²² Dsu' i tiquiá'r` do dsifí` lajob caquiur` ta` dsea` 'léeng` i néé` ní` sinúu` quiá'r` jo casí` reiñ': "Güiquie` du' 'mi' e jlo` gui lajee` lajalé` e sea` jo niquí' i jóo` la, jogui güiquie` na' coo` ñí` iu` niguoo` jo ñicuøø` na'r, jogui cuøø` na'r caneáang` miloo` e 'mí` e ni'ó'r'. ²³ Jogui güitee` na' jaang` güitá` jiuung` i ni'úung` gui lajee` lajaléng` ne', jo nijngáang` na're' jo nilíng` ne' jmiñi'. ¡Ná nijmó` oo' coo` jmi~ jo ni` né` niquiee` naa' lajalé` naa'! ²⁴ Dsuco' i jóo` la huíib` eáang` nicanóor` jogui huøøb` eáang` nicango` iñ'; jo lajee` jo ca'f dsii` e nicajúm` bre, jo lana lín` n e lafa' nicají` tur e nisiñ' la." Jo lajalém' i dsea` do canaaiñ` guiar` guiá` e cajmeáñ` jmi~ i simíng' i caguiéng` do.

²⁵ 'Jo lajee` jo dob nitáang` i rúñ' dsea` féng' do fí` lí` jmóor` ta` quiá' tiquiá'r`. Jo mi` cangoquiéñ` fí` quiá'r` mi` tí` lí` canuu, jo canúur` e ií` lúu` jo ninaang` e néé` tadséeng` fí` quiá'r`. ²⁶ Jo mi` caguiéñ` quiá' o`nú` quiá'r`, job síng' jaang` dsea` 'léeng`, jo cajmíng' i dsea` do jo casí` reiñ': "¿E` gui` jmoo` na' teáang` na' na?" ²⁷ Joba' cañi` i dsea` 'léeng` do jo cajíñ': "Mí` cagüeang` i simíng' rún' i tá` cangongí` do. Joba' dsíng' cali` iáang` dsíi` tiquiá', jo caquiur` ta` e cajúng` jaang` güitá` jiuung` i niguang` gui lajee` lajaléng` i seeng` quií', joba' jmóor` jmi~ lana." ²⁸ Jo dsu' mi` canúu` i simíng' do lado sóong` caliguiñ`, jo jo` cali` iñ` fa' ca'í` guir e sinúu` lí` néé` jmi~ do. Jo mi` calilí` tiquiá'r` e táang` i jóor` do caluu`, dsifí` lajob cagüí` iñ' jo caguitee` reiñ'. ²⁹ Joba' cajíng' i simíng' do casí'r` tiquiá'r': "Contøøm` nicajmé` e ta` quií` jo jii` coo` néé` ja` mí` cajmé` e fa' e ja` núu` u jalé` ta` quiá', dsu' jii` coo` néé` ja` mí` cajmeáan` jnea` jmi~, o`gui` mí` cacuøøñ` jnea` fa' jaam` jo` chí` quií` e laco' nijmeáang` 'ñia` a jmi~ coo` jaléng` dsea` cuíñ`. ³⁰ Jo dsu' lanagui e nicagüeang` tu` i rún` na, dsea` nica' iñ` jalé` cuu` quií` coo` jalé` e 'lí` e sea` fí` jmígüi, jo 'nu` nicajngang` jaang` güitá` jiuung` i niguoo` gui lajee` lajaléng` i seeng` qui` ii'."

³¹ 'Joba' cañi` tiquiá'r` jo casí` reiñ': "Yuu` qui` ii', contøøm` guíng` 'nu` coo` jnea~, jo jalé` e sea` quié` e e quií` ba' cajo. ³² Jo dsu' lana e nicagüeang` i rún` na dsí` í` e nijmeáang` naa'r jmi~ jo nijmi` iáang` dsí` naa' jalé` naa'. Co' huøøb` nicango` iñ', jo lajee` jo nica'f dsí` naa' e nicajúm` bre; jo dsu' lanagui e nicagüeang` tur, lí` e lafa' nicajíb` tur."

16

Mí` ca'e` Jesús quiá' jaang` dsea` 'léeng` i ja` cajméé` ta` røø` quiá' fir`

¹ Jo mi` cangf` jo, jo ca'e` gui Jesús jaléng` dsea` i núu` jalé` júu` quiá'r` coo` gui júu` já` e lafa' júu` cuento jo casí` reiñ':

–Coo` néé` caliséng` jaang` dseañu` i sea` cuu`, jo seeng` jaang` dseañu` i jmóo` ta` contøøng` quiá'r` i néé` ní` jalé` e sea` quiá'r`. Jo coo` jmi~ caguiñ' dsee` quiá' i dsea` 'léeng` do e lí` nicadseá'r` nica' iñ` lajo jalé` e sea` quiá'r`

fuir. ² Jo dsifí lajob cató̄ i dsea` sea` cuu` do cató̄r i dsea` léeng` quiá'r do jo casí`-reiñ: “¿Su jáb` jalé` dsee` e nicajméé` jaléng` dsea` uii` quiá`? Lana nijáa` jnea` cuente quiá`- jalé` e sea` quié`-e, co' latí lanab jo` nijméé` ta` cóo` jnea` co' jo` 'neán` n` 'nu`.” ³ Jo mi` cangí jo, mi` caguiéng` i dsea` léeng` do fi` quiá'r, jo canaaiñ` í dsír: “¿E`gui nijmee` e náng? Ná la catúun` e jo` ee` ta` cuø` dsea` jnea`. Dsíngr` fín`-n nijmee` e ta` jenuu`, jogui dsíngr` i` lín`-n nimí` cuu` fi` jee` 'núu`. ⁴ Dsu` nica`óm` dsii` e` nijmee` e laco' niliseeng` dsea` i niliguiúng` cóo` jnea` mi` níngí e jo` ta` sea` jmee` e.” ⁵ Joba' canaaiñ` tó'r` lajaang` lajaang` i nirøng` quiá`- fiir. Jo mi` caguié`- la'uii` i dsea` i nirøng` do jo cajmingí`-reiñ: “¿Jial tí` røng` 'nu` quiá`- fií?” ⁶ Joba' cañí` i dsea` do: “Cien sít` e a` aceite røon` quiá'r-.” Jo dsifí lajob cajíng` i dsea` léeng` do casí`r i dsea` do: “Lab róo` jì lí` táan` e røon`. Téé` lana e røon` jii` cincuenta sít.” ⁷ Jo mi` cangí lajo, cajmingí`r` jaang`gui i dsea` i røng` do jo casí`-reiñ: “Jogui 'nu` ¿jial tí` røon`?” Joba' cañí` i dsea` do: “Cien cuéé` micui`iee.” Joba' casí` i dsea` do jo cajíñ: “Lab róo` jì lí` táan` e røon`, jo téé` e røon` jii` ochenta.” ⁸ Joba' calilí` i fií` quiá` i dsea` léeng` do e ja` ca`éeiñ` do røø` cóo` ta` quiá'r, jo lifa` eáam`bre lí`r` cóo` jalé` e cajméer` do. Jo lajob lí` cajo cóo` jaléng` i dsea` i ja` cúing` Fidiéé`, eáang`gui lí`r` jmóor` jalé` e jmigøoiñ` dsea` rúíñ` laco'gui i dsea` i nilíng` dsea` quiá`- Fidiéé`.

⁹ Joba' liúun`-n` 'nú` e jméaang`-na` ta` jalé` e sea` e fi` jmigüi` lí` seeng` dsea` dsee` dsea` quié` e laco' nilí`-na` jaléng` dsea` i niliseeng` guiá` cóo` 'nú`. Jo lajoba' mi` niguiá` jalé` e sea` quié`-na` fi` jmigüi`, niliseem`bing` i nilíng` 'nú` mi` nití` fi` fií` cóo` jóng.

¹⁰ Jo ii` i ca`ée` jmang`- e guiá` cóo` capí` e sea` quiá'r, joba' lajob niér` mi` nisea` jmiguiá` quiá'r` cajo. Jo ii` i ja` jmóo` e guiá` cóo` capí` e sea` quiá'r, joba' lajob ja` jmér` e guiá` fa' jialgui la jmiguiá` e sea` quiá'r. ¹¹ Jo song ja` jmoo`-na` e guiá` cóo` jalé` e sea` quié`-na` fi` jmigüi` lí` seeng` dsea` dsee` dsea` quié`, joba' lajob ja` nicuø`- Fidiéé` 'nú` lajii` e catíng`-na', dsea` líng`-na` dsea` quiá'r. ¹² Jo song ja` ee`-na` røø` cóo` jalé` e sea` quiá`- dsea` jiéng`, joba' ¿i` i nicuø`- 'nú` jalé` e catíng`-na` do jóng?

¹³ Jo cajíng`-gui Jesús e júu` la:

—Jii` jaang` dsea` léeng` ja` quí`- jmí` fa' nijmér` ta` fi` quini` gáng` fiir` colíng`, dsuco' song cajméer` lajo, joba' nilí` 'ní` níim`-bre jaang` jogui nijmití`-bre ta` e niquiá` i jaang`gui do. Jo co' lajob lí', joba' ja` quí`- jmí` fa' e nijmití`-na` jalé` ta` quiá` Fidiéé` jogui e nijmití`-na` cajo jalé` ta` seáng` jmiguiá` cuu` fi` jmigüi`.

¹⁴ Jo mi` canúu` jaléng` dsea` Israel i líng` dsea` fariseo e cajíng`- Jesús jalé` e júu` na, joba' dsifí lajob canaaiñ` e lóoiñ` dsea` do, co' eáam` lí` dsíñ` jalé` cuu` quiá'r. ¹⁵ Jo lalab cajíng`- Jesús casí`r` jaléng` i dsea` do:

—'Nú`bing` i tí` dsí` i ngí` jmijløng`- yaang` e ee`-na` røø` fi` quini` jaléng` dsea` jmigüi`, jo dsu` Fidiéé` dsea` guing`- nífi`-niñí`-bre guiá` jial líng`-na` lajaang` lajaang`-na'. Jo jalé` e jmí`gó` dsea` eáang` fi` jmigüi` la, dseáng`- 'ní` níim` Fidiéé` jalé` e jo.

Eáam` níng`- jalé` júu` quiá` ta` quiá`- Moi`

¹⁶ Jo mi` cangí e cajíng`- Jesús lajo, jo casí`-guir jaléng` i dsea` do jo cajíñ: -

—Mi` cajá`- Juan i seáang` dsea` jmí`, lajii` júu` quiá` ta` quiá`- Moi`-ba` mi` sea` cóo`-gui jalé` júu` e café` i dsea` i café` cuaiñ` quiá`- Fidiéé` malí`-gui eáang`. Jo latí` ie` job` jáa` e guia` dsea` júu` quiá`- Fidiéé` quiá`- jial líng`- dsea` do dsee` quiá`- dsea` jmigüi` jogui jial iñ` nicár` nifí` quiá`- lajaang` lajaang` dsea`. Jo latí` ie` job` cuø` bí` yaang` dsea` e nitíñ`- fi` quini` Fidiéé`.

17 'Jo eáang'gui ja` huíng' e ni'íng- guóo' uó- jmigüü e laco'gui ja` niliti~ fa' camí' júu^ quiá' ta~ quiá'- Moi~.

Mi~ ca'e' Jesús e ja' cuóong' e nitiúung- rúng' dsea' i nisicúng' guó'
(Mt. 19:1-12; Mr. 10:1-12)

18 Jo mi~ cangí e cajíng'- Jesús lajo, jo casí'- guir jaléng' i dsea` do jo cajíñ'- lala:

—Song jaang` dseañu' catiúuiñ- dseamí quiá'r- jo nicúng'tur guóor` cóo' jaang'gui dseamí i jíéng', joba' 'léé'bre jóng' fí' quini~ Fidiéé', co' dseeb- éer'. Joguí i dseañu' i cúng' guoo' cóo' jaang` dseamí i catiúung- dseañu' quiá', joba' 'léé'bre cajo, co' dseeb- éer' fí' quini~ Fidiéé'.

Jaang` dseañu' i sea` cuu- cóo' jaang` dseañu' i tiñíng-

19 Jo mi~ cangí e cajíng'- Jesús jalé' e júu^ na, jo casí'- guir jaléng' i dsea` do jo cajíñ'-:

—Coo' néé' caliséng` jaang` dseañu' i sea` cuu- eáang', jo dsíng' jlo' jalé' sí'r^ e quier', jogui lacoó' jmíib~ jmáng' jmíi' 'ñia'r'. 20 Joguí cajo seeng` jaang` dseañu' dsea` dsée' i sií' Lázaro i tiñíng- eáang' i líng' 'mi' latóong-. Jo lacoó' jmíi' gua' i dsea` dsée' do fí' o'ná^ quiá'- i dsea` sea` cuu- do 21 e güijer' fa' niñiñ` nidó'r- jalé' e sojiú' 'ni' mes~ quiá'- i dsea` sea` cuu- do lajee' guiiñ' e gó'r'; jo jiguí jaléng' dsii' dsilíng-ne' e 'lu're' lacaang` lí' lí' 'mi' quiá'- i dsea` dsée' do. 22 Jo cóo' mi~ caguié- jmíi' e cajúm- i dsea` dsée' do, jo casíng' Fidiéé' jaléng' ángeles quiá'r- jo cató' reiñ' do fí' lí' guing' Abraham fí' ñifí-. Jo jo huóó- ngó- mi~ cajúng- Lázaro jo cajúm- i dsea` sea` cuu- do cajo. Jo jaléng' dsea` ruiñ' cangojéeng'neiñ' do fí' codsií' jo ca'áam-breiñ' do.

23 'Jo mi~ cajné- dsí' i dsea` sea` cuu- do fí' jmigüü cóo', joba' fí' lí' 'lib' ni'iuuiñ- jóng, jo nicár- jalé' iihuí'. Jo lajee' jo caséer' nir~ fí' yá' jo cangáiñ- Abraham cóo' Lázaro e neáaiñ' do colíng' fí' ñifí-. 24 Joba' canaang' i dsea` sea` cuu- do áiñ' i dsea` do jo casí'-reiñ': "Tea~ Abraham, fíi- güilín' jnea~ jo síng'go Lázaro fa' nicuó'r- jnea~ capí' jmíi', co' nili'lea' nisi'i, co' dsíng'- quiee- iihuí' e fí' ni' jí' la." 25 Joba' cañií' Abraham quiá'- i dsea` sea` cuu- do jo casí'-reiñ': "Jóo'o, téé' o', eáam' juguiá- cateaang~ 'nu' fí' jmigüü, jogui Lázaro eáam' cangár- iihuí' lajee' jo. Jo lanaguiba' niní' Lázaro juguiá-, dsu' 'nu' nabí' nicatí' i' e nimó'^ jalé' iihuí'. 26 Joguí jíi' jaang` jneaa'aa' ja' cuóong' ngíng-naa' lacataang` cataang', co' cóo' 'ni' e a' eáam' lí' jee' laco' teáang'-na' jogui laco' néé' jnea', jo ja' cuóong' fa' i dsea` neáang' la ningíñ' fí' na' o'gui i dsea` teáang'-na' cuóong' jalíñ' fí' la."

27-28 'Joba' cañií' i dsea` sea` cuu- do quiá'- Abraham jo casí'-reiñ': "Su ja' jiéé' o', Tea~ Abraham, fa' niguiéen~ Lázaro fí' jmigüü fí' lí' neáang' 'ñíng- rún'n dsea` ngáang' cóo' o' e nidsijméé'-reiñ' júu^ jial niteáiñ- fí' jmigüü, jo lajoba' nitíñ' fí' lí' guíá' mi~ nijúuiñ-, jo ja' nijalíñ' fí' lí' iuun- lana e quiee- jalé' iihuí'." 29 Joba' cañií' Abraham quiá'- i dsea` sea` cuu- do jo casí'-reiñ': "Dob sea` jalé' jí' lí' fé' jalé' júu^ quiá'- Moi~ cóo'gui jalé' júu^ quiá'- jaléng' dsea' i café' cuaiñ' quiá'- Fidiéé' malíi'gui eáang', jo güijmitir~ jalé' e jo." 30 Jo cañií'tu i dsea` sea` cuu- do jo casí'r- Abraham: "Lajob lí', Tea~ Abraham. Dsu' eáang'gui ja' huíng' niquí'- nijíng' yaaiñ- fí' quini~ Fidiéé' fíng' song caguiéng'- jaang' 'lí' jo niguiár- júu^ e~ jalé' iihuí' e cá' dsea' fí' la." 31 Joba' cañií'tu Abraham quiá'- i dsea` sea` cuu- do jo casí'-reiñ': "Song ja' jí'r' o'gui já'- líiñ' jalé' júu^ quiá'- Moi~ cóo'gui jalé' júu^ quiá'- jaléng' dsea' i café' cuaiñ' quiá'- Fidiéé' malí'gui eáang', joba' lajob ja' nilijí'r' o'gui já'- nilíñ' cajo nañi' fa' jaang' 'lí' nijí'r' jo niguiéng'tur fí' jmigüü calé' catú-."

17

Jial dseáang' e nijiúng' dsea' fí' ni' dsee-
(Mt. 18:6-7, 21-22; Mr. 9:42)

¹ Coò' née'~ cajíng'~ Jesús casí'r~ jaléng' dsea' quiá'r~:

—Contøøm~ nilisea' jalé' e sea' fí' jmi'güf' e nijmé~ e nijiúng' dsea' fí' ni' dsee~, jo dsu' e ngi' fíi'~ i dsea' i nijmé~ e niténg' jaang'gui dsea' rúin' fí' ni' dsee~. ² Jo i dsea' i nijmé~ lajo, guiá~gui ni'uúing~ quiá'r~ e ni'nú' dsea' fí' moluur' coò' cuu' fé' jo nidsibíin' fí' é' jmi'ní' e laco'gui e nijmér~ e niténg' fí' ni' dsee~ jaang' dsea' i ja' mí' ngóo' eáang' já' lúng' júu' quié~e. ³ Joba' dsíng'~ 'né~ ñiing' óo'na' cóo'~ jalé' e jmoo'na'. Jo song jaang' dsea' rúng'na' ca'ée'r' dsee~, joba' síi'na'r e ja' dseeng' e jmér~ lajo. Jogui song caquí'~ jíng' 'ñia'r' fí' quini' Fidiéé' uíi' e dsee~ do, joba' íng'na' dsee~ uii' quiá'r~ jóng. ⁴ Jo doñí' fa' ca'léer' quií'na' guié~ née'~ lajee' coò' jmi'~, jogui guié~ née'~ cajár~ cajasí'r' 'nu': “Íng' dsee~ uii' quié~e quiá'~ jalé' e nicajmeáan'~n 'nu', dsu' lana jo' nijmee'~guí'”, joba' 'nú' 'né' ím'ba' dsee~ uii' quiá'r~ lacoò' née'~ e jár~ jamí'r' 'nú' jmi'ee'.

Jial 'gøng' mi' já' lúng' dsea' jalé' júu' quiá'~ Fidiéé'

⁵ Jo mi' cangí' jo, cajíng'~ i dsea' guitúung' do casí'r~ Jesús:

—Jmee~ e já'~ nilíng'guí' jalé' júu' quií'~.

⁶ Joba' cañí' Jesús casí'r~ i dsea' quiá'r~ do:

—U~, fa' cóo'~ capí'ba' e já'~ lúng'na' júu' quié~e, joba' cuøøm' nifí'na' e 'ma' fé' si' la e niráang' 'ñia' catí' jmó' jo nidsisíng' 'ñia' fí' ni' jmi'ní', jo dsifí' lajob niliti' jalé' e ta' e niqui'na' do.

E' jalé' e catíng' e nijmé~ jaang' dsea' 'léeng'~

⁷ Jo mi' cangí' jo, jo cajíng'~ gui Jesús e júu' la:

—Fa' 'nú' seeng' jaang' dsea' 'léeng'~ quií'na' i jmóo' jalé' ta' caluu' cóo'~ jalé' ta' sínúu' quií'na', jo lacoò' jmi'~ mi' niniúin' ta' jí' osi ta' ní' güitá' é, ja' nitøø'na'r e ni'fí' nidó'r~ cóo'~ 'nú', ⁸ co' niqui'na're ta' jo nifí'na'r: “Guiá~ guiá~ e nidóø'ø jo ningín' fí' quini' jalé' e jo. Jo mi' ningí' joguiba' ni'u' nicø' 'nu' uø'.” ⁹ Jo mi' cató' e jmóor' jalé' e jo, ja' ngíin' gui'máang'~ quiá'~ fiir~, co' jii'~ do ta' quiá'~bre. ¹⁰ Jo lajob catíng'~ nijméé' 'nú' cajo mi' ningí' e jmití'na' jalé' ta' quiá' Fidiéé', co' 'né' fo'na': “Jii'~ dsea' 'léeng'~ lí' jnea', co' ja' caquí'~naa' jmi'~ e nijmó'naa' lí'gui, co' lico' nicajmó'naa' jii'~ laco' catím'baa'.”

Mi' cajmi'leáang' Jesús guíng' dsea' i lúng' jmohu' 'li'

¹¹ Jo mi' cangí' jo, lajee' iuung' Jesús fí' e ngóor' fí' Jerusalén, cangíin' jee' uø' lí' iáng' Samaria cóo'~ Galilea. ¹² Jo mi' cangíin' coò' 'ni' fíi', job ca'uøøng' guíng' dsea' dsée'~ i lúng' jmohu' 'li' fí' ngúu' táang'. Jo mi' cangáin' Jesús, huíib~ cajer' e áin' dsea' do ¹³ jo casí'r~:

—Tifa' Jesús, fíi' güilín' jnea' e lí'naa' lala!

¹⁴ Jo mi' canúu~ Jesús e tó' i dsea' do, dsifí' ladob casí'~ reiñ':

—Güilíng'na' güijeaang'~ yaang'na' fí' quini' jmidsea' lí' laco' ta' quiá' fí' ni' jì quiá'~ Moi'.

Jo dsifí' ladob caquíng'~ lajì guíng'~ i dsea' dsée'~ do e nijmitir~ lajii'~ ta' caquíu' Jesús. Jo lajee' teáaiñ' fí', ladob ca'láaiñ' lajii'~ jmohu' e líiñ' do. ¹⁵ Jo dsifí' mi' calilí' jaang'~ i dsea' dsée'~ do e ca'láaiñ'~, dsifí' lajob caquíng'~ tuj' fí' lí' sing' Jesús jo canaaiñ' jmiféiñ' Fidiéé' e ngocáng' dsíir'. ¹⁶ Jogui casí'r' uø' jnir' fí' quini' Jesús, jo catúuin' car' cajnúu~ nir' tí' ni' uø~, jo lajob cacuø'r' gui'máang'~ dsea' do e cajmi'leáang'~neiñ'. Jo i dseañu' do seeiñ' fí' Samaria,

dsea`i`nı́` níng` rúng` cò` dsea` Israel. ¹⁷ Jòba` cajíng`- Jesús cası́r`- i` dseañu` do:

-¿Su` o` guíng`- 'nú` tí`na` dsea` ca`láang`-na` lajı́`- jmohuí` e lamı́` líng`na`? Jò` ¿jnanng`gui` i` ñúng`-gui` do? ¹⁸ ¿Su` jı́`- 'nub` dsea` seen` fı́ Samaria dsea` cañijmiféng` Fidiéé` dsea` guíng`- ñı́fı́`?

¹⁹ Jòba` cajíng`- Jesús cası́r`- guı́r` i` dsea` do:

-Ráan`- jò` guóng` fı́ quı́`- , cò` nıca`láam`-ba` lajı́`- jmohuí` e lamı́` lın` , cò` jáb`- calın`- lajı́`- júu` quıé`-e.

Jial mi~ nijáa`tu` Dsea` Jmáang` fı́ jmgüü` la

(Mt. 24:23-28, 36-41)

²⁰ Jò` cajmıngüü`tu` dsea` Israel` i` líng` dsea` fariseo cajmıngı́r`- Jesús jò` cajı́n`-:

-¿Lı́` nináng` e nicá` Fidiéé` nıfı́` quıá`- jaléng` dsea` jmgüü`?

Jòba` cañı́` Jesús quıá`- i` dsea` do jò` cası́r`-reiñ`:

-Mı́` nináng` e jò` jee` jaléng` dsea` jmgüü` , ja` lí` la lí` cò` e cuóong` lí` jò`na` ; ²¹ o`gui` cuóong` nıjıng`- dsea` : “Lab canaang” , o`si “Dob canaang` é” ; cò` latı́` lanab` nınaang` e quıé` Fidiéé` nıfı́` jee`- 'nú` .

²² Jò`gui` canaang` Jesús sı́r` jaléng` i` dsea` quıá`r`- do jò` cajı́n`-:

-Nıguıéé` jmı́` mı́` nılı`ııng`-na` e nımáang`-guı́` jnea` , dsea` i` jáa` fı́ ñıfı́` e lın`n` jaang` dsea` jmgüü` , jò` dsu` jò` quı́`- jmı́` fa` e nımáang`-guı́` jnea` , cò` jò` seen` fı́ jmgüü` la` ie` jò` . ²³ Jò`gui` fı́ng` dsea` nıjmgı́oor` jò` nıjı́n`- : “Fı́ lab táaiñ`” , o`si : “Fı́ dob táaiñ` é” , dsu` ja` já`- güılıng`na` , o`gui` güılıng`-na` fı́ lı` nıtó`r`- 'nú` . ²⁴ Dsucò` la` jnéng` fı́ yú`^ jmgüü` mı́` jmıjnea` güı`ñıá`^ jı`re` , lajòb` nılı` mı́` nıgáa`túu` fı́ jmgüü` la` , jnea` dsea` lın`n` jaang` dsea` jmgüü` i` jáa` fı́ ñıfı́` . ²⁵ Jò` dsu` ná`-guı` e nıdsıjéé` jalé` e jò` , 'né`- nıcaa`- jalé` iıhuı́` , jò` fı́m` dsea` jmgüü` nılı` 'nı́` nııñ`- jnea` . ²⁶ Jò` lacò` calı́` mı́` cateáang` Noé fı́ jmgüü` la` malı́`-guı` eáang` , lajòb` nıjmé`- dsea` jmgüü` cajo` lajee`- ná`-guı` e nıgáa` jnea` calé`- catú`- fı́ jmgüü` , jnea` dsea` lın`n` jaang` dsea` jmgüü` i` jáa` fı́ ñıfı́` . ²⁷ Cò` ie` jò` cajmée` dsea` e jò` e guıng`- dsı́r` e jíé` , cò` lıco` guıng`- dsı́r` quıá`- jı́` e nıfı́` nıdó`-bre jò`gui` quıá`- e nıcúng`- guó` jòor` ; jò` lajòb` cajmээр` cartı́` mı́` caquıu` Fidiéé` ta` quıá`- Noé e nıı́r` cò` dsea` sınuú` quıá`r`- fı́ dsı́` e móó` e nıcajme`r` do . Jò` lajee` jò` catı́` í` e tıu` jmı́` jò` ca`á` jmı́` la`úng` fı́ jmgüü` , jò` jalém` dsea` jmgüü` cajı́n`- ie` jò` . Jò` dseáng`- jı́`- Noé cò` dsea` sınuú` quıá`-bre caláaiñ`- ie` jò` . ²⁸ Jò` lajòb` cajmée` dsea` cajo` mı́` cateáang` jaang` i` calı́sı́` Lot fı́ jmgüü` la` ; jò` ee` guıng`- dsı́r` e jíé` , cò` lıco` guıng`- dsı́r` jı́` e nıfı́` nıdó`-bre cajo` , jò`gui` e teáaiñ`- ta` 'nıı` jò`gui` ta` láa` jalé` e sea` fı́ jmgüü` , jò`gui` jmóor` ta` nıı` jalé` e sea` jò`gui` ta` jmo` jalé` 'núu` e jlo`^ cajo` . ²⁹ Jò` còob` mı́` caquıu` Fidiéé` ta` e cagüı` fı́ Lot fı́ fı́ Sodoma , jò` jmı́` jòb` cajmээр` e cajıá` jı` e quıéeng` azufre fı́ yú`^ jmgüü` , jò` lajòba` ca`ım`- congıuıá` lajaléng` i` dsea` i` neáang` fı́ fı́ Sodoma ie` jò` . ³⁰ Jò` lacò` cajmée` dsea` ie` jò` , lajòb` nıjmé`-tu` dsea` jmgüü` mı́` tı́` lı` nıjaquıéeng` e nıgáa`túu` fı́ jmgüü` la` , jnea` dsea` lın`n` jaang` dsea` jmgüü` i` jáa` fı́ ñıfı́` .

³¹ Jò` mı́` nıguıéé` e jmı́` jò` , iı` dsea` i` taang` fı́ caluu` o`si fı́ yú`^ 'núu` é , óong`-guı` quıá`r`- güıcuıı`-bre jò` ja` güıfı́` dsı́r` fa` e nıquııñ` e nıdsı`uóor`- jalé` e sea` quıá`r`- . Jò`gui` iı` dsea` i` táang` fı́ lı` jmóor` ta` quıá`r`- , óong`-guı` quıá`r`- güıcuıı`-bre jò` ja` güıfı́` dsı́r` fa` e nıdséng`- guı́r` fı́ quıá`r`- . ³² Jò` téé` óó`na` jıal` cangongııng`- dseamı́` quıá`- Lot mı́` cajóor`- jıal` sojıú` jı` jee` fı́ Sodoma . ³³ Jò` jaléng` dsea` i` líng`- e quıı`-bre jmı́` e nıleáang`- yaaiñ` , jòba` í`bing` i` nıjııung`- mı́` nıtı́` í` lajò . Jò`gui` jaléng` dsea` i` lı`^ e ja` quıı`r`- jmı́` e nıleáang`- yaaiñ` , jòba` í`bing` nıtııng` fı́ quııı` Fidiéé` mı́` nıtı́` í` lajò .

³⁴ Jòba` fı́`-ı` 'nú` lana , mı́` nıguıéé` e oor` jò` , gáang` dsea` teıñ` jmi`ıñ` fı́ nı` co`ma` ; jò` jaaiñ` do nıjér`- , jò`gui` jaang`-guı́r` nıdsııñ`- cò` dsea` jnea` fı́ ñıfı́` .

³⁵ Jo gáng- dseamî i teáng- dsí colíng-; jaaiñ- do nijér-, jogui i jaang`gui do nidséiñ- cóo- jnea-. ³⁶ Jo gáng- dseañ- taañ- colíng- e jmóor- ta- quiá-r-; jaaiñ- do nijér-, jogui i jaang`gui do nidséiñ- cóo- jnea-.

³⁷ Jo mi- canúu- jaléng- i dsea- do e cajíng- Jesús lado, joba- cajmingi-r- dsea- do lala:

—Fíi-i, ¿jie- fí- li- nidsijé- jalé- e jo, faa-aa'?

Joba- cañi- Jesús quiá- jaléng- i dsea- do jo cajíñ-:

—Jié- li- róo- ngúu- jmé-, fí- job- li- niseáng- jaléng- tujlá-.

18

Mi- ca'e- Jesús quiá- jaang`dseamî i 'nñ-

¹ Jo mi- cangí- jo, canaang- Jesús e-r- jaléng- i dsea- do cóo- júu- já- e lafa- júu- cuento, jo ca'e-reiñ- e 'né- féiñ- Fidié- contøng- e ngocáng- dsíir-, ² jo lalab casí-r-:

—Coo- née- caliséng- jaang- dsea- i quidsí- í- fí- cóo- fii-, jo i dsea- do ja- ee- jmiféiñ- Fidié- jii- capí- o'-gui jmi'gór- jaléng- dsea- rúíñ-. ³ Jo fí- job- niseeng- jaang- dseamî i 'nñ-, jo nñicajméer- mñ- cóo- jaang- dsea- góor-. Joba- i dseamî do contøm- dséer- fí- quiá- i dsea- i quidsí- í- do e dsimí-reiñ- fa- e niquidsiñ- do í- lajii- e lí- seeiñ-. ⁴ Jo huøb- jiu- cangocá- ja- ee- jmijí- i dsea- i quidsí- í- do lajii- júu- quiá- i dseamî do, jo dsu- cóo- mi- ca-í- dsíir-: “Ja- iing- jnea- jmifén- n Fidié- o'-gui jmi'gúo- jii- jaang- dsea- jmigüí-, ⁵ dsu- ná- gui e niguiá- féng- dsii- cóo- i dseamî 'nñ- la, nijmi'øm- baar e laco- jo- ningí- guir- ta- jmiguiñ- jnea- laco- jmi-.”

⁶ Jo mi- calí- e cajíng- Jesús e júu- na, jo casí-r- jaléng- i dsea- do jo cajíñ-:

—Lanab jii- lí- e cajíng- i dsea- i ja- quidsí- í- laco- catíng- do. ⁷ Jo dsu- eáang- gui jmi'øng- Fidié- jaléng- dsea- quiá-r- i féng- í- uø- jmñ-. ⁸ Co- fii- i 'nú- e ja- nijmi'ñiñ- lajii- jmi-ee- e nilimí-r-. Dsu- mi- nigáa-tu- jnea- calé- catú-, jnea- dsea- lín- n jaang- dsea- jmigüí- i jáa- fí- ñiff-, ne- duu- su niguiéng- guñ- cóo- tú- mñng- dsea- i já- líng- júu- quié- e.

Mi- ca'e- Jesús júu- quiá- jaang`dsea- fariseo cóo- jaang`nodsicuu-

⁹ Jo mi- cangí- jo, ca'e- gui Jesús cóo- gui júu- e catíng- jaléng- i dsea- i jmóo- ta- jmicøng- yaang- jogui e gøøm- níiñ- dsea- caguaang-, jo lalab casí-r- i dsea- í-:

¹⁰ —Coo- née- cangolíng- gáng- dseañ- e cangoféiñ- Fidié- fí- guá-: jo jaaiñ- do líiñ- dsea- Israel i líng- dsea- fariseo, jo i jaang- do jmóor- ta- mí- cuu- e catíng- dseata- seeng- fí- Roma. ¹¹ Jo laco- sim- i dsea- Israel i líng- dsea- fariseo do mi- canaañ- fé-r- fa- quiá-r- jo cajíñ- lala: “Fidié- qui-ii-, gui-máam- ba- leáang- co- ja- líng- jnea- laco- líng- dsea- caguaang-; co- seeng- dsea- i jmóo- ñ- jogui seeng- dsea- i soo- dsí- jogui seeng- dsea- i ngí- leé- e güñiñ- cóo- dseañ- osi dseamî i o- quiá-r-. Jogui ja- lín- n jii- capí- laco- líng- 'ná- nodsicuu- i sing- do. ¹² Co- jnea- jmóo- o- ayuno tú- née- laco- seaman-, jogui cuø- baa- 'nñ- lajii- e sea- jiu- quié- e laco- gui- ta- huí- fí- ni- jii- quiá- Moí-.” ¹³ Jo lajee- fé- i dsea- Israel i líng- dsea- fariseo do lado, huím- jiu- cajé- i nodsicuu- do, jo ja- cateá- dsíir- fa- caséer- nir- fí- yá-, jo lico- catú- gui- bre- jo canaañ- quiá-r- nidsíir- jo lajee- jo fé-r-: “iFíi- Fidié- dsea- guin- ñiff-, íng- dsee- uii- quié- e, co- dsea- dsee- dsea- quib- lín- n!”

¹⁴ Jo lalab cajíng- gui Jesús:

—Lala fii- i 'nú- e iáam- dsí- i nodsicuu- do mi- cangáñ- fí- quiá-r-, co- nica- íim- Fidié- dsee- quiá-r-, jo dsu- ja- ca- líng- re-r- dsee- quiá- i dsea- fariseo do. Jo lajob- nidsingíng- jaléng- dsea- i jmicøng- yaang-, co- í- bing-

i nicá' fi'í', jo dsu' jaléng' dsea' i ja' jmicóong' yaang' jii' capí', í'bing' i niliniing' gui fi' quini' Fidié' mi' nití' í' lajo.

Mi' cajmigüeang' Jesús jaléng' jiuung'
(Mt. 19:13-15; Mr. 10:13-16)

¹⁵ Jo mi' cangá' jo, fíng' dsea' caguiliñ' e jéiñ' jaléng' jiuung' quiá'r' fi' lí' táang' Jesús e iñ' e nijmigüeang' dsea' do jaléng' i jiuung' do. Jo mi' cangá' i dsea' guitúung' do e jmóo' dsea' lajo, joba' canaaiñ' 'gaam'bre quiá' jaléng' i sejmii' i jiuung' do. ¹⁶ Jo dsu' dsifí' ladob cató' Jesús jaléng' i dsea' quiá'r' do jo casí' reiñ':

—Cuøø' na' fi' jaléng' i jiuung' na güijaliñ' fi' la, jo ja' jniing' na' quiá'r'. Dsuo' jaléng' dsea' i líng' laco' la líng' i jiuung' na, í'bing' i catúng' e Fidié' quié' nifí' quiá'r'. ¹⁷ Jo jnea' jmitaa' óo' na' e dseáng' ii' i ja' iing' ni'íng' e Fidié' nicár' nifí' quiá'r' laco' gui íng' jaang' jiuung', joba' ja' toø' jmii' e ni'íng' Fidié' dsea' do cajo.

Mi' casúng' Jesús cóo' jaang' dseañ' i sea' cuu'
(Mt. 19:16-30; Mr. 10:17-31)

¹⁸ Jo mi' cangá' jo, cangoquiéng' fi' lí' táang' Jesús jaang' dseañ' i líng' jaang' fi' quiá' jaléng' dsea' i néé' ni' guá' quiá' dsea' Israel, jo cajmingí'r' dsea' do jo cajíñ':

—Tifa' i guiá' dsíí', ¿e' 'né' nijmee' e laco' nilí' i e niliseen' cøøng' cóo' Fidié' car' ngongí' jmii'?

¹⁹ Joba' cañí' Jesús quiá' i dseañ' do jo casí' reiñ':

—¿Jiali' fi' jnea' e guiá' dsii'? Co' jii' Fidiéeb' dsea' guing' ñifí'bing' i líng' lajo. ²⁰ Jo niñib' 'na' jalé' júu' quiá' ta' quiá' Fidié' e fé' lala: “Ja' 'lee' e güín' cóo' dseamí' osi dseañ' i o' quíí'; ja' jngán' dsea' rún'; ja' jmée' ii'; ja' cá' júu' e o' já'; jogui' jmii' goo' tiquíí' cóo' niquíí'.”

²¹ Jo dsifí' ladob cañí' i dseañ' do quiá' Jesús jo casí'r' dsea' do:

—Lajaléb' e jo nicajmé' e núu' latí' jii' mi' simim'baa.

²² Jo mi' canúu' Jesús e cajíng' i dseañ' do lado, jo dsifí' ladob cañí'tur quiáíñ' do jo casí' reiñ':

—Coo'gui 'né' e nijmití': guóng' fi' quíí' jo güi'niñ' lajalé' e sea' quíí', jo e nilí' quiá' e jo güijmee' guié' jee' jaléng' dsea' tiñíng', jo joguiba' nilisea' juguiá' quíí' mi' nití' fi' jmigüí' coø. Jo mi' calí' e nijmé' lajo, joguiba' niñi' jo dsé'ee' cóo' jnea' jóng.

²³ Dsu' mi' canúu' i dseañ' do e cajíng' Jesús lado, dsíng' calí' jiuung' dsíir', co' dsíng' sea' cuu' quiá'r'. ²⁴ Jo mi' cangá' Jesús e calí' jiuung' dsíí' i dseañ' do dsu' canúur' lado, joba' dsifí' ladob casí'r' jaléng' i dsea' i teáng' do jo cajíñ':

—Dsíng' huíng' lí' quiá' jaléng' dsea' sea' cuu' e nijáng' yaaiñ' fi' jaguó' Fidié' e laco' dsea' do nicá' nifí' quiá'r'! ²⁵ Jo eáang' gui ja' huíng' e jaang' jó' camello ningíng' ne' fi' dsíí' too' jmini' mocuu' e laco' gui jaang' dsea' sea' cuu' nijáng' 'ña'r' fi' jaguó' Fidié' e laco' dsea' do nicá' nifí' quiá'r'.

²⁶ Jo mi' canúu' jaléng' i dsea' i teáng' do e cajíng' Jesús lado, dsifí' ladob cajmingí'r' dsea' do jo cajíñ':

—Jo ¿í' jaléng' i nitíng' fi' quini' Fidié' jóng song lajobi nilí'?

²⁷ Joba' cañí' Jesús quiá' jaléng' i dsea' do jo casí' reiñ':

—Jalé' e ja' quíí' dsea' jmigüí' jmii' nijmér', lajib' cuøøng' lí' jmé' Fidié' dsea' guing' ñifí'.

²⁸ Jo mi' canúu' i Tú' Simón do e cajíng' Jesús lado, jo dsifí' ladob casí'r' dsea' do jo cajíñ':

—Fíi'i, jnea'^, dsea` ngi'naa' contøong` cóo'~ 'nua', nica'tú'baa' lajalé' e sea` qui'naa', co' ii~naa' e ngi'naa' cóo'~ 'nua' latab'.

²⁹ Jōba' cañíi` Jesús quiá'~ i Tú` Simón do jō casí'~ reiñ':

—E já' e fñi' i 'nú'`, doñí' ii` 'nú'` catú'na' 'nú'na', osi ca'naang'na' quiá'~ tiquí'na' osi niquí'na' osi jaléng'` rúng'na' osi dseam' qui'na' osi jaléng'` jōo'na' é dsu' uí'~ e nicajáang'~ yaang'na' fí' jaguó' Fidiéé` e laco' quier' nifí' qui'na', jō ii` dsea` i nijmé` lajō, ³⁰ f'bing' i niñíing` jalé' e 'nér` fí' jmigü' la; jō mi' nití' fí' jmigü' cóo', niñíiñ` e niliseeiñ` cøong` cóo'~ dsea` do lata`.

*Mi' cajméé`tu Jesús júu` e nijngáng'~ dsea` ír`
(Mt. 20:17-19; Mr. 10:32-34)*

³¹ Jō mi' cangí' jō, lajee` iuung` Jesús fí' e ngóor' fí' Jerusalén cóo'~ jaléng'` dsea` i ngolíng` cóo'r~, jō lajee` jō co' cató'~bre i dsea` guitúung` quiá'r` do jō casí'~ reiñ':

—Lana ningóo'o fí' Jerusalén fí' li` niliti` jalé' júu` e cajíng'~ uii` quié`e jaléng'` i dsea` i café' cuaiñ` quiá'~ Fidiéé` mali'gui eáang', jnea` dsea` gáa'a fí' ñifí' e lín'n jaang` dsea` jmigü'. ³² Jō fí' jōb li` nijáng'` jaléng'` dsea` góo'naa' jnea` fí' jaguó' jaléng'` dsea` i ja` cuíng` Fidiéé`. Jō jaléng'` i dsea` í nilóøiñ` jnea` jōguí' nijmineaiñ` jnea` jōguí' ni'ñíiñ` jnea` ³³ jō nijmihuñiñ` jnea` la tí' e já` dsíir' cartí' nijngáiñ'~ jnea`; jō dsu' mi' nití' 'ní' jmíi` lajō e nijngáng'~ dsea` do jnea`, jōba' nijíb'túu calé' catú`.

³⁴ Jō mi' canúu` i dsea` guitúung` do e cajíng'~ Jesús lado, jii'~ camí'~ júu` ja` cangáiñ'` o'gui ñir' e` uing` quiá'~ e café' dsea` do lado.

*Mi' cajmí'leáang` Jesús jaang` dsea` tiuung` fí' Jericó
(Mt. 20:29-34; Mr. 10:46-52)*

³⁵ Jō mi' cangí' e casíng` Jesús cóo'~ i dsea` guitúung` do, catam'~tur fí' teáiñ'~ jō caguiliñ` quiá'~ cóo' fñi' li' sií' Jericó. Jō 'ni' fí' niguiing` jaang` dsea` tiuung` e mir' jalé' e 'nér` cóo'~ jaléng'` dsea` i ngíng' e fí' li' guiiñ` do. ³⁶ Jō mi' canúu` i dsea` tiuung` do e dsíng'~ fñíng` dsea` guijalíng` fí' li' guiiñ~, jō cajmíng'~ i dsea` i ngíng' quiá'~ do e`guí' calí` e jalíng` fñíng` dsea`. ³⁷ Jōba' cajme' dsea` júu` i dsea` tiuung` do e Jesús dsea` seeng` fí' Nazaret gui'ná'~ ngíiñ' fí' do cóo'~ dsea` quiá'r`. ³⁸ Jō mi' canúu` i dsea` tiuung` do lado, jō canaaiñ` áiñ' Jesús jō casí'r` dsea` do:

—¡Jesús, siju` dseata` Daví'~, fñi` güilín' jnea`!

³⁹ Jō dsu' mi' canúu` i dsea` ngolíng` nifí' do e canaang` i dsea` tiuung` do e áiñ' Jesús, jōba' canaaiñ` 'gaam`bre quiáiñ'~ do e laco' jō nifé'guiiñ' lajō. Jō dsu' i dsea` tiuung` do lí' lí' teá'gui canaaiñ` ám'bre dsea` do jō fé'~tur lala:

—¡Jesús, siju` dseata` Daví'~, fñi` güilín' jnea`!

⁴⁰ Jō dsifí' mi' canúu` Jesús e tó' i dsea` tiuung` do, dsifí' ladob cajer', jō caqui'~r' ta` e cangotéé` dsea` i dsea` tiuung` do jō cangojéeng`neiñ' tí' quiá'~ lí' sing' Jesús. Jō mi' caguiéiñ'~ do quiá'~, jō cajmíng'~reiñ':

⁴¹ —¿E` iin'~ e nijmee`e quií'~?

Jōba' cañíi` i dsea` tiuung` do jō casí'r` Jesús:

—Fíi'i, iin`n e nijméé' e nilijné'baa.

⁴² Jōba' cañíi` Jesús casí'r` i dsea` tiuung` do:

—¡Güilijné' jō! Jō nica'láam`ba', co' jáb'~ nicalín'~ júu` quié`e.

⁴³ Jō dsifí' lajōb calijné' i dsea` tiuung` do, jō canaaiñ` jmiféiñ' Fidiéé` lajee` e ngóor' cóo'~ Jesús. Jō jaléng'` dsea` i cangá' e cajméé` Jesús ie` jō, cajmifém'bre Fidiéé` cajo.

19

Jesús cóo' jaang' nodsicuu- i sii' Zaqueo

¹Jō mi~ cangf̄ jō, caguiéb- Jesús fí Jericó. Jō mi~ cangf̄iĩñ' jee~ fiĩ, dsíng' f̄iĩng' dseá caseáiñ'. ²Jō e fí jō niseeng' jaang' fii~ jaléng' nodsicuu- i sii' Zaqueo i sea` cuu- eáang', ³jōgui eáam' iĩñ~ do nijmicu'iĩñ' Jesús, dsu' ja' lír' niníiĩñ- dseá do cō' dsíng' f̄iĩng' dseá caseáiñ' ie~ jō, jōgui Zaqueo líiĩñ' jaang' dseañu' i ja' 'ga' lí f̄éng'. ⁴Jō mi~ calilí'r^ e ja' tíiñ- fa' niníiĩñ- Jesús, jō cangojéem'bre quiá'- jaléng' i dseá do, jō cajgóor- fí cōo' yá'^ 'ma' e sii' sicómoro, cō' calilí'r^ e fí jōb cuøøng' niníiĩñ- dseá do. ⁵Jō jō huøø- líiĩñ~ cangf̄iĩng' Jesús uii~ e 'ma' lí dsíng' Zaqueo do, jō cajøøng- neiñ' do lí dsíiñ'- jō casí'-reiñ':

—Jmíná- güiĩng' lí dsíiñ'^ na, Zaqueo, cō' lana 'né- nijaa- fí quií'-.

⁶Jō mi~ canúu- Zaqueo lajō, guiáb- jmóor', jō dsifí ladob cajgáiñ- e cango'fiiñ' Jesús, jō colíim~ cangáiñ'- cóo' dseá do fí quiá'r-. ⁷Jō mi~ cangá- jaléng' dseá e cangó- Jesús fí quiá'- i nodsicuu- i sii' Zaqueo do, dsifí lajō canaaiñ' éeiñ' Jesús, jō fé'r e dseá do cangojer~ fí quiá'- jaang' dseá i røøng' dsee- eáang'. ⁸Jō mi~ nineáaiñ' fí quiá'- Zaqueo, lalab cajíñ'- do casí'r- Fíi'naa' Jesús:

—Janú', Fíi'i, lana nicuøø jaléng' dseá tiñiĩng- condseá'- jalé' e sea` quié-e, jō quiá'- lajaang' lajaang' dseá i nicajmé-e i quiá'-, lana nijaa'-are quié' 'lé'gui laco' jii' e nicacá-a quiá'r- do.

⁹Jō mi~ canúu- Jesús lajō, lalab casí'r- dseá do:

—Jmii~ na niseeng' dseá e fí dsíi' sinúu^ la i nicaláang- jee~ jalé' dsee- quiá'-, cō' i dseañu' na nicajmilir~ e líim'bre sijū' 'líi' yúu' Abraham cajo. ¹⁰Cō' jnea~, dseá i jaa' fí nífi' e líi'n' jaang' dseá jmigüi', cagá-a e lí' laco' caga'nén'n jōgui e cagaleaan^ jaléng' dseá i røøng' dsee- fí quini' Fidié'.

Mi~ ca'e' Jesús e ta~ e cajmée' dseá cóo' cuu- quiá'- dseata~

¹¹Jō mi~ cangf̄ jō, lajee' iuung- Jesús fí e ngóor' cóo' dseá quiá'r- fí Jerusalén, jō ca'e'r' jaléng' dseá do cōo' júu^ ja' e lafa' júu^ cuento, dsucō' nijaquiéem' e niguilíiñ- fí Jerusalén, jō fí jōb í dsíi' jaléng' dseá e Jesús niquiá'r- ta~ jee~ jaléng' dseá góor' dseá Israel lí' laco'gui la jmóo' jaang' dseata~ dseá féng' i seeng' fí jmigüi' la. ¹²Jō lalab casí'r- jaléng' i dseá do:

—Cōo' née' caliséng' jaang' dseá 'goo', jō cali'iĩñ~ e nilíiñ- dseata~ dseá féng' fí cōo' fiĩ lí huí'. Jō mi~ ca'íñ' e ta~ do, 'né- niquim'-tur fí góor', cō' fí jōb lí nilíiñ- dseata~ dseá féng'. ¹³Dsu' nú'-gui e nigüi'íir' lí nidsí'iĩñ~ e ta~ do, cató'r- guíng- dseá 'léeng' quiá'r-, jō cacuøø'reiñ' do jmá'- cō' cuu- e 'mo'^ eáang' lajaang' lajaaĩñ' jō cajíñ'- casí'-reiñ': “Jmee-na' ta~ cóo' e cuu- la lajee' ninii' i jō cartí nigüeáng'túu.” ¹⁴Jō dsu' jaléng' dseá góo' i dseata~ dseá féng' do ja' iĩñ~ e nilíiñ'- do e ta~ jō, cō' dsíng' 'ní' níing- neiñ', jōba' casíiñ' do nifí'gui tú- 'ní' míng' dseá i caguijmée' júu^ i dseá nija'- ta~ do e ja' jíi'r~ i dseá góor' do fa' e i do nilíing- dseata~ dseá féng' quiá'r-.

¹⁵Jō dsu' ja' lí cacóng', cō' calím- i dseá do dseata~ dseá féng' lajii' laco' ta~ cahuí'. Jō mi~ cangoyúung' jō, cangám'-tur fí góor'. Jō mi~ caguiéiñ- fí quiá'r-, jō caquiá'r' ta~ e calité' i dseá guíng- i cacuøø'r' cuu- do lamí' ná'-gui e nigüi'íir' nidsér-, cō' cali'iĩñ~ e calidseáang' dsíi' jial tí' cuu- nicalíiñ'- do lajaang' lajaaĩñ'. ¹⁶Jō mi~ caguié- i la'uii~ do, jōba' cajíñ'- casí'r- i dseata~ dseá féng' do: “Fíi'i, cajmé-baa ta~ cóo' e cuu- e casee' cóo' jnea~ do, jō nicalí'-baa guí' 'lé'gui e laco' jii' e casee' do.” ¹⁷Jōba' cajíng'- i dseata~ dseá féng' do casí'r- i dseá 'léeng' quiá'r- do: “Eáam' guiá- lajō, 'nub' jaang' dseá 'léeng' i guiúng-, cō' tím'ba' jmé' ta~ cóo' capí'^ cuu-, jō lana nicuøøø 'nu' e nilíiñ'- jaang' dseata~ quiá'- guí- fiĩ.” ¹⁸Jō mi~ cangf̄ jō, caguié- jaang'gui i

dsea`'léeng' do, jō casí'r- i dseata` dsea` féng' do jō cajíñ'-: "Fí'i, cajmé-baa ta` cóo' e cuu- e casee' cóo' jnea` do, jō lana nicalí'-i 'ñiá' 'lé'gui lajō." 19 Jōba' cañi' i dseata` dsea` féng' do quiá'- i dsea` 'léeng' quiá'r- do jō casí'-reiñ': "Nicuøø^baa 'nà e niliín'- dseata` quiá'- 'ñiá' fi' cajo." 20 Jō mi' cangí jō, caguié- jaang'gui i dsea` 'léeng' do, jō casí'r- i dseata` dsea` féng' do jō cajíñ'-: "Fí'i, lab quiee` e cuu- qui' e casee' cóo' jnea` do. Ca'meá'baa laco' mi' ca'íin'-n do, 21 co' 'góm'baa 'nà, co' lí' t'í o' e sitíng' jalé' ta` jmóo` dsea` jiém'." 22 Jōba' cañi' i dseata` dsea` féng' do quiá'- i dsea` 'léeng' quiá'r- do jō casí'-reiñ': "'Nub` jaang` dsea` 'léeng' i fi' i soo` dsí', jō lana nijmiti`baa lajii' e nicafé' na. 23 Song niñi`bi' e sitíin`n cuu- quiá'- jalé' ta` jmóo` jaléng' dsea` jiéng', jōba' 'jiali' ja` caguite' e cuu- quie` e do fi' banco e laco' sea`ba' e dsí' mi' cagüean'-n?" 24 Jōba' caqui' i dseata` dsea` féng' do ta` quiá'- jaléng' i dsea` i teáng- do jō casí'-reiñ': "Gui`na' cuu- e quier' na, jō cuøø`na' i dsea` i quie` jmiguiá'gui na." 25 Jō mi' canúu- jaléng' i dsea` do e cajíng'- i dseata` dsea` féng' do lado, jō cañiir`lajaléiñ` do jō cajíñ'-: "Fí'naa', jiali' e i na niñiñ', co' gui`gui cuu- niquier'." 26 Jōba' cañi' i dseata` dsea` féng' do quiá'- i dsea` do jō casí'-reiñ': "Niñi`b' 'nà' e jaléng' dsea` i sea` quiá'-, jmiguiá'gui nilisea` quiá'r-; dsu' jaléng' dsea` i ja` sea` quiá'-, conguiab' ni'íing- e capí' e sea` quiá'r-. 27 Jō lana niñiéng`du' jaléng' dsea` i ja` cali'íing- e niliín`n dseata` dsea` féng', jō nijngáng'na'r fi' quini- la lana."

Mi' ca'í- Jesús fi' jee` fi' Jerusalén

(Mt. 21:1-11; Mr. 11:1-11; Jn. 12:12-19)

28 Jō mi' cangí e ca'e' Jesús jaléng' i dsea` do e júu` na, jōba' ca'ib`tur fi' iuuiñ- e ngóor' fi' Jerusalén. 29 Jō mi' nijaquíéng' e niguiéer' fi' quiá'- cóo' fi' e si' Betania cóo' cóo'gui fi' e si' Betfagé, fi' e née' tñ- mó' e si' Olivos quiá'- fi' Jerusalén, jō fi' jōb casíñ` gáng- i dsea` guitúung` quiá'r- do 30 jō cajíñ'- casí'-reiñ':

—Güilíng`du' e fi' e née' quiá'-gui na, jō mi' niguilíng`na' fi' jō, jō nimáang`na' jaang` bú' i sing' 'ñúung' i ja` ii' mi' caguá' jii' jaang`. Jō síng`na're' jō ñiéng`na're' fi' la. 31 Jō song ii' jmíng' 'ná' jiali' síng`na're', jōba' nifi'na'r: "E Fí'baa' 'neáng`tear i bú' la lana."

32 Jō mi' cangoyúung' e canúu- i dsea` gáng- do lado, jō cangolíim`bre jóng. Jō mi' caguilíñ- e fi' do, jōb caliti` jii' laco' cajíng'- Jesús lamí` jéng'gui do. 33 Jō lajee` e taaiñ` e si'r lí' 'ñúu' quiá'- i bú' do, dob caguilíng` dsea` fi' i jó' do, jō casí'r- i dsea` gáng- do jō cajíñ'-:

—'Jiali' síng`na' bú' qui'naa'?

34 Jōba' cañi' i dsea` gáng- do quiá'- i dsea` fi' bú' do jō casí'-reiñ':

—Co' lana 'neáng`tea Fí'naa' i bú' la, jōba' síng`na're'.

35 Jō catób- i dsea` gáng- do i jó' do, jō casífir` tú- 'ni' si'r^ fi' mocóoiñ` do. Jō mi' caguilíñ` fi' lí' táang` Jesús, mi'fíng` caguiém`bre dsea` do. 36 Jō laco' iuung- Jesús fi' e ngóor' fi' Jerusalén, lajaléng' dsea` i ngolíng` cóo'r- do canaaiñ` ni'r jalé' si'r^ guiá' fi' fi' lí' ningíng- dsea` do. 37 Jō mi' canaang` jgáang` lajaléng' i dsea` do fi' dse' mó' Olivos, canaaiñ` ti'áiñ` Fidié' e iáang` dsíir` jogui`jmiféiñ' dsea` do quiá'- jalé' e quí'` jmí' e nicajmé' dsea` do e dsigá` dsí' dsea`. 38 Jō jalém' i dsea` do canaaiñ` fé'r jō cajíñ'-:

—iMajmiféng'naa' i dseata` dsea` féng' i güeang' i jáa' cuaiñ` quiá'- Fidié'! jō lana juguiá' jii' quiá'- dsea` fi' ñifí', jō güijmi'goo`baa' Fidié' dsea` guíng` fi' jō!

39 Jō mi' canúu- jaléng' dsea` Israel i líng' dsea` fariseo i ngolíng- do e fé' jaléng' i dsea` do lado, jōba' casí'r- Jesús lala jō cajíñ'-:

—Tifa', jíng' jaléng' dsea` qui' laco' jō` güijmiféng' lir 'nà.

⁴⁰ Dsu' Jesús cañiir` quiá'- i dsea` Israel i lãng' dsea` fariseo do jò casí'- reiñ' jò cajiñ'-:

—Lí' jii' laba' lí', co' fing song jò`jmiféng' jaléng' i dsea` la jnea~, jòba' jalé' cuub~ niróo~ jóng jò nifé' e jmiféng' jnea~.

⁴¹ Jò malii~ guijiu lajò, mi~ caguiliñ~ quiá'- Jerusalén fí' lí' nijnéeng~ e fiñ' jò, jò canaang` Jesús qui'bre uii~ quiá'- jaléng' dsea` i neáng' fí' jò ⁴² jò cajiñ'-:

—jFa'jiu e já'- líng' 'nú', dsea` neáng'na' fí' na, jalé' júu^ quié~e, jòba' latí' lanab jóng niliseeng'na' juguiá~ júu^ røø` cóo~ Fidiéé'! Jò dsu' lana ja' qui'~ jmii~ ningáng'na' jalé' júu^ quié~e, co' ja' iing~na' núu^na'. ⁴³ Jò dsu' niguiéeb' jmii~ mi~ nidsingúng~na' iihuú' mi~ tí' lí' nirí~ jaléng' dsea` i 'ní' níng~ 'nú' lacúng' lajíng' e fiñ' la, jò nijmér~ mii~ cóo~ 'nú', ⁴⁴ jò nijngáñ'- jaléng' 'nú'. Jò lí' jò, niquí'r' jalé' 'nú'na' catí' tí' fiñ', jò jii' coo' cuu~ jò`nisér~ fa' e sífing'gui e quié'gui eáang' 'nú'na', dsuco' ja' calicúing'na' jnea~ e lín'n Dsea` Jmãang~ mi~ cataan~n jee' 'nú' fí' jmigüí' la.

*Mi~ ca'uøøng` Jesús jaléng' dsea` i jmóo` ta` 'nú' fí' dsí' guá'-
(Mt. 21:12-17; Mr. 11:15-19; Jn. 2:13-22)*

⁴⁵ Jò mi~ cangí' jò, mi~ caguié~ Jesús fí' Jerusalén, dsifí' ladob ca'ír~ fí' dsí' sinúu^ guá'- quiá'- dsea` góor` dsea` Israel. Jò mi~ cangáñ~ jaléng' dsea` i teáng'~ ta~ jmóo' 'móo' cóo~ jalé' e 'nú'r', jò dsifí' ladob ca'øøng'neiñ' ⁴⁶ jò cajiñ'- casí'-reiñ':

—Lalab fé' fí' ní' jì quiá'- Fidiéé': “E fí' dsí' sinúu^ guá'- quié~e la íng' ta~ e jmiféng' dsea` jneab~”; jò dsu' 'nú' nicajmee~na' lí' cúng' seáng' jaléng' i~ cóo~ jalé' e jmoo'na' lana.

⁴⁷ Jò mi~ cangí' jò, lacoo' jmii~ dsée' Jesús e dsi'ée'r~ jaléng' dsea` jalé' júu^ quiá'- Fidiéé' e fí' guá'- do. Jò lajee~ jò jaléng' fii~ jmidsea` cóo~gui jaléng' tífa' quiá'- júu^ quiu' ta~ quiá'- dsea` Israel cóo~gui jaléng' dseata~ i seeng' fí' Jerusalén jmóor` quijí~ quiá'- jial nijngáñ'- dsea` do, ⁴⁸ jò dsu' ja' líng~ niguié'r' jial nijmér~ lajò, co' jalém' i dsea` teáng'~ núu` do tib' dsír' e núur' jalé' júu^ e e' dsea` do.

20

*I~ quiu' ta~ quiá'- Jesús e jmóor` jalé' e jmóor`
(Mt. 21:23-27; Mr. 11:27-33)*

¹ Jò cóo' jmii~ mi~ cangí' e jò, lajee~ e táang' Jesús fí' guá'- e er' jogui guiar' júu^ quiá'- Fidiéé' jee~ jaléng' dsea` quiá'- jial nileáng' dsea` jee~ jalé' dsee~ quiá'r~, jò lajee~ jòb caguilíng~ jaléng' fii~ jmidsea` cóo~gui jaléng' tífa' quiá'- júu^ quiu' ta~ quiá'- dsea` góor` dsea` Israel cóo~gui jaléng' yúu' dsea` cóøng' quiá'- e guá'- do, ² jò casí'r~ Jesús lala jò cajiñ'-:

—Jmee~ júu^ i~ quiu' ta~ quií' e jmoo' jalé' e jmoo' na. Jò ¿i~ cacuø' 'nú' e ta~ na?

³ Jòba' cañí' Jesús quiá'- jaléng' i dsea` do jò casí'-reiñ':

—Sea`bi cóo' e 'né~ nijmingú' jnea~ 'nú' cajo. Nii~na' quié~e lana. ⁴ ¿I~ i caquiú' ta~ quiá'- i Juan e caseáañ' dsea` jmii'? ¿Su Fidiéé' ofa' dsea` jmigüíb' é?

⁵ Jò mi~ canúu~ jaléng' i dsea` do e cajíng' Jesús lado, jò lajee~ yaam~bre canaaiñ' sñiñ' jò sí' rúñ':

—¿Jial nisí'~naa'r, faa~aa'? Song casí'~naa'r e Fidiéeb' casíng' dsea` do, jòba' nijíñ' nisí'r' jneaa~aa' jóng: “¿Jialí' ja' já'- calíng~na' jalé' júu^ quiá'r~?” ⁶ Jò song nisí'~na' e dsea` jmigüíb' caquiú' ta~ quiá'- i Juan do, jòba' jaléng' i dsea` la fø' nijngám'~bre jneaa~aa' jóng cóo~ jmang'~ cuu~, co' ñí'bre guiá~ e cajá~ i Juan do e fé'r' cuaiñ~ quiá'- Fidiéé'.

7 Jo jíi~ jaang` i dsea` do ja` cateá- dsír' fa' ee` cañír` quiá'- Jesús cuaiñ` quiá'- i Juan do, jo lí^ casí'r- dsea` do e ja` ñi'bre. 8 Joba' cañí' Jesús quiá'- i dsea` do jo casí'- reiñ':

—Q'gui jnea~ nijmée'~ 'ná^ júu^ cajo i~ i quiu' ta~ quié~ e e jmóo'o jalé' e jmóo'o la lana.

Júu^ quiá'- dsea` 'léeng' i soo` dsí'
(Mt. 21:33-44; Mr. 12:1-11)

9 Jo dsifí' mi~ cangí jo, jo canaang` Jesús e e'r' jaléng' i dsea` do coo` júu^ já'- e lafa' júu^ cuento, jo casí'- reiñ' do lala jo cajíñ'-:

—Coo` née'~ nicaliséng` jaang` dseañu' jo nicajnr` jmang'~ huñg` jó^ latøng- fí ni~ uó- quiá'r-. Jo mi~ cató' e caguiar' guiá- lajalé' e do, jo catáñ' dsea` 'léeng' i cane'- ni~ latøng- e uó- do i nijmé- ta~ jmá'- jia. Jo mi~ calí- jo, jo cagü'ñ'bre jo cangór- fí lí huíí^ 10 Jo mi~ catí í' e caroo' e mí^ huñg` jó^ do, jo caguiéñ' jaang` dsea` quiá'r- e tí lí táaiñ' do i cangomñ' lajii~ guiéé^ quiá'r- e catíñ- quiá'- e ta~ jmá'- jia e jmóo` i dsea` do fí ni' guóo'~ uó- quiá'r-. Jo dsu' mi~ caguiéng' i dsea` quiá'r- do e lí taang~ i dsea` jmóo` ta~ e uó- do, caquié'biñ' do quiá'r- e lafa' e nicuó'- reiñ' do lajii~ guiéé^ quiá'- i dsea` fii~ uó- do, jo caguiém'breiñ' do calé' catú- fí lí cajar-, jo ja` ee` cacuø'reiñ' do jii~ coo`. 11 Jo mi~ caliñ' i dsea` fii~ uó- do e calí- lado, dsifí ladob caguiéñ' jaang`gui dsea` quiá'r- i cangomñ' guiéé^ quiá'r- quiá'- lajii~ ta~ jmóo` uó- quiá'r-. Jo dsu' mi~ caguiéng' i dsea` quiá'r- do fí lí taang~ i dsea` jmóo` ta~ do, cacøøm~bre cajo lí^ laco'gui cangongñg- i dsea` la'uii- do, jo jii~ coo` ja` ee` cacuø'reiñ' do cajo. 12 Jo mi~ caliñ' tu i dsea` fii~ do e calí- lado, jo caguiém'bre jaang`gui dsea` quiá'r-. Jo dsu' gab` cajmée' i dsea` jmóo` ta~ do cóo' i dsea` do cajo, co' caquiém'breiñ' jogui cacuing'neiñ', jo ja` ee` cacuø'reiñ' do jii~ coo` cajo, jo ca'øøm'breiñ' do.

13 'Jo mi~ cangí jo, jo ca'í dsí' i dsea` fii~ uó- do: “¿E~ nijmee~ e náng? Jo seem` camñg'~ jóo`o i 'neáan` eáang, jo íb` niguiéen`n lana, jo jangám- í guib i nijmi'gór.” 14 Jo dsu' mi~ caguiéng' i siming' do lí taang~ i dsea` jmóo` ta~ do, jo dsifí ladob canaaiñ' do sñiñ' lajee` yaaiñ': “Jii~ i nabing' i seeng` i nilíng- fii~ e uó- la mi~ nijúung- tiquiá'r^ . Joba' majngáang'naa'r lana, ná la cagüéñ- fí la, jo jnea'^ dsea` nilí-ii' fii~ latøng- e uó- la.” 15 Jo mi~ cangoyúung' e casíng- i dsea` do røø lado, jo caguiém'bre i siming' do jee~ e uó- e lí sijnea~ e huñ huñg` jó^ do jo fí job cajngang'neiñ'.

Jo mi~ cató' e jmóo` Jesús e júu^ na, jo cajming'i'r' lajaléng' i dsea` i teáang- do jo casí'- reiñ' lala jo cajíñ'-:

—¿E~ líng-na' e nijmé- i dsea` fii~ e uó- do mi~ niliñir' e nicajngam' jaléng' i dsea` 'léeng' do jóor? 16 Co' nidsém'-bre, jo mi~ niguiéñ' nijngám'-bre lajaléng' i dsea` 'léeng' do, jo i jiém' nitáñ' i nijmé- ta~ e uó- quiá'r- do.

Jo mi~ canúu- jaléng' i dsea` i teáang- do e cajíng'- Jesús lado, lajalém'bre cañír jo cajíñ'-:

—Ja` güilí'ing~ dsí' Fidiéé` e nilí lajo.

17 Jo mi~ canúu- Jesús e cajíng'- jaléng' i dsea` do lado, jo lí^ cajøøm'-breiñ' do, jo lí- jo casí'- reiñ' do lala jo cajíñ'-:

—¿E~ e líng-na' e guøng' e tóo' fí ni~ jì quiá'- Fidiéé` lí fé' lala?:

E cuu~ e ja` calijí' i dsea` i jmo' 'núu',

lana nilí coo` cuu~ e niing-gui quiá'- tñ- fii.

18 Jo doñí' ii i catitaang' e fí ni~ e cuu~ do, joba' cuib'^ niliñ- jóng. Jogui fíng song e cuu~ do cató' jo cajíng- jaang` dsea`, joba' congua' táub' niliñ- jóng.

Mi~ cajmingí' dsea Jesús cuaiñ~ quiá' e catíng~ dseata~
(Mt. 21:45-46, 22:15-22; Mr. 12:13-17)

¹⁹ Jo mi~ canúu~ jaléng' fii~ jmidsea` cóo'~ jaléng' tifa' quiá' júu^ quiu' ta` quiá' dsea` Israel e cajíng' Jesús lado, joba' lajmináb~ lamí~ iin~ nisáin' dsea` do, có' calilí'r^ e uii~ quiá' bre café' dsea` do. Jo dsu' jii'~ cóo' ja` ee` cateá~ dsíir' fa' ee` cajmeáiñ' dsea` do, có' 'góm' bre jaléng' dsea` fii' i tí' dsí' núu' jalé' júu^ quiá' Jesús.

²⁰ Jo mi~ cangí jo, jaléng' i tifa' do cóo'~ gui jaléng' jmidsea` casíin~ lajee` la'ó' yaaiñ~ e casíin~ cóo' tú~ mánng'~ dsea` i nijmé~ lafa' dsea` guiá~ dsí' cóo'~ Jesús, jo cajméer' lajo quiá' e nijméin~ do quiijí~ jial nífé' dsea` do júu^ guíi~, có' í' dsíir' e fa' lajo nilí'r^ e nitising'~ dsea` do fí' quini~ dseata~. ²¹ Joba' mi~ caguilíin~ do fí' lí~ táang' Jesús, jo cajmingí'r dsea` do lala jo cajíin~:

—Tifa', nineb~ jnea'^ røø e jmang'~ júu^ jáb' jalé' e e' 'nu', jogui ja` jøø~ 'nu' cajo jial líng' dsea` lí^ caluu', jogui 'nu' e' jnea'^ jial dseáng'~ laco' iing~ Fidiéé~ e seé~ naa'. ²² Joba' cajajmingí' naa' 'nu': ¿Su 'né^ níquí' naa' cuu~ e catíng~ dseata~ dsea` féng' i guíng~ fí' Roma osi ja` 'né~ quí' naa' é?

²³ Jo dsu' dsifí' ladob calilí' Jesús e iing~ i dsea` do nijmigøøng' neiñ', joba' cajíin~ casí' reiñ':

²⁴ —Ée' na' jnea~ cóo' cuu~. Joba' ne' duu' jial lí', jo ¿i~ dsea` i táang' fí' ni~ la jogui jial siir'?

Joba' cañí' i dsea` do casí'r~ Jesús jo cajíin~:

—Dseata~ dsea` féng' i guíng~ fí' Romab táang' fí' na.

²⁵ Joba' cañí' tu Jesús jo casí'r~ i dsea` do:

—Lajíi' e catíng~ dseata~ dsea` féng', cuøø' na' dseata~ dsea` féng'; jogui lajii' e catíng~ Fidiéé~, cuøø' na' Fidiéé~ cajo.

²⁶ Jo dsíng'~ cangogá' dsí' i dsea` i téeng' Jesús do mi~ cañí' dsea` do lado fí' quini~ jaléng' i dsea` i teáng~ do, có' lí^ lí' cango' gó' gui dsí' bre lajii' e cañí' dsea` do, jo tiib~ cajer' lajiiin' do.

Mi~ cajmingí' dsea' jial lí' mi~ nijí' tu dsea' calé' catú'
(Mt. 22:23-33; Mr. 12:18-27)

²⁷ Jo mi~ cangí jo, caguilíng~ cóo' tú~ mánng'~ dsea` Israel i líng' dsea` saduceo fí' lí~ táang' Jesús. Jo jaléng' i dsea` saduceo do ja` já' líiin' e nijí' tu jaléng' 'lí'. Joba' cangojmingí'r~ dsea` do jo cajíin~:

²⁸ —Tifa', Moi~ cajme'r fí' ni~ jì' quiá'r~ e song cajúng~ jaang' dseañu' jo ja` jóor' caliséng' cóo'~ dseamí quiá'r~, joba' 'né~ nicúng'~ guó' i dseamí 'nii~ do cóo'~ rúng' dsea` ngáang'~ cóo'~ i 'líi~ do. Jo i yuu' la' uii~ i niliseeng' quiá'r~ cóo'~ i dseañu' do, 'né~ nijmér~ e lafa' jóob' i dseañu' quiá'r~ lamí~ uii' do, có' lanab fé' fí' ni~ jì' quiá'~ Moi~. ²⁹ Joba' sí' na' 'nu' e júu^ la: Cóo' ya' caliséng' guiáng~ dseañu' la'ó' rúin', jo i dsea` nífi' do cacúm' guóor', jo ja` e huøø~ cateáiñ' fí' jmigüi' la có' cajúm~ bre, jo jii'~ jaang' jóor' ja` ii' caliséng'.

³⁰ Jo mi~ cangí e cajúng~ i dseañu' do, jo cacúm' guoo' i dseamí 'nii~ do cóo'~ rúng' i 'líi~ dseañu' quiá'r~ i catí' gáng~ do. Jo dsu' lajob cangongíin~ cajo, có' cajúm~ bre, jo jii'~ jaang' jóor' ja` ii' caliséng'. ³¹ Jo mi~ cangí jo, cacúm' tu guoo' i dseamí do cóo'~ i rúng' i 'líi~ dseañu' quiá'r~ i catí' gaang' do, jo ja` huøø~ cangó~ jo cajúm~ bre cajo, jo jii'~ jaang' jóor' ja` ii' caliséng'. Jo lajob cangongíin~ lajaléin' do. Jo cóob' mi~ cató' júuin~ lajii' guiáin~ do, jo jii'~ jaang' jóor' ja` ii' caliséng'. ³² Jo dsu' jo huøø~ ngó~ mi~ cangí jo, jo cajúm~ i dseamí do cajo. ³³ Joba' jmingí' naa' 'nu' lana jial lí' mi~ nití' fii' cóo'. ¿i~ dseáng'~ dseamí quiá' nilíng~ i dseamí do lajee~ lajii' guiáng~ i dseañu' do? Có' lajii' guiám~ bre cacúng'~ guóor' cóo'~ i dseamí do fí' jmigüi' la.

³⁴ Joba' cañí' Jesús quiá' i dsea` saduceo do jo cajíin~ casí' reiñ':

—Cum' guoo` jaléng' dseañu` dseamî fí jmiǵüî la. ³⁵ Jo dsu' jaléng' dseañ` i niñing` e nijí'tur calé` catú` jee` jaléng' 'lii` fí jmiǵüî coo` jo` nicúng'-gui guoor` fí jo, ³⁶ jogui ja` qui' jmii` fa' e nijúung` guir, co' lajob líng` jaléng' ángeles quiá'- Fidiée` fí ñiff-, ja` cúng' guoor` o'gui júuiñ-; jogui jóo' Fidiée` nilíng` jaléng' i dsea` do uí' e nicají'tur calé` catú`. ³⁷ Jo jí'gui Moí` cajme'r fí ni` jì quiá'- Fidiée` e nijíb'tu 'lii~, co' ie` lamí` cangár` e gui` coo` 'matóo' e gui` jì, jo jee` e jì` do café' Fí'naa' jo cajméer` júu` e íbre líiñ' Fidiée` quiá'- Abraham cóo'gui Isáa' jogui Jacóo'. ³⁸ Dsuo' Fidiée` líiñ' Fidiée` quiá'- jaléng' dsea` jí', jo ja` líiñ' Fidiée` quiá'- jaléng' 'lii~, co' jmang' dsea` jí'bing' i seeng` cøøng` cóo' Fidiée`.

³⁹ Jo mi` canúu` i líing` tifa' quiá'- júu` quiu' ta` quiá'- dsea` Israel do e cajíng'- Jesús lado, joba' dsifí` ladob cañír` quiá'- Jesús jo casí'r` dsea` do lala jo cajíñ'-:

—Eáam' guiá- laco' café' na, Tifa'.

⁴⁰ Jo mi` cangí jo, jíi` jaaiñ` do jo` ee` cateá` gui dsír' fa' ee` cajmingi'gui Jesús.

¿I' dsea` siju` líng' Dsea` Jmáang`?

(Mt. 22:41-46; Mr. 12:35-37)

⁴¹ Jo mi` cangí jo, jo cajmingi' Jesús jaléng' i dsea` do jo cajíñ'- casí'- reiñ':

—¿Jiali' fé` dsea` e siju` dseata` Daví' líng' Dsea` Jmáang`? ⁴² Co' lalab cajíng'- dseata` Daví' fí ni` jì quiá'- Fidiée`:

Lalab cajíng'- Fidiée` casí'r` Fíi':

“Ní lí' lí' dsée' laco' guiin` n

⁴³ cartí mi` nijmee` e e jaléng' dsea` i 'ní' níng` 'nu` nisí'r` uo` jnir` fí quini' e laco' nijmi'gór` 'nu`.”

⁴⁴ Joba' jmingi` jnea` e song` ñia' bi dseata` Daví' sí'r` Dsea` Jmáang` Fíi', joba` ¿jial cuøøng` e Dsea` Jmáang` líiñ' dsea` siju` dseata` Daví' jóng?

Jalé' e ga' e jmóo' jaléng' tifa' quiá'- júu` quiu' ta` quiá'- dsea` Israel

(Mt. 23:1-36; Mr. 12:38-40; Lc. 11:37-54)

⁴⁵ Jo lajee` jo, fíim` dsea` teáaiñ` e núur` jalé' júu` quiá'- Jesús, jo cajíng'- dsea` do casí'r` jaléng' dsea` i ngí cóo'r` do lala:

⁴⁶ —Ñiing` óo'na' cóo' jaléng' tifa' quiá'- júu` quiu' ta` quiá'- dsea` góo'naa' dsea` Israel, co' jaléng' í tí dsír' e ngir' quier' jalé' sí' dsea` 'goo', jogui dsíng'- iñ` e nijmiféng' dsea` ír` mi` jie' jíñ' dsea` lacaang` fí jee` 'núu', jo mir' masii` e niing`-gui mi` dsilíiñ` fí sinúu` guá', jogui mi` tí jmii` e ngíiñ` e gø'r', mir' lali` lí' jlo'gui e nigüear`, jo lajoba' e jlo'gui jnéeiñ` fí quini` jaléng' dsea` rúíñ'. ⁴⁷ Jogui uo'r` jalé' e sea` quiá'- jaléng' dseamî i 'nii', jogui jmicaaiñ` e fé'r` fa' e cuee` eáang` fí quini` dsea`. Jo co' dseáng'- lajob líiñ', joba' íbing' i eáang`gui ni'ing' iihuí mi` nití' í' lajo.

21

Mi` cacuo' jaang` dseamî i 'nii` cuu` quiá'r` fí guá'-

(Mr. 12:41-44)

¹ Jo mi` cangí jo, lajee` táang` Jesús fí sinúu` guá', jo cangár` e dsitea' dsea` sea` cuu` jmiǵui` cuu` quiá'r` fí dsí' guoo' quiá'- guá'. ² Jo dsu' lajee` job mi` cangaiñ` jaang` dseamî i 'nii` i tiñing` eáang` i catá'- dsí' e guoo' do tú` cuu` e jiáang` eáang` e quíng` coo` ñinée`. ³ Jo mi` cangá` Jesús e calí` lado, jo casí'r` jaléng' i dsea` i teáang` do jo cajíñ'-:

—Dseáng'- e já' e fíi' i 'nú' e i dseamî 'nii` nabíng' i nicacuo' jmiǵui`gui cuu` lajee` lajaléng' i dsea` sea` cuu` i níng'ing` na. ⁴ Co' jaléng' i dsea` sea`

cuuˉ na nicacuør' jaléˉ e niseángˉ quiáˉ-bre, jo dsuˉ i dseamíˉ 'náiˉ na nicacuør' jaléˉ e seaˉ quiáˉrˉ jo cóoˉ e nabaˉ sííˉ nilárˉ capíˉ e niíˉ nidøˉrˉ.

Miˉ cajíngˉ Jesús e ni'ímˉ guáˉ-féˉ e sí' fíˉ Jerusalén
(Mt. 24:1-2; Mr. 13:1-2)

⁵ Jo miˉ cangíˉ jo, fíimˉ dseaˉ i la'óˉ ngíˉ cóoˉ Jesús teáaiñˉ síiñˉ cuaiñˉ quiáˉ e guáˉ-féˉ e sí' fíˉ Jerusalén jogui dsigáˉ dsíirˉ e dsíngˉ jloˉ e guáˉ do, coˉ dsíngˉ niguoˉ jaléˉ cuuˉ cóoˉ e síieengˉ e guáˉ do, jogui síimˉ bir cajo quiáˉ jaléˉ e jloˉ e nicacuøˉ dseaˉ quiáˉ e sííˉ e guáˉ do. Jo miˉ canúuˉ Jesús e síngˉ jaléngˉ i dseaˉ do lado, jobaˉ cajíñˉ casíˉ-reiñˉ:

⁶—Niguiéebˉ jmíˉ miˉ niquíˉ jaléˉ e móoˉ 'núˉ e tééˉ na, jo jííˉ cóoˉ cuuˉ jo nijéˉ faˉ e sííngˉ gui rúngˉ líˉ lacoˉ jloˉ jnéngˉ e na lana.

Jial nilíˉ miˉ nijaquíéengˉ e tíˉ líˉ ni'íngˉ jmígüíˉ
(Mt. 24:3-28; Mr. 13:3-23)

⁷ Jo miˉ canúuˉ jaléngˉ i dseaˉ do e cajíngˉ Jesús lado, jo cajmíngiˉrˉ dseaˉ do jo cajíñˉ:

—Tífaˉ, ¿líˉ nilíˉ jaléˉ e fíoˉ na? ¿Jial nililíˉ miˉ nijaquíéengˉ e nidsijééˉ jaléˉ e jo?

⁸ Jobaˉ cañíˉ Jesús quiáˉ i dseaˉ do jo cajíñˉ casíˉ-reiñˉ:

—Dsíngˉ 'néˉ ñíngˉ óoˉ 'núˉ jo jaˉ güiligøøngˉ na, coˉ fíimˉ dseaˉ nijalíngˉ jo nijíñˉ: “Jneabˉ Dseaˉ Jmáangˉ”, jogui nijíngˉ-guir: “Lanabˉ nicaguiéˉ oorˉ e ni'íngˉ jmígüíˉ.” Jo dsuˉ jaˉ jmijíngˉ na'r jííˉ cóoˉ, jo jieˉ míˉ ligøøngˉ na. ⁹ Jogui miˉ ninúuˉ na e nijáaˉ míˉ jo ninééˉ taˉ tángˉ, jaˉ føøngˉ na jííˉ cóoˉ, coˉ jaléˉ e jo 'néˉ nilitibˉ lajeeˉ náˉ-gui e ni'íngˉ jmígüíˉ.

¹⁰ Jogui cajíngˉ-gui Jesús casíˉrˉ jaléngˉ i dseaˉ do:

—Jaléngˉ dseaˉ i neáangˉ cóoˉ fíˉ nitíñˉ cóoˉ cóoˉ-gui fíˉ, jogui cóoˉ 'léˉ dseaˉ nitíñˉ cóoˉ cóoˉ-gui 'léˉ dseaˉ cajo. ¹¹ Jogui eáangˉ teáˉ nijóˉ uøˉ fíˉ la fíˉ na, jogui nijáaˉ ooˉ, jogui niliseaˉ jmiguiéˉ íngˉ jmohuíˉ la'úngˉ fíˉ jmígüíˉ, jogui jmiguiéˉ íimˉ jaléˉ e nijnéngˉ fíˉ yáˉ jmígüíˉ, jo dsíngˉ niféngˉ jaléngˉ dseaˉ miˉ ninírˉ jaléˉ e jo.

¹² Jo dsuˉ náˉ-gui e nidsijééˉ jaléˉ e nifáˉ-a na, fíngˉ dseaˉ nili'níˉ níñˉ 'núˉ, dseaˉ cúingˉ na jneaˉ, jo dsíngˉ gaˉ nijmeaiñˉ 'núˉ uíˉ jneaˉ. Jo nidsijéeiñˉ 'núˉ fíˉ sínúuˉ guáˉ e lacoˉ ni'níñˉ 'núˉ fíˉ quiniˉ jaléngˉ dseaˉ, jogui nitaiñˉ 'núˉ fíˉ dsííˉ 'núñˉ, jo líˉ jo nidsijéeiñˉ 'núˉ fíˉ quiniˉ jaléngˉ dseataˉ dseaˉ cóøngˉ uíˉ e língˉ na dseaˉ quiéˉ e. ¹³ Jo miˉ nidsingíngˉ na jaléˉ e na, job miˉ nilíˉ na nifóngˉ na jaléngˉ i dseaˉ do jial ca'uíngˉ na dseaˉ quiéˉ e. ¹⁴ Jo jaˉ jmeeˉ na fííˉ faˉ e jaˉ ñíˉ na jial níngíˉ na quiáˉ jaléngˉ i dseaˉ do miˉ nijmíngiˉrˉ 'núˉ quiáˉ jaléˉ dseeˉ e niñíngˉ na. ¹⁵ Coˉ jneabˉ nijmeeˉ e e nilíñíˉ na jial níngíˉ na quiáˉrˉ, jogui nijmeeˉ e e tíngˉ na eáangˉ, jo jííˉ jaangˉ i dseaˉ i 'níˉ níngˉ 'núˉ do jaˉ niquíˉrˉ jmíˉ faˉ e niñírˉ quíˉ na. ¹⁶ Jo dsíngˉ niliseengˉ i 'níˉ níngˉ 'núˉ, coˉ jígúíˉ jaléngˉ tiquíˉ na jogui niquíˉ na jogui jaléngˉ rúngˉ na jogui jaléngˉ i cúingˉ 'núˉ nijmérˉ lajo cóoˉ 'núˉ jo jígúíˉ cartíˉ nijngáiñˉ i língˉ 'núˉ. ¹⁷ Jo lajalémˉ dseaˉ jmígüíˉ nili'níˉ níñˉ 'núˉ uíˉ e língˉ na dseaˉ quiéˉ e. ¹⁸ Jo dsuˉ jííˉ camíˉ jñuguíˉ na jaˉ nidsi'íngˉ. ¹⁹ Jo jieˉ míˉ litúngˉ áaˉ na e fíˉ niteáangˉ na cóoˉ jneaˉ, coˉ lajobaˉ e cuøøngˉ e nitíngˉ na fíˉ quiniˉ Fidiééˉ miˉ nitíˉ íˉ lajo.

²⁰ Jo miˉ nimóˉ na e nijalíngˉ jaléngˉ 'lééˉ e nirírˉ latøøngˉ fíˉ Jerusalén, jobaˉ güilíñíˉ na jóngˉ e jo huøøˉ róoˉ e fíˉ jo, coˉ tíˉ líˉ ni'ímˉ. ²¹ Jo coˉ lajob nilíˉ, jobaˉ dsifíˉ lajob 'néˉ uøngˉ jaléngˉ dseaˉ i neáangˉ jeeˉ fíˉ Jerusalén e nicuíˉ fíˉ jeeˉ móˉ náˉ-gui e niríˉ jaléngˉ 'lééˉ lacúngˉ lajíngˉ e fíˉ jo. Jo jaléngˉ dseaˉ i taangˉ jmóoˉ taˉ fíˉ caluuˉ fíˉ jo güíˉ dsíirˉ faˉ e niquíngˉ-guir fíˉ jeeˉ fíˉ, coˉ líˉ güicuíˉ bre cajo. Jogui jaléngˉ dseaˉ i neáangˉ latøøngˉ líˉ seˉ Judea

'né- nicuí- bre cajo e laco' cuóøng` nijmi'óøng` yaaiñ. ²² Co' ie~ job mi~ ni'íng' dsea` iihuí, jo lajoguib e niliti~ jii~ laco' fé' fi' ni~ ji' quiá'- Fidiée. ²³ Jo dsu' dsíng'- fii~ jaléng' dseamí i ngí quiéeng` yuu` osi i ngí jéeng` yuu` cu' tá' ie~ jo! Co' dsíng'- nicá dsea` iihuí' la'úng- fi' jmigüí, jo dsu' eáang'guib nicá i dsea` i seeng` fi' Jerusalén la iihuí' lajee~ lajaléng' dsea` jmigüí. ²⁴ Jo fíim' dsea` nijúuiñ- fi' jee~ máí~, jogui fíim' dsea` niteiñ'^ jo nidsiliñ` 'nuñí' fi' fii' lí' jié'; jo jaléng' dsea` i jalíng- fi' lí' huí' i ja` cuíng' Fidiée~ nijaso'óøm'^ bre fii' Jerusalén cartí mi~ nidsíng- e í' e nisi'í' quiá'-.

Jial mi~ nijáa'tu Dsea` Jmáang-

(Mt. 24:29-35, 42-44; Mr. 13:24-37)

²⁵ Jo dsíng'- nilisíng- jial jnéeng- iee` cóo' gui si' cóo' gui jaléng' núu. Jogui dsíng'- nidsigá dsí' dsea` jogui niféiñ' cajo uí' e ga` niróo- jmiñí'^ jogui ga` nitá'- máí~. ²⁶ Jo dsíng'- niféng' dsea` jo fíim' dsea` ni'íng- dsíir cóo' jalé' e fò' do mi~ ni'í- dsíir jalé' e nilí ie~ jo, co' jiguí jalé' e sea` fi' yá'^ jmigüí nijó' lafa' mi~ jó' uó-. ²⁷ Jo joguiba' mi~ nimáang~na' jnea~, dsea` lín'n jaang` dsea` jmigüí i jáa' fi' ñifí-, e nigáa'a niquíin'~n jee~ cabøø jní' cóo' e niing- jí e 'gøng' quiá'- Fidiée. ²⁸ Jo mi~ nináng` e nidsijéé' jalé' e nicafá'-a na, joba' cuóø' bí yaang~na' jóng, jogui jóø-na' yejí- fi' yá'^ jmigüí, co' nijaquíem'ba' e nileáng'na' congua' jee~ jalé' dsee- quií-na'.

²⁹ Jo lí- jo casí- Jesús jaléng' i dsea` do cóo' gui júu^ jo cajíñ- casí'-reiñ':

—Quié'na' cuente jial lí' jalé' 'ma' güiñí'^ osi lí'^ doñí' ee' 'ma' é. ³⁰ Jo mi~ móo- 'nú' e ninaang` iée' jalé' má' e sí' quiá'-, 'nú' niñí'na' e jii' jmíib' nijaquíéeng' jóng. ³¹ Jo mi~ canaang` liti~ jalé' e nicafá'-a na, joba' güiliñí'na' guiá- e nijaquíem'ba' e nicá Fidiée~ nifi' quiá'- lajaang` lajaang` dsea` jmigüí.

³² Jo e já'- e fii' i 'nú' e jalé' e na 'né- nilitib~ nú'- gui e nijúung- jaléng' dsea` i seeng` jmiñ- na. ³³ Jo ni'íim- la'úng- jmigüí la cóo' gui la'úng- yá'^ jmigüí, jo dsu' jalé' júu^ quié- e ja` tóo' jmiñ- fa' e ja` niliti~ lajalé' e jo.

³⁴⁻³⁵ Jo co' lajob nilí, joba' fii' i 'nú' e dsíng'- 'né- ñiing~ óo'na' jo ja` cuó'^ fi' yaang~na' jii~ capí'^ e nirøng'na' dsee- cóo' jalé' e 'lí'^ e sea` fi' jmigüí. Jo ja` jmoo'na' ta~ í' mée' o'gui ngí'na' e eáang'gui guiing~ óo'na' jial niliseeng'na' fi' jmigüí la, jo lajoba' ja` nidsingíng- na' la dsingíng- jaang` nóo' i guiéé' lí' róo' cóo' leá. Co' jaléb' e jo nilí mi~ niguiéé' e jmiñ- jo jee~ jaléng' dsea` i seeng` fi' la'úng- fi' jmigüí. ³⁶ Joba' liúun'~n 'nú' e dseáng'- la guíim'ba' 'né- e neáang'na' e neé' guiá- quií-na' contøøng-, jo contøøng- 'né- máí~na' jmi'ee' Fidiée~ uii~ quií'na' e laco' ja` güitíng'na' jalé' e nilí ie~ jo jogui e laco' cuóøng` nigüiquiéeng'na' fi' quinií-, jnea~ dsea` lín'n jaang` dsea` jmigüí i jáa' fi' ñifí-.

Jo jalé' e júu^ na ca'e' Jesús ca'e'r' jaléng' i dsea` do ie~ jmiñ- jo.

³⁷ Jo mi~ cangí jo, laco' jmiñ- dsí'éé' Jesús jaléng' dsea` jalé' júu^ quiá'- Fidiée~ fi' guá'- fé' e si' fi' Jerusalén. Jo laco' 'lloo- dséer' dsijer- fi' cóo' yá'^ cuo' e sií Olivos e fi' 'ni' fii' Jerusalén do. ³⁸ Jo lajalém' dsea` dsiliñ- e fi' guá'- do laca'ee' e dsinúur- jalé' júu^ e guía' Jesús.

22

Mi~ casíng- jaléng' dsea` jial e nisáíñ' Jesús

(Mt. 26:1-5, 14-16; Mr. 14:1-2, 10-11; Jn. 11 :45-53)

¹ Jo ie~ jo nijaquíéeng' cóo' jmiñ- e sií Pascua quiá'- jaléng' dsea` Israel, jo ie~ jmiñ- jo gø'r' iñí'^ e ja` quie'^ quiéeng'. ² Jo lajee~ jo canaang` jaléng' fii~ jmidsea` cóo' gui jaléng' tifa' quiá'- júu^ quiá' ta~ quiá'- dsea` Israel e síiñ' jial niguié'r' e nijngáiñ'- Jesús, jo dsu' ja` teá' dsíir' e nijmér- jalé' e 'lí' e í' dsíir' do, co' dsíng'- 'gøiñ' jaléng' dsea` i seáng' fi' Jerusalén lajee~ e jmiñ- jo.

³ Jo lajee˘ jo ca'í- fii˘ i 'ling˘ i sii˘ Satanás fí dsí˘ Judas Iscariote, jaang˘ lajee˘ dsea˘ guitúung˘ quiá˘ Jesús. ⁴ Jo dsifí˘ lajob cangór˘ cangosiin˘ cóo˘ jaléng˘ fii˘ jmidsea˘ cóo˘ gui jaléng˘ dseata˘ quiá˘ guá˘ quiá˘ dsea˘ Israel quiá˘ jial nilí˘ nisáin˘ Jesús e laco˘ nijáin˘ dsea˘ do fí quini˘ i dsea˘ í. ⁵ Jo dsing˘ cali'iaang˘ dsí˘ jaléng˘ i dsea˘ do mi˘ canúur˘ e júu˘ jo, jogui cacuør˘ júu˘ quiá˘ r˘ e nicuør˘ Judas Iscariote cuu˘ e 'léein˘ do e quiá˘ e nijáin˘ Jesús. ⁶ Jo ca'íb˘ dsíir˘ quiá˘ rúin˘ e nijmér˘ lajo, jo mifíng˘ canaang˘ Judas e 'nó˘ r˘ jial e nijáin˘ Jesús fí jaguó˘ jaléng˘ i dsea˘ do.

Mi˘ cagó˘ Jesús í˘ canuu˘ cóo˘ dsea˘ guitúung˘ quiá˘ r˘
(Mt. 26:17-29; Mr. 14:12-25; Jn. 13 :21-30; 1 Co. 11 :23-26)

⁷ Jo mi˘ cangí˘ jo, 'ña˘ ie˘ jmii˘ e gø˘ jaléng˘ dsea˘ Israel iñí˘ e ja˘ quiéeng˘ quie˘, jogui ie˘ job cajo˘ 'né˘ e nijngáin˘ jaang˘ jo'se˘ jiuung˘ laco˘ sinúu˘ quiá˘ r˘ e nijmér˘ e jmii˘ Pascua do, ⁸ jo 'ña˘ ie˘ jmii˘ jo caquia˘ Jesús ta˘ quiá˘ Túa˘ Simón cóo˘ gui Juan jo cajín˘ casí˘ reiñ˘:

—Güiling˘ na˘ jo güiguia˘ na˘ guiá˘ li˘ nijmó˘ naa˘ jmii˘ Pascua, jo fí˘ job niquiee˘ naa˘ colíng˘ canuu˘ na.

⁹ Joba˘ cajmingí˘ i dsea˘ gáng˘ do Jesús jo casí˘ r˘ dsea˘ do:

—¿Jie˘ fí˘ li˘ iing˘ 'nú˘ e nidsiguiá˘ naa˘ guiá˘ jalé˘ e jo?

¹⁰ Joba˘ cañí˘ Jesús quiá˘ i dsea˘ do jo casí˘ reiñ˘:

—Mi˘ nigüitáang˘ na˘ jee˘ fi˘ Jerusalén, job nimáang˘ na˘ jaang˘ dseañu˘ i ngang˘ quiee˘ cóo˘ dsuu˘ e a˘ jmii˘, jo nigüilím˘ ba˘ laco˘ ngaiñ˘, jo e 'núu˘ li˘ ni'ír˘ do, job nigüitáang˘ na˘ cajo. ¹¹ Jo nifí˘ na˘ i dsea˘ fii˘ e 'núu˘ do: “Lalab jing˘ tifa˘ quí˘ ii˘: ¿Jie˘ sinúu˘ li˘ nijmee˘ e jmii˘ Pascua cóo˘ jaléng˘ dsea˘ guitúung˘ quie˘ e?” ¹² Jo ni'é˘ r˘ 'nú˘ cóo˘ 'núu˘ yá˘ li˘ nisilíng˘ guiá˘, jo fí˘ job niguiá˘ na˘ guiá˘ quiá˘ e niquiee˘ naa˘ do.

¹³ Jo cangolíim˘ i dsea˘ gáng˘ do mi˘ cangoyúung˘ e cajíng˘ Jesús lajo, jo cadsém˘ bre i dsea˘ do, jo calitib˘ laco˘ cajíng˘ Jesús jéeng˘ gui do. Jo fí˘ job caguiar˘ guiá˘ e nidør˘ ie˘ canuu˘ jo.

¹⁴ Jo mi˘ nijaquieéng˘ oor˘ e nidør˘, jo cangolíim˘ Jesús cóo˘ i dsea˘ guitúung˘ do fí˘ li˘ ninéé˘ guiá˘ e nidør˘. Jo mi˘ caguiliñ˘ jo caguá˘ bre mes˘ lajaléin˘ do, ¹⁵ jo canaang˘ Jesús sí˘ reiñ˘ do lala:

—Dsíng˘ cali'iin˘ n e nijmee˘ e e jmii˘ Pascua la cóo˘ 'nú˘ ná˘ gui e nijúun˘ n!

¹⁶ Co˘ jo˘ nijmee˘ e e jmii˘ jo cóo˘ 'nú˘ cartí˘ mi˘ nití˘ í˘ e nijí˘ tu rú˘ naa˘ fí˘ ñiff˘ quie˘ e.

¹⁷ Jo lí˘ jo catáin˘ cóo˘ cóo˘ e a˘ jmí˘ mí˘ huíng˘ jó˘ jo cacuør˘ gui'máang˘ Fidié˘, jo lí˘ jo casí˘ r˘ jaléng˘ i dsea˘ quiá˘ r˘ do jo cajín˘:

—Jó˘ o e cóo˘ la, jo jmee˘ na˘ jmá˘ jiu e a˘ dsí˘ lajee˘ lajaléng˘ na˘ na. ¹⁸ Dsuo˘ jo˘ nidúu˘ u e jmí˘ mí˘ huíng˘ jó˘ la cartí˘ nijí˘ tu rú˘ naa˘ fí˘ ñiff˘ quie˘ e.

¹⁹ Jo mi˘ cangí˘ jo, jo casá˘ r˘ cóo˘ iñí˘ jo cacuør˘ gui'máang˘ Fidié˘. Jo mi˘ cangoyúung˘ jo, jo cajmér˘ jmá˘ jiu e iñí˘ do lajee˘ lajaléng˘ i dsea˘ guitúung˘ do. Jo lí˘ jo casí˘ reiñ˘ jo cajín˘:

—Quié˘ na˘ e iñí˘ la, co˘ e la lí˘ e ngúu˘ tán˘ n la, dsea˘ nijúun˘ n uii˘ quiá˘ jaléng˘ dsea˘ jmigüí˘. Jo jalé˘ e la 'né˘ nijmee˘ na˘ e laco˘ niguiéng˘ ó˘ na˘ jnea˘.

²⁰ Jo mi˘ cangoyúung˘ e cagør˘ e iñí˘ do, jo catíng˘ tur e cóo˘ e li˘ a˘ jmí˘ mí˘ huíng˘ jó˘ do jo cajín˘:

—E a˘ dsí˘ e cóo˘ la lí˘ cóo˘ júu˘ 'mii˘ e jmirør˘ Fidié˘ cóo˘ dsea˘ jmigüí˘. Jo e júu˘ jo niliti˘ mi˘ nití˘ jmí˘ øn˘ uí˘ dsee˘ quiá˘ jaléng˘ dsea˘ jmigüí˘. ²¹ Jo dsu˘ lana, lab guíng˘ i dsea˘ i ni'níng˘ jnea˘ fí˘ quini˘ jaléng˘ dsea˘ i 'ní˘ ní˘ quie˘ e. ²² Dsuo˘ lana jnea˘, dsea˘ lín˘ n jaang˘ dsea˘ jmigüí˘ i jáa˘ fí˘ ñiff˘, 'né˘ nidsingín˘ n lí˘ laco˘ la fé˘ fí˘ ni˘ jì˘ quiá˘ Fidié˘. Jo dsu˘ e ngí˘ fi˘ i dsea˘ i ni'níng˘ jnea˘ fí˘ quini˘ jaléng˘ i dsea˘ í!

23 Jo mi~ canúu~ i dsea` guitúung` do e cajíng'- Jesús lado, jo canaaiñ` jmingí' rúíñ':

—¿I~ jaang` jneaa~aa', faa~aa', dsea` née'ee' la i ni'núing~naa' Fíi'naa' Jesús?

I~ i niing~gui

24 Jo mi~ cangoyúung~ e cagó'r', jo canaang` i dsea` guitúung` do jmiquí'm'- dsíir' quiá'- uíi' e sáiiñ` quiá'- i~ i niing~gui lajee` la'ó' ír'.

25 Joba' cañíi` Jesús quiáíñ'- do jo casí'- reiñ':

—Jaléng` dseata~ i quiu' ta~ quiá'- jaléng` dsea` i ja` cuíng` Fidiéé` jmóor` laguidseaang` e jmiti~ dsea` jalé' ta~ e quiu'r'. Jo jalém` i dsea` do 'né` fé'r' e eáam' guiá~ jogui e eáam' jlo' laco' ta~ quiu' dseata~ quiá'r'. 26 Jo dsu' 'nú', dsea` líng'na' dsea` quié`-e, ja` cuóøng` fa' e líng'na' lajo. Co' ií` 'nú' i iing~ i nilíniing~gui, 'né` nijmee~na' laco' jmóo` jaang` dsea` i ja` niing~; jogui ií` 'nú' iing~ i niquíá'- ta~, 'né` nijmee~na' lajii~ ta~ e iing~ dsea` rúm'ba'. 27 Co' e já'- e í` dsíi' dsea` e eáang`gui niing~ i dsea` i guíing~ gø' laco'gui i dsea` i caguié` e jmiñi~ do. Dsu' jnea~ sín'n la jee` 'nú' lí' laco' jaang` dsea` i jmóo` lajii~ e iing~ dsea` rúng'.

28 Jo co' nicangí'ba' cóo~ jnea~ contøøng~ lajee` nicangongín~n jalé' iihuí' fí' jmiçúí' la, 29 jo uíi' e lajob` nicajmee~na', joba' nicuóøø` 'nú' e niquíá'^na' ta~ colíng~ cóo~ jnea~ fí' ñíí' lí' laco'gui la nicangíng` jnea~ quiá'- Tiquié` e Fidiéé` dsea` guíing~ ñíí' e niquíá'^na ta~ cajo. 30 Jo colíim~ ni'né'^ niquiee~naa' cóo~ jnea~ fí' jo, jogui røøb` niquidsi'naa' í' cajo quiá'- laji` guitu' 'lé' dsea` Israel.

Mi~ cajméé` Jesús júu^ e nijíng'- Tú` Simón e ja` cuiñ` dsea` do (Mt. 26:31-35; Mr. 14:27-31; Jn. 13 :36-38)

31 Jo mi~ calí~ jo, cajíng'-gui Jesús casí'r- Tú` Simón:

—Simón, Simón, lana nicamíng` Satanás 'nú' e niguia` ji'r' 'nú' lafa' mi~ ji' dsea` qui` cui'ee`. 32 Jo dsu' jnea~ nicamí~i Tiquié` e dsea` guíing~ ñíí' uii~ quií'- e laco' ja` güilín'^ e nilítúng~ a' júu^ quié`-e. Jo 'nu', mi~ nifo'^tu' calé' catú~ e lin' dsea` quié`-e, joba' jmicóo' jóng` jaléng` dsea` rún' e laco' teá'gui nisíñ'- cóo~ júu^ quié`-e.

33 Joba' cañíi` Tú` Simón jo casí'r- Jesús jo cajíñ'-:

—Fíi'i, teáb` dsí' jnea~ e ninii~i cóo' 'nu' fí' 'nuñí' fíng` song` casáng' dsea` 'nu', jogui colíim~ nijúu~naa' fíng` cali'né~ lajo.

34 Joba' cañíi` Jesús quiá'- Tú` Simón jo casí'- reiñ':

—Tú` Simón, e laba' fíi' 'nu', e dsa'ó' góo' na, nú'-gui e niquí'- tuidséé', 'nu' nifo'^ 'ní' née' e ja` cuín' jnea~.

Mi~ nijaquíéeng' oor~ e nidsingíng~ Jesús jalé' iihuí'

35 Jo lí~ jo, cajmingí'- Jesús jaléng' i dsea` quiá'r- do jo cajíñ'- casí'-reiñ':

—Mi~ casíñ~n 'nú' e ja` quié`na' nosúu' quií'-na' o'gui cuu~, jogui jii~ lomí~na' e ø'ba', joba' jii~ coo' ja` ee` cali'né~gui, ¿já^ leáa'?

Joba' cañíi` i dsea` do jo casí'r- Jesús:

—Dseáng'- lajob` líi', Fíi'ii'.

36 Joba' cajíng'-tu` Jesús casí'r- jaléng' i dsea` do:

—Jo dsu' lana fíi' 'nú', jaléng' 'nú' i sea` nosúu' quiá'- cóo'gui lí~ téé' cuu~ quií'-na', joba' quié`na' jalé' e jo; jogui ií` 'nú' i ja` sea` ñisú' quiá'-, joba' 'nií~na' coo' 'mi'guiéé~ quií'-na' jo leáa'na' coo' e ñí^ jo. 37 Dsúco' lana tí' niliti~ jalé' e fé' fí' ni~ jii` quiá'- Fidiéé` lí' fé' lala uii~ quié`-e: “Jo jee~ jaléng` dsea` i soo` dsíi' cali'íñ'”. Dsúco' lajalé' e fé' fí' ni~ jii` quiá'- Fidiéé` uii~ quié`-e, dseáng'- 'né' nilítib~ e jo.

38 Joba' cañíi` i dsea` do quiá'- Jesús jo cajíñ'-:

—Fíi'i, lab sea` tú` ñisú'`.
 Joba' cañí'tu Jesús jō cajíñ'`:
 —Nitéb'` jíi'` lana.

*Mi` casang` Jesús cóo` Fidié` fí` mó` Olivos
 (Mt. 26:36-46; Mr. 14:32-42)*

³⁹ Jō mi` cangí` e cajíng'` Jesús e júu` jō, dsifí` ladob cagüi'`ir` jō cangó`-tur fí` mó` Olivos lí` laco'gui` jíi'` e quí`-` tiiñ` e jmóor`. Jō cangolím` jaléng` i` dsea` quiá'r` do cajo tí`leáaiñ` laco' cangó`-dsea` do. ⁴⁰ Jō mi` caguiliñ` e fí` mó` jō, jōb cajíng'` Jesús casí'r` i` dsea` quiá'r` do:

—Féeng`na' Fidié`, jō lajōba' ja` dseáng` e nijiúng`na' fí` ni` dsee`.

⁴¹ Jō lí` jō, dob catiúung`-tear i` dsea` quiá'r` do, jō 'ñia'bre cangó`-tí` doguijia lí` laco' í` e tí` cóo`-cúu` e bí` dsea` cóo`-guóor`. Jō casí'r` uó`-jnir` jō canaaiñ` féiñ' Fidié` jō cajíñ'`:

⁴² —Teaa~, song iin` jōba' cuóom` lí` laan` jnea` jee` jalé` iihuú` e tí` lí` nidsing`n`-n; jō dsu' ja` güilí` laco' iing` jnea~, co' güilitib` jial dseáng`-jíi'` iing` 'nu` e niliti`.

⁴³ Jō mi` cajíng'` Jesús lajō, jō dsifí` lajōb cajnéng`-jaang` ángel i` casíng` Fidié`, jō cacuó'r` dsea` do bí` e quiá`-` e nité'r` cóo`-jalé` iihuú` e tí` lí` nidsing`iñ`. ⁴⁴ Jō lajee` jō eáang`gui` canaang` Jesús jmiféiñ'` Tiquiá'r`, jō canaang` sojiúñ` jmiguiee` e lí` la lí` jmi'óoiñ` cartí` ni` uó`.

⁴⁵ Jō mi` calí` e féiñ'` Tiquiá'r`, jō cangám`-tur fí` lí` caseáaiñ` i` dsea` quiá'r` do, jō cadséng`-neiñ'` do e güim`biñ'` do lajaléiñ', co' dsíng`-nicaljjuung` dsír`.

⁴⁶ Joba' cató`-` Jesús i` dsea` do jō casí`-reiñ'` lala jō cajíñ'`:

—¿Jialí'` güiing` 'nú'? Jminá`-ráang`-na' jō féeng`-na' Fidié` dsea` guing` ñiff` uii` qui`na' yaang`-na', jō lajōba' ja` dseáng` e nijiúng`na' fí` ni` dsee`.

*Mi` casang` dsea` Jesús
 (Mt. 26:47-56; Mr. 14:43-50; Jn. 18 :2-11)*

⁴⁷ Jō laco'gui`-nang` e fé'bi` Jesús e júu` na, mi` canaang` guilíng`-fíng` dsea`. Jō jaang` lajee` lajaléng` i` dsea` guitúung` do i` sii` Judas Iscariote, í`bing' i` quie' nifí` quiá`-` i` dsea` do. Jō cangoquiéeiñ` fí` lí` sing'` Jesús jō cachu'r` ni` dsea` do.

⁴⁸ Jō dsu' lalab cañí` Jesús quiá'iñ` do:

—Judas, ¿su cóo` e chu` ni` baa e nijáan` jnea` fí` jaguó` jaléng` i` 'ní` níng`-jnea~, dsea` i` jáa' fí` ñiff` i` líng` jaang` dsea` jmigüi`?

⁴⁹ Jō mi` cangá` dsea` guitúung` quiá`-` Jesús e calí` lado, jō cajmingí'r` Jesús jō cajíñ'`:

—Fíi`naa', ¿su nití`naa' cóo` ñisú'`?

⁵⁰ Jō jaang` i` dsea` guitúung` do caguir`-ñí` quiá'r`, jō caquiur` logua` dsée` quiá`-` jaang` dsea` i` jmóo` ta` quiá`-` i` jmidsea` i` laniing` do. ⁵¹ Jō dsifí` lajōb cajíng'` Jesús casí'r` i` dsea` quiá'r` do:

—Jō e cang`na'r` jíi'` cóo`; nilí'b` jíi'` lana.

Jō dsifí` lajōb cagüi'` Jesús e lí` 'ná` quiá`-` i` dsea` sicúing` do, jō ladsifí` lanab ca'lóo`-loguaiñ` do. ⁵² Jō lí` jō, casí`-` Jesús jaléng` fí` jmidsea` cóo`-jaléng` i` néé` ni` guá`-` cóo`-gui` jaléng` dsea` cóong`-quiá`-` guá`-` quiá`-` dsea` góor` dsea` Israel, co' lajalém` i` dsea` í` caguiliñ` e nitóor` Jesús, jō cajíñ'` casí'r` i` dsea` do:

—Lana cagüilíng` 'nú` e quie`na' jalé` ñisú'` cóo`-gui` jalé` 'ma` e nij-mang`na' jnea` lafa' jaang`-ñí. ⁵³ Jō laco`-jmí` laco`-jmí` ca'ée` e 'nú` júu` quiá`-` Fidié` fí` guá`-` qui`naa', jō dsu' ja` cateá`-` óo`na' fa' e caséng`na' jnea` lajee` jō; jō dsu' lanagui` cagüea`-` oor` e güijé` 'nú', co' Fidiéeb` dsea` nicacuó'r` fí` lajō e i` 'lim` ni`quiá'r` ta` e uó` lana.

Mi~ cajíng' Tú^ Simón e ja' cuiñ' Jesús

(Mt. 26:57-58, 69-75; Mr. 14:53-54, 66-72; Jn. 18 :12-18, 25-27)

⁵⁴ Jo dsifí lajɔb casaiñ' Jesús, jo cató'r dsea` do fí' quiá'- i jmidsea` laniing` quiá'- dsea` Israel. Jo huím` ngang' Tú^ Simón e ti'leáaiñ' laco' ngolíng` i dsea` do e téer` Jesús. ⁵⁵ Jo mi~ caguiliñ' fí' jo, jo canaang` i dsea` i casó'- quiá'- Jesús do e jír' jì fí' guiá' jóo` siguí', jo caguár` lacúng' lajíng` e jì do mi~ cacóo`. Jo dob caguá' Tú^ Simón cajo jee~ jaléng' i dsea` do. ⁵⁶ Jo mi~ cangá- jaang` dseamí i jmóo` ta~ quiá'- i jmidsea` do e dob guing~ Tú^ Simón jee~ jaléng' i dsea` i neáang` do, jo canaaiñ' jmicuíng` neiñ' jo casí'- reiñ':

—Jaa~, cangib' i dseañu' la cóo' Jesús cajo.

⁵⁷ Jo mi~ canúu- Tú^ Simón lado, jo dsifí lajɔb cajíñ'- casí'r- i dseamí do:

—Ja` cúing` jneaiñ' do, dseamí.

⁵⁸ Jo mi' máng- guijiũ lajo, jiéng' gui calicuí' quiá'r- jo cajíñ'-:

—Dsea` quiá'- Jesús líng' gui 'nu` cajo.

Jo mi~ canúu- tu Tú^ Simón lado, jo dsifí ladob cañí'tur jo cajíñ'-:

—Ja' jee~ i do quíng' jnea~, dseañu'.

⁵⁹ Jo mi~ cangí coo` oor~ lajo, jiéng' gui jaang` dsea` cajíñ'-:

—E já'- ba' líng' i dseañu' la dsea` quiá'- Jesús, co' i seeng` fí' Galileab la cajo.

⁶⁰ Jɔba' cañí'tu Tú^ Simón jo casí'r- i dsea` do jo cajíñ'-:

—Ja' ñii- ee' e fó' na, dseañu'.

Jo ja' mí' cató'bi e fé' i Tú^ Simón do lajo mi~ tí' lí' caqui' jaang` tuidsée^.

⁶¹ Jo jɔb mi~ caji' Jesús nir~ jo cajóoiñ- Tú^ Simón tí' lí' siñ', jo dsifí lajɔb cadseng'- dsí' i Tú^ Simón do e cajíng'- Jesús lamí~ neáaiñ' gø'r' do: “Dsa'ó' góo' na, nú'-gui e niquí'- tuidsée^, 'nu' nifo'^ 'ní' née' e ja' cuiñ' jnea~.” ⁶² Jo mi~ cadseng'- dsí' i Tú^ Simón do e cajíng'- Jesús lajo, jo dsíng'- calijiuung~ dsíir', jo dsifí lajɔb cagüi'ír' jo dsíng'- canaaiñ' qui'r' jóng.

Mi~ cajmeáng` dsea` Jesús

(Mt. 26:67-68; Mr. 14:65)

⁶³ Jo mi~ cangí jo, jaléng' i dsea` i jée' quiá'- Jesús canaaiñ' lóoiñ- dsea` do jɔgui bóøng- neiñ', ⁶⁴ jo cajnír' jmini` dsea` do jo cabár` moniñ' jo cajmingi' reiñ' lala jo cajíñ'-:

—¿I' i cabóøng- 'nu'? jmee- júu^, ne'ee'!

⁶⁵ Jo jmiguiã' bi jalé' e fé'r' e jmineaiñ'^ dsea` do lajee~ jo.

Mi~ cangojéiñ' Jesús fí' lí' siseáng' jaléng' dsea` cóøng' quiá'- guá'-

(Mt. 26:59-66; Mr. 14:55-64; Jn. 18 :19-24)

⁶⁶ Jo mi~ cajneá- e jmí~ jo, jo caseáng' jaléng' dsea` cóøng' quiá'- dsea` Israel cóo' jaléng' fii' jmidsea` cóo' gui jaléng' tifa' quiá'r-, jo cató'r Jesús fí' lí' nisiseáiñ' do, jo cajmingi'r' dsea` do lala jo cajíñ'-:

⁶⁷ —Jmee- júu^, ne'ee', ¿su 'nu'b` Dsea` Jmáang-?

Jɔba' cañí' Jesús quiá'- jaléng' i dsea` do jo cajíñ'-:

—Song nijmee~ jnea~ júu^ røø, ja' já'- nilíng' 'nú' júu^ quié- e jóng. ⁶⁸ Jɔgui song ee~ nijmingí' i 'nú', ja' e ní' na' ningíi- na' quié- e cajo. ⁶⁹ Jo dsu' latí' lana jnea~, dsea` cagá- a fí' ñifí- e lín'n jaang` dsea` jmigüi', niní' i lí' lí' dsée' laco' guing~ Fidié~ dsea` guing~ ñifí-, dsea` i 'gøng' eáang' la'úng- fí' jmigüi'.

⁷⁰ Jo mi~ canúu- jaléng' i dsea` do e cajíng'- Jesús lado, jo lajalém' bre cajmingi'r' dsea` do jo cajíñ'-:

—Jo ¿su 'nu'b` Jóo' Fidié~ dsea` guing~ ñifí- liya?

Jɔba' cañí'tu Jesús quiá'- jaléng' i dsea` do jo cajíñ'-:

—Dseáng'- lajɔb lí' lí' laco' la nicafee' na' na.

⁷¹ Jo mi~ canúu~ jaléng^ i dsea` do e cajíng^ Jesús lajo, jo casíiñ~ lajee~ lajaléiñ^ do jo cajíñ^:-

—¿E~gui ta~ e 'neáng~ guíi^ jaléng^ dsea` i tíi' ni~? Co' yee~baa' nicaná^uú' náng jial laco' líi' júu^ quiá'r~.

23

Mi~ caguiéng^ Jesús fi' quini~ dseata~ dsea` féng^ i sii` Pilato
(Mt. 27:1-2, 11-14; Mr. 15:1-5; Jn. 18:28-38)

¹ Jo mi~ cangí jo, lajalém^ i dsea` do cangojéiñ^ Jesús fi' quini~ jaang` dseata~ dsea` féng^ i sii` Pilato. ² Jo mi~ caguiliñ^ do fi' do, jo canaañ^ jmóor` dsee~ quiá^- dsea` do jo cajíñ^:-

—I dseañu^ la ngir' lacaang` jee~ 'núu' ta~ jmiguíng~ jaléng^ dsea` i seeng` fi' lí quiá' 'nu' ta~. Jogui ngir' fé'r' e ja` 'né~ niquí^naa' cuu~ quiá^- i dseata~ dsea` féng^ i guing~ fi' Roma, jogui fé'bír cajo e íbre líiñ^ Dsea` Jmáang~ i nisíng~ Fidiéé~ i nicá nifí quiá^- jaléng^ dsea` góo^naa' dsea` Israel.

³ Jo mi~ canúu~ i dseata~ Pilato do lado, jo cajmingi'r' Jesús jo cajíñ^:-

—¿Su 'nub` dsea` i quie' nifí quiá^- dsea` Israel?

Joba' cañíi' Jesús jo cajíñ^:-

—Dseáng^- lajob líi' líi^ laco' la nicafée^ 'nu' na.

⁴ Jo mi~ canúu~ Pilato e cajíng^ Jesús lajo, jo casí'r~ jaléng^ i fii~ jmidsea` do cóo^~gui jaléng^ i dsea` i teáang^ do jo cajíñ^:-

—Ja` niguié' jnea~ jíi^ cóo` dsee~ e sea` quiá^- i dseañu^ la.

⁵ Jo mi~ canúu~ jaléng^ i dsea` do lado, jo eáang^gui canaañ^ jmóor` dsee~ quiá^- Jesús jo cajíñ^:-

—I dseañu^ na eáang' ngir' ta~ jmiguíng~ dsea` cóo^~ jalé^ e er'. Jo canaañ^ jmóor` lajo catí lí se' Galilea cartí caguéiñ^ fi' la, fi' lí se' Judea, e jmóor` lajo.

Mi~ cangojéiñ^ Jesús fi' quini~ jaang` dseata~ i sii` Herodes

⁶ Jo mi~ canúu~ Pilato e café^ dsea` lajo, jo cajmingi'r' su fi' lí se' Galileab seeng` Jesús. ⁷ Jo mi~ cajíng^ dsea` e fi' job seeiñ^, joba' casíiñ^ dsea` do cóo^~ jaang` dseata~ i sii` Herodes i líng^ dseata~ dsea` féng^ quiá^- Galilea, co' ie~ jo dob nitáang^ i dseata~ do fi' Jerusalén. ⁸ Jo mi~ cangá~ Herodes e cangáiñ^ Jesús, dsíng^ cali'íáang` dsíir', co' líi~ nicajá~ e iñ~ e niníiñ^ dsea` do, co' fíim' dsea` dsicóor` júu^ quiá^- jalé^ e guiá~ e nicajmée` dsea` do, jogui güijer^ fa' ee` nijmé~ dsea` do e lí. ⁹ Jo jmiguiab' jalé^ e cajmingi'r' dsea` do, dsu' jíi^ camíi^ júu^ ja` ee` cañíi' Jesús quiáiñ^ do. ¹⁰ Jo lajee~ jo, dob teáang^ jaléng^ fii~ jmidsea` quiá^- dsea` Israel cóo^~ jaléng^ tífa' quiá'r~, jo dseáng^- eám' teáaiñ^ do jmóor` dsee~ quiá^- Jesús. ¹¹ Jo mi~ cangá~ Herodes e ja` ee` ngíi' Jesús, joba' cajmicóo^~ rúñ^ cóo^~ jaléng^ líe~ quiá'r~ e canaañ^ lóoiñ^ dsea` do, jo caquiñ^ dsea` do caneáang^ síi^ dseata~ dsea` féng^'. Jo lí jo, i dseata~ do caguiéng^ tur Jesús fi' lí guing~ dseata~ Pilato calé^ catú^-. ¹² Jo ie~ jmíi~ jo røøb` casíng~ tu dseata~ Herodes cóo^~ dseata~ Pilato, co' lamí~ jéeng^gui 'níb^ nicangáng~ rúñ^'.

Mi~ cahuí^ ta~ e nijúung~ Jesús

(Mt. 27:15-26; Mr. 15:6-15; Jn. 18:39-19:16)

¹³ Jo mi~ caguiéng^ tu Jesús fi' lí guing~ dseata~ Pilato, jo caquiñ^ do ta~ e caseáng^ jaléng^ fii~ jmidsea` cóo^~gui jaléng^ dseata~ jogui cóo^~ jaléng^ dsea` fíi. ¹⁴ Jo mi~ caseáng^ jaléng^ i dsea` í, jo lalab cajíñ^ casí^-reiñ^:

—'Nú' cañijéeng^na' i dseañu^ la fi' la e jmoo^na' dsee~ quiá'r~ e ngir' jmiguíiñ^ jaléng^ dsea` fíi; jo jnea~ nicajmingi'r' jalé^ e júu^ jo fi' quini^ 'nú' lajaléng^na' na, jo dsu' jíi^ cóo` dsee~ ja` mí cadsé^e e røøiñ^ líi^ laco'

jíi' e 'náng'na're. ¹⁵ Jogui nicasím-búr fí lí' guing~ dseata~ Herodes, dsu' o'gui i dseata~ í lling~ ee' dsee- cadsé'r' quiá'- dsea' la, joba' fí lab nicaguiéng'tureiñ'. Jo niñí'ba' e jíi' coo' ja' ee' mí' cajméer' fa' cuóøng' e nijngáang'~naa'r, ¹⁶ jo dsu' nicuóø^baar iihuí', jo lí' jo nilaam~tur calé' catú'.

¹⁷ Jo lajee~ e jmíi' jo tting~ dseata~ Pilato e jmi'iaaiñ' dsí' jaléng' dsea' fii' jo láaiñ' camíng'~ dsea' i iuung~ fí dsí' 'nuñí'. ¹⁸ Jo dsu' jaléng' i dsea' fii' do canaañ' óor' teá' jo fé'r' e éeiñ' Jesús:

—ja' laan' i dseañu' ná! ¡Leaang~ Barrabás!

¹⁹ Jo i Barrabás do nica'ír' 'nuñí' dsu' uii' e 'ní' níiñ~ jaléng' dseata~ jogui e nínicaingaiñ' dsea' cajo. ²⁰ Jo dsu' dseata~ Pilato eáang'gui iñ~ e nileáiñ~ Jesús laco'gui i Barrabás do, joba' casí'-tur dsea' fii' calé' catú'. ²¹ Jo dsu' jéeng'gui i dsea' fii' do canaañ' fé'r' cóo' júu^ teá'gui jo cajíñ'- e éeiñ' Jesús:

—fí' dse' crúu^ teáaiñ' na! ¡fí' dse' crúu^ teáaiñ' na!

²² Jo lí' jo, catí' 'ní' née'~ cajíng'~tu dseata~ Pilato casí'r~ jaléng' dsea' fii':

—Jo ¿e~gui dseáng'~ e ga' nicajméer'? Ja'gui ee' dsee- niguié' jnea~ e røøiñ' fa' e cuóøng' e nijúuiñ'. Dsu' lifa' nicuóø^baar iihuí', jo lí' jo, nilaam~tur calé' catú'.

²³ Jo dsu' jaléng' dsea' fii' cóo'~gui jaléng' fii' jmidsea' eáang'gui canaañ' ta'r' mii' e mí'tur e nitáng~ Jesús fí' dse' crúu^, jo lajob cajméer' cartí' calí'r~ lajii' e mir' do. ²⁴ Jo lajob cajméer' dseata~ Pilato lí' laco' jii' e mí' i dsea' i teáang~ do, ²⁵ jo caleáam~bre i Barrabás do, dsea' i 'ní' níng~ jaléng' dseata~ jogui nicajngaiñ' dsea', co' uiiing~ quiá'- e joba' e iuuiñ' 'nuñí', jo cajám'bre Jesús fí' jaguó' jaléng' dsea' i 'ní' níng~ dsea' do; jo cajméer' lajo cóo'~ jaléng' dsea' fii', co' lajob calí'íiñ' do.

Mí' catáng~ Jesús fí' dse' crúu^

(Mt. 27:32-44; Mr. 15:21-32; Jn. 19:17-27)

²⁶ Jo mí' cangí' jo, jo cangojéem~bre Jesús fí' lí' nitáiñ' fí' dse' crúu^ . Jo lajee~ teáaiñ' do fí' e ngoliiñ', cajíñ' jaang~ dseañu' i laco' nijang' jee~ ta' quiá'- i sii' Simón i seeng' fí' coo' fii' e sii' Cirene, jo caquiur' ta' e cajéeng' i dseañu' do crúu^ quiá'- Jesús laguidseaang~; jo cangór~ caluu' laco' ngóo' dsea' do.

²⁷ Jo fiiim' dsea' i ngolíng~ laco' ngóo' Jesús, jogui dsíng' fíng' dseamí' i ngolíng~ qui' jo tí'oor' e lijjuung~ dsíir' uii' quiá'- Jesús. ²⁸ Dsu' Jesús caji' nir~ cajóøiñ' jaléng' i dseamí' do jo cajíñ' casí'-reiñ':

—Dseamí' i seeng' fí' Jerusalén, ja' qui'na' uii' jnea~, dsu' qui'na' uii' qui'na' yaang~na' jogui uii' quiá'- jóo'na'. ²⁹ Co' niguiéeb' jmíi' mí' nifé' jaléng' dsea': “Juguiá~jiu quiá'- jaléng' dseamí' i ja' cuóøng' nidsiquieeng~ yuu, jo ja' ii' caliséng' quiá'r~ i cacuó'r~ tú'.” ³⁰ Jo ie~ job mí' nináng' jaléng' dsea' e nimí'r~ jalé' mó' jo nijíñ': “Líng~ güjiiú' sii' lí' née'naa'”; jogui nisí'r~ jalé' mó': “Meeng~ jnea' lajminá’.” ³¹ Co' song lanab cuø'na' jnea~ iihuí', dsea' ja' dsee- røøñ~, joba' jial tí'gui nidsingíng' 'nú', dsea' røøng'na' dsee~.

³² Jo jaléng' i dsea' i ngolíng~ do jéeiñ' gáng~ íi' i nidsijngáaiñ' colíng~ cóo'~ Jesús. ³³ Jo mí' caguiliiñ' coo' cuo' lí' sii' Cuo' Mogui' 'Lii~, jo fí' job cateáaiñ' Jesús fí' dse' crúu^ cóo'~ laji' gáng~ i íi' do, jmá'- jáng' crúu^ lajaañ' do: jo jmá'- jáng' i íi' do cataiñ' lacataang' cáang' Jesús, jaang' lí' lí' dsée' jogui jaang' lí' lí' tuung~. ³⁴ Jo lajee~ gui'ná' e táang' Jesús fí' dse' crúu^ cajíñ'-:

—Teaa~, íing' dsee- uii' quiá'- jaléng' i dsea' na, co' e ja' lí'biñ' na jalé' e jmóor'.

Jo mí' calí' e cateáaiñ' dsea' do fí' dse' crúu^, jaléng' i 'lée- do canaañ' cóor' quiá'- i nilí' lajee~ lajaléiñ' do i nicóo' sí' Jesús fí' quiá'r'. ³⁵ Jo lajalém' dsea' teáaiñ' e jøør~ jalé' e calí', jo jaléng' i dseata~ do canaañ' lóøiñ' Jesús jo sí'r' dsea' do lala jo fé'r':

—Caleám-bre jaléng' dsea`jiéng', joba`güileáang`'ñia'r` náng, song dseáng'`-já' e íbre líiñ' Dsea`Jmáang-, dsea`i casíng` Fidiéé` fí` jmigüí` la.

³⁶ Jo jaléng' i`'léé- do lóòm-bre dsea` do cajo, jo dsiquiéiñ'` quiá'- lí` táang` dsea` do fí` dse'` crúu^, jo cuø'r` dsea` do jmi'^` mí'^` huñng` jø'^` e tí'^. ³⁷ Jogui sí'r` dsea` do lala jo fé'r`:

—Leaang- uø'` náng song dseáng'`-já' e 'nu` lin'` i` dsea` i` quie'` nifí` quiá'- dsea` Israel.

³⁸ Jogui tóo` cōo` 'majmá` yá'^` gui~` crúu^ lí~` táaiñ` lí~` silíi` cōo`~` jalé'` jmi'` griego cōo`~` gui jmi'` latín jogui cōo`~` jmi'` hebreo, jo lalab guøng`": "I lab i` dsea` i` quie'` nifí` quiá'- dsea` Israel."

³⁹ Jo jaang` i` ñi` i` taang` fí` dse'` crúu^ do gab` fé'r` uii~` quiá'- Jesús cajo, jo sí'r` dsea` do lala:

—Song dseáng'`-já' e 'nu` lin'` Dsea`Jmáang-, joba' leaang- uø'` jóng jogui leaang-` jnea'^.

⁴⁰ Jo dsu'` i` ñi` i` jaang`gui do ca'gaam`bre quiá'- i` ñi` rúñ'` do jo cajíñ'` casí'` reiñ`:

—¿Su ja` jáa` quí'`-fa' e 'gøng` Fidiéé` dsea` guing` ñifí`, 'nu` dsea` táan'` fí` dse'` crúu^ la cajo? ⁴¹ E liñg` uiim`ba' e taang` jnea'^` la, cō'` laguib` qui'`naa' quiá'- jalé'` e nica'lee~`naa', dsu'` i` dseañu'` la jíi'~` cōo` ja` ee` mí` ca'léer'.

⁴² Joba' cajíñ'` casí'r` Jesús:

—Jesús, güigüéng'` o'` jnea` mí~` ninaan'`- niquiá'^` ta` la'úng- fí` jmigüí`.

⁴³ Joba' cañí'` Jesús quiá'- i` dseañu'` í` jo cajíñ'` casí'-reiñ`:

—E já'- e fíi`-i` 'nu`, dseañu', e náb nidsi'`ié`ee'` cōo`~` jnea` fí` ñifí` lí` guing` Tiquié`e.

Mí` cajúng` Jesús

(Mt. 27:45-56; Mr. 15:33-41; Jn. 19 :28-30)

⁴⁴ Jo lajee` táang` Jesús fí` dse'` crúu^ mí~` catí` guieñí'`-jóo`, job mí~` ca'í'- núu^ fí` guóo'`-uø` jo, jo cateá'- cartí` la ñi`-` ní'` e ca'lóo-. ⁴⁵ Jo cajlíng-` iee, jo lajee` jo casíng-` tú-` dseá'-` jóo` e 'mí'` e í'` guiá'^` jóo` guá'-` e sí'` fí` Jerusalén. ⁴⁶ Job mí~` ca'óo` Jesús jo cajíñ'`-:

—Tea~, fí` jaguóo`ba' nisée~` e jmigüí` quie`-e náng.

Jo dsifí` mí~` cajíñ'`-lajo, jo cajúm`-bre.

⁴⁷ Jo mí~` cangá-` fii` 'léé-` quiá'-` dsea` romano e calí-` lado, joguiba'` ca-jmiféiñ'` Fidiéé` jo cajíñ'`-:

—Dseáng'`-já'-ba' e ja` dsee-` nirøng` i` dseañu'` na.

⁴⁸ Jo jaléng'` i` dsea` i` teáng-` do cangá`-bre jalé'` e calí-` do, jo mí~` caquiñ'`-` e ngolíñ', joba' canaañ'` bár` fí` nidsí'r', cō'` fí'`íb^` eáang` calíñ-. ⁴⁹ Dsu'` jaléng'` dsea` i` cangí` cōo'~` Jesús cōo'~`gui jaléng'` dseamí` i` cajalíng-` cōo'~` dsea` do catí` lí~` se'` Galilea, huñb-` cajer'` jøør-` jalé'` e calí-` do ie~` jo.

Mí` ca'áng` Jesús

(Mt. 27:57-61; Mr. 15:42-47; Jn. 19 :38-42)

⁵⁰ Jo ie~` jo seeng` jaang` dseañu'` i` guíung-` eáang` i` sii` Sé^` i` caliséng` fí` cōo` fíi` lí~` sii` Arimatea fí` lí~` se'` Judea. Jo líiñ'` do jaang` dsea` féng'` i` quiu'` ta~` quiá'-` dsea` Israel. ⁵¹ Jo i` dseañu'` do güije~`bre e nicá` Fidiéé` nifí` quiá'-` lajaang` lajaang` dsea` jmigüí', jogui ja` calijí'r~` cajo dsu'` e cahuí'` ta` e nijúung-` Jesús lí'^` laco'gui casíng-` i` dseata~` caguiaang-` rúñ'` do. ⁵² Joba' mí~` cajúng-` Jesús, cangó-` i` Sé^` do fí` quini` dseata~` Pilato, jo camir'` fí'` e ni'áaiñ-` Jesús, jo cacuø'bi` i` dseata~` í` fí'` e nijmé-` Sé^` lajo. ⁵³ Jo dsifí` lajob cangó-` fí` lí~` táang` Jesús fí` dse'` crúu^, jo cajgiáaiñ-` dsea` do, jo caquiñ'` cōo` 'mí'` té` e niguo'^, jo cangojéiñ` dsea` do e ca'áiñ-` fí` dsí'` cōo` too`` jáa', cō'` lajob qui'`-` tíng` jaléng'` dsea` Israel

e áaiñ' 'lii~ quiá'r'. Jo e fi' jo jii~ jaang' 'lii~ ja` mi' ca'áang~ lamí~ jéeng'gui. ⁵⁴ Jo ie~ jmii~ jo nilii' e guati'ló~ jmii~ e jmi'ing' jaléng' dsea` Israel.

⁵⁵ Jo jaléng' i dseamf i cajalíng~ cóo'~ Jesús catí li~ se' Galilea cangolíim`bre cajo, joba' cangá~bre jie~ li~ ca'áang~ Jesús jogui jial caquiee` dsea` do dsii' e too` do. ⁵⁶ Jo mi~ calita~ dsii' i dseamf do jie~ li~ ca'áang~ Jesús, joba' cangolíim`bre jóng fi' li~ neáaiñ' fi' Jerusalén, jo cangoguiar~ guiá~ jalé' jmii~ jmeafii~ cóo'~ gui jalé' noo~ jmeafii~ e nidsisuiñ~ dsea` do mi~ ningf jmii~ e jmi'ing' jaléng' dsea` Israel, co' lajob quí'~ táng' jaléng' dsea` ie~ jo cóo'~ jaléng' 'lii~ quiá'r'. Jo cajmi'ím' i dseamf do mi~ catí í' lajo lí' laco'gui ta~ quiá' fi' ni~ jì quiá'~ Fidié'.

24

Mi~ cají'tu Jesús

(Mt. 28:1-10; Mr. 16:1-8; Jn. 20:1-10)

¹ Jo mi~ cangf e jmii~ e jmi'ing' jaléng' dsea` Israel, jo jmii~ la'uii~ quiá'~ seamaan~ la'ee` eáang' jaléng' i dseamf i cajalíng~ cóo'~ Jesús catí Galilea do caleáb` catú~ cangolíiñ~ fi' li~ si'laang' Jesús, jo quier' jalé' jmii~ jmeafii~ cóo'~ gui jalé' noo~ jmeafii~ e nicaguiar' guiá~ lamí~ jéeng'gui do quiá'~ e si'f nisúuiñ~ dsea` do. ² Jo mi~ caguiliñ~ e too` jiáa li~ ca'áang~ Jesús, jo cangár~ e nisínab' e oo~ ée` do, jo cab' niróo` e cūu~ e cajní~ mi~ ca'áang~ dsea` do. ³ Jo cangotáam`bre fi' dsii' e ée` do, dsu' jo` cadséiñ' Jesús fi' dsii' jo. ⁴ Jo mi~ cangá~ i dseamf do lajo, jo dsíng'~ cafóiiñ' jii~ jo` ñir' e~ nijmér~. Jo lajee~ jo cóo` cangá~bre e cajnéng~ gáng~ dseañu' quiá'~ laco' teáaiñ~, jo i dseañu' do qui'r' 'mi' té' e ji' jlo'. ⁵ Jo dsíng'~ cafóng' i dseamf do mi~ tí li~ cangáiiñ~ i dseañu' do, jo catúuiñ' cartí ni~ uó` dsu' e cafóiiñ' dsea` do. Joguiba' café' i dseañu' do e caféiñ' i dseamf do jo cajíñ'~:

—¿Jiali' ngi'na' 'náng'na' jee~ jaléng' 'lii~ i dsea` i jí' lana? ⁶ Co' nicajíb'tur calé' catú~, joba' jo` i seeng' fi' la. Téé' óóna' jial cajíñ'~ lamí~ cateáaiñ' cóo'~ 'nú' fi' Galilea, ⁷ mi~ cajíñ'~ e ír', dsea` cagüeiñ~ fi' jmigüi' e jáar' fi' ñifí~ e líiñ' jaang' dsea` jmigüi', dseáng'~ 'néb~ e nijáng' dsea` ír' fi' jaguó' jaléng' dsea` dsee~ dsea` qui' cartí nijnga'~ dsea` do quiá'r' fi' dse' crúu^, jo dsu' mi~ nidsíng'~ 'ni' jmii~ lajo, nijíb'tur calé' catú~.

⁸ Jo mi~ canúu~ i dseamf do e júu^ na, joguiba' cadseng'~ dsíir' jalé' júu^ quiá'~ Jesús. ⁹ Jo dsifí' lajob caquing'~ tur, jo cangojmée'r' júu^ i dsea` guijáng' quiá'~ Jesús cóo'~ gui jaléng' i dsea` caguiaang~ gui do. ¹⁰ Jo jaléng' i dseamf i caguicóo` júu^ do siir' Yá^ i seeng' fi' Magdala, jaang'gui i sii' Sihuoo~, jaang'gui i sii' Yá^ niquiá'~ Tiáa~, jogui quíim'~bi dseamf i caguiaang~ gui cajo. ¹¹ Jo mi~ canúu~ i dsea` guijáng' do lado, ca'f dsíir' e ngaam' i dseamf do, jo ja` ee' já' calíiñ~ lajii' júu^ e quiéeiñ' do.

¹² Jo dsu' Tú^ Simón dsifib' cangór~ güi'íi' e cangojóør^ e fi' too` ée` do. Jo mi~ caguiér~ fi' jo, jo catúuiñ' cajóør~ jo cangár~ e jii' e 'mi' e caquing'~ dsea` doba' née'gui. Jo dsifí' ladob cangáng'~ tur, jo dsíng'~ cangogá' dsíir' quiá'~ jalé' e cangár~ do.

Mi~ cangolíng~ gáng~ dsea` quiá'~ Jesús fi' Emaús

(Mr. 16:12-13)

¹³ Jo e jmii~ jo, gáng~ lajee~ la'ó' i dsea` i cangi' cóo'~ Jesús do cataiñ'~ fi' e cangolíiñ' fi' cóo' fi' li~ sii' Emaús e née' guicó' kilómetro lí' lí' caluu' fi' Jerusalén. ¹⁴ Jo lajee~ teáng'~ i dsea` do fi', jo ngolíiñ~ siiiñ' quiá'~ jalé' e nicalí' fi' Jerusalén lajee~ e jmii~ jo. ¹⁵ Jo lajee~ ngolíiñ~, cangoquiéeng' Jesús, jo canaaiñ' ngir' colíng~ cóoiñ' do. ¹⁶ Jo jóøm~ i dsea` gáng~ do Jesús, dsu' ja`

cangáin̄ fa' e calicuín̄ dsea` do ladsifí lado. ¹⁷ Jo cajmingí' Jesús i dsea` gáng` do jo casí' reiñ' jo cajín'`:

—¿E` jalé` e siing` 'nú' lajee` teáng`na' fi'? ¿Jialí' líng`na' fi'í'?

¹⁸ Jo jaang` i dseañu` do i nisiñ` Cleofas cañir` quiá'` Jesús, jo casí'r` dsea` do jo cajín'`:

—Lajim` dsea` niñir` jalé` e nicalí` fi' Jerusalén lajee` e jmiñ` e cangíng` na. Jo ¿su jíí'` 'nub` dsea` guin` fi' Jerusalén e ja` ñí'` jalé` e nicalí` fi' jo?

¹⁹ Joba' cajmingí'tu Jesús quiá'` i dsea` do jo cajín'` casí'` reiñ':

—¿E` jalé` e nicalí` fi' jo?

Joba' cañí' i dsea` gáng` do jo cajín'`:

—Mó'` jáanaa' siñnaa' jalé` e calíng` Jesús i seeng` fi' Nazaret, jaang` dsea` 'gøng' i café' cuaiñ` quiá'` Fidié`, jo cajméer` jalé` e quí'r` jmiñ` e dsigá` dsí' dsea`, jogui eáng` 'gøng' jalé` júu` e café'r` cajo; ²⁰ jogui siñnaa' jial cajméé` jaléng` fi` jmidsea` cóo'` gui jaléng` dseata` qui`ii' mi` cajáin̄` dsea` do fi' jaguó` jaléng` dsea` fi` e laco' niteáin̄` dsea` do fi' dse` crúu` cartí` nijngáng`-neiñ'. ²¹ Jo jnea` nisita` dsí'naa' e íbre dsea` i nileáng` jnea`, dsea` lí'naa' dsea` góor` dsea` Israel. Jo dsu' lana ningóo'` 'ní` jmiñ` e cangojéé` jalé` e jo. ²² Jo cóo` tú` máng` dseamf` i quíng` jee` jnea` nicaguilíin̄` 'ma'ee` e fóiñ' jnea`, co' nicangolíin̄` e ja` mí` jneá` røø` fi' lí` ca'áng` dsea` do, ²³ jo dsu' jo seeng` i 'liñ` do e too` lí` ca'ír` do mi` caguilíin̄`. Joba' mi` caquing`-tur, quiéer` júu` e cangáin̄` ángeles quiá'` Fidié` i cajíng` e nicajíb'tu Jesús calé` catú`. ²⁴ Jo lí` jo, cangolíng` fi' jo cóo` tú` máng` dsea` i la'ó'` ngí` cóo'`naa' e fi' do, jo cangá`-bre cajo dseáng`-jíí'` laco' júu` e quiéé` i dseamf` do, jo dsu' ja` cangáin̄` Jesús.

²⁵ Joba' cajíng` Jesús casí'r` i dsea` gáng` do:

—¿Sóong` ja` iing` 'nú' e ningáng`na' jalé` ee` lí', jogui dsíng`- jmiñing`na' e já'` nilíng`na' jalé` júu` e caguia' jaléng` dsea` i café' cuaiñ` quiá'` Fidié` malí'gui eáng`! ²⁶ Co' dseáng`- 'né`-ba' e cangongíng` Dsea` Jmáang` jalé` e jo nú'`gui e nidséng`-tur calé` catú` fi' ñifí` quiá'r`.

²⁷ Jo dsifí` ladob canaang` Jesús e sí'r` i dsea` gáng` do jalé` júu` e fé'` uii` quiá'r` fi' ni` jì` quiá'` Fidié`, jo canaain̄` catí` júu` quiá'` Moi` cóo'`gui jalé` júu` caguiee`-gui e cajme'` i dsea` i café'` cuaiñ` quiá'` Fidié`.

²⁸ Jo malí`gui lajo, mi` caguilíng` i dsea` gáng` do e fi` lí` ngolíin̄` do, jo cajméé` Jesús e lafa' e ngóo'bir` tí` lí` huíí`gui, ²⁹ dsu' i dsea` gáng` do cajméer` e cajeb' Jesús e fi` do jo casí'` reiñ' do:

—La jé` cóo'` jnea`, co' nica'lóob` eáng` jo tí` lí` ni'í` núub`.

Jo mi` cajíng` i dsea` do lado, jo cajeb' Jesús fi' lí` caje' i dsea` gáng` do. ³⁰ Jo mi` tí` lí` caguár` e nidó'r` ir` e canuu`, jo catíng` Jesús cóo` iñí'` jo cacuø'r` gui'máang` Fidié`, jo lí` jo cafiñ` e iñí'` do jo cacuø'r` i dsea` gáng` do. ³¹ Jo mi` cajméé` Jesús lado, job mi` calilí' i dsea` gáng` do e ni` dseáng`- Jesús i dsea` do. Jo dsu' dsifí` ladob cango'íng` dsea` do e laco' gui'ná'` jóøm`-bir. ³² Jo dsifí` ladob canaang` i dsea` gáng` do sí'` rúin̄`:

—Lado 'mí', lajee` téé'naa' fi', dsíng`- cali'íang` dsí'naa' mi` cajmea'r` jneaa`aa' júu` jalé` e fé'` fi' ni` jì` quiá'` Fidié` uii` quiá'r`, dsea` líin̄` Dsea` Jmáang`, ¿já` já'`?

³³ Jo jo` cajmiñing` yaang` i dsea` gáng` do, co' dsifí` ladob caquing`-tur cangolíin̄` fi' Jerusalén fi' lí` caseáng`-tur cóo'` jaléng` i dsea` guijáng` do cóo'`gui dsea` caguiaang` i ngí` cóo'r` do. ³⁴ Jo dsifí` mi` cangáng`- rúin̄', jo lalab cajíng` i dsea` fíng` do jo casí'` reiñ':

—E já'`-ba' e nicají'tu Fí'naa', co' Tú` Simón nicangá` quiá'r`.

³⁵ Jo joguiba' cajmée` i dsea` gáng` do júu` jalé` e calíñ` guiá` fí, jo jial calicuíñ` Jesús mi` tí lí` caffíng` dsea` do iñí` e nidó`r`.

*Mi` cajmijnéng` 'ñia` Jesús fí` quini` dsea` quiá`r`
(Mt. 28:16-20; Mr. 16:14-18; Jn. 20:19-23)*

³⁶ Jo lajee` gui'ná` sím`bi i dsea` do jalé` e júu` na, coo` cajném` Jesús jo casíng` 'ñia`r` jee` jaléng` i dsea` do jo casí`-reiñ` do lala:

—Güiliseem` 'nú` juguíú` júu` røø`.

³⁷ Jo mi` cangáng` i dsea` do Jesús, dsíng`- cafóñ` jo canaaiñ` í dsír` e jóøiñ` jaang` dsea` guí`.

³⁸ Joba' cajíng`- Jesús casí`r`- jaléng` i dsea` do:

—¿Jiali` 'gó`na'? Jo ¿jiali` jmoo`na' e ja`já`- líng`na' e jnea`? ³⁹ Fíng na jóø`-du' guóo` cóo`-gui tíi, co' dseáng`- jneab` la. Güíng`na' jnea` jogui jóøng`na' jnea`, co' jaang` dsea` guí` ja` teáañ`- móo` o'gui sea` loo` táañ` laco' móo`- 'nú` e sea` quié`- e lana.

⁴⁰ Jo mi` cajíng`- Jesús lado, jo ca'e`r` jaléng` i dsea` do laji` tú`- guóor` cóo`-gui tíir`. ⁴¹ Jo dsu' i dsea` do ja`já`- calím`-bir` uíi` e dsíng`- dsigá` dsír` jogui e iáang` dsír` cajo. Joba' cajíng`- Jesús casí`r`- jaléng` i dsea` do:

—¿Su` ja` ee` sea` cuó`-jiu' dóø`-ø` lana?

⁴² Joba' i dsea` do cacuo`r` Jesús ca'náang`- 'ñu` i cúíng` cóo`-gui ca'ná`-mi' e a` ta'. ⁴³ Jo ca'ím` Jesús e do, jo cagó`bre do fí` quini` jaléng` i dsea` do. ⁴⁴ Jo mi` cangoyúung` e cagó`r`, jo casí`r`- jaléng` i dsea` do jo cajíñ`-:

—Lajalé` e nicalín`-n, e job e cafí`-i 'nú` lamí` cangí`naa' colíng` e dseáng`- 'né` e nilitib` jalé` e fé` uii` quié`- e fí` ní` jì` quiá`- Fidié` e cajme' Moi` jogui fí` ní` jì` e cajme' dsea` i café`- cuaiñ`- quiá`- Fidié` jogui e fé` fí` ní` jì` e sií` salmos.

⁴⁵ Jo lí` jo, cajmée` Jesús e cangáng` jaléng` i dsea` do jalé` e fé` fí` ní` jì` jo uii` quiá`r`. Jo lí` jo casí`-reiñ` lala jo cajíñ`-:

⁴⁶ —Lajob too` fí` ní` jì` quiá`- Fidié` e dseáng`- nisi`í`ba' e cajún`-n, jnea` dsea` lín`n Dsea` Jmáang` i casíng` Fidié` fí` jmigüí` la, jo mi` catí` 'ni` jmí` lajo, cajíb`-túu` calé` catú`-; ⁴⁷ jogui 'né` e nini`- dsea` júu` quié`- e lacoo` fí` fí` la'úng`- fí` jmigüí`, jo 'né` nináng` e jo catí` Jerusalén e laco' niquí`- jíng` yaang` dsea` fí` quini` Fidié`, jo lajoguiba' quí`- jmí` e ni'íng`- dsee` quiá`r`. ⁴⁸ Jo 'náb` nicañí`-na' jalé` e nicalín`-n. ⁴⁹ Jo jnea` nicuóø`-ø` 'nú` e cajíng`- Tiquié` e lamí` jéeng`gui e nicuó`r`- 'nú`, dsu' fí` Jerusalén labi 'né`- já`na' cartí` ni'íng`-na' e Jmiguí` 'gøng` quiá`- Fidié` e jáa` fí` ñíff`, jo e job e nijmicóo`- 'nú` lata`.

*Mi` cangáng`- Jesús fí` ñíff`
(Mr. 16:19-20)*

⁵⁰ Jo mi` cangí` jo, cajéeng` Jesús i dsea` quiá`r`- do fí` caluu` fí` Jerusalén, jo cangolíñ` fí` coo` lí` sií` Betania. Jo mi` caguillíñ` fí` jo, jo casée` Jesús guóor` fí` yá` jo lajob cataiñ`- güea` i dsea` quiá`r`- do. ⁵¹ Jo lajee` gui'ná`-bi táañ` güea` i dsea` quiá`r`- do, mi` canaaiñ` soor` fí` yá` e cangáañ`- fí` ñíff`. ⁵² Jo dsu' lajaléng` i dsea` guijáng` do caquím`-tur fí` Jerusalén mi` cangoyúung` e cajmiféiñ` dsea` do, jo dsíng`- iáang` dsír` cangolíñ`. ⁵³ Jo mi` cangí` jo, sojiéb` niteáañ` fí` dsí`-sinúu` guá`- e jmiféiñ` Fidié`.

Jo lajob nilí`.

Jo lanab` júi` lí` júu` e cajme' Lucas.

E lab júu^ quiá'- Dsea` Jmáang- e cajme' JUAN

Lajíi~ mi~ ná'-gui e nitiroo`jmigüi'ba' e niseeng` Dsea` Jmáang-

¹ Jo jíi~ latí' mi~ uiim~ nisea' e sii' Júu^ do, jo e jo líng' Joo' Fidié'; jo cøøm` seeng` cóo' Fidié', co' íb` dseáng'- Fidié' cajo. ² Jo colim~ seeng` e Júu^ do cóo' Fidié' lajii~ latí' mi~ uing~. ³ Jo la'eáang' cóo' e Júu^ dob cajmée` Fidié' lajalé' e sea' fí' jmigüi'; joba' lajalé' e sea' fí' jmigüi' cajmée` Fidié' colim~ cóo' e Júu^ do. ⁴ Jo la'eáang' cóo' e Júu^ daba' cuø' e see~naa' fí' jmigüi', jogui íb` cajo i líng' i Jíng' quiá'- Fidié' i cuø' e tñing` ngáng' jaléng' dsea' jmigüi'. ⁵ Jo i Jíng' quiá'- Fidié' do jmoo' e lijneá' lacaang` lí' nuu' só', jogui e nuu' só' do ja' mi' caquái~ jmii' fa' nijmé- e niyúng` i Jíng' quiá'- Fidié' do.

⁶⁻⁷ Jo malii~gui caliséng` jaang` dseañu' i calisi' Juan i seáang` dsea' jmii'; jo Fidié' cagüing` ír` jogui casíng`nein' e laco' dsea' do nini'r- júu^ quiá'- i Jíng' quiá'- Fidié' do, jogui e laco' ninú- jogui e já'- nilíng` jaléng' dsea' lajii~ júu^ e niguiá- dsea' do. ⁸ Jo dsu' i Juan i seáang` dsea' jmii' do ja' líiin' dseáng'- i Jíng' quiá'- Fidié' do, co' líiin' jaang` dsea' i casíng` Fidié' e laco' nini'r- júu^ quiá'- i Jíng' do jee~ jaléng' dsea' góor` dsea' Israel. ⁹ Jo cagüéng- i dseáng'- já'- Jíng' quiá'- Fidié' do fí' jee~ dsea' jmigüi' e laco' nijmér- jial e niliseeng` dsea' fí' lí' jneá' jí'.

¹⁰ Jo i dsea' i líng' Júu^ quiá'- Fidié' do niseem`bre lajii~ latí' mi~ uing~; jo nañí' fa' la'eáang' cóo' íbre cajmée` Fidié' lajalé' e sea' fí' jmigüi', jo dsu' jaléng' dsea' jmigüi' ja' já'- calíin- júu^ quiá'- dsea' do. ¹¹ Jogui dseáng'- fí' góo`bre cagüéin- cajo, dsu' ja' calíng' dsea' góor` ír'. ¹² Jo dsu' jaléng' i dsea' i calíng' ír` jogui i já'- calíng- júu^ quiá'r-, joba' cacuø'rein' fí' e ca'uíin- do jóo' Fidié'. ¹³ Jogui líiin' do jóo' Fidié' dsu' o' uii~ e caliséin' fí' jmigüi' la, o'gui fa' líing- i quiu' ta' quiá'r- e ca'uíin- lajo, dsuco' líiin' do lajo uii~ e ñiab' Fidié' cajméer` e ca'uíin- do jóor'.

¹⁴ Jo e Júu^ do ca'uíng- dseáng'- jaang` dsea' jmigüi', jo caliséng` jee~ jneaa~aa' fí' jmigüi' la, jogui dsíng'- jmi'neáang` jneaa~aa', jogui jmang'- júu^ já'- quie'. Jo mi~ calicuíng`naa' e Júu^ do i líng' Joo' Fidié' i camíng'- do, joba' caline`baa' jóng` jial dseáng'- jlo'` níin-, jo dsu' e jo catíin- jíi~ dseáng'- 'ñia`bre e cacuø' Tiquiá'r^ ír', co' dseáng'- eám' 'née` dsea' do quiá'r-. ¹⁵ Jo lalab cajíng'- Juan i seáang` dsea' jmii' do cuaiñ~ quiá'- dsea' do mi~ cajíñ'- lala:

—Jo i lab i dsea' i éeng` jnea~ do ie~ lami~ café'-a lala: “Jo i dsea' i nijáa' cøøng`guijiiu laco'gui cagüéng- jnea~ fí' jmigüi' la niing`guir eáang' laco' jnea~, dsuco' lajii~ mi~ ná'-gui eáang' e niliseeng` jnea~ba' e niseein'.”

¹⁶ Jo co' eám' guiúng- dsea' do cóo' jneaa~aa', joba' cuø'r' jneaa~aa' jalé' güea'^ quiá'r- cóo'gui jalé'gui e 'né- qui-ii' dseáng'- lalíng' e jíi~ ja' catíi~naa' lajo. ¹⁷ Jo la'eáang' cóo' Moi' cacuø' Fidié' jneaa~aa' júu^ quiu' ta' quiá'r-; jo dsu' la'eáang' cóo' Dsea' Jmáam~ba' e nicaline`naa' jial tíi' 'neáang' Fidié' jneaa~aa' jogui la'eáang' cóo' íb` cajo e líti- júu^ quiá'- Fidié'. ¹⁸ Jo jíi~ jaang` dsea' jmigüi' ja' mi' cangáaiñ` dseáng'- 'ñia' Fidié', dsu' jíi~ i jóor' camíng'- do i líng' Fidié' cajo, jíi~ íbing' i nicajmijnéng` jial líng' Tiquiá'r^ Fidié' uii~ e dseáng'- cøøm` seein' cóo' dsea' do.

Mi~ café' Juan i seáang` dsea' jmii' cuaiñ~ quiá'- Dsea' Jmáang-
(Mt. 3:11-12; Mr. 1:7-8; Lc. 3:15-17)

19 Jo cōo`jmii~ jaléng` i dsea` i quie` nifi` quia`- jaléng` dsea` Israel i seeng` fi` Jerusalén casiiñ` cōo` tú` m'ing`~ jmidsea` quia`r`- cōo`~gui jaang` gáng` dsea` levita fi` lí` táang` i Juan i seáng` dsea` jmii` do e cangojmingi`r` dsea` do lala:

—¿I` dsea` lin`?

20 Joba' cañi` i Juan do dseáng`- la lí` jo casí`-reiñ` do lala:

—O' jnea` i Dsea` Jmáang` i í` áa`na' i nisíng` Fidié` i nicá` nifi` quí`-na'.

21 Jo cajmingi`-tu i dsea` do i Juan do calé` catú`- jo cajíñ`-:

—Jo ¿i` dseáng`- líng` 'na` jóng? ¿Su Lí` i café` cuaiñ` quia`- Fidié` mali`gui eáang`?

Joba' cañi`-tu i Juan do jo cajíñ`-:

—U~, o' í` jnea`.

Joba' calé` catú`- cajmingi`-tu i dsea` do jo cajíñ`- lala:

—¿Osi 'na`bi i dsea` i caguíng` Fidié` i nifé` cuaiñ` quia`r` i sijeeng`naa' fi` jmigüi` la?

Joba' cañi`-tu i Juan do quiaíñ`- do jo cajíñ`-:

—U~, o' í` jnea` cajo.

22 Joba' i dsea` do calé` catú`- cajmingi`r` i Juan do jo cajíñ`-:

—Jo song o' lajogui, joba' ¿i`gui dseáng`- líng` 'na` jóng? Jo cō' dseáng`- la guim` 'né` lé`naa` júu` i` dseáng`- líng` 'na` quia`- i dsea` i casíng` jnea` do, joba' ¿e` fó` 'na` uø` e lin`?

23 Joba' cañi`-tu i Juan do quiaíñ`- do:

—Jnea` lín`n jaang` i fé` i cagüéng` fi` ni` guóo` uó` quié`, jo quiee` júu` quia`- Fidié` e catíng` 'ná` e fé` lala: “Nea`na` condsee` cōo` fi`, cō' tí` lí` nijáab` Fii`naa” —lí` laco' cajíng`- Fidié` fi` ni` jì` quia`r` e cajme` Saíí`, jaang` dsea` i café` cuaiñ` quia`- Fidié` ie` mali`gui eáang`.

24 Joba' i dsea` i casíng` dsea` fariseo fi` lí` táang` i Juan i seáng` dsea` jmii` do cangosiiñ` cōo`~ dsea` do 25 jo cajmingi`-tureiñ`:

—Jo song ja` líng`gui` i Dsea` Jmáang` i nisíng` Fidié` fi` la i nicá` nifi` quí`naa' o'gui Lí` o'gui i dsea` i fé` cuaiñ` quia`- Fidié`, joba' ¿jali` jmoo` ta` seáng` dsea` jmii` jóng?

26 Joba' cañi`-tu i Juan do quiaíñ`- do jo cajíñ`-:

—Jnea` seán`n dsea` jmii` jii`~ cōo`~ layaang` jmii`; jo dsu` jee` 'nú` niseem` jaang` i ja` mí` cúing`na'. 27 Jo lana tí` lí` nilicuíim`ba' i dsea` í`, cō' tí` lí` ninám`breta` quia`r`. Jo jnea` fi` quini` í` ja` ee` quín`n, cō' jì`gui cō' nisíi`~ ní` 'ñúu` lomii`r` ja` quín`n.

28 Jo jalé` e la cangojéé` fi` cōo` fii` lí` sii` Betania e née` lí` lí` 'ngóo`~ gua` Jordán, cō' fi` job lí` táang` i Juan i seáng` dsea` jmii` do ie` jo.

Jesús líiñ` i Jo'se' Jiuung` quia`- Fidié`

29 Jo mí` cajneá` cōo`gui jmii` lajo, i Juan do cangár` e nijaquíéeng` Jesús fi` lí` siñ`. Joba' café`r` uii` quia`- dsea` do, jo casí`r` jaléng` i dsea` i teáng` cōo`r` do lala:

—Fing na jøø`na', dob nijáa` i líng` i Jo'se' Jiuung` quia`- Fidié` i íng` jalé` dsee` e røøng` dsea` jmigüi`. 30 Jo i dsea` lab i éeng` jnea` do ie` lamí` cafá`-a lala: “Mí` nisóong` jnea`, nijáa` jaang` i niing`-gui eáang` laco' jnea`, dsuco' i dsea` í` lajii`~ mí` ná`^gui eáang` e niliseeng` jnea`ba' e niseeiñ`.” 31 Jo jii`~ jnea` ja` mí` caliñi`bii` i dseáng`- dsea` do, jo dsu` cagá` a fi` jmigüi` la e gaseán`n dsea` jmii` e laco' jaléng` dsea` góo`o dsea` Israel nilicuíiñ` dsea` do.

32 Jo cajíng`-gui i Juan do lala cajo:

—Cōo`jmii` camó` jnea` Jmigüi` quia`- Fidié` e cajgó`- fi` ñifi`- jo caje` fi` yá`~ gui` Jesús e líng` jaang` mee`. 33 Jo lajee` e ná`-gui lajo ja` mí` ñi` jnea` i líng` dsea` do, jo dsu` Fidié` i casí` quie` e e cagaseán`n dsea` jmii` casí`r` jnea` lala:

“I dsea` i nimáan` i nijgié` Jmiguí` quié` e fí` yá` gui~, i dsea` í`bing` i niseáng` dsea` jmíi` cóo` Jmiguí` quié` e.” ³⁴ Jo camób` jnea` mi` cangojéé` jalé` e jo, joba` dseáng` lajam` nita` dsii` e Jesús líiñ` dseáng` i Joo` Fidiéé` camíng` do.

La`uii` dsea` i ca`uíng` dsea` quiá` Jesús

³⁵ Jo mi` cajneá` cóo` gui` jmíi` lajo, i Juan i seáng` dsea` jmíi` do táaiñ` colíng` cóo` gáng` dseañu` i nilíng` dsea` quiá`r`. ³⁶ Jo lajee` job` cangár` e cangíng` Jesús, joba` cajíñ` casí`r` i dsea` quiá`r` do e fé`r` uii` quiá` dsea` i cangíng` do jo cajíñ`:

—Fing na jøø`na, i dsea` ngóo` dob i líng` i Jo`se` Jiuung` quiá` Fidiéé` i íng` jalé` dsee` e røøng` dsea` jmíguí`.

³⁷ Jo dsifí` mi` canúu` i dsea` gáng` do lajii` e cajíng` i Juan do, joba` lajmináb` cangolíñ` t`leáaiñ` laco` ngóo` Jesús. ³⁸ Jo mi` calilí` Jesús e líng` ii` ngolíng` caluur`, joba` dsifib` cají`r` nir` e cajøøiñ` i dsea` do jo cajmíngi`-reiñ`:

—¿I` nilíng`na` 'náng`na`?

Joba` caíi` i dsea` do quiá` Jesús jo cajíñ`:

—Tifa`, ¿jie` fí` quií`-?

³⁹ Joba` caíi` Jesús quiá` i dsea` do jo casí`-reiñ`:

—Má`aa` cóo` jnea~, jo lajob` niliñí`na`.

Jo colíim` cangolíñ` cangojmiñir` jie` quiá` Jesús, jo fí` job` cajer` colíng` lata` e jmíi` jo, có` la ii` quié` e ca`lóob` níngóo` ie` jo.

⁴⁰ Jo jaang` lajee` i dsea` gáng` i canúu` júu` quiá` Juan i seáng` dsea` jmíi` do siir` Dí` i nilíng` dsea` ngáang` cóo` jaang`gui` dseañu` i sii` Simón, jo íb` i cangotáang` cóo` Jesús do. ⁴¹ Jo dsifí` lajob` cangó` Dí` e cango`néeiñ` i rúíñ` i sii` Simón do, jo mi` cadséng`neiñ` do lalab casí`r`:

—Janú`, Simón, lana nicalicuím`baa i dsea` i cajíng` Fidiéé` i nisíñ` fí` jmíguí` la i sii` Dsea` Jmáang` i nicá` nifí` qui`-ii` do.

⁴² Jo dsifí` lajob` i Dí` do cangojéeiñ` i rúíñ` i sii` Simón do fí` lí` guíng` Jesús; jo mi` tí` lí` cangá` dsea` do quiá` Simón lalab cajíñ` casí`-reiñ`:

—Jo `nub` i sii` Simón, jo lín` joo` jaang`gui` i sii` Juan, jo dsu` latí` lana nilisii` Cefas osi Tú` cóo` jmíi` griego é.

Mí` cató` Jesús Lii` cóo` Natanael

⁴³ Jo mi` cajneá` cóo` gui` jmíi` lajo, ca`í` dsíi` Jesús e cangó`tur` fí` lí` se` Galilea, jo fí` job` cajíng` rúíñ` cóo` jaang` dseañu` i sii` Lii~, jo lalab casí`-reiñ` do:

—Má`aa` cóo` jnea~.

⁴⁴ Jo i Lii` do niseeiñ` fí` cóo` fíi` e sii` Betsaida, jo dsea` góo`bre nilíng` i Dí` do cóo`gui` Tú` Simón, có` cóob` fíi` lí` seeiñ`. ⁴⁵ Jo dsifí` lajob` cangó` Lii` e cango`néeiñ` jaang`gui` dseañu` i sii` Natanael, jo mi` cajíng`neiñ` do, lala casí`-reiñ`:

—Lanab nicalicuíng`naa` i dsea` i ca`éeng` Moi` fí` ni` jì` quiá`r` malíi`gui` eáang`, jogui` cajo` i ca`éeng` jaléng` dsea` i café` cuaiñ` quiá` Fidiéé` lí` laco`gui` cajme`r` fí` ni` jì` malíi`gui` eáang`. Jo i dsea` íb` i sii` Jesús i seeng` fí` Nazaret i líng` joo` Sé`.

⁴⁶ Jo mi` canúu` Natanael e júu` jo, joba` cajíñ` lala:

—Ja` lí` dsii` e fí` Nazaret nigüi`í` jaang` i ní`é` guiá` cóo` dsea` rúng`.

Joba` caíi` Lii` quiá` i dsea` do jo cajíñ`:

—Má`aa` fí` lí` guíiñ~, jo lajoba` nilicuín` dsea` do.

⁴⁷ Jo mi` cangá` Jesús e nijaquíéeng` dsea` do fí` lí` siñ`, joba` cajíñ` lala e café`r` uii` quiá` Natanael:

—I nab dseáng'~ lajang'^ jaang` dsea` góo`naa' dsea` Israel i ja` quie' júu^ ta` júu^.

⁴⁸ Jo mi~ canúu~ Natanael e jo, joba' cañíir` quiá'- Jesús jo cajmingí'r~ dsea` do lala:

—Jo ¿jial nicuín' jnea~ jial lín'n?

Joba' cañíi` Jesús quiáíñ'- do jo cajíñ'-:

—Co' lajii~ nú'-gui e nitó' Lii~ 'nu~, jéem' nicamáng~ jnea~ 'nu' e guiin'~ uii~ 'ma` güiñí'.

⁴⁹ Joba' cañíi`tu Natanael quiá'- Jesús jo casí'r~ dsea` do lala:

—Tifa', 'nub` dseáng'~ i líng' Joo' Fidiée~, jogui 'nub` cajo dsea` lin' dseata~ dsea` féng' quiá'- jaléng' jneaa~aa', dsea` líi' dsea` Israel.

⁵⁰ Joba' cañíi`tu Jesús quiá'- i dsea` do calé' catú~ jo casí'-reíñ':

—¿Su já' lín' lana dsu' uí' e fá'a e camán~n 'nu' e guiin'~ uii~ 'ma` güiñí'? Jo dsu' jnea~ fíi~ i 'nu' e nábi nimó'^ jalé' e niing~gui eáang' e tün~ jmee'e.

⁵¹ Jo lalab cajíng'~gui Jesús cajo e casí'r~ lajaléíñ' do:

—Jo lalab jmítaa^ oó'na' cajo e nimó'ba' jial jnéeng~ fí' ñiff~ fí' lí' guing~ Fidiée~, jogui jial soo' jogui jgáang' jaléng' ángeles quiá'- Fidiée' fí' lí' sín'n, jnea~ dsea` gáa'a fí' ñiff~ e lín'n jaang` dsea` jmigüi.

2

Mi~ cajmée` Jesús la'uii~ e quí'r~ jmí~

¹ Jo mi~ cangí' ní' jmí~ lajo, jo ie~ jo caliseá` coo' jmí~ e cung' guó` dsea` fí' coo' fí' jiu e sii` Caná e née' lí' se' Galilea. Jo ie~ jo dob táang' Yá^, niquiá' Jesús, ² jo Jesús cóo'~gui i dsea` quiá'r~ do líiñ' dsea` i simíng' quiá'- e jmí~ e tí' do, joba' fí' dob quiijgeáaiñ' cajo. ³ Jo lajee~ e teáaiñ'~ e jmí~ do, coob' mi~ cadseá~ e jmí'^ mí'^ huíng' jó'^ e jmáíñ' ta~ do, joba' niquiá' Jesús cajíñ'- casí'r~ dsea` do lala:

—Ngóo' cadseáb~ e jmí'^ mí'^ huíng' jó'^ e jmáang' ta~ do.

⁴ Joba' cañíi` Jesús quiá'- i niquiá'r^ do jo cajíñ'- casí'r~ dsea` do lala:

—Neaa~, ¿jialí' fí' jnea~ lana? Co' lana ja` mí' catí'bi í' e nijmee~ e lajii~ ta~ e sí'lin^ do.

⁵ Joba' cajíng'~tu niquiá'^ Jesús e sí'r i dsea` i jmóo' ta~ jmícoo'~ e sínúu^ do:

—Jmee~na' lajaléb' ta~ quiu' i Jesús na.

⁶ Jo ie~ jo nitée~ jñúu~ tu' cóo'~ e lí' cóo'~ layaang~ cuu~, jo e jo íng^ ta~ e a~ jmí~ e jmáng' dsea` Israel ta~ e laco' jmiguiúng~ yaaiñ' fí' quini' Fidiée~, co' lajob quí'~ tñíñ' e jmóor'. Jo lacoo' e dsí' tu' cuu~ do ab'jiu la cincuenta si la setenta litro jmí. ⁷ Jogui Jesús casí'r~ jaléng' i dsea` i jmóo' ta~ e sínúu^ do lala:

—Jmiróong'na' jmí' lacoo' lacoo' e tu' na.

Joba' dsifí' lajob cajmiróong' i dsea` do dseáng'~ la có' e tu' do. ⁸ Jo mi~ cangí' jo, cajíng'~tu Jesús casí'-reíñ':

—Lana fíi~ i 'nú' güiseáng'~jiu' e nicaguiée'~na' dsí' e tu' do, jo güica~na' quiá'- i dsea` née' ní' e jmí~ la.

Joba' lajob cajméeiñ' do.

⁹ Jo i dsea` i quie' nifí' quiá'- e jmí~ do ca'í'-bre capí'^ e do, jo dsu' jmí'^ mí'^ huíng' jó'^ nica'uíng'~ do, jo jíi~ ja` ñir' jial ca'uíng'~ do lajo. Jo jíi~ i dsea` jmóo' ta~ sínúu^ dobing' i ní' jial ca'uíng'~ jmí'^ mí'^ huíng' jó'^ e jmí~ do, dsuco' yaam~bre cajmiróoiñ' jmí~ e dsí' tu' do. Jo mi~ ca'í'- i dsea` quie' nifí' e jmí~ e ca'uíng'~ jmí'^ mí'^ huíng' jó'^ do, joba' dsifí' lanab cató'r~ i simíng' i cacúng'~ guó' do ¹⁰ jo casí'-reíñ':

—Lajim` dsea` cuør' la'uii~ e jmí'^ mí'^ huíng' jó'^ e jlo'^gui, joba' mi~ tí' lí' nica'í' i dsea` simíng' do jmiguiúung'jiu e jmí'^ e jlo'^ do, joguiba' e niguié'r

e jmí' m' huing` j' e uong`gui do quia' i dsea` siming` do. Jo dsu' 'nu' nica'mea'ba' e jmí' m' huing` j' e jlo'gui do quia' ti' li' ningoo' dseng` jmí'.

¹¹ Jo e la cajmee` Jesús fí' e fi' e sii` Caná e nee' li' se' Galilea. Jo e lab la'uii' e quí'r` jmí' e dsigá` dsí' dsea` e cajmeer` fí' jmigüí' la, jo lajoba' cajmijneeiñ` jial tí' 'göiñ'. Jo jaléng' dsea` quia'r` jáb' calíñ` júu` quia' dsea` do.

¹² Jo mí' cangí' jo, Jesús cangór` fí' coo` fi' e sii` Capernaum coling` cóo'` niquia'r` cóo'`gui jaléng'` rúñ'` jogui cóo'` jaléng' dsea` quia'r` cajo; jo fí' job cajer` coo` tú` jmí' lajo.

*Mí' ca'uøong` Jesús jaléng'` dsea` i jmoo` ta` 'nñ' fí' guá'`
(Mt. 21:12-13; Mr. 11:15-18; Lc. 19:45-46)*

¹³ Jo mí' cangí'gui lajo, co' nijaquíem`bi e jmí' quia' dsea` Israel e sii` Pascua, joba' Jesús cagü'í' fí' Capernaum jo cangór` fí' Jerusalén. ¹⁴ Jo mí' tí' li' caguiér` fí' jo, dsifib' cangór` fí' guá'` fé' e si' fí' jo, jo fí' sigui' job cadséñ' jaléng' dsea` i teáng' ta` 'ning` jaléng'` güitá` cóo'`gui jaléng'` jo'se' jogui jaléng'` mee`. Jogui cangáñ` cajo jaléng' i neáng' ta` jmisíng` cuu` e 'né` jaléng' dsea` i dsitáng' fí' e guá'` fé' do. ¹⁵ Joba' mí' tí' li' cangáng` Jesús jaléng' i dsea` í, dsifí' lalab casá'r` coo` tú` 'nii` jo catáñ'` 'máng' jo cóo'` e job ca'uøoiñ` i dsea` do coling` cóo'` i j' n'úu` i jeeñ'` do e 'nñiñ'. Jogui cajím` Jesús jalé' mes` quia' jaléng' i dsea` i neáng' ta` jmisíng` cuu` do, jo caguiáb' e cuu` do fí' ni` uó'. ¹⁶ Jogui lalab casá' Jesús jaléng' i dsea` i jmoo` ta` 'ning` jaléng'` mee` do jo cajíñ`:

—jUøong`na' jaléng' i mee` na, jo ja` jmoo`na' 'moo' fí' guá'` li' jmiféng' dsea` Tiquié`e Fidié'!

¹⁷ Jo dsifí' lajob cadseng'` dsí' i dsea` quia'r` do lajii' e tóo' fí' ni' jì' quia'` Fidié' li' fé' lala: “Liguím` jnea` mí' ja` jmí'g' dsea` guá'` li' jmiféng'` dsea` Tiquié`e.”

¹⁸ Joba' i dsea` Israel i quie' nifí' do cañír` quia'` Jesús jo casí'` reiñ' do lala: —¿E` quí'` jmí' nijmee'` e lac' nilita` dsí'naa' e cangüñ' fí' e cajmee'` lajalé' e ná?

¹⁹ Joba' cañí'tu Jesús quia'` i dsea` do:

—Íng`na' e guá'` fé' e si' la, jo jnea`gui quí'`baa jmí' e nijmilíng` túu` cóo'` ní' jmí'.

²⁰ Joba' cañí'tu i dsea` Israel do quia'` Jesús:

—Jial lí' e lajo, co' tuló` dsí' jñúu` jii' calí'` jnea'` e calí' e guá'` fé' na, jogui 'nu' fó' lana e cóo'` 'ní' jmí' b` lí' nijmilíng` tú'.

²¹ Jo dsu' café' Jesús lajo e éeng` ñia'r` cóo'` ngúu' táam`bre mí' cajíñ'` cuaiñ' quia'` e guá'` fé' do. ²² Jo dsu' cartí' mí' cangí' e cají'tu Jesús, jo lajoguiba' e cadseng'` dsí' i dsea` quia'r` do lajii' júu` e cajíng'` dsea` do ie` jo, ie` lamí' cajíñ'` e cóo'` 'ní' jmí' b` nilí'r` e nijmilíng` tur e guá'` fé' do. Jo joguiba' dseáng'` já' calíng` i dsea` quia'` Jesús do lajii' júu` e silí' fí' ni' jì' quia'` Fidié' cóo'`gui jalé' júu` e cajíng'` dsea` do lajee` cateáañ' fí' jmigüí' la.

Niñib' Jesús jial líng' dsea` lajiiñ'

²³ Jo lajee` táam`bi Jesús fí' Jerusalén, lajee` jmí' e quí'` tñng` dsea` Israel e jmóor` jmí' e sii` Pascua do, jo lajee` jo jmiguiab' jalé' e quí'` Jesús jmí' cajmeer` fí' quini' jaléng' i dsea` i siseáng'` do ie` jo, joba' i fím' i dsea` í já' calíng` júu` quia'` dsea` do. ²⁴ Jo dsu' Jesús ja` ta` dsír' cóo'` i dsea` do co' nicuím`breñ' do guiá' jial líñ' do lajiiñ'. ²⁵ Jo co' niñi'bre ñia'r` guiá' jial líng` dsea` jmigüí', joba' ja` 'neáñ` dsea` jiéng' i nijmeá'` júu` ír` jial í dsí' dsea` jmigüí'.

3

Mi casíng- Nicodemo cóo- Jesús

¹ Jo mi~ cangíjiu lajo, lajee~ e táam`bi Jesús fí Jerusalén, jo ie~ jo nitáang` fí jo jaang` dsea` Israel i sii` Nicodemo i nilíng` dsea` fariseo, jo i dsea` í líiñ` jaang` dsea` i laniing` jee~ jaléng` dsea` góor` dsea` Israel. ² Jo cóo` lajee~ e uóø` cangóor` e cango`eer` Jesús, jo mi~ caguiér` fí jo lalab casí`r` dsea` do:

–Tifa', nineb~ jnea`^ røø` e Fidiéeb` dsea` casíñ` 'nu` fí jmigüi` la e cañi`ée`~ jnea`^, dsuco` jii`~ jaang` dsea` jmi`güi` ja` quí`r` jmi` fa' líng` ee` li~ nijmér` e dsigá` dsí` dsea` jii`~ laco` quí`~ 'nu` jmi` e jmoo` fíng song ja` jmicóo`~ Fidiéé` quiá`r`.

³ Joba' cañi` Jesús quiáñ`- do jo cajíñ`-:

–E laba' jmitaa` o', e doñi` ii` dsea` i ja` niníng`~tu calé` catú` e ni`uuiñ` jaang` dsea` i 'míng` la'eáang` cóo`~ Fidiéé`, joba' ja` quí`~ jmi` jóng fa' e dsea` do nicá` nifí` quiá`r`.

⁴ Joba' cajmingí`tu Nicodemo e cajmingí`r` Jesús jo cajíñ`-:

–¿Jial quí`~ jmi` e jaang` dsea` yáa`~ niqing`~tur fí dsí` tu' niquiá`r`^ jo niníng`~tur calé` catú`?

⁵ Joba' cañi`tu Jesús quiá`- Nicodemo jo cajíñ`- casí`-reiñ`:

–E laba' jmita`guá` o' cajo, e doñi` ii` dsea` i ja` ngáang`~ la'eáang` cóo`~ jmi` jogui cóo`~ Jmiguí` quiá`- Fidiéé`, joba' ja` quí`~ jmi` fa' e nilí`r` e Fidiéé` nicá` nifí` quiá`r`. ⁶ Co' doñi` ii` dsea` i níng`~ quiá`- tiquiá`^ niquiá`^, joba' jii`~ dsea` jmi`güi` líiñ`; jo dsu` jaléng` i dsea` i liseeng` la'eáang` cóo`~ Jmiguí` quiá`- Fidiéé`, joba' Jmiguí` job` jée` quiá`r`. ⁷ Jo ja` güidsigá` o' dsu` uí`~ e fí`-i` nu` na, e lajím` dsea` 'né` e niliseeng`~tur e laco` ni`uuiñ` dsea` 'míng` la'eáang` cóo`~ Fidiéé`. ⁸ Cofa' guí` fí` la fí` nab íí', jo lico` nu`~baa' e ii` dsu` ja` jnéeng` e jøø`naa' jie` fí` ngóo` osi` jie` fí` jáa` é. Jo dseáng`~ lajob` lí` cajo cóo`~ i dsea` i uíng` dsea` 'míng` la'eáang` cóo`~ Jmiguí` quiá`- Fidiéé`, co' ja` lí` dsea` jøør` jial mi` uíng` dsea` lajo.

⁹ Joba' cajmingí`tu Nicodemo cajmingí`r` Jesús calé` catú` jo casí`r` dsea` do:

–¿Jial cuóøng` e nilí` e fó` na, Tifa`?

¹⁰ Joba' cañi`tu Jesús quiá`- dsea` do jo cajíñ`- casí`-reiñ`:

–¿Jaang` tifab` líng` 'nu` quiá`- dsea` Israel, jo ja` ngám`bi` jalé` e fá`a la? ¹¹ Jo jnea`~ jmitaa` o' e lajii`~ e neb~ jnea`^, jii`~ joba' fé`naa', jogui lajii`~ e nu`~naa' jogui ne`naa', lajii`~ e job` júu` e guia`naa' jee` 'nú'; jo dsu` 'nú' ja` já`- líng`na' lajii`~ júu` e fé`naa' do. ¹² Jo song` 'nú' ja` já`- líng`na' mi` fá`a júu` cuaiñ` quiá`- fí` jmi`güi` la, joba' ¿jial já`- nilíng`na' jóng mi` fá`a cuaiñ` quiá`- fí` ñifí`?

¹³ Jo jii`~ jaang` dsea` ja` mí` cajgóor` fí` ñifí`, co' dseáng`~ lajii`~ 'ñiá`baa` dsea` gáa`a fí` jo; jo cagüén` n fí` jmi`güi` la e lín`n jaang` dsea` jmi`güi`. ¹⁴ Jo lí` laco` cajmée` Moi` ie~ lamí` cajmeáaiñ` jaang` mí` cóo`~ layaang` ñi` jo cateáaiñ` fí` yá`^ coo` 'ma', jogui dseáng`~ lajob` 'né` nidsingíng` jnea` cajo, jnea` dsea` gáa`a fí` ñifí` e lín`n jaang` dsea` jmi`güi`, co' niteáng` dsea` jnea` fí` coo` dse` 'ma' cajo ¹⁵ e laco` doñi` ii` dsea` i já`- nilíng` júu` quié` e quí`~ jmi` e niliseeiñ` cøøng` cóo`~ Fidiéé` lata`.

Dsíng`- neáang` Fidiéé` jaléng` dsea` jmi`güi`

¹⁶ Jo co' eám` 'neáang` Fidiéé` jaléng` dsea` jmi`güi`, joba' cacuóøiñ` i Jóor` camíng`~ do e laco` cajúng` dsea` do cuaiñ` quiá`- jaléng` dsea` jmi`güi`; jo lajoba' jaléng` dsea` i jáng` yaang` fí` jaguó` dsea` do ja` quí`~ jmi` fa' e ni`náñ` quiá`- Fidiéé`, co' cøøm` niliseeiñ` cóo`~ dsea` do lata`. ¹⁷ Dsuco` Fidiéé` ja`

casíin̄ ì Jóor' do fí j̄m̄igüī la e laco' ni'í' dsea` do í' e nidsilíng` dsea` fí lí' lí'ⁿ, co' casíin̄ dsea` do fí la e lí' laco' nileáin̄ dsea` jee` jalé' dsee` quiá' biñ'.

¹⁸ Jo doñí' iì dsea` ì jáng' ñia' fí jaguó' ì Joo' Fidié' do, joba' ì dsea` í' ja` ni'ín̄ iihu' uii` quiá' jalé' dsee` quiá'r` mi` nití' í' lajo; jo dsu' ì dsea` ì ja` jáng' ñia' fí jaguó' ì Joo' Fidié' do, joba' ì dsea` í' ni'ím' bre iihu' uii` quiá' jalé' dsee` quiá'r`, co' ja` mí' cajáng' ñia'r' fí jaguó' ì Joo' Fidié' camíng' do. ¹⁹ Joba' lajaléng' dsea` ì ja` jáng' yaang` fí jaguó' Fidié', nibíin̄ fí lí' lí' uii' e eáang' gui catí' dsíir' e cajméer' jalé' e ja` dseeng'; co' ie` mi` cagüéng` fí j̄m̄igüī la ì jing' quiá' Fidié' do, ja` calijí' jaléng' dsea` ì dsea` í', co' e lí' nua` s'ⁿ dob cajmeáang' gui quiá'r` e laco' gui ì jing' quiá' Fidié' do é. ²⁰ Jo jaléng' dsea` ì jmóo' jmang' e lí' ní' ním' bre ì jing' quiá' Fidié' do, jo jí' capí' ja` iin̄ nidsiquiéin̄ fí cáang` dsea` do, co' ja` iin̄ e nililí' dsea` j̄m̄igüī jalé' e lí' e jmóor' do. ²¹ Jogui dsu' jaléng' ì dsea` ì seeng` cøøng` cóo' júu` quiá' Fidié' laco' catíng`, joba' tib' dsíir' e dsiquiéin̄ fí quini' ì jing' quiá' Fidié' do e laco' cuø' lí' quiá'r` e jaléb' e jmóor' do cøøm` røø' laco' gui jí' e iing` Fidié' e nilí'.

Mi` café' tu Juan ì seáang` dsea` jm̄i` do cuaiñ` quiá' Jesús

²² Jo mi` cangí' gui jia lajo, cangób` tu Jesús colíng` cóo' jaléng' dsea` quiá'r` fí lí' se' Judea, jo fí job cajer' huøøm` jia e seáaiñ` jm̄i` jaléng' dsea` ì guilíng` fí do. ²³ Jo ie` job cajo ì Juan do táaiñ` ta` seáang` dsea` jm̄i` fí quiá' coo' fí lí' siñ` Enón ca' lí' néé' coo' fí e siñ` Salim, co' fí job lí' sea` jm̄i` j̄m̄iguiúung`, jogui fíim' dsea` dsilíin̄ fí jo e sáaiñ` jm̄i`. ²⁴ Jo jalé' e la calí' lajee` nú' gui e nitáin̄ ì Juan do fí dsíir' 'nuañ'.

²⁵ Jo ì líng` ì dsea` ì ngí' cóo' ì Juan do canaaiñ` jaiñ` cóo' jaang' gui dsea` Israel cuaiñ` quiá' jalé' e qui' tiiñ` jmóor' e laco' liguiúin̄ fí quini' Fidié'.

²⁶ Joba' cangolím` bre e cangosí'r' ì Juan do, jo lalab casí'r` dsea` do:

—Tifa', ì dsea` ì lamí' táang` cóo' 'nua' lí' lí' 'ngóo' gua` Jordán do ì ca'eeng` 'nua' do jogui ì nicafé' uii` quiá' do, lana dsea` í' dob nitáaiñ` seáaiñ` dsea` jm̄i', jo fíng' gui dsea` nidsiquí'r' ír' laco' gui 'nua'.

²⁷ Joba' lalab cañí' Juan quiá' ì dsea` do:

—Lajim` dsea` lí'r` jalé' e sea` quiá'r` dsu' uii' e Fidié' bing' ì jmicóo' quiá'r` e lí'r` jalé' e jo. ²⁸ Jo 'náb' dsea` nicanúu` na' røø' mi` cafá' a e o' jnea` Dsea` Jmáang`, co' jnea` lín' n jaang` ì casíng` Fidié' ì cagüéng` jééng' gui laco' dsea` do e laco' cagaguiaa` guiá' fí quiá' dsea` do. ²⁹ Cofa' coo' lí' cung' guó' dsea', jo ì simíng' do í'bing' ì jéé' quiá' ì simí' ì cacúng' guó' cóo'r` do, jogui ì dsea` ì ngóo' caluu' ì simíng' do eáam' lí' íaang` dsíir' mi` núur' e sáin̄' do. Jogui dseáng' lajob lí' quié' jnea` lana, co' dseáng' eáam' íaang` dsii' mi` núu' lajo. ³⁰ Jo dsea` do eáang' gui ngóo' liniñ`, jo dsu' jnea` lí' lí' ngóo' lí' uøng` guí.

Dsea` ì jaa' fí ñifí

³¹ Jo lalab cajíng' gui Juan:

—Jo ì dsea` ì jaa' fí ñifí` niing` guir jee` jaléng' dsea` j̄m̄igüī; jogui ì dsea` ì líng` dsea` j̄m̄igüī, jmang' júu` quiá' fí j̄m̄igüī ba' quier'. Jo ì dsea` ì jaa' fí ñifí` do, niing` guir jee` jaléng' dsea` j̄m̄igüī. ³² Jo íb` dsea` ì fé' quiá' lají' e nicangár` jogui lají' e nicanúur` fí lí' guing` Tiquiá'r' fí ñifí', jo dsu' jí' jaang' dsea` ja` jí'r` lají' júu` e fé' dsea` do. ³³ Jo dsu' doñí' iì dsea` ì ja` líng' júu` quiá' dsea` do, joba' tí' nir` e jmang' júu` ja` ba' fé' Fidié'. ³⁴ Jo ì dsea` ì nicasíng` Fidié' fí j̄m̄igüī la, jmang' júu` quiá' dsea` í' ba' fé'r', dsuco' Fidié' bing' ì cuø' dsea` do lalíng` J̄m̄igüī quiá'r'. ³⁵ Jo Fidié' eáam' 'neáaiñ` ì Joo' camíng' do, jogui cacuø'r' dsea` do e óoiñ' ta` e ninéé' niñ' lajalé' e sea` fí j̄m̄igüī. ³⁶ Jo doñí' iì dsea` ì jáng' yaang` fí jaguó' ì Joo' Fidié' do, joba'

niliseeiñ` cøøng` cóo'~ dsea` do lata~; jo dsu' i dsea` i ja` iing~ jáng` yaang~ fí jaguó` i jóo' Fidié` do, joba' ja` quí'~ jmíi` fa' e niliseeiñ` cøøng` cóo'~ Fidié` lata~, co' lí' lí' latab~ niñiñ` iihuí' eáang` e cuø' Fidié` jaléng' i dsea` la'í.

4

Mi~ cangíng' Jesús fí lí' se' Samaria

¹ Jo mi~ cangígui lajo, lajee` e táam`bi Jesús fí lí' se' Judea, calilí' jaléng' dsea` Israel i líng' dsea` fariseo e fíng'gui dsea` nidsiquí'` quiá'~ Jesús e sáaiñ` jmíi` laco'gui i dsea` i dsiquí'` Juan i seáang` dsea` jmíi` do. ² Jo dsu' e já'~, o' dseáng'~ Jesús dsea` i seáang` dsea` jmíi` do, co' dsea` quiá'~ bre i jmóo` ta` lajo e júu` sinú'r` quiá'~ dsea` do. ³ Joba' mi~ caliñí' Jesús lajii'~ e í dsí' i dsea` Israel i líng' dsea` fariseo do uii~ quiá'r~, joba' cagüi'í' bre colíng` cóo'~ dsea` quiá'r` fí lí' se' Judea, jo cangolíng` tur fí lí' se' Galilea.

⁴ Jo dseáng'~ la guím` 'né` ngüñ` fí lí' se' Samaria lajee` e teáaiñ` fí e ngolíñ` fí lí' se' Galilea. ⁵ Jo lajob` caguiliñ` fí coo` fí e née` dsí' lí' se' Samaria lí' sii` Sicar, fí quiá'~ lí' róo` guóo'~ uø` quiá'~ 'lí' yúu'~ Jacóo` e cangüñ` fí jaguó` i jóor` i sii` Sé` do lajii'~ malí'. ⁶ Jo fí job` lí' lí' coo` too` e a' eáang` lí' níng'~ jmíi`, jo fí job` lí' calí` ojmí' quiá'~ 'lí' yúu'~ Jacóo`. Jo nijaquiéeng` guieñí'~ mi~ caguié` Jesús colíng` cóo'~ dsea` quiá'r` e fí ojmí' do, jo fí job` cajmí'ng' dsea` do co' eáam` nifiñ' e ngir', jo dob caguár` cáang` e too` a` jmíi` do. ⁷⁻⁸ Jo lajee` jo i dsea` quiá'r` do cangolíñ` e cangoleáar` jalé' e nidó'r` e fí fí Sicar do. Jo e fí ojmí' dob caje` Jesús 'ñia'r' lajee` jo, jo co'ná' lajob` caguié` jaang` dseamí` i seeng` fí lí' se' Samaria e fí ojmí' do, joba' lalab casí' Jesús i dseamí` do:

—Já` cuø'` jia' jnea~ jmíi` dúu'~u?

⁹ Jo co' jaléng' dsea` Israel dseáng'~ ja` røø` seem`bre cóo'~ jaléng' dsea` i seeng` fí lí' se' Samaria, joba' i dseamí` do cañí'r` quiá'~ Jesús lala:

—Jial cuøøng` fo'` lajo? Co' jaang` dsea` Israel líng' 'nu', jo ja` litíng` 'nú' fa' líng` ee` mí'~na' jnea', dsea` lí'naa' dsea` Samaria.

¹⁰ Joba' cañí'tu Jesús quiá'~ i dseamí` do:

—Facó' jia` ñí' 'nu' jalé' e guí'~ e iing` Fidié` e cuø'r` 'nu', jogui facó' ñí' cajo i jnea` dsea` i mí'~i 'nu' jmíi`, joba' facó' lajo, 'nu' dsea` catín'~ e nimí'~ jnea` jmíi` jóng, joba' jneab` nicuøø` 'nu' e jmíi` cóo'~ e cuø' e seeng` dsea` lata~.

¹¹ Joba' cañí' i dseamí` do quiá'~ Jesús jo casí'r` dsea` do lala:

—Fí'i, jii'~ coo` ja` quié' 'nu' cóo'~ e nigui'~ jmíi` fí dsí' e too` la, jo dsíng'~ a'. Joba' ¿e` cóo'~ niquíñ'~ e jmíi` e fó' e nicuø'` jnea` do? ¹² Jo 'lí' yúu'~ quí'~ii' Jacóo` caséer` e ojmí' la quí'~ii', co' fí lab lí' cacár` jmíi` e jmáñ' ta` cajo, jogui lajobi jaléng' jóor` cóo'~ gui jaléng' jó' núu` i ca'eáaiñ`, fí lab lí' ca'uø'r` jmíi` e ca'íng' neiñ' do. Jo ¿su 'nu' í' o' e niing`~gui' laco' i dsea` í'?

¹³ Joba' cañí'tu Jesús quiá'~ i dseamí` do jo cajíñ'~:

—Jaléng' dsea` i í' jmíi` e uøø` dsí' e too` la niguiáb`tu jmíjmíiñ` calé' catú`~; ¹⁴ jo dsu' i dsea'gui i ni'í' e jmíi` e nicuøø`re do, joba' jo` tóo` jmíi` fa' e niguiá'gui jmíjmíiñ`. Dsuco' e jmíi` jo lí' lafa' e contøøm` sea` jmíi` fí dsí' tu'r` cóo'~ e cuø' e seeñ`, jo e jo lí' e contøøm` seeñ` cøøng` cóo'~ Fidié` lata~.

¹⁵ Joba' cañí'tu i dseamí` do quiá'~ Jesús jo casí'r` dsea` do lala:

—Fí'i, iim`baa nicuø'` jnea` e jmíi` e fó' na e laco' jo` niguiá'gui jmíjmíiñ` o'gui 'né`~gui fa' e gáa'a tí' la e gaquiee` jmíi`.

¹⁶ Joba' cajíng'~ Jesús casí'r` i dseamí` do:

—Guøng' cateá' jo güitee` dseañu' quí'~ jo ñilíng`~tu' fí la.

¹⁷ Joba' cañí' i dseamí` do quiá'~ Jesús:

—Ja` cóo'~o dseáng'~ dseañu' quié` e.

Joba' cañí'tu Jesús quiá'- dseá' do:

—Jáb'- laco' café'e' na, dseamf, e o' dseáng'- dseañu' quií'- i cóo' lana; 18 dsuco' lamí~ jéeng'gui 'ñíng'gui dseañu' i nicacúng'- guóo' cóo', joba' i dseañu' i cóo' na lana ja' líiñ' dseáng'- dseañu' quií'-.

19 Jo mi~ tí' lí~ canúu~ i dseamf do e cajíng'- Jesús e júu^ jo, joba' cañír' quiá'- dseá' do lala:

—Fíi'i, lanab calilí' i e 'nu' lin' jaang' dseá' i fé' cuaiñ~ quiá'- Fidié'. 20 Jo jaléng' 'líi' yúu~ quií' ii', dseá' Samaria, quií'- tñiñ' e jmiféiñ' Fidié' fí' nĩ e mó' la, jo dsu' jaléng'gui 'nú', dseá' Israel, fó'na' e jíi' fí' Jerusalén lí' 'né' e nijmiféng'naa' Fidié'.

21 Joba' cañí'tu Jesús quiá'- i dseamf do jo casí'- reiñ':

—Já' güilín' júu^ quié' e, dseamf, e nijaquíém' e nití' í' e 'nú' nililí'na' e ja' 'né' nigüilíng'na' fí' e yú' mó' na e güijmiféng'na' Tiquí'ii' Fidié', o'gui 'né' fa' e nigüilíng'na' cartí' Jerusalén cajo e laco' güijmiféng'na' dseá' do. 22 Co' 'nú', jaléng' dseá' Samaria, jíi' ja' cuíng'na' i~ i jmiféng'na' do; jo dsu' jaléng' jnea'^, dseá' lí'naa' dseá' Israel, nicuímbaa' i~ i 'né' jmiféng'naa' do, co' jee~ jnea'^, dseá' lí'ii' dseá' Israel, job lí' caguíng' Fidié' jaang' i nileáng' dseá' jee~ jalé' dsee~ quiá'r'. 23 Jo catíb' e í' jo, jo dseáng'- lanab líy, e jaléng' dseá' i dseáng'- lajang'- júu^ i jmiféng' Tiquí'ii' Fidié' 'né' nijmér- dseáng'- laco' sí'í' la'eáang' cóo' Jmiguí' quiá'- dseá' do, dsuco' dseáng'- lajob iing~ Tiquí'ii' Fidié' e nijmé- jaléng' dseá' i jmiféng' ír'. 24 Dsuco' Fidié' líiñ' Jmiguí', joba' jaléng' dseá' i jmiféng' ír', 'né' nijmér- lajo la'eáang' cóo' Jmiguí' quiáb'- dseá' do dseáng'- laco' sí'í'.

25 Joba' cañí'tu i dseamf do quiá'- Jesús jo cajíñ'-:

—Niñib' jnea~ e tí' lí~ nijáab' i cajíng'- Fidié' i nisíñ- do i líng' Dseá' Jmáang- i nicá' nifí' quií' ii', joba' mi~ tí' lí~ nigüéeng- dseá' do fí' la, íguib dseá' i ní'é' jnea'^ jalé' e jo.

26 Joba' cañí'tu Jesús quiá'ñ'- do jo cajíñ'-:

—Dseá' í'bi jnea~ i sing' s'íng' cóo' 'nú' lana.

27 Jo lajee' gui'nang' fé' Jesús e job, mi~ caguilíng' i dseá' quiá'r- do i cangolíng' e cangoleáa' e nidó'r-, jo mi~ cangaiñ- Jesús e táang' dseá' do síiñ' cóo' jaang' dseamf, joba' eáam' cangogá' dsíir' mi~ cangár- lajo. Jo dsu' jíi' jaang' dseá' do ja' cateá' dsíir' fa' ee' nijmingí'r- Jesús uii~ quiá'- i dseamf i sing' do, osi e~ quiá'- e síiñ' do é. 28 Jo ngí' jo, jo dob caséé' i dseamf do e dsuu~ quiá'r- do e lí' sí'í' niguié'r' jmiñ' do, jo caquim'- tur fí' jee~ fii; jo mi~ caguieíñ'- fí' jo, canaaiñ' guiar' júu^ jee~ jaléng' dseá' góor' jo sí' reiñ' lala:

29 —Má'aa', jo majmicuíng'naa' jaang' dseañu' i nicamán-n i nicajmea' jnea~ júu^ quiá'- jalé'ba' e nicajmé' e jéeng'gui, jo jangám- íb' i dseá' i cajíng'- Fidié' i nisíñ- fí' jmigüí' la i líng' Dseá' Jmáang- i nicá' nifí' quií' ii'.

30 Jo mi~ canúu~ i dseá' góor' do e júu^ jo, dsifib' ca'uøøiñ' fí' jee~ fii colíng' cóo' i dseamf do jo cangolíñ' fí' lí' táang' Jesús. 31 Jo dsu' lajee' nú'-gui e nigüilíñ'- do fí' lí' táang' Jesús, i dseá' quiá'- Jesús do casí'r- dseá' do jo cajíñ'-:

—¿Já' cø'jiu' í', Tifa'?

32 Joba' dseá' do cañír' lala:

—Seab' coo' e jíe'gui e 'né' nidøø'ø e jíi' 'nú' ja' ní'na' jial líí'.

33 Jo mi~ tí' lí~ canúu~ i dseá' quiá'r- do e jo, joba' canaaiñ' síiñ' lajee' la'ó' yaaiñ~ jo jmingí'- rúíñ':

—Jangám- song líng' i~ nijaca~ e nicagó'r'.

34 Joba' cañí' Jesús quiá'- i dseá' quiá'r- do jo casí'- reiñ':

—'Né' nijmee~ e lajíi' e iing' i dseá' i casíng' jnea~ do, jogui e nijmité' e lajíi' ta~ e cangíñ'n quiá'- dseá' do, joba' e job e lí' lafa' mi~ gó'ø ii- e litaan'n

guiá. ³⁵ Jo dsu' 'nú' fó'na' lala: “Né-bi quiúung-gui si' e nicuó- lajii' e cangojneá do”; jo dsu' jnea-gui fii' 'nú' e 'né cá'na' cuente e lajii' e sijnea do nicalineáng, joba' nicuó li' jóng e nicatib' í' e nisitíng. ³⁶ Dsaco' i dsea i jmóo' ta' e sitíng' lajii' e roo' do, joba' ím'bre lajii' e catíin' quía' e ta' e jmóor' do. Co' jalé' e roo' e sitíin' do lí' laco' jaléng' dsea i liseeng' cøong' cóo' Fidié' lata'. Jo co' lajob lí', joba' i dsea i jni' do cóo' gui i dsea i sitíng' do, røøb' nili'íáang' dsír' lajii' tú' íin' do mi' caroo' e cajní' do. ³⁷ Co' e jáb' dseáng' lajii' e júu' røo' e fé' lala, “Ijiém' i dsea i jni' do, jogui i jiem' bi' i nisití' mi' niró.” ³⁸ Jo jneab' dsea casín' n 'nú' e caguisitíng' na' lajii' e caroo' do e jii' 'nú' ja' caquie' na' ta' quía' jial cangojneá jalé' e jo, co' i jiem' i dsea i cajmée' ta' jo, jogui 'núb' dsea i nical'øøng' lajii' ta' e cajmée' i dsea í'.

³⁹ Jo i fii' m' dsea i seeng' e fii' Sicar do jáb' calíin' júu' quía' Jesús la'eáng' cóo' júu' e cajmée' i dseam' do ie' mi' cajíin' lala: “I dseañu' do nicajmea' bre jnea júu' quía' jalé' ba' e nicajmé' e jéeng' gui.” ⁴⁰ Jo mi' tí' li' caguilíng' i dsea góo' i dseam' samaritana do fí' li' táang' Jesús, joba' camir' jmi'ee' fa' nijé' bi' dsea do cóo' ír'. Joba' lajob cajmée' dsea do, caje' bre cóo' in' do lajee' tú' jmi', ⁴¹ jo i fii' m' bi' i dsea í' cajáng' yaaiñ' fí' jaguó' Jesús mi' canúur' lajii' júu' e fé' dsea do. ⁴² Jo lalab casí' i dsea do i dseam' dsea góor' do:

—Jo lana dseáng' lajang' júu' níjál' lí'naa' júu' quía' i dsea na, co' dseáng' nicanú'baa' yee'naa' jial lí' júu' quía'r', jo o' jii' e júu' e cajmée' 'nu' jnea' do. Joba' nine'baa' jogui nita' bi' dsi'naa' cajo e dsea íb' i láang' dsea jmigü' jee' jalé' dsee' quía' in'.

Mi' cajmi'leáng' Jesús jaang' siming' jiuung'

⁴³ Jo mi' cang' e tú' jmi' e caje' Jesús cóo' i dsea do, cagü' í' bre e fí' guoo' uó' li' se' Samaria do jo ca' íb' tur fí' e ngóor' fí' li' se' Galilea. ⁴⁴ Dsaco' lí' laco' gui jii' júu' e tíng' Jesús, e jii' jaang' dsea i fé' cuaiñ' quía' Fidié' fa' jmi'gó' dsea góor' ír'. ⁴⁵ Jo dsu' mi' caguiéng' Jesús fí' góor' fí' li' se' Galilea, jalém' i dsea i seeng' fí' jo guiáb' ca' in' dsea do, co' jaléng' i dsea í' cangolím' bre fí' Jerusalén e catí' jmi' Pascua, jogui cangá' bre jalé' e quí' jmi' e cajmée' Jesús ie' jo.

⁴⁶ Jo lajee' jo caquim' tu Jesús fí' e fii' e sii' Caná do e néé' li' se' Galilea e fí' li' cajmée' e ca'uíng' jmi' m' huíng' jø' e jmi' do. Jo fí' job niseeng' jaang' dsea nu' luu' quía' jaang' dseata' dsea féng', jo dsea í' niseeng' jaang' siming' jiuung' quía'r' i niráang' dsée' fí' e fii' e sii' Capernaum. ⁴⁷ Joba' mi' tí' li' calíin' dsea do e nitáang' Jesús e fí' fii' jo e jaiñ' fí' li' se' Judea, joba' cangó' bre fí' li' táang' dsea do, jo camir' dsea do jmi'ee' fa' e nidséin' do fí' quía'r' e nidsijmi'leáiñ' i siming' jiuung' quía'r' do, co' ráaiñ' do e tí' li' nijúum' bre. ⁴⁸ Joba' cañi' Jesús quía' i dsea do jo cajíin':

—'Nú' ja' já' nilíim' bi' fíng' song' ja' nimó'na' jalé' li' e quí' i jmi' jmóo'.

⁴⁹ Joba' cañi' tu i dsea nu' luu' do quía' Jesús jo casí'r' dsea do:

—Fí' i, fa' jgiéé' o' e guó' ba' lajminá' fí' quie' e ná' gui e nijúung' i jiuung' quie' e do.

⁵⁰ Joba' lalab cañi' Jesús quía' i dseañu' do jo casí' rein':

—Quíng' tu fí' quí', co' nica'láam' jóo'.

Joba' lajob cajmée' i dseañu' do, caquim' tur fí' quía'r', co' jáb' calíin' lajii' júu' e casí' Jesús ír'. ⁵¹ Jo lajee' iuuiñ' fí' e ngaiñ' fí' quía' bre mi' cajíin' guía' fí' i dsea 'léeng' quía'r' i jalíng' fí' jo, jo lalab cajíng' dsea do mi' cajíin':

—Nica'láam' jóo'.

⁵² Jo mi' canúu' i dsea do e júu' jo, joba' cajming' rein' do e í' dseáng' e ca'láang' i jóor' do.

Joba' lalab cañíi' i dsea`'léeng'~ do quiá'r~:

—Lado guíee- la ii- coo` e ca'lóob- caguá- iá~ guíiñ^ jo ca'láam-bre.

⁵³ Jo mi~ canúu- i tiquiá'^ i jiuung~ do e júu^ jo, joba' dseáng'- calilí'r^ e dseáng'- e í' job mi~ casí'- Jesús ír` e nica'láam- jóor'. Joba' i dsea` do colíing~ cóo'~ jaléng' dsea` sinúu^ quiá'r- cajám' yaaiñ~ fí' jaguó` Jesús ie~ jo.

⁵⁴ Jo cóo'~ e nab catí' tú- e li~ e quíi'~ Jesús jmíi~ e cajméer' ie~ mi~ caquing'- tur fí' lí' se' Galilea e jaiñ' fí' lí' se' Judea.

5

Mí~ cajmi'leáang- Jesús jaang` dsea` i caang~ tñ~

¹ Jo mi~ cangí'gui lajo, mi~ catí'tu í' e jmóo` dsea` Israel jmíi~ fí' Jerusalén, joba' fí' job caquing'- tu Jesús e ngotíiñ'~ e jmíi~ jo. ² Jo ie~ jo, e fí' dsíi' iá' cuu~ e si' lacúng' Jerusalén do, quiéeng` coo` o'nú^ fí' lí' ngíing' jaléng' jo'se` jiuung~ i tíing` dsea` Israel jngaiñ' mi~ tí' jmíi~. Jo quiá'- e o'nú^ do silíi' coo` lí' a~ jmíi' e fe' eáang' e sií' Betzata cóo'~ jmíi' hebreo. Jo e fí' 'ni' e lí' a~ jmíi' do quiéeng` 'niá' ni'núu'jiu, ³ jo fí' job seeng` fíing' dsea` dsée'~ e lí' doñí' ee' jmohuí' líiñ'; do i tiuung~, dogui i jlúu', dogui i caang~ tñ~ i teng' ni~ uó^ . Jo jaléng' í' sijeeiñ~ e nijó' e jmíi' do. ⁴ Co' fé' dsea` e seab' mi~ jgáang` jaang` ángel fí' dsíi' e jmíi' do, joba' nijó'b' e jmíi' do mi~ nijgiáang` í'; jo mi~ calí- jo, i dsea` la'uii~ i ni'í' fí' dsíi' e jmíi' do, joba' ni'leáam-bre jóng lí' doñí' ee' jmohuí' líiñ'. ⁵ Jo jee~ jaléng' i dsea` dsée'~ do niquiéeng` jaang` dseañu' i nidsée'~ lajii'~ nìngóo' guigui' dsí' jñiá- jii'. ⁶ Jo mi~ caguié- Jesús fí' jo, cangáañ- i dseañu' i dsée'~ do e dob ráaiñ' jogui caliñir' e lajii'~ líi'ba' nidsée'~ i dsea` do, joba' cajmingí' reiñ' do jo casí'- reiñ':

—¿lin' e ni'leáan'- lajii'~ jmohuí' lin'?

⁷ Joba' cañíi' i dsea` dsée'~ do quiá'- Jesús lala:

—Fíi'i, ja' ii' seeng` fa' ii' nijmicóo'~ jnea~ e ni'ú'u fí' dsíi' e jmíi' do mi~ cangí' e nijó', jo co' laco' ya' mi~ iin~n ni'ú'u fí' jo, dsea` jiém' dsijéeng' quié-e.

⁸ Joba' cañíi' Jesús quiá'- i dsea` do:

—Ráan'-, jo see- e 'ma' lí' dsíin'^ na jo guóng'.

⁹ Jo dsifí' lanab ca'láang- i dseañu' do, jo cacó-bre e 'ma' lí' dsíiñ'^ do, jo canaañ` ngíbre jóng. Jo ie~ jo dseáng'- cangotíing` jmíi~ e jmi'íng' dsea` Israel. ¹⁰ Joba' mi~ cangá- i dsea` quié' nifí' quiá'- dsea` Israel e niquiéé` i dsea` ca'láang- do e 'ma' lí' dsíiñ'^ do, joba' lalab casí'r- dsea` do:

—Jmíi~ e jmi'ím' dsea` lana, joba' ja' cuóøng` fa' e co'^ e 'ma' na.

¹¹ Jo dsu' lalab cañíi' i dsea` i lamí~ dsée'~ do quiá'- i dsea` góor` dsea` Israel i casí'- ír` lajo:

—Jo i dsea` i cajmi'lée- quié-e do casí'r- jnea~ lala: “Ráan'-, jo see- e 'ma' lí' dsíin'^ na jo guóng'.”

¹² Joba' cajmingí'- tu i dsea` Israel do i dseañu' do jo cajíiñ'-:

—¿í'gui i dsea` i casí'- 'nu' e nicó' e 'ma' lí' dsíin'- do jogui e niguón'?

¹³ Jo dsu' i dseañu' do jii'~ ja' ñir' i~ i cajmi'leáang- ír` do, co' ladsifib' cango'íing` tu Jesús jee~ i dsea` fíing' i siseáng' do ie~ jo. ¹⁴ Jo mi~ cangí' jo, dob cadséng' tu Jesús i dsea` i cajmi'leáañ- do fí' dsíi' sinúu^ guá'- fé' e si' fí' Jerusalén jo lalab casí'- reiñ' do:

—Janú', lana nica'láam-ba' lajii'~ jmohuí' e lamí~ lin', jo jie~ mí' ee- tu' dsee- calé' catú-, dsuco' fíng song cajmee- tu' lajo, joba' huíng' guib nidsijée' quíi'- jóng.

¹⁵ Jo ngí jo, cangób- i dseañu' i lamí~ dsée'~ do e cangojmea'r' júu^ jaléng' i dsea` i quié' nifí' quiá'- dsea` Israel e Jesús sií' i dsea` i cajmi'leáang- ír` do.

¹⁶ Joba' jaléng' i dsea` Israel do nìngir' 'náañ' Jesús e laco' nijmeañ' dsea` do

ga` uíi~ e cajmée` dsea` do e jo` ñña' ie~ jmi~ e jmi'íng' jaléng' dsea` góor` dsea` Israel. ¹⁷ Jo` dsu' Jesús lalab casí'r~ jaléng' i dsea` do:

–Tiquié` e ja` mí` catár` júi~ cateá` ta~ quiá'r~, jogui lajob jmóo` jnea~ cajo.

¹⁸ Jo` mi~ canúu~ jaléng' i dsea` i quie` nifí` quiá'~ dsea` Israel do e cajíng' Jesús lajo, joba' eáang`guib caí` dsír' e nijngáin'~ dsea` do, co' o' júi~ e cajmi'leáain'~ i dsea` dsée'~ do ñña' ie~ jmi~ e jmi'íng' dsea` góor` dsea` Israel, co' lajob cajo fé'r' e røøb` láin'` cóo'~ Fidiée` mi~ fé'r' e Fidiéeb` dsea` líng' Tiquiá'r`.

Ja` jmóo` i Joo' Fidiée` i camíng'~ do la tñin'` ñña'r`

¹⁹ Jo` co' niñib` Jesús jial í` dsí' i dsea` do, joba' lalab casí'r~ dsea` do:

–E laba' jmitaa` óo'na', e júi~ coo` cuøøng` lí` jmee~ jnea~ la tñin'` ñña'a, jnea~ dsea` lín'n` i Joo' Fidiée` camíng'~, co' dseáng'~ lajúi~ e móo'o e jmóo` Tiquí'ii', lajúi~ e joba' e jmóo'o cajo. Co' jalé' e móo` jnea~ e jmóo` Tiquí'ii', joba' e job` jmóo'o cajo. ²⁰ Co' Tiquí'ii' eámam` 'neáain' jnea~, jogui e'bre jnea~ jalé' e jmóor'; jogui ni'é'~bir jnea~ cajo jalé' e niing`gui e laco' nidsi'gó` óo' 'ná' eáang`gui. ²¹ Co' lí' laco' jmóo` Tiquí'ii' e jmi'í'tur jaléng'` 'líi~ jogui e cuør' e niliseeng`tuiñ', joba' lajobi jnea~, dsea` lín'n` Joor', lajob jmóo'o cóo'~ jaléng' dsea` i iin'n` jmee~ cóo'~ lajo. ²² Jo` Tiquí'ii' ja` quidsir' í' quiá'~ júi~ jaang` dsea` uíi~ dsee~ quiáin'~, co' jneab~ dsea` nicang`n` quiá'r~ e ta~ jo e catín` n` nijmee~ e lajo. ²³ Jo` cajmée` Tiquí'ii' lajo e lí' laco' lajínng` dsea` nijmi'gór` jnea~ lí' laco'gui jmi'gó` dsea` ír'. Dsuo' i dsea` i ja` jmi'gó` jnea~, dsea` lín'n` Joo' Fidiée~, joba' lajob cajo ja` jmi'gór` Tiquí'ii', dsea` i casíng` jnea~ fí` jmigüf` la.

²⁴ Jo` e laba' jmitaa` óo'na', e doñi` i dsea` i já'~ líng` júu` quie` e jogui náur` júu` quiá'~ i dsea` i casíng` jnea~ fí` jmigüf` la, joba' jaléng' dsea` í` niñim`bre e seein'` cøøng` cóo'~ Fidiée` lata~ jo` ja` nidsilíin'` fí` lí' 'lí'; co' lí' lafa' lamí` sijúum`bre, jo` dsu' lana lí' lafa' nicají'tur la'eáang` cóo'~ Fidiée`. ²⁵ Jogui dseáng'~ jmita`baa` óo'na' e tí` lí' nitáb` í' jo` dseáng'~ lanab`liy e jaléng' dsea` i lafa' 'líng` uíi~ jalé' dsee~ quiá'r~ ninúr` júu` quie` e, dsea` lín'n` Joo' Fidiée`; jogui jaléng' dsea` i ni'íng' e júu` jo, niliseem`bre la'eáang` cóo'~ jnea~. ²⁶ Jo` lí' laco' Tiquí'ii' Fidiée` 'ñña'bre dsea` cuør' e seeng` dsea`, joba' lajob cajo dsea` í'bing' i nicacuø' jnea~, dsea` lín'n` Joor', e laco' 'ñña'baa` dsea` cuøøø` dsea` e seein'. ²⁷ Jogui nicacuø'bir jnea~ e oo` ta~ e niquidsii` í' quiá'~ jaléng' dsea` jmigüf` uii~ quiá'~ jalé' dsee~ quiáin'~, co' jneab~ dsea` cagá`a fí` ñiff` e lín'n` jaang` dsea` jmigüf'. ²⁸ Jo` ja` güidsigá` óo'na' quiá'~ jalé' e fí' i 'ná' la, co' niguiéeb` jmi~ mi~ jaléng' dsea` i ni'líng` ninúr` júu` quie` e ²⁹ jo` ni'uóñiñ` fí` dsí' ée` quiá'r~. Jo` ie~ jo` jaléng' i dsea` i ca'ée` jmang'~ e guiá~ nijí'tur e laco' niliseein'` cøøng` cóo'~ Fidiée~, jo` dsu' jaléng' i dsea` i cajmée` jalé' e ja` dseeng` nijí'tur e lí' laco' ni'íñ'` iihuí'.

Jie` fí` lí' jáa' fí` quiá'~ Jesús cóo'~ jalé' e jmóor`

³⁰ Jo` fí' túu` 'ná' e júi~ cóo'~ cuøøng` lí' jmee~ jnea~ la ñii'` ñña'a. Co' jnea~ mi~ quidsii` í' quiá'~ jaléng' dsea`, e jo` jmóo'o laco' ta~ quiá' Tiquí'ii' Fidiéeb~, jogui dseáng'~ røøb` jalé' e jmóo'o do cajo. Jo` ja` jmóo'o la tñin'` 'ñña'a jalé' e jo, co' lajúi~ e iing` Tiquí'baa' e jmóo'o, co' dsea` íb` i casíng` jnea~ fí` jmigüf` la. ³¹ Jo` faco' jnea~ fá'a juguiá~ cuaiñ` quie` e ñña'a, joba' ja` e quíng` júi~ coo` e júu` do fí` quiní' 'ná' jóng. ³² Jo` dsu' seem` jaang`gui i fé' guiá~ uii~ quie` e, jogui tab~ dsii` e jalé' e júu` do quíim' fí` quiní' 'ná'. ³³ Jo` 'ná' dsea` casíng`na' dsea` i cangojming` i Juan i seáang` dsea` jmi~ do i dseáng'~ jnea~, jo` tab~ dsii` e jmang'~ júu` jáb'~ dseáng'~ fé' i Juan do. ³⁴ Jo` dsu' jnea~ ja` 'neán`n` dsea` jíéng' i nijmé~ júu` uii~ quie` e i dsea` líng' jnea~; jo` fá'a e júu` la e lí' laco' 'ná' nilí'na' leáng`na' jee~ jalé' dsee~ quí'na'.

³⁵ 'Jo jalé' júu^ e cagua' i Juan do lí' laco' cajlí'~ quí' e coo' e laco' e' dsea' fí'; jo 'nú' lajee' cateá'ba' cajmi'iaang' óo'na' cōo'~ jalé' e júu^ e cagua' i Juan do. ³⁶ Jogui jalé' e jmóo' jnea~ do eáang'gui cuø' lí' i~ jnea~, jo eáang'gui b niing- laco' e júu^ e cajíng'~ i Juan do uii~ quié~e; cō' lajii'~ e jmóo' jnea~, ta~ job e cacuø' Tiquí'ii' Fidiéé' jnea~ e nijmee~e. Jo jalé' e jmóo' do cuø' lí' e Tiquí'ii' Fidiéé' dsea' casíiñ' jnea~ fí' jmigü' la. ³⁷ Jo i Tiquí'ii' do, dsea' íb' i fé' juguiá' uii~ quié~e. Jo dsu' 'nú' ja' mí' caná'u~na' júu^ quiá'r' o'gui mí' cañíng'na're cajo, ³⁸ o'gui seeng'na' e jmití'na' júu^ quiá'~ dsea' do, cō' ja' mí' ca'ling'~na' jnea~ dsea' casíiñ' fí' jmigü' la. ³⁹ Jogui 'nú' dseáng'~ tá'~ camí'~ júub' jmitíng'na' e fé' fí' ni~ jii' quiá'~ Fidiéé', cō' sijeeng'na' e fa' lajob niliñ'na' jial cuøøng' e seeng'na' cøøng' cōo'~ dsea' do lata'; jo dsu' jalé' e júu^ do lajii'~ uii~ quié~baa e fé'. ⁴⁰ Jo dsu' 'nú' ja' iing'na' fa' nijáang'~ yaang'na' fí' jaguóo' e laco' niliseeng'na' cøøng' cōo'~ Fidiéé'.

⁴¹ 'Jo fíi' guí' 'nú', ja' e lí' quié~ jnea~ jial lí' jalé' e fé' dsea' jmigü' uii~ quié~e, ⁴² dsu' nicuíim' jnea~ 'nú' guiá' jial líng'na', jo niñi'baa guiá' e ja' 'neáang'na' Fidiéé'. ⁴³ Jo jnea~ cagá' a fí' jmigü' la cuaiñ' quiá'~ Tiquié'e, jo dsu' 'nú' ja' íng'na' jnea~. Jogui faco' jaang'gui dsea' i nijáa' i ja' i~ seeng' i sí' quiá'r', jo dsu' ni'ím'~ba' i dsea' í. ⁴⁴ Jo çjial já'~ nilíng' 'nú' júu^ quié~e fíng song líco' jmiféng' rúng'na' lajee' la'ó' yaang'na' jo dsu' ja' jmi'goo'na' 'ñia' Fidiéé' dsea' fé'r' guiá' uii~ quié'na'? ⁴⁵ Jo ja' í' óo'na' e jnea~ ni'nñn'n 'nú' fí' quini' Tiquié'e, cō' 'lí' yá'u~ quié'na' i sii' Moi~ dsea' ca'nñiñ' 'nú' cōo'~ júu^ quiá' ta' e cajme'r' do, jo íb' i sijeeng' 'nú' i nijmicōo'~ quié'na'. ⁴⁶ Cofa' 'nú' já'~ calíng'na' lajii'~ júu^ e cajme' i Moi~ do fí' ni~ jii' quiá'r', joba' lajob já'~ líng'na' jnea~ cajo, cō' e fí' ni~ júu^ jo cuaiñ' quié~baa e fé'. ⁴⁷ Jo song 'nú' ja' já'~ líng'na' e júu^ e cajme' í, joba' çjial cuøøng' e já'~ nilíng'na' lajii'~ júu^ e fí' i 'nú' jóng'?

Jo lanab jii'~ lí' júu^ quiá'~ Jesús e casí'r' dsea' i quié' nifi' quiá'~ dsea' Israel ie~ jo.

6

Mí' cahéng' Jesús 'ñiá' mil dseañ'u'

(Mt. 14:13-21; Mr. 6:30-44; Lc. 9:10-17)

¹ Jo mí' cangí' jo, cōo' jmíi' cangó' Jesús lí' lí' 'ngóo'~ e guiéé' e sii' Galilea do, jogui sii'bi cajo Tiberias. ² Jo fíim' dsea' ngolíiñ' fí' lí' 'ngóo' dsea' do, dsuco' jéeng'gui nicangár' jalé' e lí' e quí'~ dsea' do jmíi' e jmóor' mí' jmi'leáaiñ' jaléng' dsea' dséé'~. ³ Jo mí' caguíé' Jesús colíng' cōo'~ dsea' quiá'r' fí' lí' lí' 'ngóo'~ e guiéé' do, jo cangolíiñ' fí' cōo' yá'~ mó', jo mí' caguilíiñ' fí' jo, dob caguár' colíng' cōo'iñ' do. ⁴ Jo nijaquíéeng' jmíi' Pascua ie~ jo e quí'~ tíng' dsea' Israel e jmóor' fí' Jerusalén.

⁵ Jo lajee' guíng' Jesús e fí' yá'~ mó' do, cangár' e i fíng' dsea' nijalíng' fí' lí' guíiñ', joba' lalab casí'r' jaang' lajee' i dsea' quiá'r' do i sii' Lii' jo cajíiñ' :
—Çjie' fí' nidsileá'aa' jalé' e nidó'~ i dsea' 'leáang' i nicagü'íling' la lana?

⁶ Dsu' cajíng' Jesús e jo e lí' laco' niliñir' e~ nijíng' i Lii' do cuaiñ' quiá'~ e jo, cō' niñi'bre guiá' 'ñia'r' quiá'~ jial nijmér' cuaiñ' quiá'~ e do. ⁷ Jo lalab cañi' Lii' e casí'r' Jesús:

—Nañi' fa' nili'léé'~ cabøø' iñi'~ e nidsé' laji' cuu' e 'léeng'~ dsea' lajee' guíang' sí', dsu' ja' nilíim'bi quiá'~ lajíng' i dsea' na e nitíiñ' jmá'~ capí'~ lajaang' lajaaiñ'.

⁸ Jo mí' canúu' e júu^ jo i dsea' jaang'gui quiá'~ Jesús i sii' Dí', i líng' rúng' Tú' Simón, joba' lalab casí'r' Jesús:

9 —Lab sing' jaang` jiuung` i quie' 'ñiá' iñí' e lí' cóo' mí' cebada cóo' gui gáng` 'ñu` i nicuñing, jo dsu' e la ja' jie' lí' nidsibó' jee` i dsea` fñing` na.

10 Joba' cañi'tu Jesús quiá'- i dsea` quiá'r- do jo cajíñ'-:

—Síi' go' jaléng' i dsea` na güi'né'r' lí' nigüear` lajaang` lajaañ`.

Jo e fí' mó' jo ia' sea` nuu` rø', joba' fí' job caguá' jaléng' i dsea` do, jo jee` i dsea` do quíng' jie' ja' 'ñiá' mil dseañu'. 11 Jo mi` cangí' jo, ca'ím' Jesús e iñí' e se' i jiuung` do jo cacuø'r' gui'máang' Fidié'; jo mi` cangí' jo, canaañ` jmóor` guiéé' jee` jaléng' i dsea` i caseáng' do ie` jo. Jo lajob cajo cajméer` cóo' i 'ñu` do, cajmée`bre guiéé' jee` jaléng' i dsea` do car` jie' jii' iñí' do. 12 Joba' mi' tí' lí' calitaang` i dsea` do guiá', lalab cajíng'- Jesús casí'r- i dsea` quiá'r- do:

—Sití' na' jalé' 'ná' e caseáng` gui na, jo tea'na' líng', co' jii' ca'ná' ja' 'né' nidsitøng'.

13 Joba' lajob cajmée` i dsea` do, casitím`bre jalé' e 'ná' e caseáng` gui do quiá'- laji' 'ñiá' e iñí' cebada do, jo guitu' 'matá'gui carøng` cóo' e 'ná' e caseáng` do. 14 Jo mi' tí' lí' cangá' i dsea` fñing` do e lí' e quí' Jesús jmí' e cajméer` do, joba' canaañ` síiñ` lajee` yaañ` jo fé'r':

—I nab dseáng'- dsea` i cajíng'- Fidié' i nisíñ` fí' jmigüi' la i nifé' cuaiñ` quiá'r-.

15 Jo niñib' Jesús e i dsea` i fñing` do iñí' nitø`bre ír' la'úung` e laco' nicár` nifí' quiáñ'- do, joba' cajmi'nám`tu 'ñia'r' jee` i dsea` do, jo cajgóor` calé' catú` cartí' yá' e mó' do e laco' niliung` 'ñia'r'.

Mí' cangí' Jesús fí' ní' jmí'

(Mt. 14:22-27; Mr. 6:45-52)

16 Jo mi' tí' lí' jaquíéng` e ni'í' náu' e jmí' do, i dsea` quiá'- Jesús do catisím`bre fí' lí' née' e guiéé' do. 17 Jo mi' caguiliñ` fí' 'ni' e guiéé' do, cangotáam`bre fí' dsí' cóo' móo', jo canaañ` cua'bre e guiéé' do e teáañ` fí' ngoliñ` fí' Capernaum. Jo coob` mi' ca'í' náu', jo dsu' Jesús ja' mí' cajím`bi rúñ' cóo' i dsea` quiá'r- do. 18 Jo lajee` ngolíng` i dsea` quiá'- Jesús do e teáañ` fí' dsí' e móo' do, jo cóo' canaang` e í' guí' e teá' eáang', joba' canaang` e róo` jmí'.

19 Jo lajee` ningoliñ` e fí' ní' jmí' do tíb'jiu la 'ñiá' osi jñúu` kilómetro, jo cóo' cangám`bre Jesús e nijaquíéng` dsea` do fí' quiá'- e móo' do e nijaiñ` ngír' fí' ní' jmí'. Jo mi' cangáng` i dsea` do Jesús e jang' dsea` do ngír' fí' ní' jmí', joba' cajá' e 'gó'bre. 20 Joba' dsifí' lanab cajíng'- Jesús casí'r- i dsea` do lala:

—iJneab` la, jo ja' føøng`na'!

21 Jo i dsea` quiá'r- do e íaang` dsí'bre ca'íñ' dsea` do fí' dsí' e móo' lí' teáañ` do; jo dsu' lajee` job e jii' ja' lí' lanab catíñ' lajaléñ' do fí' uø` quiú' e fí' lí' sí'í' nitíñ' do.

Mí' canaang` i dsea` fñing` do 'náiñ' Jesús

22 Jo mi' cajneá' e jmí' jo, jaléng' dsea` i sijeeng` Jesús lí' lí' 'ngóo' cataang` e guiéé' do calilí'r' e jaléng' i dsea` quiá'- Jesús do nicangolíim`bre cóo' e móo' cóo' 'ñia' e sí' do jéeng`gui, jo dsu' Jesús ja' mí' cangaiñ' cóo' i dsea` quiá'r- do.

23 Jo lajee` job caguiliñ` jéng`gui dsea` i teáang` dsí' móo' i jalíng` fí' cóo' fí' e sii' Tiberias, jo caguiliñ` fí' guóo' uø` quiú' quiá'- fí' lí' cagó' i dsea` i fñing` do mi' cangí' e cacuø' Fí'naa' Jesús gui'máang' Fidié'. 24 Joba' mi' tí' lí' calilí' i dsea` fñing` do e jo seeng` Jesús fí' do o'gui i dsea` quiá'r- do, joba' cajgóo`bre fí' dsí' cóo' móo', jo cangoliñ` cango'ném`bre dsea` do fí' Capernaum.

Jesús líiñ' laco' e iñí' e cuø' e seeng` dsea` lata`

25 Jo mi' tí' lí' caguiliñ` i dsea` fñing` do fí' lí' lí' 'ngóo' cataang` e guiéé' do, joba' fí' job cajíñ' Jesús jo lalab cajmíng'r- dsea` do:

—Tifa', ¿li~ cañing'~ 'nu' fí' la?

²⁶ Joba' cañíi' Jesús quiá'~ jaléng' i dsea` do jo cajíñ'~:

—E laba' jmitaa` óo'na' e 'nú' 'náng'tu' jnea~ lana, dsuco' lado guiée~ caquié'na' car` caróm-ba', jo dsu' ja` 'náng'na' jnea~ uiing~ quiá'~ e nicangáng'na' e~ guóng' jalé' e li~ e quíi'~ i jmií~ e nicajmé~ e do. ²⁷ Joba' fíi'~ i 'nú' ja' jmiquíng'~ li óo'na' cuaiñ~ quiá'~ jalé' e gø' dsea` e ja' huøø` ee~, co' 'nú' lí' lí' né~ e guing~ óo'na' cuaiñ~ quiá'~ jalé' e taang~ dsea` e sea` contøøng~, co' e joba' e cuø' e seeng` dsea` cøøng` cóo'~ Fidiée` lata~. Jo e joba' nicuøø` jnea~ jaléng' dsea`, jnea~ dsea` gáa'a fí' ñiff~ e lín'n jaang` dsea` jmigüí, co' ta~ joba' casíng` Tiquí'ii' Fidiée` jnea~ fí' jmigüí la.

²⁸ Joba' cajmingí'~ i dsea` do Jesús, jo casí'r~ dsea` do lala:

—¿E' né~ nijmó` jnea' e laco' nilití~ jalé' e iing~ Fidiée` e nijmó`oo'?

²⁹ Joba' lalab cañíi' Jesús quiá'~ dsea` do:

—E lab e iing~ Fidiée` e 'né~ nijmee~na', e ni'íng'~na' jnea~, dsea` i casíiñ' fí' jmigüí la.

³⁰ Joba' cañíi'tu i dsea` do quiá'~ Jesús, jo casí'r~ dsea` do lala:

—Jogui 'nu', ¿e~ li~ e quíi'~ jmií~ cuøøng` lí' jmée'~ quí'naa' la e laco' já'~ nilí'naa' júu` quíi'~?, jogui ¿e~ jalé' jmoo' 'nu'? ³¹ Co' lalab júu` sea` quiá'~ 'lií~ dsea` áang` quí'~ii' e cangíiñ' e cagó'r' iñí' e sii` maná lajee` cangir' fí' ni` guóo'~ uø` quíi' malíi~gui lí' laco'gui la fé' fí' ni` jì' quiá'~ Fidiée` lí' fé': “Jo Fidiée` dsea` cacuø' jaléng' i dsea` do iñí' e cagó'r' e jáa' fí' ñiff~.”

³² Joba' lalab cañíi' Jesús quiá'~ i dsea` do jo cajíñ'~:

—E laba' iin~n jmitaa` óo'na', e o' Moi' i cacuø' i dsea` áang` quí'~na' do e iñí' e cajalí' fí' ñiff~ do, dsuco' 'ñiab' Tiquié` e Fidiée` dsea` cuø' e iñí' e já' e jáa' fí' ñiff~ do. ³³ Dsuco' jnea~, dsea` gáa'a fí' ñiff~, lín'n laco' e iñí' e cuø' Tiquí'ii' Fidiée` do e laco' liseeng` dsea` cøøng` cóo'r~ lata~.

³⁴ Joba' i dsea` do camí'r' Jesús lala jo cajíñ'~:

—Fíi'i, cuøø'~ jnea' contøøng~ e iñí' jo.

³⁵ Joba' casí'~ Jesús jaléng' i dsea` do jo cajíñ'~:

—Jneab~ dsea` lín'n e iñí' e cuø' e seeng` dsea` lata~; jogui i dsea` i já'~ líng` júu` quíe~ e jogui nicajáng' yaaiñ~ fí' jaguóo'o, joba' jo` tóo` jmií~ fa' niguiá'gui jmi'aaíñ~ o'gui jmiijmíiñ~. ³⁶ Jogui lí' laco' jii'~ e nicafíi' 'nú', nañí' fa' nicañíim'ba' jnea~, dsu' ja` já' lím'bi' jnea~. ³⁷ Jo jaléng' dsea` i nicacuøng' Fidiée` jnea~, joba' jaléng' dsea` í' ím'bre jnea~; jogui jaléng' i dsea` í' ni'íim'baare cajó. ³⁸ Co' jnea~ ja` cagá~a fí' ñiff~ e cagajmée` e lajii'~ e iin~n 'ñiá'a, co' cagá~a e lí' laco' cagajmée` e lajii'~ e iing~ Tiquié` e e nijmee~baa, co' íb' dsea` i casíng` jnea~ fí' jmigüí la. ³⁹ Jo i dsea` i casíng` jnea~ fí' jmigüí la iin~ e ja` ni'íng~ jii'~ camíng' i dsea` i nicacuøiñ' jnea` do, co' lí' lí' iin~ e nijmee~ e nijí'tur mi~ tí' lí' jo. ⁴⁰ Co' lajii'~ e iing~ Tiquié` e Fidiée` e jaléng' dsea` i jáng' yaang~ fí' jaguóo'o jogui já' lín' júu` quíe~ e, jnea~ dsea` lín'n Jóo' Fidiée~, joba' iing~ Fidiée` 'ñia'r' e jaléng' i dsea` í' ni'íim'bre e niliseeiñ` cøøng` cóo'r~ lata~; jogui jnea~ nijmee~ e e nijí'tur mi~ tí' lí' nití' í' lajo.

⁴¹ Jo mi~ tí' lí' canúu~ i dsea` Israel do e júu` quiá'~ Jesús do, joba' canaaíñ` éeiñ` dsea` do lajee` la'ó' yaaiñ~, co' dsea` do fé'r' e íbre dsea` lín' e iñí' e cajgó' fí' ñiff~. ⁴² Joba' canaaíñ` sí' rúíñ' lala:

—Jo ¿su o' i Jesús labi i líng` i jóo' Sé` do? Co' jneaa~aa' cuíim'baa' i~ niquiá'r` jogui i~ tiquiá'r`, jo ja` ne~naa' jiali' fé'r' e jáar' fí' ñiff~.

⁴³ Jo mi~ canúu~ Jesús e júu` jo, joba' casí'~ reiñ' do lala:

—Túu'na' e éeng'na' jnea~. ⁴⁴ Jo fíi' i 'nú' e jii'~ jaang` dsea` cuøøng` lí' jáng' 'ñia'r' fí' jaguóo'o fíng song Tiquí'ii' Fidiée` i casíng` jnea~ fí' jmigüí la ja` nijajéeng` i dsea` í' fí' quinií~; jogui jneab~ dsea` nijmée'~ e e nijí'tu jaléng' i

dsea` í mi` tí li` jo. ⁴⁵ Jo lalab fé` fí` ni` jì` quiá`- Fidiéé` e cajme` í dsea` i café` cuaiñ` quiá`r- mali`gui eáang` ie` lami` cajíñ`- lala: “Fidiéeb` dsea` ni`ér- lajaang` lajaang` dsea.” Joba` jaléng` dsea` i ninú- júu` quiá`- Tiquí`ii` do jogui nilitíiñ` guiá`- quiá`- dsea` do, joba` cóo`- jneab` nijatáaiñ` jóng.

⁴⁶ Jo dsu` ofa` fá`a e seeng` dsea` i nicangáng- Tiquí`ii`, co` lajii`- jnea`bing` i nicangáng- dsea` do, jo íb` dsea` i casíng` jnea` fí` jmigü` la. ⁴⁷ Jo e laba` jmítaa` óo`na` e jaléng` dsea` i já`- líng` júu` quié`e, joba` cøøng` liseeiñ` cóo`- Fidiéé` lata`.

⁴⁸ Jo dseáng`- jneab` lín`n e iñí`^ e cuø` e seeng` dsea` lata`. ⁴⁹ Jo jaléng` `lii` yúu`- quií`- `nú` cagó`bre e iñí`^ e sii` maná do ie` lami` cangir` fí` ni` guóo`- uø` quiú` do, jo dsu` nañí` fa` cagó`r` e jo co` cajúm`-bre mi` catí` í` quiá`r-; ⁵⁰ jo dsu` jnea`gui fá`a quiá`- e iñí`^ e jáa` fí` ñiff`- do, co` ii` dsea` i ni`íng` e nidø`- e jo, joba` ja` tóo` jmii` fa` nijúuiñ`. ⁵¹ Jogui co` jneab` dsea` lín`n e iñí`^ e nicajá`- fí` ñiff`- e laco` cuø` e seeng` dsea` lata`, joba` doñí` ii` dsea` i ni`íng` e nidø`- e iñí`^ jo, joba` dseáng`- lata` niliseeiñ` cøøng` cóo`- Fidiéé`. Jo e iñí`^ jo lí` ngúu` táam`baa, co` e joba` nijáa`-a e laco` cøøng` niliseeng` dsea` cóo`- Fidiéé` lata`.

⁵² Jo mi` tí` li` canúu`- i dsea` Israel do e júu` jo, joba` canaaiñ` tíng` júu` quiá`r- lajee` la`ó` yaaiñ` uii` quiá`- Jesús, jo jmingí`- rúiiñ` lala:

-Jo ¿jial cuøøng` e i dseañu` na nicuø`- ngúu` táaiñ` e lafa` niqiee`naa`?

⁵³ Joba` cañí`tu Jesús quiá`- i dsea` do jo casí`-reiñ`:

-Dseáng`- e laba` jmítaa` óo`na`, e song` `nú` ja` ni`íng`-na` jnea` laco`gui mi` jmítaang` yaang`-na` guiá`- cóo`- e iñí`^ do, o`gui ni`u`na` jmi`øøñ-, jnea` dsea` cagá`-a fí` ñiff`- e lín`n jaang` dsea` jmigü`, joba` ja` quí`- jmii` jóng e nilí`na` e niliseeng`na` cøøng` cóo`- Fidiéé` lata`. ⁵⁴ Co` i dsea` i íng` jnea` lí` laco`gui mi` jmítaang` yaaiñ` guiá`- jogui í`r` jmi`øøñ-, joba` dsea` íb` i ni`íng` e niliseeiñ` cøøng` cóo`- Fidiéé` lata`; jogui jneab` nijmee`- e e nijí`tu jaléng` í` mi` nití` í` lajo. ⁵⁵ Dsucó` mi` íng` dsea` jnea`, lí` coo` e gø` dsea` e laniing`- íng` ta` quiá`r-, jogui e jmi`øøñ- do, lí` coo` e í` dsea` e laniim` cajo. ⁵⁶ Co` i dsea` i íng` jnea` lí` laco`gui mi` jmítaang` yaang` dsea` guiá`- jogui i í` jmi`øøñ- do, joba` cøøm` niliseeiñ` cóo`- jnea`, jogui lajobi jnea` cajo cøøm` niliseen` cóo`- ír`.

⁵⁷ Jo Tiquí`ii` Fidiéé` i casíng` jnea` fí` jmigü` la contøøm` seeiñ`, jogui la`eáang` íba` seeng` jnea` cajo; jogui lajobi jaléng` i dsea` i íng` jnea` laco`gui mi` jmítaang` yaaiñ` guiá`-, dseáng`- contøøm` niliseeiñ` la`eáang` cóo`- jnea`.

⁵⁸ Jo fá`a e júu` na cuaiñ` quiá`- e iñí`^ e cajgó` fí` ñiff`-, co` e iñí`^ la ja` lí` laco` e iñí`^ e sii` maná do e cagó` `lii` yúu`- quií`-na` lajee` cangir` fí` ni` guóo`- uø` quiú`, co` nañí` fa` cagó`bre e jo, jo dsu` cajúm`-bre mi` catí` í` quiá`r-; dsu` jaléng` i dsea` i íng` jnea` laco`gui mi` jmítaang` yaaiñ` guiá`- cóo`- e iñí`^ do, joba` dseáng`- latab` niliseeiñ` cøøng` cóo`- Fidiéé`.

⁵⁹ Jo lanab` jii`- lí` júu` quiá`- Jesús e ca`e`r` jaléng` dsea` i caseáng` e fí` sináuu` guá`- quiá`- dsea` Israel e si` fí` Capernaum.

Seem`dsea` i ja` íng` júu` quiá`- Dsea` Jmáang`

⁶⁰ Joba` mi` tí` li` canúu`- i dsea` do lajii`- e cajíng`- Jesús do, i fíim` jaléng` i dsea` do i lami` ngí` cóo`r` do cajíñ`- lala:

-Dsíng`- huíng` e ni`íng`-naa` lajii`- e júu` e fé`r` na, jo ja` lí` dsi`naa` e seeng` dsea` i já`- nilíng` lajii`- júu` quiá`r-.

⁶¹ Jo co` niñib` Jesús lajii`- e ée` i dsea` do quiá`r-, joba` cajmingí`r` dsea` do lala:

-¿Su` ní` máam` `nú` e júu` quié`-e la? ⁶² ¿E` ni`í` áa`na` fíng song` nimáang`-na` jnea` e niníng`-túu` fí` lí` lami` guin`n fí` ñiff`-, jnea` dsea` cagá`-a fí` jo e lín`n jaang` dsea` jmigü`? ⁶³ Jo e Jmigu` quiá`- Fidiéeb` e cuø` e seeng` dsea` lata`, jo dsu` ja` quí`- dsea` jmigü` jmii` fa` e nijmér` e niliseeng` dsea` lata`; jogui jalé`

júu[^] e nicafñi⁻ i 'nú[^] na líi[^] la'eáang[^] cóo[^] Jmiguí[^] quiá⁻ Fidiée[^], jogui cajo cuø[^] e liseeng[^] dsea[^] lata[^]. ⁶⁴ Jo dsu[^] seem[^] 'nú[^] i ja[^] mí[^] ca'ím[^] bi júu[^] quié⁻ e latí[^] lana.

Jo cajíng⁻ Jesús lajo co[^] ñi[^] bre guiá⁻ latí[^] mi[^] uing[~] i jaléng[^] i dsea[^] do i dseáng⁻ ja[^] ni'íng[^] ír[^], jogui i[~] i nijáng[^] ír[^] fi[^] jaguó[^] jaléng[^] dsea[^] cøøng[^] e quiá⁻ e nijúuñ⁻.

⁶⁵ Jogui lalab cajíng⁻ guir:

—Jo uí[^] e lajob líi[^], joba[^] nicafñi⁻ i 'nú[^] e jíi[^] jaang[^] dsea[^] cuøøng[^] lí[^] jáng[^] ñia[^] r[^] fi[^] jaguóo[^] ò[^] fíng[^] song ja[^] nijajéeng[^] Tiquí[^] i[^] Fidiée[^] ír[^] fi[^] quini[^].

⁶⁶ Jo latí[^] ie[~] job[^], i fñim[^] dsea[^] i lamí[^] ngí[^] cóo[^] Jesús catiúum⁻ bre dsea[^] do, jo caquium[^] bre e ngír[^] cóo[^] dsea[^] do. ⁶⁷ Jo co[^] calilíb[^] Jesús e jo, joba[^] cajmíng[^] r[^] i dsea[^] guitúung[^] quiá⁻ r⁻ do jo cajíñ⁻:

—Jo ¿su la quie[^] 'núb[^] iing[~] na[^] nijmi[^] naang[^] yaang[~] na[^] quié⁻ e cajo?

⁶⁸ Joba[^] cañí[^] Tú[^] Simón quiá⁻ Jesús jo cajíñ⁻:

—Fíi[^] naa[^], dseáng⁻ ja[^] í[^] dsi[^] baa[^] e nidsitáang[^] naa[^] cóo[^] dsea[^] jiéng[^], co[^] jíi[^] 'núb[^] dsea[^] cuø[^] júu[^] quiá⁻ r⁻ jial seeng[^] dsea[^] cøøng[^] cóo[^] Fidiée[^] lata[^]. ⁶⁹ Joba[^] jnea[^], nicajáang[^] yee[~] naa[^] fi[^] jaguóo[^], co[^] dseáng⁻ nitab[~] dsi[^] naa[^] e 'núb[^] lin[^] dsea[^] i casíng[^] Fidiée[^] fi[^] jmigüí[^] la e lin[^] dsea[^] güeang[^] quiá⁻ r⁻.

⁷⁰ Joba[^] lalab cañí[^] Jesús quiá⁻ i dsea[^] quiá⁻ r⁻ do:

—Jneab[~] dsea[^] nicaguíin[^] 'nú[^] e nilíng[^] na[^] dsea[^] guitúung[^] quié⁻ e, jo dsu[^] jee[~] 'núb[^] quijgeáang[^] jaang[^] i nilíng[^] dsea[^] quiá⁻ r⁻ fi[^] i 'líng[^].

⁷¹ Jo mí[^] cajíng⁻ Jesús lajo, café[^] r[^] dsu[^] e éeiñ[^] i Judas i líng[^] jóo[^] Simón Iscariote, jo ja[^] e líi[^] e i Judas do quíim[^] bir jee[~] i dsea[^] guitúung[^] do, dsu[^] dsea[^] íbing[^] i nijáng[^] Jesús fi[^] quini[^] dsea[^] cøøng[^] e quiá⁻ e nijúuñ⁻.

7

Ji[^]gui jaléng[^] rúng[^] Jesús ja[^] ja[^] líiñ[^] júu[^] quiá⁻ dsea[^] do

¹ Jo mí[^] cangí[^] gui lajo, dob ngí[^] Jesús fi[^] jalé[^] fñi[^] e téé[^] lí[^] se[^] Galilea e jmóor[^] lajíi[^] ta[^] siná[^] r[^]. Jo ie[~] jo ja[^] iñ[~] dsér⁻ fi[^] lí[^] se[^] Judea, co[^] jaléng[^] dsea[^] góor[^] dsea[^] Israel i teáang⁻ nifí[^] i seeng[^] fi[^] jo 'náíñ[^] dsea[^] do e iñ[~] nijngám⁻ breiñ[^].

² Dsu[^] ie[~] jo nijaquíéeng[^] jmí[^] quiá⁻ dsea[^] Israel e qui[^] tñiñ[^] jmo[^] r[^] 'núú[^] má[^] 'ma[^] e laco[^] jmiguiéng[^] dsír[^] jial mí[^] cangír[^] fi[^] ni[^] guóo[^] uø[^] quiá⁻ malí[^] gui eáang[^], ³ joba[^] lalab cajíng⁻ jaléng[^] i rúng[^] Jesús do jo casí⁻ reiñ[^]:

—Ja[^] guíng[^] já[^] fi[^] la, jo fi[^] lí[^] se[^] Judeab guó[^], jo lajoba[^] jaléng[^] dsea[^] i tí[^] dsí[^] núu[^] júu[^] quií⁻ i seeng[^] fi[^] jo nijóø⁻ jalé[^] e quií[^] jmí[^] jmoo[^]. ⁴ Co[^] mí[^] jaang[^] dsea[^] iñ[~] e nilicuí[^] gui dsea[^] quiá⁻ r⁻, joba[^] fi[^] lí[^] jøø⁻ dseab[^] 'né⁻ jmér⁻ jalé[^] e jmóor[^] do. Jo co[^] 'ná[^] jmoo[^] jalé[^] e dsigá[^] dsí[^] dsea[^], joba[^] fi[^] quini[^] dsea[^] fñim[^] 'né⁻ jmé[^] jalé[^] e jo.

⁵ Jo fé[^] r[^] lajo co[^] ji[^]gui jaléng[^] i rúng[^] Jesús do ja[^] ja[^] líiñ[^] júu[^] quiá⁻ dsea[^] do.

⁶ Jo lalab cañí[^] Jesús quiá⁻ i rúñ[^] do jo cajíñ⁻:

—Ja[^] gui mí[^] catí[^] í[^] quié⁻ e e nijmijnéeng[^] 'ñiá[^] a[^] fi[^] quini[^] fñíng[^] dsea[^], jo dsu[^] quií⁻ 'nú[^] doñí[^] ee[^] jmíib[~] cuøøng[^] lí[^] güilíng⁻ na[^] jié[^] fi[^] lí[^] iing[~] na[^]. ⁷ Jo fñi⁻ 'nú[^] e ja[^] ee[^] uing[~] sea[^] quiá⁻ r⁻ jaléng[^] dsea[^] jiéng[^] e nilí[^] 'ní[^] níñ⁻ 'nú[^], jogui dsu[^] jnea[^] gui contøø^m 'ní[^] níng⁻ dsea[^], co[^] jnea[^] jmóo[^] e líñi[^] dsea[^] røø[^] uii[^] quiá⁻ r⁻ jalé[^] e ga[^] e jmóor[^]. ⁸ Joba[^] fñi⁻ 'nú[^] e cuøø^m lí[^] güilíng⁻ na[^] e jmí[^] jo, jo dsu[^] ja[^] lí[^] nii[^] jnea[^] lajminá⁻, co[^] nabi ja[^] mí[^] catí[^] í[^] quié⁻ e e nijmee[^] e lajo.

⁹ Jo lanab casí⁻ Jesús i rúñ[^] do, jo dob cajer[^] fi[^] lí[^] se[^] Galilea, jo i rúñ[^] do cangolíim[^] bre fi[^] lí[^] tí[^] jmí[^].

Mí[^] cangotíng[^] Jesús jmí[^] quiá⁻ 'núú[^] má[^] 'ma[^] fi[^] Jerusalén

¹⁰ Jo mí[^] cangí[^] e cangolíng[^] i rúng[^] Jesús do fi[^] lí[^] catí[^] jmí[^], joguiba[^] cangó⁻ Jesús fi[^] jo, jo ja[^] fñíng[^] dsea[^] i ngolíng⁻ cóo[^] r[^], co[^] ja[^] iñ[~] dsér⁻ fi[^] jo jee[~] dsea[^]

fíing'. ¹¹ Jo lajee' tí e jmiĩ do, jaléng' dsea' quie' nifi' quia' dsea' Israel ngir' ta' 'náng' Jesús, jo sñiĩ lajee' la'ó' yaaiĩ jo fé'r' lala:

—¿Jie' fí' iuung' i dseañu' do?

¹² Jo eáam' sñing' jaléng' i dsea' Israel i siseáng' do cuaiĩ quia' jalé' e jmóo' Jesús. Jo jee' do quieéng' i lñing' dsea' i fé' lala: “Jaang' dseañu' i guiúm' liiĩ' do”; jogui jee' dobi quieéng' dsea' i fé' cajo: “I dseañu' i ja' dseeng' éer', jogui lico' ngir' ta' jmiğøøng' jaléng' dseab'.”

¹³ Jo jee' jaléng' i dsea' do jii' jaaiĩ teá' dsír' nifé'r' uii' quia' Jesús, co' 'gó'bre fíng ee' cajméé' i dsea' Israel i quie' nifi' do quia'r' song canúur' jalé' e sñiĩ' do.

¹⁴ Jo ningóo' guiáam' e jmiĩ do mi' caguié' Jesús fí' dsí' sinúu' guá' fé' quia' dsea' góor' dsea' Israel e si' fí' Jerusalén, jo mifíng' canaiĩ' e'bre dsea' mi' caguié' fí' jo. ¹⁵ Jo eáam' dsigá' dsí' i dsea' quie' nifi' quia' dsea' Israel do e núur' jalé' júu' 'goo' e guia' dsea' do, jo lalab sñiĩ' lajee' yaaiĩ jo fé'r':

—¿Jial jmóo' i dseañu' na e tñiĩ' ngaiĩ' júu' quia' Fidiéé', jo ja' ne'ee' fa' jie' lí' nicajmitñiĩ'?

¹⁶ Joba' lalab cañi' Jesús quia' i dsea' do:

—O' dseáng' júu' quie' e lajii' e ée' e 'ná' la, co' e júu' la jáa' quia' i dsea' i casíng' jnea' fí' jmiğü' lab. ¹⁷ Jo doñi' ii' dsea' i guia' dsí' e nijmitir' laco' la iing' Fidiéé', joba' dsea' í'bing' i niñi' su jáa' quia' Fidiéé' jalé' e ee' do osi lí' fá'a e la tñin' 'ñia'baa' é. ¹⁸ Dsuo' i dsea' i fé' la tñing' 'ñia' jmóor' lajo e lí' laco' nijmiféng' dsea' í'bre; jo dsu' i dsea' i jmi'úung' e nijmiféiñ' i dsea' i casí' quia'r' do, joba' i dsea' í' jmang' júu' jáb' quier', jo jii' jaang' ja' ii' cuøøng' lí' cuø' dsee' ír', co' ja' dsee' sea' quia'r'.

¹⁹ Jo cajíng' gui Jesús:

—Jo e já' e Moi'bing' cacuø' 'ná' e júu' quia' ta' quia' Fidiéé' do, jo dsu' jii' jaang' 'ná' ja' jmiti'na' e júu' jo. Jo ¿jali' e iing'na' nijngáng'na' jnea'?

²⁰ Jo mi' canúu' i dsea' do lajo, joba' cañiir' quia' Jesús jo cajíñ':

—¿I 'lim' jée' quí' 'nu'! Co' jnea' ja' í' dsí'naa' fa' e nijngáng'naa' 'nu'.

²¹ Joba' cañi'tu Jesús quia' i dsea' do jo casí' reiñ':

—Mí' 'noo' dsigá'bi áa' 'ná' cóo' lajii' e cajmé' e do 'ñia' ie' jmiĩ e jmi'íng'naa', jneaa'aa' dsea' lí' dsea' Israel. ²² Jo ie' malii'gui do Moi' caquiur' ta' e nitó' coo' e lí' fí' ngúu' táang' lajii' yuu' siñuu' lí' laco' quí' tñing'naa', jo dsu' e jo o' jii' quia' Moi' jáa', co' jáa' tí' quia' 'lí' yuu' quí'ba'; jogui 'ná' tóo'ba' e lí' do fí' ngúu' táang' jiuung' siñuu' quí'na' mi' catí' í' quia'r' lajo, jo ja' e lí' quí'na' nañi' fa' 'ñia' ie' jmiĩ e jmi'íng'naa'. ²³ Jogui song 'ná' tóo'na' e lí' do quia' jiuung' siñuu' quí'na' dseáng' 'ñia' ie' mi' jmiĩ e jmi'íng' jneaa'aa', dsea' Israel, co' dseáng' ie' jmiĩ jo catí' í' e nijmé'na', jo jmoo'na' lajo e lí' laco' nijmiti'na' e júu' quia' ta' quia' Moi', joba' lana ja' e uing' sea' quí'na' e jmiğuíng' yaang'na' cóo' jnea' uí' e cajmi'leáan' i dseañu' do 'ñia' ie' jmiĩ e jmi'íng'naa'. ²⁴ Joba' fí' i 'ná', ja' cuø'na' dsee' jaang' dsea' quia' lajii' e í' óo'na' e jmóor', co' 'né' jang' jmitá' óo'na' dseáng' røøb' su dseeng' osi ja' dseeng' é lajii' e jmóo' i dsea' í, jo lajoguiba' cuøøng' e ni'ñi'na' í' røø'.

Mí' cajíng' Jesús jie' fí' dseáng' lí' jáar'

²⁵ Jo mi' canúu' i lñing' dsea' i neáang' fí' Jerusalén do júu' quia' Jesús, joba' canaiĩ' jming' rúñi' jo jíñ':

—Jo ¿su o' i dseañu' nabi i ngí' dsea' 'náiñ' e quia' nijngáng'neiñ'? ²⁶ Jo jii' jaang' dsea' ja' i jñing' quia'r', co' dobi siñ' guiar' júu' quia' Fidiéé' jee' dsea'. Jo jangám' í' dsí' jaléng' dsea' i quie' nifi' quí'ii' e dseáng' já'ba' e dsea' dobi i Dsea' Jmáang' i sijeeng'naa' i nicá' nifi' quí'ii'. ²⁷ Jo jneaa'guí' ne'baa' røø'

jie~ fí lí~ jáa' i dseañu' na, jo dsu' mi~ nití' í' e nijáa' i dsea` i sijeeng'naa' do, jíi' jaang` dsea` ñir' jie~ fí lí~ nijáa' dsea` do.

²⁸ Jo mi~ tí' lí~ canúu~ Jesús lajii' e s'ing' i dsea` do lajee' e iuuiñ' e'r' dsea` fí sinúu' guá' fé' e si' fí Jerusalén, joba' cañir' teá' jo cajíi'':

—E já' e nicuíim'ba' jnea~, jogui niñi'bi' jie~ fí lí~ gáa'a. Jo dsu' jnea~ ja` cagá` a fí la e la ñii' 'ñiá'a, co' cagá` baa dsu' júu' e sinúu' quiá' i lajang'^ do e jíi' 'nú' ja` cúing`na' í'. ²⁹ Jo dsu' jnea~ cuíim'baare guiá~, co' cuaiñ~ quiá' bre e cagá` a fí jmigüi' la, jogui dsea` íbing' i casíng' jnea~ cajo.

³⁰ Jo mi~ canúu~ jaléng' i dsea` Israel do júu' quiá' Jesús, joba' lamí~ iin~ nisám'bre dsea` do, jo dsu' ja` calí'r' fa' cajméer' lajo, co' ja` mí' catí' í' quiá' dsea` do fa' e nidsing'iiñ' lajo. ³¹ Jo lajee' jaléng' i dsea` i teáng' núu' júu' quiá' Jesús do, f'ím' i dsea` í' já' calíiñ' júu' quiá' dsea` do ie~ jo, jo lalab s'iiñ':

—Mi~ nigüéeng' i Dsea` Jmáang' i sijeeng'naa' i nicá' nifí' quí'ii', ja' lí' dsí'naa' e nijmér' jmigui'gui jalé' e lí' e quí'r' jmí~ laco'gui la jmóo' i dseañu' la lana.

Mi~ cajmé'e dsea` quijí' jial nisáiiñ' Jesús

³² Jo mi~ canúu~ dsea` Israel i líng' dsea` fariseo lajii' e s'ing' dsea` uii~ quiá' Jesús, joba' jaléng' i dsea` í' cóo'~ gui jaléng' fii' quiá' jmidsea` casíiñ' jaang' gáng' íi' quiá' guá' e laco' nidsiséeiñ' Jesús e fí lí' iuung' dsea` do. ³³ Jo co' niñi' Jesús e' í' dsí' i dsea` do, joba' cajíi' casí'r' jaléng' i dsea` teáng' do ie~ jo:

—Ja` huøø` eáang' nitaang~ jnea~ cóo' 'nú' fí la, jo mi~ ningí' jo, niním'^túu cóo' i casíng' jnea~ e cagá` a fí jmigüi' la. ³⁴ Jo ie~ jo, f'ím' 'nú' ni'nang'^na' jnea~ jo dsu' jo` niguiéng'na' jnea~, co' ja` quí' jmí~ e nigüilíng'na' fí lí' ninín'^n.

³⁵ Jo mi~ canúu~ i dsea` i quie' nifí' quiá' dsea` Israel e jo, jo ladsifí' lanab canaaiñ' e jmingí' rúiiñ' lala jo fé'r':

—Jie~ fí lí~ nidséng' i dseañu' na e jo` quí' jmí~ fa' e niguiéng'naa're? Jo jangám' song nidsér' fí guóo' uó' lí' huíi' fí lí' neáang' jaléng' dsea` góo'naa' dsea` Israel e nidsi'éer' jaléng' dsea` i ja` líng' dsea` góo'naa' i neáang' fí jo. ³⁶ Jo z'e' guóng' mi~ fé' i dseañu' na e ni'náng' dsea` ír' jo dsu' ja' ii' niguié' quiá'r', jogui e ja` cuøøng' ii' nidsilíng' fí lí' niguiéiñ' do?

Jo lanab casíng' i dsea` quie' nifí' quiá' dsea` Israel do ie~ jo.

Jial lí' mi' íng' dsea` Jmiguí' quiá' Fidié'

³⁷ Jo 'ñia' ie~ ngóo' cadséng' jmí~ e jmóo' dsea` Israel ie~ jo, jo dseáng' ie~ jmí~ job e í' dsí'r' e niing'gui lajee' e jmí~ e jmóor' do. Jo ie~ job casíng' 'ñia' Jesús fí quini' jaléng' dsea` jo café'r' teá' jo cajíi'':

—Song ii' 'nú' lí'^na' e jmi'jming'na', joba' ñilíng'na' fí lí' sín'^n la, jo nilí'ba' jmí~ e u'^na'. ³⁸ Jo lí'^ laco'gui la fé' Fidié' fí ni' jii' quiá' lí' fé'r' lala: “Jo mi~ já' líng' dsea` júu' quié'e, jo e jo lí' lafa' niníng' jmí~ fí dsí'r'; jo e jo cuø e liseeiñ' cøøng' cóo' Fidié' lata.”

³⁹ Jo cajíng' Jesús lana uí' quiá' Jmiguí' quiá' Fidié' e ni'íng' jaléng' dsea` i nijá' líng' júu' quiá'r'. Jo dsu' e Jmiguí' do ja` mí' cagüeá' jee' ír', co' ja` mí' casám'bi' Jesús e nidséiñ' fí lí' cajár' fí ñifí' e ni'uíng'tur dsea` laniing'.

Mi~ ca'naang' jaléng' dsea` quí' rúiiñ' uii~ Jesús

⁴⁰ Jo mi~ canúu~ i dsea` do júu' quiá' Jesús, jo i líng' i dsea` í' canaaiñ' s'iiñ' lala:

—Dseáng' i dseañu' lab i sijeeng'naa' i nisíng' Fidié' i nifé' cuaiñ~ quiá'r'.

⁴¹ Jogui i líng'gui i dsea` do fé'r':

—I lab Dsea` Jmáang` i sijeeng`naa' do i nicá` nifi' quí`-ii'.

Jō dsu' i líng`guiñ' do fé'r`:

—U~, o' Dsea` Jmáang` i na, co' ja` cuóøng` e dsea` î nijáar' e líiñ' jaang` dsea` i seeng` fí' lí' se' Galilea. ⁴² Co' lalab fé' Fidiéé' fí' ni` jì quiá'r` e dseáng'` 'néb` e Dsea` Jmáang` líiñ' dsea` siju` dseata` Daví'^, jōgui 'né` e niníiñ' fí' Belén e fí' lí' calí` góo` dseata` Daví'^.

⁴³ Jō lajōb jaléng'` i dsea` do ca'naam`bre quiá'`- rúíñ'` uí'~ Jesús. ⁴⁴ Jō lajee` i dsea` î seem`biñ'` do i lamí` iing` nitøø` Jesús e nijníiñ` dsea` do, jō dsu' ja` calí'r` fa' cajméer` lajō.

Jaléng'` dsea` i quie' nifi' quíá'`- dsea` Israel ja` tñ'` Jesús

⁴⁵ Jō mi` caguilíng`tu i í'~ quiá'`- guá'` i casíng` dsea` Israel i líng` dsea` fariseo do i lamí` sí' í' nisáng'` Jesús do, jō i dsea` fariseo do colíng` cóo'~ jaléng'` fí' jmidsea` cajmíng'`r` dsea` do jō cajíñ'`:

—¿Jialí'` ja` catee`na're?

⁴⁶ Jōba' cañí' i í'~ do quiá'ñ'` do lala:

—Jíi'~ jaang` dsea` ja` mí' calicuíng`naa' i fé'` jlo'^ laco' fé'` i dsea` do.

⁴⁷ Jōba' lalab cañí' i dsea` Israel i líng` dsea` fariseo do quiá'`- i í'~ do:

—Jō ¿su la quie'` 'núb'` cajo nicaligóng`na` júu^ quiá'r`? ⁴⁸ Co' jíi'~ jaang` dsea` quie'` nifi' quí`-ii' o'gui dsea` Israel i líng` dsea` fariseo caguiaang`gui fa' já'` nicalíiñ` júu^ quiá'`- i dsea` do. ⁴⁹ Jō dsu' i dsea` i la 'nú'` i ja` cuí'` júu^ quiu'` ta` quiá'`- dsea` Israel, fí' lí'` 'lib'^ catíng`na' quiá'`- Fidiéé'.

⁵⁰ Jō mi` canúu` i Nicodemo do, jaang` dsea` Israel i líng` dsea` fariseo i cangó`- cango'ee` Jesús coo` née'~, jōba' dsea` î lalab cañí'r` quiá'`- dsea` do:

⁵¹ —Lí'^ laco'gui la fé'` fí' ni` jì quiá'`- júu^ quiu'` ta` quí`-ii', e ja` cuóøng` nicuóø`naa' dsee`- jaang` dsea` e jíi'~ ja` mí' cane`ee' røø` jalé'` e jmóor` do, su guíá`- osi ja` dseeng` é.

⁵² Jōba' lalab cañí' i dsea` do quiá'`- Nicodemo:

—Jō ¿su dsea` Galileab líng` 'nu` cajo? Jō jminá`- jmitíng` júu^ quiá'`- Fidiéé', jō lajōba' niliñí'^ e jíi'~ jaang` dsea` i fé'` cuaiñ` quiá'`- Fidiéé' ja` mí' cajáar' fí' lí' se' Galilea.

⁵³ Jō mi` cangí` jō, lajaléng'` i dsea` do caquiñ'`- cangolíñ'` fí' quiá'r`.

8

Jaang` dseamí` i catáng'` i iuung`- ta` 'lée'

¹ Jō mi` cangí` e cangolíng` jaléng'` i dsea` do, ca'íb` Jesús fí' e cangór` fí' coo` yá'^ mó'` e sii` Olivos. ² Jō mi` cajneá`- e jmíi` coo'gui do, jōba' caquim'`- tuj fí' guá'` fé'` e sí' fí' Jerusalén, jō mi` caguieíñ'`- fí' jō, fíim'` dsea` i cangoquieéng` fí' lí' siñ', jōba' caguár` lana jō mifíng` canaaiñ` e'bre i dsea` do júu^ quiá'`- Fidiéé'.

³ Jō lajee` e guíng` Jesús e e'r` i dsea` do, caguilíng`- coo` tú`- míng'` dsea` Israel i líng` dsea` fariseo colíng` cóo'~ tifa'` quiá'`- júu^ quiu'` ta` quiá'`- dsea` Israel, jō jeeíñ` jaang` dseamí` i nínicatøøiñ'` i iuung`- ta` 'lée' cóo'~ jaang` dseañu'` i o' quiá'r`. Jō mi` caguilíñ'` fí' jō, dob casíñ'` i dseamí` do jee` i dsea` i teáng`- do ie` jō, ⁴ jō lalab casí'r` Jesús:

—Tifa', i dseamí` la nicatøøng`naa're lajee` e guíang'` iuuiñ`- ta` 'lée' cóo'~ jaang` dseañu'` i o' quiá'r`. ⁵ Jō fí' ni` júu^ quiu'` ta` e cajme'` Moi'` fé'` e jaléng'` i dseamí` i jmóo` lajō 'né`- niquíung'` dsea` ír` cuub` cartí' nijúuiñ`. Jōgui 'nu`, ¿jial fó'?

⁶ Jō cajíng'`- i dsea` do lana e lí'^ laco'` 'nó'r` jial niguié'r` e nicuó'r` Jesús dsee` fí' quini` dseata`. Jō dsu' Jesús dsifí' mi` canúur` e jō lico'` catúum`bre, jō mifíng` canaaiñ` jmo'r` fí' jee` 'lee' cóo'~ niguóor`. ⁷ Jō co' ja` quiung'` i dsea`

do e jmingí' b'ir Jesús cuaiñ~ quiá' e jo, j'oba' casíng'tu 'ñia' dsea` do jo cajíñ' casí'r- i dsea` do:

—Doñí' jii' 'nú' e lí' áa'na' e ja` ee` dsee- røøng`na' jii' coo`, j'oba' teáang`na' i dseamf na la'uii~ cuu~.

⁸ Jo mi~ cangf e cajíñ' lajo, caléb'tu catúuiñ' fí' ni~ uø-, jo canaañ` jmo'tur jee~ 'lee` cóo~ niguóor. ⁹ Jo dsifí' mi~ canúu- i dsea` do lajii' e cajíng' Jesús, dsifí' lanab canaañ` dsilíñ` tá' jáiñ, jo la'uii~ canaang` ngolíng` jaléng' i niyúu~ gui, jo cøøng`gui lajo cangolíng` jaléng' i le'eáang`gui, jo lajob cajméer` car` cató' uøøiñ` lajiiñ. Jo coob` mi~ calilí' Jesús e 'ñia'bre catúung`guir cóo~ i dseamf do, ¹⁰ j'oba' casíng'tu 'ñia'r', jo mifíng` cajmingí'r- i dseamf do jo cajíñ':

—¿Jie` fí' ningotáang~ i dsea` i lami~ 'núng` 'nu` do? Jo ¿su jii' jaañ` ja` ee` cajmeáñ' 'nu`?

¹¹ J'oba' cañí' i dseamf do quiá'- Jesús jo cajíñ':

—U~, jii' jaañ` ja` ee` cajmeáñ' jnea~, Fí'i.

J'oba' cañí'tu Jesús quiá'- i dseamf do jo cajíñ':

—O'gui jnea~ ee` nijmeáan`n 'nu` cajo, jo lana guøng' fí' quí'-, jo jo güibeáang`gui uø' dsee- melé^.

Jesús líiñ' e j' e jnea`jee~ dsea` jmigüi'

¹² Jo mi~ cangf jo, cangób-tu Jesús fí' lí' siseáng' dsea`, jo lalab casí'r- jaléng' dsea` do:

—Jnea` lín'n e j' e jnea`jee~ dsea` jmigüi'; j'oba' jaléng' dsea` i ngí colíng` cóo~ jnea~, niliseab` e j' do quiá'r- co' e j'oba' e cuø' e seeng` dsea` lata~, jogui cajo jo` tóo` jmíi` fa' niliseeng`guir fí' lí' nuu` sò'.

¹³ Jo mi~ canúu- dsea` Israel i líng' dsea` fariseo e júu^ jo, j'oba' lalab cañí'r` quiá'- Jesús:

—'Nu` lico' fó' jii' uii~ quiá'- jalé' e guiá- e jmoo' uøø'ba', j'oba' jalé' e fó' do ja` e quíng` jii' coo`.

¹⁴ J'oba' cañí' Jesús quiáñ'- do jo cajíñ':

—Quím' jalé' e júu^ e fá' jnea~, nañí' fa' 'ñiá'baa fá'a uii~ quié- e 'ñiá'a, co' ñi'baa guiá- jie~ fí' lí' cagá- a jogui jie~ fí' lí' niníng`túu cajo; jo dsu' 'nú'gui ja` ñí'na' jii' coo` e jo. ¹⁵ Co' 'nú' ñ'na' í' quiá'- jaléng' dsea` lí' laco'gui la í' óo'na' yaam`ba'. Jo dsu' jnea~gui ja` jmóo`o lajo quiá'- jii' jaang` dsea` la ñii- 'ñiá'a.

¹⁶ Jo song jmóo`o lajo dsu' laco' catím- niqidsii- í', jo ja` 'ñiá'a niqidsii- í' cajo, co' Tiquí'ii' i casíng` jnea~ fí' jmigüi' la, íb` i jmicoo~ jnea~ e quidsii- í' quiá'- dsea` laco' catíng-. ¹⁷ Jo fí' ni` júu^ quiu' ta~ quí- 'nú' fé' e mi~ seeng` gáng- dsea` i tí' ni~ røø` quiá'- lajii' e calí- do, j'oba' quím' e júu^ do laco' si'í'.

¹⁸ Jo jnea~ lín'n jaang` i tí' ni~ quiá'- jalé' e jmóo`o do, jogui Tiquí'ii' dsea` i casíng` jnea~ fí' la líiñ' jaang`gui dsea` i tí' ni~ quiá'- jalé' e jo cajo.

¹⁹ J'oba' cajmingí'- i dsea` do Jesús jo cajíñ':

—Jo ¿jnanng`gui Tiquí'í' jóng?

J'oba' cañí' Jesús quiá'- i dsea` do jo casí'- reiñ':

—'Nú' ja` cuíng`na' jnea~, o'gui cuíng`na' Tiquí'í' e cajo; co' faco' cuíng`na' jnea~, j'oba' cuím`ba' la quie' Tiquí'í' e cajo.

²⁰ Jo jalé' e júu^ na cajíng'- Jesús lajee` e iuiiñ- e'r' dsea` fí' dsí' sinúu^ guá'- fé' e si' fí' Jerusalén ca' e fí' lí' téé~ guóo' e ta'r' cuu- quiá'- guá'- . Jo dsu' jii' jaang` dsea` ja` i cateá- dsí' fa' casaiñ'- dsea` do lajee` jo, co' ja` mí' catf'bi í' e nijmé- dsea` lajo.

"Ja` quí'- jmíi` nigüilling`na' fí' lí' niníng` jnea~"

²¹ Jo mi~ cangf jo, lalab casí'-tu Jesús i dsea` fíng' do:

—Jnea~, coob` mi~ nití~ í' e ninín'^n, jo 'nú' ni'nam'^ba' jnea~, jo dsu' 'nú' nijúum~ba' jee~ jalé' dsee~ quí~na'. Co' 'nú' ja` quí'~ jm#~ fa' e nigüiling`na' fí' lí~ niníng'^ jnea~.

²² Jo mi canúu~ i dsea` Israel i teáng~ do ie~ jo e júu^ jo, joba' lalab cajíñ'~:

—Jangám~ song í' dsí' i dsea` na e nijngáng'~ 'ñia'r', joba' jíñ'~ e ja` cuøøng` nidseá'^naa' cóo'r` fí' lí~ nidséiñ'~.

²³ Jo mi calilí'^ Jesús e fé' i dsea` do lajo, joba' casí'r~ dsea` do:

—'Nú' jí'~ fí' lab jí'~ lí~ seeng`na', jo dsu' jnea~ fí' yáb'^ gáa'a; co' jí'~ dsea` jmigüi' lab líng' 'nú', jo dsu' jnea~ ja` lín'n jí'~ dsea` jmigüi'. ²⁴ Jo uing~ lajoba' fí' i 'nú' e nijúum~ba' jee~ jalé' dsee~ quí~na'; co' song ja` já'~ líng`na' e jneab~ dseáng'~ lín'n jí'~ laco' fá'a e lín'n, joba' jee~ jalé' dsee~ quí~ba' nijúung~na'.

²⁵ Joba' cañí' i dsea` do jo cajmingí'r~ Jesús lala:

—Jo, ¿i~ dseáng'~ líng' 'nu' jóng?

Joba' cañí' Jesús quiá'~ i dsea` do jo casí'~ reiñ':

—Lí'^ laco'gui nicafí' i 'nú' lamí~ jéeng`gui, íb` jnea~. ²⁶ Jo jmiguiab' jalé' e sea` e fí' i 'nú' jogui e niquidsii~ í' quí~na' cajo. Jo dsu' i dsea` i casíng` jnea~ fí' jmigüi' la jmang'~ e jáb'~ jalé' júu^ quiá'r~, jo lají'~ júu^ e fá' jnea~ jee~ jaléng' dsea` jmigüi' røøb` laco' jí'~ júu^ e núu' jnea~ e fé' i dsea` i dseáng'~ casíng` jnea~ fí' jmigüi' la.

²⁷ Jo dsu' i dsea` do ja` cangáñ' e Jesús fé'r` uii~ quiá'~ Tiquiá'r'. ²⁸ Jo casí'~ Jesús i dsea` do lala:

—Jo mi nitáang~na' jnea~ fí' yá'^, jnea~ dsea` cagá~a fí' ñifí~ e lín'n jaang` dsea` jmigüi', joba' nililí'^na' jóng e jneab~ dseáng'~ lín'n jí'~ laco' fá'a e lín'n, jogui jí'~ coo` ja` e jmóo`o la ñii' 'ñiá'a, co' lico' fá'a lají'~ e nica'e' Tiquiá'ii' jneab~. ²⁹ Jo i dsea` i casíng` jnea~ do, seem`bre cóo'~ jnea~ lana; jo ja` mí' catiúuiñ~ jnea~ 'ñiá'a jí'~ cateá', co' dseáng'~ contøøm~ jmóo`o lají'~ e iñ~ e nijmee~e.

³⁰ Jo mi tí' lí~ cató' e fé' Jesús e júu^ na, joba' fíim' dsea` já'~ calíñ~ júu^ quiá'~ dsea` do ie~ jo.

Mí' ca'e' Jesús jial líng' dsea` i silaang`jee~ dsee~ quiá'~

³¹ Jo mi cangí jo, casí'~gui Jesús jaléng' i dsea` Israel i já'~ calíng` júu^ quiá'r~ do, jo cajíñ'~ casí'~reiñ':

—Song 'nú' nijmití'na' lí'^ laco' jí'~ e nica'ée~e 'nú' e nijmee~na', joba' dseáng'~ dsea` quíe~baa ni'uíng~na' jóng; ³² jogui lajob niliñí'na' dseáng'~ la'uíng~ jalé' júu^ quíe~e, jo lajoba' ni'uíng~na' dsea` i silaang`jee~ jalé' dsee~ quiá'~.

³³ Joba' cañí' i dsea` do quiá'~ Jesús jo cajíñ'~:

—Jnea'^ lí'naa' dsea` siju` 'lí~ yúu'~ Abraham, jo jí'~ coo` née'~ ja` mí' calí~naa' dsea` 'léeng'~ quiá'~ dsea` jiéng'; joba' ¿jial lí' e fó' 'nu' e ni'uíng~naa' lafa' dsea` silaang`?

³⁴ Joba' lalab casí'~ Jesús i dsea` do:

—E laba' jmítaa^ óo'na', e jaléng' dsea` i beáng' dsee~ yaang~ líiñ' lafa' dsea` 'léeng'~, co' e dsee~ quiá'r~ dob quiu' ta~ ír'. ³⁵ Cofa' jaang` dsea` 'léeng'~ quiá'~ dsea` ja` catíñ'~ jalé' e sea` quiá'~ fiir~, jo dsu' jaang` jóo' dsea` catíim~bre lajalé' e jo. ³⁶ Jo lajob, song jnea~ calaan~ 'nú' jee~ jalé' dsee~ e nica'ee~na', joba' dseáng'~ lajang'^ júu^ba' e nileáng' 'nú' jee~ jalé' e dsee~ quí~na' do. ³⁷ Jo ñiñib` jnea~ guiá~ e dsea` siju` 'lí~ yúu'~ Abraham líng' 'nú'; jo dsu' 'nú' iing~na' jngang'^na' jnea~, co' ja` iing~na' íng'~na' júu^ quíe~e. ³⁸ Jo jnea~ fá'a lají'~ e nica'e' Tiquiá'e jneab~, jo dsu' 'nú' jmoo'na' lají'~ e fé' tiquiá'ba'.

³⁹ Joba' cañí' i dsea` do quiá'~ Jesús jo cajíñ'~:

—'Lí~ yúu'~ Abrahambing' líng' dsea` mí' áang' quí~naa'.

Jō dsu' Jesús cañiir` quiá'- i dsea` do jō casí'- reiñ':

—Facō' já'- e 'nú' líng'na' siju` 'lii` yúu` Abraham, jōba' laco' cajmée` íb` catíng` e nijmee`-na' jóng facō' lajō. ⁴⁰ Jō dsu' 'nú' iim`bi' e nijngang`-na' jnea~, nañi' fa' jmang`- júu` jáb'- fá' jnea` lí' laco'gui nica'e' Fidiée` jnea~. Jōgui 'lii` yúu` quií`-na' Abraham dseáng`- ja` cajmée`bre lajō. ⁴¹ Cō' 'nú' dseáng`- laco' jmóo` tiquí`ba' jmoo`na'.

Jōba' cañií` i dsea` do quiá'- Jesús, jō casí'r` dsea` do:

—Ja` líi` jnea` dsea` i ja` ñi' i` tiquí`a'; cō' jaam` Tiquí`naa' seeng`, jō íb` Fidiée`.

⁴² Jōba' cañií` Jesús quiá'- i dsea` do jō cajíñ`-:

—Facō' já'- e Fidiée` líng` Tiquí`na', jōba' 'neáam` 'nú' jnea~ facō' lajō, cō' íb` dsea` i casíng` jnea~ e cagá`-a fí` jmigüi` la, jōgui lab sín`n lana. Cō' jnea~ ja` cagá`-a la ñii` 'ñiá'a, dsuco' dsea` íbing` i casíng` jnea~ fí' la. ⁴³ Jōba' fá' jnea~ e ja` mí` ngáng` 'nú' júu` quié`-e lana, dsuco' ja` iing`-na' núu`na' e jō. ⁴⁴ Jō fií` i 'lim` líng` tiquí` 'nú'; jōgui cō' dsea` quiá'-bre líng`na', jōba' jmoo`na' lajii` e iin`. Jō latí` mi` uiim` e fií` i 'ling` jmóor` ta` jngang` dsea`, jōgui dseáng`- jii` cōo` e jmóor` do ja` cōøng` cōo` júu` quiá'- Fidiée`, jōgui dseáng`- jmang`- júu` e o' já'-ba' quier`. Jō mi` fé'r` júu` e o' já'-, jōba' dseáng`- fé'r` laco' la líb` jóng, cō' jaang` dsea` adseaam` líiñ', jōgui líiñ' tiquí`a` jalé` e júu` e o' já'- do. ⁴⁵ Jō jnea~gui jmang`- júu` já'-ba' fá'a, dsu' ja` já' líng`na' júu` quié`-e. ⁴⁶ Jō jii` jaang` 'nú' cuøøng` lí fo`na' e jnea~ lín`n jaang` dsea` røøng` dsee~, cō' jaang` dsea` i quie` jmang`- júu` jáb'- líng` jnea~, jōba' 'jiali' ja` já'- lím`bi' júu` quié`-e? ⁴⁷ Jō jaléng` i dsea` i líng` dsea` quiá'- Fidiée` núu`bre jalé' júu` quiá'- Fidiée`; jō dsu' 'nú'gui ja` líng`na' dsea` quiá'- Fidiée`, jōba' ja` iing`-na' núu`na' júu` quiá'- dsea` do.

Niseem` Dsea` Jmáang` lajii`- nú`-gui e niliseeng` 'lii` yúu` Abraham

⁴⁸ Jō mi` canúu` dsea` Israel lajii` e cajíng`- Jesús do, jōba' casí'r` dsea` do lala:

—Nijáb'- júu` quií`-naa' e fé`naa' uii` quií'-, e 'nu` lin' jaang` dsea` samaritano jōgui e iuung` i 'ling` a'.

⁴⁹ Jōba' cañií` Jesús quiá'- i dsea` do jō casí'- reiñ':

—U~, jii` jaang` i 'ling` ja` i iuung` dsii`- la, cō' lajii` e jmóo`o e lico' jmi'goo` Tiquié`e Fidiéeb`; jō dsu' 'nú'gui ja` e jmi'goo`na' jnea~ jii` capí`. ⁵⁰ Jō dsu' jnea~ ja` fá'a e iin`n e nijmi'goo`na' jnea~, jō dsu' seem` jaang` i iing` e 'nú' nijmi'goo`na' jnea~, jō dsea` íb` i quidsí' í' laco' catíng`. ⁵¹ Jōba' jmitaa` óo`na' e doñi' ii` i núu` júu` quié`-e, jōba' dsea` í ja` tōo` jmii` fa' e nijúuiñ`.

⁵² Jōba' cañií` dsea` Israel quiá'- dsea` do:

—Lanaguib dseáng`- nicalita` dsinaa' e i 'lim` iuung` áa' 'nu`. Cō' 'lii` yúu` Abraham cōo`gui jaléng` dsea` i café` cuaiñ` quiá'- Fidiée` malii`gui eáang` cajúm`-bre, jōgui dsu' 'nu` fó' e doñi' ii` dsea` i núu` júu` quií'-, jōba' ja` tōo` jmii` fa' e nijúuiñ`. ⁵³ Jōgui 'nu`, 'su' í a' e niing`-gui laco'gui i 'lii` yúu` Abraham do? Cō' í nicajúm`-bre, jōgui jaléng` dsea` i café` cuaiñ` quiá'- Fidiée` malii`gui eáang` cajúm`-bre cajo. Jōgui 'nu`, 'i' í o' e lin'?

⁵⁴ Jōba' cañií` Jesús quiá'- i dsea` do jō casí'- reiñ':

—Facō' jnea~ jmi'goo` 'ñiá'a, jōba' ja` e quíng` jii` cōo` e jmóo`o do facō' lajō. Jō dsu' Tiquié`e Fidiéeb` dsea` i jmi'gó` jnea~, i dsea` i fó'na' i líng` Fidiée` quií`-na' cajo. ⁵⁵ Jō dsu' 'nú' ja` cuíng`na' dsea` í, dsu' jnea~gui guiáb` cuín`nre, jōgui facō' jnea~ fá'a e ja` cuín`nre, jōba' dsea` adseaam` lín`n jóng lí' laco'gui la líng` 'nú' facō' lajō. Jō dsu' jnea~gui guiáb` cuín`n dsea` do jōgui jmiti`baa júu` quiá'r`. ⁵⁶ Jō i 'lii` yúu` quií`-na' Abraham do, eáam` cali'iaang` dsíir` mi` caliñir` jalé' e nidsingíng` jnea~, jō cō' dseáng`- cangá`-bre e jō, jōba' eáam` cali'iaang` dsíir`.

⁵⁷ Jo mi~ canúu~ i dsea` Israel do jalé` e casí` Jesús ír, joba' cañír` quiá` dsea` do:

—'Nu` ja` mí guóo`bi' cincuenta jii, jo fó` e cañím`ba' 'lii~ yáa~ Abraham.

⁵⁸ Joba' cañí`tu Jesús quiá` i dsea` do jo casí`-reiñ':

—E laba' iin~n jmitaa` óo`na' e niseem` jnea~ lajii~ mi~ nú`-gui e niliseeng` 'lii~ yáa~ Abraham do.

⁵⁹ Jo mi~ canúu~ i dsea` do e júu` jo, joba' dsifí` lajob casitíiñ` cuu~ cóo~ e sí'í` nijngáiñ` Jesús; jo dsu' dsea` do ladsifib' ca'méeiñ`, jo cagüi'í`bre e fí` dsí' sinúu` guá' fé` do e sí' fí` Jerusalén.

9

Mi~ cajmée` Jesús e calijné` jaang` dseañu` i tiuung`

¹ Jo mi~ cangf`gui lajo, cóo` née~ cangíng` Jesús colíng` cóo~ i dsea` quiá`r` do fí` quiá`- li~ guíng` jaang` dsea` i tiuung` latí` mi~ cangáang`~. ² Joba' i dsea` quiá`- Jesús do cajmingí`-reiñ' lala jo cajíñ`-:

—Tifa', ¿jiali' cangáang` i dsea` na e tiuuiñ`? ¿Su calíñ` lana uí~ dsee` quiá`r` ofa' uí~ dsee` quiá`- sejmií`bre é?

³ Joba' cañí` Jesús quiá` i dsea` quiá`r` do jo casí`-reiñ':

—Ja` lí' lajo e uí~ dsee` quiá`r` calíñ` lana, o'gui uí~ dsee` e óo` sejmiir`. Co' calíñ` lana e lí' laco' cuo' li` e lajib` quí~ Fidiée` jmí~ lí` jmér`. ⁴ Jo lajee` e jnea`, 'né` jmó`baa' ta~ lí' laco'gui jii~ júu` e sinú`naa' quiá` dsea` i casíng` jnea` fí` jmigüí` la; dsuco' cóob` mi~ niná, joba' jii~ jaang` dsea` jo` quí`- jmí~ fa' nijmé`-guir ta~. ⁵ Jo lajee` e táam`bí` fí` jmigüí` la, joba' jneab` lín`n e jí` e cuo' e jné` dsea` jmigüí`.

⁶ Jo mi~ cangf` e café` Jesús e júu` na, jo ca`ñíir` fí` ni` uó`, jo cóo~ e jme'e'r` do cacáiñ` jee` 'lee', jo cajméer` capí`^ jii, jo cóo~ e job casúur` jminii` i dsea` tiuung` do. ⁷ Jo mi~ cangf` jo, lalab casí`-reiñ' do jo cajíñ`-:

—Gua` jo güirúu~ jminii` fí` dsí' guiéé` silíng` e sii` Siloé —jo e Siloé do guóng` Jaang` i Casíng` Dsea`.

Joba' lajob cajmée` i dsea` tiuung` do, cangó`-bre e cangorúu`r` jminir`, jo nijné`-bre mi~ tí` lí` caquiñ`- fí` jo. ⁸ Jo jaléng` dsea` i neáang` jíng` laco' lí` guíñ`~ do cóo~gui jaléng` dsea` jíéng` i níi` quiá`r` lamí~ jéeng`gui e guíñ` mir` cuu~, joba' jaléng` i dsea` í` jmingí`- rúñ` jo fé`r`:

—¿Su o' i dseañu` nabi i lamí` gua` ta` mí` cuu` do?

⁹ Jo i líng` i dsea` do jíñ`-:

—Dsea` í`bi na.

Jogui i líng`gui fé`:

—U~, o' í` na, lí' lajoi` jnéem`-bre.

Jo mi~ calí` i dsea` tiuung` do e síng` dsea` uii~ quiá`r`, joba' cañír` jo cajíñ`-:

—Jnea`-bi dsea` í`.

¹⁰ Joba' cajmingí`- i dsea` do i dsea` lamí~ tiuung` do jo casí`-reiñ':

—Jo ¿jial cajmee` e calijné`-tu'?

¹¹ Joba' cañí` i dsea` lamí~ tiuung` do quiá`- i dsea` do jo casí`-reiñ':

—I dseañu` i sii` Jesús dob cajmi`leáañ` jnea` e lico' cajméer` capí`^ jii cóo~ jme'e'r', jo cóo~ e job casúur` jminii~, jogui caqui`r` ta` jnea` e ninii` i nirúu`~u jminii` e fí` guiéé` silíng` e sii` Siloé do, joba' lajob cajmé`-e. Jo dsifí` mi~ calí`- rúu`~u jminii~, ladsifí` lanab calijné`-e.

¹² Jo mi~ cangf` jo, cajmingí`-tu i dsea` do i dsea` lamí~ tiuung` do jo cajíñ`-:

—Jo ¿jnan`gui i dseañu` í` lana?

Joba' cañí` i dsea` lamí~ tiuung` do jo casí`-reiñ':

—Ja` ñii` jnaaiñ`.

Mi` cajíng` i dsea` tiuung` do i` i cajmi`leáang` ír`

13-14 Jo` 'ñaia` ie` jmi` e cajmée` Jesús e jii` do cóo` e calijné` i dsea` i lamí` tiuung` do, ie` jo dseáng` cangotíng` jmi` e quí` títng` dsea` Israel e jmi`íñ`. Joba` jaléng` dsea` i cuí` quiá` i dsea` tiuung` do cató`bre i dsea` í` jo cangojeáang`neiñ` fí` quini` dsea` Israel i líng` dsea` fariseo. 15 Joba` mi` caguiéiñ` do fí` jo, i dsea` Israel i líng` dsea` fariseo do cajmingí` reiñ` jial calí` e calijnéiñ`. Jo dsea` do cañír` quiá` i dsea` Israel do jo casí` reiñ`:

—Mó`, jii` casúu` dsea` do jminii`, jo mi` cangí` jo, cangorúu` u, jo lajoba` calijné`e.

16 Jo mi` canúu` i dsea` Israel i líng` dsea` fariseo e júu` jo, joba` i líiñ` do cajíñ`:

—I dsea` i cajmée` e jo ja` lí` dsí`naa` líiñ` dsea` quiá` Fidiée`, co` ja` jmi`gór` e jmi` e jmi`íng` jneaa`aa`, dsea` lí`iñ` dsea` Israel.

Dsu` caguaiang` gui` i dsea` Israel i líng` dsea` fariseo do fé`r` jo jíñ`:

—Jo` ¿jial quí` i dseañu` do jmi` nijmér` jalé` e jo song jaang` dsea` dsee` dsea` quib` líiñ`?

Jo e jo ca`uíng` e lajee` la`ó` í`bre canaaiñ` e jo` siiiñ` røø. 17 Jo mi` cangí` jo, cajmingí` tur` i dsea` i lamí` tiuung` do jo casí` reiñ`:

—Jo laco` fó` na e ca`láam`ba`. Jo` ¿e` fó` uii` quiá` i dsea` i cajmi`leáang` 'nu` do?

Joba` cañí` dsea` do quiá` i dsea` Israel i líng` dsea` fariseo do jo casí` reiñ`:

—Jnea` lín`n e dsea` í` líiñ` jaang` dsea` i fé` cuaiñ` quiá` Fidiée`.

18 Jo dsu` jaléng` i dsea` Israel i líng` dsea` fariseo do ja` iñ` fa` já` calíiñ` e lamí` tiuung` i dsea` i nijné` lana joba` cató`r` sejmií` i dsea` do. 19 Jo mi` caguilíñ` do, joba` cajmingí` reiñ` do jo cajíñ`:

—¿su jóo`ba` líng` i dseañu` la? Jo` jmée`na` jnea` júu` røø, ¿su dseáng` tiuuiñ` calisémbre? jo song lajo, ¿jial calí` e lana nijné`r`?

20 Joba` lalab cañí` sejmií` i dsea` i lamí` tiuung` do jo cajíñ`:

—Cuím` jnea` guiú` jóo`naa`, jogui ne`baa` røø e tiuum`bre caliséiñ`; 21 jo dsu` ja` ne`naa` jial e calijné`r`, o`gui ne`naa` i` i cajmée` e calijné`r` cajo; jo nab cuøøng` nijmingí`na`re`ñaia`r` co` nífém`bre, jo`ñaia`bre cuøøng` lí` jmeá`r` 'ná` júu` dseáng` laco` calí`.

22 Jo cajíng` i sejmiir` do lajo, co` 'gó`bre fíng` ee` cajmeáng` dsea` Israel i líng` dsea` fariseo ír`. Co` i dsea` í`, røøb` nicasíiñ` e song seeng` dsea` i jmicuíng` Jesús e líiñ` do Dsea` Jmáang` i sijeeng` dsea` Israel i nicá` nífí` quiá`r`, joba` jaléng` i dsea` i jmóo` lajo, jo` sea` fí` quiá`r` fa` e níquíng`guir` jee` dsea` Israel o`gui cuøøng` fa` e nidsilíng`guir` fí` guá` quiá` dsea` do cajo. 23 Jo uíng` lajoba` cajíng` sejmií` i dsea` i ca`láang` do e yaang` i dsea` Israel i líng` dsea` fariseo do 'né` nijmingí`r` i jóoiñ` do co` nífém`biñ` do.

24 Jo i dsea` Israel do calé` catú` cató`r` i dsea` i lamí` tiuung` do jo lalab casí` reiñ`:

—Fée` júu` já` fí` quini` Fidiée`, co` nineb` jnea` røø` e i Jesús do líiñ` jaang` dsea` dsee` dsea` quib`.

25 Joba` lalab cañí` i dsea` lamí` tiuung` do quiá` dsea` do jo cajíñ`:

—Ja` ñi` jnea` su líiñ` dsea` røøng` dsee` osi` o` lajo é, lají` e ñii` quiá`r` e jnea` lamí` tiuum`baa, jogui lana nicajméer` e nicalijné`baa.

26 Joba` i dsea` do cajmingí` tur` i dsea` i ca`láang` do jo cajíñ`:

—¿E` jí` e cajmée` i dsea` do quí` e calijné`?

27 Joba` cañíñ` do quiá` i dsea` do jo casí` reiñ`:

—Nícafiñ-baa 'nú' lajii~ e cajméer` quié~ e do, jo dsu' 'nú' ja' já' líng'na'. Joba' ¿jialí' iing~na' e nifá'^túu calé' catú~ e jo? Ofa' iim~ba' é e ni'uíng~na' dsea` quiá'r~ cajo.

²⁸ Jo mi~ canúu~ i dsea` Israel i líng' dsea` fariseo do lado, joba' canaaiñ` s'f'r i dsea` i ca'láang~ do júu^ 'ní' jo s'f'reiñ':

—'Nu' lin' jaang` dsea` quiá'~ i dsea` í, jo dsu' jnea'^gui dsea` quiá'~ 'lii~ yúu~ Moí' lí'naa'. ²⁹ Co' jnea'^ ne~baa' røø` e Fidiéeb` dsea` casíiñ` cóo'~ Moí'; jo dsu' i Jesús do jii~ ja' ne~naa' jie' fí' lí' jáar'.

³⁰ Joba' lalab cañi'tu i dseañu' i ca'láang~ do quiá'~ i dsea` do:

—Ee'bi júu^ jo, e ja' ñí'na' jie' fí' lí' jáar', dsu' jnea~gui, dsea` í'bing' nicacuø' jnea~ e calijné'e. ³¹ Jo ne~baa' røø` e ja' núu` Fidiéeb` júu^ quiá'~ jaléng' dsea` røøng` dsee~; co' lajii~ dsea` i jmiféng' í'bre jogui i jmóo' lajii~ e iíñ~, jii~ dsea` í'bing' i núur júu^ quiá'~. ³² Jo ja' jie' lí' mí' canúu' júu^ e seeng` dsea` i quíi~ jmiñ` e nijmér~ e nilijné' jaang` dsea` i tiuung~ lati' mí' caliséng'. ³³ Cofa' i dsea` la ja' jáar' e casíi Fidiéeb` quiá'r~, joba' jii~ cóo' ja' e quíi~ jmiñ` lí' jmér~ jóng faco' lajo.

³⁴ Jo mi~ canúu~ i dsea` Israel i líng' dsea` fariseo e júu^ quiá'~ i dsea` i ca'láang~ do, joba' cajíñ' casí'~ reiñ' lala:

—'Nu', dsea` cangáan' e eáang' silíi~ dsee~ 'nu', jogui lana, ¿jialí' 'nu' ni'iin' e ni'é' jnea'^ jial 'né' jmó'oo'?

Joba' i dsea` Israel i líng' dsea` fariseo do caguíiñ` i dsea` i lami~ tiuung~ do congua' e fí' dsíi' sinúu^ guá'~ quiá'r~ do.

Lafa' tiuum~ dsea` mí' røøiñ` dsee~

³⁵ Jo mi~ cangí'gui lajo, caliñí' Jesús e caguíim` dsea` Israel i líng' dsea` fariseo do fí' sinúu^ guá'~ quiá'r~ i dsea` i lami~ tiuung~ do, jo dseáng'~ jo íng'neiñ' do. Jo mi~ cajíng'~ tú rúng' Jesús cóo'~ i dsea` i lami~ tiuung~ do, joba' cajmíng'~ r~ i dsea` do jo casí'~ reiñ':

—¿Su já' líng' 'nu' júu^ quiá'~ i dsea` i jáa' fí' ñífi~ e líiñ' jaang` dsea` jmigüi'?

³⁶ Joba' cañi' i dsea` do quiá'~ Jesús jo cajíñ'~:

—Jméé'~ jnea~ júu^ i~ i dsea` í, jo lajoba' já'~ nilíin` júu^ quiá'r~.

³⁷ Joba' cañi' Jesús quiá'iñ'~ do jo casí'~ reiñ':

—Nícañiim'bi' dsea` í, jneab~ í' cóo'~ i sin' sin' lana.

³⁸ Joba' i dseañu' i ca'láang~ do casí'r` uø' jnir~ fí' quini~ Jesús jo casí'r` dsea` do:

—Jáb'~ lín`n júu^ quiá'~, Fíi.

³⁹ Jo mi~ cangí' jo, cajíng'~ tú Jesús casí'~ reiñ' jo cajíñ'~:

—Jnea~ cagá' a fí' jmigüi' la e lí'^ laco' niquidsii~ í' quiá'~ jalé' dsee~ quiá'~ dsea` jmigüi', jo lajoba' jaléng' dsea` i lafa' tiuung~ uíi~ dsee~ quiá'r~ ni'uíiñ` dsea` i lafa' i jné'tu calé' catú~, jogui i dsea` i í' dsíi' e jné'r', joba' ni'uíiñ` dsea` i lafa' tiuung~.

⁴⁰ Jo mi~ tí' lí' canúu~ e jo cóo' tú~ m'íng'~ dsea` Israel i líng' dsea` fariseo i niteáang~ cóo'~ Jesús ie~ jo, joba' cajmíng'~ r~ dsea` do jo cajíñ'~:

—Jo, ¿su jnea'^ lí'naa' lafa' dsea` tiuum~ jóng'?

⁴¹ Joba' cañi' Jesús quiá'iñ'~ do calé' catú~ jo casí'~ reiñ':

—Faco' 'nú' líng'na' lafa' dsea` tiuung~, joba' ja' e dsee~ oo~na' quiá'~ lajii~ dsee~ quíi~na' jóng. Jogui dsuco' 'nú' í' óo'na' e lafa' jné'ba', joba' seab` dsee~ quíi~na'.

10

Jaang` dsea` i jmóo' í' guiá' jo'se' quiá'~

¹ Jo mi~ cangí' jo, casí'~ gui Jesús jaléng' i dsea` i caseáng' do jo cajíñ'~:

—E laba! iin~n jmitaa^ óo'na', e doñí' i~ dsea` i iing~ nicuá'- iá' fí' lí' sijñing` jo'se' quié'- e jo ja` 'nó'r' e ningíñ- fí' o'ia' quiá'- e iá' do, joba' i dsea` í' líñ' jaang` i~ i' léé'. ² Jo dsu' i dsea` gui i í' fí' o'ia' quiá'- e iá' do, joba' dsea` í' líñ' jaang` i jmóo' í' røø jo'se' quiá'- . ³ Jogui i dsea` i jmóo' í' jn' e lí' teáng' i jo'se' do, náa'bre o'ia' e laco' ningíng- i dsea` i jmóo' í' guiá- i jo'se' do. Jo i dsea` i jmóo' í' guiá- i jo'se' do nitø'r' lajaang` lajaang` i jo'se' do quiá'r- lí' laco' la siñ' do, jo jaléng' i jo'se' do nicuí'bre' luu~ i fi~re' do. Jo i fi~re' do uøøm'bre i jo'se' do e laco' dsijéng'neñ' fí' jee~ mó'. ⁴ Jo mi~ cató' e uøøñ' do lajaléng'ne', joba' 'ñiab' i dsea` do quiér' nifí' quiá'- i jó' quiá'r- do, jo lajob nidsilíng- i jo'se' do laco' ngóo' fi~re', co' guiáb- nicuí'm'bre' luu~ dsea` do. ⁵ Jo dsu' jaléng' i jo'se' do ja` dsiqui' re' dsea` i ja` cuíng'ne', co' lí' lí' cuí'bre' mi~ níng- ne' i dsea` la'í', co' ja` cuí' re' luu~ i dsea` la'í'.

⁶ Jo Jesús casí'r- i dsea` do cóo' júu^ lana, jo dsu' i dsea` do ja` cangáñ' e guøng' e júu^ e casí'- Jesús i dsea` do ie~ jo.

Jesús líñ' jaang` dsea` i jmóo' í' guiá- jo'se' quiá'-

⁷ Jo lalab casí'- gui Jesús i dsea` do jo cajíñ'-:

—E laba! jmitaa^ óo'na': Jnea~ lín'n e jn' quiá'- e iá' e lí' dsitáng' i jo'se' do. ⁸ Jo jaléng' i dsea` i jmigóo' i nicajalíng- lajii' ná'- gui e nigáa' jnea~ do, jaléng' i dsea` í' líñ' i~ i' léé', jo dsu' jaléng' i dsea` i líng' lafa' jo'se' quié'- e ja' calijí'r- júu^ quiá'- dsea` do. ⁹ Jo jnea~ fá'túu e lín'n e jn' do, joba' jaléng' dsea` i íng' jnea~ jogui ningíñ- fí' e jn' quié'- e do, joba' dsea` í'bing' i nilí' nileáng' jee~ jalé' dsee- quiá'- . Co' jaléng' i dsea` do líñ' lafa' jo'se' quié'- e i cuøøng' lí' dsitáng' jogui uøøng' jogui dsé'bre' e gø're'.

¹⁰ 'Dsu' lajii' ta~ quiá'- jaléng' i i~ do lico' jmóor' ta~ uøøng' jaléng' jo'se' quié'- e jogui jmóor' ta~ íng- neiñ' jogui jngang'neiñ' cajo; jo dsu' jnea~ gui cagüén- n fí' jmigü' la e lí' laco' niliseeng' dsea` cøøng' cóo'- Fidié' lata~ dseáng'- lí' laco' sí'í'. ¹¹ Jo jnea~ lín'n jaang` dsea` i jmóo' í' guiá- jo'se' quiá'- , jo cartí' jáam- 'ñiá'a e laco' ja` ni'íng- jii' jaang` i jo'se' quié'- e do. ¹² Jo dsu' i dsea` gui i ja' jii' e ta~ jo, jo lico' lí' dsír' jii' e 'léem'-bre, joba' fíng cagüé- jaang` ie'dsinúu^ lajee' e nír' i jo'se' do jo cuí'bre jóng, jo dob tiúuiñ' i jo'se' do. Jo lajob jmóor', co' ja` líñ' dseáng'- i dsea` i ní' guiá- jo'se' jogui co' o' jo'se' quiá'- guir cajo. Joba' cuø'bre fí' i ie'dsinúu^ do e nijmeáng'ne' jogui nicúng'ne' i jo'se' do jogui e nisojóng- i caguiaang- gui do fí' la fí' na. ¹³ Jo tiúum- i dsea` do i jo'se' do, co' lico' lí' dsír' cuub-, jo ja' ee' fí' í' óor' quiá'- i jó' i jeeñ' do.

¹⁴⁻¹⁵ Jo fii-túu 'ná' e jnea~ lín'n jaang` dsea` i jmóo' í' guiá- jo'se' quiá'- . Jo lí' laco' Tiquié' e guiáb- cuíñ' jnea~, joba' lajob jnea~ cajo guiáb- cuín're; jogui lajobi cajo guiáb- cuíng' jnea~ jaléng' i líng' lafa' jo'se' quié'- e, joba' lajob cajo jaléng' í' guiáb- cuíng're' jnea~ . Jogui jnea~, cartí' jáam- 'ñiá'a e nijúun- n uí' jaléng' í' e laco' ja` ni'íng- ne'. ¹⁶ Jo dsu' seem'bi dsea` i nabi nilíng- lafa' jo'se' quié'- e i ngí' fí' calu'bi lana. Jo co' ja' mí' líñ' dsea` quié'- e, joba' 'né- nitøø'baar cajo. Jo jaléng' i dsea` i nilíng' lafa' jo'se' quié'- e do nilín'bre júu^ quié'- e, joba' coøb' 'lé' ni'uíñ- lajee' lajiiñ', jo jii' jneab- dsea` nijmee' e í' í'.

¹⁷ Jo Tiquí'ii' eáam' 'neáaiñ' jnea~ co' nijáng'- 'ñiá'a e nijúun- n e laco' nijí'túu calé' catú-. ¹⁸ Jo jii' jaang` dsea` sea' fí' quiá'r- e nijngáñ'- jnea~, co' 'ñiá'a'baa dsea` cuøø-ø fí' 'ñiá'a e nilín- n lajo, co' seab' fí' quié'- e e nijáng'- 'ñiá'a e nijúun- n jogui e nijmee' e e nijí'túu cajo, co' lajob ta~ caqui' Tiquié'.

19 Jo mi~ tí lí~ canúu~ dsea` Israel lajii~ júu^ quiá~ Jesús, caléb~ catú~ canaaín~ e jo` sáín~ røø` uí~ e júu^ e canúur~ do. 20 Joba' fíim~bre lajee~ la'ó' ír` canaaín~ sáín~ jo` sí~ rúin~ lala:

—¿Jialí' já~ nuu'na' júu^ quiá~ i Jesús na? Co' i`'lim^ iuung~ dsíin~ na. ¡Jaang` dsea` ngaam` láin~ na!

21 Jo dsu' i líing~gui i dsea` do fé'r` jo` jín~:

—Jii~ jaang` dsea` lí'r` fé'r` dseáng~ lacó' fé' i dseañu' na facó' já~ e iuung~ i`'ling^ dsír'. Co' jii~ jaang` dsea` i iuung~ i`'ling^ dsí' lí'r` jmér~ e nilijné~ jaang` dsea` tiuung~ lacó'gui cajmée~ i dseañu' na.

Ja` jii~ dsea` Israel júu^ quiá~ Jesús

22 Jo coo` née~ mi~ cang~gui lajo, coo` e jii` güi~ lajee~ e jmóo` dsea` Israel jmii~ e jmiguiéng~ dsír' e caligüeang~tu` calé' catú~ e guá~ fé' quiá'r~ e si' fí' Jerusalén, co' lami~ jéeng~gui gab` cajmée~ dsea` fí' dsí' jo; 23 jo ie~ jo, dob táang` Jesús fí' coo` ni'núu' quiá~ e guá~ fé' do, jo` tá~ coo` íng~ ngír' e fí' coo` ni'núu' quiá~ e guá~ do, fí' lí~ sii` ni'núu' quiá~ 'lí~ yúu~ Salomón. 24 Jo lajee~ ngí' Jesús dob mi~ caríi` dsea` Israel fí' lí~ siñ', jo` cajming~r~ dsea` do lala:

—Jo ¿lí~ catí' nijmée~ júu^ røø` e su` 'nu` dsea` i casíng` Fidié~ fí' la e lin' Dsea` Jmáang~ i sijeeng~ jnea' do i nicá~ nifí' qui` ii'? Jo` lana jmee~ du júu^, ¿su` 'nu` í'?

25 Joba' cañí' Jesús quiá~ i dsea` Israel do jo` casí~ reiñ':

—Nícafi~ bii` 'nú' e íb` jnea~, jo` dsu' 'nú' ja` já~ calíng~na' júu^ quié~e. Co' jaléb~ e nícañí~ 'nú' e nícajmé~e, jmóo`o la'eáang` cóo~ ta~ huí' quiá~ Tiquié~e, jo` lajalé' e jo` cuø' lí~ e íb` dseáng~ lí'n'n; 26 jo` dsu' 'nú' ja` já~ líng~na' e íb` jnea~, co' ja` líng~na' lafa' jo'se' quié~e. 27 Co' i dsea` i líng` lafa' jo'se' quié~e do nicuí'bre lúu'u, jogui jnea~ nicuíim~baare' cajo, joba' dsea` í jneab~ dsiquí're'. 28 Co' jnea~ cuøø`baa jaléng~ i dsea` í e seeiñ` cøøng` cóo~ Fidié~ lata~, jo` ja` tóo` jmii~ fa' ni'náin~ quiá~ Fidié~ o'gui fa' qui' jmii~ e ii` nijéng~tu' jaléng~ i dsea` í fí' jaguóo`. 29 Jo lajii~ e nicang~n` e nicacuø' Tiquié~e jnea~, e jo` líí' e níing~gui eáang` lajee~ lajalé', jo` jii~ jaang` dsea` quí'r~ jmii~ fa' e níguí~guir e jo. 30 Jo jnea~ cóo~gui Tiquié~e jaam` dsea` lí'naa'.

31 Jo mi~ canúu~ dsea` Israel lajii~ e cajíng~ Jesús, joba' casitír' cuu~ calé' catú~ e lamí~ iin~ níquiúin~ dsea` do cartí' nijngáng~ neiñ'. 32 Jo lalab cajíng~ Jesús quiá~ i dsea` Israel do jo` casí~ reiñ':

—Jmiguiab' jalé' e quí~i jmii~ e nícajmé~e jee~ 'nú' la'eáang` cóo~ güea' quiá~ Tiquié~e. Jo lajee~ lajalé' e jo, ¿jngang~ e catíng~ e nijngáng~na' jnea~ cóo~ layaang~ cuu~?

33 Joba' lalab cañí' dsea` Israel quiá~ Jesús jo` cajíñ~:

—Ja` í dsí jnea' e nijngáng~naa' 'nu` uí~ jalé' e guíá~ e nícajmeé~ do, co' nijmé~naa' lajo uí~ e gab` líí' e júu^ e fó' na fí' quini` Fidié~. Co' 'nu` jii~ dsea` jmigüib` lin', jogui iin~ jmée~ e røøb` cøøn' cóo~ Fidié~.

34 Joba' lalab cañí' Jesús quiá~ i dsea` do jo` casí~ reiñ':

—Jo lalab fé' Fidié~ fí' ni~ júu^ quiu' ta~ quiá'r~: “Jnea~ fá'a e 'nú' líng~na' lacó' dié~.” 35 Jo níne~baa' røø` lajii~ e fé' e fí' ni~ jii` quiá~ Fidié~ do e ja` cuøøng` fé'naa' e o' já~; jo` e fí' ni~ e júu^ do quiá~ Fidié~ fé' e jaléng~ dsea` cóo~ i casíng` Fidié~ júu^ quiá'r~ láin~ lacó' dié~. 36 Jo co' Fidiéeb~ dsea` caguín' jnea~ jogui casíin~ jnea~ fí' jmigüi` la, joba', ¿jial cuøøng` fo' 'nú' e jnea~ fá'a júu^ e ga' fí' quini` Fidié~ mi~ fá'a e Jóo' dsea` íb` lí'n'n? 37 Jo ja` já~ güilíng~na' jnea~ song jnea~ ja` jmóo`o dseáng~ lacó' la jmóo` Tiquié~e. 38 Jogui dsu' song jmóo`bii` e quí~i jmii~ do e nañí' fa' ja` já~ líng~na' jnea~, joba' lí' já~ güilíng~na' cóo~ jalé' e quí~i jmii~ do e lacó' niliñí'na' e jaam` dsea` líng` jnea~ cóo~ Tiquié~e, jogui lajobi` ír` cóo~ jnea~ cajo.

³⁹ Jò mi~ canúu~ dsea` Israel lajii~ e cajíng~ Jesús do, joba' caléb' catú~ lamí~ iin~ e nisaiñ' dsea` do, jò dsu' dsea` do dsifib' caleáng` 'ñia'r'.

⁴⁰ Jò mi~ cangf jò, caquim~ tu Jesús fí' lí' lí' 'ngóo~ gua` Jordán, jò fí' dob cajer' e fí' lí' caseáng` Juan jmii~ jaléng` dsea` lamí~ jéeng`gui. ⁴¹ Jò lajee~ táang` Jesús fí' jò, i fíim' dsea` cangolíng` e iin~ ninúr~ júu^ quiá'- dsea` do, jò lalab fé' i dsea` í:

—E jáb'- e i Juan do ja` cajméer` jii~ coo` e lí' e quí'r~ jmii~ lajee~ cateáaiñ' fí' jmiçú' la, jò dsu' lajaléb' e cajíñ'- uii~ quiá'- i dseañu' la, dseáng'- jáb'-.

⁴² Joba' ie~ jò i fíim' dsea` i já'- calíng~ júu^ quiá'- Jesús e fí' jò.

11

Mi~ cajúng~ jaang` dseañu' i sii` Lázaro

¹ Jò mi~ cangf gui lajò, lajee~ e táam`bi Jesús fí' jò, jò ie~ jò niseeng` jaang` dseañu' i sii` Lázaro cóo'~ gui gáng~ gui dseamf rúin', jaang` i sii` Yá^ jogui jaang` i sii` Marta, jò laji` gaaiñ' do seeiñ' fí' coo` fii' lí' sii` Betania. Jò ie~ jò guiáng` ráang` Lázaro e dsée'r~. ² Jò i dseamf i sii` Yá^ i rúng' Lázaro, íb' i ca'ée~ jmiç jmeafii' tii~ Jesús jogui cajmiquiúr~ cóo'~ jñuguir~ tii~ dsea` do lamí~ jéeng`gui. ³ Jò co' eám' dsée'~ gui Lázaro, joba' i dseamf rúin' i gáng~ do casíñ' júu^ fí' lí' táang` Jesús, jò lalab júu^ quie` i dsea` do quiá'- Jesús:

—E lab júu^ quiee~, e i dsea` i seeng` røø` cóo'~ do i eám' 'neáan' do i sii` Lázaro eám' líiñ' lana.

⁴ Jò dsifí' mi~ canúu~ Jesús e jò, joba' lalab cañír' quiá'- i dsea` do:

—Jò e jmohuí' e líiñ'- do ja` nijéng~ ír' fí' ni~ 'mó-', co' e jò nilí'íng` ta~ e lí' lacò' niliñ' dsea` jial tí' 'gøng' Fidiée~, jogui lacò' niliñ' dsea` cajò jial tí' 'gøng' jnea~, dsea` lín'n Jóo' dsea` do.

⁵ Jò doñí' fa' eám' 'neáng` Jesús i dseamf i sii` Marta do jogui i sii` Yá^ jogui i dseañu' i sii` Lázaro do, ⁶ dsu' ja` cangór~ dsifí' fí' quiáin'- do mi~ caliñír' e niráng` i Lázaro do dsée'r~, jò cajmi'ím~bi 'ñia'r' tú~ jmii~gui e fí' lí' táaiñ' do.

⁷ Jò mi~ cangf e tú~ jmii~ do, joba' lalab casí'- Jesús i dsea` quiá'r~ do:

—Má~ túu' fí' lí' se' Judea.

⁸ Joba' cañí' i dsea` í quiá'- Jesús, jò casí'r~ dsea` do:

—Tífa', ja` mí' ngóo`bi eáang` e jaléng' dsea` Israel i seeng` fí' jò lamí~ iin~ nijngaiñ'- 'nu' cóo'~ layaang~ cuu~, jò 'nu' caléb' catú~ iin' guó^ fí' jò.

⁹ Joba' cañí' Jesús quiá'- i dsea` quiá'r~ do jò casí'-reiñ':

—E jáb'- e sea` guitu' oor~ lajee~ e jmii~; cofa' jaang` dsea` ngír' lajee~ e jmii' do, joba' ja` dseáng`~ niquiúin', co' jneáb' lí' ngír'; ¹⁰ jò dsu' song jaang` dsea` ngír' fí' coo` lí' nuu', joba' quiung' guiáam`bre ngír', co' ja` sea` jii' cóo'~ e cuø' e jneá' lí' ngír'.

¹¹ Jò mi~ cangf e café'r' e júu^ na, jò cajíng'~ guir casí'r~ i dsea` quiá'r~ do:

—I dsea` rú'uu' i sii` Lázaro do nicaquiam~-bre, jò dsu' lana nini'i e nijmijnée` túu dsí'bre.

¹² Joba' cañí' i dsea` quiá'- Jesús do, jò cajíñ'- casí'r~ dsea` do:

—Fí'naa', jò lacò' fó' na e nicaquiam~- i dseañu' í, joba' e jò cuø' lí' e nitíim'~tur.

¹³ Jò dsu' cajíng'~ Jesús lado co' e nicaquiam~ i Lázaro do, jogui i dsea` quiá'r~ do í dsír' e já'ba' e lí' güim` Lázaro lí' lacò'gui jii~ e nicaquiam~ dsea` do.

¹⁴ Joba' cajíng'~ Jesús casí'r~ i dsea` quiá'r~ do dseáng'~ lajang'~ jò casí'-reiñ':

—Lana niráng` Lázaro 'liim`bre. ¹⁵ Jò guiá~gui quí' 'nú' e ja` mí' ngóo'ó fí' do latí' lana, co' lajoba' e já'~gui nilíng`na' júu^ quie~e, joba' eám' iáang` dsii~. Jò lanaguiba' dsé'ee' fí' quiá'r~.

¹⁶Jo i dsea` quiá'- Jesús i sií Tomás i lineang` dsea` suung` mi` canúur` lajii` i júu` jo, joba' casí'r` i dsea` rúin` i caguiaang` gui do lala:

—Má`aa' jneaa`aa' cóo'r` cajo, jo song cajnga' dsea` quiá'r`, joba' la quie' jneaa`aab' nijúu`naa' cóo'r` cajo.

Jesús i cuø' e jí'tu dsea` mi` ningí' e júuiñ`

¹⁷Jo mi` caguié` Jesús coling` cóo` dsea` quiá'r` e fí Betania e fí lí` cajúng` i Lázaro do, jo ningóo' quiú` jmib` e nica'áng` dsea` do mi` caguilíñ` fí jo.

¹⁸Jo e fii` e sií Betania do ja` huí` neé` laco'gui Jerusalén, co' túb'jia jii` la 'ní` kilómetro, ¹⁹joba' fíim` dsea` Israel i neáng` fí jo cangolíñ` e cango'eer` i Marta do cóo`gui Yá` e laco' ja` liñ` do fí' uii` quiá'- e cajúng` i rúin` i sií Lázaro do. ²⁰Jo mi` caliñí` Marta e ningóo' Jesús fí do, joba' cagüi'fir` e cangojmijíñ` dsea` do; jogui i Yá` rúin` do, dob cajer` fí sinúu` lajee` jo. ²¹Joba' mi` cajíng` i Marta do Jesús, lalab casí'r` dsea` do jo cajíñ`-:

—Fa' jia`gui mi` cagüén`- jéeng`guijia fí la, joba' ja` cajúng` i rún`n do jóng faco' lajo. ²²Jo dsu' tab` dsii` e quib`- jmii` e nijmicóo` Fidié` jnea` song nimí`ire lajo, co' doñí` ee` e mii` 'nu` dsea` do, dseáng`- ngím`ba'.

²³Joba' cañí` Jesús quiá'- i dseam` do jo casí'- reiñ`:

—Nijib`tu i rún` do.

²⁴Joba' cañí` i dseam` do quiá'- Jesús jo cajíñ`-:

—Jáb`-, niñi`baa e jo e nijib`tu i rún`n do mi` nití` í` e nijí'tu jaléng` 'lii` mi` tí lí` jo.

²⁵Jo mi` cang` jo, lalab cañí'tu Jesús quiá'- i dseam` do jo casí'- reiñ`:

—Jneab` dsea` i cuø' e jí` dsea`, jogui e nijí'tur mi` ningí' e nijúuiñ`. Joba' jaléng` i dsea` i já` líng` júu` quié`-e, jo nañí` fa' júung` jii` ngúu` táaiñ`, dsu' ja` tóo` jmii` fa' ni'náiñ` e seeiñ` cøng` cóo` Fidié`; ²⁶jogui jaléng` dsea` i já` líng` júu` quié`-e jogui e seem`bir mi` tí lí` jo, joba' ja` tóo` jmii` fa' ni'náiñ` e seeiñ` cøng` cóo` Fidié` cajo. Joba' ¿su já`- lín` jalé` e júu` e fii` i 'nu` la?

²⁷Joba' cañí` i dseam` do quiá'- Jesús jo casí'r` dsea` do lala:

—Lajob lí', Fí'i, dseáng`- jáb`- líng` jnea` e 'nub` lin` i Jóo` Fidié` camíng` i sijeeng` jnea` i nijáa` fí jmigüi` la i nicá` nifi` quí`-ii'.

Mi` caqui' Jesús tii` ée` quiá'- Lázaro

²⁸Jo mi` cang` e síng` Marta cóo` Jesús, caquim`-bre e cangotéer` i rúin` i sií Yá` do. Jo mi` caguiéiñ` fí quiá'r`, lalab casí'r` i rúin` do lí` ja` núu` dsea` jo cajíñ`-:

—Dob guing` i tifa' do, jo 'nub` tó'r` lana.

²⁹Joba' dsifí` mi` canúu` Yá` e júu` jo, ladsifí` lanab cagüi'fir` jo cangór` fí lí` tó' Jesús ír`. ³⁰Jo Jesús ja` mí` ca'í`-bir e fí jee` fii` do, co' dobi` guiiñ` e fí lí` cajíng` rúin` cóo` i Marta do. ³¹Jo mi` tí lí` calilí` i dsea` Israel i caguilíng` cango'ee` ír` e laco' ja` liñ` do fí'í, jo mi` cangár` e cagüi'fir` i Yá` do lajminá` e fí dsí' sinúu` quiá'r` do, joba' cangolíim`-bre ti'leáiñ` cajo laco' ngóo' i dseam` do, co' í` dsí'r` e ngóin` do ngoquíi`-bre e fí lí` ca'áng` i 'lii` rúin` do.

³²Jo mi` tí lí` caguié` i Yá` do fí lí` sing` Jesús, ladsifí` lanab casí'r` uø` jnir` fí quini` dsea` do jo casí'r` dsea` do lala jo cajíñ`-:

—Faco' mi` 'nu` cagüén`- jéeng`guijia fí la, joba' ja` cajúng` i 'lii` rún`n do jóng faco' lajo.

³³Jo mi` tí lí` cangá` Jesús e qui' i Yá` do cóo`gui jaléng` i dsea` Israel i caguilíng` cóo'r` do, joba' eám` calicu' dsí'r` i dsea` do, jogui eám`bi calijiuung` dsí'r` cajo, ³⁴joba' cajmingí'r` jaléng` i dsea` do jo casí'-reiñ`:

—¿Jie` fí lí` ca'áng`-na' i dsea` do?

Joba' cajíng` jaléng` i dsea` do casí'r` Jesús:

—Má'aa' jō madsijøø^naa' fí' jō.

³⁵ Jō canaang` Jesús qui'bre cajo. ³⁶ Jō mi~ calilí' i dsea` Israel do e qui' Jesús, jōba' lalab cajíñ'~:

—¡Eáam' ni'neáng` i dseañu' na i 'lii~ na!

³⁷ Jō dsu' jee~ i dsea` Israel do seem'bing' i fé' lala:

—¡nabi i dseañu' i cajmée' e calijné' i dsea` i lamí~ tiuung` do, jō ja` i ñi' jiali' ja` cajmээр` fa' e ja` cajúng` i dseañu' i nica'áng` na.

Mi~ cají'tu Lázaro

³⁸ Jō fí' dsí' tó' cuub~ ca'áaiñ` i 'lii~ Lázaro do, jō o'nú^ e ée` do cajnír' cóo'~ cóo'`loo' e fe'. Jō eáam' lijjuung~ dsí' Jesús cangoquíeieñ' e fí' lí' ca'áng` i 'lii~ do. ³⁹ Jō lalab cajíñ'~ casí'r` jaléng' i dsea` i teáang` do ie~ jō:

—Je'na' e 'loo' e sijní' e o'nú^ e ée` na.

Jō dsu' mi~ canúu~ i dseam' i siñ' Marta do i rúng' i 'lii~ do e cajíng'~ Jesús lado, jōba' lalab casí'r` dsea` do:

—Fí'naa', quiú` jmi~ ningóo' e ca'áng` i rún'n na, jō lana nisi'léb'` ngúu' táaiñ', faa~aa'.

⁴⁰ Jō lalab cañí' Jesús quiá'~ i dseam' do:

—¿Já^ mi' cafí' i 'nu' e song dseáng'~ já' lín' júu^ quié~e, jōba' nimó^ba' jóng jial tí' laniing` 'gøng' Fidié'?

⁴¹ Jō mi~ cangí' jō, cajéb'~ i dsea` do e cuu~ e sijní' fí' o'nú^ ée` quiá'~ i Lázaro do, jogui Jesús dsifí' lanab cajøø~ fí' yú^ jmiçüi' jō cajíñ'~:

—Teaa~, lana cuøø-ø 'nu' gui'máang'~, co' jáb'~ canúu'~ júu^ quié~e. ⁴² Jogui ñi'bí' guiá~ cajo e contøøm~ já' nuu' 'nu' júu^ quié~e, jō dsu' fí' i 'nu' lana e lí' lacó' jaléng' i dsea` i teáang` la jmi~ na nijá'~ líiñ' e 'nu' dsea` casín' jnea~ fí' jmiçüi' la.

⁴³ Jō mi~ cangí' e cajíng'~ Jesús e júu^ na, jō café'r` teá' jō cajíñ'~:

—¡Júu' fí' lí' iuun'~ na, Lázaro!

⁴⁴ Jō mi~ calí' e café' Jesús lajō, jōba' dsifí' lanab cagüi'ñ' i dsea` i lamí~ 'liing~ do, jō lacó' sibé'bi' mi' guotíir~, jogui nir~ sibé' cóo' jmáang'~ 'mi'. Jō mi~ cangí' jō, lalab cajíng'~ Jesús casí'r` i dsea` i teáang` do ie~ jō:

—Sí'na' e 'mi' e sibeáng' i dsea` i cají'tu na, jō lajōba' cuøøng` e ngír~.

Mi~ casíng` dsea` i quié' nifí' quiá'~ dsea` Israel e nisáíñ' Jesús

(Mt. 26:1-5; Mr. 14:1-2; Lc. 22:1-2)

⁴⁵ Jō mi~ cangí' gui lajō, i fíim' dsea` Israel i cangolíng` cóo'~ Yá^ do já'~ calíñ'~ júu^ quiá'~ Jesús, co' cangá~bre jalé' e quí'~ dsea` do jmi~ ie~ mi~ cajmээр' e cají'tu i Lázaro do. ⁴⁶ Jō dsu' i liing~gui i dsea` Israel i cangá~ e cajmée' Jesús do cangocóor' júu^ fí' quini~ jaléng' dsea` góor' i líng' dsea` fariseo jalé' e cangár~ do. ⁴⁷ Jō mi~ caliñí' i dsea` fariseo do e jō, jōba' casíñ'~ cóo'~ jaléng' fii~ jmidsea` e lacó' niseáng' i dseata` i quié' nifí' quiá'~ dsea` Israel e lacó' nisiñ' e~ nijmér~ cóo'~ Jesús. Jō lalab jmingí'~ rúíñ'~:

—¿E~ nijmó^oo' cóo'~ i dseañu' do? Co' eáam' jmiçui' jalé' e quí'r~ jmi~ jmóor' e dsigá' dsí' dsea`. ⁴⁸ Jō song ja` nijnñng~naa' quiár~, jōba' fíim' dsea` nidsitáaiñ` cóo'~ dsea` do, jō dseáam' e dseata` i neáang' fí' Roma nija'íñ' guá'~ quí~ii' osi lajaléng'naa' dsea` lí'naa' dsea` Israel fíng song caliñí' jalé' e jō.

⁴⁹ Jō jaang` lajee~ i fii~ jmidsea` do nisiir` Caifás, jō líiñ' fii~ quiá'~ jaléng' jmidsea` ie~ jō, jōba' lalab cajíñ'~ casí'r` jaléng' i dsea` rúíñ' caguiaang`gui do jō café'r`:

—¡Dseáng!- jíi~ coo` ja` ee` ní^ 'nú'! 50 Jo ja` í óo`na' e guiá~gui quí~ii' e nijúung~ jaang` dsea` góo`naa' cuaiñ~ quí~ii' lajalé`naa' e laco`gui e ni`fing~naa' lajaléng`naa' dsea` lí`naa' dsea` Israel.

51 Jo i Caifás do ja` cajíñ~ lajo uí~ e la tiiñ` 'ñia'r', dsu' fii~ jmidseab` líiñ` ie~ jo, joba' Fidiéeb` cacuø` ír` e cajíñ~ lajo e Jesús nijúuiñ~ cuaiñ~ quíá~ jaléng` dsea` góor` dsea` Israel; 52 jo o' jíi~ e nijúung~ dsea` do uii~ quíá~ jaléng` dsea` góor`, co' lajob cajo nijúuiñ~ e laco' nitø'r` jaléng` dsea` quíá~ Fidiéeb` i siguiáng` fí' la`úng~ fí' jmigüi` e laco' ni`uíñ~ do coob` 'lé' lajee` lajaléiñ`. 53 Joba' latí' ie~ job canaang` jaléng` i dseata~ quíá~ dsea` Israel do e 'nó'r` jial e nijngáiñ~ Jesús.

54 Jo uing~ lajoba' jo` 'ga' lí~ jmijnéeng`gui 'ñia' Jesús jee~ jaléng` dsea` góor` dsea` Israel, jo cagüi`h`bre e fí' lamí~ táaiñ` do e lí` se' Judea, jo fí' dob cangor~ fí' coo` fii` e sii` Efraín e née` quíá~ fí' guóo` uó^ quíá~, jo fí' job cajer` cóo` jaléng` dsea` quíá~r~.

55 Jo mi~ cangf`gui lajo, lajee` e nijaquíéeng` jmi~ e quí~ tñng` dsea` Israel e jmóor` lacoo` jii` e sii` Pascua, joba' quí~ tñiñ` e dsilíñ~ fí' Jerusalén nú~gui e jmi~ jo e laco' jmiguiung~ yaaiñ~ fí' quini` Fidiéeb` jo dsiguiar~ guiá~ lajii~ e quí~ tñiñ` jmóor` do. 56 Jo mi~ caguilíng~ i dsea` Israel do fí' Jerusalén, jo seem`biñ` do ngir` ta~ 'náng' Jesús ie~ jo, jogui jmingi~ rúñ` lajaang` lajaañ` lajee` e teáaiñ` fí' dsíi` sinúu` guá~ fé' e si' fí' jo, jo síiñ`:

—Jo ¿e` fó' 'nú'? ¿Su nijáa`gui i dsea` í fí' la lajee` jmi~ osi ja` nijáar` é?

57 Jo jaléng` dsea` Israel i líng` dsea` fariseo cóo`gui jaléng` fii~ jmidsea` quíá~r~ nicangñiñ` júu` quíá~ jaléng` i dsea` i caguilíng~ e jmi~ do e song jaang` lajee` ír` nija`r~ júu` jie` fí' táang` Jesús, jo e güijmée`bre júu` ladsifí, jo lajoba' e niteng` dsea` do.

12

*Mi~ ca'éé~ jaang` dseamf` jmi~ jmeafii` tñ~ Jesús
(Mt. 26:6-13; Mr. 14:3-9)*

1 Jo mi~ cangf`gui lajo, jñúu~ jmiib~ jmóo`gui e nití~ e jmi~ Pascua quíá~ dsea` Israel do, jo cangób~ tu Jesús fí' Betania e cango`ee`tur Lázaro i cajmээр` e cají`tu ie~ lamí~ jéeng`gui do. 2 Jo mi~ tí` lí` caguiér~ fí' quíá~ dsea` do, i dsea` seeng` fí' sinúu` do cajmээр` coo` jmi~ e jmi`gór` Jesús, joba' cagø'r` colíng~ ie~ canúu` e jmi~ jo; jo dob guing~ Lázaro e gø'r` colíng~ cóo` i dsea` do cajo, jogui i rúñ` i sii` Marta do, íb` i jmóo` ta~ ngñng` jmiñi` quíá~ jaléng` i dsea` i neáang` gø' do ie~ jo. 3 Jo lajee` guing~ Jesús gø'r`, coo` caguiéb~ Yá^ i rúng` Lázaro fí' lí` guing~ dsea` do, jo quier` coo` dsuu~ niguo` e a~ trescientos gramos jmi~ jmeafii` e lí` cóo` layaang~ nardo e 'mo` eáang`, jo cóo` e job ca'éer~ fí' tñ~ Jesús lajee` e guing~ dsea` do gø'r`; jo mi~ cangf` jo, cajmiquiá~r~ cóo` jñguir~. Jo latøom~ e fí' dsíi` sinúu` do cajó~ jmeá` quíá~ e jmi~ jmeafii` do ie~ jo. 4 Jo mi~ cangoyúung` e jo, jaang` lajee` dsea` guitúung` quíá~ Jesús i sii` Judas Iscariote i nisi`í` i ni`náng~ dsea` do, lalab cajíng` í` ie~ jo:

5 —¿Jialí' ja` mí` cango`ni~ e jmi~ jmeafii` la cóo` 'ní` ciento cutee` e laco' nilisea` cuu~ e nilicóo` jaléng` dsea` tiñíng~?

6 Jo cajíng` Judas Iscariote e jo dsu' o' já~ dseáng` e fii~ líiñ` jaléng` dsea` tiñíng~, co' jaang` íb` líiñ` do, co' ie~ jo íbre dsea` née` nir~ taloo` téé~ cuu~ e lí' quíá~ Jesús colíng~gui cóo` i dsea` guitúung` quíá~r~ do; joba' i Judas Iscariote do gui`bre e cuu~ do mi~ iñ~ 'ñia'r'. 7 Joba' lalab cañíi` Jesús quíá~ i dsea` í`:

—Ja` e fí' jíi~ coo` i dseamf` na, co' lajii~ e nicajmээр` na e nicaguiar` guiá~ quíé~ e mi~ nití~ í' e quíá~ ni`ám~baa. 8 Jo contøom~ cuøng` lí` jmicóo` 'nú'

jaléng' dsea` tiñling-, jo dsu' jnea`gui ja` contøng- táan`n cóo'` 'nú' fí jmigüf` la.

Mi` ca'f` dsí' dsea` e nijngáiñ' i Lázaro do

⁹ Jo mi` cangf`guijia lajo, i fím' dsea` Israel caliñir' e dobi táang` Jesús e fí Betania do. Joba' cangolíñ` cangojóø`bre fí jo, jo dsu' o' jii' Jesús dseáng' i ngir' 'náñ' do, co' lajob 'náñ' Lázaro cajo i cajmée` Jesús e cají' tu calé` catú-.
¹⁰ Joba' i fii` jmidsea` do casíñ- røø` e la quie' tí Lázaro nijngáiñ', ¹¹ co' fé' i dsea` Israel i quie' nifí do e uí'` íb` fíng' i dsea` góor` do ninaang` 'naañ` cóo'` i dsea` rúñ'` caguiaang`-gui do, jo cóo'` Jesús ninaañ` dsitáañ`-.

Mi` ca'í` Jesús fí jee` fí Jerusalén

(Mt. 21:1-11; Mr. 11:1-11; Lc. 19:28-40)

¹² Jo lajee` nú'-gui jmii` Pascua e tí fí Jerusalén do, fím' dsea` cangolíñ` fí jo e cangotíñ` e jmii` do; jo mi` cajneá` coo`gui jmii`, job caliñi' dsea` e tí niguiéé` Jesús fí Jerusalén e quía'- e jmii` do. ¹³ Jo mi` caliñi' i dsea` do e jo, joba' cangoquiúur' moo` quiee-, jo cangolíñ` cango'íñ' Jesús cati' caluu` fii` e quía'- nijmiféñ' dsea` do. Jo mi` ca'íñ' dsea` do, lalab fé'r` teá e iáang` dsíir':
-iMajmifém'`baa' i dsea` na! iJogui juguiá`-jia quía'- i dsea` na i casíng` Fidiéé` fí jmigüf` la cuaiñ` quía'r`! iJogui majmifém'`baa'r` cajo i dsea` na i líng` dsea` güeang'` i quie' nifí quía'- jaléng' dsea` góo`naa' dsea` Israel!

¹⁴ Jo lajee` iuung` Jesús fí, lado cadseñ'` jaang` bú', jo íb` caguár` lí'` laco'gui la fé' fí ni` jì` quía'- Fidiéé` e cajme' dsea` maliñ`gui eáang` lí'` fé' lala:

¹⁵ Ja` føøng'`-na' jaléng'` 'nú' i seeng` fí fii` Sión;
jo jóø`-na', lab nijáa' i dseata` dsea` féng'` quí'-na' e guiiñ` fí mocóo'` jaang` bú'` jiuung`.

¹⁶ Jo dsu' la'uii` ja` calilí`bi i dsea` guitúung` quía'r`- do e` guóng` jalé' e do; lí'` mi` cangf`gui lajo, mi` cangf` e cangáng'`-tu Jesús fí ñifí-, joguib calilí` i dsea` do e jalé' e cajmée` Jesús do ninitøob` fí ni` jì` quía'- Fidiéé` e cajme' dsea` lajii'` maliñ`gui eáang` lí'` fé' uii` quía'- Jesús.

¹⁷ Jo ie` jo, jaléng'` i dsea` i cangá`- mi` catø'` Jesús i Lázaro do e nigüi'`ñiñ'` do fí dsí'` éé` quía'r`- co' cajíb'`tur, joba' jaléng'` i dsea` íb` i cani' e júu` jo jee` jaléng'` i dsea` caguiaang`-gui do. ¹⁸ Jo lajob i fím' dsea` cangolíñ` e cangojmijñ'` Jesús, co' caliñi'`bre jalé' e quii'` dsea` do jmii` e cajméer` e fí do ie` jo. ¹⁹ Jo i dsea` Israel i líng'` dsea` fariseo do lalab síñ'` la'ó'` yaaiñ`:

-Nab nimóo`- 'nú', jii'` coo` ja` e quii'`-naa' jmii` nijmó'`oo'` lana, co' jnéeng` ne'baa' e jia` ja` lajñm` dsea` nisitáañ` cóo'` i Jesús na lana.

Mi` ca'nang'` dsea` griego Jesús

²⁰ Jo jee` jaléng'` i dsea` i cangolíng` fí Jerusalén e cangojmiféñ'` Fidiéé` lajee` e jmii` jo, jee` i dsea` íb` niquiéeng` coo` tú`- míng'` dsea` griego. ²¹ Jo i dsea` griego do cangoquiééñ'` fí lí'` sing'` jaang` dsea` guitúung` quía'- Jesús i sii` Lii', jo í seeñ'` fí Betsaida e néé` lí'` se' Galilea, jogui i dsea` griego do camí'r` jmi'ee` i Lii` do jo casí'`-reiñ`:

-Dsíng'`- ii` jnea'` e nilicuíng`naa' Jesús.

²² Joba' dsifí` mi` canúu`- Lii` e jo, cangó`-bre cangosí'r` Df` i líng'` jaang`gui dsea` guitúung` rúñ'` cajo, joba' laji` huám`-bre cangolíñ` e cangojmée'r` júu` Jesús lajii'` e jíng'`- i dsea` griego do. ²³ Joba' lalab cañi'` Jesús quíañ'`- do:

-Lana tí` nití`- í'` quie`- e ninín'`-túu` fí ñifí`- fí lí'` cagá`-a mi` cagüén`-n fí la e lán`n jaang` dsea` jmigüf`. ²⁴ Jogui jnea` jmitaa` óo`na' e fa' camí'` micui'`iee` e ja` mí` cató'` fí ni` uó` jo o'gui ní'` cajo, joba' lami` líb'` lí'` e camí'b'` e mijú` do; jo dsu' song camí'`gui e micui'`iee` do catób'` fí ni` uó` jogui caní'b'`, joba' jmiguiab'` ni'uíng'`- do mi` niró'. ²⁵ Cofa' i dsea` i eáang`gui guing` dsí'` jalé' e

dsijéé' fí' jmigüü' la, joba' ni'ím' quíá' i dsea' í' mi' tí' lí' jo; jo dsu' i dsea' i ja' guing' dsí' jalé' e dsijéé' fí' jmigüü' la, joba' i dsea' í' guiáb' ni'uíng' quíá'r' mi' tí' lí' jo, co' cøøm' niliseeíñ' cóo' Fidiéé' lata'. ²⁶ Jogui song jaang' dsea' iíñ' e nilíñ' jaang' dsea' i jmóo' lajii' e iin' n, joba' 'né' ngír' colim' cóo' jneab'; jogui lacaang' jié' fí' lí' seen', joba' fí' job' 'né' seeíñ' cóo' jnea' cajo. Jo song seeng' dsea' i jmóo' lajii' e iin' n, joba' Tiquié' e dsea' guing' ñíff' nijmi'gó' bre i dsea' í' cajo.

Mi' cajíng' tu Jesús e nijngáng' dsea' í'

²⁷ Jo fá' guí' lana e dseáng' dsíng' nijáá' fí' í' quíé' e; jo ¿e' nijmee' e? ¿Su ní'fá' a: "Tea~, leaang' jnea' jee' jalé' iihuí' e nidsingín' n do"? U~, o' lajo, co' jnea' cagá' a fí' jmigüü' la e lí' laco' nidsingín' n jalé' e jo. ²⁸ Joba' fí' i' nua', Tea~, jmee' e laco' nijmi'gó' dsea' 'nua'.

Jo dsifí' mi' cangí' e cajíng' Jesús lajo, joba' guicaná' coo' luu' fí' yá' jmigüü', jo guicajíng' lala:

–Nícajmé' baa lajo, jo dsu' tí' lí' nijmee' baa calé' catú'.

²⁹ Jo jaléng' i dsea' i teáng' núu' do ie' jo cajíñ' e líng' ee' guicangoo' fí' yá' jmigüü'; dsu' i líng' gui' i dsea' do fé'r':

–Jaang' ángel i níguicafé' na.

³⁰ Jo mi' cangí' jo, jo cañí' Jesús quíá' i dsea' do jo cajíñ' :

–Ja' catíng' jnea' e guicajíng' e luu' do, co' 'náb' dsea' catíng' na' e jo. ³¹ Jo lanab' catí' í' e Fidiéé' níquidsir' í' quíá' jaléng' dsea' jmigüü' uí' quíá' jalé' dsee' quíá'r', jogui lanab' cajo catí' í' e ní'íng' bí' quíá' fí' i 'líng' i quíá' ta' fí' jmigüü' la. ³² Jo dsu' mi' níngí' e niteáng' dsea' jnea' fí' dse' crúu' e laco' nijúun' n, jo lajoba' nitóø'ø' jaléng' dsea' e laco' ni'uíñ' dsea' quíé' e.

³³ Jo cajíng' Jesús lana co' níñi' bre guíá' jial' nijnga' dsea' quíá'r'. ³⁴ Jo mi' tí' lí' canúu' jaléng' dsea' i teáng' do ie' jo e júu' quíá' Jesús do, joba' lalab' cañír' quíá' dsea' do:

–Níneb' jnea' røø' e tóo' fí' ní' jì' quíá' Fidiéé' e latab' niliseeng' Dsea' Jmáng', joba' ¿jialí' fó' 'nua' e i dsea' i jáá' fí' ñíff' e líñi' jaang' dsea' jmigüü' 'né' nisáíñ' fí' yá' mi' nijnga' dsea' quíá'r'? Jogui ¿í' i dsea' i julí' na?

³⁵ Joba' lalab' cañí' Jesús quíá' i dsea' do:

–Jnea' bí' e jì' e jneá' jee' 'nú' lajee' lana, jo dsu' jo' huøø' e líng' guí' lajo jee' 'nú' fí' la. Joba' jmi'úum' ba' e seem' ba' guíá' lajee' e seem' bí' jee' 'nú' fí' la e laco' ja' ní'í' e lí' nua' do 'nú'. Dsuo' jaléng' dsea' i seeng' e fí' lí' nua', joba' jii' ja' ñír' jie' fí' lí' seeíñ'. ³⁶ Joba' jáang' yaang' na' e fí' lí' jneá' jì' do lajee' e seem' bí' jee' 'nú' e laco' quí' jmi' e niliseeng' na' contøøng' fí' lí' jneá' jì'.

Jo mi' tí' lí' cangí' e cajíng' Jesús jalé' e júu' na, joba' cangó' bre, jo ca'náam' 'ñia'r' jee' i dsea' do.

Jialí' ja' já' líng' dsea' Israel júu' quíá' Jesús

³⁷ Jo ie' jo, ja' e lí' e Jesús cajméer' jalé' e lí' laniing' e quí'r' jmi' fí' quini' jaléng' dsea' góor' dsea' Israel, jo dsu' ja' já' lí' lím' bí' i dsea' do júu' quíá' Jesús; ³⁸ jo lajoba' e caliti' e cajme' Saí', jaang' dsea' i café' cuaiñ' quíá' Fidiéé' malí' gui' eáang' ie' lamí' cajíñ' lala:

Fí'naa', ¿í' i já' nícalíng' júu' quí' e guí'naa'?

Jogui ¿í' i nicalíñi' jial' tí' 'gø'n', Fí'naa' Fidiéé'?

³⁹ Jo lajob' jaléng' dsea' do jii' ja' lí'r' níngáíñ', co' lalab' cajme' gui' Saí' cajo fí' ní' jì' quíá' Fidiéé' lí' fé' lala:

Jnea' Fidiéé' jo fá' a e júu' la:

⁴⁰ Nícajñí' baa jminir' jogui nícajñí' baa moguir' cajo e laco' ja' cuøøng' nilíñir' júu' quíé' e

o'gui cuøøng` e ningáin` jial lí' cajo;
 jo lajoba' ja` niquí' jing` yaaiñ` fí' quinií`
 jogui lajobi jnea` ja` nijmi'leáan` nre cajo.

⁴¹ Jo cajíng` Saí' lana, co' nicangá` bre jial tí' laniing` 'gøng` Jesús, joba' fé'r`
 uii` quiá'` dsea` do.

⁴² Jo nañi' fa' cajím'` i` yúu` Saí' do e júu` jo, dsu' fíim' dsea` Israel já'` calíin`
 júu` quiá'` Jesús ie` jo, jogui fíim' dseata` dsea` Israel i` laniing` já'` calíin` júu`
 quiá'` dsea` do ie` jo cajo. Jo dsu' ja` fé'r` lajo fí' quini` jaléng` dsea` jiéng`, co'
 'góm` bre jaléng` dsea` Israel i` líng` dsea` fariseo e ni'uøng` neiñ` fí' dsí' sináú`
 guá'` quiá'r` , ⁴³ co' eáang`gui iin` e dsea` jmigü'bing' nijmi'gó` ír` laco'gui e
 nijmé` 'ñia' Fidiéé` lajo cóo'r`.

Jial dseáng` 'né` nijmi'gó` dsea` júu` quiá'` Jesús

⁴⁴ Jo mi` cangígui lajo, lalab cajíng` Jesús cóo'` júu` teá':

—Jaléng` dsea` i` já'` líng` júu` quié` e, joba' i` dsea` i` o'` jíi` júu` quié` e já'`
 líiñ` , co' lajob já'` líiñ` júu` quiá'` Tiquí'ii' Fidiéé` cajo, dsea` i` casíng` jnea` fí'
 jmigü' la. ⁴⁵ Jo doñi' ií` dsea` i` níng` jnea` , joba' níim` bre cajo i` dsea` i` casíng`
 jnea` fí' jmigü' la. ⁴⁶ Jo jneab` dsea` lín` n e jì` do, jo cagá` a fí' jmigü' la e lí'`
 laco' jaléng` dsea` i` já'` líng` júu` quié` e ja` niliseeñ` fí' lí` nuu. ⁴⁷ Jo i` dsea` i`
 lico' núu` jalé` júu` quié` e jo dsu' ja` jmóor` náu'r` jalé` e jo, joba' o'` jnea` dsea`
 niquidsii` í'` quiá'` i` dsea` í' . Co' ja` cagá` jnea` fí' jmigü' la e laco' niquidsii`
 í'` quiá'` jaléng` dsea` , co' jnea` cagá` a e lí'` laco' nilaan` re jee` jalé` dsee`
 quiá'` bre. ⁴⁸ Jo jaléng` i` dsea` i` ja` jíi` jnea` o'gui já'` líiñ` júu` quié` e, joba'
 i` dsea` í' niseem`bing' i` ni'í` í'` quiá'r` quiá'` jalé` e dsee` e nica'éer` do; co'
 cóo'` jalé` e júu` e nica'fá` a na, cóo'` jíi` job nitidsí` í'` quiá'r` mi` tí' lí` jo.
⁴⁹ Co' jnea` ja` fá` a la ñii` 'ñiá` a, dsuco' Tiquí'ii' i` casíng` jnea` fí' jmigü' la, íb`
 i` nicaquiú` ta` quié` e lajíi` e 'né` e nifá` a. ⁵⁰ Jo lajob niñi` jnea` , e jaléb` ta` e
 quiú` Tiquié` do cuø` e liseeng` dsea` cuøøng` cóo'` Fidiéé` lata` . Joba' lajob lí'`
 jaléb` e fá` jnea` dseáng` fá` a jíi` laco' ta` ca'lin` n quiá'` Tiquí'ii'.

13

Mi` caru' Jesús tí` dsea` guitúung` quiá'r`

¹ Jo mi` cangígui lajo, lajee` e guati'ló` jmii` Pascua e qui'` tíng` dsea` Israel
 jmóor` fí' Jerusalén, jo ie` jo niñib` Jesús e nicatíb` í'` quiá'r` e nitúr` fí' jmigü'
 la jo nidséiñ` nidsigüeá'tur cóo'` Tiquí'ii' fí' ñifi` . Jo lajee` cateáaiñ` fí' jmigü'
 la, eáam` cajmi'neáaiñ` jaléng` dsea` i` ca'uíng` dsea` quiá'r` , jo lajob cajméer`
 cartí` cangáng` tur fí' ñifi` . ²⁻³ Jo ie` jo, tí' lí` ni'íb` fii` i` 'ling` fí' dsí' Judas, jóo`
 jaang` dseañu` i` sii` Simón Iscariote, jo i` fii` i` 'ling` do cajméer` e ca'í` dsí' i`
 Judas do e ni'náin` Jesús fí' quini` jaléng` dsea` i` quie` nifí` quiá'` dsea` Israel.
 Jo Jesús niñi`bre guiá` e fí' lí` guing` Fidiéé` jáar` mi` cagüéiñ` fí' jmigü' la,
 jogui e fí' job nidséng` tur mi` nití` í'` quiá'r` . Jo i` Tiquí'ii' dob i` nicacuø`
 ír` fí' e néé` nir` lajalé` . ⁴ Jo ie` job cagó` Jesús í'` canuu` cóo'` dsea` guitúung`
 quiá'r` , jo lajee` e neáaiñ` gø'r` dob mi` caráaiñ` e fí' lí` guiiñ` do jo caguir` e
 si'r` e quier` lí'` lí` ni` , jogui ca'ñúr` coo` jmáang` 'mi' fí' 'ñúin` . ⁵ Jo mi` cangí`
 jo, caguié'r` jmii` fí' dsí' coo` úu` e ja` a' eáang` , jo cóo'` e job canaaiñ` ru'r` tí`
 lajaang` lajaang` i` dsea` guitúung` quiá'r` do, jo mi` calí` jo, cajmiquiú'r` cóo'`
 e 'mi' e ca'ñúr` tu'r` do.

⁶ Jo mi` tí' lí` catíng` Tú` Simón e nijgí` tír` e nirú'` Jesús, joba' lalab cañír`
 quiá'` dsea` do:

—Fí'i, ja` catíng` 'nu` e nirúu'` tí'i.

⁷ Jo lalab cañi'` Jesús quiá'` dsea` do:

—Ja` mí ngáng` 'nua` lana e` guóng` lajii` e` jmóo`o la, jo dsu` lajee` lab ningán`.

⁸ Jo cañí`tu Tú` Simón quiá`- Jesús jo casí`r` dsea` do:

—¡Dseáng`- ja` cuø`baa fi` e` 'nua` nirúu`~ tii`!

Joba` lalab cañí`tu Jesús quiá`- dsea` do:

—Lí` jii` e` laba` lí`, e` song ja` nirúu`~u` tii`~, joba` ja` quí`- jmii` jóng e` lãng`gui` dsea` quié` e`.

⁹ Joba` cañí`tu Tú` Simón quiá`- dsea` do jo cajíñ`-:

—Jo song lajob nilí` Fíi`, joba` guiá`-gui e` nirúu`~ba` la quié` guóo`o cóo`~gui moguii` cajo.

¹⁰ Jo dsu` lalab cañí`tu Jesús quiá`- Tú` Simón jo cajíñ`-:

—Doñí` ii` dsea` i` lalí` calá`, joba` ja` 'né` lá`-tur ladsifí` lado, jo jii`~ tii`-bre 'né` nirúu`~tur có` sijgím`bre latøiñ`. Jogui` 'nú` lím`ba` dsea` sijgíng`, nañí` fa` ja` lajaléng`na` lãng`na` lajo.

¹¹ Jo cajíng`- Jesús lana e` ja` lajìng` i` dsea` do líiñ` dsea` sijgíng`, có` niñi`bre guiá`- i` i` dsea` i` ni`ning`- ír` fi` quini` dsea` i` quié` nifí` quiá`- dsea` Israel.

¹² Jo mi` tí` lí` cató` e` ru` Jesús tii` jaléng` i` dsea` guitúung` do quiá`r`, joba` caquib`-tur e` sí`r` do, jogui` caguáb`-tur e` fi` lí` guiiñ` gø`r` do, jo mifíng` cajíñ`- lala:

—¿Su ní` 'nú` e` guóng` jalé` e` nicajmé` e` quí`-na` na? ¹³ Co` 'nú` ca`íng`na` jnea` e` lín`n Fíi`na` jogui` e` lín`n Tifa` quí`-na`, jo e` jáb`-, lajob lí`, có` lajob dseáng`- lín`n. ¹⁴ Jo có` jnea`, dsea` lín`n Tifa` jogui` Fii` quí`-na`, nicarúu`~baa tii`na` lajaang` lajaang`na`, joba` lajob cajo 'né`-jmée` 'nú`, 'né`-rúu`~ba` tii`-dsea` rúng`na`. ¹⁵ Jo jnea` nica`ée`-baa 'nú` jial 'né`-nijmee`-na` e` laco` 'nú` nijmee`-na` røb` laco`gui` jii`~ e` nicajmé`- jnea`. ¹⁶ Jo e` laba` jmitaa` óo`na`, e` jii`~ jaang` dsea` 'léeng`-niing`-guir laco` fiir`, jogui` e` jii`~ jaang` dsea` i` ngí` ta` quié` júu` niing`-guir laco`gui` i` dsea` i` casíng`- ír` do. ¹⁷ Jo song ngám`ba` jalé` e` júu` na jogui` jmití`bi` e` iáang` óo`na` cajo, joba` juguiáb`- niliseeng`na` jóng.

¹⁸ Jo dsu` e` fá`a na ja` catíng`- 'nú` lajìng`na`; có` ñi`baa guiá`- i` jaléng` i` nicaguín`-n. Dsu` dseáng`- 'né`-litib` jii`~ laco` fé` fi` ni` jii` quiá`- Fidié` e` cajme` dsea` malí`-gui eáang` lí` fé` lala: “Jaang` lajee` dsea` i` gø` colíng` cóo`~baa lana, ni`ní` níim`-bre jnea`.” ¹⁹ Jo fii`-i` 'nú` e` júu` na lana e` lí` laco` niñi`ba` jéeng` mi` tí` lí` nidsijéé` jalé` e` jo. Jo mi` tí` lí` nilí` lajo, joba` jáb`- nilíng`na` jóng e` jneab` dseáng`- lín`n jii`~ laco` fá`a e` lín`n. ²⁰ Jogui` e` laba` jmitaa` óo`na`, e` doñí` ii` dsea` i` ni`íng` i` dsea` i` sáñ`-n do, joba` ím`bre jnea` cajo; jogui` doñí` ii` dsea` i` íng` jnea`, joba` ím`bre i` dsea` i` casíng` jnea` fi` jmigüi` la cajo.

Mi` cajíng`- Jesús e` Judas Iscariotebing` i` ni`ning`- ír`

(Mt. 26:20-25; Mr. 14:17-21; Lc. 22:21-23)

²¹ Jo mi` cangí` e` cajíng`- Jesús lajo, joba` dseáng`- eáam` fi`í` calíñ`, jo cajíng`- casí`r` i` dsea` guitúung` quiá`r` do jo casí`-reiñ`:

—Elaba` jmitaa` óo`na`, e` jaang` lajee` la`ó` 'nú`bing` i` ni`ning`- jnea` fi` quini` i` dsea` quié` nifí` quiá`- dsea` góo`naa` dsea` Israel.

²² Jo mi` canúu`- i` dsea` guitúung` do e` júu` jo, jo lico` cajøøng`- rúm`bre, jo dsu` ja` calilí`r` i` dseáng`- i` éeng` Jesús do. ²³ Jo jaang` lajee` i` dsea` guitúung` i` iing` Jesús eáang` do dseáng`- cáam` dsea` do guiiñ~, jo lajoba` cuøøm`-sáñ` cóo`~ dsea` do lajee` e` neáaiñ` gø`r`. ²⁴ Jo có` huim`-bigui` guíng` Tú` Simón, joba` cajméer` lí` cóo`~ guóor` quiá`- i` dsea` i` guíng` cáang` Jesús do e` laco` dsea` í` nijming`r` dsea` do i` lajee`- ír` i` éeng` Jesús do. ²⁵ Jo i` dsea` i` guíng` cáang` Jesús do cangoquiéiñ` quiá`-gui laco` guíng` dsea` do, jo lalab cajming`r` dsea` do:

—Fíi`, ¿i` i` dsea` i` julí` na?

26 Jōba' lalab cañí' Jesús quiá' dsea` do:

—Lana nijmi'leaa` cōo` 'ná' jia` iñí', jō` i` i` dsea` i` nicuøø` e jō, íb` i` fá' a na. Jō` dsifí' mi` café' Jesús e júu` jō, jōba' cajmi'leá'bre e iñí' do, jō` i` Judas i` líng' jōo` Simón Iscariote, íb` i` cacuø'r' e jō. 27 Jō` dsifí' mi` ca'íng' i` Judas do e iñí' do, jōba' dsifí' lajōb ca'í' fí' i` 'líng' i` sii' Satanás fí' dsíir'. Jōba' lalab casí' Jesús ír`:

—Lajíi' e nica'í' o' e nijmée'`, jōba' jmeeb` lajminá`.

28 Jō` mi` canúu` i` dsea` i` caguaiang`gui do lajii' e cajíng' Jesús do, ja` cangáin' jiali' cajíng' dsea` do lajō. 29 Jō` cō' ie` jō` i` Judas Iscariote do líiñ' dsea` i` sí'má'` cuu` quiá' Jesús cōo`gui quiá' i` dsea` guitúung` quiá'r', jōba' i` líng' i` dsea` do ca'í' dsíir' e Jesús sí'r' i` Judas do e líng' ee` nidsileáa' dsea` do quiá' e ni'nér` lajiiñ' lajee` jmíi` osi quiá' e nicuø'r' jaléng' dsea` tiñíng' é.

30 Jō` dsifí' mi` ca'íng' Judas Iscariote e iñí' do, jōba' cagüi'í'bre e fí' lí' neáaiñ' do. Jō` nicanuub`.

Júu` laniing` quiá' Dsea` Jmáang`

31 Jō` mi` tí' lí' cangí' e cagüi'í' i` Judas Iscariote do, jōba' lalab casí' Jesús i` dsea` quiá'r' i` cajé'gui do:

—Jō` lanab nicalilí'` 'nú' jial tí' niguó'` líng' Fidiée` mi` calili` jial tí' niguó'` líng' jnea~, dsea` cagá'a fí' ñifí' jō` cagüén` n fí' jmigüi' la e lín'n jaang` dsea` jmigüi'. 32 Jō` song lajōb líi', e jnea` dsea` cagüén` n fí' jmigüi' la lín'n jaang` dsea` jmigüi' e ni'ée` e 'nú' jial tí' niguó'` líng' Fidiée`, jōba' Fidiée` lajōb nijmér` cōo` jnea` cajo, jō` lajee` tab` nijmér` lajō. 33 Jōgui 'nú', dsea` líng'na' jōo`o, e laba' fíi' i` 'nú' e jō` huøø` táang`guíi' cōo'` 'nú' fí' la. Jōgui 'nú' ni'nam'`ba' jnea` jō` dsu' jō` niguiéng'na' jnea`; cō` lí'` laco'gui jii' e nicafíi' i` dsea` Israel caguaiang`gui ie` lamí' jéeng`gui do, jō` lajōb fíi' i` 'nú' lana cajo e ja` cuøøng` nigüilíng'na' fí' lí' niníng'` jnea`. 34 Jō` uing` e jōba' e nicuøøø` 'nú' e júu` laniing` la e ja` mí' cafíi' i` 'nú' lamí' jéeng`gui, jō` e lab e jō: jmi'neáang`na' dsea` rúng'na'. Jō` lí'` laco' la 'neáang` jnea` 'nú', lajōb dseáng'` 'né' jmi'neáang`na' dsea` rúng'na' cajo. 35 Jō` song lajōb jmoo'na' e dseáng'` jmi'neáang`na' dsea` rúng'na', jōba' lajiiim` dsea` nililí'r` jóng e dseáng'` dsea` quié`baa líng'na' song jmoo'ba' lajō.

Mi` cajmée` Jesús júu` e nijíng'` Tú` Simón e ja` cutiñ` dsea` do (Mt. 26:31-35; Mr. 14:27-31; Lc. 22:31-34)

36 Jō` mi` canúu` Tú` Simón lajii' e cajíng' Jesús do, jōba' cajmingí'r` dsea` do lala jō` cajíñ'`:

—Fíi', ¿jie` fí' lí' niguó'`?

Jōba' cañí' Jesús quiá' dsea` do jō` casí'` reiñ':

—Ja` cuøøng` niguøng` 'nu` lana e fí' lí' ninín'`n, jō` dsu' mi` nilicøøng`guijia lajō, jōguiba' e nicuøøng` guøñ'` jóng.

37 Jōba' lalab cañí' Tú` Simón quiá' Jesús jō` casí'r` dsea` do:

—Fíi', ¿jiali'` ja` cuøøng` e ninín'`n cōo'` 'nu` lana? ¿Cō' guiab` dsii' e nijáang'` 'ñiá'`a e nijúun` n e laco' nijmicóo'` o` 'nu'!

38 Jōba' lalab cañí' Jesús quiá' i` Tú` Simón do jō` casí'` reiñ':

—¿Su dseáng'` já'` e nijmée'` e laco' fó' na, Tú` Simón? Cō' lana jmítaa` o' e lajee` e ná'`gui e niquí'` jaang` tuidsée', 'nu` nifo'` 'ní' ya' e ja` cuín'` jnea`.

14

Jesús líiñ' e fí' cōo'` e guilíng` dsea` fí' lí' guing` Tiquiá'r`

1 Jō` mi` cangí' e casíng` Jesús cōo'` i` Tú` Simón do, jōba' lalab casí'`guir i` dsea` quiá'r` do:

—Ja` jmáang` yaang`na' fi'í` 'nú', dsea` já` nicalíng`na' júu` quiá'` Fidiéé`, jogui` ja` jmitúng` óó'na' cóo'` júu` quié`e, co'` 'né` e` jáb`- nilíng`na' cajo. ² Co'` fi'` lí` guíng` Tiquié`e` fi'` ñifí`, féb` joo` e` quiá'` nigüéá` jaléng` dsea` quiá'r` ; cofa'` ja` lí'` lajo, joba'` ja` mí` cafí`-i` 'nú'` jóng e` tí` lí` ninín`^n e` niguiaa`- guiá`- fi'` lí` nigüiní`na'` cóo'` jnea`- fi'` lí` guíng` Tiquié`e` faco'` lajo. ³ Jo` mí` tí` lí` cangí` e` niguiaa`- guiá`- e` fi'` lí` nigüiní`na'` do, joba'` nigáab`'túu` calé'` catú`- fi'` la e` laco'` nitøø`- 'nú'` e` nigüilíng`na'` cóo'` jnea` , jo` fi'` job` nidsi`'ié`ee'` colíng` cóo'` jnea` . ⁴ Co'` niñíb`^ 'nú'` jie`- fi'` lí` ninín`^n jogui` nicuú`'bi'` cajo e` fi'` e` dsijéé` fi'` jo` .

⁵ Jo` mí` cangí` e` cajíng`- Jesús e` júu` jo, joba'` jaang` lajee` i` dsea` quiá'r`- do i` sii` Tomás lalab cañír` quiá'`- dsea` do:

—Fíi`i, ja` ne` jnea`^ jie`- fi'` lí` niguøng`^ 'nú', joba'` çjal` lí` e` nilicuú`'naa'` jnang` e` fi'` jo?

⁶ Joba'` lalab cañír` Jesús quiá'`- dsea` do:

—Jneab` dsea` lín`n e` fi'` e` laco'` cuøøng` nigüilíng` dsea` fi'` ñifí` , jogui` jneab` dseáng`- cuøø`-ø` 'nú'` e` liñí`na'` jalé` júu` quiá'`- Fidiéé`, jogui` jii` jnea`-bi` cuøø`-ø` 'nú'` cajo e` seeng`na'` cøøng` cóo'` Fidiéé` lata` . Jo` jii` la'eéang` cóo'` jneab` cuøøng` e` nigüilíng` dsea` fi'` quini` Tiquí`'ii'` Fidiéé` . ⁷ Jo` song` nicuú`im` 'nú'` guiá`- jnea` lana, joba'` nilicuú`im`'ba'` Tiquié`e` cajo; jo` dsu'` latí` lanab` ninaang` cuíng`na'` dsea` do, co'` nicañím`'ba're.

⁸ Jo` mí` calí` fé'` Jesús e` júu` na, joba'` lalab cañír` jaang`gui` dsea` quiá'r`- i` sii` Lii` do jo` casí'r`- dsea` do:

—Fíi`i, cuøø`- jnea`^ fi'` e` nineeng`naa'` Tiquí`'ii'` dsea` guíng` ñifí` , jo` jii` joba'` mii`'naa'` 'nú'` .

⁹ Joba'` lalab cañír` Jesús quiá'`- i` Lii` do jo` cajíñ`-:

—Lii` , níngóob` eéang` e` seen` jee` 'nú', jo` çsu` ja` mí` calicuú`im`'bi'` jnea`? Dsaco'` jaléng` dsea` i` níng`- jnea` , joba'` i` dsea` í` níim`-bre Tiquié`e` cajo; joba'` çjalí`'` mii` jnea`- fi'` e` laco'` nimáang`na'` Tiquí`'ii'? ¹⁰ Jo` çsu` ja` já`- lín` 'nú'` e` jnea` cøøm` seeng` cóo'` Tiquí`'ii'` jogui` e` Tiquí`'ii'` cøøm` seeíñ` cóo'` jnea` cajo? Co'` jalé'` e` fi`-i` 'nú'` na` ja` fá`'a e` la` tiiñ`- 'ñiá`'a, co'` Tiquí`'ii'` i` seeng` cøøng` cóo'` jnea` do, dsea` íb` i` jmóo` lajii` ta` quiá'` . ¹¹ Jo` 'né` liñí`'ba'` e` jnea` cøøm` seen` cóo'` Tiquí`'ii'` , jogui` lajobi` ír` seeíñ` cøøng` cóo'` jnea` cajo, jo` song` ja` já`- líng`na'` e` júu` jo, joba'` lico'` já`- güilíng`na'` júu` quié`-e` mí` móo`-na'` jalé'` e` jmóo`o. ¹² Jogui` e` laba'` jmitaa` óó'na'` cajo, e` doñí` ii` i` já`- líng` júu` quié`-e, joba'` nijmé`-bre jalé'` e` quí`- jmii` lí` laco'`gui` jii` la` nicajmé`- jnea` cajo; jo` dsu'` sea`'ba'` do e` nijmér`- e` niguø`^gui` eéang` , co'` jnea` ninín`^n e` nijaa`^ cóo'` Tiquí`'ii'` dsea` guíng` ñifí` . ¹³ Jo` jalé'` e` nimii`'na'` Fidiéé` la'eéang` cóo'` jnea` , joba'` jneab` nijmee`-e` jalé'` e` jo` qui`-na'` , jo` lajoba'` nijmiféng` dsea` Tiquié`e` Fidiéé` la'eéang` cóo'` jalé'` e` jmóo` jnea` do. ¹⁴ Jo` doñí` eeb` cuøøng` lí` jmee` jnea` song` camii`'na'` Fidiéé` lajo` la'eéang` cóo'` jnea` .

Mí` cacuø` Jesús júu` e` nisíng`- Fidiéé` Jmiguí` quiá'r`-

¹⁵ Jo` fi`-guí` 'nú'` e` song` dseáng`- lajang`^ júu` 'neéang`na'` jnea` , joba'` nijmée`'ba'` núu`'na'` júu` quié`-e` jóng. ¹⁶⁻¹⁷ Joba'` jnea` nimii`-i` Tiquí`'ii'` dsea` guíñ` ñifí`- e` nisíñ`- Jaang` i` nijmicóo'` 'nú'` , jo` e` job` lí'` Jmiguí` quiá'`- Fidiéé` cóo'` e` cuø'` 'nú'` e` liñí`na'` jalé'` júu` quiá'`- Fidiéé` . Jo` e` Jmiguí` do contøøm` niliseeng` cóo'` 'nú'` . Jo` jaléng` dsea` i` ja` mí` calíng` jnea` , joba'` ja` quí`- jmii` fa'` e` ni'íñ` e` Jmiguí` do, co'` ja` mí` cangár`- o'`gui` cuíir` cajo; jo` dsu'` 'nú'`gui` nicuú`'ba'` e` Jmiguí` do, co'` niseem` cóo'` 'nú'` lana, jogui` tí` lí` nití`- í'` e` niliseem` fi'` áa`na'` cajo.

¹⁸ Jo` fi`-guí` 'nú'` e` ja` quí`- jmii` fa'` niseéan`n` 'nú'` e` lafa'` 'núng`-na'` , co'` nigáab`'túu` calé'` catú`- jo` niliseem`'túu` cóo'` 'nú'` . ¹⁹ Jo` lajee` lab, jaléng` dsea` i` ja` cuíng` jnea` jo` niníng`-guir` jnea` ; jo` dsu'` 'nú'` nimáam`tu'` jnea`

jogui contøøm̄ niliseeng`na' cóo'~ jnea~ cajo, có' seem` jnea~ cóo'~ 'nú' lata~. ²⁰ Jo ie~ job nililí`na' e jnea~ cøøm̄ seen~ cóo'~ Tiquié`e, jogui 'nú' cøøm̄ seeng`na' cóo'~ jnea~, jogui jnea~ cøøm̄ seen~ cóo'~ 'nú' cajo. ²¹ Jogui i dsea` i íng` júu` quié`e jogui jmóor` núu`r~ jalé` e júu` jo, joba' i dsea` í cuø' lí e dseáng`~ lajam`ba' e 'neáaiñ` jnea~, jo lajob Tiquié`e nijmi'neáam`bre i dsea` i jmi'neáang` jnea~ do, jogui jnea~ nijmi'neáam`baa i dsea` í cajo, jogui ni'éé`baare jial dseáng`~ lín`n.

²² Joba' cañí` jaang`gui dsea` guitúung` quiá'- Dsea` Jmáang` i sii` Judas, dsu' o' i Iscariote do, jo casí`r~ dsea` do lala:

—Fíi`i, ¿jiali' e ni'éeng` uø' fí` quini` jnea` jo o' fí` quini` jaléng` dsea` i ja` líng` dsea` góo`naa'?

²³ Joba' cañí` Jesús quiá'- i Judas do jo cajíñ`-:

—Jaléng` dsea` i jmi'neáang` jnea~, joba' jmóo`bre núu`r~ jalé` júu` quié`e; jo Tiquié`e Fidié`e nijmi'neáam`bre i dsea` í cajo, jo lajob Tiquié`e colíng`gui cóo'~ jnea~ cøøm̄ nilisee`naa' cóo'~ i dsea` í. ²⁴ Jogui i dsea` i ja` 'neáang` jnea~, joba' ja` jmóor` núu`r~ jalé` júu` quié`e. Jo jalé`b' e júu` e fá' jnea~ la, o' dseáng`~ júu` quié`e e 'ñiá`a có' e quiá'- Tiquí`baa', jo íb` dsea` i casíng` jnea~ fí` jmigüi` la.

²⁵ Jo fíi` i 'nú' jalé` e júu` la lajee` e táam`bí cóo'~ 'nú' fí` jmigüi` la; ²⁶ jo dsu' mi~ ninín`n fí` ñifí` fí` lí` guíng`~ Tiquié`e, joba' dsea` íb` i nisíng`~ Jmiguí` quiá'r~ cuaiñ` quié`e e laco' nijmicóo'~ 'nú', jo lajoba' niguiéng`~ áa`na' jalé` e júu` e nicafíi` i 'nú' lajee` e nicataang`~naa' colíng`~, jogui ni'é` 'nú' jalé` e 'né` ñi`na' cajo.

²⁷ Jo mi~ tí` lí` nití` í' e ninín`n, joba' nisé`e cóo'~ 'nú' e niliseem`ba' juguiá` cóo'~ Fidié`e. Jogui nicuøø`baa 'nú' laco'gui la seeng` jnea~ juguiá` cóo'~ dsea` do, jo dsu' ja` nicuøø` e jo laco'gui la cuø' dsea` i ja` cúing` Fidié`e. Joba' fíi` guí` 'nú' e ja` jmeáang`~ yaang`na' fí` í` uii` quiá'- jalé` e nidsing`ing`na', o'gui føøng`na' cajo uii` quiá'- jalé` e jo. ²⁸ Jo nicanúu`ba' e nicafíi` i 'nú' lami~ jéeng`gui e ninín`n fí` lí` guíng`~ Tiquí`ii', jo dsu' nigáab`túu jo niliseem`túu cóo'~ 'nú' calé` catú`. Jo faco' dseáng`~ já'- e 'nú' 'neáang`na' jnea~, joba' cali`íáam` óo`na' jóng mi~ caliñí`na' e ninín`n fí` lí` guíng`~ Tiquí`ii' faco' lajo, có' í`bre dsea` níng`~guir laco'gui jnea~. ²⁹ Jo uíng` e joba' e fíi` i 'nú' jalé` e la e lí` laco' mi~ nití` í' e nidsijéé` jalé` e jo, jo lajoguiba' e já'- nilíng`na' jalé` e júu` quié`e do.

³⁰ Jo lana jo` 'ga' lí` síng`~guí cóo'~ 'nú', có' nijaquíem` i fii` i 'líng`^ i quiu` ta~ fí` jmigüi` la, jo dsu' nañí` fa' ja` bí` óo` i fii` i 'líng`^ do e niquiá'r~ jnea~ ta~, ³¹ dsu' lajob dseáng`~ nisí`í' e nidsijéé` e laco' niliñí` jaléng` dsea` jmigüi` e 'neáam`baa Tiquí`ii' jogui e jmóo`o lajúi`~ ta~ e nicaquíu`r` quié`baa.

Jo mi~ cató' e fé' Jesús jalé` e júu` na, joba' cajíñ`- casí`r~ i dsea` guijáng` quiá'r~ do lala:

—Ráang`na' na, jo ma`uøø`-duu' la.

15

Jesús líiñ` e huñng` jø` e jlo` siní`

¹ Jo mi~ cangf`gui lajo, lalab cajíng`~gui Jesús casí`r~ i dsea` guijáng` quiá'r~ do:

—Jnea~ lín`n e huñng` jø` e jlo` siní`, jogui Tiquié`e líiñ` laco' i dsea` jmáng` í` guíá` e huñng` jø` do. ² Jo song cóo` guo` e huñng` jø` quié`e do ja` cuø' mí` huñng` jø`, joba' niquiáb`- Fidié`e e guo` jo; jo dsu' song guíá`-bi cuø' mí` huñng` jø`, joba' Fidié`e ni`iá`-bre jogui nisám`-bre guo` quiá'- e laco' ni`í`-jmiguiá`gui. ³ Jogui 'nú' lana nisiguiú`m`ba' la'eáang` e nica`líng`na' lajúi`~ júu`

e nicafñi i 'nú'. ⁴ Jo güiliseem'bi' cøøng' coling~ cóo~ jnea~ lí' laco'gui la seeng' jnea~ cøøng' coling~ cóo~ 'nú'. Cofa' coo' guáng' quiá'- mí' huing' jó' ja' qui'- jmñi' ni'ñia' song si'naam' e guáng' do quiá'- e huing' quiá'-; jo lajob lí'gui cóo~ 'nú' cajo, ja' qui'- jmñi' nijmee'na' e guiá- song ja' seeng'na' cøøng' coling~ cóo~ jnea~.

⁵ Jo fñi' túu 'nú' e jneab~ lín'n e huing' jó' do, jogui 'nú' líng'na' guáng' quiá'- e huing' do. Jo doñi' ii' dsea' i seeng' cøøng' cóo~ jnea~, joba' jnea~ seem~baa cøøng' cóo~ ír' cajo, joba' eáam' íng' ta~ jalé' e jmóor'; cofa' ja' seeñ' cøøng' cóo~ jnea~, joba' jii'~ coo' e guiá- ja' ee' quí'r~ jmñi' jmér' jóng. ⁶ Co' i dsea'gui i litung~ dsí' e seeñ' cøøng' cóo~ jnea~, joba' i dsea' í ni'nám'bre cóo~ jnea~, joba' ni'ím- quiá'r- lí' laco'gui mí' liquiññ' e guáng' e si'naang' quiá'- e huing' jó' do, jo sitím' jalé' e jo, jo niné- fí lí' nicób' jóng.

⁷ Jogui song 'nú' ja' tú'na' e seem'ba' cøøng' coling~ cóo~ jnea~ jogui e teáb' teáng'na' cóo~ júu' quié- e cajo, jo song lajob jmoo'na', joba' mí'na' jnea~ ee' iing'na' jo lajob nilí. ⁸ Jogui mí' 'nú' eáam' íng' ta~ jalé' e jmoo'na', jo e joba' cuø' lí' e líng'na' dseáng'- lajang'- dsea' quié- e, joba' nijmiféng' dsea' Tiquié' e Fidié' dsea' guing~ ñiff'. ⁹ Jo jnea~ eáam' 'neáan' 'nú' lí' laco'gui la 'neáang' Tiquí'ii' jnea~; joba' fñi' i 'nú' e güiliseem'bi' e ñí'na' jial tí' e 'neáan' 'nú'. ¹⁰ Jo song 'nú' núu'ba' jalé' júu' quié- e, joba' seem'ba' e 'neáam'bí' 'nú' jóng lí' laco'gui la jmoo' jnea~ núu'~u' lajii' júu' quiá'- Tiquié' e, joba' seem~baa e jmi'neáang' Tiquié' e jnea~.

¹¹ Jo fón'n 'nú' lana e lí' laco' nili'íáang' áa'na' laco'gui e íáang' dsi' jnea~, jogui e dseáng'- la iéb' nili'íáang' óo'na' cajo lí' laco' catíng- e líng' dsea' quié- e. ¹² Jogui fñi' túu 'nú' e júu' quié- e e 'né- líti' do, jo e lab e júu' jo: 'né- nijmi'neáam'ba' dsea' rúng'na' lí' laco'gui jnea~ jmi'neáan' 'nú' lajaang' lajaang'na'. ¹³ Jo e jmi'neáang' dsea' rúñ' e laniing~gui eáang' lí' mí' jáng' 'ñia'r' e laco' nijmicóo'r~ dsea' seeng' røø' cóo'r~ nañi' song cajúñ' dsu' uí' e cajméer' lajo. ¹⁴ Jo song núu'ba' jalé' júu' quié- e e nicafñi' i 'nú' e 'né- jmee'na', joba' dsea' seeng' røø' cóo~ jneab~ líng'na' jóng. ¹⁵ Jo lana jo' líng'na' dsea' i lico' jmoo' ta~ quié- e, dsuco' i dsea' la'í jii'~ ja' ñir' e~ uiing~ e ta~ e jmóor' quiá'- i fíir' do. Dsu' lana nilíng'na' dsea' seeng' røø' cóo~baa, co' nicacuøø'baa 'nú' e nicaliñi'na' jalé' e júu' e ca'ín'n quiá'- Tiquié' e. ¹⁶ Jogui o' 'nú' dsea' caguíng'na' jnea~ e quiee- nifi' quií'na', dsuco' jneab~ dsea' nicaguín'n 'nú' e laco' ni'uíng'na' dsea' quié- e, jogui nicacuøø' 'nú' ta~ e nigüilíng'na' nigüijmee'na' jmang'- e nili'íng' ta~ quií'na' lata~. Jo lajoba' Tiquí'ii' Fidié' nicuø'bre 'nú' jalé' e nimí'na're la'eáang' cóo~ jnea~. ¹⁷ Jo e lab e fñi' túu 'nú' do calé' catú- e 'né- nijmee'na': nijmi'neáang'na' dsea' rúng'na'.

'Ní' níng- dsea' Jesús cóo'gui jaléng' dsea' quiá'r-

¹⁸ Jo fñi' guí' 'nú', dsea' quié- e, e ja' güidsigá' óo'na' e 'ní' níng- jaléng' dsea' jmigüí' 'nú', dsu' güiliñi'na' guiá- e jnea'bing' la'uii' i calí' 'ní' níng- jaléng' dsea' do. ¹⁹ Co' faco' 'nú' líng'na' dsea' jmigüí' i ja' cuíng' jnea~, joba' nijmi'neáam' jaléng' i dsea' í 'nú' jóng lí' laco'gui la jmi'neáang' rúñ' la'ó' yaaiñ~. Jo dsuco' jneab~ dsea' caguín'n 'nú' jee~ jaléng' dsea' jmigüí' i ja' cuíng' jnea~ e laco' ni'uíng'na' dsea' quié- e, jo uí' e lajoba' e jaléng' i dsea' í ni'ní' níñ' 'nú', co' 'nú' jo' líng'na' laco' ír'. ²⁰ Jo téé' áa'na' lajii'~ e nicafñi' i 'nú' do: "Jii'~ jaang' dsea' jmoo' ta~ niing~guir laco' fíir'." Jo quie'na' cuente e gab' nijmeáng' dsea' jnea~, joba' lajob nijmeáng' dsea' 'nú' cajo; jogui song ja' mí' calinúu'r~ júu' quié- e, joba' lajob ja' nilinúu'r~ júu' quií'na' cajo. ²¹ Jo jaléb' e ga' na' nijmeáñ' 'nú' uí' e líng'na' dsea' quié- e, jo nijmér- lajo co' ja' cuíñ' i dsea' i casíng' jnea~ fí' jmigüí' la.

22 'Jo faco' mi~ jnea~ ja` cagüén~n fí jmigüi~ la e caga'ée~ e dsea` jmigüi~ júu^ quiá~ Fidiée~, joba' ja` calilí'r^ jóng e líiñ' dsea` røøng` dsee~ faco' lajo; jo dsuço' lanagui nicagüém~ baa fí' la e quíe~ júu^ quiá~ Fidiée~, joba' jo` cuøøng` lí fé'r` náng e ja` dsee~ røøiñ, co' dseáng'~ lajob líiñ'. 23 Jo jaléng' dsea` i` 'ní' níng~ jnea~, joba' la quíe' Tiquié^ e dsea` guíng~ ñiff~ 'ní' níñ~ cajo. 24 Jo ja` dsee~ røøng` dsea` jmigüi~ faco' mi~ jnea~ ja` cajmé~ e jee~ ír` jalé' e quí~ i` jmi~ e cajmé~ e e jí~ jaang` dsea` jiénng' ja` quí~ r~ jmi~ mi~ cajméer'. Jo ja` ee` lí' e nicangáb~ jaléng' i` dsea` i` jalé' e quí~ i` jmi~ do, jo dsu' mí' 'noo'bi` 'ní' níñ~ jnea~ jogui` 'ní' níñ~ Tiquié^ e cajo. 25 Jo dsijéé' jalé' e na, co' dseáng'~ 'néb~ líti` lají~ laco' tóo' fí' ni` ji` quiá~ Fidiée~ e cajme' dsea` malí~ gui eáang' lí' fé' lala: "Eáang' calí~ 'ní' níng~ dsea` jnea~ e jí~ ja` uíng~ sea`."

26 'Jo dsu' mi~ niguiéng'~ túu fí' ñiff~, joba' nisín~ n e Jmiguí quiá~ Tiquí'ii' Fidiée~ e sñiñ' e laco' nijmicóo'~ 'nú'; jo e Jmiguí dob cajo e ni'é~ 'nú' jalé' e ja` jogui e nifé' uii~ quíe~ e jalé' e ní' e jmóo'o. 27 Jogui` 'nú' cajo dsea` catíng~ na' e nifo^na' uii~ quíe~ e fí' quini~ dsea` jmigüi~, co' conrøøb` nicalisé'naa' jí~ ie~ latí' mi~ calicuíng' rú'naa' do.

16

1 'Jo fí~ i` 'nú' jalé' e júu^ la e lí' laco' ja` nilitúng~ óo'na' e ja` líng'na' júu^ quíe~ e. 2 Co' jaléng' dsea` góo'naa' dsea` Israel ni'uóñ~ 'nú' fí' dsí' guá~ quí'naa', jo jí'gui niguiéé' jmi~ e doñí' i~ dsea` i` nijngáng'~ 'nú' ni'í~ dsíir' e lajoba' e jmitir~ ta~ fí' quini~ Fidiée~ fíng song cajméer' lajo. 3 Jo nijmér~ jalé' e na uí~ e ja` mí' calicuíim~ bir jnea~ o'gui mí' calicuíiñ' Tiquí'ii' dsea` guíng~ ñiff~ cajo. 4 Jo fí~ i` 'nú' lana e lí' laco' mi~ nití~ í' e nidsijéé' jalé' e jo, joba' niguiéng' áa'na' e nicafí~ baa 'nú' jéeng'gui e nilí' lajo.

Lají~ ta~ óo' Jmiguí quiá~ Fidiée~

'Jo ja` mí' cafí~ i` 'nú' jalé' e na latí' mi~ uíng~, co' lajee~ jo táam` jnea~ cóo'~ 'nú'. 5 Jo dsu' lanagui ngóo' catí~ í' quíe~ e e ninín'~ túu fí' ñiff~ e nijaa` cóo' i` dsea` i` casíng` jnea~ fí' jmigüi~ la, jo jí~ jaang' 'nú' ja` mí' cajmingí~ na' jnea~ jie~ fí' lí~ ninín'^n. 6 Jogui` 'nú' lí' lí' jmoo'na' fí' íb^ dsu' fí~ i` 'nú' jalé' e júu^ na. 7 Jo dsu' dseáng'~ jáb~ júu^ e fí~ i` 'nú' la, e guíá~ gui ni'uíng~ quí~ na' e niním'^baa. Co' fíng song ja` ninín'^n, joba' ja` quí~ jmi~ jóng e nigüéeng~ i` nijmicóo'~ 'nú' fí' jmigüi~ la, jo dsu' mi~ niguién'~ n fí' ñiff~, joba' jneab~ dsea` nisín'^n i` nijmicóo'~ 'nú' fí' jmigüi~ la. 8 Jo mi~ nigüéeng~ í', joguib nijmitar~ dsí' dsea` jmigüi~ jalé' dsee~ quíiñ'~ joguib jial lí' e seeng' dsea` e ja` éer' dsee~, jogui cajo jial í' Fidiée~ í' laco' catíng~. 9 Jogui e Jmiguí do nijmita~ dsí' dsea` e líng' dsea` i` røøng` dsee~ uí~ e ja` ja` líiñ' júu^ quíe~ e; 10 jogui e Jmiguí do cajo nijmita~ dsí' dsea` e jnea~ ja` røøn~ dsee~ co' niníng'^ túu cóo'~ Tiquí'ii' Fidiée~ jo jo` nimáang~ gui' jnea~ fí' jmigüi~ la. 11 Jogui cajo e Jmiguí quiá~ Fidiée~ doba' nijmita~ dsí' dsea` jmigüi~ e nica'í~ b~ Fidiée~ í' laco' catíng~ quíá~ fí~ i` 'líng'^ i` quí~ ta~ fí' jmigüi~ la, co' dseáng'~ latab~ ni'íñ' iihuí'.

12 'Jo jmigui~ bi jalé' e sea` nifí~ i` 'nú', dsu' ja` nifí~ i` 'nú' jalé' e jo dseáng'~ lana e lí' laco' ja` ni'uíng~ jmigui~ quí~ na'. 13 Jo dsu' mi~ tí' lí~ nigüéeng~ e Jmiguí quiá~ Fidiée~ do jee~ 'nú', joba' e job e nicá' jmang'~ júu^ ja` quí~ na', jogui e job cajo e ni'é~ gui' 'nú' jalé' e ja` mí' cafí~ i` 'nú' lana; co' ja` nifé' jí~ laco' í' dsí' 'ñia' e Jmiguí do, co' lají~ júu^ e ni'íng' quiá~ Fidiée~, jí~ joba' e nifé'; jogui cajo ni'é~ 'nú' e~ jalé' e nidsijéé' fí' jmigüi~ lajee~ lí' dsé'gui. 14 Jo e Jmiguí do nifé' guíá~ uii~ quíe~ e, co' nicuó'~ 'nú' lají~ e ni'íng' quíe~ baa e laco' niliñ'na' jalé' e jo. 15 Jo lajib` jalé' e sea` quíá~ Tiquí'ii' e quíe~ baa lí' cajo, jo uí~ e lajoba' e fá'a e lajalé' e júu^ e ni'íng' e Jmiguí do jáa' fí' quíe~ baa, jo jaléb' e jo nicuó'~ 'nú' e ningáng'na'.

16 'Jo fíi~guíi 'nú' cajo e jo` huóø- táang`guíi jee~ 'nú', joba' jo` nimáang`gui' jnea~; jo dsu' mi~ ningí`guijiu lajo, joba' nimáam`tu' jnea~ calé' catú-.

Cateá'ba' e calíng`dsea`guijáng`quíá'- Jesús fí'í'

17 Jo mi~ canúu- i dsea`guijáng` do lajii~ júu^ e cajíng'- Jesús do, joba' canaaíñ`jmíngí'- rúíñ' la'ó' yaaíñ` jo sáíñ`:

—¿E~gui guóng' e fé' i Fí'naa' na mi~ jíñ'- e jo` huóø- dsé- e táang`guir fí' jee~ jneaa`aa', joba' jo` nineeng`guí're, jo dsu' mi~ ningí`guijiu lajo, joba' nineem`túu're calé' catú-? jogui ¿e~gui guóng' e jíñ'- e nidséíñ'- fí' lí' guíing` Tiquíá'r' fí' ñíff'-? 18 Jogui cajo, ¿e~gui guóng' e jíñ'- e jo` huóø- dsé- e táang`guir jee~ jneaa`aa'? Jo lana dseáng'- jíi~ capí^ ja`ngáng'naa' e` guóng' jalé' e fé'r' na.

19 Jo dsifib' calilí^ Jesús e i dsea`quíá'r- do líim~ ee`iíñ` nijmíngí'r- dsea` do, joba' lalab cañíir`quíá'- i dsea`quíá'r- do jo cajíñ'-:

—Jnea~ nicafíi~ i 'nú' e jo` huóø- dsé- e máang`gui' jnea~ fí' jmíguí' la, jo dsu' mi~ ningí`guijiu lajo, nimáam`tu' jnea~ calé' catú-. Jo ¿su e nab e iing`na' e ñí'na' do e` guóng'? 20 Jo dsu' jnea~ jmítaa^ óó'na' e mi~ tí' lí' nití- e í' jo, joba' eáam' fí'í' nilíng`na' jóng co' jì'gui cartí' niquí'ba', jogui ie~ jo jaléng' dsea` i ja` cuíng` jnea~ eáam' nijmí'íáang` dsíir'. Jo dsu' 'nú'gui cateá'ba' nilíng`na' fí'í' ie~ jo, co' cóo~ e joba' nijmé- e nilí'íáang`tu' óó'na'. 21 Co' e la lí' laco'gui mi~ jaang`dseam' íñ' iihuí' lajee` dsea`jmohuí' quiá'r- e liseeng`jiuung`quíá'r-; jo dsu' dsifí' mi~ caliséng` i yuu~ do quiá'r-, joba' íim- dsíir' lajii~ e iihuí' e ca'íñ' do, co' eáam' jmi'íáang` dsíir' dsu' uíi~ e nicaliséng` i yuu~ do quiá'r-. 22 Jo lajob líng` 'nú' fí'í' lana, jo dsu' mi~ nimáang`tu' jnea~ calé' catú-, joguiba' nilí'íáang` áa'na' dseáng'- laco' sí'í^, jo e jo jíi~ jaang` cuóøng` lí' jé'gui quíi'na' e íáang` óó'na' do.

23 Jo ie~ jmí~ jo, jo` e nijmíngí'~gui' jnea~ jíi~ coo~; co' e já'-ba' e fíi~ i 'nú' e ie~ jo Tiquí'ii' nicuó'-bre 'nú' jalé' e nimí'na're la'eáang` cóo~ jnea~. 24 Jo dsu' latí' lana, jíi~ coo~ ja` ee' mí' camí'na're la'eáang` cóo~ jnea~; jo dsu' mí'na're joba' niñíim`ba', jo lajoba' nilí'íáang` óó'na' dseáng'- laco' sí'í^.

Jial laniing`'gøng`Dsea`Jmáang`

25 Jo nicafíi~ i 'nú' jalé' júu^ e huíng`jiu ngáng'na', jo dsu' tí' lí' nití- í' e jo` nifóng`guíi 'nú' cóo~ jalé' e júu^ jo, co' ie~ jo dseáng'- condséeb' nifíi' 'nú' cuaiñ`quíá'- Tiquí'ii' dsea`guiing` ñíff-. 26 Jo mi~ nití- e í' jo, 'nú' nimí'na're e nijmicóo'r' 'nú' la'eáang` cóo~ jnea~; jo ja` fá' jnea~ e nimí' i Tiquí'ii' uíi~ 'nú', 27 co' ñíab' Tiquí'ii' 'neáaiñ' 'nú' cajo uíi~ e 'neáam`ba' jnea~ jogui e já'- nilíng`na' e Fidié` dsea` casíiñ` jnea~ fí' jmíguí' la cuaiñ`quíá'r-. 28 Co' fí' lí' guíing` Tiquí'baa' cajú- u mi~ caguén`n fí' jmíguí' la, jo dsu' lanagui nitá'baa' fí' la e laco' niníng`túu' fí' lí' guíiñ` fí' ñíff-.

29 Jo mi~ cangí e cajíng'- Jesús lajo, joba' lalab cajíng'- i dsea`guijáng`quíá'r- do jo casí'r- dsea` do:

—Jo lanaguiba' fó' 'na' condséé' dseáng'- laco' la ngáng'naa' náng. 30 Jogui lana nine`baa' cajo e lajib` ní' 'na', joba' jo` 'né' fa' íi' nijmíngí'-gui' 'na', co' cóo~ jíi~ e júu^ nab nijáb'- lí'naa' e Fidiéeb` dsea` casíiñ` 'na' fí' jmíguí' la cuaiñ`quíá'r-.

31 Joba' cañíi` Jesús quiá'- i dsea`quíá'r- do jo casí'-reiñ':

—Jo ¿su lanaguiba' já'- nilíng`na' lajii~ júu^ e fíi~ i 'nú'? 32 Jo dsu' lana dseáng'- ngóo' catí- í' e nináng`sojóng`na' lajaang`lajaang`na' fí' la fí' na, joba' 'ñíá'baa' nitiúung`guíi. Jo dsu' e já'- e ja` 'ñíá'a' seen`cajo, co' seem` Tiquí'ii' colíng` cóo~ jnea~ contøøng-. 33 Jo fíi~ i 'nú' jalé' e júu^ la e lí^ laco' niliseeng`na' juguíá- júu^ røø' la'eáang` e seeng`na' cøøng` cóo~ jnea~; jo 'nú'

fí jmiǵüü la ni'ling'na' iihuí, jo dsu' ja` jmitúng^ ó'na' uí~ e jo, co' jnea~ nicalí'baa fii~ i 'ling' i ngí ta~ jmiǵóøng` dsea` fí jmiǵüü la.

17

Mi~ camí Jesús uii~ quiá~ dsea` quiá'r~

¹ Jo mi~ cangí e café' Jesús jalé' e júu^ jo fí quini~ dsea` guiáng` quiá'r~, joba' caséer` nir~ fí yá'^ jmiǵüü jo cajíñ~ lala:

–Teaa~, lanab catí í' quié~e, joba' jmi'goo' jnea~ e lí'^ laco'gui jnea~ nijmi'goo~ 'nu'. ² Co' 'nu' nicacuóø~ jnea~ e oo~ ta~ jee~ jaléng' dsea` jmiǵüü e laco' jaléng' dsea` quií~ i nicacuóø~ jnea~, nicuóø^øre e niliseeiñ` cøøng` cóo~ 'nu' lata~. ³ Jo niñíñ e seeiñ` cøøng` cóo~ 'nu' lata~ fing song calicuíñ` 'nu' jogui caliñir' e jíí~ 'nu' dsea` lin' Fidié~ i já~, jogui fing song calicuíñ` jnea~ cajo e lín'n Dsea` Jmaang~ i casíng` 'nu' fí jmiǵüü la.

⁴ Jo jnea~ nicajmi'goo~baa 'nu' jee~ jaléng' dsea` jmiǵüü, co' lana nicalám'baa lajíí~ ta~ quié~e e casín' jnea~ e cagajmée' e fí jmiǵüü la. ⁵ Joba' fón'n 'nu' lana, Teaa~, e nijmi'goo' jnea~ mi~ niguién' túu fí cáan' na lí'^ laco'gui la jmi'goo' 'nu' jnea~ fí ñiff~ quií~ lajíí~ ie~ mi~ ná~gui e catiroo~ jmiǵüü.

⁶ Jo jaléng' dsea` i caguíng' 'nu' jee~ jaléng' dsea` jmiǵüü e laco' ca'uíñ~ dsea` quié~e, joba' nicajmé~baa e nicalíñir' i~ dseáng' líng' 'nu'. Jo lajíng` dsea` i cacuóø~ jnea~ do, dsea` quií~ba' líñíñ, jogui lana nicalím'bre jalé' júu^ quií~. ⁷ Joba' lana jaléng' i dsea` quié~e do niñir' e jalé' e nicalíng' jnea~, 'nu' dsea` nicacuóø~ jnea~ e jo, ⁸ co' nicaní~baa jee~ jaléng' i dsea` quié~e la jalé' júu^ e ca'ín~n quií~, jo nicalím'bre jalé' e júu^ jo. Jo dsea` do nicalíí~bre e dseáng' 'nu' dsea` casín' jnea~ fí jmiǵüü la, jogui dseáng' jáb~ líñíñ cajo e gáa' jnea~ fí lí' guíng' 'nu' fí ñiff~.

⁹ Jogui lana mii' i 'nu' uii~ quiá~ jaléng' i dsea` í; jo dsu' ja` mii' i 'nu' uii~ quiá~ jaléng' dsea` jmiǵüü i ja` líng' dsea` quií~, dsu' jíí~ dsea` i cacuóø~ jnea~ dobing' i mii~ uii~ quiá~, co' jíí~ í'bing' i líng' dsea` quií~. ¹⁰ Jo e quií~ 'nu' lajalé' e sea` quié~e jogui e quiéb~ jnea~ lajalé' e sea` quií~, jogui la'eáang' i dsea` la nijnéng` jial tí' niguó'^ lín'n.

¹¹ Joba' fii~guí 'nu', Teaa~, jo nija'gui jnea~ fí jmiǵüü la, dsu' jaléng'gui i dsea` quié~e la nijé~bir fí jmiǵüü la lajee~ e niníng'^ jnea~ e nijaa~ cóo~ 'nu'. Jo co' 'nu' dsea` güean'^, joba' mii' i 'nu' e nijmée'^ í i dsea` quié~e la la'eáang' cóo~ e 'gøñ' do lí'^ laco'gui e nicacuóø~ jnea~ e 'gøñ'n cajo, jo lajoba' niliseeng' i dsea` quié~e la cøøng` cóo~ jneaa~aa' lí'^ laco'gui la seeng' 'nu' cóo~ jnea~ dseáng'~ conrøø. ¹² Jo lajee~ e nicataan~n fí jmiǵüü la cóo~ jaléng' i dsea` quié~e la, nicaneb'~ nii~re jogui nicajmé~baare í la'eáang' cóo~ e 'gøng' quií~ lí'^ laco'gui e nicuóø~ jnea~ e lín'n. Jo jíí~ jaang' i dsea` quié~e la ja` mí' ca'naaiñ` cóo~ jnea~, dsu' dseáng' jíí~ i jaang' i nijáng' jnea~ fí jaguó' jaléng' dsea` i 'ní' níng~ jnea~, jíí~ í'bing' i nica'naang' conguaí, jo dsu' nicalí~ lajo e lí'^ laco' niliti~ lajíí~ e tóo' fí ni~ jí' quií~ii' e cajme' dsea` malí~gui eáang'.

¹³ Jo lanagui catí í' e ninín'^n fí lí' guíin'; jo dsu' jalé' e júu^ e fá'a la, fá'a lajee~ e táam'bí fí jmiǵüü la e lí'^ laco' jaléng' i dsea` quié~e la nilí'íáang' dsíir' dseáng' laco' sí'í lí'^ laco'gui la íáang' dsii~ 'ñiá'a cajo. ¹⁴ Jo jnea~ nicaníí~baa júu^ quií~ jee~ i dsea` quié~e la, jo dsu' jaléng' dsea` jmiǵüü i ja` cúing' 'nu' 'ní' níim~bre jaléng' dsea` quié~e la, co' jaléñ' la ja` jíí'r~ jalé' e 'lí' e sea` fí jmiǵüü la o'gui jnea~ jíí~ i jalé' e jo cajo. ¹⁵ Jo dsu' ja` mii' i 'nu' e laco' ni'uøøñ~ i dsea` quié~e e fí jmiǵüü la, co' lajíí~ e mii' i 'nu' e nijmée'^ í í'bre e laco' ja` nijmiǵóøng' i 'ling' ír'. ¹⁶ Jo lí'^ laco'gui jnea~ ja` jíí~ i jalé' e 'lí' e sea` fí jmiǵüü la, joba' lajob líng' i dsea` quié~e la cajo, co' ja` jíí'r~ jalé' e jo. ¹⁷ Jo mii'~guí 'nu' e

nijmigüeang' i dsea` quié` e la e laco' nijmér` lajii` ta` e niquiá'` quiá'` bre la'eáang` e nica'íñ'` jalé'` júu` quií'`. 18 Jo lí'` laco'gui` 'nu` casín'` jnea` jee` jaléng'` dsea` i ja` cuíng'` 'nu` fí'` jmigüi` la, joba'` lajob` jnea` cajo` nisín` n` i dsea` quié` e la jee` jaléng'` dsea` i ja` cuíng'` 'nu`. 19 Jo nijáang'` 'ñiá'` a e nijmee` e lajii` e iing` 'nu` e lí'` laco' i dsea` quié` e na nijáng'` yaaiñ` e nijmér` lajii` e iing` 'nu`. Jo nilí'` lajo` la'eáang` cóo'` e já'` líng'` i dsea` quié` e la jalé'` júu` quií'`.

20 Jo ja` mii'` i 'nu` dseáng'` jii` uii` quiá'` i dsea` quié` e la, co'` lajob` cajo` mii'` i 'nu` uii` quiá'` jaléng'` i ná` gui` i nijá'` líng'` júu` quié` e mi` tí'` lí'` ninúr` e júu` e ni'` i dsea` quié` e la. 21 Jo mii'` i 'nu` e jaléng'` i dsea` í` niliseeiñ` dseáng'` cøøng` lajee` la'ó'` rúíñ'` e laco'` ni'` uiiñ` lafa'` jaang` dsea` la'eáang` e seeiñ` cøøng` cóo'` jneaa` aa', Teaa~, lí'` laco'gui` seeng` 'nu` cøøng` cóo'` jnea` jogui` jnea` seen` cøøng` cóo'` 'nu`. Jo mii'` i 'nu` e güiliseem` bre cøøng` lajo` la'ó'` ír` lí'` dseáng'` laco'` si'í', jo lajoba'` nilijá'` líng'` jaléng'` dsea` jmigüi` e 'nu` b` dsea` casín'` jnea` fí'` jmigüi` la. 22 Jogui` nicacuøø` baa` jaléng'` i dsea` quié` e la e niligüeiñ` lí'` laco'gui` 'nu` nicacuøø'` jnea` e nicaligüean` n, jo lajoba'` i dsea` quié` e la ni'` uiiñ` lafa'` jaam` dsea` lí'` laco'gui` la líng'` jnea` cóo'` 'nu` e jaam` dsea` lí'` i: 23 jogui` niliseeng` jnea` cøøng` cóo'` ír` jogui` 'nu` cøøng` cóo'` jnea~, jo lajoba'` ni'` uíng` lajiiñ'` do dseáng'` lafa'` jaam` dsea~, jo lajoba'` nilí'` jaléng'` dsea` jmigüi` e 'nu` b` dsea` casín'` jnea` fí'` jmigüi` la, jogui` e eám'` 'neáan'` re cajo` lí'` laco'gui` la 'neáang` 'nu` jnea`.

24 Jo mii'` guí'` 'nu`, Teaa~, co'` 'nu` b` dsea` cacuøøñ` jnea` jaléng'` i dsea` quié` e la, joba'` iing` jnea` e seem` bre cøøng` cóo'` jnea` fí'` lí'` niní'`, jo lajoba'` ninír` jial` tí'` niguol` lí'` n` n, jo e job` e cacuøø'` 'nu` jnea` do. Co'` lajii` lí'` ba'` e 'neáan'` 'nu` jnea~, co'` lajii` latí'` mi` ná'` gui` e catiroo` jmigüi` ba'` e jmoo'` lajo` cóo'` jnea`. 25 Teaa~, dseáng'` e eám'` guiúng` 'nu`, jo fí'` m'` dsea` i seeng` fí'` jmigüi` la ja` cuíñ'` 'nu`; jo dsu'` jnea` dseáng'` lajam'` cuín` n` 'nu`, jogui` niñi` bi` jaléng'` i dsea` quié` e la e 'nu` b` dsea` casín'` jnea` fí'` jmigüi` la. 26 Jogui` nicacuøø` baar` e caliñir` i` dseáng'` líng'` 'nu`, jogui` mi'` 'noo` bi` nifí'` ire lajo` cajo` e laco'` nijmi'` neáang` rúíñ'` lí'` laco'gui` la 'neáang` 'nu` jnea~; jogui` lajoba'` niliseeng` jnea` cøøng` cóo'` ír` cajo.

18

Mi` casang'` dsea` Jesús

(Mt. 26:47-56; Mr. 14:43-50; Lc. 22:47-53)

1 Jo mi` cangí` e casíng` Jesús cóo'` Tiquiá'r`, joba'` cagüi'` i` bre colíng` cóo'` i dsea` guiáng` quiá'r` do e fí'` dsí'` 'nu` tú` fíng` do, jo cangolíñ` lí'` lí'` ngóo'` lí'` iá` coo` í'` e sii` Cedrón. Jo mi` catáñ` lí'` lí'` ngóo'` e í'` do, jo caguilíñ` fí'` coo` dsí'` iá`, jo fí'` job` ca'í'` Jesús colíng` cóo'` i dsea` quiá'r` do. 2 Jogui` i Judas Iscariote i nicanaang` 'níng` Jesús do, guiáb` cuír` e fí'` dsí'` iá` jo, co'` lamí` jéeng` gui` jmigui` b` yá'` caseáng'` Jesús cóo'` i dsea` quiá'r` do e fí'` jo. 3 Jo fí'` job` caguié` Judas Iscariote ie` jo, jo nijéiñ` i fí'` ng'` 'léé` quiá'` dsea` romano cóo'` gui` coo'` tú` míng'` dsea` i néé` ni` guá'` quiá'` dsea` Israel i casíng` fí'` jmidsea` quiá'` dsea` do colíng` cóo'` i dsea` góor` i líng'` dsea` fariseo cajo. Jo jaléng'` i dsea` do quier` jalé'` ñisú'` cóo'` gui` jalé'` quí'` e coo'` e laco'` cuo'` j'` e jné'r`. 4 Jo co'` niñi` bi` Jesús jalé'` e tí'` lí'` nidsingíñ` do, joba'` mi` calilí'r` e caguilíng` i dsea` do fí'` jo, joba'` casíng'` 'ñia'r` tí'` quini` gui` laco'` la teáang` i dsea` quiá'r` do, jo lalab` cajmingí'r` i dsea` i caguilíng` do jo cajíñ'`:

—¿I` ñilíng` na'` 'náng'` na'` fí'` la?

5 Joba'` cañi'` i dsea` do quiá'` Jesús jo cajíñ'`:

—Jesús i seeng` fí'` Nazaret 'néng'` naa'.

Joba'` cañi'` Jesús quiá'ñ'` do jo casí'r` dsea` do:

—Jnea~bi dsea` í.

Jõ ie~ jõ dob quíng~ Judas Iscariote jee~ i dsea` i caguilíng~ tóø` Jesús do. ⁶ Jõ mi~ tí lí~ cajíng~ Jesús e íbre siir` lajõ, jõba' lajím` i dsea` i caguilíng~ do cató~ yaaiñ~ ladsifí lana cartí caneáíñ~ uó~. ⁷ Jõ mi~ cangí jõ, Jesús cajmingí~ tur i dsea` do jõ casí~ reiñ':

—¿Ii` dseáng~ i 'náng`na' fó`na'?

Jõba' caíi`tu i dsea` do quiá~ Jesús jõ cajíñ~:

—Jesús i seeng` fí Nazaret 'néng`naa'.

⁸ Jõba' Jesús caíi`tur quiáíñ~ do calé` catú~ jõ casí~ reiñ':

—Jõ nicafí~ baa 'nú` e jneab~ dsea` í, jõ song jneab~ dsea` 'náng`na', jõba' cuóø`ba' fí i dsea` quie~ e la e nidsiliñ`.

⁹ Jõ café` Jesús e júu` na e lí` laco' caliti~ lajii~ júu` quiá~r` e café`r` lamí~ jéeng`gui mi~ cajíñ~ lala: “Tea~, jaléng` i dsea` quií~ i cacuóø`n~ jnea~ do, jii~ jaang` ja` ii` ca`naang` cóo~ jnea~.” ¹⁰ Jõ dsifí lanab cagui` Tú` Simón ñisú` e quier` ie~ jõ, jõ caquiú`r` cataang` logua~ dsée` quiá~r` jaang` dseañú` i sii` Malco i nilíng` dsea` 'léeng` quiá~ i jmidsea` i laniing~ ie~ jõ. ¹¹ Jõ mi~ cangá~ Jesús quiá~r` lajii~ e calí~ do, jõba' lalab casí~r` Tú` Simón jõ cajíñ~:

—Tú, te`tu` ñisú` quií~ eáang` quiá~, có` Tiquié`baa i cuó` jnea~ e iihuá' la, jõba' 'né~ ni`ím~baa jii~ laco' e nicuó~r`.

Mi~ cangojgeáaiñ` Jesús fí` quini` jaang` jmidsea` i sii` Anás

(Mt. 26:57-58; Mr. 14:53-54; Lc. 22:54)

¹² Jõ mi~ cangí jõ, jaléng` i 'lée~ do cóo~gui i fi~ quiá~r` do colíng~gui cóo~ i dsea` Israel i néé` ni~ guá~ quiá~r~, casam~bre Jesús jõ ca`ñú`r` guoo` dsea` do. ¹³ Jõ la`uii~ cangojgeáaiñ` dsea` do fí quiá~r` jaang` jmidsea` i sii` Anás, có` í nilíiñ` ngoo~ quiá~r` i jmidsea` i sii` Caifás ie~ jõ, jõ i Caifás do líiñ` jmidsea` laniing~ quiá~r` dsea` Israel ie~ jii~ jõ. ¹⁴ Jõ i jmidsea` Caifás lab cajo, lamí~ jéeng`gui casí~r` dsea` i quie` nifí quiá~r` dsea` Israel e guiá~gui ni`uíng~ quiá~r` jaléng` i dsea` í e nijúung~ jaang` dseañú` cuaiñ~ quiá~r` góor` laco'gui e nijúung~ i fíng` i dsea` góor` do.

Mi~ cajíng~ Tú` Simón e ja` cuiñ` Jesús

(Mt. 26:69-70; Mr. 14:66-68; Lc. 22:55-57)

¹⁵ Jõ mi~ cató~r` Jesús fí quiá~r` i jmidsea` Anás do, jõ tí`leám` gáng~ dsea` quiá~r` Jesús laco' cangáng~ dsea` do, jaaiñ` do siir` Tú` Simón, jogui i jaang`gui do cuíim`rúíñ` cóo~ i jmidsea` laniing~ do, jõba' calí~biñ` do e fí dsí` lí~ cató~r` Jesús, ¹⁶ dsú` i Tú` Simón do fí caluu` o`nú` cajer`. Jõ mi~ calilí` i dsea` quiá~r` Jesús i cúing` rúng` cóo~ i jmidsea` laniing~ do e caluub` cajé` Tú` Simón, jõba' cagü`í`bre fí caluu` jõ casíiñ` cóo~ i dseam` i sing` jmóo` í e jní` do e laco' nicuóíñ` do fí e ningíng~ Tú` Simón fí dsí` sigui` quiá~r` e 'núú` do, jõba' cacuó`biñ` do fí lajõ. ¹⁷ Jogui i dseam` i jmóo` í e jní` do, lalab cajmingí~r` Tú` Simón jõ cajíñ~:

—¿Su` o' dsea` quiá~r` i dseañú` i ni`í~ nabi`nú`?

Jõba' caíi` Tú` Simón quiá~r` i dseam` do jõ casí~ reiñ':

—U~, o' í jnea~.

¹⁸ Jõ có` ie~ jõ eám` güí~, jõba' jaléng` dsea` 'léeng` i jmóo` ta~ sinúú` quiá~r` i jmidsea` Caifás do cóo~gui jaléng` i néé` ni~ guá~ quiá~r` dsea` Israel nínicaji`r` jì e sigui` do, jõ fí dob neáaiñ` jmiguiáíñ` ca' jì. Jõ fí dob cajé` Tú` Simón e jmiguiáíñ` cóoíñ` do cajo.

Mi~ caguiéng~ Jesús fí` quini` fi~ jmidsea`

(Mt. 26:59-66; Mr. 14:55-64; Lc. 22:66-71)

19 Jo lajee˘ e teáang˘ i dsea˘ i jminguíang' e fí sigui˘ do, joba' dob iuung˘ Jesús cóo'˘ gui i fii˘ jmidsea˘ do e fí dsíí sinúu˘ do. Jo lajee˘ jo i fii˘ jmidsea˘ do canaaiñ˘ jmingí'r˘ Jesús uii˘ quíá'˘ dsea˘ quíaiñ'˘ do cóo'˘ gui jalé' e nica'e'r˘ jaléng' i dsea˘ í cajo.

20 Joba' lalab cañíi˘ Jesús quíá'˘ i dsea˘ do jo casí'˘ reiñ':

—Jnea˘ nica'ée˘ e jaléng' dsea˘ fí jee˘ dsea˘ fíim'; jogui contøøm˘ nica'ée˘ ere fí dsíí sinúu˘ guá'˘ jiu osi fí guá'˘ fé' quíá'˘ dsea˘ góo'˘ naa' dsea˘ Israel e si' fí Jerusalén e fí lí seáiñ' e laco' jmfíiñ' Fidiée˘; jo ja˘ mí caguiá'a jalé' e júu˘ jo fa' cóo' lí ja˘ lí nú˘ dsea˘. 21 Joba', ¿jiali' jnea˘ jmingíi' e jo? Co' cuøøm˘ güijmingíi' jaléng' i dsea˘ i nicanúu˘ jalé' júu˘ quíe˘ e e nicaguiá'a do, joba' íbing' i nijmeá'˘ 'nú' júu˘ e˘ jalé' e nicafíi' ire do. Co' niñib' jaléng' i dsea˘ í jalé' e júu˘ e nicafá'˘ a do.

22 Jo mi˘ tí lí cañíi˘ Jesús quíá'˘ i fii˘ jmidsea˘ do e júu˘ jo, joba' jaang˘ i dsea˘ i néé˘ ni˘ guá'˘ quíá'˘ dsea˘ Israel do cajnéer˘ moni˘ Jesús, jo mifíing˘ casí'r˘ dsea˘ do jo cajíiñ'˘:

—¿Su lanab ngíi'˘ quíá'˘ i fii˘ jmidsea˘ na?

23 Joba' cañíi˘ tu Jesús quíá'˘ i dsea˘ do jo casí'˘ reiñ':

—Song gab˘ lí' e júu˘ e nicafá'˘ a na, joba' iin˘ n jmée'˘ júu˘ jiali' e lí' lajo e nicafá'˘ a na; jogui song guiáb˘ lajii'˘ e júu˘ e nicafá'˘ a na, joba' ¿jiali' caba' monii'?

24 Jo mi˘ cangí jo, i fii˘ jmidsea˘ Anás do caguiéiñ' Jesús e ñúung'˘ dsea˘ do fí quini˘ i fii˘ jmidsea˘ rúñ'˘ i sii˘ Caifás do.

Mi˘ cajíng'˘ tu Tú˘ Simón e ja˘ cuiñ'˘ Jesús

(Mt. 26:71-75; Mr. 14:69-72; Lc. 22:58-62)

25 Jo lajee˘ jo, dobi sing' Tú˘ Simón e jminguíaiñ' fí 'ni' jì e fí sigui˘ do, jo cóo'˘ cajmingí'˘ i dsea˘ teáang˘ do ír˘ jo cajíiñ'˘:

—¿Su o' quíim'˘ bi 'nu' jee˘ dsea˘ quíá'˘ i dseañu'˘ i iuung˘ do?

Joba' cañíi˘ Tú˘ Simón quíaiñ'˘ do jo casí'˘ reiñ':

—U˘, o' í jnea˘.

26 Jo mi˘ cangí jo, jaang˘ gui dsea˘ 'léeng'˘ quíá'˘ i jmidsea˘ laniing˘ do i líng' ee˘ i dseañu'˘ i caqui'˘ Tú˘ Simón logua˘ do, jo dsea˘ í cajmingí'r˘ Tú˘ Simón lala jo cajíiñ'˘:

—¿Su o' 'nu' bi i camán˘ n mi˘ cangoséng'˘ naa' i Jesús na e fí dsíí íá do?

27 Jogui calé' catú˘ cajíng'˘ Tú˘ Simón e o' dsea˘ í líiñ'˘, joba' dsifí mi˘ cangí lajo mifíing˘ caqui'˘ jaang˘ tuidsee˘ jóng.

Mi˘ cangojgeáaiñ'˘ Jesús fí quini˘ dseata˘ Pilato

(Mt. 27:1-2, 11-14; Mr. 15:1-5; Lc. 23:1-5)

28 Jo mi˘ cangí jo, caguíim'˘ bre Jesús fí quíá'˘ i jmidsea˘ Caifás do, jo cangojgeáaiñ'˘ dsea˘ do fí quini˘ jaang˘ dseata˘ romano i sii˘ Pilato. Jo dsuco'˘ ie˘ jo nijaquíeeng˘ nijneáb˘, jogui guati'˘ ló˘ jmiib˘ cajo, joba' ja˘ cangotáang'˘ i dsea˘ Israel do fí dsíí e 'nufí do, co' faco' mi˘ cajméer˘ lajo, joba' ja˘ jmitir˘ jóng lajii'˘ júu˘ quíu' ta˘ quíá'r˘ quíá'˘ lajii'˘ e quí'˘ tñiñ' e jmóor˘ mi˘ tí jmi˘ Pascua; jo co' ja˘ cangotáang'˘ guir fí dsíí jo, joba' cuøøm˘ dó'r˘ e jmiñi˘ e silíng˘ e gø'r˘ ie˘ jmi˘ jo. 29 Jo mi˘ tí lí cangá˘ dseata˘ Pilato e nitée˘ dsea˘ Jesús, joba' cagüi'˘ ír˘ jo casí'r˘ jaléng' i dsea˘ do lala:

—¿E˘ dsee˘ e cuø'˘ na' i dseañu'˘ na?

30 Joba' cañíi˘ dsea˘ Israel quíá'˘ i dseata˘ Pilato do jo casí'˘ reiñ':

—Fa' jiu˘ gui i dseañu'˘ la ja˘ jmóor˘ ta˘ 'lée˘ jee˘ jaléng' dsea˘, joba' ja˘ jáang'˘ naa're jóng fí quini'˘ faco' lajo.

31 Joba' lalab cañíi˘ dseata˘ Pilato quíá'˘ i dsea˘ Israel do jo cajíiñ'˘:

—Teeˉ 'núˉ yaangˉ naˉ i dseañuˉ góoˉ naˉ na jò quidsiˉ naˉ íˉ quiáˉ rˉ yaangˉ naˉ líˉ lacoˉ gui la quiˉ t̄ngˉ naˉ cóoˉ júuˉ quiuˉ taˉ quiíˉ naˉ, 'núˉ dseaˉ língˉ naˉ dseaˉ Israel.

Jò miˉ canúuˉ i dseaˉ Israel do e júuˉ jò, jòbaˉ lalab cajíñˉˉ:

—Dsuaˉ jneaˉ, dseaˉ líˉ naaˉ dseaˉ Israel, jaˉ seaˉ fí quiíˉ naaˉ quiáˉ dseaˉ romano e nicuóˉ naaˉ iihuáˉ líˉ doñiˉ iˉ dseaˉ cartíˉ nijúuiñˉ.

³² Jò job calitiˉ lajiiˉ júuˉ e cajíngˉ Jesús lamiˉ jéengˉ gui quiáˉ jial líˉ 'móˉ e nitiiñˉ. ³³ Jò miˉ cangíˉ jò, ca'ibˉ tu dseataˉ Pilato fí dsíˉ 'nuáˉ quiáˉ rˉ, jò catóˉ rˉ Jesús fí líˉ quidsirˉ íˉ, jò cajmingíˉ rˉ dseaˉ do jò cajíñˉˉ:

—¿Su 'nubˉ i língˉ dseataˉ dseaˉ féngˉ i quieˉ nifiˉ quiáˉ dseaˉ Israel?

³⁴ Jòbaˉ cañiˉ Jesús quiáˉ iñˉ do jò casíˉ rˉ dseaˉ do:

—¿Su uóˉ baˉ iinˉ ñiˉ e jmingíˉ jneaˉ na, ofaˉ líˉ canáuaˉ e féˉ dseaˉ jiémˉ é?

³⁵ Jòbaˉ lalab cañiˉ dseataˉ Pilato quiáˉ Jesús jò casíˉ rˉ dseaˉ do:

—Jaˉ dseaˉ Israel língˉ jneaˉ la. Coˉ jaléngˉ dseaˉ góoˉ dseaˉ Israel colíngˉ gui cóoˉ jaléngˉ fiiˉ jmidseaˉ quiíˉ naˉ, dseaˉ íbingˉ i nicajángˉ 'nuˉ fí quiniˉ la lana. Joguiˉ 'nuˉ, ¿eˉ dseeˉ seaˉ quiíˉ quiáˉ e 'níngˉ dseaˉ 'nuˉ?

³⁶ Jòbaˉ lalab cañiˉ tu Jesús quiáˉ i dseataˉ do jò cajíñˉˉ:

—Jaˉ si'íngˉ jneaˉ e niquiáˉ taˉ lacoˉ gui quiuˉ taˉ jaangˉ dseaˉ jmigüˉ fí la, coˉ facoˉ lajò, jòbaˉ seemˉ dseaˉ quieˉ e i nijmeáanˉ taˉ e lacoˉ jaˉ nijángˉ dseaˉ jneaˉ fí quiniˉ dseaˉ góoˉ dseaˉ Israel facoˉ lajò. Coˉ líˉ lacoˉ fáˉ a na, e jaˉ si'ínˉ e niquiáˉ taˉ lacoˉ jaangˉ dseaˉ jmigüˉ.

³⁷ Jòbaˉ cañiˉ tu dseataˉ Pilato quiáˉ Jesús jò casíˉ rˉ dseaˉ do:

—Jò 'nubˉ dseaˉ linˉ dseataˉ dseaˉ féngˉ i quieˉ nifiˉ quiáˉ dseaˉ Israel liya.

Jòbaˉ cañiˉ tu Jesús quiáˉ i dseataˉ do jò casíˉ reiñˉˉ:

—Lajob líˉ líˉ lacoˉ gui nicaféeˉ na, e jneabˉ i dseataˉ dseaˉ féngˉ í. Coˉ jneaˉ cagáˉ a fí jmigüˉ la miˉ cangáanˉ e lacoˉ niguiaaˉ jaléˉ júuˉ jáˉ. Jò jaléngˉ dseaˉ i jáˉ língˉ e júuˉ jò, jòbaˉ dseaˉ quieˉ baa líñˉ, coˉ núuˉ bre jaléˉ júuˉ quieˉ e.

³⁸ Jò miˉ canúuˉ dseataˉ Pilato lajiiˉ júuˉ quiáˉ Jesús, jòbaˉ cajmingíˉ rˉ dseaˉ do lala jò cajíñˉˉ:

—Jò ¿jnanˉ e júuˉ jáˉ do?

Miˉ cahuáˉ taˉ e nijúungˉ Jesús

(Mt. 27:15-31; Mr. 15:6-20; Lc. 23:13-25)

Jò miˉ cangíˉ e cajmingíˉ dseataˉ Pilato e júuˉ jò, jòbaˉ cagüˉ íbˉ tur caléˉ catúˉ fí líˉ teángˉ i dseaˉ Israel do e lacoˉ nisíngˉ tur cóoiñˉ do caléˉ catúˉ, jòbaˉ lalab casíˉ rˉ i dseaˉ do:

—Jiiˉ cóoˉ dseeˉ jaˉ niguiéˉ jneaˉ e nica'éeˉ i dseañuˉ la. ³⁹ Jò coˉ 'núˉ quiíˉ t̄ngˉ naˉ e laanˉ jaangˉ dseaˉ góoˉ naˉ i sijníngˉ lajeeˉ miˉ tí jmiˉ quiíˉ naˉ e catíˉ lana e siiˉ Pascua, jòbaˉ jmingíˉ i 'núˉ lana, ¿su iingˉ naˉ e nilaanˉ i dseataˉ dseaˉ féngˉ quiíˉ naˉ i singˉ la?

⁴⁰ Jò miˉ canúuˉ jaléngˉ dseaˉ Israel i teángˉ do ieˉ jò e júuˉ quiáˉ i dseataˉ Pilato do, jòbaˉ lajimˉ bre canaañˉ taˉ rˉ miˉ jò féˉ rˉ:

—Jaˉ laanˉ i dseaˉ na! Jò jleangˉ Barrabás!

Jò i Barrabás i éeiñˉ do sijñiñˉ do dsuaˉ uíˉ e jmóorˉ taˉ 'níˉ níngˉ dseataˉ.

19

¹ Jò miˉ canúuˉ dseataˉ Pilato lajiiˉ júuˉ e casíˉ dseaˉ írˉ do, jòbaˉ caquiurˉ taˉ e nisámˉ i 'léeˉ quiáˉ rˉ do Jesús e lacoˉ nibóngˉ neiñˉ do cóoˉ looˉ jóˉ e líˉ 'niˉ. ² Jò miˉ cangíˉ jò, i 'léeˉ do cajméerˉ cóoˉ líˉ corona cóoˉ layaangˉ tóoˉ, jò e job catáˉ rˉ fí moguiˉ Jesús, joguiˉ cajlíñˉ dseaˉ do cóoˉ cóoˉ 'miˉ niungˉ e líˉ

laco' e quie' dsea` niing` i quiu' ta. ³ Jo mi~ cangf jo, cangoquieeiñ' fi' quia'- li' sing' dsea` do, jo lalab canaañ` lóoiñ` dsea` do jo sí'r lala:

—¡Güiliseem` huóø^, dseata~ dsea` féng' quia'- dsea` Israel!

Jo lajee` jo jnóor' fi' moni~ dsea` do.

⁴ Jo mi~ tí li~ cagüi'ñ' tu dseata~ Pilato e fi' li~ teáng^ i dsea` Israel do, joba' lalab casí'- reiñ' do jo cajíñ'-:

—E laba' fñ` i 'nú', e lab nisín'^n i dseañu' la fi' quini'^na' e laco' niliñi'^na' e jii' coo` dsee` ja` mí cadse'e quia'r~, co' lajib` nicajmingñ' ire.

⁵ Jo lajee` job cagüi'ñ' Jesús e ni'iu~ e lí^ corona e lí' cóo'~ yaang~ tóo' do fi' moguir~, jogui jliñ` e 'mi' e niung' huíng' do. Jo lajee` nising' Jesús fi' quini' i dsea` do, lalab cajíng'- dseata~ Pilato e sí'r' jaléng' i dsea` teáng- do ie~ jo:

—¡Lab nising' i dseañu' la fi' quini'^na' náng!

⁶ Jo mi~ tí li~ cangá- jaléng' fii~ jmidsea` quia'- dsea` Israel cóo'~ gui jaléng' dsea` i néé ni~ guá'- quia'r~ e nising' Jesús do, joba' lalab canaañ` áñ` i dseata~ do jo fé'r`:

—¡Fí dse' crúu^ teáng i dsea` na!

Joba' cañi' dseata~ Pilato quia'- i dsea` teáng- do ie~ jo, jo casí'- reiñ':

—Tee`ba're, jo yaam`ba' güiteáng'na're fi' dse' crúu^, co' jnea~ ja` mí cadse'e jii' coo` dsee` quia'r~ quia'- lajii' e nicajmingñ' ire.

⁷ Jo dsu' lalab cañi' i dsea` Israel i teáng- do ie~ jo quia'- dseata~ Pilato jo casí'r- dsea` do:

—Seab` cóo' júu^ quiu' ta~ quí- jnea'^, dsea` lí'ñ' dsea` Israel, jo lalab lí': Song jaang` dsea` fé'r' e røøb` cóoiñ` cóo'~ Fidiée~, joba' né- nijúum- bre jóng. Jo lajob lí' cóo'~ i dsea` na, joba' dseáng'- 'né- nijúum- bre.

⁸ Joba' mi~ tí li~ canúu- dseata~ Pilato e júu^ jo, eáng'gui cafóñ' jóng. ⁹ Jo ca'ib- tur e fi' li~ quiu'r' ta~ do colíng` cóo'~ Jesús, jo fi' job cajmingí'r- dsea` do jo cajíñ'-:

—¿Jie~ fi' li~ ñí' 'nu'?

Jo dsu' Jesús jii' coo` ja` e cañi'r` quia'- dsea` do. ¹⁰ Joba' cañi'tu dseata~ Pilato jo casí'r- Jesús jo cajíñ'-:

—¿Su ja` iin' ngñ' jii' coo` quie~ e jóng? ¿Su ja` ñí' 'nu' e cuóøm` nifñ'i dsea` quie~ e e niteáñ' 'nu' fi' dse' crúu^, jogui cuóøm` bi cajo e nifñ' ire e nileáñ' 'nu' faco' lajo?

¹¹ Joba' lalab cañi' Jesús quia'- i dseata~ do jo casí'r- dsea` do:

—Jii' coo` bí ja` sea` quí'- e niquí'^ ta~ quie~ e faco' ja` Fidiée~ nicacuø'r' 'nu' e catín'- lajo; joba' i dsea` i cajáng' jnea~ fi' jaguóo', eáng'guib røøñ` dsee` laco'gui 'nu'.

¹² Jo job mi~ canaang` dseata~ Pilato e 'nó'r' jial nileáñ- Jesús, jo dsu' mi~ calilí^ i dsea` Israel do e jo, joba' canaañ` ta'guir mñ' jo sí'r` dsea` do lala:

—Song nilaan'- i dsea` na, joba' lí' lafa' 'ní' máam`ba' jóng i dseata~ dsea` féng' i guíng~ fi' Roma, co' lí^ doñí` i dsea` i jíng'- e líñ' jaang` dseata~ dsea` féng', joba' lí' lafa' e 'ní' níim- bre i dseata~ i guíng~ fi' Roma do.

¹³ Jo mi~ tí li~ canúu- dseata~ Pilato e cajíng'- i dsea` Israel do lajo, joba' caquiur' ta~ e niguím- biñ' do Jesús jo nidsijeeñ` dsea` do dseáng'- li~ quidsí dseata~ Pilato í' quia'- dsea` fi' cóo' li~ sii' Gabata, jo cóo'~ jmí' hebreo guóng' Guíá' fi' li' Siníi' Cuu. ¹⁴ Jo ie~ jo dseáng'- guati'ló- jmñ' Pascua quia'- dsea` Israel, jo ná'- guieñí'b'- ningóo' mi~ cajíng'- dseata~ Pilato e casí'r- i dsea` Israel do:

—¡Lab sing' i dseata~ dsea` féng' i quie' nifi' quí-na'!

¹⁵ Jo dsu' jaléng' i dsea` do canaañ` ta'tur mñ' jo fé'r`:

—¡Güijúung- i dseañu' na fi' dse' crúu^!

Joba' cajmingí' dseata~ Pilato jaléng' i dsea` do jo casí' reiñ':

—¿Su jneab~ catín~n nijngán' n jaang` dseata~ dsea` féng' i quie' nifí' quí' na'?

Joba' cañi' jaléng' fii~ jmidsea` i teáng~ do ie~ jo, jo casí'r~ i dseata~ do lala:

—jDseáng' jii' dseata~ dsea` féng' i guing~ fí' Roma, jii' dseata~ íbing' i seeng` quí' naa'!

¹⁶ Joba' dseata~ Pilato cajám' bre Jesús fí' quini' jaléng' i dsea` do ie~ jo, jo i dsea` do cangojém' bre Jesús fí' li~ nitáng~ dsea` do fí' dse' crúu'.

Mi~ catáng~ Jesús fí' dse' crúu'

(Mt. 27:32-44; Mr. 15:21-32; Lc. 23:26-43)

¹⁷ Joba' ca'uøøm` i dsea` do jéeiñ` Jesús, jo` ñiab' dsea` do dsíiñ` crúu' quiá'r~ cangór~ fí' cõõ` li~ sii` Cuõ` Mogui~ 'Li~ e sii' bi Gólgota cõõ'~ jmí' hebreo e fé' dsea` Israel. ¹⁸ Jo mi~ caguiliñ` fí' jo, joba' fí' job cateáiñ` dsea` do fí' dse' crúu', jo jaang`gui dsea` taang~ la cataang` cáaiñ` fí' dse' crúu' cajo. ¹⁹ Jo ie~ jo i dseata~ Pilato do caquiá'r' ta~ e nitõ~ fí' yá' gui~ crúu' quiá'- Jesús e júu' la: "Jesús i seeng` fí' Nazaret, dseata~ dsea` féng' quiá'- dsea` Israel." ²⁰ Jo e jo catõ~ cõõ'~ 'ni' íing'~ jmí', jmí' latín cõõ'~ jmí' hebreo jogui jmí' griego. Jo fíim' dsea` Israel ca'í'r' e júu' jo ie~ jo, cõ' e fí' li~ catáng~ Jesús do ja` huíi~ eáang' laco' la neé' fii' Jerusalén. ²¹ Jo dsu' mi~ cangá~ fii~ jmidsea` quiá'- dsea` Israel lajii' júu' e toõ~ fí' yá' crúu' quiá'- Jesús, joba' lalab casí'r~ i dseata~ Pilato do jo cajíiñ'-:

—Guiá~ gui ja` nitõ~ e júu' na, jo güitõ~ lala: "Lab i jmigõõ` e líiñ' dseata~ dsea` féng' quiá'- dsea` Israel."

²² Jo mi~ canúu~ dseata~ Pilato e júu' jo, joba' lalab cañi'r' quiá'- i dsea` do jo casí' reiñ':

—Lajii' e júu' e nicaquiá'~ ta~ e nicatõ~ na, dseáng'~ lanab nijé~.

²³ Jo mi~ tí' li~ cangí' e cateáng~ i 'léé~ do Jesús fí' dse' crúu', joba' casitíiñ' sí' dsea` do jo cajméer` guiéé` lajee` quiúuiñ` la'ó' líiñ' 'léé~, jmacõ' e 'mi' do quiá'r~ lajaang` lajaaiñ'. Jo dsu' e sí' Jesús e cõõ'gui do, 'mi' contøøm~ lí' jo ja` sí'mi' cajo. ²⁴ Jo lajee` jo i 'léé~ do canaaiñ` sáiñ` la'ó' yaaiñ` lala:

—Ja` guing~ nisiing~naa' e 'mi' na, jo macó'oo' ne~duu' i~ nilí' nicõõ'.

Jo cõõ' e nab caliti~ jii' laco' la fé' fí' ni~ jì' quiá'- Fidiéé` e cajme' dsea` malii~gui eáang' li~ fé' lala: "Cajméeb` dsea` guiéé` jalé' sí' i, jogui cacóor` quiá'- i~ nilí' e sí' i e contøøng~ do." Jo lajob dseáng'~ cajméé` i 'léé~ do cõõ' sí' Jesús.

²⁵ Jo lajee` e táang` Jesús fí' dse' crúu', dob teáng~ quiúung~ dseamí' e tíi~ laco' si' e crúu' do; jo jaiñ' do líng' niquiá' Jesús, jogui jaang`gui rúng' dsea` ngáang'~ cõõ' niquiá'r', jogui jaang`gui i sii' Yá' i líng' dseamí' quiá'- jaang` dseañu' i sii' Cleofas, jo jaang`gui i sii' Yá' i seeng` fí' Magdala. ²⁶ Jo lajee` job cangáng~ Jesús niquiá'r', jo cáang` i niquiá'r' do sing' jaang` dsea` quiá'- Jesús i eáang' 'neáaiñ', jo lajee` jo lalab casí' Jesús i niquiá'r' do e éeiñ` i dsea` quiá'r~ i iñ~ eáang' do jo cajíiñ'-:

—Janú', dseamí', nab sing' i líng' laco' jóõ' do.

²⁷ Jo mi~ cangí' e jíiñ' e jo, joba' casí'r~ i dsea` i iñ~ eáang' do lala:

—Nab sing' i líng' laco' niquí'.

Joba' mi~ cajíng' Jesús lajo, i dsea` i iñ~ eáang' do ca'ím' bre niquiá' dsea` do e líiñ' do laco' dsea` sinúu' quiá'r~.

Mi~ cajúng~ Jesús

(Mt. 27:45-56; Mr. 15:33-41; Lc. 23:44-49)

28 Jo mi'máing-guijiu lajo, jo co' niñib' Jesús e nicatób' jalé' ta~ quiá'r-, jogui e laco' niliti' jii' laco' fé' fi' ni' jì' quiá'- Fidiée' e cajme' dsea' malii' gui eáang', joba' cajíñ'- lala:

—Dsíng'- jmi'jmáin-.

29 Jo ie~ jo nisi' coo' dsuu- e røøng` a~ jmi'^ mi'^ huíng` jø'^ e nijl', joba' cayé' dsea' e jmi'^ mi'^ huíng` jø'^ do cóo'~ coo' joo', jo casiguír' fi' coo' yú'^ sñ-, jo cóo'~ e job ca'úuiñ' fi' mo'oo- Jesús. 30 Jo cayub' Jesús e jmi'^ mi'^ huíng` jø'^ jì' do. Jo mi~ cangí jo, joba' cajíñ'-:

—Nab nicató' lajii' ta~ cagá'-a.

Jo co' cató' e café'r' e júu^ jo, jo cajgiéer- moguir~ jo mifíng` cajúm-bre jóng.

Mi~ ca'ia' jaang` léé- ñisui' fi' mo'uóø' Jesús

31 Jo 'ñaia' ie~ jmi~ e cajúng- Jesús do, líi' e guati'ló- jmi~ Pascua quiá'- dsea' Israel, jo co' ja' quí' tíng` i dsea' í fa' e seáang- 'lii~ quiá'r- fi' dse' crúu^ lajee' e jmi~ jo, co' dseáng'- jmi~ e laniim- quiá'r- ie~ jo, joba' camí' dsea' Israel fi' i dseata~ Pilato do e nicuóñ'- do fi' e nijér- tii- i dsea' taang~ dse' crúu^ do e laco' nijúuiñ'- do jminá-gui, jo lajoba' cuóøng` e nijgiáaiñ' do e fi' lí' taaiñ'- do. 32 Joba' cangim` i 'léé- do fi' e nidsilíñ- e nijér- tii- i dsea' gaang` i taang~ dse' crúu^ do; jogui lajob cajméer', cajée'bre tii- i dsea' la'uii` i táang` dse' crúu^ cáang` Jesús do; jo mi~ cangí jo, lajob cajméer' quiá'- i dsea' jaang`gui do i táang` dse' crúu^ cajo ca' dse' crúu^ lí' táang` Jesús. 33 Jo mi~ caguilíng- i 'léé- do fi' lí' táang` Jesús fi' dse' crúu^, joba' calilí'r' e ni'liim~ dsea' do, joba' jo' e cajmeáiñ' dsea' do fa' cajée'guir tiiñ'-.

34 Jo nañi' fa' e calilí' i 'léé- do e ni'liim~ Jesús, dsu' jaang` lajee' la'ó' ír' ca'iar' ñisui' fi' dse' mo'uóø' dsea' do, jo ladsifi' lanab catuu` jmi~ cóo'~ gui jmi'øøiñ-. 35 Jo i dsea' i fé' e júu^ la, dseáng'- e já'-ba' e cangár- laco' calí-, joba' dseáng'- jáb'- júu^ e fé'r' do e laco' jaléng' 'nú' jáb'- nilíng'na' dseáng'- laco' calí-. 36 Jo cangojée' jalé' e la e lí' laco' caliti' lajii' júu^ quiá'- Fidiée' e fé' fi' ni' jì' quiá'r- e cajme' dsea' malii' gui eáang' lí' fé' lala: "Jii' coo' móo' teáaiñ' ja' nijé'." 37 Jogui fé'bigui cajo lala e fi' ni' jì' jo: "Nimáam~baa' i dsea' i líng` eé' ca'ia' dsea' quiá'-."

Mi~ ca'áng- Jesús

(Mt. 27:57-61; Mr. 15:42-47; Lc. 23:50-56)

38 Jo mi~ cangí e ca'iéng- Jesús ñisui', joba' ie~ jo cangó- jaang` dseañu' i sii' Sé^ i niseeng` fi' coo' fi' e sii' Arimatea, jo cangór- cangomii'r' dseata~ Pilato fi' e nidsijgiáaiñ' Jesús fi' lí' táang` dsea' do fi' dse' crúu^ jo nidsijéeng'neiñ' fi' lí' ni'áiñ-. Jo i Sé^ do nilíiñ' jaang` dsea' quiá'- Jesús, dsu' jii' la ñir' 'ñaia'bre, co' 'góm'bre jaléng' dsea' Israel fíng song caliñiñ' do e nilíiñ' lajo. Jo cacuøb' dseata~ Pilato fi' lajo, jo cangób- Sé^ e cangojgiáaiñ' Jesús fi' lí' táang` dsea' do fi' dse' crúu^, jo mifíng` cangojéiñ' dsea' do fi' lí' ca'am-biñ'. 39 Jo jaang`gui i sii' Nicodemo cangór- cajo colíng` cóo'~ i Sé^ do fi' lí' sing' crúu^ fi' lí' táang` Jesús. Jo i Nicodemo do quier' jié' ja' guiguí kiil~ e jmeafii' jlo'^ e sicáng' cóo'~ tú- íng'~ mii', coo' e sii' mirra jogui cóo'~ gui e sii' áloe. Jo i Nicodemo la, íb` i cangó- cangosiing` cóo'~ Jesús coo' née' e canuu-. 40 Jo lajob i Sé^ do cóo'~ gui Nicodemo cajgiáam-bre Jesús fi' dse' crúu^, jo mifíng` canaaiñ' súuiñ- dsea' do jalé' e jmeafii' do jo caquíng'neiñ' cóo'~ coo' 'mi' té' e siyá'^ e jmi~ jmeafii' do, co' lajob quí' tíng` jaléng' dsea' Israel e jmóor` cóo'~ jaléng' 'lii~ quiá'r- mi~ ni'áang- neiñ'. 41 Jo e fi' lí' cateáaiñ- Jesús fi' dse' crúu^, fi' job nilíi' coo' dsí' íá, jo e fi' jo nisea' coo' too' ée' e 'mii' lí' jii' jaang` ja' ii' mi' ca'áng-. 42 Jo e fi' dsí' e too' ée' do cangojéiñ' Jesús e ni'áiñ-, dsuco' quiáb'- lí' nilíi' e too' ée' do, jogui co' nijaquíem' cajo e jmi~ e jmi'íng' dsea' Israel.

20

*Mi cají'tu Jesús**(Mt. 28:1-10; Mr. 16:1-8; Lc. 24:1-12)*

¹ Jo la'uii~ jmi~ quiá' e seamaan~ mi~ cangî e jmi~ do, e ee'bi eáang' lajee~ ná'gui e nijneá', cangó~ Yá^ i seeng' fí Magdala fí li~ ca'áng~ Jesús; jo mi~ caguiér~ fí jo, joba' cangár~ e nisijéb'^ e cuu~ e cajlii~ e fí oo~ too' e li~ ca'áng~ dsea' do. ² Jo mi~ tí li~ calilí'r^ e jo seeng' Jesús e fí dsí' tó' ée' do, joba' caquim'-tur güi'í' e fí li~ guing~ Tú^ Simón coliiing~gui cóo' i dsea' quiá' Jesús i 'neáaiñ` eáang' do. Joba' lalab cajíng' i Yá^ i seeng' fí Magdala do mi~ caguiéiñ' jo casí'-reiñ':

—Ninicaguim` dsea' Fí'naa' e fí li~ ca'áiñ~ do, jo ja' ne~naa' jie' fí li~ nicangojéiñ`.

³ Jo mi~ canúu~ Tú^ Simón cóo'~gui i dsea' rúíñ' i jaang'gui do lajii~ júu^ e quiee' i Yá^ i seeng' fí Magdala, joba' dsifib' ca'uøøiñ` e cangoliiñ` lajminá~ e fí li~ ca'áng~ Jesús do. ⁴ Jo laji huáam~bre ngoliiñ` cuúir, lifa' i jaang'gui do jminá~gui cangór~ laco' Tú^ Simón, joba' jéeng'guibre caguiér~ e fí li~ ca'áng~ Jesús do. ⁵ Jo mi~ caguiér~ fí jo, dsifib' catúuiñ` jo cajøør~ fí dsí' e too' ée' do, jo cangár~ e 'mi' e cabeang'~ dsea' do e laco' milíib' née', jo lifa' ja' ca'ír~ e fí dsí' too' ée' do. ⁶ Jo jiiub~ cøøng' lajo caguié~ Tú^ Simón, jo condséeb' ca'ír~ e fí dsí' tó' ée' do mi~ caguiér~, joba' cangá~bre e 'mi' e cabeang'~ dsea' do cajo e laco' milíib' née'; ⁷ jogui cangá~bir cajo e dob róo' e 'mi' e cali'íing^ ta~ e quiá'~ cabé' mogui~ dsea' do, jo cangár~ e ja' róo' ca' laco' róo' e 'mi' e cabeang'~ dsea' do, jo tí doguijiiub róo' e sibéeng' ca' laco' róo' e jo. ⁸ Jo mi~ cangî jo, ca'í~ i dsea' i jaang'gui do i caguié~ la'uii~ e fí too' ée' do, joba' cangá~bre jalé' e calí~ e fí dsí' tó' ée' do, jo dseáng'~ jáb'~ calíiñ`. ⁹ Jo dsu' i dsea' gáang~ do dseáng'~ ja' mí' cangám'bir laco' la fé' fí ni~ jì quiá'~ Fidiée' e cajme' dsea' malii~gui eáang' li~ fé' e dseáng'~ sí'í'ba' e nijí'tu Jesús. ¹⁰ Jo mi~ cangî jo, caquim'~tu i dsea' quiá'~ Jesús i gáang~ do fí quiá'r~.

*Mi cajmijnéeng' 'ñia' Jesús fí quini' Yá^ i seeng' fí Magdala**(Mr. 16:9-11)*

¹¹ Jo mi~ caguié~tu Yá^ e fí li~ ca'áng~ Jesús, joba' dob cajer' qui'r' fí caluu~ e too' ée' do. Jo lajee~ siñ' qui'r' dob catúuiñ` e laco' nijøør~ e fí dsí' tó' ée' do, ¹² joba' cangár~ e neáang' gáang~ ángeles i qui' 'mi' té' e fí dsí' tó' ée' do, jo jaaiñ' do guiiñ~ li~ catiroo' mogui~ Jesús jogui jaaiñ` do guiiñ~ fí li~ cané~ tii~ dsea' do. ¹³ Jo i ángeles do cajming'í'r~ i dseamî do jo casí'-reiñ':

—Janú', dseamî, ¿jiali' sin' qui'?

Joba' cañí' i dseamî do quiá'~ i ángeles do jo casí'-reiñ':

—Quí' i dsuco' ja' ñii~ iñ` nicanguing' Fí'i i ca'áng~ dsea' e fí dsí' tó' na, jo ja' ñii~ jie~ nicangojéiñ` lana.

¹⁴ Jo jobi lico' nicató' e jíñ' e jo mi~ tí li~ cajíng' 'ñia'r', jo cangáiñ~ Jesús e dob nisíng' dsea' do cáaiñ, jo dsu' jii' ja' ñir' e íb` dsea' do. ¹⁵ Joba' cajíng'~ Jesús casí'r~ i dseamî do lala:

—Janú', dseamî, ¿jiali' sin' qui'? ¿i sin' 'nán' lana?

Dsu' i dseamî do í dsí'r' e i dsea' i jmóo' í' e dsí' íá' dob i síng' sáing' cóo'r~ do, joba' lalab casí'r~ dsea' do:

—Janú', ée', song 'nub` nicaguíin~ i Fí'i do, joba' iin~n jmée'~ jnea~ júu^ jie~ fí li~ nicaguíjéen`re, joba' fí job ni'nén'`nre.

¹⁶ Joba' cañí' Jesús quiá'~ i dseamî do lala jo casí'-reiñ':

—iYá^!

Joba' cajíng' 'ñia' i Yá^ do jo cajíñ'~ cóo'~ jmí' hebreo lala:

—iRabuni! —e guøng' tifa'.

17 J_oba' cañi'tu Jesús quiá'- i dseam' do j_o casí'- reiñ':

—Ja` g_ün' jnea~, co' nabi ja` mí caji'tu rú'naa' cóo' Tiquié'e. J_oba' fñ'i 'nu` lana e niguøn' g_üijmé'e' júu` jaléng' dsea` i nilíng' laco' rún'n e nijmijíng'tu rú'naa' cóo' i líng' Tiquié'e jogui íb'i i líng' Tiquí'na' cajo, j_o íb' Fidié'e` quié` e jogui íb' Fidié'e` quií'-na' cajo.

18 J_o mi~ cangí j_o, cangám' i Yá` i seeng` fí Magdala do j_o cangojmeáa' bre júu` jaléng' i dsea` quiá'- Jesús do e nicangám` bre dsea` do jogui casí'- bireiñ' cajo jalé' e júu` e ca'íñ' quiá'- dsea` do.

Mi~ cajmijnéeng` 'ñia' Jesús fí quini` dsea` quiá'r`

(Mt. 28:16-20; Mr. 16:14-18; Lc. 24:36-49)

19 J_o mi~ ca'í` nuu` 'ñia' ie~ jmí~ j_o, e jmí~ la'uii~ quiá'- seamaan~ do, j_o ie~ j_o ninicasitíng' rúng' i dsea` quiá'- Jesús do fí coo` dsí' 'núu` lí` jn' røø, co' 'góm' bre jaléng' dsea` góor` dsea` Israel fíng song calilí' í e niseáng'tu rúng' i dsea` do calé' catú'. J_o lajee` neáng' i dsea` do, j_oba' mi~ tí lí` ca'í` Jesús fí j_o, j_o casing' 'ñia'r' guiá'` jóo` e lí` neáng' i dsea` quiá'r` do, j_o lalab caféng' neiñ' do j_o casí'- reiñ':

—iGüiliseem`ba' juguiá` júu` røø!

20 J_o mi~ cangí e cajíng' Jesús e júu` na, j_oba' canaiñ` e'r' i dsea` quiá'r` do fí lí` cacuí' guotíir` cóo' gui mo'uøø'. J_oba' i dsea` quiá'r` do eám' cali'íang` dsíir' mi~ cangáng` tur i Fiir` do. 21 J_o mi~ cangí j_o, lalab cajíng' tu Jesús casí'r` i dsea` quiá'r` do:

—iGüiliseem`ba' juguiá` júu` røø! J_o lí' laco'gui Tiquí'ii' casíñ` jnea` fí jmigüí la, j_oba' laj_oba' cajo jnea` nisín`n 'nú' fí jmigüí la.

22 J_o mi~ cangí j_o, cajiúur` fí lí` neáng' i dsea` quiá'r` do j_o casí'- reiñ':

—Íng'na' Jmiguí quiá'- Fidié'e`. 23 J_ogui doñí` ii` dsea` i ni'íng'na' dsee` quiá'-, j_oba' ni'ím` dsee` quiá'- i dsea` í; j_ogui doñí` ii` dsea` i ja` ni'íng'na' dsee` quiá'-, j_oba' ja` ni'íng` dsee` quiá'- i dsea` í cajo.

Mi~ já' calíng` Mó' e cají'tu Jesús

24 J_o jaang` dsea` guitúung` quiá'- Jesús i sií` Mó` dsea` suung~, íb' i ja` seeng` ie~ lamí~ cajmijnéeng` 'ñia' Jesús jee~ i dsea` quiá'r` do. 25 J_o mi~ cangí j_o, lalab casí' i dsea` caguaang` do Mó` j_o cajíñ':

—Nícanem`baa' Fí'naa'.

J_o dsu' Mó` lalab cañíir` quiá' i dsea` rúíñ' do j_o casí'- reiñ':

—Ja` já' nilín`n e fó'na' na song ja` nimoo`o guóor` lí` ca'íá` mí' clavo, j_ogui song ja` nijnúu`u niguóo`o lacaang` lí` sicuí' quiá'r`, j_ogui song ja` nigüí'í mo'uøø' e lí` ca'íá` ñisú'.

26 J_o mi~ cangí jñiá` jmí~ laj_o, caseáng'tu rúng' i dsea` quiá'- Jesús do calé' catú' fí coo` sinúu` lí` sijní` røø, j_o ie~ j_o quíim' Mó` cóo' i dsea` rúíñ' caguaang`gui do. J_o lajee` j_oba' ca'í` tu Jesús fí dsí' sinúu` e lí` neáiñ' do j_o casing'tu 'ñia'r' guiá'` jóo`, j_o lalab caféng'tu reiñ' do j_o cajíñ':

—iGüiliseem`ba' juguiá` júu` røø!

27 J_o mi~ cangí j_o, lalab casí'- Jesús i Mó` do j_o cajíñ':

—Jøø` guóo`o, j_ogui jnúu` niguóo' lí` sicuí' quié` e la, j_ogui jnúu` niguóo' e lí` sicuí' mo'uøø` la cajo. Ja` jmoo' e ja` já' lín' j_o já' güilín' lana. iJnea`bi la!

28 J_o mi~ canúu` Mó` e j_o, j_oba' cañíir` quiá'- Jesús j_o cajíñ':

—iDseáng' e já' e 'nuu` Fí'i j_ogui 'nuu` Fidié'e` quié` e cajo!

29 J_oba' cañi'tu Jesús quiá'- Mó` j_o casí'r` dsea` do j_o cajíñ':

—¿Su car` cañin' jnea~, j_oguiba' já' calín' e nicajíb'túu? Dsu' juguiá`gui quiá' i dsea` i já' calíng` e nicajíb'túu e júi` ja` mí cangám`bir jnea~.

E uiing~ e cajme' Juan e ji' la

³⁰ Jo lajee~ cateáng~ Jesús fí jmgüü' la, jmgüü' b' jalé' e li~ e quí' r~ jmí~ cajméer' fí quini' jaléng' dsea' guitúung' quiá' r~, jo dsu' jmgüü' b' jalé' e jo ja' silí' e fí ni~ ji' la. ³¹ Jo dsu' lajii'~ e silí' e fí ni~ ji' la nicalí' e lí' laco' já'~ nilíng' jaléng' dsea' e dseáng' Jesús líiñ' i Dsea' Jmáang~ i nicá' nifí' quiá'~ dsea' Israel jogui' i líng' i Jóo' Fidiée' i camíng' do, jo lajoba' jaléng' dsea' i já'~ nilíng' júu' quiá'~ dsea' do qui'~ jmí~ e niliseeíñ' cøøng' cóo'~ Fidiée' lata'.

21

Mí~ cajmijnéeng' 'ñia' Jesús fí lí' se' Galilea

¹ Jo mí~ cangí' gui lajo, cajmijnéem' 'ñia' Jesús calé' catú' fí quini' guiáng~ i dsea' i la'ó' quíng'~ jee~ dsea' guitúung' quiá' r~ e fí 'ni' cóo' guíee' lí' sií' Tiberias e née' lí' se' Galilea. ² Jo i lab jaléng' i dsea' i taang~ do ie~ jo: jaaiñ' do siir' Tú' Simón, jo jaang' gui i sií' Mó' i sií' b' Dsea' Suung~ cajo, jo jaang' gui i sií' Natanael i seeng' fí cóo' fí e sií' Caná e née' lí' se' Galilea, jogui' gáng~ gui i líng' jóo' jaang' dseañu' i sií' Zebedeo, jogui' gáng~ gui dsea' jíéng' i quíng'~ jee~ dsea' quiá'~ Jesús. ³ Jo lajee~ job cajíng' Tú' Simón e sí' r' i dsea' rúñ' i siseáng' e fí 'ni' guíee' do ie~ jo, jo cajíñ'~:

—Nii' teáa ta~ sáng' 'ñu'.

Joba' cañí' i dsea' do quiá'~ Tú' Simón jo casí' reiñ':

—Íi' baa' dsé' ee' cóo'~ 'nu' cajo.

Joba' lajob cajméer', jo cangotáam'~ bre fí cóo' dsí' móo' jo cangolíñ' fí lí' ni'a' gui quiá'~ e jmí~ do; jo fí job canaiñ' b' r' 'máa' quiá' r~ e nisaiñ' 'ñu', jo dsu' e uøø' jo dseáng'~ jii'~ camíng'~ 'ñu' ja' i' calí' r~. ⁴ Jo mí~ ningóo' nijneá' e uøø' jo, jo cajmijnéeng' 'ñia' Jesús fí quiá'~ e guíee' do, jo dsu' mí~ cangáng~ i dsea' quiá' r~ do í' r', jii'~ ja' calicuíñ' dsea' do lajminá'. ⁵ Joba' cajmíng'~ Jesús i dsea' do jo cajíñ'~:

—Janú' simíng', ja' mí' lí' na' 'ñu', ¿já' já'~?

Joba' cañí' i dsea' quiá' r~ do jo cajíñ'~ casí' r~ dsea' do:

—U~, jii'~ jaang' ja' i' mí' cali' naa'.

⁶ Joba' cañí' tu Jesús quiá'~ i dsea' quiá' r~ do jo cajíñ'~:

—Bíi' na' 'máa' quí' na' fí' é' jmí~ lí' lí' dsé' laco' ngóo' e móo' quí' na' na, jo mó' du' fa' ja' lí' na' 'ñu'.

Joba' lajob cajméer' i dsea' do, cabí' bre e 'máa' quiá' r~ do fí dsí' jmí; jo mí~ cangí' jo, i 'leáam' 'ñu' calí' r~ e jii'~ o' ró' r' fa' ni' óng'~ guir e 'máa' do dsu' e ni' i' teáng'~ 'ñu'. ⁷ Joba' i dsea' quiá'~ Jesús i iñ' eáang' do lalab casí' r~ Tú' Simón jo cajíñ'~:

—i Fí' baa' i sing' dóo'!

Jo dsifí' mí~ calí' i' Tú' Simón e Fii' bre i sing' do, joba' lajmináb'~ caquí' r' sí' r' e ca' uø' r' lajee~ jmóor' ta~, jo ngí' jo canaiñ' b' r' jmí~ e nidsér' fí lí' sing' dsea' do, joba' lajob cajméer'. ⁸ Jo i dsea' caguiaang~ gui i cóo'~ Tú' Simón do caguilím' bre e fí 'ni' jmí~ do e teáaiñ'~ dsí' móo' e øøiñ' e 'máa' do, có' sirøøm' teáng'~ 'ñu', jo huíim'~ jiu' lí' cangobíir' e 'máa' do laco' gui 'ni' guíee', có' tíib' jiu' la cien metros. ⁹ Jo mí~ tí' lí' caquíng'~ tur fí uø' quiá'~, joba' cangár' cóo' lí' n' nicají' dsea' j', jo e fí ni' jito' quiá'~ e j' do niráang' jaang' 'ñu' cóo'~ gui iñí'.

¹⁰ Jo lalab cajíng'~ Jesús casí' r~ i dsea' quiá' r~ do:

—Cuøøng' na' jaang' gáng' 'ñu' i nicalí' na' na.

¹¹ Jo mí~ cajíng'~ Jesús lajo, joba' cajgóo' Tú' Simón fí yá' e móo' do quiá' r~, jo ca' øøiñ' e 'máa' do dseáng'~ catí' ni' tóo' 'ni' jmí~. Jo dseáng'~ eám' i' do, có' ciento cincuenta y tres 'ñu' calí' r~ ie~ jo, jo jmang'~ i cóøm'~ cajo; jo dsu'

cateáb' e 'máa' do e ja' ca'guii' nañí' fa' fíim' i 'ñu' do calí'r'. ¹² Jo mi' calí' e jo, lalab cajíng' Jesús casí'r' i dsea' quiá'r' do:

—Ñilíng' na' ñiquié' na' í' ta'é'.

Jo jí' jaang' i dsea' quiá'r' do ja' teá' dsíir' fa' ee' nijmíng'í'r' dsea' do i' dseáng' líng' dsea' do, co' ñí'bre e dsea' dob líng' Fíir'. ¹³ Jo mi' cangí' jo, cangoquíéeng' Jesús fí' quini' i dsea' quiá'r' do jo casá'r' e íñí' do jogui casaiñ' i 'ñu' do cajo, jo canaiñ' jmóor' guíee' jee' i dsea' quiá'r' do. Jo jalém'bre cagó'r' ie' jo.

¹⁴ Jo cóo' e lab catí' 'ní' ya' e cajmijnéeng' 'ñia' Jesús fí' jee' dsea' quiá'r' ie' mi' cangí' e cají'tur calé' catú'.

Mi' casíng' Jesús cóo' Tú' Simón

¹⁵ Jo mi' tí' lí' cangí' e cagó'r' e í' ta'é' do, lalab cajmíng'í' Jesús i Tú' Simón do jo casí'r' dsea' do lala:

—Tú' Simón, jóo' jaang' dseañu' i sii' Juan, ¿su eáang'gui 'neáan' jnea' laco'gui i dsea' quié' e i caguaiang' gui la?

Joba' cañí' Tú' Simón quiá' Jesús jo casí'r' dsea' do lala:

—Lajob lí' Fí'i, co' ñí'b' 'nu' guíá' e 'neáam'baa 'nu'.

Joba' cañí'tu Jesús quiá' Tú' Simón jo cajíñ':

—Te' fíing' røø' jaléng' dsea' i líng' lafa' jo'se' jiuung' quié' e.

¹⁶ Jo mi' cangí' jo, caléb'tu cajmíng'í' Jesús i Tú' Simón do jo casí'tur dsea' do:

—Tú' Simón, jóo' jaang' dseañu' i sii' Juan, ¿su 'neáan' jnea'?

Joba' cañí'tu Tú' Simón quiá' Jesús jo cajíñ':

—Lajob lí' Fí'i, co' ñí'ba' guíá' e 'neáam'baa 'nu'.

Jo ngí' jo, caléb'tu cajíng' Jesús casí'r' dsea' do lala:

—Jmee' í' jaléng' dsea' i líng' lafa' jo'se' quié' e.

¹⁷ Jo cóo' e la catí' 'ní' ya' e jmíng'í' Jesús i Tú' Simón do jo cajíng'tur calé' catú':

—Tú' Simón, jóo' jaang' dseañu' i sii' Juan, ¿su 'neáan' jnea'?

Jo mi' canúu' Tú' e júu' jo calé' catú', joba' fí'í'b' calíñ', co' cóo' e la catí' 'ní' yab' e jmíng'í' Jesús ír' su 'neáang' dsea' do ír'.

Joba' cañí'tu Tú' Simón quiá' dsea' do jo cajíñ':

—Fí'i, guíáb' dseáng' ñí' 'nu' lajalé', joba' ñí'ba' e 'neáam'baa 'nu'.

Jo ngí' jo, calé' catú' cañí' Jesús quiá' Tú' Simón jo casí'r' dsea' do lala:

—Jmee' í' jaléng' dsea' i líng' lafa' jo'se' quié' e. ¹⁸ Jo e laba' jmitaa' o', e ie' lamí' bí'bi' a', guí'ba' guíá' quí' e guo' jíe' fí' lí' iin'; jo dsu' mi' tí' lí' nidséaan', niní' cué' jo dsea' jíém' niguíá' guíá' quí', jogui nijéiñ' 'nu' jíe' fí' lí' ja' iin' guó'.

¹⁹ Jo casí' Jesús i Tú' Simón do lana e lí' laco' jmóor' júu' jial nijúung' dsea' do mi' nití' í' lajo, jogui nidsing'íñ' do lajo e lí' laco' nijmí'gó' dsea' Fidié' cóo' e 'mó' quiá'r' do. Jo mi' cangí' jo, cajíng'í' gui Jesús casí'r' Tú' Simón:

—Ja' güihuín' cóo' jnea'!

I dsea' quiá' Jesús i iñ' eáang' do

²⁰ Jo mi' cangí' e cajíng' Jesús e júu' na, joba' cají'tu Tú' Simón nir' jo mífíng' cangáñ' i dsea' quiá' Jesús i eáang' 'neáañ' do e jáañ' do caluur', jo i dsea' íb' cajo i caguá' cáang' Jesús ie' mi' cagó'r' í' canu', jo cajmíng'í'r' dsea' do e i' dseáng' lajee' la'ó' ír' i ni'ning' ír'. ²¹ Jo mi' tí' lí' cangáng'tu Tú' Simón i dsea' do, joba' lalab cajmíng'í'r' Jesús jo cajíñ':

—Fí'i, jo i dseañu' i sing' la, ¿e' nidsing'íñ'?

²² Joba' cañí'tu Jesús calé' catú' quiá' i dsea' do jo casí' reiñ':

—Jō song jnea~ iin~n e seem`bi i dseañu` la cartí mĩ nigüéeng` túu fí jmigüi` la calé` catú`, joba' ¿e~ cuaiñ~ quií` 'nu` uii~ quiá'` i dseañu` la? Lí` 'nu, ja` güihuín'` cóo'~ jnea~.

²³ Jō job mĩ canaang` e ngí júu^ jee~ jaléng'` dsea` quiá'` Dsea` Jmáang` e i dsea` i iing~ Jesús eáang' do ja` nijúuiñ`. Jō dsu' ja` cajíng'` Jesús fa' dseáng'` e ja` nijúung` i dsea` do, cō' lalaba' cajíñ'`: “Song jnea~ iin~n e seeiñ` cartí mĩ nigüéeng` túu fí jmigüi` la calé` catú`, joba' ¿e~ cuaiñ~ quií` 'nu` faco' lajō?”

²⁴ Jō i dsea` i iing~ Jesús eáang' dob cajo, íbing' i tí' ni~ jalé' e cangojée' do jogui jmo'r' jalé' e júu^ la. Jogui ne~baa' røø' e jmang'` júu^ já'`ba' fé'r`.

²⁵ Jō jmigui`bi jalé' e cajmée` Jesús jíi'~ laco' e silí' e fí ni~ jí' la, jogui faco' nilí' fí ni~ jí' dseáng'` lajalé' e cajméer` do, joba' jíi'~ fí jmigüi` ja` ni'í` jalé' e jí' jō faco' lajō.

Jō lanab cadséng` jalé' júu^ quiá'` Dsea` Jmáang` e cajme' Juan.

Jō lajōb nilí`.

Jalé' e cajmée' dsea' i óo' ta' quiá'- Fidié'

Mi' cacuø' Dsea' Jmáang' júu' quiá'r- e ni'ing' dsea' Jmiguí' quiá'- Fidié'

¹ Jnea' Lucas nicajmée' e la'uii' cōo' jì' e catíng' 'nua', Teófilo, li' fé' jalé' e cajmée' Jesús jogui jalé' e ca'er' latí' mi' canaaiñ' jmóor' ta' quiá'r- ² cartí' mi' caguié' jmii' e cangáiñ' fí' ñifí'. Dsu' lajee' ná' gui e nidséiñ' do, caseáiñ' jaléng' i dsea' quiá'r- i caguiñ' i cangí' cōo'r' do, jo la'eáang' cōo' Jmiguí' quiá'- Fidié' casí'-reiñ' jalé' e 'né' nijméiñ' do fí' quini' jaléng' dsea'. ³ Jo dsu' lana nijmée' e e jì' la quiá'- mi' cangí'ba' e cajúng' Dsea' Jmáang' jogui cajíb'tur calé' catú' jo cajmijnéng' 'ña'r' jee' jaléng' i dsea' apóo' i óo' ta' quiá'- Fidié' do e laco' niliñi' dsea' do e lajam'ba' e nicajíb'tur. Jo mi' cangí' jo, cateáang'guir jii' tuló' jmii' fí' jmigü' la, jo lajee' jo éeng' 'ña'r' jee' jaléng' i dsea' do e dseáng' nicajíb'tur, jogui lajee' jo ca'e'r' jaléng' i dsea' í' jial iing' Fidié' cár' nifí' quiá'- dsea' jmigüi'.

⁴ Jo lajee' e táam'bi Jesús cōo' jaléng' i dsea' quiá'r- do, jo casí'r- jaléng' í' e ja' mi' uoiñ' do lajminá' fí' Jerusalén, jogui casí' guir dsea' do cajo jo cajíñ' :

—Nijøøm'ba' fí' Jerusalén la cartí' niliti' lajii' e júu' e nicacuø' Tiquié' e 'nú' lamí' jéeng'gui, lí' laco'gui jii' e nicafii' i 'nú' jéeng'gui cajo. ⁵ Dsu' e já'ba' e i Juan do caseáiñ' dsea' jmii' cōo' jmii', dsu' lajee' lajminá' jnea' nicuøø' 'nú' e niñing'na' Jmiguí' quiá'- Fidié'.

Mi' cangáng' Jesús fí' ñifí'

⁶ Jo mi' cangí' jo, i dsea' quiá'- Jesús i teáang' cōo'r' do fí' mó' Olivos ie' jo cajmingí'r- dsea' do lala:

—Fí'ii', ¿su lana nicatí' í' e nijmée'tu' e ni'neeng'naa' dseata' qui'naa' yee'naa' fí' góo'naa'?

⁷ Jjoba' cañi' Jesús quiá'- i dsea' do jo cajíñ' :

—Ja' 'né' ñi'na' e' jmii' o'gui e' jii' nijmé' Tiquié' e Fidié' jalé' e nijmér-, cō' jii' 'ña'bre ñir' jogui sea' fí' quiá'r- e nijmér- e jo. ⁸ Dsu' mi' niñing'na' Jmiguí' quiá'- Fidié' lajaang' lajaang'na', job nilisea' bí' qui'na' e laco' nigüiguiá'na' júu' quié' e fí' la'úng' jee' fii' Jerusalén cōo'gui latøøng' lí' se' Judea, jogui lajobi cajo fí' lí' se' Samaria, jogui fí' la'úng' fí' jmigüi'.

⁹ Jo mi' lí' casí'r- lajo, lajee' teáang' i dsea' quiá'r- do jøøm-breiñ', canaang' Jesús soor' fí' yá' jmigüi' cartí' caquiiñ' jee' cabøø' jnií', jo jo' cangáng' guir dsea' do.

¹⁰ Jo lajee' teáang' i dsea' do jøø'r- fí' lí' cangáng' Jesús, cōo' cajném' gáng' dseañu' i qui' 'mi' té' fí' lí' teáang' i dsea' do ¹¹ jo cajíñ' casí'-reiñ' :

—Dsea' Israel i seeng' fí' Galilea, ¿jiali' teáang'na' jøø'na' fí' yá'? Cō' Fidié' nicató'r- fí' ñifí' i Jesús i cangí' cōo' 'nú' do, jo laco' cañi'na' jial cajgóor- fí' yá' do, lajob nijáa'tur fí' jmigüi' la calé' catú' mi' nití' í' lajo.

Mi' caguiñ' Matí' e ni'ír' cuaiñ' quiá'- Judas Iscariote

¹² Jo mi' cangí' jo, caquim' i dsea' cangí' cōo' Jesús e fí' mó' Olivos do, jo cangolím'tur fí' Jerusalén, cō' quiáb'- née' e fii' jo, jogui jii' jo cuøøng'ngí' dsea' Israel mi' jmii' e jmi'íñ'. ¹³ Jo mi' caguiliñ' fí' jo, cangotáaiñ' fí' cōo' dsí' sinúu' e tú' fíng-, cō' fí' job lí' nineáaiñ'. Jo i dsea' i caseáng' fí' jo siir' Tú' Simón jogui Jacóo' jogui Juan jogui Dí' jogui Lií' jogui Mó' jogui Bartolomé jogui Mateo jogui jaang'gui i sii' Jacóo' joo' Alfeo, cōo'gui jaang'gui i sii' Simón i líng' dsea' celote, jo cōo' jaang'gui cajo i sii' Judas rúng' Jacóo'. ¹⁴ Jo jalém' i dsea' na

seaiñ' contøøng e feiñ' Fidiée coling cõo~ jaléng' rúng' Jesús cõo~gui Yá, niquiá'^ dsea` do, cõo~gui jaléng' dseamf caguaang~gui.

¹⁵ Jo jaléng' dsea` i caseáng' fí jo tí bre ciento veinte. Jo nineáaiñ' lajim`bre mi caráang~ i Tú^ Simón do jo café'r júu^ quiá'r~ jo casí'r~ dsea` do:

¹⁶ —Dsea` rú'uu', ne`baa' e calitib~ jalé' e cajíng'~ Jmiguí quiá'- Fidiée` la'eáang' cõo~ i dsea` áang' qui~ii i sii` Daví' i caliséng` mali~ eáang', jo catéer` fí ni` jì quiá'- Fidiée` li` fé' uii~ quiá'- i Judas Iscariote do i cacá~ nifi quiá'- i dsea` i 'ní' cangáng~ Jesús mi casaiñ'- dsea` do. ¹⁷ Jo i Judas Iscariote do líiñ' jaang` dsea` i lami~ quíng'~ jee~ jnea'^, dsea` líiñ' dsea` quiá'- Jesús, jo seab` guiéé` quiá'r~ cõo~ jalé' ta~ e jmoo~naa'. ¹⁸ Dsu' mi cangf e ca'níiñ' dsea` do, jo cõo~ e cuu~ e calí'r~ quiá'- lajii~ e 'li' e cajméer` do, calár~ cõo` uõ~, jo fí job calíng' 'ñia'r' jo cajngang' 'ñia'r', jo e fí ni` uõ~ dob catóñ' jo cajná'- moguir~ jogui tu'r ca'guib` jo cajúm~bre. ¹⁹ Jo mi caliñí jaléng' dsea` seeng' fí Jerusalén e calí lado, joba' catéer` e nilisii Acéldama e uõ~ do e guøng' cõo~ jmi' quiá'r~ Uõ~ li~ Catuu` Jmi'øøng~.

²⁰ Jo cajíng'~gui i Tú^ Simón do uii~ quiá'- Judas Iscariote:

—Jo tóo` cõo` fí ni` jì quiá'- Fidiée` e sii` salmos lala:

'Né e jøb~ nijé` éé` quiá'r~;

jo jii~ jaang` ja` ii` nigüea`.

Jogui tóo`gui cajo:

'Né e jaang`gui i nijmé` ta~ cuaiñ~ quiá'r~.

Jo lajob tóo` fí ni` jì quiá'- Fidiée`.

²¹⁻²² 'Joba' 'né` niguíng'~naa' jaang`gui i níngí~ cõo~ jneaa~aa' i ní'ling` cuaiñ~ quiá'- i Judas Iscariote do, jogui røøb` niguiá^naa' júu^ jial mi cají'tu Jesús mi cangf e cajúñ~. Dsu' 'né` e líiñ' jaang` i cangí cõo~ jneaa~aa' lata` catí mi casé` Juan jmi~ quiá'- Jesús jogui cartí mi cangáñ' fí ñifi`.

Jo lanab cajíng'~ Tú^ Simón casí'r~ jaléng' i dsea` do ie` jo.

²³ Joba' caguíng' jaléng' i dsea` do gáng~ dseañu': jaang` i sii` Sé^ Barsabás jogui sii`bir Justo cajo, cõo~ jaang`gui i sii` Matí~.

²⁴⁻²⁵ Jo mi cangf jo, jaléng' i dsea` do camí'r` Fidiée` lala jo cajíñ'~:

—Fí'naa', 'nu` dsea` nicuú' dsí' dsea` lajaang` lajaañ`. Míi~naa' 'nu` e nifi'^ jnea'^ i lajee` lajì huáang~ i dsea` la nicaguín~ e níngí~ cõo~ jnea'^, dsea` guijáng'naa', dsea` ca'uíng~naa' dsea` quí', e ní'iñ' cuaiñ~ quiá'- i Judas Iscariote do, dsea` nicangáñ' fí li~ catúñ' uí' e dsee` e ca'éer` do.

²⁶ Jo mi cangf jo, cacóor` e quiá'- ii` ní' lajee` lajì huáaiñ' do; joba' Matí'bing' calí', jo íb` ca'íng~ cuaiñ~ quiá'- i Judas do, jo colim~ canaañ' ngír' cõo~ i dsea` apóo` guijáng` do ladsifí lado.

2

Mi` ca'íng' dsea` quiá'- Dsea` Jmáang~ Jmiguí quiá'- Fidiée`

¹ Jo mi cangf jo, jo cagüea` cõo` jmi~ quiá'- dsea` Israel e sii` Pentecostés quiá'- mi catí cincuenta jmi~ e canaang` roo` jalé' e jnir'. Jo ie` jo, dob nisiseáng' jaléng' dsea` quiá'- Dsea` Jmáang~ e fí li` tiiñ' e seaiñ' do.

² Jo lajee` teáaiñ' e fí dsí' sinúu` jo, cõo` canúu~bre e ii` fí yú'^ jmigüi laco'gui ii` mi í' guí e teá eáang', jo cõo`b` mi canaang` ii` fí la'úng~ e fí dsí' sinúu` li` neáaiñ' do, ³ jo cajnéng` cõo` e lí'jiu la lí' mi sòng' jì fí yú'^ gui lajaang` lajaang` i dsea` do. Jo caje` cõo` e jo quiá'- lajaang` lajaañ' do. ⁴ Jo lajob ca'íñ' Jmiguí quiá'- Fidiée`, jo lajaang` lajaam`bre canaañ' fé'r` jmi' e jié' e ja` mí cuír` jéeng'gui lí' laco'gui ta~ jmóo` e Jmiguí do jee` ír`.

⁵ Jo ie` jo teáang' fíng' dsea` Israel fí Jerusalén i jalíng~ fí la'úng~ fí jmigüi e laco' nijmitir~ lajii~ e tíng` dsea` do fí jo e jmiféiñ' Fidiée`. ⁶ Jo mi canúur~

e *ii* do lafa' e *í* guí, jo casitúing' rúin' jōgui caseáng' rúin' ladsifí lado fí jo, fí lí~ neáng' dsea` quiá'- Dsea` Jmáang'. Jo mi~ caseáin' lajiiñ' do e fí jo, ja` ñir' jiali' nūur' e nifé' i dsea` do jmí' quiá'r- lajaang' lajaañ`.

⁷ Jo dsíng'- cangogá` dsí' jaléng' i dsea` i caseáng' do ie~ jo, cō' ja` í dsír' e ninír` jalé' e jo, jo canaañ` sñiñ` lajee` yaaiñ` lala:

—iDsea` góo`naa' dsea` Israel i seeng` fí Galileabi lajiiñ` i fé' na! ⁸ Jo çjiali' nūu`naa' e fé'r' jmí' quí'naa'? ⁹ Jo jmaquíim'bi lí~ se~naa' lajaang' lajaang'naa', cō' lab néeng'naa' lana dsea` góo`naa' dsea` Israel i seeng` fí Partia, jōgui i seeng` fí Media, jōgui dsea` Elam, cōo'~gui dsea` Mesopotamia, jōgui cōo'~ dsea` i seeng` fí Judea, jōgui i seeng` fí Capodocia, cōo'~gui dsea` seeng` fí Ponto, cōo'~gui dsea` seeng` fí Frigia cōo'~gui fí Panfilia lí~ se' Asia, ¹⁰ jōgui cajo dsea` seeng` fí Egipto, cōo'~gui dsea` seeng` fí lí~ se' Libia quiá'- laco' Cirene jōgui quieem'bi dsea` cajo i jalíng- fí Roma ¹¹ i líng' dsea` Israel lati' mi~ cangáang'~, jōgui i líng'~gui jōbi nica'uíñ- laco'gui jneaa'aa', dsea` Israel. Jōgui quíim'~bi dsea` i jalíng- fí lí~ se' Creta cajo cōo'~gui fí lí~ se' Arabia. Jo lajaang' lajaam'baa' nūu`naa' e fé'r' jmí' quí'ii' e quiá'- jial laniing- 'gøng' Fidié~ cōo'~ jalé' e jmóor` do jee~ dsea`.

¹² Jo dsíng'- dsigá` dsír' lajiiñ`, cō' ja` ñir' jiali' calí- la do, jo sñiñ` lajee` yaaiñ`:

—¿E~ uiiing~ e calí- jalé' e lala, faa~aa'?

¹³ Dsu' i líng'~gui i dsea` i caseáng' do jmineam'~breiñ' do jo fé'r':

—jMéeb' nica'íñ'- na! jE ni'ím'biñ' na! Jōba' fé'r' lajo.

Jalé' e casí- Tú` Simón dsea` i teáng' do ie~ jo

¹⁴ Jo mi~ canúu- Tú` Simón e fé' i dsea` do lado, jōba' caráañ- café'r' uii~ quiá'- lajiiñ' la'ó' calíñ- dsea` ngí cōo'~ Jesús, jo lalab casí- reiñ' do cōo'~ júu` teá':

—Dsea` rú'uu' dsea` Israel cōo'~gui jaléng' dsea` jiéng' i nineáng' fí Jerusalén la, nūu`na' júu` e nifá'^a la jōgui quie'na' cuente røø. ¹⁵ Cō' jnea'^ ja` íng'naa' laco'gui la í óo'na', cō' ee'bi, nábi nití- la *ii*- ñú- la'ee. ¹⁶ Jo ja` lí' laco' la í óo'na', cō' lanaguí niliti- laco'gui cajíng'- Joel i café' cuaiñ~ quiá'- Fidié~ mali~gui mi~ cajíñ'- lala:

¹⁷ Lalab nidsijéé' mi~ nijaquíéeng' e ni'íing- jmigüí,

cō' lalab cajíng'- Fidié~ mali~gui:

Nicuøøø Jmiguí quie~ e laca'íng'~ dsea` jmigüí;

jōgui jaléng' jōo'na' dseañu' dseamí niguiár- júu` e fé'r' cuaiñ~ quie~e,

jōgui jaléng' siming' ninír' laco'gui mi~ quir' jalé' e nijmee~e,

jōgui jaléng' dsea` yúu'~ niquír- jalé' e nidsijéé' cøøng'gui.

¹⁸ Jōgui nicuøøø jaléng' dseañu' dseamí i jmóo' lajii' e iing~ jnea~ Jmiguí quie~e,

jo lajob niguiár- júu` cuaiñ~ quie~e mi~ nití- í' lajo.

¹⁹ Jōgui fí yá'^ jmigüí nijmee~e jalé' e quí'~i jmí~ e dsigá` dsí' dsea`,

jōgui fí guóo'~ uó- la niní dsea` jmí'øøng- cōo'~gui jì e coo' jōgui niróo- jmiñi' e 'ñuu`.

²⁰ Jo jo` nijneá'gui jì iee`,

jōgui si' yúum- bre nijnéiñ' laco'gui la lí' jmí'øøng-.

Jo nidsijéé' jalé' e jo nú'~gui e jmí~ laniing- 'gøng' do

mi~ nijáa'tu Dsea` Jmáang- fí jmigüí la e niquidsir' í' quiá'- dsea` jmigüí.

²¹ Jo jaléng' dsea` i mi' jnea~ e nijmicōo'~ore,

dsea` íb' i nileáng' e ja` ni'íñ' iihu'í mi~ nití- í' lajo.

Jo lanab lí' júu` quiá'- Fidié~ e ca'íng' Joel mali'gui eáang'.

²² Jo lalab cajíng'-gui Tú` Simón casí'r- dsea` góor` dsea` Israel ie~ jo:

—Núu-gui' jalé' e júu^ e nifíi' 'nú' la. Lajii-baa' nine~naa' guiá- jalé' e quíi' Jesús i seeng' fi' Nazaret jmii~ jmóor', jo dsigá' dsí' dsea' cóo' jalé' li' e quíi'r~ jmii~ jmóor' la'eáang' cóo' Fidié'. Joba' caline~naa' e dsea' íb' casíiñ' dsea' do fi' la. ²³ Jogui cajáng' dsea' Jesús fi' jaguóona' lí' laco' nisi'í' quiá'- Fidié' lami~ jéeng'gui, co' lajob nisi'íiñ' quiá'- dsea' do. Jogui 'nú' caséng'na're cartí' cajngang'na're e cateáang'na'r fi' dse' crúu^ la'eáang' cóo' jaléng' dsea' soo' dsí' rúng'na'. ²⁴ Dsu' Fidié' cajméer' e cajíb'tu dsea' do, jogui caleám'bre dsea' do ni' 'mó-, dsuco' ja' cuóøng' e Jesús nijé-guir e 'liiñ'. ²⁵ Dsuco' lalab cajíng'- dseata~ quí-ii' Daví' malii~gui eáang' e fé'r' cuaiñ' quiá'- Jesús mi' cajíñ'- lala:

Contøom- ñii- e Fíi' Fidié' quier' nifí' quíe- e lacaang' fi' li' ngii-,
jogui íbi i to' fíing' jnea~ jié' fi' li' seen-,
joba' dseáng'- ja' e fi'í' quié- e jii' coo'.

²⁶ Jo dseáng'- eám' íaang' dsii- cartí' øø- quiá'- e íaang' dsii- do,
jo contøom- seen- e ta~ dsii- e jéem' Fíi' jnea~.

²⁷ Co' ja' nicuø- Fidié' fi' e nija' jnea~ fi' dsí' tó' ée',
o'gui nicuør- fi' fa' lí' nijgié' lajo ngúu' táan'n, dsea' güeán'^n i jmóo' lajii' ta'
e iing' ír'.

²⁸ Co' dsea' íb' dsea' ca'e' jnea~ jial laco' niliseen- fi' jmigüi' cóo'r~,
jo lajoba' eám' nili'íaang' dsii-, co' colim~ niliseen- cóo'r~.
Jo lanab jii' lí' júu^ quiá'- dseata~ quí-ii' Daví' e café'r' cuaiñ' quiá'- Jesús.

²⁹ Jo fii-guii' 'nú', dsea' rú'naa', cuóø'tea' jnea~ fi' e nifón'^n 'nú' car' ngocáng' dsii- e i quí-ii' dseata~ Daví' do ja' fé'r' uii~ quiá'r- 'ñia'r', co' e já'-ba' cajúm-bre jogui ca'ám-bre cajo, jo e ée' quiá'r- do sijí'bi latí' lana jee~ jneaa~aa'. ³⁰ Dsu' i Daví' do calíiñ- jaang' dsea' i café' cuaiñ' quiá'- Fidié' malii~gui eáang', jogui ñi'bre guiá- e Fidié' cacuør' dseáng'- júu^ já'- quiá'r- e nicuøiñ- jaang' lajee~ i dsea' sijur' do i nilíng- dseata~ dsea' féng' quí-ii', dsea' líi' dsea' Israel. ³¹ Jo e lafa' nijøøb- i dseata~ Daví' do jo café'r' uii~ quiá'- Dsea' Jmáang-, i dsea' i casíng- Fidié' fi' jmigüi' la e quiá'- nijíb'tu dsea' do mi' ningí' e nijúuiñ- ie~ mi' cajíñ'- e ja' nijé- i dsea' na' fi' dsí' tó' ée' quiá'r-, o'gui nijgié' jalé' ngúu' táaiñ' fi' dsí' e too' ée' do. ³² Jo lajob lí', co' Fidié' cajméer' e cají'tu Jesús mi' cangí' e cajúñ-, jo lajaléb' e calí- do neb' jneaa~aa' lajii~naa'. ³³ Jogui mi' cangí' e cají'tur do, cangáiñ'- fi' li' guing' Fidié' fi' ñifí- e ngogüear' lí'- lí' dsée' laco' guing~ dsea' do. Jo fi' job ca'íng' dsea' do e Jmiguí' e cacuø' Tiquiá'r^ Fidié' e laco' nicuør'- jaléng' dsea' quiá'r- lí' laco'gui júu^ e nicacuør' lami~ jéeng'gui. Jo e lab lajii' e nicañi' 'nú' jogui e nicanáa~na' lajee~ lana. ³⁴ Dsuco' o' i 'lii~ dseata~ Daví' i cangáng'- fi' ñifí- la quie' ngúu' táaiñ' do laco'gui cangáng'- Jesús, dsuco' 'ñiab' i Daví' do cajíñ'- lala ie~ jo:

'Ñia' Fidié' casí'r- Fí'naa' jo cajíñ'-:

“Fí' lab niní' lí'- lí' dsée' laco' guin~n la

³⁵ cartí' nijmee~ jnea~ e nilinúu~ jaléng' dsea' júu^ quí'-, jaléng' i 'ní' níng-
'nu.”

³⁶ Jo güiline~baa' guiá- jaléng' jneaa~aa', dsea' líi' dsea' Israel, e i Jesús i cateáang' 'nú' fi' dse' crúu^ do, íbing' cacuóøng' Fidié' e líiñ' Fii' quiá'- jaléng' dsea' jmigüi', jogui caleáiñ' jneaa~aa' jee~ dsee- quí-ii' cajo.

³⁷ Jo mi' canúu- jaléng' i dsea' i siseáng' do e júu^ quiá'- i Tú' Simón do, dsíng'- calíiñ- fi'í'. Joba' cajmingí'r- i Tú' Simón do cóo'gui i dsea' apóo' caguiaang-gui do jo cajíñ'- casí'-reiñ':

—Dsea' rú'uu', ¿e~ mí' sea' uii~ quiá'- jalé' dsee- e nica'ee~naa'?

³⁸ Jo cañi' Tú' Simón quiá'- jaléng' i dsea' do jo cajíñ'-:

—'Né- qui'~ jíing'~ yaang~na' fí' quini'~ Fidiéé', jogui nisáng'na' jmíi'~ lajaang'~ lajaang'na' laco' cuø' li' e nilíng'na' dsea' quiá'~ Dsea' Jmáang~, jo lajoba' ni'íing'~ Fidiéé' jalé' dsee- quií'na', jogui nicuø'r' 'nú' Jmiguí' quiá'r' cajo. ³⁹ Jo e Jmiguí' e ni'íing'na' do quiá'r'~ catím'ba' cóo'~gui jaléng' joo'na' cajo cóo'~gui lajüing' jaléng' dsea' lí' doñi' jíe' fí' seeñ', lí' lajaléng' i' nisi'íing' quiá'~ Fidiéé' i' ni'uíng' dsea' quiá'r'.

⁴⁰ Jo cóo' e júu' lab jogui cóo' e jíe'gui cajo e caliúng' Tú' Simón jaléng' i' dsea' i' caseáin' fí' Jerusalén ie' jo, jo lalab casí'~ reiñ':

—Jáang'~ yaang~na' fí' jaguó' Fidiéé' e laco' ja' nigüíling'na' fí' lí' 'lí' lí' laco'gui dsilíng' jaléng' dsea' dsee- dsea' qui'!

⁴¹ Jo lajob jüi' lí' júu' quiá'~ Tú' Simón e casí'r' i' dsea' do. Jo lajob lí', jaléng' i' dsea' i' já' calíng'~ lajüi' júu' quiá'~ i' Tú' Simón do, cajgáam'~ bre jmíi' e laco' cuø' li' e ca'uíng' dsea' do dsea' quiá'~ Dsea' Jmáang~. Jo ie' jo 'ní' milgui dsea' i' ca'uíng' dsea' quiá'~ Dsea' Jmáang~, jo caquim'~ bre cóo'~ jaléng' i' dsea' quiá'~ Dsea' Jmáang~ caguaang'~gui do ie' jmíi' jo. ⁴² Jogui lajüim' i' dsea' do dseáng'~ ja' jmitúng'~ dsír' lajüi' e júu' e guía' jaléng' i' dsea' apóo' do, jogui røøb' jmóor' jmá'~ jiü cóo'~ jalé' e sea' quiá'r'. Jogui lajobi cajo e féiñ' Fidiéé' jogui seáng' rúin' lajüin' do e gø'r' ir' colíng' e laco' jmguiéng' dsír' Dsea' Jmáang~.

Jalé' e guiá' e ca'éé' la'uii' dsea' i' já' calíng' júu' quiá'~ Dsea' Jmáang~

⁴³ Jo ie' jo lajalém' dsea' dsigá' dsír' jalé' e lí' e quí'~ jmíi' e jmóo' jaléng' i' dsea' apóo' do. ⁴⁴ Jo lajaléng' i' dsea' i' nijá' calíng' júu' quiá'~ Dsea' Jmáang~, eáam' guiá'~ conrøø' seeñ', jogui jmóor' jmá'~ jiü lajüi' e sea' quiá'r'~ lajaang' lajaain'; ⁴⁵ co' 'nú' bre jalé' e sea' quiá'r', jo e cuu' e lí'r' do jmóor' jmá'~ jiü lí' jialco' lí' 'né' quiá'r'~ lajaang' lajaain'. ⁴⁶ Jo laco' jmíi' seáng' rúin' fí' sinúu' guá', jo fí' quiá'~ la'ó' rúin' eáam' iáang' dsír' gø'r' ir' colíng' e ja' jmjíng'~ yaaiñ', ⁴⁷ jogui jmiféiñ' Fidiéé'. Jo jaléng' dsea' eáam' guiá'~ fé'r' uii' quiáin', jogui laco' jmíi' laco' jmíi' jmóo' Fidiéé' e fíing'gui dsea' ca'uíñ' dsea' quiá'~ Dsea' Jmáang~.

3

Mí' ca'láang' jaang' dsea' jlúung'

¹ Jo cóo' jmíi' i' Tú' Simón do cóo'~gui Juan cangolíñ' fí' guá'~ fé' quiá'~ dsea' góor' dsea' Israel e sí' fí' Jerusalén la jü' 'ní' e ca'lóo', co' e oor' jo táng' dsea' Israel e dsiféiñ'~ Fidiéé'. ² Jo e fí' guá'~ jo dsigüeá' jaang' dsea' i' jlúung'~ latí' mí' cangáang'. Jo fí' job dsijéng' dsea' i' dseañ'~ jlúung'~ do laco' jmíi', jo dsigüieéñ' fí' cóo' o'nú' quiá'~ e guá'~ do e sií' Lí' Niguo' e laco' mí'r' jaléng' dsea' i' dsitáang' fí' jo jalé' e 'né'.

³ Dsü' mí' cangáng' i' dsea' jlúung'~ do Tú' Simón cóo'~gui Juan e tí' lí' nidsitáain' fí' dsí' e sinúu' guá'~ do, joba' cajíng' i' dsea' jlúung'~ do casí'r' i' dsea' gáng' do:

—Já' cuø'~ jnea' lajüi' e iáang' o'?

⁴ Jo lico' cajøøm' Tú' Simón cóo'~gui Juan i' dsea' jlúung'~ do, jo cajíng'~ Tú' Simón casí'~ reiñ':

—Jøøng' jnea'.

⁵ Joba' tiib' cajeiñ' do lí' eáam' cango'gó' dsír', co' líiñ' e líng' ee' nicuøb' i' dsea' do ír'.

⁶ Joba' casí'~ Tú' Simón i' dsea' jlúung'~ do jo cajíñ'~:

—Ja' oo'~ cutee' o'gui cunéé' fa' e nicuøø'ø' 'nú', dsü' lajüi' e cuøøng' cuøø' nicuøbaa: la'eáang' cóo'~ 'ñia' júu' quiá'~ Dsea' Jmáang~, dsea' seeñ' fí' Nazaret, ráan'~ jo ngí'.

⁷ Jo mi~ calí~ fé~ Tú^ Simón lajo, catíiñ~ guoo` dsée` quiá~ i dsea` jlúung~ do jo caseang` neiñ~; jo dsifí` lajob catíng~ bí` tí~ i dsea` jlúung~ do cóo~` gui lutíir^.
⁸ Jo lico` ca`ím~ i dsea` jlúung~ do, jo dsifí` lajob casíñ~`, jo canaiñ` ngí` bre jóng. Jo mi~ cangí` jo, ca`í~ bre cóo~` i dsea` gáng~ do fí` dsí` sinúu^ guá~ e ningir', jo cangáiñ~` íiñ` fí` dsí` jo e jmiféiñ` Fidiée`.

⁹ Jo mi~ cangá~ jaléng~ i dsea` do e cangib~ i dsea` jlúung~ do jogui e jmiféiñ` Fidiée`, ¹⁰ joba` eáam` cango`gó` dsí` i dsea` do, jogui cafóm` bir cajo mi~ cangár~ e ca`láam~ i dsea` jlúung~ do, co` niñib~ i dsea` do e i dsea` jlúung~ do i lamí` gua` e fí` o`nú^ guá~ lí~ sii` Lí~ Niguo` do e mir` jalé` e `ner~.

Mí` café` Tú^ Simón júu^ güi~ quiá`r~

¹¹ Jo mi~ cangí` jo, i dsea` jlúung~ i ca`láang~ do dseáng~` jo` tiúum~ bre Tú^ Simón cóo~` gui Juan. Jogui lajím~ i dsea` teáng~ fí` do ie~ jo eáam` cango`gó` dsíir', jogui canaiñ` e dsilíiñ~ e fí` siguí` quiá~` guá~` fé` do fí` lí~ sii` Ní`núu` quiá~` dseata~ Salomón, co` fí` job taang~ i dsea` gaang~ do. ¹² Jo mi~ cangá~ Tú^ Simón e guilíng~ jaléng~ i dsea` do fí` do, joba` casí~` reiñ` jo cajíñ~`:

—¿Jialí` dsí`gó` óo` `nú`, dsea` rú`naa` dsea` Israel, uí~ e ca`láang~ i dseañu` la? ¿Jialí` jøng`na` jnea`^ gó~naa`? Co` o` jnea`^ dsea` cajmi`leáang`naa` i dseañu` la fa` cóo~` la`eáang` e `gøng`naa` o`gui la`eáang` e dsíng~` jmiféng`naa` Fidiée`. ¹³ Dsu` Fidiée` i cajmiféng` `lí~ yúu~` quí~`ii` i sii` Abraham jogui Isáa` jogui Jacóo^ cóo~` jaléng`gui dsea` áang` quí~`naa`, íb` Fidiée` i caguiéng~` yú`gui i Fíi`naa` Jesús i jmóo` lajii~` e iing~` dsea` do. Dsu` `nú` cajáang`na`r fí` quini~` jaléng` dseata~, jogui caguijeaang`na`r fí` quini~` dseata~ dsea` féng` i sii` Pilato. Jo i dseata~ í` lamí~` iñ~ e nileám~ bre Jesús, dsu` `nú` ja` cacuó`na` fí` lajo fa` e caleáaiñ` dsea` do. ¹⁴ Jogui lafa` e nilaang~`na`re dsea` líiñ` jaang` dsea` güeang` jogui éer` røø, dsu` lí~` riquib` cajmee~`na`. Co` `nú` camí`na` e caláang~` jaang` dsea` i `léé` i nicajngang` dsea` rúng` lafa` e nilaang~`na` ír, ¹⁵ jogui lajobi camí` `nú` e cajnga` dsea` quiá~` i dsea` i cuø` jneaa`aa` e see~`naa` cøøng` cóo~` Fidiée` lata~. Dsu` Fidiée` cajméer` e cají`tu dsea` do calé` catú~` jee~` jaléng` `lí~, jo ne`baa` guiú~` lajii~`naa`, dsea` líiñ` dsea` apóo^, jalé` e jo. ¹⁶ Dsuco` e la`eáang` e jáb~` calíng~ i dsea` jlúung~ i jøøng~ máang`na` la e quíib~` Jesús jmí~ e cajmi`leáaiñ~` dsea` do, joba` nicalibíim~`tur jogui nica`láam~`bre lana lí` laco`gui nicañí~`na` na.

¹⁷ Jo niñi`baa` guiú~, dsea` rú`naa` dsea` Israel, e ja` ñíb^ `nú` o`gui dsea` i quie` nifí` quí~`ii` ñír` jalé` e cajmee~`na` mi~ cajngang`na` Jesús. ¹⁸ Dsu` mi~ cajngang`na`re, job dseáng~` cajmiti~` Fidiée` lajii~` júu^ e cacuør` lamí~` jéeng`gui e caguia` jaléng` dsea` i café` cuaiñ~` quiá`r~` mi~ cajíñ~` lala, e dseáng~` nisí`í`ba` e nijnga~` dsea` quiá~` i dsea` i sijeeng`naa` fí` jmigüi` la i nisíng~` Fidiée` i nileáng~` jneaa`aa` jee~` dsee~` quí~`ii`.

¹⁹ Joba` fíi~`i `nú` e quí~` jíng` yaang`na` fí` quini~` Fidiée` jogui jáang~` yaang`na` fí` jaguór`, jo lajoba` ni`íiñ~` dsee~` quí~`na`. Jo jangám~` Fíi`naa` Dsea` Jmáang~` nijmér~` e nilí`íáang` óo`na` jogui e niliseeng`na` juguiú~` júu^ røø` cóo~`r`. ²⁰ Jo Fidiée` nisíng~`tur Jesús fí` jmigüi` la, jo dsea` íb` cajo i caguíng` dsea` do latí` mi~` uiing` e laco` nilíiñ~` dsea` quie` nifí` quí~`ii`, dsea` líiñ` dsea` Israel, lí` laco`gui nicajíñ~` lamí~` jéeng`gui. ²¹ Dsu` lajee` lana, fí` ñifí~`bi` `né` seeiñ` cartí` mi~` niguiá~`tu Fidiée` guiú~` lajalé` e sea` fí` jmigüi` laco`gui toø` fí` ni~` jì` quiá~`r~` jogui laco`gui casí~`r~` dsea` quiá~`r~` i café` cuaiñ~` quiá~`r~` malí~`gui eáang`, ²² lí` laco` cajíng~` Moí~` ie~` jo ie~` mi~` casí~`r~` jaléng` `lí~` dsea` cøøng~` quí~`naa` lala: “Fíi`naa` Fidiéeb~` niguíng` jaang` dsea` lajee` dsea` góo`naa` i nifé` cuaiñ~` quiá~`r~` lí` laco`gui caguiñ` jnea~` e fá`a cuaiñ~` quiá~`r~`. Jogui `né` jmee~`na` núu`ba` jalé` júu^ quiá~`r~`. ²³ Dsuco` jaléng` dsea` i ja` nilíjii~` jalé`

júu^ quiá'- dseá do, ni'ím-bre jō ni'nám-bre congua' jee~ jneaa~aa', dseá lí'í' dseá quiá'- Fidié'."

Jō lanab cajíng'- Moi' ie~ jō.

²⁴ Jō lajím dseá i café' cuaiñ~ quiá'- Fidié' mali~gui eáang', canaang' lati' cóo'~ Samuel cartí' lana, røøb' júu^ caguiar' quiá'- jalé' e dsijéé' lajee' lana. ²⁵ Jogui 'nú'bi cajo catíng-na' lajii~ júu^ e cacuø' Fidié' lami~ jéeng'gui la'eáang' cóo'~ dseá i cagua' júu^ quiá'r-. Jogui nicatím-bi 'nú' cajo júu^ e nisilí' quiá'- Fidié' cóo'~ jaléng' 'lí' dseá cóøng' quí-ii'. Dsucō' Fidié' casí'r- Abraham ie~ mali~ do mi~ cajíñ'- lala: "Ni'ee'e guiá- cóo'~ lajím dseá seeng' fí' la'úng- fí' jmigü' la'eáang' cóo'~ jaang' dseá sijú' i nijáa' mi~ nití- í' lajō." Jō lajōb cajíng'- Fidié' casí'r- Abraham ie~ jō. ²⁶ Jō mi~ cangí' e cajmijí'tu Fidié' i jōor' Dseá Jmáang- do, la'uii~ casíñ' dseá do jee~ jneaa~aa', dseá lí'í' dseá Israel, e lacō' niñíng'naa' e ni'náng'naa' jee~ jalé' e 'lí' e jmoo-naa' lajaang' lajaang'naa'.

Jō lanab lí' jalé' júu^ e cagua' Tú' Simón ie~ jō.

4

Mi~ caguiéng'- Tú' Simón cóo'~gui Juan fí' quini~ dseata

¹ Jō lagui'ná'bi fé' Tú' Simón cóo'~gui Juan júu^ quiá'r- fí' quini~ jaléng' dseá e fí' guá'- fé' quiá'- dseá góor' dseá Israel do, mi~ caguilíng- jmidseá cóo'~gui i fii~ quiá'- dseá jmóo' í' guá'- do jogui cóo'~bir dseá Israel i líng' dseá saduceo cajo. ² Jō jaléng' i dseá í' eáam' liguíñ- dsu' e Tú' Simón cóo'~gui Juan ngír' ta~ e' dseá e quiá'- jí'tu jaléng' dseá mi~ ningí' e júuiñ'- lí' lacō'gui calí- cóo'~ Jesús. ³ Jō casam'-bre i dseá gáng- do dsifí' lado uíi~ e jō, jō catáng'neiñ' 'nuñí' e lacō' niquidsir' í' quiáñ'- do mi~ nijneá', cō' nica'lóob- mi~ casang'-neiñ' do. ⁴ Dsu' fíim' jaléng' dseá i nicanúu- e júu^ e guia' dseá do nicajám' yaaiñ' fí' jaguó' Jesús, jō lajii~ dseañu'bi cadsíñ- jiu~ ja' 'ñiá' mil la'ó' ca'uíñ- dseá quiá'- Dseá Jmáang- ie~ jō.

⁵ Jō mi~ cajneá' e jmii~ jō, caseáng' jaléng' dseá quie' nifí' quiá'- dseá Israel fí' do fí' Jerusalén cóo'~gui jaléng' dseá cóøng' quiá'r- jogui jaléng' tífa' quiá'- júu^ quia' ta~ quiá'- dseá Israel. ⁶ Jō jee~ jōb quiéeng' Anás i líng' dseá mogui~ quiá'- jaléng' fii~ jmidseá quiá'- dseá Israel, jogui jmidseá Caifás, jogui Juan, jogui Jaang-, lí' lajaléng' dseá sinúu' caguiaang-gui quiá'- i dseá mogui~ quiá'- jaléng' fii~ jmidseá do. ⁷ Jō jaléng' i dseá í' caquiur' ta~ e nitøør' Tú' Simón cóo'~gui Juan fí' jee~ lí' teáaiñ', jō fí' jee~ jōb casíñ'- dseá do, jō lalab cajmíngí'r- dseá do ie~ jō, jō cajíñ'-:

-¿Í' nicacuø' 'nú' fí' e cajmi'leáang-na' i dseá na?, osi ¿i~ júu^ quiá'- é?

⁸ Jō cō' Tú' Simón eáang' jmicoó'~ Jmiguí' quiá'- Fidié' quiá'r-, jōba' cañíir' quiá'- i dseá góor' do jō cajíñ'- casí'- reiñ':

-E laba' fii' i 'nú', jaléng' dseá teáang-na' nifí' quí-ii', cóo'~gui jaléng' 'nú', dseá cóøng' quí-ii', ⁹ cō' 'nú' jmíngü'na' quiá'- jalé' e guiá- e nicajmó'naa' cóo'~ i dseá lami~ jlúung' na e lacō' niliñí'na' jial calí- e ca'láaiñ-. ¹⁰ Jōba' nijmób^ jnea' júu^ fí' quini~ 'nú' e lacō' nilíne'naa' cóo'~gui dseá Israel caguiaang-gui e i dseañu' i sing' quini'naa' lajii-naa' la'ó' tee-naa' la ca'láaiñ- la'eáang' cóo'~ Dseá Jmáang- i seeng' fí' Nazaret, i dseá i cateáang' 'nú' fí' dse' crúu' do, jogui i cajmijí'tu Fidié' calé' catú-. ¹¹ Jō 'nú' í' óo'na' e i Jesús do líiñ' lafa' cōo' cūu~ e ja' ta~ íng' quiá'- tí- fii', dsu' o' já'- e lajō, dsucō' dseá do lanagui nilíiñ' lafa' e cūu~ e niing-gui lajee' lajalé'. ¹² Jō jíi' i Jesús dob dseá cuøøng' nileáiñ- jneaa~aa' jee~ jalé' dsee- quí-naa', cō' jō i seeng' i jíeng'gui fí' la'úng- fí' jmigü' fa' e nicacuøøng' Fidié' i nileáang- jneaa~aa' jee~ dsee- quí-ii'.

¹³ Dsu' mi~ cangá~ jaléng' dsea` i teáang~ nifi' quiá'- dsea` Israel do e eáang' ja` 'gó' Tú^ Simón cóo'~gui Juan e fé'r' jalé' júu^ quiá'- Dsea` Jmáang~, joba' eáam' cangogá' dsí' i dsea` do mi~ canúur~ jial tting' Tú^ Simón fé'r', co' niñi'bre e ja` 'ga' lí' mí' jmitíng' dsea` do, joba' calilí'r^ e dsea` cangí' cóo'~ Jesús liñ' do laj' huáaiñ~. ¹⁴ Jo jii'~ ja` e bí' sea` quiá'- i dsea` do fa' e nijmér~ dsee~ quiáin'~ do, co' jee~ dob sing' i dsea` i nica'láang~ do. ¹⁵ Joba' caquiá' i dsea` quie' nifi' do ta~ e ca'uøøm` Tú^ Simón cóo'~gui Juan fi' caluu' lajee~ cateá' fi' quini' i dsea` fíng' i siseáng' do. Jo mi~ cangí' jo, jo canaang' i dsea` i siseáng' do sñiñ' lajee~ yaaiñ~ jo sí' rúin':

¹⁶ —¿E~ nijmó'oo' cóo' i dseañu' gáng~ na? Co' lajim` dsea` seeng' fi' Jerusalén ñir' e nicajméeiñ' li~ lajii'~ e cangñiñ' e tñiñ', jo ja` cuøøng' fé'naa' e o' já'- e jo. ¹⁷ Jo e laco' jo` nini'~gui lajii'~ júu^ e guiar' do jee~ jaléng' dsea`, joba' nité'baa' fø' quiá'r~ e laco' jo` ningí' guir guiar' júu^ cuaiñ~ quiá'- i Jesús do.

¹⁸ Jo lajob cajméer'; catób'-turiñ' do e fi' li~ siseáng' i dsea` fíng' do, jo caquiá'r' ta~ quiáin'~ do e jo` ee` nifé'guiñ' o'gui ni'é'guiñ' do jii'~ cóo' júu^ cuaiñ~ quiá'- Jesús. ¹⁹ Dsu' i Tú^ Simón do cóo'~gui Juan cañir' quiá'- i dseata~ quiá'r~ do jo casí'-reiñ':

—Íi' óo' 'nú' yaang~na' jial e guiá'gui, ¿su guiá'gui e nijmití'naa' lajii'~ ta~ quiá' 'nú' laco'gui e nijmití'naa' la'uii~ ta~ quiá' Fidié'~? ²⁰ Co' ja` cuøøng' e nitú' jnea'^ e nifé'naa' lajii'~ e nicané'naa' jogui lajii'~ e nicaná'naa' quiá'- Jesús.

²¹ Jo mi~ canúu~ jaléng' i dsea` i quie' nifi' do jalé' e júu^ jo, caleáb'tu casí'-reiñ' do e lñng~ ee` nijmeáng'neiñ'; dsu' ja` cateá' dsí'r' fa' cajméer' lajo, jo catiúum~breiñ' do, co' ja` cadsé'r' jial uing~ e nijmér~ lajo, co' lajim` dsea` i teáang~ do ie~ jo jmiféiñ' Fidié' quiá'- lajii'~ e calí' do ie~ jmñ~ jo. ²² Jo i dseañu' i ca'láang~ la'eáang' cóo'~ güea'^ quiá'- Fidié' do ningóor' lí'gui tuló' jii'.

Mi~ cami' dsea` quiá'- Dsea` Jmáang~ Fidié' e nijmicóo' i quiá'r~

²³ Jo mi~ ca'uøøng' Tú^ Simón cóo'~gui Juan e fi' lí' siseáng' dsea` do co' nisilaam~bre, joba' caseáng'tu rúin' cóo'~ jaléng' i apóo' rúin' caguiaang~gui do, jo cajmea'reiñ' júu^ jalé' e cajíng' jaléng' fii' jmidsea' quiá'- dsea` góor' dsea` Israel cóo'~gui jaléng' dsea` cøøng' quiá'r~. ²⁴ Jo mi~ cató' jma' rúin' e júu^ do, jo caféiñ' Fidié' congua' lajiiñ' do jo cajíñ':

—Fí'i'i', 'nu' dsea' cajmee' yá'^ jmigüi' cóo'~gui guóo' uø' jogui jalé' jmñ' lí'^ lajalé' e sea` quiá'- laca'íng' laca'íng'~. ²⁵ Jo lalab casí' 'nu' i dseata~ Daví'^ i cajméé' lajii'~ e iing~ 'nu' do, jo la'eáang' cóo'~ Jmiguí' quiá'- cajme'r' lala: Ja` dseeng' e niliguíng~ jaléng' dsea' jmigüi' quiá'- Fidié'~. Ja` e ta~ íng^ e nijmé' dsea' Israel e ni'í' dsí'r' jalé' e ja` ta~ íng^.

²⁶ Co' lajaléng' dseata~ dsea' féng' i quiá' ta~ fi' jmigüi' la jmicøøng' yaaiñ~ fi' quini' Fidié'~,

jo colim~ cóo' i dsea` quie' nifi' qui'ii' 'ní' níñ' 'nu', Fí'naa',

colíng~gui cóo'~ Dsea` Jmáang~ i nicaguín'~ 'nu' do.

Jo lanab cajme' i dseata~ Daví'^ do.

²⁷ Jo sí'naa' 'nu', Fí'naa', e lajob calí' mi~ dseata~ Herodes cóo'~gui dseata~ Poncio Pilato caseáng' rúin' fi' la fi' Jerusalén cóo'~ jaléng' dsea` i ja` líng' dsea' Israel cóo'~gui jaléng' dsea' góo'naa' dsea' Israel, e cajméer' 'ní' níñ' Jóo' Jesús i güeang'^ i jmóo' lajii'~ e iing~ 'nu' do i caguín'~ do. ²⁸ Jo jaléng' i dsea` do nicajméer' jalé' e na, co' lajob sí'í' quií' 'nu' e nidsijéé' jalé' e na, jo nicalitib~ lana. ²⁹ Jogui lana, Fí'i'i', 'nu' bi dsea' ninuu' jalé' e ga' e fé' i dsea` do uii~ qui'ii', joba' mñ'naa' 'nu' e nicuó'ba' bí' jaléng' jnea'^, dsea' jmoo'naa'

lajíi~ e iin~', e niguiá^guíi' júu^ quíi~ e ja' 'gó'naa'. ³⁰ Jogui jmicóo~ jnea^ cóo~ güea^ quíi~ cajó e quíi~naa' jmíi~ nijmi'leáang^naa' jaléng' dsea` dsée' jogui e nijmó^naa' jalé' e li~ jogui jalé' e quíi~naa' jmíi~ la'eáang' cóo~ Jóo' Jesús i güeang'^ do.

Jó jii~ lanab líi' júu^ quíi~ i dsea` apóo^ do e caféiñ' Fidiée' ie~ jo.

³¹ Jó mi~ cató' féng' i dsea` apóo^ do Fidiée', dsifi' ladob cajlé' fi' li~ siseáng' lajiiñ' do. Jó Jmiguí' quíi~ Fidiée' eám' jmicóo~ quíi~r~ lajiiñ' e laco' guiar' júu^ quíi~ Fidiée' fi' ni~ fi~ e ja' 'gó'r' jii~ capí'.

Jalé' e sea` quíi~ dsea` quíi~ Dsea` Jmáang~ líi' e røøb` quíi~r~ lajiiñ'

³² Jó eám' fíng' jaléng' dsea` quíi~ Dsea` Jmáang~, jogui røøb` dseáng' siiiñ' jogui røøb` éer lajaléiñ' do. Jó jii~ jaaiñ' do ja' jmóor' e lajii~ e sea` quíi~r~ líi' quíi~r~ yaaiñ~, co' jalé' e jo røøb` quíi~r~ lajiiñ'. ³³ Jogui i dsea` apóo^ do eáang'gui nisea` bí quíi~r~ e guiar' júu^ quíi~ jial mi~ cají'tu Fíi'naa' Dsea` Jmáang~ mi~ cangí e cajúiiñ~; jogui Fidiée' eám' jmicóo'r~ lajiiñ' i dsea` do cóo~ güea^ quíi~r~. ³⁴ Jó lajiiim' i dsea` do sea'ba' e 'né~', co' jaléng' i óo' uó~ osi 'núr' é, joba' 'nii'bre e jo, jo e cuu~ e li'r' do fi' jaguó' i dsea` apóo^ dob ngíiñ'. ³⁵ Jó íguib nijmé~ jmá~jiu lajee' lajiiñ' do líi' jialco' li~ líi' quíi~r~ lajaang' lajaam'bre. ³⁶ Jó lajob cajó cajmée' jaang' dsea` Israel i líng' dsea` levita i sii' Sé^ i niseeng' fi' coo' li~ sii' Chipre. Jó i dsea` í calisí' quíi~ i dsea` apóo^ do Bernabé, e guóng' dsea` i jmicóo~ jaléng' dsea` rúng'; ³⁷ jo i dseañu' la ni'óo'bre coo' uó~, jo ca'nii'bre' do, jo e cuu~ e calí'r~ quíi~r~ e uó~ e ca'nii'r' do, fi' jaguó' i dsea` apóo^ dob caguiar' laji.

5

Dsee~ e ca'éé` Ananías cóo~ Safira

¹ Jó mi~ cangígui lajo, ca'nii'b' jaang' dseañu' i sii' Ananías coliiing~ cóo~ dseamí quíi~r~ i sii' Safira coo' uó~. ² Jó røøb` casíng~ i dseañu' do cóo~ dseamí quíi~r~ e cajé'bre cóo~ condseá~ e cuu~ e calí'r~ do, jo dsu' jii~ condseá~ba' cacuø'r' i dsea` apóo^ do. ³ Joba' lalab casí~ Tú^ Simón i Ananías do jo cajíiñ'~:

—Ananías, ¿jiali' cacuøø' fi' uø' e calí~ fi~ i 'líng'^ i sii' Satanás fi' o' e cajmee' adseaan' quíi~r~ Jmiguí' quíi~ Fidiée', jogui cajé'^ cóo~ condseá~ e cuu~ e calí~ quíi~r~ uó~ e ca'nii~ do? ⁴ ¿Su o' quíi~ e uó~ do? Jogui mi~ cangí e ca'nii~, ¿su o' quíi~ e cuu~ e calí~ do? ¿jiali' calí' o' e cajmee' lajo? Jó o' jii~ cóo~ jnea^, dsea` apóo^, nicajmee' adseaan', co' cóo~ Fidiéeb' dsea` nicajmee' lajo.

⁵⁻⁶ Jó mi~ calí~ núu~ Ananías e júu^ jo, dsifi' lajob caquiiñ' jo cajúm~bre. Jó mi~ cangí jo, caguilíng~ tú~ 'ní máng' siming', jo caquiiñ' 'mi' i 'lii~ Ananías do jo cangojéeng'neiñ' fi' li~ ca'áam~breiñ' do. Jó jaléng' dsea` i caliñi' lajii' e calí~ do ie~ jo dsíng' cafóiiñ'.

⁷ Jó mi~ cangí 'ní oor~ lajo, caguiéng' dseamí quíi~ Ananías fi' jo, jo jii~ ja' ñir' jalé' e nicalí~ do. ⁸ Jó cajmíngí~ Tú^ Simón i dseamí quíi~r~ 'lii~ Ananías do jo cajíiñ'~:

—Jmée' jnea~ júu^, ¿su ca'nii~ba' e uó~ do cóo~ jii~ 'móo~ e nicafée'na' do?

Jó cañii' i dseamí do:

—E já~, lajob calí~, co' ca'nii~baa' cóo~ jii~ e 'móo~ jo.

⁹ Joba' casí~ Tú^ Simón i dseamí do:

—¿jiali' casiing~na' røø' cóo~ dseañu' quíi~r~ e cajmee'na' adseang'na' quíi~r~ Jmiguí' quíi~ Fidiée'? Lana dob nijalíng' i siming' i cango'áang' dseañu' quíi~r~ do, jogui 'nu'gui nijéiñ~ e nidsi'áaiñ' lana.

¹⁰ Jo dsifí lajɔb caquing¹ i Safira do uii² tii³ Tú⁴ Simón e ni⁵liim⁶bre. Jo mi⁷ caguiling⁸ i siming⁹ do, ni¹⁰liim¹¹ i dseam¹² do. Jo cangojéem¹³breiñ¹⁴ do fí¹⁵ li¹⁶ ca¹⁷áaiñ¹⁸ jo cataiñ¹⁹ cáang²⁰ e li²¹ ca²²áng²³ i²⁴ li²⁵ dseañ²⁶ quíá²⁷ do. ¹¹ Jo lajiing²⁸ dseá²⁹ quíá³⁰ Dseá³¹ Jmáang³² i³³ teáang³⁴ do ie³⁵ jo cóo³⁶ gui jaléng³⁷ dseá³⁸ i caliñ³⁹ jalé⁴⁰ e calí⁴¹ do, eáam⁴² cafóñ⁴³.

Jalé⁴⁴ e li⁴⁵ e quí⁴⁶ dseá⁴⁷ apóo⁴⁸ jmí⁴⁹ e cajméer⁵⁰

¹² Jo mi⁵¹ cangí⁵² jo, jmigui⁵³ jalé⁵⁴ li⁵⁵ e quí⁵⁶ jmí⁵⁷ cajméé⁵⁸ i⁵⁹ dseá⁶⁰ apóo⁶¹ do jee⁶² jaléng⁶³ dseá⁶⁴. Jo lajiim⁶⁵ i⁶⁶ dseá⁶⁷ quíá⁶⁸ Dseá⁶⁹ Jmáang⁷⁰ do seáiñ⁷¹ fí⁷² guá⁷³ fé⁷⁴ quíá⁷⁵ dseá⁷⁶ Israel li⁷⁷ si⁷⁸ Ni⁷⁹núu⁸⁰ quíá⁸¹ dseata⁸² Salomón. ¹³ Dsu⁸³ jji⁸⁴ jaang⁸⁵ dseá⁸⁶ jiéng⁸⁷ ja⁸⁸ teá⁸⁹ dsír⁹⁰ e nidsitáaiñ⁹¹ cóo⁹² i⁹³ dseá⁹⁴ do doñí⁹⁵ fa⁹⁶ eáam⁹⁷ jmí⁹⁸góreiñ⁹⁹ do. ¹⁴ Jo lajee¹⁰⁰ jo ngóo¹⁰¹ lifim¹⁰² jaléng¹⁰³ dseá¹⁰⁴ i¹⁰⁵ jáng¹⁰⁶ yaang¹⁰⁷ fí¹⁰⁸ jaguó¹⁰⁹ Dseá¹¹⁰ Jmáang¹¹¹, do dseañ¹¹² jogui¹¹³ dseam¹¹⁴. ¹⁵ Jo jaléng¹¹⁵ dseá¹¹⁶ uóñ¹¹⁷ jaléng¹¹⁸ dseá¹¹⁹ dsée¹²⁰ quíá¹²¹ e dsíiñ¹²² ni¹²³ ma¹²⁴, jo dsijéeiñ¹²⁵ fí¹²⁶ jee¹²⁷ núu¹²⁸ e laco¹²⁹ mi¹³⁰ ninging¹³¹ Tú¹³² Simón fí¹³³ jo, fa¹³⁴ jji¹³⁵ capí¹³⁶ i¹³⁷ quíá¹³⁸bre nití¹³⁹ li¹⁴⁰ teng¹⁴¹ jaang¹⁴² gáng¹⁴³ i¹⁴⁴ dseá¹⁴⁵ dsée¹⁴⁶ do, jo lajɔb ni¹⁴⁷leáaiñ¹⁴⁸ do. ¹⁶ Jogui¹⁴⁹ fim¹⁵⁰ dseá¹⁵¹ i¹⁵² seeng¹⁵³ fí¹⁵⁴ jalé¹⁵⁵ fii¹⁵⁶ e téé¹⁵⁷ quíá¹⁵⁸ Jerusalén dsiliñ¹⁵⁹ fí¹⁶⁰ jo e jéeiñ¹⁶¹ jaléng¹⁶² dseá¹⁶³ dsée¹⁶⁴ quíá¹⁶⁵ cóo¹⁶⁶ gui jaléng¹⁶⁷ dseá¹⁶⁸ i¹⁶⁹ jée¹⁷⁰ i¹⁷¹ ling¹⁷² quíá¹⁷³. Jo lajaléng¹⁷⁴ i¹⁷⁵ dseá¹⁷⁶ do láam¹⁷⁷bre.

Mí¹⁷⁸ cangotáang¹⁷⁹ tu¹⁸⁰ i¹⁸¹ dseá¹⁸² apóo¹⁸³ do fí¹⁸⁴ dsí¹⁸⁵ nuñí¹⁸⁶

¹⁷ Jo i¹⁸⁷ dseá¹⁸⁸ mogui¹⁸⁹ quíá¹⁹⁰ jaléng¹⁹¹ fii¹⁹² jmidsea¹⁹³ quíá¹⁹⁴ dseá¹⁹⁵ Israel cóo¹⁹⁶ gui jaléng¹⁹⁷ dseá¹⁹⁸ Israel i¹⁹⁹ ling²⁰⁰ saduceo eáang²⁰¹ calí²⁰² dsihuñí²⁰³ quíá²⁰⁴ i²⁰⁵ dseá²⁰⁶ apóo²⁰⁷ do cóo²⁰⁸ jalé²⁰⁹ e jmóoiñ²¹⁰ do. ¹⁸ Joba²¹¹ casam²¹²bre i²¹³ dseá²¹⁴ apóo²¹⁵ do, jo catáng²¹⁶neiñ²¹⁷ fí²¹⁸ dsí²¹⁹ nuñí²²⁰ quíá²²¹ fí²²². ¹⁹ Dsu²²³ lajee²²⁴ teáaiñ²²⁵ e dsí²²⁶ nuñí²²⁷ dob, casíng²²⁸ Fidié²²⁹ jaang²³⁰ ángel quíá²³¹ r²³², jo íb²³³ i²³⁴ caneáa²³⁵ jni²³⁶ quíá²³⁷ e nuñí²³⁸ do lajee²³⁹ uóñ²⁴⁰, jo ca²⁴¹uóñ²⁴²bre i²⁴³ dseá²⁴⁴ apóo²⁴⁵ do, jo mifing²⁴⁶ casí²⁴⁷reiñ²⁴⁸ do lala:

²⁰ —Güilíng²⁴⁹ tu²⁵⁰ fí²⁵¹ dsí²⁵² guá²⁵³ fé²⁵⁴ do quí²⁵⁵na²⁵⁶, jo güisí²⁵⁷ tu²⁵⁸ jaléng²⁵⁹ dseá²⁶⁰ fí²⁶¹ jo jial laco²⁶² niliseeiñ²⁶³ cøng²⁶⁴ cóo²⁶⁵ Fidié²⁶⁶ lata²⁶⁷.

²¹ Joba²⁶⁸ mi²⁶⁹ cajneá²⁷⁰ e jmí²⁷¹ cóo²⁷²gui do, ee²⁷³gui cangolíng²⁷⁴ i²⁷⁵ dseá²⁷⁶ apóo²⁷⁷ do fí²⁷⁸ li²⁷⁹ si²⁸⁰ e guá²⁸¹ fé²⁸² do quíá²⁸³ r²⁸⁴, jo cangotáaiñ²⁸⁵ dsí²⁸⁶, jo canaaiñ²⁸⁷ e²⁸⁸ r²⁸⁹ jaléng²⁹⁰ i²⁹¹ dseá²⁹² i²⁹³ caseáng²⁹⁴ fí²⁹⁵ jo lí²⁹⁶ laco²⁹⁷gui ta²⁹⁸ caqui²⁹⁹ i³⁰⁰ ángel do.

Jo lajee³⁰¹ jo, i³⁰² dseá³⁰³ mogui³⁰⁴ quíá³⁰⁵ jaléng³⁰⁶ fii³⁰⁷ jmidsea³⁰⁸ do cóo³⁰⁹ gui jaléng³¹⁰ dseá³¹¹ quíá³¹² r³¹³ i³¹⁴ teáang³¹⁵ gui do, cató³¹⁶ r³¹⁷ jaléng³¹⁸ dseata³¹⁹ i³²⁰ quie³²¹ nifí³²² quíá³²³ dseá³²⁴ Israel. Jo mi³²⁵ nisiseáiñ³²⁶ lajaléiñ³²⁷ do, cahu³²⁸ ta³²⁹ e nidsitée³³⁰ i³³¹ néé³³² ni³³³ guá³³⁴ do i³³⁵ apóo³³⁶ i³³⁷ teáang³³⁸ dsí³³⁹ nuñí³⁴⁰ do, jo nidsijgeáang³⁴¹ neiñ³⁴² e fí³⁴³ li³⁴⁴ siseáng³⁴⁵ dseá³⁴⁶ do. ²² Dsu³⁴⁷ mi³⁴⁸ caguiling³⁴⁹ i³⁵⁰ dseá³⁵¹ néé³⁵² ni³⁵³ guá³⁵⁴ i³⁵⁵ sí³⁵⁶ ngotée³⁵⁷ i³⁵⁸ dseá³⁵⁹ apóo³⁶⁰ i³⁶¹ teáang³⁶² fí³⁶³ dsí³⁶⁴ nuñí³⁶⁵ do, jo mi³⁶⁶ caguiliñ³⁶⁷ fí³⁶⁸ jo, jo i³⁶⁹ cadseíñ³⁷⁰ jji³⁷¹ jaang³⁷². Jo caquim³⁷³bre e quie³⁷⁴ e júu³⁷⁵ do fí³⁷⁶ quini³⁷⁷ i³⁷⁸ dseá³⁷⁹ siseáng³⁸⁰ do jo lalab casí³⁸¹reiñ³⁸²:

²³ —Mí³⁸³ caguié³⁸⁴naa³⁸⁵, dseáng³⁸⁶ jni³⁸⁷ guiáb³⁸⁸ jni³⁸⁹ quíá³⁹⁰ e nuñí³⁹¹ do, jogui³⁹² i³⁹³ léé³⁹⁴ i³⁹⁵ jmóo³⁹⁶ í³⁹⁷ do, dob teáaiñ³⁹⁸ fí³⁹⁹ quini⁴⁰⁰ jni⁴⁰¹; dsu⁴⁰² mi⁴⁰³ caneá⁴⁰⁴naa⁴⁰⁵, jji⁴⁰⁶ jaang⁴⁰⁷ jo i⁴⁰⁸ seeng⁴⁰⁹ fí⁴¹⁰ dsí⁴¹¹ jo.

²⁴ Jo mi⁴¹² canúu⁴¹³ i⁴¹⁴ fii⁴¹⁵ jmidsea⁴¹⁶ do cóo⁴¹⁷ gui dseá⁴¹⁸ mogui⁴¹⁹ i⁴²⁰ fii⁴²¹ i⁴²² néé⁴²³ ni⁴²⁴ guá⁴²⁵ fé⁴²⁶ do e júu⁴²⁷ jo, joba⁴²⁸ canaaiñ⁴²⁹ síiñ⁴³⁰ e nidsijéé⁴³¹ quíá⁴³² r⁴³³ cóo⁴³⁴ i⁴³⁵ dseá⁴³⁶ góor⁴³⁷ do.

²⁵ Jo lajee⁴³⁸ jo, cóo⁴³⁹ caguiéb⁴⁴⁰ jaang⁴⁴¹ dseá⁴⁴² i⁴⁴³ quie⁴⁴⁴ júu⁴⁴⁵ e fí⁴⁴⁶ li⁴⁴⁷ siseáng⁴⁴⁸ dseá⁴⁴⁹ do, jo lalab casí⁴⁵⁰ r⁴⁵¹ dseá⁴⁵² í⁴⁵³:

—I⁴⁵⁴ dseá⁴⁵⁵ i⁴⁵⁶ cateáng⁴⁵⁷ nu⁴⁵⁸ nuñí⁴⁵⁹ do, dob niteáaiñ⁴⁶⁰ fí⁴⁶¹ dsí⁴⁶² sinúu⁴⁶³ guá⁴⁶⁴ fé⁴⁶⁵ quí⁴⁶⁶na⁴⁶⁷ lana e e⁴⁶⁸ tur.

²⁶ Joba⁴⁶⁹ cangolíng⁴⁷⁰ i⁴⁷¹ fii⁴⁷² néé⁴⁷³ ni⁴⁷⁴ guá⁴⁷⁵ do cóo⁴⁷⁶ gui jaléng⁴⁷⁷ dseá⁴⁷⁸ quíá⁴⁷⁹ r⁴⁸⁰ e cango⁴⁸¹néem⁴⁸²breiñ⁴⁸³ do. Jo mi⁴⁸⁴ cadséng⁴⁸⁵neiñ⁴⁸⁶ do, ja⁴⁸⁷ ee⁴⁸⁸ cajmeáiñ⁴⁸⁹ jji⁴⁹⁰ cóo⁴⁹¹, có⁴⁹² gó⁴⁹³bre fing casí⁴⁹⁴ló⁴⁹⁵ i⁴⁹⁶ dseá⁴⁹⁷ i⁴⁹⁸ teáang⁴⁹⁹ do cuu⁵⁰⁰ í⁵⁰¹. ²⁷ Jo cató⁵⁰²breiñ⁵⁰³ do fí⁵⁰⁴ li⁵⁰⁵ siseáng⁵⁰⁶ i⁵⁰⁷ dseata⁵⁰⁸ i⁵⁰⁹ quie⁵¹⁰ nifí⁵¹¹ quíá⁵¹² dseá⁵¹³ Israel. Jo mi⁵¹⁴ caguiliñ⁵¹⁵ fí⁵¹⁶ jo, lalab casí⁵¹⁷ jaléng⁵¹⁸ i⁵¹⁹ dseá⁵²⁰ mogui⁵²¹ quíá⁵²² jaléng⁵²³ fii⁵²⁴ jmidsea⁵²⁵ do í⁵²⁶:

28—Jnea[^] nicaté[^]baa' fə' quí⁻na' jéeng'gui e jo[^] ni'é[^]na' jaléng[^] dsea[^] cuaiñ[~] quíá⁻ i dsea[^] góo[^]naa' i sií Jesús do, jo jə[^] na' lana e fí latə[^]om[^] fíi[^] Jerusalén nicaguiá[^]na' e júu[^] jo, jə[^]gui la quíe[^]gui jnea[^] iing[~]na' cuó[^]na' dsee⁻ cuaiñ[~] quíá⁻ e cajnga[^] dsea[^] quíá⁻ i Jesús do.

29 Jə[^]ba' cañí[^] Tú[^] Simón có[^] i apó[^] caguiaang⁻gui do, jo cajíñ⁻ casí⁻r⁻ i dsea[^] góor[^] i siseáng[^] do:

—Laniing⁻gui eáang[^] 'né⁻ e jmití[^]naa' jalé[^] ta[~] qui^u' Fidié[^] laco[^]gui e nijmití[^]naa' ta[~] qui^u' jaléng[^] dsea[^] jmigüí[^]. 30 Co[^] i Fidié[^] i jmiféng[^] 'lí[^] dsea[^] có[^]ng[^] quí⁻naa' do, dsea[^] íbing[^] cajmée[^] e cají[^]tu Jesús, i dsea[^] góo[^]naa' i cajngang[^]na' fí[^] dse[^] crúu[^] do. 31 Jə[^]gui Fidié[^] nicaseáng[^]neíñ[^] do, jə[^]gui nicaguiéiñ[^] lí⁻ lí⁻ dsée[^] laco[^] guíiñ[^] 'ñia⁻r⁻, jə[^]gui nicacuó[^]reiñ[^] do ta[~] e nicár[^] nifí[^] quíá⁻ dsea[^] jmigüí[^], jə[^]gui e leáiñ⁻ dsea[^] jee[~] jalé[^] dsee⁻ quíaiñ⁻. Jə[^]gui cajmée[^] Fidié[^] lajo e laco[^] niquí[^] júing[^] yee[^]naa' fí[^] quinir[^], jnea[^]aa' dsea[^] lí[^] dsea[^] Israel, jo lajə[^]ba' ni'íiñ⁻ dsee⁻ quí⁻ii'. 32 Jo neb⁻ jnea[^] guíá⁻ la'uiing[~] e júu[^] jo lí[^] laco[^]gui la ñí[^] Jmiguí[^] quíá⁻ Fidié[^] cajo, jo e Jmiguí[^] jo e nicacuó[^] Fidié[^] jaléng[^] dsea[^] i núu[^] júu[^] quíá⁻r⁻.

33 Jo mi[~] canúu⁻ i dsea[^] Israel i siseáng[^] do lajii[~] júu[^] quíá⁻ i dsea[^] góor[^] Tú[^] Simón do, dsifí[^] ladob caliguiñ⁻ jo cartí[^] mi[~] iñ[~] nijngám⁻breíñ[^] do. 34 Dsú[^] jee[~] i dseata⁻ i siseáng[^] do niquíéeng[^] jaang[^] dsea[^] Israel i líng[^] dsea[^] fariseo i sií Gamaliel, jo líiñ[^] jaang[^] tifa[^] quíá⁻ júu[^] qui^u' ta[~] quíá⁻ dsea[^] góor[^], jo eáam[^] jmí[^]gó[^] jaléng[^] dsea[^] i tifa[^] do. Jo i tifa[^] do caróor⁻ lí[^] guíiñ[^] jo caqui^u' ta[~] e ca'uə[^]ng[^]tea i dsea[^] apó[^] do e lí[^] siseáiñ[^] do. 35 Jo mi[~] cangí[^] jo, i tifa[^] fariseo do casí⁻r⁻ jaléng[^] i dsea[^] i siseáng[^] do ie[~] jo, jo cajíñ⁻:

—Dsea[^] góo[^]naa' dsea[^] Israel, ñiing[~] óo[^]na' có[^] jalé[^] e í[^] óo[^]na' nijmee⁻na' có[^] i dsea[^] góo[^]naa' na. 36 Téé[^] óo[^]na' ie[~] níngóo[^]jiu do caseáng[^] i dseañu[^] i sií Teudas do tea[^] 'ñia⁻r⁻ e jíñ⁻ e líiñ[^] jaang[^] dsea[^] laniing⁻, jo fíim[^] dsea[^] caligóíñ[^] lí⁻ lí⁻ qui^u ciento dsea[^]bing[^] cangotáang⁻ có[^]r⁻ ie[~] jo. Dsú[^] cajngam[^] dsea[^] i Teudas do mi[~] cangí[^] jo, jə[^]gui jaléng[^] dsea[^] quíá⁻r⁻ casojóm⁻bing[^] do, jo jí[^] jo cadséng⁻ quíá⁻r⁻. 37 Jo mi[~] cangí[^]gui lajo, có[^] jmí[^] e calí[^]ing[^] dsea[^], caróo⁻ jaang[^] dseañu[^] i sií Judas i seeng[^] fí Galilea i cajíng[^] e líiñ[^] jaang[^] dsea[^] laniing⁻; jo fíim[^] dsea[^] calí⁻r⁻ i caligóng[^] ie[~] jo. Dsú[^] mi[~] cangí[^]gui lajo, dseab[^] cajnga[^] quíá⁻r⁻ cajo, jə[^]gui jaléng[^] i dsea[^] quíá⁻r⁻ do casojóm⁻biñ[^] do cajo. 38 Jə[^]ba' fí⁻ jnea[^] 'nú[^] e tiúung[^]na' jaléng[^] i dsea[^] na, jo ja[^] quíng[^]na' jí[^] có[^] có[^]r⁻. Co[^] faco[^] e júu[^] la quíá⁻ lajii[~] yaang[~] dsea[^] jmigüí[^], cuó[^]om[^]bi níngíng⁻. 39 Dsú[^] song e júu[^] la e quíá⁻ Fidié[^], jə[^]ba' ja[^] quí⁻ jmí[^] nilí[^] 'nú[^] e ní[^]ling[^]na'. Jə[^]ba' fí⁻ i 'nú[^] e ñiim[~] óo[^]na', jo jie[^] mi[~] jmee⁻na' e teáng⁻na' ga[^] uii[~] quíá⁻ Fidié[^].

Jo mi[~] calí⁻ e fé[^] i tifa[^] Gamaliel do e júu[^] jo, ca'ím⁻ i dsea[^] do júu[^]. 40 Jo catób⁻tur i dsea[^] apó[^] do calé[^] catú⁻ fí[^] lí[^] siseáng[^] i dsea[^] fíng[^] do; jo mi[~] niteáiñ[~] do, jo cabó[^]ng[^]neíñ[^] jə[^]gui ca'í⁻tur 'goo[^] quíaiñ⁻ do e jo níguiá⁻guiíñ[^] do júu[^] quíá⁻ i Jesús do. Jo mi[~] cangí[^] jo, jə[^]guiba[^] caleáng[^]neíñ[^] do. 41 Jo ca'uə[^]om[^] i dsea[^] apó[^] do e fí[^] jo e íaang[^] dsíir[^], có[^] Fidié[^]bing[^] i nicacuó[^] í[^] e laco[^] nidsingíiñ⁻ iihu[^] uí[^] Jesús. 42 Jo canaang[^]tu i dsea[^] apó[^] do e e⁻r⁻ jaléng[^] dsea[^] júu[^] quíá⁻ Jesús laco[^] jmí[^], jə[^]gui guiar[^] jalé[^] e júu[^] do fí[^] dsí[^] sinúu[^] guá⁻ fé[^] quíá⁻ dsea[^] Israel e si[^] fí[^] Jerusalén jə[^]gui lajə[^]bi lacaang[^] fí[^] sinúu[^] quíá⁻ dsea[^] cajo.

6

Mí[~] ca'náaiñ⁻ guíang⁻ dsea[^] i nijmicó[^] quíá⁻ e nilí[^] guíe[^] jalé[^] e 'né⁻

1 Jo ie[~] jo, eáam[^] ngofíng[^] dsea[^] i jáng[^] yaang[~] fí jaguó[^] Dsea[^] Jmáang⁻; jə[^]ba' i dsea[^] i fé[^] jmí[^] griego canaaiñ[^] jmiquím⁻ dsíir[^] quíá⁻ i dsea[^] Israel i fé[^] jmí[^]

hebreo, jo fé'r` e jaléng` dseamî griego i 'nâi` ja` îñ` røø` lajîi` e ngâiñ` e 'né` lacõ` jmîi`. ² Joba' caseáng` i dsea` guitúung` do lajaléng` dsea` i nilíng` dsea` quiá'- Dsea` Jmáang` jo casí` reiñ` do jo cajîñ`-:

—Ja` dseeng` e jnea` nitá'naa' e guia'naa' júu` quiá'- Fidié` e laco' ni-jmó'naa' guié` lajîi` e si'í` niñíng`na'. ³ Joba' fîi` i 'ná', dsea` rú'naa' dsea` quiá'- Dsea` Jmáang`, 'néeng` rúng`na' lajee` la'ó' yaang`na' guiáng` dseañu' i la'ó' nicuíng` rúng`na' røø` cóo'` jogui ningáng`na' quiá'` rúng`na' jogui i la'ó'` nijmicóo'` Jmiguí` quiá'- Fidié` quií`na'. Joba' dsea` í'bing' niguiá'na' ni` e ta` jmóo` guié` na. ⁴ Jo jnea` nijmó`bîi` ta` féng' Fidié` jogui ta` guia` júu` quiá'- Dsea` Jmáang` lajee` jo cajo.

⁵ Jo lajîim` i dsea` do casîiñ` røø` ie` jo. Joba' ca'náaiñ` Téé`, jaang` dseañu' Israel i já'` líng` júu` quiá'- Dsea` Jmáang` car` ngocáng` dsír` jogui i jéé` Jmiguí` quiá'- Fidié` quiá'-, cóo'`gui Lii` cóo'`gui Prócoro cóo'`gui Nicanor cóo'`gui Timón, jogui Pármenes jogui cóo'` Nicolás, jaang` i niseeng` fí` Antioquía, jo i dsea` î` nicaquí`- jíng` 'ñia'r` e laco' nica'uíñ` dsea` Israel. ⁶ Jo mi` cangî` jo, cangósíng` yaaiñ` fí` lí` teáng` dsea` apóo`, jo î` guíbing' camí' Fidié` uii` quiá'ñ`- do, jogui mifíng` caquidsir` guóor` moguiñ`- lajaang` lajaaiñ` e laco' cuø'` lí` e ca'íñ` e ta` do.

⁷ Jo lajob` ngóo'` ni'` júu` quiá'- Fidié`, jogui ngóo'` dsifîm`bi i dsea` i jáng` yaang` fí` jaguó` dsea` do fí` Jerusalén. Jo jî`gui i fîim` jmidsea` Israel îñ` júu` quiá'- Dsea` Jmáang` ie` jo.

Mî` casaiñ`- Téé`

⁸ Jo co'` eámá'` gøng` i Téé` do la'eáang` cóo'` güea'` 'gøng'` quiá'- Fidié`, joba' jmóo`bre jalé'` e quíi`` jmîi` jogui jalé'` e lí` fí` jee` dsea` seeng` fí` jo. ⁹ Jo coo`` jmîi` fîim` dsea` Israel dsea` góo'` i Téé` do canaang` jmiquíng`- dsír` cóo'iñ`- do, jo i dsea` Israel i fíng` do quiéeng` i líng` dsea` i teáng`- jee` 'lé'` e sií` Liberto colíng`- cóo'` dsea` i seeng` fí` Cirene cóo'`gui fí` Alejandría, jogui jaléng` dsea` seeng` lí` se'` Cilicia cóo'`gui lí` se'` Asia cajo. ¹⁰ Jo jaléng` dsea` í'bing' canaang` jmiquíng`- dsír` cóo'` i Téé` do, dsu'` ja` lí'`guir` fa' e røø` nicóng`- júu` quiá'r`- cóo'` i Téé` do, co'` eámá'` tîiñ` do la'eáang` cóo'` Jmiguí` quiá'- Fidié`. ¹¹ Joba' i dsea` î` ca'náaiñ` dsea` 'léng` i nijmé` dsee` uii` quiá'ñ`- do e laco' nicuø'r`- dsee` i Téé` do e féiñ` do jmang`- júu` ga` uii` quiá'- Moi` jogui uii` quiá'- Fidié` cajo. ¹² Jo lajob` calí`, júu` job` teá` casá'- jaléng` dsea` Israel i seeng` fí` do colíng`- cóo'` jaléng` dsea` cóøng`- quiá'r`- cóo'`gui jaléng` tifa'` quiá'- júu` quiá'` ta` quiá'r`- jo jmang`- i calí` 'ní'` níim` i Téé` do. Jogui jaléng` i dsea` Israel do casam`-bre Téé` jo caguijeáaiñ` fí` quini` jaléng` dseata` i quie'` nifí` quiá'r`. ¹³ Jo mi` caguilíñ` fí` jo, dob` niteáng` dsea` i nisi'`neaang` i nifé'` ga` uii` quiá'- Téé`, ¹⁴ jo lalab` cajíng`- i dsea` do:

—Nicanú'naa' e fé'` i Téé` do cuaiñ` quiá'- Jesús i seeng` fí` Nazaret e ni'íim`-bre guá'` fé'` quií`naa' e si'` fí` Jerusalén, jogui e nijmisîiñ`- jalé'` e quí'`- tîi'naa'` jmoo`naa' e caséé` Moi` do e 'né` jmití'naa'.

¹⁵ Jo i dseata` Israel do cóo'`gui i dsea` i neáang` do ie` jo, mi` cajøøiñ`- Téé`, jo cangáng`-neiñ` do e lí'` niñ`- laco'` lí'` ni` jaang` ángel i casíng` Fidié`.

7

Mî` cajmî'øng` 'ñia'` Téé` cóo'`- layaang` júu`

¹ Jo mi` cangî` jo, i dsea` mogui` quiá'- jaléng` fîi` jmidsea` quiá'- dsea` Israel do cajmíng`r` i dsea` góor` Téé` do song` e jáb'` lajîi` júu` e nicanúur` fé'` dsea` uii` quiá'ñ`- do. ² Joba' cañí'` Téé` quiá'- i dsea` mogui` fîi` jmidsea` do jo casí'` reiñ` lala:

—Núu-na' júu^ quié-e, dsea` cóong~ qui-ii' jogui dsea` rú'naa' dsea` líi'í' dsea` Israel. Cajmijnéem` 'ñia' Fidiéé` qui-ii' i laniing- 'gøng' do fí quini` 'lii` yúu~ qui-ii' Abraham malii`gui eáang` lajee` e cateáang` 'lii` yúu~ do fí Mesopotamia lajee` e ná'-gui nidsér- e nidsigüear` fí Harán. ³ Jo lalab casí'- Fidiéé` dsea` í ie~ jo: “Túu` góo` cóo~gui jaléng` dsea` sijú^, jo niguó^ fí guóo~ uó- li~ ni'éé^e 'nu.”

⁴ Jo lajob cajmée` 'lii` yúu~ qui-ii' Abraham, cagüi'í'bre e fí Caldea do jo fí dob cangogüear` fí Harán. Jo mi~ cangí jo, cajúm- tiquiá'r^ . Jo Fidiéeb` cató- quiá'- i Abraham do fí Canaán fí li~ née` jneaa~aa' lana. ⁵ Dsu' ja` cacuø' Fidiéé` dsea` í jii~ cóo~ uó- ie~ jo. Jo Fidiéé` casí'r- 'lii` yúu~ Abraham e nicuø'-bre dsea` sijú` dsea` do e uó- do, nañí fa' jii~ jaang` jóo' 'lii` yúu~ Abraham ja` mí seeng` ie~ jo. ⁶ Jogui casí'-bi Fidiéé` i Abraham do e jaléng` dsea` Israel i líng` dsea` áang` qui-ii' nidsilíiñ- e nigüear` e líiñ` dsea` fi` jié' fí cóo` ni` guóo~ uó- e née` huíi-. Jo fí job nijmeiñ- do ta~ laco' dsea` si'nñing` jogui gab` nidsingüiñ- do lajee` quiú` ciento jii. ⁷ Jo casí'-bigui Fidiéé` i Abraham do jo cajíñ-: “Jnea~ nicuøø` iihuí` jaléng` dsea` i nijmeáng` ta~ jaléng` dsea` quié-e e líiñ` do dsea` si'nñing`. Jo mi~ ningí jo, ni'uó`m` jaléng` i dsea` quié-e do fí jo, jo jaléng` í nijmér- lajii~ e iim~baa e fí guóo~ uó- na.” Jo lanab casí'- Fidiéé` i Abraham do ie~ jo.

⁸ Jo Fidiéé` cacuø'r` júu^ 'lii` yúu~ Abraham, jo catigua` júu^ e tóo` li` fí ngúu` táang` lajii~ yúu` siñuu^ e laco' cuø' li` e Fidiéeb` líng` Diéé` quiá'r-, jo lajob ta~ caquiú' Fidiéé` quiá'- 'lii` yúu~ Abraham e nijmiti~bre e jo. Joba' mi~ tí li~ caliséng` jaang` jiuung` siñuu^ quiá'r- i calisí Isáa', jo catéebre li` fí ngúu` táaiñ` do mi~ cadsíñ- jñiá- jmii` lí^ laco' ta~ cahuí^ quiá'r-. Jogui lajob cajmée` i Isáa' do mi~ caliséng` jaang` jóor` siñuu^ i calisí Jacóo^, jogui lajob cajmée` Jacóo^ cajo cóo~ laji` guitúung` jóor` siñuu^ i caliséng` quiá'r-. Jo i guitúung` dseañu^ íb` lí` tiquiá^ laji` guitu` lé^ dsea` Israel i líng` dsea` áang` qui-ii' do.

⁹ Jo có' jaléng` i jóo' Jacóo^ i líng` dsea` áang` qui-ii' do cali- dsihuim`bre quiá'- i rúíñ` i sií Sé^ do, joba' ca'nám`breiñ` do cóo~ dsea` i seeng` fí Egipto, jo i dsea` í fí job cajéeng`neiñ`. Jo dsu' eáam` cajmicóo~ Fidiéé` quiá'- i Sé^ do, ¹⁰ jo caleám`breiñ` do jee~ jalé' iihuí` e si'í e nidsingüiñ- do, jogui cacuø'reiñ` do e tím`biñ` eáang`, jogui cajméer` e guiáb- ca'éé` i dseata~ dsea` féng' quiá'- Egipto cóo'r-, jogui cacuø'reiñ` cóo` ta~ e líiñ` do dsea` nu`luu~ quiá'- dseata~ dsea` féng' e fí Egipto do, jogui e née` niñ~ do fí 'nu~ i dseata~ féng' do cóo~gui jaléng` i dsea` i jmóo` ta~ fí jo.

¹¹ Jo mi~ cangí jo, cajá- jii` oo- fí latøng- Egipto cóo~gui fí Canaán, jo eáam` iihuí` cangongüing- dsea` cóong~ qui-ii' náa' có' jo` sea` e nidó'r-. ¹² Dsu' mi~ caliñí i Jacóo^ do e seab` micui'íee` fí Egipto, joba' fí job casíñ` jaléng` jóor` i líng` dsea` áang` qui-ii' do. Jo e job la'uii~ ya' e cangolíñ^ do fí Egipto.

¹³ Jo mi~ cangolíng-tu i jóo' Jacóo^ fí Egipto e catí tú- ya', joguiba' cajmée` Sé^ júu^ cóo~ jaléng` i dsea` í e rúíñ` dsea` ngáang~ cóo~bre líiñ` do. Jo lajob caliñí i dseata~ Egipto do e dsea` Israel líng` Sé^ laco'gui jneaa~aa'. ¹⁴ Jo mi~ cangí jo, caquiú' Sé^ ta~ e nidsé- tiquiá'r^ Jacóo^ colíng~ cóo~ jaléng` dsea` sinúu^ quiá'r- fí li~ guing~ dsea` do fí Egipto. Jo lí^ lajee` lajiiñ` la'ó' cangolíñ^ fí jo tíbre setenta y cinco.

¹⁵ Jo lajob cajmée` Jacóo^, cangogüear`bre fí Egipto cóo~ jaléng` dsea` sinúu^ quiá'r-. Jo fí job cajúíñ-, jo fí jobi cajo cajúng- jaléng` dsea` áang` qui-ii'. ¹⁶ Jo jalé' móo` teáang` i Jacóo^ do cangocóor` fí Siquem lí` se' Canaán, jo ca'óor- fí dsí' tó` ée` lí` calá- 'lii` yúu~ Abraham quiá'- jaang` i calisí Hamor e fí Siquem do.

17 'Jo mi~ nijaquíéng' e nijmiti~ Fidié~ lajii~ júu^ e cacuø'r' 'lii~ yúu~ qui~ii' Abraham lamí~ jééng'gui eáang', jo eáam' nicangofíng~ dsea` áang' qui~ii' dsea` Israel e fí' Egipto do. 18 Jo ie~ jo mi~ caguá' jaang'gui dseata~ dsea` féng' i caquiú' ta~ e fí' Egipto do, jo i dseata~ í jo` calicuíñ` Sé^ . 19 Jo i dseata~ í, eáam' ga` ca'éer` cóo~ jaléng' dsea` góo'naa' dsea` Israel, jogui caquiú' i dseata~ do ta~ e 'né~ nitiúuiñ~ do jaléng' yuu~ siñuu~ quiá'r~ e laco' nijúuiñ~ do.

20 'Jo ie~ job cajo cangáang' i yuu~ siñuu~ Moí~ do, jo eáam' íáang' dsí' Fidié~ cóo~ i yuu~ do. Jo sejmii'biñ' do cajmicuóo` quiá'r~ lajee~ gaang' si'. 21 Jo coob` mi~ catí' í' e 'né~ nitiúuiñ~ i yuu~ do quiá'r~, joba' cangotiúum~bre. Jo jaang' simí' quiá'~ i dseata~ dsea` féng' Egipto do, íb` cadséng' i yuu~ do, jo cató~bre fí' quiá'r~, jo cajmicuáang'neiñ' do lafa' jóo'bre. 22 Jo mi~ cacuaiñ~ do, calítim~bre lajii~ e tíng' dsea` egipcio, jogui eáam'bi' 'gøiñ' cajo e tíiñ` jalé' júu^ cóo~gui jalé' e jmóo` dsea` do cajo.

23 'Jo mi~ cadsí' i Moí~ i líng' dsea` áang' qui~ii' do tuló~ jii, ca'í' dsíir' e nidsi'eer~ dsea` góor` dsea` Israel i taam~bi' fí' Egipto do. 24 Jo mi~ caguiér~ fí' jo, cangáñ~ jaang' dsea` egipcio i táang' jmáng' jaang' dsea` góor` dsea` Israel. Jo cajmi'óm' Moí~ i dsea` góor` do, jogui cajngam'bre i dsea` egipcio do.

25 'Jo í' dsí' i Moí~ do e nililí'^ jaléng' i dsea` góor` dsea` Israel do e la'eáang' cóo~ í'bre nileáng~ Fidié~ jaléiñ` do, jo dsu' ja` calilí' i dsea` góor` do jalé' e jo. 26 Jo mi~ cajneá~ lajo, ngó~tu Moí~ calé' catú~ e cango'eer~ dsea` góor` dsea` Israel. Jo mi~ caguiér~ fí' jo, cangáñ~ gáng~ la'ó' dsea` góor` i taang~ ta~ tíng', joba' cal'iíiñ~ e nisíng~túñ' do røø` jo casí'~reiñ': “¿Jialí' taang~ 'nú' ta~ tíng' la'ó' rúng'na'?”

27 'Joba' i dsea` i jmáng' i jaang'gui do caligúim~bre quiá'~ Moí~, jo ca'lem'breiñ' do jo casí'~reiñ' lala: “¿I~ caguíng' 'nú' e lán' jaang' fii~ qui~ii' i quidsi' í' jee~ jnea'”? 28 ¿Su í' o' e nijngan' jnea~ laco'gui cajngan' i dsea` egipcio do lado guié~?”

29 'Jo mi~ canúu~ Moí~ e júu^ jo, cagüi'í'bre fí' Egipto jo cangór~ cangogüear' fí' cóo` guóo~ uø~ e néé' huíi~ e sií' Madián. Jo fí' job caguár' laco' jaang' dsea` i jáa' fí' lí' huíi~. Jo fí' job caliséng' gáng~ jóor' siñuu^.

30 'Jo mi~ cangí' tuló~ jii' lajo, cóo` jmií~ lajee~ e ngí' Moí~ fí' cóo` guóo~ uø~ lí' ja` ii' 'ga' lí' dsea` seeng' fí' quiá'~ cóo` mó' e sií' Sinaí, jo fí' job cangár~ cóo` 'matóo' e gui~ ia` jì' dsu' ja' e coo`. Jo lajee~ job cajmijnéeng' 'ñia' jaang' ángel quiá'~ Fidié~ e fí' jee~ jì' quiá'~ e 'ma' e gui~ e ia` jì' do. 31 Jo eáam' cango'gó' dsí' Moí~ mi~ cangár~ e jo. Jogui mi~ cangoquíéiñ' cartí' quiá'~ gui e laco' nijøø~ guíá~ e jo, jo canúur~ luu~ Fidié~ e guicajíng' lala: 32 “Jneab~ Fidié~ i jmiféng' jaléng' 'lii~ dsea` cóøng' qui~na' i calisí' Abraham cóo~gui Isáa' jogui Jacóo~.”

Jo mi~ canúu~ Moí~ e júu^ jo, eáam' cafóíiñ' car' cajlém~bre, jo jii~ jo` niteá' dsíir' fa' nijøø~guir e lí' gui~ 'matóo' e ia` jì' do. 33 Jo guicañí'tu Fidié~ quiá'~ Moí~ jo casí'~reiñ' do lala: “Uøø'~ lomii~, Moí~, dsuco' güeam' e ní' guóo~ uø~ lí' sí'ø' na lana, co' quiáb'~ sín'n. 34 Jo nicamó~baa guíá~ jial tí' iihuí' e íng' dsea` quié~e, dsea` Israel, i taang~ fí' Egipto, jogui nicanú~bú' jalé' dsee~ e jmóo` dsea` egipcio quiá'r~. Joba' cagüén~n 'ñiá'a e laco' nijmicóo'baare e nileáiñ. Jo fíi~ i 'nú' e lana nisín'n 'nú' fí' Egipto e laco' nigüileaan~ jaléng' dsea` quié~e.”

35 Jo casí'~gui Téé~ i dsea` do e júu^ la:

—Jo nañí' fa' ja` cali'íing~ dsea` Israel e i Moí~ do nicár' nifí' quiá'r~ jogui casí'~biguir lala cajo: “¿I~ caguíng' 'nú' e lán' jaang' fii~ qui~ii' i quidsi' í' jee~ jnea'”? jo dsu' Fidié~ casíiñ~ i Moí~ do jee~ jaléng' dsea` quiá'r~ e niquiá'r~ ta~ jaléng' dsea` góor` dsea` áang' qui~ii', jogui e nileáng~neiñ' jee~ iihuí' e íñ' fí' Egipto. Jo cal'íñ' e ta~ jo la'eáang' cóo~ i ángel i cajnéng~ fí' e lí' gui~ 'matóo' e

ia`jì do jò dsu' ja` coo'. ³⁶ Jò i Moi` dobing' ca'uòøng` jaléng` dsea` áang` quí`ii' dsea` Israel fí Egipto, jò í'bing' lajee` tuló` jii` cajméer` jalé' e lí` jogui jalé' e quí`r` jmi` la'eáang` cóo'` güea`` quiá'- Fidié` lajee` jéeiñ` dsea` áang` quí`ii' mi` cacuo'r' fí mar Rojo jogui mi` cangir' fí jee` uó` quiá'. ³⁷ Jogui i Moi` dobi cajo i casí'- jaléng` dsea` góor` dsea` Israel cóo'` e júu` la: "Fidié` nijmér` e fí jee` 'nú` nigüi`hí` jaang` dsea` i nifé'` cuaiñ` quiá'- dsea` do laco'gui la jmóo` jnea`." ³⁸ Jogui Moi`bi cajo i ca'íng` júu` quiá'- i ángel do fí yú` mó'` Sinaí; jò lí` jò cangüiñ` quiá'- 'lí` dsea` áang` quí`ii' dsea` Israel lajee` e siseáiñ` do fí ni` guóo'` uó` quiá'. Jò Moi`bi cajo i ca'íng` e júu` quiá'- Fidié` cóo'` e cuø' e see`naa' cøøng` cóo'` Fidié` lata~, jò í'bi cajo dsea` cangüiñ` fí jaguóo`naa' e júu` jò, dsea` lí`naa' dsea` góor` dsea` Israel.

³⁹ Dsu' ja` cali'íing` jaléng` 'lí` dsea` áang` quí`naa' fa' calinúu'r` júu` quiá'- dsea` do o'gui calijí'r` júu` quiáiñ'- do cajo, có' cali'íiñ` e niqum'`tur calé' catú` fí Egipto. ⁴⁰ Jò i dsea` Israel do casí'r` Aarón, jaang` rúng` dsea` ngáang` cóo'` Moi` do, jò casí'-reiñ` lala: "Jmilüng` dié` quí`ii' i ni'é'` jneaa`aa' fí. Có' ja` ne`naa' e` calí` cóo'` i Moi` do i ca'uòøng` jneaa`aa' fí Egipto, có' ja` mí` cagüeam`bir e fí yú` mó'` lí` cangór` do". ⁴¹ Jòba' cajmeáang` i dsea` Israel dsea` áang` quí`ii' do jaang` dié` i líng` la líng` güitá` jiuung` cóo'` layaang` cunéé`. Jò mi` cangí` e cajmilüiñ` i dié` do, jò canaaiñ` jmifém`breiñ` do, jò jngaiñ` jaléng` jó'` e cuøiñ` i dié` do, jogui jmóor` jmi` e jmiféiñ` i dié` í` cajo i cajmeáiñ` cóo'` layaang` guóor` do.

⁴² Jò uí'` jòba' ca'náam` 'ñia' Fidié` cóo'` jaléng` dsea` quiá'r` dsea` Israel dsea` áang` quí`ii', jò ja` cajnir' fí quiáiñ'- do e nijmiféiñ` jaléng` núu` i sitóng` yú` jmigüi'; có' lajòb` toq` fí ni` jì` quiá'- Fidié` e cajme' i dsea` i café'` cuaiñ` quiá'r` malü`gui eáang` mi` cajíñ'- lala:

Dsea` Israel:

'Nú', lajee` tuló` jii` e cangí`na' fí ni` guóo'` uó` quiá', ja` cajmi'`goo`na' jnea` fa' cajngang`na' jó'` i cacuoøng`na' jnea`.

⁴³ Có' 'nú' ie` jò cajméel`na' 'núu` lí` cajmiféng`na' i dié` i sii` Moloc cóo'`gui núu` quiá'` i dié` i sii` Refán.

Jò lajì` huáang` i dié` í` yaam` 'nú' cajmeaang`na're.

Jò uí'` jòba' nisín`n` 'nú' cartí` cóo'` guóo'` uó` lí` huí` tí` dogui laco' lí` se'` Babilonia.

Lanab` toq` e fí ni` jì` do.

⁴⁴ Jò café'`bi Téé` júu` quiá'r` jò casí'-reiñ` jò cajíñ'-:

—Jò lajee` ngí` jaléng` 'lí` dsea` cøøng` quí`naa' fí jee` guóo'` uó` quiá', quier'` cóo'` 'núu` e lí' cóo'` layaang` 'mi', jò fí dsí'`jòb` jmiguiéng` dsíir' jalé' júu` e cacuoø' Fidié` ír` lami` jéeng`gui. Jò e 'núu` do calí` dseáng` laco' ta` caquiü' Fidié` quiá'- Moi` lí' laco'gui jii'` í' e ca'íng` dsea` do quiá'- Fidié` mi` cangár` jalé' e jò. ⁴⁵ Jò mi` cangí` jò, jaléng` dsea` áang` quí`naa' ca'ím`bre e 'núu` 'mi' do. Jò mi` cagüilíñ` cóo'` Josué e fí guóo'` uó` la, quíé`bre e 'núu` 'mi' do, jò quíé`bre cajo mi` calí'r` jalé' uó` quiá'- jalé' fí e caguíee`gui e cacuoø' Fidié` jaléng` i dsea` í. Jò lajòb` jmóor` latí` mi` catí` í' e caquiü' dseata` Daví' ta`. ⁴⁶ Jò eáam` cali'íáang` dsí' Fidié` cóo'` i dseata` Daví' do, jogui Daví' cali'íiñ` cajme'r' cóo'` 'núu` fí lí` nijmiféng` dsea` i Fidié` quí`ii' jogui i líng` Fidié` quiá'- 'lí` yúu` Jacóo` cajo. ⁴⁷ Jò dsu' i jòo' Daví' i sii` Salomón, í'bing' i cajme' e 'nu` Fidié` do. ⁴⁸ Jò dsu' Fidié` dsea` féng` dsea` ñíng` ja` seeiñ` fí dsí' 'núu` e jmo' dsea` jmigüi` yaaiñ` lí' laco'gui cajíng` i dsea` áang` quí`ii' i café'` cuaiñ` quiá'- Fidié` malü`gui eáang` i calisí` Saí'` mi` cajíñ'- lala:

⁴⁹ Jnea` Fidié`, jò fí ñifí` lí` guíin`n` quiá'`u ta`, jogui fí guóo'` uó` la lí` jmi'íng` tí`i.

Jogui 'nú', dsea` Israel, ¿e` íng'~ 'núu' e nijmée'~ 'nú' quié`e?,
jogui, ¿jie` fí' lí~ nijmi'ín' n cajo?

⁵⁰ Dsuo' 'ñiáb' jnea` cajmé` e lajalé` e sea` fí' la'úng` fí' jmigüi`.

Jø lanab jii'~ lí' júu` quiá'- Fidié` e cajme' Saí' fí' ní' jì quiá'r` malii`gui eáang`.

⁵¹ Jø café' bi Tée` júu` quiá'r` jø cajíñ'`:

—Dsui' 'nú' quié`na' logua` dsea` i ja` cuíng` Fidié` jogui dsí' dsea` i ja` cuíng` dsea` do cajo, co' saam` áa'na' jmoo'na'. Jogui røøb` líng' 'nú' cõo'` jaléng'` líi` dsea` áang` qui`naa', co' contøøm` 'ní' máang`na' Jmiguí' quiá'- Fidié`. ⁵² Co' jaléng'` i dsea` íbing'` eám` ga` cajmeáiñ'` jaléng'` dsea` i café' cuaiñ` quiá'- Fidié` malii`gui jø cajngam'`bre jaléng'` dsea` í mi` caféiñ'` cuaiñ` quiá'- i dsea` i ja` røøng` dsee` i tí' lí~ nijáa` do. Jogui lanagui nicagüém` fí' jmigüi` la i dsea` i ja` røøng` dsee` do, jø dsui' 'nú' 'níb'` caíng`na're cartí' canjngam'`ba're. ⁵³ Jø nañí' fa' e nica'íng'`na' júu` quiu'` ta` quiá'- Fidié` la'eáang` cõo'` jaléng'` ángeles quiá'r`, jø dsui' ja` cajmee`na' núu'`na' e jø.

Mi` cajnga' dsea` quiá'- Tée` cõo'` layaang` cuu`

⁵⁴ Jø mi` canúu` jaléng'` i dsea` quié` nifí' quiá'- dsea` Israel e júu` quiá'- Tée` do, dsíng'` caliguiñ` quiá'- dsea` do carji` tær' majar`. ⁵⁵ Dsui' i Tée` do eám` jée' Jmiguí' quiá'- Fidié` quiá'r`, jø caséer` nir` fí' yú'` jmigüi` jø cangár` cateá' fí' lí' laniing` 'gøng'` quiá'- Fidié`, jogui cangáiñ` Jesús e sing'` dsea` do lí' lí' dsée` cáang` Tiquiá'r` Fidié`.

⁵⁶ Jø casí'` Tée` i dsea` siseáng'` do:

—jðø`na'! Lana móo'`o fí' ñifí`, jø dob máan`n i dsea` i cajá' fí' ñifí` e líiñ` jaang` dsea` jmigüi`; jø máan`nre e siñ'` fí' lí' lí' dsée' laco'` guíng` Fidié`.

⁵⁷ Jø dsui' i dsea` i teáang` do i 'núng` Tée` cajni`bre loguar` jø canaaiñ` guiar' 'goo' lajiiñ'` do e nisaiñ'` Tée` jø casam'`bre. ⁵⁸ Jø caguíng`neiñ'` do fí' caluu` e fii' jø, jø canaaiñ` táang`neiñ'` cuu`; jø jaléng'` i dsea` i 'ní' ní' quiá'r` do caséer' si'r` cõo'` jaang` siming'` i sii' Saulo lajee` e táang`neiñ'` do cuu`.

⁵⁹ Jø lajee` jø canaang` Tée` e féiñ'` Fidié` jø cajíñ'`:

—Fí'i Jesús, íin'` jmiguí' quié`e jmii` na.

⁶⁰ Jø mi` cangí' e café'r` e jø, casí'r` uø` jnir` jø canaaiñ` fé'r` teá':

—Fí'i, ja` jmée'` cuente e dsee` e ca'ée` i dsea` la.

Jø mi` calí' café'r` e júu` na, jø cajúm`bre.

8

Mi` cajmeáng' Saulo ga` jaléng'` dsea` quiá'- Dsea` Jmáang`

¹ Jø røøb` casíng` i Saulo do cõo'` jaléng'` i dsea` i cajnga'` quiá'- i Tée` do.

Jø 'ñia'` ie` jmii` jø canaang` jaléng'` i dsea` do jmáiñ'` jaléng'` dsea` quiá'- Dsea` Jmáang` i neáang` fí' Jerusalén. Jøba' casojøm` jaléng'` i dsea` í, jø cangoliiñ` fí' guóo'` uø` lí' se'` Judea cõo'`gui lí' se'` Samaria; jø jii'` i dsea` apóo`` dobing'` cajé'gui fí' jø. ² Jø cõo'` tú'` máng'` dsea` i jmi'gõ'` Fidié`, íb' ca'áang` i 'líi` Tée` do, jø eám` calijiuung` dsíir' uii` quiáiñ'` do cajo. ³ Jø lajee` jø i Saulo do ngir' lacoq` sinúu` quiá'- jaléng'` dsea` i cuíng` Dsea` Jmáang` e jmáiñ'` ga` jaléng'` dsea` do jogui tøør` laguidseaang` jaléng'` í jø dsijeáaiñ` fí' dsíi' 'núñí'; jø do quiéeng` jaléng'` dseañu` jogui jaléng'` dseamí.

Mi` caguia' dsea` júu` quiá'- Dsea` Jmáang` fí' lí' se'` Samaria

⁴ Jø lajee` jø, jaléng'` dsea` quiá'- Dsea` Jmáang` i ca'uøøng` fí' Jerusalén do naaiñ` guiar' júu` quiá'- Dsea` Jmáang` lacoq` fí' lí' guiliiñ` quiá'- jial nileáng` jaléng'` dsea` jee` jalé'` dsee` quiá'r`. ⁵ Jø jee` i dsea` í quiéeng` jaang` i sii' Lii', jø í cangór` fí' cõo'` fii' laniing` lí' se'` Samaria, jø fí' jøb` canaaiñ` e'r` jaléng'`

dsea` júu` quiá'- Dsea` Jmáang` . 6 Jo fíim` dsea` seáin' e fí lí` táang` i Lii` do, jo lajiiñ' do eáam` ngocáng` dsíir` núur` júu` quiá'- Dsea` Jmáang` e guia` dsea` do, jogui` níbir` cajo` jalé' lí` e quíi'` jmií` e jmóo` dsea` do. 7 Jo ie` jo` i fíim` dsea` i jée' i 'ling`^ quiá'- cajmi`leáang` i Lii` do, jo jaléng` i 'ling`^ do dsíng`- óor` mí` uóin` lí` teáaiñ` dsíi' jaléng` i dsea` do. Jogui` ca`láam`-bi` jaléng` dsea` i caang` tii` cóo`-gui` jaléng` dsea` i ja` lí` ngí`-jíi` capí`^ . 8 Jo jaléng` i dsea` i seeng` fí` jo eáam` cali`iáang` dsíir` cóo`-jalé' e cajmée` i Lii` do ie` jo.

9 Dsu' e fí` fíi` jo niseeng` jaang` dseañu` i sii` Simón, jo nijmóor` ta` dsea` láang` lati` malib` ; jo nínicajár` ta` jmigóøng` jaléng` dsea` i seeng` e fíi` lí` se' Samaria do, jo fé'r` e jíi` íbre` líiñ` jaang` dsea` i niing`-gui` lajee` lajiiñg` . 10 Jo jaléng` dsea` dseáng`- cóo`-gui` nab`^ núur` e ngocáng` dsíir` lajii` júu` e guia` i Simón do, jo lalab` fé'r` cuaiñ` quiáin` do:

—I nab` dseañu` i sii` i 'gøng` eáang` quiá'- Fidiée` .

11 Jo lajalém` i dsea` do já'- líiñ` júu` quiá'- i Simón do, có' la'eáang` cóo`- e láaiñ` do nicalí`-bre` nicajmigóøin` dsea` lajii` malib` eáang` . 12 Jo dsu' mí` já'- calíng`-jaléng` i dsea` í` jalé' júu` e guia` i Lii` do quiá'- jial` iing` Fidiée` cár` nífi` quiá'- lajaang` lajaang` dsea` jmigúí, jogui` cuaiñ` quiá'- Jesús i líng` Dsea` Jmáang` i sijeeng` dsea` Israel, joba' dseañu` dseamib` jáng` yaaiñ` fí` jaguó` Fidiée` mí` núur` jalé' júu` e guia` i Lii` do, jo mifíng` casaam`-bre` jmií` e laco' cuø` lí` e nilíiñ` dsea` quiá'- Dsea` Jmáang` . 13 Jo jí`-gui` i Simón do já'- caliñ`-jalé' júu` e caguia` i Lii` do, jo cajgáam`-bre` jmií` cajo, jo canaañ` ngí` cóo`- i Lii` do doñi` jíe' fí` lí` ngíiñ` do, jo sóong`-dsigá` dsíir` níur` jalé' e lí` e quíiñ` do jmií` jmóor` .

14 Jo mí` caliñi` jaléng` i dsea` apóo` i neáang` fí` Jerusalén do e calíng` jaléng` dsea` i seeng` fí` lí` se' Samaria jalé' júu` quiá'- Fidiée` , joba' casíñ` Tú` Simón fí` jo cóo`-gui` Juan. 15 Jo mí` caguilíñ` do fí` jo, canaañ` mí'r` Fidiée` uii` quiá'- jaléng` dsea` quiá'- Dsea` Jmáang` i seeng` fí` Samaria do e laco' ní`iñ` do Jmiguí` quiá'- Fidiée` , 16 có' lamí`-jéeng`-gui` jíi` jaang` ja` ii` mí` calíng` Jmiguí` quiá'- dsea` do, có' lico' nicaajgáaiñ`-jmií`-bi` e laco' cuø` lí` e nilíiñ` dsea` quiá'- Dsea` Jmáang` . 17 Jo Tú` Simón cóo`-gui` Juan caquidsir` guóor` fí` mogui` lajaang` lajaang` i dsea` quiá'- Dsea` Jmáang` do, jo lajob` ca`iñ` do Jmiguí` quiá'- Fidiée` lajaang` lajaañ` .

18 Jo mí` calilí` i Simón do e ím` jaléng` i dsea` do Jmiguí` quiá'- Fidiée` e lico' quidsi` i dsea` apóo` do guóor` fí` moguiñ` , joba' dsifí` lajob` casí'r` i dsea` do jo cajíñ`-:

19 —Nicuóø`-baa` 'nú` cuu` e nijmee`-na` e nilíb` jnea` cajo` e nicuóø`-jaléng` dsea` Jmiguí` quiá'- Fidiée` e lico' niquidsii`-guóo`-o` moguir`-laco'gui` la jmoo` 'nú` na.

20 Joba' cañi` Tú` Simón quiá'- i Simón do jo casí`-reiñ`:

—iNe`-duu' e` 'lí` nilíin` cóo`-cuu` quíi`- , có' ca`í` o' e cóo`-cuu` quíi`-ba` nilí` lajii` e ngíng` dsea` cuø` Fidiée` ! 21 Ja` ee` catíng`- 'nu` jíi` capí`^ e ta` la, dsuco' ja` í` o' laco' catíng` fí` quini` Fidiée` . 22 Túu` lajii` e 'lí` e í` o' na, jo mí` Fidiée` e ní`íng`-guir` dsee`-quíi` quiá'- lajii` e ca`lí` o' , jo ne`-duu' su cuøøng`-gui` lajo` quiá'r` . 23 Có' nilí`-baa` e dsíng`-dsihuín` laco' sin` na, jogui` dsee`-quíi`-jéeng`- 'nu` lafa` 'ñúum`-ba` .

24 Jo cañi` i Simón do quiá'- Tú` Simón jo casí`-reiñ`:

—Féeng`-na` Fíi`-naa` Fidiée` uii` quíe`- e laco' ja` güiguiée` güilín`-n` jalé' e nicafee`-na` na.

25 Jo mí` cangí` jo, mí` cangoyúung` e cajmée` i dsea` apóo` do júu` quiá'- jalé' e guíi` e nicajmée` Fidiée` cóo`-r` jogui` caguiar` júu` quiá'- Fíi`-naa` Jesús fí` jo, jo lajee` e niteáaiñ` fí` e ngolíñ` fí` Jerusalén canaañ` guiar` júu` quiá'-

Fí'naa' Jesús fí' jmiguiab' jalé' fí' pí' e téé' lí' se' Samaria cartí' caguilíng'tur fí' Jerusalén.

Lii' cóo' jaang' dseañu' i seeng' fí' Etiopía

²⁶ Jo mi' cangí' jo, casíng' Fidié' jaang' ángel i cajmijnéeng' 'ñia' fí' quini' i Lii' do, jo lalab cajíñ' casí' reiñ':

—Guia' guiá' quí' , jo gua' fí' lí' lí' uóø' laco' ngóo' fí' Jerusalén e guiéé' cartí' fí' Gaza; jo e fí' jo ngíng' la tóo' ni' guóo' uóø' quí'.

²⁷ Jo lajob cajmée' Lii', caguíem' guiá' 'ñia'r', jo cangó-bre fí' lí' caquiá' i ángel do ta'. Jo guiá' fib' cajíng' rúíñ' cóo' jaang' dseañu' i niseeng' fí' Etiopía i nilíng' jaang' dseata' dsea' féng' i jmóo' ta' 'mea' cuu' quíá' reina Candace e fí' góor' do. Jo i dseañu' do nicangór' fí' Jerusalén e cangojmiféiñ' Fidié', ²⁸ jo e ni'iuuiñ' fí' e ngang'tur fí' góor' e guíñ' fí' coo' ni' bóø' e jñu' cuea'. Jo lajee' jo, ngaiñ' ir' coo' jì' e cajme' Saií', jaang' dsea' i café' cuaiñ' quíá' Fidié' mali' gui eáang'. ²⁹ Jo cajíng' Jmiguí' quíá' Fidié' casí'r' i Lii' do:

—Gua' jo guíquiéeng' laco' ngo' e bóø' do.

³⁰ Jo mi' cangoquiéeng' Lii' fí' jo, joba' canúur' e í' i dseañu' do e jì' e cajme' i Saií' do, joba' cajmíngi' reiñ' do jo cajíñ':

—¿Su ngám'ba' e í' na?

³¹ Jo cañí' i dseañu' do quíá' Lii' jo cajíñ':

—U', ja' ngán'n, co' jii' jaang' ja' ii' seeng' nijmeá' jnea' júu' e' guóng' jalé' e tóo' la.

Jogu' i dseañu' etiope do cató'r' Lii' e caguaiñ' do ni' e bóø' do colíng' cóo'r'.

³² Jo lalab fé' e fí' ni' jì' lí' gui'ná' ir' do:

Cangojéeng' dsea' ír' fí' lí' nijúuiñ'

laco'gui la jéeng' dsea' jaang' jo'se' i dsijngáaiñ';

jo jii' capí' ja' ee' ca'óor' laco'gui ja' óo' jaang' jo'se' mi' síting' dsea' jñu're'.

³³ Jo gab' cajmeáng' dsea' ír', jo jii' jaang' ja' seeng' i quidsí' í' quíá'r' røø'.

Jo jii' jaang' jo' ii' quí' jmí' nijmé' júu' cuaiñ' quíá' jaléng' dsea' sijur' co' cajnga' dsea' quíá'r',

joba' congua' cango'íñ' fí' jmigü' la.

Jo lanab lí' júu' e í' i dseata' etiope do.

³⁴ Jo mi' calí' ir' e jì' do, jo cajmíngi' i dseata' do cajmíngi'r' Lii' jo cajíñ':

—Jmee' uii' diéé', jmée' jnea' júu' i' cuaiñ' quíá' fé' i Saií' do e fí' ni' jì' la. ¿Su quíá'r' 'ñia'r' ofa' quíá' i jiém' é?

³⁵ Joba' canaang' Lii' jma'r' júu' i dseañu' do e cuaiñ' quíá' Jesús guóng' e fé' e fí' ni' jì' lí' iñ' do; jo ngí' jo casí' reiñ' quíá' jial láang' Jesús jaléng' dsea' jee' jalé' dsee' quíá' . ³⁶ Jo lajee' teáaiñ' fí' la do, coo' caguilíim-bre lí' sea' jmí', joba' lalab cajíng' i dseata' etiope do casí'r' Lii':

—Lab sea' jmí' e la. ¿Já' cuóøng' nisán'n jmí', faa'aa'?

³⁷ Joba' cañí' Lii' quíá' i dseañu' do jo casí' reiñ':

—Song já' lín' e ngocáng' o' júu' quíá' Jesús, cuóøm' nisán' jmí'.

Joba' cañí' i dseata' do:

—Jáb' lín'n e i Jesús do líiñ' i Jóo' Fidié' camíng' do.

³⁸ Jo dsifí' ladob caquiá' i dseata' do ta' e cajé' e bóø' lí' dsíñ' do; jo cajgáíñ' e fí' lí' sea' jmí' do, jo fí' job caseáng' Lii' jmí' i dseata' do e laco' cuø' lí' e ca'uiñ' do dsea' quíá' Dsea' Jmáang'. ³⁹ Jo mi' calí' uóøiñ' fí' dsí' jmí', jo Jmiguí' quíá' Fidié' cacó' quíá' Lii', jo jo' cangáng' gui' i dseata' do ír'; jo ca'íb' tuiñ' do fí' iuuiñ', jo dsíng' iáang' dsíir' cangáíñ' fí' góor'. ⁴⁰ Jo catí' coo' fí' e sii' Azoto nicaguíé' Lii', jo fí' job canaaiñ' ngír' fí' laco' laco' fí' e guiar' júu' quíá' Dsea' Jmáang' cartí' caguier' fí' coo' fí' lí' sii' Cesarea.

9

Mi~ cajáng' 'ñia' Saulo fi' jaguó' Dsea' Jmáang-
(Hch. 22:6-16; 26:12-18)

¹⁻² Jo co' ie~ jo ja' mi' caqui~'bi dsí' Saulo e í dsír' e nijngáin~' jaléng' dsea' quiá'~ Dsea' Jmáang~, joba' cangór~ fi' quini' dsea' mogui~ quiá'~ jaléng' fi' jmidsea' quiá'~ dsea' Israel ie~ jo e cangomir~ fi' e nidsér~ fi' lacoo' guá'~ quiá'~ dsea' góor' dsea' Israel e téé~ fi' fií' Damasco e nidsiséin~' jaléng' dseañu' dseamí i ja' líng' júu^ quiá'~ Dsea' Jmáang~, jo nitóø'reiñ' do e 'ñúuiñ'~ fi' dsí' 'nuñí' e téé~ fi' Jerusalén. ³ Jo cangám' Saulo fi' e nijmér~ lajo, joba' fi' Damasco cangór~. Jo dsu' mi~ nijaquiém' e niguiéer' e fi' jo, coo' cajneáb~ coo' jì e teá' eáang' lacúng' lajín~ e lí' ngóor' do, jo e jì do jnéeng~ jáa' catí' yá'~ jmigüí'. ⁴ Jo dsifi' lajob caquíng'~ Saulo fi' ni~ uó~, jo mifíng' canúur~ e líng' ií' guicafé' fi' yá'~ jmigüí' jo guicajín'~ sí'r' Saulo:

—Saulo, Saulo, ¿jialí' jmáan'~ ga' jnea~?

⁵ Joba' cañí' Saulo quiá'~ i guicafé' do jo cajín'~:

—¿I' 'nu', Fí'í?

Jo cañí' tu i guicafé' do jo cajín'~:

—Jneab~ Jesús i ngí' 'nu' jmáan'~ ga' lana, jo ja' ta' íng' qui'~ e jmoo' lajo, co' lí' lí' eáang' gui jmáang'~ uóø'ba' e jmoo' lajo.

⁶ Jo dsíng'~ cafóng' Saulo mi~ canúur~ lado, joba' cañí' jo cajín'~:

—Fí'í, ¿e~ iin'~ e nijmee~e?

Joba' cañí' tu i guicafé' do jo cajín'~:

—Ráan'~, jo gua'~ fi' Damasco, jo fi' job nihuí' ta' e 'né~ nijmées'.

⁷ Jo jaléng' dsea' i ngolíng'~ gui cóo'~ Saulo ie~ jo dsíng'~ cafóin', co' canúu~bre e luu~ e guicafé' do, dsu' jii'~ jaang' ja' ií' cangáin~. ⁸ Jo mi~ caróo~ Saulo e lí' caquíñ'~ do, jo mi~ néé' júu^ e cajóør~ dsu' jo' nijneá' jminir~ jii'~ capí'~ co' nitium~bre. Jo i dsea' i ngolíng'~ cóo'r~ dob ca'méeng' ír' cartí' caguiéer~ cartí' Damasco. ⁹ Jo fi' job cajer' 'ni' jmii' tóøng~ e ja' jné'r' jii'~ capí'~ o'gui' í' gø'r' cajo.

¹⁰ Jo e fi' Damasco do niseeng' jaang' dseañu' i líng' dsea' quiá'~ Dsea' Jmáang~ i nisi' Ananías. Jo coo' jmii' cajmijnéeng' 'ñia' Dsea' Jmáang~ fi' quini' i dsea' í' lafa' mi~ quir', jo casí'r' dsea' do lala:

—iAnanías!

Joba' cañí' Ananías quiá'~ dsea' do jo cajín'~:

—Lab sín'n, Fí'í.

¹¹ Jo cajíng'~ Fí'naa' Dsea' Jmáang~ casí'r~ i Ananías do:

—Ráan'~, jo gua'~ fi' coo' jee' 'núu' lí' sii' Derecha. Jo mi~ niguie' quiá'~ jaang' dsea' i sii' Judas, jo nijmingín'~ jaang' dseañu' i sii' Saulo i seeng' fi' Tarso, co' lana guiiñ' féiñ' jnea~. ¹² Jo jnea~ nicajmé~ e e nicangáng~ Saulo 'nu' lafa' mi~ quir' e guie' fi' lí' guiiñ', jo níquidsi' guóo' fi' moguir~, jo lajob nilijné'~ tur calé'~ catú'.

¹³ Jo mi~ canúu~ Ananías e jo, lalab cañí' jo cajín'~:

—Fí'í, fí'm' dsea' nicajmea'r' jnea~ júu^ uii' quiá'~ i dseañu' í' quiá'~ jalé' e ga' e nicajmeáin' dsea' qui'~ fi' Jerusalén. ¹⁴ Jogui lana nijáar' fi' la e níquier' júu^ quiá'~ jaléng' fi' jmidsea' e nisáin' jaléng' dsea' qui'~ jo nidsiteáng' neiñ' fi' dsí' 'nuñí'.

¹⁵ Joba' cañí' Fí'naa' Dsea' Jmáang~ quiá'~ Ananías jo cajín'~:

—Gua~, jo güijmití' lajii'~ ta' quiú'~u, co' jnea~ nica'náan~n i dseañu' do e niguiár~ jalé' júu^ quié~ e jee~ jaléng' dsea' i ja' líng' dsea' Israel cóo'~ gui jaléng' dseata~ dsea' cóøng'~ quiá'r~ jogui fi' quini' jaléng' dsea' Israel cajo.

¹⁶ Jo jnea~ bi ni'ée^ e Saulo jial tí' iihuí' 'né~ nidsingáin~ uii' quié~ e.

¹⁷ Jo dsifí ladob cangóˉ Ananías fí liˉ niguiingˉ i Saulo do. Jo miˉ caguiérˉ fí jo, ca'í-bre fí dsí' sináaˆ liˉ guiñˉ do, jo caquidsir' guóorˉ moguiñˉ do, jo cajíñ'ˉ casí'ˉ-reiñ':

—Saulo, rú'uu', i Fí'naa' Jesús i cajmijnéengˉ 'ñia' lajee˘ iuun'ˉ fí e ñi' fí la casíñˉ jneaˉ lana e nijmeeˉ e e nilijné'tu' calé'ˉ catúˉ jogui e niñín' Jmiguíˉ quiá'ˉ Fidié˘.

¹⁸ Jöba' caquidsí' Ananías guóorˉ fí yá'ˆ moguiˉ Saulo, jo dsifí lajob casojiá' e lí' la lí' hui'ˆ 'ñuˆ jminiˉ dseaˉ do, jo dsifí ladob calijné'rˉ. Líˉ jo caróorˉ jo mifíngˉ cajgáaiñˉ jmiñˉ e laco' cuø' liˉ e ca'uiñˉ dseaˉ quiá'ˉ Dseaˉ Jmáangˉ. ¹⁹ Jo miˉ cangí jo, cagó'rˉ irˉ jo catím'ˉ tur bí quiá'rˉ. Jo caje'bir cooˉ túˉ jmiñˉ miˉ cangí jo cóo'ˉ jaléng'ˉ dseaˉ quiá'ˉ Dseaˉ Jmáangˉ i neáang' fí Damasco.

Miˉ caguiaˉ Saulo júuˆ quiá'ˉ Dseaˉ Jmáangˉ fí Damasco

²⁰ Jo lajee˘ job canaangˉ Saulo guiar' júuˆ quiá'ˉ Dseaˉ Jmáangˉ lacooˉ guá'ˉ quiá'ˉ dseaˉ góorˉ dseaˉ Israel e teeˉ fí Damasco, jo s'í'rˉ jaléng'ˉ dseaˉ e i dseaˉ góorˉ Jesús do líng' i Jóo' Fidié˘ camíng'ˉ do. ²¹ Jo jaléng'ˉ dseaˉ i núuˆ e júuˆ quiá'rˉ do, sóongˉ dsigáˆ dsíir' jo fé'rˉ:

—¿Su o' i nabi i dseañu' i ngí jmáng' gaˉ jaléng'ˉ dseaˉ quiá'ˉ Dseaˉ Jmáangˉ i neáang' fí Jerusalén? Jo ¿su o' i nabi cajo i cagüéngˉ fí Damasco la e nitóorˉ e 'ñúung'ˉ jaléng'ˉ dseaˉ quiá'ˉ Dseaˉ Jmáangˉ fí quiniˉ jaléng'ˉ fiiˉ jmidseaˉ quiá'ˉ dseaˉ Israel fí Jerusalén?

²² Jo dsu' lajee˘ jo, eáang'gui cuø' bí 'ñia' Saulo e guiar' e júuˆ do. Jo jalém' i dseaˉ Israel i seengˉ fí Damasco do cajer' jí' jaˉ ñirˉ e˘ dseáng'ˉ niñírˉ, co' i Saulo do guiar' júuˆ e dseáng'ˉ jáb'ˉ e Jesús líiñˉ Dseaˉ Jmáangˉ i sijeengˉ dseaˉ Israel.

Miˉ caláangˉ Saulo fí jaguóˆ dseaˉ góorˉ dseaˉ Israel

²³ Jo miˉ cangí gui lajo, jaléng'ˉ dseaˉ Israel i seengˉ fí Damasco do canaaiñˉ síiñˉ røøˉ jial nijngáiñˉ i Saulo i líng' dseaˉ góorˉ do. ²⁴ Jo dsu' ca'øm' Saulo júuˆ lají' e í dsí' i dseaˉ do e nijmeáng'ˉ neiñ'. Jo uøøˉ jmiñˉ neáang' i dseaˉ i siteengˉ írˉ do fí ooˉ iáˆ cuuˉ e ñí' eáang' liˉ güi'fíng' jee˘ fiiˉ Damasco e quiá'ˉ siteeiñˉ e nijngáng'ˉ neiñ'. ²⁵ Dsu' cooˉ uøøˉ jaléng'ˉ i dseaˉ quiá'ˉ Dseaˉ Jmáangˉ i neáang' fí Damasco do cataiñˉ Saulo fí dsí' cooˉ 'matáˆ e fe', jo cajgiáangˉ neiñ' do fí dse' e iáˆ cuuˉ e si' lacúng'ˉ fiiˉ do, jo lajob caleáaiñˉ dseaˉ do.

Miˉ caguiéng'ˉ tu Saulo fí Jerusalén

²⁶ Jo miˉ cangí jo, caguiém'ˉ tu Saulo fí Jerusalén, jo cali'iiñˉ e niseáiñ' colíngˉ cóo'ˉ jaléng'ˉ dseaˉ quiá'ˉ Dseaˉ Jmáangˉ i neáang' fí jo; dsu' lajiiñˉ i dseaˉ do 'góm'breiñ', co' jaˉ já'ˉ líiñˉ e nilíng' Saulo dseaˉ quiá'ˉ Dseaˉ Jmáangˉ. ²⁷ Jo dsu' jaangˉ dseañu' i siiˉ Bernabé caguijéiñˉ Saulo fí quiniˉ jaléng'ˉ dseaˉ apóoˆ i neáang' fí Jerusalén, jo cajmea'reiñ' júuˆ jial cangángˉ Saulo Fí'naa' Dseaˉ Jmáangˉ lajee˘ iuuiñˉ fí e ngóorˉ fí Damasco, jogui jalé' e caféng' Fí'naa' Dseaˉ Jmáangˉ írˉ, jogui jial teáˆ dsíir' guiar' júuˆ quiá'ˉ Jesús e fí Damasco do. ²⁸ Jo lajob miˉ caje˘ Saulo fí Jerusalén, jo colíimˉ canaaiñˉ ngir' cóo'ˉ dseaˉ quiá'ˉ Dseaˉ Jmáangˉ i neáang' fí jo. ²⁹ Jo dseáng'ˉ ngocángˉ dsí'bre guiar' jogui síiñˉ júuˆ quiá'ˉ Dseaˉ Jmáangˉ jee˘ jaléng'ˉ dseaˉ Israel i fé' jmi' griego. Jo dsu' lajaléng'ˉ i dseaˉ í jmóorˉ úungˉ e nijngám'ˉ bre Saulo. ³⁰ Jo miˉ calilí'ˆ i dseaˉ quiá'ˉ Dseaˉ Jmáangˉ i caguiaangˉ do e í dsí' i dseaˉ do lado, jöba' caguim'bre Saulo fí fiiˉ Jerusalén, jo cangojéngˉ neiñ' do fí Cesarea; jo miˉ cangí jo, caguiéng'ˉ neiñ' do fí góorˉ liˉ siñˉ Tarso.

³¹ Jo jaléng'ˉ dseaˉ quiá'ˉ Dseaˉ Jmáangˉ i seengˉ fí lacaangˉ liˉ se' Judea cóo'ˉ liˉ se' Galilea cóo'ˉ gui liˉ se' Samaria juguiáˉ júuˆ røøbˉ niseeiñˉ, jogui eáang'gui ngóo' líjá'ˉ líiñˉ jalé' júuˆ quiá'ˉ Dseaˉ Jmáangˉ carˉ ngocángˉ dsíir'. Jo

lajalém^l bre jmóor^l úung^l e jmiféiñ^l Fí^lnaa^l Dsea^l Jmáang^l, jò lajòb ngóó^l lifíng^l dsea^l ì jáng^l yaang^l fí jaguó^l Dsea^l Jmáang^l laco^l jmi^l laco^l jmi^l la'eáang^l cóo^l Jmiguí^l quiá^l Fidié^l.

Mi^l cajmi^lleáang^l Tú^l Simón jaang^l dseañu^l ì caang^l tñ^l

³² Jò lajee^l jò ngí^l ì Tú^l Simón do e dsi^leer^l jaléng^l dsea^l quiá^l Dsea^l Jmáang^l, jò lajee^l jò cangó^l fí cóo^l fñ^l lí^l sii^l Lida e cango^leer^l jaléng^l dsea^l íb^l cajo^l ì neáang^l fí jò. ³³ Jò mi^l caguiér^l fí jò, cadséiñ^l jaang^l dseañu^l ì caang^l tñ^l ì sii^l Eneas, jò ningoó^l mí^l jñiá^l jii^l e niráiñ^l do cóo^l lí^l ráaiñ^l. ³⁴ Jò lalab casí^l Tú^l Simón ì dseañu^l í jò cajíñ^l:

—Eneas, Dsea^l Jmáang^l nijmi^lleáaiñ^l 'nu^l jmi^l ná. Ráan^l, jò sée^l lí^l ráan^l.

Jò dsifí^l lajòb caróo^l Eneas e lí^l ráaiñ^l do. ³⁵ Jò lajalém^l dsea^l seeng^l fí Lida cóo^l gui^l fí Sarón cangár^l e caróob^l ì Eneas do, jòba^l cajám^l yaaiñ^l fí jaguó^l Dsea^l Jmáang^l ie^l jò.

Mi^l cajmijí^ltu Tú^l Simón jaang^l dseamí^l ì sii^l Dorcas

³⁶ Jò ie^l jò niseeng^l jaang^l dseamí^l ì líng^l dsea^l quiá^l Dsea^l Jmáang^l fí cóo^l fñ^l lí^l sii^l Jope. Jò ì dseamí^l do nisiir^l Tabita, e guóng^l Dorcas cóo^l jmí^l griego. Jò ì dseamí^l í contøøm^l jmóor^l jalé^l e guiá^l jogui^l jmicóo^lr^l jaléng^l dsea^l ì ja^l sea^l e 'né^l. ³⁷ Jò ie^l jò nicalidséeb^l ì Dorcas do, jò cajúm^l bre. Jò jaléng^l dsea^l ì seeng^l cóo^lr^l do ie^l jò caláng^l neiñ^l, jò caquiáang^l neiñ^l fí dsí^l sinúu^l 'núu^l yú^l. ³⁸ Jò e fñ^l Jope do quiáb^l néé^l laco^lgui^l néé^l e fñ^l Lida e fí lí^l táang^l ì Tú^l Simón do. Jò có^l caliñib^l jaléng^l dsea^l quiá^l Dsea^l Jmáang^l ì neáang^l fí Jope e fí Lidab táang^l Tú^l Simón, jòba^l dsifib^l casíñ^l gáng^l dseañu^l fí do; jò mi^l caguiliñ^l fí jò caguisí^l reiñ^l do lala:

—Tú^l Simón, má^l aa^l fí Jope lajminá^l.

³⁹ Jò cangób^l Tú^l Simón cóo^l ì dsea^l do fí Jope. Jò mi^l caguiér^l fí jò, jò caguijéeng^l neiñ^l do fí lí^l ráang^l ì dseamí^l 'lí^l do. Jò jaléng^l dseamí^l 'nú^l ì niteáang^l lí^l ráang^l ì 'lí^l do dsíng^l qui^lr^l carí^lr^l lacúng^l lajíng^l lí^l sing^l Tú^l Simón mi^l caguié^l dsea^l do fí do; jò ca'e^lreiñ^l jalé^l mi^lñúung^l cóo^l gui^l jalé^l 'mi^l e jíe^l e nica^lmi^l ì Dorcas do jogui^l e nicangíiñ^l cuó^l dsea^l do lamí^l seeiñ^l. ⁴⁰ Jò ngí^l jò, caqui^l Tú^l Simón ta^l e ca'uøøm^l jaléng^l ì dsea^l ì teáang^l e sinúu^l do fí caluu^l. Jò lí^l jò, casí^lr^l uó^l jnr^l jò canaiñ^l féiñ^l Fidié^l, jò lí^l jò, mifíng^l cajóøiñ^l ì 'lí^l do jò cajíñ^l casí^l reiñ^l:

—j Tabita, ráan^l!

Jò dsifí^l ladob caneáa^l ì dseamí^l do jminir^l, jò mi^l cangaiñ^l Tú^l Simón, caróo^l bre jò caguár^l. ⁴¹ Jò Tú^l Simón catíiñ^l guoo^l ì dseamí^l do jò casíng^l neiñ^l. Jò lí^l jò, cató^l tur jaléng^l dsea^l quiá^l Dsea^l Jmáang^l ì ca'uøøiñ^l e fí sinúu^l do cóo^l gui^l jaléng^l dseamí^l 'nú^l ì teáang^l do, jò ca'eíñ^l jaléng^l ì dsea^l do ì dseamí^l do e nicají^l biñ^l do. ⁴² Jò jalém^l dsea^l seeng^l fí Jope caliñir^l jalé^l e calí^l do ie^l jò, jò fñ^l dsea^l cajáng^l yaaiñ^l fí jaguó^l Dsea^l Jmáang^l ie^l jò. ⁴³ Jò mi^l cangí^l jò, huøøm^l bi cajé^l Tú^l Simón e fí fñ^l jò fí quiá^l jaang^l dseañu^l ì sii^l Simón ì nijmóo^l ta^l jmi^lua^l loo^l jó^l.

10

Tú^l Simón cóo^l jaang^l fí 'lé^l ì sii^l Cornelio

¹ Jò ie^l jò niseeng^l jaang^l dseañu^l ì sii^l Cornelio fí cóo^l fí lí^l sii^l Cesarea ì nilíng^l fí quiá^l cóo^l 'lé^l e sii^l italiano. ² Jò ì Cornelio do colíng^l cóo^l jaléng^l dsea^l sinúu^l quiá^lr^l, røøb^l eáam^l jmiféiñ^l Fidié^l jogui^l eáam^l núu^lr^l jalé^l júu^l quiá^l dsea^l do, jogui^l jmicóo^l bir cóo^l cuu^l jaléng^l dsea^l Israel ì ja^l sea^l e 'né^l, jogui^l contøøm^l féiñ^l Fidié^l cajo. ³ Jò cóo^l jmi^l ngóo^l jiu^l la ii^l 'ní^l e ca'lóo^l ì

Cornelio do líng' ee` cangár- lafa' mi~ quir', jo dseáng'- røøb` cangáin~ jaang` ángel i líng' guotii~ Fidiée~ i ca'í- fí' lí~ guiiñ~ jo cajíng'- dsea` do lala:

—¡Cornelio!

⁴ Jo dob cajé' i Cornelio do jøøiñ~ i ángel do, jo eám' 'gó'r` cajmingí'r- dsea` do lala:

—¿E~ 'né- jmee~e, Fí'i?

Jo cañí' i ángel do quiá'- Cornelio jo cajíñ'-:

—Nínúub- Fidiée~ jalé' júu^ quií'- mi~ fón're, jogui níbre jalé' e guiá- e jmoo' e jmicóo' jaléng' dsea` i 'né- licóo'~. ⁵ Jo lana nisín'^ dsea` quií'- fí' Jope jo nidsite'r' Simón i sií' Tú^ cajo e nijaiñ' fí' la. ⁶ Jo lana dob guiiñ~ fí' quiá'- jaang`gui i sií' Simón cajo, jaang` dseañu' i guing~ fí' 'ni' jmiñí'^ i jmoo' ta~ jmi'ua~ loo~ jó'.

⁷ Jo mi~ cangoyúung'~ e cangáng'- i ángel i café' quiá'r- do, dsifí' lanab cató'- i Cornelio do gáng- dsea` 'léeng'~ quiá'r- cóo'~gui jaang` 'lé- i nicuíñ' guiá- jogui i eám' jmi'gó' Fidiée~ cajo. ⁸ Jo mi~ calí' jma'reiñ' do júu^ jalé' e cangár- do cóo'~gui e cajíng'- i ángel do, jo casím`breiñ' do fí' fí' Jope.

⁹ Jo mi~ cajneá- e jmi~ jo, lajee~ gui'nang'~ teáaiñ~ do fí' jo nijaquíém' niguiñíñ- fí' Jope, jo ningóó' guieñí'- ie~ jo, jo lajee~ job cajgóo- i Tú^ Simón do fí' yú'^ 'núu' e lí' guiiñ~ do fí' Jope e cangoféeiñ'~ Fidiée~. ¹⁰ Jo sóong- nijmi'aaíñ~ lajee~ jo, jo ní'iñ~ dór- i~bre. Jo lajee~ guiiñ~ dob, lajee~ e née' guiá- e nidór-, canaang` ní' jalé' e cacuø' Fidiée~ e sí'íñ^ e ní'ír' lafa' mi~ qui' dsea`. ¹¹ Jo cangár- e cana' fí' yú'^ jmi'güí, jo jnéeng- cajgó- cóo' e lí' laco' cóo' 'mi' e fe', jo jnéeng- 'ñúu'~ laji' quiú' quiúung'. ¹² Jo e dsí' 'mi' do jnéeng- teáang'~ langíng- íng'~ jó' nuu' i dsí' tú- guoo' jogui tú- tí~, jo quiéeng'gui cajo jaléng' mi' cóo'~ jaléng' qui' jogui langíng- íng'~ ta'. ¹³ Jo canúur- e cajíng'- jaang` i guicafé' jo guicajíñ'- do:

—Ráan', Tú^ Simón, jngang' i jó' na jo quié'.

¹⁴ Jo Tú^ Simón cañír' jo cajíñ'-:

—U~, Fí'i, jii'~ cóo'~ née'~ ja' mí' cacún'- n jaléng' i jó' na, có' lajo ta~ huí' fí' ní' júu^ quiu' ta~ qui'naa', jnea'^ dsea` lí'naa' dsea` Israel.

¹⁵ Joba' guicajíng'- tu i guicafé' do:

—Jalé' e jíng'- Fidiée~ e cuøøm` lí' cø'^, ja' e ta~ e fo' 'nu' e ja` cuøøng'.

¹⁶ Jo mi~ catí' 'ni' née' e guicafé' i dsea` do e júu^ jo, cangób'-tu e 'mi' do fí' yú'^ jmi'güí. ¹⁷ Jo cajé' Tú^ Simón i dsí' e~ guóng' jalé' e cangár- do. Jo lajee~ jo caguilím- i dsea` quiá'- Cornelio do fí' quiá'- i Simón do e ningí' cangir' jmingír'. Jo mi~ caguilíñ- fí' lí' guing~ i Tú^ Simón do, ¹⁸ jo cajmingír' cóo'~ júu^ teá' su dob lí' guing~ jaang` dseañu' i sií' Simón i sií'bi Tú^ cajo.

¹⁹ Jo lajee~ jo, dobi sing' Tú^ Simón e i dsí' quiá'- jalé' e cangár- do mi~ tí' lí' café' Jmi'guí' quiá'- Fidiée~ jo casí'- ír' lala:

—Janú', Tú^ Simón, nab teáang- gaang` dseañu' i 'náng' 'nu'. ²⁰ Ráan'- jo guó' cóo'r~, jo ja' ee' i' o' jii'~ cóo', có' jneab~ dsea` casín- n i dsea` na fí' la.

²¹ Jo cajgám- i Tú^ Simón do lí' dsíñ^, jo cango'íñ' i dsea` quiá'- Cornelio do jo cajíñ'- casí'-reiñ':

—Jneab~ i ngí'na' 'náng'na'. ¿E~ júu^ quié'na'?

²² Jo cañí' i dseañu' gaang` do jo cajíñ'-:

—Jáa'naa' ta~ quiá'- jaang` fii' 'lé- qui'naa' i sií' Cornelio, jaang` dseañu' i guíung- eáang' jogui contøøm- jmiféiñ' Fidiée~. Jo jaléng' dsea` góo' dsea` Israel eám' jmi'gór' dsea` do jogui 'neáaiñ' cajo. Jo jaang` ángel quiá'- Fidiée~ casí'- ír' e nitó'r' 'nu' fí' quiá'r- jo ní'úr- lajii'~ júu^ quií'- e 'né- ní'í're.

²³ Jo catób'- Tú^ Simón i dseañu' gaang` do fí' sínúu' lí' guiiñ~, jo dob cajér' colíng~ e uøø jo. Jo mi~ cajneá- lajo, cangób- Tú^ Simón cóo'~ i dsea` do fí'

Cesarea, jogui cangolíim-bi cóo'r~ coo tú- m'ing~ dsea` quía'- Dsea` Jmáang- i neáang' fí Jope.

²⁴ Jo mi~ cajneá- coo'gui jmii~ lajo, joguiba' caguiliín- cartí Cesarea fí lí n'iguiing~ i Cornelio do sijeeng' ír` colíing~ cóo'~ jaléng' dsea` sinúu^ quía'r- cóo'~ gui jaléng' dsea` i cuiiñ` eáang' i cató'r- fí quía'r- e laco' ni'iñ' i Tú^ Simón do. ²⁵ Jo mi~ caguié- i Tú^ Simón do fí jo, dob n'ising' i Cornelio do o'nú^ e n'igüijeeng' neiñ'. Jo mi~ cangáng- rúñ', dsifí ladob casí' Cornelio uó- jnir~ fí quini~ i Tú^ Simón do e laco' nijmiféng' neiñ'. ²⁶ Dsu' Tú^ Simón dsifí ladob caseang' neiñ' jo casí'- reiñ':

—Ráan', Cornelio, co' jnea~ lín'n jaang` dsea` jmigüi' laco' 'nu'.

²⁷ Jo lajee' gui'ná' s'iiñ` ladob, ca'í- Tú^ Simón fí dsí' sinúu^, jo f'ím' dsea` nisiseáng' fí jo mi~ cangotáaiñ'. ²⁸ Jo lalab casí'- Tú^ Simón i dsea` do:

—Niñib^ 'nú' e jnea', dsea` lí'naa' dsea` Israel, ja` cuóong` e dsitoo'~naa' dsí' sinúu^ quía'- dsea` la 'nú' i ja` líng' dsea` Israel, o'gui cuóong` s'ing~naa' cóo'~ dsea` la 'nú' cajo. Dsu' lana Fidié' nica'e'r' jnea~ e jo` cuóong` e nifá'a e dsea` la 'nú' i ja` líng' dsea` Israel fa' e uóng-na'. ²⁹ Joba' mi~ caguiliing- dsea` quíi'- e tó'r' jnea~, dsifib' cagá-a cóo'r~, jo jii'~ coo' ja` ee` dsee- casé'e. Joba' iin~n dseáang' dsii- e ta~ cate'na' jnea~.

³⁰ Joba' cañi' Cornelio quía'- Tú^ Simón jo cajíñ'-:

—N'ingoo' quíu' jmii~ lana, jo e í' laco' ngoo' lana, lab guiin~n fí sinúu^ la e jmifén'n Fidié' la ii- 'ni' e ca'lloo-. Jo lajee' jo, coo' cajném- jaang` dseañu' i qui' coo' 'mi' e ji' eáang', ³¹ jo cajíñ'- casí'r- jnea~: “Cornelio, nicanúub- Fidié' jalé' júu^ quíi'-, jogui nicaliñi'bre jalé' e guiá- e nicajmee'- cóo'~ jaléng' dsea` i ja` sea` jalé' e 'né-. ³² Quiúu' ta~ dsea` quíi'- jo güiguiliín- fí Jope, jo güiguite'r' jaang` dseañu' i sii' Simón, si'bir Tú^ cajo, i táang' fí quía'- jaang'gui dseañu' i sii' Simón i guing~ 'ni' jmiñi' i jmoo' ta~ jmi'ua~ loo~ jó'.” ³³ Joba' dsifí lajob casín-n dsea` quíe- e e caguiteer' 'nu', jo eáam' guiá- la nicajmee'- e nicañi' ba'. Jogui lana lab nisee-naa' lajii-naa' fí quini' Fidié', jo eáam' ii~naa' nú-naa' jalé' júu^ e ca'íng' 'nu' quía'- Dsea` Jmáang- e catí-naa' e niná-naa'.

Jalé' júu^ quía'- Tú^ Simón e café'r' fí quía'- Cornelio

³⁴ Jo mi~ cató' fé' i Cornelio do, jo canaang` Tú^ Simón fé'r' júu^ quía'r- jee~ jaléng' i dsea` i siseáng' fí quía'- i Cornelio do jo cajíñ'-:

—Ná- guiba' ningán'n røø` e doñi' iib` dsea` íng' Fidié' ja` e lí' ii` dsea`, ³⁵ co' ím' Fidié' dsea` i jmi'gó' ír` jogui i jmoo' e guiá- cóo'r~ doñi' jie' fí lí' seeiñ'. ³⁶ Jo Fidié' cangüiñ` júu^ quía'r- la'eáang' cóo'~ jaléng' jnea', dsea` lí'naa' dsea` Israel, quía'- jial niliseeng` dsea` juguiá- júu^ røø` la'eáang' cóo'~ Dsea` Jmáang-, co' íb` Fii~ jaléng' dsea` jmigüi'. ³⁷ Jo guiáb- ñi' 'nú' jalé' e calí- ie~ ja` mí ngoo' eáang' fí guoo'~ uó- quí-naa', jnea' dsea` lí'naa' dsea` Israel, jo canaang' jalé' e jo catí Galilea mi~ cangí e caguia' Juan júu^ quía'r- e 'né- nisáng` dsea` jmi' e laco' cuø` lí- e quí'- jing' yaaiñ~ fí quini' Fidié'. ³⁸ Jo niñib^ 'nú' cajo jial cacuø' Fidié' Jmiguí quía'r- Jesús i cacuáng- fí Nazaret, jo cóo'~ e bí jo cajmée' Jesús jmang'- e guiá-, jogui cajmilleáaiñ- jaléng' i íng' iihu' uí' e fii' i 'líng' quia' ta~ quía'r-; jo jalé' e jo calí'r- cajméer', co' seem` Fidié' contøøng- cóo'~ ír'. ³⁹ Jo caneb~ jnea' jalé' e guiá- e cajmée' Jesús ie~ jo fí Jerusalén, lí' latøøng- lí' se' Judea. Jo mi~ lí' cøøng' lajo, cateáang` dsea` ír' fí dse' crúu^ jo fí job cajúñ-. ⁴⁰ Dsu' Fidié' cajméer' e cajíb'tu dsea` do mi~ cadsing- 'ni' jmii~ lajo, jogui cajméer' e cajnéng- dsea` do jee~ jnea'. ⁴¹ Dsu' ja` cajmijnéeng' 'ñia'r' jee~ lí' doñi' ii` dsea`, co' lajii' jee~ jneab^ cajmijnéeng' 'ñia'r', dsea` i nicaguíng' Fidié' lajii' lamí jéeng'gui quía'- e nijmoo'naa' júu^ røø` jalé' e calí- cóo'~ Jesús. Jo jneab^ dsea` ca'né' caquiee~naa' cóo'r~ mi~

cangî e cajî'tur calé' catú'. ⁴² Jogui Jesús casíñ` jnea'^ e niguiá'naa' júu^ quiá'r- jee~ jaléng' dsea, jogui e nijmó'naa' júu^ røø e Fidiéeb' dsea` casíñ` dsea` do e niquidsir' í' jee~ jaléng' dsea` jmigüi i jí'gui cóo'gui jaléng' i ni'liing~ mi~ catí í' lajo. ⁴³ Jo jaléng' dsea` i nicafé' cuaiñ~ quiá'- Fidiéé' lajúi' malí' eáam' café'r` cuaiñ~ quiá'- Jesús, jogui cajím'-bir cajo e doñí' i dsea` i jáng' yaang~ fí' jaguó` Jesús ni'íim- dsee- quiá'r- la'eáang' cóo' dsea` do.

Mi~ ca'ing' jaléng' dsea` i ja` líng' dsea` Israel Jmiguí' quiá'- Fidiéé'

⁴⁴ Jo laco' gui'nang' sim'bi Tú^ Simón e fé'r` jalé' júu^ quiá'- Dsea` Jmáang- fí' jee~ i dsea` i siseáng' do, mi~ tí' lí' cangíng' jaléng' i dsea` do Jmiguí' quiá'- Fidiéé'. ⁴⁵ Jo jaléng' i dsea` Israel i nilíng' dsea` quiá'- Dsea` Jmáang- i caguilíng- cóo' Tú^ Simón fí' quiá'- i Cornelio do, eáam' cangogá' dsír' mi~ calilí'r^ e cangím' jaléng' dsea` i ja` líng' dsea` Israel Jmiguí' quiá'- Fidiéé' cajo, ⁴⁶ có' núur s'ing' i dsea` do cóo' jmí' e jié'gui laco' jmí' quiá'r- jogui jmiféiñ' Fidiéé' cajo. ⁴⁷ Joba' cajíng'- i Tú^ Simón do casí'r- i dsea` do ladsifí' lado:

—Jíi~ jaang' ja` i cuóøng' jning- e nisáng' i dsea` la jmí e laco' cuø' lí' e nilíiñ' dsea` quiá'- Dsea` Jmáang-, có' nica'ím"bre Jmiguí' quiá'- Fidiéé' laco'gui nica'íng'~ jnea'^ cajo.

⁴⁸ Jo caquiú' Tú^ Simón ta~ e cajgáam- i dsea` do jmí e laco' cuø' lí' e nilíiñ' dsea` quiá'- Dsea` Jmáang-. Jo mi~ cangî jo, jaléng' i dsea` do cami'r` Tú^ Simón e fa' nijé-bi dsea` do cóo' tú- jmí cóo'r~ fí' jo.

11

E~ uing~ e caguiar' júu^ quiá'- Dsea` Jmáang- fí' jee~ dsea` i ja` líng' dsea` Israel

¹ Jo mi~ cangî jo, jaléng' dsea` apóo' cóo'gui jaléng' dsea` quiá'- Fidiéé' caguiaang- gui i neáang' lacaang' lí' se' Judea, caliñir' júu^ e jaléng' dsea` i ja` líng' dsea` Israel nica'ím"bre cajo júu^ quiá'- Dsea` Jmáang-. ² Jo mi~ caguíéng'- tu i Tú^ Simón do fí' Jerusalén, i líng' dsea` Israel i líng' dsea` quiá'- Dsea` Jmáang- canaiñ` cuø'reiñ' dsee- ³ jo sí'reiñ':

—¿Jialí' caguíé' lacaang' quiá'- jaléng' dsea` i ja` líng' dsea` Israel jo caguíquíé' cóo'r~?

⁴ Jo canaang' Tú^ Simón jma'reiñ' júu^ latí uing~ quiá'- jalé' e calí- do jo cajíñ'-:

⁵ —Lajee' táan'n fí' Jope, jo lajee' guiáang' e fón'n Fidiéé', camó-o líng' ee' camó-o lafa' mi~ qui' dsea'; jo camó-o cajgó- fí' yá' jmigüi cóo' 'mi' e fe' eáang', jo 'núu' laji' quiú' quiúung', jo catisí' fí' lí' sín'n. ⁶ Jo mi~ cajóø-ø røø' dsí' e 'mi' do, jo camó-o e teáang' langíng- íng' jó' nuu' i dsí- tú- guoo' jogui tú- tí- cóo'gui jaléng' mi' jogui jaléng' qui' cóo' langíng- íng' ta'. ⁷ Jo canú-u e líng' i guicafé' jo guicajíñ'-: “Raan'- na, Tú^ Simón, jngan' i jó' na jo cun're!” ⁸ Jo cafá'- a: “U~, Fí'i, júi' cóo' née' ja' mí cacún'-n jaléng' i jó' na, có' lajo ta~ huí' fí' ni~ júu^ quiú' ta~ qui'naa', jnea'^ dsea` lí'naa' dsea` Israel.”

⁹ Joba' canú-túu e luu~ e guicafé' fí' guiá'^ güi' do jo casí'- jnea~ lala: “Jalé' e jíng'- Fidiéé' e cuóøng' lí' cø', ja' ta~ e fo' 'na' e ja' cuóøng' jme'^ lajo.” ¹⁰ Jo 'ní' née' catí e jgóo' e 'mi' do; jo mi~ cangoyúung', jo cajgóob- tu fí' yá' jmigüi.

¹¹ Jo lajee' guiáang' e móo'o jalé' e jo, caguilíng- gaang' dseañ' i 'náng' jnea~ i jalíng- tí' Cesarea caguilíñ- fí' lí' guin~n do. ¹² Jo caquiú' Jmiguí' quiá'- Fidiéé' ta~ jnea~ e cangó-o cóo' i dsea` do e ja' casé'e júi' cóo' ta~ uí' e ja' líng' dsea` do dsea` Israel. Jo cóo'baa jñúung- gui i dsea` quiá'- Dsea` Jmáang- la cangó-o. Jo mi~ caguíé' e fí' Cesarea, lajalé'baa' cangotóo'naa' fí' quiá'- jaang' dseañ' i sií' Cornelio. ¹³ Jo fí' jo cajmea'r' jnea'^ júu^ jial cangáñ- jaang' ángel i líng' guotí- Fidiéé' fí' quiá'r-; jo cajíng'- i ángel do casí' reiñ'

do lala: “Síng` dsea` quiá'- fí Jope, jo güiguite'r` jaang` dseañu` i sii` Simón, i sii`bí Tú` cajo. ¹⁴ Jo íbing' nijíng'- jial cuøøng` nileáng`na' jee` dsee` quiá'-na' colíng` cóo'~ jaléng' i seeng` quiá'-na'.” ¹⁵ Jo mi` canaang` e fón`nre, job mi` cangúñ Jmiguí quiá'- Fidié` lajaléñ` do lí` laco'gui cangúng` jnea`, dsea` lí`naa' dsea` Israel, latí` mi` uíng`. ¹⁶ Jo joguib cadseng'- dsii` lajii` e cajíng'- Fí`naa' Dsea` Jmáang` lamí` cateáañ` cóo'~ jnea` fí` jmigü` la mi` cajíñ'- lala: “E já`-ba' e Juan caseáañ` dsea` jmí`, dsu' 'nú` nisáng`na' jmí` cóo'~ Jmiguí quiá'- Fidié`.” ¹⁷ Jo song Fidié` cacuø'r` i dsea` i ja` líng` dsea` Israel Jmiguí quiá'r` laco'gui cacuø'r` jnea`, dsea` lí`naa' lajo mi` calíng`naa' júu` quiá'- Fí`naa' Dsea` Jmáang`, joba' ñi` jnea` e nijññ`n lajii` ta` quiá'- Fidié`?

¹⁸ Jo mi` canúu` jaléng' i dsea` Israel i líng` dsea` quiá'- Dsea` Jmáang` jalé' júu` quiá'- Tú` Simón, dsifí` lajob jo` e cañír` jii` cóo` quiáñ'- do, jo canaaiñ` jmiféñ` Fidié` jo fé'r`:

—E jáb'- e nicacuø' Fidié` jaléng' dsea` i ja` líng` dsea` Israel e niquí'- nijíng' yaaiñ` fí` quinir` laco' cacuø'r` jnea`, jo lajoba' ni`uíñ` dsea` i catíng` seeng` cøøng` cóo'~ Fidié` lata`.

Jaléng` dsea` quiá'- Dsea` Jmáang` i seeng` fí` Antioquía

¹⁹ Jo ie` do, mi` cangí` e cajnga' dsea` quiá'- i Téé` do, mi` canaang` jmáng' dsea` ga` jaléng' dsea` quiá'- Dsea` Jmáang`, joba' i líng` i dsea` í` cangoliñ` cartí` lí` se' Fenicia jogui lí` se' Chipre cóo'~ Antioquía lí` se' Siria. Jo mi` caguiliñ` fí` jo, canaaiñ` e'r` jaléng' dsea` Israel júu` quiá'- Fí`naa' Jesús, dsu' jii` dsea` í`bing' ca'e'r` jo ja` ca'e'r` dsea` jéng'gui. ²⁰ Jo nañí` fa' e lajob cajmér`, dsu' cóo` tú` máng' dsea` i niseeng` fí` lí` se' Chipre cóo'~gui fí` Cirene i nica'íng' Dsea` Jmáang` ie` do caguiliñ` fí` Antioquía, jo caguia`bre júu` quiá'- Fí`naa' Jesús jee` jaléng' dsea` i ja` líng` dsea` Israel. ²¹ Jo eám` cajmicóo'~ Jmiguí quiá'- Fidié` quiá'- i dsea` do, joba' fím` dsea` i ja` líng` dsea` Israel caquí'- cajíng' yaaiñ` fí` quini` Fidié` ie` jo; jogui catá`bre jalé' e lamí` tñiñ` jmóor` jéng'gui jogui ca`uíñ` dsea` quiá'- Dsea` Jmáang`.

²² Jo mi` caliñí` i dsea` quiá'- Dsea` Jmáang` i neáng' fí` Jerusalén do jalé' e calí` fí` Antioquía, joba' casíñ` i Bernabé do fí` jo. ²³ Jo mi` caguié` í` fí` jo, cangár` e dseáng'- já`-ba' e nica`uíng` dsea` quiá'- Dsea` Jmáang` jaléng' i dsea` i ja` líng` dsea` Israel i seeng` fí` jo. Jo eám` cali`iáang` dsí' i Bernabé do ie` jo, jogui casí'r` jaléng' i dsea` do e ja` nitiúuiñ'- do Dsea` Jmáang`, jogui e nijmití`bir e ngocáng` dsír' jalé' júu` quiá'- dsea` do cajo. ²⁴ Jo i Bernabé do líiñ` jaang` dseañu` i guiúng` eáng', jo contøøm` jée' Jmiguí quiá'- Fidié` quiá'r` cóo'~ jalé' e jmóor` do, jogui jáb'- líiñ` júu` quiá'- Dsea` Jmáang` car` ngocáng` dsír'; jo lajob fím` dsea` ca`uíñ` dsea` quiá'- Dsea` Jmáang` ie` jo.

²⁵⁻²⁶ Jo mi` cangí` jo, jo cangó` Bernabé fí` Tarso e cango`néiñ` Saulo. Jo mi` cadséñ` dsea` do, cajéem`breiñ` do fí` Antioquía. Jo fí` job cajer` laji` huáañ` do lajee` cóo` jii` tøøng` e e'r` fíng` dsea` júu` quiá'- Dsea` Jmáang`. Jo e fí` Antioquía dob lí` la`uii` calisí` dsea` quiá'- Dsea` Jmáang` jaléng' i dsea` i cajáng' yaang` fí` jaguó` Jesús.

²⁷ Jo ie` jo, cóo` tú` máng' dsea` i jmóo` ta` e fé'r` cuaiñ` quiá'- Fidié` ca`uøøiñ` fí` Jerusalén jo cangoliñ` fí` Antioquía. ²⁸ Jo mi` caguiliñ` fí` jo, jaaiñ` do i sii` Agabo casíng' `ñia'r` fí` quini`gui, jo cajíñ'- la'eáng` cóo'~ Jmiguí quiá'- Fidié` e tí` nijáa' jii` oo` fí` jo. Jo jalé' e jo cangojée` lajee` jii` quiá'- jaang` dseata` dsea` féng' i calisí` Claudio. ²⁹ Joba' jaléng' dsea` quiá'- Dsea` Jmáang` i neáng' fí` Antioquía ca`f` dsír' e nisíñ` jalé' e nijmicóo'r` i dsea` quiá'- Dsea` Jmáang` i neáng' fí` lí` se' Judea, lí` jié' jii` lí` quí'r` jmí`, ³⁰ jo lajob cajmér`.

Jø la'eáang' Bernabé jogui Saulo cangolí jalé' e do quiá'- jaléng' dsea` cóong' i neáang' fí lí se' Judea.

12

Mĩ cajnga' dsea` quiá'- Jacóo`

¹⁻³ Jø lajee` jø, lajee` jmóo` dsea` Israel jmĩ quiá'r- e gø'r' iñí' e ja` quie' quiéng', jø ie` jø canaang` Herodes Agripa, jaang` dseata` dsea` féng' i quiá' ta` fí Jerusalén, jø canaaiñ` jmáiñ` ga` i líng` dsea` quiá'- Dsea` Jmáang- i neáang' fí jø. Jø lajee` jø, caquiá'r' ta` e cajnga' dsea` quiá'- i Jacóo` cóo` ñisú', jaang` dsea` i óo` ta` quiá'- Fidiéé'; jø i dsea` í líiñ' jaang` dsea` ngáang' cóo` i Juan do. Jø mi` calilí' i dseata` Herodes do e catíb` dsí' jaléng' dsea` Israel e cajnga' dsea` quiá'- i Jacóo` do, jøba' caquiá'r' ta` e catám' i Tú` Simón do cajo. ⁴ Jø mi` catáiñ' dsea` do jø caquiá'r' ta` e dsí' 'nũñí' calíñ' do ladsifí lado. Jogui mifíng` caquiá'r' ta` guijnúung- 'lée- quiá'r- i nidsijmée- í i Tú` Simón do, jogui e nijmér- dsiguiéng' tá' la quiúung- dsea` e laco' ja` sitúung'; jø í dsí' e mi` ningí' e jmĩ` doba' nisíñ' dsea` do fí quini` jaléng' dsea` fí. ⁵ Jø e eáam'ba' jée' 'lée- quiá'- i Tú` Simón do lí iuuiñ- e laco' ja` dseáang' niliúung- 'ñia'r'. Jø lajee` jø, lajalém' dsea` quiá'- Dsea` Jmáang- féiñ' Fidiéé` uii` quiá'- dsea` do e ngocáng` dsí'.

Mĩ cagúing` jaang` ángel quiá'- Fidiéé` Tú` Simón fí dsí' 'nũñí'

⁶ Jø mi` nijneá' e uøø` jøba', si'í' e nidsijéng' i dseata` Herodes do Tú` Simón fí quini` jaléng' dsea` fí e niquidsir' í' quiáñ' do. Dsú' 'ñia' e uøø` jø, dob ráang` Tú` Simón güiñ' fí dsí' e 'nũñí' do, jø 'ñúu` guoor` cóo` ñí' cadena, jogui teáang- jmá'- jáng` 'lée- i jmóo` í' ír` lacataang` cáaiñ', jogui jiéng' gui' 'lée- i teáang- jmóo` í' e o'nú' 'nũñí' do. ⁷ Jø lajee` jø, cóo` cajném- jaang` ángel i casíng` Fidiéé` fí lí ráang` i Tú` Simón do fí dsí' 'nũñí', jø jlo' cajneá- fí latøøng- e dsí' jø. Jø i ángel do cangoquiéiñ' lí ráang` Tú` Simón jø cagü'r' mo'uøø` dsea` do; jø dsifí'bi` cajné- dsíñ' do lí ráaiñ` güiñ', jø lalab casí- i ángel do ír':

—Jminá- ráan'- ná, Tú` Simón.

Jø dsifí lajob casojiú' e ñí' cadena e 'ñúu` guoo` Tú` Simón do. ⁸ Jø cajíng'- i ángel do calé' catú- casí'r- dsea` do:

—Quí' sí' lajminá- jogui øø` lomí'.

Jøba' lajob cajmée' Tú` Simón ladsifí lado. Jø cajíng'- gui i ángel do casí'r- dsea` do lala:

—Te' 'mijnú' iá' lúu' jø má-aa' cóo` jnea`.

⁹ Jø dsifí lajob cango'leáang' i Tú` Simón do laco' cagü'í' i ángel do, jø jji' ja` ñir' si já'- si ja` já'- laji' e jing'- i ángel do, co' nír' e do lafa' mi` quí'bre. ¹⁰ Jø cangúmbre lí teáang' i 'lée- do la'uii~, jø lí- jø, cangúñ' lí teáang- cóo` 'lé' gui. Jø mi` tí' lí' ningóo' uóñ' fí cóo' o'nú' lí' lí' layaang- ñí' e mifíng' ni'uóñ' cartí' caluu', 'ñiab' e jní' do cana', jø ca'uøøm'bre. Jø cueeb'jiá' capí' lí' cangolíñ' e ngir' colíng- lado. Jø mi` cangoyúung' jø, catúb- i ángel do quiá'- i Tú` Simón do, jø 'ñia'biñ' do cangáng'- guir.

¹¹ Jø mi` calilí' i Tú` Simón do e dseáng'- jáb'- jalé' e cangongúñ' do jøba' cajíñ'-:

—Nab nicamó-o e dseáng'- já'-ba' nicasíng` Fidiéé` i ángel do quiá'r- e cajaleaaiñ' jnea` fí jaguó' i dseata` Herodes do e laco' ja` calí'r- cajmicóo' rúñ' cóo` dsea` góo'o dsea` Israel fa' ee' cajmeaiñ' jnea`.

¹² Jø mi` cangí' e calilí'r' e jø, condseéb' cangáiñ' fí quiá'- jaang` dseamí' i sii' Yá', niquíá' jaang` dseañu' i sii' Juan, sii'bir Marcos cajo. Jø fím' dsea` quiá'- Dsea` Jmáang- siseáang' fí jø e féiñ' Fidiéé` lajee` jø. ¹³ Jø mi` caguiéng'- i Tú`

Simón do fí jo, dsifí lajob cabár jní o'nú e tór i dsea teáang dsí do e laco nineaiñ do 'nú. Joba cangó jaang simí i jmóo ta i sií Rode e ngoñir i i bá e jní do. ¹⁴ Jo dsifí mi calicuír luu i Tú Simón do, sóong cali'iaang dsí, jo lafa e nineár e 'nú do e ninging Tú Simón, dsifí lajob caquing tur cangojmée'r i teáang dsí do júu e Tú Simómbing sing' bá e jní do. ¹⁵ Jo cajíng i dsea teáang do casí'r i simí do:

— ¡Ngaam 'nu, simí!

Dsu i simí do jíñ e já-ba e Tú Simómbing guising' e tór o'nú.

Dsu i dsea caguaang do cañir:

— O' Tú Simón do. Jangám i ángel i jmóo í quía-bre do.

¹⁶ Jo lajee sáng i dsea do lado, dob sing' Tú Simón e bábir jní fí caluu. Jo lí mi caneáar e jní do, joguib calilí'r e Tú Simómbing nising', jo sóong cafóñ' mi cangáñ dsea do. ¹⁷ Dsu i Tú Simón do cajméer li cóo guóor e laco jo ta'li i dsea do mí. Jo mi ni'uuiñ dsí sinú, joguiba cajmea'r i dsea do júu la'uiing lanú' jial cajmicóo Fidiée quía'r e cagü'ír dsí e 'nuñí do jo cajíñ casí-reiñ:

— Jmée'na júu Jacóo cóo'gui dsea quía' Dsea Jmaang i caguaang gui do jalé e guiá e cajmée Fidiée cóo' jnea fí dsí 'nuñí.

Jo mi calí sñiñ lado, jo cagü'ír bre jo fí lí jieb' cangór.

¹⁸ Jo mi cajneá cóo'gui jmí, mi cangá jaléng i léé do e jo Tú Simón seeng fí dsí 'nuñí, sóong cangogá dsí' lajaléñ do, co' jí' ja ñir e calí cóoñ do. ¹⁹ Jo mi caliñ i dseata Herodes do e jo Tú Simón seeng fí dsí 'nuñí, joba caqui'r ta e cali'ném'biñ do, dsu jo lí cadséng'neiñ; joba cató'r lajñng léé i si'í cajmée í quía' Tú Simón do, jo caqui'r ta e cajúm'biñ do lajññ dsifí lado uí' e caláang i Tú Simón do. Jo mi lí cøng'gui lajo, cagü'ír b' dseata Herodes lí guíñ lí se' Judea, jo cangór cangogüear fí Cesarea.

Mí cajúng i dseata Herodes Agripa do

²⁰ Dsu ie jo, sóong nisigüing i dseata Herodes do quía' jaléng dsea i niseeng fí Tiro cóo' Sidón, dsu i Herodes do i 'né nicuó' fí e nilisea jalé e nidó' i dsea seeng fí Tiro cóo'gui i dsea i seeng fí Sidón; joba i dsea seeng fí laj' tú fí jo dseáng' 'néb e niliseeñ røø cóo' i dseata do e laco nilisea jalé e gøñ' do. Jo calí-bre jaang dseañu i líng jaang dsea nu'luu quía' i dseata Herodes do i sií Blasto, jo cacuø'reiñ do cuu e laco niféñ do uii quíañ. Jo lajoguiba calí'r e sñiñ cóo' i dseata Herodes do. ²¹ Jo catéiñ do cóo' jmí lí e iññ nisíñ cóo' jaléng i dsea do. Jo e jmí jo, dsea seeng fí Tiro cóo'gui fí Sidón caguilíñ fí lí guing i dseata Herodes do. Jo ie jo i dseata Herodes do caqui'r si'r lali e jlo'gui e sea quía'r, jo cagüár ni 'masii quía'r lí guár mi quidsir í, jo canaaiñ bír güí quía'r jee jaléng i dsea fí do. ²² Jo mi canú jaléng i dsea do jalé júu quía' i dseata Herodes do jo canaaiñ fé'r teá lala:

— ¡Jaang diée i fé' na lana, o' dsea jmigü' na!

²³ Jo dsifí lajob jaang ángel quía' Fidiée cajméer e catóm' i dseata Herodes do e dsée'r ladsifí lado, co' cacuø' fí e cajmiféng' dsea ír laco Fidiée 'ña'r. Jo cajúm i dseata Herodes do cóo' jmohuí e cacuø' i ángel do e cagø' jó' ír.

²⁴ Dsu lajee jo, eáang'gui ngóo ni' júu quía' Fidiée jogui doñí jieb' ninúu dsea e júu jo.

²⁵ Jo mi tí lí cató' ta quía' i Bernabé cóo'gui Saulo fí Jerusalén, jo cangolím tur fí Antioquia, jo téé bre Juan i sií'bi Marcos cajo.

13

Mi canaang Bernabé cóo Saulo e guiar júu quía Fí'naa Jesús lacaang fí lí' jié'

¹ Jo mi caguiliñ fí Antioquia caseáñ' cóo jaléng' dsea quía' Dsea Jmáang i nineáng' fí jo, jo jee jo niquiéng' jaléng' dsea i fé' cuaiñ quía' Fidié' cóo'gui jaléng' tifa' quía' júu quía' dsea do; jaaiñ do nisiir Simón i sií Simón Le', jaang'gui i sií Lucio i caliséng' fí Cirene, jaang'gui i sií Manaén i cacuáng' colíing' cóo' i dseata Herodes do i calíng' dseata dsea féng' quía' Galilea, jogui Bernabé cóo'gui Saulo do. ² Jo cóo' jmií lajee' guiáang' teáang' i dsea do e jmiféiñ' Fí'naa' Fidié' jogui jmóor' ayuno e ja' gø'r' ir' lajee' jo, casí' Jmiguí quía' Fidié' ír' lala jo cajíñ' :

—Cuøøng' na' jnea i Bernabé na cóo'gui Saulo quía' e nináñ' jmér' lají' ta e nicatøø'øre na.

³⁻⁴ Jo mi cangoyúung' e féiñ' Fidié' jogui cajméer' ayuno, dsifí lajob caquidsí i dsea do guóor' fí mogui Bernabé cóo'gui Saulo e laco' cuø' lí' quía' lají' ta nidsiliñ' do. Jo mi calí jo, ca'í'breiñ' do júu, jo cangolíng' biñ' do, jo cóo'bre i Juan Marcos do i jmicóo' quía'r'.

Mi caguia' gáang' i dsea' óo' ta quía' Fidié' júu quía' Dsea Jmáang' fí Chipre

⁵ Jo Jmiguí quía' Fidiéeb' casí' quía' i Bernabé do cóo'gui Saulo fí cóo' oo' jmií e sií Seleucia e née' 'ni' jmiñí'. Jo mi caguiliñ' fí jo, cangotáaiñ' fí cóo' dsí' móo' jo cangolíng' fí cóo' oo' jmií lí' sií Salamina e née' fí lí' se' Chipre. Jo mi caguiliñ' fí jo, jo cajgám' bre e móo' do, jo dsifí lajob cangolíng' fí lí' téé' guá' quía' dsea' góor' dsea' Israel jo canaaiñ' guiar' júu quía' Fidié' fí jo.

⁶ Jo mi cangí jo, cangúñ' la'úm' e ni' uó' e née' ni' jmiñí' do cartí caguiliñ' fí oo' jmií e sií Pafos. Jo fí job cajíñ' jaang' dsea' Israel i sií Barjesús, jo cóo' jmií griego siir' Elimas. Jo i dseañ' do nilíñ' jaang' dsea' láang' i ngí ta jmiøøng' jaléng' dsea', có' jíñ' e líñ' jaang' i fé' cuaiñ' quía' Fidié', dsu' o' já' e lajo. ⁷ Jo i dsea' láang' do nilíñ' jaang' i jmóo' lají' e iing' dseata dsea' féng' i sií Sergio Paulo, jaang' dseañ' i tíng' eáang'. Jo mi caliñ' i dseata dsea' féng' do e fí góo'bre nitáang' Bernabé cóo'gui Saulo, joba' catø' reiñ' có' iñ' ninúr' júu quía' Fidié' e guaiñ' do. ⁸ Dsu' i dsea' láang' do cajníng' bre quía' i dseata dsea' féng' do e laco' ja' já' nilíñ' do júu quía' Fidié' e guia' i Saulo do. ⁹ Jo eám' jéeng' Jmiguí quía' Fidié' i Saulo do i sií'bi Paa' cajo, joba' cajøøiñ' i Elimas do la'úung' ¹⁰ jo casí'r' dsea' do:

—'Nu' lin' jaang' adsee' féng' jogui jóo' fii i 'ling'; có' jni' fí quía' jaléng' dsea' i iing' jmé' e guia'. ¿Jialí' jnin' fí quía' jaléng' dsea' i iing' nisíng' yaang' fí guia' cóo' Dsea' Jmáang'? ¹¹ Lana Fí'naa' Fidié' nicuø'r' 'nu' cóo' iihuí, jo nijá' e jo lí' jøø' jí' capí' cartí mi niquia' Fidié' ta e nilí'né' tu' calé' catú'.

Jo dsifí lajob calíná' jmini' i Elimas do, jo canaaiñ' jmóor' quijí' i dsea' i nisó' 'ma'u' quía'r' có' jo lí' jøø'r' jí' capí'. ¹² Jo mi cangá' i dseata dsea' féng' do e calí' lado, dsifí lajob já' caliñ' júu quía' Dsea' Jmáang' có' eám' dsigá' dsíir' jalé' júu quía' dsea' do e e' i dsea' apóo' do.

Mi cangolíng' Paa' cóo' Bernabé fí Antioquia lí' se' Pisidia

¹³ Jo mi calí' ta' quía' i Paa' do cóo'gui Bernabé cóo'gui Juan Marcos e fí Pafos do, joba' ca'uøøm' bre fí jo e teáaiñ' fí dsí' móo', jo cangolíng' fí Perge e née' fí lí' lí' 'ngóo' jmiñí' lí' se' Panfilia. Dsu' i Juan Marcos do jo' cangó' guir cóo'ñ' do, jo caquim' tur fí Jerusalén. ¹⁴ Jo mi cangí jo, ca'uøøm' i Paa' do cóo'gui Bernabé fí Perge, jo cangolíng' fí cóo'gui fii lí' sií Antioquia e née' lí'

se' Pisidia. Jo mi' caguiliñ' fi' jo, coo' jmiñ' lajee' e tñng' dsea' góor' dsea' Israel e jmi'ñ', cangotáaiñ' fi' guá' quía' dsea' do, jo fi' job caguár' jee' jaléng' dsea' i teáng' do ie' jo. ¹⁵ Jo mi' cangoyúung' e ca'f' i dsea' do e júu' quiá' ta' quía' Fidié' cóo' gui e júu' quía' jaléng' dsea' i café' cuaiñ' quía' Fidié' do mali' gui e áang', jo mi' cang' jo, i dsea' i né' ni' e guá' do cas'r' i dsea' gáng' do jo cajíñ' :

—Rú'uu', song sea' júu' e iing' na' fong' na' jaléng' dsea' góo' na' la e laco' nijmicóo' quía'r', cuóom' fong' na' lana.

¹⁶ Jo dsifi' lajob caróo' i Paa' do li' guiiñ', jo cajméer' li' cóo' guóor' e laco' ninú' i dsea' do júu' quía'r', jo lalab cajíñ' cas'r' i dsea' do:

—Núu' na' júu' quie' e jaléng' 'nú', dsea' góo'oo' dsea' Israel, jogui jaléng' 'nú' dsea' ja' líng' na' dsea' Israel i jmi'gúo' na' Fidié' quí' jnea': ¹⁷ Lají' mali' e áang' Fidié' caguíñ' 'li' dsea' cóong' quí' ii', jo lajee' e neáaiñ' fi' Egipto, cajméé' Fidié' e eám' cangofíiñ', doñi' fa' líiñ' dsea' seeng' fi' fi' li' o' góor'. Jo mi' cang' jo, ca' uóom' bre i dsea' do fi' Egipto la' e áang' cóo' e 'góiñ' do. ¹⁸ Jo lajee' tuló' jii' e cangiñ' do fi' ni' guóo' uó' quiá', cajméeb' Fidié' féng' dsíir' uii' quíaiñ' do. ¹⁹ Jo mi' caguiliñ' i dsea' cóong' quí' ii' dsea' Israel do fi' li' se' Canaán, ca' lim' Fidié' jaléng' dsea' i neáang' fi' jo; guie' fi' ca' líiñ' ie' jo e laco' caliseá' uó' e cacuø'r' 'li' dsea' cóong' quí' ii' e fi' li' se' Canaán do. ²⁰ Jo mi' cang' cuatrocientos cincuenta jii' e caguá' dsea' cóong' quí' ii' dsea' Israel fi' Egipto, joguib' cacuøng' Fidié' lajñng' dsea' i dsea' i cacá' nifi' quía' dsea' góor' i líng' dsea' cóong' quí' ii' do. Jo dsea' góo'oo' i sii' Samuel i fé' cuaiñ' quía' Fidié', íbing' cacá' nifi' quía' dsea' áang' quí' ii' do cartí' li' cadséng'.

²¹ Jo mi' cang' joguiba' dsea' góo'oo' camiiñ' Fidié' jaang' dseata' dsea' féng' i niquiá' ta' quía'r' jee' la' ó' dsea' góo'oo' do. Joba' Fidié' cacuøoiñ' jaang' dseata' dsea' féng' i calisí' Saúl, jóo' jaang' dseañu' i calisí' Cis, siju' Míng', jaang' lajee' guitúung' 'lé' dsea' áang' quí' ii' do; jo i Saúl dob caquiá' ta' quía' dsea' áang' quí' ii' lajee' tuló' jii'. ²² Jo mi' cang' jo, caguim' Fidié' i dseata' Saúl do e líiñ' ta', jo caguieeiñ' jaang' dseañu' i sii' Davi' i nilíng' dseata' dsea' féng' quía' dsea' Israel, jóo' jaang' dseañu' i sii' Isai. Jo lalab cajíng' Fidié' e éeiñ' i dseata' Davi' do ie' jo: “Eám' i áang' dsii' cóo' Davi' i líng' jóo' Isai, co' nijmiti' bre lajii' e iin' n.” ²³ Jo jaang' lajee' dsea' siju' i dseata' Davi' do, íb' dsea' góo'oo' Jesús i cajíng' Fidié' lajii' lamali' gui do i nisíñ' fi' jmi'gü' la e nileáaiñ' jnea' aa' jee' dsee' quí' ii', dsea' líi' dsea' Israel, lí' laco' gui jii' júu' e nicacuø'r' jéng' gui. ²⁴ Dsu' nú' gui e caguéng' Jesús fi' jmi'gü' la, cang' jaang' dsea' góo'oo' i sii' Juan e ni'r' júu' jee' jnea' dsea' Israel quía' jial' né' niquí' jíng' yaang' dsea' fi' quini' Fidié' jo lajoguiba' cuóong' nisaiñ' jmi'. ²⁵ Jo mi' nijaquieem' ba' e nité' ta' quía' i Juan i seáang' dsea' jmi' do, cajíñ' cas'r' jaléng' dsea' lala: “Ja' í' óo' na' e jnea' i dsea' i sijeeng' na' do i jíng' Fidié' i nisíñ' fi' jmi'gü' la, co' nabi' nijáa' dsea' i cóong' guiji' na, jo fi' quini' í' ja' quíng' jnea' co' sá' i capí' ní' 'núu' lomñ' .”

²⁶ Dsea' rú'uu', jaléng' jnea' dsea' Israel dsea' siju' 'li' yúu' quí' ii' Abraham lí' naa', jogui jaléng' 'nú', dsea' ja' líng' na' dsea' Israel i jmi'gúo' Fidié', catim' baa' lajalé' naa' e juguiá' e guiaa' la quía' jial' nileáang' naa' jee' dsee' quí' naa'. ²⁷ Dsuo' jaléng' jnea' dsea' Israel i seeng' fi' Jerusalén cóo' lajaléng' dsea' quie' nifi' quí' ii' ja' calilí'r' i dseáng' Jesús i cajíng' Fidié' i nisíñ' fi' jmi'gü' la e laco' nileáaiñ' jnea' aa' jee' dsee' quí' ii', o' gui cangáiñ' jalé' júu' quía' Fidié' e cajme' i dsea' i fé' cuaiñ' quía' dsea' do e i dsea' fi' laco' fi' dsí' guá' quí' ii' mi' jmi' e jmi'íng' naa'. Dsu' mi' cateáaiñ' i Jesús do fi' dse' crúu', e jii' yaaiñ' ja' calilí'r' e joguib' caliti' jalé' e cajme' i dsea' i café' cuaiñ' quía' Fidié' fi' ni' jii' quía'r' mali' gui e áang'. ²⁸ Jo nañi' fa' jii' coo'

dsee- ja`cadsé` dsea`góo`oo' dsea`Israel quiá'- dsea`góo`naa' Jesús e quiá'- nijngáin'- dsea`do, dsu'cangom#~bre fí dseata~ Pilato e quiá'- niquiú'- dsea`do ta~ e nijngáin'- Jesús. ²⁹ Jo mi~cangoyúum~ e caliti~ jalé' e fé' fí ni~ jì quiá'- Fidié~ uii~ quiá'- Dsea`Jmáang~ lati`jii~ mali', jo cajgiáam~bre dsea`do fí dse` crúu^ li~ cajúin'-, jo cango'áaiñ~ fí dsí' coo` too` jiáa' laco' litíng` dsea`góo`oo'. ³⁰ Jo dsu' Fidié~ cajméer` e cajib'tu dsea`do mi~cadsí- 'ní jmi~ lajo. ³¹ Jo lajee~ jmiguiú` jmi~ cajmijnéeng` ñia'r`jee~ jaléng` dsea` i cangi` cóo'r~, tí li~ se' Galilea jo cartí Jerusalén. Jo jaléng` dsea` íb` i ninaang` guia` júu^ quiá'- Fí'naa' Jesús jee~ jaléng` dsea` jmigüi` lana colíng~ cóo`~ jnea~.

³²⁻³³ 'Jo jnea` cuø`-naa' 'nú' lana e juguiá- e cacuø' Fidié~ dsea` cóong~ quí-ii' lajii~ mali', co' nicajmiti~bre e júu^ jo quí-naa', dsea` lí'naa' dsea` sijur~, mi~ casíñ` Joor' fí jmigüi` la lí' laco'gui la fé' fí ni~ jì salmo e catí tú- do lí' fé' lala: "N#b` Joo`o, jo jmi~ na nijmé'e e niliñi' dsea` e jneab~ líin`n Tiquiú'." ³⁴⁻³⁵ Jo Fidié~ cajméer` e cajib'tu Jesús mi~ cangí e cajúin~, jogui jo` nijúung~tur o'gui nijgié` ngúu` táaiñ; co' lalab café` Fidié~ fí ni~ jì quiá'r-: "Nijmiti`baa la'eáang` cóo'~ 'nu` jalé` júu` jlo` niguó` jogui`já- e cafí- i dseata~ Davi'". Jogui lalab café`guir cajo: "Ja` cuø`- fí e lí' nijgié` lajo ngúu` táang` 'nu, dsea` güeang` quié- e i jmóo` lajii~ e iing~ jnea~." ³⁶ Jo o' quiá'- Davi' fé' e júu^ la, co' mi~ cajmiti~ i Davi' do lajii~ e iing~ Fidié~ e nijmér-, joguiba' cajúin-, jo fí dob ca'áiñ- fí cáang` lí- si'aang` 'li~ tiquiá'r^, jo ngúu` táaiñ` cajgob` fí nú'- uø-. ³⁷ Dsu' ngúu` táang` Jesús i cajmijí' Fidié~ quiá'- do ja` cajgo` lajo.

³⁸ 'Dsea` rú'naa', dseáng`- 'né- ñib` 'nú' e jii~ la'eáang` cóo'~ Jesúsba' e íng~ Fidié~ jalé` dsee- quí-ii'. ³⁹ Jogui doñi` ii` i já'- líng` jalé` júu^ quiá'- dsea`do, nileám`bre jee~ jalé` dsee- quiá'r- fí quini~ Fidié~; co' jii~ jaang` dsea` jmigüi` caláaiñ- jee~ dsee- quiá'r- la'eáang` e jmitir~ júu^ quiú' ta~ e cajme' Moi~ do. ⁴⁰ Ñiing~ óo`na' jaléng` 'nú', dsea` rú'naa', e ja` cuø' fí yaang`na' e güitíng`na' laco' cajíng`- jaang` dsea` i café' cuaiñ` quiá'- Fidié~ mali'gui eáang` mi~ cajme'r` lala:

⁴¹ Quié`na' cuente jaléng` 'nú' i ja` jíi~ júu^ quié-e
o'gui`já- líng`na' e júu^ jo.

Jo güidsigá` óo`na' jogui nijúum~ba',

co' jmiguiú` jalé` e nijmee~ jnea~ jee~ 'nú'

jo jii~ capí^ ja` já'- nilíng`na', fa' jialgui la jalíng` dsea` e jma'r` 'nú' júu^ røø` quiá'- jalé` e jo.

Jo lanab cajíng`- Fidié~ fí ni~ jì quiá'r-.

⁴² Jo mi~ calí- fé' i Paa- do jalé` júu^ güi~ quiá'r-, jo ca'uøom`bre dsí' e guá'- do. Jo fíim` dsea` i ja` líng` dsea` Israel cangolíin` e cangom#r` Paa- e niguiá- gui dsea`do júu^ mi~ nití- coo`gui jmi~ e jmi'íng` dsea` Israel. ⁴³ Jo lajee~ ngolíin` do, fíim` dsea` Israel cóo'~ jaléng` dsea` jíeng` i nica'uíng` dsea` Israel ngolíin` colíng~ cóo'~ Paa- cóo'~gui Bernabé. Jo casí'r- jaléng` i dsea`do e ja` nijmitúng`- dsíin` cóo'~ Fidié~, jogui e güi'íib` dsíir` røø` jalé` e guiá- e cajméé` Fidié~ cóo'r~ e cangúin` e cacuø` dsea`do e íaang` dsíir`.

⁴⁴ Jo mi~ catí coo`gui semaan~ do, coo` jmi~ e jmi'íng` dsea` Israel, fíing` dsea` i seeng` e fí do caguilíin` e fí guá'- quiá'- dsea` Israel do e caguinúur^ júu^ quiá'- Fí'naa' Fidié~ e guia` i Paa- do, jia` ja` latøong`- fiib` caguilíng`- ie~ jo.

⁴⁵ Dsu' mi~ cangá- dsea` Israel i ja` já'- líng` júu^ e guia` i Paa- do jial tí' fíing` jaléng` dsea` i caseáng` fí dsí' sinúu^ guá'- quiá'r- do, sóong` calí- dsihuúin` quiá'- dsea`do, jo canaaiñ` fé'r` e jmang`- júu^ e o' já'-ba' guia` i Paa- do, jogui jmineam`bre dsea`do cajo. ⁴⁶ Joba' i Paa- do cóo'~gui Bernabé jii~ capí^ ja` 'gór` casí'r- jaléng` i dsea` góor` dsea` Israel do, jo cajíin`- casí'-rein':

—E catiib̄ jneaʼ e ʼné̄ guiáʼnaaʼ júuʼ quiáʼ- Fidié̄ ʼlaʼuiī jeē ʼnúʼ. Jo dsucoʼ ʼnúʼ jā iinḡnaʼ ínḡnaʼ e júuʼ do, jo lajobaʼ jā catiinḡnaʼ e niliseenḡnaʼ cøonḡ cóoʼ- Fidié̄ ʼlatā, jobaʼ jneaʼ fí jeē dseā i jā línḡ dseā góoʼooʼ dseā Israel canaanḡnaaʼ guiáʼnaaʼ júuʼ quiáʼ- Fidié̄ ʼlana. ⁴⁷ Coʼ lajob tā caquiuaʼ Fíinaaʼ Fidié̄ fí nī jì quiáʼr- maliī gui mī cajíiñ- lala:

Jneā nisíin̄ ʼnuʼ fí jeē lacaʼínḡ- dseā i seenḡ fí jmigüī e linʼ lafaʼ jì quié- e, jogui niguiáʼ jaléʼ júuʼ quiáʼ- jial nileánḡ dseā jeē jaléʼ dsee- quiáʼr-.

⁴⁸ Jo mī canúu- jaléngʼ i dseā i jā línḡ dseā Israel júuʼ quiáʼ- i Paa- do, sóonḡ caliíanḡ dsírʼ, jo canaaiñ̄ féʼr e eáam̄ guiá- júuʼ quiáʼ- Fíinaaʼ Fidié̄ e guiáʼ dseā do, jo dsifí lajob jáʼ calínḡ e júuʼ jo lajiī- dseā i nisiíinḡ i niliseenḡ cøonḡ cóoʼ- Fidié̄ ʼlatā. ⁴⁹ Jo lajob cani- júuʼ quiáʼ- Fíinaaʼ Dseā Jmáanḡ fí laʼúnḡ e guóoʼ uóʼ do. ⁵⁰ Jo dsuʼ i dseā Israel do caguiféiñ̄ coō tú- mánḡ- dseam̄ dseā Israel i jmiʼgó̄ Fidié̄ jogui i siʼgøngʼ e fí jeē fī do, colíinḡ cóoʼ- jaléngʼ dseā quié nifí quiáʼ- e fī do cajo, jo casíiñ̄ røø e cajmeáiñ̄ gab Paa- cóoʼ- gui Bernabé cartí caʼuøøm̄ bre dseā do cartí caluuʼ lí seʼ e fī do. ⁵¹ Jobaʼ dsifí lajob caʼuøøm̄ i Paa- do cóoʼ- gui Bernabé cóoʼ- gui jaléngʼ dseā i jmicóoʼ- quiáʼr-. Jo mī caguilíiñ̄ ʼniʼ e fī do, job cabóʼr ʼleē toō lomiīr- lacoʼ cuø lí e jā ínḡ dseā ír e fí fī e lí caʼuøøiñ̄ do. Jo dsifí lajob cangoliñ̄ fí coō gui fī lí siī Iconio. ⁵² Jo jaléngʼ dseā i nilínḡ dseā quiáʼ- Dseā Jmáanḡ i seenḡ fí Antioquia, eáam̄ íanḡ dsírʼ cajerʼ, jogui eáam̄ jéē Jmiguí quiáʼ- Fidié̄ quiáʼr- cajo.

14

Lajeē taanḡ Paa- cóoʼ- Bernabé fí Iconio

¹ Jo mī caguilínḡ i Paa- do cóoʼ- gui Bernabé fí Iconio, cangotáaiñ̄ colíinḡ fí dsíí guáʼ- quiáʼ- dseā góor̄ dseā Israel e siʼ fí jo líʼ lacoʼ gui quíʼ- tiiñ̄. Jo coʼ guiarʼ jaléʼ júuʼ quiáʼ- Dseā Jmáanḡ laʼeánḡ cóoʼ- e ʼgøngʼ quiáʼ- Jmiguí quiáʼ- Fidié̄, jobaʼ fíim̄ dseā Israel cóoʼ- gui dseā i jā línḡ dseā Israel jáʼ calíiñ̄ jaléʼ e júuʼ do iē jo. ² Jo dsuʼ jaléngʼ dseā Israel i jā jáʼ línḡ e júuʼ e guiáʼ i dseā góor̄ i siī Paa- do cóoʼ- gui Bernabé, canaaiñ̄ jmigøøm̄ bre i dseā i jā línḡ dseā Israel e lacoʼ dseā í nijmér- e ʼníʼ níiñ̄ jaléngʼ i dseā quiáʼ- Dseā Jmáanḡ do. ³ Jobaʼ mī canaanḡ calí- lado, huøø- bi cajéʼ i Paa- do cóoʼ- gui Bernabé fí jo e guiarʼ júuʼ quiáʼ- Dseā Jmáanḡ e jā ʼgóʼr jiī- coō, coʼ tā dsírʼ e eáam̄ jmicóoʼ- Fíinaaʼ Fidié̄ quiáʼr-. Jo i Paa- do cóoʼ- gui Bernabé cangíiñ̄ quiáʼ- Fidié̄ e nijmér- jaléʼ e lí e quií- jmiī. Jo cóoʼ- jaléʼ e jo jmilī Fidié̄ e jáʼ e júuʼ e guiáʼ i dseā do quiáʼ- jial ʼneánḡ Fidié̄ dseā jmigüī. ⁴ Jo jaléngʼ dseā i seenḡ e fī Iconio do tú- ʼléʼ caʼuiiñ̄; coō ʼléʼ casíngʼ- uiī quiáʼ- jaléngʼ dseā Israel i jā caʼíngʼ júuʼ e caguiaʼ dseā do, jogui coō ʼléʼ gui casíngʼ- uiī quiáʼ- i dseā apóoʼ do. ⁵ Jo jaléngʼ dseā Israel i jā caʼíngʼ e júuʼ do cóoʼ- gui jaléngʼ dseā i jā línḡ dseā Israel casíiñ̄ røø cóoʼ- jaléngʼ dseatā e quiáʼ- nijmeáiñ̄ gā i dseā apóoʼ do, jogui nijmihuínḡ neiñ̄ cóoʼ- layaanḡ cuū. ⁶ Jo dsuʼ mī caliñí Paa- cóoʼ- gui Bernabé lajiī- e í dsíí i dseā do e gab̄ nijmeánḡ neiñ̄, jobaʼ cangoliñ̄ e siʼ í jmiʼøngʼ yaaiñ̄ fí Listra cóoʼ- gui fí Derbe, coō fī e néé lí seʼ Licaonia, ⁷ jo fí job caguiarʼ júuʼ quiáʼ- Dseā Jmáanḡ-.

Mī casiʼlóʼ dseā cuū i Paa- do fí Listra

⁸ Jo mī caguilíiñ̄ fí Listra, fí jo niseenḡ jaanḡ dseañuʼ i nicaanḡ tiī latí mī cangáaiñ̄, jo jā lí ngír- jiī- capíʼ. ⁹ Jo dob guiiñ̄ e núur̄ júuʼ e guiáʼ i Paa- do. Jo mī cangánḡ i Paa- do dseā do, dsifí lajob calilíʼr e i dseā do

jáb' lúin̄ e quíib' Fidié' jmī e nijmi'leáng' ír. ¹⁰ Jo dsifí lajōb cajíng' i Paa' do casí'r' i dsea' jlúung' do e fé'r' teá' jo cajíñ'':

—jRáan', jo jmee' sín' røø'!

Jo dsifí lajōb ca'íng' i dseañ' do, jo lajōb casíng' 'ñia'r' jo canaañ' ngí'bre. ¹¹ Jo mī cangá' jaléng' dsea' i teáng' do ie' jo lajii' e cajmée' Paa' cóo' i dsea' jlúung' do, dsifí lajōb canaañ' fé'r' teá' cóo' jmií' quía'r' e éeiñ' i Paa' do cóo' gui Bernabé jo jíñ'':

—Gáng' dié' nicagüilíng' jee' jneaa'aa' i líng' la líng' dsea' jmigüí'.

¹² Jo lajalém'bre fé'r' e i Bernabé do lúin̄ jaang' dié' quía'r' i sii' Zeus jogui i Paa' do lúin̄ jaang'gui dié' quía'r' i sii' Hermes, co' íbre dsea' quier' nifí' e guiar' e júu' do jee' jaléng' dsea' do. ¹³ Jo e guá' fí' lí' jmiféng' dsea' i dié' Zeus do, dob nisi' dseáng' lí' í' jee' fī do, jo i jmidsea' i jmóo' ta' e fí' guá' jo caguijéiñ' jaléng' güitá' jogui caguicar' jalé' lí' fí' lí' neáng' i dsea' gáng' do, co' í' dsíir' e nijmifém'breiñ' do colíng' cóo' jaléng' dsea' i teáng' do ie' jo lafa' jaang' dié' quía'bre; jogui lamí' í' dsíir' e nijngáiñ' i güitá' do fí' quini' i dsea' gáng' do e laco' nijmiféng'neiñ'. ¹⁴ Dsu' mī calilí' i Paa' do cóo' gui i Bernabé do lajii' e lí' dsíir' i jmidsea' do cóo' gui jaléng' dsea' e nijmér' cóoiñ' do, dsifí lajōb ca'guár' sí'r' jo cangotáaiñ' jee' jaléng' i dsea' do, jo canaañ' sí'reiñ' cóo' júu' e teá':

¹⁵ —jIali' jmoo'na' lana? Co' o' dié' jnea', jnea' lí'naa' dsea' jmigüí' laco'gui la líng' 'nú'. Jo cajá'naa' fí' la uíng' jōb cajo e cajasí'naa' 'nú' e 'né' nitú'ba' lajii' e tíng'na' jmoo'na' lí' laco'gui iing'na' jmee'na' lana cóo' jnea', co' ja' ee' ta' íng' quí'na' jii' capí' e jo, jo quí' jíng' yaang'na' fí' quini' Fidié' i dseáng' já' do, co' íb' dsea' cajmээр' jmigüí' cóo' gui guóo' uø' cóo' gui jmiñí', lí' lajalé' e sea' la'úng' fí' jmigüí'. ¹⁶ Jo nañí' fa' lamí' jéeng'gui ja' cajníng' Fidié' quía' jaléng' dsea' e cajméeb' dsea' lí' doñí' ee' já' dsíir', ¹⁷ jo dsu' contøøm' nicajmээр' lí' e seem'bre jee' jaléng' dsea' jmigüí' cóo' jalé' e guiá' e jmóor', co' íbre dsea' jmóor' e sea' jalé' jmí', jogui e jlob' cuø' jalé' e dsijnea' fí' ni' guóo' uø', jogui e sea' lalíng' jalé' e quiee'naa', jogui íbre cuø' e íaang' dsí'naa' cajo.

¹⁸ Dsu' mī cangí' e caféng' i Paa' do jaléng' i dsea' do, guidseaam' calí'r' cajniñ' e ja' cajngang' i dsea' do jaléng' i jó' i sí'í' nijngáiñ' e nicuóñ' i dsea' gáng' do e nijmiféng'neiñ' lafa' dié'.

¹⁹ Jo mī cangí' jo, caguilíng' cóo' tú' máng' dsea' Israel i jalíng' fí' Antioquía cóo' gui fí' Iconio. Jo i dsea' í' cajmээр' e calí' 'ní' níim' dsea' Litra i Paa' do, jogui casí'ñ' røø' e cuub' nisi'ló'r' dsea' do, jo lajōb cajmээр'. Jo mī cangí' e casí'ló'reiñ' do cuu', jo cajñúung'neiñ' fí' caluu' fī co' lúin̄ e cajngam'breiñ' do. ²⁰ Dsu' mī cangí' jo, caguilíng' jaléng' dsea' quía' Dsea' Jmáang' fí' lacúng' lí' ráang' i Paa' do fí' caluu' e fī do, jo dsifí lajōb caróo' tuiñ' do, jo ca'íb' tur e fí' jee' fī do. Jo mī cajneá' e jmī jo, ca'uøøm' i Paa' do cóo' gui Bernabé e fí' jo, jo cangolíñ' fí' cóo' fī lí' sii' Derbe.

²¹ Jo mī caguilíñ' fí' Derbe, fí' jōb canaañ' guiar' júu' quía' Dsea' Jmáang', jo fí' jo fíim' dsea' i já' calíng' júu' e guía' dsea' do ie' jo, jo dsea' quía' Dsea' Jmáam' ca'uiñ'. Jo mī cangí' jo, caquim' tu' i Paa' do cóo' gui Bernabé fí' Litra cóo' gui Iconio jogui Antioquía. ²² Jo jalé' e fī na' cangíng' tur calé' catú', jo caféiñ' jaléng' dsea' quía' Dsea' Jmáang' i seeng' fí' jo e ja' nitiúuiñ' do lajii' fí' guiá' lí' niteáaiñ' cóo' Dsea' Jmáang'; jogui casí' guireiñ' do cajo e jaléng' dsea' i iing' e Fidié' nicá' nifí' quía'r' 'né' nidsingíñ' jalé' iihuí'. ²³ Jogui ca'náam'bir' fí' laco' fī do cóo' tú' máng' dsea' cóong' i nicá' nifí' quía' jaléng' dsea' quía' Dsea' Jmáang' i seeng' laco' laco' e fī do; jo mī calí' jo, cajmээр' ayuno e laco' jøøng' guir' caféiñ' Fidié' uii' quía' i dsea'

cóong^l do. Jogui caseáang^{ne}niñ^l do lajaléiñ^l do fí jaguó^l Fí^{naa} Fidié^ç, co^l jáb^l calíng^l dsea^l do júu[^] quiá^l dsea^l í.

Mi[~] cangolíng^{tu} Paa⁻ cóo^l Bernabé fí Antioquía lí se^l Siria

²⁴ Jo mi[~] cangí e cataiñ^l fí, jo cangíiñ^l fí guóo^l uó^l lí se^l Pisidia; jo mi[~] cangí jo, caguilíng^{tur} fí Perge lí se^l Panfilia, ²⁵ jo fí job caguiar^l júu[^] quiá^l Dsea^l Jmáang⁻. Jo mi[~] cangí jo, cangolíng^{tur} fí coo^lgui fí lí sií Atalia. ²⁶ Jo fí job cangotáaiñ^l fí coo^l dsí^l móo^l jo cangolíñ[^] la dsí ni[~] jmiñí[^] car^l caguilíng^{tur} calé^l catú⁻ fí Antioquía lí se^l Siria fí lí cajáng^l dsea^l i Paa⁻ do cóo^lgui Bernabé fí jaguó^l Fidié^ç quiá^l e cangoguiar^l júu[^] quiá^l Dsea^l Jmáang⁻ fí jalé^l e fí do. Jo co^l catób^l e ta[~] do quiá^r, joba^l caquim^l tur. ²⁷ Jo dsifí mi[~] caguilíng^{tu} Paa⁻ cóo^l Bernabé e fí Antioquía do, dsifí lajob caseáiñ^l jaléng^l dsea^l quiá^l Dsea^l Jmáang⁻ i neáang^l e fí jo, jo cajmea^r reiñ^l júu[^] lajalé^l e guiá^l e cajmé^e Fidié^ç cóo^r lacaang^l lí cangolíñ^l do, jogui jial cacuó^l Fidié^ç e ni^ling^l jaléng^l dsea^l i ja líng^l dsea^l Israel júu[^] quiá^l Dsea^l Jmáang⁻. ²⁸ Jo mi[~] cangí jo, huó^ø bi cajé^l Paa⁻ cóo^lgui Bernabé fí Antioquía lí se^l Siria colíng^l cóo^l dsea^l quiá^l Dsea^l Jmáang⁻ i neáang^l fí jo.

15

Mi[~] caseáng^l rúng^l jaléng^l dsea^l i quie^l nifí^l quiá^l dsea^l quiá^l Dsea^l Jmáang⁻ fí Jerusalén

¹ Jo ie[~] jo ca^luóong^l coo^l tú⁻ máng^l dsea^l Israel fí Judea jo cangolíñ[^] fí Antioquía lí se^l Siria. Jo mi[~] caguilíñ^l fí jo, canaaiñ^l e^r jaléng^l dsea^l quiá^l Dsea^l Jmáang⁻ i neáang^l fí jo e quiá^l ja^l nileáiñ^l do jee[~] jalé^l dsee⁻ quiá^r fíng song ja^l jmitir[~] jalé^l júu[^] quiá^l ta[~] quiá^l Fidié^ç e cajme^l Moí e nitó^l lí fí ngúu^l táang^l jiuung[~] siñ^{uu} quiá^r lí[^] laco^l la litíng^l dsea^l Israel. ² Jo mi[~] caliñí Paa⁻ cóo^lgui Bernabé quiá^l jalé^l e ni^le^l i dsea^l do, joba^l eáam^l lahuíng^l casíng^l i Paa⁻ do cóo^l i dsea^l í. Joba^l Paa⁻ cóo^l Bernabé cali^liñ[^] cóo^l coo^l tú⁻ máng^lgui dsea^l quiá^l Dsea^l Jmáang⁻ i jiéng^l quiá^l e nidsisiñ[~] e júu[^] do fí Jerusalén.

³ Jo dsea^l quiá^l Dsea^l Jmáang⁻ i neáang^l fí Antioquíabing^l caguie^l quiá^r. Jo mi[~] cangíiñ^l fí lí se^l Fenicia cóo^lgui Samaria, cajmea^r júu[^] jaléng^l dsea^l quiá^l Dsea^l Jmáang⁻ i neáang^l fí jo jial nicatú^l jaléng^l dsea^l i ja líng^l dsea^l Israel e lamí[~] quí^l tñiñ^l e jmi^lféiñ^l dié[~] e laco^l niteáaiñ^l teá^l fí guiá^l cóo^l Fidié^ç. Jo jalém^l i dsea^l quiá^l Dsea^l Jmáang⁻ do cali^liáang^l dsíir^l mi[~] canúur^l e júu[^] do.

⁴ Jo mi[~] caguie^{ng} Paa⁻ cóo^l Bernabé fí Jerusalén colíng^l cóo^l i dsea^l caguiaang^lgui do, joba^l i dsea^l quiá^l Dsea^l Jmáang⁻ i neáang^l fí do cóo^lgui jaléng^l dsea^l cóong^l quiá^r cóo^lgui jaléng^l dsea^l apóo[^] ca^liñ^l i Paa⁻ do cóo^lgui Bernabé cóo^lgui i dsea^l caguiaang^l do fí jo. Jo Paa⁻ cóo^lgui dsea^l caguiaang^lgui do cajmea^r júu[^] jaléng^l i dsea^l í jial cajmicóo^l Fidié^ç quiá^r quiá^l laji^l ta[~] e cangolíñ^l do. ⁵ Dsa^l coo^l tú⁻ máng^l dsea^l Israel i líng^l dsea^l fariseo i nijá^l calíng^l júu[^] quiá^l Dsea^l Jmáang⁻ caróor^l jo café^r júu[^] quiá^r jo cajíñ^l:

—La guím^l 'né⁻ e jaléng^l dsea^l i ja líng^l dsea^l Israel i líng^l dsea^l quiá^l Dsea^l Jmáang⁻ nitó^l lí fí ngúu^l táang^l jaléng^l jiuung[~] siñ^{uu} quiá^r lí[^] laco^l litíng^l jnea^l, dsea^l Israel. Jogui la guím^l 'né⁻ e ni^lhuí^l ta[~] quiá^r e nijmiti[~]bre jalé^l júu[^] caguie^lgui e quiá^l ta[~] quiá^l Fidié^ç e cajme^l Moí.

⁶ Jo caseám^l yaang^l jaléng^l i dsea^l apóo[^] do cóo^lgui jaléng^l dsea^l cóong^l quiá^l dsea^l quiá^l Dsea^l Jmáang⁻ i neáang^l fí Jerusalén. Jo caseáiñ^l do e laco^l

casíiñ- la'uiing- laná- quiá- e júu^ do. ⁷ Jo mi- cangoyúung- e nicasíiñ- lahuñg-, joba' caróo- Tú^ Simón jo café'r- júu^ quiá'r- jo cajíñ-:

—Dsea` rú'uu', dsea` quiá- Dsea` Jmáang-, niñíb^ 'nú' e ningóob' eáang' ca'náang- Fidié- jnea- jee- 'nú' quiá- e niguiaa- jalé' juguiá- quiá'r- jee- jaléng' dsea` i ja` líng' dsea` Israel e quiá- jial nileáiñ- jee- dsee- quiá'r-, jo lajob dsea` í ni'uíiñ- dsea` quiá- Dsea` Jmáang-. ⁸ Jo Fidié- dsea` cuír- dsíí' lajaang- lajaang- dsea` jmigüí, jo cajméer' li- e ím^bre i dsea` i ja` líng' dsea` góo'oo' dsea` Israel do, co' cacuø'reiñ' Jmiguí quiá'r- laco'gui nicacuø'r' jneaa~aa', dsea` líi' dsea` Israel, lajii~ i ja` líng' júu^ quiá'r-. ⁹ Jo jii~ coo' ja` ee' cagui' Fidié- fa' jneaa~aa', dsea` Israel, líi'naa' jmaquíng' cóo' jaléng' dsea` i ja` líng' dsea` Israel, co' ca'im-bre dsee- quiáñ- do laco'gui ca'íiñ- dsee- quí' jneaa~aa' la'eáang' e ja'- líi'naa' jalé' júu^ quiá'r- e ngocáng' dsí'naa'. ¹⁰ Jo lana, ¿jialí' ja` ja'- líng' na' lajii~ e nicajméé' Fidié- quiá- jial laang' dsea` jee- dsee- quiá'r-? 'Nú' iing~na' cuø'^na' i dsea` i ja` líng' dsea` Israel i ja` líng' júu^ quiá- Dsea` Jmáang- coo' lee- e jii~ jneaa~aa', dsea` Israel, o'gui 'líi' dsea` cóong'- quí'ii' caquí~naa' jmí~ casé'ee' quiá- e niliti- jalé' e júu^ quiá' ta' do. ¹¹ Jo nine~baa' e røøb' nicaláang~naa' jee- jalé' dsee- quí'ii' uí' e eám' guiúng- Fí'naa' Jesús e jii~ ja' catí~naa' lajo, jo ja' e líi' su líi' dsea` Israel osi o' lajo é.

¹² Jo dsifí' mi- cangoyúung- e café' i Tú^ Simón do jalé' júu^ quiá'r-, tiib- caguá' jaléng' i dsea` do; jii~ coo' jo ee' cañír-. Jo lajee- jo cajméé' i Paa- do cóo'gui Bernabé júu^ quiá- jalé' e guiá- jogui jalé' li- e quí~ jmí~ cajméer' jee- jaléng' dsea` i ja` líng' dsea` Israel lajee- cangir' lacaang' fí' lí' jíé'. ¹³ Jo dsifí' mi- cató' fé' i Paa- do cóo'gui Bernabé jalé' júu^ quiá'r-, dsifí' lajob caróo- Tiáa~, jo café'r- júu^ quiá'r- cajo jo cajíñ-:

—Núu~na' jalé' júu^ quié- e, jaléng' 'nú', dsea` rú'naa' dsea` quiá- Dsea` Jmáang-. ¹⁴ Nab nicajmea' i Tú^ Simón na jneaa~aa' júu^ jial mi- canaang' Fidié- e 'neáaiñ' jaléng' dsea` i ja` líng' dsea` Israel, jogui nicaguíñ' jee- jaléng' dsea` í e laco' ni'uíiñ- dsea` quiá'r-. ¹⁵ Jo lajaléb' e nicajíng'- i Tú^ Simón na lana, røøb' dseáng'- líi' cóo' jalé' e cajme' jaléng' i dsea` i café' cuaiñ- quiá- Fidié- lajii~ lamali'gui eáang' lí' fé' lala:

¹⁶ Jo mi- ningí e la, jnea- Fidié- nigáab'túu calé' catú- jogui nijméé'~túu e 'nu~ Daví' e nicaquí-;
jogui nijméé'~túu røø' jalé' cuí' fíng' quiá'-,
jogui nijmi'ieeng'tu røø'.

¹⁷ Jo nijmé- e jalé' e jo e laco' lajalém' dsea` i ja` líng' dsea` Israel nijmicuíñ- jnea- fí' la'úng- fí' jmigüí.

¹⁸ Jo jneab- Fidié- i nicajmijnéeng' jalé' e na lajii~ lamali' eáang', jo nicacuø'baa júu^ quié- e e jmee- e jalé' e jo. Jo lanab cajíng'- Fidié- fí' ni- jì' quiá'r-.

¹⁹ 'Joba' fá' jnea- e ja' 'né- nijmiguíng~naa' jaléng' dsea` i ja` líng' dsea` Israel i nicatú' jalé' e quí' tiiñ' lami- jéeng'gui e jmiféiñ' lí' doñí' ee', jogui lana nijmiféiñ' i Fidié- i ja'- do. ²⁰ Jo masíng~naa' coo' jì' quiá'r- lí' níféeng'~naa'r e jo' cuøøng' e jmeáiñ' ta- jalé' e cacuø' dsea' jíéng' i díé- i o' ja'- i jmiféiñ' do, co' na 'lib'^ jalé' e jo, jogui e niquiúm'-bre e éer' dsee- e güiñ' cóo' dseañu' osi dseam' i o' quiá'r-, jogui e jo' nidó'-guir jmí'øøng- jo' o'gui ngu- jo' 'líi' i siyáang' jmí'øøng-. ²¹ Co' jaléb' e júu^ quiá' ta- na quiá- Fidié- e cajme' Moí' nica'íb' jaléng' dsea` quié' nifí' quiá- guá- quiá- dsea` góo'oo' dsea` Israel fí' lacaang' sínúu^ guá- quí'ii' e téé- fí' la'úng- jee- fí' lacoo' jmí~ mi- tí' e jmi'íng'~naa'.

22 Jo dsifí mí cató' e café' i Tiáa~ do júu^ quiá'r~, lajalém' i dsea` apóo^ do cóo'~gui jaléng' dsea` cóong'~ quiá'- dsea` quiá'- Dsea` Jmáang~, lí^ lajaléng' dsea` quiá'- Dsea` Jmáang~, casíiñ- røø e ca'náaiñ- cóo' tú~ m'íng'~ dsea` i nidsilíng- fí Antioquía cóo'~ Paa- cóo'~gui Bernabé e nidsicar' e jì lí~ toq~ júu^ e casíiñ'- do. Jo caguíñ' jaang` dseañu' i sií Judas Barsabás jogui jaang` i sií Silas, gáng- dseañu' i niing- eáang' jee~ jaléng' dsea` quiá'- Dsea` Jmáang~. 23 Jo lalab fé' e jì e quie' i dsea` do mí cangolíñ^:

“Lajalé' jnea^, dsea` apóo^, cóo'~gui jaléng' dsea` cóong'~ quiá'- jaléng' dsea` quiá'- Dsea` Jmáang~ i neáang' fí Jerusalén la, guicóo'~baa' jaléng' 'nú', dsea` rú'naa' dsea` quiá'- Dsea` Jmáang~, dsea` ja' líng'na' dsea` Israel jogui seeng'na' fí Antioquía cóo'~gui lacoq' fí lí~ se' Siria cóo'~gui lí~ se' Cilicia. 24 Nicalineb~ jnea^ e nica'uøøng` cóo' tú~ m'íng'~ dsea` i seeng' fí la latíiñ` yaaiñ~, jo nicangolíñ^ e nicangojmiguíñ^ 'nú' fí na cóo'~ júu^ quiá'r~. Jogui nicajmigøøiñ^ 'nú' e dseáng' 'né- e catíim~ba' e nitó'na' lí fí ngúu' táang'na' lí^ laco' litíng` dsea` góo'oo' dsea` Israel cóo'~ jiuung~ siñuú^ quiá'-, jo dsu' ja' 'né- jmee'na' lajo; jogui nicajmigøøiñ^ 'nú' cajo e 'né- jmití'na' jalé' júu^ quiá' ta~ caguíee~gui e cajme' Moi'. 25-26 Jøba' nicasíi~naa' røø lajalé'naa' la e nica'neáang'naa' jaang` gáng- dsea` lajee' la'ó' jnea^ e nidsilíñ- nidsi'eer~ 'nú' fí na. Jo nijalíñ- colíng` cóo'~ i dsea` rú'naa' i 'neáang'naa' eáang' i sií Paa- cóo'~gui i sií Bernabé, gáng- dsea` rú'naa' i jiu~ ja' mí cajnga' dsea` quiá'r~ uí' e guiar' júu^ quiá'- Fíi'naa' Dsea` Jmáang~. 27 Jo nisíng'naa' fí na cajo i Judas Barsabás cóo'~gui Silas la, jo íb' nijmeá'- 'nú' júu^ quiá'- jalé' e la cartí quini'na' na. 28 Co' lajii'~ e iing~ Jmiguí quiá'- Fidié~ jogui jnea^ cajo e nimí'naa' 'nú' e jo' nijmée'gui' lajii'~ e ta~ huí' e jié' do: 29 Lico' 'né- e nitú'ba' e cø'na' ngu~ jó' i nicacuøng' dsea` jaléng' i dié~ i o' já'- i ja' quí'~ jmí~ jmé- jii'~ cóo', jo jo' cø'na' jmi'øøng- jó' o'gui ngu~ jó' 'lí' i siyáang' jmi'øøng-, jogui jo' ee'na' dsee- e güíng'na' cóo'~ dseañu' osi dseamí i o' quií'na'. Jo song núu~ba' jalé' e júu^ la, jøba' guiúb- ni'ee'na'. Jo lanab jii'~ lí' júu^ quií'ii'. Jo güiliseem'ba' cóo'~ e guiá'~.”

30 Jo dsifí mí cali'íng^ i dsea` quiúung- do, cangolíim~bre cóo'~ i Paa- do cóo'~gui Bernabé fí Antioquía, jo quie'bre e jì e casíng' i dsea` neáang' fí Jerusalén do. Jo dsifí mí caguilíñ- fí jo, dsifí lajòb caseáíñ^ jaléng' dsea` quiá'- Dsea` Jmáang~ i seeng' fí jo, jo caja'bre i dsea` do e jì do. 31 Jo mí ca'í jaléng' dsea` quiá'- Dsea` Jmáang~ e jì do, dsíng'- cali'íáang` dsír', co' jmang'- juguiúb- fé' e fí ní~ jì do. 32 Jo co' i Judas Barsabás cóo'~ Silas do cangíiñ^ quiá'- Fidié~ quiá'r- e eáam' tíiñ' guiar' júu^ quiá'- dsea` do jee~ jaléng' dsea`, jøba' mí café'r` júu^ quiá'r~, cacuø'guireiñ' bí e laco' já'- gui nilíiñ' júu^ quiá'- Dsea` Jmáang~. 33 Jo mí cangí jo, jaléng' dsea` quiá'- Dsea` Jmáang~ juguiú- ca'í'r` júu^ i dsea` gáng- do, dsu' jii'~ i Judas Barsabás do cangáng'-túr fí Jerusalén, jo íb' quiee' juguiú- quiá'- jaléng' dsea` quiá'- Dsea` Jmáang~ i neáang' fí Antioquía i caguíéng' ír' do. 34-35 Dsu' Silas cóo'~ Paa- cóo'~ Bernabé do bi cajer' fí Antioquía; jo fíim'bi dsea` quiá'- Dsea` Jmáang~ i jiénng' cajé' cóo'r~ e guia'guir júu^ quiá'- Dsea` Jmáang~ jee~ jaléng' dsea` i seeng' fí jo.

Mí catí tú- né' e cangí Paa- ta' guía' júu^ quiá'- Dsea` Jmáang~

36 Jo mí lí cøøng'gui lajo, cóo' jmi'~ cajíng' Paa- lala casí'r- Bernabé:

—Má-túu' calé' catú-, madsí'ee'naa' jaléng' dsea` rú'naa' dsea` quiá'- Dsea` Jmáang~ i neáang' fí lajalé' fí lí~ nicangí'naa' e e'naa' jalé' júu^ quiá'- Dsea` Jmáang~ lami~ jéeng'gui, jo dsine~duu' jial seeíñ' lana.

37 Jo Bernabé lami~ iíñ~ nijéiñ- calé' catú- i Juan Marcos do. 38 Jo dsu' Paa- jo' cali'íiñ' fa' cajéeng'neiñ' do, co' catúu~biñ' do quiá'r- lami~ jéeng'gui lami~ caguilíñ- fí cóo' guóo'~ uø- lí~ se' Panfilia, jo jo' ee' cajmicóo'~ i Juan Marcos

do quiá' Paa- ni e ta~ do ie~ jo. ³⁹ Jo lahuim'jia eáang' casing- i Paa- do cóo' Bernabé uii~ quiá' i Juan Marcos do. Jo e jo cajmée' e casojom-bre quiá' rúin', jo Bernabé cajéiñ i Juan Marcos do, jo cangotáaiñ~ dsii' cóo' móo', jo cangolíim-tur la tóo' ni~ jmiñi' cartí li~ se' Chipre. ⁴⁰ Jogui i Paa- do cató'r- i Silas do i cangó- cóo'r~; jo mi~ cangoyúung' jo jaléng' dsea' quiá'- Dsea' Jmáang- caguiar' fi' jaguó' Fidié~ lajii' e ta~ e nidsiliñ'- do, jo dsifi' lajob cataiñ'- fi'. ⁴¹ Jo cangolíng^tur lacoo' fi' li~ se' Siria cóo' gui li~ se' Cilicia e cuø'r' bî jaléng' dsea' quiá'- Dsea' Jmáang- i neáang' fi' jo e lacoo' ja' nijmitúng- dsiiñ' lajii' fi' guiá' li~ niteáaiñ- cóo' Dsea' Jmáang-.

16

Mi~ cajmicóo' Timoteo i Paa- do cóo' gui Silas

¹ Jo cagüi'ib' Paa- cóo' Silas fi' Antioquia, jo caguiliñ- la'uii~ fi' Derbe. Jo mi~ cangî jo, caguiliñ- fi' cóo' gui fi' e sii' Listra; jo fi' job calicuiñ- jaang' dsea' i nilíng' dsea' quiá'- Dsea' Jmáang- i sii' Timoteo, jóo' jaang' dseam' dsea' Israel i líng' dsea' quiá'- Dsea' Jmáam- cajo, jogui tiquiáin' do dsea' griegob nilíin'. ² Jo jaléng' dsea' quiá'- Dsea' Jmáang- i seeng' fi' Listra cóo' gui fi' Iconio, guiáb- fé'r' uii~ quiá'- i Timoteo do. ³ Jo cali'ing~ Paa- e nijéiñ- Timoteo fi' li~ dsiguiar~ júu^ quiá'- Dsea' Jmáang-, dsu' ná'- gui lajo cajmitib~ i Timoteo do lajii' e títng' dsea' Israel e tóor' li~ fi' ngúu' táang' lajii' dseañu', jo cajméer' lajo e lacoo' ni'im' dsea' Israel laji' gaang' dsea' do cóo' júu^ røø' fi' li~ niguiliñ-, có' jalém' dsea' seeng' fi' jo ñir' e dsea' griegob líng' tiquiá' i Timoteo do.

⁴ Jo mi~ cangî jo, catam'-bre fi', jo lacoo' fi' e ngüiñ-, sî'r' jaléng' dsea' quiá'- Dsea' Jmáang- lajii' júu^ e quier' quiá'- dsea' apoo' cóo' gui jaléng' dsea' cóong' quiá'- dsea' quiá'- Dsea' Jmáang- i neáang' fi' Jerusalén. ⁵ Jo lajob eáang' gui já'- calíng- i dsea' do júu^ quiá'- Dsea' Jmáang-, jo lacoo' jmiib~ naang' dsifiñ'.

Mi~ cangáng- Paa- jaang' dseañu' i seeng' fi' Macedonia lafa' mi~ quir'

⁶ Jo mi~ cangî jo, Paa- cóo' i dsea' gáng- gui do cangim-bre fi' li~ se' Frigia cóo' gui li~ se' Galacia, có' Jmiguí quiá'- Fidié~ ja' cacuø' fi' ír' fa' e niguia~ júu^ quiá'- Dsea' Jmáang- fi' li~ se' Asia. ⁷ Jo caguiliñ- fi' 'ni' li' iáng' cóo' Misia, có' fi' job í dsír' e ningüiñ- fi' li~ se' Bitinia, dsu' calé' catú- Jmiguí quiá'- Fidié~ ja' cacuø' fi' ír' e ningüiñ- fi' jo. ⁸ Jo lajob cangüiñ' lacuee' li~ se' Misia cartí caguiliñ- fi' cóo' oo' jmiñ li~ sii' Troas. ⁹ Jo fi' job, cóo' uøø' i Paa- do cangáin- jaang' dseañu' i seeng' li~ se' Macedonia e lafa' mi~ quir', jo i dseañu' do siñ' fi' quini~ Paa- e mir' jmi'ee~ jo jiiñ': "Ngüing~ fi' Macedonia la, jo jmicóo' jnea'." ¹⁰ Jo mi~ cangî e cangá- Paa- e jo lafa' mi~ quir', dsifi' lajob caguiá'-naa' guiá- qui'-naa', jnea~ Lucas cóo' gui Silas cóo' gui Paa-, jo cangó'-naa' fi' Macedonia, có' calitab~ dsii'-naa' e Fidié~bing' i cató- qui'-naa' do e nidsigua~naa' júu^ quiá'- Dsea' Jmáang- fi' jo.

Mi~ cangolíng^ Paa- cóo' Silas fi' Filipos

¹¹ Jo dsifi' lajob ca'uøø'-naa' fi' Troas e téel'-naa' dsii' móo', jo ngó-baa' condsée' fi' cóo' guoo' uø- li~ se' Samotracia e née' guiá' jóo' jmiñi'. Jo mi~ cajneá- lajo, caguié'-naa' fi' cóo' oo' jmiñ li~ sii' Neápolis. ¹² Jo fi' job ca'uøø'-naa' dsii' móo' cangó'-naa' fi' Filipos, cóo' fi' li~ quiá' dsea' Roma ta~, jogui lí' cóo' fi' e laniing- quiá'- li~ se' Macedonia cajo. Jo fi' job cajá'-naa' tú- ni' jmiñ~.

¹³ Jo lajee~ taang~naa' fi' do, cóo' jmiñ~ lajee~ e títng' dsea' góo'-naa' dsea' Israel e jmi'iñ', ca'uøø'-naa' cangó'-naa' fi' 'ni' fi' do quiá'- li~ iu~ cóo' gua', có' fi' job í dsii'-naa' e seáng' dsea' góo'-naa' e féiñ' Fidié~. Jo mi~ caguié'-naa' fi' jo, dob

ca'ie^naa', jo canaang^naa' e^naa' juu^ quia^- Dsea` Jmaang^- jaleng^n dseamf i caseang' fi' do ie~ jo. ¹⁴ Jo jaang' lajee` i dseamf caseang' do ie~ jo nisiir` Lidia i niseeng' fi' coo` fii` li~ sii` Tiatira, jo jmoor` ta~ 'nii` 'mi' e jlo^ eaaang'. Jo i dseamf i eaaang' jmifeiin' Fidiée~, dsu' lajee` nuur` juu^ e guia' Paa~, Fidiée~ cacuør' i dseamf do e cana' moguiñ~ e laco' ni'ñiñ' lajii~ e juu^ e guia' i Paa~ do. ¹⁵ Jo mi~ ca'ing^n i dseamf do juu^ quia^- Dsea` Jmaang^, jo cajgaam^- bre jmii` coo` gui jaleng^n dsea` sinuu^ quia'r^- e laco' cuø` li e ca'uiiñ^- dsea` quia^- Dsea` Jmaang^-. Jo mi~ cangf jo, cajing^- i dseamf do si'r` jnea'^:

—Song 'nú' dseang^- ja^- líng'na' e jnea~ lán'n dsea` quia^- Fii'naa' Dsea` Jmaang^-, ñilíng^-na' fi' quie^- e jo fi' job nijá'na'.

Jo camir' jnea'^ jmi'ee~ e cajé'baa' fi' quia'r^-.

Mi~ cajning^- Paa^- coo` Silas fi' dsii' 'nuiñ'

¹⁶ Jo coo` ya', lajee` ngoo'naa' fi' li~ seang' dsea` goo'naa' e feiin' Fidiée~, jo lajee` ngoo'naa' fi' jo cajing'naa' jaang' simf i jmoo' ta~ quia^- fir~ e ja e 'leeiñ~ jii~ coo`; jo i 'lim'^ nijee' quia^- i simf do, jo la'eaaang' coo` i 'ling'^ dob jmoor` jalé' e jmoor`. Jo jmoo` i 'ling'^ do e lí' i simf do guir' e~ jalé' nili dsa'ó' íeé'. Jo coo` e job li' fii~ i simf do jmiguii' cuu-. ¹⁷ Jo i simf i canaaiñ` ti'leaaam'bre caluu'naa' jo fé'r` tea' jo jiiñ^-:

—Jaleng^n i dseañu' la líiñ` dsea` i jmoo` lajii~ e iing~ Fidiée~ dsea` féng' dsea` ñíng', jogui guiar' juu^ sí'r` jaleng' 'nú' jial nileang' dsea` jee~ jalé' dsee^- quia'r^-.

¹⁸ Jo yejib^- dseang^- fé' i simf do lajo, jogui lajee` jmiguiab' jmii~ cajo carti' mi~ ningoo' guia' 'nib' dsii' Paa~, joba' cajiiñ^- casir^- i 'ling' i jee' quia^- i simf do jo cajiiñ^-:

—La'eaaang' coo` juu^ quia^- Dsea` Jmaang^- quia'na ta~ e juu' li~ iuun^- na.

Jo dsifi' lajob catuu^- i 'ling'^ do quia^- i simf do.

¹⁹ Jo dsu' mi~ cangá^- i fii~ i simf do e jo li~ nili'guir' cuu^- la'eaaang' cooiñ~ do, joba' casam^-bre Paa^- coo` gui Silas, jo cangojeaaang'neiñ' fi' quini~ dseata~ dseang^- guia'^ joo' e fii' do. ²⁰ Jo i dseata~ i guib cangojeeng'neiñ' fi' quini~ i dseata~ i quidsi' í', jo lalab cajing^- i fii~ i simf do casir^- i dseata~ quidsi' í' do:

—I dsea` Israel la ngir' jmoor' ga` jee~ fii, ²¹ jogui er' jalé' e ja' cuøøng` ni'íng^-naa' o'gui nijmiti'naa', jneaa~aa' dsea` líiñ' dsea` romano.

²² Jo canaang` dsea` fii e iñ~ nijmeam'breiñ' do, jogui i dseata~ quidsi' í' do caquiur' ta~ e ni'uoiñ^- do si'^ i dsea` do jogui nibøøng^-neiñ' do coo` sii~. ²³ Jo mi~ cangf e cabøøng^-neiñ' do eaaang', jo fi' dsii' 'nuiñ' cataiñ^- dsea` do, jogui caquiur' ta~ i dsea` i jmoo' í' 'nuiñ' e nijmeiñ^- i dseang^- røøb i dsea` sijning' do. ²⁴ Jo mi~ ca'ing^n i dsea` i jmoo' í' e 'nuiñ' do e juu^ jo, joba' cataiñ^- i dsea` do carti' a'gui dsii' e 'nuiñ' do, jogui tiiñ^- do cacuiñ^- coo` tú^- 'ma' e dsii' too'.

²⁵ Jo ie~ uøø` guienuu' job, lajee` e Paa^- coo` gui Silas feiin' Fidiée~ jogui ør' e quia^- jmifeiin' Fidiée~ cajo, jo i dsea` caguiaang^-gui i sijning' do lico' nuu'bre, ²⁶ jo lajee` job, coo` cajøb' uø^- e tea' eaaang' jo canaang' sojá^- tii~ fii quia^- e 'nuiñ' do. Jo dsifi' lajob cana' jalé' jni' quia^-, jogui casojiáb' jalé' ñi' cadena e 'ñúung^- jaleng' i dsea` sijning' do. ²⁷ Jo mi~ cajné^- dsii' i dsea` i jmoo' í' 'nuiñ' do jogui cangár^- e ni'óob' jalé' jni' quia^- e 'nuiñ' do, joba' dsifi' lajob caguir' ñisui' quia'r^- e si'í' nijngang^- 'ñia'r', co' í' dsii' e nicalaaam^- jaleng^n i dsea` sijning' do. ²⁸ Dsu' dsifi' lajob guicafé' Paa^- e tea' eaaang' jo guicajiiñ^-:

—Ja e jmaang^- uø' jii~ coo`, co' lab tee'naa' lajii'naa'!

²⁹ Joba' i dsea` jmoo' í' 'nuiñ' do camir' coo` ji, jo ca'ir^- güi'í' fi' dsii' e 'nuiñ' do e jléeiñ` dsu' e 'gór', jo mi~ caguiér^- li~ teaaang^- dsea` do jo catuiiñ^- uii~ tii^- i Paa^- do coo` gui Silas. ³⁰ Jo mi~ cangf jo, ca'uøøm'breiñ' do fi' caluu' jo cajmingi'-reiñ':

—¿E~ 'né~ jmee~ e e laco' nileáan'n jee~ jalé' dsee~ quié~ e?

³¹ Jōba' cañí' i dsea` do:

—Já' güilín' júu^ quiá' Fii'naa' Jesús jō ni'ím~ dsee~ quií'~ cóo'~gui dsee~ quiá'~ jaléng' dsea` sinúu^ quií'~.

³² Jō canaaiñ` sí'guir dsea` do cóo'~gui dsea` sinúu^ quiáiñ'~ júu^ quiá'~ Fidiéé'. ³³ Jō 'ñia' ie~ uøø` jō, i dsea` jmóo` í' e 'nañí' do cajméer` mí' li~ sicuí' quiá'~ i Paa~ do cóo'~gui Silas. Jō lí~ jō, cajgáang~ i dsea` jmóo` í' 'nañí' do jmiñ` colíing~ cóo'~gui dsea` sinúu^ quiá'r~ e laco' cuø' li~ e ca'uúing~ jaléng' dsea` do dsea` quiá'~ Dsea` Jmáang~. ³⁴ Jō mi~ cangí jō, catø'r~ i dsea` gáng~ do fí' quiá'r~ jō cacuø'reiñ' e cagø'r'. Jō i dsea` í' colíing~ cóo'~gui dsea` sinúu^ quiá'r~ dsing'~ cali'iaang` dsír', co' jáb'~ caliñ'~ júu^ quiá'~ Fidiéé'.

³⁵ Jō mi~ cajneá~ lajō, i dseata~ i quidsí' í' do casíiñ` tú~ 'ní' máng'~ hí'~ quiá'r~ i quié' júu^ quiá'~ i dsea` jmóo` í' 'nañí' do e nileáiñ' Paa~ cóo'~gui Silas. ³⁶ Jō lalab casí'~ i dsea` jmóo` í' 'nañí' do Paa~:

—I dseata~ i quidsí' í' do nicasíiñ` júu^ quié~ e e nilaam~ba' 'nú'. Jō nicuøøm` güilíng'na' juguíá'.

³⁷ Jōba' cañí' Paa~ quiá'~ i hí'~ i quié' júu^ do:

—Caquiá'~ i dseata~ do ta~ e cabøøng~ dsea` jnea'^, dsea` calisé'naa' fí' li~ quiá' dsea` Roma ta~, fí' jee~ dsea` fiñ' e jji'~ ja' mí' caquidsir' í' qui~naa', joguí catáiñ' jnea'^ 'nañí'; joguí lana iññ~ leáiñ~ jnea'^ e ñng', dsu' ja' uø'naa' cartí' güilíiñ~ yaaiñ~ e ni'uøiñ~ jnea'^ song lajō.

³⁸ Jō cangocóob` i hí'~ do júu^ fí' li~ neáang' dseata~ i quidsí' í' do. Jō mi~ canúur~ júu^ e quiéé' i hí'~ do, cafóm'bre co' e canúur~ júu^ e dsea` i caliséng' fí' li~ quiá' dsea` Roma tab~ líng' i dsea` gáng~ do. ³⁹ Jō cangolíng' i dseata~ quidsí' í' do e ngomir~ jmi'ee' fí' quini' Paa~ cóo'~gui Silas e nijméiñ'~ do féng' dsír' quiá'~ jalé' e calí' do. Jō mi~ cangí jō, ca'uøøm'bre jō camí'r' jmi'ee' dsea` do e ni'uøm'biñ' e fí' jee~ fiñ' do. ⁴⁰ Jō mi~ cangí e ca'uøøng' i Paa~ do cóo'~gui Silas fí' dsí' 'nañí', cangolíim~ tur fí' quiá'~ Lidia. Jō fí' jōb cajíng' tu rúíñ' cóo'~gui jaléng' dsea` quiá'~ Dsea` Jmáang~, joguí cacuø'guir bí dsea` do cajo. Jō ngí jō, ca'uøøm'bre e fí' do, jō fí' li~ jiéb' cangolíiñ'.

17

Mi~ cateáang` Paa~ fí' Tesalónica

¹ Jō lajee' gui'naang' e teáang' Paa~ fí' cóo'~gui Silas, cangíiñ' fí' cóo' fiñ' e siñ' Anfípolis cóo'~gui Apolonia. Jō mi~ cangí jō, caguilíiñ' fí' cóo' fiñ' e siñ' Tesalónica, jō fí' jōb sí' cóo' guá'~ quiá'~ dsea` Israel li~ féiñ' Fidiéé'. ² Jō co' lajji'~ e tíng' Paa~ e dséer' fí' guá'~ quiá'~ dsea` góor' dsea` Israel lacøø` néé'~ mí' tí' jmiñ' e jmi'íng' jaléng' dsea` í', jō lajee' 'ní' semaan~ casíiñ~ cóo'~gui jaléng' i dsea` i caseáng' do cuaiñ~ quiá'~ jalé' e fé' fí' ni~ jì' quiá'~ Fidiéé' e cajme' dsea` malíi~gui eáang', jō sí'r' dsea` do ³ e dseáng'~ 'né~ba' e cajúng~ i Dsea` Jmáang~ do; jō mi~ cangí e cajúíñ~, dseáng'~ 'né~ e cajíb' tur. Jō casí'~ guir i dsea` do cajo jō cajíiñ'~:

—I Jesús nab i líng' Dsea` Jmáang~, i dsea` i laang' jneaa~aa' jee~ dsee~ quií'~ ii', jō júu^ quiá'~ i nab e ngí' jnea~ guíaa~ jee~ 'nú'.

⁴ Jō i líng' dsea` Israel jáb'~ caliñ'~ júu^ e guíá' i Paa~ do cóo'~gui Silas, jō røøb' canaaiñ' ngír' cóo'~gui dsea` do. Joguí fíim'bi dsea` griego i eáang' jmi'gø' Fidiéé' cóo'~gui fíing' dseamí' i laniing~ quiá'~ e fiñ' do, jáb'~ caliñ'~ e júu^ jō cajo.

⁵ Dsu' uí'~ e jō ca'uúing~ e jaléng' dsea` Israel i ja' já'~ líng' e júu^ do, eám' calí' dsihuíiñ' joguí caligúíiñ' quiá'~ jaléng' i dsea` i calí' já'~ líng' e júu^ jō. Jōba' caseáiñ' tú~ 'ní' máng'~ 'ná' fí' i tá' teáang~ jee~ 'núu' e laco' i dsea` í' nitá'r~ mí'~ joguí nijmiguíiñ~ jaléng' dsea` i neáang' fí' fiñ' jō. Joguí lajōbi

caguiliñ fi' quía- Jasón e 'náiñ' Paa- cóo'gui Silas e laco' ni'uóng-neiñ' do jo nitóøreiñ' fi' quini' dsea' fi'. ⁶ Jo co' ja' cadséng'guir i dsea' i sí'í' 'náiñ' do, joba' catór- Jasón laguidseaang' cóo'gui cóo' tú- máng'gui dsea' quía- Dsea' Jmáang- i nineáng' fi' jo ie~ jo, jo catóøreiñ' do fi' quini' dseata~ e ta'r' mii' jo fé'r' lala:

—I dseañu' do nica'lée'bre la'úng- fi' jmigüi' cóo' júu' e guiar' do, jogui fi' lab nicagüiliñ- lana e iñ~ jmér- lajo. ⁷ Jo i Jasón na nica'íng'neiñ' fi' sináú' quía'r-, jo lajím'bre ja' jmi'gór' lajii' ta~ quia' dseata~ dsea' féng' romano, co' fé'r' e seem' jaang'gui dseata~ dsea' féng' i sii' Jesús.

⁸ Jo mi~ canúu- jaléng' dsea' fi' e júu' do cóo'gui jaléng' dsea' quie' nifi' quía- e fi' do, eáang'gui cató'r' mii'. ⁹ Jo cuub- caguia' i Jasón do cóo'gui i dsea' caguiaang- do fi' quini' dseata~ e laco' cal'r- catúu-tu i dsea' do quía'r-.

Mi~ caguilíng'gui Paa- cóo' Silas fi' Berea

¹⁰ Jo mi~ canúu' ie~ jmi~ jo, jaléng' dsea' quía- Dsea' Jmáang- casiñ- Paa- cóo'gui Silas lajminá- fi' Berea. Jo dsifi' mi~ caguiliñ- fi' jo, cangoliiñ- fi' guá'- quía- dsea' góor' dsea' Israel lí' laco'gui la litíiñ' jmóor'. ¹¹ Jo jaléng' i dsea' Israel i seeng' fi' Berea eáang'gui iñ~ ninúr- júu' guia' dsea' do laco'gui dsea' seeng' fi' Tesalónica, jo lajmináb- ca'íñ' e júu' jo, jogui laco' jmiib~ cuór' bí e jmitíiñ' jalé' e júu' toø' fi' ni~ jì quía- Fidié' e gui'r' su e jáb'- e júu' e caguia' Paa- do. ¹² Jo lajee' i dsea' í, fím'bre já'- calíñ- e júu' jo, jogui lajobi fím' dseañu' dseam' griego i niing- i seeng' fi' jo jáb'- calíñ- do júu' quía- Dsea' Jmáang- e guia' i Paa- do cóo'gui Silas. ¹³ Dsu' mi~ caliñ' jaléng' dsea' Israel i seeng' fi' Tesalónica e nitáang' Paa- e guiar' júu' quía- Fidié' fi' Berea, joba' fi' job cangoliiñ- cangojméer' ga' cóo' jaléng' dsea' i seeng' fi' jo. ¹⁴ Joba' dsea' quía- Dsea' Jmáang- i seeng' fi' Berea cajméer' e lajmináb- cagüi' Paa- fi' jo, jo cangór- condsee' fi' 'ni' jmiñí', dsu' fi' Bereab cajé' Silas cóo'gui Timoteo lajee' jo. ¹⁵ Jo jaléng' dsea' quía- Dsea' Jmáang- i cóo' Paa- cangolím-bre cóoiñ' do cartí cóo' fi' e sii' Atenas. Jo mi~ cang' jo, caquim'-tur fi' Berea jo niquiéer' júu' quía- Paa- e Silas cóo'gui Timoteo nidsiliiñ- fi' lí- táang' Paa- lajminá-.

Lajee' táang' i Paa- do fi' Atenas

¹⁶ Jo lajee' táang' i Paa- do fi' Atenas e sijeeiñ~ Silas cóo' Timoteo, fi' íb' eáang' calíñ-, co' i dsea' seeng' fi' Atenas do jie~ ja' latøng- fiib' jmiféiñ' jaléng' dié~ i o' já'- i ja' quí'~ jmi~ jmé- jii' cóo'. ¹⁷ Joba' eám' títng' júu' quía'r- cóo' i dsea' góor' dsea' Israel cóo'gui jaléng' dsea' caguiaang-gui i jmi'gó' Fidié' fi' dsii' guá'- quía- dsea' Israel. Jo dseáng'- laco' jmi' laco' jmiib~ síiñ' e júu' do cajo cóo' jaléng' dsea' i seáng' fi' guía'^ joo' fi' quía- fi' Atenas. ¹⁸ Jogui lajobi i líng' dsea' i jmitíng' júu' quía- Epicuro cóo'gui dsea' estoico i jmitíng' júu' quía- Zenón, canaaiñ' sí' rúíñ' cóo' Paa- cajo, jo i líng' i dsea' do fé'r' jo sí' rúíñ' lajee' yaaiñ~ e éeiñ' Paa- jo fé'r':

—¿E' e fé' i dsea' cuee' mi'm' na?

Jogui fé'gui i caguiaang-gui do:

—Lii' dsea' seeng' lí- jiéb' i na, jogui iñ~ nijmigóøiñ' dsea' cóo' jalé' e fé'r' na e quía- jaléng' dié~ i 'máng'.

Jo fé'r' e jo co' uí' e guia' Paa- júu' quía- Jesús, jogui jial mi~ cajmée' Fidié' e cají'tu dsea' do jee~ jaléng' 'lii'. ¹⁹ Joba' cajéiñ' Paa- fi' cóo' yú'^ cuo' lí- sii' Areópago fi' lí- títng' jaléng' dsea' Atenas e seáiñ' e síiñ' jalé' júu' quía'r-. Jo mi~ caguie' Paa- fi' jo, jo cajmíng' i dsea' do ír':

—¿Já' cuøng' líne' naa' e~ jalé' júu' 'máng- e quie' 'nu' e e' jnea'? ²⁰ Co' fó' 'nu' jmang'- júu' jiéb' jii, joba' ii~ naa' e nilínee' e~ guøng' e júu' jo.

21 Jo lajɪng` i dsea` seeng` fi` Atenas do cɔo`~gui jaléng` dsea` i jalíng` fi` li` jié` i neáang` fi` do, contøøm` tí dsíir` núur` jogui sɪiñ` lajɪi` júu` 'mɪi` e quie` lí` doñi` i.

22 Joba` caróo` Paa` jee` jaléng` i dsea` i neáang` do e fi` li` sii` Areópago, jo cajíñ` casí`r` jaléng` i dsea` do:

—Lalab fi` i 'nú`, dsea` seeng`na` fi` la fi` Atenas, e jalé` e móo`o` quí`na` e líng`na` dsea` i eáang` jmiféng` fi`ng` diéé`. 23 Co` cangoyéé` e fi` li` seáng` 'nú` e jmiféng`na` jaléng` diéé` quí`na`, jo fi` job cadsé` e coo` nife` li` too` júu` e fé` lala: “Diéé` i ja` mí` cúing` dsea.” E jáb` e fól` 'nú` quiá` jaang` Diéé` i ja` cúing`na`, quiá` íb` e nifí`gui jnea` 'nú` lana.

24 Jo dsea` íb` i cajmée` la'úng` jmigüi` cɔo`~gui jalé` e sea` fi` jo. Jogui íb` i líng` fi` jaléng` i neáang` fi` yá` jogui cɔo`~jaléng` i seeng` fi` jmigüi` la, jogui ja` guíñ` lí` doñi` jié` sinúu` guá` e cajme` dsea` jmigüi`, 25 o`gui 'né` e dsea` jmigüi` nito` fi`ng` ír` osi` i nijmicóo`~ír` é, co` íbre cuø`r` jaléng` dsea` e jí`r` jogui guí` e cá` dsea` cɔo`~gui lajalé`gui e jié`.

26 Co` cɔo`~ jaang` dseañu` cajmeáiñ` lajɪng` dsea` i seeng` la'úng` fi` jmigüi` e laco` nigüear` fi` lacaang` guóo` uø` ; jogui qui`r` ta` jie` jii` seeng` dsea` fi` jmigüi`, jogui jie` fi` lí` catíng` nigüear`. 27 Jo cajmeáang` Fidiéé` lajɪng` jneaa`aa` e laco` ni`néeng`naa` dsea` do, jo niguiém`baa`re song` ni`néng`na`re. Dsaco` e jáb` e ja` huí` seeng` Fidiéé` cɔo`~ lajaang` lajaang` jneaa`aa`. 28 Co` la'eáang` Fidiéé`ba` see`naa` jí`naa` jogui ngi`naa` lí` laco`gui cajíng` i líng` dsea` góo`na` malí` i jmo` júu` ie` mí` cajíñ` lala: “I siju` Fidiéeb` jnea`.”

29 Jo co` e já` e lí`na` dsea` siju` Fidiéé`, joba` ja` cuøng` e í` óo`na` e Fidiéé` líiñ` laco` jaléng` diéé` i jmáang` dsea` cɔo`~ cunéé` osi` cɔo`~ cutede` osi` dsea` cuu` é, jo jmáang` dsea` jialco` iim`bre jaléng` í. 30 Jo Fidiéé` nicajmée`bre féng` dsíir` malí`gui eáang` cɔo`~ jalé` e laang` dsea` cɔo`r`, dsu` lana ni`qui`r` ta` lajɪng` dsea` i seeng` fi` la'úng` jmigüi` e ni`qui` jíng` yaaiñ` fi` quinir`, jo nitár` e jmóor` jalé` e ja` dseeng`, jo lajoba` ni`líng` Fidiéé` dsee` quiá`r`. 31 Co` Fidiéé` nicatée`bre coo` jmí` e ni`quidsir` í` laco` sí`í` quiá` jaléng` dsea` jmigüi` la'eáang` cɔo`~ i dseañu` i caguíñ` 'ñia`r` do; jo Fidiéé` nica`e`r` jaléng` dsea` e jo mí` cajméer` e cají`tu Dsea` Jmáang` jee` jaléng` 'lí`.

32 Jo mí` canúu` i dsea` seeng` fi` Atenas do e fé` Paa` cuaiñ` quiá` e jíb`tu dsea` jee` jaléng` 'lí`, i líng` i dsea` do lí` caløøm`bre Paa` jogui i líng`gui fé`:
—Cuøøm` lí` ná`naa` e fól` na` cɔo`~gui jmí`.

33 Jo lí` e jo, güi`íb` Paa` fi` do. 34 Dsu` i líng`gui i dsea` do jáb` calíñ` júu` e guia` i Paa` do. Jo jee` í` quieéng` jaang` dseañu` i sii` Dionisio i líng` jaang` dseata` quiá` Areópago, jogui jaang` dseam` i sii` Dámaris, jogui dsea` i jíéng`gui cajo.

18

Lajee` táang` Paa` fi` Corinto

1 Jo mí` cang` jalé` e jo, cagüi`íb` Paa` fi` Atenas, jo cangór` fi` coo` fi` e sii` Corinto. 2 Jo job calicúñ` jaang` dseañu` i líng` dsea` Israel i sii` Aquila i niseeng` fi` coo` fi` lí` se` Ponto. Jo ie` jo ja` mí` ngóo` eáang` e nicagüilíng` i Aquila do cɔo`~gui dseam` quiá`r` i sii` Priscila e jalíñ` fi` Italia. Jo ca`uøøiñ` fi` jo co` i dseata` quiá` Roma do i nisii` Claudio caqui`r` ta` e 'né` uóm` jaléng` dsea` Israel fi` Roma lí` se` Italia. Jo coo` jmí` cangó` Paa` e cango`eer` i Aquila do cɔo`~gui Priscila, 3 co` røøb` ta` óor` cɔoiñ` do e jmo`r` 'núu`jiu` cɔo`~ layaang` loo` jó` e laco` lí`r` e 'né`. Jo job cajé` Paa` cɔo`~ i dsea` do e laco` nijmér` ta` colíng`. 4 Jo laco` jmí` mí` tí` e jmí`ng` dsea` góor` dsea` Israel, dsée` Paa` fi`

guá' jiu li seáng' i dsea' î e féiñ' Fidié'. Jo fi' job féiñ' jaléng' dsea' Israel cóo' gui jaléng' dsea' i ja' líng' dsea' Israel e laco' já' nilíng' dsea' do júu' quiá' Dsea' Jmáang' e guiar'.

⁵ Jo mi' caguilíng' Silas cóo' Timoteo fi' Corinto fi' li' guing' Paa' cóo' Bernabé e jalíñ' fi' Macedonia, jo i Paa' do catúbre e ta' jmóor' do, jo canaaiñ' e guiar' júu' quiá' Dsea' Jmáang' laco' jmiñ' laco' jmiñ', jogui sír' jaléng' dsea' góor' dsea' Israel e dseáng' já' ba' e Jesús líiñ' i dsea' i cajíng' Fidié' i nisíñ' fi' jmiñ' la lajii' mali'. ⁶ Dsa' i dsea' Israel do 'nib' cangáñ' Paa', jo canaaiñ' sí'reiñ' jmang' júu' ga'. Joba' Paa' cabó'r' 'lee' to' sí'r' e laco' cu' li' e ja' jíi' dsea' ír', jo casí'r' i dsea' i ja' jíi' ír' do lala:

—Dsee' quií' na' yaam' ba' e nigüilíng' na' fi' li' 'li', dsaco' jo' e cuaiñ' quié' e. Latí' lanab nii' i cóo' dsea' i ja' líng' dsea' góo' dsea' Israel e ni'ée' ere júu' quiá' Dsea' Jmáang'.

⁷ Jo mi' cangí' jo, cagüi' b' Paa' fi' dsí' e guá' jiu do, jo cangór' fi' quiá' jaang' dseañu' i sii' Ticio Justo i jmiñéng' Fidié' contøng', jo cáang' e guá' dob lí' quiá'r'. ⁸ Jo jaang' fii' i nee' ni' e guá' jiu do i sii' Crispo cóo' lajaléng' dsea' sinuu' quiá'r' jáb' calíñ' júu' quiá' Fí'naa' Dsea' Jmáang'. Jogui lajobi fíim' dsea' i neáng' fi' Corinto, mi' canúur' júu' quiá' Dsea' Jmáang', jáb' calíñ' joba' cajgáam' bre jmiñ' e laco' cacu' li' e ca'uíñ' dsea' quiá' Dsea' Jmáang'.

⁹ Jo cóo' u' d' cajmijnéeng' 'nia' Dsea' Jmáang' fi' quini' Paa', jo e jo cangár' lafa' mi' qui'r', jo cajíng' Dsea' Jmáang' casí'r' dsea' do:

—Ja' jmoo' 'gó' jii' capí', jo guia' gui júu' quié' e jee' jaléng' dsea' jo ja' quiun' e jmoo' lajo. ¹⁰ Co' jnea' seem' baa' colíng' cóo' 'nu', joba' jii' jaang' dsea' ja' ii' lí' nijmeáng' 'nu' ga'. Co' fíim' b' dsea' niseeng' e fi' fi' la' i ni'uíng' dsea' quié' e.

¹¹ Jo fi' Corintob' cajé' Paa' cóo' jii' dsi' ca' ná' e e'r' i dsea' seeng' fi' jo jalé' júu' quiá' Fidié'.

¹² Jo cóo' nee' lajee' jii' e calíng' jaang' dseañu' i sii' Galión dseata' dsea' féng' quiá' li' se' Acaya, jaléng' dsea' Israel i neáng' fi' do ie' jo casíñ' rø' e nijmér' dsee' quiá' Paa'. Joba' casang' neiñ' jo cangojeáiñ' fi' li' neáng' dseata' dsea' quidsí' í'. ¹³ Jo mi' caguilíñ' fi' jo, lalab casí'r' i dseata' do jo cajíñ':

—I dseañu' dsea' góo' naa' la ngír' ta' jmiñøng' jaléng' dsea' quiá' jial e 'né' níféng' dsea' Fidié', dsu' ja' núur' lajii' júu' quiu' ta' qui' ii'.

¹⁴ Jo sí' í' niñí' Paa' e nisí'r' dseata' Galión lajii' e 'náng' i dsea' do ír', dsu' jéeng' gui Galión cañír' quiá' i dsea' Israel do jo cajíñ':

—Song dseáng' lahuíng' nica'ée' i dsea' na' o'si líng' ii' nicajngaiñ' é, joba' catíng' e niquidsii' í' fa' lajo. ¹⁵ Dsa' e na' lí' lajii' júu' e catíng' na' yaam' ba' na' quiá' lajii' júu' quiu' ta' qui' na', joba' yaam' ba' catíng' na' niguí' na' e na, co' jnea' ja' iin' niquín' n e júu' na.

¹⁶ Jo caqui' i dseata' do ta' e cagüi' b' Paa' cóo' jaléng' i dsea' caguiaang' gui e fi' li' quidsí' i dseata' do í'. ¹⁷ Jo lajii' i dsea' i jmoo' dsee' quiá' Paa' do casaiñ' jaang' gui dseañu' i sii' Sóstenes i líng' fii' quiá' guá' jiu quiá' dsea' Israel e sí' fi' do, jo job' cabó'iñ' i dsea' do fi' quini' li' neáng' i dseata' dsea' quidsí' í' do, dsu' ja' e jíng' dseata' Galión jii' cóo' quiá' jalé' e jmoo' i dsea' do.

Mi' caquing' tu Paa' fi' Antioquia

¹⁸ Jo mi' cangí' jo, hu' b' cajé' Paa' fi' Corinto. Jo mi' cangí' gui lajo, ca'í' bre júu' jaléng' dsea' quiá' Dsea' Jmáang' i neáng' fi' do, jo cangolíñ' fi' cóo' oo' jmiñ' e sii' Cencrea. Jo lajee' e taam' bir' fi' jo, catu'r' cuo' moguir' laco' tíng'

dsea`góor`dsea`Israel e laco' niliti~ lajii'~ júu^ nicacuø'r` Fidiéé` lamí~ jéeng'gui. Jo mi~ cangí jo, cangotáaiñ'~ fí dsí' móo' colüing~ cóo'~ Aquila cóo'~ gui dseamí quiá'~ í i sii' Priscila jo colüim~ cangolíñ'~ fí lí~ se' Siria.

¹⁹ Jo mi~ caguiling`tur e oo~ jmii' lí~ sii' Éfeso do, job caseáng' Paa~ i Aquila do cóo'~ gui dseamí quiáíñ'~ i sii' Priscila, jo cangó~bre 'ñia'r' fí lí~ si' guá'~ jia quiá'~ dsea`góor`dsea`Israel. Jo fí job casíñ'~ cóo'~ jaléng' dsea` í i caseáng' fí do ie~ jo. ²⁰ Jo i dsea` i siseáng' fí guá'~ jia do casí'r~ Paa~ e fa' nijé~bir huøø~ cóoiñ'~ do, dsu' Paa~ jo` cali'iiñ'~. ²¹ Jo ca'í'bre júu^ i dsea` do jo casí'r~:

—Né~ e seem~baa fí Jerusalén e nití~ jmii' e nijaquíéeng' fí jo. Jo lí' jial ta~ niquiá'~ Fidiéé` quié~baa e nigáa'túu e ga'ee` e 'nú' fí la calé' catú~.

Jo mi~ cangí jo, cagüi'ü'b' Paa~ e fí Éfeso do e iuuiñ' fí dsí' móo', ²² jo cangó~tur fí Cesarea, jo fí job cajer' e laco' nicuø'r~ guicóo'~ jaléng' dsea` quiá'~ Dsea` Jmáang~ i neáng' fí jo. Jo mi~ cangí jo, cangám'~ tur fí Antioquia, jo fí job cajer' huøøb~ jia.

²³ Jo mi~ lí~ cøøng'gui lajo, cagüi'ü'b' tur calé' catú~, jo cangí tur lacoø` lacoø` fii' e néé' fí lí~ se' Galacia cóo'~ gui lí~ se' Frigia e cuø'guir bí jaléng' dsea` quiá'~ Dsea` Jmáang~ e laco' ja` nilitúng~ dsiiñ' lajii'~ fí niteáaiñ' cóo'~ Dsea` Jmáang~.

Mi~ cagua' Apolos júu^ quiá'~ Dsea` Jmáang~ fí Éfeso

²⁴ Jo ie~ jo caguíé~ jaang` dseañu' dsea` Israel i sii' Apolos fí Éfeso. Jo i dseañu' í niseeiñ' fí cóo' fii' e sii' Alejandría e néé' lí~ se' Egipto. Jo dsea` do eáam' jlo' tiiñ' guiar' júu^ jogui eáam' cuír' jalé' e fé' fí ni~ jì quiá'~ Fidiéé` e cajme' dsea` malii~gui eáang'. ²⁵ Jogui eáam' nicajmitüiñ' júu^ quiá'~ Fí'naa' Fidiéé` e cajme' dsea` í, jogui dseáng'~ e iáang` dsí'bre fé'r', jogui dseáng'~ røøb` er' e júu^ quiá'~ Jesús do, doñí' fa' jii'~ e ñir' do e ca'e Juan e quiá'~ jial seáaiñ' dsea` jmii' lajee` cateáaiñ' fí jmigüi' la, dsu' ja` ñir' e Jesús ca'er' e 'né~ sáaiñ' dsea` jmii' e laco' cuø' lí~ e líiñ' dsea` quiá'r'. ²⁶ Jo i Apolos do canaaiñ' guiar' júu^ quiá'~ Dsea` Jmáang~ dseáng'~ fí dsí' guá'~ quiá'~ dsea` Israel e jii'~ ja` jáa' quiá'r' fa' 'gó'r'. Dsu' mi~ canúu~ i dseañu' Aquila cóo'~ gui dseamí quiá'r~ i sii' Priscila júu^ e guia' i Apolos do, joba' cajéem`breiñ' fí lí~ jie' jo casí' reiñ' dseáng'~ laco' la lí' e fí e 'né~ cá' dsea` e laco' niliseeiñ' cøøng` cóo'~ Fidiéé`.

²⁷ Jo mi~ cangí jo, cali'ing~ Apolos e ningüiñ' fí lí~ se' Acaya. Joba' jaléng' dsea` quiá'~ Dsea` Jmáang~ i seeng' fí Éfeso do eáam' cajmicóo'~ reiñ', jogui casíñ' cóo' jì quiá'~ jaléng' dsea` quiá'~ Dsea` Jmáang~ i seeng' fí Acaya do e laco' nilíng' neiñ' cóo'~ júu^ røø` juguiú'. Jo mi~ cangí jo, cangó~bre fí jo.

Jo mi~ caguíé~ Apolos fí Acaya, eáang' cajmicóo'r~ jaléng' dsea` i calicúing` Dsea` Jmáang~ uíi' e eáang' guiúng~ Fidiéé` cóo'~ dsea` do. ²⁸ Co' fí quini' jaléng' i dsea` i neáng' do sí'r' jaléng' i dsea` Israel e ja` í dsíñ' dseáng'~ laco' catúng~, jogui se'r' teá lajii'~ e fé' fí ni~ jì quiá'~ Fidiéé` e dseáng'~ já'~ba' e Jesús líiñ' i dsea` i casíng' Fidiéé` fí jmigüi' la e laco' nileáng~ dsea` jee~ dsee~ quiá'r'.

19

Mi~ caguíéng'~tu Paa~ fí Éfeso

¹ Jo lajee` táang' i Apolos do fí Corinto lí~ se' Acaya, jo i Paa~ do cangüiñ' fí lí~ lí' jee~ mó', jo caguíé~ tur fí Éfeso. Jo fí job cajíñ' i fíng' dsea` quiá'~ Dsea` Jmáang~, ² jo lalab cajmingí' Paa~ i dsea` quiá'~ Dsea` Jmáang~ do jo cajíñ'~:

—¿Su ca'íng'~ 'nú' Jmiguí quiá'~ Fidiéé` mi~ já' calíng~na' júu^ quiá'~ Dsea` Jmáang~?

Joba' cañíi' i dsea` do jo cajíin'`:

—Ja` mí` nú` jnea`^ jji`~ coo` ya`' quiá'- e jo. ¿E`gui e jo?

³ Jo cajmingí'- tu Paa` i dsea` do jo casí'- reiñ':

—¿E` uiing`~ quií`-na' mi` cajgáang`-na' jmi` jóng?

Joba' cañíi' tu i dsea` do quiá'- Paa` jo casí'- reiñ':

—Jnea`^ cajgáang`-naa' jmi` e casée` Juan e laco' cuø` li` e caquí'- jing` yee`-naa' fí` quini` Fidiée`.

⁴ Joba' casí'- tu Paa` i dsea` do:

—Lajob lí', co' i Juan do caseáaiñ` dsea` jmi` lajji`~ i caquí'- jing` yaang` fí` quini` Fidiée`; jogui casí'- bir jaléng` dsea` í` cajo e 'né` ni`ím`'biñ' do i dsea` i nijáa` cøong`gui do mi` nisóong`- ír'; jo dsea` íb` Jesús lana.

⁵ Jo mi` canúu`- jaléng` i dsea` i teáng` do lajo, dsifí` ladob cajgáaiñ`- jmi` e laco' cuø` li` e ca'uíiñ`- dsea` quiá'- Dsea` Jmáang`. ⁶ Jogui mi` caquidsí` Paa` guoor` fí` mogui` i dsea` do, dsifí` ladob ca'íng` i dsea` do Jmiguí` quiá'- Fidiée`, jo canaaíñ` fé'r` jmi` e jié`gui laco' jmi` quiá'r`, jogui síiñ` jalé` júu` e íñ` e jáa` quiá'- Fidiée`. ⁷ Jo lajee` lajing` i dsea` do tír` guitúuiñ` yaang` dseañu`.

⁸ Jo mi` cangí` jo, lajee` gaang` si', dsée` i Paa` do fí` guá'- quiá'- dsea` góor` dsea` Israel, jo fí` job guiar` júu` quiá'- Dsea` Jmáang` e ja` 'gó'r` jji`~ capí`, jo sí'r` jaléng` i dsea` do jogui 'nó'r` jial laco' já'- nilíng` dsea` do e iing` Fidiée` quier` nifí` quiá'- jaléng` dsea`.

⁹ Dsu' i líng` i dsea` do ja` jii`r` e júu` do o'gui iin` já'- nilíiñ` cajo. Jo canaaíñ` fé'r` fí` quini` jaléng` dsea` jiéng` e gab` jalé` e júu` do quiá'- jial cuíng` dsea` Dsea` Jmáang`. Joba' Paa` cajmihuím`- 'nia'r` jee` i dsea` góor` do, jogui cajéem`bre jaléng` dsea` quiá'- Dsea` Jmáang` i caguiaang` do, jo cangojéeng`neiñ' fí` coo` escueel` quiá'- jaang` dseañu` i sií` Tirano, jo fí` job féiñ' i dsea` do júu` quiá'- Dsea` Jmáang` laco` jmi` laco` jmi`. ¹⁰ Jo lajob cajméer` lajee` tú`- jiiing`, joba' jaléng` dsea` Israel cóo`-gui jaléng` dsea` i ja` líng` dsea` Israel i neáng` fí` jalé` fi` e tée` li` se' Asia canúur` júu` quiá'- Fí'naa' Dsea` Jmáang` e caguia` i Paa` do.

¹¹ Jo lajee` jo i Paa` do jmóor` jalé` e quí'r` jmi` la'eáang` cóo`- güea` e cangíiñ` e cacuø` Fidiée`. ¹² Jo seem` dsea` quier` jalé` paay` quiá'r` osi jalé` sí'r` fí` quini` Paa` e fa' jji`~ capíb`- nijnúng`- dsea` do e 'mi` do, joba' i dsea` do nicóor` fí` quiá'r` fí` li` seeng` i dsea` dsée` do, jo cóo` e jo ni'leáam` i dsea` dsée` do lajji`~ jmohuí` e líiñ'. Jogui lajobi jaléng` dsea` i jée` i 'ling`^ quiá'- dsihuím`- jaléng` í` quiá'r`- jo 'láam`-bre.

¹³ Jo ie` jo, i líng` dsea` Israel i ngí` laco` fi` e jmicaaiñ` e iin` uóíñ` i 'ling`^ i jée` quiá'- dsea`, jo iin` nijóor`- su e já'- e uøong` i 'ling`^ i jée` quiá'- dsea` la'eáang` cóo`- júu` quiá'- Fí'naa' Jesús. Jo lalab canaaíñ` sí'r` jaléng` i 'ling`^ i jée` quiá'- i dsea` do:

—iLa'eáang` cóo`- júu` quiá'- Jesús e guia` i Paa` do quiú`-u ta` e uøong`-na' lí` teáng`-na' na!

¹⁴ Jo e jo cajméer` laji` guiáng`- jóo` jaang` dseañu` Israel i sií` Esceva i nilíng` jaang` fi`- jmidsea` quiá'- dsea` Israel. ¹⁵ Dsu' coo` née` lajee` ngir` ta` jmóo` lajo, jo i 'ling`^ i jée` quiá'- i dsea` do cañír` quiáiñ`- do jo cajíin'`:

—Cuím` jnea` Jesús, jogui ñi`bñ` i` i sií` Paa` do, dsu' ja` ñii`- ii` 'nái`.

¹⁶ Jo dsifí` ladob i dsea` i jée` i 'ling`^ quiá'- do canaaíñ` quiém`-bre lahuím` jaléng` i jóo` Esceva do, jo dseáng`- lajim`-biñ' do calí'r` caquiéiñ' co' dsíng`- bíiñ`. Jo cangolíim` i dsea` sihuíng` do fí` quiá'r`- mi` cangí` jo, dsu' ringúum`-bre cangolíiñ`.

¹⁷ Jo lajiiing` i dsea` Israel i neaang` fi` Efeso cõo`gui jaléng` dsea` i ja` líng` dsea` Israel i neaang` fi` job cajo, caliñi`bre jalé` e calí` do ie` jo, joba` eám` cafõíñ`. Jo lajob ngõo` li`gõng` júu` quiá` Fí`naa` Jesús jee` jaléng` dsea`.

¹⁸ Jogui fíim`bi jaléng` dsea` i já` calíng` júu` quiá` Dsea` Jmáang` ie` jo caguiliñ` e rõõíñ` dsee` quiá`r` fi` quini` jaléng` dsea` quiá` jalé` e ga` e nicajméer` lami` jéeng`gui. ¹⁹ Jogui fíim`bi jaléng` dsea` i nicajmée` ta` dsea` láang` lami` jéeng`gui cajo caguiliñ` quier` jì` quiá`r` lí` too` jalé` e `lí` e jmitíiñ`, jo cajír` fi` quini` jaléng` dsea` i teaang` do ie` jo. Jo mi` caguo` júu` jial tíi` 'móo` téé` e jì` do, jmiguiab` eáang` cagüi`fing`, lí` lí` cincuenta mil cuteeb`. ²⁰ Jo lajob naang` ni`gui júu` quiá` Fí`naa` Dsea` Jmáang` fi` la fi` na, jogui jmóo` e líñi` dsea` cajo jial tíi` 'gõng` Fidiée`.

²¹ Jo mi` cangf` e cangojée` jalé` e jo, joba` ca`f` dsíi` i Paa` do e nidsé`tur e nidsi`eer` jaléng` dsea` quiá` Dsea` Jmáang` i neaang` fi` lí` se` Macedonia cõo`gui fi` lí` se` Acaya, jo e mi` ningf` jo, ningíñ` tí` Jerusalén. Jogui fé`bir cajo e mi` ningf` e dsér` fi` Jerusalén, dseáng` 'né`ba` e dsér` tí` Roma.

²² Jo casiñ` gáng` dsea` quiá`r` fi` lí` se` Macedonia, i do i sií` Timoteo jo jaang`gui i sií` Erasto, jo laji` huaiñ` do jmóor` ta` jmicõo` Paa`. Jo Paa` fi` dobi cajer` 'ñia`r` lajee` jo fi` lí` se` Asia.

Mi` caliseá` mii` fi` Efeso

²³ Jo ie` jo, eám` cató` dsea` mii` fi` Efeso uii` quiá` e fíim` dsea` ca`uíng` dsea` quiá` Dsea` Jmáang`. ²⁴ Jo e mii` jo ca`uíng` uii` jaang` dseañu` i sií` Demetrio i nijmóo` ta` cõo` layaang` cutee`. Jo i dsea` í` nijmóor` ta` jmiliing` guá`jiu` e líi` cõo` cutee`, jo e job guá` quiá` i dié` i sií` Artemisa. Jo i Demetrio do jmiguiab` quíi` e 'léeng` jaléng` i dsea` i jmóo` ta` cõo`r` do. ²⁵ Jo cõo` néé` caseáñ` dsea` i jmóo` ta` cõo`r` colíng`gui cõo` jaléng` dsea` i jmóo` ta` e rõõ`jiu` cõo` e ta` jmóo` ír` do cajo, jo lalab casí`r` jaléng` i dsea` do:

—Dsea` rú`uu`, niñib` 'nú` guiá` e la'eáang` e ta` lab joba` guiáb` sea` jalé` e 'né` quí`ii`. ²⁶ Dsu` laco`gui la júu` sea` jogui ne`naa` cajo e i Paa` do ngír` fé`r` e jaléng` i dié` i jmáang` dsea` cõo` guóor` ja` líiñ` dseáng` dié` já`; jo lajob nicalí`r` e nicaligõng` jaléng` dsea` i seeng` fi` Efeso la cõo`gui jaléng` dsea` i seeng` jie` ja` latõõm` lí` se` Asia. ²⁷ Jo lajii` e júu` e ngí` i Paa` do fé`r`, dseáam` quí`ii` fíng` ca`íng` lajii` ta` quí`ii` e sea`, jogui la quí`gui guá` quiá` i dié` i sií` Artemisa do nitáb` dsea` e jmicuír`, jogui nitáb` dsea` e jmi`gór` lajii` e 'gõng` i dié` í, dsuco` latõõng` lí` se` Asia jmiféng` dsea` ír`, jo jie` ja` latõõng` jmigüib` cajo.

²⁸ Jo mi` canúu` jaléng` i dsea` i caseáng` fi` do jalé` e jo, eám` caligüiñ`, jo canaiñ` óor` teá` jo fé`r`:

—Eáang` 'gõng` dié` Artemisa quí`ii` i jmiféng` jnea`, dsea` Efeso!

²⁹ Jo eám` cangogáang` dsea` cõo` jalé` e júu` jo, jogui canaang` catá`r` mii` latõõng` e fii` jo. Jo lajee` jo, lajim`bre casam` i dseañu` i sií` Gayo cõo` Aristarco, gáng` dseañu` i seeng` fi` Macedonia i nicõo` Paa`. Jo cajñúung`neiñ` do cartí` caguiliñ` fi` lí` tíng` dsea` e seáñ` colíng` mi` ee`go jmóor`.

³⁰ Jo i Paa` do cali`iñ` e ni`ír` e niféiñ` i dsea` fíing` do, dsu` jaléng` dsea` quiá` Dsea` Jmáang` ja` cacuør` fi` lajo. ³¹ Jo jee` i dseata` dsea` féng` quiá` lí` se` Asia do niquiéeng` cõo` tú` máng` dsea` i niseeng` rõõ` cõo` Paa`, jo casiñ` júu` e sí`reiñ` e guiá`gui e ja` ni`í` dsea` do e lí` teáang` i dsea` fíing` do.

³² Jo lajee` jo, jee` i dsea` fii` do, i líng` dsea` fé`r` cõo` júu` jogui i líng`gui e jie`gui, jo dsíng` téé` mii`; jo fíim` i dsea` do jii` ja` ñir` e` uíing` e caseáñ`.

³³ Dsu` i líng` i dsea` do casí`r` jaang` dseañu` i sií` Jaang` jalé` e calí` ie` jo,

jo íbing' casíng' dsea` Israel fí' quini` i dsea` fíng' do laguidseaang`. Jo mi` caguiér' fí' quini` i dsea` fíng' do, jo cajméer' li` cóo' guóor' e laco' nifé'r' uii` quia'- jaléng' dsea` Israel fí' quini` jaléng' i dsea` fíng' do. ³⁴ Dsu' mi` calilí' i dsea` fíng' do e i Jaang' do líiñ' dsea` Israel, dsíng' caliguiñ' jo canaañ' óor' teá' lajee` tú' oor' jo fé'r':

—jEáang' 'gøng' diée` Artemisa quí'-ii' i jmiféng' jnea', dsea` Éfeso!

³⁵ Jo mi` casóong'-jiu e ta' dsea` má' do, i tiji` quia'- e fí' Éfeso do canaañ' fíiñ' jaléng' i dsea` do jo cajíñ':

—Dsea` rú'naa' i seeng' fí' Éfeso, jalém' dsea` seeng' fí' jmigüü` ñir' e i dsea` seeng' fí' la née' nír' guá' quia'- i diée' 'gøng' i sii` Artemisa la, jogui fí' yá' jmigüüb' li` catóñ' e líiñ' dsea` cuu` jo catisíiñ' fí' la. ³⁶ Jo jíi' jaang' dsea` ja` cuóøng' lí' jíi' e o' lajo e na, joba' cati'-na' jo ja' e jmoo'na' jíi' cóo' e ja' mí' ca'í' óo'na' røø. ³⁷ Co' laji' gáang' i dseañu' i nicajéeng' 'nú' fí' la ja' e mí' cajmeáiñ' jíi' cóo' guá' quí'-ii', o'gui mí' café'r' e ga' uii` quia'- i sengfí' quí'-ii' do cajo. ³⁸ Jogui songi Demetrio do cóo' gui jaléng' dsea` i jmoo' ta' cóo'r' do nicadsé'r' dsee` quia'- i dsea` na, dob neáang' jaléng' dsea` i quidsí' í' cóo' gui lí' 'niiñ' dsea` fíng' ee'go dsee` røøng' dsea`; jo fí' job li` catíng' e nijmér' dsee` fí' quini` i dseata` í, jogui job li` catíng' e nijmi'øng' yaaiñ' lajaang' lajaaiñ'. ³⁹ Jogui song sea'gui júu` quie'na' e jie', dob cuóøng' lí' jmee'na' fí' ni` fí' mi` seáng' dsea` fíiñ'. ⁴⁰ Jogui cóo' jalé' e nicalí' na, eáam' dseáang' quí'-ii' fíng' i cajmée' dsee` quí'-ii' quia'- jalé' e nicajmó'oo', co' ja' e uiing' sea' jíi' cóo' e nijmi'øng' yee'naa' fíng' calingí' e uiing' quia'- e nicató' dsea` má'.

⁴¹ Jo mi` calí' fé' i tiji' do e júu` na, jo ca'í'-bre júu` quia'- jaléng' i dsea` siseáng' do jo cagüi'í'bre.

20

Mi` cangó-tu Paa' fí' Macedonia cóo' Grecia

¹ Jo mi` casóong' e ta' dsea` má' do, cató' i Paa' do jaléng' dsea` quia'- Dsea` Jmáang' e laco' líng' ee` niféng'neiñ' do. Jo mi` cangí' jo, ca'í'-bre júu` i dsea` í jo cangób'tur fí' lí' se' Macedonia. ² Jo laco' laco' fí' e téé' fí' jo cangór' e dsí'eer' jaléng' dsea` quia'- Dsea` Jmáang' i neáang' fí' jo, jo eáang' jmicóo' reiñ' cóo' jalé' júu` quia'- Dsea` Jmáang'. Jo mi` cangí' jo caguiéb'tur fí' lí' se' Grecia, ³ jo fí' job cajer' gaang' sí'.

Jo mi` cangí' jo, dseáang' ni'iuuiñ' fí' e nisó'r' móo' e nidsé'tur fí' lí' se' Siria mi` caliñir' e jaléng' i dsea` góor' dsea` Israel do nicasíiñ' røø e líng' ee` nijmeáiñ' i Paa' do. Joba' ca'í' dsí' Paa' e caquim'tur fí' guóo' uó' jo cangíng'tur calé' catú' fí' Macedonia. ⁴ Jo cóo' bre jaléng' i dsea` la: jaang' i sii' Sópater dsea` i seeng' fí' Berea, jóo' jaang' dsea` i sii' Pirro; jogui Aristarco, cóo' jaang' gui i sii' Segundo i seeng' fí' Tesalónica; jogui jaang' gui i sii' Gayo i seeng' fí' Derbe; jogui Timoteo, jogui lajobi Tíquico cóo' Trófimo, dsea` i seeng' fí' lí' se' Asia. ⁵ Jo jaléng' i dsea` quia'- Dsea` Jmáang' la jéem'bre cangolíñ', jo doguib' cajéiñ' jnea' cartí' oo' jmí' lí' sii' Troas. ⁶ Jogui jnea', Lucas, cají' rú'naa' cóo' Paa' fí' Filipos, jo fí' job ca'uøø'naa' cangó'naa' e téé'naa' dsí' móo' mi` cangí' jmí' e gø' dsea` íñí' e ja' quie' quie'ng'. Jo lajee' 'ñiá' jmí' guiba' caguié'naa' cartí' Troas, jo fí' job cataang'naa' guié' jmí'; jogui fí' job cajo cají' rú'naa' cóo' i dsea` caguiaang' do.

Mi` cateáang' Paa' fí' Troas

⁷ Jo e jmí' la'uii` quia'- semaan' caseáng' rú'naa' jaléng' dsea` quia'- Dsea` Jmáang' e quia'- niquiee'naa' i'naa' colíng' e laco' jmiguiéng' dsí'naa' Dsea` Jmáang'. Jo lajee' jo café' Paa' güí' quia'r' fí' quini` dsea` i caseáng' e uøø' do.

Jo co' iuung- Paa- fi' e nigüi'ñ bre mi~ nijnea` e uøø` jo, joba' cueeb` júu^ quiá'r- cajméer` cartí uøø` guienáub'. 8 Jo fi' job téel`naa' lajñ`naa' fi' coo` 'núu' yá'^, jo fi' job sea` jmiguiá' jì e jnea`. 9 Jo jee~ jaléng` i dsea` do quiéeng` jaang` siming` i sií Eutico, jo i siming` í dob guiiñ` otoo` e núur` júu^ guía' Paa-. Jo co' eáam` cuee` júu^ quiá'- Paa- e café'r', joba' cajá- jaligüing` i siming` do lajee` guiiñ` do, jo caquiam`-bre e eáang`. Jo lajee` guiiing` i siming` do e güüñ` lanab, coo` catóm`-bre cartí ni~ uó^. Jo e otoo` tí li~ catóñ` do gui` tí li~ catí` ní` fíng- e 'núu' do. Jo mi~ cangoseáang` neiñ` do ni`liim`-biñ` do. 10 Joba' cajgáng- Paa- e li~ iuuiñ- guiar` güí- do, jo cangoseáañ` i siming` do, jo carøøng` neiñ` do jo cajíñ`- casí'r- i dsea` quiá'- Dsea` Jmáang- caguiaang- do:

—Ja` føøng`-na', dsea` rú`-naa'! Co' jíb`tu i siming` la.

11 Jo mi~ cangí e caseang` Paa- i siming` do, cajgóob`-tur fi' li~ iuuiñ- guiar` júu^ fi' li~ catí` ní` fíng- e 'núu' do. Jo fi' job cafiñ` iñí'^, jo caquiee`naa' colíing-. Jo mi~ calí- e jo, canaam`-tur fé'r` júu^ quiá'r- cartí cajnea- e uøø` jo. Jo mi~ calí- e jo, jo ngí` joguiba' ca'lr- fi' cangór-. 12 Jo mi~ cató- dsea` sináú` quiá'- i siming` do fi' quiá'r- e nicajíb`-tuiñ', joba' eáam` cali'iaang` dsí' jaléng` i dsea` do.

Mi~ cagüi'ñ Paa- fi' Troas jo cangór- fi' Mileto

13 Jo mi~ cangí jo, jnea` cóo` i dsea` caguiaang- gui do cangojéem`baa' quiá'- Paa- e téel`naa' dsí' móo' cartí caguié`naa' tí coo` fi' e sií Aso. Jo fi' joguiba' si'í e dsitee`naa' Paa- laco' nicasiñ`naa' røø` jéeng`gui, co' 'ñia'r` cali'iiñ` e cangór- e ngir` la tóo` ni~ guóo`- uó-. 14 Jo mi~ cají- rú`-naa' cóo`r- fi' Aso, jo ca'í-bre dsí' móo' li~ téel`naa', jo cangó`-baa' fi' fi' li~ sií Mitilene.

15 Jo mi~ cangí jo, ca'uøø`-baa' fi' Mitilene, jo mi~ cajnea- e jmii~ coo`gui do, cangiing`naa' fi' quini` e fi' e sií Quío. Jo mi~ catí` tú- jmii~ lajo, cangiing`naa' coo` ni~ guóo`- uó`-jiu e née' ni~ jmiñí'^ e sií Samos. Jo coo`gui jmii~ cali'iiñ`naa' e téel`naa' fi', joguiba' caguié`naa' fi' Mileto.

16 Jo cajmó`naa' lajo, co' i Paa- do ja` cali'iiñ` ngór- fi' Éfeso ie~ do lí'^ laco' ja` niquiñ` eáang` e dsér- fi' li~ se' Asia, dsuco' iññ` e niguieñ` lajmiñáb- fi' Jerusalén e nidsitiñ`- jmii~ Pentecostés e tí fi' jo.

Júu^ güí- e cacuø' Paa- fi' quini` dsea` cóøng` i seeng` fi' Éfeso

17 Jo lajee` táang` Paa- fi' Mileto, cató'r- jaléng` dsea` cóøng`- quiá'- dsea` quiá'- Dsea` Jmáang- i neáang` fi' Éfeso e nidsiliñ`- do fi' li~ táañ` fi' Mileto. 18 Jo mi~ caguiling`- jaléng` i dsea` cóøng`- do, jo casí`-reiñ` jo cajíñ`-:

—Ñíb` 'nú' guíá- jial guíá- nica'ee- cóo`- jaléng` 'nú' latí mi~ cagüen`-n fi' la fi' li~ se' Asia. 19 Jogui contøøm- nicangí`-jee` 'nú' e jmóo`o lajii`- e iing` Fí'naa' Dsea` Jmáang-, jogui e ja` jmiféng` 'ñiá'a, jogui e jiuung` dsi`baa cóo`- jalé' e lamí iing` dsea` góo`o dsea` Israel nijmeáñ` jnea` uí' e guiaa- júu^ quiá'- Dsea` Jmáang-. 20 Dsu' ja` catú` e guiaa- jalé' e júu^ na, co' jmang`- jalé' júu^ e guíá- quí`-ba' e nica'ée- e 'nú' lacaang`-jee` dsea` jogui cajo lacaang` sináú` quí`-na'. 21 Jo eáang` nicafiñ`-i jaléng` 'nú', dsea` lãng`na' dsea` góo`o dsea` Israel, cóo`-gui dsea` i ja` lãng` dsea` Israel, e niquí`- jíng`- yaang`na' fi' quini` Fidié` jogui e já'- nilíng`na' júu^ quiá'- Fí'naa' Dsea` Jmáang-. 22 Jogui lanagui nií` i fi' Jerusalén laco' ta~ quia' Jmiguí` quiá'- Fidié` e jii`- ja` ñii- ee` nisijé`- quie- e jogui ee` nidsing`-n fi' jo. 23 Jo lajii`- e ñii- e lacoo` fi' li~ ní'i, jmab` jnea` júu^ Jmiguí` quiá'- Fidié` e nisijé`- 'nuñí` quie- e osi jalé' iihuí` e jié`gui é. 24 Dsu' ja` e lí' quie- e e seen- tá'- e júun`-n dsu' lifa' e jmiti`-baa jalé' e ta~ na e iáang` dsii-, lajii`- ta` e ca'ín`-n quiá'- Fí'naa' Jesús e nijmiti`-baa car` cató' cóo`- jalé' ta~ guía` júu^ e Fidiéeb` dsea` nijmi`neáañ` jneaa`-aa' nañí` fa' ja` catí`-naa' e jo.

25 'Jogui lana niñi'baa e jii' jaang' 'nú' jo' nimáang'gui' jnea' calé' catú' fí' jmigüü' la, dsu' lajee' táan'n cóo' 'nú' nicanúu'na' júu' e guiaa' quía' jial iing' Fidié' quier' nifi' quía' jaléng' dsea' jmigüü'. 26 Joba' iin'n fii' 'nú' lana, jaléng' dsea' cóong', e song seeng' 'nú' i ja' cajmicuüing' Dsea' Jmáang', joba' o' dsee' quíe' e song lajo. 27 Dsucó' lajib' júu' quía' Dsea' Jmáang' e si'í' guiaa' jee' 'nú' nicajmiti'baa, jo jii' cóo' fa' cajmé' e e ja' cajmitii'. 28 Jo lajob eáang' 'né' ñiing' óo'na', jogui jmee' í' yaang'na' cóo' gui lajaléng' dsea' i líng' dsea' quía' Dsea' Jmáang' lí' laco'gui ta' nicaquiü' quíi'na' Jmiguü' quía' Fidié' e nilíng'na' laco' dsea' jmóo' í' guíá' jo'se' quía'. Jo lajob 'né' nijmee'na' í' jaléng' dsea' quía' Dsea' Jmáang', có' la'eáang' cóo' jmi'øøiñ' 'ñia'r' dob e ca'uüing'na' dsea' quía'r'. 29 Jo niñib' jnea' e mi' ningí' e ninín'na' do, nijalíng' dsea' jién'gui i iing' nijmigóong' 'nú', jo i dsea' í' líiñ' laco' ie'dsinúu' i ni' oo' i iing' nijmiguiéeng' quía' jaléng' dsea' e laco' nitiúung' dsea' Dsea' Jmáang'. 30 Jo lajee' yaam'bi' nigüeáang' i líng' 'nú' i ni'é' júu' e o' já' e laco' nijmigóong'na' dsea' quía' Dsea' Jmáang' e nijmitir' e júu' e o' já' do. 31 Joba' 'né' e si'niim' áa'na' contóong'; jogui téé' óo'na' e lajee' 'ni' jii' e calisén'n cóo' 'nú', dseáng' ja' catú' e fón'n 'nú' jalé' juguiá' júu' røø' cartí' quí'baa uii' quíi'na' na.

32 'Jogui lana, dsea' rú'naa', nijáan'n 'nú' fí' jaguó' Fidié' jogui cóo' jalé' júu' e iáang' dsíi' quía'r'. Có' jii' íb' dsea' lí'r' e jmicóo'r' 'nú' e laco' nilicuíng'gui' Dsea' Jmáang', jogui nicuø'r' 'nú' jalé' e si'í' nicuø'r' 'nú', dsea' líng'na' dsea' güeang' quía'r', lí' laco'gui jii' júu' e nicacuø'r' jéeng'gui. 33 Dsu' ja' e mi' camü'í' 'nú' jii' cóo', o'gui cuu' o'gui 'mi'. 34 Jo ja' cajmé' e lajo, có' niñib' 'nú' guíá' e cajmé' e ta' cóo' layaang' guóo'baa e laco' sea'ba' jalé' e 'né' quíe' e cóo'gui jaléng' dsea' i ngí' cóo' o' cajo. 35 Jo contóom' nica'é'e' e 'nú' e lajob 'né' nijmee'na' ta', jogui e jmicóo'na' jaléng' dsea' 'né' quía' lajo, jo lajee' jo jmiguiéng' óo'na' lajii' júu' e cajíng' Fíi'naa' Jesús lajee' táaiñ' fí' jmigüü' la mi' cajiñ' lala: "Juguiá'gui quía' i dsea' i líng' ee'gø cuø'r' dsea' rúíñ' laco'gui i dsea' i líng' ee'gø íng' quía' dsea' rúíñ'."

36 Jo mi' cangí' e cajíng' Paa' jalé' e júu' na, jo casí'r' uø' jnir', jo caféiñ' Fidié' cóo' jaléng' i dsea' caguiaang' do. 37 Jo lajii'm' i dsea' do calijiuung' dsíir' jogui canaaiñ' røøiñ' Paa' jogui casá'r' guoo' dsea' do, 38 jogui eáam'bi' fí'í' calíiñ' cajo, có' e cajíng' Paa' e jo' niníng'gui rúíñ' cóoiñ' do. Jo mi' cangí' jo, cangojeáam' i dsea' do Paa' cartí' lí' calí' dsea' do fí' dsíi' móo'.

21

Mi' cangáng'-tu Paa' fí' Jerusalén

1 Jo ie' jo, dob calí'naa' júu' jaléng' dsea' quía' Dsea' Jmáang' i seeng' fí' jo, jogui jnea' cangó'baa' condséé' fí' cóo' guoo' uø' jia' e néé' ni' jmiñí' e sii' Cos e téé'naa' fí' dsíi' móo'. Jo mi' cajneá' lajo, caguié'naa' fí' Rodas. Jo fí' job ca'uøø'naa' e cangó'naa' fí' Pátara. 2 Jo fí' job cajíng'naa' cóo' móo' e iü' fí' ngóo' fí' lí' se' Fenicia, joba' cóo' e job cangó'naa'. 3 Jo lajee' ngóo'naa' ladob cane'naa' Chipre e néé' ni' jmiñí', jo caje' lí' lí' guoo'naa' tuung' mi' cangiing'naa' fí' jo. Jo cangó'baa' cartí' lí' se' Siria. Jo có' e móo' do ngóo' ngocá' lee' fí' cóo' oo' jmiñ' lí' sii' Tiro e néé' lí' se' Fenicia, joba' cóo' e móo' job cangó'naa'.

4 Jo e fii' job cajíng' rú'naa' cóo' jaléng' dsea' quía' Dsea' Jmáang' i neáang' fí' jo, jo cóo' íb' cajé'naa' lajee' guíe' jmiñ'. Jo Jmiguü' quía' Fidié' nicasí' i dsea' í' e laco' nijmeaiñ' do júu' Paa' e ja' nidsé' dsea' do fí' Jerusalén có' dseáam' quía'r'.

⁵ Jo mi~ casúung~ e guié~ jmii~ do, ca'uøø~baa' coling~ cóo~ jaléng~ dsea` quiá~ Dsea` Jmáang~ i neáng' fí jo, jo jéiñ` latøøng~ sinúu^ quiá~ bre cango-jeaaiñ^ jnea'^ fí 'ni' jmiñi^, dseañu^ cóo~ jaléng~ dseam~ quiá~r~ jogui jaléng~ jiuung~ quiá~r~, jo colim~ ca'uøø~naa' catí 'ni' fii do. Jo mi~ caguié~naa' fí 'ni' jmiñi^, lajalé~naa' do casí^naa' uø~ jni^naa', jo caféeng~naa' Fidié~. ⁶ Jo lí~ jo, ca'í~ júu^ rú^naa', jo mifing~ casó^baa' dsí' móo', jogui i dsea` do caquim~tur cangoliñ' fí quiá~r~.

⁷ Jo mi~ ca'uøø~naa' fí Tiro, jo caguié~naa' fí Tolemaida. Jo fí job cató' e ngi^naa' cóo~ móo'. Jo fí job cajo caféeng~naa' jaléng~ dsea` quiá~ Dsea` Jmáang~ i neáng' fí jo, jo cajé^baa' cóo~r~ cóo~ jmii~.

⁸ Jo mi~ cajneá~ lajo, ca'uøø~baa' fí Tolemaida, jo caguié~naa' fí Cesarea. Jo mi~ caguié~naa' fí jo, cangó~naa' fí quiá~ i Lii~ do, dsea` i guia' júu^ quiá~ Dsea` Jmáang~ i quíng~ jee~ dsea` guiáng~ i jmicóo~ dsea` i óo' ta~ quiá~ Fidié~, jo fí job cajé^naa' cóo~r~. ⁹ Jo i Lii~ do niseeng~ quiúung~ jóor' simi^ i nicangúng~ e jmóor~ ta~ fé' cuaiñ~ quiá~ Fidié~.

¹⁰ Jo níngóob~jiu jmii~ e taang~naa' fí do mi~ caguié~ jaang~ dsea` Israel i jáa' fí Judea i nisii Agabo; jo i dseañu^ i ni'óor~ ta~ e fé'r~ cuaiñ~ quiá~ Fidié~. ¹¹ Jo mi~ cangoquiéeng~ i dsea` do fí quini^naa', jo catiñ~ e 'mi' e 'ñúu' tu' Paa~, jo cóo~ e job ca'ñú'r~ guóor~ cóo~ tii~r~ jo cajíñ~:

—Lalab nicajíng~ Jmiguí quiá~ Fidié~ e ni'ñúng~ dsea` góo'oo' dsea` Israel i fii~ quiá~ e 'mi' 'ñúu' tu' la, jogui nijáñ~ dsea` do jaguó jaléng~ dsea` i ja líng~ dsea` Israel.

¹² Jo mi~ canú^naa' e júu^ na, jnea'^ coling~ cóo~ jaléng~ dsea` quiá~ Dsea` Jmáang~ i neáng' fí Cesarea, jo camii^naa' Paa~ jmi'ee~ e laco' ja' ni'ír' fí e nidsér~ fí Jerusalén.

¹³ Dsu' Paa~ cañíir~ jo cajíñ~:

—¿Jialí' jiuung~ óo' 'nú^ uii~ quié~ jnea~, jogui jmáang~na' jnea~ e lín~n fí'í? Co' ja' e lí' quié~ jnea~ e ni'ñúng~ dsea` jnea~, co' ja' 'gó'o e cartí jngám~ bre jnea~ fí Jerusalén song lajo uii~ e jmóo' ta~ guía' júu^ quiá~ Fii^naa' Jesús.

¹⁴ Jo co' ja' calí' guí' e ca'í' júung~ Paa~ fa' e ja' nidsér~ fí Jerusalén, jo jíi~ e laba' casí~guí'r:

—Güilb~ lajíi~ e iing~ Fidié~ cóo~ 'nu~.

¹⁵ Jo mi~ cang~ e jo, caguiá^baa' guiá~ quí~naa', jo cangó~baa' coling~ cóo~ Paa~ fí Jerusalén. ¹⁶ Jo cangolim~bi cóo~ jnea'^ cóo~ tú~ mung~ dsea` quiá~ Dsea` Jmáang~ i neáng' fí Cesarea.

Jo mi~ caguié~naa' fí Jerusalén, jo cangojé^naa' fí quiá~ jaang~ dseañu^ i nilíng~ dsea` quiá~ Dsea` Jmáang~ lajíi~ lí~, jo siir~ Mnasón, jaang~ dsea` i seeng~ fí lí' se' Chipre.

Mi~ cango'ee~ Paa~ i Tiáa~ do

¹⁷ Jo mi~ caguié~naa' fí Jerusalén, jaléng~ dsea` quiá~ Dsea` Jmáang~ i neáng' fí jo ca'íñ~ jnea'^ e iáang~ dsíir~.

¹⁸ Jo mi~ cajneá~ lajo, cangób~ Paa~ cóo~ jnea'^ e cango'ee~naa' i Tiáa~ i quie~ nifí quiá~ dsea` quiá~ Dsea` Jmáang~ fí Jerusalén. Jogui ie~ jo, fí job siseáng~ jaléng~ dsea` cóøng~ quiá~ Dsea` Jmáang~ cajo. ¹⁹ Jo mi~ caguié~naa' quiá~ i dsea` do, cacuø' Paa~ guicóo~ jaléng~ i dsea` siseáng~ do. Jo mi~ cang~ jo, casí~reiñ' la'uiing~ lanú~ jalé' e cajmée Fidié~ cóo~ ír~ lajee~ e caguiar~ júu^ quiá~ Dsea` Jmáang~ jee~ jaléng~ dsea` i ja líng~ dsea` Israel. ²⁰ Jo mi~ canú~ Tiáa~ cóo~ jaléng~ dsea` cóøng~ do jalé' e guiá~ e cajmée Paa~ la'eáng~ cóo~ güea'^ quiá~ Fidié~ jo canaaiñ~ jmiféiñ' Fidié~. Joba' casí'r~ Paa~ jo cajíñ~:

—Lajob lí', ruu'. Niñib^ 'nu~ e lajee~ dsea` góo'oo' dsea` Israel, i lí^ lí' milbing~ i nijá~ calíng~ júu^ quiá~ Dsea` Jmáang~, jo lajim~ i dsea` í jmo'r' 'goo' jo fé'r e

dseáng' guím'ba' 'né e nijmití'bá' jalé' júu' quiu' ta' e casée' Moi'. 21 Jogui nicajméeb' i dsea' na júu' e 'nu' nica'ée' jaléng' dsea' Israel i seeng' jee' dsea' i ja' líng' dsea' Israel e jo' 'né' nijmitir' lajii' júu' quiu' ta' quiá' Fidiée' e cajme' Moi', jogui nicasí're e ja' 'né' tér' li' fí' ngúu' táang' jiuung' siñuú' quiá'r' lí' laco' litíng' jaléng' jnea', dsea' lí' dsea' Israel, o'gui 'né' jmitir' jalé' e tí'naa', dsea' lí'naa' dsea' Israel cajo. 22 Jo' ¿e'gui' nijmó'oo' jóng? Co' niliñib' jaléng' dsea' góo'naa' la e nicagüen' fí' la. 23 Jo' jii' má' laba' sea' e 'né' jmée' lala: Lana seeng' quiúung' dseañu' jee' jneaa'aa' e iññ' nijmitir' lajii' júu' e cacuø'r' Fidiée' lamí' jéeng'gui. 24 Joba' gua' cóo' i dsea' í' jo' güijmee' jalé' e tíng' dsea' na laco' niliguiún' fí' quini' Fidiée' colíng' cóo'r'. Jogui qui' quiá' jalé' e 'né' i dsea' quiúung' do e laco' niliti' lajii' e si' fí' quini' Fidiée', jo' lajoba' cuøng' e niñu' guir' e laco' cuø' li' e cajmitir' e júu' do fí' quini' Fidiée'; jo' lajob' niliñir' lajiiñ' e o' já' jalé' e nicajíng' dsea' góo'oo' dsea' Israel uii' qui' do, co' nicaliñí'bre e 'nu' núu'ba' lajii' júu' quiu' ta' quiá' Fidiée' e cajme' Moi' do. 25 Jogui nicasiing'naa' júu' e nicasí'naa' røø' jalé'naa', dsea' té'e'naa' nifí' quiá' dsea' quiá' Dsea' Jmáang', jo' caguiéng'naa' júu' quiá' jaléng' dsea' i ja' líng' dsea' Israel i nijá' calíng' júu' quiá' Dsea' Jmáang' e fé' lala: Ja' cuøng' cø'na' ngúu' quiá' jaléng' jó' i nicajíng' dsea' jíeng' fí' quini' diée' quiá'r', o'gui cuøng' cø'na' jmi'øøng' jaléng' jó', o'gui ngu' jaléng' jó' i nisiyáang' jmi'øøng', o'gui cuøng' 'léer' e güing' dseañu' osi dseam' cóo' dsea' i o' quiá'r'.

Mi' casó'-tu dsea' quiá'-Paa' fí' dsí' guá'-fé' e si' fí' Jerusalén

26 Jo' lajob' cajmé'e' Paa', cangó-bre cóo' i dsea' quiúung' do mi' cajnéa' lajo, jo' cajméer' jalé' e caquiú' Moi' ta' laco' cuøng' e niliguiúng' dsea' fí' quini' Fidiée'. Jo' mi' cangí' jo, ca'í-bre e dsí' sinúu' guá'-fé' e si' fí' Jerusalén do quiá' e nijmér' júu' cóo' i dsea' quié' nifí' quiá' guá' do lí' jmí' e i dsea' quiúung' do nijmité'r' jalé' e ta' caquiú' Moi' do e laco' cuøng' nidsicar' jalé' e si' e nicuø'r' Fidiée' lajaang' lajaaíñ'.

27 Jo' mi' nijaquiéem'ba' e nidsíng' e jmí' guié' do mi' cangá' i líng' dsea' Israel i seeng' fí' lí' se' Asia e iuung' Paa' fí' dsí' sinúu' guá' do. Jo' dsifí' lajob' canaaíñ' ta'r' má' jee' jaléng' i dsea' i teáang' do, jo' casaiñ' dsea' do, jo' canaaíñ' fé'r' teá' jo' cajíñ':

28 —Jaléng' dsea' rú'u' dsea' Israel ñilíng'na' ñijmicóo'na' jnea' fí' la, co' lab' sing' i dseañu' dsea' góo'oo' i ngí' ta' guía' júu' e ja' cøng' røø' cóo' lajii' e tí' fí' góo'naa', o'gui cøng' røø' cóo' júu' quiu' ta' quiá' Fidiée' e cajme' Moi' cóo'gui guá' quí-ii' cajo. Jo' ja' mí' cajmi'gór' guá' güeang' quí-ii', co' cajajéiñ' fí' dsí' sinúu' guá' quí-ii' dsea' i ja' líng' dsea' góo'oo' dsea' Israel.

29 Jo' café' i dsea' do lajo, co' cangár' lamí' jéeng'gui e ngí' jaang' dseañu' i ja' líng' dsea' Israel i seeng' fí' Éfeso i sii' Tróximo cóo' Paa' fí' Jerusalén, jo' líiñ' e caguiéng' i Paa' do i Tróximo do fí' dsí' sinúu' guá', dsu' o' já' e cajméer' lajo.

30 Jo' mi' canúu' jaléng' dsea' i caseáng' ie' jo' jalé' e fé' i do uii' quiá' Paa', jo' sóong' canaaíñ' ta'r' má'. Jo' dsifí' lajob' caguilíng' dsea' cuír' fí' lí' sing' Paa' dsu' núur' e té'e' má', jo' caseáng' latøng' fí' lí' taang' i Paa' do. Jo' jaléng' i dsea' do casam'bre Paa' jo' cajñúu' dsea' do cartí' caluu' e guá' do, jogui cajní'bre jn' quiá' e sinúu' guá' do cajo. 31 Jo' si' e tí' nijngám'bre i Paa' do mi' caguié' júu' fí' quini' fí' féng' quiá' 'lé'e' romano e sóong' ta' jaléng' i dsea' i seeng' fí' Jerusalén do má'. 32 Jo' dsifí' lajob' cangolíñ' cuír' cóo' i 'lé'e' quiá'r' cóo'gui i quiu' ta' jee' ír' fí' lí' ta' i dsea' do má'. Dsu' mi' cangá' jaléng' i dsea' i siseáng' fí' lí' sing' Paa' do e ngolíng' i 'lé'e' romano

do cóo'gui fiir, jo caquium'bre e bõõiñ i Paa do dsifi' lado. ³³ Jo i fii féng' quiá' i 'lée do cangoquiéiñ' fi' li' sing' Paa jo casang' neiñ', jo caquiur' ta' e niñúñ' Paa cóo' tú' ñí' cadena. Jo mi' calí' e ca'ñúñ' i Paa do, jo canaañ' jmingi'r i dsea' siseáng' do jo cajíñ':

—¿I'gui i dsea' ná? ¿E'gui e nicajméer'?

³⁴ Jo teá'gui eáang' café' jaléng' i dsea' do. Jo i liing' fé' e jié', jogui e jié'gui fé' i liing', jo ja' calí' i fii' 'lée do fa' caliñir' e uiing' e ta' i dsea' do mii'. Jo li' caquiur' ta' e cangáng' i Paa do fi' 'núu' quiá' jaléng' i 'lée do. ³⁵ Jo mi' caguiliing' i 'lée i té' Paa do fi' li' té' jóo' li' soo' dsea' e nidsitáañ' e fi' dsii' sinúu' quiá' jaléng' i 'lée do, jo cadsim'bre i Paa do fi' yá' 'nar, co' dsing' ga' jmoo' jaléng' i dsea' i teáang' do e iñ' nijmeañ' ga' Paa. ³⁶ Jo lajim' i dsea' do ngoliiñ' ti'leañ' laco' ngang' i Paa do e jee' i 'lée do, jo ta'r' mii' jo fé'r':

—jngang'na' i dseañ' ná!

Mi' cajmi'óng' Paa' ñia'r' fi' quini' jaléng' dsea' fi'

³⁷ Jo ti' li' nitám' i 'lée do Paa' fi' dsii' sinúu' quiá' jaléng' 'lée mi' caféng' Paa' i fii' 'lée do cóo' jmii' griego jo casí'r':

—¿Su cuøng' nisiing' teáa cóo' 'nu' cateá'?

Joba' cañi' i fii' 'lée do quiá' Paa':

—¿Su tiim'ba' fo' jmii' griego? ³⁸ ¿Su o' 'nub' i dsea' egipto i 'ní' níng' jaléng' dseata' cóo' jaléng' dsea' ie' ja' m' ngoo' na i calí' caseáng' quiá' mil dseañ' fi' jee' mó', jo cangir' ta' jngang' dsea'?

³⁹ Jo cañi' i Paa' quiá' i fii' 'lée do:

—U', o' í' jnea'. Jnea' lín'n jaang' dsea' Israel, jo calisén'n fi' coo' fi' niing' e sii' Tarso e nee' li' se' Cilicia. Jo car' uii' diée' cuø' tea' jnea' fi' e nifón'n jaléng' dsea' fi' lana.

⁴⁰ Jo cacuøb' i fii' 'lée do fi' e nifé' i Paa' do. Jogui dob nisiñ' cartí' yá' jóo' li' teáang' dsea' fiing' do, jo cóo' guoo'bre cajméer' li' e caquiung' i dsea' do e ta'r' mii'. Jo mi' ca'fi' tii', joguiba' canaang' Paa' e féiñ' jaléng' i dsea' do cóo' jmii' hebreo jo cajíñ' casí'-reiñ':

22

¹ —Dsea' rú'uu', dsea' góo'o dsea' Israel, cóo'gui jaléng' dsea' i liing' dsea' mogui' quí-ii', núu'na' júu' quié' e e nifá'a quiá' jalé' e nicajmé' e e laco' ningáng'na' e o' já' jalé' dsee' e cuø'na' jnea'.

² Jo mi' canúu' jaléng' i dsea' Israel i teáang' do e fé' Paa' cóo' jmii' quiañ' do, eáang'gui tii' cajer'. Jo café'gui Paa':

³ —Jnea' lín'n dsea' Israel laco' 'nú', jogui calisén'n fi' coo' fi' e sii' Tarso li' se' Cilicia. Dsu' fi' Jerusalén lab li' cacuán'n, jogui cajmitiñ'n cóo' jaang' tifa' i niing' quí-ii' i sii' Gamaliel. Jo fi' job cajmitiñ'n jalé' e títng' dsea' góo'naa' e jmoo' lajii' ti' malii' jogui lati' lana. Jogui contø'm' nicajmi'úun' e nicajmitii' jalé' júu' quiu' ta' quiá' Fidié' car' ngocáng' dsii' laco'gui la jmoo' 'nú' lana cajo. ⁴ Jo lamii' jéeng'gui gab' cajmeán'n jaléng' dsea' teáang' fi' guiá' cóo' Dsea' Jmaang', jogui ca'ñún'nre, jogui catán'nre dsii' 'nañi' coo' gui'náb', dseañ' dseamib', jo seem' i liing' dsea' do cartí' cajúm-bre. ⁵ Jogui jaléng' i dsea' mogui' quiá' fii' jmidsea' quí-ii' cóo'gui jaléng' dsea' cóøng' quí'naa' ñi'bre guiá' dseáng' e jáb' lajob cajmé'e. Dsuo' í'bing' i cacuø' jnea' jalé' jii' e quiee' quiá' dseata' i neáang' fi' Damasco e laco' nicuø'r' jnea' fi' e nijmán'n dsea' quiá' Dsea' Jmaang' i seeng' fi' jo, jo nitø're fi' Jerusalén, jogui nijmi'huñ'nre fi' jo cajo.

*Mi~ cajíng' Paa~ jial calicuíñ` Dsea` Jmáang`
(Hch. 9:1-19; 26:12-18)*

6 Dsu' ie~ jo, lajee~ e iuun~ fi' ngó'o fi' Damasco, jo mi~ catf' í' e guieñí' joo', jo lajee~ e nijaquíeieñ' niguié'e fi' Damasco, coo' cajném~ coo' jì' e jì' eáang' e jáa' fi' yá'^ jmigüi', jo dsíng' cajneá' lacúng' lajíng' li~ ngó'naa'. 7 Jo dsifí' lajob caquín' n fi' ni~ uó~, jo canú~u e líng~ ii' guicafé' fi' yá'^ jmigüi' jo guicajíñ' s'f'r' jnea~: "Saulo, Saulo, ¿jiali' ngi' jmáan' jnea~ ga?" 8 Joba' cangñi~ quiá' i guicafé' do jo cafá'a: "¿I' 'nua', Fíi'?" Joba' cañi'tu i guicafé' do jo guicajíñ': "Jneab~ Jesús i caliséng' fi' Nazaret i ngi' 'nua' jmáan' ga' lana." 9 Jogui jaléng' dsea' i ngolíng' cóo' jnea~ ie~ jo cangá~bre e jì' do joba' eáam' cafóñ', dsu' ja' canúur~ luu~ i guicafé' do i cató' jnea~ do, jíi' jneab~ dsea' canú~u. 10 Jo cangñi~ jnea~ quiá' i guicafé' do jo cafá'a: "¿E' 'né~ nijmee'e, Fíi'?" Jo cañi'tu i guicafé' do jo guicajíñ': "Ráan' jo gua~ fi' iuun' fi' Damasco, jo fi' job nilijmeá' júu^ jalé' e 'né~ nijmee'." 11 Jogui dsuco' tiuum~baa cajá'a uí' e jì' e jì' e cajnéng' do, joba' i dsea' i ngolíng' cóo' do, í'bing' i cajéng' jnea~ cartí' caguié' e tí' Damasco.

12 Jo e fi' jo niseeng' jaang' dseañu' i nisii' Ananías i eáang' jmi'gò' Fidié~ jogui eáam' núur' júu^ quiu' ta~ quiá' Fidié~ e cajme' Moi'. Jo jaléng' dsea' góo'oo' i seeng' e fi' Damasco do guiáb' fé'r' uii' quiá' i Ananías do. 13 Jo i Ananías do cangór' fi' li~ cajá'a. Jo mi~ caguiér' fi' jo, jo cas'r' jnea~: "Saulo ruu', güilijnéb'tu' calé' catú'." Jo dsifí' lajob calijné'túu, jo nicuóom' jóøø calé' catú'. 14 Jo cajíng' gui' i Ananías do cas'r' jnea~: "Tiquí'ii' Fidié~ nica'náaiñ' 'nua' e laco' niliñí' jalé' e iing' Fidié~ e nijmee', jogui ca'náaiñ' 'nua' cajo e laco' nimáan' Dsea' Jmáang' i líng' Fidié~ i ja' dsee~ óo' jíi' coo' jogui ninúu' jalé' e fé'r' dseáng' 'ñia'r'. 15 Co' 'nua' dsea' ni'uúin' dsea' quiá'r', jogui nijmee' dsea' júu^ la'úng' fi' jmigüi' lajalé' e niñi' jogui lajalé' e ninúu' cajo cuaiñ~ quiá' Dsea' Jmáang'. 16 Jogui lana, ¿e' e sijeeng'gui'? Sín' jo nisán' jmi' e laco' cuø' li~ e ca'uúin' dsea' quiá' Dsea' Jmáang', jogui mí' dsea' do e ni'íiñ' dsee~ qui'."

Mi~ cajmé'e Paa~ júu^ jial mi~ cango'eer' dsea' i ja' líng' dsea' Israel

17 Jo mi~ caquín' n e cagüean' n fi' la fi' Jerusalén, jo cangó'o fi' guá' fé' e cangofón' n Fidié~. Jo lajee~ jo camó'o líng' ee' camó'o lafa' mi~ qui' dsea'. 18 Jo camán' n Fí'naa' Dsea' Jmáang' e jíñ' s'f'r' jnea~ lala: "Jmi'úung' quií', jo júu' lajminá' fi' na fi' Jerusalén co' ja' nijmijí' jaléng' i dsea' i seeng' fi' na lajíi' júu^ e guia' quié'e." 19 Joba' jnea~ lalab cangñi~ quiá' dsea' na jo cafí' ire: "Fíi', ñib' i dsea' do guiá' e jnea~ ngi' lacoo' lacoo' li~ téé' guá' quiá' dsea' góo'oo' e jmán' n jaléng' dsea' i cúing' 'nua', jogui tøø re fi' 'nuañí' jogui jmi'huúin' nre cajo. 20 Jogui ie~ do mi~ cajngang' dsea' i Téé' do, jaang' dsea' i cajmé'e lajíi' e iing' 'nua' jogui caguiar' júu^ quií' cajo, dob síng' jnea~ ie~ jo e cuøø' júu^ quié'e e cajnga' dsea' quiá' i Téé' do. Jogui jnea' bi cajo dsea' cajmé'e e í' s'i' i dsea' i cajnga' quiá' i dsea' do lajee~ e cajngang' neiñ'." 21 Jo dsu' cajíng' Fíi' Dsea' Jmáang' cas'r' jnea~: "Teáng' fi' uø', dsuco' lana nisín' n 'nua' fi' fñ' li~ huúí' li~ seeng' dsea' i ja' líng' dsea' góo' dsea' Israel."

Mi~ casíng' Paa~ cóo' jaang' fii' 'léé'

22 Jo jíi' job jíi' caquiuiñ' núur' júu^ quiá' Paa~, co' mi~ canúur~ e nidsé' dsea' do e niguiár' júu^ quiá' Dsea' Jmáang' jee~ jaléng' dsea' i ja' líng' dsea' Israel, joba' canaaiñ' óo'tur jo fé'r': "Ja' 'né' e seeng' i dsea' na fi' jmigüi' la! jngang' naiñ' na!" 23 Jogui ta'biguir mí' jogui bó'r' 'lee' too' s'i'r', jogui bí'r' 'lee' fi' yá' cóo' jaguór' co' dsíng' guíiñ'.

²⁴ J_oba' i fii' 'lée- do caquiur' ta~ e nitáin' Paa- fí dsíí' 'nu~ jaléng' i 'lée- do. J_ogui caquiur' ta~ cajo e nibóøng- dsea` do cóo' loo' e laco' dsea` do nijmér- júu^ jiali' e ta' jaléng' dsea` mii' uii~ quiá'r-. ²⁵ Dsu' lajee~ e niñúum' Paa- røø' e lico' dsi'íing'gui e nibóøm-brein' do, lajee~ j_o cajming'í- Paa- i dsea` nu'luu~ quiá'- fii' 'lée- i si'í^ nijmeáng' ga` ír' do j_o cajíin'- casí'- rein':

—¿Su seab' fí' quíi- 'nú' e nijmihu'ng'na' jaang' dsea` i caliséng' fí' lí~ quia' dsea` romano ta~ e jii' ja` mí calita` bi dsíí' su dseáng' óor' dsee-?

²⁶ J_o mi~ canúu- i dsea` nu'luu~ quiá'- i fii' 'lée- do e cajíng'- i Paa- do laj_o, j_oba' dsifí' ladob cangáin'- e cangojmé'e'r~ júu^ i fii' 'lée- do quiá'r- j_o casí'- rein':

—¿E~ nijméé^ 'nu` cóo' i dseañu' do, có' dsea` caliséng' fí' lí~ quia' dsea` romano tab~ jín'- e líiin'?

²⁷ J_o dsifib' cangoquiéeng' i fii' 'lée- do fí' lí~ sing' Paa-, j_o cajming'í'- rein' do j_o cajíin'-:

—¿Su jáb'- e dsea` romanob líng' 'nu'?

J_o cañii' Paa- quiá'- i fii' 'lée- do j_o cajíin'-:

—E jáb'-, íb' jnea~.

²⁸ J_o cañii'tu i fii' 'lée- do quiá'- Paa- j_o cajíin'-:

—Jial jnea~ eám' cacáng- cuu- quié-e e ca'uúin- n dsea` romano.

J_o cañii'tu Paa- casí'r- i fii' 'lée- do:

—Dsu' jnea~ lín'n dsea` romano latí' mi~ cangáam' baa.

²⁹ J_o jaléng' i dsea` i si'í^ nijmihu'ng' i Paa- do, caliúum' yaaiñ~ fí' quini~ dsea` do. J_o j_igui i fii' 'lée- do caliúum' ñia'r' cajo mi~ caliñir' e dsea` romanob líng' i Paa- do; j_ogui ca'íb- fø' quiá'r- dsu' e nica'ñúng' neiñ' jéeng'gui.

Mi~ cangojéin' Paa- fí' quini~ dsea` quie' nifí' quiá'- dsea` Israel

³⁰ J_o mi~ cajneá- e jmi~ j_o, có' eám' iing~ i fii' 'lée- do e niliñir' røø' e~ uuing~ e dsee- e jmóo' dsea` Israel quiá'- i Paa- do, j_o cajé"bre e ñí^ cadena e ñúung' dsea` do, j_o caquiur' ta~ e niseáng' jaléng' fii~ jmidsea` cóo' gui jaléng' dseata~ i quie' nifí' quiá'- dsea` Israel e niseáin' do colíng~ e quiá'- nisíin- uii~ quiá'- i Paa- do. J_o mi~ nisiseáng' jaléng' i dsea` do, j_o caquiur' ta~ e cagü'íib' i Paa- do fí' dsíí' 'nuñí', j_o cangojéeng' neiñ' fí' quini~ jaléng' i dsea` i caseáng' do.

23

¹ J_oba' cajóøng- Paa- jaléng' i dsea` i quie' nifí' quiá'- dsea` Israel i caseáng' do j_o casí'- rein':

—Dsea` rú'uu', eám' guiá- nica'ee- jnea~ fí' quini~ Fidié~ latí' lana, có' ñi'baa e jmang'- e guiá-ba' nicajmé-e fí' quini~ dsea` do.

² J_o dsifí' laj_ob i dsea` mogui~ quiá'- jaléng' fii~ jmidsea` i sii' Ananías caquiur' ta~ quiá'- i dsea` i teáng- quiá'- laco' sing' Paa- e nijnéin'- do moni~ Paa-.

³ Dsu' i Paa- do cañiir' dsifí' lado, j_o casí'r- i jmidsea` Ananías do j_o cajíin'-:

—¿Fidiéeb~ nibá' quíi- 'nu' cajo, dsea` jløng'^! Song 'nu' guin' na lana quiá'- niquidsi' í' lajii' laco' júu^ quia' ta~ quiá'- Fidié~ e laco' si'íb^, j_o jiali' e 'nu' quiá' ta~ e nibóøng- dsea` jnea~? Có' fé' fí' ni~ júu^ quia' ta~ quiá'- Fidié~ e ja` cuøøng' jmé- dsea` laj_o.

⁴ J_oba' cañii' i dsea` i teáng- do quiá'- Paa- j_o casí'- rein':

—¿Su lanab fí' dsea` mogui~ quiá'- jaléng' fii~ jmidsea` quiá'- Fidié~?

⁵ J_oba' cañii'tu Paa- quiá'- i dsea` do j_o cajíin'- casí'- rein':

—Dsea` rú'uu', ja` ñi' jnea~ e i dsea` na líiin' dsea` mogui~ quiá'- jaléng' fii~ jmidsea`, j_oba' cafá'- a laj_o, dsu' faco' ñi' jnea~ e laj_o, ja` cafá'- a laj_o jóng. Có'

fí ni~ jì quiá'- Fidié~ e cajme' dsea` malii~ lalab fé': "Ja` fo` ga` quiá'- dsea` i` quiu' ta` fí` góo'."

⁶ Jo mi~ calilí^ Paa- e i` lling~ i` dseata~ quiá'- dsea` Israel i` caseáng' do líiñ' dsea` saduceo, jogui i` lling~guiñ' do quiñ'~ jee~ dsea` Israel i` lling' dsea` fariseo, joba' cajing'- Paa- casí'r- i` dsea` do cóo'~ júu^ teá' jo cajíñ'-:

—Dsea` rú`uu', dsea` fariseob lling' jnea~ cajo, jogui dsea` siju` dsea` íb` jnea~ cajo. Jogui i` dsea` na` 'niiñ` jnea~ co' e já'- lín` n e jí'tu dsea` mi~ ningí e júuiñ`.

⁷ Dsu' mi~ cató' fé' Paa- e jo, jaléng' i` dsea` i` lling' fariseo do cóo'~gui jaléng' dsea` i` lling' saduceo canaaiñ` e jmiquí'm'- dsí' rúñ' lajee` yaaiñ~, jo ca`uíng- tú- 'lé' i` dsea` i` caseáng' do ie~ jo. ⁸ Co' jaléng' i` dsea` i` lling' saduceo do fé'r e jo jí'tu dsea` mi~ ningí e nijúuiñ~, jogui fé'r e ja` seeng` jaléng' ángeles o'gui sea` jalé' jmiguí quiá'- dsea`; dsu' jaléng'gui i` dsea` i` lling' fariseo do jáb' líiñ` jalé' e júu^ jo. ⁹ Jo lajím' i` dsea` do cató'r' mii~ calé' catú-, jogui i` lling~gui i` tifa' quiá'- júu^ quiu' ta` quiá'- dsea` Israel i` quíng'~ jee~ dsea` i` lling' fariseo, íb` dsea` caróor- jo casíng' yaaiñ~ jo cajíñ'-:

—I` dseañu' la jíi~ coo' e ga` ja` e mí` cajméer'; lí^ jangám- song nicasíiñ- cóo'~ jaang` dsea` guí` osi cóo'~ jaang` ángel é.

¹⁰ Dsu' eáang'gui ta' jaléng' i` dsea` do mii~ lacoo` ya'. Jo i` fii~ 'lé- do cafóm'bre fing cajmé- i` dsea` do cui'^ Paa-. Joba' cató'r- tú- 'ní` mung' 'lé- quiá'r- e laco' niguíng- neiñ' lí~ iuuiñ~, jo nidsijeáang- neiñ' fí' 'nu~ jaléng' i` 'lé- do calé' catú-.

¹¹ Jo mi~ canuu` coo'gui jmii~ lajo, cajmijnéeng` 'ñia' Fí'naa' Dsea` Jmáang- fí` quini~ Paa- jo casí'- reiñ' jo cajíñ'-:

—Cuóø' bí` uø', Paa-, co' laco' nicaguiá'^ júu^ quié- e e fí' Jerusalén la, lajob 'né- guiá'^ júu^ quié- e cajo fí' Roma.

Mi~ casíng- dsea` jial nijngáñ'- Paa-

¹² Jo mi~ cajneá- e jmii~ jo, i` lling~ i` dsea` Israel do casíiñ- røø` e nijngáñ'- i` Paa- do, jogui cacuø' júu^ rúñ' lajee` yaaiñ~ do e dseáng'- ja` nidó'r- o'gui ni'í'r jíi~ coo' cartí` nilí'r e nijngáñ'- Paa-. ¹³ Jo jaléng' i` dseañu' dsea` Israel i` casíng- lajo tír' lí'gui lí'- tuláñ-. ¹⁴ Jo cangolíñ' fí' quini~ fii~ jmidsea` quiá'- dsea` góor` dsea` Israel cóo'~gui fí' quini~ dsea` cóong' quiá'r- jo casí'- reiñ' lala:

—Jnea'^ nicacuø`naa' júu^ quí-naa' lajee` yee~naa' e ja` ni`né' niquiee~naa' jíi~ coo' cartí` nilí'naa' nijngáng'^naa' Paa-. ¹⁵ Jogui 'nú' lana cóo'~gui i` dseata~ i` quie' nifí' quí-ii' caguaang-gui na, nifí'^na' fii~ 'lé- e nijajeáañ- i` Paa- do dsa'ó' fí' quini'na', jogui nijmee-na' e niligøøiñ' lico' nifí'^na' e nijmingí'na'r jalé' e dsee- e sea` quiá'r- la'uiing~ laná'- . Jogui jnea'^, dsea` tuláng-naa', nijmeáang'- guiá- yee~naa' e nijngáang'-naa'r guiá'^ fí' ná'-gui e nigüeáñ' catí' la.

¹⁶ Dsu' jaang` siming', jóo' i` dseamí` rúng' Paa- do, nicaliñi'bre lajíi~ e guiá' guiá- i` dsea` do quiá'- e nijngáñ'- i` Paa- do. Joba' cangór- dsifí' lado fí' 'nu~ jaléng' i` 'lé- do fí' lí~ iuung- Paa- e cangojmé- reiñ' júu^.

¹⁷ Jo mi~ ca'íng' Paa- e júu^ do, dsifí' lajob cató'r- jaang` dsea` nu'luu~ quiá'- fii~ 'lé- jo casí'- reiñ' jo cajíñ'-:

—Jéeng' i` siming' la fí' quini~ fii~ quí'-, co' lling~ ee` júu^ quie'bre e catíng- í'.

¹⁸ Joba' i` dsea` nu'luu~ quiá'- i` fii~ 'lé- do cajéiñ- i` siming' do fí' quini~ fii~ quiá'r-, jo lalab casí'r- i` fii~ quiá'r- do:

—I` dsea` sijníng~ i` sii' Paa- do cató'r- jnea~, jo camí'r' jnea~ e cagajéen-n i` siming' la fí' quini'^, co' lling~ ee` júu^ quie' quií-ba' jíñ'-.

¹⁹ Jo i` fii~ 'lé- do catíiñ- guoo' i` siming' do, jo cajéeng- neiñ' fí' coo' lí~ ja` ií` dsea` núu', jo cajmingí'- reiñ' jo cajíñ'-:

—¿E~ júu^ quié^ quié~e, siming'?

²⁰ Joba' cañí~ i siming' do jo cajíñ~ casí~ reiñ':

—Fíim' dsea` góo`o dsea` Israel nicasíiñ~ røø` e nimí'r~ 'nua` fí' e dsa'ó` niguiéen~ Paa~ calé` catú~ fí' quini~ jaléng' dseata~ i quie' nifí' quí~ii', dsea` lí'í' dsea` Israel. Jo i dsea` í` niguiar' guiá~ e nijmigóøiñ~ 'nua` e laco' nisíng~ gui røø` cuaiñ~ quiá~ dsee~ e sea` quiá~ i Paa~ do. Dsua' e jo nijmér~ e lí' laco' 'nua` niguiéem'~ba' dsea` do, jo lajob nilí'r~ nijngáng'~ neiñ'. ²¹ Dsua' ja` já~ güilín', co' lí'gui tuláng~ dsea` góo`o dsea` Israel nisíjeeiñ~ Paa~ e ñng' guiá^ fí' e iññ~ nijngáng'~ neiñ'. Jogui nicacuø' júu^ rúíñ' lajee~ yaaiñ~ e ja` ni'í' nidø'r~ jíi~ coø` lajee~ e ná~gui e nilí'r~ nijngáiñ~ Paa~. Jogui lana, guiáb~ nineáaiñ~ e lico' síje~ guir e niquiua^ 'nua` ta~ lajob e niguiéeng'~na' i Paa~ na fí' quini~ i dsea` quidsí' í' do.

²² Joba' i fii~ 'lée~ do casí'r~ i siming' do e ja` ii` nisíñ' do jíi~ jaang' lajíi~ júu^ e casíiñ~ do. Jo mi~ cangí jo, ca'í'bre júu^ i siming' do.

Mí~ caguiéiñ' Paa~ fí' quini~ dseata~ dsea` féng' i sii` Félix

²³ Jo dsifí lajob i fii~ 'lée~ do cató'r~ gáng~ dsea` nua'luu~ quiá'r~ jo casí~ reiñ' jo cajíñ~:

—Guieng~na' guiá~ tú~ ciento 'lée~ i ngí tñ~, jogui setenta i nigüea` cuea~, jogui tú~ cientogui i nicá` ñisua', jo nidséee' fí' Cesarea la ii~ ñua` e uøø` na.

²⁴ Jogui caquiua'gui i fii~ 'lée~ do ta~ quiá~ i dsea` nua'luu~ quiá'r~ do e niguiéiñ~ do guiá~ cuea~ i nigüea` i Paa~ do. Jogui jaléng' i 'lée~ do nisínur' júu^ e nijáiñ' Paa~ e guiúm~biñ' fí' quini~ i dseata~ dsea` féng' i sii` Félix i guing~ líng' ta~ fí' Cesarea.

²⁵ Jo i fii~ 'lée~ do casíiñ~ coø` jì` cóo'~ dsea` quiá'r~ e catíng~ i dseata~ dsea` féng' do jo lalab fé' e jì` do:

²⁶ “Jnea~ Claudio Lisias, fii~ 'lée~ quiá~ dsea` Jerusalén. Jo nisín^n e jì` la e tíng~ 'nua', Félix, dseata~ dsea` féng' i jmi'gó` dsea` eáang' lí' quiá' ta~ fí' na fí' Cesarea. Guicóo'~ba'. ²⁷ E laba' iin~n fíi' 'nua', e jaléng' dsea` Israel i seeng' fí' la nicasaiñ~ i dseañua' la i sii` Paa~, jo sí'í' e nijngám'~breiñ'. Dsua' dsifí' mí' caliñi' jnea~ e dsea` romanob líiñ', dsifí' ladob cangó~o cóo'~ 'lée~ quié~e jo calaam~baare. ²⁸ Jo co' jnea~ iin~n e calidseáang' dsii~ e~ uing~ e 'niiñ~ i dsea` do, joba' cajøø'n nre fí' quini~ dseata~ i quie' nifí' quiá~ dsea` Israel. ²⁹ Jo job caguo'~ júu^ e ni'niiñ~ dsea` do uíi~ e ja` jmiti~ Paa~ lajíi~ júu^ quiua' ta~ quiá~ Fidié~ e laco' tíng' i dsea` góor' dsea` Israel do e jmóor'. Dsua' ja` e dsee~ sea` quiáiñ~ e eáang' fa' dsí' í' e nijngáng'~ neiñ' o'gui e nitáng'~ neiñ' fí' dsí' 'nuañi'.

³⁰ Dsua' mi~ caliñii~ e i dsea` Israel do niguiar' guiá~ e nijngám'~bre Paa~, joba' fí' nab niguiéen~n dsea` do cóo'~ 'nua'. Jogui nicafíi~ bí jaléng' i dsea` i 'níng' ír' do e nab nijmér~ júu^ cóo'~ 'nua' e~ uing~ e jmóor' dsee~ quiá~ dsea` do. Jo lanab jíi~ lí' júu^ quié~e, dseata~ Félix. Guicóo'~ba'.”

³¹ Jo 'ñia' e uøø` jo jaléng' i 'lée~ do cajéem~bre Paa~ fí' e fii' lí' sii` Antípatris lí' laco' ta~ caquiua' i fii' quiá'r~ do. ³² Jo mi~ cajnea~ e jmii~ coø'gui do, jaléng' i 'lée~ i cangolíng' e ngí do caquim'~tur fí' Jerusalén fí' lí' sí' 'nua' do. Jogui jaléng' i 'lée~ i dsiing~ cuea~ do cangolíim~bre cóo'~ Paa~ cartí' Cesarea.

³³ Jo mi~ caguilíng~ i 'lée~ i jéeng' Paa~ do cartí' Cesarea, jo caja'bre e jì` do i dseata~ dsea` féng' i guing~ quiua' ta~ fí' jo, jogui cajám'~bir Paa~ cajo.

³⁴ Jo mi~ calí~ í' i dseata~ Félix do e jì` do, joba' cajmingí'r~ i Paa~ do jie~ fii' lí' seeiñ'. Jo mi~ caliñir' e fí' lí' se' Ciliciab seeng' i Paa~ do, joba' casí~ reiñ' do jo cajíñ~:

³⁵ —Mí~ nigüilíng~ jaléng' i dsea` i jmóo' dsee~ quiá~ do, joguib nisii~naa' e~ uing~ e 'niiñ~ 'nua'.

Jø mi~ cangî jø, caquiur' ta~ e jéeb' dsea` quiá~ i Paa~ do, jø fi' dob cajméerein' í fi' dsí' 'núu' li~ caquiur' dseata~ Herodes ta~.

24

Mi~ cajmi'ðng' 'ñia' Paa~ fi' quini~ dseata~ dsea` féng' i sii` Félix

¹ Jø mi~ cangî 'ñia` jmi~ lajò, caguié~ i dsea` mogui~ quiá~ jaléng' fii~ jmidsea` i sii` Ananías do fi' Cesarea colíng~ cóo~ cóo~ tú~ máng~ dsea` cóðng~ quiá~ dsea` Israel cóo~ gui jaang` dseañu' i tñng` féng~ dsea` eáang` i sii` Tértulo. Jø jaléng' i dsea` la caguiñ~ fi' Cesarea do, jø caguijméer` dsee~ quiá~ Paa~ fi' quini~ i dseata~ dsea` féng' i guing~ fi' jø.

² Jø mi~ cahuí' ta~ e caguijéeiñ` Paa~ fi' quini~ i dseata~ do e quiá~ e nisíng~ e júu` do, joba' canaang` i Tértulo do e 'nñiñ` Paa~ fi' quini~ i dseata~ Félix do jø lalab cajíñ`:

—'Máam' 'nu', dseata~ dsea` féng' quí~ii', e la'eáang' 'nu'ba' e see~naa' juguiú~ júu` røð. Jøgui la'eáang' e eám' tñn' cajo, jmiguiub' jalé' e guiú~ nica'uíng~ latøøng~ góo'naa'. ³ Jø jalé' e jø eám' iáang` dsí' jnea'^, dseata~ quí~ii' Félix; jø gui'máam'ba' quiá~ jalé' e jø. ⁴ Jø ja' iin~n e jmi'ñng' guí' 'nu' eáang', fa' nijíeb' o' e ninúu'^ lajii~ júu` quí~naa' cateá' lajò. ⁵ Jø lana nicadsé'naa' jalé' e ga' e jmóo' i dseañu' na fi' latøøng~ fi' jmigüi' e 'nóor' mí' quiá~ jaléng' dsea` Israel e laco' ni'náng` dsea` quiá~ rúñ'. Jøgui lím'bir cajo dsea` mogui~ quiá~ cóo' lé' dsea` Israel i sii` nazareno. ⁶ Jøgui ja' jmi'gór' lajii~ e tñnaa' fi' guá~ fé' quí~ii' fi' Jerusalén; co' iñ~ nidsijéeiñ` dsea` i ja' líng' dsea` Israel fi' dsí' sinúu' guá~ quí~ii' do, jø uing~ e joba' e caséng~naa're. ⁷ Jø lamí~ iinaa' ni'f'naa' í' quiá'r~ jii~ laco' fé' júu` quiu' ta~ quí~ii', dsu' dsifí' lajòb i fii' 'léé~ i sii' Lisias do caguiñ` dsea` do laguidseaang~ fi' jaguóo'naa'. ⁸ Jø cajíñ` e lajaléng' jnea'^ dsea` cuøø~naa' dsee~ catíng~ e nija'níng'naa'r fi' quini'^.

⁹ Jøgui mi~ calí~ fé' Tértulo e jø, jøgui café' gui jaléng' dsea` Israel i teáang~ gui cóo'r~ do, jø jiiñ` e dseáng'~ já~ba' jalé' e jmóo' i Paa~ do, jø røðb` dseáng'~ síiñ` cóo' i Tértulo do e jmóor` dsee~ quiá~ Paa~.

¹⁰ Jø mi~ cangî jø, i dseata~ Félix do cajméer' li~ cóo' guóor` e sí'r' Paa~ e cuøøm` nífé' dsea` do júu` quiá'r~. Joba' caróo~ Paa~ jø cajíñ`:

—Eám' iáang` dsii~ e nijmi'ðng' 'ñia'a' quini' 'nu', dseata~ quí~ii', cuaiñ` quiá~ jalé' dsee~ e jmóo' i dsea` na quí~e. Co' ñi'baa' guiú~ e 'nu'b` dsea` i quidsí' í' røð quiá~ dsea` góo'naa' dsea` Israel lajii~ níngóob' eáang'. ¹¹ Jø cuøøm` nilidseaang'~ o' e nabi ngóo' guitu' jmi~ e caguié~ e fi' Jerusalén e jmifén'n Fidiéé'. ¹² Jø ja' cadsé' jaléng' dsea` na jii~ cóo' dsee~ e laco' ni'níñ` jnea~, fa' e sín'n jñn~n cóo' dsea`, o'gui tá'a mí' jee~ jaléng' dsea` fi' sinúu' guá~ fé' quiá~ dsea` góo'o e si' fi' jø, o'gui fi' dsí' sinúu' guá~ jii quiá~ dsea` góo'o cajo, o'gui lacaang' li~ jíé' fi' jee' fii'. ¹³ Jø jaléng' i dsea` 'níng' jnea` i teáang~ la ja' niguié'r' jii~ cóo' dsee~ quí~e e e jmóor', co' ja' e røðn~ jii~ cóo' laco'gui la fé'r'.

¹⁴ Dsu' e já~ e jmóo'o lajii~ e iing~ Fidiéé' i jmiféng' 'li~ dsea` cóðng' quié~e, dsea` Israel, laco' cóðng' røð cóo' fi' guiú~ quiá~ Dsea` Jmáang~. Jø fé' i dsea` góo'o na e jnea~ ja' jmitii~ lajii~ júu` quiu' ta~ quiá~ Fidiéé' e cajme' Moi~; dsu' o' já~ e lajò, co' jnea~gui jáb~ lín'n jalé' e júu` jø cóo'gui jalé' e júu` e cajme' dsea` i café' cuaiñ` quiá~ Fidiéé' malí~gui eáang'. ¹⁵ Jøgui jáb~ lín'n røðb` laco'gui i dsea` í e jí'tu jaléng' 'li~ la'eáang' cóo' Fidiéé' nañí' fa' líiñ' dsea` guiúng~ osi i sitíng~ e 'léé' é. ¹⁶ Joba' cuøø~bi dsii~ e ee' e guiú~ fi' quini~ Fidiéé' jøgui fi' quini~ dsea` rún'n dsea` jmigüi' cajo.

17 Dsu' mi~ cangf' tú~ 'ní jii' e ngii' fí lí' jié', joguiba' caquin' túu fí Jerusalén e ngocuøø-ø cuu~ jaléng' dsea' tiñing~, jogui ngocuøø-ø Fidié~ laco' litíng' dsea' góo'ò dsea' Israel e cuø'r' dsea' do. 18-19 Jo lajee~ táan'n jmoó'o jalé' e jo e ningí' e caliguiún~ n fí quini~ Fidié~ laco'gui la fé' dsea' góo'ò dsea' Israel, jo ie~ jo ja' 'ga' lí' siseáng' dsea' e jøø'r- quíá'~ lajii'~ e lí' quíe~e, o'gui míi'~ téé'~ jii'~ capí'~ cajo. Jo job mi~ caguilíng~ coo' tú~ m'ng' dsea' Israel i jalíng~ fí lí' se' Asia, jo cadséiñ' jnea~ fí dsí' guá'~ fé' e si' fí Jerusalén do. Jo i dsea' íb' i catíng~ e nigüilíng~ fí la e 'niñ~ jnea~ faco' sea' dsee~ quíe~e quini~. 20 Jogui co' ja' dsee~ caliseá' quíe~e, joba' i dsea' i teáng~ la lana cuøøm' nijmér~ júu^ song cadsér' dsee~ quíe~e e líng~ ee' cajmé~e mi~ cajéiñ' jnea~ fí quini~ dseata~ i quíe' nifí' quí' jnea', dsea' líi' dsea' Israel. 21 Co' lajii'~ e too' dsii~ e cafá'~ a cóo'~ júu^ teá' lajee~ sín'n fí quini~ i dsea' quidsí' í' do jo cafá'~ a: "Lana 'nú' cuø'na' jnea~ dsee~ dsuco' e já'~ lín'n e jí'tu jaléng' 'lí' mi~ ningí' e júuiñ'."

22 Jo co' niñib' i dseata~ Félix do guiá' jial jalé' júu^ quíá'~ Dsea' Jmáang~, joba' mi~ canúur~ jalé' júu^ e cajíng'~ Paa~ do, caje'bi quíá'~ e niquidsir' í' lajminá' quíá'~ dsea' do jo casí'~ reiñ':

—Mi~ nigüéng~ i fii' 'léé~ Lisias, íguibing' nijmé'~ júu^ røø' jnea~ cuaiñ' quíá'~ e dsee~ e sea' quí'~ e 'níng' jaléng' dsea' 'nu'.

23 Joba' casí'~ i dseata~ Félix do i dsea' nu'luu~ quíá'~ i fii' 'léé~ do e gü'iuum~bi Paa~ sijníiñ' lajee~ jo, lifa' cuøøm' e jaléng' dsea' i cúing' dsea' do nijmicóo'~ reiñ' lajee~ iuuiñ'~ do.

24 Jo mi~ cangf'gui tú~ 'ní jmi~ lajo, caguiéb~tu i dseata~ Félix colíng~ cóo'~ dseam' quíá'r' i sii' Drusila i líng' dsea' Israel, jo caguilíñ' fí lí' tdsí' í' quíá'~ dsea'. Jo dsifí' lajob caqui' i dseata~ do ta~ e nilité'~ Paa~ e fí lí' quidsir' í' do. Jo mi~ caguié~ Paa~ fí jo, jo canaaiñ' guiar' júu^ quíá'~ Dsea' Jmáang~ jial laco' nijáng' yaang~ dsea' fí jaguó' dsea' do. Jo canúub~ i dseata~ do jalé' e júu^ quíá'~ Paa~ do. 25 Dsu' mi~ canaang' Paa~ e fé'r' jalé' júu^ quíá'~ jial nisíng' yaang~ dsea' fí guiá', jogui jial ja' nibeáng' dsea' dsee~ yaaiñ~, jogui jial mí' nití' í' e niquidsí' Fidié~ í' quíá'~ lajaang' lajaang' dsea' jmi'güi', joba' mi~ canúu~ i dseata~ Félix do jalé' e júu^ quíá'~ Paa~ do, jo cafóm'bre jo cajíñ'~ casí'r' Paa~:

—Guøm'^tu' fí lí' iuun'~ do lana. Nab nijmee~e júu^ lí' e jøøn~, joguiba' nitøø'^túu' 'nu' fí la.

26 Jogui cajo i dseata~ Félix do cuub~ íng' dsí'r' e nicuø'~ Paa~ ír' e laco' e nileáiñ' dsea' do. Jo uing~ joba' e tø'r' Paa~ sojié' e sáiñ' cóoiñ'~. 27 Jo tú~ jí' cangoca' e jmóor' lajo. Dsu' mi~ cangf' jo, cagüi'fí' i Félix do e líiñ' dseata~ dsea' féng', jo calí' jaang'gui dsea' cuaiñ' quíá'r' i sii' Porcio Festo. Jo co' i dseata~ Félix do iñ' e guiáb~ nijér~ cóo'~ dsea' Israel, joba' caseám'bre Paa~ lado la sijním'biñ'.

25

Mi~ caguié~ Paa~ fí quini~ dseata~ dsea' féng' i sii' Festo

1 Jo coob' mi~ catí' í' e nilíng~ Festo dseata~ dsea' féng', jo mi~ cangf' 'ní jmi~ lajo cagüi'fí'bre fí Cesarea jo cangór' fí Jerusalén. 2 Jo mi~ caguié~ fí jo, dsifí' lajob jaléng' fii' jmidsea' cóo'~gui jaléng' dsea' Israel i laniing~ i neáng' fí Jerusalén ie~ jo caguilíñ' e jmóor' dsee~ quíá'~ Paa~ fí quini~ i dseata~ Festo do. 3 Jo jaléng' i dsea' jmóo' dsee~ quíá'~ Paa~ do camí'r' jmi'ee~ i dseata~ do e laco' niquíá' dsea' do ta~ i Paa~ do e nidséng'~tur fí Jerusalén e quíá'~ nitidsí' í' quíá'r' fí jo, dsu' iñ' jmér~ lajo e lí'^ laco' nilí'r' e nijngáng'~neiñ' guiá'^ fí

e tul'ib'. ⁴ Joba' cañi' i dseata~ Festo do quiá'- i dsea`jmóo` dsee~ quiá'- Paa~ do jo casí'-reñ' jo cajíñ':

—Fí' dob iuung~ Paa~ sijníñ' fí' Cesarea, jo 'ñiá'baa í dsii~ ninín'^n fí' do e jo`jmi'ing~ 'ñiá'a. ⁵ Jo jaléng' dseata~ quií'na' 'né~ nidsiliñ~ cóo'~ jnea~ fí' Cesarea, jo song sea`dsee~ e nica'ée' i dseañu' do, joba' fí' job cuøong`jmee~na' dsee~ quiá'r~.

⁶ Jo caje'bi dseata~ Festo fí' Jerusalén jñiá~ si guí~ jmí~gui. Jo mi~ cangí' jo, joguiba' caquiñ' fí' Cesarea. Jo mi~ cajneá~ e jmí~ jo, jo cangó~bre fí' lí nigüear~ e niquidsir' í'. Jo caquiur' ta~ e calité'^ Paa~ fí' jo. ⁷ Jo mi~ tí' lí ca'í' Paa~ fí' jo, dob niteáang~ jaléng' dsea'Israel i jalíng~ tí' Jerusalén i jmóo` dsee~ quiá'r~ do, jo cangoquiéiñ' fí' quini~ i dseata~ do jo canaaiñ' jmóor` dsee~ quiá'- Paa~, jo iib`eáang' e dsee~ e cuø'reiñ' do, dsu' jii~ cóo' ja' e cadsé'r' fa' dseáng' e já'~ lajii~ e dsee~ e jmóor` quiá'- dsea` do.

⁸ Joba' cañi' i Paa~ do fí' quini~ i dseata~ do cóo'~ júu^ e jmi'øng' 'ñia'r' jo cajíñ':

—Jii~ cóo' e ga`ja` mí' cajmé~ jnea~, o'gui fa' nica'fá'-a ga` uii~ quiá'- jalé' júu^ quiu' ta~ quiá'- dsea`góo` dsea'Israel, o'gui fa' nica'fá'-a ga` uii~ quiá'- guá'~ fé' quiá'- dsea` í' cajo, o'gui quiá'- dseata~ dsea`féng' i guing~ quiu' ta~ fí' Roma.

⁹ Jogui có' i dseata~ Festo do iñ~ e jér~ guiáb~ cóo'~ jaléng' dsea'Israel, joba' cajmingí'r~ Paa~ jo cajíñ' casí'-reñ' lala:

—¿lin' e guó'^ fí' Jerusalén, jo fí' job niquidsi` jnea~ í' quií'~ lajii~ e 'níng' dsea`'nu'?

¹⁰ Joba' cañi' Paa~ quiá'- i dseata~ Festo do jo cajíñ':

—Fí' lab iuun~ fí' lí quidsi' dseata~ dsea`féng' dsea` guing~ fí' Roma í', joba' fí' lab lí catíng~ e nitidsi' í' quié~e. Jogui guiáb~ ní' 'nu' cajo, dseata~ quií'~ii', e jii~ cóo' e ga`ja` mí' cajmé~ e quiá'- jaléng' dsea`góo'. ¹¹ Jogui song nica'ee~ dsee~ e lahuíng' e dsí' í' e nijngáng'^na' jnea~, cuøm` lí jmee~na' lajo, jo ja' e fá'a jii~ cóo'. Dsu' song ja'gui sea` jii~ cóo' dsee~ quié~ e laco' jii' e 'níng' dsea` jnea~, jii' jaang` dsea` sea' fí' quiá'r~ e nijaiñ' jnea~ fí' quini~ dsea` i 'ní' ní' quié~e. Joba' mii~ e 'ñiab' i dseata~ dsea`féng' i quiu' ta~ fí' Roma niquidsir' í' quié~e.

¹² Jo mi~ cangí' jo, i dseata~ Festo do casíñ~ cóo'~ jaléng' i dseata~ rúíñ' caguiaang~gui do. Jo lí~ jo cajíñ' casí'r~ Paa~:

—Lí' laco' nicamí' 'nu' uø' e i dseata~ dsea`féng' dsea` quiu' ta~ fí' Roma do, í'bing' niquidsi' í' quií', jo cóo'~ íb` niguó'^ lana.

Mi~ casíng~ dseata~ Festo cóo'~ jaang` dseata~ dsea`féng' i sii` Agripa

¹³ Jo mi~ cangí' tú~ 'ní' jmí~ lajo, i dseata~ dsea`féng' i sii` Agripa do colíng~ cóo'~ i dseamí' rúíñ' i sii` Berenice cangoliñ' fí' Cesarea e cango'eer~ i dseata~ Festo do. ¹⁴ Jo huøb~ jiu cajer' cóoiñ' do fí' Cesarea. Joba' lajee~ jo, i dseata~ Festo do casí'r~ i dseata~ dsea`féng' Agripa do lajii~ e lí' quiá'- i dsea` i sii' Paa~ do, jo cajíñ' casí'-reñ':

—Lana lab iuung~ jaang` dseañu' i sijníng~ i caseáang' dseata~ Félix mí' cagü'íur'. ¹⁵ Jogui mi~ cataan~n cateá' fí' Jerusalén, jaléng' fii~ jmidsea` quiá'- dsea'Israel cóo'~gui jaléng' dsea` cóong'~ quiá'r~ caguiliñ' 'ñiñ' i dseañu' i sii' Paa~ do fí' quini~, jogui camí'r' jnea~ e fa' niquiá'^u ta~ e nijúum~ dsea` do. ¹⁶ Joba' cangí~ quiá'- jaléng' i dsea` i jmóo` dsee~ quiá'- Paa~ do e ja' lajo tíng' dseata~ dsea`féng' i guing~ fí' Roma fa' e quiu'r' ta~ e dseáng'~ nijúung~ dsea' lajee~ nu'~gui e niquidsir' í' quiá'- i dsea` røong` dsee~ do jogui e nisíñ~ cóo'~ i dsea` i 'níng' ír' cajo e laco' nijmi'øng' yaaiñ~ cóo'~ jalé' e dsee~ e 'níng' dsea` ír' do. ¹⁷ Joba' mi~ cagü'íling~ i dsea` i jmóo` dsee~ quiá'- Paa~ do fí' la,

jo` e cajmí'ñing` ñiá'a, co' dsifí' mi` cajneá` e jmí` coo`gui do cangó`baa fí' lí' niquidsii` í', jo caquiá'`ta` e calitéb` i Paa` do fí' lí' iuuiñ` . 18 Dsu' jaléng' i dsea` i caseáng' i 'níng' ír` do ja` canú`u fa' e fé'r` uii` quiá'` i Paa` do laco' jii` e lamí` í' dsi` jnea` . 19 Co' lajii` dsee` e jmóor` quiá'ñ` e quiá'` lajii` júu` e já'` líiñ` quiá'` Fidié` quiá'r` , jogui quiá'` jaang` dseañu` i sii` Jesús i nicajúng` do jogui fé'r` e jí'biñ` do. 20 Jo co' jo` ñi` jnea` ee` nijmee` e cóo'r` quiá'` jalé` e dsee` e jmóo` dsea` quiá'r` do, joba' cajmingí`ire e song` iñ` e nidsér` fí' Jerusalén e nitidsi` í' quiá'r` fí' jo. 21 Dsu' ñia'r` cajíñ` e ja` iñ` dsér` , jogui nicamír` e i dseata` dsea` féng' i guing` fí' Romabing' i niquidsi` í' quiá'r` . Joba' caquiá'`ta` quiá'r` e lamí` iuum`bir sijñiñ` cartí' niguiéen`nre fí' quini` i dseata` dsea` féng' do.

22 Joba' cañí' i dseata` Agripa do quiá'` dseata` Festo jo cajíñ` :

—Íim`bi jnea` nuu`u júu` quiá'` i dseañu` do cajo.

Joba' cañí' dseata` Festo quiá'` i dseata` dsea` féng' do jo casí`-reiñ` :

—Dsa'ób` ninúu` lajii` júu` quiá'r` .

Mi` caguié` Paa` fí' quini` dseata` dsea` féng' Agripa

23 Jo mi` cajneá` coo`gui jmí` lajo, i dseata` dsea` féng' Agripa do cóo`gui i Berenice do caguiliñ` cangotáaiñ` laco' dsea` 'goo` fí' sinúu` lí' tidsi` í' quiá'` jaléng' dsea` jo jée` jaléng' fii` 'lée` quiá'r` cóo`gui jaléng' dsea` niing` i jalíng` cóo'r` . Jo mi` caseáng' jaléng' i dsea` do fí' do, i dseata` Festo do caquiá'r`ta` e cangotée` 'lée` i Paa` do jo cangojéng`neñ` fí' lí' nisiseáng' dsea` do. 24 Jo mi` caguiér` fí' jo, lalab cajíng' i dseata` Festo do:

—Dseata` dsea` féng' Agripa cóo`gui lajüing` dsea` i siseáng' la lana cóo` jneaa`aa', nab nisíng' i dseañu` do lana. Jo lajüim` dsea` Israel nicajacóor` dsee` quiá'` i dseañu` na lajee` cataan`n fí' Jerusalén jogui fí' la fí' Cesarea cajo, jogui dsíng' ta'r` má' e mír` jnea` fa' e niquiá'`ta` e nijúum`biñ` na.

25 Dsu' jnea`gui lín`n e ja` e mí' 'léer` jii` coo` fa' e dsi` í' e nijúuiñ` . Jo ñia'`guir nicamír` e i dseata` dsea` féng' dsea` guing` fí' Romabing' i niquidsi` í' quiá'r` , joba' nica'f` dsii` e fí' job` niguiéen`nre. 26 Jo co' ja` ñi`guí` e dseáng' e nifí`i i dseata` dsea` féng' do cuaiñ` quiá'` i dseañu` na, joba' catóø`øre la'uii` fí' quini` 'nu`, dseata` dsea` féng' Agripa, e laco' niquidsi` í' quiá'r` . Jo lajoba' sea` e nitóo` jnea` fí' ni` jì` e niguiéen`n quiá'` dseata` dsea` féng' i guing` fí' Roma. 27 Co' gab`jiu` lí' lín`n e niguiéen`n jaang` dsea` i sijníng` jogui ja` ñi` e` nitóo`o fí' ni` jì` quiá'` lajii` e 'níng' dsea` ír` do.

26

Mi` café` Paa` fí' quini` dseata` dsea` féng' Agripa

1 Jo mi` cangí` e café` dseata` Festo júu` quiá'r` , joba' casí`- dseata` dsea` féng' Agripa i Paa` do jo cajíñ` :

—Cuøøm` fo` júu` quiá'` lana.

Jo dsifí' ladob cajmée` Paa` lí' cóo` guóor` e quiá'` nifé'r` jo lalab canaaiñ` fé'r` :

2 —Dseata` Agripa, eáam` íáang` dsii` e nifá'`a júu` quié` e fí' quini` 'nu` lana e nijmi'óng' ñiá'a quiá'` jalé` dsee` e nicajaca` dsea` góo`oo' dsea` Israel quié` e. 3 Jo co' cuíib` 'nu` jalé` e títng` jnea`^, dsea` lí'í' dsea` Israel, cóo`gui jalé` júu` qui`ii` e sñ`naa', joba' mi` jmí'ee` quini`^ lana e ninúu` jalé` júu` quié` e e nifí`i 'nu` car` niteám`baa.

Jial seeng` Paa` ná'`gui e calicuíñ` Dsea` Jmáang`

4 'Lajüim` dsea` góo`oo' dsea` Israel ñir` jial calisén`n jee` ír` fí' góo`oo' jogui fí' Jerusalén latí' jii` le'eáam`baa. 5 Jogui ñi`bi guíu` jaléng' i dsea` í` e dsea`

fariseob líng' jnea~ lati' jji~ mali~ , jogui cuøøm` nijíñ'- lajo song iíñ~ . Jogui lajee~ jaléng' jnea^, dsea` lííí' dsea` Israel, dsea` fariseo i lajang'-gui jmiti~ lajii~ júu^ quiu' ta~ qui~ii' quiá'- jial 'né~ nijmiféng' dsea` Fidiéé'. ⁶ Jogui lanagui nicajééñ` jnea~ fí' la e quiá'- nitidsi' í' quié-e, dsuco' e jnea~ jáb'- líín'n lajii~ júu^ quiá'- Fidiéé' e casée' líí~ dsea` áang' qui~ii' e jí'tu jaléng' dsea` mi~ ningí e júuñ~ . ⁷ Jo e lab júu^ e cacuø' Fidiéé' líí~ dsea` áang' qui~ii' do, jo laji' guitu' 'lé' dsea` góo'oo' dsea` Israel sijeem`bre i dsea` i cajíng'- Fidiéé' i nisíñ' fí' jmigüi' la. Joba' uøø' jmí~ ja' tá' dsea` góo'oo' e jmiféñ' Fidiéé' jogui e jmóor' lajii~ e iing~ dsea` do. Jo uíi~ e já'- líín'n e nicagüéng- i dsea` i sijeeng`naa' do, joba' cuø' dsea` góo'oo' dsea` Israel jnea~ dsee- lana, dseata~ qui~ii' Agripa. ⁸ Joba' jzjali' ja' iing~ 'nú', dsea` góo'oo' dsea` Israel, já'- líng'na' e Fidiéé' cajméer' e cají'tu Jesús jee~ jaléng' 'líí~ mi~ cangí e cajúñ~ ?

Mi~ cajíng'- Paa- jial cajmeáñ' ga' jaléng' dsea' quiá'- Dsea' Jmáang-

⁹ 'Dsú' e já'-ba' e caí' dsii- ie~ lami~ jééng'gui do e cajmeáan~n ga' jaléng' dsea' quiá'- Jesús i seeng' fí' Nazaret. ¹⁰ Jo lajob cajmé- e fí' jee~ fíí' Jerusalén, e cangomi~ júu^ fí' quini' jaléng' fii~ jmidsea' e catán'n fíing' dsea' quiá'- Dsea' Jmáang- fí' dsíí' 'núñí'. Jogui mi~ huí' ta~ e júung- jaléng' i dsea' í, dob sín'n e cuøø- júu^ quié-e cajo. ¹¹ Jogui jmiguiúung- née'~bi cajmeáan~nre e laco' nitár' lajii~ júu^ e já'- lííñ' quiá'- Dsea' Jmáang- do. Jo jalé' e na cajmé- e fí' laco' sínúú' guá'- qui~ii', dsea' lííí' dsea' Israel. Jogui dseáng'- eáam' 'ní' camán~nre lajaléñ' do, co' jì' gui ngíi- e jmáan~nre ga' cartí' doñí' jíé' fí' seem`bre. Lajob cajmé- e lajee~ ná'-gui e calicuín'n Dsea' Jmáang- .

Mi~ cajíng'-gui Paa- júu^ quiá'- mi~ calicutíñ` Dsea' Jmáang-
(Hch. 9:1-19; 22:6-16)

¹² Jo coo' ya', lajee~ e iuun- fí' ngóo' fí' Damasco cuaiñ~ quiá'- e jmáan~n ga' jaléng' dsea' quiá'- Dsea' Jmáang- i seeng' fí' do, jo ie~ jo ningóo'oo' quiee- ta~ cóo'~gui júu^ quiá'- jaléng' fii~ jmidsea' quiá'- dsea' góo'oo' dsea' Israel e nijmeáan~n ga' jaléng' dsea' cúing' Dsea' Jmáang- . ¹³ Jo lajob fíí-guú' 'nú, dseata~ Agripa, e lajee~ gui'ná'^ iuun- fí' e ngóo' fí' Damascob, í' e ngóo' guieñí'- jóob' camó-o coo' jì' e jì' jlo'^ e eáang'gui jíing' jì' laco'gui jì' iee~ . Jo e jì' do jáa' fí' yá'^ jmigüí, jo cajneá- fí' lacúng' lajíng' lí~ ngóo'naa' do lajee~ e téé~naa' fí' ngóo'naa' fí' Damasco. ¹⁴ Jo dsifí' mi~ cangí e cajneá- e jì' do, lajii~baa' la'ó' ngóo'naa' do caquíng'-naa' fí' ni~ uó~ . Jo canú- jnea~ e líing~ ií' guicafé' cóo'~ jmí' hebreo e tór' jnea~ jo guicajíñ'- lala: "Saulo, Saulo, jzjali' jmáan~ jnea~ ga'? Co' jalé' e jmoo' na e jmáang' uøø'ba' na, laco'gui dsingíng- jaang' güitá' mi~ iá' fii~re' sñ- sñ' mo'uøø're' song ja' núu're'."

¹⁵ 'Jo cangí~ quiá'- i guicafé' do jo cafá'-a: "¿Í' 'nú, Fíí'?" Jo cañí'tu i guicafé' do jo guicajíñ'-: "Jneab~ Jesús i ngí' 'nú' jmáan~ ga' lana. ¹⁶ Jo lana, ráan'- jo jmee- sín'-, dsuco' lana cajmijnéeng' 'ñiá'a' fí' quini'^ e laco' nijme'^ lajii~ e iin~n jogui niguiá'^ júu^ quié-e fí' quini~ jaléng' dsea' quiá'- jalé' e nicañí'- la lana jogui cóo'~ jalé' e nabi niliñí'^ quié-e cajo. ¹⁷ Jogui lana nilaam~baa' 'nú' jee~ jaléng' dsea' góo' dsea' Israel i 'ní' níing- 'nú' cóo'~gui jee~ dsea' i ja' líng' dsea' Israel cajo. Jogui jneab~ nisín^n 'nú' jee~ jaléng' dsea' i ja' líng' dsea' Israel. ¹⁸ Jo ta~ lajoba' nisín^n 'nú' e laco' güí'éé'~ dsea' jial laco' ninea' moguir~, jogui e jo' niliseeng'guir e dsee- quiá'r- quiu' ta~ ír, co' lí'^ lí' 'né- e niquí'- jíng' yaaiñ~ fí' quini~baa, jo lajoba' jo' niliseeíñ' e quiu'gui fii~ i 'líng' i sii' Satanás ta~ quiá'r-, jo nináíñ' e jnea~ dsea' nicaa- nifí' quiá'r-. Jo nisín^n 'nú' jee~ jaléng' dsea' i ja' líng' dsea' Israel lajo e laco' já'- nilíng' i dsea' í' lajii~ júu^ quié-e, joba' niñíñ' e nilíng- jalé' dsee- quiá'r-, jogui ni'íñ'

lajji¹ e catíng² e cuóø³ ø jaléng⁴ dsea⁵ quíe⁶ e, dsea⁷ i caguíng⁸ Fidiée⁹ e laco¹⁰ ni'uíng¹¹ dsea¹² güeang¹³ quíar¹⁴.”

Mi¹⁵ cajmé¹⁶ Paa¹⁷ náu¹⁸r¹⁹ quíar²⁰ lajji²¹ e cangár²² do

¹⁹ Jo lajob líi¹, dseata² Agripa, cajmé³ baa náu⁴~u lajji⁵ e camó⁶ o jogui canú⁷ u e jáa⁸ fí yú⁹ jmigüi¹⁰. ²⁰ Jo la'uii¹¹ canaan¹² e jmóo¹³ o ta¹⁴ guía¹⁵ júu¹⁶ quíar¹⁷ Dsea¹⁸ Jmáang¹⁹ fí jee²⁰ jaléng²¹ dsea²² seeng²³ fí Damasco, jogui mi²⁴ cangí²⁵ jo fí jee²⁶ jaléng²⁷ dsea²⁸ seeng²⁹ fí Jerusalén, lí³⁰ latøøng³¹ lí³² se³³ Judea. Jogui lajobi fí jee³⁴ dsea³⁵ góo³⁶ oo³⁷ dsea³⁸ Israel e fí³⁹ ire e nijáng⁴⁰ yaaiñ⁴¹ fí jaguó⁴² Dsea⁴³ Jmáang⁴⁴ jogui e niqú⁴⁵ níjng⁴⁶ yaaiñ⁴⁷ fí quini⁴⁸ Fidiée⁴⁹, jogui e 'né⁵⁰ ni'ér⁵¹ jmang⁵² e guiáb⁵³ e laco⁵⁴ cuó⁵⁵ lí⁵⁶ e nicaquí⁵⁷ jím⁵⁸ yaaiñ⁵⁹ fí quini⁶⁰ Fidiée⁶¹. ²¹ Jo uíi⁶² jalé⁶³ e júu⁶⁴ e guíaa⁶⁵ dob, casang⁶⁶ jaléng⁶⁷ dsea⁶⁸ góo⁶⁹ oo⁷⁰ dsea⁷¹ Israel jnea⁷² fí siguí⁷³ quíar⁷⁴ guá⁷⁵ quí⁷⁶ ii⁷⁷, jo jígú⁷⁸ lamí⁷⁹ iñ⁸⁰ e nijngám⁸¹ bre jnea⁸². ²² Dsu⁸³ Fidiée⁸⁴ eám⁸⁵ jmicóo⁸⁶ r⁸⁷ jnea⁸⁸, joba⁸⁹ guiáb⁹⁰ seen⁹¹ lati⁹² lana. Jogui dseáng⁹³ ja⁹⁴ jmitúng⁹⁵ dsii⁹⁶ e guíab⁹⁷ júu⁹⁸ quíar⁹⁹ Dsea¹⁰⁰ Jmáang¹⁰¹ fí jee¹⁰² lajñng¹⁰³ dsea¹⁰⁴, jiuuiñ¹⁰⁵ tá¹⁰⁶ e cóøiñ¹⁰⁷. Jogui ja¹⁰⁸ fá¹⁰⁹ a jji¹¹⁰ coo¹¹¹ júu¹¹² e ja¹¹³ cóøng¹¹⁴ røø¹¹⁵ cóo¹¹⁶ jalé¹¹⁷ e café¹¹⁸ i dsea¹¹⁹ i café¹²⁰ cuaiñ¹²¹ quíar¹²² Fidiée¹²³ mali¹²⁴ gui eáng¹²⁵, fa¹²⁶ la Moi¹²⁷ e caséer¹²⁸ júu¹²⁹ e la guím¹³⁰ 'né¹³¹ niliti¹³² fa¹³³ la e fé¹³⁴ lala¹³⁵ ²³ e dseáng¹³⁶ nisi¹³⁷ í¹³⁸ ba¹³⁹ e nijúung¹⁴⁰ Dsea¹⁴¹ Jmáang¹⁴², dsu¹⁴³ mi¹⁴⁴ ningí¹⁴⁵ e nijúuiñ¹⁴⁶ do, í¹⁴⁷ bre dsea¹⁴⁸ la'uii¹⁴⁹ nijí¹⁵⁰ tur jee¹⁵¹ jaléng¹⁵² lí¹⁵³. Jogui í¹⁵⁴ bre dsea¹⁵⁵ niguiár¹⁵⁶ júu¹⁵⁷ jee¹⁵⁸ jaléng¹⁵⁹ dsea¹⁶⁰ góo¹⁶¹ oo¹⁶² dsea¹⁶³ Israel jial nileáng¹⁶⁴ jaléng¹⁶⁵ dsea¹⁶⁶ í¹⁶⁷ jee¹⁶⁸ dsee¹⁶⁹ quíar¹⁷⁰ jogui cajo jial nileáng¹⁷¹ jaléng¹⁷² dsea¹⁷³ i ja¹⁷⁴ líng¹⁷⁵ dsea¹⁷⁶ Israel jee¹⁷⁷ dsee¹⁷⁸ quíar¹⁷⁹. Jo e júu¹⁸⁰ e niguiá¹⁸¹ Dsea¹⁸² Jmáang¹⁸³ do lí¹⁸⁴ la lí¹⁸⁵ coo¹⁸⁶ jì¹⁸⁷ e jnea¹⁸⁸ e jmicóo¹⁸⁹ jaléng¹⁹⁰ i dsea¹⁹¹ í¹⁹².

Mi¹⁹³ caféng¹⁹⁴ Paa¹⁹⁵ dseata¹⁹⁶ Agripa jial ni'uíng¹⁹⁷ dsea¹⁹⁸ do dsea¹⁹⁹ quíar²⁰⁰ Dsea²⁰¹ Jmáang²⁰²

²⁴ Jo mi¹ calí² fé³ Paa⁴ e júu⁵ jo e jmi⁶ óng⁷ 'ñia⁸ r⁹, jo dsifí¹⁰ lajob café¹¹ i dseata¹² Festo do cóo¹³ júu¹⁴ teá¹⁵ jo cajíñ¹⁶:

—iNgaam¹⁷ 'nu¹⁸, Paa¹⁹, nica²⁰ léeb²¹ quí²² e nica²³ jmitúñ²⁴ eáng²⁵, jo cóo²⁶ e jo nica²⁷ uíng²⁸ e nicalicaam²⁹ ba³⁰!

²⁵ Joba¹ cañí² i Paa³ do quíar⁴ dseata⁵ Festo jo cajíñ⁶ casí⁷ reiñ⁸:

—Ja⁹ ngaang¹⁰ jnea¹¹, dseata¹² quí¹³ ii¹⁴ Festo, dsu¹⁵ 'nu¹⁶ í¹⁷ o¹⁸ lí¹⁹ rijím²⁰, co²¹ lajalé²² e fá²³ jnea²⁴ la jmang²⁵ júu²⁶ guiáb²⁷ jogui jmang²⁸ júu²⁹ jáb³⁰ cajo. ²⁶ Nab guíng³¹ dseata³² dsea³³ féng³⁴ Agripa, jo ñí³⁵ bre la'uiing³⁶ jalé³⁷ e júu³⁸ na. Jo ja³⁹ 'gó⁴⁰ o e fá⁴¹ a fí quini⁴², co⁴³ ñí⁴⁴ baa røø⁴⁵ e ñí⁴⁶ bre la'uiing⁴⁷ laná⁴⁸ cajo jalé⁴⁹ e guí⁵⁰ e cajmé⁵¹ Jesús fí jmigüi⁵² la, dsuco⁵³ jalé⁵⁴ e jo o⁵⁵ e calí⁵⁶ lí⁵⁷ ja⁵⁸ ii⁵⁹ jøø⁶⁰ osi lí⁶¹ ja⁶² jnéng⁶³ é. ²⁷ Jogui 'nu⁶⁴, dseata⁶⁵ dsea⁶⁶ féng⁶⁷ Agripa, ñí⁶⁸ b⁶⁹ jnea⁷⁰ e jáb⁷¹ líng⁷² 'nu⁷³ jalé⁷⁴ júu⁷⁵ e caguía⁷⁶ i dsea⁷⁷ i café⁷⁸ cuaiñ⁷⁹ quíar⁸⁰ Fidiée⁸¹ mali⁸² gui eáng⁸³.

²⁸ Joba¹ cañí² i dseata³ Agripa do quíar⁴ Paa⁵ jo cajíñ⁶:

—Jiu⁷ ba⁸ ja⁹ mí¹⁰ calí¹¹ jnea¹² e ni'uín¹³ n dsea¹⁴ quíar¹⁵ Dsea¹⁶ Jmáang¹⁷.

²⁹ Joba¹ cañí² tu Paa³ quíar⁴ dseata⁵ Agripa jo casí⁶ reiñ⁷:

—Nañí⁸ si jiu⁹ osi jmigui¹⁰ bi¹¹ é ja¹² mí¹³ calí¹⁴ i 'nu¹⁵, dsu¹⁶ iing¹⁷ Fidiée¹⁸ e lajím¹⁹ 'nu²⁰ ni'uíng²¹ na²² dsea²³ quíar²⁴ Dsea²⁵ Jmáang²⁶ laco²⁷ gui la líng²⁸ jnea²⁹; jo dsu³⁰ o³¹ laco³² jnea³³ lana e 'ñúun³⁴ n cóo³⁵ ñí³⁶ cadena.

³⁰ Jo mi¹ cangí² e cajíng³ Paa⁴ e júu⁵ jo, jo caróob⁶ i dseata⁷ dsea⁸ féng⁹ Agripa do cóo¹⁰ gui i dseata¹¹ Festo do colíng¹² cóo¹³ i rúñ¹⁴ dsea¹⁵ ngáng¹⁶ cóo¹⁷ r¹⁸ i sií¹⁹ Berenice lí²⁰ lajñng²¹ i dsea²² i neáng²³ do ie²⁴ jo. ³¹ Jo mi²⁵ cangí²⁶ jo, ca'uøø²⁷ m²⁸ bre e cangosiiñ²⁹ e júu³⁰ do lajee³¹ yaaiñ³² fí lí³³ jíé³⁴. Jo lalab sññ³⁵ lajee³⁶ yaaiñ³⁷ jo fé³⁸ r³⁹:

—I dseañ⁴⁰ la ja⁴¹ e mí⁴² ca⁴³ léer⁴⁴ jú⁴⁵ coo⁴⁶ fa⁴⁷ dsi⁴⁸ í⁴⁹ e nijúuiñ⁵⁰ o⁵¹ gui e sijñng⁵² guir fí dsí⁵³ 'nuñí⁵⁴.

³² Jogui cañí¹ i dseata² dsea³ féng⁴ Agripa do quíar⁵ dseata⁶ Festo jo casí⁷ reiñ⁸:

—Cuøøm` nileáng` ì dseañu` la lana faco' mi` ja` mi' camir' `ñaia'r` jéeng'gui e niquidsi' ì dseata` dsea` féng' ì guing` fi' Roma do í' quia'r` lajii` e lí' quia'r`.

27

Mi` casiiñ` Paa` fi' Roma

¹ Jo mi` catigua` júu` quia'r` e niguiéiñ' jaléng' jnea' fi' Roma li` se' Italia, joba' Paa` cóo' ì dsea` sijnáing` caguaiang` gui do cangoliñ` e jée' jaang` fi' 'lée` ì sii' Julio; jo ì dsea` í' iuuiñ` jee` cóo` íng' 'lée` quia'r` dseata` dsea` féng' ì guing` fi' Roma.

² Jo jnea` Lucas cangó` oo' colíing` cóo' Paa`. Jo cangó` naa' e tée' naa' fi' dsii' cóo` móo' e jáa' fi' cóo' fi' e sii' Adramitio e nisi' tí' lí' nigüi'hi' e nidsé` fi' lacaang` oo` jmii' quia'r` li` se' Asia. Jogui' ngóo' bi colíing` cóo' jnea' jaang` dseañu` ì sii' Aristarco ì seeng' fi' Tesalónica, cóo' fi' li` se' Macedonia.

³ Jo mi` cajneá` e jmii' jo, caguié` naa' fi' cóo' gui oo` jmii' e sii' Sidón. Jo fi' job ì fi' 'lée` ì sii' Julio ì jmóo' í' Paa` do cacuø'r' fi' Paa` e nidsi'eeiñ` jaléng' dsea` cuiñ`, jo lajob ì dsea` í' nijmicóo'r` dsea` do cóo' jalé' e 'né` quia'iñ`.

⁴ Jo mi` cangí' jo, ca'uøø` naa' fi' oo` jmii' e sii' Sidón do e quíng' naa' guí, joba' cangíing` naa' fi' lí' lí' ca' fi' cóo' guóo' uø` e néé' ni` jmiñi'` e sii' Chipre fi' lí' ja` 'ga' lí' bá' e guí do, dsucø' eáang' jna' laco' ngóo' naa'. ⁵ Jo cangíing` naa' fi' 'ni' jmiñi'` la tóo' lí' se' Cilicia cóo' gui li` se' Panfilia cartí' caguié` naa' fi' cóo' fi' e sii' Mira, cóo' fi' li` se' Licia.

⁶ Jo fi' job ì fi' 'lée` ì sii' Julio do cangár` cóo' móo' quia'r` fi' e sii' Alejandría, jo íu` fi' ngóo' fi' lí' se' Italia. Jo fi' dsii' móo' job cangotóo' naa' e quia'r` cangó` naa' fi' lí' si'í' ngóo' naa'. ⁷ Jo jmiguiub' jmii' ngoca` e ngi' naa' tá' jiu` lado. Jo e quie' ta` e eáam' caguié` naa' fi' cóo' fi' li' sii' Gnido. Jo eáam' bi íí' e guí do laco' ngóo' naa', joba' cayee` naa' fi' quini' cóo' fi' e sii' Salmón, jo cangíing` naa' lí' lí' 'ni' e uø` e sii' Creta e néé' ni` jmiñi'`. ⁸ Jo cangíim` baa' guidseang` lado lacuee' 'ni' jmiñi'` cartí' caguié` naa' cóo' li' sii' Buenos Puertos, e néé' quia'r` cóo' fi' li' sii' Lasea.

⁹ Jo jmiguiub' jmii' nicangoca` e tée' naa' fi' lado la tóo' ni` jmiñi'`, jogui' níngoo' lidseám' cajo e tée' naa' dsii' móo', có' ie` jo nijaquíéng' jii' güiib`, joba' eáam' nidseáang'. Joba' cajíng' Paa` casí'r` ì dsea` ì ngolíng` dsii' e móo' do ie` jo, jo cajíñ'`:

¹⁰ —Dsea` rú' uu', móo' jnea` e eáam' nidseáang' quí` ii' laco' ngóo' naa' la. Jo dseáang' ni' íng` quí` naa' e móo' la cóo' gui jalé' lee` e quie', jogui' la quie' tí' jneaa` aab' dseáang' quí` ii' e ni' íng` naa' cajo.

¹¹ Jo dsu' ì fi' 'lée` do, eáang' gui cajmi'gór` dsea` fi' e móo' do cóo' gui fi' ì quie' e móo' do laco' gui e cajmi'gór` Paa`. ¹² Jo có' e oo` jmii' e sii' Buenos Puertos do ja` 'goo' fa' e fi' jo níngiñ` lajee` jii' güií`, joba' lajiiñ` la'ó' ngoliñ` do ca'í' dsii' e guíá` gui e ni' uøm` bre e fi' oo` jmii' jo, jo nijmér` quijí` jial niguiiñ` fi' cóo' gui oo` jmii' li' sii' Fenice, cóo' oo` jmii' e néé' li' se' Creta e jøøng` lí' lí' guiee' cóo' gui lí' lí' ée` guóo' uø`. Joba' ja` dseáang' fa' mi' cajer' fi' jo lajee` jii' güií`, có' fi' job lamí` í' dsii' nijér` lajee` jii' jo.

Mi` caróo` jmiñi'` e eáang`

¹³ Jo mi` canaang` e uáam` jiu` e guí e jáa' fi' lí' lí' huøø` do, joba' ca'í' dsii' e nitam` tur' fi'. Jo ca'uøøm` bre e fi' oo` jmii' do e teáaiñ` dsii' móo', jo cangíiñ` quia'b' e 'ni' Creta do. ¹⁴ Dsu' jo` huøø` cali'hi` ca'hi` guí e teá' eáang' e jáa' lí' lí' níi' laco' ngóo' e móo' do, jo fi' lí' jieb' canaang` cá' e móo' do. ¹⁵ Jo canaang` øøng' fi' lí' jieb' fi' lí' íí' guí. Jo dsucø' jo' lí' naa' fa' e nidsé` gui røø` e móo' do laco' íí' guí, joba' lí' ngóo' naa' jie' fi' ta` quia' guí. ¹⁶ Jo cangíing` naa' lí'`

caluu` coo` guoo` uo`-jiu e sii` Cauda e nee` ni` jmiñi`^, co' fi' job ja`gui lí' guí e tea` eáang'. Jogui eáam' cacá` jaléng' i dsea` i quie' e móo' do ta` e casitír' e móo'jiu e ngí' fi' caluu` móo' fé'` quiá'r` e laco' nileáang`naa' fíng lí' cali`né` lajo. ¹⁷ Jo mi` cangí e caséer` e la fi' ni` móo' quiá'r`, jo cajmeáiñ` ta` 'nii` e mi` quiá'` e ni`ñá'r` e móo' fé'` do laco' nicuó`-bí quiá'`. Jogui dsuco' 'gó`bir fíng cacung'` móo' quiá'r` jee` cuu`-tóo` fi' lí' sii` Sirte, joba' cabír' fi' ni` jmiñi`^ coo' 'majii` e ii` eáang' jogui neaang` rúng'` cóo` móo' laco' ja` ningí` jminá`. Jo cangolím`-bre laco' jii` ta` quia'` guí. ¹⁸ Joba' mi` cajnea` e jmiñ` jo, eáang' gui huíng' ni`lí' guí jogui eáang'gui niroo`-jmiñ` cajo, joba' canaaiñ` uo`r` e lee` e tée`-dsí' e móo' do jo cabír' fi' é' jmiñi`^ . ¹⁹ Jo mi` catí' 'ni` jmiñ` lajo, canaaiñ` uo`bre cóo`-layaang` guoor` jalé'` 'nii` e guiquíng'` 'mi'` quiá'` e móo' do. ²⁰ Jo jmiguiab' jmiñ` cangocá e jii` iee` ja` jnéeng`-o'gui jnéeng` jaléng'` núu' mi` canuu` cajo. Jo co' ja` niquiúu`-bi e lí' guí cóo`-gui e róo`-jmiñ`, joba' dseáang'`-ni'í' dsí'naa' e jo` nití'`-baa'.

²¹ Jogui co' jmiguiab' jmiñ` ningóo' e ja` quiee`-naa' i`naa', joba' caróo`-Paa` jee` jaléng'` i dsea` do jo cajíñ`-casí'`-reiñ`:

—Dsea` rú`uu', guiá`-guiab ca`uíng`-quí`-ii' fa' mi` cajmee`-na' núu`-na' lajii`` júu` quie` e ja` ca`uoø`-naa' fi' oo`-jmiñ` Buenos Puertos fi' lí' se'` Creta, jo ja` cangongí`-naa' e lana, o'gui ca`íng`-jii` coo' quí`-ii' faco' mi` canuu`-na' júu` quie` e. ²² Jogui lana fíi`-i` 'nú' e ja` jmitúng`-óo`na' jii` coo', co' jii`-jaang` 'nú' ja` nijúung`-na'; jii` móo'ba' e ni`líng`. ²³ Co' dsi'lóo`-bi cajnéng`-jaang`-ángel quiá'`-Fidié` quie` e i`jmóo`-lajii` ta` quia'` dsea` do, ²⁴ jo cajíñ`-casí'r`-jneá` lala: “Ja` fóø'n`, Paa`, co' dseáang'`-`néb` e niguie'` fi' quini` dseata` dsea` féng'` i` guíng` fi' Roma. Jo la`eáang'` cóo`-`nub` cajo Fidié` nileáiñ`-lajíng` dsea` i` teaang'` cóo`-na' fi' dsí' móo' na.” ²⁵ Jo lajob líi', dsea` rú`naa', cuoø`-bí yaang`-na', co' jalé`ba' e jíng'`-Fidié` dseáang'`-jmiti`-bre, jogui nitab`-dsii` e dseáang'`-nilitib` laco' jii` e cajíng'`-i`-ángel do casí'r`-jneá`. ²⁶ Joba' fi' coo` ni` guoo`-uo` e nee` ni` jmiñi`^, fi' job`-né`-nidsitíng'`-naa', co' nifiim`-móo' jéeng'gui.

²⁷ Jo coo`-uoø`, mi` cangí tú`-semaan` e tée`-naa' fi' lado, jo caguié`-naa' fi' jmiñi`^ lí' sii` Adriático; jo dseáang'`-lami`-róo`-bi jmiñ`, joba' fi' la fi' nab dsée' móo' lí' tée`-naa' cóo` e guí e lí' do. Jo uoø`-guienúu' quiá'` e jmiñ` jo mi` calilí`^ i dsea` quie' e móo' do e nijaquieem' nitíng'`naa' uo`-quiú'. ²⁸ Joba' caguiar' í' jial tí' a'gui e jmiñ` do, jo calilí`r` e ni'a'gui jii` guigui` dsí` jñuu`-metros. Jo mi` caguiliñ`-tí` doguijiu, jo caguia`tur í` calé`-catú`, jo calilí`r` e a'gui jii` guieguié`-metros. ²⁹ Jo co' 'gó`bre fíng casicóøng` e móo' do cóo`-cuu`-loo', joba' cabír' quiú`-lo`-ní`-lí' caluu` e móo' do e laco' jo`-ningí`-gui e móo' do. Jo lajee` jo féiñ'` Fidié` e jo` güili`-hí`-gui e nijnea`.

³⁰ Jo dsu' i dsea` i quie' e móo' do ca`í' dsíir' e nicuí`-bre jo nitá`bre e móo' do. Joba' canaaiñ`-jié`-bre e móo' pí`^ e tée`-dsí' móo' fé'` do e laco' nijmi`-óøng'` yaaiñ` ni` jmiñ`. Jo jmóor`-lafa' e nibír' 'lo`-ní` e sea` fi' quini` e móo' do. ³¹ Jo dsifí' mi` calilí`^ Paa` e jmóo` i dsea` do lado, joba' casí'r`-i`-fii`-léé`-do cóo`-gui jaléng'`-léé`-quiá'r`-jo casí'`-reiñ` jo cajíñ`-:

—Song ja` nijé`-jaléng'` i dsea` na dsí' e móo' la, ja` lí' 'nú' leáang`na' cajo.

³² Joba' i`-léé`-i`-ngolíng`-dsí' e móo' do caquiur'`-nii` e 'núu' e móo' pí`^ do, jo cató` fi' ni` jmiñi`^.

³³ Jo lajee` e nú`-gui e nijnea`-ie` jo, Paa`-caquiur'` ta` quiá'`-jaléng'` i dsea` i`-ngolíng`-do e nidó`r`-capí`^jiu jo casí'`-reiñ`:

—Lana ningóo' tú`-semaan` e í' dsí'naa' e ne`-duu' e`-nidsijéé' quí`-ii', jo jii` i`naa' ja` mí' caquiee`-naa' laco' jii` e quí'`-tá'naa'. ³⁴ Joba' fíi`-i` 'nú' lana e 'né`-ba' cøb`^jiu í`na', co' la guím`-né`-quí`-na' lajo, co' cóo` e joba' cuø`-bí

quí-na' e seeng-na'; jo jneaa~aa' jíi~ coo` ja` e nilí-ii', jíi~ camí^ jñu` gui'naa' ja` ni'ling~.

³⁵ Jo mi~ cangí e fé^ Paa~ lajo, jo catíiñ~ coo` iñi^ jo cacuø'r' gui'máang^ Fidié~ fí quini~ jaléng^ i dsea` do. Jo lí~ jo cafiñ~ e iñi^ do jo canaaiñ` gø`bre. ³⁶ Jo lajii~ i dsea` do cangotáaiñ~ e cagø`bre cajo. ³⁷ Jo lajii~naa' la'ó` ngóó'naa' dsíi' e móo' do tíi'baa' tú~ ciento dsí setenta y seis dsea`. ³⁸ Jo mi~ cangí caquiee~naa' guiá~ lajii~naa' do, cabíb` i dsea` do e micui'iee` e tée^ dsíi' e móo' do e lacø' jo`gui ií` e móo' do.

Mi~ cango'ang' móo'

³⁹ Jo mi~ cajneá~ e uøø` jo, jaléng^ i dsea` i quie` e móo' do ja` ñir` jial sií e uø~ quiú` e tí lí` tíiñ~ do, dsu' cangá~bre coo` lí` cuøøng` e nijé~ e móo' do lí` ja` tée^ cuu~ eáang`, joba' fí job ca'í dsíir' e nitíiñ` cóo` e móo' do. ⁴⁰ Jo caquiá'r' e 'nií` e guineaang` lo^ ñi^ do, jo dob cajiá'r' fí é^ jmií. Jogui cajléiñ` e 'ma` e líng^ ta~ e quiá' ta~ quiá'- fí e móo' do. Jo mi~ cangí jo, caséer` fí yá^ e 'mi' e í' fí quini~ e móo' do, jo cacá~ guí e lacø' cuøøng` ngí~ jminá~gui e móo' do. Jo lajoguib canaang` dsiquiéeng` e móo' do fí 'ni' lí~ nilíi' guóo~ uø~. ⁴¹ Dsu' ná~gui e nitíng` uø~ quiú` e móo' do, fí jee~ cuu~ tóob~ ná~ jmiñi^ ca'í, jo fí job cacú'. Jo latøøm~ fí quini~ quiá'- cacú' fí jee~ cuu~ tóo' e jíi~ jo` cuøøng` lí` jø`. Jogui lí^ lí` caluu` e móo' do canaang` licuíb` cóo` bí` quiá'- e jmií e róo~ do.

⁴² Jo jaléng^ i 'lée~ i teáang~ dsíi' e móo' do cali'iiñ~ e nijngám~bre jaléng^ i dsea` i téer` 'ñúung~ do e lacø' ja` nileáng~ yaaiñ~ do e nicuír` fí 'ni' jmií mi~ nináiñ` e nitér~ jmií. ⁴³ Dsu' i fii~ quiá'- i 'lée~ do ja` cacuø'r' fí lajo fa' e i 'lée~ do cajméer` lajo, co' la guíim` 'né~ nijáiñ` jaléng^ i dsea` i téer` 'ñúung~ do fí quini~ dseata~. Jo lí^ caquiá'r' ta~ quiá'- jaléng^ i dsea` do e ií` jaléng^ i tíing` té~ jmií güidsitáam~bre dsifí lado, jo nitíiñ` jminá~gui fí lí~ nilíi' guóo~ uø~. ⁴⁴ Jogui jaléng^ i caguiaang~gui do nitér~ jmií cóo` 'majji~ osi ni` cuíi~ 'majmá' quiá'- e móo' do é. Jo lajob cati'naa' cóo` e guiá~ fí lí~ nilíi' guóo~ uø~ lajalé'naa' do.

28

Mi~ caguié~ Paa~ cóo` gui i dsea` caguiaang~gui do fí Malta

¹ Jo mi~ nicaláang~naa' lajii~naa' do fí ni~ jmiñi^, joguiba' caline~naa' e nisií Malta fí ni~ guóo~ uø~ lí~ cati'naa' do. ² Jo i dsea` i seeng` fí do eám' guiá~ ca'éer` cóo` jnea^ lajii~naa' do. Jo co' jmií b` tuu` ie~ jo, jogui dsíng~ güi~ cajo, joba' i dsea` seeng` fí do caji'r' jí e fe` jo cató'r~ jnea^ e nidsiquiéeng~naa' e fí ca' jí do. ³ Jo ie~ jo i Paa~ do cangoquier` coo` seang` cuíi~ quiúu` jo cató'r' fí ni~ jí; dsu' lajee` job cagüi'íí jaang` mi' i guíng~ fí jee~ e cuíi~ do mi~ calilí're' e guíi~ jí, jo cacu'r' luguoo` Paa~. ⁴ Jo mi~ cangá~ i dsea` i seeng` fí do e cacu' i mi' do luguoo` Paa~, joba' canaang` sí' rúíñ` lajee` la'ó` teáaiñ~ do jo jíiñ`:

—Líi' fing o' jaang` dsea` 'mób~ i dseañu` na, co' caláam~bre fí ni~ jmiñi^, dsu' cóo` e calíiñ~ nagui jo` cuøøng` ií` nileáng~ ír, co' jo` catíng~ e seeiñ` quiá'- Fidié~.

⁵ Jo dsu' Paa~ dsifí ladob cabó'r' guóor` fí ni~ jí, jo catóm^ i mi' do, jo jíi~ coo` ja` e calíiñ~. ⁶ Jo lajii~ i dsea` i seeng` fí do sije~ fa' e niliyee` lí` cacu' i mi' do guoo` Paa~ osi e nijúum~bir lajee` jo é. Jo ngoca`bijiá e sije~ i dsea` do su líng~ ee` nilíng~ Paa~, dsu' ja` e calíng~ dsea` do jíi~ coo`. Joba' dsifib` cajmisíng~ i dsea` do e í dsíir', jo canaaiñ` fé'r' e i Paa~ do líiñ` jaang` dié~.

⁷ Jo quiá'- e fí lí` tée~naa' ca' jí do nisea` tú~ 'ní jmáang~ uø~ quiá'- jaang` dseata~ dsea` féng^ i niseeng` fí Malta i sii` Publio. Jo í eám' guiá~ ca'íñ` jnea^ jogui cajmicóo'r~ jnea^ lajee` 'ní jmií e cajé'naa' fí do. ⁸ Jo ie~ jo tiquiá^

ī Publio do niráaiñ` dsée'r~ e líiñ' jmoñuñ' e iu~ guíiñ^ jogui e eáang' siuiñ'. Joba' cangó- Paa- e cango'eer~ dsea` do. Jo mi~ caguié- fí jo, camir' Fidié~ uii~ quía'- dsea` do. Jo lí- jo, caquidsir' guóor' fí mogui~ dsea` do, jo lajob cajmi'leáaiñ- dsea` do. ⁹ Jo mi~ caliñí jaléng'gui dsea` dsée~ i niseeng` e fí do e ca'láang- i tiquía'^ Publio do, jo cangolíim-bre fí lí- táang` i Paa- do e laco' dsea` do nijmi'leáang-neiñ' lajii~ jmoñuñ' e líiñ'. Jo lajalém'biñ' do ca'láaiñ- ie~ jo. ¹⁰ Jo lajiiñg` i dsea` do eáam' cali'iaang` dsíir' cóo~ jnea^, jogui cajmicóo~r~ jnea^ cajo lajee~ gaang` si' e cataang`naa' fí Malta do. Jo mi~ cangí jo, mi~ cangotóo~túu' fí calé' catú-, cajmicóo~bre jnea^ cajo cóo~ jalé' e 'né- quí-naa' guía'^ fí lajee~ e téé~naa' fí ngóo'naa' fí Roma.

Mi~ caguié- Paa- fí Roma

¹¹ Jo mi~ cangó-naa' fí jo, téé~naa' fí cóo` móo' e jíé' e nicajé' fí Malta lajee~ jii` guíi- ; jo e móo' do nijáa' fí cóo` oo- jmiñ' e sii` Alejandría. Jo jéeng` gáang` dié~ dsea` suung~ i líi~, jaang` i sii` Cástor jogui jaang`gui i sii` Pólux. ¹² Jo ca'uøø-baa' fí Malta, jo cato'-túu' fí e ngóo'naa' fí Roma. Jo mi~ cangí jo, caguié-naa' fí cóo` fii' lí- sii` Siracusa, jo fí job cajá-naa' 'ni' jmiñ'. ¹³ Jo fí job ca'uøø-túu' e téé~naa' dsíi' móo', jo cangó-naa' la tóo` 'ni' jmiñí'^ cartí caguié-naa' fí cóo` fii' e sii` Regio. Jo mi~ cajneá- e jmiñ jo, co' lí' lí' uøøb- jó' guí, jo mi~ cajneá- cóo'gui jmiñ lajob caguié-naa' cóo'gui oo- jmiñ lí- sii` Puteoli. ¹⁴ Jo fí job cají'- rú-naa' cóo~ jaang` gáang` dsea` quía'- Dsea` Jmáang-. Jo íb` cató'- jnea^ e cajé-naa' cóo~r~ fí jo lajee~ cóo` seaman~. Jo tá'-jiu lajob caguié-naa' cartí Roma. ¹⁵ Jo jaléng' dsea` quía'- Dsea` Jmáang- i neáang' fí Roma niñi'bre júu^ quí-naa' e téé~naa' fí. Joba' cangolíiñ^ e cangojmiñiñ' jnea^ cartí cóo` fii' lí- sii` Foro de Apio jogui fí cóo'gui lí- sii` Las Tres Tabernas. Jo mi~ caneeng~ rú-naa', dsifí ladob cacuø' Paa- guí'máang~ Fidié~, jogui eáam' cali'iaang` dsíir' cajo. ¹⁶ Jo mi~ caguié-naa' fí Roma, cacuøb` i 'léé- do fí e nigüéá' Paa- quía'- dsea` jíéng', jogui e jaam` 'léé- i nijmé-gui í' ír`.

Lajee~ táang` Paa- fí Roma

¹⁷ Jo mi~ cangí 'ni' jmiñ lajo e caguié- Paa- fí Roma, joba' camir' fí e calité'^ jaléng' dsea` quie' nifí quía'- dsea` Israel i neáang' fí Roma do. Jo mi~ tí lí- caseáng' í lajiiñ' fí jo, joba' lalab casí'- Paa- jaléng' í:

–Dsea` góo'naa', ja` e mí jmé- jnea~ jii~ cóo` e ga` uii~ quía'- dsea` góo'oo' dsea` Israel o'gui cóo~ jalé' e tiiñg` jaléng' 'líi~ yúu' quí-ii'. Dsu' fí Jerusalén cajáng' dsea` góo'oo' dsea` Israel jnea~ fí jaguó` dsea` romano, ¹⁸ jo mi~ cangí e cajmingí'- i dsea` romano do jnea~ jalé' e 'niiñg` dsea` góo'oo' jnea~, cali'iiñ' fa' mi~ caleáam`bre jnea~ co' ja` e uiiñg~ sea` quie' e fa' dsí' í' e nijmeáiñ' jnea~ cartí nijúun-n. ¹⁹ Jo co' dsea` góo'oo' ja` cali'iiñ' fa' e caleáang`tu i dsea` romano do jnea~ e júu^ røø, joba' cali'iing~ jnea~ 'ñiá'a e i dseata~ dsea` féng' i guiiñg~ fí Romabing' i niquidsí' í' quie'-e, nañí fa' ja` e dsee- sea're' quie'-e jii~ cóo~, o'gui sea` jii~ cóo` dsee- fa' e ni'niiñg~ jnea~ dsea` góo'oo' cajo cuaiñ~ quía'- jalé' e júu^ jo. ²⁰ Jo uiiñg~ e joba' e catøø-ø 'nú' fí la e laco' niliñí'na' jogui nisii~naa' coliiñg~ e uiiñg~ e 'ñúun~n la lana, co' uiiñg~ e já'- lán'n e nicagüéng- i sii` Dsea` Jmáang- do fí jmiñgüí la, jo íb` dsea` i sijeeng~ jaléng' dsea` góo'oo'.

²¹ Jo cañí i dsea` do quía'- Paa- jo cajíñ'- casí'-reiñ':

–Jii~ cóo` jii' ja` mí ca'ling~ jnea^ e jáa' fí Judea fa' e fé' uii~ quíi-, o'gui jii~ jaang` dsea` rú-naa' dsea` Israel i nigüilíng- fí la fa' nicajíñ'- júu^ ga` uii~ quíi'- cajo. ²² Dsu' ii~naa' nú-naa' júu^ quíi'- lana quía'- jalé' e í' o', co' ne~baa' guíá- doñí' jieb' fé' dsea` ga` quía'- jaléng' 'nú', dsea` cúing`na' Dsea` Jmáang-.

²³ Jo lajob cajméer, catéer` cóo` jmiñ lí- niseáng' jaléng' dsea` Israel e fí lí- guiiñg~ Paa-. Jo mi~ tí lí- nisiseáng' lajiiñg` dsea` fí do, joba' canaang` Paa- e

guiar' júu^ fí jee~ i dsea` do quiá'- jial iing~ Fidiéé' nicár` nifí' quiá'- lajaang` lajaang` dsea` jmigüí. Jo guía' Paa- e júu^ do tí la'eeb` jo cartí ca'lóo-. Jo sír` i dsea` do e laco' já'- niliñ` júu^ quiá'- Jesús la'eéang' cóo' júu^ quiá' ta~ quiá'- dsea` Israel e cajme' Moí~ cóo'~gui jalé' e fé' fí ni~ jì quiá'- i dsea` i café' cuaiñ~ quiá'- Fidiéé' mali~ gui eéang'. ²⁴ Jo i lüing~ i dsea` do jáb'- calíñ- e júu^ e guía' Paa- do, jogui calisémbi cajo i ja` calijí' e júu^ jo. ²⁵ Jo co' ja` røø` síng` i dsea` do laca'íng' ca'íñ' quiá'- lajüí' e júu^ e guía' Paa- do, joba' canaañ` dsilím`bre. Jo lalab casí'- Paa- i dsea` do:

–Lanab dseáng'- cajíng'- Jmiguí quiá'- Fidiéé' casí'r- 'li~ dsea` cóøng'~ qui' naa' la'eéang' cóo'~ jaang` dsea` féng' i café' cuaiñ~ quiá'- Fidiéé' mali~ gui eéang' i sií Saií^ mi~ cajíñ'- lala:

²⁶ Gua~ jo güisí'~ jaléng' dsea` Israel e nañí' fa' jialgui e ninúr- dsu' ja' iñ~ ningáiñ' jüí' coo`;
jogui nañí' fa' jialgui e nijøør-, dsu' ja' iñ~ ninír' jüí' coo`.

²⁷ Co' dsíng'- ja' iing~ jmitíng' jaléng' i dsea` í`
jogui ja' lí'r' í' dsír' røø`
jogui jnir' loguar~ cóo'~gui jminir' cajo e laco' ja' lí'r' núur` o'gui jøør- o'gui lí'r' ningáiñ' cajo.

Jo lajob ja' lí'r' niquí'- jíng' yaaiñ~ fí' quinií-
e laco' jnea~ quí'- jmü~ nijmi'leáan`nre jóng.

Jo lanab lí' júu^ quiá'- Saií^ e cajme'r' mali~ gui eéang'. ²⁸ Jogui güiliñíb^ 'ná' guiá- e latí lanab ninaan- niguiaa- júu^ quiá'- Dsea` Jmáang- jee~ jaléng' dsea` i ja` lüing' dsea` góo`oo' dsea` Israel quiá'- jial nileáng- Fidiéé' ír' jee~ jalé' dsee- quiá'r-, jo i dsea` í' iim~bre núr- e júu^ jo.

²⁹ Jo mi~ cangí e cajíng'- Paa- e júu^ jo, gui'nang'~ uøøm`bi i dsea` Israel do e jmigüíng- rúíñ' lajee~ yaaiñ~, co' ja' røø` síñ`.

³⁰ Jo mi~ cangí jo, caje'bi Paa- tú- jíng'gui e fí' 'núu' lí' quír' do e sí' fí' Roma. Jo fí' job íñ' jaléng' dsea` i dsilíng- i dsí'ee' ír'. ³¹ Jo dseáng'- eám' ja' 'gó'r' guiar' e júu^ do quiá'- jial iing~ Fidiéé' nicár` nifí' quiá'- lajaang` lajaang` dsea` jmigüí. Jogui e'guir jaléng' i dsea` i guilíng- do cajo jalé' júu^ quiá'- Fí'naa' Dsea` Jmáang-. Jo jüí'~ jaang` dsea` ja' iñ' jnáng' quiá'r- fa' ja' cuøøng` jmér- lajo.
Jo lanab jüí' lí' júu^ e cajme' Lucas e catíng- Teófilo.

Júu[^] e tōo[~] fí[˘] ní[~] jí[˘] quiá[']- Paa⁻ e catíng⁻ dsea[`] seeng[`] fí[˘] ROMA

¹ Jnea[~] Paa⁻ lín^{'n} jaang[`] dsea[`] i jmóo[`] lajii['] e iing[~] Dsea[`] Jmáang⁻. Jo Fidié[˘]bing['] i cató^{'^} jnea[~] e laco['] ca'uín⁻ⁿ jaang[`] dsea[`] apóo[^] i óo[`] ta[~] quiá^{'r}- jogui caguíñ['] jnea[~] e laco['] niguiaa⁻ júu[^] quiá[']- Dsea[`] Jmáang⁻ quiá[']- jiallaang[`] dsea[`] jee[~] jalé['] dsee⁻ quiá^{'r}-.

² Jo nicajméeb['] Fidié[˘] júu[^] quiá[']- jalé['] e júu[^] quiá[']- Dsea[`] Jmáang⁻ na lamí[~] jéeng[']gui la'eáang['] cóo^{'~} jalé['] jí[˘] e cajme['] jaléng['] dsea[`] i nicafé['] cuaiñ[~] quiá^{'r}- malí[~]gui eáang[']. ³⁻⁴ Jo e júu[^] jo fé['] cuaiñ[~] quiá[']- Fí[']naa['] Dsea[`] Jmáang⁻ i líng['] Joo['] Fidié[˘]. Jo dsea[`] do cajar⁻ fí[˘] jmigüí['] la e líiñ['] jaang[`] dsea[`] jmigüí['], dsuco['] líiñ['] dsea[`] siju[˘] dseata[~] Daví^{'^}. Dsu['] cajmijnéeng['] Fidié[˘] e la'eáang['] cóo^{'~} Jmiguí['] quiá^{'r}- 'ñia[']bre e Fí[']naa['] Dsea[`] Jmáam⁻bing['] líng['] i Joor['] camíng['] i dsíng[']- 'gøng['] do. Jo cajmijnéiñ['] lajo ie[~] lamí[~] cajmijí[']tur i Joor['] do jee[~] jaléng['] 'lí[~].

⁵ Jo la'eáang['] cóo^{'~} Dsea[`] Jmáang⁻, jogui uí['] e eáang['] guiúng⁻ Fidié[˘], joba['] cacuø^{'r} jnea[~] e ta[~] laniing⁻ la e ca'uín⁻ⁿ jaang[`] dsea[`] apóo[^] quiá^{'r}- Jo lín^{'n} lajo e laco['] niguiaa⁻ júu[^] quiá^{'r}- jee[~] jaléng['] dsea[`] jmigüí['], jo lajoba['] nijá[']- líng['] dsea[`] jogui nijmér⁻ núu^{'r} e júu[^] quiá[']- dsea[`] do. ⁶ Jo jee[~] jaléng['] i dsea[`] í['] quíim['] 'nú['] cajo, dsea[`] i cató^{'^} Fidié[˘] e laco['] ca'uíng⁻na['] dsea[`] quiá^{'r}- ⁷ Jo e jí[˘] la catíng⁻ 'nú['], dsea[`] rú[']naa['] dsea[`] quiá[']- Dsea[`] Jmáang⁻ i seeng[`] fí[˘] na fí[˘] Roma. Jo eám['] 'neáang['] Fidié[˘] 'nú['] jogui nicaguíñ['] 'nú['] e ni'uíng⁻na['] dseáng[']- dsea[`] quiá^{'r}- Jo mii['] i Tiquí[']i['] Fidié[˘] cóo^{'~}gui Fí[']naa['] Dsea[`] Jmáang⁻ e ni[']r⁻ güea^{'^} quiá^{'r}- jee[~] jaléng['] 'nú['], jogui e nicuø^{'r}- 'nú['] e seeng[']na['] juguíá⁻ júu[^] røø['].

Lajee[˘] e iing[~] Paa⁻ dsí[']eer[~] dsea[`] quiá[']- Dsea[`] Jmáang⁻ i seeng[`] fí[˘] Roma

⁸ Jo la'uii[~] júu[^] quié['] e e fí[']-guí['] 'nú['], dsea[`] rú[']naa['] dsea[`] quiá[']- Dsea[`] Jmáang⁻, quiá[']- e cuøø['] gui'máang['] Fí[']i Fidié[˘] uii[~] quí[']-na['] lajüñg[']na['] la'eáang['] cóo^{'~} Fí[']naa['] Dsea[`] Jmáang⁻, dsuco['] fí[˘] la fí[˘] na fé['] dsea[`] jial e já[']- líng[']na['] júu[^] quiá[']- Dsea[`] Jmáang⁻ e car['] ngocáng['] óo[']na[']. ⁹ Jo guiáb⁻ niñí['] Fidié[˘] e laco['] ya['] mí['] fón[']nre, mii[']ire uii[~] quí[']-na[']. Jo jnea[~] jmóo[']o dseáng[']- e ngocáng['] dsii[']- lajii['] e iing[~] dsea[`] do e guiaa⁻ e júu[^] quiá[']- i Joor['] Dsea[`] Jmáang⁻ do. ¹⁰ Jogui mii[']-bí['] yejí['] Fidié[˘] cajo e song e íaang['] dsí[']r e nicuø^{'r}- jnea[~] fí[˘], joba['] ninií['] e ni'ee['] e 'nú['] jóng. ¹¹ Jo eám['] iin[~] e nijmee[~] e lajo e laco['] cuøøng['] e nijmicóo^{'~}o 'nú['] cóo^{'~} jalé['] e guiá['] e ngíng[']naa['] e cuø['] Fidié[˘] jneaa[~]aa['] la'eáang['] cóo^{'~} Jmiguí['] quiá^{'r}- Jo la'eáang['] cóo^{'~} jalé['] e joba['] e nisíng[']-gui['] teá['] fí[˘] guiá['] cóo^{'~} Dsea[`] Jmáang⁻; ¹² jo laco['] cuøøng['] fá[']a e nijmicóo^{'~}gui rú[']naa['] la'eáang['] e já[']- lí[']naa['] júu[^] quiá[']- Dsea[`] Jmáang⁻.

¹³ Jo eám['] iin[~] e ní[']na['], dsea[`] rú[']naa['] dsea[`] quiá[']- Dsea[`] Jmáang⁻, e jmiguiáb['] ya['] nicalí['] dsii['] e ninií['] i fí[˘] na e ni'ee['] e 'nú['], dsu['] cartí['] lana jmiguiáb['] e nicajníng['] quíé['] e, joba['] ja['] mí['] calí['] fa['] e nicagá[']-a fí[˘] na. Jo uing[~] quiá[']- e ninií['] i fí[˘] na e laco['] nijmicóo^{'~}o jaléng['] i dsea[`] na e laco['] ni'uíñ['] dsea[`] quiá[']- Dsea[`] Jmáang⁻ lí['] laco['] jí['] e nicalí['] fí[˘] góo['] dsea[`] lí['] jíé[']. ¹⁴ Co['] 'né['] e niguiaa⁻baa júu[^] quiá[']- Dsea[`] Jmáang⁻ jee[~] jaléng['] dsea[`] i neáang['] fí[˘] góo['] dsea[`] cóo^{'~}gui jaléng['] dsea[`] i neáang['] fí[˘] jee[~] mó['] lí['] huí['], jogui jee[~] jaléng['] dsea[`] i tíng['] jí['] cóo^{'~}gui jee[~] dsea[`] i ja['] líng['] lajo; ¹⁵ joba['] dsíng[']- iin[~] e ninií['] i fí[˘] na fí[˘] Roma e laco['] niguiaa⁻ júu[^] quiá[']- Dsea[`] Jmáang⁻ jee[~] jaléng['] 'nú['], dsea[`] neáang[']na['] fí[˘] na.

Jial 'gøng['] júu[^] quiá[']- Dsea[`] Jmáang⁻

16 Jo fii~guúí 'nú', dsea` rú'naa' dsea` quiá'- Dsea` Jmáang-, jnea~ dseáng'- eáam' nita~ dsii- cóo'~ júu^ quiá'- Dsea` Jmáang-, co' la'eáang' cóo'~ e júu^ 'gøng' do niqúúí~ Fidiée~ jmúí~ e nileáiñ- jaléng' dsea` jee~ jalé' dsee- quiáiñ'- . Jo la'uii~ catíng- lajo jaléng' dsea` Israel, jogui lajobi cajo jaléng' dsea` i ja` líng' lajo. 17 Jo e júu^ quiá'- Dsea` Jmáang- na e' jneaa~aa' e nica'íng' Fidiée~ jneaa~aa' e lí'naa' dsea` i ja` røøng` dsee- fí' quinir' la'eáang' e já'- lí'naa' júu^ quiá'r-, jo jo` ee` 'né- jmó'guúí' e jié'gui, co' lalab fé' fí' ni~ jì' quiá'r-: "Jo la'eáang' e já'- líng' jaang' dsea` júu^ quiá'- Fidiée~, joba' Fidiée~ íñ' i dsea` í e lííñ' jaang' dsea` i ja` røøng` dsee- fí' quinir'."

Jalém' dsea` jmigüí' óor` dsee-

18 Jo ninee~ jøø'baa' e Fidiée~ i guing~ fí' ñiff-, íb` i guíng- quiá'- jalé' e ja` dseeng` cóo'~ gui jalé' e 'lí' e jmóo` dsea', dsuco' cóo'~ jalé' e 'lí' e jmóo` jaléng' i dsea` í, jnúiñ' quiá'- jaléng' dsea` rúíñ' i iing~ nilicuúí' júu^ sea` contøøng- quiá'- Fidiée~. 19 Co' lajalé' e cuøøng` niliñí' dsea` quiá'- Fidiée~, guiáb- niñí' jaléng' i dsea` í, co' 'ñiab' Fidiée~ nicajméer` e nicaliñí' jaléng' dsea` jmigüí' lajalé' e jo. 20 Co' lajii'~ lati' mi~ canaang` uuiñ~ jmigüí', lajii'~ e líng' Fidiée~ e ja` quúí' dsea` jmúí~ niliñir', fa' la e 'gøíñ' e sea` lata` jogui e dseáng'~ jii' í bre lííñ' Fidiée~, jo lajalé' e jo cuøøng` niliñí' dsea` la'eáang' cóo'~ jalé' e nicajméer` fí' la'úng- fí' jmigüí'. Joba' jaléng' i dsea` í ja` cuøøng` fa' e nifé'r e ja` caliñir` e seeng` Fidiée~. 21 Jo nañí' fa' niñí' bre e seeng` Fidiée~, dsu' ja` cajmi'gór` dsea` do laco' catíng-, o'gui cacuø'r dsea` do gui'máang' cóo'~ jalé' e guiá' e nicajmée` dsea` do. Dsu' o' lajo, co' lí' lí' í dsíir' jmang'~ júu^ e ja` uing~ seab, jogui nicajnáb- moguir~ fa' e ni'í- dsíir' jalé' e guiá'. 22 Co' fé'r yaaiñ~ e lííñ' dsea` i tíng` eáang', dsu' o' já'- lajo, co' íb` lííñ'. 23 Dsuco' jo` jmiféiñ' Fidiée~ i 'gøng' i seeng` car` ngongúí' jmúí~, jo nicanaiñ` cajmeáiñ` diée~ quiá'r- cóo'~ guóor` i líng~ la líng' dsea` jmigüí' osi i líng~ la líng' ta' é, osi i líng~ la líng' jó' quiú' tí- é, osi i líng~ la líng' jaléng' jó' i dsijnúung` uø- é; jo lajaléng' íb` i cajmiféiñ' e lafa' e nijmiféiñ' Fidiée~.

24 Jo uí'~ e jmóo` i dsea` do jalé' e 'lí' do, joba' Fidiée~ nicaúíum- bre jaléng' í e laco' nijméiñ'- do jalé' e 'lí' jo e lí' dsíir', co' eáam' ga` beáng' dsee- yaaiñ~ lajee~ la'ó' yaaiñ~. 25 Dsu' lafa' e nijmitir~ lajii'~ e júu^ quiá'- Fidiée~ e sea` contøøng-, jo lico' jmitir~ lajii'~ júu^ e o' jáb'-, jogui jmi'gór` jogui jmiféiñ' lajii'~ e sea` fí' jmigüí' e cajmée` Fidiée~ e lafa' e nijmiféiñ' 'ñaia' Fidiée~ i cajmée` jalé' e jo. Co' jii'~ dsea` íb` i catíng- i nijmiféng' dsea` car` ngongúí' jmúí~. Jo lajob` né' lí'.

26 Jo uí'~ e jmóo` jaléng' i dsea` do lajo, joba' Fidiée~ nicaúíum- breiñ' do e laco' nijméiñ'- jalé' e 'lí' e lí' dsíiñ' do e quí'~ tíiñ' jmóor`. Dsuco' la quie' cartí' jaléng' dseamí' nicaúí' bre lajii'~ e catíng- jmóor` cóo'~ jaléng' dseañu', jo nicanaiñ` jmóor` lajo lajee~ la'ó' dseamíiñ-. 27 Jogui lajobi cajo cajmée` jaléng' dseañu', nicaúí' bre lajii'~ e catíng- jmóor` cóo'~ jaléng' dseamí, jo nicanaiñ` e jo` téeiñ- yaaiñ~, co' nijmóor` lajii'~ e ja` catíng- nijmér- lajee~ la'ó' dseañuiñ'. Jo la'ó' dseañu' bre nijmóor` lajii'~ e 'lí' rúíñ', joba' fí' ngúú' táam` jaléng' i dsea` la'í' íñ' iihuú' e jáa' quiá'- Fidiée~ uí'~ e jmóor` jalé' e 'lí' lajo.

28 Jo co' jo` iing~ gui dsea` fa' e nijmicuúíñ' Fidiée~, joba' Fidiée~ nicaúíum- bre jaléng' í, jo jo` jnúiñ' quiáiñ'- do e ni'í- dsíiñ' jalé' e 'lí' e já- dsíiñ', jo cóo'~ jalé' e í' dsíiñ' do canaang` jmóor` jalé' e ja` dseeng` e ja` catíng- nijmér-. 29 Jo jaléng' i dsea` í jmóor` laji' íing'~ e ja` dseeng` e sea` fí' jmigüí', jogui jmóor` laji' íing'~ e lí' dsíi' ngúú' táaiñ~, jogui eáam' jmáiñ' ga` jaléng' dsea` rúíñ', jogui eáam' dsihuúíñ' quiá'- jaléng' dsea` rúíñ', jogui jmóor` ta` jngang' jaléng' dsea` rúíñ', jogui jmóor` ta` tíng', jogui jmigóøíñ' dsea` rúíñ', jogui contøøm- í' dsíir'

e ga` quiá^- dsea` rúin^, jogui jmóor` ta~ quié` adsee, ³⁰ jogui fé'r` júu^ ga` quiá^- jaléng` dsea` rúin^, jogui 'ní' ním-bre Fidiéé, jogui ja` i^ líin^- cóo^` jalé` e ga` e jmóor, jogui fé'r` júu^ róo^- uii~ quiá'r^- yaaiñ, jogui eám' jmi:løng^ yaaiñ jee~ jaléng` dsea` rúin^, jogui 'nó'r` jial nijmi'uiñ^- jalé` e ja` dseeng, jogui ja` jmóor` náu'r~ lajii~ ta~ quiu' dsea` cøng^ quiá'r-, ³¹ jogui ja` iin~ e ningáin^ lí^ doñi' ee` e guiá-, o'gui jmitir~ jalé` júu^ e fé'r, jogui ja` 'neáaiñ` jaléng` dsea` rúin^, jogui ja` tiiñ` iin^- dsee^- quiá^- jaléng` dsea` rúin^ o'gui fi^ líin^- jii~ jaang` dsea` rúin^ cajo. ³² Jo jaléng` i` dsea` la'í niñi'bre guiá- e Fidiéé nicacuør` júu^ quiá'r^- e doñi' ii` dsea` i` jmóo` lajo, dseáng^- 'né^- e nijúum-bre. Dsu' ja` ee` lí^ e niñir` lajo, dsu' mí` 'noo'bi jmóor` jalé` e ja` dseeng` lajo, jo jiguí cartí` iáang` dsí'bre mi~ jmóo` jaléng` dsea` jiéng` e ga` lajo.

2

Fidiéé`bing' i` quidsi' í' laco' catíng^- quiá^- lajaléng` dsea` jmigüi'

¹ Joba' fi-guá' 'ná', dsea` rú'naa', ii` 'ná' cuø'na' dsee^- dsea` rúng'na', ja` e lí` ii` líng'na', dsu' mi~ jmoo'na' lajo, yaam~ba' cuø'na' dsee^- yaang~na' jóng, dsuco' 'ná' jmoo'na' ga` lí^ laco' la jmóo` i` dsea` íb` cajo. ² Jo nine~baa' røø` e laco' catíng^- quidsi' Fidiéé` í' quiá^- lajaléng` dsea` i` jmóo` e ga` lajo. ³ Dsu' 'ná', dsea` cuø'na' dsee^- jaléng` dsea` rúng'na', ja` güi'f` óo'na' fa' e ja` niquidsi' Fidiéé` í' quiá^- na' laco' catíng^, co' 'ná', røøb` jmoo'na' cajo laco' jmóo` jaléng` i` dsea` i` jmóo` e ga` lajo. ⁴ Jo eám' guiúng^- Fidiéé` cóo^` 'ná', jogui eám' féng` dsíir' cajo. Jo uii~ e eám' guiúin^- do, joba' nisijeeiñ` 'ná' cartí` niqui'~ jíng` yaang~na' fi' quinir~. Dsu' 'ná', ja` iing~na' jmée'na' cuente jial tí' guiúin^- cóo^` 'ná'. ⁵ Jo co' jaléng` 'ná' eám' ue' óo'na' jogui ja` iing~na' fa' e niqui'~ jíng` yaang~na' fi' quini` Fidiéé, joba' eám' nijmi'míng`na' jalé` iihuí` e catíng^-na' mi~ nití` í` e niquidsi' Fidiéé` í' laco' catíng^- quiá^- lajaang` lajaang` dsea` jmigüi'. ⁶ Co' ie~ jmí~ job mi~ niquir^- quiá^- lajaang` lajaang` dsea` lí^ jialco' jii~ e nicaléé` dsea` lajee` e seeiñ` fi' jmigüi' la. ⁷ Jo jaléng` dsea` i` 'nó' jial e nifé' Fidiéé` guiá^- uii~ quiá'r^- jogui jial e niñiñ` quiá^- dsea` do jalé` e jlo^ e catíin^- jogui jial e niliseeiñ` lata~ uii~ e cuø' dsíir' e jmóor` jalé` e guiá-, joba' lajaléng` dsea` i` jmóo` lajo, Fidiéé` nicuø'r-bre jaléng` í` e niliseeiñ` cøng` cóo'r~ lata~. ⁸ Jo dsu' lajaléng` dsea` i` jmóo` lajii~ e lí` dsíir' yaaiñ` jogui ja` náu'r~ jalé` ta` huí', co' lí^ lí` tí'gui dsíir' e jmóor` jalé` e ja` dseeng, jo uii~ joba' Fidiéé` eám' nisiguiñ` quiá^- jaléng` í, jo iihuí` e eám' nicuø'r-reiñ!. ⁹ Joba' jaléng` i` dsea` i` jmóo` jalé` e ga` lajo, eám' fi'í` niliñ^- cóo^` jalé` iihuí` e ni'íñ` e jáa' quiá^- Fidiéé, jo jee~ jo quiéeng` jaléng` dsea` i` líng` dsea` Israel jogui dsu' lajobi cajo jaléng` dsea` i` ja` líng` dsea` Israel. ¹⁰ Dsu' jaléng` i` dsea` i` jmóo` jmang^- jalé` e guiá-, 'ñiab' Fidiéeb` nicuø'r^- jaléng` í` jalé` e jlo^ e catíin^, jogui nifé'r` guiá^- uii~ quiáin^, jogui nicuø'r^- e niliseeiñ` juguiá^- contøng^- cajo. Jo jee~ jo quiéeng` jaléng` dsea` Israel, jogui dsu' lajobi cajo jaléng` dsea` i` ja` líng` dsea` Israel. ¹¹ Co' Fidiéé` ja` cár` cuente jial líng` dsea`, co' røøb` lí'naa' lajii~naa' fi' quinir~.

¹² Jo jaléng` dsea` i` ee` dsee^- e ja` mí` calicuír` e júu^ quiu' ta~ quiá^- Moi~, joba' mi~ nití` í` e júuin^- ja` ni'íñ` í' quiá'r^- la'eáang` cóo^` e júu^ quiu' ta~ do; jo dsu' jaléng` dsea` i` ee` dsee^- nañi' fa' nicuú'bre jial fé` e júu^ quiu' ta~ do, joba' mi~ nití` í` e júuin^, cóo^` e júu^ quiu' ta~ dob ni'íñ` í' quiá'r^- laco' catíng^-. ¹³ Co' ja` ni'íng` Fidiéé` jaléng` i` dsea` i` lico' núu` e júu^ quiu' ta~ do e líin^ dsea` i` ja` røøng` dsee^- fi' quinir~, dsuco' lajii~ dsea` i` jmóo` náu~ laco' fé` e júu^ jo, jii~ í'bing' i` ni'íng` Fidiéé` e líin^ dsea` i` ja` røøng` dsee^- fi' quinir~. ¹⁴ Jo jaléng` dsea` i` ja` líng` dsea` Israel ja` sea` quiá'r^- e júu^ quiu' ta~ do; dsu' mi~ jmóor` laco' fé` e júu^ quiu' ta~ do, jmóor` jii~ laco' í` dsíir' yaam~bre, joba' lafa' yaam~bre sea`

júu[^] quiu' ta~ quiá'r- jóng. ¹⁵ Dsuo' cóo'~ lajalé' e jmóor` do cuø li~ quiá'r- e dseáng'- fí dsí'bre sea` jalé' e júu[^] quiu' ta~ do. Co' cóo'~ jíi' e í dsí' yaaiñ` do nija' júu[^] quiá'- jalé' e jo, jogui cajo cóo'~ jalé' e í dsí' do ni'níng- ír` osi nijmi'øng' ír` é. ¹⁶ Jo nidsijé' lajalé' e jo lí' laco' cafá'- a na mi~ niguiéé' jmi~ e Fidiéé' ni'ír- í' lí' jialco' ca'f dsí' dsea` jogui jialco' cajméer` lí' ja` ní dsea` jiéng'. Jo nijmér- lajo la'eáang' cóo'~ Fí'naa' Dsea` Jmáang' lí' laco' jíi' lí' e júu[^] e guia' jnea~.

Jial seeng` dsea` Israel cóo' e júu[^] quiu' ta~ quiá'r- e cajme' Moi~

¹⁷ Jo fíi-guú jaléng' 'nú', dsea` fó'na' e líng'na' dsea` Israel jogui e teá' teáang'na' cóo'~ júu[^] quiu' ta~ quiá'- Moi~ jogui e jmi'jlong' yaang~na' dsu' uí' e líng'na' dsea` siguáng' quiá'- Fidiéé'; ¹⁸ jogui fó'na' cajo e niñí'bi' lajii' e iing~ Fidiéé' e nijmées'na', jogui e júu[^] quiu' ta~ do jmicóo'~ 'nú' e niguí'na' jnang~ e guiá- e nijmées'na', ¹⁹ jogui e dseáng'- nitab~ óo'na' e nilí'ba' nijmicóo'na' jaléng' dsea` i lafa' tiuung- uí' e ja` já'- líiñ' e seeng` jaang` Fidiéé', jogui fó'bi' cajo e lí'bi' nijmicóo'na' jaléng' dsea` i seeng' fí lí' nuu` sò' uí' e eáang' beáng' dsee- yaaiñ~; ²⁰ jogui fó'na' cajo e nitab~ óo'na' e lí'ba' é'na' jaléng' dsea` i ja` lí' gui' jnang' jalé' e guiá- e nijmér-, jogui e tii'm'ba' jmées'na' lajo cajo cóo'~ i dsea` i tá' caliñí' e júu[^] quiu' ta~ quií'na' do, dsuo' e fí ni~ júu[^] quiu' ta~ do í óo'na' e fí job lí' sea` uing~ e laco' tíng'na' ngáng'na' jogui e laco' líi'na' jalé' júu[^] já'- . ²¹ Joba' fíi- i jaléng' 'nú' e 'núb' e'na' jaléng' dsea` jiéng', jo dsu' eáang' gui' né- e nijmitíng'na' yaang~na'; jogui 'nú' guia'na' júu[^] jee~ jaléng' dsea` e ja` dseeng' e jmóo' dsea` íi, jo dsu' cuøøng' 'nú'bi' jmoo'na' íi quiá'- dsea` rúng'na'; ²² jogui fí'na' dsea` e ja` dseeng' e 'léé' dsea` e güiñ` cóo'~ i o' quiá'r-, jo dsu' cuøøng' 'nú'bi' jmoo'na' jalé' e ja` dseeng' lajo; jogui 'ní' máang'na' jaléng' diéé~ i jmáang' dsea` cóo'~ guóor', dsu' cuøøng' 'nú'bi' jmoo'na' íi jalé' e sea' fí sinúu' guá'- quiá'- jaléng' i diéé~ do; ²³ jogui eáang' jmi'jlong' yaang~na' quiá'- e júu[^] quiu' ta~ quiá'- Moi~ do, jo dsu' ja` jmi'goo'na' 'ñia' Fidiéé', co' ja` jmoo'na' núu'na' jalé' e júu[^] quiu' ta~ do. ²⁴ Co' e jáb'- e líng~ uim~ba' e fé' fí ni~ jì quiá'- Fidiéé' lala: "Jaléng' dsea` i ja` líng' dsea` Israel gab' fé'r' uii~ quiá'- Fidiéé' uí' cóo'~ jalé' e ga' e jmoo' 'nú', dsea` líng'na' dsea` Israel."

²⁵ Dsuo' e jáb'-, doñí' ii' 'nú' i núu' e júu[^] quiu' ta~ quiá'- Moi~ do, seab' lí' íng' ta~ quií'na' e tóo' lí' fí ngúu' táang'na' lí' laco' la lí'ng'naa', dsea' lí'naa' dsea` Israel. Jo dsu' song ja` núu'na' e júu[^] quiu' ta~ do, joba' ja' e ta~ íng' quií'na' jóng e tóo' lí' fí ngúu' táang'na' do. ²⁶ Jo song ii' 'nú' ja' mí' cató- lí' fí ngúu' táang' jo dsu' jmití'ba' lajii' e júu[^] quiu' ta~ do, joba' Fidiéé' ím'bre 'nú' jóng lafa' jaang' dsea` i nicató- lí' fí ngúu' táang', nañí' fa' ja' mí' calí're lajo. ²⁷ Jo i dsea` i ja` tóo' lí' fí ngúu' táang' dsu' jmiti~bre e júu[^] quiu' ta~ do, joba' cóo'~ i dsea` í cuø lí' e jaléng' 'nú', dsea` líng'na' dsea` Israel, oo~ba' dsee- fí quini' Fidiéé'. Co' nañí' fa' nicatób- e lí' do fí ngúu' táang'na' jogui e seab' quií'na' e júu[^] quiu' ta~ do, dsu' ja' jmití'na' laco' fé' e júu[^] jo.

²⁸ Dsuo' e jáb'-, lajob lí', jíi' jaang' dsea` líiñ' dseáng'- dsea` Israel dsu' uí' e jmóor' jíi' e quí' tíng' dsea` áang' quiá'r- fa' e tóor' lí' fí ngúu' táaiñ'. ²⁹ Dsuo' i dsea` i dseáng'- já'- líng' dsea` Israel, fí dsí'bre lí' líiñ' lajo, jogui e quí' tíiñ' e jmóor' lí' fí ngúu' táaiñ' do, o' fí jo lí' né- jmér- lajo, co' lafa' fí dsí'bre lí' nitóo' e lí' do lana, co' dsea` quiá'- Dsea` Jmáang- nilíiñ', jo Jmiguí' quiá'- Fidiéé' dsea` jmóo' lajo, jo o' júu[^] quiu' ta~ quiá'- Moi~ e jmóo' lajo. Jo i dsea` i líng' lajo, Fidiéé'bing' i fé' guiá- uii~ quiá'r- jo o' dsea` jmi'güi' i fé' lajo.

3

¹ Joba' ¿su guiú-gui e lí'naa' dsea` Israel, jogui su e quíng'gui quí-ii' e tóo' lí' fí' ngúu' táang'naa' lí' laco' quí'- tñ'naa'? ² E jáb'-, lajob lí', co' jmiguiab' uiing~ sea' e guiú- e lí'naa' dsea` Israel, jo e laba' e niing~gui e jnea~bing' i nicangúng` júu^ quiá'- Fidié~. ³ Jo dsu' e jáb'-, i líng~ la'ó' dsea` góo'naa' dsea` Israel nicatú'bre e já'- líiñ` júu^ quiá'- Fidié~. Dsu' Fidié~ contøom~ jmitir~ júu^ quiá'r- nañí' fa' i líng~ dsea` góo'naa' ja' cajméer` já'- líiñ` e júu^ jo. ⁴ Co' e jáb'-, contøom~ fé' Fidié~ júu^ já'-, nañí' fa' dsea` jmiçüi` contøom~ quier' júu^ ta` júu^ . Co' lalab fé' fí' ni` jì' quiá'- Fidié~ lí' fé' cuaiñ` quiá'r-: Jo mi~ núu` dsea` júu^ quiá'-

conguiab' líñir' e jmang'- júu^ já'-ba' fó' 'nu',
jo contøom~ lí' mi~ cuø' dsea` 'nu` dsee- .
Jo lanab fé' fí' ni` jì' quiá'- Fidié~.

⁵ Jo dsu' song jalé' e ga' e jmoo~naa' íng` ta~ e laco' eáang'gui nililí' dsea` jialco' jmóo` Fidié~ jmang'- jalé' e guiú-, joba' ¿e~ nife'ee' jóng? ¿Su e gab` jmóo` Fidié~ mi~ cuø' iihuú' uí'~ jalé' e ga' e jmoo~naa' do? (Dsu' fá'-a e júu^ la lí' laco' la fé' doñí' ii` dsea` jmiçüi'.) ⁶ Dsu' Fidié~ jii'~ coø' e ga' jmóor'. Co' faco' ja' cuø' iihuú' mi~ jmóo` dsea' e ga', joba' ¿jial lí'r' e ni'ír- í' røø` quiá'- lajaléng' dsea` jmiçüi'? ⁷ Jo seem` dsea' i fé' e cóo'~ jalé' júu^ e o' já'- e fé'r', eáang'gui nililí' dsea` jial fé' Fidié~ jmang'- júu^ já'-, jo lajoba' nijmi'gò' dsea' ír'. Jo song lajob lí', joba' ¿jiali'` ngúng` i dsea' í' dsee- e líiñ` jaang` dsea` dsee- dsea` qui'? ⁸ Jo song lajob lí' cajo, joba' cuøng` fe'ee' jóng, ¿jiali'` ja' jmó'oo' e ga' e laco' ni'uíng~ jmang'- e guiú-? Jo lanab fé' i líng~ dsea' e cuø'r' jnea~ dsee-, co' fé'r' e e júu^ lanaba' ée- jnea~ dsea' rún'n, jo dsu' dseáng'- o' lajo. Jo jaléng' i dsea' i fé' ga' lajo lí' catíiñ- e ni'íñ' lajii'~ iihuú' quiá'- jalé' e ga' e jmóor` do.

Jalém' dsea` røøiñ` dsee-

⁹ Joba' ¿su jnea~aa', dsea` lí'naa' dsea` Israel, guiúng~guí' fí' quini` Fidié~ laco'gui i dsea' i ja' líng' lajo? ¡U~, dseáng'- o' lajo! Dsüco' nicafíi~baa' 'nú' e lajalém' dsea' i líng' dsea` Israel jogui lajalém' dsea' i ja' líng' lajo dseáng'- røøb` líiñ', co' jalé' dsee- quiá'-bre silii'` ír'. ¹⁰ Co' lalab fé' fí' ni` jì' quiá'- Fidié~:

¡Ja` seeng` jii'~ jaang` dsea' fa' e éer` røø` contøong~!
¡Co' dseáng'- jii'~ jaang` dseáng'- ja` ii` seeng` i jmóo` lajo!

¹¹ Jogui ja' seeng` dsea' i quíi'~ jmi~ ningáng',
o'gui i iing~ ni'náng' Fidié~ cajo.

¹² Co' lajiiim` dsea' nicacár- fí' ga',
jogui lajiiim` cajo ja' ee' uiing~ sea` quiá'r- jii'~ coø'.

¡Co' ja' seeng` jaang` dsea' fa' i ée` røø`!
¡Co' dseáng'- jii'~ jaang` dseáng'- ja` ii` seeng` i jmóo` lajo!

¹³ Jo jalé' júu^ e fé'r', jmang'- júu^ 'lib' lí'.
Jo eáam' jmiçøøiñ` dsea` rúñ' cóo'~ jalé' e fé'r'.

Jo jalé' e júu^ jo eáam' 'lée',
lí' laco' lí' e nó' quiá'- jaang` mi' i guíng~.

¹⁴ Jo lajalé' e fé'r' do jmang'- júu^ guíib-,
jo cóo'~ jalé' e jo eáam' bíñ- jaléng' dsea` rúñ'.

¹⁵ Jo contøong~ guíng~ dsíir' e nijngáñ'- dsea` rúñ'.

¹⁶ Jo lajii'~ fí' teáaiñ'~ dseáng'- jmang'- lajii'~ e 'lé'-bre dseáng'-.
Jo cuø' iihuú' jaléng' dsea` rúñ'.

¹⁷ Jo dseáng'- jii'~ capí' ja' ñir' jial dseáng'- e seeñ` juguiá- cóo'~ Fidié~.

¹⁸ Jogui dseáng'- jii'~ capí' ja' ñir' e 'né- e nijmi'gór` Fidié~.

Jø lanab lí' júu^ quiá' Fidié'.

¹⁹ Jø nine~baa' røø' e lajalé' e júu^ quiá' ta~ e cajme' Moi~ jaléng' dsea' Israelbing' catúng~ nijmiti~, jø lajoba' júi' jaang' dsea' jmigüi' cuøøng' fa' nijíñ' e ja' røøiñ' dsee~ fí' quini' Fidié', cø' dsea' í'bing' i' í' laco' catúng~ quiá' lajaléng' dsea' jmigüi'. ²⁰ Cø' Fidié' ja' ni'íñ' júi' jaang' dsea' e líiñ' jaang' dsea' i' ja' røøng' dsee~ fí' quinir' dsu' uí' e jmitir~ e júu^ quiá' ta~ do. Dsøco' júi' lí' íng' ta~ e júu^ quiá' ta~ do e lico' line~naa' e lí'naa' dsea' røøng' dseeb~.

Jial íng' Fidié' jneaa~aa' la'eáang' e já' lí'naa' júu^ quiá'r'

²¹ Jø dsu' lana Fidié' nicacuø'r' jneaa~aa' e nine~naa' jial e íñ' jneaa~aa' e lí'naa' dsea' i' ja' røøng' dsee~ fí' quinir'. Jø jmóor' lajò dsu' o' uí' e jmití'naa' júu^ quiá' ta~ e cajme' Moi~. Jø røøb' cøøng' e júu^ na laco'gui e fé' e fí' ni' e júu^ quiá' ta~ do jogui laco' e café' jaléng' dsea' i' café' cuaiñ~ quiá' Fidié' malí'gui eáang'. ²² Jø røøb' íng' Fidié' lajaléng' dsea' jmigüi' e líiñ' dsea' i' ja' røøng' dsee~ fí' quinir' la'eáang' e já' líiñ' júu^ quiá' Dsea' Jmáang~. ²³ Cø' lajüim' dsea' jmigüi' nica'éer' dsee~, jø uí' e jøba' ja' catíiñ~ e nitíiñ~ e niliseeiñ' cø' Fidié' fí' lí' niing' 'gøng' dsea' do. ²⁴ Dsu' uí' e Fidié' eám' 'neáaiñ' jneaa~aa' e júi' ja' catí'naa' lajò, jøba' ca'íñ' jneaa~aa' e lí'naa' dsea' i' ja' røøng' dsee~ fí' quinir'. Jø cajméer' lajò la'eáang' e nicaléang' Dsea' Jmáang~ jneaa~aa' jee~ jalé' dsee~ quí'ii' ie~ lamí~ cajúíñ~ fí' dse' crúu^'. ²⁵ Jø Fidié' cacuøøiñ' Dsea' Jmáang~ e laco' cajúng~ dsea' do fí' dse' crúu^'. Jø la'eáang' cø' e jmi'øøng~ Dsea' Jmáang~ e catüu' fí' jø, ca'íiñ~ dsee~ quiá' dsea'. Jø Fidié' cacuøøiñ' dsea' do e laco' cuø' lí' e contøøm~ jmóor' jmang' e guiá~ jogui e eám' féng' dsíir' cajo, dsøco' ja' iu~ dsíir' jalé' dsee~ e ca'éé' dsea' lamí~ jéeng'gui. ²⁶ Jø cajméer' lajò e laco' niliñ' dsea' jmí' na e ím'bre dsea' e líiñ' dsea' i' ja' røøng' dsee~ fí' quinir'. Jø e na cuø' lí' e júi' íb' dsea' i' jmóo' jmang' jalé' e guiá~, jogui júi' íb' cajo i' íng' doñi' i' dsea' i' já' líng' júu^ quiá' Dsea' Jmáang~ e líiñ' dsea' i' ja' røøng' dsee~ fí' quinir'.

²⁷ Jø lana júi' cø' fa' e nijmjiløng' yee~naa' fí' quini' Fidié' e í' dsí'naa' e ni'íñ' jneaa~aa' dsu' uí' e jmití'naa' e júu^ quiá' ta~ do, cø' ni'ím'bre jneaa~aa' dsu' uí' e já' lí'naa' júu^ quiá' Dsea' Jmáang~. ²⁸ Jø lanaba' nicalíne~naa' røø' e Fidié' ni'ím'bre dsea' e líiñ' dsea' i' ja' røøng' dsee~ fí' quinir' dsu' uí' e já' líiñ' júu^ quiá' Dsea' Jmáang~, dsu' o' uí' e jmitir~ e júu^ quiá' ta~ do. ²⁹ Dsu' Fidié' ja' líiñ' júi' Fidié' quiá' dsea' Israel, cø' líim'bre cajo Fidié' quiá' lajaléng' dsea' jmigüi'. ³⁰ Cø' dseáng' jaam' Fidié' dseáng' i' seeng', jø júi' í'bing' i' íng' dsea' i' já' líng' júu^ quiá' Dsea' Jmáang~ e líiñ' dsea' ja' røøng' dsee~ fí' quinir', nañi' su líiñ' do dsea' Israel osi ja' líiñ' lajò é. ³¹ Jø dsu' uí' e já' lí'naa' júu^ quiá' Dsea' Jmáang~, jøba' dseáng' ja' cuøøng' fa' e ni'náng' ca' lajúi' e fé' e fí' ni' júu^ quiá' ta~ do. Cø' lí' lí' jmí'goo~bí' jial tí' niing~ e fé' e júu^ jø.

4

Jø lí' laco' cajméé' lí' yúu' Abraham, lajòb' né' jmó'oo'

¹ Jø lana, dsea' rú'naa', nisí'naa' capi' cuaiñ~ quiá' e calí' cø' lí' yúu' quí'ii' Abraham. ² Cøfa' mí' ca'íng' Fidié' lí' yúu' Abraham e líiñ' do jaang' dsea' i' ja' røøng' dsee~ fí' quinir' dsu' uí' jalé' e guiá~ e ca'ééiñ~, jøba' seab' cuøøng' lí' jmijløng' í' ñia'r' jóng, dsu' o' fí' quini' Fidié' facø' lajò. ³ Dsøco' lalab fé' fí' ni' jì' quiá' Fidié': "Jø lí' yúu' Abraham jáb' calíiñ~ júu^ quiá' Fidié', jøba' Fidié' ca'íñ' dsea' do e líiñ' do jaang' dsea' i' ja' røøng' dsee~ fí' quinir'."

4 Jo lajɔb líí, fa' jaang` dsea` jmóor` ta~, jɔba' e 'léeiñ~ do ja` ngúíñ lí^ ta` ngúíñ, cɔ' quiá'- lajii~ ta~ e jmóo`bre quiá'- e jɔba' ngúíñ. 5 Jo dsu' fa' jaang` dsea` já'- lííñ júu^ quiá'- Fidié~, jɔba' Fidiéé` ím`bre dsea` do e lííñ' do jaang` dsea` i ja` røøng` dsee- fí` quinir~ nañi' fa' ja` mí` cajméeiñ' do jii~ cɔɔ` e guiá~. 6 Cɔ' caféb` dseata~ dsea` féng' Daví^ ie~ malii~gui do quiá'- jial tíí` juguiá~ quiá'- lí^ doñi' ii` dsea` mi~ jo` íu~ dsíí` Fidiéé` cɔɔ~ lajalé` e nicajméer` lamí` jéeng`gui, jɔgui e nica'íng`neiñ' e lííñ' do jaang` dsea` i ja` røøng` dsee- fí` quinir~. 7 Jo lalab` cajíng'- i dseata~ do ie~ malii~gui do:

iɔ eáam` juguiá~ quiá'- jaléng` dsea`
 mi~ Fidiéé` nica'ííñ- dsee- quiá'- lajalé` e ga` e nicajméeiñ`,
 jɔgui e nica'eáang`neiñ' jee~ jalé` dsee- quiáíñ'!

8 Jo eáam` juguiá~ quiá'- jaléng` dsea`
 i jo` íu~ dsíí` Fíí`naa' Fidiéé` jalé` dsee- e nica'éeiñ`.

Jo lanab` jii~ líí` júu^ quiá'- dseata~ dsea` féng' Daví^.

9 Jo e juguiá~ na ja` catíng- jii~ dsea` Israel i quí'- tíng` tóo' lí~ fí` ngúu' táang`, cɔ' catíim- cajo jaléng` dsea` i ja` líng` dsea` Israel dsea` i ja` quí'- tíng` lajo. Cɔ' lí^ laco' la nicasii~naa' 'nú' e Fidiéé` ca'ím`bre 'líí` yúu~ Abraham e lííñ' do jaang` dsea` i ja` røøng` dsee- fí` quinir~ dsu' uíí~ e já'- calíng- dsea` do júu^ quiá'- Fidiéé~, 10 jo` çlí` ca'íng` Fidiéé` i 'líí` yúu~ Abraham do e lííñ' do lajo? çSu nú'-gui e cató- lí~ fí` ngúu' táaiñ` osi mi~ cangí` jɔ` é? Mó^ nú'-gui e cató- lí~ fí` ngúu' táam`bre ca'íng` Fidiéé` ír` e lííñ' do jaang` dsea` i ja` røøng` dsee- fí` quinir~. 11 Jo mi~ cangí` e ca'íng` Fidiéé` i 'líí` yúu~ do, jɔguiba' cató- lí~ fí` ngúu' táaiñ` do e laco' cuø` lí~ e nica'ím` Fidiéé` ír` e lííñ' jaang` dsea` i ja` røøng` dsee- fí` quinir~ dsu' uíí~ e já'- calííñ'- do júu^ quiá'- Fidiéé`. Jo uíí~ e jɔba' i 'líí` yúu~ Abraham do ca'uííñ- lafa' tiquiá'^ jaléng` dsea` i já'- líng` júu^ quiá'- Fidiéé`. Cɔ' Fidiéé`bing' i íng` dsea` i já'- líng` júu^ quiá'r- e laco' nilííñ'- do dsea` i ja` røøng` dsee- fí` quinir~, jo ja` ee` líí` fa' ja` mí` cató- lí~ fí` ngúu' táaiñ` do. 12 Jɔgui i 'líí` yúu~ Abraham do líim`bre cajo lafa' tiquiá'^ jaléng` dsea` Israel i nicató- lí~ fí` ngúu' táang`. Jo i 'líí` yúu~ do líííñ' lafa' tiquiá'^ jaléng` í` dsu' o' uíí~ e nicató- lí~ fí` ngúu' táaiñ` do; cɔ' 'né- e nijmiti~biñ' do cajo lí^ laco' cajmée` i 'líí` yúu~ Abraham do ie~ lamí` já'- calííñ- júu^ quiá'- Fidiéé` lajee` e ná'-gui e cató- lí~ fí` ngúu' táaiñ`.

Mí~ cacuø' Fidiéé` júu^ quiá'r- 'líí` yúu~ Abraham

13 Jo ie~ malii~gui do Fidiéé` cacuø'r` júu^ 'líí` yúu~ Abraham cɔo~gui jaléng` dsea` sijur~ e niñíim`biñ' do lajalé` e sea` fí` jmígüí. Jo e júu^ la caliti~ dsu' o' uíí~ e 'líí` yúu~ Abraham cajméer` núur~ e júu^ quiu' ta~ e cajme' Moí~. Cɔ' calí- lajo la'eáang` e jáb'- calíng- i 'líí` yúu~ do júu^ quiá'- Fidiéé~, jo uíí~ e jɔba' e ca'íng` dsea` do ír` e líííñ' jaang` dsea` i ja` dsee- røøng` fí` quinir~. 14 Jo song` lajii~ dsea` i jmiti~ e júu^ quiu' ta~ do ni'íñ' lajalé` e sea` fí` jmígüí, jɔba' cuøøng` fe`ee' jóng` e ja` ee` ta~ íng` e já'- líng` dsea` júu^ quiá'- Fidiéé~, jɔgui e júu^ e cacuø` Fidiéé` lamí` jéeng`gui do ja` ee` quíng` cajo. 15 Cɔ' song` ja` jmiti~ dsea` dseáng'- røø` e júu^ quiu' ta~ do, jɔba' iihuúb' íñ' quiá'- Fidiéé` jóng`. Jo dsu' lí` ja` sea` e júu^ quiu' ta~ do, jɔba' ja` ee` cuøøng` lí` 'lé- dsea` cɔo~ e jo.

16 Jo Fidiéé` cacuø'r` 'líí` yúu~ Abraham júu^ quiá'r- uíí~ e já'- calíng- i 'líí` yúu~ do júu^ quiá'- dsea` do. Jo cajmée` Fidiéé` lajo e laco' jaléng` dsea` i líng` siju~ 'líí` yúu~ Abraham nita~ dsíir` e dseáng'- nijmitib~ Fidiéé` e júu^ jo la'eáang` e eáang` 'neáaiñ` jaléng` i dsea` í` e jii~ ja` catííñ'- do lajo. Jo lí^ laco' cuøøng` fe`ee' e júu^ na, e jalé` e jíng'- Fidiéé` e nicuø'r- jaléng` dsea`, dsu' o' jii~ dsea` i catíng- e júu^ quiu' ta~ do i nicuø'r- jalé` e jo, cɔ' nicuø'-bre cajo jaléng` i dsea` i já'- líng` júu^ quiá'r- lí^ laco' cajmée` i 'líí` yúu~ Abraham do. Jo lajɔba' i 'líí` yúu~ do ca'uííñ- lafa' tiquiá'^ jaléng` jneaa`aa', dsea` i já'-

lí'naa' júu^ quiá'- Fidiée'. 17 Jo lí'^ laco' la fé' Fidiée' fí' ni' jì' quiá'r- lí' fé'r' lala cuaiñ~ quiá'- 'lí' yúu~ Abraham: "Nícajmé- e nilín'- lafa' tiquiá'^ i fíng' 'lé' dsea' jmgüí'." Jo lanab fé' Fidiée' fí' ni' jì' quiá'r-. Jo e júu^ la calitib~, co' 'ñiab' Fidiée' dsea' cacuør'. Jogui jáb'- calíng- Abraham e júu^ e cangíiñ' quiá'- dsea' do. Jo jíí' Fidiée'bing' i quí' jmi~ e nijmijí'r' jaléng' 'lí' jogui e nijmér- e nilisea' doñí' ee' e ja' mí' sea' fí' jmgüí'.

18 Jo lajee' e nidseáam- eáang' i 'lí' yúu~ Abraham do, jogui jo' quí'r~ jmi~ fa' e niliseeng' jóor' co' eáam' niyúu'r~, jo dsu' jáb'- calíñ'- do júu^ quiá'- Fidiée' e quiá'- niliseem' jóor' nañí' fa' ja' quí'r~ jmi~ lajo. Jo dsu' lajob calí-, jo "ca'uíñ- lafa' tiquiá'^ i fíng' 'lé' dsea' jmgüí'" lí'^ laco'gui la nícasí'- Fidiée' ír' lami~ jéeng'gui ie~ lami~ cajíng'- dsea' do lala: "Lanab niliseeng' fíng' dsea' sijú'." 19 Jo dseáng'- ja' calitúm- dsíí' 'lí' yúu~ Abraham e já'- líiñ' júu^ quiá'- Fidiée', nañí' fa' ie~ jo níngóor' jie~ ja' cien jíí', jogui nilí'bre cóo~ dseamí' quiá'r- i sii' Sara do e tí' lí' níjúum-bre. Jo laji' gám-bre ie~ jo eáam' nidseáaiñ-, joba' jo' quí'guir jmi~ fa' e niliseeng' jóor'. 20 Jo i 'lí' yúu~ Abraham do dseáng'- jáb'- calíñ- jogui dseáng'- calitab' dsíir' e dseáng'- nijmitib~ Fidiée' lajíí' júu^ e cacuør' dsea' do, jo eáang'gui já'- calíñ- jogui cajmíta'gui dsíir' e dseáng'- nijmitib~ Fidiée' lajíí' e nícajiñ'- lami~ jéeng'gui do. Jo uíí' joba' eáam' cajmiféiñ' Fidiée', 21 co' dseáng'- nitab' dsíir' e dseáng'- quí'b~ dsea' do jmi~ e nijmitir~ lajíí' júu^ e nícacuør' lami~ jéeng'gui. 22 Jo uíí' e já'- calíñ'- do e júu^ jo, joba' ca'íng' Fidiée' ír' e líiñ' do jaang' dsea' i ja' røøng' dsee- fí' quinir'. 23 Jo e ca'íng' Fidiée' i 'lí' yúu~ Abraham do e líiñ' do jaang' dsea' i ja' røøng' dsee- fí' quinir' o' jíí' quiá'- 'lí' yúu~ í' dseáng'- fé' e júu^ na, 24 dsuco' catím- jneaa~aa' e júu^ na cajo. Co' ím' Fidiée' jneaa~aa' e líí'naa' dsea' i ja' røøng' dsee- fí' quinir' dsu' uíí' e já'- líí'naa' júu^ quiá'r-. Jo jáb'- líí'naa' cajo e Fidiée'bing' i cajmijí'tu Fíí'naa' Dsea' Jmáang- 25 mí' cangí' e cacuøoiñ' dsea' do e cajúíñ'- fí' dse' crúu^ uíí' jalé' dsee- quí-ii'. Jo mí' cangí' jo, cajmijí'tur Dsea' Jmáang- e laco' la'eáang' í' cajméer' cóo~ jneaa~aa' e nílí'naa' dsea' i ja' røøng' dsee- fí' quinir'.

5

Jial íng' Fidiée' dsea' e líiñ' dsea' i ja' røøng' dsee- fí' quinir'

1 Jo lana Fidiée' níca'íñ' jneaa~aa' e líí'naa' dsea' i ja' røøng' dsee- fí' quinir' dsu' uíí' e nijá'- líí'naa' júu^ quiá'r-. Jo co' lajob nilíí'naa', joba' juguíá- júu^ røø' nísee~naa' lana cóo~ Fidiée' la'eáang' cóo~ jalé' e nícajméé' Fíí'naa' Dsea' Jmáang- cóo~ jneaa~aa'. 2 Jo la'eáang' cóo~ Dsea' Jmáam-ba' e nísee~naa' lajo cóo~ Fidiée'. Jo nícaingíng'naa' e jo uíí' e já'- líí'naa' júu^ quiá'r-. Jo lajob nísee~naa' lana, jogui eáam' íaang' dsí'naa', co' nitab' dsí'naa' e dseáng'- niliseem~baa' cøøng' cóo~ Fidiée' fí' lí' níng- 'gøiñ' mí' nití- e í' jo. 3 Jogui o' quiá'- jíí' e na e jmi'íaang' dsí'naa', co' lajob cajo jmi'íaam' dsí'naa' cóo~ jalé' e huíng' e dsijéé' quí-ii'. Co' níne~baa' guíá- e mí' níngí' e dsingíng'naa' jalé' e jo, joba' eáang'guib niliféng' dsí'naa' cóo~ doñí' ee' e nidsijéé' quí-ii' jóng. 4 Jo mí' jmoo~naa' e féng' dsí'naa' cóo~ jalé' e dsingíng'naa' do, joba' guíáb- fé' Fidiée' uíí' quí-ii' jóng. Jo mí' jmoo' Fidiée' lajo cóo~ jneaa~aa', joba' eáang'gui líta~ dsí'naa' e niliseem~baa' cøøng' cóo~ Fidiée' fí' lí' níng- 'gøiñ'. 5 Jo e níta~ dsí'naa' na dseáng'- nilitib~, co' la'eáang' cóo~ Jmiguí' quiá'r- e nícacuør' jneaa~aa' e nícaline~naa' jial tíí' e ja' cóøng' cóo~ e 'neáaiñ' jneaa~aa' do.

6 Jo dsu' lajee' e ja' quí'guí' jmi~ fa' e nilaang- yee~naa' jee~ jalé' dsee- quí-ii', jo dsu' lajee' job mí' catí' í' e cagüéng- Dsea' Jmáang- fí' jmgüí' la e laco' cajáng' 'ñia'r' e cajúíñ- cuaiñ- quí-ii', dsea' líí'naa' dsea' dsee- dsea' quí'. 7 Dsu' huím' eáang' nícuøng- 'ñia' jaang' dsea' e níjúuíñ- uíí' quiá'- jaang' dsea' i ée'

røø, jø dsu' cõo` jangám` seeng` jaang` dsea` i nicuøng` 'ñia' e nijúuĩn` cuaiñ` quiá'` jaang`gui dsea` i dseáng'` lajang'` guiúng`. ⁸ Jø dsu' lajee` e lí'naa' dsea` dsee` dsea` qui', Fidié` ca'e'r' jneaa`aa' jial tí' ja` cøøng` cõo'` e 'neáaiñ` jneaa`aa', cõ' casíñ` Dsea` Jmáang` e laco' dsea` do cajúñ` uí'` dsee` qui`ii'. ⁹ Jø lana nica'ím' Fidié` jneaa`aa' e nilí'naa' dsea` i ja` røøng` dsee` fí` quinir` la'eáang` cõo'` e jmi'øøng` Fí'naa' Dsea` Jmáang`. Jø cõ' lajõb cajméer` cõo'` jneaa`aa', jõba' lana eáang`guib nita` dsi'naa' e Dsea` Jmáam`bing' i nileáng` jneaa`aa' jee` jalé'` iihuí' e nilisea` mi` tí' lí'` ni'í' Fidié` í'` quiá'` lajaléng` dsea` jmigüí'. ¹⁰ Jø lajee` e ja` see`naa' røø` cõo'` Fidié` jõgui e 'ní' máang`naa're, jø lajee` jõb cajméer` e caliséng`naa' juguiú` júu` røø` cõo'r` la'eáang` e cajúng` Jõor` Dsea` Jmáang` fí` dse'` crúu`. Jø cõ' lajõb cajméer` cõo'` jneaa`aa', jõba' lana eáang`guib nita` dsi'naa' e dseáng'` nileám`baa' jee` jalé'` dsee` qui`ii' la'eáang` e cají'`tu Dsea` Jmáang` mi` cangí' e cajúñ`. ¹¹ Jø o'` jüí'` quiá'` e na e jmi'íang` dsi'naa', cõ' lajõb jmi'íang` dsi'naa' cajo cõo'` lajalé'` e nicajméé` Fidié` cõo'` jneaa`aa' la'eáang` cõo'` Fí'naa' Dsea` Jmáang`; dsucõ' la'eáang` dsea` dob e nisee`naa' lana juguiú` júu` røø` cøøng` cõo'` Fidié`.

Mi` canaang` e sea` dsee` fí` jmigüí`

¹² Jø lajõb lí', dsea` rú'naa'; jø la'uii`, mi` canaang` e caliseá` dsee` fí` jmigüí` la, calí` lajõ uí'` jaang` dseañu'` i calisí` Adán. Jø dsifí` mi` cangí' e ca'éer` dsee`, jõb mi` canaang` e caliseá` 'mó'; jø cõ' lajõb cajmééiñ'` do lamí` uii`, jõba' lajím` dsea` latí' lana sea` 'mó` quiá'r` uí'` jalé'` e dsee` e éer'. ¹³ Jø dsea` dsee` dsea` quib` nilíng` dsea` lajüí'` ie` ná'`gui e niñing` Moi` e júu` quiu'` ta` quiá'` Fidié`. Jø dsu' mi` ja` sea` júu` quiu'` ta`, jõba' ja` cuøøng` lí` ñíng` dsea` dsee` e ja` mi` cajmitir` e júu` jø. ¹⁴ Jø lajõb lí', lajaléng` dsea` i caliséng` jüí'` ie` lamí` cajá` Adán jø ie` cartí` cajá` Moi` caliseáb` 'mó` quiá'r`, jõba' cajúm`bre. Jø calíñ'` lajõ uí'` jalé'` dsee` e ca'éer', lifa' ja` ca'éer` dsee` e laco' dsee` e ca'éé` Adán, cõ' i dsea` do ja` cajméer` náu'r` cõo'` ta` caquiú'` Fidié`. Jø i Adán labing' i líng` cõo'` e lí` quiá'` jaang` i niing` i nijáa` cøøng`gui. ¹⁵ Jø ja` cuøøng` cøøng`naa' røø` e dsee` e ca'éé` Adán jõgui e cacuø'` Fidié` jneaa`aa' e íang` dsiir'. Dsucõ' uí'` e dsee` e ca'éé` i Adán do ie` jø, jõba' caliseá` 'mó` fí` jmigüí` la, jø mi` calí` lajõ, jõba' lajím` dsea` júuiñ` jõng. Jõgui e cangíng`naa' quiá'` Fidié` uí'` e 'neáaiñ` jneaa`aa' do cajmilir` lajõ cõo'` jüí'` 'ñia'` Dsea` Jmáang`. Cõ' e cajméé` Dsea` Jmáang` do dseáng'` ja` sea` e cuøøng` lí` cõng` cõo'` e jø, cõ' la'eáang` jüí'` cõo'` íb` fím` dsea` jmigüí` tíñ'` fí` quini` Fidié`. ¹⁶ Jø e cangíng`naa' quiá'` Fidié` uí'` e eáang` 'neáaiñ` jneaa`aa' do ja` cuøøng` lí` cøøng`naa' cõo'` e dsee` e ca'éé` i Adán do. Cõ' mi` ca'ééiñ` do dsee`, jõba' canaang` e caliseá` 'mó` fí` jmigüí`, jø uí'` jõba' ca'naam` dsea` jõng e seeiñ` cøøng` cõo'` Fidié`. Jø dsu' e cangíng`naa' quiá'` Fidié` do jmóo' e íñ'` jneaa`aa' e nilí'naa' dsea` i ja` røøng` dsee` fí` quinir`. Jø e jø jmóo' Fidié` cõo'` jneaa`aa' la'eáang` cõo'` Dsea` Jmáang`, cõ' í'bing' i nica'íng` lajalé'` dsee` quiá'` dsea` jmigüí'. ¹⁷ Jø dsu' e jáb', mi` ca'éé` i Adán do la'uii` dsee`, jõba' canaang` e caliseá` bí` quiá'` 'mó', cõ' dseáng'` lajím` dsea` jmigüí` tíñ'` e jø. Jø dsu' eáang`guib sea` bí` quiá'` lajüí'` e cuø'` Fidié` i fíng` dsea` jmigüí` e íng'neiñ' e líiñ' dsea` i ja` røøng` dsee` fí` quinir`. Jø jmóo' Fidié` lajõ la'eáang` cõo'` jüí'` 'ñia'` Dsea` Jmáang` uí'` e eáang` guiúñ'` cõo'` dsea` jmigüí'. Jø cõ' lajõb lí', jõba' røøb` ni'íñ'` í'` cõo'` Dsea` Jmáang` mi` nití'` í'` lajõ.

¹⁸ Jø cõ' la'eáang` cõo'` e cõo'` dsee` e ca'éé` i Adán do, jõb mi` ca'naang` dsea` e seeiñ` cøøng` cõo'` Fidié`. Jø dsu' la'eáang` cõo'` e cõo'` e guiú` e cajméé` Dsea` Jmáang` fí` dse'` crúu`, jõba' lana niseab` fí` e lajaléng` dsea` nilíiñ'` dsea` i ja` røøng` dsee` fí` quini` Fidié`. ¹⁹ Jø cõ' ja` cajméé`gui i Adán do náu'r` lajüí'` ta` caquiú'` Fidié`, jõba' lajalém'` dsea` jmigüí` ca'uiñ'` dsea` dsee` dsea` qui'.

Jogui lajobi cajo, la'eáang' e cajmée` Dsea` Jmáang` núu'r~, joba' íng' Fidiée` i fíim' dsea` jmigüi' e liiñ' do dsea` i ja` røøng` dsee` fí` quinir`.

²⁰ Jo mi~ caliseá' e júu^ quiu' ta~ e cajme' Moi~ do, joba' eáang'guib calilí' dsea` e røøiñ` dsee` jóng. Jo dsu' mi~ calimíng'~ eáang' dsee` quiá'- dsea`, joba' Fidiée` eáang'guib caliguiúñ` cóo'~ jaléng' dsea` nañi' fa' ja` catíiñ' lajo. ²¹ Jo dsu' e jáb'- e dsee` e ée` dsea` jmigüi' seab` bí` quiá'-, co' fí' 'mób` sí'. Jo dsu' e eáang' guiúng` Fidiée` cóo'~ jneaa`aa' do eáang'guib sea` bí` quiá'-, co' nica'ím'bre jneaa`aa' e líi'naa' dsea` i ja` røøng` dsee` fí` quinir`. Jo cajmээр` lajo cóo'~ jneaa`aa' e laco' nilisee`naa' car` ngongí` jmí~ la'eáang' cóo'~ Fíi'naa' Dsea` Jmáang`.

6

Lafa' dsea' 'míng` nilí'naa' la'eáang' cóo'~ Dsea' Jmáang`

¹ Jo fíi`guí' 'nú', dsea` rú'naa', e ja` cuøøng` e ni'í'gui dsí'naa' e nibeáang'~ gui dsee` yee`naa' e laco' eáang'gui niliguiúng` Fidiée` cóo'~ jneaa`aa'. ² iCo' dseáng'~ o' lajo! Dsaco' jneaa`aa' lafa' nicajúm`baa' uíi'~ e nica'náng`naa' jee` jalé' dsee` e lami~ quie' nifi' quí-ii'. Jo co' lajob nilí'naa', joba' jo` cuøøng` fa' e nibeáang'~ gui dsee` yee`naa'. ³ Dsaco' nine`baa' guiú` e ie~ mi~ cajgáang`naa' jmí~ uíi'~ e nilí'naa' dsea` quiá'- Dsea` Jmáang`, joba' lafa' e cajúm`baa' jóng cóo'~ dsea` do fí' dse'` crúu^ . ⁴ Co' ie~ mi~ cajgáang`naa' jmí~ do líi' lafa' e røøb` ca'áng`naa' cóo'~ Dsea` Jmáang` mi~ cangí e cajúñ`. Jogui mi~ cají'tu Dsea` Jmáang` la'eáang' cóo'~ e güea'^ 'gøng' quiá'- Tiquiá'r^ Fidiée`, joba' lafa' cajíb'tu jneaa`aa' cajo e laco' nilisee`naa' e nilí'naa' lafa' dsea' 'míng`.

⁵ Jo co' lafa' cajúm`baa' ie~ lami~ cajúng` Dsea` Jmáang`, joba' lana lafa' jaam` dsea` nilí'na' cóo'r~. Jo co' cajíb'tu Dsea` Jmáang` mi~ cangí jo, joba' jneaa`aa' cajo nijíb'túu' ie~ jo e laco' nilisee`naa' cøøng` cóo'r~. ⁶ Jo nine`baa' guiú` e ie~ mi~ catáng` Dsea` Jmáang` fí' dse'` crúu^, cacó-bre lajalé' e ja` dseeng` e lami~ jmoo`naa' do, jo lajoba' ca'ím` e si' fí' quí-ii' e ni'ee`naa' dsee` do. Jo co' lajob calí-, joba' lana jo` quiu'gui ta~ jneaa`aa' jalé' dsee`. ⁷ Dsaco' fa' mi~ júung` jaang` dsea`, joba' jo` cuøøng` fa' e nijmirøng`gui 'ñia'r` dsee`.

⁸ Jogui co' jneaa`aa' lafa' nicajúm`baa' røø` cóo'~ Dsea` Jmáang`, joba' nitab` dsí'naa' e dseáng'~ nilisee`baa' cøøng` cóo'r~ car` ngongí` jmí~. ⁹ Jo co' cajíb'tu Dsea` Jmáang` mi~ cangí e cajúñ`, joba' guiúb` nine`naa' e jo` cuøøng`gui fa' e nijúung`tur calé' catú-, co' jo` sea` bí` quiá'- 'mó` fa' e niquiú'gui ta` ír`.

¹⁰ Jo cóo' ya'ba' cajúng` Dsea` Jmáang` fí' dse'` crúu^ uíi'~ jalé' dsee` quí-ii', jo lajoba' ca'iñ` car` ngongí` jmí~ e bí` quiá'- jalé' e dsee` jo. Jo mi~ cangí jo, cají'tur calé' catú` e laco' lana niseeiñ` cøøng` cóo'~ Fidiée` car` ngongí` jmí~.

¹¹ Jo lajob jaléng' 'nú' cajo 'né` í` óó'na' e lafa' nicajúm`ba' uíi'~ e jo` quiu'gui ta` 'nú' jalé' dsee` quí-na'. Co' lanagui 'né` í` óó'na' e seeng`na' cøøng` cóo'~ Fidiée` la'eáang' e nilíng`na' jaang` dsea` cóo'~ Dsea` Jmáang`.

¹² Jo co' lajob líi', dsea` rú'naa' dsea` quiá'- Dsea` Jmáang`, joba' fíi`guí' 'nú' e ja` cuøø'gui fí' yaang`na' fa' e dsee` quí-na' quiá'-gui ta` 'nú' e laco' nijmití'na' lajii'~ e lí` óó'na' yaang`na'. ¹³ Jo ja` jáang'~ yaang`na' fí' ni~ dsee` e laco' nilisea` fí' quí-na' e nijmée`na' jalé' e ja` dseeng` e lí` óó'na' yaang`na', dsaco' o' lajo e 'né` jmée`na' lana; co' lí'^ lí' 'né` jmée`na' e nijjáang'~ yaang`na' fí' jaguó` Fidiée`, co' lana nilíng`na' dsea` i lafa' nicajúng` jogui i lafa' nicají'tu calé' catú-. Jo co' lajob nilíng`na', joba' 'né` jmée`na' e nijjáang'~ yaang`na' fí' jaguó` Fidiée` e laco' dsea` do nijmér` cóo'~ 'nú' jialco' iñ` e nijmée`na' jmang'~ jalé' e guiú-. ¹⁴ Jo jo` 'né`gui fa' e quiu'gui ta` 'nú' jalé' dsee` quí-na', co' lana niseeng`na' uíi'~ e eáang' 'neáang' Fidiée` 'nú', jo jo` seeng`na' fa' e quiu'gui ta` quí-na' e júu^ quiu' ta~ e cajme' Moi~ do.

Jial laang`dsea`e seeñ`e jo`quiũ` ta` dsee` ír`

¹⁵ Jo co' lana nisee`naa' uí~ e eáang` 'neáang` Fidiée` jneaa`aa' jogui e jo` quiũ`gui ta` quí~ii' e júu` quiũ` ta` do, joba' ja`dseeng` fa' e nibeáang`gui dsee` yee`naa'. ¹⁶ Jo guiáb` niñí` 'nú` e song nijáang`~ yaang`na' e nijmée`na' ta` quiá~ jaang` dsea, joba' 'né` jmití`ba' jóng jalé` ta` e niquíú` i dsea` do, co' lafa' dsea` si`nám` nilíng`na' quiá~ i dsea` i líng` fí`na' do. Jo lajob lí' e la, song 'nú` jmití`na' lajii`~ ta` quiũ` dsee` quí~na', joba' lafa' dsea` i nisijúum` líng`na' jóng, co' nisi`naam`ba' cóo`~ Fidiée`. Jo dsu' song 'nú`gui jmoo`na' náú`~na' júu` quiá~ Fidiée`, joba' ni`ím`bre`nú` jóng e líng`na' dsea` i ja`røøng` dsee` fí` quini`. ¹⁷ Dsu' lana gui`máam` Fidiée` uii` quí`na', co' ie` lamí` jéeng`gui do dsee` quí~ba' silí`~ 'nú`, jo dsu' lanagui nicajmití`ba' e ngocáng` óo`na' lajii`~ e júu` quiá~ Fidiée` e nica`ling`~na' do. ¹⁸ Jo co' jo` silí`gui`nú` jalé` dsee` quí~na' lana, joba' nicajáang`~ yaang`na' e nijmée`na' jmang`- lajii`~ e guiá~. ¹⁹ Jo nifá`a e júu` la cóo` júu` e fé` doñí` i dsea` jmigüi` e laco' ningáng`na' røø` e júu` la, co' fíng` ja` nijmee` e lajo, huím`jiu` lí' quí~na' e ningáng`na'. Co' 'nú`, ie` lamí` jéeng`gui do, dseáng`- cajáang`~ yaang`na' e cajmee`na' jmang`- jalé` e 'li` e ja` dseeng`; jo dsu' lajob lana cajo`né` e nijáang`~ yaang`na' fí` jaguó` Fidiée` e laco' nijmée`na' jmang`- lajii`~ e guiá` e iing` dsea` do e nijmée`na'.

²⁰ Jo lajee` e silí`~ 'nú` jalé` dsee` quí~na', ja` cajáang`~ yaang`na' fa' e cajmée`na' lajii`~ e iing` Fidiée`. ²¹ Jo jii`~ coo` e guiá` cadsé`na' quiá~ jalé` e ja` dseeng` e cajmée`na' ie` lamí` jéeng`gui do, co' lanagui ni`i` lím`ba' cuaiñ` quiá~ jalé` e jo. Co' mi` jmoo` dsea` jalé` e jo, jii`~ fí` 'mób`- si'. ²² Dsu' lanagui jo` silí`gui`quí~na' jalé` dsee`, co' lanagui nicajáang`~ yaang`na' fí` jaguó` Fidiée`. Jo co' lajob nicajmee`na', joba' lana dseáng`- jmang`- lajii`~ e guiá` e iing` Fidiée` nijmoo`na' jogui e niliseeng`na' cøøng` cóo`~ dsea` do car` ngongh` jmí`. ²³ Jo lajob lí', dseáng`- jii`~ 'mó`ba' íng` dsea` mi` éer` dsee`. Jo dsu' la'eáang` e eáang` 'neáang` Fidiée` jneaa`aa', joba' cacuør` e íaang` dsíir` e nilisee`naa' cøøng` cóo`~ Fí`naa' Dsea` Jmáang`- car` ngongh` jmí`.

7

Júu` quiũ` ta` quiá~ dsea` sicúng` guó`

¹ Jo jaléng` 'nú`, dsea` rú`naa' dsea` quiá~ Dsea` Jmáang`, nicuí`ba' røø` jial lí' jalé` júu` quiũ` ta` quiá~ Fidiée`, jogui niñí`bi' cajo e e júu` quiũ` ta` do quiũ` ta` dsea` jii`~ lajee` e seeng` dsea` fí` jmigüi`. ² Co' faco' jaang` dseam` cacúng`- guór`, joba' dseáng`- ja` cuøøng` fa' e nitiúuiñ` i dseañu` quiá`r` do lajee` e seeñ` do fí` jmigüi, co' lajob fé` e fí` ni` e júu` quiũ` ta` do. Jogui fíng` song cajúng`- i dseañu` do, joba' i dseam` do jo` catíng`- fa' e nijmiti`guir laco' fé` e fí` ni` júu` quiũ` ta` do cuaiñ` quiá~ dsea` sicúng`- guó`. ³ Jo song i dseam` do 'léer` e güiñ` cóo`~ dseañu` i jéng` lajee` e seem`bi` i dseañu` quiá`r` do, joba' dseeb` éer` jóng fí` quini` Fidiée`. Jogui song cajúng`- i dseañu` quiá`r` do, joba' jo` catíng`- guir fa' e nijmitir` laco' fé` e fí` ni` júu` quiũ` ta` do cuaiñ` quiá~ dsea` i sicúng`- guó`. Joba' ja` dsee` ni`ér` fí` quini` Fidiée` song nicuíñ` guóor` cóo`~ i dseañu` i jéng` do.

⁴ Jo lajob lí' cóo`~ jaléng` 'nú', dsea` rú`naa' dsea` quiá~ Dsea` Jmáang`, co' la'eáang` cóo`~ e cajúng`- Dsea` Jmáang` fí` dse` crúu` do, lí' lafa' e cajúm` 'nú` cajo. Jo lana jo` quiũ`gui ta` 'nú` e júu` quiũ` ta` quiá~ Fidiée` do. Jo calí` lajo e laco' nilíng`na' dsea` quiá~ Dsea` Jmáang`. Jo co' dsea` quiá~ i dsea` i cají`tu` calé` catú`- nilíng`na', joba' lajii`~ e iing` Fidiée` nijmoo`na' lana. ⁵ Jo ie` lamí` jmití`naa' jalé` e ja` dseeng` e lí` dsíi` ngúu` táang`naa', e júu` quiũ` ta` do calí`ling` ta` e laco' eáang`gui lí` dsí`naa' e nijmó`naa' jalé` e ja` dseeng`

do. Jø jaléⁿ e jø dseáng^l- jii^l~ fí 'mób⁻ si'. 6 Jø dsu^l lana jø` quie^ggui nifi^q quí⁻ii^l lajii^l~ e fé^l e júu[^] quiu^l ta[~] do, co^l nilíng^{naa} lafa^l dsea^l i sijúum⁻, co^l jø silí^l~gui jneaa⁻aa^l jaléⁿ dsee⁻ quí⁻ii^l. Jø co^l lajob nilí^l, joba^l lana fí 'máb⁻ nitée⁻naa^l e nijmoo⁻naa^l la'eáang^l cóo^l~ Jmiguí^l quía^l- Fidiée[~] lajii^l~ e iing⁻ Fidiée[~] e nijmó^{oo}!, jø o^l la'eáang^l cóo^l~ e júu[^] yúu^l~ quiu^l ta[~] do.

Lajii^l~ dsee⁻ e sea^l quie⁻e

7 Jø e laba^l iin⁻n fii^l i 'nú^l', dsea^l rú^l'naa^l dsea^l quía^l- Dsea^l Jmáang⁻, e o^l dsee⁻ e júu[^] quiu^l ta[~] do. iCo^l dseáng^l- o^l lajo! Dsuo^l faco^l mi[~] ja^l mi^l sea^l e júu[^] quiu^l ta[~] do, joba^l ja^l tóo^l jmi^l caliñiⁿ jnea[~] jóng e ee^e dsee⁻. Co^l mi[~] cajme^l jnea[~] júu[^] e júu[^] quiu^l ta[~] do mi[~] fé^l lala: "Ja^l jmoo^l e lí^o jaléⁿ e sea^l fí jmigüí^l", joba^l la'eáang^l cóo^l~ e júu[^] jø caliñiⁿ jnea[~] e lí^o dsii⁻ jaléⁿ e sea^l fí jmigüí^l. 8 Jø la'eáang^l cóo^l~ e júu[^] quiu^l ta[~] do cali^líng^l ta[~] e laco^l jnea[~] caliñii⁻ e eám^l ee⁻ dsee⁻ fí jmigüí^l la uí^l~ e eáang^l lí^o dsii⁻ jaléⁿ e sea^l fí jø. Dsu^l mi[~] ja^l sea^l júu[^] quiu^l ta[~], joba^l ja^l lí^l^ dsea^l e eer^l dsee⁻ jóng. 9 Jø nú^l-gui e ningán^l~n lajii^l~ ta[~] huí^l quía^l- e júu[^] quiu^l ta[~] do, lín⁻n e seen⁻ juguiá^l júu[^] røøb^l. Jø dsu^l mi[~] cangán^l~n røø lajii^l~ e júu[^] jø, joba^l eáang^lgui casi^l fí quie⁻ e jóng e iin⁻n ni^lee^e dsee⁻, jogui e jii^l~ 'mób⁻ nisijée^l quie⁻ e uí^l~ e jmóo^o jaléⁿ e jø. 10 Jø lajob cali⁻, co^l e júu[^] quiu^l ta[~] do e lamí⁻ lín⁻n e si^l^ e nijmicóo^l~ jnea[~] e laco^l jial niliseen⁻ juguiá^l júu[^] røø, dsu^l ja^l cali⁻ lajo, co^l ca^lléeb^l quie⁻ e e lafa^l cajúm⁻baa uí^l~ jaléⁿ dsee⁻ e ca^lee^e do. 11 Dsuo^l la'eáang^l cóo^l~ e júu[^] quiu^l ta[~] do cali^líng^l ta[~] e laco^l jnea[~] caliñii⁻ e jmigóob^l jaléⁿ dsee⁻, co^l dseáng^l- jii^l~ fí 'mób⁻ si'.

12 Joba^l fii^l i 'nú^l', dsea^l rú^l'naa^l, e güeam^l^ jaléⁿ e júu[^] quiu^l ta[~] do, jogui lajob lí^l cajo laco^o e júu[^] ta[~] huí^l do, jogui røøb^l quiu^l ta[~] quía^l- dsea^l, jogui guiá⁻bi cajo. 13 Co^l e laba^l lí^l e lí^l^ laco^l calili[~] e dseáng^l- lajam^l'ba^l lí^l dsee⁻ jaléⁿ dsee⁻ quie⁻e. Jø e dsee⁻ quie⁻ e do cajmeáng^l ta[~] e júu[^] ta[~] huí^l quía^l- Fidiée[~] do e laco^l casíng^l jnea[~] fí 'mó⁻. Jø lajoba^l la'eáang^l cóo^l~ e júu[^] ta[~] huí^l do cajo júu[^] e dseáng^l- lajam^l'ba^l lí^l^ jaléⁿ dsee⁻ quía^l- dsea^l.

14 Jø nine[~]baa^l røø e Fidiée[~]bing^l cacuø^l e júu[^] quiu^l ta[~] do, jø dsu^l jnea[~]gui línⁿ jii^l~ dsea^l jmigüí^b, jogui jaang^l i jmiti^l lajii^l~ ta[~] quiu^l dsee⁻ quía^l- . 15 Jø jii^l~ 'ñiá^l'a ja^l ngán^l~n ee^l jaléⁿ e jmóo^o, dsuo^l ja^l jmóo^o jaléⁿ e iin⁻n 'ñiá^l'a, co^l jaléⁿ e 'ní^l máam^lbaa, e joba^l jmóo^o. 16 Jøgui song jmóo^o jaléⁿ e ja^l iin⁻n jmee[~] e do, joba^l cóo^l~ e jø cuøø⁻ lí[~] e eám^l guiá⁻ e júu[^] quiu^l ta[~] do. 17 Jø lajob lí^l, dsuo^l o^l 'ñiá^l'a dsea^l jmóo^o jaléⁿ e ja^l dseeng^l do, dsuo^l dsee⁻ quie⁻baa e quiu^l ta[~] e jmóo^o jaléⁿ e jø. 18 Co^l nicuí^lim^l 'ñiá^l'a e dsea^l dsee⁻ dsea^l quib^l línⁿ, joba^l jii^l~ cóo^l e guiá⁻ lí^l^ i jmee⁻ nañí^l fa^l eám^l iin⁻n e nijmee[~] e jaléⁿ e guiá⁻, lífa^l dseáng^l- ja^l lí^l^ i e nijmee[~] e jaléⁿ e jø. 19 Dsu^l ja^l jmóo^o jaléⁿ e guiá⁻ e iin⁻n jmee[~] e, co^l jmang^l- jaléⁿ e ga^l e ja^l iin⁻n jmee[~]baa, dseáng^l- e joba^l jmóo^o. 20 Jø song jmóo^o jaléⁿ e ja^l iin⁻n jmee[~] e do, joba^l o^l 'ñiá^l'a dsea^l jmóo^o jaléⁿ e jø, dsuo^l dsee⁻ quie⁻baa quiu^l ta[~] jnea[~] e jmóo^o jaléⁿ e lajo.

21 Joba^l nicalilí^l^ i e nañí^l fa^l iim[~]baa jmee[~] e jaléⁿ e guiá⁻, dsu^l jmang^l- jaléⁿ e ga^lba^l lí^l^ i jmóo^o. 22 Dsuo^l eám^l iin⁻n e nijmitii^l jaléⁿ júu[^] quiu^l ta[~] e cajme^l Moi[~]; 23 lífa^l e dsee⁻ quie⁻ e do eám^l quiu^l ta[~] jnea[~] jogui eám^l silí^l~ jnea[~] cajo, co^l 'ní^l ním⁻ rúng^l cóo^l~ lajii^l~ e í dsii⁻ e iin⁻n nijmee[~] e.

24 iE ngí^l fii^b^ jnea^l! iI^l i nileáng⁻ jnea[~] jee[~] jaléⁿ dsee⁻ quie⁻e e laco^l ja^l nijúun⁻n uí^l~ e jø? 25 Jø dsu^l jnea[~] í dsii⁻ e nijmitii⁻ e júu[^] quiu^l ta[~] do, dsu^l jnea[~], dsea^l dsee⁻ dsea^l quib^l línⁿ, joba^l ja^l lí^l^ i nijmee[~] e lajo, co^l dsee⁻ quie⁻baa quie^l nifi^l quie⁻e. Jø lajob lí^l, lífa^l gui^lmáang^l Fidiée[~] e nicaléaiñ^l jnea[~] jee[~] jaléⁿ e jø la'eáang^l cóo^l~ Fí^l'naa^l Dsea^l Jmáang⁻.

8

Jial seeng`dsea`e Jmiguí`quíá`- Fidié``quíe` nifí`quíá`r`

¹ Jôba' fîi`guíi` 'nú', dsea` rú`naa' dsea` quiá'- Dsea` Jmáang-, e lajaléng' jneaa`aa', dsea` líi`naa' dsea` i seeng` cøøng` cóo'~ dsea` do, jo` quí'- jmií` fa' e cuø'-gui dsea` dsee- jneaa`aa'. ² Jo lajob` nilí`naa', co' e bí` 'gøng' quiá'- Jmiguí` quiá'- Fidié`` cóo'~ e cuø' e see-`naa' cøøng` cóo'~ Dsea` Jmáang-, e jôba' e nicaleáang` jneaa`aa' jee` bí` quiá'- dsee-` jogui` jee` bí` quiá'- 'mó` cajo. ³ Jo e júu` quiu' ta` do ja` caquíi`~ jmií` fa' e caleáang` jneaa`aa' jee` bí` quiá'- dsee-` quí`-ii'. Co' e júu` jo` ja` sea` bí` quiá'- fa' e cajmée` lajo` uíi'~ e quiu' ta` quiá'- dsea` i líng' dsea` dsee-` dsea` qui'. Jo dsu' lana Fidié`` nicajmée`bre jalé' e ja` caquíi`~ jmií` cajmée` e júu` do. Co' nicasiíi` i Jôor' camíng'~ do e líiíi' do jaang` dsea` jmigüi` i sea` ngúu` táang` la jneaa`aa'. Jo cajmée` Fidié`` lajo` e laco' cajaiíi' i Jôor' do e cajúíi'~ do fí` dse` crúu`, jo lajoba' ca'íiíi`- conguaí` e bí` quiá'- jalé' dsee-` quiá'- dsea` jmigüi'. ⁴ Jo cajmée` Fidié`` lajo` e laco' jneaa`aa' quíi'~naa' jmií` e nijmití`naa' laco' catíng- e júu` quiu' ta` do. Co' jo` see-`naa' fí` jmigüi` la e jmoo`-guíi' jalé' e lí` dsíi' ngúu` táang`naa', dsu' lana nisee-`naa' e nijmoo`-naa' lí` laco' la iing` Jmiguí` quiá'- Fidié`` e nijmó`naa'.

⁵ Jo jaléng' dsea` i seeng` e guing`~ dsíi'`lajíi'~ e lí` dsíi' ngúu` táaiíi' lico' seeiíi` e jmitir` dseáng'-`lajíi'~ e job` dseáng'-`. Jo dsu' jaléng'gui dsea` i seeng` lí` laco' la iing` Jmiguí` quiá'- Fidié`` e seeiíi`, jôba' dseáng'-` jii'~ e iing` e Jmiguí` do guing`~ dsíi' e jmóor'. ⁶ Jo dseáng'-` jii'~ fí` 'mób` dseáng'-` si' quiá'- jaléng' dsea` i jmóo` lajii'~ e lí` dsíi' ngúu` táaiíi'. Jo dsu' jaléng'gui i jmóo` lajii'~ lí` laco' la iing` Jmiguí` quiá'- Fidié``, jôba' jaléng' í` juguiá` júu` røøb` niliseeiíi` lata` cóo'~ Fidié``. ⁷ Jo jaléng' dsea` i guing`~ dsíi' e iíi`~ jmér` lajii'~ e lí` dsíi' ngúu` táaiíi`, jôba' i dsea` í` 'ní' níim`bre Fidié``, dsuco' ja` iíi`~ o'gui` quíi'~` jmií` fa' e nijmér` náu'~` lajii'~ júu` quiu' ta` quiá'- dsea` do. ⁸ Co' jaléng' dsea` i jmiti` lajii'~ ta` quiu' e lí` dsíi'` yaaiíi` ja` quíi'~` jmií` fa' e nilí`íáang` dsíi' Fidié`` cóo'~`r`.

⁹ Jo dsu' 'nú'gui, dsea` nilíng`na' dsea` quiá'- Dsea` Jmáang-, jo` seeng`na' fa' e jmití`gui` lajii'~ e lí` óo`na' yaang`na', co' lana niseeng`na' e nijmoo`na' lajii'~ e iing` Jmiguí` quiá'- Fidié`` e nijmée`na'. Jo líi` lajo, co' seeng` Jmiguí` quiá'- Fidié`` cóo'~ 'nú'. Jo i dsea` i seeng` e ja` seeng` Jmiguí` quiá'- Dsea` Jmáang- cóo'~`r`, jôba' i dsea` í` ja` líiíi` dsea` quiá'- dsea` do jóng. ¹⁰ Jo ja` ee` líi' e nisi'íing` e nilíing` ngúu` táang`na' mi` nití` í' e nijúung`na' uíi'~ e líng`na' dsea` dsee-` dsea` qui', dsuco' seem` Dsea` Jmáang- cóo'~ 'nú', jogui` seem` jmiguí` quíi`-na' cajo. Jo líi' lajo` uíi'~ e nica'ím' Fidié`` 'nú' e nilíng`na' dsea` i ja` røøng` dsee-` fí` quinir`. ¹¹ Jo la'eáang` cóo'~ Jmiguí` quiáb'- Fidié`` cajmээр` e cajíi'`tu` Jesús mi` cangí` e cajúíi'-. Jo e Jmiguí` job` cajo seeng` cóo'~ 'nú' lana, jôba' 'ñiab' Fidié`` nijmér` e nijíi'`tu` 'nú' calé'` catú`- mi` nití` í' lajo. Jo nijmér` lajo cóo'~ 'nú' la'eáang` cóo'~ Jmiguí` quiá'~`r` e seeng` cóo'~`na' lana.

¹² Jo lajob` líi', dsea` rú`naa' dsea` quiá'- Dsea` Jmáang-, dseáng'-` lajam`ba' 'né` e see-`naa' e jmoo`-naa' lajii'~ e iing` Jmiguí` quiá'- Fidié`` e nijmó`oo', jo dseáng'-` ja` catíng`-naa' e nijmó`guíi' lajii'~ e lí` dsíi`naa' yee`naa'. ¹³ Jo dsu' song` mí` 'noo`b'i' seeng` 'nú' e jmoo`na' lajii'~ e lí` óo`na' yaang`na', jôba' dseáng'-` conguaí` jóng`ni`náng`na' cóo'~ Fidié``. Jogui` dsu' song` la'eáang` cóo'~ Jmiguí` quiá'- Fidié`` niquiung`na' conguaí` e jmoo`na' jalé' e jo, jôba' latab` niliseeng`na' cóo'~ Fidié`` jóng.

¹⁴ Jo jaléng' dsea` i seeng` e Jmiguí` quiá'- Fidié`` quíe` nifí` quiá'~`r`, jôba' í`bing' dseáng'-` i líng' jóo' Fidié``. ¹⁵ Dsuco' Fidié`` nicacuø'~`r` 'nú' Jmiguí` quiá'~`r` e laco' ni`uíng`-na' jôor' jo` o' laco' e nisi`íi'`tu` 'nú' cóo'~ jalé' e 'gó'na' contøøng-. Dsuco' la'eáang` cóo'~ e Jmiguí` quiá'- Fidié`` do see-`naa' e cuøøng` lí` sií`naa' cóo'~`r` jogui` e síi'~naa'~`r` lala: "iTeaa~!" ¹⁶ Jo e Jmiguí` quiá'- Fidié``

do røøb` s̄ing` cōo` j̄miguí qui`ii' e laco' nita` dsi`naa' e dseáng`- já`-ba' e nilí`naa' j̄oó' Fidiée`. 17 Jo uí` e dseáng`- nilí`naa' j̄oó' Fidiée`, j̄oba' ni`ím`-baa' jalé` e catí`-naa' e si`í` nicuø`r` jaléng` j̄oó` lí` laco' j̄í` j̄ú` e nicacuø`r` lamí` jéeng`gui. Jo jalé` e jo conrøøb` qui`ii' cōo` Dsea` Jmáang` song dseáng`- lajang`^ ni`íing`-naa' jalé` iihuí` uí` e lí`naa' dsea` quiá`r`. Jo song nijmé`naa' lajo, j̄oba' conrøøb` nilisee`-naa' cōo`r` fí` lí` niing` 'gøiñ` mí` nití` í` lajo.

Eáam` jlo` jalé` e niñing`na` quiá`- Fidiée`

18 Jo fí`-guí` 'nó'`, dsea` rú`naa' dsea` quiá`- Dsea` Jmáang`, dseáng`- nitab` dsii` e lajalé` iihuí` e dsing`ng`-naa' lajee` lana fí` j̄migüí` la ja` ee` tí` song nicøøng`naa' cōo` mí` tí` lí` nilisee`-naa' cøøng` cōo` Fidiée` fí` ñifí` quiá`r`. 19 Jo lajalé` e cajmée` Fidiée` dseáng`- eáam` nisijeeng` e jmí` e nijmijnéeng` Fidiée` jaléng` dsea` quiá`r` i` líng` j̄oó`. 20-21 Jo ni`ím`- lajalé` e sea` fí` j̄migüí`, co' jmang`- e cuøøng` ni`ím`-ba' sea`. Jo lí` lajo dsu` ofa' e lajo iing` e lí`, co' lí` lajo uí` e lajo cali`ing` Fidiéeb`. Jo ja` ee` lí` lí` lajo, co' nitab` dsí` e jmang`- jalé` e 'mí`- e jlo`^ niing`- nilisea` ie` jo lí` laco'gui` nilíng`- jaléng` dsea` quiá`- Dsea` Jmáang`. 22 Jo guiáb`- nine`ee' e cartí` lanab lajalé` e cajmée` Fidiée` e sea` fí` j̄migüí` eáam` quié` iihuí` jogui` dsíng`- seáang` dsí` cajo dsu` uí` e nisijeeng` e nileáang` jee` jalé` iihuí` lí` laco' lí` cōo` jaang` dseamí` i` tí` lí` niliseeng` jiuung` quiá`-. 23 Jogui` o' j̄í` e sea` fí` j̄migüí` dsing`ng`- lajo, co' lajõb` dsing`ng`- jneaa`aa' cajo, dsea` nicang`ng`naa' Jmiguí` quiá`- Fidiée` jéeng`gui e laco' cuø` lí` quiá`- jalé` e niñing`naa' cøøng`gui. Jo dseáng`- eáam` nisijeeng`naa' ie` jmí` mí` dseáng`- ni`íng` Fidiée` jneaa`aa' e lí`naa' dseáng`- j̄oó`. Jo ie` jo nileáiñ`- jneaa`aa' conguaí`, co' nijmisím`-bre jialco' lí` ngúu` táang`naa'. 24 Jo co' nicalaam`-baa' jee` jalé` dsee`- qui`ii', j̄oba' nitab` dsi`naa' e ni`ím`-baa' laj̄í` e nisijeeng`naa' do e catí`-naa' quiá`- Fidiée`. Jo song nijøø`-baa' laj̄í` e nisijeeng`naa' do, j̄oba' jo` ee` ta`gui` jóng` e sijeeng`guí` e jo. Co' doñí` ee` e niní` dsea`, jo` 'né`-gui` fa' e nijéng`-guir e ni`íñ` e jo. 25 Jo co' ja` mí` j̄oó`-guí` laj̄í` e nisijeeng`naa' e ni`íng`-naa' quiá`- Fidiée` do, j̄oba' 'né`- e dseáng`- ja` nilitúng`- dsi`naa' e sijeeng`naa' e jo.

26 Jogui` e Jmiguí` quiá`- Fidiée` e nicang`ng`-naa' do, e j̄oba' e jmicóo` jneaa`aa' uí` e ja` quí`naa' jmí` jmé`naa' yee`naa'. Co' faco' mí` ii`naa' s̄ing`naa' cōo` Fidiée`, ja` quí`naa' jmí` jmé`naa' laco' si`í`. J̄oba' e Jmiguí` quiá`- Fidiée` e seeng` cōo` jneaa`aa' do, e j̄oba' e mí` uí` qui`ii' laco' si`í` fí` quini` Fidiée`. Jo jmóo` lajo dseáng`- e j̄í` ja` sea` júu` jial nifé` e mí` uí` qui`ii' e Jmiguí` do. 27 Jo Fidiée`bing` dseáng`- i` niñí` jialco' j̄í` í` dsí` lajaang` lajaang` dsea`, jogui` niñí`bre guiá`- cajo e` jmí`ee` mí` e Jmiguí` quiá`r` do. Co' e Jmiguí` do mí` jmí`ee` uii` quiá`- lajaléng` dsea` quiá`- Fidiée` lí` jialco' la iing` dsea` do 'ñia`r` e nilí`.

Dseáng`- lí`baa' jee` jalé` iihuí`

28 Jo guiáb`- nine`naa' e lajaléb` e dsing`ng`-naa' fí` j̄migüí` la, jmóo` Fidiée` lajo e laco' ni`uíng`- guiá`- qui`naa', dsea` lí`naa' dsea` quiá`r` i` 'neáang` ír`. Co' dsea` do nicaguíñ` jaléng` jneaa`aa' e laco' nijmó`-naa' jialco' iin` 'ñia`r` e ni`uíng`. 29 Jo laj̄í` latí` mí` uing` niñí` Fidiée` i` jaléng` i` nilíng`- dsea` quiá`r`. Jo laj̄í` latí` ie` jo cajo cali`iñ` e lajaléng` í` ni`uíñ` dseáng`- laco' líng` i` j̄oó` Dsea` Jmáang` do, jo laj̄oba' i` j̄oó` camúng`- do ni`uíñ`- jaang` i` niing`-gui` jee` lajaléng` i` rúíñ` do. 30 Jo jaléng` dsea` i` nisi`íng` quiá`- Fidiée` j̄í` latí` mí` uing` do, nicatø`-bre jaléng` í` e laco' ni`uíñ`- do dsea` quiá`r`. Jo jaléng` dsea` i` nicatø`r` do nica`íng`-neiñ` e nilíñ` dsea` i` ja` røøiñ` dsee` fí`

quinir. Jogui jaléng' í ñicangúin' quiá' dsea` do e nicuøøng` e niliseeñ` cóo' dsea` do fí ñifí` quiá'r` fí lí` niing` 'gøñ'.

³¹ Jo co' lajob lí', joba' ¿e` cuøøng` lí fé'gui jóng? Jo co' Fidié`bing' i sing' uii` quí`ii', joba' jii'` jaang` jo` ii` quí'`gui jmi` nijme'` guiáa' jneaa`aa'. ³² Jo Fidié` ja` ca'áaiñ` í', co' cacuøøm`bre i Jóor' Dsea` Jmáang` do e laco' cajáin' e cajúin'` do fí dse'` crúu` uii'` quí`ii', dsea` lí'naa' dsea` quiá'r`. Jo co' lajob cajméer', joba' lana cuøøng` lí fé`ee' e nicuø`bre cajo e iáang` dsír' lajalé' e 'né`naa'. ³³ Jo jaléng' jneaa`aa', dsea` i nicaguíng' Fidié`, jii'` jaang` cuøøng` lí cuø'`gui jneaa`aa' dsee` fí quinir. Co' ñiab' Fidié` dsea` nica'ín' jneaa`aa' e laco' lana nilí'naa' dsea` i ja` røøng` dsee` fí quinir. ³⁴ Jo uii'` e nilí'naa' lajo, joba' jo` ii` quí'`gui jmi` fa' i nijmi'náng`gui jneaa`aa' cóo' Fidié`. Co' Dsea` Jmáam`bing' i cajúng` fí dse'` crúu` uii'` dsee` quí`ii', jogui dsea` íb` cajo i cají'`tu calé' catú` mi` cangf` jo; jo dsu'`lana dob niguiñ` fí ñifí` lí' lí dséé' laco' guing` Tiquiá'r` Fidié` e mir' uii` quí`ii', dsea` lí'naa' dsea` quiá'r`. ³⁵ Joba' lana dseáng'` nitab` dsi'naa' e jii'` jaang` o'gui jii'` cóo` cuøøng` lí jning` quí`ii' e 'neáang` Dsea` Jmáang` jneaa`aa' nañí' fa' e íng'`naa' iihuí'` osi e huíng` dsijéé' quí`ii' é, osi e jmáng'` dsea` jneaa`aa' ga` dsu'` uii'` e lí'naa' dsea` quiá'` Dsea` Jmáang` é, osi e ja` 'ga' lí' sea` e quiee`naa' é, osi e nijngám'`bi dsea` jneaa`aa' é. Jo lajalé' e na jii'` cóo` cuøøng` lí jning` e 'neáang` Dsea` Jmáang` jneaa`aa'. ³⁶ Jo dseáng'` lajob lí' lí' laco' fé' fí ni` jì quiá'` Fidié` lí' fé' lala: Jo uii'` e lí'naa' dsea` quiá'`

joba' contøøm` dseáng'` see`naa',
co' gab` jmáng'` dsea` jneaa`aa'

lí' laco' la dsingíng` jaang` jo'se'` i tí' lí' nijngáng'` dsea`.
Jo lanab fé'` júu` quiá'` Fidié`.

³⁷ Jo lajaléb'` e dsingí'`naa' lajee` see`naa' fí jmi'güí' la ja` jmóo` guiáa' jneaa`aa', co' Dsea` Jmáam`bing' i jmicóo'` jneaa`aa' uii'` e eáang` 'neáaiñ` jneaa`aa'. ³⁸⁻³⁹ Joba' fii'` i 'nú', dsea` rú'naa', e dseáng'` lajam'` nita` dsii` e jii'` cóo` quí'` jmi` e nijmi'náng` jneaa`aa' e eáang` 'neáang` Fidié` jneaa`aa'; co' ja` quí'` jmi` jmé` lajo 'mó', o'gui jalé'` e dsingíng`naa' lajee` see`naa', o'gui jaléng'` ángeles quiá'` Fidié`, o'gui jalé'` guí' e í' fí' guiá'` güí, o'gui jalé'` e dsingí'`naa' lajee` lana osi lí' dsé'gui é, o'gui jalé'` e sea` fí' yú'` jmi'güí, o'gui jalé'` e sea` fí' nú'` uø`, o'gui lí'` doñí'` ee' e cajméé' Fidié` e sea` fí' jmi'güí. Co' jii'` cóo` ja` cuøøng` fa' e nijmé'` e ni'náng'naa' e eáang` 'neáang` Fidié` jneaa`aa'. Jo e jo nicajmitar` dsi'naa' la'eáang` cóo' Fí'naa' Dsea` Jmáang`.

9

Mí' caguíng' Fidié` dsea` Israel e ni'uíñ' dsea` quiá'r`

¹ Jo fii'`guí' 'nú', dsea` rú'naa', e dseáng'` júu` jáb'` fá'` jnea` la, co' dsea` quiá'` Dsea` Jmáam` lín'n. Jogui e jmi'güí' quiá'` Fidié` e quie' nifí' quiá'` jalé' e í' dsii`, e joba' tí' ni` e dseáng'` ja` fá'`baa júu` ta` júu`. ² Jo dseáng'` eáam'` lijiuung` dsii` jogui dseáng'` contøøng` e cu'` dsii` jaléng'` dsea` góo'o dsea` Israel. ³ Co' jnea` j'gui cartí' iin`n e si'lín'`n fí' quini` Fidié` e laco' si'naan` cóo'` Dsea` Jmáang` e faco' lajogui e nilí'`i e nijmicóo'`o jaléng'` i dsea` góo'o do e laco' ja` ni'ín'` iihuí'` uii'` jalé'` dsee` quiá'r`. ⁴ Jo dsea` siju` dsea` Israel líng'` jaléng'` í' lí' laco'gui la líng'` jnea` cajo. Jo Fidié`bing' i nicaguíng'` jaléng'` jnea'` e laco' nica'uíng`naa' dseáng'` jóor'. Jo contøøng` caliséng` Fidié` fí' jee` jaléng'` dsea` áang'` quí`ii' e jmi'jneéñ` jial tí' jlo'` lí'ín'` cóo'` jalé'` e quí'r` jmi` jmóor`. Jogui cajmirør'` júu` cóo'` jaléng'` i dsea` í, jogui cacuø'`bir cajo júu` quiá'` ta` quiá'r`. Jogui cajím'`bir jial 'né' e nijmiféñ'` do í' laco' catíng`, jogui cajím'`bir cajo ie` jo e nicuø'`breñ'` do lajee` ngóo'guijia jalé'` e catíñ`

lí' laco' júu^ e nicacuø' reiñ' lami~ jéeng'gui. ⁵ Jo jaléng' i dsea' í, dsea' siju' 'lii~ dsea' cøøng'~ quié~baa líiñ'. Jo Dsea' Jmaang' fí' jee~ job cagüi'fir' cajo ie~ lami~ cajar' fí' jmigüi' la e líiñ' jaang' dsea' jmigüi'. Jogui Dsea' Jmaang' Fidiéeb' líiñ' cajo i quié' nifi' quiá'- lajalé' e sea' fí' la'úng' fí' jmigüi'. Jo co' lajob líiñ', joba' contøø'm -'né' e nijmiféng'naa're. Jo lajob 'né' lí.

⁶ Dsu' ofa' caje' e ja' cajmiti~ Fidiéé' lajii' júu^ quiá'r- e cacuø'r' dsea' Israel; co' cajmiti~bre jalé' e júu^ jo, lifa' e ja' lajüng' dsea' siju' dsea' Israel dseáng'- já'- líiñ' dsea' quiá'- Fidiéé'. ⁷ Jogui o' lajüng' dsea' siju' 'lii~ yúu~ Abraham líiñ' dseáng'- joo' dsea' do, dsuco' lami~ jéeng'gui lalab casí'- Fidiéé' i 'lii~ yúu~ Abraham do: "Jaléng' dsea' i dseáng'- já'- i nilíng' siju' niliseeiñ' la'eáang' cøø' joo' i sii' Isáa'." ⁸ Jo uii' e júu^ na, joba' lana cuøøng' fe'ee' e o' lajaléng' dsea' siju' 'lii~ yúu~ Abraham dseáng'- já'- líiñ' joo' Fidiéé', co' dseáng'- o' lajo. Dsuco' lajii' dsea' i seeng' i já'- líng' lajii' júu^ e cacuø' Fidiéé' i 'lii~ yúu~ Abraham do lami~ jéeng'gui, lajii' í'bing' i dseáng'- já'- líng' joo' Fidiéé'. ⁹ Dsuco' e lab júu^ e cacuø' Fidiéé' i 'lii~ yúu~ Abraham do lami~ casí'r- lala: "Coo' lajee' lana, lajee' jii' ni'í, nigáa'túu, jo i dseamf' quií'- i sii' Sara niliseeng' jaang' yúu' siñuú' quiá'r-."

¹⁰ Dsu' o' jii' e jo, co' lajob cajméer' cajo cøø' i dseamf' i sii' Rebeca do i caliséng' jiuung' suung' quiá'. Jo i tiquiá' i jiuung' í, íb' i líng' 'lii~ yúu~ qui' ii' i sii' Isáa'. ¹¹⁻¹³ Jo ná' gui e niliseeng' i jiuung' dsea' suung' do, lajee' e ná' gui e ja' mí' cajméeiñ' do jii' cøø' e guiá' osi e ja' dseeng' é, jo lajii' latí' ie~ job cajíng'- Fidiéé' lala e casí'r- i Rebeca do: "I jiuung' dsea' suung' i niliseeng' quií'- nifi', í'bing' i nijmé' ta~ quiá'- i jiuung' i niliseeng' cøøng'guijia do." Jo røøb' cøøng' e júu^ na lí' laco' la fé' Fidiéé' fí' ni' jii' quiá'r- lí' fé' lala: "Jo eáang' cajmi'neáang' jnea~ i Jacóo' do, dsu' ja' cajméé' e lajo cøø' i Esaú do." Jo cøø' e júu^ na jmíta~ dsí'naa' e 'ñiab' Fidiéé' sea' fí' quiá'r- e niguíñ' dsea' i iñ' i ni'uíng' dsea' quiá'r- lí' laco' iñ' e nijméiñ' do, jo ja' e lí' su nicajméer' e guiá' osi e ja' mí' cajméer' lajo é.

¹⁴ Jo uii' jalé' e na ja' cuøøng' lí' fe'ee' fa' e Fidiéé' ja' fir' í' røø' laco' catíng-, jco' dseáng'- o' lajo! ¹⁵ Co' lalab cajíng'- Fidiéé' ie~ malii'gui do, ie~ lami~ casí'r- Moi' lala: "Guiúm~baa nijmee~ e cøø' lajaléng' dsea' i iin~n nijmee~ e cøø' lajo, jogui nilí' fí' lán~n cajo cøø' jaléng' i iin~n i nijmee~ e cøø' lajo." ¹⁶ Jo lajob líi', co' 'ñiab' Fidiéé' i fí' líng' dsea' lí' jialco' iñ' e nijmér- cøø' lajaang' lajaang' dsea'. Co' ja' jmóor' jialco' iing' dsea' o'gui jialco' bí' cuø' yaang' dsea' cajo. ¹⁷ Jo lanab lí' e júu^ na lí' laco' la fé' fí' ni' jii' quiá'- Fidiéé' lí' sí'r' i dseata~ dsea' féng' quiá'- Egipto ie~ malii'gui do, ie~ lami~ cajíñ'- lala: "Cacuøø' -ø' 'nu' e lin' dseata~ dsea' féng' e laco' niliñí' dsea' fí' la'úng' fí' jmigüi' jial tí' e 'gøng' jnea~, jogui e niliñí' dsea' cajo e jii' jneab' lán~n Fidiéé' quiá'- lajaléng' dsea' i seeng' fí' jmigüi'." ¹⁸ Jo lajob líi', co' Fidiéé' fí' lán~bre jaléng' dsea' i iñ' nijmér- cøø' lajo, jogui jmóo'bir cajo e ue' dsí' jaléng' i dsea' i ja' iing' ninú' júu^ quiá'r-.

¹⁹ Jo uii' e júu^ na, joba' cuøø'm sea' lí' jmingüi' 'nu' jnea~ lala: "Jiali' cuø' Fidiéé' jneaa'aa' dsee~ cøø' jalé' dsee~ e ee~naa'? Co' jii' jaang' cuøøng' lí' jníng' jalé' e iing' dsea' do e nijmér-." ²⁰ Jo dsu' jnea~ fí' i 'nu', dsea' lin' jii' dsea' jmigüi', e ja' sea' fí' quií'- fa' e nifi' Fidiéé' e uing' sea' quiá'- jalé' e jmóor'. Cofa' cøø' tu' ja' fí' sea' quiá'- fa' e nisí' i dsea' i cajméé' do: "Jiali' cajmeaan'- jnea~ lala?" ²¹ Co' i dsea' i jmóo' tu' do seab' fí' quiá'r- e nijmér- doñí' ee' iñ' cøø' e guoo' e jmáiñ' ta~ do. Co' cøø' e guoo' job cuøøng' lí' jmér- cøø' tu' e nijmeáiñ' ta~ jii' mí' jmü' níng' osi e nijmér- cøø'gui e nijmeáiñ' ta~ lacoø' jmü' lacoø' jmü' é.

22 Jo Fidiée˘ calí'iiñ˘ e nijmijnéeiñ˘ jial tí' 'gøiñ' jogui jial e nicuø'r˘ iihuı' jaléng' dsea` uı' quiá' jalé' dsee˘ quiá'ıñ' ; jo dsu' ja` mí cajméer` lajo uı' e eáang' jmóor` té'r' e féng' dsír' cóo' jaléng' i dsea` i catıng˘ ni'ıng' e iihuı' jo jogui i catıng˘ ni'ıng˘ conguiá' fı lí' 'lı'. 23 Jo Fidiée˘ iiñ˘ e jmili`bre cajo cóo' jneaa`aa' jial tí' jlo' niing˘ 'gøiñ' cóo' jalé' e quı'r˘ jmı̃ jmóor', có' calí' fı' líiñ˘ jneaa`aa', joba' latı' mı̃ uiim˘ caguiéeiñ˘ jneaa`aa' guiá' e laco' nilisee˘ naa' cóo'r˘ fı lí' niing˘ 'gøiñ'. 24 Jo nicatø' Fidiée˘ jneaa`aa', dsea` i eáang' 'neáaiñ, e laco' nica'uıng˘ naa' dsea` quiá'r˘, jo ja` ee' lí' si lí'naa' dsea` Israel osi ja` lí'naa' lajo é. 25 Jo lajob lí' lí' laco' la fé' Fidiée˘ fı ni` jı̃ e cajme' Oseas ie` malı̃ gui do ie` lamı̃ café' Fidiée˘ lala:

Jaléng' dsea` i ja` mí calıng' dsea` quié`e,
 dsu' lana nıfı̃`ıre e dsea` quié`baa nilıiñ;
 jogui jaléng' dsea` i ja` mí cajmi'neáan`n lamı̃ jéeng'gui,
 dsu' lanagui nijmi'neáam`baa jaléng' í.

26 Jo fı ni` e jı̃ jøb cajo fé'gui Fidiée˘ lala:
 Cartı' lana ja` lıng'na' dsea` quié`e,
 jo dsu' lanagui jóo`baa nilıng'na' quié` jnea˘, dsea` lın`n Fidiée˘ i seeng`
 car`ngongı̃`jmı̃.
 Jo lanab lí' júu` quiá' Fidiée˘ e cajme' Oseas.

27 Jo lalab fé' Saı' fı ni` jı̃ quiá' Fidiée˘ cuaiñ˘ quiá' jaléng' dsea` Israel:
 Nañı' fa' jialgui la fıng' jaléng' dsea` Israel
 lí' laco'gui la jmıguı̃`tøo' e néé' fı' 'ni' jmıñı'`
 jo dsu' jí' tú' 'ni' mım'`bing' i nilı' nıleáng' jee` jalé' iihuı' e nıjaquiéeng'.

28 Có' jo huøø` nıdsé`gui e dseáng'`nijmiti` Fidiée˘ laco' sı'ı' e 'goo` e nıca'ıı'`
 lamı̃ jéeng'gui quiá'`lajaang`lajaang` dsea` jmıgüı'.

29 Jo lalab café'gui Saı' ie` malı̃ gui do cajo:
 Jo faco' Fidiée˘ i quı'`jmı̃`jmé`doñı' ee`
 ja` caseáaiñ tú' 'ni' mıng'`dsea` sıju`naa', dsea` Israel,
 joba' dseáng'`congıab' nıca'ıiñ˘ jnea'`jóng
 lí' laco'gui cajméer` cóo' jaléng' dsea` i calıséng' fı Sodomá cóo'gui fı
 Gomorra.
 Jo lanab fé' Saı' fı ni` jı̃ quiá' Fidiée˘ e cajme'r' ie` malı̃ gui do.

Catım` dsea` Israel júu` quiá'`Dsea` Jmáang` cajo

30 Jo uı' quiá' jalé' e júu`na, joba' nicuøøng`lí fe`ee' lana e nıca'ım' Fidiée˘ jaléng' dsea` i ja` lıng' dsea` Israel e nilıñ' do dsea` i ja` røøng` dsee˘ fı quinir˘ dsu' uı' e já' calıñ' do júu` quiá' dsea` do, nañı' fa' ja` cajméeiñ' do quijí` jial e ni'ıng' Fidiée˘ ír. 31 Jo dsu' jaléng' dsea` i lıng' dsea` Israel i eáang' cuø' bı yaang` e jmitir˘ la'uiing˘ jalé' júu` quiı' ta` e laco' ni'ıng' Fidiée˘ ír e líiñ' dsea` i ja` røøng` dsee˘ fı quinir˘, jo dsu' ja` calı'r˘ lajo. 32 Jo dsu' ja` calı'r˘ lajo uı' e cacuø' bı yaaiñ˘ e jmitir˘ laco' catıng˘ e júu` quiı' ta` do e laco' lajo ni'ıng' Fidiée˘ ír e líiñ' dsea` i ja` røøng` dsee˘ fı quinir˘. Jo có' lajob cajméé` dsea` Israel, joba' cangongı̃m`bre e caquiuiñ'` cóo' e cuu` e quiung' dsea`. 33 Có' lalab fé' fı ni` jı̃ quiá' Fidiée˘ lí' fé' dsea` do lala cuaiñ˘ quiá'`Dsea` Jmáang`:

Nıquıee`e cóo` cuu` fı Sión,
 jo cóo' e cuu` jo seem` dsea` i nıquiung'`.
 Jo dsu' jaléng' dsea` i já' lıng' júu` quiá' Fı'naa' Dsea` Jmáang` ,
 joba' ja` nilıgøøiñ` cóo' e jo,
 có' Dsea` Jmáam`bing' lıng' lafa' e cuu` do.

10

¹ Dsea` rú`naa' dsea` quiá'- Dsea` Jmáang-, e laba' iin~n car`ngocáng` dsii` jogui má'~i Fidiéé~, e jaléng` dsea` góo`o dsea` Israel nileáiñ` jee` jalé` dsee` quiá'r-. ² Jo jnea` fá`a uí'~ quiá'r- e eáam` iin~ nijmér- lajii'~ e iing` Fidiéé~, lifa' ja` jmóor` dseáng'- laco' iing` 'ña' Fidiéé~ e nijmé- jaléng` dsea` quiá'r-. ³ Dsuo' i dsea` í ja` iin~ ningáiñ` jial e íng` Fidiéé~ dsea` e liiñ' do dsea` i ja` røong` dsee- fí` quinir~. Jo co' lajob líiñ', joba' yaam~bre 'nó'r' jial e ni'íng` dsea` do ír` la'eáang` cóo'~ jalé' e la`tíiñ` yaaiñ~, jo cab' 'náaiñ` jalé' e nicaguaí` Fidiéé~ uing~ e nilí' dsea` lajo. ⁴ Jo Dsea` Jmáam`bing' i ca'íng- bí` quiá'- e júu` quiá' ta~ do e laco' doñí' i dsea` i já'- líng` júu` quiá'r- nilí'r` e ni'íng` Fidiéé~ ír` e líiñ` jaang` dsea` i ja` røong` dsee- fí` quinir~.

⁵ Jo lalab cajme' Moi~ ie~ malii~gui do cuaiñ~ quiá'- e íng` Fidiéé~ dsea` e líng` dsea` i ja` røong` dsee- fí` quinir~ la'eáang` e jmitir~ e júu` quiá' ta~ do, jo lalab fé' e júu` jo: "Jaléng` dsea` i jmitir~ dseáng'- røø` contøong- e júu` quiá' ta~ quiá'- Fidiéé~, joba' la'eáang` cóo'~ e job` niliseeiñ` cajo." ⁶ Jo dsu' lalab fé'gui cajo fí` ni` jì` quiá'- Fidiéé~ cuaiñ~ quiá'- jial ni'íng` Fidiéé~ dsea` e líng` dsea` i ja` røong` dsee- fí` quinir~ uí'~ e nijá'- calíiñ'- júu` quiá'- dsea` do, jo lalab fé' e júu` jo: "Jie~ mí' í o' e júu` la: ¿I~ seeng` i cuøong` nidséng'- fí` ñiff'?" -co' fíng song í o' lajo, joba' nijmoo` jóng e lafa' nijgiáam` Dsea` Jmáang- fí` lí` guiñ~. ⁷ Osi` í bi o' é: "¿I~ seeng` i cuøong` nijgiáang` fí` lí` neáang` jaléng` 'lii~?" -co' fíng song í o' lajo, joba' nijmoo` jóng e lafa' nijíb'tu` Dsea` Jmáang- calé` catú'. ⁸ Co' lalab fé'gui fí` ni` jì` quiá'- Fidiéé~: "Jo quiáb'- seeng` cóo'~ 'nú' e júu` quiá'- Fidiéé~ lí' laco' la fól'na' jogui lí' laco' í óo'na'." Jo e júu` nab e guia`naa' jee~ 'nú' e quiá'- jial já'- líng` dsea` júu` quiá'- Dsea` Jmáang-. ⁹ Jo e júu` job e la, e song fól' fí` quini` dsea` e Jesús líiñ` Fii' jogui já'- lín' car`ngocáng` o' e Fidiéé~ cajmijí'r` dsea` do mí` cangf` e cajúñ', joba' nileám- Fidiéé~ 'nú` jóng jee~ jalé' dsee- quiá'- . ¹⁰ Co' la'eáang` e já'- lí'naa' e car`ngocáng` dsi'naa' e júu` jo, joba' nilí'baa' e ni'íng` Fidiéé~ jnea~aa' e lí'naa' dsea` i ja` røong` dsee- fí` quinir~, jogui nileám- Fidiéé~ jnea~aa' cajo jee~ jalé' dsee- quiá'- naa' la'eáang` e fé'naa' fí` quini` dsea` e Dsea` Jmáam`bing' i líng` Fii'naa'.

¹¹ Jo lalab fé'gui fí` ni` jì` quiá'- Fidiéé~: "Jo dsu' jaléng` dsea` i já'- líng` júu` quiá'- Dsea` Jmáang-, joba' ja` qui'~ jmii~ fa' e nilitúng- dsíir` e já'- calíiñ- e júu` jo." ¹² Jo røøb` lí'naa' fí` quini` Fidiéé~, ja` ee` lí' su lí'naa' dsea` Israel osi ja` lí'naa' lajo é, co' jaam` Fii'naa' Fidiéé~ seeng` quiá'- naa' lajii~naa', jo jlob`^ cuø' dsea` do mí` ee'go mí' dsea` ír'. ¹³ Co' lalab fé'gui fí` ni` jì` quiá'- Fidiéé~ cajo: "Jo jaléng` dsea` i mí' Fidiéé~ e nileáng- neiñ' jee~ jalé' dsee- quiá'r-, joba' lajob nijmé- dsea` do." ¹⁴ Dsu' ja` cuøong` lí' mí' dsea` Fidiéé~ song ja` mí` já'- líiñ` júu` quiá'- dsea` do; jogui ja` cuøong` fa' e nijá'- líng` dsea` júu` quiá'- Fidiéé~ song ja` mí` canú- guir e júu` jo; jogui cajo ja` cuøong` lí' núr- e júu` quiá'- Fidiéé~ do song ja` gui` i seeng` fa' i nini'- e júu` quiá'- dsea` do; ¹⁵ jogui ja` cuøong` e nini'- e júu` quiá'- dsea` do song ja` i seeng` guir fa' i nisíng- dsea` e nijmér- lajo. Jo lalab fé' fí` ni` jì` quiá'- Fidiéé~ cuaiñ~ quiá'- e júu` na: "Dsíng` ia' mí` güilíng- jaléng` dsea` i quié' júu` quiá'- Fidiéé~." ¹⁶ Jo dsu' jii'~ tú- 'ní` máam~ dsea` Israel i já'- líng` e júu` jo lí' laco' la fé' Saí' fí` ni` jì` quiá'- Fidiéé~ lí' fé'r` lala: "Fii'í, jii'~ tú- 'ní` máng'~ dsea` i já'- nicalíng- júu` quiá'- e guia` jnea'." ¹⁷ Jo cuøong` fe'ee' lana e la'eáang` e guia` dsea` júu` cuaiñ~ quiá'- Dsea` Jmáang-, joba' núu` dsea` e júu` jo; jogui la'eáang` e núu` dsea` e júu` jo, joba' já'- líiñ` e jo. ¹⁸ Jo uí'~ joba' jmingii~ jnea~ lala: ¿Su ja` mí` canúu- dsea` Israel e júu` cuaiñ~ quiá'- Dsea` Jmáang- do? Mó' dseáng'- nicanúu~biñ'. Jo e jáb'- e jo, co' dseáng'- lajob nicalí- lí' laco'gui la fé' fí` ni` jì` quiá'- Fidiéé~ lí' fé' lala:

Jō fí latøng⁻ jmigüüb⁻ nicanúu⁻ dsea⁻ júu[^] quiá⁻ i dsea⁻ i guia⁻ júu[^] quiá⁻ Fidiée[~],

jogui fí dseáng⁻ tí lí[~] huí[^] eáang⁻ fí ní[~] guóo[~] uó⁻ nicanú⁻ júu[^] quiá⁻ r⁻ cajo.

¹⁹ Jō caléb⁻ catú⁻ jmingüi⁻ jnea[~]: ¿Su ja⁻ mí cangám⁻ bi dsea⁻ Israel jalé⁻ e júu[^] jō? Mó[^] dseáng⁻ nicangám⁻ bre, cō⁻ lalab cajme⁻ Moí[~] ie[~] malü[~] gui do e fé⁻ Fidiée[~]:

Jnea⁻ Fidiée[~] nijmee[~] e e jaléng⁻ dsea⁻ i ja⁻ lüing⁻ dsea⁻ Israel ni'uíñ⁻ dsea⁻ quié⁻ e,

jō lajōba⁻ nilí⁻ dsihuüing⁻ jaléng⁻ dsea⁻ Israel quiá⁻ jaléng⁻ i dsea⁻ í.

Jōgui nijmee[~] e cajo e niligüing⁻ dsea⁻ Israel quiá⁻ jaléng⁻ i dsea⁻ í i ja⁻ 'goo⁻ ngáng⁻ do.

²⁰ Jō eám⁻ lahuüing⁻ fé⁻ Saí[^] e júu[^] la lí[~] fé⁻ Fidiée[~] lala:

Jō jaléng⁻ dsea⁻ i ja⁻ ca'nang⁻ jnea[~], cadsém⁻ bre jnea[~].

Jōgui jaléng⁻ dsea⁻ i ja⁻ cajmingüing⁻ jnea[~],

cajmijnéem⁻ 'ñiá⁻ a jee⁻ jaléng⁻ í.

²¹ Jō dsu⁻ lalab cajme⁻ gui Saí[^] e fé⁻ Fidiée[~] cuaiñ[~] quiá⁻ jaléng⁻ dsea⁻ Israel: “Contøøm⁻ caní⁻ i guóo⁻ e jmico⁻ 'o⁻ 'nú⁻’, dsea⁻ saang⁻ óó⁻ na⁻ cō⁻ jnea⁻ jogui dsea⁻ i ja⁻ iing⁻ jmé⁻ núu⁻ júu[^] quié⁻ e.”

11

Mí[~] cagüing⁻ Fidiée[~] jaléng⁻ dsea⁻ Israel

¹ Jō cō⁻ lajōb lí⁻, jōba⁻ lana jmingüi⁻ jnea[~] lala: ¿Su Fidiée[~] nicatiúum⁻ bre jaléng⁻ dsea⁻ quiá⁻ r⁻ dsea⁻ Israel? ¡Ü⁻, dseáng⁻ o⁻ lajō! Cō⁻ tée⁻ óó⁻ na⁻ e dsea⁻ Israel lüing⁻ jnea[~] cajo, jō dsea⁻ siju⁻ 'lí[~] yáü⁻ Abraham lín⁻ n, jogui jee⁻ 'lé⁻ quiá⁻ Mim[~] iuun⁻ cajo. ² Jō Fidiée[~], lajüi⁻ latí⁻ mí[~] uiim[~], cagüiñ⁻ jaléng⁻ dsea⁻ Israel e laco⁻ ni'uíñ⁻ do dsea⁻ quiá⁻ r⁻, jogui cartí⁻ lana jüi⁻ cō⁻ yá⁻ ja⁻ mí catiúung⁻ neiñ⁻ do cajo. Cō⁻ lí⁻ dsii⁻ e guiáb⁻ ñí⁻ 'nú⁻ lajüi⁻ e cajíng⁻ Lí[^], jaang⁻ i café⁻ cuaiñ[~] quiá⁻ Fidiée[~] ie[~] malü[~] gui do, ie[~] lamí⁻ caféiñ⁻ Fidiée[~] e ca'nüiñ⁻ jaléng⁻ dsea⁻ Israel lala: ³ “Fí⁻ i, nicajngam⁻ dsea⁻ jaléng⁻ i dsea⁻ i fé⁻ cuaiñ[~] quí⁻, jogui nicajgiéem⁻ bre jalé⁻ nife⁻ quí⁻ lí[~] jmiféng⁻ dsea⁻ 'nú⁻; jō lajüi⁻ jneab⁻ dsea⁻ quí⁻ i ja⁻ mí cajngang⁻ dsea⁻, jō dsu⁻ lajōb iñ[~] nijmér⁻ cō⁻ jnea⁻ cajo.” ⁴ Jō dsu⁻ lalab cañí⁻ Fidiée[~] quiá⁻ i Lí[^] do jō casí⁻ reiñ⁻ do lala: “Lí[^], dsu⁻ o⁻ jüi⁻ 'nú⁻ dsea⁻ quié⁻ e i seeng⁻ gui lana, cō⁻ seem⁻ bi guié⁻ milgui dsea⁻ quié⁻ e i ja⁻ mí casí⁻ uó⁻ jni⁻ e jmiféiñ⁻ i dié⁻ dseacu⁻ i sii⁻ Baal.” ⁵ Jō lajōb lí⁻ lana cajo, cō⁻ seem⁻ bi tú⁻ 'ní⁻ müing⁻ dsea⁻ Israel i nicagüing⁻ Fidiée[~] e laco⁻ nilüiñ⁻ do dsea⁻ quiá⁻ r⁻. Jō nicalí⁻ lajō uí⁻ e eáang⁻ 'neáang⁻ Fidiée[~] jaléng⁻ i dsea⁻ í. ⁶ Jō Fidiée[~] nicagüing⁻ neiñ⁻ do uí⁻ e eáang⁻ 'neáam⁻ breiñ⁻ jō o⁻ uí⁻ cō⁻ jalé⁻ e nicajméiñ⁻ do. Cō⁻ facō⁻ nicagüing⁻ Fidiée[~] jaléng⁻ i dsea⁻ do la'eáang⁻ cō⁻ jalé⁻ e nicajméiñ⁻ do, jōba⁻ cuøøng⁻ fe⁻ ee⁻ jóng e e eáang⁻ 'neáang⁻ Fidiée[~] jnea⁻ aa⁻ do jō cuø⁻ guir lí⁻ tá⁻ cuør⁻ e iáang⁻ dsíir⁻ jóng.

⁷ Jō lalab lí⁻, ja⁻ calí⁻ dsea⁻ Israel e ni'uíñ⁻ dsea⁻ quiá⁻ Fidiée[~] lí⁻ laco⁻ gui jüi⁻ e 'nó⁻ r. Jō dsu⁻ i dsea⁻ i cagüing⁻ Fidiée[~] 'ñia⁻ r do, calü⁻ í e ca'uíñ⁻ dsea⁻ quiá⁻ dsea⁻ do. Jō dsu⁻ jaléng⁻ i dsea⁻ cagüiaang⁻ gui do cali⁻ ueb⁻ moguir⁻, cō⁻ ja⁻ iñ[~] fa⁻ canúur⁻ júu[^] quiá⁻ Fidiée[~]. ⁸ Jō calí⁻ lajō lí⁻ laco⁻ la fé⁻ fí⁻ ní[~] jüi⁻ quiá⁻ Fidiée[~] lí⁻ fé⁻ lala: “Jō Fidiée[~] cajméer⁻ cō⁻ jaléng⁻ dsea⁻ Israel e ue⁻ moguiñ⁻ e laco⁻ ja⁻ ningáñ⁻ laco⁻ catüing⁻, jogui cajméé⁻ bre jminiñ⁻ cajo e lafa⁻ ja⁻ cuøøng⁻ nijøøiñ⁻ jogui loguaiñ⁻ cajo e lafa⁻ ja⁻ cuøøng⁻ ninüiñ⁻.” Jō lanab lüing⁻ i dsea⁻ í cartí⁻ lana. ⁹ Cō⁻ lalab fé⁻ gui fí⁻ ní[~] jüi⁻ quiá⁻ Fidiée[~] e cajíng⁻ dseata⁻ dsea⁻ féng⁻ Daví⁻:

Mí[~] i 'nú⁻, Fidiée[~], e lajee[~] e seáng⁻ rüing⁻ dsea⁻ góó⁻ dsea⁻ Israel e gø⁻ r ir⁻ colüing⁻ jüi⁻ laco⁻ quí⁻ tüiñ⁻,

jō lajee˘ jō, lajee˘ jii˘ e ja` lí˘ bre,
 mi˘ e ni˘ uíng˘ ga` quiá˘r˘ e laco˘ nitéiñ˘ fí ni˘ dsee˘ ,
 jō lajōba˘ ni˘ iñ˘ iihuı́ laco˘ catı́ng˘ .

¹⁰ Jōgui mi˘ i˘ nu˘ cajo, Fidié˘ , e lafa˘ güijnı́b˘ jminir˘ e laco˘ ja` cuóøng˘ nijóør˘ jōgui e lafa˘ nijúm˘ mocóo˘r˘ congüia˘ .

Mi˘ caleáng˘ Fidié˘ jaléng˘ dsea˘ i ja` líng˘ dsea˘ Israel jee˘ jalé˘ dsee˘ quiáıñ˘

¹¹ Jō lana nijmingı́tı́u calé˘ catú˘ : Jō mi˘ caquiung˘ dsea˘ Israel, ¿su dseáng˘ congüiab˘ ca˘naaiñ˘ quiá˘ Fidié˘? U˘ , dseáng˘ o˘ lajō. Jō dsu˘ mi˘ cajmée˘ dsea˘ Israel saang˘ dsı́r˘ cóo˘ Fidié˘ , jō e jō cali˘ı́ng˘ ta˘ e laco˘ jaléng˘ dsea˘ i ja` líng˘ dsea˘ Israel nitéiñ˘ e nileáng˘ Fidié˘ ı́r˘ jee˘ jalé˘ dsee˘ quiáıñ˘ . Jō lajōba˘ eáam˘ nilı́ dsihuı́ng˘ jaléng˘ dsea˘ Israel quiá˘ jaléng˘ i dsea˘ í uı́ e lajō nicajmée˘ Fidié˘ cóoıñ˘ do. ¹² Jō co˘ saam˘ dsı́ jaléng˘ dsea˘ Israel cajmээр˘ cóo˘ Fidié˘ , jōba˘ dseeb˘ ca˘eer˘ . Jō dsu˘ e jō eáam˘ cali˘ı́ng˘ ta˘ e laco˘ ca˘uı́ng˘ guiá˘ quiá˘ jaléng˘ dsea˘ jmı́güı́ . Jō nañı́ fa˘ ja` calı́ dsea˘ Israel e calı́ng˘ Fidié˘ ı́r˘ , dsu˘ eáam˘ guiá˘ nica˘uı́ng˘ quiá˘ jaléng˘ dsea˘ i ja` líng˘ dsea˘ Israel. Jō co˘ lajōb˘ líı́ , jōba˘ cuóøng˘ lí fe˘ee˘ jóng e eáang˘ gui guiá˘ ni˘ uı́ng˘ quiá˘ jaléng˘ dsea˘ i ja` líng˘ dsea˘ Israel ie˘ lamı́ nijá˘ líng˘ jaléng˘ dsea˘ Israel júu˘ quiá˘ Fidié˘ .

¹³ Jō dsu˘ sea˘ bi júu˘ e ˘né˘ fıı́ i ˘nú˘ , dsea˘ ja` líng˘ na˘ dsea˘ Israel. Jō Fidié˘ bing˘ i nicası́ng˘ jnea˘ e laco˘ nigüiaa˘ júu˘ quiá˘r˘ jee˘ jaléng˘ ˘nú˘ . Jō jnea˘ eáam˘ jmı́goo˘ e ta˘ e nicangı́n˘ quiá˘ dsea˘ do. ¹⁴ Jō uı́ e jmóo˘ lajō cóo˘ ta˘ quié˘ e, jōba˘ jnea˘ iin˘ n e faco˘ lajōgui nilı́ i e ni˘ı́ng˘ jaléng˘ dsea˘ góo˘ dsea˘ Israel e nileáıñ˘ jee˘ jalé˘ dsee˘ quiá˘r˘ . ¹⁵ Jō uı́ e nica˘náam˘ ˘ñia˘ Fidié˘ e seeıñ˘ cøøng˘ cóo˘ dsea˘ Israel, jōba˘ jaléng˘ dsea˘ i cagüiaang˘ gui nı́calı́ bre e nıseeıñ˘ jugüia˘ júu˘ røø cóo˘ Fidié˘ . Jō dsu˘ mi˘ ni˘ı́ng˘ tu˘ Fidié˘ jaléng˘ dsea˘ Israel, e jō líı́ lafa˘ mi˘ jí˘ tu˘ jaang˘ ˘lıı́ . ¹⁶ Jō lajōb˘ líı́ e júu˘ na lí˘ laco˘ gui la líı́ mi˘ jmóo˘ dsea˘ iñı́ ; co˘ song la˘ uıı́ e iñı́ e nijmé˘ dsea˘ do quiá˘ e nicuóør˘ Fidié˘ , jōba˘ lajaléb˘ e ca˘ cagüiee˘ gui do güeam˘ cajo. Jōgui song jmó˘ quiá˘ co˘ ˘ma˘ catı́ng˘ Fidié˘ , jōba˘ güeam˘ cajo e guo˘ quiá˘ e ˘ma˘ do.

¹⁷ Jō cuóøng˘ fe˘ee˘ e i líng˘ dsea˘ Israel líııñ˘ lafa˘ guo˘ ˘ma˘ ofıı e cajní dsea˘ jō dsu˘ cahuı́b˘ e guo˘ jō. Jō eáang˘ quiá˘ e guo˘ e cahuı́ do, fı́ jōb˘ cajé e guo˘ ˘ma˘ ofıı e íaang˘ ˘ñia˘ fı́ jee˘ mó˘ . Jō jaléng˘ ˘nú˘ , dsea˘ ja` líng˘ na˘ dsea˘ Israel, ˘nú˘ bing˘ i líng˘ lafa˘ e guo˘ e ˘ma˘ ofıı jō. ¹⁸ Jō co˘ lajōb˘ líng˘ na˘ , jōba˘ fıı́ güı ˘nú˘ jie˘ mı́ í óo˘ na˘ e niıng˘ gui laco˘ gui e guo˘ ˘ma˘ e nıcahuı́ do, co˘ song í óo˘ na˘ lajō, jōba˘ ˘né˘ e jmı́güiéng˘ óo˘ na˘ e o˘ ˘nú˘ i se˘ e jmó˘ quiá˘ e ˘ma˘ do, co˘ la˘ eáang˘ e jmó˘ doba˘ e jí˘ ˘nú˘ , dsea˘ líng˘ na˘ lafa˘ guo˘ ˘ma˘ ofıı e calı́aang˘ ˘ñia˘ fı́ jee˘ mó˘ .

¹⁹ Jō dsu˘ jangám˘ ni˘ fı́ o˘ jō nıfo˘ lala: “Cahuı́b˘ e guo˘ quiá˘ e ˘ma˘ do e laco˘ nıja˘ jnea˘ ée˘ quiá˘ e lí cahuı́ do.” ²⁰ Jō e jáb˘ , lajōb˘ calı́ , dsu˘ cahuı́b˘ jalé˘ e guo˘ jō uı́ e ja` já˘ calı́ng˘ júu˘ quiá˘ Fidié˘ . Jō dsu˘ nu˘ , dsea˘ ja` lın˘ dsea˘ Israel, lafa˘ casém˘ ba˘ e fı́ dse˘ e ˘ma˘ jō uı́ e já˘ calı́n˘ júu˘ quiá˘ Fidié˘ . Jō co˘ lajōb˘ calı́n˘ , jōba˘ ja` ˘né˘ e jmı́jløng˘ uø˘ uı́ quiá˘ e jō, co˘ lí˘ lí ˘né˘ e niıng˘ o˘ . ²¹ Jō co˘ ja` cajmée˘ Fidié˘ féng˘ dsı́r˘ cóo˘ e guo˘ ˘ma˘ e guita˘ cajní dsea˘ jōba˘ caquiı́bre, jō co˘ lajōb˘ cajmée˘ guı́r cóo˘ e guo˘ jō, jōba˘ dseáam˘ e nijmér˘ lajō cóo˘ nu˘ cajo. ²² Jō co˘ lajōb˘ líı́ , jōba˘ ne˘ naa˘ jı́al tíı e güıng˘ Fidié˘ lifa˘ fı́ bre í laco˘ catı́ng˘ mi˘ ee˘ go jmóo˘ dsea˘ e ja` dseeng˘ . Jō co˘ lajōb˘ líııñ˘ , jōba˘ iihuı́b˘ cacuør˘ jaléng˘ i dsea˘ i cajmée˘ saang˘ dsı́ cóo˘r˘ . Jō dsu˘ eáam˘ güıııñ˘ cóo˘ ˘nú˘ , dsea˘ ja` líng˘ na˘ dsea˘ Israel, lifa˘ ˘né˘ e seeng˘ na˘ e contøøng˘ já˘ líng˘ na˘ júu˘ quiá˘ bre. Jō dsu˘ song ja` jmoo˘ na˘ lajō, jōba˘ dseáam˘ jóng e lafa˘ nihuı́ng˘ na˘ e fı́ dse˘ e ˘ma˘ jō. ²³ Jō

song já'~ nilíng` jaléng` dsea` Israel júu` quiá'~ Fidié` jogui e niquí'~ jíng`tu yaaiñ` fí` quini` dsea` do, joba' caléb` catú~ ni'uúing`-tur lafa' guo` quiá'~ e 'ma` e lí` cahuíñ` do. Co' quíñb` Fidié` jmí~ e nijmé`-tur e niséng`-tur e guo` quiá'~ e 'ma` e caquiá'r` do. ²⁴ Jo co' 'nú', dsea` ja` líng`na' dsea` Israel, lafa' cahuíng`na' fí` coo` 'ma` ofí` e ca'iaang` 'ñia' fí` jee` mó', jo lafa' caséng`-na' fí` coo` 'ma` ofí` e guita` cajní dsea` nañí` fa' ja` jmóo`re dsea` lajo, dsu' lajob calí` cóo`~ 'nú'; jo co' lajob calí` cóo`~ 'nú', joba' eáang`guib ja` huíng` e lafa' niséng`tu Fidié` e guo` e nicaquiá'r` do quiá'~ e 'ma` e guita` cajní dsea`. Jo jalé` e guo` jo, íb` lafa' jaléng` dsea` Israel, jo ie` mí` nilí` lajo, joba' nisém`tu calé` catú~ e guo` quiá'~ dseáng`- e 'ma` e guita` cajní dsea`.

Nileám` jaléng` dsea` Israel jee` jalé` dsee` quiá'r`- mí` nití` e í` jo

²⁵ Dsea` rú`naa' dsea` quiá'~ Dsea` Jmáang~, iim`baa e ñí`na' e júu` la quiá'~ Fidié` e ja` mí` cajmijnéeiñ` lamí` jééng`gui e laco' lajo ja` nijmíjlong`la yaang`na' e tíng`na' eáang`. Jo e lab e júu` jo, e í` líng` dsea` Israel eám` nicajméer` laaiñ` cóo`~ júu` quiá'~ Fidié`, jo dsu' calí` lajo e lí` laco' ni'íé` jíé` jíí`~ sí'í` 'né` tí` í` dsea` í` ja` líng` dsea` Israel í` nijá'~ líng` júu` quiá'~ Fidié`. ²⁶ Jo mí` níng` e nidsijéé` jalé` e jo cóo`~ jaléng` dsea` í` ja` líng` dsea` Israel, joguiba' nileáang` jaléng` dsea` Israel jee` jalé` dsee` quiá'r`. Jo e na` lí` lí` laco' la fé` fí` ní` jí` quiá'~ Fidié` lí` fé'r` lala:

Jo fí` Sión lí` nijáa` í` dsea` í` nileáang` dsea` jee` jalé` dsee` quiá'ñ`.

Jo íb` í` nijé` jalé` e ja` dseéng` jee` jaléng` dsea` siju` 'lí` yáa` Jacóo`.

²⁷ Jo e nab e júu` e nijmirøø` cóo`~ jaléng` í` mí` nití` í` e ni'íin`n jalé` dsee` quiá'r`.

Jo lanab jíí`~ lí` júu` quiá'~ Fidié`.

²⁸ Jo latí` jmí` na, í` fím` dsea` Israel 'ní` níim`bre Fidié`, co' ja` mí` ca'íñ` júu` quiá'~ dsea` do e quiá'~ jial laang` dsea` jee` jalé` dsee` quiá'r`. Jo lí` lajo e lí` laco' cuøøng` nijá'~ líng`na' júu` quiá'~ Fidié`, 'nú` dsea` ja` líng`na' dsea` Israel. Jo dsu' mí` 'noo`bi` 'neáang` Fidié` jaléng` dsea` Israel dsu' uí` e caguíñ` jaléng` dsea` áang` quiá'ñ` do jogui e cajméer` júu` tigua` cóo'íñ` do cajo. ²⁹ Co' jalé` e cuø` Fidié` lí` doñí` í` dsea` jo` quí`~ jmí` fa' e níguí`-tur calé` catú~, o'gui fa' e nitiúung`-tur jaléng` í` dsea` í` nicató'r` í` nilíng` dsea` quiá'r`. ³⁰ Jo lamí` jééng`gui jaléng` 'nú', dsea` ja` líng`na' dsea` Israel, eám` cajmee`na' e saang` óo`na' cóo`~ Fidié`. Jo dsu' lanagui, uí` e lajob nicajméé` cajo jaléng` dsea` Israel, joba' Fidié` lana nífi` lííñ` 'nú'. ³¹ Jo lajob nicajméé` dsea` Israel cóo`~ Fidié` lana, jo dsu' calí` lajo cajo e lí` laco' lana nilí` fí` líng` Fidié` 'nú', dsea` ja` líng`na' dsea` Israel, jogui calí` lajo cajo e lí` laco' lajo nilí` fí` líng` Fidié` jaléng` í` dsea` Israel do. ³² Jo lajím` dsea` jmigüí` nicajméer` saang` dsíir` cóo`~ júu` quiá'~ Fidié`, co' lajob sí'í` quiá'~ dsea` do. Jo calí` lajo e lí` laco' mí` nilicøøng`gui, nilí` fí` líng` Fidié` lajaléng` í` dsea` í`.

³³ Jo dseáng`- ja` cøøng` cóo`~ jial tí` e guíung` Fidié` cóo`~ lajaléng` dsea` jmigüí`,

jogui lajob cajo ja` cøøng` cóo`~ jial tí` e tííñ` ngáiñ`.

Jo jíí`~ jaang` dsea` jmigüí` quí'r`~ jmí` fa' e níngáiñ` jial laco' jíí`~ e í` dsí` dsea` do cóo`~ jalé` e nijmér`, jogui jial e nijmér` lajalé` e jo.

³⁴ Co' lalab fé` Fidié` fí` ní` jí` quiá'r`:

Jíí`~ jaang` dsea` jmigüí` quí'r`~ jmí` fa' e nilíñir` jialco' í` dsí` Fidié` o'gui cajo fa' e nijíñ`- e` jalé` e 'né` nijmé` dsea` do.

³⁵ Jogui jíí`~ jaang` dsea` jmigüí` ja` ee` mí` cacuø'r` Fidié` jééng`gui e laco' dsea` do nijmér` qui` táa` cóo`~ dsea` jmigüí`.

Jo lanab lí` júu` quiá'~ Fidié` e tóo` fí` ní` jí` quiá'r`.

³⁶ Dsũco' lajaléb' e sea` fí jmigüi` Fidiée`bing' i cajmée, jogui la'eáang' íbre e sea` jalé' e jo, jogui e quiá'-bir lí' lajalé' e jo cajo. jJoba' car` ngongí' jmiib` 'né' e nijmiféng'naa' Fidiée`!

Jo lajob 'né` niliti`.

12

Jáang` yaang`na' fí jaguó` Fidiée` lafa' coo` feá'-

¹ Dsea` rú'naa' dsea` quiá'- Dsea` Jmáang-, uíi` e eáang' fí' líng- Fidiée` jneaa`aa', joba' mii`i 'nú' jmi'ee` e nijáang` yaang`na' fí jaguór` e líng`na' lafa' coo` feá'- e jí', jogui e güeang`na' e líng`na' dseáng'- jíi` e quiá'-bre, jogui e jlo` nití` dsíir' cajo; co' e nab feá'- e 'né- nijíi`na' fí quini` Fidiée` e laco' nijmiféng'naa're. ² Jogui jie` mí síng` yaang`na' e fí ja` dseeng` lí` ngí` dsea` jmigüi` i seeng` jmi` na, co' ja` 'né- jmée`na' lajo. Co' lí' lí' 'né- e nicuó`- fí yaang`na' e nilisíng- jialco' í' óo`na', jo lajoba' nilisíng- jialco' ee`na' fí jmigüi` la, jogui cajo e quíi`na' jmi` e niliñí`na' e` e iing` Fidiée` e nijmée`na' lí' lajalé' e guiá- jogui e jlo` e tí` dsíir' dsea` do jogui cajo e røø` e ja` cøøng` cõo`-.

³ Jo Fidiée` nicacuør` jnea` coo` ta` uíi` e lajo cali`iáang` dsíir' cajmée`r` cõo`- jnea`. Jo co' lajob cajmée`guir, joba' fii`i 'nú', dsea` rú'naa' dsea` quiá'- Dsea` Jmáang-, e jíi` jaang` 'nú' 'né- ni'í' áa`na' e niing`-gui eáang' laco' jíi` e catíng- ni'í' áa`na' cuaiñ` quíi`na'. Co' 'né- e ni'í' áa`na' jíi` laco' catíng- lí' laco' jíi` tíi` e cangíng`na' quiá'- Fidiée` e já- líng`na' júu` quiá'r-. ⁴ Dsũco' lajaang` lajaang` jneaa`aa' seab` jmini`naa' cõo`-gui loguá`naa' jogui e jíe`gui cajo, jo lacoo` e jo quí-i' jmaquím' ta` íng` lacoo`. ⁵ Jo lajob lí' jneaa`aa' cajo, dsea` líi`naa' dsea` quiá'- Dsea` Jmáang-, co' nañí` fa' fíim`baa' eáang', dsu' lafa' jaam` dsea` líi`naa' i já- líng` júu` quiá'- Dsea` Jmáang-. Jo ja` ee` lí' lí' líi`naa' jmaquíng` lajaang` lajaang`naa', dsu' lafa' jaam` dsea` líi`naa' lajaléng`naa'.

⁶ Jo e cuø' Fidiée` jneaa`aa' e iáang` dsíir' jmaquím' nicangíng`naa' lajaang` lajaang`naa'. Joba' song nicacuør` jneaa`aa' e tíi`naa' guia`naa' júu` quiá'r- fí quini` dsea` jíéng', joba' lajob 'né- jmó'oo' lí' laco' jíi` tíi` e nicangíng`na' e já- líi`naa' júu` quiá'r-. ⁷ Jogui song nicacuør` jneaa`aa' e nijmé`naa' ta` e nijmicõo`-naa' dsea` rú'naa', joba' lajob 'né- jmó'oo'. Jogui song nicangíng`naa' quiá'r- e tíi`naa' e ni'é`naa' dsea` rú'naa' júu` quiá'- Dsea` Jmáang-, joba' lajob 'né- jmó'oo' jóng. ⁸ Jogui song nicangíng`naa' quiá'r- e tíi`naa' e nicuó`naa' bí dsea` rú'naa', joba' lajob 'né- jmó'oo'. Jogui song nicangíng`naa' quiá'r- e nijmicõo`-naa' dsea` rú'naa' cõo`- jalé' e sea` quí-naa', joba' lajob 'né- jmó'oo' e ngocáng` dsi`naa'. Jogui song nicangíng`naa' quiá'r- e oo`naa' coo` ta`, joba' eám' 'né- e ñiing` dsi`naa' e nijmó`naa' e ta` jo. Jogui song nicangíng`naa' quiá'- Fidiée` e nijmicõo`-naa' jaléng` dsea` rú'naa' i lí' 'né- quiá'- lajo, joba' lajob 'né- jmó'oo' e iáang` dsi`naa'.

Jial` 'né- seeng` dsea` quiá'- Dsea` Jmáang-

⁹ Jo fii`-guíi` 'nú', dsea` rú'naa' dsea` quiá'- Dsea` Jmáang-, dseáng'- e ngocáng` óo`ba' 'né- nijmi`neáang`na' dsea` rúng`na', jo o' lí' júu` e fó`na' e jmoo`na' lajo. Jogui 'né- e ní' máam`ba' jalé' e ja` dseeng`, co' lí' lí' dseáng'- jíi` e guiá`ba' 'né- nijmée`na'. ¹⁰ Jogui jmi`neáang`na' dsea` rúng`na' lí' laco'gui catíng- e jmóo` dsea` quiá'- Dsea` Jmáang-, jogui nijmi`goo` rúng`na' cajo.

¹¹ Jo ja` 'né- jmée`na' fíng`na', co' lí' lí' 'né- e nicuó` bí yaang`na' e nijmée`na' jalé' ta` e nicangíng`na' quiá'- Fidiée`.

¹² Jo e iáang` óo`ba' 'né- seeng`na' la'eáang' e dseáng'- nitab` óo`na' e niliseem`ba' cøøng` cõo`- Fidiée` fí ñifi` quiá'r- mi` nití- e í' jo. Jogui 'né-

e jmée^na' féng' ó'ba' cóo'~ jalé' fi'í' dsíí' e dsingúng-na', jogui cajo ja` 'né` tú^na' e fõng-na' Fidiéé`.

¹³ Jo jaléng' dsea` rúng'na' dsea` quiá'- Dsea` Jmáang- i li` sea`go fi'í' dsíí' quiá'-, joba' 'né- e nijmicóo'~baa're jóng. Jogui íng'na' cóo'~ júu^ røø` jaléng' dsea` i guilíng- fi' quií-na'.

¹⁴ Jogui mii'na' Fidiéé` coo` e guiá- uí'~ quiá'- jaléng' dsea` i jmáng' 'nú' ga', jo dseáng'- lajob` 'né- jmée^na' cóo'r~ jogui jie~ mi~ fó'na' júu^ 'lí' uí'~ quiá'r-.

¹⁵ Jo jmi'íáang` ó'na' cóo'~ jaléng' dsea` rúng'na' dsea` quiá'- Dsea` Jmáang- i íáang` dsíí', jogui jmee-na' fi'í' fíng seeng` i líng' lajo.

¹⁶ Jo røøb` 'né- seeng'na' jee~ la'ó' 'nú', dsea` líng'na' dsea` quiá'- Dsea` Jmáang-. Jo ja` 'né- e jmi'jløng'^ yaang~na', co' lí' lí' 'né- e seeng'na' e røøb` líng'na' laco'gui líng' i dsea` i ja` jmi'jløng'^ yaang` jee~ jaléng' 'nú'. Jogui ja` gü'í' ó'na' e dseáng'- líng'na' dsea` i tíng` ngáng'. ¹⁷ Jo ja` jmoo'na' qui' táa' cóo'~ dsea` rúng'na' song ee`go ca'léer` quií-na', co' 'nú' 'né- nijmi'úung'na' e nijmée^na' dseáng'- jmang'- e guiáb- cóo'~ doñí' i dsea` rúng'na'. ¹⁸ Jo jie' jii'~ cartí' lí' quí'na' jmi'~ jmee-na' e niliseeng'na' juguiá- júu^ røø` cóo'~ lajaléng' dsea` rúng'na'. ¹⁹ Jo e laba' iin~n fii-guú' 'nú', dsea` rú'naa' dsea` quiá'- Dsea` Jmáang- i 'neáan` eáang', e mi~ ee`go ca'léer` dsea` quií-na', ja` 'né- fa' e nicó^na' quií-na', co' ja` dseeng' e jmée^na' lajo; co' lí' lí' 'né- e nisée~na' fi' jaguó` Fidiéé` e júu^ jo, co' í'bing' i ni'í' í' laco' catíng-; co' lalab fé'r' fi' ni' jì quiá'r-: "Jneab` Fidiéé` dsea` catín` n e ni'í' í' laco' catíng-, jo jnea`bing' i niquí' táa' dseáng'- laco' sí'í'." Jo lanab jii'~ lí' júu^ e jíng'- Fí'naa' Fidiéé` fi' ni' jì quiá'r-. ²⁰ Jo lalab fé'gui cajo fi' ni' jì quiá'r-: "Jo song jaang` dsea` i 'ní' níng- 'nu' mi'r' 'nu' e nidó'r- osi e ni'í'r- é, joba' 'né- cuø'ba're lajii'~ e mi'r' 'nu' do. Jo mi~ nijme'^ lajo, lajoba' nilí' i' líng- i 'ní' níng- 'nu' do cóo'~ lajii'~ e jmóor` cóo'~ 'nu' do." ²¹ Jo jie~ mi~ cuøøng` uø' fa' e jalé' e ja` dseeng` nilí' 'nu', co' la'eáang` e jmoo' jalé' e guiá-, lajoba' nilí' jalé' e ja` dseeng` do.

13

¹ Jo e laba' iin~n fii-guú' 'nú', dsea` rú'naa' dsea` quiá'- Dsea` Jmáang-, e lajii' 'nú' 'né- jmée^na' núu'na' jalé' ta~ quiá' dseata~ i seeng`. Dsaco' Fidiéé`bing' i nicacuø' e ta~ jo quiá'- jaléng' dseata~, jogui cajo 'ñiab' Fidiéé` dsea` nicaguiar' uing~ e seeng` jaléng' í'. ² Jo co' lajob` líí', joba' jaléng' dsea` i jmóo` laang` cóo'~ lajii'~ ta~ quiá' dseata~, joba' ja` jmóor` náu'r~ jóng lajii'~ ta~ e nicaquiá' Fidiéé`. Jo jaléng' dsea` i jmóo` lajo, joba' yaam~bre 'nó'r' e nidsijéé` huíng' quiá'r-, co' iihuú'b' ni'í'í'. ³ Dsaco' jaléng' dseata~ ja` seeí' fa' e niféí' jaléng' dsea` i jmóo` jalé' e guiá-, dsaco' jaléng' dsea` i jmóo` ga'bing' i nijmeái' lajo. Jo song 'nu' iin~ e niliseen' e ja` 'gón' dseata~, joba' 'né- e ni'ee'- e guiáb- jóng, jo lajoba' nifé' dseata~ guiá- uii~ quií'- . ⁴ Co' Fidiéé`bing' i caguíng' jaléng' dseata~ e laco' nijmicóo'r~ 'nu'. Jo dsu' song jmoo' jalé' e ja` dseeng', joba' 'né- jme'^ 'gó'ba' cóo'r~ jóng; co' e líng~ ta`ba' e quie' dseata~ 'ma'u` quiá'r-, co' cóo'~ e joba' e cuø' lí' ee' ta~ óor, co' 'ñiab' Fidiéé` dsea` cacuø'r' dseata~ e óoií' do ta~ e laco' nicuø'r- iihuú' jaléng' dsea` i jmóo` laang` lajii'~ ta~ quiá'r'. ⁵ Jo uí'~ e lajob` líí', joba' dseáng'- laguíim' 'né- e nijmée'^ náu' jalé' ta~ quiá' dseata~, dsu' o' fa' e laco' ja` ni'íin'~ iihuú', co' uøø'ba' 'né- e ni'í' o' e dseáng'- e guiá-ba' e nijmée'^ lajo. ⁶ Jo uing~ e lajob` cajo, joba' quí' 'nu' cuu- e mí' dseata~; dsaco' Fidiéé`bing' i caguíng' jaléng' dseata~, joba' jii'~ jo ta~ quiá'-bre e quiá'- e quiá'r' ta~.

⁷ Joba' fii-guú' 'nú', dsea` rú'naa' dsea` quiá'- Dsea` Jmáang-, jmití'na' lajii'~ e catíng-na'; joba' cuøø'na' jaléng' i dsea` i óo'go ta~ lajii'~ e catíí' e ni'í'í', fa' jaléng' i catíng- e ni'íng' jalé' cuu- e soo' fii, joba' quií-na' e jo; jogui jalé' e

cuu- e quiá- ee'go ta~ jmoo'na' osi ee'go sea` quí-na', joba' qui-na' e jo cajo. Jogui jmi'goo'na' jaléng' dsea` i oo'go ta~, co' lajob catíng- e nijmée-na', jogui jmiféng'na' lajaléng' dseata~ laco' catíng- cajo.

⁸ Jo ja` jmirøøng` yaang~na' cóo'~ jíi~ jaang` dsea`, co' lí' lí' 'né- e nijmi'neáang~na' dsea` rúng'na'; dsuco' i dsea` i jmi'neáang` dsea` rúng' nicajmiti~bre røø` lajii'~ júu` quiu' ta~ e cajme' Moi'. ⁹ Jo lalab fé' e júu` quiu' ta~ do: "Ja` 'lee'~ e nigüín' cóo'~ dseamf` osi dseañu' i o' quií-', jogui jie` mí jngán' dsea` rún', jogui ja` jmoo'` h, jogui ja` fón' júu` ta~ júu` e laco' ni'lee'~ quiá- dsea` rún', o'gui jmoo'` dsihuín' quiá- jaléng' dsea` rún' cajo." Jo jalé' e júu` quiu' ta~ na cóo'~gui jalé'gui e júu` quiu' ta~ e caguiee~gui do dseáng'- lalab jíi~ lí' cóo'~ e júu` quiu' ta~ e fé' lala: "Jmi'neáang` jaléng' dsea` rún' lí' laco'gui jmi'neáan' uø'." ¹⁰ Dsuco' i dsea` i jmi'neáang` jaléng' dsea` rúng', jmag'~ jalé' e guiáb- jmóor` cóo'~ jaléng' i dsea` í. Co' mi~ jmi'neáang` dsea` rúñ' dseáng'- laco' sí'í, joba' jmiti~bre laco' fé' jalé' júu` quiu' ta~ e cajme' Moi'.

¹¹ Jo sea`bi uing~ quiá- e nijmé-naa' lajo, co' dseáng'- 'né- e ñí'baa' guiá- jialco' nilí' e see-naa' jmi~ na, jogui cajo 'né- e ñí'baa' e nicatí' í' e nijmijnée` dsi'naa' contøøng-. Co' dseáng'- nijaquiéem' e jmi~ e nijáa'tu Fí'naa' Dsea` Jmáang- fí' jmi'güi' la e laco' nitøør` jneaa~aa', dsea` i nicaleáaiñ` jee` jalé' dsee- quiá-. Dsuco' lana dseáng'- ni'quiá'-gui e jmi~ jo laco'gui ie~ lami~ já'- calí-naa' júu` quiá'r-. ¹² Co' lana nilí' lafa' e tí' lí' nijneá, co' nijaquiéem' e jmi~ jo; joba' 'né- e nitá'baa' jalé' e ja` dseeng` e lami~ jmoo-naa' e qui' tíng` dsea` jmóor` fí' lí' nua, co' ja` 'né- jmó'oo' lajo. Co' lí' lí' 'né- e nijmó'oo' jalé' e qui' tíng` dsea` jmóor` fí' lí' jneá, e jmáang~naa' ta~ jalé' e nicacuø' Fidiée` jneaa~aa' e laco' nijmi'øng' yee-naa' lí' laco'gui jalé' e jmáang~ ta~ jaang` 'lée- mi~ dséer' fí' jee` 'nií'. ¹³ Jo contøøm- 'né- ee-naa' røø` laco' catíng- lí' laco'gui la jmóo` dsea` i seeng` fí' lí' jneá; co' ja` 'né- e jmó'oo' fa' e seáng~ rú'naa' e nidsi'ne'naa' méé' osi e nidsé'ee' lí' tí' jmi~ e ta' dsea` mí'~ eáang, osi e güi'naa' cóo'~ dseañu' osi dseamf` i o' quií-naa', osi lí' doñí' ee' e 'lí' e jié'gui é, o'gui e jmoo-naa' ta~ jíng` osi ta~ dsihuíng' quiá- dsea` rú'naa' é. ¹⁴ Co' o' lajo e 'né- jmée' 'nú', co' lí' lí' 'né- e teá'gui nisíng'-na' cóo'~ júu` quiá'- Fí'naa' Dsea` Jmáang- e jmáang~na' ta~ jalé' e jmi'øng' yaang~na' e nicacuø'r' 'nú' lí' laco'gui jalé' e jmi'øng' 'ñia' jaang` 'lée-. Jogui ja` 'nó'na' jial e nijmi'íang` óo'na' cóo'~ jalé' e ga' e lí' óo'na' e sea` fí' jmi'güi' la.

14

Ja'en' dsea` rún' dsea` quiá- Dsea` Jmáang-

¹ Jo fíi-gui' 'nú', dsea` rú'naa' dsea` quiá- Dsea` Jmáang-, íng'na' røø` jaléng' dsea` quiá- Dsea` Jmáang- i ja` mí' 'goo' teáang- teá' cóo'~ júu` quiá- dsea` do, jo ja` jmoo'na' ta~ jíng` cóo'r~ uí' quiá- jalé' e í' óo'na'. ² Co' seem` dsea` quiá- Dsea` Jmáang- i í' dsí' e cuøøm` lí' dør- lí' doñí' ee' jmiñi~, jogui dsu' seem'bi cajo i jia~bi mí' teá' sing' cóo'~ júu` quiá- Dsea` Jmáang- jo í' dsíir' e jíi~ ja'ba' cuøøng` lí' dør-. ³ Jo co' lajob líi', joba' i dsea` quiá- Dsea` Jmáang- i í' dsí' e cuøøm` lí' dør- lí' doñí' ee' jmiñi~, joba' ja` cuøøng` fa' e jmi'jlong' 'ñia'r' uí'~ quiá- i dsea` rúñ' i gø' layaang~ ja' do; jogui i dsea` i í' dsí' e cuøøm` lí' dør- layaang~ ja', joba' ja` cuøøng` e ni'éiñ- i dsea` rúñ' i í' dsí' e cuøøm` lí' dør- lí' doñí' ee' jmiñi~. Jo dsu' quiá- Fidiée` ja` ee' lí' e gø' dsea` lajalé', co' nica'im~bre i dsea` i líng' lajo.

⁴ Jo ja` dseeng` fa' e ni'éen'~ jaang` dsea` i jmóo' ta~ quiá- jaang'gui dsea`. Dsuco' cuaiñ~ quiá- i fi~ quiu' ta~ quiá'r- dob song ca'uíng- guiá- lajii~ ta~

jmóor` osi ca'uíng` ga` é. Jo dsu' guiáb` ni'uíng` quiá'r`, co' eáam' 'gøng' Fí'naa' Dsea` Jmáang`, jo í'bing' i nijmicóo` e ni'uíng` guiá` quiá` i dsea` do.

⁵ Jogui cajo: Seem` dsea` quiá`- Dsea` Jmáang` i í' dsí' e niing`gui e liing` jmií~, jogui seem`bi cajo i í' dsí' e røøb` lí' lajalé` jmií~ jo ja` sea` jmií~ fa' e niing`gui. Jo dsu' lajaang` lajaam` dsea` 'né` e ta` dsíir' røø` cóo`~ lajii` e í' dsíir' do. ⁶ Jo co' i dsea` quiá`- Dsea` Jmáang` i í' dsí' e niing`gui e liing` jmií~ jo jmóor` lajo e laco' nijmi'gór` Fí'naa' Fidiéé`. Jogui i dsea` quiá`- Dsea` Jmáang` i í' dsí' e cuøøm` lí' dør` lí' doñí` ee` jmiñí` jo jmóor` lajo e laco' nijmi'gór` Fí'naa' Fidiéeb` cajo, jogui cuø`bre gui'máang` dsea` do. Jogui i dsea` quiá`- Dsea` Jmáang` i í' dsí' e lajii` ja`ba' cuøøng` lí' dør` jo jmóor` lajo e laco' jmi'gór` Fí'naa' Fidiéé` jogui cuø`bre gui'máang` dsea` do cajo.

⁷ Jo jii` jaang` jneaa`aa', dsea` lí'naa' dsea` quiá`- Dsea` Jmáang`, see`naa' la ne`naa' yee`naa' o'gui júung`naa' la ne`naa' yee`naa' cajo. ⁸ Co' song see`naa' fí' jmiigüi` la, lí' lajo e laco' e jmi'goo`naa' Fí'naa' Dsea` Jmáang`; jogui song catí` í' e nijúu`naa', lí' lajo e laco' e nijmi'goo`naa' Fí'naa' Dsea` Jmáam` cajo. Jo ja` e lí' song see`naa' fí' jmiigüi` la osi nijúu`naa' é, co' dsea` quiá`- Dsea` Jmáam` lí'naa'. ⁹ Jo cajúng` Dsea` Jmáang`, jo mi` cangí` jo, caji`tur calé` catú`; jo calí` lajo e laco' nilíiñ` Fii` qui`naa', dsea` see`naa' fí' jmiigüi` la, jogui lajob líiñ` Fii` cajo quiá`- jaléng` dsea` quiá'r` i nicajúng`.

¹⁰ Jo co' lajob lí', joba' ja` fí' sea` quií`- fa' e ni'éen` dsea` rún` dsea` quiá`- Dsea` Jmáang`, o'gui fa' e nijøøn`re e uøng`gui cajo. Co' téé` óó'na' e lajaang` lajaam` jneaa`aa' 'né` ngiing`naa' fí' quini` Dsea` Jmáang` mi` tí` lí` nití` í' lajo e laco' dsea` do niquidsir' í' qui`ii' laco' si'í'. ¹¹ Co' lalab fé` Fí'naa' Fidiéé` fí' ni` jì` quiá'r`:

Jnea` Fidiéé` fá`-a e dseáng` e já`-ba' e seen`,
jogui fí' quini`baa` lí` nisí' lajiiing` dsea` uø` jnir` e laco' nijmiféiñ` jnea`,
jogui nijíñ` e jii` jneab` Fidiéé`.
Jo lanab fé` Fidiéé` fí' ni` jì` quiá'r`.

¹² Jo co' lajob nilí, joba' lajaang` lajaam` jneaa`aa' 'né` e niguiéé`naa' júu` fí' quini` Fidiéé` mi` tí` lí` nití` í' e niquidsir' í' qui`ii'.

Ja`jmoo` e niténg` dsea` rún` fí' ni` dsee`

¹³ Jo co' lajob lí', dsea` rún`na' dsea` quiá`- Dsea` Jmáang`, joba' ja` 'né` e éeng`naa' jaléng` dsea` rún`naa'. Co' lí' lí' 'né` e nijmi'úung`na' e ja` nijméé`na' jii` coo` e ga` e dseáng` e niténg` dsea` rún`na' fí' ni` dsee` osi e nitúr` e já`-líiñ` júu` quiá`- Dsea` Jmáang` é. ¹⁴ Jogui jnea`, la'eáng` e lín`n jaang` dsea` i jmóo`o lajii` e iing` Fí'naa' Dsea` Jmáang`, joba' eáam` nita` dsii` e lajaléb` e quiee`naa' e sea` fí' jmiigüi` la jmang` e guiáb` lí'. Jo dsu' seem` dsea` i í' dsí' e seab` e ja` dseeng`, joba' lajob lí' dsu' lajii` quiá`- i dsea` íb`. ¹⁵ Jogui song cóo`~ jalé' e cø`na' seem` dsea` rún`na' dsea` quiá`- Dsea` Jmáang` i ja` tí' dsí' jalé' e jmoo`na' do, jo song lajob lí', joba' lafa' ja` jmi'neáam`ba' i dsea` rún`na' do jóng. Jo uíi` e lajob lí', joba' fíi`-i`nú' e ja` cuøøng` e cóo`~ jalé' e cø`na' nijmé` e niténg` dsea` rún`na' fí' ni` dsee`, co' uíi` i dsea` í'bing' e cajúng` Dsea` Jmáang` fí' dse` crúu`. ¹⁶ Joba' fíi`-i`nú', ja` jmoo`na' jii` coo` e laco' dseáng` e nifé` dsea` ga` uii` quiá`- jalé' e í' óó'na' e guiá`. ¹⁷ Jo mi` Fidiéé` quier` nifí` qui`naa', jo` quiu`gui ta` qui`ii' fa' jalé' e quiee`naa' osi jalé' e 'né`naa' é, co' e laba' e eáang`gui 'né` nijmó`oo' la'eáang` cóo`~ Jmiguí` quiá`- Fidiéé`, e see`naa' e jmoo`naa' laco' iing` Fidiéé`, jogui e see`naa' juguiú` júu` røø, jogui e íaang` dsi`naa' cajo. ¹⁸ Jo i dsea` i jmóo` lana cóo`~ lajii` e ta` e cangíiñ` quiá`- Dsea` Jmáang`, joba' i dsea` í' jmi'íáam`bre dsí' Fidiéé` jogui guiáb` fé' jaléng` dsea` rúíñ` uíi` quiá'r` cajo.

19 Jo lana fñ-i 'nú', dsea` rú'naa', e contøøm- 'né- e nijmi'úung'naa' e nijmó'oo' jalé' e laco' nilisee- naa' juguiá- júu^ røø` cóo'~ jaléng' dsea` rú'naa', jogui cajo e nijmicóo'~ rú'naa' e laco' nilí'naa' e teá'gui nisíng'-naa' cóo'~ júu^ quiá'- Dsea` Jmáang-. 20 Jo uí'~ cóo'~ jalé' e cø'^na' ja` jmoo'na' e laco' dseáang'~ ni'íing- lajii'~ e jmoo` Fidiéé` cóo'~ lajaang` lajaang` dsea` quiá'r-. Jo dseáang'- e jáb'-, guiáb- lajalé' e gø' dsea, dsu' e doba' ja` dseeng` e song cóo'~ jalé' e cø'^na' do nijmé- e niténg' dsea` rúng'na' dsea` quiá'- Dsea` Jmáang- fí' ni` dsee-. 21 Joba' guiá- gui e ja` cø'^na' ngúu' o'gui u'^na' jmi' mí' huíng' jø' o'gui jmée'na' jii'~ cóo' e laco' dseáang'~ e niténg' dsea` rúng'naa' dsea` quiá'- Dsea` Jmáang- fí' ni` dsee-. 22 Joba' fñ-i 'nú' e jii'~ yaam~ba' 'né- ñí'na' fí' quini` Fidiéé` jial tí' já'- líng'na' cuaiñ` quiá'- e jo. Jo eáam' juguiá- quiá'- i dsea` i ta` dsí' e guiáb- jalé' e jmóor, co' ja` cuø' dsee- ñia'r' lajee` e jmóor' lajo. 23 Jogui dsu' song sea` cóo' jmiñi` e ta` dsí' i dsea` í e ja` cuøøng` lí` dó'r- jo song cagø'r` e jo, joba' dseeb- ca'éer` jóng fí' quini` Fidiéé`, co' dseáang'- ja` tab` dsí'r` e cajméer` e guiá- mi` cajméer` e jo.

15

O' jii'~ uø' 'né- jmi'íang' o', co' lajob 'né- jme' cóo'~ dsea` rún'

1 Jo fñ-guá' 'nú', dsea` rú'naa' dsea` quiá'- Dsea` Jmáang-, e jaléng' jneaa`aa', dsea` eáang'gui teá' nitée- naa' cóo'~ júu^ quiá'- dsea` do, 'né- e nijmicóo'~ baa' jaléng' dsea` rú'naa' i ja'gui teáang- teá' cóo'~ e júu^ jo. Co' ja` 'né- jmó'oo' dseáang'- lajii'~ e guiá- qui- naa' yee~naa'. 2 Jo lajaang` lajaang` jneaa`aa' 'né- see- naa' e jmi'íang'naa' dsí' jaléng' dsea` rú'naa' e laco' ni'uíng- guiá- quiá'r-, jo lajoba' cuøøng` e teá'gui nisíñ'- cóo'~ júu^ quiá'- Dsea` Jmáang-. 3 Co' j'gui Dsea` Jmáang- ja` ca'no'r- jial laco' nijmi'íang` dsír' ñia'r', co' lí' lí' cangongñiñ` jii'~ laco' fé' fí' ni` jì' quiá'- Fidiéé` lí' fé' lala: "Jalé' e ga' e café' dsea` uii` quiá'-, jneab` cangongñing- jalé' e jo." 4 Jo lajalé' júu^ e fé' fí' ni` jì' quiá'- Fidiéé` e cajme' dsea` lamali'gui eáang' calí- lajo e lí' laco' e' jneaa`aa' jialco' nijmó'naa' té'ee' cóo'~ jalé' e huíng' e dsijéé' qui-ii', jogui cuø' jneaa`aa' bí' cajo; jo lajoba' dseáang'- nita` dsí'naa' e nilisee- baa' cøøng` cóo'~ Fidiéé` fí' ñifí- quiá'r- mi` nití- e í' jo. 5 Jo Fidiéeb` dsea` i cuø' jneaa`aa' e jmoo- naa' té'naa' cóo'~ jalé' e dsingñing- naa' do jogui e cuø'r' jneaa`aa' bí' cajo. Jo uí'~ e lajob lí', joba' mñi'~i dsea` do e güijmicóo'~ bre 'nú' e laco' røøb` niliseeng'na' lajee` la'ó' 'nú' lí' laco'gui ca'éé' Fí'naa' Dsea` Jmáang-. 6 Jo lajoba' nijmiféng'naa' Fidiéé`, Tiquiá'^ Fí'naa' Dsea` Jmáang-, colíng` lajii- naa'.

Mí~ canúu- dsea` i ja` líng' dsea` Israel júu^ quiá'- Dsea` Jmáang-

7 Jo lajob fñ-guá' 'nú', dsea` rú'naa' dsea` quiá'- Dsea` Jmáang-, e íng'~ rúng'na' e íang` óo'na' lí' laco'gui calíng' Dsea` Jmáang- 'nú', jo lajoba' e nijmiféng' dsea` Fidiéé`. 8 Jo jnea` fñ-i 'nú' e Dsea` Jmáang- cagüéiñ- fí' jmi'güí' la e laco' nijmicóo'r- dsea` Israel. Jo calí- lajo e lí' laco' cuø' lí' e dseáang'- jmitib` Fidiéé` júu^ quiá'r- lí' laco' júu^ e cacuø'r' 'lí' dsea` áang' qui-ii', dsea` Israel, ie` malí'gui do. 9 Jogui cajá- bi Dsea` Jmáang- cajo e laco' jaléng' dsea` i ja` líng' dsea` Israel nijmiféiñ' Fidiéé` uí'~ e eáang' fí' líng- dsea` do jaléng' i dsea` í lí' laco'gui la fé' fí' ni` jì' quiá'- Fidiéé` lí' fé' lala:

Jo nijmifén'n 'na' jee` jaléng' dsea` i ja` líng' dsea` Israel, jogui nijmifén'n 'na' cóo'~ jalé' e øø-.

10 Jo lalab fé'gui cajo fí' ni` jì' quiá'- Fidiéé`:

jmi'íang` óo'na', dsea` quiá'- Fidiéé` i ja` líng' dsea` Israel, colíng` cóo'~ jaléng' dsea` i líng' dsea` Israel!

11 Jo lalab fé'gui fi' ni~ ji` quiá'- Fidiée~ cajo:
 Jmiféng'na' Fíi'naa' Fidiée~ jaléng' 'nú', dsea` i ja` líng' dsea` Israel,
 i seeng` jalé' fi'jiu jogui jalé' fi' cóo'.

12 Jo lalab fé'gui fi' ni~ ji` quiá'- Fidiée~ e cajme' Saíi':
 Nabí nijáa' jaang` dsea` siju` Isaí,
 jo íb` i niquiá' ta~ quiá'- jaléng' dsea` i ja` líng' dsea` Israel.
 Co' cóo' i dsea` i nijáa' do,
 íb` i nicuó' e ta~ dsíi' jaléng' i dsea` í.

Jo lanab fé' fi' ni~ ji` quiá'- Fidiée~.

13 Joba' má'i Fidiée~ i cuó' e ta~ dsíi'naa' do e güicuó'bre 'nú', dsea` já'-
 líng'na' júu` quiá'r-, e seeng'na' e iáang` óo'na' jogui e seeng'na' juguiá' júu`
 røø; jo lajoba', la'eáang` cóo' bí e 'gøng' quiá'- Jmiguí quiá'r-, dseáng'-
 eáang'gui güijmitar~ óo'na' e niliseeng'na' cóo'r~ fi' ñífi' quiá'r- mí nití e í'
 jo.

14 Dsea` rú'naa' dsea` quiá'- Dsea` Jmáang-, dseáng'- eáam' nita~ dsii- e 'nú'
 eáam' guiúng-na' cóo' jaléng' dsea` rúng'na', jogui e guiáb- niñí'na' jial 'né-
 seeng'na', jogui cajo eáam' quí'na' jmí~ e cuó'na' bí rúng'na'. 15 Dsui' e fi'
 ni~ ji` la nicateá- dsii- e nicajmé'e quí'na' tú- 'ní' mí' júu` e teáb'jiu; jo dsui'
 cajmé- e lajo e lí' laco' nijmiguíén'n áa'na' jalé' e jo. Jo lajob cajmé- e uíi' e
 ta~ e nicangün'n quiá'- Fidiée~, co' dseáng'- eáam' guiúng- dsea` do cóo' jnea~
 e jíi' ja` catín-n lajo. 16 Jo cajméer- lajo cóo' jnea~ e lí' laco' nijmee~ e lajii'~
 e iing~ Dsea` Jmáang- fi' jee~ jaléng' dsea` i ja` líng' dsea` Israel. Jo cangün'n
 coo' ta~ quiá'- Fidiée~ e lí' laco' niníi' i júu` quiá'- jial láang' dsea` do jaléng'
 dsea` jee~ jalé' dsee- quiáin'. Jo jmóo'o lajo e lí' laco' cuóøng' nijøøñ'n fi'
 quinir~ jaléng' i dsea` í e liñ' do lafa' coo' feá'- e jlo' jmeafi' e nití- dsíir' jogui
 e nicaligüeang' la'eáang' cóo' Jmiguí quiá'r-.

17 Jo dsea` quiá'- Dsea` Jmáang- líng' jnea~, joba' seab` uing~ quié- e eáang'
 jmi'iaang` dsii- uíi' jalé' e ta~ e nicangün'n e jmóo'o quiá'- Fidiée~. 18 Dsui' co'
 ja` teá dsii- e nifá'a jíi' coo' júu` e jie'gui jíi' laco' e nicajmé' Dsea` Jmáang-
 cóo' jnea~ e quiá'- e nicaguiáa- júu` jee~ jaléng' dsea` i ja` líng' dsea` Israel
 e laco' nijméiñ- do núu'r~ lajii' ta~ quiá' Fidiée~. Jo lajob nicajméiñ' do
 la'eáang' cóo' jalé' júu` e nicaguiáa- cóo'gui jial nica'ee- jee~ jaléng' i dsea`
 í, 19 jogui cóo' jalé' e lí' e quí' Fidiée~ jmí~ e jmóor' cóo' e güea' e 'gøng'
 quiá'- Jmiguí quiá'r-. Jo lanaba' guiáb- nicatán'n e ta~ do quié- e e quiá'- e
 níi' i júu` quiá'- Dsea` Jmáang- quiá'- jial laang' dsea` jee~ jalé' dsee- quiá'r-,
 jo e jo canaan- fi' Jerusalén cartí caguié- e fi' lí' se' Iliria. 20 Jo nicajmé- e úung`
 e niníi' i júu` e quiá'- jial laang' dsea` jee~ jalé' dsee- quiá'r- dseáng'- e fi' lí'
 ja` mí canúu- dsea` júu` quiá'- Dsea` Jmáang- jíi' coo' ya' lami~ jéeng'gui. Jo
 calí- lajo uíi' e jnea~ ja` iin~n fa' e niníi' i e júu` jo fi' lí' nicajmé' dsea` lajo.

21 Co' cajmé- e lajo lí' laco' caliti' laco' la fé' fi' ni~ ji` quiá'- Fidiée~ lí' fé' lala:
 Jaléng' dsea` i dseáng'- jíi' coo' ya' ja` mí canúu- júu` quiá'- Dsea` Jmáang-,
 dseáng'- ninú-bre e júu` jo;
 jogui dseáng'- ningám' e júu` jo jaléng' dsea` i ja` mí canúu- e júu` jo cajo.
 Jo lanab fé' fi' ni~ ji` quiá'- Fidiée~.

Mí ca'í dsíi' Paa- e nidsér- fi' Roma

22 Jo uíi' e ngü- ta~ guía' júu` quiá'- Dsea` Jmáang-, joba' ja` mí cacuó' fi'
 quié- e fa' e niníi' i e ni'ee' e 'nú', dsea` rú'naa' dsea` quiá'- Dsea` Jmáang- i
 neáang' fi' na fi' Roma, nañí' fa' jmiguíab' ya' nica'í dsii- e nijmee~ e lajo, dsui'
 ja` mí calí- quié- e lajo. 23 Dsui' lanagui nicatób' ta~ jmóo'o e fi' guóo' uó- la; jo
 co' ningóob'jiu eáang' e í dsii- e ni'ee' e 'nú', 24 joba' sijeer~ e lajob nilí lajee~ e
 iuun- fi' e ngóo'o fi' guóo' uó- lí' sií España. Jo mí ningí e nineeng~ rú'naa'

fí na, joba' iin~n e jaléng' 'nú' nijmicóo'~na' jnea~ cóo'~ jalé' e 'né' e lajee~ e ngóo'ó fí España. ²⁵ Jo dsu' nú'~gui e ngóo'ó fí na fí Roma, jang'~ níng'~teáa fí Jerusalén e nicoo'~o capí'~ jalé' e 'né' dsea' quiá'~ Dsea' Jmáang~ i tiñing~ i seeng' fí jo. ²⁶ Dsaco' jaléng' dsea' quiá'~ Dsea' Jmáang~ i seeng' fí Macedonia cóo'~gui i seeng' fí Acaya ca'f' dsíir' yaaiñ~ e liing~ e caseáiñ' capí'~ jogui e nisiñ~ quiá'~ dsea' rú'naa' dsea' quiá'~ Dsea' Jmáang~ i tiñing~ i seeng' fí Jerusalén. ²⁷ Jo guiáb~ cajmée' i dsea' í uí'~ e ca'f' dsíir' e nijmicóo'~r~ i dsea' rú'naa' do lajo. Dsaco' jaléng' dsea' quiá'~ Dsea' Jmáang~ i líng' dsea' Israel eáam' nicajmicóo'~r~ jaléng' dsea' quiá'~ Dsea' Jmáang~ i ja líng' dsea' Israel e laco' teá'gui casíñ' yaaiñ~ fí guiá' cóo'~ Dsea' Jmáang~. Jo uí'~ e lajob lí', joba' jaléng' dsea' quiá'~ Dsea' Jmáang~ i ja líng' dsea' Israel dseáng'~ 'né'~ba' liing~ ee'go jmicóo'~r~ jíe' jí'~ quí'~r~ jmí' cóo'~ jaléng' i dsea' Israel do. ²⁸ Joba' dsifí mí' nité' e ta~ e nijmee' e do e quiá'~ nijáa'~a dsea' quiá'~ Dsea' Jmáang~ i neáang' fí Jerusalén jalé' e caseáng' do, joguiba' nijúu~u e ninii' i fí España jóng, jo lajee~ e iuun~ fí e ngóo'ó fí jo, joba' í dsii~ e ningiin~n cateá' fí na fí Roma. ²⁹ Jo eáam' nita~ dsii~ e mí' niguié'e e ni'ee'e 'nú' fí na, eáam' guiá'~ nijmé' Dsea' Jmáang~ cóo'~ jneaa'aa'.

³⁰ Dsea' rú'naa' dsea' quiá'~ Dsea' Jmáang~, la'eáang' cóo'~ Fí'naa' Dsea' Jmáang~ jogui la'eáang' cóo'~ e Jmiguí' quiá'~ Fidié' e cuø' jneaa'aa' e eáam' 'neáang' rú'naa' do, joba' lana mí'~i 'nú' jmí'ee' e nijmicóo'~ rú'naa' colíing~ e nimí'~na' Fidié' uii'~ quié'~e. ³¹ Jo mí'~na' dsea' do e nijmér' í jnea~ jee~ jaléng' dsea' i ja já'~ líng' júu' quiá'~ Fidié' i neáang' fí lí' se' Judea. Jogui mí'~na'r cajo e eáang' nilí'íng' ta~ quiá'~ jaléng' dsea' rú'naa' dsea' quiá'~ Dsea' Jmáang~ i neáang' fí Jerusalén lajii'~ e quíe'~ quiá'r'. ³² Jo ngí' jo, song nicuø' Fidié' fí, joba' niguié'~baa fí na jóng cóo'~ juguiá' e ni'ee'e 'nú', jo lajoba' cuøng' lí' jmi'ín'~n lajee' see'~naa' colíing~. ³³ Jo mí'~i Fidié' i cuø' e seeng' dsea' juguiá' júu' røø' e güiliseem'bre cóo'~ jaléng' 'nú' lata~.

Jo lajob nilí'.

16

Júu' guicóo'~ quiá'~ Paa' e catíng'~ dsea' seeng' fí Roma

¹ Dsea' rú'naa' dsea' quiá'~ Dsea' Jmáang~ i seeng' fí na fí Roma, lana fí'~i 'nú' cuaiñ~ quiá'~ jaang' dseam' i sii' Febe i jmóo' ta~ jmicóo'~ jaléng' dsea' quiá'~ Dsea' Jmáang~ i seeng' fí Cencrea. ² Jo i dseam' la dsea' quiá'~ Dsea' Jmáam' líiñ', joba' íim'~ba're cóo'~ e guiá' lí'~ laco'gui catíng' e íng' dsea' i dsea' la'f'. Jogui jmicóo'~na're cóo'~ lí'~ doñí' ee' e 'né'~, dsaco' eáam' nicajmicóo'~r~ jaléng' dsea' rú'naa' lí'~ laco'gui la nicajméer' cóo'~ jnea~.

³ Jogui guiéen'~n júu' guicóo'~ quiá'~ Prisca cóo'~gui i dseañu' quiá'r' i sii' Aquila, co' i dsea' na røøb' nicajmó'naa' ta~ guiá' júu' quiá'~ Dsea' Jmáang~ cóo'~r'. ⁴ Co' laj' gám' i dsea' na jmu' ja' mí' cajúum'~bre dsu' uí'~ e nicajmicóo'~r~ jnea~. Jo co' lajob nicajméer' cóo'~ jnea~, joba' cuøø'~øre gui'máang'~; jo dsu' o' jí'~ jnea~ jmóo'~o lajo, co' lajob jmóo'~ cajo jaléng' dsea' quiá'~ Dsea' Jmáang~ i ja líng' dsea' Israel. ⁵ Jogui guiéen'~n júu' guicóo'~ quiá'~ jaléng' dsea' rú'naa' dsea' quiá'~ Dsea' Jmáang~ i seáng' fí na fí quiá'~ Prisca cóo'~gui Aquila. Jogui guiém'~baa júu' guicóo'~ cajo quiá'~ i seen' røø' cóo'~ i 'neáan' eáang' i sii' Epeneto, co' íb' la'uii' dsea' i calíng' dsea' quiá'~ Dsea' Jmáang~ fí la'úng' fí lí' se' Asia. ⁶ Jogui guiém'~baa júu' guicóo'~ quiá'~ Yá' cajo, co' eáam' nicajméer' ta~ jmicóo'~ jee' 'nú'. ⁷ Jogui guiéen'~n júu' guicóo'~ quiá'~ dsea' góo'ó i sii' Andrónico cóo'~gui Junias, dsaco' conrøøb' cajníng'~naa' fí dsí' 'nuñí' cóo'~r'. Jogui jaléng' dsea' apóo' quiá'~ Dsea' Jmáang~ eáam' guiá'~ fé'r' uii'~ quiá'~

lajì gáng̃ ì dseà góó' na, jò ì dseà na jéeng'guib calicuír' júu^ quiá'- Dseà Jmáang̃ lac'o'gui jneã.

⁸ Jogui guicóob' ì dseà ì sii` Ampliato, ì dseà quiá'- Dseà Jmáang̃ ì eáang' røø' seeñ cóo'~. ⁹ Jogui guicóob' cajo ì dseà ì sii` Urbano ì jmóo' tã coling̃ cóo'~ jneã; jogui guicóob' bi cajo ì dseà ì sii` Estaquis ì eáang' seeñ røø' cóo'~ cajo. ¹⁰ Jogui guicóob' bi cajo ì dseañu' ì sii` Apeles ì nicagüi'í' guiá' jeẽ jalé' e huíng' e nicangongüiñ̃ uí'~ e teá' siñ' cóo'~ júu^ quiá'- Dseà Jmáang̃; jogui guicóob' cajo jaléng' ì dseà sinúu^ quiá'- Aristóbulo. ¹¹ Jogui guicóob' cajo ì dseà góó'o ì sii` Herodión cóo'~ gui jaléng' ì dseà sinúu^ quiá'- Narciso, co' dseà quiá'- Dseà Jmáam̃ líiñ' cajo. ¹² Jogui guicóob' Trifena cóo'~ gui Trifosa, co' lajì gám̃-biñ' na jmóor' lajii'~ tã e nicangüiñ̃ quiá'- Dseà Jmáang̃; jogui guicóob' cajo ì dseamf̃ ì sii` Pérsida ì eáang' seeñ røø' cóo'~, co' ì dseamf̃ na eáam' nicajméer' tã e nicangüiñ̃ quiá'- Dseà Jmáang̃. ¹³ Jogui guicóob' cajo ì dseañu' ì sii` Rufo, jaang' dseà ì dsing'~ ñí' dseà e cuiñ̃ Dseà Jmáang̃ jogui e eáam' teá' siñ' cóo'~ júu^ quiá'- dseà do cajo; jogui guicóob' ni quiá'r^ cajo, dsuco' í ling' lafa' ni quié' baa cajo. ¹⁴ Jo guicóob' Asíncrito cóo'~ gui Flegonte cóo'~ gui Ermes cóo'~ gui Patrobas cóo'~ gui Ermas cóo'~ gui jaléng' dseà quiá'- Dseà Jmáang̃ ì neáang' cóo'r~ do. ¹⁵ Jogui guicóob' Filólogo cóo'~ gui Julia cóo'~ gui Nereo cóo'~ gui ì dseamf̃ rúñ' do, jogui guicóob' Olimpás cajo cóo'~ gui lajüng' dseà quiá'- Dseà Jmáang̃ ì neáang' cóo'~ lajaléng' dseà na.

¹⁶ Jogui jaléng' 'nú', dseà líng'na' dseà quiá'- Dseà Jmáang̃, lacoo' ya' mĩ fón' rúng'na' se' guoo' rúng'na'. Jò lajaléng' dseà quiá'- Dseà Jmáang̃ ì seeng' fí la guiéñ' júu^ guicóob' quií-na'.

¹⁷ Dseà rú'naa' dseà quiá'- Dseà Jmáang̃, iiñ n nimí' i 'nú' lahuíng' e nijmée' í yaang̃ na' cóo'~ jaléng' ì dseà ì ngí' tã jmóo' 'nii' jeẽ jaléng' dseà quiá'- Dseà Jmáang̃, jogui jmóor' quií' jial nitá' dseà fí guiá' lí' niteáaiñ̃ cóo'~ Dseà Jmáang̃, dsuco' cóo'~ jalé' e jmóor' do ja' cóøng' røø' cóo'~ júu^ quiá'- Dseà Jmáang̃ e nica'íng'~ 'nú'. Joba' fí' i 'nú' e ni'naam̃ yaang̃ na' jeẽ jaléng' ì dseà í. ¹⁸ Dsuco' jaléng' ì dseà la'í ja' jmóor' tã e nicangüiñ̃ quiá'- Fí'naa' Dseà Jmáang̃, co' jmóor' jii'~ lac'o' í dsíir' yaam̃ bre. Jogui fé'r' júu^ jlo' e róo' e lí' lac'o' lí'r' jmigóoiñ̃ dseà ì ja' qui' tñng' jmóo' jalé' e ga', jò lajoba' lí'r' jaléng' í. ¹⁹ Jò lajim̃ dseà quiá'- Dseà Jmáang̃ ñir' e eáam' núu'~ 'nú' júu^ quiá'- Dseà Jmáang̃. Jò uí'~ e líng'na' lajò, joba' eáam' íaang' dsii' cóo'~ 'nú' jogui iiñ n e cóo'~ jalé' e niñ'na' do nilí'íng' tã quií-na' quiá'- e nijmée'na' jmang' jalé' e guiá' jò o' quiá'- e nijmée'na' jalé' e ja' dseeng'. ²⁰ Jò Fidié' ì cuø' e seeng' dseà juguiá' júu^ røø', lajmináb̃ nijgiáaiñ̃ fii' ì 'ling' ì sii` Satanás cartí uii' tñ'na', jò lajoba' jo' cuøøng' fa' e nilí' guir' 'nú'. Jò mí' i Fí'naa' Dseà Jmáang̃ e ni'ír' güea' quiá'r' fí jeẽ 'nú' lajüng'na'.

²¹ Jogui Timoteo, jaang' dseà rú'naa' ì jmóo' tã quiá'- Dseà Jmáang̃ coling̃ cóo'~ jneã, guiém'bre júu^ guicóob' quií-na' cajo, jogui lajobi jaléng' ì dseà góó'o ì sii` Lucio cóo'~ gui Jasón jogui Sosípater guiém'bre júu^ guicóob' quií-na' cajo.

²² Jogui jneã Tercio, dseà jmo'o e fí' nĩ jì lajalé' júu^ quiá'- Paa-, guiém'baa júu^ guicóob' quií-na' cajo, co' dseà quiá'- Dseà Jmáang̃ lín'n cajo.

²³ Jogui lajobi Gayo guiém'bre júu^ guicóob' quií-na' cajo, co' fí' quiá'-bre guing̃ jneã lana, jò fí' job cajo lí' seáng' jaléng' dseà quiá'- Dseà Jmáang̃ e jmiféiñ̃ Fidié'. Jogui Erasto guiém'bre júu^ guicóob' quií-na' cajo, jò lana líiñ̃ dseà ì 'mea' cuu' quiá'- fí; jogui lajobi jaang' dseà quiá'- Dseà Jmáang̃ ì sii` Cuarto guiém'bre júu^ guicóob' quií-na' cajo. ²⁴ Jò güi'fb^ Fí'naa' Dseà Jmáang̃ güea' quiá'r' jeẽ jaléng' 'nú'. Jò lajob nilí'.

Júu^ lí~ cadséng~ quiá'- Paa~ e jmiféiñ' Fidiée~

²⁵ Jo majmifém'baa' Fidiée~, co' í'bing' i quíi~ jmíi~i nijmé~ e teá'gui nisíng'-na' cóo'~ júu^ quiá'- Dsea` Jmáang~ lí'^ laco' la fé' e júu^ quiá'- Dsea` Jmáang~ e guiá' jnea~ e quiá'- jial laang` dsea` jee~ jalé' dsee~ quiá'r~. Jo e júu^ nab lí' e júu^ quiá'- Fidiée~ e lamí~ si'maang~ lajii' ná'- gui e nitiroo~ jmigüi'. Jo dsu' lanagui nicajmijnéem`bre e jo, jo e júu^ job e guiá' jnea~ na. ²⁶ Dsu' lanagui nicalíiñib' dsea` e júu^ na la'eáang' cóo'~ jalé' jì e cajme' jaléng' i dsea` i café' cuaiñ~ quiá'- Fidiée~ malíi~ gui eáang'. Jo calí~ lajo e lí'^ laco' niliti~ ta~ e caquiá' Fidiée~ i seeng` car` ngongíi~ jmíi~ do. Jo dsu' e júu^ e si'ma~ quiá'- Fidiée~ do, nicajmijnéem`bre lana e lí'^ laco' lajaléng' dsea` jmigüi' nijá'- líiñ e jo jogui e nijmér~ núu'r~ cajo.

²⁷ Jo la'eáang' cóo'~ Fí'naa' Dsea` Jmáang~ majmifém'baa' lata~ jii'~ Fidiée~, co' jii'~ íb` i eáang' tíng` ngáng'. Jo lajob nilí'.

Jo lanab cató' e jì e cajme' Paa~ e catíng~ dsea` quiá'- Dsea` Jmáang~ i neáang' fí Roma.

Júu^ e toq̃ fi' ni~ ji' la'uii~ quiá'- Paa- e catíng- dsea` seeng` fi' CORINTO

¹ Jnea~ Paa- lín'n jaang` dsea` apóo^ i' óo' ta~ quiá'- Dsea` Jmáang-. Jo nicató'- Fidiée~ jnea~ e nijmee~ e e ta~ jo uii' e lajo nicali'iiñ. Jo jnea~, colíng~ cóo' i' dsea` rú'naa' dsea` quiá'- Dsea` Jmáang- i' sii` Sóstenes, s'ing`naa' e ji' la ² e catíng- jaléng' 'nú', dsea` rú'naa' dsea` quiá'- Dsea` Jmáang- i' neáng' fi' na fi' Corinto. Jo Fidiée~ nicató' 'nú' e nilíng-na' dseáng'- jii' dsea` quiá'- bre la'eáng' cóo' Fii'naa' Dsea` Jmáang-. Jogui lajób nicajmээр` cóo' jaléng' dsea` i' seeng` fi' li' jié' i' jmiféng' Fii'naa' Dsea` Jmáang-, co' í'bing' i' líng' Fíir' lí' laco'gui la líng' qui' jneaa~aa' cajo. ³ Jo mii' i' Tiquí'ii' Fidiée~ jogui Fii'naa' Dsea` Jmáang- e ni'ir- güea^ quiá'r- jee~ 'nú' jogui e nicuó'r- 'nú' e niliseeng`na' juguiá- júu^ røø`.

Júu^ gui'máang' quiá'- Paa- e cuø'r' Fidiée~

⁴ Jo ja' mí' catú'u e cuøø-ø gui'máang' Fidiée~ uii' quiá'na' uii' cóo' jalé' e guiá- e nicajmээр` cóo' 'nú' la'eáng' cóo' Fii'naa' Dsea` Jmáang- e jii' ja' catíng-na' lajo, jo dsu' lajób nicajmээр`. ⁵ Dsaco' la'eáng' cóo' Fii'naa' Dsea` Jmáang- jmigui'ba' nicalíng-na' quiá'- Fidiée~, co' nicangíng-na' e eáng' tíng-na' guiá'na' júu^ quiá'r- jogui e eáng' ngáng'na' e júu^ jo cajo. ⁶ Jo cóo' jalé' e na cuø' li' e nicali' i' lajii' júu^ e nicalí' a cuaiñ quiá'- Dsea` Jmáang-. ⁷ Jo lajób nicalí-, joba' nicangíng-na' lajalé' e cuø' Jmiguí' quiá'- Fidiée~ lajee~ e sijeeng`na' e jmii' e nijnéng-tu Fii'naa' Dsea` Jmáang- fi' jmigú' la. ⁸ Jo Dsea` Jmáam-bing' i' nicuó' 'nú' bí' e laco' teám-bi' teá' fi' guiá- li' niteáng-na' cóo'r-, jo lajoba' jii' jaang` ja' ii' cuøøng' lí' cuø' 'nú' dsee- mi' tí' li' nití' í' e nijáa'tu Dsea` Jmáang- fi' jmigú' la. ⁹ Jo dseáng'- jmitib~ Fidiée~ jalé' júu^ quiá'r- e cacuø' jéeng'gui, jogui í'bi cajo i' cató' jneaa~aa' e nilisee~naa' cøøng` cóo' Jóor' Dsea` Jmáang- i' líng' Fii'naa' cajo.

E~ uing~ e ja' s'ing` røø` dsea` quiá'- Dsea` Jmáang-

¹⁰ Jo la'eáng' cóo' júu^ quiá'- Dsea` Jmáang- mii' i' 'nú' e ngocáng` dsii-, dsea` rú'naa', e nisiing-tu' røø, co' ja' 'né' e jmée'na' tá' coo' 'lé' lajee~ la'ó' 'nú'. Co' 'nú' lí' lí' 'né' e seeng`na' conrøøb' e í' óo'na' jogui e ee-na' guiá- lajüng-na'. ¹¹ Jo uing~ quiá'- e fii' i' 'nú' e júu^ la, dsea` rú'naa', dsaco' dsea` sinúu^ quiá'- Cloé nicajmea'r' jnea~ júu^ e jmoob' 'nú' ta' j'ing' jee~ la'ó' 'nú', dsea` líng'na' dsea` quiá'- Dsea` Jmáang-. ¹² Co' i' dsea' í' nicasí'r- jnea~ e i' líng' 'nú' fó'na' e líng'na' dsea` quié'-e, jogui i' líng'gui 'nú' fó'na' e líng'na' dsea` quiá'- Apolos, jogui i' jiéng'gui fé' e líiñ dsea` quiá'- Tú', jogui i' líng'gui dsea' í' dsír' e jii' í'bre líiñ dseáng'- jii' dsea` quiá'- Dsea` Jmáang-. ¹³ Jo ja' 'né' jmée'na' lajo, co' ja' fíng' Dsea` Jmáang- seeng'; jogui o' jnea~ cajo dsea` catáng- fi' dse' crúu^ e laco' nileáng-na' fi' jee~ jalé' dsee- quiá'na', o'gui cajgáang-na' jmii' la'eáng' cóo' jnea~. i'Co' dseáng'- o' lajo! ¹⁴ Jo gui'máang' Fidiée~ e jii' jaang' 'nú' ja' mí' caseán-n jmii', co' dseáng'- jii' Crispo cóo'gui Gayobing' i' nicajmé- e cóo' lajo. ¹⁵ Jo uii' e lajób lí', joba' jii' jaang' 'nú' cuøøng' lí' fo'na' e cóo' júu^ quiá'- Paab- cajgáang-na' jmii'. ¹⁶ Jaa-, dsu' cadsém' dsii- cajo e caseám-baa jmii' i' dsea' sinúu^ quiá'- Estéfanos, jo dsu' jo' tóo' dsii- fa' ii' caseáng-gui jmii' i' jiéng'. ¹⁷ Dsaco' ja' casíng' Dsea` Jmáang- jnea~ fi' jmigú' la fa' e nijmee~ e ta~ seáng' dsea' jmii', co' casím-bre jnea~ dsu' quiá'- e niguiaa- júu^ quiá'- jial laang' dsea' jee~ jalé' dsee- quiá'-bre. Jo mi' caguiá'a e júu^ jo, ja' café'-a cóo'

júu e t̃ing dsea` j̃migüi e laco' ja` nijmi'uón`n jial tí e niing` e cajúng` Dsea` Jmáang` fí dse` crúu`.

Jial 'gøng' Fidié` cóo` jalé` e t̃iñ`

¹⁸ Jo jaléng` i dsea` i niteáang` fí ngolíng` fí lí` lí` í dsír` e júu` iib` lí e quiá`- e cajúng` Dsea` Jmáang` fí dse` crúu`. Jo dsu' o' lajo lí e júu` jo quí` jneaa`aa', co' e júu` jo lí júu` e 'gøng'. Co' la'eáang` e júu` joba' nicaláang`naa' jee` jalé` dsee` quí`-ii'. ¹⁹ Jo lajob lí lí' laco' fé' Fidié` fí ni` jì quiá`r` lí fé'r` lala: Nijmee` e ni'ím` lajii` e í dsír` dsea` j̃migüi e t̃iñ`, jo cab' ni'naan` lajii` e í dsír` e ngáiñ`.

Jo lanab fé' Fidié` fí ni` jì quiá`r`. ²⁰ Jo ¿jnan`gui i dsea` i í dsír` e eáang` t̃iñ` ngáiñ`? Jogui ¿jnan`gui i dsea` i í dsír` e ñir` lajalé'? Jogui cajo ¿jnan`gui i dsea` i t̃ing` júu` quiá`- cóo` jalé` e sea` fí j̃migüi la? Jo dsu' lajalé` e í dsír` dsea` j̃migüi e t̃iñ` ngáiñ`, Fidié` nicajméer` e jalé` e jo lí júu` iib`. ²¹ Jo la'eáang` e eáang` t̃ing` ngáng` Fidié`, joba' caguiar` uing` e ja` nilicuíng` dsea` ír` la'eáang` cóo` jalé` e í dsír` dsea` e t̃iñ` ngáiñ` fí j̃migüi la. Co' lí' lí' cali'iñ` e nileáiñ` dsea` jee` jalé` dsee` quiáiñ`- la'eáang` e já`- líng` dsea` e júu` cuaiñ` quiá`- e cajúng` Dsea` Jmáang` fí dse` crúu`, nañí fa' e júu` jo lí lafa' júu` iib`.

²² Jo jaléng` dsea` Israel 'náñ` Fidié` dsu' la'eáang` cóo` jalé` e quí` dsea` do jmi` jmóor` e dsigá` dsír` dsea`. Jogui jaléng` dsea` i ja` líng` dsea` Israel 'náñ` Fidié` dsu' la'eáang` cóo` e t̃iñ` ngáiñ` fí j̃migüi la. ²³ Jo dsu' jnea` guía`naa' júu` quiá`- e uing` e cajúng` Dsea` Jmáang` fí dse` crúu`. Jo dsu' e júu` jo lí júu` e 'ní` níng` jaléng` dsea` Israel, jogui jaléng` dsea` i ja` líng` dsea` Israel í dsír` e júu` iib` e jo. ²⁴ Jo lajii` e cangongáng` Dsea` Jmáang` fí dse` crúu` calí lajo e lí' laco' niliñ` dsea` jial tí 'gøng` Fidié` jogui jial tí t̃iñ` cóo` jalé` e jmóor`. Jo jalé` e jo catáng` jaléng` dsea` i nicató` Fidié` e ni'uíñ` dsea` quiá`r`, nañí su líng` dsea` dsea` Israel osi ja` líñ` lajo é. ²⁵ Jo jaléng` dsea` j̃migüi í dsír` e júu` iib` lí lajalé` e nicagua' Fidié` uing` e nicajméer`. Jo dsu' o' já`- e lí lajo, co' eáang` guib` t̃ing` ngáng` Fidié` cóo` lajalé` e jmóor` laco'gui jii` e í dsír` dsea` j̃migüi e eáang` t̃iñ` ngáiñ`. Jogui eáang` guib` 'gøng` Fidié` cóo` e guiar` uing` e jmóor` laco'gui jii` e í dsír` dsea` j̃migüi e eáang` íng` ta`. ²⁶ Jo fí` i 'nú`, dsea` rú`naa' dsea` quiá`- Dsea` Jmáang`, e 'né` e tóob` áa'na' e mi` cató` Fidié` 'nú` e laco' ni'uíng`na' dsea` quiá`r` jo jii` tú` 'ní` míng` 'nú` líng`na' dsea` i t̃ing` ngáng` jii` laco' í dsír` dsea` j̃migüi, jogui jii` tú` 'ní` míñ`ba' líng`na' dsea` i oo` ta` fí j̃migüi la osi líng`na' dsea` sinúu` quiá`- jaléng` dsea` 'goo` é. ²⁷ Jo dsu' Fidié` bing` i cagúing` jaléng` dsea` i í dsír` dsea` j̃migüi i ii`. Jo cajméer` lajo e lí' laco' nicuó`r` fí'í' jaléng` dsea` j̃migüi i í dsír` i t̃ing` ngáng` eáang`. Jogui cagúñ` jaléng` dsea` i í dsír` dsea` j̃migüi i ja` 'ga' lí ta` íng`. Jo cajméer` lajo e lí' laco' nicuó`r` fí'í' jaléng` dsea` j̃migüi i í dsír` e dsíng`- iñ` ta`. ²⁸ Jogui Fidié` nicagúñ` jaléng` dsea` i í dsír` dsea` j̃migüi i ja` ta` íng` jii` capi` osi i uóng` osi i ja` sea` uing` quiá`- jii` cóo` fí j̃migüi la é, jo dsu' cajméer` lajo e lí' laco' ni'uíñ` jalé` e í dsír` dsea` j̃migüi e niing` eáang`. ²⁹ Jo co' lajob cajmée` Fidié`, joba' jii` jaang` dsea` cuóong` lí jmér` ráaiñ` fí quini` dsea` do.

³⁰ Jo dsu' 'ñiab` Fidié` nicajméer` e lafa' jaam` dsea` nica'uíng`na' cóo` Dsea` Jmáang`, jogui nicajméer` cajo e laco', la'eáang` cóo` dsea` do, niline`naa' jial tí t̃iñ` ngáiñ`; co' la'eáang` cóo` Dsea` Jmáam`ba' nicajméer` e nilí`naa' dsea` i ja` røong` dsee` fí quini` jogui e nilí`naa' dseáng`- jii` dsea` quiá`- bre jogui cajo e nicaláang`naa' jee` jalé` dsee` quí`-ii'. ³¹ Jo co' lajob lí, joba' fé' fí ni` jì quiá`- Fidié` lí fé' lala:

Jogui song seeng` dsea` i iing` j̃miféng` 'ñia',

joba' guiá~gui e güjmifém'bre Fíi'naa' Fidiée'.
Jo lanab fé' fí' ni~ jì' quiá'- Fidiée'.

2

E~ uiing~ e catáng~ Dsea`Jmáang~ fí' dse'` crúu^

¹ Jo téé' óo'na', dsea` rú'naa', e mi~ cangó~ o fí' na fí' Corinto e cangofíi~ i 'ná' júu^ quiá'- Fidiée' quiá'- e~ uiing~ jalé' e cangojéé' cóo'~ Dsea` Jmáang~, jo dsu' ja` cafón'-n 'ná' cóo'~ júu^ e ñíí' o'gui cóo'~ júu^ e 'goo' cajo. ² Jo lajee' e cataan~n jee~ 'ná' ja` cafá'-a júu^ e jié'gui, co' dseáng'- lajii' júu^ quiá'- Dsea` Jmáam~ba' ca'fí' dsii~ e cafá'^a jo dseáng'- jii' e júu^ quiá'- e~ uiing~ e catáng~ Dsea` Jmáang~ fí' dse'` crúu^. ³ Jo mi~ caguié' e jee~ 'ná' e quiá'- e niguiaa~ e júu^ jo, í' dsii~ e ja` 'goo' quíi'~ i jmíi~ nijmee' e lajo jogui e jléem'bíi' cajo uíi' e 'gó'o'. ⁴ Jo mi~ cafón'-n 'ná' e guiaa~ e júu^ jo, ja` cajmeáan~n ta~ júu^ jlo'^ e laco' já'- nilíng'na' júu^ quié' e. Co' 'ná' já'- calíng~na' e júu^ quiá'- Fidiée' e guiaa~ do la'eáang' cóo'~ jalé' e quíi'~ jmíi~ e cajmée' Jmiguí' quiá'- Fidiée' e dsigá' dsíi' dsea'. ⁵ Jo cafón'-n 'ná' lajo e lí'^ laco' nijá'- líng'na' júu^ quiá'- Dsea` Jmáang~ la'eáang' cóo'~ güea'^ 'gøng' quiá'- Fidiée' jo o' la'eáang' cóo'~ jalé' e tíing' ngáng' dsea` jmiguí'.

La'eáang' cóo'~ Jmiguí' quiá'- Fidiée' e licuíng' dsea' ír`

⁶ Jo dsu' jnea~ süm~baa júu^ jlo'^ cóo'~ i dsea` rú'naa' i dseáng'- lajang'^ niteáang~ teá' cóo'~ júu^ quiá'- Dsea` Jmáang~, lifa' e júu^ jlo'^ e süm~naa' do e quiá'- jial tíi' tíing' ngáng' Fidiée'. Jo dsu' e júu^ jo o' jii' júu^ laco' ngáng' dsea` jmiguí' o'gui jii'~ laco' júu^ e tíing' fé' jaléng' dsea` quiá' ta~ fí' jmiguí' la, jo jaléng' i dsea' í' ja` uøø~ eer~ fí' jmiguí' la. ⁷ Jo dsu' jalé' júu^ e guia'naa' do lí' júu^ jlo'^ e tíing' ngáng' jii'~ 'ñia' Fidiée', jo e júu^ jo ja` cajmijnéeiñ' lamí' jéeng'gui. Co' caguiar' uiing~ lajii'~ mi~ ná'gui e cajmээр' latøøng~ jmiguí' e laco' nilisee~naa' cóo'r~ fí' lí' níing~ 'gøiñ' mi~ nití' e í' jo. ⁸ Jo jaléng' dsea' i quiá' ta~ fí' jmiguí' la ja` mí' cangám'bir e júu^ jo, cofa' mi~ cangáiñ' lamí' jéeng'gui, joba' ja` cateáaiñ' fí' dse'` crúu^ i Fíi'naa' Dsea` Jmáang~ i jáa' fí' ñíí'.

⁹ Jo lí'^ laco' fé' fí' ni~ jì' quiá'- Fidiée' lí' fé' lala:

Fidiée' nicaguiar' guiá~ e nicuó'r~ i dsea' i 'neáang' ír`
jalé' e ja` mí' canga' jii'~ jaang' dsea` jmiguí'

o'gui mí' canúur~ cajo,

jo jì'gui jalé' e ja` mí' ca'fí' dsíi'.

Jo lanab fé' fí' ni~ jì' quiá'- Fidiée'. ¹⁰ Jo Fidiée' nicajmeer' e nicaline~naa' lajalé' e na la'eáang' cóo'~ Jmiguí' quiá'r~. Jo e Jmiguí' quiá'r~ doba' gui' júu^ la'uiing~, jo jì'gui jmóo' lajo cóo'~ e ja` cóøng' cóo'~ e í' dsíi' 'ñia' Fidiée'.

¹¹ Jo lajob lí' cajo, co' jii'~ jaang' dsea` cuøøng' líñir' jial í' dsíi' jaang'gui dsea` rúíñ', co' jii'~ jmiguí' quiá'- i dsea' do cuøøng' lí' jmé~ lajo. Jogui lajobi, dseáng'- lajii'~ Jmiguí' quiáb'- Fidiée' ñí' lajii'~ e í' dsíi' 'ñia' Fidiée'. ¹² Jo jaléng' jneaa~aa', dsea` lí'naa' dsea` quiá'- Dsea` Jmáang~, ja` ca'ling'naa' jii'~ laco' tíing' ngáng' dsea` jmiguí', co' lajii'~ Jmiguí' e jáa' quiá'- Fidiée'ba' nica'ling'naa' e laco' niline~naa' jalé' e cuø' Fidiée' jneaa~aa' uíi' e eáang' guiúíiñ' cóo'~ jneaa~aa'. ¹³ Joba' mi~ guíá' jnea~ jalé' e júu^ na, jmóo'o lajo la'eáang' cóo'~ jalé' e nica'e' Jmiguí' quiá'- Fidiée' jo o' cóo'~ júu^ e nicalitán' n jii'~ laco' tíing' ngáng' dsea` jmiguí'. Co' la'eáang' cóo'~ Jmiguí' quiá'- Fidiée'ba' guia'naa' e júu^ na jee~ jaléng' dsea' i seeng' la'eáang' cóo'~ Jmiguí' quiá'- Fidiée'. ¹⁴ Jo i dsea' i ja` seeng' la'eáang' cóo'~ Jmiguí' quiá'- Fidiée' ja` lí'r' ni'íñ' jalé' e cuø' Jmiguí' quiá'- Fidiée', co' i dsea' í' í' dsíi' e íib' lí' jalé' e júu^ jo. Jogui ja` cuøøng' fa' e ningáiñ' e júu^ jo cajo, co' jii'~ la'eáang' cóo'~ Jmiguí' quiá'-

Fidiéé'ba' quí' dsea`jmíi` e nigui'r` jalé' e jo. ¹⁵ Jogui i dsea`i seeng` la'eáang` cóo' Jmiguí' quiá' Fidiéé' quí' bre jmíi` e nigui'r` lajalé'. Jo uí' e lajob líiñ', joba' jí' jaang` dsea`jmigüi` i ja` seeng` la'eáang` cóo' Jmiguí' quiá' Fidiéé' quí'r` jmíi` e ni'níng` neiñ'. ¹⁶ Co' lalab fé' fí' ni` jì' quiá' Fidiéé': Jo jí' jaang` dsea`jmigüi` cuóøng` líñir` jialco' í' dsí' Fidiéé'; jo jí' jaang` cajo cuóøng` lí' sí' dsea` do e` jalé' e 'né` nijmér`. Jo lanab jí' lí' júu` quiá' Fidiéé'. Jo dsu' jaléng` jneaa`aa', dsea` see`naa' la'eáang` cóo' Jmiguí' quiá' Fidiéé', røøb` í' dsí'naa' laco'gui' í' dsí' Fí'naa' Dsea` Jmáang`.

3

Jmaquím' ta` ngüing`naa' quiá' Fidiéé'

¹ Dsea` rú'naa' dsea` quiá' Dsea` Jmáang`, dseáng' ja` mí' calí' jnea` fa' e nicafón`-n 'nú' laco'gui' fón`-n dsea` i dseáng' lajang` seeng` la'eáang` cóo' Jmiguí' quiá' Fidiéé'. Co' lí' lí' nicafón`-n 'nú' lafa' dsea` i mí' 'noo`bi eáang` lí' dsí' jalé' e sea` fí' jmigüi` la, jogui cajo lafa' dsea` i tá'bi já' calíng` júu` quiá' Dsea` Jmáang`. ² Jo uí' e líng`na' lajo, joba' ca'ée` e 'nú' ie` jo júu` quiá' Dsea` Jmáang` cóo' júu` e ja` huím'. Co' 'nú' líng`na' lí' laco'gui' la líng` jaang` yuu` i cu' tá' i ja` mí' cuóøng` dó'` jmiñi`. Jo dseáng' mí' 'noo`bi líng` 'nú' lajo cartí' jmíi` na. ³ Co' 'nú' dseáng' mí' 'noo`bi seeng`na' e lí' óo`na' jalé' e sea` fí' jmigüi` la. Co' mí' jmoo`na' ta` dsihuíng` quiá' rúng`na' jogui mí' jmoo`na' ta` jíng`, joba' cuø` lí' jóng e dseáng' mí' 'noo`bi jmití'na' lají' e lí' óo`na' yaang`na' lí' laco'gui' la jmoo` doñi` jí' dsea` jmigüi`. ⁴ Co' mí' fó'na' lala: "Jnea` lín`n dsea` quiá' Paa", jogui i jíéng`gui jíng': "Jnea` lín`n dsea` quiá' Apolos", joba' cuø` lí' jóng e dseáng' lají' e lí' óo`na' yaam`ba' jmití'na'.

⁵ Joba' fí' i 'nú' e jnea` cóo'gui' i Apolos do lí'naa' dsea` i jmoo` lají' ta` e nicangüing`naa' quiá' Dsea` Jmáang`, jo la'eáang` cóo' jnea`'ba' e já' nicalíng` 'nú' júu` quiá' Dsea` Jmáang`. Co' lajaang` lajaang` jnea` jmoo`naa' jí' laco' ta` e nicacuø' Fidiéé' jnea'. ⁶ Co' jnea` lafa' cajngá'a cóo' mijú', jogui i Apolos do lafa' caguieñ' jmíi` e mijú' do, jo dsu' Fidiéé'bing' i cajmée` e lafa' e cacuáng` e mijú' do. ⁷ Joba' cuóøng` lí' fe`ee' e ja` e níng` i dsea` i cajní' do o'gui' i dsea` i caguieng' jmíi` do, jo dsu' jí' Fidiéé'bing' i níng`gui, co' í'bing' i cajmée` e cacuáng` e mijú' do. ⁸ Jo i dsea` i jni' e mijú' do jogui i dsea` i guieng' jmíi` do, røøb` ta` quiá'r`. Jo dsu' 'ñiab' Fidiéé' dsea` nicuø'r` lajaang` lajaain' do jíé' jí' ta` e nicajméeiñ'. ⁹ Dsaco' jnea` cóo' i Apolos do røøb` jmoo`naa' ta` lají' ta` e nicacuø' Fidiéé' jnea'. Jogui jaléng` 'nú' líng`na' lafa' guoo` uø` e jmáng` Fidiéé' ta`. Jogui lím`ba' cajo lafa' 'nur`. ¹⁰ Jo uí' e eáang` guiúng` Fidiéé' cóo' jnea`, joba' cacuø'r` jnea` ta` e lín`n lafa' jaang` tijí' i caguía' uíng` tí' fí', jogui dsea` jíém' i nicanaang` se' ie' e fí' ni` jo. Jo lífa' lajaang` lajaam` dsea` 'né` níng` dsí' jial laco' jmo'r` e 'núu' do. ¹¹ Dsaco' ja` quí' jmíi` fa' e nijmé` dsea` cóo'gui' tí' fí' e jíé', co' 'ñiab' Fidiéé' dsea` nicaguiar' uíng` e tí' fí' do, jo íb` Dsea` Jmáang`. ¹² Jo e fí' ni` tí' fí' e nisea` do cuóøm` lí' jme` dsea` 'núu' e lí' cóo' layaang` cunéé' osi cóo' cutee' osi cóo' cuu` e 'mo' eáang` é' osi cóo' 'ma' osi cóo' layaang` nuu` osi cóo' quí' cuiñí'`bi é. ¹³ Jo ie` jmíi` mí' nigüéng` tu Fí'naa' Dsea` Jmáang` fí' jmigüi` la e quiá' niquidsir' í' quiá' lajaang` lajaang` dsea` jmigüi', ie` jmíi` job` mí' nilili` røø` jial lí' jalé' e ta` e nicajmée` dsea`. Dsaco' 'ñia' ie` jmíi` jo la'eáang` cóo' jì' nilili` jialco' lí' jalé' e ta` jo e nicajmée` dsea`. ¹⁴ Jo i dsea` i nicajme' 'núu' e ja` dseáng` e nicó' cóo' e jì' do, joba' i dsea` í' ni'ím'bre lají' e catíiñ` do. ¹⁵ Jo dsu' song nicó' jalé' e nicajme'r` do, joba' lajaléb' ni'íng` quiá'r` jóng, lífa' nileám`bre e ja` nicáiñ' laco' mí' laang` dsea` cóo' lí' ía` jì'.

16 Jogui 'né- ñí'ba' cajo e 'nú' líng'na' lafa' guá'- quíá'- Fidiéé, jogui fí' job lí seeng` Jmiguí' quíá'- Fidiéé' cóo' 'nú'. 17 Jogui song i líng' 'nú' nijgiéeng`na' e guá'- quíá'- Fidiéé' do, joba' 'ñiab' Fidiéé' ni'íñ' 'nú' cajo. Dsucó' güeam' e guá'- do quíá'r-, jogui 'nú' líng'na' lafa' e guá'- do cajo.

18 Joba' fíi- i 'nú', ja` jmigóøng` yaang`na' lala: e song jaang` 'nú' í' óo'na' e tíng` ngáng'na' jíi'~ laco' tíng` ngáng` dsea` fí' jmigüí' la, joba' 'nú' 'né- jmeáng'~ yaang`na' lafa' dsea` i ja` tíng` ngáng' e lajo, jo lajoba' dseáng'~ lajang'~ ni'uíng`na' dsea` i tíng` ngáng'. 19 Dsucó' lajalé' e í' dsí' dsea` jmigüí' e eáang` tíiñ` ngáiñ', jmang'~ júu` íib' lí' jalé' e jo fí' quini` Fidiéé'. Co' lalab fé' fí' ni` jì' quíá'- Fidiéé': "Fidiéé' nijmeáiñ' ta` jalé' e í' dsí' dsea` e tíiñ` ngáiñ' e laco' nijmigóøng` yaaiñ'." 20 Jogui lalab fé' gui fí' ni` jì' quíá'- Fidiéé' cajo: "Ñib' Fidiéé' e jmang'~ júu` íib' lí' jalé' e í' dsí' dsea` e eáang` tíiñ` ngáiñ' fí' jmigüí' la." 21 Jo uíi'~ e lajob líi, joba' jíi'~ jaang` 'nú' 'né- e nijmiráang` yaang`na' dsu' uíi'~ e sitáang`na' cóo'~ doñí' íi' dsea` jmigüí'. Dsucó' lajalé' e sea` e quíib' 'nú' lajalé' e jo; 22 dsucó' jnea` jogui Apolos jogui Tú' jogui lajalé' e sea` fí' jmigüí' jogui e seeng`na' osi e nijúung`na' é, jogui lajee` lana osi lí' dsé'gui é dseáng'~ e quíib' 'nú' lajalé' e jo. 23 Jogui lajaléng' 'nú' dsea` quíá'- Dsea` Jmáang` nilíng'na', jogui Dsea` Jmáang` cøøng` seeiñ` cóo'~ Fidiéé'.

4

Ta` e jmóo` dsea` apóo` i sãng` Dsea` Jmáang` cuaiñ` quíá'r-

1 Joba' fíi- i 'nú', dsea` rú'naa', e 'nú' 'né- ni'í' óo'na' e jnea' lí'naa' dsea` i jmóo` lajíi'~ ta` e nicacuø' Dsea` Jmáang` jnea', jogui cajo e lí'naa' dsea` i sinú'~ júu` e ní'é'naa' jalé' júu` quíá'- Fidiéé' e ja` mí' cajmijnéiñ` lamí' jéeng`gui. 2 Jogui jaléng' dsea` i nisínú'~ júu` e oor` cóo' ta~, joba' dseáng'~ 'né- jmiti`bre laco' sí'í' e ta` jo. 3 Jogui jnea~, ja` dsí'gó' dsii- fíng song niquidsi'na' í' quíé- e osi e niquidsí' í' quíé- e é fí' quini` dseata` dsea` jmigüí' i jmóo` lajo. Co' jì'gui 'ñiá'a' ja` í' dsii- fa' e nijmee~ e lajo quíé- e cóo'~ lajalé' e jmóo'o. 4 Jo nañí' fa' í' dsii- e ja` mí' cajmé- e jalé' e ja` dseeng', dsu' o' uíi'~ e jo fa' dseáng'~ e nita` dsii- e lín'n jaang` dsea` i ja` røøng` dsee- fí' quini` Fidiéé'. Dsucó' jíi'~ Fíi'naa' Fidiéé'bing' i quidsí' í' quí- naa' dseáng'~ laco' catíng-. 5 Jo uíi'~ e lajob líi, joba' 'nú' ja` cuøøng` fa' e quidsi'na' í' quíá'- dsea` rúng'na' lajee` ná' gui e nigüéeng` tu Fíi'naa' Fidiéé' fí' jmigüí' la. Dsucó' ie` jo í'bing' i nijmijnéeng` jalé' e cøøng`~ lajee` lana, jogui nijmilir` cajo jial dseáng'~ í' dsí'naa' cóo'~ jalé' e jmoo`naa'. Jo ie` joguiba' nífé' Fidiéé' guíá'- quíá'- jaléng' dsea` i catíng` lajo lí'~ jialco' jíi'~ lí' e nicajméer` lamí' jéeng`gui.

6 Dsea` rú'naa' dsea` quíá'- Dsea` Jmáang`, fíi- i 'nú' lajalé' e júu` na e lí' laco' ni'uíng` guíá'- quíi'na' jogui e laco' nijméé'na' laco'gui la jmóo` jnea` jogui laco'gui la jmóo` Apolos. Jo fíi- i 'nú' lajo e lí' laco' ní'ee'na' jíi'~ laco' fé' júu` quíá'- Fidiéé', jo lajoba' jíi'~ jaang` 'nú' cuøøng` nijmijløng'~ yaang`na' dsu' uíi'~ e sitáang`na' cóo'~ jaang` dsea` rúng'na', co' e jo 'léeb' quíá'- i caguiaang`gui do mí' jmoo`na' lajo. 7 Jo jíi'~ jaang` 'nú' cuøøng` lí' fo'na' e niing`gui' laco' dsea` rúng'na' caguiaang`gui. Jogui lajalé' e sea` quíi'na', 'ñiab' Fidiéé' dsea` nicacuø'r' 'nú' jalé' e jo. Jo co' lajob líi, joba' ja` 'né- nijmijløng'~ yaang`na' e lafa' cóo'~ bí' quíi'na' yaang`na' nicalí'na' lajalé' e jo.

8 Jo 'nú' jmicaang`na' e í' óo'na' e la'ieb' nisea` quíi'na' e ngíng`na' quíá'- Fidiéé', jogui í' áa'na' e niseab` quíi'na' lajalé' e iing`na', jogui cajo í' áa'na' e nilíng'na' dsea` 'goo' i quíu' ta` e jíi'~ jo 'neáng`na' jnea' fa' e nijmicóo'~ guíi' 'nú'. Jo e`gui guíá'- fa' dseáng'~ já'- e nilíng'na' dsea` 'goo' i quíu' ta~, jo lajoba' jnea'~ cuøøng` lí' dsitáang`naa' cóo'~ 'nú' jee~ e ta` jo. 9 Jo jnea` í' dsii- e Fidiéé' nicajméer` cóo'~ jnea', dsea` i sãng` Dsea` Jmáang` cuaiñ` quíá'r-, e lí'naa'

dsea`i uóng`gui i lafa' ni huí` ta` i` né` nijúung`. Co' jnea` nica`uúing`naa' dsea` i tí dsí' ngím` jaléng` dsea` jmigüi` jogui jaléng` ángeles mi` jóoiñ` jnea`. ¹⁰ Jo uí` e lí'naa' dsea` quiá'- Dsea` Jmáang`, joba' í dsí' dsea` jmigüi` e dsea` iib' lí'naa'; jo dsu' 'nú' í áa'na' e uí` e líng'na' dsea` quiá'- Dsea` Jmáang`, joba' tiing`na'. Jogui jnea` lí'naa' dsea` i ja` quí` jmi~, jo dsu' 'nú' í áa'na' e eáam' quí`na' jmi~. Jogui eáam' góong`jóong` dsea` jnea`, jo dsu' eáam' jmi'gó` dsea` 'nú'. ¹¹ Jogui jnea` latí`lana ngi`bí' e léé'naa' iihuí' e íing`naa' oo` jogui e jmi`míng`naa' jogui e ja` sea` sí'naa' e 'né'naa', jogui gab`jmáng` dsea` jnea`, jogui cajo ja` sea` 'nú' lí' ni'ié`naa'. ¹² Jogui dseáng` eáam' jmoo`naa' ta` cóo` layaang` guó`naa'. Jogui mi` fé' dsea` júu` 'lí' uii` qui`naa', joba' mí'naa' Fidié` e ni'ír` güea` quiá'r` quiá'- i dsea` í, jogui jmoo`baa' té'naa' cóo` jaléng` dsea` i jmáng` ga` jnea`, ¹³ jogui cóo` juguiá` ngi`naa' quiá'- i dsea` i jmineang` jnea`. Jogui latí` jmi~ na jmáng` dsea` jmigüi` jnea` e lí'naa' lafa' qui` quiá'-bre, jogui dseáng` e lafa' ja` ta` íing`naa' jii` cóob` quiá'r`.

¹⁴ Jo ja` jmo'o e júu` la qui`na' e lí' laco' nicuóó` 'nú' fi'í', co' jmo'o e júu` la qui`na' e lí' laco' niliúun`n 'nú', co' lafa' jóo`baa líng'na' i 'neáan` eáang`. ¹⁵ Jo nañí` fa' seeng` lí' lí' guí` mil tifa' qui`na' i e' 'nú' júu` quiá'- Dsea` Jmáang`, dsu' ja` fíng` i lafa' tiqui`na' seeng` i caguiá` júu` quiá'- Dsea` Jmáang`, dsuco' jii` jneab` lín`n lafa' tiqui`na', dsea` líng'na' dsea` quiá'- Dsea` Jmáang`. Co' jneab` dsea` caguiá` júu` jee` jaléng` 'nú' e quiá'- jial nileáng`na' jee` jalé` dsee` qui`na'. ¹⁶ Jo co' lajob` lí', joba' mí'í' 'nú' jmi'ee` e jmée`ba' laco' jii` e jmoo` jnea`.

¹⁷ Jo uíing` e lajoba' e sán`n i Timoteo fí` na i líng` lafa' jóo` i 'neáan` eáang`, jogui i contóong` sing` teá` cóo` júu` quiá'- Dsea` Jmáang`. Jo íbing` i nijmicóo` 'nú' e nijmiguiéiñ` óo'na' jial ee` jnea` dsu' uí` e lín`n dsea` quiá'- Dsea` Jmáang` lí' laco'gui jii` e ée` jnea` jaléng` dsea` quiá'- Dsea` Jmáang` i neáang` laco` fi' lí' ngi`n`.

¹⁸ Jo i líng` 'nú' nica`jmíjlóng` yaang`na' dsu' uí` e í óo'na' e jo` ninií`i fa' e ni'ée`guí` 'nú' fí` na. ¹⁹ Jogui song` Fí'naa' Fidié` nicuó'r` jnea` fí` lajo, joba' ngóo`baa fí` na e ni'ee` e 'nú' lajmináb`jiu` jóng, jo lajoba' nimoo`o quiá'- jaléng` i dsea` i jmíjlóng` yaang` do jie` jii` quí`r` jmi~ e nijmér` cóo` jalé` e fé'r` do osi lico' eáang` jlo` mo'oor` jii` quiá'- e fé'bre é. ²⁰ Dsuco' o' cóo` la'eáang` e fé' dsea` e cuó` lí' e Fidié` quié` nifí` quiá'r`, co' la'eáang` cóo` bí` 'gøng` quiá'- Fidié`ba' e lí' lajo. ²¹ Joba' fí'í' 'nú': ¿Jnang` e íing`na' e nijmee` e qui`na' mi` niguié` e fí` na? ¿Su e nijíin`n 'nú' cóo` jalé` e ga` e jmoo`na', osi e nifón`n 'nú' cóo` juguiá` uí` e 'neáan` 'nú' é?

5

Jial tidsi` í` quiá'- dsea` i` léé` cóo` dseamí`

¹ Jo fí'í' 'nú', dsea` rú'naa' dsea` quiá'- Dsea` Jmáang`, e nicaliseá` júu` jee` 'nú' e seeng` jaang` 'nú' e jeeiñ` lafa' dseamí` quiá'r` i dseamí` i catí` gáng` quiá'- tiquiá'r`. Jo dseáng` eáam' 'lí' e jo, co' jii`gui jaléng` dsea` i ja` cúing` Dsea` Jmáang` ja` jmoo` lajo. ² Jo dsu' 'nú' mi' 'noo`bi` jmíjlóng` yaang`na', jo dsu' lí' lí' 'né' e nijmeáang` yaang`na' fi'í`b` uí` e jo. Co' i dseañu` i jmoo` e 'lí' lajo` né' e ni'óom`ba're jee` 'nú', dsea` líng'na' dsea` quiá'- Dsea` Jmáang`. ³ Jo dsu' e já' e ja` seeng` jnea` jee` 'nú' fí` na lajee` lana, jo dsu' lafa' seem`baa cóo` 'nú' fí` na, joba' la'eáang` cóo` Fí'naa' Dsea` Jmáang` nica`í`baa í' laco' catíng` quiá'- i dsea` i jmoo` e 'lí' lajo. ⁴ Joba' mi` seáang` rúng`na' lajaléng`na', dsea` líng'na' dsea` quiá'- Dsea` Jmáang`, lí' e lafa' seem`baa jee` 'nú' jogui cajo niliseem` cóong` cóo` 'nú' e güea` 'gøng` quiá'- Fí'naa' Jesús. ⁵ Joba' i dseañu` i ca'ée` dsee` do 'né' nijáang`na'r fí` jaguó` fii`

ì 'lìng' ì sii` Satanás e laco' ni'ling` ngúú` táaiñ. Joba' mi` nigüéeng` tu Fíi'naa' Dsea` Jmáang` fí` jmigüí` la, jangám` nileáng` jmigüí` quiá'r`.

⁶ Joba' fíi` guíi` 'nú', dsea` rú'naa', ja` 'né` fa' e nijmijlɔng`^ yaang`na' cuaiñ` quiá' e jo. Dsaco' niñí`ba' lajii` júu` róo` e fé` lala: "Jo cóo`~ capi`^ quieb`^ nijmé` e niróo` laji` ca` iñí`." ⁷ Jo có' lajob` lí', joba' fíi`-i` 'nú', dsea` rú'naa' dsea` quiá'` Dsea` Jmáang`, e 'né` cab`' sée`na' jalé` e 'li`^ e 'léé` quií`-na' e lí' lafa' quie`^ e nisíng'ng', jo lajoba' nilíng`-na' lafa' e iñí`^ e lí' cóo`~ ca` e ja` quiéeng` quie`^ e gø` dsea` Israel mi` tí` jmíi` Pascua. Jo dseáng`~ lafa' e iñí`^ dob` líng` 'nú'. Jo Dsea` Jmáang` ì` líng` ì` Jo'se` Jiuung` quiá'` Fidiéé`, í`bing' ì` cacó` jalé` dsee` quií`-ii' mi` cajáng`^ ñia'r` e cajúíiñ` fí` dse` crúu`^, ⁸ joba' 'né` e nijmó`naa' jmíi` Pascua e ngocáng` dsi`naa' jogui` e guiú` dsi`naa', dsaco' e job` e lí' lafa' e iñí`^ e ja` quiéeng` quie`^, có' 'né` e nijmó`naa' e jmíi` jo` e ja` í` dsi`naa' jalé` e 'li`^ o`gui` e saang` dsi`naa', có' jalé` e 'li`^ lajo` lí' lafa' e iñí`^ e quiéeng` quie`^ e nisíng'ng' do.

⁹ Jo` e fí` ni` jì` quié` e e nicajmé`^ e quií`-na' lamí` jéeng`gui` do fíi`-i` 'nú' e ja` quíng`na' jee` jaléng` ì` dsea` ì` jmóo` ta`~ 'léé` cóo`~ jalé` e lí` dsíi` ngúú` táaiñ. ¹⁰ Jo` dsu` e júu` jo` ofa` caffí`-i` 'nú' e ni'naang` yaang`na' conguaí` cóo`~ jaléng` ì` dsea` ì` jmóo` jalé` e 'li`^ lajo, osi cóo`~ jaléng` ì` eáang` iing` e silíi` jalé` e sea` fí` jmigüí, osi cóo`~ jaléng` ì` jmóo` íi, osi cóo`~ jaléng` ì` jmiféng` jaléng` diéé` ì` o'` jál`. Có' song` iing`na' e ni'naang` yaang`na' conguaí` e quíng`na' jee` jaléng` ì` dsea` lana, joba' 'né` e ni'naam` yaang`na' fí` jmigüí` la. ¹¹ Jo` e laba' síi`^ e caffí`-i` 'nú' e dseáng`~ ja` quíng`na' jee` ì` dsea` ì` jing`~ e líiíi` dsea` quiá'` Dsea` Jmáang` jo` dsu` jmóo`bre jalé` e 'li`^ e lí` dsíi` ngúú` táaiñ, osi e eáang` iíiñ` e silíi`r` jalé` e sea` fí` jmigüí, osi e jmiféiñ` jaléng` diéé` ì` o'` jál`, osi e ngír` ta`~ quie` jalé` adsee, osi e jmóor` ta`~ í`^ mée, osi e jmóor` íi` é. Jo` cóo`~ jaléng` ì` dsea` lana jì`gui` có' quiá'` có`na' í`na' ja` seáang`~ rúng`na' cóo`r`. ¹²⁻¹³ Jo` dsu` jnea` ja` catín`-n e ni`íi`-i` quiá'` jaléng` dsea` ì` ja` líng` dsea` quiá'` Dsea` Jmáang`, có' Fidiéé`bing' ì` niquidsí` í` quiá'` lajaléng` ì` dsea` í. Jo` dsu` 'nú', dsea` líng`na' dsea` quiá'` Dsea` Jmáang`, 'né` ni`íi`ba' í` jee` la'ó` rúng`na'. Joba' fíi`-i` 'nú' e 'né` ni`øom`ba' jee` 'nú' ì` dsea` ì` ca'ée` dsee` do.

6

Dsea` quiá'` Dsea` Jmáam`bing' ì` 'né` ni`í` í` jee` la'ó` rúíiñ`

¹ Joba' fíi` guíi` 'nú', dsea` rú'naa' dsea` quiá'` Dsea` Jmáang`, e mi` jaang` 'nú' sea` dsee` quií`na' cóo`~ jaang`gui` dsea` rúng`na' dsea` quiá'` Dsea` Jmáang`, joba' ja` cuøong` fa' e mii`na' dsea` ì` ja` cúing` Fidiéé` e ni`íi`-i` quií`-na', dsaco' guiú`-gui` e dsea` quiá'` Dsea` Jmáam`bing' ì` ni`í`-i` quií`-na'. ² Jogui` 'néb`-ñí` 'nú' cajo e jaléng` dsea` quiá'` Dsea` Jmáam`bing' ì` ni`í`-i` quiá'` jaléng` dsea` jmigüí` mi` nití` e í` jo; jo` có' lajob` nijmée`na', joba' 'né`-ñí`ba' jial` ni`íi`na' í` cóo`~ jalé` e ja` 'ga' lí` niing` e dsijéé` jee` 'nú'. ³ Jogui` 'né`-ñí`ba' cajo e jì`gui` jaléng`^ ángeles` quiá'` Fidiéé` 'né`-ni`í`naa' í` quiá'r` mi` nití` e í` jo. Jo` có' lajob` nilí, joba' lajang`^ júu`gui` 'né`-ni`í`naa' í` mi` ee`gø` dsijéé` lajee` see`naa' fí` jmigüí` la. ⁴ Joba' song` ì` líng` lajee` la'ó` 'nú', dsea` líng`na' dsea` quiá'` Dsea` Jmáang`, jmoo`na' ta`~ jíng, joba' fíi`-i` 'nú' e ja` dseeng` e nigüilíng`-na' fí` quini` dseata` ì` ja` cúing` Fidiéé` e laco' ni`íi`-i` quií`-na', có' jaléng` ì` dsea` í` ja` catíng` e quíiñ`~ jee` la'ó` 'nú'. ⁵ Jo` uing` e fíi`-i` 'nú' lana e lí` laco' nicá`na' fíi`^, có' lí` dsii` e dseáng`~ seem` jaang` dsea` ì` lajang`^ quíi`~ jmíi` ni`í`-i` jee` la'ó` 'nú', dsea` líng`na' dsea` quiá'` Dsea` Jmáang`. ⁶ Jo` dsu` o'` jii`~ lico' jmoo`na' ta`~ jíng` lajee` la'ó` 'nú', dsea` líng`na' dsea` quiá'` Dsea` Jmáang`, có' jì`gui` güilíng`-na' fí` quini` dseata` ì` ja` cúing` Fidiéé` e laco' ni`íi`-i` quií`-na' cuaiñ` quiá'` e ta`~ jíng` do.

⁷ Jo cóo' jii' e ta' jing' e jmoo'na' do, cóo' jii' e jobi eáam' ni'lee' quí'na', dsuco' guiá'gui e nijmée'na' té'ba' cóo' jalé' e ga' e dsing'ing'na', jogui guiá'gui cajo e nijmée'ba' té'na' mi' jmoo' dsea' rúng'na' i' quí'na'. ⁸ Jo dsu' 'nú' lí' ríqui' jmoo'na', co' lajee' la'ó' yaang'na', dsea' líng'na' dsea' quía' Dsea' Jmáang', jmoo'na' ga' quía' rúng'na' jogui jiguí' jmoo'na' i' quía' rúng'na' cajo.

⁹ Jo 'nú' 'né' ní'ba' e jaléng' dsea' i' 'lee' ja' quí' jmi' fa' e nicá' Fidié' nifí' quía'r'. Jo uí' e lajob lí', joba' fii' 'nú' e ja' güijmigøng' dsea' 'nú', co' jaléng' dsea' i' jmoo' jalé' e 'lí' lala ja' quí' jmi' fa' e nicá' Fidié' nifí' quía'r'; fa' jaléng' dsea' i' jmoo' jalé' e 'lí' e lí' dsí' ngúu' táaiñ', jogui jaléng' i' jmiféng' jaléng' dié' i' o' já', jogui jaléng' i' güing' cóo' dsea' jiéng' mi' ningí' e cacúng' guór', jogui jaléng' dseañu' i' tí' dsí' jman' yaang' lafa' dseamí', jogui jaléng' dseañu' i' tí' dsí' güing' cóo' jaléng' dseañu', ¹⁰ jogui jaléng' i' jmoo' i', jogui jaléng' i' eáang' iing' silí' jalé' e sea' fí' jmigúí', jogui jaléng' i' jmoo' ta' i' méé', jogui jaléng' i' jmoo' ta' quí' júu' e o' já', jogui jaléng' i' jmi' i' e sea' quía' dsea' rúñ' la'eáang' e jmigøng' neiñ'. Jo jaléng' i' dsea' la' ja' quí' jmi' fa' e Fidié' nicá' nifí' quía'r'.

¹¹ Jo jalé' e 'lí' lanab lamí' jmoo' i' líng' 'nú' lamí' jéeng'gui, jo dsu' lana nica'ím' Fidié' jalé' dsee' quí'na' jogui nicajméer' e dseáng' jii' dsea' quía' bre nilíng'na'. Jogui la'eáang' cóo' Fí'naa' Dsea' Jmáang' jogui cóo' Jmiguí' quía' Fidié' 'nú' nilíng'na' lana dsea' i' ja' dsee' røng' fí' quini' Fidié'.

'Né' jmi'gób' dsea' Fidié' cóo' ngúu' táaiñ'

¹² Jo fii' guí' 'nú' e júu' la e seem' dsea' i' fé' lala: "Cuøøm' lí' jmé' e lí' doñí' ee' e iin'n." Jo e jáb' e jo, lifa' ja' laji' íng' ta' quía'r'. Jo e jáb' e cuøøm' lí' jmé'naa' lí' doñí' ee' i'naa' jmé'naa', lifa' ja' 'né' cuøø' fí' yee'naa' e niquiá' ta' jneaa'aa' jalé' e lí' dsí' ngúu' táang'naa' do. ¹³ Jogui fé' bi' dsea' e júu' la cajo: "Jo jalé' e quíee'naa' dsitoo' fí' dsí' tú'naa', jogui e tú'naa' do íng' ta' quía' e güing' jalé' e quíee'naa' do." Jo e jáb' e júu' jo, lifa' Fidié' tóob' jmi' mi' ni'íñ' laji' tú' e jo. Jogui ja' cajméé' Fidié' ngúu' táang' dsea' e lico' íng' ta' e nijmé' dsea' jalé' e ja' dseeng', dsuco' jalé' ngúu' táang' dsea' íng' ta' e nijmé' dsea' lajii' e iing' Fí'naa' Dsea' Jmáang', jogui la'eáang' cóo' Fí'naa' Dsea' Jmáam'bing' cuøøng' jmé'naa' lajo. ¹⁴ Jogui lí' laco' cajmijí' Fidié' i' Fí'naa' Dsea' Jmáang' do la'eáang' cóo' güea' 'gøng' quía'r' mi' cangí' e cajúñ', joba' lajob cajo nijmér' cóo' jneaa'aa' mi' nití' í' lajo.

¹⁵ Jogui 'né' ní'ba' 'nú' cajo e jaléng' 'nú', dsea' líng'na' dsea' quía' Dsea' Jmáang', líng'na' lafa' jaam' dsea' cóo' dsea' do. Jo co' lajob lí', joba' dseáng' ja' dseeng' e jaang' dsea' nigüñ' cóo' jaang' dseamí' i' jmoo' ta' 'líng' 'ñia'. ¹⁶ Jogui 'né' ní'ba' 'nú' cajo e mi' jaang' dseañu' güññ' cóo' jaang' dseamí' i' jmoo' ta' 'líng' 'ñia', joba' lafa' jaam' dsea' uíñ' lajee' laji' gáñ' do. Dsuco' lalab fé' fí' ni' jì' quía' Fidié': "Jo mi' güing' dseañu' cóo' dseamí', uíñ' lafa' jaam'bre." ¹⁷ Jo dsu' mi' uíng' dsea' dsea' quía' Dsea' Jmáang', joba' jaam' dsea' uíñ' cóo' dsea' do la'eáang' cóo' Jmiguí' quía' Fidié'.

¹⁸ Joba' fii' 'nú', dsea' rú'naa', cuíng'na' jalé' e 'lí' lajo e lí' dsí' ngúu' táang' dsea'. Dsuco' lí' doñí' ee' dsee' e jíe' e ée' dsea' ja' 'lee' e jo quía' ngúu' táaiñ', jo dsu' i' dsea' i' jmoo' e 'lí' lajo, joba' 'lee' bre cóo' ngúu' táaiñ'. ¹⁹ Jogui 'né' ní'ba' 'nú' cajo e ngúu' táang'na' lí' lafa' guá' quía' Jmiguí' quía' Fidié' e nicacuør' 'nú', jogui e Jmiguí' doba' seeng' cøng' cóo' 'nú'. Jo co' lajob lí', joba' jo' lí' quí'na' yaang'na' e ngúu' táang'na' do, ²⁰ co' Fidié'bing' i' nicaløng' 'nú' cóo' cóo' 'moo' e ní' eáang'. Jo uí' e lajob lí', joba' contøøm' 'né' e nijmi'goo'na' Fidié' cóo' jalé' e jmoo'na' fí' ngúu' táang'na'.

7

Jalé' e 'né- jmiti' dsea' mi' cúin' guóor'

¹ Jogui lana niquí' i júu' quí' na' lajii' e cajmingí' na' jnea' ie' lamí' jéeng' gui do e fí' ní' jì' quí' na' do. Jo jnea' lalab fí' i 'nú' e guiá' gui quíá' dseañu' e ja' nigüíin' dseamí'; ² jo dsu' uí' e ja' téeng' dsea' yaaiñ' e iin' güíin' cóo' dsea' i o' quíá' r-, joba' lajaang' lajaang' dseañu' 'né' seeng' dseamí' quíá' r-, jogui lajaang' lajaang' dseamí' 'né' seeng' dseañu' quíá' r- cajo. ³ Jo i dseañu' do 'né' nijmiti' bre lajii' e catíin' cóo' i dseamí' quíá' r- do; jogui lajobi i dseamí' quíá' r- do cajo 'né' nijmiti' bre lajii' e catíin' cóo' i dseañu' quíá' r- do. ⁴ Co' i dseamí' quíá' r- i dseañu' do jo' seeng' guir fa' e quíu' guir ta' 'ñia' r' cóo' ngúu' táaiñ', co' quíá' dseañu' quíá' bre níí'. Jogui lajobi cajo i dseañu' quíá' r- do, jo' seeng' guir fa' e quíu' guir ta' 'ñia' r' cóo' ngúu' táaiñ', co' quíá' dseamí' quíá' bre níí'. ⁵ Jo co' lajob líí, joba' fí' i 'nú' e ja' sée' na' 'leáang' e nigüing' na' colíing' cóo' i dsea' i nicacúung' na' guóona' cóo'. Jo dsu' cuóom' cajo e ni' naang' teá' yaang' na' quíá' r- rúng' na' e ja' nigüing' na' colíing' e laco' nijmiféng' na' Fidié', lifa' røøb' 'né' siing' na' e nijmée' na' lajo. Jo mi' ningí' jo, 'néb' e nigüing' tu' colíing', jo lajoba' ja' dseáang' quí' na' e nijmigøøng' fii' i 'líng' i sii' Satanás 'nú' e laco' nijjúung' na' fí' ní' dsee'.

⁶ Jo lajalé' e fí' i 'nú' na lí' júu' tii' baa jo o' dseáng' fa' lana fé' fí' ní' jì' quíá' Fidié' e 'né' nijmiti' dsea'. ⁷ Jo dsu' jnea' iin' e lajalém' dsea' ja' nicúin' guóor' lí' laco' gui la líng' jnea'; jo dsu' ja' lajii' naa' cangíing' naa' røø' quíá' Fidié', co' jmaquíim' cangíing' naa' quíá' dsea' do lajaang' lajaang' naa'.

⁸ Jogui lana fí' i 'nú', dsea' i ja' mí' cacung' guó', cóo' gui jaléng' dseamí' i 'níí', e guiá' gui e ja' nicúng' na' guóona' lí' laco' gui la líng' jnea'. ⁹ Jogui dsu' song ja' té' na' e iing' na' güing' na' cóo' dseañu' osi dseamí' é, joba' 'né' cúum' ba' guóona' jóng, co' guiá' gui quí' na' e nijmée' na' lajo e laco' gui e ngí' na' suung' na' e iing' na' e nigüing' na' cóo' dsea'.

¹⁰ Jogui lana lalab fí' i 'nú', dsea' i nisicúng' guó', jo dsu' o' cóo' júu' quíé' e 'ñia' a e fí' i 'nú' la, dsuco' Fí' naa' Dsea' Jmáam' bing' i quíu' ta' e júu' e fé' lala: "Ja' cuóøng' e jaang' dseamí' nitiúuiñ' dseañu' quíá' r-." ¹¹ Jogui dsu' song i dseamí' do dseáng' catiúum' bre dseañu' quíá' r-, joba' 'né' nijér' e ja' nicúm' guóor' cóo' dseañu' i jiéng' osi e nisíng' tur røø' é cóo' i dseañu' quíá' r- i catiúuiñ' do. Jogui lajob cajo, ja' cuóøng' e jaang' dseañu' nitiúuiñ' dseamí' quíá' r-.

¹² Jo lana níí' guí' 'nú' e júu' la lajii' e í' dsii' 'ñia' a jo o' júu' e sinú' quíá' Fí' naa' Dsea' Jmáang-, e song jaang' dseañu' i líng' dsea' quíá' Dsea' Jmáang- seeng' dseamí' quíá' r- i ja' líng' lajo, jo dsu' song i dseamí' do íaam' dsíir' e seeiñ' cøøng' cóo' i dseañu' quíá' r- do, joba' ja' cuóøng' fa' e i dseañu' i líng' dsea' quíá' Dsea' Jmáang- do nitiúuiñ' i dseamí' quíá' r- do. ¹³ Jogui song jaang' dseamí' i líng' dsea' quíá' Dsea' Jmáang- sicúng' guór' cóo' jaang' dseañu' i ja' líng' lajo, jo dsu' íaam' dsíin' do e seeiñ' cóo' i dseamí' do, joba' ja' cuóøng' e i dseamí' do nitiúuiñ' i dseañu' do. ¹⁴ Co' i dseañu' i ja' líng' dsea' quíá' Dsea' Jmáang- ligüeam' bre fí' quini' Fidié' la'eáang' e sicúng' guór' cóo' jaang' dseamí' i líng' dsea' quíá' Dsea' Jmáang-. Jogui lajob líí' cajo, song jaang' dseamí' i ja' líng' dsea' quíá' Dsea' Jmáang- sicúng' guór' cóo' jaang' dseañu' i líng' dsea' quíá' Dsea' Jmáang-, joba' ligüeam' bre fí' quini' Fidié'. Jo song lajob líí', joba' i jiuung' quíá' r- i seeng' do ligüeam' bre fí' quini' Fidié'. Jo dsu' song ja' líí' lajo, joba' i jiuung' quíá' r- i seeng' do, 'lim' bre fí' quini' Fidié'. ¹⁵ Jogui song i dseañu' osi i dseamí' i ja' líng' dsea' quíá' Dsea' Jmáang- dseáng' jmóor' laguidseaang' e nitiúung' rúin', joba'

güijmée bre lajo. Jo mi dsijée lajo, joba' i dseañu' osi i dseamf i líng' dsea' quíá' Dsea' Jmáang- do ja' 'né' e jniñ' i dsea' i iing' güi'f do, dsuco' Fidiée' nicatór- jneaa'aa', dsea' lí'naa' dsea' quíá'r-, e laco' nilisee' naa' juguiá' júu' røø. ¹⁶ Dsuco' ja' ñí' 'nu', dseamf i líng' dsea' quíá' Dsea' Jmáang-, su nilí' e ni'uíng- i dseañu' quí' do dsea' quíá' Dsea' Jmáang-. Jogui lajobi cajo, ja' ñí' 'nu', dseañu' i líng' dsea' quíá' Dsea' Jmáang-, su nilí' e ni'uíng- i dseamf quí' do dsea' quíá' Dsea' Jmáang-.

¹⁷ Joba' fñ' i 'nú' e 'né' niliseeng' na' jii' laco' e cangúng' na' quíá' Fidiée', jogui lí' laco' gui la líng' na' mi' cató' Fidiée' 'nú' e ni'uíng' na' dsea' quíá'r-. Jo lanab jii' lí' júu' e quí' ta' quíá' lajaléng' dsea' quíá' Dsea' Jmáang-. ¹⁸ Jogui song Fidiée' nicatór- jaang' dsea' i nicató' lí' fí' ngúu' táang' lí' laco' quí' títng' dsea' Israel, joba' lajob 'né' niteaiñ' fí' jmigü' la; jogui song Fidiée' nicatór- jaang' dsea' i ja' mí' cató' lí' fí' ngúu' táang', joba' ja' 'né' fa' e nijmitir- lajii' e jo. ¹⁹ Co' ja' e lí' song tóo' lí' fí' ngúu' táang' dsea' osi ja' lí' lajo é, co' e laba' e niing' gui eáang' e 'né' nijmiti' dsea' jalé' júu' quíu' ta' quíá' Fidiée'. ²⁰ Joba' 'né' jé' dsea' jii' laco' líiñ' ie' mi' cató' Fidiée' ír' e niliñ' dsea' quíá' dsea' do. ²¹ Jo song dsea' si'nñng' i jmóo' ta' quíá' dsea' líng' 'nu' ie' mi' cató' Fidiée' 'nu' e ca'uiñ' dsea' quíá'r-, jo dsu' ja' jmoo' fí' e líñ' lajo. Jo dsu' song sea' bi' fí' quí' e ni'náang- uø' e líñ' lajo, joba' jmi'o' jóng. ²² Dsuco' i dsea' i líng' dsea' si'nñng' i jmóo' ta' quíá' dsea' ie' lami' cató' Dsea' Jmáang- ír' e ca'uiñ' do dsea' quíá'r-, joba' lana niliñ' do jaang' dsea' i nisilaang' i nijmóo' lajii' e iing' Dsea' Jmáang-; jogui lajob lí' cajo cóo' i dsea' i silaang' ie' lami' cató' Dsea' Jmáang- ír', co' lana niliñ' lafa' dsea' si'nñng' i jmóo' lajii' e iing' Dsea' Jmáang-. ²³ Jo co' lana Dsea' Jmáam' bing' nicalóng' 'nú' cóo' coo' 'móo' e ñí', joba' lana jo' cuó' fí' yaang' na' fa' e nijmeáng' tu' dsea' 'nú' lafa' dsea' si'nñng'. ²⁴ Joba' fñ' i 'nú', dsea' rú' naa' dsea' quíá' Dsea' Jmáang-, e lajaang' lajaam' 'nú' 'né' niliseeng' na' fí' quini' Fidiée' lí' jii' laco' la líng' na' ie' lami' cató' dsea' do 'nú' e calíng' na' dsea' quíá'r-.

²⁵ Jogui lana nifñ' i 'nú' cuaiñ' quíá' jaléng' dsea' i ja' mí' cacung' guoo', jo nifá' a e júu' la jii' laco' i dsii' 'ñiá' baa, jo o' laco' ta' quíu' Dsea' Jmáang-. Co' dsea' do nicatór- jnea' e ni'uiñ' n dsea' quíá'r- uí' e fí' líiñ' jnea', jo lajoba' cuóøng' e lí' jmita' óo' na' júu' quíe' e. ²⁶ Jo uí' e eám' ni huñg' see' naa' jmñ' na, joba' jnea' i dsii' e guiá' gui quíá' jaléng' dseañu' e nijér- jii' laco' líiñ'. ²⁷ Joba' fñ' i jaléng' 'nú', dseañu', e song niseeng' dseamf quí' na', joba' ja' tiúung' na' re; jogui song ja' mí' seeiñ', joba' ja' mí' 'náng' dur lajmi' ná'. ²⁸ Jo ja' dsee' ee' na' song nicúung' na' guoo' na'; jogui lajob cajo ja' ee' dsee' ee' jaang' simí' song nicúñ' guoor'. Jo dsu' jaléng' dsea' i cúng' guoo', huñm' jia nidsijée' quíá'r-, jogui jnea' ja' iin' n e nidsingñiñ' lajo.

²⁹ Dsea' rú' naa' dsea' quíá' Dsea' Jmáang-, lajii' e laba' iin' n e fñ' i 'nú', dsuco' jo' huøø' e róo' gui jmigü'. Joba' jaléng' dsea' i nisicúng' guoo' 'né' seeiñ' e lafa' ja' líiñ' lajo; ³⁰ jogui jaléng' dsea' i seeng' fí' lí' lí' 'né' seeiñ' e lafa' teáiñ' jmñ'; jogui jaléng' dsea' i lafa' teáang' jmñ' 'né' e jmeáng' yaaiñ' e lafa' seeiñ' fí' fí'; jogui jaléng' dsea' i jmóo' ta' láa' lí' doñí' ee', joba' 'né' seeiñ' e lafa' o' quíá' bre e jo; ³¹ jogui jaléng' dsea' i jmóo' ta' jmi'óo' jalé' e sea' fí' jmigü' la 'né' niliseeñ' e lafa' ja' jmi'óo' bre e jo. Dsuco' e fí' jmigü' e lí' see' naa' jmñ' na, tóob' jmñ' ni'ling-.

³² Jo jnea' iin' n e ja' ningúng' na' jalé' fí' dsí' e sea' fí' jmigü' la. Jo i dseañu' i ja' mí' cacung' guoo', eáang' gui guing' dsír' e jmóor' jalé' e iing' Dsea' Jmáang- jogui jial e nijmi' íaaiñ' dsí' dsea' do. ³³ Jo dsu' i dseañu' i nisicúng' guoo', eáang' gui guing' dsír' cóo' jalé' e dsijée' fí' jmigü' jogui jial e nijmi' íaaiñ' dsí' dseamf quíá'r-. ³⁴ Joba' jmaquíim' guing' dsír' e' nijmér- laca' líng'

ca'íiñ~. Jo ñ dseamf ñ ja` mí sicúng` guó` cóo`~gui ñ dseáng`- ja` cacúng` guó`, eáang`gui guing` dsír' e jmóor` lajii~ e iing` Dsea` Jmáang` jogui e éer` guiá~ fí` quini` dsea` do cóo`~ jalé` e jmóor` jogui cóo`~ jalé` e í` dsír'. Jo dsu' ñ dseamf ñ nisicúng` guó`, eáang`gui guing` dsír' cóo`~ jalé` e dsijée' fí` jmigüi` jogui jial e nijmi'iaaiñ` dsír' dseañu` quiá'r`.

³⁵ Jo fii~ ñ 'nú' e júu` na o' e laco' nijning` quíi`-na', co' jnea` fá`-a e lí` laco' ni'uíng` guiá~ quíi`-na' jogui e laco' niliseeng`na' e ee`-na' røø` e jmoo`na' e ngocáng` óo`na' lajii~ e ta~ e nicangúng`na' quiá'- Dsea` Jmáang`. ³⁶ Jo song jaang` dseañu` í` dsír' e dseáng`- ni'néb` e nicúíñ` guóor` cóo`~ ñ dseamf ñ síng` cóo'r` do, dsuco' tí` lí` ningáng` í` quiá'- ñ dseamf do e nicúíñ` guóor`, jogui song í` dsír' e joba' dseáng`- la guíng`gui 'né~, joba' güijmée`bre lajii~ e líiñ` e guiá~gui do, jo güicúm`bre guóor`, dsuco' ja` e dsee` e jo. ³⁷ Jo dsu' ñ dseañu` ñ coo` nica'f dsír' jogui ja` lí` dsír' jalé` e iing` ngúu` táaiñ`, jogui dseáng`- nita` dsír' e dseáng`- ja` nicúíñ` guóor`, co' lajob dseáng`- iñ` nijmér~, joba' guiáb` nijmér~ song cajmээр` lajo. ³⁸ Jo ñ dseañu` ñ nicúng` guó` cóo`~ ñ simí` ñ ninée` júu` quiá'r` cóo`~ do, joba' coo` e guiáb` jmóor`; jo dsu' ñ dseañu` ñ ja` nicúng` guoo`, coo` e guiá~gui jmóor`. ³⁹ Jogui jaléng` dseamf ñ nisicúng` guó`, dseáng`- la guíim` 'né` e ja` nitiúuiñ` dseañu` quiá'r` lajee` e seeng` í`; jo song cajúm`bi ñ dseañu` quiá'r` do, joba' cuøøm` nicúng`tur guóor` calé` catú` cóo`~ dseañu` ñ jíéng`, lifa' ñ dseañu` í` 'né` e líiñ` dsea` quiá'- Dsea` Jmáam`. ⁴⁰ Jo dsu' jnea`gui í` dsii` e nili'iaang`gui dsír' ñ dseamf do fing song ja` nicúng`tur guóor`. Jo jalé` e júu` na lí` júu` tiiim`-baa. Jo jnea` í` dsii` e seem` Jmiguí` quiá'- Fidiée` cøøng` cóo`~ jnea` cajo.

8

Jalé` jmiñi` e cuø' dsea` diée` ñ o' já`-

¹ Jogui lana nifii` ñ 'nú' cuaiñ` quiá'- jalé` jmiñi` e lí` feá'- e cuø' dsea` jaléng` diée` ñ o' já`. Jo e jáb`- laco'gui fé` dsea` e lajii`-baa' nine`naa' cuaiñ` quiá'- jalé` e jo; jo dsu' cóo`~ e nine`naa' do jmóo` e í` dsí`naa' e nilí`naa' dsea` niing~, jo dsu' e jmi`neáng` rú`naa' e joba' eáang`gui íng` ta~ e nidsicuáng` quí`-ii' cóo`~ júu` quiá'- Dsea` Jmáang`. ² Jogui song jaang` dsea` í` dsír' e líng`go nitiiñ`, jo dsu' o' já`- e jo, co' mí` 'noo`bi` 'né` líñir` e laco' nilitiiñ` laco' sí'í`. ³ Jo dsu' ñ dsea` ñ 'neáng` Fidiée~, joba' Fidiée~ nicuíim`bre ñ dsea` í`.

⁴ Jogui lana nifii` ñ 'nú' cuaiñ` quiá'- jalé` jmiñi` e có`na' e lí` feá'- e cuø`na' jaléng` diée` ñ o' já`-; jo guiáb` nine`naa' e jaléng` ñ diée` la'í` ja` e ta` íiñ` jii~ coo` fí` jmigüi`, dsuco' dseáng`- jaam` Fidiée~ ñ dseáng`- já`- ñ seeng`. ⁵ Jo nañi` fa' ñ líng` dsea` jmigüi` í` dsír' e seeng` jaléng` diée` fí` yá` jmigüi` jogui fí` ni` guóo` uó~, jo co' lajob í` dsír', joba' ñ fiiim` lafa' diée` quiá'r` seeng` jogui lafa' fiir`. ⁶ Jo dsu' jaléng` jneaa`aa', dsea` lí`naa' dsea` quiá'- Dsea` Jmáang~, guiáb` nine`naa' e jaam` Fidiée~ ñ seeng`, jogui íb` ñ líng` Tiquiá` jaléng` dsea` jmigüi`, jogui jneaa`aa' see`naa' e laco' nijmó`naa' lajii~ e iñ`. Jogui cajo jaam` Fii`naa' seeng`, jo íb` Dsea` Jmáang~-; jo la'eáang` íb` e sea` lajalé` e sea` fí` la'úng` fí` jmigüi`, jogui la'eáang` íb` cajo e see`naa' fí` jmigüi` la.

⁷ Jo dsu' ja` lajiiing` dsea` ñir` e júu` na. Dsuco' ñ dsea` ñ lami` quí`- tíng` e jmiféiñ` jaléng` diée` ñ o' já`, mí` 'noo`bi` gø'r` jalé` e jmiñi` e lí` feá'- e í` dsír' e nicacuør` jaléng` diée` quiá'r`. Jo lajee` e gø'r` e jo, líiñ` e jmi`lim` yaaiñ` cóo`~ ñ diée` ñ o' já` do, co' ja` coo` e í` dsír'. ⁸ Jo dsu' ja` ee` jmíng` Fidiée` ee` jalé` e quiee`naa' e laco' ni'íñ` jneaa`aa' fí` quinir~, dsuco' jo` nilí`-guí` dsea` ñ guíung`gui dsu' uíi~ e quiee`naa' e jo, jogui o'gui nilí`-naa' dsea` ñ ga`gui dsu' uíi~ e ja` quiee`naa' e jo.

⁹ Jo dsu' jie~ mí jmeáang'~na' ta~ e fí sea` quí~na' do e laco' nijmée^na' e niténg' fí ní dsee~ jaléng' i dsea` rúng'na' i ja` mí 'goo` teáang~ teá` cóo'~ júu^ quiá'- Dsea` Jmáang~. ¹⁰ Jo song i líng' 'nú', dsea` níñi^na' guiá~ cuaiñ~ quiá'- e júu^ jo, jo nigüílling~na' nigüíquíe'na' fí lí~ jmiféng' dsea` jaléng' diée~, jo lajee~ jo jaang` dsea` rúng'na' i ja` 'goo` sing' teá` cóo'~ júu^ quiá'- Dsea` Jmáang~ cangáiñ' 'nú' e jmoo'na' lajo, joba' dseáam'~ e i dsea` î nijmér~ lajo cajo e iñ~ nidó'r~ jalé' e nicacuø' dsea` diée~ i o'já'. ¹¹ Jo caquíe'ba' e jo uí'~ e níñi^na', jo dsu' mí cajmee~na' lajo, joba' jmoo'na' e nicá' fí ga` i dsea` rúng'na' i ja` mí 'goo` sing' teá` cóo'~ júu^ quiá'- Dsea` Jmáang~ do. Jo uí'~ i dsea` íb` cajo e cajúng~ Dsea` Jmáang~ fí dse' crúu^'. ¹² Jo mí~ jmoo'na' e tú~ ní'~ dsí' i dsea` rúng'na' i ja` mí 'goo` sing' teá` cóo'~ júu^ quiá'- Dsea` Jmáang~, joba' dseeb~ ee~ 'nú' cajo fí quini~ Dsea` Jmáang~. ¹³ Jo uí'~ e lajob líí, joba' song cóo'~ jalé' e gó'ø do nijmee~ e e niténg' dsea` rún'n fí ní dsee~, joba' guiá~ gui quíe~ e e jo' nidóø'~ guí e jmiñ' jo, jo lajoba' ja` dseáang'~ e nijmee~ e e niténg' dsea` rún'n fí ní dsee~.

9

Lají' e catíng~ i dsea` apóo' i s'ing' Dsea` Jmáang~ cuaiñ~ quiá'r~

¹ Jo fíi~ i 'nú', dsea` rú'naa', e ja` 'né~ guié~ e júu^ lají' e jmóo'o, có' dseáng' lím'baa jaang` dsea` i s'ing' Dsea` Jmáang~ cuaiñ~ quiá'r~. Có' dseáng'~ nicamám~baa Fí'naa' Jesús jogui cajo, lajee~ e nicajmé~ e ta~ jee~ 'nú' e nicangín'n quiá'- Dsea` Jmáang~, joba' 'nú' nica'uíng~na' dsea` quiá'- dsea` do. ² Jo jangám~ seeng` dsea` i ja` jmicuíng` jnea~ e lín'n jaang` dsea` i s'ing' Dsea` Jmáang~ cuaiñ~ quiá'r~, jo dsu' nijmicuíng'na' jnea~ e lín'n jaang` dsea` la'í. Jo cuø' lí~ e dseáng'~ lajob lín'n uí'~ e la'eáang' jnea~ba' e nica'uíng~ 'nú' dsea` quiá'- Dsea` Jmáang~.

³ Jo jí'~ lalab líí júu^ e quí'~ i quiá'- jaléng' i dsea` i éeng` jnea~ cuaiñ~ quiá'- jalé' e jo. ⁴ Jo jnea'^ dseáng'~ catí~baa' e ní'íng'~naa' jalé' e ní'né'~ niquíee'naa' cuaiñ~ quiá'- jalé' ta~ jmoo~naa'. ⁵ Jogui seab` fí quí~naa' cajo e niliseeng` dseam' qui~naa' i líng' dsea` quiá'- Dsea` Jmáang~ i jeeng'naa' lacaang` fí lí~ ngí'naa' lí'^ laco'gui la jmóo` i dsea` caguaang~ i s'ing' Dsea` Jmáang~ cuaiñ~ quiá'r~ jogui laco' la jmóo` jaléng' dsea` ngáang'~ cóo'~ Dsea` Jmáang~ cóo'~gui Tú^ Simón. ⁶ Jogui ¿su í' óo' 'nú' e jí'~ Bernabé cóo'~gui jnea~bing' i dseáng'~ 'né~ nijmé~ ta~ e laco' sea` jalé' e 'né~naa'? ⁷ Dsaco' jí'~ jaang` 'lé~ quí'~ jalé' e 'né~ lajee~ e jmóor' e ta~ jo. Jogui jí'~ jaang` dsea` i jní' mí'^ huíng' jó'^ fa' ja' cu'r' e jo. Jogui cajo jí'~ jaang` dsea` i jmóo' ta~ ní' jo'se' fa' ja' í'r' fí' quiá'- i jó' í. ⁸ Jo jie~ mí' í' óo'na' e fíi~ i 'nú' jalé' e júu^ la lí'^ la í' dsí' dsea` jmigüí, dsaco' lajob fé' cajo fí' ní' jì quiá'- Fidié~ e cajme' Moi~, ⁹ jo lalab fé': "Ja` jni' mo'oo~ jó' núu^ quí'^ lajee~ e ø're' cu'íee~." Jo fé' Fidié~ jalé' e júu^ na o' fa' í' dsí' jí'~ uí'~ quiá'- jaléng' jó' núu^, ¹⁰ có' í' dsí' uí'~ jneaa~aa' cajo, dsea` lí'naa' dsea` jmóo' ta~ quiá'r~. Jo caséé' Fidié~ e júu^ quíu' ta~ na quiá'r~ e laco' ní'uíng~ guiá~ quí~baa', dsaco' i dsea` i jmóo' ta~ jí' uø' cóo'~gui i dsea` i jmóo' ta~ quiá'- cu'íee~, jmóor' jalé' e jo dsu' uí'~ e nisíjeiñ' líng'~ ee~ nisítím'bre mí' nití' í' lajo uí'~ e ta~ e cajméer' do. ¹¹ Jo jneab'^ dsea` lafa' nicajní'naa' jee~ 'nú' uí'~ e nicaguiá~naa' júu^ quiá'- Dsea` Jmáang~, joba' í' dsí'naa' e o' 'leáang~ song líng' gø e mí'~naa' 'nú' e nijmicóo'~na' jnea'^ cóo'~ jalé' e 'né~naa'. ¹² Jogui song dsea` jíéng' seab` fí quiá'r~ e mí'r' 'nú' jalé' e 'né~, joba' jnea'^ eáang'gui catí~naa' e nijmó^na' lajo cóo'~ 'nú'.

Dsu' jnea'^ ja` mí camí'~naa' 'nú' lají'~ e sí'í' e catí~naa' do, có' lí'^ lí' nica'íng'~naa' iihuí' e nicajmó^naa' ta~ jíé' e laco' sea` jalé' e 'né~naa', jo lajoba' ja' nijñing~naa' quiá'- e júu^ quiá'- Dsea` Jmáang~ e guí'naa' do. ¹³ Jo

niñib^ 'nú' e jaléng^ dsea` i jmóo` ta` fí sinúu^ guá^- cuøøm` lí` jmeáiñ^ ta` jalé^ e feá^- e dsicá^ dsea` fí` jo. Co^ jaléng^ i dsea` do i jmóo` ta` e fí` nife^ do e fí` lí` jngaiñ^ jaléng^ jó^ i líng^ feá^-, joba^ cuøøm` lí` dør^- e ngúu^ quiá^- jaléng^ i jó^ i jngaiñ^ fí` jo. ¹⁴ Jogui lajobi cajo Fí`naa^ Dsea` Jmáam`bing^ nicaguiá^ uing~ e jaléng^ i dsea` i jmóo` ta` guia^ júu^ quiá^r^- 'né^- seeiñ^ e iñ^ lajii^ e 'né^- la'eáang^ cóo^ e ta` e jmóor` do. ¹⁵ Jo dsu^ jnea~ dseáng^- ja` mí` cajmeáam^`baa ta` lajii^ e sí^ e catín^- n do, o^gui jmo^o e júu^ la quií^-na^ e laco^ 'nú^ líng~ eé` nicuø^na^ jnea~ e 'né^-e. iDsucó^ guia^gui quié^- e e nijúun^- n e laco^gui i líng~ dsea` nijé^ e iáang^ dsii^- uí^ e nicaguiá^a júu^ quiá^- Dsea` Jmáang^- jee^- 'nú^ do e jii^ cóo^ ja` mí` cajmicóo^na^ jnea~ cóo^ jalé^ e 'né^-e!

¹⁶ Jo dsu^ jnea~ ja` guiaa^- e júu^ quiá^- Dsea` Jmáang^- do e laco^ jmijlóng^ 'ñiá^a, dsucó^ e la guim`baa 'né^- nijmee~ e e ta` jo e cangín^-n quiá^- Fidiéé^ . iCo^ e ngí^ fí^ jnea~ fíng song ja` niguiaa^ e júu^ jo! ¹⁷ Jo song guiaa^- e júu^ jo e iáang^ dsii^- 'ñiá^a, joba^ líim~ eé` nisea^ quié^- e e ni^ín^-n; jo dsu^ song jmóo`o e ta` jo laguidseang^, dsu^ dseáng^- 'né^- jmee~baa, co^ lajob ta` e nicacuø^ Fidiéé^ jnea~. ¹⁸ Jo lajob líí^, co^ lajii^ e catín^- n e 'léen^-n do, e job e iáang^ dsii^- e guiaa^- júu^ quiá^- Dsea` Jmáang^- e ja` e caa^- jii^ ca^i^, joba^ cuøøng^ fe^ee^ e ja` jmáan^-n ta` lajii^ e catín^- n e ni^ín^-n do quiá^- e ta` guia^ júu^ quiá^- Dsea` Jmáang^- e jmóo`o.

¹⁹ Jo nañi^ fa^ ja` lín^-n lafa^ dsea` sí`ning^ i jmóo` ta` quiá^- dsea`, jo dsu^ jnea~ nicajmeáang^ 'ñiá^a e lafa^ jaang^ dsea` lajob lín^-n quiá^- lajaléng^ dsea` e laco^ lajo nilí^i fíng^gui dsea` i ni^uíng^- dsea` quiá^- Dsea` Jmáang^-. ²⁰ Co^ lajee^ e seen^- jee~ jaléng^ dsea` Israel, jmóo`o laco^ la jmóo` jaang^ dsea` la'íb^ e laco^ lajo nilí^i e jaléng^ í` ni^uíñ^- dsea` quiá^- Dsea` Jmáang^-. Jo jnea~ jmáang^ 'ñiá^a e lafa^ e júu^ quiu^ ta` quiá^- Moi~ quiu^ ta` jnea~, nañi^ fa^ ja` líre^ lajo. Co^ jmóo`o lajo e laco^ nilí^-i e jaléng^ i dsea` í` ni^uíñ^- dsea` quiá^- Dsea` Jmáang^-. ²¹ Jogui e laco^ nilí^i i dsea` i ja` seeng^ e quiu^ ta` quiá^r^- e júu^ quiu^ ta` quiá^- Moi~ do, joba^ jnea~ jmáang^ 'ñiá^a e lafa^ jaang^ dsea` la'íb^ lín^-n cajo, nañi^ fa^ dseáng^ e júu^ quiu^ ta` quiá^- Fidiéé^ba^ e quiu^ ta` quié^- e, jogui lajob jmóo` cóo^ jnea~ cajo e júu^ quiá^- Dsea` Jmáang^-. ²² Jogui mí^ seen^- jee~ jaléng^ dsea` i ja` mí^ 'goo^ teáang^- teá cóo^ júu^ quiá^- Dsea` Jmáang^-, joba^ lafa^ jaang^ dsea` la'íb^ jmáang^ 'ñiá^a cajo e laco^ lajo nilí^i e ni^uíng^- i dsea` í` dsea` quiá^- Dsea` Jmáang^-. Joba^ cuøøng^ fe^ee^ e nicajmeáang^ 'ñiá^a røøb^ laco^ la líng^ lí^ doñi^ i dsea` e lí^ laco^ lajo cuøøng^ nilí^i tú^- 'ní^ máng^- dsea` i nileáng^ jee~ jalé^ dsee^- quiá^- . ²³ Jo jmóo`o jalé^ e na e laco^ niní^i júu^ quiá^- Dsea` Jmáang^- jogui e laco^ røøb^ ni^íng^naa^ e jlo^ e cuø^ e júu^ jo.

²⁴ Jo 'nú^ niñi^ba^ e mí^ sea^ ta` cuí^, i fíim^ dsea` cuíir^, jo dsu^ lifa^ jaam`bing^ i nilí^i i niguieng^ nifí^gui, jo lajoba^ niñiñ^- lajii^ e catíiñ^- . Jo co^ lajob líí^, joba^ fí^-i 'nú^ e cuøø^ bí^ yaang^na^ e laco^ lajim`ba^ nilí^na^ lajii^ e catíng^- na^ do. ²⁵ Jo jaléng^ dsea` i guia^ guia^ quiá^- jéeng^gui e quiá^- e nicuír^, 'né^- e ja` nijmér^- e jíé^ e dseáng^ e ni^lé^- quiá^r^- . Jo jmóor` lajo e laco^ líng~ e iñ~ e nilí^r^, jo lifa^ e nilí^r^ do tóob^ jmí^- ni^íng^- . Jo dsu^ jaléng^ jneaa^aa^, dsea` líí^naa^ dsea` quiá^- Dsea` Jmáang^-, cuø^ bí^ yee~naa^ e laco^ nilí^naa^ e niñíng^naa^ lajii^ e catí^-naa^ do e jo` tóo^ jmí^- fa^ e ni^íng^-gui. ²⁶ Jogui dsu^ jnea~ ja` cuí^ i lí^ tá^- cuí^i, o^gui jmóo`o lafa^ ta` tíng^ e bá^a fí^ guíá^ guí^ . ²⁷ Jo dsu^ ja` jmóo`o lajo, co^ lí^ lí^ jnea~ quiá^- u ta` ngúu^ táan^- n e laco^ nijmé^- núu^-, jo jmóo`o lajo e laco^ ja` dseáng^ e niseáan^- n ca^ mí^ nicang^ e nicaguiá^a júu^ quiá^- Dsea` Jmáang^- jee~ jaléng^ dsea` .

10

Ja` dseeng^ e jmiféng^ dsea` jaléng^ diéé^- i o^ ja^-

1 Jo fii-guúí 'nú', dsea` rú'naa' dsea` quiá'- Dsea` Jmáang-, ja` iin~n fa' e ni'ling^ óo'na' jalé' e cangongúing- 'lii~ yúu~ dsea` áang' qui~naa' ie~ lamí~ ca'uøøiñ' fí Egipto, jo Fidié~ ca'e'reiñ' do fí la'eáang' cóo~ cabøø~ jní', jogui e lajaléiñ' do cangúíñ' fí ni~ jmiñí'^ e sií mar Rojo. 2 Jo ie~ jo lajaléng^ i dsea` í ca'uiñ- dsea` i sitáang^ cóo~ Moi~ ie~ lamí~ lafa' cajgáaiñ- jmí~ cóo~ e jní' do jogui ie~ mi~ cangúíñ' e fí ni~ jmiñí'^ do. 3 Jogui lajob cajo, lajim` i dsea` do cajmitaang~ yaaiñ~ cóo~ ca'ling~ jmiñí~ e cangúíñ' quiá'- Fidié~, 4 jogui cajo cangúíñ' quiá'- Fidié~ ca'ling~ jmí~ e ca'iénng^ fí dse' cuu~ jiáa'. Jo e jiáa' doba' e jée' quiá'r- lajee~ e ngir' fí ni~ guóo~ uø~ quiú. Jo e jiáa' jo cuøøng^ lí fe'ee' e íb' Dsea` Jmáang-. 5 Jo dsu' i fíim' i 'lii~ yúu~ dsea` áang' qui~naa' do cajúíñ- lajee~ e ngir' fí ni~ guóo~ uø~ quiú uíi~ e ja` catí dsí Fidié~ cóo~ jalé' e cajméiñ' do.

6 Jo lajalé' e na cangojée' cóo~ i 'lii~ yúu~ dsea` áang' do e laco' cuø' cóo' lí qui~ii' e ja` 'né- nijmó'oo' jalé' e ga' e lí dsí'naa' lí^ laco' cajmée` i dsea` í. 7 Joba' ja' jmiféng'na' jaléng' diée~ i o' já'- lí^ laco'gui cajmée` i líng~ i 'lii~ yúu~ dsea` áang' do, lí^ laco' la fé' fí ni~ jì quiá'- Fidié~ lí fé' lala: "Jaléng' dsea` caguár' ca'í- cagø'r, jo mi~ cangí jo, caróor- e cataiñ' jmí~." 8 Jogui ja` 'né- e ni'lee~naa' e nigúing'naa' cóo~ dseañu~ osi dseamí i o' qui~naa' lí^ laco'gui cajmée` i líng~ i 'lii~ yúu~ dsea` áang' do ie~ jo, co' uíi~ e cajméer' lajo, joba' cajúíñ- ie~ jo lí^ lí' guiée- 'ní' mil dsea' lajee~ coo' jmí~. 9 Jogui ja` 'né- jmé'naa' e nisíi~naa' Dsea` Jmáang- ne~duu jial tí' 'gøiñ' lí^ laco'gui cajmée` i líng~ i 'lii~ yúu~ dsea` áang' do, co' uíi~ e cajméer' lajo, joba' cajúíñ- e cacu' jaléng' mi' guíng- quiá'r-. 10 Jogui ja' jmiquíng'^ áa'na' cóo~ Fíi'naa' Fidié~ lí^ laco'gui cajmée` i líng~ i 'lii~ yúu~ do, co' uíi~ e cajméer' lajo, joba' casíng' Fidié~ dsea` mojí i cajnga' quiá'r-.

11 Jo lajalé' e jo cangongúing- 'lii~ dsea` áang' qui~naa' e lí^ laco' niline~naa' e ja` 'né- jmó'oo' lajo, jogui cató- fí ni~ jì quiá'- Fidié~ cajo e lí^ laco' ni'í- 'goo' qui~naa', jneaa~aa' dsea` see~naa' jmí~ na, mi~ tí lí~ nijaquiéeng' e ni'ling- jmigúí. 12 Jo co' lajob líí, song jaang` 'nú' í áa'na' e teáb` sing'na' cóo~ júu^ quiá'- Dsea` Jmáang-, joba' dseáng'- eáam' 'né- e ñiing~ áa'na' e laco' ja` niténg'na' fí ni~ dsee-. 13 Jo jíi~ jaang` 'nú' ja` mí cangongúing- na' e dseáang~ niténg'na' fí ni~ dsee- e ja` mí cangongúing- dsea` rúng'na'. Jo dsu' 'nú' cuøøm` lí jmita~ óo'na' cóo~ júu^ quiá'- Fidié~, co' dseáng'- jmiti~bre júu^ quiá'r-. Jo ja` nicuør- fí fa' e nidsingúing- na' lajo eáang'gui e jíi~ laco' té'na', co' lajee~ e dsingúing- na' lajo, nijmé~bre jial té'na' e ja` niténg'na' fí ni~ dsee-.

14 Jo uíi~ e lajob líí, dsea` rú'naa' i 'neáan` eáang', joba' fii-guúí jaléng' 'nú' e jmi'náng` yaang~na' e ja` jmiféng'na' jaléng' diée~ i o' já'- . 15 Jo fii-i 'nú' lana, co' eáam' guiú- moguí'na', jo yaam~ 'nú' cuøøng` lí fo^na' su já'- osi o' já'- é jalé' e júu^ e fii-i 'nú' na. 16 Jo mi~ cuøønaa' gui'máang' Fidié~ e 'né'-naa' capí^ jmí^ mí^ huíng' jø^ dsu' uíi~ e jmiguiéng' dsí'naa' e cajúng- Dsea` Jmáang- fí dse' crúu^, jo mi~ jmoo~naa' lajo, joba' guøng' e jaam` dsea` uíing~naa' cóo~ dsea` do la'eáang' e jmi'øøiñ- do. Jogui mi~ fíng~naa' iñí^ e quíee~naa' do lajee~ jo, joba' guøng' cajo e jaam` dsea` uíing~naa' cóo~ dsea` do la'eáang' cóo~ e ngúu' táaiñ' do. 17 Jo nañí' fa' fii'baa' la'ó' jneaa~aa' dsea` líi'naa' dsea` quiá'- Dsea` Jmáang-, dsu' lajii~baa' quíee~naa' colíng~ coo' iñí^, jo e jo guøng' e lafa' jaam` jneaa~aa' líi'naa' lajalé'naa' colíng~ cóo~ Dsea` Jmáang-.

18 Jo quíe'na' cuente e mi~ gø' jaléng' dsea` Israel jalé' ngu~ jó' e líí feá'- e nicacuør' Fidié~ fí nife', joba' líí lafa' coo' cøøm` uíing~ cóo~ Fidié~ fí nife' do. 19 Jo dsu' cóo~ e júu^ la ofa' fii-i 'nú' e íng^ ta~ jaléng' diée~ i o' já'-, o'gui fa' e íng^ ta~ jalé' e feá'- e cuø' dsea` jaléng' i diée~ í cajo. 20 Co' lajii~ e júu^

laba' e iin~n e fñi i 'nú', e mi~ jaléng' dsea i ja` cuíng` Fidié~ jmóor` feá'~ ngu~ jó' e cuø'r lí' doñí i~ dié~ quiá'r~, joba' jaléng' i 'lim'^ cuø'r jalé' e jo, jo o' Fidié~ dsea cuø'r'. Jo dsu' jnea~ ja` iin~n e quíng'~na' jee~ jaléng' i 'ling'`. 21 Joba' dseáng'~ ja` cuøng` fa' e ni'u'^na' jalé' e jmiguiéng'` óo'na' Fí'naa' Dsea` Jmáang~ jogui cajo e ni'u'^na' jalé' e cuø' dsea` jaléng' i 'ling'`, o'gui cuøng` fa' e nicø'na' iñí'^ e jmiguiéng'` óo'na' Fí'naa' Dsea` Jmáang~, jogui cajo e nicø'na' jalé' e feá'~ e cuø' dsea` jaléng' i 'ling'`.

22 Jo ja` jmó'naa' lajo e laco' ja` niliguiéng~ Fidié~ qui~naa'. Jo ja` güi'f` dsí'naa' e 'gøng'gui jneaa~aa' laco' dsea` í. iCo' dseáng'~ o' lajo!

Jalé' e cuøng` jmóo` dsea` quiá'~ Dsea` Jmáang~

23 Jo dsu' seem` dsea` i fé' lala: "Cuøøm` lí' jmee~ jnea~ lí' doñí ee` iin~n." Jo dsu' e jáb'~ e jo, lifa' ja` lajalé' íng` ta` qui~ii'. Jogui e jáb'~ e cuøøm` lí' jmé~ dsea` lí' doñí ee` iñí~, lifa' ja` lajalé' e jo nijmicóo'~ quiá'r~ e eáang`gui nidsicuáng` quiá'r~ cóo'~ júu` quiá'~ Dsea` Jmáang~. 24 Jo dsu' ja` 'né~ e lico' nijmé'naa' jmang'` e guiá'~ e qui~naa' yee~naa', co' lajob 'né~ jmé~ee' guiá'~ quiá'~ jaléng' dsea` rú'naa' cajo.

25 Joba' fñi-guñi 'nú' e cø'ba' lí' doñí ee` ngúu' e 'nñi` dsea` fí' lí' 'nñr', jo ja` jmingi'na' cuaiñ~ quiá'~ e jo e laco' ja` ni'f' óo'na' jmigui' su cuøng` cø'na' osi ja` cuøng` é. 26 Dsuo' latøng~ jmigüi' jogui lajalé' e sea` fí' jo lí' quiá'~ Fí'naa' Fidié~.

27 Jo song jaang` dsea` i ja` líng' dsea` quiá'~ Dsea` Jmáang~ catø'r~ 'nú' e nigüiquié'na' fí' quiá'r~, jogui 'nú' iim`ba' güilíng~na', joba' güilíng~na' jóng, jogui quié'na' lí' doñí ee` e niguiár~ fí' ni~ mes~ e ja` jmingi'na' jii'~ cóo` cuaiñ~ quiá'~ jalé' e nicuø'r~ 'nú' do su cuøng` cø'na' osi ja` cuøng` é. 28 Jogui dsu' song jaang` dsea` casí'r~ 'nú' lala: "Lajalé' e jmiñi~ la nicacuøø'~naa' e lí' feá'~ jaléng' dié~." Jo song lajob lí', joba' ja` cø'na' uí'~ i dsea` i cajíng'~ do, jogui cajo e laco' ja` ni'f' dsíir' jmigui' cuaiñ~ quiá'~ e jo. 29 Jo dsu' cuaiñ~ quiá'~ jial í dsí' i dsea` i cacuø' 'nú' e jmiñi~ doba' e fá'~a, jo o' cuaiñ~ qui~na' e jial í óo'na'. Jo dsu' jangám~ nijmingi' 'nú' lala: "Jo jiali' éeng` i dsea` do jnea~ cóo'~ jalé' e gø'ø uí'~ jmigui' jalé' e í dsíir'? 30 Co' song cuøø~baa gui'máang'~ Fidié~ cuaiñ~ quiá'~ lajii'~ e gø'ø do, joba' jiali' éeng` dsea` jnea~ dsu' uí'~ e gø'ø e jo?" 31 Jo song cø'na' osi ú'na' osi jmoo'na' lí' doñí ee` e jié'gui é, joba' jmee'na' lajalé' e jo e laco' nijmiféng'na' Fidié~. 32 Jo jie~ mi~ ee~na' e ga' e laco' dseáng'~ e niténg' fí' ni~ dsee~ si jaléng' dsea` Israel osi jaléng' i ja` líng' lajo, osi jaléng' dsea` quiá'~ Dsea` Jmáang~ caguiaang~gui é. 33 Co' jnea~ jmi'uum`baa e jmoo`o e jmi'iaán` dsí' jaléng' dsea` cóo'~ jalé' e jmoo`o, jo ja` 'nó'~o jmoo`o e lico' ni'uíng~ guiá'~ quié~ e 'ñiá'a, co' 'nó'~o jmoo`o e jial ni'uíng~ guiá'~ quiá'~ dsea` caguiaang~. Jo jmoo`o lajo e lí' laco' nilí' i dsea` í e nileáñ` jee~ jalé' dsee~ quiá'r~.

11

1 Jo co' lajob jmoo`o, joba' fñi-guñi 'nú', dsea` rú'naa', e 'né~ ee~na' laco' la ee~ jnea~, co' jnea~ ee~ laco' ca'ée` Dsea` Jmáang~.

Jial 'né~ líng' dseamí mi~ jmiféñ' Fidié~

2 Jogui lana eám` íang` dsii~ cóo'~ 'nú', dsuo' contøøm~ jmiguiéng'` áa'na' jnea~ jogui contøøm~ jmití'na' cajo jalé' júu` quiá'~ Dsea` Jmáang~ e nica'ée~ e 'nú' lami~ jéeng`gui.

3 Jo dsu' jnea~ iin~n e ningám'ba' e Dsea` Jmáam~bing' líng' dsea` mogui' quiá'~ lajaléng' dseañu', jogui dseañu'bing' líng' dsea` mogui' quiá'~ dseamí, jogui Fidiéeb` dsea` líiñ' dsea` mogui' quiá'~ Dsea` Jmáang~. 4 Jogui song jaang` dseañu' ja` guir' loguir~ lajee` e féñ' Fidié~ osi mi~ fé'r` júu` quiá'~

dsea` do é, joba' ja` jmi'gór` dsea` mogui~ quiá'r- jóng. ⁵ Jogui song jaang` dseamf ja` quidsir' 'mi' fí moguir~ mi` féiñ' Fidiée` osi mi` fé'r' júu^ quiá'- dsea` do é, joba' ja` jmi'gór` i` dsea` mogui~ quiá'r- do. Jo song jmóor` lajo, joba' fi'ib' quiá'r-, co' lí' e lafa' cahuí' cuo' moguir~. ⁶ Dsaco' song jaang` dseamf ja` quidsir' 'mi' fí moguir~, joba' guiá-gui quiá'r- e nijmicuó`bre moguir~ conguaí. Jogui song i` dseamf í í' lím-bre e nihuí' jñuguir~ osi e nilicuo' moguir~ é, joba' guiá-gui quiá'r- e güijlí`bre cóo' coo' 'mi' lajee` e jmiféiñ' Fidiée`. ⁷ Jo jaléng' dseañu' ja` né- iu~ loguir~ lajee` e féiñ' Fidiée`, dsaco' la'eáang' dseañu'ba' jmili~ Fidiée` jial líiñ, jogui jmijnéeiñ` cajo jial tíí niing- 'gøiñ'. Jo dsu' jaléng' dseamf jmilir~ jial tíí niing-gui dseañu'. ⁸ Co' ja` cajmeáang` Fidiée` la'uii~ dseañu' la'eáang' cóo' dseamf, co' la'eáang' cóo' dseañu'ba' e cajmeáaiñ` la'uii~ dseamf. ⁹ Jo o' uii~ dseamf e ca'uúing- dseañu', co' uii~ dseañu'ba' e ca'uúing- dseamf. ¹⁰ Jo uii~ e lajob líí, jogui uii~ jaléng' ángeles quiá'- Fidiée`, joba' jaléng' dseamf 'né-ba' e quier' 'mi' dsí fí moguir~ e laco' cuø lí e jmi'gór` dsea` mogui~ quiá'r-. ¹¹ Jo dsu' jee~ jaléng' dsea` quiá'- Dsea` Jmáang- 'neám- rúng' dseañu' cóo'gui dseamf, co' ja` ee` quí'r~ jmi~ jmér^ la` tiiñ` yaaiñ. ¹² Jo nañí fa' e jáb'- e la'eáang' dseañu'ba' e ca'uúing- dseamf lamí uiing~, jo dsu' e jáb'- cajo e la'eáang' dseamfba' e liseeng` dseañu'. Jo lajaléb' e jo Fidiée`bing' i` caguia' uing~ e líí lajo.

¹³ Jogui 'nú', ¿jial fó'na'? ¿Su guiá- osi ja` dseeng` é e ja` dsí 'mi' fí mogui~ jaléng' dseamf mi~ jmiféiñ' Fidiée'? ¹⁴ Jo yee~baa' cuøøng` lí í' dsi'naa' e fi'ib' lí' e jaang` dseañu' séer' guir~ e licuee. ¹⁵ Jogui dsu' quiá'- jaang` dseamf coo' e jlob'^ lí' e séer' guir~ e licuee, dsaco' cangíiñ` quiá'- Fidiée` e cuee` guir~ e laco' jmáiñ` ta~ e jo e lafa' jí' 'mi' fí moguir~. ¹⁶ Jo song seeng` dsea` i` iing~ nidsisí~ júu^ cuaiñ` quiá'- e júu^ la, joba' 'né- ñi`bre e o' jíi~ jneaa`aa' o'gui dsea` quiá'- Dsea` Jmáang- caguiaang- gui quí'- tñ'naa' e jmoo`naa' coo' 'lé'gui e jíé' e ja` røø lí' cóo' e júu^ la.

Laco' si'í' 'né- jmó'naa' mi~ quiee'naa' i'naa' coling~

¹⁷ Jogui lana, dsea` rú'naa', e júu^ e nifíi` 'nú' la ofa' e nifá'^a guiá- uii~ quí-na'. Co' lí' e lí' lí' 'léeb' quí-na' mi~ seáang~ rúng'na' e jmiféng'na' Fidiée` e lafa' e nijmé- e guiá- quí-na'. ¹⁸ Jo la'uii~ nifíi` 'nú' e nicasí'- dsea` jnea~ e ja` røø` siing~na' mi~ seáang~ rúng'na' e jmiféng'na' Fidiée`. Jo seab` mi` jáb'- líng` jnea~ e júu^ jo. ¹⁹ ¿Co' 'nú' í' óo'na' e dseáng'- 'né- e sitáang'na' tá'- coo' 'lé', jo lajoba' niliñí' dsea` i~ dseáng'- lajang'^ líng' dsea` quiá'- Dsea` Jmáang-! ²⁰ Jo uii~ e lajoba` jmoo'na', joba' mi~ seáang~ rúng'na' e có'na' coling~, ja` jmoo'na' fa' dseáng'- e jmiguiéng' áa'na' Fí'naa' Dsea` Jmáang-. ²¹ Dsaco' mi~ nití- í' e nicø'^ 'nú' í'na', joba' seem` 'nú' e güijéem'ba' e có'na' í'na'. Jo uii~ e jmoo'na' lajo, joba' i` líng` 'nú' jo` tñng'na' có'na' jíi~ capí'^, jogui lajee` jo i` líng` 'nú' jí'gui cartí' dsea` íim'ba'. ²² Jo dsu' 'nú', niseab` 'nú'na' lí~ cuøøng` u'^ có'na', joba' ¿jialí' jmoo'na' ja` jíi'na' jaléng' dsea` quiá'- Dsea` Jmáang-, jogui jialí' cuø'na' fi'í' jaléng' i` dsea` i` ja` sea` jíi~ capí'^ quiá'-? Jo uii~ e lajoba` jmoo' 'nú', joba' jíi~ ja` ñii- ee` nifá'^a uii~ quí-na'. ¿Co' dseáng'- ja` iáang` dsii- cóo' jalé' e jmoo'na' do!

Mi~ gø' dsea` quiá'- Dsea` Jmáang- coling~ e laco' jmiguiéng' dsír' dsea` do (Mt. 26:26-29; Mr. 14:22-25; Lc. 22:14-20)

²³ Jo lab nifíi`túu` 'nú' e júu^ e ca'íng' jnea~ quiá'- Fí'naa' Dsea` Jmáang- lí'^ lajii~ e nica'ée- e 'nú' lamí jéeng'gui e fé' lala: 'Ñia' ie~ uøø` e cajáng' dsea` Fí'naa' Dsea` Jmáang-, dsea` do catíiñ- iñí'^ ²⁴ jogui cacuø'r' gui'máang' Fidiée`. Jo mi~ cangí jo, caffíñ jo cajíñ- casí'r- dsea` quiá'r- lala: "Jó' o e iñí'^ la jo quié'na'. Dsaco' e lab ngúu' táan`n e nijáa'~a mi~ nijúun`n uii~ dsee-

quí-na'. Jo jmee-ba' laco' jíi~ e jmóo'o jmi~ na e laco' nijmigiéng' óo'na' jnea~." 25 Jo mi~ cangi e cagó'r e íí canuu do, jo catíiñ- coo` cóo^ e a~ jmi'^ mi'^ huíng' jói^ jo cajíiñ-: "E a~ dsíi' e cóo^ la guóng' júu^ tigua~ e 'míi- e nijmé- Fidié~ cóo~ 'nú' la'eáang' cóo~ jmi'øøñ- e nitú mi~ nitán-n fí dse" crúu^ . Joba' lacoo` ya' mi~ ni'u'^na' e jmi'^ e la a~ dsíi' e cóo^ la, jmee-ba' lajo e laco' nijmigiéng' óo'na' jnea~." 26 Jo lajob líi', co' lacoo` ya' mi~ có'na' iñi'^ quíá'- Dsea` Jmáang- jogui mi~ ú'na' e a~ dsíi' cóo^ quíá'r- do, joba' jmigiéng' óo'na' e cajúíiñ- fí dse" crúu^ . Jo lajob 'né- jméena' cartí mi~ nití- í" e nijáa'tur fí jmi'gúu' la calé" catú- .

Jial 'né- dó'- dsea` e jmigiéng' dsír' Dsea` Jmáang-

27 Jo co' lajob líi', joba' doñi' ií dsea` i ja` jmoo` laco' catíng- e jmi'gór' Dsea` Jmáang- mi~ gó'r' iñi'^ quíá'- dsea` do jogui mi~ í'r' e a~ dsíi' cóo^ quíá'iñ- , joba' dseeb- éer` cóo~ ngúu' táang` dsea` do jogui cóo~ jmi'øøiñ- . 28 Joba' lajaang` lajaam` dsea` 'né- í- dsír' jial líiñ' nú'-gui e nidó'r- e iñi'^ do jogui nú'-gui e ni'í'r' e jmi'^ e a~ dsíi' e cóo^ do. 29 Dsaco' song gó'r' jogui í'r' e jo e ja` í dsír' e` guóng' e calí- cóo~ ngúu' táang` Dsea` Jmáang- , joba' lico' 'nóor' e nicuó'- Fidié~ ír' iihuí. 30 Jo uíi~ e lajob jmoo' 'nú', joba' fíim' 'nú' lana dsée~na' osi ua~ íí áa'na' osi nicajúm-bi' é. 31 Jo faco' jang'- í- dsí'naa' røø` jial líi'naa' nú'-gui e niquíee'naa', joba' ja` ee` uíng~ sea` e nicuó'- Fidié~ jneaa'aa' iihuí. 32 Jo nañi' fa' cuó'- Fidié~ jneaa'aa' iihuí, dsu' jmóor` lajo e laco' ni'é'r- jneaa'aa' jial 'né- see-naa' fí quinir~, jo lajoba' ja` ni'níiñ- jneaa'aa' ie~ jo colíng~ cóo~ jaléng' dsea` i ja` cúing' ír' .

33 Jo co' lajob líi', dsea` rún'n, joba' mi~ seáang'- rúng'na' e quíá'- e nicó'^na', 'né- jøøm- rúng'na' e laco' nicó'^na' colíng~ lajaléng'na'. 34 Jogui song i líng~ 'nú' eáang' jmi'aang-na', joba' guiá-gui quíi-na' e jang'- nicó'^ba' fí quíi-na', jo lajoba' ja` nicuó'- Fidié~ 'nú' iihuí uíi~ e ja` røø` jmoo'na' mi~ seáang'- rúng'na' quíá'- e nicó'^na'. Jogui jalé' e júu^ e jíé' e cajmingíi~gui 'nú' jnea` do, mi~ niguié'túu fí na e ni'é'e 'nú', joguiba' moo`duu e~ nilí.

12

Jalé' e ngíng' dsea` e cuø` Jmiguí' quíá'- Fidié~

1 Dsea` rú'naa' dsea` quíá'- Dsea` Jmáang- , e laba' iin~n e ñi' 'nú' guiá- cuaiñ~ quíá'- jalé' e ngíng' dsea` e cuø` Jmiguí' quíá'- Fidié~ .

2 Jogui 'nú' ñi'ba' guiá- e ie~ lamí- ja` mí líng'na' dsea` quíá'- Dsea` Jmáang- , joba' cuøb' fí yaang-na' e jmi'goo'na' jaléng' dié~ i ja` fé'. 3 Jo co' lajob lamí- líng' 'nú', joba' lana iin~n e ñi'na' e jíi~ jaang` dsea` i fé' la'eáang' cóo~ Jmiguí' quíá'- Fidié~ cuøøng` lí fé'r' jalé' júu^ 'lí' uii~ quíá'- Jesús. Jogui lajobi cajo, jíi~ jaang` dsea` cuøøng` lí fé'r' e Jesús líng' Fíir~ fíng song i dsea` í ja` fé'r' la'eáang' cóo~ e bí e 'gøng' quíá'- Jmiguí' quíá'- Fidié~ .

4 Jogui e laba' fíi-guá 'nú', e jmiguiab' íng'~ sea` e cuøøng` lí íng' dsea` e tiiñ, dsu' lífa' jíi~ Jmiguí' quíá'- Fidié~ba' e cuø` jalé' e jo. 5 Jogui jmiguiab' íng'~ ta~ sea` e cuøøng` lí jmé- dsea', dsu' lífa' jíi~ Fíi'naa' Dsea` Jmáam-biñ' i cuø` jalé' e jo. 6 Jogui cajo jmiguiab' íng'~ sea` e tíng` dsea` jmóor~, dsu' lífa' dseáng'- lajíi~ 'ña' Fidié~bing' i jmóo` lajalé' e jo quíá'- lajaléng' dsea'. 7 Jo cuøb' Fidié~ lajaang` lajaang` dsea` líng~ ee~ tiiñ e laco' cuø` lí e seeng` Jmiguí' quíá'- Fidié~ cóo'r~, jo lajoba' ni'uíng- guiá- quíá'- lajaléng' dsea` quíá'- Dsea` Jmáang- . 8 Jo la'eáang' cóo~ Jmiguí' quíá'- Fidié~ i líng~ dsea` ngíiñ e tiiñ` ngáiñ' cóo~ jalé' e fé'r'; jogui i líng~gui cajo, la'eáang' cóo~ e Jmiguí' doba' e ngíiñ e eáang' tiiñ` júu^ quíá'- Fidié~ . 9 Jo i líng~ dsea` ngíiñ e la'eáang' cóo~ e Jmiguí' do e já- líiñ e quíi~ Fidié~ jmi~ jmér- doñi' ee'; jogui

ĩ lĩng~ dsea` ngũĩĩn` cajo la'eáang' cóo~ e Jmiguĩ do e jmi'leáaiĩn` jaléng' dsea` dsée~; ¹⁰ jogui ĩ lĩng~gui dsea` ngũĩĩn` e tũĩĩn` e quĩr~ jmĩĩ~ jmér~ jalé' e dsigá` dsí' dsea`; jogui ĩ lĩng~gui dsea` ngũĩĩn` e tũĩĩn` guiar' júu^ e ín' quíá' Fidiéẽ; jogui ĩ lĩng~gui dsea` ngũĩĩn` quíá' Fidiéẽ e ñĩr' su fé' ĩ lĩng~ dsea` la'eáang' cóo~ Jmiguĩ quíá' Fidiéẽ osi la'eáang' cóo~ jmiguĩ quíá' ĩ 'lim'^ é; jogui ĩ lĩng~gui dsea` ngũĩĩn` e tũĩĩn` fé'r' jmí' e ja' ñĩr' jéeng'gui; jogui ĩ lĩng~gui dsea` cajo ngũĩĩn` e jmóor' júu^ e guóng' e júu^ e nicajíng' ĩ dsea` ĩ nicafé' e jmí' do. ¹¹ Jo júi~ Jmiguĩ quíá' Fidiéẽ ba' e jmóo' lajalé' e na, jogui e Jmiguĩ job cajo e cuø' lajaang' lajaang' dsea` lí'^ jialco' í dsí' e guiá'gui.

Lajalém' dsea` quíá' Dsea` Jmáang` lĩĩn' lafa' jaam` dsea`

¹² Jo nañí' fa' jmiguiub' guotĩĩ~ dsea` sea, jo dsu' jaam` dsea` lĩĩn' cóo~ jalé' e jo. Jogui lajob lĩng' Dsea` Jmáang~ cajo. ¹³ Jo co' lajob lĩĩ, joba' lajalém' jneaa'aa' cajgáang~naa' jmĩĩ la'eáang' cóo~ júi~ Jmiguĩ quíá' Fidiéẽ e laco' ni'uíng~naa' lafa' jaam` dsea`, nañí' si lí'naa' dsea` Israel osi ja' lí'naa' lajo, osi lí'naa' dsea` si'nũĩng' ĩ jmóo' ta~ osi ja' lí'naa' lajo é, jo dsu' lajalém'baa' cangũng~naa' e Jmiguĩ quíá' Fidiéẽ do.

¹⁴ Jo dsu' lajaang' lajaang' jneaa'aa' jmiguiub' guotĩĩ~naa' sea, lífa' jaam` dsea` lí'naa'. ¹⁵ Jogui song tĩĩ~ dsea` nijíng'~ lala: "Dsucø' ja' lĩn'n guoo, joba' ja' lĩn'n 'nán'~n quíá'~ guotĩĩ~." Jo dsu' o' uíi~ e ja' lĩng' lajo fa' nijé~ e jo' lí' 'náang'~ guotĩĩ~ dsea'. ¹⁶ Jogui song logua~ dsea` nijíng'~ lala: "Dsucø' ja' lĩn'n jminĩ, joba' ja' lĩn'n 'náang'~ quíá'~ guotĩĩ~." Jo dsu' o' uíi~ e ja' lí' lajo fa' e nijé~ e jo' lí' 'náang'~ quíá'~ guotĩĩ~ dsea'. ¹⁷ Jogui fa' júi~ jminib' dsea` sea, joba' jzjal cuóøng' lí' e ninúr~? Jogui fa' dseáng'~ júi~ loguab~ dsea` sea, joba' jzjal cuóøng' e nicár~ jmea'? ¹⁸ Jo dsu' Fidiéẽ nicajméer' lacoø' guotĩĩ~ dsea` jogui nicaséer' e jo lacoø' ée^ quíá'~ jie~ lí' ñĩr' e guiá'gui nili'líng' ta~ quíá'~ dsea'. ¹⁹ Jo faco' ca'ím'~ guotĩĩ~ dsea` sea, joba' ja' seeĩn' jóng. ²⁰ Jo dseáng'~ e jáb'~ e jmiguiub' guotĩĩ~ dsea` sea, jo dsu' jaam` dsea` lĩĩn' cóo~ lajalé' e jo.

²¹ Jo co' lajob lĩĩ, joba' jminĩ~ dsea` ja' cuóøng' e nijíng'~ e nisi' guoo: "Ja' 'neán~n 'nũ", o'gui mogui~ fa' e nijíng'~ e nisi' tĩĩ: "Ja' 'neán~n 'nũ". ²² Co' dseáng'~ o' lajo, co' jalé' guotĩĩ~ dsea` e í dsíir' e ja'gui niing~, e joba' e eáang'gui 'né~. ²³ Jogui jalé' guotĩĩ~ dsea` e ja' 'ga' lí' jíi'r~, e joba' e eáang'gui quí'r' røø. Jogui jalé' e guotĩĩ~ dsea` e í dsíir' e eáang'gui ga' jnéeng~, e joba' e eáang'gui tĩng' jmáĩn' guiá', ²⁴ jo dsu' ja' ngĩĩ lí' né~ jmé~ dsea` lajo cóo~ e guotĩĩ~ e guiá'gui jnéeng~. Jo dsu' Fidiéẽ cajméer' e laco' e guotĩĩ~ dsea` e eáang'gui ja' jíi'r~, e joba' e eáang'gui nijmeáĩn' guiá'. ²⁵ Jo lajob 'né~ lí' e laco' ja' si'naang' quíá'~ rúng' jalé' guotĩĩ~ dsea`, co' lí'^ lí' né~ e lacoøb' guotĩĩ~ dsea' 'né~ jmé~ í' quíá'~ rúng'. ²⁶ Jo song e lĩng~ guotĩĩ~ dsea` íng' l' iihuí, joba' lajaléb' e caguiee~gui do íng' cajo; jogui song e lĩng~ guotĩĩ~ dsea` eáang'gui jmáng' dsea` guiá', joba' lajaléb' e caguiee~gui do lí'íáam` dsí' cajo.

²⁷ Jogui lana fá'~a e lajalém' 'nú' lĩng'na' lafa' jaam` dsea` cóo~ Dsea` Jmáang~, jogui lajaang' lajaam'ba' lĩng'na' lafa' jmacó' guotĩĩ~ dsea` do. ²⁸ Jo Fidiéẽ nicali'ĩĩn` e jee~ jaléng' dsea` quíá'r~ seeng' la'uii' dsea` apoo^ ĩ síng' Dsea` Jmáang~ ĩ nijmé~ ta~ ni' júu^ quíá'r~; jogui lí' catí' tú~ ĩ dsea` ĩ fé' cuaiĩn' quíá' Fidiéẽ; jogui lí' catí' 'ní' jaléng' dsea` ĩ tĩng' e júu^ quíá' Fidiéẽ; jogui ngí' jo jaléng' ĩ dsea` ĩ quĩĩ~ jmĩĩ~ jmóo' jalé' e dsigá' dsí' dsea'; jogui jaléng' ĩ dsea` ĩ jmi'leáang~ jaléng' dsea` dsée~; jogui jaléng' ĩ dsea` ĩ jmicóo~ jaléng' dsea` rúng' cóo~ jalé' e 'néĩn'~; jogui jaléng' ĩ dsea` ĩ quie' nifi' quíá'~ jaléng' dsea` quíá' Dsea` Jmáang~; jogui jaléng' ĩ dsea` ĩ fé' jmí' e ja' ñĩr' jéeng'gui. ²⁹ Jo dsu' ja' lajaléng' dsea` lĩĩn' dsea` ĩ síng' Dsea` Jmáang~ ĩ nijmé~ ta~ ni' júu^ quíá'r~, o'gui lajaléng' dsea` jmóor' ta~ fé' cuaiĩn' quíá' Fidiéẽ, o'gui lajaléng'

dsea` t̃iĩn` er` júu` quiá^- Fidiée` , o'gui lajaléng` dsea` quí`r` jmĩ e jmóor` jalé` e dsigá` dsí` dsea` ,³⁰ o'gui lajaléng` dsea` quí`r` jmĩ e jmi`leáaiñ` jaléng` dsea` dsée` , o'gui lajaléng` dsea` lí`r` fé`r` jmí` e ja` ñir` jéeng`gui, o'gui lajaléng` dsea` fa` quí`r` jmĩ e nigui`r` e` guóng` e jmí` do. ³¹ Jo dsu` 'nú` 'né` e jmi`úung`na` e niñíng`na` e lali` e jlo`gui e cuø` Jmiguí` quiá`^ Fidiée` .

Jogui lana ni`ée` e 'nú` coo` fí` dseáng` e jlo`gui eáang` .

13

Jial lí` mi` 'neáang` dsea` rúíñ`

¹ Jogui song jnea` cangín`n` quiá^- Fidiée` e fá`a jalé` jmí` e fé` dsea` jmigüi` e ja` mí` cuí`i` jéeng`gui, jogui jì`gui fá`a e jmí` e fé` jaléng` ángeles quiá^- Fidiée` , jo dsu` ja` jmi`neáan`n` jaléng` dsea` rún`n, joba` lín`n` jóng` lafa` mí` iì` ñí`^ osi` mí` iì` ñí` chii` e ta` mí` eáang` mí` iì` bá` . ² Jogui song jnea` ngín`n` quiá^- Fidiée` e fá`a júu` e iin`n` quiá`r` , jogui ñii` jalé` e í` dsír` e nijmér` cøong`gui, jogui eáang` t̃in` ngán`n, jogui dseáng` e lajam`-ba` já` lín`n` júu` quiá`r` co` quí`baa jmĩ jmee` e nilisíng` eé`^ quiá^- jalé` mó` , jo dsu` ja`gui 'neáan`n` jaléng` dsea` rún`n, joba` ja` ee` quíng` quié` e jii` coo` jalé` e jo. ³ Jogui song jnea` jmóo`baa jmá`-jiu` jee` jaléng` dsea` tiñíng` lajii` e sea` quié`-e, jogui song la quie`gui tí` 'ñiá`baa nijáang` 'ñiá`a fí` ni` jì` , jo dsu` ja`gui 'neáan`n` jaléng` dsea` rún`n, joba` e jo ja` ee` ta` íng` quié` e jii` coo` .

⁴ Jo mí` jmi`neáang` dsea` dsea` rúíñ` e jo lí` e jmóo`bre féng` dsír` , jogui e eáam` guiá` dsír` , jogui ja` jmóor` dsihuñ` , jogui ja` jmi`lõng`^ 'ñia`r` , jogui ja` jmiráang` 'ñia`r` , ⁵ jogui ja` jmóor` soo` dsír` , jogui o` jii` uii` quiá`r` 'ñia`r` í` dsír` , jogui ja` 'ní` dsír` o'gui iu` dsír` fíng` song ee`go cajmeáng` dsea` ír` , ⁶ jogui ja` jmi`iáang` dsír` coo` jalé` e ga` e jmóo` dsea` , jo dsu` jmi`iáam` dsír` mí` jmóo` dsea` e guiá` . ⁷ Dsuo` mí` 'neáang` dsea` rúíñ` , e jo lí` e ja` ni`r` júu` mí` iì` dsea` rúíñ` jmóo` ga` , jogui ta` dsír` coo` dsea` rúíñ` , jogui jmang` e guiáb` sijeeiñ` quiáíñ` do, jogui jmóo`bre té`r` mí` jmáng` dsea` ga` ír` .

⁸ Jo dsu` e 'neáang` dsea` rúíñ` ja` tóo` jmĩ fa` e ni`íng` . Jo dsu` tóob` jmĩ e nité` e júu` e fé` dsea` e iñ` quiá^- Fidiée` , jogui lajob` cajo e t̃ing` fé` dsea` jmí` e ja` ñir` jéeng`gui, jogui cajo jo` nili`né`-gui jalé` e t̃ing` ngáng` dsea` . ⁹ Dsuo` jalé` e t̃ing` ngáng` dsea` jogui jalé` júu` e fé` dsea` e iñ` quiá^- Fidiée` ja` ié` jalé` e jo. ¹⁰ Dsu` mí` nití` í` e nijmi`ié` Fidiée` lajalé` , joba` niguiáb` lajalé` e ja` calié` do.

¹¹ Co` jnea` ie` lamí` jiuun`n` do, la fé` jaang` jiuun` fá`a, jogui í` dsii` la í` dsí` jaang` jiuung` jogui lajob` jmóo` cajo. Jo dsu` mí` cacuan`n, cab` casee` e lajalé` e jo e jmóo` jaang` jiuung` . ¹² Jo dsu` lanagui ja` ne`naa` røø` jial lí` lajalé` , co` lí` lafa` mí` jøøng` yee`naa` fí` ni` espejo e ja` 'goo` jnéeng` . Jo dsu` niguiéeb` jmĩ mí` niline`naa` jial dseáng` lí` lajalé` . Co` lana jalé` e t̃in` ngán`n ja` mí` ñii` dseáng` la`ié` jial lí` , jo dsu` niguiéeb` jmĩ mí` niliñii` jial dseáng` lí` lajalé` lí` laco` la cuíng` Fidiée` jnea` .

¹³ Jogui dsu` 'ní` íng` jii` sea` e ja` tóo` jmĩ fa` ni`íng` , jo e lab e jo: e já` lí`naa` júu` quiá^- Dsea` Jmáang` , jogui e nita` dsí`naa` coo`r` , jogui e jmi`neáang`naa` rú`naa` . Jo dsu` e jmi`neáang`naa` rú`naa` do, e job` e niing`gui eáang` lajee` lajì` e 'ní` na.

14

Jial mí` ngáng` dsea` e fé`r` jmí` e ja` ñir` jéeng`gui

¹ Joba` fii`-guí` 'nú` , dsea` rú`naa` , jmi`úung`na` e nijmi`neáang`na` rúng`na` , jogui jmee`na` quijí` e niñíng`na` jalé` e cuø` Jmiguí` quiá^- Fidiée` e t̃ing` dsea` , dsu` lifa` dseáng` la guíng`gui eáang` e niñíng`na` e t̃ing`na` fó`na` júu` e

íing'na' quíá' Fidiéé. ² Dsaco' i dsea` i cangúing` e fé'r` jmíí' e ja` ñir' jéeng'gui, Fidiéé`bing' i féiñ' jo o' dsea` jmigüí, co' jii' jaang` dsea` jiéeng' ngáng' e jmíí' do. Jo i dsea` do fé'r` e jmíí' do la'eáang' cóo' Jmiguí' quíá' Fidiéé, jo jalé' e fé'r` do ja` mí' cajmijnéeng` Fidiéé` lami` jéeng'gui. ³ Jo dsu' i dsea` i cangúing` e tiiñ` fé'r` jalé' e júu` e íñ' quíá' Fidiéé` jmóor` lajo e laco' jmicóo'r` e teá'gui nisíng' dsea` cóo' júu` quíá' Dsea` Jmáang-, jogui e laco' nicuó'`reiñ' bí, jogui cajo e laco' nijmití'r` dsíiñ'. ⁴ Jogui i dsea` i fé' jmíí' e ja` ñir' jéeng'gui, jii' quíá'r` 'ñia`bre jmicóo' jalé' e jo e laco' teá'gui nisíñ' cóo' júu` quíá' Dsea` Jmáang-. Jo dsu' i dsea` i cangúing` e tiiñ` fé'r` jalé' júu` e íñ' quíá' Fidiéé, jmóor` lajo e laco' jmicóo'r` e teá'gui nisíng' i dsea` rúíñ' caguiaang`gui cóo' júu` quíá' Dsea` Jmáang-.

⁵ Jo eám' iing` jnea` e lajim` 'nú' tting`na' fó'na' jmíí' e ja` cuí'na' jéeng'gui, dsu' lifa' eáang'gui iing` jnea` e tting`na' fó'na' jalé' júu` e íng'na' quíá' Fidiéé, co' e joba' eáang'gui niing` laco'gui e fó'na' jmíí' e ja` ñí'na' jéeng'gui. Jo dsu' song seem`bi dsea` i nijmé` júu` e` guóng' e fó'na', jo lajoba' teá'gui nisíng'na' cóo' júu` quíá' Dsea` Jmáang-. ⁶ Jo uíi' e lajob líí, dsea` rú'naa' dsea` quíá' Dsea` Jmáang-, joba' ja` ee` ta` nili'íng` quíi'na' jii' cóo' e jnea` ngóo'ó ni'ee` e 'nú' jo nifón`n 'nú' cóo' jmíí' e ja` ngáng'na'. Jo dsu' eám' nili'íng` ta` quíi'na' song nifí` i 'nú' lajii' e nicajmijnéeng` Fidiéé` lafa' mí` quíi-, osi e ni'ée` e 'nú' jalé' e tñn` ngán'n, osi e nifí` i 'nú' jalé' e júu` e íñ'n quíá'r-, osi líing` ee` ni'ée` e 'nú' é.

⁷ Jo lajob líí cajo cóo' lí' doñí' ee` lúu' e bó' dsea` osi e jiáur` é, co' song ja` røø` bó'r` osi jiáur` laco` laco`, joba' ja` quí' jmíi` e nilicuí' dsea` e` e bó'r` do. ⁸ Jogui fa' cóo' jee` 'nii', co' song ja` røø` nijjiiu` dsea` lúu' trompé' e laco' nicuó' lí' e nináng` e 'nii' do, joba' jii' jaang` dsea` nililí'r` e ni'né` guiéng` guíá` yaaiñ` e quíá' nináng` e 'nii' do. ⁹ Jo lajob líí cóo' 'nú' cajo, co' song ja` fó'na' júu` e laco' ningáng` dsea` rúng'na', joba' ¿jal`ningáñ' lajii' e fó'na' do? ¿Co' mí' jmoo`na' lajo, joba' lafa' fó'na' fí' guíá' güí! ¹⁰ Jo dseáng' e jáb' e jmiguiub' jmíí' fé' dsea` la'úng` fí' jmigüí, lifa' laco` jmíí' e fé' dsea` seab` líing` uing` quíá'. ¹¹ Jogui song jnea` ja` ñii` e` guóng' e júu` e sí' dsea` jnea`, joba' jnea` lñn`n lafa' jaang` dsea` i jáa' fí' lí' huíib` quíá' i dsea` i féng' jnea` do, co' ja` ngán'n jmíí' quíá'r-, jogui lajobi líing` jnea` quíá' i dsea` í' cajo, co' ja` ngáñ' jmíí' quíé` e. ¹² Jo co' 'nú' jmoo`na' quíj` e oo`na' jalé' e cuø` Jmiguí' quíá' Fidiéé, joba' jmi'úung`na' e niñíng`na' lalíng` jalé' e nili'íng` ta` quíá' e laco' teá'gui nisíng'na' cóo' júu` quíá' Dsea` Jmáang-.

¹³ Jo jaléng` dsea` i cangúing` e fé'r` jmíí' e ja` ñir' jéeng'gui, joba' 'né` mí'r` Fidiéé` e nijmicóo' dsea` do quíá'r` e laco' nisí'r` dsea` rúíñ' e` guóng' e júu` e fé'r` do. ¹⁴ Co' song jnea` fón`n Fidiéé` cóo' jmíí' e ja` ñii` jéeng'gui, jo dsu' jmoo`o lajo la'eáang' cóo' jmiguí' quíé`baa, lifa' jii' 'ñia`baa jaa` e ja` ee` ngán'n lajii' e fá`a do. ¹⁵ Jo co' lajob líí, joba' mí' fón`n Fidiéé, 'né` jméé` e lajo cóo' jmiguí' quíé`baa, jogui dsu' 'né` ngám'baa cajo lajii' e fá`a do. Jogui mí' øø` e jmifén`n Fidiéé, 'né` øø` cóo' jmiguí' quíé`baa, jogui dsu' 'né` ngám'baa lajii' e øø` do cajo. ¹⁶ Dsaco' song 'nu` jmifén' Fidiéé` cóo' lajii' jmiguí' quíi', jo dsu' lajee` jo ninú` jaang`gui dsea` i ja` mí' ngáng' e júu` e fó' do, joba' i dsea` í' ja` cuøøng` nisí'r` Fidiéé` e lajob nilí, dsaco' ja` ngáñ' lajii' e júu` e fó' do. ¹⁷ Jo jangám-, eám' jlo` e júu` gui'máang' e cuø' Fidiéé` do, jo dsu' song ja`gui ngáng' i dsea` i núu` do, joba' ja` e jmicóo' quíá'r` jii' cóo' fa' e nidsicuáng`gui quíá'r` cóo' júu` quíá' Dsea` Jmáang-. ¹⁸ Jo cuøø`ø` gui'máang' Fidiéé, dsaco' eáang'gui tñn` fá`a jmíí' e ja` ñii` jéeng'gui laco'gui lajaléng` 'nú'. ¹⁹ Jo dsu' lacaang` jee` lí' seáng' dsea` quíá' Dsea` Jmáang-,

eáang'gui iin~n fón'^nre cóo'~ tú~ 'ní mí'^ júu^ e laco' ngáin' e lafa' e nifón'^nre cóo'~ jmiguiá júu^ cóo'~ jmí' e dseáng' ja` ngáin'.

²⁰ Jo fíi~ guíi 'ná', dsea` rú'naa', e ja` í` áa'na' laco'gui í` dsí' jaang` jiuung~, co' 'né` líng'na' lafa' jaang` jiuung` cóo'~ lajalé' e ja` dseeng`, jo dsu' la í` dsí' jaang` dsea` féng' 'né` í` áa'na'. ²¹ Jo lalab fé' Fidiéé' fí' ní` jì` quiá'r~: "Nifón'^n jaléng' dsea` Israel cóo'~ jmí' e ja` ngáin' jogui nisín'^n dsea` i ja` líng' dsea` Israel e laco' niguiar' júu^ quié' e jee` jaléng' ír', jo dsu' ja` já'~ nilíim'bir jnea`." Jo lanab júi'~ fé' Fíi'naa' Fidiéé' fí' ní` jì` quiá'r~.

²² Jo co' lajob líi', joba' mi~ fé' dsea` jmí' e ja` ñir' jéeng'gui, e jo cuø' coo' lí' quiá'~ jaléng' dsea` i ja` líng' dsea` quiá'~ Dsea` Jmáang~ jo o' quiá'~ jaléng' i líng' dsea` quiá'~ Dsea` Jmáang~. Jo dsu' mi~ fé' dsea` jalé' júu^ e íñ' quiá'~ Fidiéé', e jo cuø' coo' lí' quiá'~ jaléng' dsea` quiá'~ Dsea` Jmáang~ jo o' quiá'~ i dsea` i ja` líng' lajo. ²³ Dsuo' faco' lajee' e siseáng' jaléng' 'ná', dsea` quiá'~ Dsea` Jmáang~, e jmiféng'na' Fidiéé', jo teáng'na' fó'na' jmí' e ja` ñí'na' jéeng'gui, jo lajee' jo ní'í' fí' jo jaang` dsea` i ja` mí' ñí' e~ gui e fó'na' do, osi jaang` i ja` mí' já'~ líng' júu^ quiá'~ Dsea` Jmáang~ é, joba' i dsea` í` ní'í' dsír' e ja` røø' lí'ba'. ²⁴ Jogui song lajiiim' 'ná' fó'na' jalé' júu^ e nica'íng'na' quiá'~ Fidiéé' jo lajee' jo ní'í' jaang` dsea` i ja` mí' já'~ líng' júu^ quiá'~ Dsea` Jmáang~ osi jaang` i ja` mí' ñí' e~ gui e fó'na' do, jo dsu' mi~ ninú'~ i dsea` do e júu^ jo, joba' dsifí' lajob ní'í' dsír' e røøm'bre dsee~, jogui ñia'bre ní'í' dsír' jial líiñ' mi~ ninúr~ lajii'~ e fó'na' do. ²⁵ Jo mi~ ninúr~ jalé' e júu^ do, joguiba' nililí'r^ guiá'~ jial dseáng'~ líiñ', jo job mi~ nisí'r' uø' jnir~ e nijmiféñ' Fidiéé', jo joguiba' nijá'~ líiñ' e dseáng'~ lajam'ba' seeng' Fidiéé' jee~ lajaléng' 'ná'.

Jmee'na' røø' lajii'~ e catíng'na'

²⁶ Jo co' lajob líi', dsea` rú'naa' dsea` quiá'~ Dsea` Jmáang~, joba' fíi' i 'ná' e júu^ la, e mi~ seáng'na' e jmiféng'na' Fidiéé', i líng' 'ná' cuøøng' lí' ø'na' e jmiféng'na' Fidiéé', jogui i líng' 'ná' cuøøng' lí' é'na' dsea` júu^ quiá'~ dsea` do, jogui i líng' 'ná' cuøøng' lí' fo'na' jalé' e nica'e' Fidiéé' lafa' mi~ qui'na', jogui i líng' 'ná' cuøøng' lí' fo'na' jmí' e ja` ñí'na' jéeng'gui, jogui i líng' gui 'ná' cuøøng' lí' fo'na' e~ guøng' e jmí' do. Jo dsu' lajalé' e jo 'né'~ jmee'na' e laco' nidsicuáng'gui quií'na' cóo'~ júu^ quiá'~ Dsea` Jmáang~. ²⁷ Jo mi~ fé' dsea` jmí' e ja` ñir' jéeng'gui, cuøøm' lí' fé' gáng~ dsea` osi gaang` dsea` e jmí' do, jo dsu' lífa' 'né' e tá'~ jám' nijmé' lajo; jogui cajo i líng' 'ná' 'né'~ jmee'ba' júu^ e~ guøng' e jmí' do. ²⁸ Jo song ja` seeng` dsea` i nijmé' júu^ e~ guøng' e jmí' do, joba' guiá'~ gui quií'na' e ja` nifo'ba' e jmí' e ja` ñí'na' jéeng'gui do fí' lí' seáng' rúng'na', jo lí' féeng'na' Fidiéé' la tíng'na' yaang'na' e ja` núu' dsea` jiéng'.

²⁹ Jo lajob cajo, song seeng` dsea` i fé' jalé' júu^ e íñ' quiá'~ Fidiéé', joba' güifé'bre gáin' osi gaaiñ' é, jogui jaléng' dsea` i núu' jalé' e júu^ jo, güi'í'b~ dsír' cuaiñ'~ quiá'~ e júu^ jo. ³⁰ Jogui song Fidiéé' líng' ee' ca'e'r' jaang'gui dsea` lafa' mi~ quiñ' lajee' e fé'bi i dsea` i ca'íng' e júu^ do, joba' guiá'~ gui e niquiúm'~ i dsea` i fé' e júu^ e ca'íñ' quiá'~ Fidiéé'. ³¹ Jo lajoba' lajaang` lajaang` i dsea` i fé' júu^ e íñ' quiá'~ Fidiéé' 'né'~ jém'bre e nitíiñ' cuaiñ'~ quiá'r~, jo lajoba' lajiiim' dsea` ninúr~ e júu^ jo e laco' niliñir' jogui e nicuø'~ gui bí' yaaiñ'. ³² Co' i dsea` i fé' jalé' júu^ e íñ' quiá'~ Fidiéé' 'né'~ quíi'bre jmí' e nijéiñ' cartí' nitíiñ' e nifé'r'. ³³ Jo lajob 'né', co' Fidiéé' dsea` cuø'r' e seeng` dsea` juguiá'~ júu^ røø', jo dsu' ja` iñ' e eáang' ta' dsea` mí'~ e júi'~ ja` ñí' dsea` jnang` i fé'.

Jo lí' laco' qui'~ tíng' dsea` quiá'~ Dsea` Jmáang~, ³⁴ e jaléng' dseam' ja` cuøøng' fé'r' fí' quini' dsea` mi~ tí' í' e seáng' dsea` e jmiféiñ' Fidiéé', dsuo' ja` catíng' fa' e nijmér' lajo. Co' 'né'~ jmí'gór' dseañu' quiá'~ lí' laco' fé' fí' ní' júu^ quiá' ta' quiá'~ Fidiéé'. ³⁵ Jogui song jaang` dseam' líng' ee' ja` cangáin',

joba' guiá-gui e nijmingí'r- dseañu' quiá'r- fí 'núu, dsuco' ja' catíng- e jaang' dseamí nifé'r- fí quini' dsea' lajee' e siseáng' dsea' quiá'- Dsea' Jmáang- e jmiféiñ' Fidiée'.

³⁶ Jogui téé' áa'na' e o' cóo'~ 'nú' canaang' uing~ júu^ quiá'- Dsea' Jmáang-, o'gui jíí'~ 'nú' cajo dsea' i nica'íng' e júu^ jo. ³⁷ Jogui song i líng~ 'nú' í áa'na' e cangíng'na' e tíng'na' fó'na' cuaiñ~ quiá'- Fidiée', osi í áa'na' e cangíng'na' e tíng'na' e jie'gui é e cuø' Jmiguí quiá'- Fidiée', joba' 'né- ta' óo'na' e jalé' e júu^ e jmo' jnea~ la lí' júu^ ta' huí' quiá'- Fí'naa' Dsea' Jmáang-. ³⁸ Jogui song i dsea' í ja' já'- líiñ' e lí' lajo, joba' ja' 'né- já'- líng'na' e líng' ee' cangíiñ' e cuø' Jmiguí quiá'- Fidiée'.

³⁹ Jo co' lajob lí', dsea' rú'naa' dsea' quiá'- Dsea' Jmáang-, joba' fíi' i 'nú' e jmi'úung'na' e niñíng'na' e nifo'na' jalé' júu^ e íng'na' quiá'- Fidiée', jogui cajo ja' jníng'na' quiá'- dsea' rúng'na' e nifé'r' jmií' e ja' ñir' jéeng'gui. ⁴⁰ Jo dsu' lajalé' e jo 'né- jmée'na' røø' lí' lacó' catíng-.

15

Jial mi~ cají'tu Dsea' Jmáang-

¹ Jo lanagui, dsea' rú'naa' dsea' quiá'- Dsea' Jmáang-, iin~n e nijmiguíéng' áa'na' cuaiñ~ quiá'- e júu^ e quiá'- jial laang' dsea' jee~ jalé' dsee- quiá'r- e nicaguiá'a jee~ 'nú'. Jo e júu^ job e nica'íng'~ 'nú', jogui cajo eáam' teáng-na' teá cóo'~. ² Jogui lajobi cajo, la'eáng' cóo'~ e júu^ job e nicaláang' 'nú' jee~ jalé' dsee- quií-na', jo lajob lí' song ja' níquing'tu' tucang'na' calé' catú-; dsuco' song cajmee'na' lajo, joba' ja' ee' ta' cali'íng' quií-na' jóng lají'~ e nijá'- calíng-na' do.

³ Jo nica'éé-baa 'nú' lajalé' júu^ e nica'íin'~n, jo e lab e júu^ jo e níng-gui: Dsea' Jmáam-bing' i cajúng- uí'~ jalé' dsee- quií-naa' lí' lacó' la fé' fí ni' jì quiá'- Fidiée'. ⁴ Jo mi~ cangí' e cajúin-, joba' ca'áiñ-, jo dsu' mi~ catí' 'ní' jmi~ lajo, cajíb'tur calé' catú- lí' lacó' la fé' fí ni' jì quiá'- Fidiée' cajo; ⁵ jo la'uii' cajmijnéeng' 'ñia'r' fí quini' Tú' Simón, jo mi~ cangí' jo, cajmijnéeng' 'ñia'r' fí quini' dsea' guitúung' quiá'r-. ⁶ Jo mi~ cangí'gui lajo, cajmijnéeng' 'ñia'r' fí quini' i lí'gui lí' lí' 'ñiá' ciento dsea' quiá'r-, jo i líng' i dsea' í nicajúm-bre, jo dsu' i fíim'bi seeng' lana. ⁷ Jo mi~ cangí' jo, cajmijnéeng'gui 'ñia'r' fí quini' Tiáa~, jo mi~ cangí' jo, cajmijnéeng' 'ñia'r' cajo fí quini' jaléng' i dsea' caguaang-gui i síiñ' cuaiñ~ quiá'r-.

⁸ Jo tí lí' dséng-gui cajmijnéeng' 'ñia'r' fí quinií-, jnea~ dsea' lín'n lafa' jaang' jiuung~ i caliséng' nú'-gui e catí' í' lajo. ⁹ Jo jnea~ lín'n jaang' dsea' i ja' níng- jíí'~ capí'~ jee~ lajaléng' i dsea' i síng' Dsea' Jmáang- cuaiñ~ quiá'r-, jo dseáng'- ja' catím-baa fa' e nilisii- lajo uí'~ e lamí~ jéeng'gui gab' cajmeáan'~n jaléng' dsea' quiá'- Dsea' Jmáang-. ¹⁰ Jo oo- e ta' oo- la dsu' uí'~ e eáng' guiúng- Fidiée' cóo'~ jnea~. Jo e guiúin- cóo'~ jnea~ do eáam' nicalí'íng' ta~, co' jnea~ eáng'gui nicacuø' dsii- cóo'~ e ta' e jmóo' la lí' lacó'gui i dsea' caguaang-gui do. Jo nañí' fa' o' jnea~ re dsea' nicajmé- e lajo, co' Fidiéeb' dsea' nicajmicóo'~ jnea~ uí'~ e eáng' guiúin- cóo'~ jnea~. ¹¹ Jo dsu' ja' e lingíi- su nicajmé- jnea~ e ta' jo osi nicajmé- jaléng' i dsea' í é, co' conrøøb' guia'naa' e júu^ jo, jogui e júu^ job cajo e já'- nicalíng-na' do.

Mi~ nijí'tu jaléng' 'lí'

¹² Jogui jnea'~ guía'naa' júu^ cuaiñ~ quiá'- e cají'tu Dsea' Jmáang- mi~ cangí' e cajúin-. Joba' j'jali' seeng' i líng' 'nú' i fé' e o' já'- e nijí'tu jaléng' 'lí'~? ¹³ Dsuco' facó' ja' jí'tu jaléng' 'lí'~, joba' o' já'- e cají'tu Dsea' Jmáang-. ¹⁴ Jo co' facó' ja' cají'tu Dsea' Jmáang-, joba' e júu^ e guía' jnea'^ jee' 'nú' ja' ee' quíng'

jíi' coo, jogui cajo ja' ee' quíng' jíi' coo' e ja' nicalíng-na' júu' quiá' dsea' do. ¹⁵ Jogui faco' e ja' ja' e jí'tu jaléng' 'líi', joba' jnea' lico' líi'naa' dsea' i jmigóob'. Co' guía'naa' júu' e Fidiéeb' dsea' cajmijí'tur Dsea' Jmáang-, jogui e o' ja' e cajmijí'tur faco' dseáng' ja' e jo' jí'tu jaléng' 'líi'. ¹⁶ Jogui faco' ja' jí'tu jaléng' 'líi', joba' ja' cají'tu Dsea' Jmáang- cajo. ¹⁷ Jogui faco' ja' cají'tu Dsea' Jmáang-, joba' ja' quíng' jíi' coo' quíi'na' e ja' líng'na' júu' quiá'r', jogui cajo quíim'bi' jee' jalé' dsee' quíi'na' lana. ¹⁸ Jogui faco' lajo líi', joba' jaléng' dsea' quiá' Dsea' Jmáang- i nicajúng- lami' jééng'gui, fí' lí' lib' nicangolíi' jóng. ¹⁹ Jogui song lico' íng' ta' quíi'naa' jíi' fí' jmi'gü' lab e líi'naa' dsea' quiá' Dsea' Jmáang-, joba' e ngí' fíi' b' jnea'aa' jee' jaléng' dsea'.

²⁰ Jo dsu' dseáng' e jáb' e cají'tu Dsea' Jmáang- mi' cangí' e cajúíi'. Co' í'bing' i cají'tu la'uii' jee' jaléng' dsea' quiá'r' i nijí'tu mi' nití' í' lajo. ²¹ Jo co' uíi' jaang' dseañu' e caliseá' 'mó' fí' jmi'gü' la, jogui lajobi cajo uíi' jaang'gui dseañu' e nijí'tu jaléng' 'líi' mi' nití' e í' jo. ²² Jo lajob líi', dsuco' uíi' e líng' dsea' dsea' siju' Adán, joba' tiiñ' 'mó' lajaléiñ'. Jogui lajobi cajo, la'eáang' e nilí'naa' dsea' quiá' Dsea' Jmáang-, joba' nijí'tu' e laco' nilisee'naa' cøøng' cóo' Fidié'. ²³ Jo lajob nilí', lifa' nijí'tu dsea' lí' laco' jíi' e sí'í'; co' Dsea' Jmáam-biñ' i la'uii' i cají'tu, jogui mi' nijáat'ur calé' catú' fí' jmi'gü' la, joguiba' nijí'tu jaléng' dsea' quiá'r'. ²⁴ Jo mi' ningí' jo, joguiba' nití' í' e ni'íng' jmi'gü'. Co' ie' jo Fíi'naa' Dsea' Jmáang- ni'íiñ' bí' quiá' jaléng' dseata' niing' cóo' gui' bí' quiá' jaléng' i líng' i quíi' ta', jo joguiba' nijá'r' fí' jaguó' Tiquí'i' Fidié' lajalé' e néé' nir' lana. ²⁵ Co' dseáng' 'né' e néeb' ni' Dsea' Jmáang- lajalé' cartí' mi' niguiéng' Fidié' fí' uii' tii' dsea' do lajaléng' i 'ní' ní' quiá'r'. ²⁶ Jo Fidié' ni'íiñ' 'mó' tí' lí' dséng'gui, co' e job e 'ní' ní' do. ²⁷ Jo lajalé' niguiá' Fidié' fí' uii' tii' Dsea' Jmáang-. Jo mi' jíng' Fidié' e niné' lajalé' fí' uii' tii' Dsea' Jmáang- dsu' ofa' éeng' 'ñia'r' cajo, dsuco' 'ñia'bre dsea' nijméer' e ninéé' lajalé' do fí' uii' tii' dsea' do. ²⁸ Jo mi' nicató' e ninéé' fí' uii' tii' Dsea' Jmáang- lajalé', joguiba' nijáng' Dsea' Jmáang- 'ñia'r' fí' jaguó' Tiquíá'r' Fidié', co' í'bing' i nicaguia' lajalé' fí' uii' tii' dsea' do. Jo lajoba' jíi' Fidiéeb' dsea' nicár' nifí' quiá' lajalé'.

²⁹ Jo song í' óo' 'nú' e ja' jí'tu jaléng' 'líi', joba' çjialí' i líng' 'nú' cajgáang-na' jmi' cuaiñ' quiá' jaléng' 'líi'? Çjogui e' uing' quiá' e jmoona' lajo song í' óo'na' e ja' jí'tu jaléng' 'líi' mi' nití' í' lajo? ³⁰ Jogui faco' ja' jí'tu jaléng' 'líi', joba' çjialí' contøøng- dseáng' seeng- jnea' fí' jmi'gü' la? ³¹ Jo lajob líi', dsea' rú'naa' dsea' quiá' Dsea' Jmáang-, co' laco' jmi' b' dseáng' seen' fí' jmi'gü' la. Jo dseáng' e jáb' júu' e fá'a la lí' laco'gui la íaang' dsii' cóo' 'nú' dsu' uíi' e nilíng'na' dsea' quiá' Fíi'naa' Dsea' Jmáang-. ³² Jo song lico' sije'n e ni'íin' n jalé' e ngín'n jíi' mi' seen' fí' jmi'gü' la, joba' ja' ee' ta' mí' cali'íng' jíi' coo' quíe' e jalé' e ga' e nicangojéé' quíe' e ie' lami' catíng' júu' quíe' e cóo' jaléng' dsea' i soo' dsíi' i seeng' fí' Éfeso. Co' faco' o' ja' e nijí'tu jaléng' 'líi', joba' maquiee'naa' jogui ma'né'naa', co' dsa'ó' jo' ñi' su see' guíi', lí' laco' júu' róo' e fé' i líng' dsea'.

³³ Jo fíi' guíi' 'nú', dsea' rú'naa', e jie' mi' cuø' fí' yaang'na' e dsea' jiéng' nijmi'gøøiñ' 'nú', co' íim- lajíi' e guiá' e quí' tíng' dsea' la'eáang' cóo' dsea' rúíiñ' i ée' ga'. ³⁴ Jo co' lajob líi', joba' fíi' guíi' 'nú' e jmi'jné'e'tu óo'na' laco' catíng-, jogui jo' ee'na' dsee-, co' i líng' 'nú' dseáng' ja' mí' cuíim'bi' Fidié'. Jo uing' quiá' e fíi' i 'nú' jalé' e júu' la e lí' laco' nicá'na' fí'í'.

Jial líng' dsea' mi' cangí' e cají'tur

³⁵ Jo jangám- seeng' dsea' i nijmingí' lala: "Jo çjial' nijí'tu jaléng' líi' jogui jial' líiñ' cajo?" ³⁶ Jo júu' íib' líi' e jmingí'na' do, co' ni'íi' b' 'nú' guiá' e mi' áng'

dsea` mijú` fí` nú`- uó`-, jang`- 'né`- lafa` e nijúum` e mijú` do, joguiba` cuóøng` e nisáng` ní`- quíá`-. ³⁷ Jo ja` cuóøng` e nijní`- dsea` e sú`^ quíá`- mijú`, dsuco` lajii`~ mijú`ba` cuóøng` e nijní`- dsea`, nañí` si mijú` micui`iee` òsi lí`^ doñí` ee` mijú` é. ³⁸ Jo mi` cangí` e cangojneá~ e mijú` do, joba` 'ñiab` Fidiée` dsea` nijmér`- jial iiñ` e ni`uíng`- e sú`^ quíá`- do lí`^ laco` jmóor` cóo`~ laca`íng`~ mijú`. ³⁹ Jo ja` røø` lí` ngúú` táang` lajaléng` i seeng` fí` jmigüü, co` e jiéb` lí` ngúú` táang` dsea` laco`gui` ngúú` táang` jó` nuu` cóo`~ gui` quíá`- jaléng` ta` cóo`~ gui` quíá`- jaléng` 'ññ. ⁴⁰ Jogui` lajobi` cajo, seab` e sea` fí` yú`^ jmigüü` cóo`~ gui` e sea` fí` ni` guóo`~ uó`-, jo dsu` jmaquíim` ia` e sea` fí` yú`^ jmigüü` laco`gui` e sea` fí` ni` guóo`~ uó`-. ⁴¹ Jogui` e jiéb` jing` iee` laco`gui` e jing` si` òsi jaléng` núú` é, jo jiguí` jee` jaléng` núú` e jiéb` jiiñ` laca`íng` ca`líñ`~.

⁴² Jo lajob` lí` cajo` mi` nijí`tu` jaléng` 'lí`-. Co` nijiéb` ngúú` táang` dsea` mi` ningí` e ni`áiñ` fí` nú`- uó`-, jo dsu` mi` nijí`tur` calé` catú`-, jo` tóo` jmii` fa` e nijié`gui. ⁴³ Jo e ngúú` táang` dsea` e ni`áng`- fí` nú`- uó`- ja` ee` ta` íng` e jo, jo dsu` mi` nijí`tu` calé` catú`-, joba` eáam` niniing`-. Jogui` cajo` ja` ee` bí` óo` e ngúú` táang` dsea` e ni`áng`- fí` nú`- uó`-, jo dsu` mi` nijí`tu` calé` catú`-, eáam` ni`gøng`-. ⁴⁴ Jogui` jii`~ ngúú` táam` dsea` e ni`áng`- fí` nú`- uó`-, jo dsu` mi` nijí`tu` calé` catú`-, nilí` ngúú` táang` dsea` la`eáang` cóo`~ Jmiguü` quíá`- Fidiée`. Dsuco` song` sea` ngúú` táang` dsea` fí` jmigüü` la, joba` seab` cajo` fí` jmigüü` coo` la`eáang` cóo`~ Jmiguü` quíá`- Fidiée`.

⁴⁵ Jo lajob` lí` lí`^ laco` fé` fí` ni` jì` quíá`- Fidiée` lí` fé` lala: "I dseañu` la`uii` i calisí` Adán` caliséiñ` e quier` ngúú` táang` dsea` jmigüü`; jo dsu` i dseañu` i cøøng`gui` do, íb` i cuø` e seeng` dsea` lata`~." ⁴⁶ Jo lajee` e see`-naa` fí` jmigüü` la, dsea` guóob`~ lí`naa`. Jo dsu` la`eáang` cóo`~ Jmiguü` quíá`- Fidiée` nilí` ngúú` táang`naa` mi` nisee`-naa` fí` jmigüü` coo`. ⁴⁷ Jo lajob` lí`, co` i dseañu` la`uii` i calisí` Adán`, cóo`~ guóo`~ba` cajmeáang` Fidiée` ír`, co` fí` guóo`~ uó`- jmigüü` caliséiñ`. Jo dsu` i dseañu` i cøøng`gui` do, fí` ñiffb` lí` jáa` í. ⁴⁸ Jo lajaang` lajaang` dsea` jmigüü` sea` ngúú` táaiñ` lí`^ laco`gui` ngúú` táang` Adán` e cajmée` Fidiée` cóo`~ layaang`~ guóo`~. Jo dsu` ie` jo, røøb` nilíng`- lajaléng` dsea` quíá`- Dsea` Jmáang`- lí`^ laco` la líng` dsea` do` 'ñia`r`, dsea` jáar` fí` ñiff`-.

⁴⁹ Jo lana, lajee` e see`-naa` fí` jmigüü` la, lí`naa` lí`^ laco` la lí` ngúú` táang` Adán` e calí` cóo`~ layaang`~ guóo`~. Jo dsu` ie` jo, nilí`-naa` lí`^ laco` la líng` i dsea` i jáa` fí` ñiff`-.

⁵⁰ Jo e laba` iin`n` fí`-i` 'nú`, dsea` rú`-naa` dsea` quíá`- Dsea` Jmáang`-, e jalé` ngúú` táang` dsea` cóo`~gui` móo` teáaiñ`~ ja` catíng`- fa` e nilisea` jalé` e jo mi` nití`- í` e dseáng`- jii`~ Fidiée` dsea` nicár` nifi` quíá`- lajalé`. Jogui` jalé` e tóo` jmii` ni`íng`- ja` cøøng` cóo`~ jalé` e ja` tóo` jmii` ni`íng`-. ⁵¹ Jo lana lab` nifi`-duu` 'nú` coo` júu` e ja` mí` ní`na` jéeng`gui, jo e lab` e júu` jo: Ja` lajii`-naa` nijúu`-naa`, jo dsu` lajii`-baa` ni`uíng`-naa` dsea` i` m`íng`- mi` nití` e í` jo. ⁵² Jo e jo nidsijée` dseáng`- lajee` cateáb` dseáng`-, lafa` mi` báang`-naa` jmini`naa`. Jo mi` ni`ii` fí` yú`^ jmigüü` e lúu` trompé` quíá`- Fidiée` lí` cadséng`-, job` mi` nijí`tu` jaléng` dsea` quíá`- Dsea` Jmáang`- i nicajúng`- lamí` jéeng`gui. Jo dsu` jo` quí`- jmii` fa` e nijúung`-tu` jaléng` í` calé` catú`-. Jogui` lajaléng` jneaa`aa`, dsea` lí`naa` dsea` quíá`- Dsea` Jmáang`-, ni`uíng`-naa` dsea` i` m`íng`-. ⁵³ Joba` e ngúú` táang`naa` e jgo` do jo` tóo` jmii` fa` e nijié`gui, co` ni`uíng`- coo` e ja` tóo` jmii` fa` e nijié`gui. Jo ie` jo e ngúú` táang`naa` e sea` 'mó`- quíá`- ni`uíng`- coo` e jo` sea` 'mó`- quíá`-. ⁵⁴ Jo mi` nilisíng`- e ngúú` táang`naa` e jgo` do, ni`uíng`- coo` e jo` tóo` jmii` fa` nijié`gui, jogui` mi` nilisíng`- e ngúú` táang`naa` e sea` 'mó`- quíá`- do jo` ni`uíng`- coo` e jo` sea` 'mó`- quíá`-, joguiba` dseáng`- nilíti` jii`~ laco` la fé` fí` ni` jì` quíá`- Fidiée` lí` fé` lala: "Jo` tóo` jmii` fa` nilisea`gui` 'mó`-, co` dseáng`- conguiab` nica`íng`- bí` quíá`-." ⁵⁵ Jo co` lajob` lí`, joba` cuóøng` fe` ee` e jo` sea`gui` bí` quíá`-

'mó-, joba' jo`ee`quá~ jmí~ fa' ee`ni`lé-gui, co' dseáng'- conguiab`nica'íng- bí quiá'- . ⁵⁶ Jo la'eáang' cóo'~ dsee`ba' e sea`bí` quiá'- 'mó-, jogui la'eáang' cóo'~ e júu` quiá' ta` quiá'- Fidié~ e cajme' Moi~, cóo'~ e joba' e líl'` dsea` e røøiñ` dsee-. ⁵⁷ Jo e`gui`gui`máang'~ Fidié~ e jo`silí'`gui`jnea~aa' bí` quiá'- 'mó-, co' nicalí'`baa' e jo la'eáang' cóo'~ lajalé' e nicajmée` Fí'naa' Dsea` Jmáang- .

⁵⁸ Jo uí'~ e lajob lí', dsea` rú'`naa' dsea` quiá'- Dsea` Jmáang- i`neáan`n eáang', joba' fíi`-i`'nú' e teáb`'né- teáang`na' cóo'~ júu` quiá'- Dsea` Jmáang-, jogui cuø'` óó'na' e jie` mí` lí` túng- áa'na' fí' lí` niteáang`na'. Jogui cajo contøøng- cuøø'~ bí` yaang`na' e jmée`na' e ngocáng` óó'na' lajii'~ e ta` e nicangúng`na' quiá'- Fidié~. Co' 'nú'` ní'`ba' guiá- e ja` lí'` tá'- jmoo`na' e ta` e jmoo`na' quiá'- dsea` do.

16

Mí~ caseáng' jalé' e 'né- dsea` quiá'- Dsea` Jmáang-

¹ Jo lana nifíi`-i`'nú', dsea` rú'`naa', cuaiñ` quiá'- jalé' e seáang`na' e 'né- dsea` rú'`naa' dsea` quiá'- Dsea` Jmáang-. Jo e jo`'né- jmée`na' lí'` laco'` jii'~ e nicafíi`-i` jaléng' dsea` quiá'- Dsea` Jmáang- i` seeng` fí' lí' se' Galacia. ² Jo lacoø` jmí~ domiing~, lajaang` lajaang` 'nú'` 'né- nijmiñung`na' capi'` lí'` jial` jii'~ e nicalí'`na' e jmoo`na' ta`. Jo jalé' e jo`'né- 'meá'na' e laco'` mí` niguiéé' e fí' na, jo`'né- fa' e niseáang'`gui'. ³ Joba' mí` niguiéé' e fí' na, nisíin`n fí' Jerusalén jaléng' dsea` i` niguíng'` 'nú', jogui nicuøø`øre` jì` lí' fé' e tab` óó'na' cóo'r~, jo nicár` jalé' e nicaseáang`na' do quiá'- jaléng' i` dsea` rú'`naa' dsea` quiá'- Dsea` Jmáang- i` neáang' fí' jo. ⁴ Jogui song lajam'`ba' 'né- e ninií~ jnea` fí' jo, joba' cuøøm` lí' dsilíng- i` dsea` í` cóo'~ jnea` cajo.

Mí~ ca'í` dsíi' Paa- e nidsér- fí' Corinto

⁵ Jo lajee~ e iuun- fí' e ngóó' fí' na, dseáng'- 'né-ba' e ningíin`n fí' lí' se' Macedonia; jo mí` ningíi` e ningíin`n fí' jo, joguiba' niguiéé' e fí' na fí' Corinto. ⁶ Jo jangám- nijaa- cóo'~ 'nú' fí' na coø` tú- jmí~ lajo, osi jangám- bí` é` ningíin`n lata` jii` güíi-. Jo song lajobi, joba' 'núb'` cuøøng` lí' jmicóo'`na' jnea` cóo'~ jalé' e 'né- e lajee~ e iuun- fí' e ninií~ i` fí' lí' jéi'. ⁷ Jo dsu' jnea~, mí` niguiéé' e fí' na, ja` iin`n e lico'` ningíin`n cateá' lajo cóo'~ 'nú', co' jnea` iin`n e nijaa- huøøb` jii` cóo'~ 'nú' fí' na song nicuøø- Fidié~ fí' lajo. ⁸ Jo dsu' jnea` í' dsii- e nija`bá' fí' la fí' Éfeso cartí' e jmí~ e sii` Pentecostés, ⁹ dsuco' lajee~ lana fí' la, dsíng'- sea` fí' quié- e e nijmee~ e lajii'~ e ta` e nicangíin`n quiá'- Fidié~, jogui ta` dsii- e guiáb- nidsijéé' quié- e, nañí' fa' i` fíim`bre seeng' i` 'ní'` níng- jnea~.

¹⁰ Jogui song niguiéé' Timoteo fí' na, joba' jmi'úung`na' e niliseeiñ` guiá- cóo'~ 'nú', co' í' jmóor` ta` jii'~ laco' ta` jmóo' jnea` cajo lí'` laco'` jii'~ ta` e nicangúng`naa' quiá'- Fí'naa' Dsea` Jmáang-. ¹¹ Jo co' lajob ta` jmóor~, joba' ja` 'né- e jøøng`na'r` uø-, co' lí'` lí' 'né- e nijmicóo'`baa're cóo'~ jalé' e 'né- e laco'` iuuiñ- fí' juguiá- lajee~ e jáar' e nija'eer~ jnea` fí' la. Co' dseáng'- nisijeem`baare colíng- cóo'~ jaléng' dsea` quiá'- Dsea` Jmáang- i` caguiaang`gui.

¹² Jogui cuaiñ` quiá'- i` dsea` rú'`naa' dsea` quiá'- Dsea` Jmáang- i` sii` Apolos, eáam'`nicamíi`-ire` jmi'ee~ e nidsér- cóo'~ jaléng' dsea` quiá'- Dsea` Jmáang- e nidsi'eer~ 'nú', jo dsu' lajee~ lana ja` mí' caguia' dsíi' fa' e nicangór-. Jo dsu' lajob nijmér- mí` lí' e nicuøø- fí' quiá'r- lajo.

Júu` guicóo'~ lí'` cadséng- quiá'- Paa-

¹³ Jo e laba' fíi`-guíi` 'nú', dsea` rú'`naa' dsea` quiá'- Dsea` Jmáang-, e contøøm- 'né- jmiñiing` áa'na'; jogui teá' síng' yaang`na' cóo'~ e júu` quiá'- Dsea` Jmáang- e nijá'` calíng`na' do; jogui cajo teá' teáang' óó'na' jogui cuøø'~ bí

yaang~na' e laco' ja` nitú^na' lajii~ e fí li~ niteáang~na'. ¹⁴ Jogui lajalé' e jmoo'na', jmee~ba' e laco' jmi'neáang~na' dsea` rúng'na'.

¹⁵ Jo niñib^ 'nú', dsea` rú'naa', e jaléng' dsea` sinúu^ quiá'- Estéfanas, í la'uii~ i ja~ calíng~ júu^ quiá'- Dsea` Jmáang~ fí latøng~ fí li~ se' Acaya, jogui jaléng' íb` cajo i jmoo` ta~ jmicóo'~ jaléng' dsea` quiá'- Dsea` Jmáang~ i li~ 'né~ quiá'- lajo. ¹⁶ Joba' jnea~ iin~n e nijmée^na' núu~ba' júu^ quiá'- i dsea` quiá'- Dsea` Jmáang~ i líng' laco' i dsea` sinúu^ quiá'- Estéfanas, jo lajob 'né~ nijmée^na' cajo cóo'~ jaléng' i dsea` i jmicóo'~ jogui i jmoo` ta~ lajo.

¹⁷ Jogui iáam` dsii~ cajo e nicagüiling~ fí la i dsea` quiá'- Dsea` Jmáang~ i sii` Estéfanas cóo'~gui Fortunato jogui Acaico, co' lí' lafa' e nicagüiling~ 'nú'ba' e nicagüiling~ í fí la. ¹⁸ Dsaco' jaléng' i dsea` na nicacuø'bre jnea~ bí e laco' nili'iaáng'gui dsii~ lí^ laco' la nicajméer` cóo'~ 'nú'. Joba' catíim~ba' e nijmi'goo'na' i dsea` i líng' laco' i na.

¹⁹ Jogui jaléng' dsea` quiá'- Dsea` Jmáang~ i seeng` fí li~ se' Asia guiéiñ' júu^ guicóo'~ quí~na'. Jogui Aquila cóo'~gui dseamf` quiá'r~ i sii` Prisca cóo'~gui jaléng' dsea` quiá'- Dsea` Jmáang~ i seáng' fí quiá'r~ e laco' jmiféiñ' Fidié~, iáam` dsii~ e guiéiñ' júu^ guicóo'~ quí~na' lí^ laco' catíng~ e jmoo` dsea` quiá'- Dsea` Jmáang~. ²⁰ Jogui íng'na' júu^ guicóo'~ quiá'- lajiiing` dsea` quiá'- Dsea` Jmáang~ i seeng` fí la fí Éfeso. Jogui mi~ jié' jíng' rúng'na', joba' féeng'~ rúng'na' e sée'~ guoo` rúng'na'.

²¹ Jogui lana, jnea~ Paa~ jmo'o e júu^ guicóo'~ la quí~na' cóo'~ guoo`o 'ñiá'baa.

²² Jogui song seeng` dsea` i ja` 'neáang` Fí'naa' Dsea` Jmáang~, joba' dseáng'~ fí li~ 'lib' catíiñ~. Jo dseáng'~ e ja~ba' e tí li~ nijáab'tu Fí'naa' Dsea` Jmáang~ calé' catú~.

²³ Jo mii~i Fí'naa' Dsea` Jmáang~ e nilí~ güea^ quiá'r~ fí li~ seeng'na'. ²⁴ Jogui eáam` 'neáang` jnea~ 'nú' lajiiing'na', dsaco' lajii~baa' lí'naa' dsea` quiá'- Fí'naa' Jesús.

Jo lajob nilí.

Jo lana cató' e jì la'uii~ quiá'- Paa~ e catíng~ jaléng' dsea` quiá'- Dsea` Jmáang~ i seeng` fí Corinto.

Júu[^] e to_o fi' ni~ ji` cati tú- quíá'- Paa- e catíng- dsea` seeng` fi' CORINTO

¹ Jnea~ Paa- lín'n jaang` dsea` apóo[^] i óo` ta~ quíá'- Dsea` Jmáang-, co' laj_o cali'íáang` dsíí' Fidiéé` cajméer` cóo'~ jnea~. Jo colíng~ cóo'~ jaang` dsea` rú'naa' dsea` quíá'- Dsea` Jmáang- i sii` Timoteo, jmo' o e jì` la e catíng- jaléng' 'nú', dsea` rú'naa' dsea` quíá'- Dsea` Jmáang- i neáang' fí' na fí' Corinto. Jogui cajo catím- e jì` la i dsea` rú'naa' dsea` quíá'- Dsea` Jmáang- caguaang- i neáang' fí' latøøng- fí' guóo'~ uó' fí' lí' se' Acaya. ² Jo lana máí' i Tiquí'ii' Fidiéé` cóo'~ gui Fí'naa' Dsea` Jmáang- e güí'í'bre güea[^] quíá'r- fí' lí' seeng`na' jogui e nicuó'r- 'nú' e seeng`na' juguíá- júu[^] røø.

Jalé' iihuí' e ca'íng' Paa-

³ Jo contøøm- 'né- jmiféng'naa' Fidiéé` i líng' Tiquíá'[^] Fí'naa' Dsea` Jmáang-, co' íb` Tiquí'ii' i fí' líng- jneaa~aa' jogui íb` Fidiéé` i jmití'~ dsí'naa' mí' ee`g_o huíng' dsijéé' quí'ii'. ⁴ Jogui íb` dsea` i jmití'~ dsí'naa' jee~ jalé' iihuí' e dsingíng- naa'; jo jmóor` laj_o e laco' jneaa~aa' cuøøng` lí' nijmití'~naa' dsí' jaléng' dsea` rú'naa' i dsingíng- laj_o; jo jmoo~naa' laj_o cóo'~ dsea` rú'naa' lí' laco'gui la nicajméé` Fidiéé` cóo'~ jneaa~aa'. ⁵ Jo lí' laco' eáang' íng'~naa' iihuí' dsu' uí'~ e lí'naa' dsea` quíá'- Dsea` Jmáang-, j_oba' laj_o cajo, la'eáang' íb', e eáang' lití'~ dsí'naa' lana. ⁶ Jo jnea[^] dsingíng- naa' iihuí' e lí' laco' nilití'~ óo'na' jogui uí'~ e guí'naa' júu[^] jee~ 'nú' quíá'- jial nileáang`na' jee~ jalé' dsee- quí'na'. Jogui mí' jmití'~ Fidiéé` dsí'naa', jmóor` laj_o e lí' laco' nilití'~ óo'na' jogui e laco' té'na' e ja` nilitúng- óo'na' jee~ jalé' iihuí' e dsingíng- na' lí' laco' la dsingíng- jnea[^]. ⁷ Jo guíáb- nita~ dsí'naa' cuaiñ~ quí'na', co' nínē~baa' e lí' laco' íng'~na' iihuí' colíng~ cóo'~ jnea[^], jogui laj_o cajo nijmití'~ Fidiéé` óo'na' colíng~ cóo'~ jnea[^].

⁸ Dsea` rú'naa' dsea` quíá'- Dsea` Jmáang-, ii~baa' e nijmiguíéng'naa' áa'na' jalé' e iihuí' e cangongí~ jnea[^] fí' lí' se' Asia. Jo eám' huíng' jalé' e cangongí~ naa' do e car` jú'~ jo` 'ga' lí' cateá'~naa', co' jì'gui ca'í' dsí'naa' e jo` ní'uó'naa' e fí' jo` e jí'naa'. ⁹ Jo ca'í' dsí'naa' e dseáng'- nijngám'~ dsea` jnea[^]. Jo dsu' cangojéé' e jo` e lí' laco' calilí'~naa' e ja` quí'~ jmí~ jmó'naa' yee~naa', dsuco' 'né- e niseáang~ yee~naa' fí' jaguó' Fidiéé` i jì'gui jmí'í'~tu jaléng' 'lí'.

¹⁰ Jo Fidiéé` dsea` caleáaiñ` jnea[^] ie~ jo` e laco' ja` cajiá'naa' fí' ni~ 'mó', jogui íb` cajo i nileáang- gui jnea[^] lajee~ ngóo'guijia. Jogui dseáng'- nitab~ dsí'naa' cajo e dseáng'- nileám~bir jnea[^] jee~ 'mó' ¹¹ fíng song jmí'c_o' 'nú' jnea[^] e nimí'~na' Fidiéé` uí'~ quí'naa'. Jogui song fí'm'ba' nimí'~na' Fidiéé` uí'~ quí'naa', j_oba' fí'm'ba' cajo nicuó'~na' gui'máang' Fidiéé` uí'~ cóo'~ jalé' e guíá- e jmóor` cóo'~ jnea[^].

Jialí' ja` cangó- Paa- fí' Corinto

¹² Jo seab` co_o uíng~ e íáang` dsí'naa', jo` e jo` uí'~ e nicalilí'~naa' e dseáng'- guíáb- nica'ee~naa', jogui lí' dsí' e eáang'gui nicajméé'naa' laj_o jee~ 'nú'. Jo laj_o jmoo~naa', dsu' o' la'eáang' cóo'~ jalé' e tíng'naa' ngáng'naa' yee~baa', co' lí'naa' laj_o dsu' uí'~ e laj_o nicajméé` Fidiéé` cóo'~ jnea[^] uí'~ e eáang' neáaiñ` jnea[^]. ¹³ Jogui fí' ni~ jalé' jì' e nicasiing~naa' quí'na', ja` mí' cajméé'naa' júu[^] e jíé' e laco' huíng' ngáng'na' osi e nilí'na'. Jo sijeé' e dseáng'- ningám'ba' røø ¹⁴ lí' laco' la nicangám'~na' lí' líng~ e mí' nigüéeng- tu Fí'naa' Jesús fí' jmí'güí' la, lajaléng' 'nú' nilí'íáang` óo'na' cuaiñ~ quí' jnea[^] lí' laco'gui jnea[^] nilí'íáang` dsí'naa' cuaiñ~ quí'na'.

15 Jo co' lajob nita~ dsii- cóo' 'nú', joba' nica'f dsii- e jang'- nii~baa e ni'ee~e 'nú' fi' na, jo lajoba' cuóøng` e ni'uúing- guiá- quí-na' e niti' tú- ya'. 16 Co' lami~ si'í' í' dsii- e ni'ee~e 'nú' lajee~ e iuun- fi' e ngó'ó' fi' li' se' Macedonia, joguí e ni'ee~túu 'nú' mi~ niqing'-túu fi' jo, jo lajoba' cuóøng` e nijmicóo' 'nú' jnea~ cóo'~ jalé' e 'né- e lajee~ e iuun- fi' e ngó'ó' fi' li' se' Judea. 17 Jo çsu 'nú' í' ó'na' e mi~ ca'f dsii- e nijmee~e lajo, ja' ca'f dsii- dseáng'- laco' catíng-? U~, o' lajo. Co' jnea~ ja' jmó'o e tú- neáng' dsii- mi~ ee'go jmó'o, co' ja' fá'-a e nijmee~e mi~ í' dsii- e ja' nijmee~e. 18 Jo lí' laco' jmiti~ Fidié~ júu^ quiá'r-, lajob jmoo` jnea'^ cajo, co' ja' síi~naa' 'nú' e nijmó^naa' jogui mi~ ngoyúung' jo, ja' nijmó^naa'. 19 Jo jnea~ cóo'~gui Timoteo jogui cóo'~ Silvano guia'naa' jee~ 'nú' e júu^ quiá'- Fii'naa' Jesús i líng' Jóo' Fidié~. Jo Fii'naa' Jesús ja' tú- neáng' dsír', co' mi~ jíñ'- ee'go nijmér-, joba' dseáng'- jmó'bre. 20 Co' la'eáng' cóo'~ dsea` do e liti~ lajalé' júu^ e cuø' Fidié~. Jo co' lajob lí', joba' mi~ jmiféng'naa' Fidié~, fé'naa' "Lajob nilí" la'eáng' cóo'~ Fii'naa' Jesús. 21 Jo Fidié~bing' i nicajmé~ e teá' té~naa' fi' guiá- cóo'~ Dsea` Jmáang-, jogui í'bi cajo i nicaguíng' jneaa'aa' e laco' lana nilí'naa' dsea` quiá'r-. 22 Jogui Fidié~bi cajo dsea` nicajmé~ e lí- e nilí'naa' dsea` quiá'r-, jogui nicacuø'r' jneaa'aa' Jmiguí quiá'r- e seeng` cøøng` cóo'~ jneaa'aa'. Co' e Jmiguí do lí' 'náng' quiá'- e catíng- ni'íng'naa' mi~ niti- e í' jo.

23 Jo dsu' 'ñiab' Fidié~ dsea` tí' nir~ e ñir~ e uúing~ quiá'- e ja' mí' calí- e ninii~i fi' na fi' Corinto lí' laco'gui jíi~ lami~ í' dsii-. Jo nicalí- lajo e lí' laco' ja' lami~ iin~n e nilíng-tu' fi'í' cóo'~ jalé' júu^ e si'í' e nifí' 'nú'. 24 Co' jnea'^ ja' ii~naa' e niquíá'^naa' 'nú' ta~ e nijá'- líng'na' laguidseaang- jalé' e já'- lí' jnea'^, co' 'nú' teáb' teáng-na' fi' guiá- cóo'~ Dsea` Jmáang-. Co' jnea'^ lico' ii~naa' e nijmicóo'naa' 'nú' jial niliseeng'na' e iáang` ó'na'.

2

1 Jo uúí~ e lajob lí', joba' ca'f dsii- e ja' ninii~túu e ni'ee~e 'nú' e laco' ja' nijmijiuung~ ó'na'. 2 Dsaco' fíng song cajmé- e lajo, joba' jo' ii~ seeng'gui i cuóøng` lí' jmi'iaang'gui dsii-, co' jo' cuóøng` lí' jmi'iaang'na' dsii- fíng song nicajmijiuung~ ó'na'. 3 Jo uúing~ e joba', cajmé'- e e jí' la'uúí~ do quí-na', dsaco' ja' iin~n nii~i e ni'ee~e 'nú' e laco' nijmijiuung'na' dsii-, co' lí' lí' 'né- e nijmi'iaang'na' dsi'baa. Jo dseáng'- lami~ ta~ dsii- e lajím' 'nú' nili'iaang` ó'na' lajíi~ e iáang` dsi' jnea~. 4 Jo mi~ cajmé'- e e jí' la'uúí~ do quí-na', eáam' guíng~ dsii- uúí~ quí-na' jogui jmó'o'baa fi'í' cajo, co' jí'gui cartí' quí'-baa. Jo dsu' ja' cajmé'- e e jí' do quí-na' e lí' laco' nijmijiuung~ ó'na', dsaco' cajmé'- e e jí' do e lí' laco' niliñí'na' jial tí' eáang' 'neáan'n 'nú'.

Mi~ cajmé~ Paa- féng' dsír' uúí~ quiá'- jaang' dsea` i ca'lee'

5 Jo i dsea` i nicacuø' fi'í' dsí' do, o' jíi~ jnea~ dsea` nicacuø'r' fi'í', co' lajob 'nú' cajo, lifa' jia~ guijia. Jo fá'-a jia~ guijia e lí' laco' ja' nilíng-na' fi'í' e eáang'. 6 Jo e iihuí' e nicacuø' 'nú' i dsea` i ca'lee' do uúí~ quiá'- lajíi~ e ga' e cajméer' do, joba' líng- jnea~ e nitéb' jíi~ lajo. 7 Jo lana lí' lí' 'né- íng'na' dsee- quiáb'- i dsea` do, jogui e nijmití'na' dsír' cajo. Jo lajoba' ja' dseáng'- e dseáng'- nitár' congua' lajíi~ fi' guiá- lí' nisiin' uúí~ e eáang' lijiuung~ dsír'. 8 Joba' má'i 'nú' jmi'ee~ e nijmita~na' dsí' i dsea` do e 'neám' bí'r lí' laco' lami~ jmoo'na' cóo'r-. 9 Jo lami~ jéeng'gui nicaguíem'baa jí' quiá'-na' cuaiñ~ quiá'- e júu^ la e lí' laco' niliñii~ jogui nilita~ dsii- su dseáng'- lajang' guía' ó'na' e nijmée'na' náu~na' jalé' júu^ e liúun~n 'nú'. 10 Joba' i dsea` i ni'íng'na' dsee- quiá'- do, lajob nijmee~ jnea~ cajo, co' ni'ím'baa dsee- quiá'r- song sea` uúing~ e nijmee~e lajo. Jo nijmee~e lajo uúí' 'nú', jogui Dsea` Jmáam-bing' i tí' ni~ quiá'- e jo. 11 Jo

jmoo`o lajo e laco' ja` dseáang` e nijmi'oo` jneaa`aa' fii` i` 'ling` i` sii` Satanás, co' nine`baa' guiá- jial lí' ta` quiá'r`.

Ja` iáang` dsii' Paa` mi` caguiér` fí` Troas

¹² Jo e laba' fii` i` 'nú', e ie` mi` caguié` e fí' coo` fii` e sii` Troas e quiá'- e niguiaa` júu` quiá'- Dsea` Jmáang`, joba' eáam' caliseá' fí' quié` e e nijmee` e lajo. ¹³ Jo dsu' mi` caguié` e fí' jo, ja` iáang` dsii` dsu' uii` e ja` cadsén` n` i` dsea` rú`naa' dsea` quiá'- Dsea` Jmáang` i` sii` Tito. Jo uii` joba', ladsifí' lajob ca'f' i` júu` i` dsea` i` seeng` fí' jo, jo cangó` o` fí' lí' se' Macedonia.

Jial lí`naa' la'eáang' cóo' Dsea` Jmáang`

¹⁴ Jo e`gui gui'máang` Fidié`, co' la'eáang' cóo' Dsea` Jmáam`ba' e contøng` lí`naa' doñi' ee` dsijéé` quí`ii', jogui la'eáang' cóo' jnea` e ni' Fidié` júu` quiá'r`. Jo e júu` quiá'r` do ni' jee` jaléng` dsea` lafa' coo` e jlo` jmeafii`. ¹⁵ Dsaco' la'eáang' cóo' Dsea` Jmáam`ba' lí`naa' lafa' coo` jmeafii` e jlo` e guilí' fí' quini` Fidié`, jogui e joba' e lafa' ni' jee` jaléng` dsea` i` nisilaang` jee` jalé` dsee` quiá'- jogui jee` jaléng` dsea` i` niteáang` fí' ngolíng` fí' lí' 'lí'. ¹⁶ Jo e jmea` e hí` do lí' lafa' coo` e jmeasii` quiá'- jaléng` i` dsea` i` niteáang` fí' ngolíng` fí' lí' 'lí'. Jo dsu' coo` e jlo` jmeafii` lí' quiá'- jaléng` i` dsea` i` nisilaang` jee` jalé` dsee` quiá'-, co' í`bing' niteáang` fí' ngolíng` fí' lí' niliseeiñ` lata`. Jo ¿i` quí` jmi` nijmé` e ta` jo? ¹⁷ Jo ja` quí` jmi` fa' nijmé` lajo i` dsea` i` ngi' guia' júu` quiá'- Dsea` Jmáang` e quiá'- e lí'r` cuu` lí' laco'gui la jmoo` i` fíng` dsea`. Dsu' lifa' jnea` lí' lí' ngi`naa' guia`naa' júu` e coob` í' dsinaa', jo Fidiéeb` dsea` tí' nir` e jmoo`naa' lajo, co' í`bre dsea` casiiñ` jnea` e jmoo`naa' e ta` jo uii` e lí'naa' dsea` quiá'- Dsea` Jmáang`.

3

Júu` tigua` e 'mí` e cacuø` Fidié`

¹ Dsea` rú`naa', jo mi` fé' jnea` e júu` na, jie` mí' í' oo`na' e ninaang` túu' calé' catú` e nijmiféng' yee`naa', co' dseáng' o' lajo; jogui cajo ja` 'né` e nicuøø`naa' 'nú' osi e nimí`naa' 'nú' mají' lí' fé' e ta` oo`na' cóo' jnea` lí' laco'gui la jmoo` i` líng` dsea`. ² Co' yaam` 'nú' líng`na' lafa' e mají' e 'né` jnea` do, jo e mají' do lafa' nisilí' fí' dsii' jnea`, jo doñi' ii` dsea` cuøøng` lí' jøø` jogui cuøøng` lí' í' e jo. ³ Joba' guiáb` lí' e lajalém' 'nú' líng`na' lafa' coo` mají' e cajme' Dsea` Jmáang` la'eáang' cóo' jnea`. Jo dsu' e mají' jo ja` calí` cóo' í' jii` laco' jmáng` dsea` ta` mi` jmo'r', co' e jo calí` la'eáang' cóo' Jmiguí' quiá'- i` Fidié` i` seeng` car` ngongíi` jmi` do. Jogui cajo ja` calí` e mají' do fí' dse' cuu` e jmá', co' e jo lafa' calí` fí' dsii'b` dsea`.

⁴ Jo dseáng' nita` dsinaa' cóo' Fidié` la'eáang' cóo' Dsea` Jmáang` e dseáng' lajob líng' 'nú'. ⁵ Jo dsu' jnea` jii` coo` quí`naa' jmi` e nijmé`naa' e lafa' e quí`naa' yee`naa' jalé' e jo, co' la'eáang' cóo' Fidié`ba' e quí`naa' jmi` jmoo`naa' jalé' e jmoo`naa'. ⁶ Co' dsea` dob dsea` nicacuø'r' jnea` e quí`naa' jmi` jmoo`naa' ta` guia' júu` tigua` e 'mí` quiá'r`. Jo dsu' e júu` tigua` do ja` silí' cóo' guoo` dsea`, co' e jo silí' la'eáang' cóo' Jmiguí' quiá'- Fidié`. Co' e júu` quiu' ta` quiá'- Moi` do jii` fí' 'mób` si', jo dsu' la'eáang' cóo' Jmiguí' quiá'- Fidié`ba' cuøøng` liseeng` dsea` lata`. ⁷ Jo mi` ca'íng' Moi` e júu` quiu' ta` e cajme' Fidié` fí' ni` e cuu` e jmá', dseáng' eáang' jlo` níng' jí' co' jí'gui jaléng' dsea` Israel ja` cuøøng` lí' jøør` fí' ni` Moi` uii` e eáang' jíng` jí'. Jo dsu' e jlo` jíng` jí' do ja` huøø` ee~, co' nijém`tu. Jogui song dseáng' eáam' jlo` níng' jí' mi` cacuø` Fidié` e júu` quiu' ta` e si' jii` fí' 'mó', ⁸ joba' dseáng' ja` cøøng` cóo' jial tí' níng' jlo` lí' mi` cacuø` Fidié` e júu` tigua` e 'mí` do la'eáang' cóo' Jmiguí' quiá'r`. ⁹ Joba' song dseáng' eáam' níng' jlo`

mi~ cacuø' Fidiée~ e júu^ quiu' ta~ quiá'r- e si' jii~ fi' 'mó-, joba' ja' cøøng' cóo~ jial tí' eáang' gui niing- jlo^ mi~ cacuø' e júu^ tigua~ quiá'r- e 'mii- e jmoo' e jo' røøng' dsea' dsee- fi' quinir~. ¹⁰ Jo dseáng'- ja' cøøng' cóo~ jial tí' eáang' niing- jlo^ ie~ mi~ cacuø' Fidiée~ e júu^ tigua~ e 'mii- do laco'gui e ji' ie~ mi~ cacuø' e júu^ quiu' ta~ do. ¹¹ Jogui song dseáng'- eáang' niing- jlo^ mi~ cacuø' Fidiée~ e júu^ quiu' ta~ do e nicasung~, joba' dseáng'- ja' cøøng' cóo~ jial tí' niing- jlo^ gui e júu^ e sea' car' ngongii~ jmii~ do.

¹² Jo co' nitab~ dsinaa' e ja' tóo' jmii~ ni'ling- jalé' e jo, joba' dseáng'- ja' 'gó'baa' e guia'naa' júu^ quiá'- Dsea' Jmáang-. ¹³ Dsuco' jnea'^ ja' jmoo'naa' laco'gui cajmée' Moi~ ie~ jo e caqui'r' nir~ cóo~ coo' 'mi' e laco' ja' nilili'^ dsea' góor' dsea' Israel e ngo'lim- e jing' ji' nir~ do tá'-jiu. ¹⁴ Jo dsu' i dsea' Israel do ja' cali'iiñ~ cangaiñ', jogui lajobi líiñ' carti' jmii~ na, co' mi~ ir' e júu^ tigua~ e yuu~ do, lí' lafa' sea' coo' 'mi' e jni' fi' moguir~ e laco' ja' ningaiñ' e júu^ jo, co' ja' mi~ cajé'-bi e 'mi' do quiá'r-, co' jii~ la'eáang' cóo~ Fii'naa' Dsea' Jmáam-ba' cuøøng' nijé'- e 'mi' jo. ¹⁵ Jo lati' jmii~ na ja' mi' ngám'bi i dsea' do mi~ ir' jalé' e ji' e cajme' Moi~, co' e 'mi' do bi lafa' sijni' fi' moguir~ e laco' ja' ningaiñ'. ¹⁶ Jo dsu' mi~ jaang' dsea' qui'- jing' 'ñia'r' fi' quini' Fidiée~, joba' dsifi' lajob lafa' je' e 'mi' do. ¹⁷ Jo røøb' cøøng' Dsea' Jmáang- cóo~ Jmiguí' quiá'- Fidiée~, joba' e fi' li' seeng' e Jmiguí' quiá'- Fidiée~ do, fi' job sea' fi' e jo' quiu' ta~ quiá'- dsea' e júu^ tigua~ e yuu~ do. ¹⁸ Jo co' jo' ee' sijli'gui fi' ni'naa', joba' lana nilii'naa' lafa' coo' sí' espejo li' jnéeng^ jial tí' niing- jlo^ líng' Fidiée~. Jo lajob ngóo' uing- naa' lí'^ laco' la líng' Fidiée~, co' lacoo' jmii~ eáang'gui ngóo' lisea' qui'-ii' jial tí' e jlo^ niñ- do. Jo dsu' e jo' 'ñiab' Fidiée~ dsea' jmóor' la'eáang' cóo~ Jmiguí' quiá'r-.

4

¹ Jo co' eám' guiung- Fidiée~, joba' cacuø'r' jnea'^ e jmoo'naa' e ta~ la. Jo co' lajob lí'gui, joba' dseáng'- ja' litung- dsinaa'. ² Jo dseáng'- ca' nica'naang- naa' lajalé' e cuø' fi'i' e qui'- tting' dsea' jmóor' fi' li' cøøng'; jo ja' ngi'naa' lí'^ jmigøøng'naa' dsea' rú'naa', o'gui guia'naa' júu^ e jié' jii~ laco' fé' júu^ quiá'- Fidiée~. Co' jnea'^ lí'^ lí' guia'naa' júu^ dseáng'- laco' lí' júu^ quiá'- Fidiée~, joba' guiáb- niñ' dsea' rú'naa' e dseáng'- lajob jmoo'naa' jogui lajobi tí' ni~ Fidiée~ cajo. ³ Jo e júu^ quiá'- Fidiée~ e guia'naa' quiá'- jial laang' dsea' jee~ jalé' dsee- quiá'r- lí' e ja' 'goo' guøng', dsu' lí' lajo jii~ quiá'- jaléng' i dsea' i niteáang- fi' ngolíng' fi' li' 'lí'. ⁴ Co' fi' i 'ling' i quie' nif' fi' jmiguí' la, í'bing' i jmoo' e sijni' moguir~ jaléng' i dsea' i ja' já'- líng' júu^ quiá'- Fidiée~ e laco' ja' ningaiñ' e júu^ jo jogui e laco' ja' niniiñ' jial jlo^ niing- e júu^ quiá'- jial laang' dsea' jee~ jalé' dsee- quiá'r- li' fé' jial tí' niing- jlo^ líng' Dsea' Jmáang- i líng' Fidiée~ cajo. ⁵ Dsu' jnea'^ ja' ngi'naa' guia'naa' júu^ qui'naa' yee'naa', dsuco' jnea'^ guia'naa' júu^ e Dsea' Jmáam- dsea' líiñ' Fii'naa', jo jnea'^ lico' lí'naa' dsea' i jmoo' ta~ quini'naa' uii~ e lí'naa' dsea' quiá'- dsea' do. ⁶ Jo Fidiée~ i caqui' ta~ e caliseá' ji' fi' li' nnu' sò', íb' Fidiée~ i cajmée' cajo e lafa' nicaliseá' ji' fi' dsinaa', jo la'eáang' cóo~ e jo' cuøøng' line'naa' jial tí' jlo^ niing- Fidiée~ e jnéeng- fi' ni' Dsea' Jmáang-.

Jial see'naa' la'eáang' cóo~ júu^ quiá'- Dsea' Jmáang-

⁷ Jo e júu^ jlo^ e quíng' eáang' do, jneab'^ dsea' léé'naa' e jo. Jo dsu' jnea'^ lico' lí'naa' lafa' coo' tu' guóo~ e laco' 'ñiab' Fidiée~ dsea' jmilir~ jial tí' 'gøiñ' cóo~ e júu^ jo, jo o' yee'naa' dsea' jmoo'naa' lajo. ⁸ Jo nañi' fa' eám' dsingíng- jnea'^ jalé' iihuí', dsu' ja' lí' jnea'^ jalé' e jo. Jogui seab' mi~ ee'go' fi' í' dsii' jmoo'naa', jo dsu' ja' litung- dsinaa' cóo~ e jo. ⁹ Jogui seab' mi~ 'ni' níng- dsea' jnea'^, dsu' ja' yee'naa' see'naa'; jogui seab' mi~ gab' jmáng' dsea' jnea'^,

dsu' ja` qu#r~ jmi# fa' ni'fi#~ jnea'^. 10 Jo do#i' j#e'` ngi'naa', dse#ng'~ dse#am'~ see~naa', co' dse#am'~ e nijng#ng'~ dsea` jnea'^ l#'^ laco' cangong#ng~ Jes#s; jo dsing#ng~naa' lajo e l#'^ laco' nilili~ e c#m` seeng` Jes#s coo'~ jnea'^. 11 Jo jal#ng' jnea'^ dse#ng'~ cont#m~ dse#ng'~ dse#ng'~ see~naa' dsu' u#i'~ e l#'^naa' dsea` qui#~ Jes#s, jo lajoba' nilili~ e seem`bre coo'~ jnea'^, dsea` l#'^naa' j#i'~ dsea` jmi#g#i'. 12 Jo co' lajob l#', joba' dse#ng'~ jee` 'm#~ see~ jnea'^ e laco' 'n#` lana niseeng`na' lata` coo'~ Fidi#e'.

13 Jo lalab cajme' jaang` dsea` fi' ni` ji` qui#~ Fidi#e' ie~ lam#~ caf#r' lala: "La'e#ang` e j#~ cal#n~n j#u` qui#~ Fidi#e', joba' caf#~a." Jo lajob jmoo` jnea'^ cajo, co' lajob j#~ l#'^naa', jo u#i'~ e joba' f#'^naa'. 14 Co' gui#b~ nine~naa' e Fidi#e' dsea` cajm#er` e caj#tu F#i'naa' Jes#s, jogui nine~baa' cajo e lajob nijm#r~ coo'~ jneaa~aa' l#'^ laco' cajm#er` coo'~ dsea` do; jo col#ng~ coo'~ 'n#` nidsije#ai#~ jneaa~aa' fi' quini` dsea` do. 15 Jo lajal#e' e cangong#ng~naa' do, cangoj#e' e l#'^ laco' ni'u#ing~ gui#~ qui~na'. Jo cangoj#e' lajo cajo e l#'^ laco' i f#ng`gui ni'ing' j#u` qui#~ Fidi#e' qui#~ jial t#i' gui#i#~ , jo lajoba' i f#ng`gui nicu#` gui'm#ang' Fidi#e' e laco' nili'goo` dsea` do.

16 Jo u#i'~ e lajob l#', joba' ja` lit#ng~ ds# jnea'^ coo'~ jal#e' e dsing#ng~naa'. Jo na#i' fa' ng#o` dse#am~ ng#u` t#ang`naa' laco` jmi#, jo dsu' l#'^ l#'^ ds#naa' e#ang`gui ng#o` l#'^ b# ds#i' laco` jmi#. 17 Jo lajal#e' e iihu# e dsing#ng~ jnea'^ fi' jmi#g#i' la, e cate#b` jal#e' e jo, jogui ja` ee` 'ga' l#'^ t#i'; jo dsu' lajal#e' e jo nili'ing` ta` qui~naa' lata` e laco' ni'u#ing~ gui#~ qui~naa' e ja` c#ng` coo'~ fi' #iff'. 18 Jo u#i'~ e lajob l#', joba' lana jo` ta` ds#naa' coo'~ jal#e' e jn#eng~ j#o`naa' fi' jmi#g#i' la, co' coo'~ jal#e' e ja` jn#eng~ j#o`baa', coo'~ e joba' e ta` ds#naa'; ds#co' ja` u#o` ee~ lajal#e' e jn#eng~ j#o`naa', jo dsu' lajal#e' e ja` jn#eng~ j#o`naa', dse#ng'~ latab~ dse#ng'~ sea` lajal#e' e jo.

5

1 Jo gui#b~ nine~naa', dsea` r#'^naa', e lajee` see~naa' fi' jmi#g#i' la, l#'^naa' lafa' coo'~ 'n#u' m#` 'ma` e ja` hu#o` ee~. Jo dsu' nine~b#i' cajo e mi` ni'ing~ e 'n#u' jo, nicajmeb' Fidi#e' 'nu~naa' e jlo' e sea` lata` fi' #iff~ qui#r~. Jo e 'n#u' jo 'fiab' Fidi#e' dsea` nicajme'r', jo o' dsea` jmi#g#i' i nicajme'. 2 Jo u#i'~ e lajob nisea` qui~ii' fi' #iff~, joba' lana, lajee` e see~naa' fi' jmi#g#i' la, e#am` se#ang` ds#naa' e dse#ng'~ ni'i~naa' e 'n#u' 'm#~ e nisea` qui~ii' fi' #iff~. 3 Co' e joba' e niq#ng' jneaa~aa' lafa' coo'~ 'mi', jo lajoba' jo` niling`naa' lafa' dsea` ring#ung'. 4 Jo lajee` e see~naa' fi' jmi#g#i' la coo'~ e ng#u' t#ang`naa' la, e#am` se#ang` ds#naa' dsu' u#i'~ e lijiuung~ ds#naa' coo'~ jal#e' iihu#. Jo dsu' jneaa~aa' ja` ii~naa' fa' e nij#ung~naa', co' l#'^ l#'^ ii~naa' e niq#ng' jneaa~aa' lafa' 'mi' e 'n#u' e sea` fi' #iff~ do, jo lajoba' e ng#u' t#ang`naa' la ni'u#ing~ coo' e sea` car` ngong#i' jmi#. 5 Jo 'fiab' Fidi#e' dsea` nicagui#ei#~ jneaa~aa' gui#~ qui#~ e nil# lajo, jogui i'bi dsea` nicacu#r' jneaa~aa' Jmi#g#i' qui#r~ e l#'^ 'n#ang'~ qui#~ e cat#~naa' ni'ing'~naa' mi` nit#~ i' lajo.

6 Joba' dse#ng'~ e#am` ta` ds#naa' cont#ng~, jo nine~b#i' cajo e lajee` e see~naa' fi' jmi#g#i' la coo'~ e ng#u' t#ang`naa' la, sihu#im`baa' laco' fi' li' guiing~ F#i'naa' Dsea` Jm#ang~. 7 Jo lana ja` m# cu#ng` neeng~naa' dsea` do, co' lana see~naa' fi' jmi#g#i' la e j#~ l#'^naa' j#i'~ j#u` qui#~bre. 8 Jo f#~t#u` cal#e' cat#~ e e#am` nita` ds#naa', jo dse#ng'~ e#am` ni'i~naa' e nit#naa' fi' jmi#g#i' la e laco' nilisee~naa' c#ng` coo'~ Fidi#e' fi' #iff~ qui#r~. 9 Jo u#i'~ e lajob ii~naa', joba' dse#ng'~ cont#m~ jmoo~naa' quij#~ e nit# ds#i' F#i'naa' Dsea` Jm#ang~ coo'~ jal#e' e jmoo~naa' na#i' su see~naa' fi' jmi#g#i' la osi e nit#naa' #e. 10 Co' lajal#ng' jneaa~aa' 'n#~ ning#ng~naa' fi' quini` dsea` do fi' li' gui#i#~ #r' i' e laco' lajaang`

lajaang`naa' ni'fiing`naa' lajii~ e cati~naa' li^ laco' jii~ li' e cajmo`oo' lajee~ e cataang`naa' fi' jmigui~ la, nañi' su guia~ osi ja` dseeng` e.

11 Jo co' lajob nili, joba' nine`baa' e contøom` 'né` nijmi'goo`naa' Fii`naa' Dsea` Jmaang~, jogui jnea^ contøom` jmoo`naa' quiji~ jial e nijá~ líng` dsea` júu^ quia~ dsea` do. Jo guiab~ nicuíng` Fidié~ jnea^ jial línaa', jogui sijeem`baa' e cuim` 'nú' jnea^ jial línaa' cajo. 12 Dsa' ofa' jnea^ nicanaang`túu' e jmiféng' yee`naa', co' jnea^ fé`naa' e júu^ na e li^ laco' 'nú' cuøøng` nifo`na' guia~ uii~ quí`naa', jo lajoba' quí`na' jmi~ e ningi~na' quia~ i dsea` i jmiráang` yaang` li^ caluu` jo o' dseáng` jial líiñ` fi' dsir'. 13 Jogui song lí' jnea^ lafa' dsea` caang~, dsa' jii~ cuaiñ` quí`baa' jogui cóo~ Fidiéeb` e jo; jogui song ja` línaa' lafa' dsea` caang~, joba' guia~ quí`ba' jóng. 14 Jo uii~ e eám' 'neáng` Dsea` Jmaang` jnea^, joba' la guim` 'né` jmó`naa' e ta~ e jmoo`naa', dsuco' dseáng` nitab` dsinaa' e íb` dsea` cajúin` fi' dse` crúu^ uii~ jalé` dsee` quí`ii', jo uii~ e lajob calí, joba' lana lajaléng` jnea`aa' lafa' nicajúm`baa' cajo. 15 Jo Dsea` Jmaam` dsea` cajúin` uii~ dsee` quia~ lajaléng` dsea` jmigui~ jo lajoba' jaléng` dsea` i nilíng` dsea` quia~ dsea` do jo` 'né` seeiñ` e jmóor` lajii~ e iin` yaaiñ`, dsuco' dseáng` lajii~ e iing` dsea` doba' e 'né` jmér`. Co' íb` dsea` i cajúng` jogui caji`tur mi~ cangf` lajo uii~ quia~ jalé` dsee` quia~ jaléng` i dsea` do.

16 Jo lajii~ ie~ jmi~ e já~ calí`naa' e lajob líi, joba' jo` í dsí` jnea^ uii~ quia~ jaléng` dsea` laco' jii~ e í dsí` dsea` jmigui~; jo nañi' fa' lami~ jéeng`gui` í dsí` jnea^ e Dsea` Jmaang` líiñ` jii~ dsea` jmigui~, jo dsa' lanagui jo` í dsinaa' lajo uii~ quia`r`. 17 Co' lana lajaléng` dsea` i niseeng` cøøng` cóo~ Dsea` Jmaang` nica`uiñ` dsea` 'mim` ; jo cab' nicasé` jalé` e lami~ quí` tñiñ` jmóor`, jo lana nijmóor` jalé` e guia~, co' jaam` dsea` 'míng` nilíiñ`.

18 Jo dsa' 'ñiab' Fidié~ dsea` jmóor` jalé` e jo, co' la'eáng` cóo~ Dsea` Jmaam`ba' e cajméer` e lana nisee`naa' juguiá~ júu^ røø` cóo`r~ jogui cacuø`r` jnea^ ta~ e niguiá`naa' júu^ quia`r` e laco' cuøøng` niliseeng` dsea` juguiá~ júu^ røø` cóo`r~ cajo. 19 Jo li^ laco' cuøøng` fe`ee' e la'eáng` cóo~ Dsea` Jmaang~, Fidié~ nicajméer` e niliseeng` dsea` juguiá~ júu^ røø` cóo`r~, jo ja` mí` cajme`r` cuente lajalé` dsee` e nica`éé` dsea` jmigui~. Jo dsea` dob cajo dsea` nicacuø`r` jnea^ ta~ e laco' niguiá`naa' júu^ e nicajméé` Fidié~ e niliseeng` dsea` juguiá~ júu^ røø` cóo`r~ jee~ jaléng` dsea` jmigui~. 20 Jo jnea^ línaa' dsea` i casíng` Fidié~ cuaiñ` quia~ Dsea` Jmaang~, jo cuøøng` lí fe`ee' e lafa' 'ñiab' Fidié~ mi`r` 'nú' jmi`ee' la'eáng` cóo~ jnea^ . Jo uii~ e lajob líi, joba' la'eáng` Fii`naa' Dsea` Jmaang` mí`i` 'nú' jmi`ee' e nijméé`na' quiji~ jial niliseeng`na' juguiá~ júu^ røø` cóo~ Fidié~. 21 Jo jii~ cóo` dsee` ja` ca`éé` Dsea` Jmaang~, jo dsa' Fidié~ cajméer` e dsea` dobing` i cacó` lajalé` dsee` quí`ii'. Jo cajméer` lajo e la'eáng` cóo~ dsea` do ni`uíng`naa' dsea` i ja` røøng` dsee` fi' quini`r`.

6

1 Jo lana, uii~ e jnea^ línaa' dsea` i jmóo` ta~ e nicangíng`naa' quia~ Fidié~, joba' liúung`naa' 'nú' e ngocáng` dsinaa' jo síi`naa' 'nú' e ja` li^ jmi`i`na' lajo e guíung` Fidié~ cóo~ 'nú'. 2 Dsuco' lalab fé` Fidié~ fi' ni` jii` quia`r` : "Jo canú`baa` júu^ quí` mi~ catí` í' lajo; jogui cajmicóo~baa` 'na` mi~ catí` í' e caláan` jee~ jalé` dsee` quí`ii'." Jogui lanab catí` í' e ninú` Fidié~ júu^ quí`na'. iJogui lanabi cajo dseáng` catí` í' e nileáng` dsea` jee~ jalé` dsee` quia`r`!

3 Jo jnea^ contøom` ee`naa' guia~ fi' quini` dsea` rú`naa' e laco' ja` nifé` dsea` ga` uii~ quia~ e ta~ e jmoo`naa'. 4 Jo dsa' jnea^ li^ lí` jmoo`naa' lí` e línaa' dsea` i jmoo` lajii~ e iing` Fidié~, co' jnea^ eám' jmoo`naa' té`naa'

e féng' dsi'naa' cóo'~ jalé' iihuú' e dsingúng'naa' jogui cóo'~ jalé' e 'né'naa' jogui cóo'~ jalé' fi'í' dsi' e dsingúng'naa'. ⁵ Jogui jmoo'baa' té'naa' cajo mi' bõong' dsea' jnea'^ cóo'~ sii', jogui mi' táng' dsea' jnea'^ fi' dsi' 'nuñí', jogui mi' táng' dsea' jnea'^ mii', jogui mi' jmoo'naa' ta' ii', jogui mi' ja' 'ga' lí' güü'naa' uóø, jogui cajo mi' ngüing'naa' oo'. ⁶ Jogui jmoo'naa' li' e lí'naa' dsea' i' jmoo' lajii' e iing' Fidié', co' jnea'^ ja' beáang' dsee' yee'naa', jogui eáam' nine'naa' júu' quiá' Dsea' Jmáang', jogui eáam' guiúng'naa', jogui eáam' féng' dsi'naa' cóo'~ jaléng' dsea' rú'naa', jogui seem' Jmiguí' quiá' Fidié' cóo'~ jnea'^, jogui dseáng' lajam'ba' 'neáang'naa' jaléng' dsea' rú'naa', ⁷ jogui dseáng' lajang' guia'naa' júu' quiá' Dsea' Jmáang', jogui la'eáang' cóo'~ bí' 'gøng' quiá' Fidié' jmoo'naa' jalé' e quí'naa' jmii'. Jo jmáang'naa' ta' e ee'naa' røø'na e laco' jmi'óng' yee'naa' jee' jalé' e dsingúng'naa' jogui e laco' ningü'naa' quiá' dsea'. ⁸ Jo dsu' seab' mi' jmi'gó' dsea' jnea'^, jogui sea'bi mi' jmáin' ga' jnea'^, jogui sea'bi mi' fé'r' guia' uii' qui'naa', jogui sea'bi mi' fé'r' e ga' cajo. Jogui jmáin' jnea'^ e lafa' dsea' quie' júu' e o' ja' lí'naa', nañí' fa' júu' ja' ba' e fé' jnea'^; ⁹ jogui jmáin' jnea'^ e lafa' lí'naa' dsea' i' ja' cuim'bre, nañí' fa' guiúb' nicuíng' dsea' jnea'^; jogui lí'naa' lafa' dsea' i' tí' lí' nijúung', dsu' mí' 'noo'bi see'naa'; jogui eáang' cuø'r' jnea'^ iihuú', dsu' ja' mí' cajngaiñ' jnea'^; ¹⁰ jogui lafa' fi'í' lí'naa', dsu' o' ja' lajo, co' contøø' iáang' dsi'naa'; jogui lafa' dsea' tiñing' lí'naa', dsu' o' ja' lajo, co' i' fím' dsea' eáang'gui nica'íñ' güea'^ quiá' Fidié' la'eáang' cóo'~ jnea'^; jogui lí'naa' lafa' dsea' i' ja' sea' quiá' júi' coo', dsu' o' ja' e jo, co' lajaléb' e 'né'naa' seab'.

¹¹ Joba' fii'guí' 'nú', dsea' rú'naa' dsea' quiá' Dsea' Jmáang' i' seeng' fi' na fi' Corinto, e nicaféeng'naa' 'nú' dseáng' lajii' e í' dsi'baa', jogui nicasí'naa' 'nú' e júu' na uí' e eáang' 'neáang'naa' 'nú'. ¹² Jo ja' sea' júi' coo' qui' jnea'^ e fa' ja' 'neáang'naa' 'nú', dsu' 'núb' dsea' i' ja' 'ga' lí' 'neáang'naa' jnea'^. ¹³ Joba' mii' i' 'nú' jmi'ee' lana lí' laco'gui jmoo' tiquiá' jaang' jiuung' e féiñ' jóor', e jmi'neáang'naa' jnea' lí' laco'gui jmoo' jnea' cóo'~ 'nú'.

Jaléng' dsea' quiá' Dsea' Jmáang' láin' lafa' guá' lí' seeng' Fidié'

¹⁴ Jogui lana, dsea' rú'naa', e laba' fii' i' 'nú' e ja' quing' yaang'naa' jee' jaléng' i' dsea' i' ja' ja' líng' júu' quiá' Dsea' Jmáang', co' ja' qui' jmii' e jaléng' i' dsea' i' ee' røø' niliseeñ' cøøng' cóo'~ jaléng' i' dsea' i' ja' jmoo' lajo; jogui ja' qui' jmii' cajo e nisíng' røø' lí' jnea' jii' cóo'~ gui' fi' lí' nuu'. ¹⁵ Jogui ja' qui' jmii' cajo fa' Dsea' Jmáang' nisíñ' røø' cóo'~ fi' i' 'líng', o'gui jaang' dsea' quiá' Dsea' Jmáang' fa' qui' jmii' e nijmér' lajo cóo'~ jaang' dsea' i' ja' ja' líng' júu' quiá' dsea' do. ¹⁶ Jogui ja' qui' jmii' cajo fa' e røø' lí' e guá' lí' jmiféng' dsea' Fidié' laco'gui e guá' lí' teáang' jaléng' dié' dsea' cuu'. Dsaco' jneaa'aa', dsea' lí'naa' dsea' quiá' Dsea' Jmáang', lí'naa' lafa' guá' quiá' Fidié' i' seeng' car' ngongü' jmii' lí' laco'gui cajíñ' 'ña'r' ie' lamí' jéeng'gui do ie' lamí' cajíñ' lala:

Jo contøø'm' niliseen' jogui ningü' jee' jaléng' dsea' quie' e.

Jogui jneab' dsea' nilíin' n Fidié' quiá'r'

jogui íb' dsea' nilíng' dsea' quie' e cajo.

¹⁷ Jo uí' e lajob' lí', joba' cajíng'gui Fidié' lala:

Jmi'naang' yaang'naa' jee' jaléng' dsea' i' ja' ja' líng' júu' quie' e,

jogui jmihuíng' yaang'naa' quiá'r'.

Jogui ja' quíng'naa' jee' jalé' e 'lí' e jmoo' jaléng' i' dsea' do, jo lajoba' ni'ín' jnea' 'nú'.

¹⁸ Jogui jneab' dsea' nilíin' n Tiquí'naa',

jogui 'núb' dsea' nilíng'naa' jóo'.

Jo lanab' fé' Fí'naa' Fidié' i' quí' jmii' jmé' lí' doñí' ee'.

7

¹ Joba' fñi' i 'nú', dsea' rú'naa' i 'neáan' eáang', e lanab lí' júu' quiá' Fidié' e nicacuø'r' jneaa'aa' e nijmitir'. Jo uí' e lajob lí' e júu' jo, joba' 'né' 'naam' yee'naa' jee' jalé' e dseáang' ni'lé' fí' ngúu' táang'naa' jogui fí' jmiguí' qui'naa', co' lí' lí' 'né' e nijáang' yee'naa' dseáang' congua' fí' jaguó' Fidié' e laco' nijmó'naa' jmang' e guiá' uí' e jmi'goo'naa' dsea' do.

Mi' já' calíng' dsea' Corinto júu' quiá' Dsea' Jmáang'

² Jo fñi' guí' 'nú' e nijmi'neáang'na' jnea' e ngocáng' óó'na'. Dsüco' cóo' jii' jaang' dsea' fa' nicajmó'naa' e soo' dsi'naa', o'gui mí' ca'lee'naa' quiá' jii' jaang' dsea', o'gui mí' jmigøøng'naa' dsea' cajo. ³ Jo dsu' ofa' éen' 'nú' cóo' e júu' la, co' lí' laco'gui la nicafñi' i 'nú' ie' lami' jéeng'gui do e dseáang' 'neáam'baa' 'nú' nañi' song see'naa' osi nijúu'naa' é. ⁴ Jogui dseáang' lajii' e í' dsi'baa, e joba' fñi' i 'nú', jogui eáam' iáang' dsii' cóo' 'nú'. Jogui jee' jalé' iihu' e dsingñin' fí' la, eáam' jmi'iaang' dsii' jogui cuøø' bí' ñiá'a. ⁵ Jo lajii' ie' lami' cagüé'naa' fí' la fí' lí' se' Macedonia, ja' mí' caliseá' fí' qui'naa' fa' e nicajmi'ing'naa' cateá', dsüco' huíng' eáang' cangojée' qui'naa' lacaang' lí' ngi'naa' uí' e seeng' jaléng' i 'ní' ní' qui'naa' lacúng' lajíng' lí' ngi'naa', jogui e 'gó'baa' cajo. ⁶ Jo dsu' Fidié' i jmitii' dsii' jaléng' dsea' i líng' fí'í', jo íb' dsea' nicajmitii'r' dsi'naa' uí' e nicagüéng' i dsea' rú'naa' dsea' quiá' Dsea' Jmáang' i sii' Tito. ⁷ Jo dsu' o' jii' e cagüéng' Tito fí' la e iáang' dsi'naa', co' lajob lí'naa' cajo uí' e eáam' iáang' dsii' i Tito la dsüco' cajmi'iaang'na' dsii'. Jogui cajim' biguir' cajo e eáam' iing' 'nú' e nimáang'tu' jnea', jogui cajim' bir' jalé' fí'í' dsii' e jmoo'na' uí' jnea' jogui cajo eáam' guíng' óó'na' jnea'. Jo uí' e lajob jmoo'na', joba' cóo' e jo eáang'gui cali'iaang' dsii'.

⁸ Jo nañi' fa' e jì' e casñin' qui'na' do lami' jéeng'gui cajmée' e calíng'na' fí'í', jo dsu' ja' jó' dsii' lana uí' e cajmé' e lajo. Jo cajob' dsii' dsu' uí' e huøøm' jiu' cajmee'na' fí'í' cóo' jalé' e júu' e fé' e fí' ní' jì' do. ⁹ Jo dsu' lanagui jmi'iaam' dsii', dsu' o' uí' e calíng'na' fí'í', co' jmi'iaang' dsii' e la'eáang' cóo' e calíng'na' e fí'í' dsii' doba' e caqui' jíng' yaang'na' fí' quini' Fidié'. Dsüco' lí' laco' la tí' dsii' Fidié' cajmee'na' e fí'í' dsii' e cangongñing'na' do, joba' jnea' ja' ee' ca'lee'naa' qui'na' jii' cóo' cóo' e júu' e casii'naa' 'nú' do. ¹⁰ Dsüco' e lijjuung' dsii' e íng' dsea' laco' la tí' dsii' Fidié' ja' se'r' dsee' mi' dsingñiñ' lajo, dsu' e jo íng' ta' e laco' niqui' jíng' yaaiñ' fí' quini' dsea' do, jo lajoba' nileaiñ' jee' jalé' dsee' quiá'r', jo ja' jó' dsii' jalé' e cangongñiñ' do. Jo dsu' jaléng' dsea' i ja' cúing' Fidié', mi' se'r' dsee' dsu' uí' e íñ' jalé' fí'í' dsii', joba' e jo jmoo' e 'naaiñ' congua' cóo' Fidié'. ¹¹ Jo qui'na' cuente e eáam' guiá' nica'uíng' qui'na' cóo' jalé' e fí'í' dsii' e nicangongñing'na' do! Co' nica'íng'na' e jo lí' laco' la tí' dsii' Fidié'. Dsüco' e jo cajmée' e lajang' júu' ca'íi' óó'na' laco' catíng' jogui e cajmi'øng' yaang'na', jogui e cajmi'øng'na' jnea', jogui cajmée' e caligúing'na' uii' qui'na', jogui cajmée' bi' cajo e ca'í' fø' qui'na'. Jo mi' cang' jo, cali'ing' 'nú' e nimáang'tu' jnea', jogui ca'í' óó'na' e nicuø'na' iihu' i dsea' i ca'ée' dsee' do. Jo cóo' jalé' e nicajmee'na' do nicajmiliing' yaang'na' e ja' ee' caquíng'na' jii' cóo' jee' jalé' e cangojée' do. ¹² Jo co' lajob lí', joba' mi' cajme'e e jì' e casñin' qui'na' do, ja' ca'í' dsii' uii' quiá' i dsea' i ca'lee' do o'gui uii' quiá' i dsea' i cangongñing' ga' do, jo dsu' cajme'e e jì' do e lí' laco' nilili' fí' quini' Fidié' jial tí' guíng' óó'na' uí' qui'naa'. ¹³ Jo uí' e lajob jmoo'na', joba' nicalitii' dsi'naa'.

Jogui o' cóo' jii' e jo e nicalitii' dsi'naa', co' eáang'gui nicali'iaang' dsi'naa' dsu' e nicagüéng' Tito fí' la e iáang' dsii' dsu' uí' e nicacuøø'na'r' bí' jogui e nica'ee'na' guiá' cóo'r'. ¹⁴ Jo nicafñi' jnea' Tito lami' jéeng'gui e eáam' iáang' dsii' cóo' 'nú'; joba' ja' lí' cøøng' ta' cañi' ire lajo. Dsüco' dseáang'

júu^ jáb^- jalé^ e nicasí~naa' 'nú^ lí^ laco'gui jíi~ júu^ e nicasí~naa' Tito cajo cuaiñ~ quiá^- e eám' iáang` dsi~naa' uii~ quiá^na'. ¹⁵ Jo lana eáang`gui b iáang` dsí' Tito uii~ quiá^na' dsu' uíi~ e cajmee~na' núu~na' júu^ quiá'r~, jogui e guiá^- óo'ba' ca'ling~na're mi~ caguiér^- fí' na. ¹⁶ Jo jnea~ eám' iáang` dsii^- dsu' uíi~ e dseáng^- tab~ dsii^- cóo^- 'nú^.

8

Mi~ caseáng' cuu^- e licóo~ dsea` quiá^- Dsea` Jmáang^-

¹ Jo lanagui, dsea` rú~naa' dsea` quiá^- Dsea` Jmáang^-, ii~naa' síi~naa' 'nú^ jial tí' guiúng^- Fidié~ nicajméer` cóo^- jaléng^' dsea` quiá'r^- i neáang` fí' lí se' Macedonia. ² Jo nañí' fa' eáang` nica'ing^' jaléng^' i dsea` do jalé^ iihuá', dsu' dseáng^- eám' iáang` dsíir'. Jo nañí' fa' tiñím^-bre eáang`, jo dsu' e iáang` dsíi~bre nicaseáin^' jalé^ cuu^- e laco' nijmicóo'r~ dsea` rúin^', jo nicacuør^- e jo lafa' eáang` sea` cuu^- quiá'r^-. ³ Jo tíib^-ni~ jnea~ e iáang` dsíib^-i dsea` do caseáin^' jalé^ e cuu^- do lí^ jie~ jíi~ e quíi~r~ jmí~, jo car^- jíi~ lí'gui lajo nicaseáin^'. ⁴ Jo i dsea` i seeng` fí' lí se' Macedonia do, eám' camí'r^- jnea^ jmí'ee~ e laco' nicuø^naa' fí' e cuøng` nijmicóo'r~ jaléng^' i dsea` quiá^- Dsea` Jmáang^- i seeng` fí' Jerusalén. ⁵ Jo dsu' lí'gui b cajméer^- jíi~ laco' lamí^- í dsí~naa', co' jì'gui cajáng^' yaaiñ~ la'uii~ e nijmitir^- dseáng^- lajíi~ e iing^- Fidié~, jo mi~ cangí' jo, cajáng^' yaaiñ~ fí' quini~naa' e laco' nijmitir^- lajíi~ e nisíi~naa're e nijmér^- lí^ jialco' la tí' dsí' Fidié~. ⁶ Joba' nicamáí~naa' Tito jmí'ee~ e nisítíiñ^- lajíi~ e nicaseáang^- 'nú^ e iáang` óo'na' lí^ laco' jíi~ e nicanaaiñ^- sítíiñ^- ie~ lamí~ jéeng`gui do. ⁷ Jo jaléng^' 'nú^, la'eáang` cóo^- Jmí'gui quiá^- Fidié~, quíi~na' jmí~ jmé^na' doñí' ee^- uii~ e já^- líng`na' júu^ quiá^- Dsea` Jmáang^-, jogui eáang` tíng`na' fo^na' júu^ quiá^- Fidié~, jogui eáang` tíng` ngáng`na' e júu^ jo, jogui eáang` guíá^- áa'na' e jmicóo~na' jaléng^' dsea` rúng`na', jogui eáang` 'neáang`na' jnea^ lí^ laco' jíi~ e calítíng`na' quí~naa', jo lajoba' 'né^- e eáang`gui nisáng`na' cóo^- jalé^ e seáang`na' do.

⁸ Jo dsu' ofa' quiá^-u ta~ 'nú^ e dseáng^- lajo 'né^- nijmée^na'; dsuco' lico' jnea~ iin~n e nilíiñi^- su dseáng^- lajang^' júu^ 'neáang` 'nú^, dsea` rúng`na', e laco' nilíi^- su guíá^- óo'na' e nijmicóo~na' dsea` rúng`na' lí^ laco' jmóo^- i dsea` caguiaang^- do. ⁹ Jo guiáb^- niñí^ 'nú^ e Fíi~naa' Dsea` Jmáang^-, uíi~ e eáang` guiúin^- cóo^- jneaa~aa', joba' mi~ cagüéiñ^- fí' jmí'gü^- la ca'uiiñ^- jaang` dsea` tiñíng^- uíi~ jneaa~aa', nañí' fa' jaang` dsea^- i niing^- eám~bre líiñ^- fí' ñíí^- . Jo cajméer^- lajo e laco' la'eáang` e ca'uiiñ^- jaang` dsea` tiñíng^-, joba' jneaa~aa' ni'íng^-naa' jalé^ e jlo^ e catí~naa'.

¹⁰ Jo e laco' ni'uíng^- guiá^- quiá^-na', joba' nííi^- i 'nú^ lajíi~ e í dsii^- cuaiñ^- quiá^- e júu^ la. Co' jíi~ ie~ mi~ cajíi~ba' canaang` 'nú^ e caseáang^-na' jalé^ e cuu^- jo, jo dseáng^- e ngocáng^- óo'ba' cajmee~na' lajo. ¹¹ Joba' lana jmíté^na' cóo^- lajíi~ e nicanaang^-na' jmoo~na' do lí^ laco' jíi~ jialco' lí^- dsítíng^- quiá^-na'. Jogui jmee~na' lajo e iáang` áa'na' lí^ laco' líng`na' ie~ lamí~ ca'í^- óo'na' e canaang^-na' cajmee~na' e jo. ¹² Dsuco' mi~ jaang` dsea` dseáng^- lajang^- iáang` dsíir^- e líng`go ee^- iin~ cuør^-, joba' ím^ Fidié~ lajíi~ e cuø^- i dsea` do lí^ laco' jíi~ e dsítíng^- quiá^-r~, dsuco' ja^- mí' Fidié~ jalé^ e ja^- sea` quiá^- dsea^-.

¹³ Jo dsu' ja^- ii~naa' e fa' uíi~ e 'nú^ nijmicóo~na' jaléng^' i dsea` rúng`na' do, jo lajee^- jo 'nú^ nimó^na' oo^-. ¹⁴ Co' guiá^-gui e nilísea^- conrøø^- quiá^-na' lajaang^- lajaang`na'. Dsuco' lanagui seab^- quíi^- 'nú^ lajíi~ e 'né^- quiá^- i dsea` do. Jo dsu' mi~ cóo^- née^-gui i dsea` íb^- nilísea^- quiá^-r^- lajíi~ e 'né^- quiá^- 'nú^, jo lajoba' nilísea^- conrøø^- quiá^-na'. ¹⁵ Jo lí^ laco'gui la fé^- fí' ní^- jì^- quiá^- Fidié~ lí^- fé^- lala: "Jo^- e caseáang^- quiá^- i dsea^- i casítí^- jmí'gui, o'gui cali^-né^-gui quiá^- i dsea^- i casítí^- capí^-."

Mi~ cangó~ Tito fi' Corinto

16 Jo cuóø~ø gui'máang~ Fidié~ uii~ e cajméer~ e Tito ca'f dsíir' eáang' uii~ quíi~na' lí^ laco' jíi~ e í dsí jnea~ cajo. 17 Jo ca'fb~ dsíir' e nijmér~ lajii~ e cafi~ire, jogui co' eáam' guing~ dsíir' 'nú', joba' 'ña'bre ca'f dsíir' e nidsér~ e nidsi'éer~ 'nú' fi' na.

18 Jo coliang~ cóo~ Tito, nisín^n fi' na jaang` dsea` rú'naa' dsea` quiá~ Dsea` Jmáang~ i eáang' guiú~ fé~ jaléng~ dsea` quiá~ Dsea` Jmáang~ uii~ quiá~ uii~ cóo~ jalé~ e guiú~ e nicajméer~ lajee~ e ngir' guiar' júu^ quiá~ jial laang` dsea` jee~ jalé~ dsee~ quiá~r~. 19 Jogui cajo jaléng~ dsea` quiá~ Dsea` Jmáam~bing~ caguíng~ i dsea` do e laco' ningír~ cóo~ jnea^ jogui e laco' nijmicóo'r~ jnea^ e nidsicá^naa' jalé~ e caseáng' do. Jo jalé~ e jo jmoo~naa' e laco' jmi'goo~naa' Fí'naa' Fidié~ jogui e laco' ninî dsea` jial tí' e iáang` dsí'naa' e jmicóo~naa' dsea` rú'naa'. 20 Jo ii~naa' e ja nifé~ dsea` ga` uii~ quiá~ jial néé' nî'naa' jalé~ e cuu~ e seáang~naa' la. 21 Joba' jmi'úung~naa' e jmoo~naa' jmang~ e guiú~, jo o' jíi~ fi' quini~ Fí'naa' Fidié~ jmoo~naa' lajo, co' lajob jmoo~naa' cajo fi' quini~ jaléng~ dsea` jmigüi~.

22 Jo coliang~ cóo~ i dsea` gáng~ na, nisín~n fi' na jaang` gui dsea` rú'naa' dsea` quiá~ Dsea` Jmáang~ i eáang' nicajmili~ e guia' dsíir' e jmicóo'r~ jaléng~ dsea` rú'naa'. Jo dsu' lana eáang'gui nijmilir~ e líiñ' lajo uii~ e nita~ dsíir' cóo~ 'nú'.

23 Jogui cuaiñ~ quiá~ Tito fi~i 'nú' e líiñ' jaang` dsea` rú'naa' i ngí jmoo` ta~ coliang~ cóo~ jnea~ e laco' nijmicóo~naa' 'nú'. Jogui fi~i 'nú' cuaiñ~ quiá~ i dsea` quiá~ Dsea` Jmáang~ i gáng~gui do e líiñ' dsea` i casíng` dsea` quiá~ Dsea` Jmáang~ i seeng` fi' la jogui e eáam' jmiféiñ' Dsea` Jmáang~. 24 Joba' fi~i 'nú' e jmi'neáang~na' i dsea` gaang` i síng~naa' la, jo lajoba' nilita~ dsíir' e sea` uing~ e jnea^ eáang' iáang` dsí'naa' uii~ quíi~na'. Jo lajoba' niliñ' cajo jaléng` dsea` quiá~ Dsea` Jmáang~ caguaiang~gui e dseáng~ lajang~ júu^ e 'neáang' 'nú' i dsea` gaang` na.

9

Jial caseáng' jalé' e 'né~ dsea` quiá~ Dsea` Jmáang~

1 Jo lana, dsea` rú'naa' dsea` quiá~ Dsea` Jmáang~, lín~n e jo`ngíi~ lí' fa' 'né~ e nisíng`guá' jí' quíi~na' cuaiñ~ quiá~ jalé' e 'né~ seáng' e quiá~ nilicóo~ i dsea` rú'naa' caguaiang~ do i neáang' fi' Jerusalén, 2 co' niñi'baa' guiú~ e eáam' iáang` óo'na' e nijmée^na' lajo. Joba' contøong~ e iáang` dsii~ fi~i jaléng~ dsea` seeng` fi' lí' se' Macedonia e jíi~ ie~ cajii'ba' e iáang` óo' 'nú', dsea` seeng~na' fi' na fi' lí' se' Acaya, e nijmicóo~na' jaléng~ dsea` rúng~na' dsea` quiá~ Dsea` Jmáang~. Jo uii~ e lajob iáang` óo'na' e jmoo'na', joba' lajob iing~ nijmé~ cajo jaléng~ i dsea` seeng` e fi' lí' se' Macedonia do. 3 Jo dsu' lanagui lab nisín^n fi' na lajì gaang` i dsea` quiá~ Dsea` Jmáang~ la, jo lajoba' nilili~ e dseáng~ já~ lajii~ júu^ e nicafá~a uii~ quíi~na' cuaiñ~ quiá~ jalé' e seáang~na' do. Co' jnea~ iin~n e néeb' guiú~ quíi~na' lí^ laco' nicafá~a lami~ jéeng'gui. 4 Jo lajob 'né~ jmée^na', co' jial fíng song cangolíng~ cóo~ jnea~ fi' na tú~ 'ní máng~ dsea` i seeng` fi' Macedonia, jo ninír~ e ja mí' néé' guiú~ quíi~na'. Jo song lajob lí' quíi~na', joba' fi'ib' nicá~ jnea~ jóng uii~ e eáang' nicajmita~ dsí'naa' cóo~ 'nú'. Jo fá~a e júu^ na e laco' ja' nifá~a e 'náb' dsea` ní'íng~na' e fi'í' do. 5 Jo uing~ e lajob, joba' nica'f dsii~ e dseáng~ guím~ e jang~ nimí~i i dsea` rú'naa' dsea` quiá~ Dsea` Jmáang~ la e jang~ nidsi'eer~ 'nú' la'uii~, jo lajoba' cuøong` e nijmicóo'r~ 'nú' e niseáng' lajii~ e nicacuó^na' júu^ quíi~na' lami~ jéeng' e niseáang~na'. Jo lajoba' niné~ guiú~ lajalé' e nicaseáang~na' do e iáang` óo'na', jo o' e 'mang~ óo'na'.

⁶ Joba' fñi' i 'nú', dsea' rú'naa', e téé' ó'na' e júu' la: "I dsea' i ja' 'leáang' mijú' jní, joba' ja' 'leáang' nisitñiñ' mi' niró'. Jogui i dsea' i jní' jmigui' mijú', joba' jmigui' nisitñiñ' mi' niró'." ⁷ Joba' lajaang' lajaam' dsea' 'né' cuør' lajii' e nica'f' dsíir' e nicuør', jo ja' 'né' cuør' e jo e lijiuung' dsíir' osi e laguidseaang' é, dsuco' eáam' 'neáang' Fidiée' jaléng' i dsea' i cuø' e iáang' dsíi'. ⁸ Jo quíib' Fidiée' jmi' jmér' e nidsijée' guiá' quií'na' e laco' nilisea' jmigui'gui' jalé' e 'né'na'. Jo lajoba' nilisea' quií'na' lalíng' jalé' e jo, jogui cajo niseáam' bi e laco' cuøøng' nijmicóo'na' jaléng' dsea' rúng'na' i 'né' quiá' lajo. ⁹ Dsuco' lalab fé' fí' ni' jì' quiá' Fidiée':

Jo e iáang' dsíi'bre nicacuør' jaléng' dsea' tiñíng',

jogui jalé' e guiá' e cajméer', dseáng' ja' tóo' jmi' fa' e ni'íng'.

¹⁰ Jo Fidiée' dsea' cuør' jalé' e mijú' e jní' dsea', jo í'bi cajo i cuø' e laco' sea' jalé' e gø' dsea'. Jo íb' dsea' nicuør' 'nú' lajalé' e 'né' quií'na' e laco' nijngá'na', jogui dsea' íb' cajo dsea' nijmér' e nidsicuáng'gui' jalé' e ro'na' e laco' cuøøng' e jmicóo'na' e iáang' ó'na' jaléng' dsea' rúng'na'.

¹¹ Jo lajoba' nilisea' quií'na' langíng' íng' jalé' e 'né'na' e laco' cuøøng' e eáang'gui' nijmicóo'na' dsea' rúng'na' e iáang' ó'na'. Jo mi' nijáa'naa' jaléng' dsea' rú'naa' dsea' quiá' Dsea' Jmáang' jalé' e cuu' e nicaseáang'na' do, joba' eáang' nicuør' gui'máang' Fidiée'. ¹² Dsuco' lajii' e nidsicá'naa' do e nicuøø'naa' i dsea' rú'naa' do o' jii' lico' nijmicóo'naa' r' còo' jalé' e 'né', co' lajob cajo, la'eáang' còo' jalé' e nicuøø'naa' r' do, nijmé' e eáang'gui' nicuør' gui'máang' Fidiée'. ¹³ Jo jaléng' i dsea' i ni'íng' lajii' e nicaseáang'na' do, eáang' nijmiféiñ' Fidiée', co' nililí' e dseáng' jmoo' 'nú' núu'na' e júu' quiá' Dsea' Jmáang' e nijá' calíng'na' do. Jogui lajobi i dsea' do cajo nijmi'gø'bre Fidiée' uí' jalé' e iáang' ó'na' e nicajmee'na' guié' jee' ír' jogui jee' jaléng' i caguaang'gui' cajo. ¹⁴ Jogui i dsea' do nimí'biguir Fidiée' uí' quií'na' car' ngocáng' dsíir' uí' jalé' e eáang'guiá' e nicajmée' Fidiée' còo' 'nú'.

¹⁵ Jo gui'máang' Fidiée' uí' quiá' e nicacuør' jneaa'aa' e ja' cøøng' còo'! Jo dseáng' ja' ne'naa' e còo' júu' nifé'naa' cuaiñ' quiá' e jo!

10

Mi' cajmi'óng' 'ñia' Paa' quiá' jaléng' dsea' i 'núng' ír'

¹ Jnea' Paa', jo lana mii' i 'nú' jmi'ee' la'eáang' còo' Dsea' Jmáang', i dsea' i ja' jmiféng' 'ñia' jogui i eáang'guiúng'. Jo seem' dsea' i fé' e mi' táang' jnea' jee' 'nú', lín'n jaang' dsea' i ja' e júung', jogui mi' táan'n lí' huí', lín'n jaang' dsea' i teáb' dsíi' fé' júu' ii'. ² Joba' mii' i 'nú' jmi'ee' e mi' niguié'e e ni'ee' e 'nú' fí' na, ja' jmée'na' jii' còo' e ja' dseeng' e laco' ja' nijmee' e ii' júu' quié' e còo' jaléng' 'nú' lí' laco' í' dsii' e nijmee' e còo' i líng' 'nú' i 'núng' jnea' e jmoo'naa' jalé' e jmoo'naa' lí' laco' lí' dsí'naa' yee'naa'. ³ Jo e já' e lí'naa' dsea' jmigüí', jo dsu' ja' jmáang'naa' ta' jalé' e tíng' ngáng' dsea' jmigüí' e laco' nilí'naa' jaléng' i 'ní' ní' júu' quiá' Dsea' Jmáang'. ⁴ Co' jnea' ja' jmáang'naa' ta' jalé' e qui' tíng' dsea' jmigüí' jmáiñ' ta' mi' 'ní' níng' rúíñ'. Co' jnea' jmáang'naa' ta' bí' 'gøng' quiá' Fidiée', co' e joba' quí' jmi' ni'íng' jalé' e jníng' quiá' júu' quiá' dsea' do, jogui còo' e bí' 'gøng' doba' ni'íng'naa' jalé' e 'núng' júu' quiá' Fidiée', ⁵ jogui còo' e joba' ni'íng'naa' cajo jalé' júu' róo' e ja' cuø' fí' e niliñ' dsea' júu' quiá' dsea' do. Jogui jalé' e í' dsíi' dsea' jmigüí', fí' jaguó' Dsea' Jmáang' guí'naa' e jo e laco' nijmé' núu' jalé' ta' quiá' dsea' do. ⁶ Jo mi' nijmoo' 'nú' núu'na' laco' sí' júu' quiá' Dsea' Jmáang', jo song lajee' jo seem' bi i líng' 'nú' i ja' jmoo' lajo, joba' dseáng' néeb' guiá' quií'naa' e nicuør'naa' iihuí' jaléng' i dsea' í'.

7 Jo 'nú', mi eẽ'go jøø-na', lico' jøø-na' jii~ laco' jnéeng-, dsu' ja` ca`na' cuente jial dseáng' lí. Jo song i líng' 'nú' ta' ó'na' e líng'na' dsea` quiá'- Dsea` Jmáang-, joba' 'né' ñi'ba' e dsea` quiá'- Dsea` Jmáam- líng' jnea'^ cajo. 8 Jo nañí' fa' cangii~bijia e fé'naa' guiá- uii~ quiá'- e ta~ e oo-naa' jee~ 'nú', jo dsu' ja` jmó'o i' lín-n uii~ e nicajmée`e lajo. Dsaco' Dsea` Jmáam-bing' i nicacuø' jnea'^ e ta~ e oo-naa' la e laco' nijmó'naa' e 'nú' teá'gui nisíng'-na' cóo'~ júu^ quiá'r-, jo o' laco' e niqing'^tu' tucang'na' fí' lí' niteáang'-na'. 9 Jo ja` iin~n e í' ó'na' e lico' fón'-n 'nú' cóo'~ jalé' e jmo'o fí' ni' jì' quié-e. 10 Jo seem` i fé' e eám' iì' jogui huí' jalé' júu^ e tóo' fí' ni' jì' quié-e, jo dsu' mi~ táan'n jee~ 'nú' fí' na, ja` eẽ' tí'í jii~ capí'^, jogui ja` 'ga' lí' jmi'gó' dsea` jnea~ mi~ fá'-a. 11 Dsu' jaléng' i dsea` i fé' lajo 'né' e ñi'bre e lí' laco' la líng' jnea'^ cóo'~ jalé' e fé'naa' fí' ni' jì' lajee` see-naa' huí-, dseáng'- lajob lí'naa' cajo cóo'~ jalé' e jmoo-naa' mi~ niguié'naa' jee~ 'nú' fí' na.

12 Jo e jáb'- e ja` teá' dsi'naa' e nicøøng' yee~naa' conrøø` cóo'~ jaléng' i dsea` i jmoo' ta~ jmicøøng'~ yaang-. Co' íb' jmáng' yaang' jaléng' i dsea` i jmoo' ta~ lajo mi~ guiéeng' í' la'ó' yaaiñ~ jogui mi~ cøøng' rúin' conrøø' quiá'- jial líin' lajaang' lajaañ-. 13 Jo dsu' jnea'^ ja` nijmijløng'^ yee~naa' lí'gui jii~ laco' sí'í' cóo'~ e ta~ e oo-naa'. Dsaco' Fidiée'bing' i quiá' ta~ qui-naa' jie~ jii~ lí' catí-naa' e nijmó'naa' ta~, jo jee~ jo quíng' 'nú', dsea` seeng'na' fí' na fí' Corinto. 14 Jo uii~ e lajob lí', joba' jnea'^ ja` cajmé-naa' ta~ lí' ja` catí-naa' ie~ lamí' calisé'naa' jee~ 'nú' lamí' jéeng'gui. Co' jneab~ dsea' la'uii~ i cangocá~ júu^ quiá'- Dsea` Jmáang- jee~ 'nú'. 15 Jo jnea'^ ja` jmiráang' yee~naa' cóo'~ jalé' ta~ e nicajmée` dsea` jiéng' e jmoo-naa' ta~ lí' ja` catí-naa'. Co' jnea'^ lí' lí' sijeeng'naa' e eáang'gui nijmó'naa' ta~ jee~ 'nú' e lí' laco' ngóo' teá'gui síng'-na' cóo'~ júu^ quiá'- Dsea` Jmáang-. Jo dsu' nijmó'naa' lajo jee~ 'nú' jie~ jii~ lí' catí-baa'. 16 Jogui jnea'^ sijeem'baa' cajo e niguiá'guí' júu^ quiá'- jial laang' dsea` jee~ dsee~ quiá'r- e fí' lí' huí- gui eáang' laco' neáang' 'nú', jo dsu' ja` ií'naa' nijmó'naa' lajo fí' lí' ja` catí-naa'. Dsaco' jnea'^ ja` ií'naa' fa' nijmiráang- yee~naa' cóo'~ jalé' ta~ e nicajmée` dsea` jiéng'.

17 Jogui song seeng' dsea` i iing~ jmiféng' 'ña', joba' guiá-gui e güijmifém'bre Fí'naa' Fidiée'. 18 Dsaco' i dsea` i fé' Fidiée' guiá- uii~ quiá'-, i dsea` í'bing' i catíng- nili'goo', jo o' i dsea` i lico' fé' guiá- uii~ quiá'r- 'ña'r'.

11

'Né' ñiing~ dsí' dsea` cóo'~ jaléng' dsea` i jmigóo`

1 Jo lana ne~duu' su nité' 'nú' e féng' áa'na' song lí' júu^ íí' jalé' e nifá'-a la! Jo dseáng'- jmee-ba' té'na' cóo'~ jnea' jialco' jii~ e cuøøng'. 2 Jo jnea~ í'baa 'goo' quií-na' e jie' mi~ jmee-na' jalé' e ga`. Co' 'nú' líng'na' lafa' jaang' simí' i ja` eẽ' sí'ling', joba' nicacuøø- jnea~ 'nú' júu^ quié-e e nijéen-n 'nú' e lafa' nicúung'-na' guóo'na' dseáng'- cóo'~ jaam' dseañu', jo i dseañu' í, íb' Dsea` Jmáang-. 3 Jo dsu' jnea~ 'gó'baa e niligøøng' 'nú' cóo'~ jalé' e í' ó'na', jo jalé' e jo nijmé- e ni'náng'na' e jmiféng'na' Dsea` Jmáang- e guiá- ó'na' jogui e ngocáng' ó'na' lí' laco' calí- i mi' do cajmigøøng'ne! Eva ie~ malí~ do. 4 Co' 'nú' jmoo'ba' té'na' e iáang' ó'na' cóo'~ lí' doñí' ií' dsea` i guiéé' fé' júu^ quiá'- i jiéng'gui laco' Jesús lí' laco' e júu^ e nicaguiá' jnea'^ jee~ 'nú'; jogui e guiá- óo'ba' íng'-na' jmiguí' e jie' lí' laco' e Jmiguí' quiá'- Fidiée' e nica'íng'-na' do; jogui íng'-na' cajo júu^ e jie'gui quiá'- jial laang' dsea` jee~ jalé' dsee~ quiá'r- lí' laco'gui e nica'íng'-na' do. 5 Jo dsu' jnea~ ja` í' dsii- fa' e uóng-guá' laco' i dsea` i jing'- e líin' dsea` cøøng' i síng' Dsea` Jmáang- cuaiñ~ quiá'r- cóo'~ i güitáang- 'nú' do. 6 Jo nañí' fa' jnea~ ja` tén'n fá'-a júu^ jlo^ mi~ guiaa- júu^

quíá' Fidiée, jo dsu' ja lín'n lajo cóo' jalé' e tiiñ' ngán'n. Jo 'núb' dsea' nicañí'na' e lajob lí'naa' cóo' jalé' e nicajmé'naa' jee' 'nú'.

⁷ Jo ja' í' áa'na' e cajmé' e ga' dsu' uí' e ja' cacá'a jí' ca'í' ie' lamí' caguiá'a jee' 'nú' e júu' quiá' jiallaang' dsea' jee' jalé' dsee' quiá'r, có' ie' jo, jnea' cajgiaang' 'ñiá'a' fí' quini'na' e laco' 'nú' casáng'na' yá'gui. ⁸ Co' jnea' nica'ín' cuu' e nicacuø' dsea' quiá' Dsea' Jmáang' i seeng' fí' lí' jíe' e laco' sea' e jmáan' ta' lajee' e jmoo' ta' fí' quini'na'. ⁹ Jo lajee' e cataan' jee' 'nú' líim' ee' cali'né' e, jo dsu' jí' jaang' 'nú' líing' ee' camí'i, có' mí' cagüíling' jaléng' dsea' rú'naa' dsea' quiá' Dsea' Jmáang' i seeng' fí' lí' se' Macedonia, í'bing' i cacuø' jnea' jalé' e 'né' e. Dsaco' jnea' cajmé' e úung' e ja' ee' camí'i 'nú' e 'né' e, jogui dseáng' lajob nijmee' guí' cajo e jí' cóo' ja' ee' nimí'i 'nú'. ¹⁰ Jo uí' e dseáng' eám' nita' dsii' e cuí'baa jalé' júu' quiá' Dsea' Jmáang', joba' jí' jaang' dsea' i seeng' fí' latøng' lí' se' Acaya cuøng' lí' jniñ' quié' e e eáang' iáang' dsí' dsu' uí' e ja' mí' camí'i 'nú' jalé' e 'né' e. ¹¹ Jo ¿jialí' fá' a lala líing' 'nú'? ¿Su e í' áa'na' e ja' 'neáan' 'nú'? ¡U, dseáng' o' lajo! ¡Co' ñib' Fidiée' e eám' 'neáang' jnea' 'nú'!

¹² Jo dseáng' mí' 'noo'bi nijmee' e jí' laco' jmoo'o jee' 'nú', jo lajoba' ja' nicuøø' fí' jaléng' i dsea' i ngí' 'no' uíing' jial e nijmi'iaang' dsír' jí' laco' e iáang' dsí' jnea'. ¹³ Co' jaléng' i dsea' í' lico' ngír' jmoor' ta' jmigøøng' dseab', dsaco' ngír' fé'r e líiñ' dsea' i casíng' Dsea' Jmáang' cuaiñ' quiá', jo dsu' o' já' e líiñ' lajo.

¹⁴ Jo dsu' ja' dsigá' dsí'naa' e jmoor' lajo, dsaco' 'ñia' fí' i 'líng' i síi' Satanás cajo, jmáng' 'ñia'r e líiñ' lafa' jaang' ángel' i jing' i casíng' Fidiée'. ¹⁵ Jo ja' 'né' fa' e nidsi'gá' dsí'naa' cajo, có' lajob líng' jaléng' i dsea' i jmoo' ta' quiá' fí' i 'líng'; có' jaléng' i dsea' í' jmáng' yaaiñ' e líiñ' dsea' guiúng'. Jo dsu' niguiéeb' jmí' mí' ni'í' iihu' lí' laco'gui catíng' cóo' jalé' e jmoor' do.

Jalé' iihu' e cangong' Paa'

¹⁶ Jo fí' túu' 'nú' calé' catú' e jí' jaang' 'nú' ni'í' áa'na' e jnea' ja' røø' lí' i; jo dsu' song lajobi' í' áa'na' e lín'n, joba' cuøø'na' jnea' fí' e nifón' 'nú' laco'gui fé' jaang' dsea' i líng' lajo, jo lajoba' cuøøng' e nijmee' jnea' e ráan' capí'. ¹⁷ Jo dsu' e jmiráang' jia' 'ñiá'a' la jmoo'o lajo e lafa' ja' røø' lí'baa jo dsu' o' laco' ta' quiá' Fí'naa' Dsea' Jmáang' e nijmee' e. ¹⁸ Dsaco' fíim' dsea' seeíñ' e jmiráang' yaaiñ' cóo' jalé' e tiiñ' ngáin' fí' jmigü' la, joba' lajob nijmiráang' 'ñiá' jnea' cajo. ¹⁹ Jo e jáb' e eáang' jmí' 'nú', jo dsu' jmoo'ba' té'na' e iáang' óo'na' cóo' jaléng' i dsea' i ja' røø' lí', ²⁰ jogui jmoo'ba' té'na' cajo cóo' jaléng' i dsea' i quiá' 'nú' ta' e nijmées'na' ta' fí' quini'na', osi e jmí'r' jalé' e sea' qui'na', osi e jmigøøiñ' 'nú', osi e ja' jí'r' 'nú', osi e jmáin' 'nú' ga' é. ²¹ Jo dsu' i' líim'baa e nifí' 'nú' e jnea' ja' caliseá' bí' qui'naa' fa' cajmó'naa' lajo cóo' 'nú'.

Jo song i dsea' i caguaang' gui do teáb' dsír' e jmiráang' yaaiñ', joba' teáb' dsí' jnea' e nijmee' e lajo cajo, nañí' fa' fá' a la fé' jaang' dsea' i ja' røø' lí'. ²² Co' jmiráang' yaang' i dsea' í' dsu' uí' e líiñ' dsea' hebreo, jo dsu' lajob líng' jnea' cajo; jogui jmiráang' yaaiñ' dsu' uí' e líiñ' dsea' Israel, jo dsu' lajob líng' jnea' cajo; jogui jmiráang' yaaiñ' dsu' uí' e líiñ' síju' 'lí' yúu' Abraham, jo dsu' lajob líng' jnea' cajo. ²³ Jogui i dsea' í' jmiráang' yaaiñ' e jmoor' ta' e nicangíñ' quiá' Dsea' Jmáang', jo dsu' jnea' gui eáang' gui jmoo'o e ta' e nicangíñ' quiá' Dsea' Jmáang' laco'gui i dsea' í'; jo dsu' fá' a lana lafa' fé' jaang' dsea' i ja' røø' lí'. Dsaco' jnea' eáang' gui nicajmé' e e ta' jo laco'gui i dsea' í', jogui jmigui'gui ya' nicañíng' dsea' jnea' fí' dsí' 'nú' laco'gui i dsea' í', jogui eáang' gui nicabøøng' dsea' jnea' laco'gui i dsea' í', jogui cajo jmigui'gui ya' jia' ja' mí' cajún' n. ²⁴ Jo lajee' 'ñiá' née' cabøøng' dsea'

judío jnea~ guiguí dsí ñá~ ya' cóo'~ 'nii~. ²⁵ Jogui 'ni' ya' cabóøiñ~ jnea~ cóo'~ sñ~, jogui cóo' ya' casí'ló'r' jnea~ cuu~. Jogui 'ni' ya' cango'ang' móa' fí lí~ iuun~, jogui cóo' ya' cangongiñ~ n e cajáa' a fí ni~ jmiñí' lajee' cóo' jmiñ' jogui cóo' uøø. ²⁶ Jogui eáam' nicajmé~ e ta~ ngí, jogui eáam' nicalidseáang'~ seen~ mi~ cuóo'~ o jalé' gua' jogui mi~ jín' n jaléng' h' jogui mi~ seen~ jee~ jaléng' dsea' góo' o cóo' gui mi~ seen~ jee~ jaléng' dsea' i ja' líng' lajo. Jogui lajobi nicalidseáang'~ seen~ fí lacaang' góo' dsea' cóo' gui lacaang' jee~ mó' jogui lacaang' fí ni~ jmiñí'. Jogui nicalidseáam'~ bi seen~ cajo fí jee~ jaléng' dsea' i jmicaang' e líiñ' dsea' quía'~ Dsea' Jmáang~. ²⁷ Jo eáang' nicajmé~ e ta~ ii, jogui huíng' nicangojée' quíe~ e, jogui jmiguiab' ya' ja' mí caliseá' fí quíe~ e fa' e güññ~ laco' sí'í, jogui nicamó' baa oo~ cóo'~ jalé' e gó'ø jogui cóo'~ jalé' jmiñ' e gú'u, jogui jmiguiab' ya' nicajáa' e ja' mí cagó'ø ii~, jogui nicangongim' baa iihuí' mi~ tí jii' güíi~, jogui nicangongim' baa iihuí' cajo uíi~ e ja' sea' sí'í. ²⁸ Jo o' cóo'~ jii'~ e na eáang' huíng' nicangojée' quíe~ e, co' eáang' huíng' dsijée' quíe~ e laco' jmiñ' uii~ e guing' dsii~ jial seeng' lajaléng' dsea' quía'~ Dsea' Jmáang~. ²⁹ Jo song' i líng' dsea' quía'~ Dsea' Jmáang~ ja' quíi' r~ jmiñ' cóo'~ e ta~ e nicangóiñ' quía'~ Fidiée~, joba' lafa' lajob líng' jnea~ cajo. Jogui song' i líng' i dsea' la'í' cajméer' e catóng' jaang' gui dsea' rúñ' fí ni~ dsee~, joba' eáam' niliguín~ n. ³⁰ Jo song' seab' uing' e nijmiráang' ñiá'a, joba' lajob nijmee' e cóo'~ jalé' e cuø lí' e ja' quíi' i jmiñ' jmóo' o. ³¹ Jo Fidiée~, i líng' Tiquiá' Fí'naa' Dsea' Jmáang~, íbing' i catúng' nijmiféng' naa' car' ngongí' jmiñ', jogui dsea' íb' dsea' niñí' røø' cajo e jmang' júu' ja' ba' nicafá' a. ³² Jo ie~ mi~ cataan~ n fí Damasco, i dseata~ i quíi' ta' fí jo i jmoo' ta' quía'~ dseata~ dsea' féng' i sii' Aretas do, casíiñ' 'léé~ quía' r~ fí tíi' jni' e lí' si' íá' cuu~ e si' lacúng' e fñ' do e laco' ja' nicuør' fí e nijúu' u, co' lamí~ iñ~ e nisáiñ' jnea~ jo nitøør' jnea~ fí dsí' 'nuñí'. ³³ Jo dsu' calisém' dsea' i cajgiáang' jnea~ fí dse' e íá' cuu~ quía'~ e fñ' do e iuun~ fí cóo' dsí' 'matá', jo lajoba' calí' i e caláan~ n fí jaguó' i dseata~ do.

12

Jalé' e cangá' Paa'

¹ Jo nañí' fa' jii'~ cóo' ja' ee' lí' i dsu' uíi~ e jmiráang' ñiá'a, jo dsu' lanagui 'né' ba' e nifñ' i 'ná' jalé' e nicamó' o lafa' mi~ quíi' jogui jalé' e nicalín' n e ja' mí cajmijnéeng' Fidiée' jéeng' gui. ² Co' jnea~ cuim' baa jaang' dseañu' i líng' dsea' quía'~ Dsea' Jmáang~, jogui lana ningóo' guiqui' jii' mi~ cajéeng' Fidiée' ír' cateá' fí lí' catí' 'ni' yú' jmiñí'. Jo dsu' ja' ñii' si cangó' i dsea' do cóo'~ ngúu' táaiñ' osi lajii'~ jmiñí' quía'~ bre é, co' dseáng' lajii'~ Fidiée' bing' i ñí' jalé' e jo. ³⁻⁴ Jo dsu' ñib' jnea~ e i dseañu' do cangór' fí ñifí~, jo fí jo canúur' júu' e dseáng' jii'~ ja' ñí' dsea' jial nifé' r' uíi~ e jlo' eáang', jogui e jii'~ jaang' dsea' jmiñí' sea' fí quía' r~ fa' e nifé' r' lajo; jo lifa' doba' ja' ñii' su cangó' i dsea' do cóo'~ ngúu' táaiñ' osi jii'~ cóo'~ jmiñí' quía'~ bre é, co' dseáng' lajii'~ ñiáb' Fidiée' ñir' e jo. ⁵ Jo jnea~ cuøøm' lí' jmiráang' ñiá'a uii~ quía'~ jaang' i dsea' la'í', jo dsu' o' nijmiráang' ñiá'a uii~ quíe~ e ñiá'a, lifa' nijmiráam' ñiá'a jii'~ quía'~ e ja' quíi' i jmiñ' jmee'. ⁶ Jo nañí' fa' iim' baa e nijmiráang' ñiá'a, jo dsu' song' jmóo' o lajo, ofa' e lín' n jaang' dsea' i ja' røø' lí', dsuco' júu' ja' lí' jalé' e fá' a na. Jo dsu' ja' iin~ n e ni' fí' dsí' dsea' e niing' guí' jii'~ laco' e jnéen~ n osi laco' jii'~ e jmóo' o osi jii'~ laco' e fá' a é. ⁷ Jo dsu' e laco' ja' ni' fí' dsii~ e niing' guí' laco' jii'~ e lín' n lana dsu' uíi~ e ca' iin~ n quía'~ Fidiée' jalé' e jlo' e ja' mí cajmijnéeiñ' jéeng' gui, joba' cangún' n cóo' iihuí' e lí' lafa' cóo' tóo' e ca' ién~ n, jo e jo lí' lafa' cóo' e jmáng' ta' fí i' líng' i sii' Satanás e jmiñí' jnea~ ga. ⁸ Jo 'ni' née'~ nicamí' i Fí'naa' Dsea' Jmáang~ e nijé' r~ e iihuí' do quíe~ e,

9 Jo dsu' ír' nicasí' r- jnea~ lala: "Lajíí~ e guiún- n cóo'~ 'nu'ba' e 'né- quií'-, co' la'eáang' cóo'~ jaléng' i dsea` i ja' quíí~ jmií~ yaang~ cóo'~ jalé' e jmóo' eáang' gui jnéeng- jial tíí 'gø'n'n." Jo uíí~ e lajob líí, joba' jmi'iaam` dsii- cóo'~ jalé' e ja' quíí~ i jmií~ jmee~ e 'ñiá'a, co' la'eáang' cóo'~ e joba' jmili~ Dsea` Jmáang- jial tíí 'gøiñ'. 10 Jogui jmi'iaam` dsii- cajo uíí~ quiá'- jalé' e ja' quíí~ i jmií~ jmee~ e 'ñiá'a do, jogui lajob lín'n cajo mi~ jmineang' dsea` jnea~, jogui mi~ ja' 'ga' lí' sea` jalé' e 'né- e, jogui mi~ jmáng' dsea` jnea~ ga, jogui mi~ dsijéé' huíng' quié- e; jo dsu' lí'iaang` dsii- mi~ dsingín- n jalé' e na dsu' uíí~ e lín'n dsea` quiá'- Dsea` Jmáang-, dsuco' mi~ lí'i e eáang' gui ja' quíí~ jmií~ jmee- 'ñiá'a, joba' eáang' gui quií~ i jmií~ e jmóo'o.

Eáang' guíng' dsí' Paa- jaléng' dsea` i seeng' fi' Corinto

11 Jo jnea~ lafa' jaang` dsea` i ja' røø' lí' lín'n uíí~ cóo'~ jalé' e nica'fá'- a na uíí~ quié- e; jo dsu' 'núb' dsea` nica'cuóø' na' jnea~ 'goo' e nica'fá'- a lana. Co' 'nú' dsea` catíng- na' e nifo' na' guiá- uíí~ quié- e. Jo nañí' fa' ja' 'ga' lí' niim- bi jnea~, dsu' ja' uøng- guíí' laco' i dsea` caguiaang- gui i güitáang- 'nú' cóo'~ do i ngí' fé' e lííñ' dsea` cóøng' i casíng' Dsea` Jmáang- cuaiñ~ quiá'r-. 12 Jo 'núb' dsea` tíí' ní'na' e lajee~ e nica'taan- n jee~ 'nú', dseáng'- lajang' júu^ lím'baa jaang` dsea` i casíng' Dsea` Jmáang- cuaiñ~ quiá'r-, co' nica'jmé'-baa té' e cóo'~ jalé' iihuíí' e dsingín- n. Jogui cuø' lí' cajo e lím'baa jaang` dsea' la'í' uíí~ cóo'~ jalé' e lí' e quíí~ i jmií~ e dsigá' dsíí' dsea` e nica'jmé'- e la'eáang' cóo'~ bí' 'gøng' quiá'- Fidiéé'. 13 Jo dsu' ofa' cajmi' uøng- guíí' 'nú' uíí~ e ja' ee' camíí~ i 'nú' fa' e nijmicóo' na' jnea~ lí' laco' gui nica'jmé'- e cóo'~ jaléng' dsea` quiá'- Dsea` Jmáang- i seeng' fi' lí' jié'. Joba' féng' óo'na' uíí~ quié- e fíng' song' uíí~ e joba' cajmi'quíng' óo'na'.

14 Jogui lanagui ninéeb' guiá- quié- e e ni'ée~ túu' 'nú' e catí' 'ní' ya', jo dsu' o'gui lana nimíí~ i 'nú' jalé' e 'né- e. Dsuco' ja' 'nó' jnea~ jalé' e sea` quií- 'nú', dsuco' jíí~ 'nú' bing' i 'nán' n. Co' 'núb' dsea` líng' na' lafa' jóo' o, cofa' jaléng' tiquiá'^ dsea` 'né- to' fíim'bre jiuung~ quiá'r-, jo o' i jiuung~ quiá'r- do 'né- to' fíng' tiquiá'r^. 15 Jo jnea~ e guiá- dsí'baa nijmeáan- n ta~ jalé' e sea` quié- e, jo jí'gui cartí' 'ñiá'a' nijmeáan- n 'ñiá'a' lajo e laco' ni'uíng- guiá- quií- na'; jo dsu' laco' ngóo' e eáang' gui lí'neáan' 'nú', 'nú' lí' riquí' jmoo'na' cóo'~ jnea~, co' jíu'gui 'neáang' na' jnea~ laco' ya'.

16 Jo e jáb'- e lajee~ e cataang~ jnea~ cóo'~ 'nú' fí' na, jíí~ coo' ja' ee' camíí~ i 'nú' e 'né- e, jo dsu' seem` i líng' 'nú' i fé' e lico' cajmé- e e caligøm'ba' e jíí~ ja' calilí' na' lajo. 17 Jo dseáng'- ja' mí' cajmigøøng' jnea~ 'nú' cóo'~ i dsea` i nicasín- n i nica'ngo'ee~ 'nú' fí' na. 18 Jo camíí~ i Tito jmi'ee~ e nidsi'éer~ 'nú' fí' na, jo colíng~ cóo'~ ír' casín- n i jaang' gui dsea` rú'naa' dsea` quiá'- Dsea` Jmáang-. Jo i Tito do dseáng'- ja' cajmigøøm'bre 'nú' mi~ caguiér- fí' na; jo dseáng'- e jáb'- cajo e laji' huóo'-baa' røø' nica'lee'-naa', co' conrøøb` í' dsí'naa'.

19 Jo jangám- ni'í' áa'na' cóo'~ jalé' e júu^ la e jmi'øng' yee~naa' fí' quini'na', jo dsu' dseáng'- o' lajo, co' jnea' lí' lí' fé'naa' fí' quini' Fidiéé~ jalé' e júu^ na jogui uíí~ e líí'naa' dsea` quiá'- Dsea` Jmáang- cajo. Jo jalé' e júu^ e síí'naa' 'nú', dsea` rú'naa' i 'neáan' eáang', e lí' laco' nidsicuáng' gui quií- na' cóo'~ júu^ quiá'- Dsea` Jmáang-. 20 Jo fá'- a jalé' e júu^ na, co' 'gób' jíu e mi~ niguiéé' e ni'ee~ e 'nú' fí' na, ja' niguién' n 'nú' jíí~ laco' iin- n e líng' na', jogui 'nú' cajo ja' nimáang- na' jnea~ jíí~ laco' e í' óo'na' e lín'n. Co' 'gób' jíu e jmoo'na' ta~ jíng' jogui ta~ dsihuíng' quiá'- rúng' jogui ta~ guíng' quiá'- rúng' jogui ta~ guíng' dsíí' jíí~ cuaiñ~ quií- na' yaang~ na', jogui e ngí' na' ta~ quié' jalé' adsee, jogui e éeng' na' dsea` rúng' na', jogui e jmiráang^ yaang~ na', jogui cajo e 'lee~ na' quiá'- dsea` rúng' na'. 21 Jogui 'gó' bñ' cajo e mi~ niguiéé' e ni'ee~ e 'nú' fí' na calé' catú-, Fidiéé~ nijmér- e nilí' í' lín- n uíí~ quií- na', jogui nijmér- cajo e nilín- n

fí' car` niquí' i uii~ quiá' i fíng' 'nú' cóo' jalé' e dsee~ e ñíling~na' ee~na' malíi~ eáang', co' ja` mí' catúu' bi' e jmoo'na' jalé' e 'lí' e lí' dsí' ngúu' táang'na' o'gui mí' catúu'na' e jmoo'na' jalé' e ja` catíng~ dsea` jmóor' cóo' ngúu' táaiñ` cóo' lí' doñí' ií' dsea', jogui cajo dseáng' ja` mí' catúu' bi' e jmoo'na' jalé' e 'lí' lana lí' laco' quí' tíng'na' e jmoo'na' latí' jmií~ na.

13

Júu' ñ' 'goo' lí' cadséng~ quiá'~ Paa~

¹ Jo nití' 'ní' ya' e ni'ee~ e 'nú' mí' niguiéé' e fí' na fí' Corinto. Jo fí' ni~ jì' quiá' Fidiéé' fé' e 'neáng~ gáng~ osi fíng'gui dsea` i tí' ni~ e laco' cuóøng` ní' í' mí' ee'go ga` jmoo' dsea'. ² Jo ie~ mí' cataan~n cóo' 'nú' fí' na e catí' tú' ya', ca'í' baa' 'goo' quiá' jaléng' i nica'lee' lami~ jéeng'gui, jo co' lanagui huím~ táan~n laco' seeng'na', joba' í' túu' 'goo' quiá' jaléng' í' jogui quiá' jaléng' dsea' caguaang~ gui cajo, e mí' niguiéé' túu' fí' na, dseáng' ngóo' e guiab' dsii~ e nicuóøø` ihuú' laco' catíng~ lajaléng' í', jo dseáng' ja` nijmee~baa' féng' dsii~. ³ Jo dsu' uí' e 'nú' iing~na' ñí'na' røø' e su' já' e fé' Dsea' Jmáang~ la'eáang' jnea~, joba' dseáng' ni'ée'baa' 'nú' e lajob' lí'. Jo Dsea' Jmáam~ ja' ua~ líiñ' cóo' jalé' e jmóor' jee~ 'nú', co' jmijnéem`bre jial tí' 'gøiñ'. ⁴ Jo e jáb' e jaang' dsea' jmigüí' i ua~ líng' Dsea' Jmáang~ ie~ mí' cajúíñ' fí' dse' crúu', jo dsu' seeiñ' la'eáang' cóo' bí' 'gøng' quiá' Fidiéé'. Jogui e já' bi' cajo e jnea' lí'naa' dsea' jmigüí' i ua~ lí' laco' lami~ líng' ír, jo dsu' jnea' nilisee~naa' cóo' 'nú' fí' na la'eáang' cóo' bí' 'gøng' quiá' Fidiéé' lí' laco'gui la seeng' Dsea' Jmáang~ ñia'r' e laco' cuóøng' e nijmó'naa' ta~ fí' quini'na'.

⁵ Jogui lana, dsea' rú'naa', fí' i 'nú' e nijáang~ yaang~na' su' dseáng' lajang' júu' teá' teáang~na' cóo' júu' quiá' Dsea' Jmáang~, jogui e nijøø'na' cajo jial í' óo'na'. Jogui cajo niñí'baa' e cøøm' seeng' Dsea' Jmáang~ cóo' 'nú', jo song ja' lí' lajo, joba' dseáng' nicalitúng~ óo'na' lajii' e fí' guiá' lí' niteáang~na' cóo' júu' quiá' dsea' do. ⁶ Jogui dseáng' nitab~ dsii~ e jáb' líng' 'nú' e dseáng' ja' mí' calitúng~ dsii' jnea' lajii' e fí' guiá' lí' nitée~naa' cóo' dsea' do. ⁷ Joba' jnea' mii'naa' Fidiéé' uii' quí'na' e lí' laco' ja' nijmée'na' jii' coo' e ga'. Jo dsu' jnea' ja' jmoo'naa' lajo e lí' laco' nijmilí'naa' fí' quini' dsea' rú'naa' e nicateá' lí'naa' lajii' fí' guiá' lí' nitée~naa' cóo' Dsea' Jmáang~, co' jnea' mii'naa' Fidiéé' e lí' laco' 'nú' nijmée'na' jmang' e guiá', nañí' fa' jnéeng~naa' e lí'naa' dsea' i nicalitúng~ dsii' lajii' fí' guiá' lí' nitée~naa'. ⁸ Dsaco' jnea' catí'naa' e nijmó'naa' dseáng' jii' laco' fé' júu' quiá' Dsea' Jmáang~, co' ja' catíng~ fa' e nijmó'naa' jalé' e jié' jii' laco' la fé' e júu' jo. ⁹ Joba' jnea' eáang' íaang' dsii'naa' mí' ja' 'ga' lí' quí'naa' jmií~ cóo' jalé' e jmoo'naa', jo dsu' lajee' jo teáb' teáang~ 'nú' lajii' fí' guiá' lí' niteáang~na' cóo' Dsea' Jmáang~. Jogui cajo dseáng' mí' 'noo' bi' nimí'naa' Fidiéé' e laco' nisíng' tu' teá' fí' guiá' cóo' dsea' do. ¹⁰ Jo uí' e lajob' lí', joba' jmo'o e jì' la quí'na' ná' gui e ninii' i e ni'ee~ e 'nú' fí' na e laco' mí' niguiéé' e fí' na, ja' ngii' lí' fa' 'né' e nijmeáan~n ta~ e ta~ e oo~ la e nicangíin~n quiá' Dsea' Jmáang~ e laco' ni'í' i 'goo' quí'na' dseáng' lahuíng'. Dsaco' Dsea' Jmáang~ nicacuø'r' jnea' e ta~ e oo~ la e laco' nijmee~ e 'nú' teá'gui nisíng'na' fí' guiá' cóo'r' jo o' e laco' niquíng' tu' tucang'na' e fí' lí' niteáang'na'.

¹¹ Jo lí' ngóo' cadséng~, dsea' rú'naa' dsea' quiá' Dsea' Jmáang~, iin~n e seeng'na' e íaang' óo'ba', jogui jmi'úung'na' e laco' nisíng' tu' teá' e fí' guiá' cóo' Dsea' Jmáang~, jogui cuóø' bí' rúng'na', jogui røø' siing~na' lajaléng'na', jogui güiliseem'ba' juguiá' júu' røø' conrøø' lajiiing'na'. Jo lajoba' Fidiéé' i 'neáang' jneaa'aa' do jogui i cuø' jneaa'aa' e see~naa' juguiá' júu' røø', dseáng' cøøm' niliseeíñ' cóo' 'nú'.

¹² Jogui féeng'~ rúng'na' e se' guoo` rúng'na' lacoo` ya' mi~ jié` jing' rúng'na'.

¹³ Jo lajim` dsea` rú'naa' dsea` quiá'- Dsea` Jmáang- i seeng` fi' la guiéiñ' júu^ guicóo'~ quií-na'.

¹⁴ Jo mí'~i Fí'naa' Dsea` Jmáang- e laco' niliñí^gui' jial tí' guiúíñ- cóo'~ 'ná' jogui e niliñí^gui' jial tí' 'neáang` Fidiéé` 'ná', jogui cajo e laco' yejí- güiliseeng` Jmiguí quiá'- Fidiéé` cøøng` cóo'~ 'ná' lajaléng'na'.

Jo lajob nilí.

Jo lana cató' e jì catí tú- quiá'- Paa- e catíng- jaléng' dsea` quiá'- Dsea` Jmáang- i seeng` fi' Corinto.

Júu[^] e toq[~] fi' ni[~] ji` quiá[']- Paa⁻ e catíng⁻ dsea[`] seeng[`] fi' GALACIA

¹ Jnea[~] Paa⁻ línⁿ jaang[`] dsea[`] apóo[^] i óo[^] ta[~] quiá[']- Dsea[`] Jmáang⁻, dsu['] o['] dsea[`] jmigüí[^] i ca'náang⁻ jnea[~] o'gui dsea[`] jmigüí[^] i casíng[`] jnea[~] e nijmee[~] e e ta[~] la, dsuco['] Dsea[`] Jmáang⁻ 'ñia['] bre cóo[^] gui Tiquí[']ii' Fidié[~], í'bing['] i cajmée[`] lajo, jo Tiquí[']ii' Fidié[~], íb[^] cajo cajmээр[`] e cají[']tu Jóor['] Dsea[`] Jmáang⁻ mi[~] cangí[^] e cajúñ⁻. ² Jo jnea[~], colíng[~] cóo[^] jaléng['] dsea[`] quiá[']- Dsea[`] Jmáang⁻ i caguiaang⁻ gui i taang[~] cóo[^] jnea[~] fi' la, guiéeng['] naa['] júu[^] guicóo[^] qui⁻na['] jaléng['] 'nú['], dsea[`] quiá[']- Dsea[`] Jmáang⁻ i neáang['] fi' lí[~] se['] Galacia. ³ Jo nimí['] i Tiquí[']naa['] Fidié[~] cóo[^] gui Fí[']naa['] Dsea[`] Jmáang⁻ e ni'í⁻ güea[^] quiá[']r⁻ jee[~] 'nú['] jogui e nicuó[']r⁻ 'nú['] e seeng['] na['] juguíá['] júu[^] røø[^]. ⁴ Jo Dsea[`] Jmáam⁻bing['] i cacuøøng['] 'ñia['] e cajúñ⁻ fi' dse['] crúu[^] uí[~] dsee⁻ qui⁻naa['] e laco['] ja['] nisíng[^] yee[~]naa['] fi' ga['] cóo[^] jalé['] e 'lí[^] e sea['] fi' jmigüí[^] la, co['] lajob calí[']ing[~] Tiquí[']ii' Fidié[~] e cajmээр[`]. ⁵ iMajmifém[']baa[']re lata[~]! Jo lajob 'né⁻ lí[^].

Ja['] sea['] e jié[']gui júu[^] laco['] e júu[^] quiá[']- Dsea[`] Jmáang⁻

⁶ Jo eáam['] dsigá['] dsii⁻ e lajmináb⁻ catiúung['] 'nú['] Fidié[~] e ja['] mí['] ngóo['] eáang['] e cajáang['] yaang[~]na['] fi' jaguór['], co['] dsea[`] dobing['] i caguíng['] 'nú['] uí[~] e eáang['] guiúng⁻ Dsea[`] Jmáang⁻ cóo[^] 'nú[']; jo dsu['] lana, 'nú['] ninaang[']na['] e já['] líng[']na['] júu[^] e jié[']gui laco[']gui júu[^] quiá[']- Dsea[`] Jmáang⁻ e quiá[']- jial laang['] dsea[`] jee[~] dsee⁻ quiá[']r⁻. ⁷ Dsu['] dseáng['] e já['] e ja['] sea['] e jié[']gui júu[^], co['] dseáng['] lajii['] júu[^] quiá[']- Dsea[`] Jmáam⁻ba['] sea[']. Dsu['] lajii['] e lí['] e seeng['] dsea[`] i jmicaang['] qui⁻na['] jogui iñ[~] nijmisíiñ⁻ júu[^] quiá[']- jial laang['] dsea[`] jee[~] dsee⁻ quiá[']r⁻. ⁸ Dsu['] song seeng['] dsea[`] i jmóo['] lajo, ja['] e lí['] fa['] jneab[~] osi jaang['] ángel i líng['] guotí⁻ Fidié[~] i jáa['] fi' yá['] jmigüí[^] i guía['] júu[^] e jié[']gui laco['] júu[^] quiá[']- Dsea[`] Jmáang⁻ e nicaguiá[']naa['] jee[~] 'nú['], jo jnea[~] fá[']a, güiguiém['] Fidié[~] fi' lí[^] 'lí[^] i dsea[`] í[^] lata[~]. ⁹ Jogui fí⁻túu['] 'nú['] calé['] catú['] lajii['] e nicafí⁻ 'nú['] do: Lí[^] doñí['] i[^] dsea[`] i guía['] júu[^] e sisíng[']gui laco['] e júu[^] e nica'íng['] 'nú['] do quiá[']- jial laang['] dsea[`] jee[~] dsee⁻ quiá[']r⁻, jo güi[']naang['] i dsea[`] í[^] quiá[']- Fidié[~] lata[~].

¹⁰ Jo e já['], ja['] jmóo['] jnea[~] jii['] e jmi'iaang['] dsí['] dsea[`] jmigüí[^], co['] dseáng['] lajii['] e jmi'iaang['] dsí['] Fidié[~]ba['] jmóo[']. Dsuco['] faco['] jnea[~] iin[~] e lico['] niliseen⁻ guíá['] cóo[^] jii['] dsea[`] jmigüí[^], joba['] ja['] línⁿ jaang['] dsea[`] i jmóo['] lajii['] e iing['] Dsea[`] Jmáang⁻ jóng.

Jial mi[~] ca'uíng⁻ Paa⁻ dsea[`] quiá[']- Dsea[`] Jmáang⁻

¹¹ Joba['] iin[~] e ní[']ba['], dsea[`] rú[']naa['] dsea[`] quiá[']- Dsea[`] Jmáang⁻, e lajii['] e júu[^] e guía['] jnea[~] quiá[']- jial laang['] dsea[`] jee[~] dsee⁻ quiá[']r⁻, dsu['] e júu[^] jo ja['] lí['] laco['] la í['] dsí['] moguí[~] dsea[`] jmigüí[^]. ¹² Jogui ja['] ca'íng['] jnea[~] o'gui calítín['] quiá[']- lí[^] doñí['] i[^] dsea[`] jmigüí[^] cajo, co['] dseáng['] lajii['] Dsea[`] Jmáam⁻bing['] cacuøø['] jnea[~] e calicuí[']i e júu[^] jo.

¹³ Jo nicanáub⁻ 'nú['] e ie[~] lamí[~] jéeng[']gui do, lajee['] ná[']gui e nilicuín['] Dsea[`] Jmáang⁻, cajmé⁻baa['] úung['] e cajmitii['] røø['] lajii['] e tíng['] dsea[`] áang['] quié⁻ e dsea[`] Israel. Jogui eáam['] ga['] cajmeáan['] jaléng['] dsea[`] quiá[']- Dsea[`] Jmáang⁻ co['] cartí['] cajmé⁻ e úung['] e nijúum⁻ jaléng['] i dsea[`] í[^]. ¹⁴ Jo ie[~] jo, jee[~] jaléng['] dsea[`] rún['] dsea[`] Israel i conrøøng['] jiu cóo[^] jnea[~], lajii['] jnea[~]bing['] i jmiti[']gui røø['] jalé['] e qui['] tíng['] dsea[`] góo['] dsea[`] Israel e jmóor['], jogui cuøø[']ore bí['] e laco['] nijmitir['] laco['] sí['] e jo. ¹⁵ Dsu['] Fidié[~] caguíñ['] jnea[~] e ni'uín['] dsea[`] quiá[']r⁻ latí['] jii['] ie[~] ná[']gui niliseem⁻baa['], jogui co['] eáam['] 'neáaiñ['] jnea[~] joba['] cató[']r⁻ jnea[~] e nijmee[~] e ta[~] quiá[']r⁻. Jo mi[~] catí['] í[^] e iing['] ¹⁶ Fidié[~] e niliñii⁻ e Jesús líng['] Jóor['],

joba' calicuín`nre e laco' jnea~ niguiaa~ e júu^ quiá'- jial láaiñ` dsea` jee~ jalé' dsee~ quiá'r~, jo nijmee~ e jo jee~ jaléng' dsea` i ja` líng' dsea` Israel. Dsu' ie~ jo ja` cangó~ o fa' e cangojmingí' dsea` jiéng' quiá'- e júu^ jo, ¹⁷ o'gui ngó~ o fí' Jerusalén ladsifí' cajo e ngosiin~ n e júu^ do cóo'~ jaléng' dsea` i líng' dsea` apóo^ quiá'- Dsea` Jmáang~ lajee~ nú'~ gui e nilíin~ n lajo cajo. Dsu' ja` cajmé~ e lajo, co' dsifí' ladob cangó~ o fí' Arabia fí' lí' ja` 'ga' lí' dsea` seeng~, jo mi~ cangí' jo, caquim'~ túu fí' Damasco.

¹⁸ Jo mi~ cangí' 'ní' jii` e calicuín`n Dsea` Jmáang~, joguiba' cangó~ o fí' Jerusalén e cangojmícuín`n Tú^ Simón, jo cóo'~ íb` cataan~ n jii'~ gui'ñiá' jmíi~. ¹⁹ Jo fí' jo, lajii'~ Tiáa~ i rúng' Fí'naa' Dsea` Jmáam~bing' camán~ n, jo ja` camán~ n dsea` apóo^ quiá'- Dsea` Jmáang~ i jiéng'gui. ²⁰ Jogui dseáng'~ nitab~ dsii' fí' quini' Fidié~ e jalé' e jmo' o la dseáng'~ e jáb'~, co' ja` fá'~ a júu^ ta` júu^.

²¹ Jo mi~ cangí' e táan`n fí' Jerusalén, joguiba' cangó~ o fí' lí' se' Siria cóo'~ gui fí' lí' se' Cilicia. ²² Dsu' ie~ jo, jaléng' dsea` quiá'- Dsea` Jmáang~ i neáng' fí' lí' se' Judea ja` mí' cuiñ` jnea~ dseáng'~ quini' lana. ²³ Jo lico' núu' i dsea` do e fé' dsea` jiéng' lala uii~ quié' e: "I dseañu' i jmáng' jneaa'aa' ga' ie~ lamí~ jéeng'gui do, lana ningir' guiar' júu^ quiá'- Dsea` Jmáang~ røøb' laco' jii'~ júu^ e já'~ lí' jneaa'aa' do, jo ie~ lamí~ jéeng'gui do cartí' jngam'bre jaléng' dsea` i já'~ líng' júu^ jo, co' lamí~ iin~ dseáng'~ ni'ím~ e júu^ do congua'." ²⁴ Joba' i dsea` í' jmiféiñ' Fidié~ uí'~ e nicalisím~ jnea~.

2

Mí' calíng' dsea` apóo^ quiá'- Dsea` Jmáang~ i caguiaang~ gui do júu^ quiá'- Paa~

¹ Jo mi~ cangí' guiquiá' jiiing' lajo, cangób~ túu fí' Jerusalén colíing' cóo'~ jaang' dsea` rú'naa' dsea` quiá'- Dsea` Jmáang~ i sii' Bernabé, jo jeem~ bí jaang'gui dsea` rú'naa' i sii' Tito cajo. ² Dsu' cangó~ baa fí' jo, co' lajob júu^ cajmea' Fidié~ jnea~. Jo mi~ caguié~ e fí' Jerusalén, caseáng'naa' fí' cóo' lí' ja` 'ga' lí' dsea` jøø~ cóo'~ cóo' tú~ máng'~ dsea` i si'neaang' i teáng~ nifí' quiá'- dsea` quiá'- Dsea` Jmáang~ fí' do, jo lajee~ jo cafí'~ ire lajii'~ júu^ e guiaa~ jee~ jaléng' dsea` i ja` líng' dsea` Israel e quiá'- jial laang' dsea` jee~ dsee~ quiá'r~. Dsu' cajmé~ e lajo, co' ja` iin~ n e ja` ni'íng' i dsea` teáng~ nifí' do jalé' ta~ e nicajmé~ e, co' song lajo, joba' ja` ni'íng' jaléng' dsea` caguiaang~ gui e ta~ e nicajmé~ e do jóng. ³ Dsu' jalém' dsea` i quie' nifí' quiá'- dsea` quiá'- Dsea` Jmáang~ fí' Jerusalén røøb' casíiñ` cóo'~ jnea~, jo ja` cajméer laguidseaang~ e ni'íng' Tito e lí' fí' ngúu' táaiñ` lí' laco' quiá'- tíng' dsea` Israel e jmóor~, co' dsea` griegob liiñ` do jo ja` líiñ` dsea` Israel. ⁴ Dsu' e já'~, i líng' dsea` i jmicaang~ e líiñ` dsea` quiá'- Dsea` Jmáang~ cali'íiñ` fa' Tito ni'íñ` e lí' fí' ngúu' táaiñ` do lí' laco' lítíng' dsea` Israel. Jo i dsea` do cangotáaiñ` jee~ jnea' e laco' cár` cuente jial guíá~ se~naa' la'eáng' e cajáang' yee~naa' fí' jaguó' Dsea` Jmáang~, co' i dsea` do iin~ fa' jnea' nisí'naa' røø' e dseáng'~ 'né~ nijmití'~ túu' e júu^ quiá' ta~ quiá'- Moi~ do e laco' ni'íng' dsee~ quí'naa'. ⁵ Dsu' dseáng'~ ja` cajmití'naa' jii'~ cóo' laco' iing' i dsea` i jmicaang~ do e laco' ja` nilisíng' júu^ quiá'- Dsea` Jmáang~ e guia'naa' jee~ 'nú' quiá'- jial laang' dsea` jee~ dsee~ quiá'r~, co' iin~naa' e ta~ óo'na' e dseáng'~ jáb'~ e júu^ jo, jo cóo'~ jii'~ e júu^ job laang' dsea` jee~ jalé' dsee~ quiá'r~.

⁶ Jo lajaléng' dsea` i si'neaang' e teáaiñ` nifí' quiá'- dsea` quiá'- Dsea` Jmáang~ ja` cajíñ' fa' e jnea~ nijmisín`n lajii'~ e júu^ e guiaa~ do. Dsu' ja' e lí' quié~ jnea~ i i dsea` í, co' røøb' lí'naa' lajalé'naa' fí' quini' Fidié~. ⁷ Jo ja` cajméé~ i dsea` do fa' cajmisíiñ` lajii'~ júu^ e guiaa~ do, co' calilí'bre e Fidié~bing' cacuø' jnea~ e ta~ e jmóo' o la lana quiá' e guiaa~ e júu^ jo fí' quini' jaléng' dsea` i ja` líng' dsea` Israel, jo lajobi Fidié~ cajo cacuø'bre Tú^ Simón

ta~ guia' e júu^ jo fí' quini~ jaléng' dsea` i líng' dsea` Israel. ⁸ Jo calilí' i dsea` do e Fidiéé'bing' ca'náang~ Tú^ Simón e niliñ~ dsea` apóo^ quiá'- Dsea` Jmáang~ i guia' júu^ quiá'- dsea` do jee~ jaléng' dsea` Israel, jo lajob cajo ca'náang~ Fidiéé' jnea~ e niliñ~ n dsea` apóo^ quiá'- Dsea` Jmáang~ e laco' niguiaa^ e júu^ jo jee~ jaléng' dsea` i ja` líng' dsea` Israel.

⁹ Jo Tiáa~ cóo'~gui Tú^ Simón jogui Juan i si'neaang~ e líiñ' dsea` teáang~ nifí' jee~ jaléng' dsea` quiá'- Dsea` Jmáang~, í'bing' i calilí' e Fidiéé'bing' i cacuo' jnea~ e ta~ jo e iáang' dsír'. Jo laco' calita~ dsír' i dsea` í' e røøb' ta~ jmoo~naa' cóo'r~, co' røøb' júu^ e guia'naa' do, joba' casá'-bre guóo'naa', jnea~ cóo'~ Bernabé, jo catigua~ júu^ quiá'-naa' e jnea'^ nidsijmó'naa' ta~ guia' júu^ quiá'- Dsea` Jmáang~ jee~ jaléng' dsea` i ja` líng' dsea` Israel, jogui i dsea` í' nidsijméer~ ta~ lajob cajo jee~ jaléng' dsea` i líng' dsea` Israel. ¹⁰ Jo jíi'~ laba' casí'-guir jnea'^ e nijmigiéng' dsí'naa' e jmicóo'~naa' jaléng' dsea` quiá'- Dsea` Jmáang~ i tiñíng~ i neáang' fí' Jerusalén, dsu' jnea'^ jéem' nicajmi'úung'naa' e jmoo~naa' lajo.

Mi~ ca'gaang' Paa~ quiá'- Tú^ Simón fí' Antioquía

¹¹ Jo mi~ cangí' jo, cangó-o fí' Antioquía, jo lajee~ job caguié~ Tú^ Simón fí' jo, jo cajím~baare dseáng' fí' quinir' lana, co' ja` dseeng' jalé' e cajméer' do. ¹² Co' lajee~ e ná'-gui niguilíng~ coo' tú~ máng' dsea` Israel i cuíng' rúng' cóo'~ Tiáa~, colim~ gø' Tú^ Simón cóo'~ jaléng' dsea` quiá'- Dsea` Jmáang~ i ja` líng' dsea` Israel. Dsu' mi~ tí' lí' caguilíng~ í', cajím' 'ñia'r' cóo'~ i dsea` i ja` líng' dsea` Israel do, o'gui gø'guir colíng~ cóoiñ'~ do cajo, co' 'gø'm'bre jaléng' dsea` Israel i quiu' ta~ e tóo' lí' fí' ngúu' táang' jaléng' dsea` i ja` líng' dsea` Israel. ¹³ Jo i dsea` Israel caguiaang~gui i neáang' fí' Antioquía i líng' dsea` quiá'- Dsea` Jmáang~ canaañ' éer laco'gui Tú^ Simón nañí' fa' niñi'bre'r e ja` dseeng' jalé' e jmóor' do, jo latí' Bernabé canaañ' éer lajo ie~ jo cajo. ¹⁴ Dsu' mi~ calilí'^ i e ja` røø' ta~ ée' i dsea` do, co' ja` cøøng' røø' cóo'~ júu^ quiá'- Dsea` Jmáang~, joba' ca'gaan~ quiá'- Tú^ Simón fí' quini~ jaléng' dsea` quiá'- Dsea` Jmáang~ i teáang~ do ie~ jo, jo caffí' ire lala: "Nu` calisén" e lin' dsea` Israel, jo nicajmee' e lafa' ja` lin' dsea` Israel, dsuco' jo` jmití' laco' jíi'~ laco' quí'~ títng' dsea` í' mi~ caquié' cóo'~ dsea` i ja` líng' dsea` Israel. Jo zjalí' lana iin'~ e niquiá'^ ta~ laguidseaang~ quiá'- jaléng' dsea` i ja` líng' dsea` Israel e laco' nijmitir~ jíi'~ laco' quí'~ títng' dsea` Israel jo lajoba' uíiñ~ dsea` quiá'- Dsea` Jmáang~? Dseáng'~ ja` dseeng' laco' í' o'."

Jial íng' Fidiéé' dsea' e ja` røøiñ' dsee~ fí' quinir'

¹⁵ Jogui 'nu), Tú^ Simón, colíng~ cóo'~ jnea~, dsea` Israel lí'naa' latí' mi~ cangáam'~baa', jogui ja` lí'naa' la líng' dsea` i ja` líng' dsea` Israel i í' dsí'naa' e líiñ' dsea` dsee~ dsea` qui', co' ja` jmitir~ jalé' júu^ quiu' ta~ quiá'- Moi~ e quí'~ títng'naa' dsea` lí'í' dsea` Israel. ¹⁶ Dsu' jneaa~aa' nine~baa' røø' e ja` íng' Fidiéé' jíi'~ jaang' dsea' e líiñ' dsea' i ja` røøng' dsee~ dsu' uíi'~ e jmitir~ e júu^ quiu' ta~ do, co' nine~baa' e jíi'~ e jáang'~ yee~naa' fí' jaguó' Dsea` Jmáam~, lajoba' íng' Fidiéé' jneaa~aa' e ja` dsee~ røø'naa' fí' quinir'. Co' Fidiéé' jíi'~ e jíi'~ jaang' dsea' líiñ' dsea' i ja` røøng' dsee~ fí' quini~ dsea` do dsu' uíi'~ e jmitir~ júu^ quiu' ta~ quiá'- Moi~.

¹⁷ Jo song jmi'úung'naa' jial ni'íng' Fidiéé' jneaa~aa' e ja` dsee~ røø'naa' fí' quinir~ la'eáang' cóo'~ Dsea` Jmáang~, jo lajee~ job calilí'^naa' e lí'í' dsea' dsee~ dsea` qui' cajo, co' ja` cajmití'naa' e júu^ quiu' ta~ do, dsu' o' Dsea` Jmáang~ dsea` cajméer' e jneaa~aa' calilí'^naa' lajo. ¹⁸ Jo dsea` dsee~ dsea` quib' lín'n song já'- nilíng'túu e ja` dsee~ røøñ~ fí' quini~ Fidiéé' dsu' uíi'~ e jmitií' e júu^ quiu' ta~ quiá'- Moi~ do mi~ cangí' e nicajáang'~ 'ñiá'a' fí' jaguó' Dsea` Jmáang~.

19 Dsaco' jnea~, lana lí' lafa' ni'liim~baa, co' jo` seen~ e e júu^ do quiu'gui ta~ quié~e, dsu' lanagui niseen~ e jmóo'olajíi~ e iing~ Fidiéé. Jo mi~ catáng~ Dsea` Jmáang~ fi' dse' crúu^, joba' lí' lafa' røøb` catán`n cóo'r~. 20 Jo jo` seen~ e laco' iin`n 'ñiá'a lana, co' Dsea` Jmáam~ nijmicóo'~ jnea~ e seen~ laco' iing~ ír. Jo niseen~ fi' jmigüi' la la'eáang' e cajáang'~ 'ñiá'a fi' jaguó` Dsea` Jmáang~. Jo íb` cajo i cajmi'neáang` jnea~ jo cartí cacuøøng` 'ñia'r' e cajúñ~ fi' dse' crúu^ uíi'~ dsee~ quié~e. 21 Jo ja` niguiaa` ca' lajii~ e guiúng~ Fidiéé` cóo'~ jnea~. Jo faco' jaang` dsea` quíi'r~ jmíi~ e ni'íng' Fidiéé` ír e ja` røøiñ` dsee~ dsu' uíi'~ e jmitir~ e júu^ quiu' ta~ quiá'~ Moi~ do, joba' ja` cali'né~ e cajúng~ Dsea` Jmáang~ uíi'~ dsee~ qui~ii' faco' lajo.

3

Jna~ e la guíng'gui

1 i jmicang~ 'nú', dsea` gálatas! ¿Jialí' ca'uíng~ e cajgiéeng' óo'na' e jo` 'ga' lí' núu~na' júu^ quiá'~ Dsea` Jmáang~? Dsaco' lajee' e nicaguiá' jnea^ júu^ quiá'~ Dsea` Jmáang~ jee~ 'nú', røøb` nica'éé^naa' 'nú' e~ uíing~ e catáng~ Dsea` Jmáang~ fi' dse' crúu^.

2 Jo jii~ jo iin`n e jmiguiéng' áa'na' e ja` ca'íng'~na' Jmiguí quiá'~ Fidiéé' la'eáang' e jmití'na' júu^ quiu' ta~ quiá'~ Moi~, co' ca'ím'~ba' dsu' la'eáang' e cajáang'~ yaang~na' fi' jaguó` Dsea` Jmáam~.

3 Dseáng'~ bó~jiu líng'na', co' la'uii' ca'uíng~na' dsea` quiá'~ Dsea` Jmáang~ la'eáang' cóo'~ Jmiguí quiá'~ Fidiéé', jogui lana líng~na' e quíi'~ba' jmíi~ e seem`bi' cóo'~ Dsea` Jmáang~ la'eáang' cóo'~ jii~ bí quií~na' yaang~na'. 4 Jo ja` e ta~ cal'íng' quií~na' lajii~ e ca'íng'~na' quiá'~ Fidiéé' lajee' líng'na' dsea` quiá'~ Dsea` Jmáang~ song lanagui ni'íing~na' nicá'na' fi' jieb'.

5 Joba' mi~ cuø' Fidiéé' 'nú' Jmiguí quiá'r~ laco' si'í^ jogui jmóor` jalé' e quíi'r~ jmíi~ jee~ 'nú', dsu' ja` cajméer` lajo uíi'~ 'nú' jmití'na' e júu^ quiu' ta~ quiá'~ Moi~, co' cajmée`bre lajo dsu' la'eáang' e cajáang'~ yaang~na' fi' jaguó` Dsea` Jmáang~ mi~ cangí e canúu~na' júu^ quiá'~ bre.

6 Jo güiguiéng' áa'na' jial calí~ cóo'~ 'líi' yúu~ Abraham, co' lalab fé' Fidiéé' fi' ni~ jii' quiá'r~: "Dseáng'~ jáb'~ calíng~ yúu~ Abraham júu^ quié~e, joba' ca'ín'~nre e líiñ' jaang` dsea` i ja` røøng` dsee~." 7 Joba' güiguiéng' óo'na' cajo e doñi' ií dsea` i dseáng'~ jáng'~ 'ñia' fi' jaguó` Fidiéé', jii~ íb` dsea` i líng' jóo' 'líi' yúu~ Abraham. 8 Co' lamí~ jéeng'gui fé' Fidiéé' fi' ni~ jii' quiá'r~ e ni'ím'~bre jaléng' dsea` i ja` líng' dsea` Israel e líiñ' dsea` i ja` røøng` dsee~, dsu' lajii~ i dsea` i jáng'~ yaang~ fi' jaguó`bre. Jo lanab líi' e júu^ jlo^ quiá'~ Fidiéé' e cacuø'r' 'líi' yúu~ Abraham mi~ cajíñ'~ fi' ni~ jii' quiá'r~ lala: "Ni'ee~ guiá~ cóo'~ lajiiing` dsea` seeng' fi' la'úng~ fi' jmigüi' la'eáang' cóo'~ 'nú', Abraham." Jo lanab jii~ líi' júu^ quiá'~ Fidiéé'. 9 Jo lajoba' jaléng' dsea` i nijáng'~ yaang~ fi' jaguó` Fidiéé' lí' laco'gui cajáng'~ 'ñia' 'líi' yúu~ Abraham, joba' guiáb~ ni'é~ Fidiéé' cóo'~ jaléng' dsea` í.

10 Jogui jaléng' dsea` i í dsí' e Fidiéé' ni'íng' ír e líiñ' dsea` i ja` røøng` dsee~ la'eáang' e jmitir~ júu^ quiu' ta~ quiá'~ Moi~, joba' nibíib~ Fidiéé' quiá'~ i dsea` í, co' lalab fé' fi' ni~ jii' quiá'r~: "Dseáng'~ nibíib~ Fidiéé' quiá'~ jaléng' dsea` i ja` jmiti~ dseáng'~ røø` contøøng~ jalé' júu^ quiu' ta~ quiá'r~ e ca'íng'~ Moi~". Jo dsu' jii~ jaang` dsea` quíi'r~ jmíi~ nijmér~ lajo. 11 Joba' nine~baa' røø` e ja` íng' Fidiéé' jii~ jaang` dsea` e líiñ' dsea` i ja` dsee~ røøng` dsu' uíi'~ e jmitiñ' e júu^ quiu' ta~ quiá'~ Moi~; dsaco' lalab fé' fi' ni~ jii' quiá'~ Fidiéé': "Jo la'eáang' e já' líng' jaang` dsea` júu^ quiá'~ Fidiéé', joba' Fidiéé' íñ' i dsea` í e líiñ' jaang` dsea` i ja` røøng` dsee~ fi' quinir'." 12 Jo e fi' ni~ júu^ quiu' ta~ quiá'~ Moi~ do ja` fé' e 'né~ nijáng'~ yaang~ dsea` fi' jaguó` Fidiéé'; dsaco' lalab fé' e júu^ quiu' ta~ do: "Jaléng' dsea` i jmiti~ dseáng'~ røø` contøøng~ e júu^ jo, joba' la'eáang'

cóo' e júu^ dob seeiñ` cajo." ¹³ Jo Dsea` Jmáam- caquíir' dsee- quí-ii' e laco' ja` cabíing- Fidiée` jneaa~aa', dsu' o' uíi' e cajmiti^naa' dseáng'- røø` contøøng- laji` júu^ quiu' ta~ quiá'- Moi~, co' caquíir' dsee- quí-ii' la'eéang' e cabíing- Fidiée` ír` cuaiñ~ quií- jneaa~aa', dsuco' lalab fé' fí' ni~ jì' quiá'- Fidiée': "Mí~ júung- dsea` fí' dse' crúu^, joba' cuø' lí e Fidiéeb` bíi- quiá'r-". ¹⁴ Dsu' la'eéang' e caquíir' Dsea` Jmáang- dsee- quí-ii' fí' dse' crúu^, lajoba' ée` Fidiée` guíá- cóo' jaléng' dsea` i ja` líng' dsea` Israel laco'gui nica'éer` guíá- cóo' 'líi~ yúu' Abraham lamí~ jéeng'gui eéang' cajo. Jo co' Dsea` Jmáang- caquíir' dsee- quí-ii' fí' dse' crúu^, lajoba' ni'íng'~naa' Jmiguí' quiá'- Fidiée` la'eéang' e cajáang'~ yee~naa' fí' jaguór`, co' lajob júu^ nicacuø'r' jneaa~aa' lamí~ jéeng'gui.

Mí~ cacuø' Fidiée` júu^ 'líi~ yúu' Abraham

¹⁵ Joba' fíi- guíi' 'nú', dsea` rú'naa' dsea` quiá'- Dsea` Jmáang-, coo'gui júu^ e laco' cuøøng' lí' síng- dsea': Facó' jaang' dsea` líng- ee` júu^ sñiñ` cóo' jaang'gui dsea', jogui caráang- mají' quiá'r- quiá'- e júu^ do, jogui catéer` niguóor` ni~, jo mi~ ningí' jo, joba' jo` cuøøng' fa' nijgiéeng- gui jíi' camí' júu^ laco' jíi' nitoo~ e ni~ mají' do. ¹⁶ Jogui Fidiée` cajmirør` júu^ cóo' 'líi~ yúu' Abraham cóo'gui jaang' dsea` siju` dsea` do. Güilíñ'bi' cajo e ja` tóo' fí' ni~ jì' quiá'- Fidiée` fa' e cajmirør' e júu^ do quiá'- fíing' dsea' siju` Abraham, co' quiá'- jaam' dsea' e fé' e fí' ni~ jì' do, jo íb` Dsea` Jmáang-. ¹⁷ Joba' fíi- guíi' 'nú' e júu^ la: Fidiée` cacuø'r' júu^ 'líi~ yúu' Abraham jogui cajmirør` júu^ cóo' dsea` do cajo. Jo mi~ cangí'gui cuatrocientos treinta jíi' lajo, ca'íng' Moi~ júu^ quiu' ta~ quiá'- Fidiée`; dsu' e júu^ jo ja` quií' jmií' fa' niguiéng- ca' e júu^ e cajmirør' Fidiée` cóo' 'líi~ yúu' Abraham do lamí~ jéeng'gui, o'gui quí' jmií' ni'náng- e jo` ta` íng' e júu^ jo cajo. ¹⁸ Facó' jalé' e cuø' Fidiée` jneaa~aa' do íng'~naa' la'eéang' e jmiti^naa' e júu^ quiu' ta~ quiá'- Moi~ do, joba' ja` cacuø' Fidiée` e iáang' dsíir' e jo facó' lajo. Dsu' Fidiée` cajmiti~bre e júu^ e cajmirør' cóo' 'líi~ yúu' Abraham e iáang' dsíir', co' lajob júu^ nicacuø'r' dsea` do lamí~ jéeng'gui.

¹⁹ Joba' laco' cuøøng' fe'ee', ¿jie` lí' íng' ta~ júu^ quiu' ta~ quiá'- Moi~? Co' cacuø' Fidiée` e júu^ quiu' ta~ do mi~ cangí' e cajméer` júu^ cóo' 'líi~ yúu' Abraham e laco' nililí' dsea` jmigüi' e røøiñ` dsee-. Jo cali'íim` ta~ e jo cartí' cagüéng- i dsea` sijur` do, co' e júu^ e cajméer` Fidiée` cóo' 'líi~ yúu' Abraham lamí~ jéeng'gui do fé' cuaiñ~ quiá'- i dsea` sijur` dob. Jo la'uii' cangíng' Fidiée` quiá'- jaléng' ángeles i líng' guotíir- e júu^ quiu' ta~ do, jo ígui cangíiñ` quiá'- Moi~, jo Moi~gui cartí' quini` jaléng' dsea` Israel. ²⁰ Dsu' ja' fa' dseáng'- la guíng' 'neáng- i dsea` i níngíng- e júu^ do mi~ e júu^ jo jáa' tí' quini` jaam' dsea', co' 'ñiab' Fidiée` cangíiñ` e júu^ jo fí' quini` Abraham.

E~ uiing~ e júu^ quiu' ta~ quiá'- Moi~

²¹ Jo ¿su cuøøm' fe'ee' e e júu^ quiu' ta~ quiá'- Moi~ do ja` cóøng' røø` cóo' e júu^ e cajméer` Fidiée` cóo' 'líi~ yúu' Abraham do? ¡U~, ja` líi' lajo; Dsuco' facó' e júu^ quiu' ta~ do cuø' e seeng' dsea` cøøng' cóo' Fidiée`, joba' facó' lajo cuøøm' sea' lí'íng' Fidiée` dsea` e líiñ' dsea` i ja` røøng' dsee- song jmitir~ jalé' e júu^ jo. ²² Dsu' lí' laco' fé' Fidiée` fí' ni~ jì' quiá'r-, e lajím' dsea` jmigüi' dseáng'- jmitir~ lajíi' ta~ quiu' dsee- quiá'r-, jo lajoba' Fidiéeb` nicuø'r- jaléng' dsea` i cajáng' yaang- fí' jaguó' Dsea` Jmáang- lí' laco'gui júu^ cacuø'r lamí~ jéeng'gui. Co' lajob júu^ cajmirør' Fidiée` lajíi' ie~ mi~ nú' gui e nicuø'r- Moi~ júu^ quiá'r-.

²³ Jo lajee` nú'-gui e nigüéng- Dsea` Jmáang- fí' jmigüi' la e laco' já'- nilí'naa' júu^ quiá'r-, joba' e júu^ quiu' ta~ quiá'- Moi~ do jéeng' jnea' lafa' 'núum'~baa' la'ó' lí'naa' dsea` Israel cartí' mi~ já'- cali'naa' e cagüéng- Dsea` Jmáang- i caleáng' jnea' jee~ dsee- quí-ii'. ²⁴ Jo laco' jaang' tiquiá' jiuung~ jéeiñ` dsea` 'léeng' i jmóo' í' quiá'- jiuung~ quiá'r-, jogui lajob e júu^

quiá' ta~ quiá'- Moi~ do quié' nifí' quí-ii' cartí' mi~ catí' í' e calicuíng'naa' Dsea` Jmáang-, jogui ca'ing' Fidiéé' jneaa~aa' e líí'naa' dsea` i ja` røøng` dsee- la'eáang' e cajáang'~ yee~naa' fí' jaguó' Dsea` Jmáang-. ²⁵ Dsu' lanagui e nicajáang'~ yee~naa' fí' jaguó' dsea` do, joba' jo` 'ga' lí' quié' nifí' quí-naa' e júu^ quiá' ta~ do.

²⁶ Dsüco' jneaa~aa', la'eáang' e nicajáang'~ yee~naa' fí' jaguó' Dsea` Jmáang-, joba' nilíí' jóo' Fidiéé' lana. ²⁷ Jo` la'eáang' e nicajgáang'naa' jmíí' e cuø' lí' e líí'naa' dsea` quiá'- Dsea` Jmáang-, joba' nilíí'naa' lafa' jaam` dsea` cóo'r~ lana. ²⁸ Jo` jaléng' dsea` quiá'- Dsea` Jmáang-, ja` e líí' si líí'naa' dsea` Israel osi o' lajo` é, si dsea` si'níim~bi é osi o' lajo` cajo, si líí'bíí' dseañu' osi dseamí' é; dsüco' song see~naa' cøøng` colíing~ cóo'~ Dsea` Jmáang-, joba' lafa' jaam` dsea` líí'naa' lajalé'naa' cóo'r~ jóng. ²⁹ Jo` co' dsea` quiá'- Dsea` Jmáam- nilíí'guíí', joba' dsea` siju` 'líí' yáa'~ Abraham lííí' cajo, joba' dseáng'- catíí'-baa' lajii'~ e cajíng'- Fidiéé' e nicuø'r- dsea` quiá'r- lamí~ jéeng'gui.

4

¹ Jo` e laba' iin~n fíí'guíí' 'nú': Facó' jaang` dsea` seeng` jaang` síming' jiuung~ quiá'r-, jo` lajii'~ e sea` quiá'- i tiquiá'r` do, joba' i síming' jiuung~ dob nilí' quiá'- mi~ niféng'guir; jo` dsu' lajee` e jiuuiñ~ do, líí' lafa' e o' quiá'-bre, nañí' fa' e quiá'-bre'r mi~ niféíñ'. ² Jo` lajee` jo` i jiuung~ do dsea` jiém' to' fíing` ír` jogui dsea` jiém' née' ní' e sisée^ quiá'r- do. Jo` líí' mi~ catí' í' lajii'~ júu^ casée' tiquiá' i jiuung~ do, joba' nicuøøng` jmeá'r- ta~ lajii'~ e casée' dsea` do. ³ Jo` lajob` cangongíí' jneaa~aa' cajo, lajee` e líí'naa' lafa' jiuung~, nú'-gui e nilícuíng'naa' Dsea` Jmáang-, e dseáng'- 'né' jmití'baa' jalé' e quiá' ta~ qui-ii' e qui' tíí'naa' fí' jmígüí' la. ⁴ Dsu' mi~ catí' í' lajo, joba' casíng' Fidiéé' Joor' Dsea` Jmáang- fí' jmígüí' la e caliséíñ' laco' liseeng' líí' doñí' ii' dsea' jmígüí'. Jogui co' dsea` Israel líííñ', joba' 'né' jmití-bre e júu^ quiá' ta~ quiá'- Moi~ do. ⁵ Jo` lajoba' caleáaiñ' jnea'^, dsea` líí'naa' dsea` Israel e dseáng'- 'né' jmití'baa' e júu^ quiá' ta~ do e laco' ni'íng' Fidiéé' jnea' e líí'naa' joor'. ⁶ Jogui calilí' e nilíí'naa' joo' Fidiéé', co' Fidiéé' casííñ' Jmígüí' quiá'r- la'eáang' cóo'~ Joor' Dsea` Jmáang- fí' dsí'naa' lajaang' lajaang'naa'; joba' la'eáang' e Jmígüí' quiá'- Fidiéé' do fé'naa' lala e iáang' dsí'naa': "¡Teaa~! ¡Teaa~!" ⁷ Jo` lajob` líí', jo` líí'guíí' dsea` i jmití' jalé' ta~ quiá' e qui' tíí'naa' fí' jmígüí' la, co' lana nilíí'naa' joo' Fidiéé' lajaang' lajaang'naa', jo` lajoba' niñíng'naa' e nicajííñ'- lamí~ jéeng'gui e nicuø'r- dsea` quiá'r-.

Jial guíng' dsíí' Paa- jaléng' dsea` quiá'- Dsea` Jmáang- i seeng' fí' lí' se' Galacia

⁸ Dsu' lamí~ jéeng'gui, lajee` nú'-gui e calicuíng' 'nú' Fidiéé', líng'na' lafa' dsea` si'níing' uíí' e jmití'na' jalé' e qui' tíing'na' jmoo'na' cóo'~ jaléng' diéé' i o' já'- . ⁹ Dsu' lanagui nicalicuíim'ba' Fidiéé', osi laco' cuøøng' fe'ee', e dsea` íb` dsea` i nicalicuíing' 'nú'. Joba' çjialí' e nijmití'tu' calé' catú- jalé' e qui' tíing'na' do? Co' e jo` ja` jié' lí' íng' ta~ quií-na' jii'~ coo'. ¹⁰ Co' 'nú' jmí'goo'na' jalé' jmíí' osi jalé' sí' osi jalé' jii' é. ¹¹ Joba' eáam' guíing~ dsii' 'nú' fíng song ja` calí'íng' ta~ jii'~ coo' lajii'~ ta~ e nicajmé- e jee' 'nú'!

¹² Joba' míí' i 'nú' la guíng', dsea` rú'naa' dsea` quiá'- Dsea` Jmáang-, e nijmée^na' laco'gui nicajmé- jnea~ e jo` jmití'tu' lajii'~ e qui' tíing'na' do. Dsu' 'nú'gui, eáam' guíá- nica'ee-na' cóo'~ jnea~. ¹³ Jogui niñí'bi' cajo e jmohuíb' quíee- mi~ canaan- guíaa- júu^ quiá'- Dsea` Jmáang- jee' 'nú' e quiá'- jial laang' dsea` jee~ dsee- quiá'r-. ¹⁴ Dsu' ja` e líí' e gab' e jmohuí' e quíee- do, co' 'nú' ja` cajmee'na' fa' e ja` cajmijíng'na' jnea~ o'gui ca'naang'na' jnea~ ca' dsu' uíí' e líí'n e jmohuí' do. Co' 'nú' guíáb- ca'íng'na' jnea~ laco'gui íng' dsea`

jaang` ángel i líng` guotii` Fidié` i casíng` dsea` do, osi laco' Dsea` Jmáang` 'ñia'bir é. ¹⁵ Jo ¿jie` fí` ca'í` e jmi'iaang` óo' 'nú' cóo'` jnea` ie` do? Co' lanagui jo` 'ga' lí` iaang` óo'na'. Dsaco' cuóom` fá'a uii` quí`na' ie` do e dseáng'` lafa' niguí` 'nú' jminí`na' e nicuó'`na' jnea` e laco' cuóong` e nijmicóo'`na' jnea`. ¹⁶ Jogui lanagui lí' lafa' e ni'ní` máam'baa 'nú' dsu' uí'` e fón'n 'nú' e júu` já` la.

¹⁷ Jo i dsea` i iing` nijmisíng` e júu` e quiá'` jial laang` dsea` jee` dsee` quiá'r` iin` e nigüitáang` 'nú' cóo'r`, jo dsu' jaléng'` i dsea` í` ja` í` dsíir' laco' catíng` , co' lico' iin` e nimáang` 'nú' jnea` 'nib'`. ¹⁸ Dsu' guiáb` cajo song seeng` dsea` i iing` e nigüitáang` 'nú' cóo'r`, lifa' i dsea` í` 'né` í` dsíir' laco' catíng` jogui 'né` e contóom` éer` guiá` cóo'` 'nú' lí' laco'gui ee` jnea` mi` táan` jee` 'nú'`.

¹⁹ Dsea` rú'naa' i iin`n eáang`, calé'` catú` caa` iihuí` uii` quí` 'nú' laco'gui iihuí` íng'` jaang` dseamí` mi` liseeng` jiuung` quiá'r` ; jogui caa` e iihuí` do cartí` Dsea` Jmáang` nicuó'r` 'nú' e ni'uíng`na' dseáng'` dsea` quiá'r`. ²⁰ Jo eáam` iin`n e táan` jee` 'nú' lana, co' jíe'`gui lí' e sñ`naa' dseáng'` quini`na' lana; co' ja` ñii` ee` ni'í` dsii` uii` quí`na'!

E` calí` cóo'` Agar jogui Sara

²¹ Jogui iin`n e ningii`na' quié` e e júu` la, jaléng'` 'nú' i dseáng'` iing`na' jmití`na' júu` quiu'` ta` quiá'` Moi`. Jo ¿su ja` mí` cangáng'` 'nú' jial lí' e júu` jo? ²² Co' jee` e júu` jo fé'` e i` lí' yúu'` Abraham do caliséng` gáng` jóor', jaang` i caliséng` cóo'` jaang` dseamí` i sii` Agar i si'níng` i jmóo` ta` huí'` e ja` 'léeng'`, jogui i jaang`gui do caliséng` quiá'r` cóo'` dseáng'` dseamí` quiá'r` i sii` Sara i néé` ni` jaléb'` e oor` cóo'` dseañu'` quiá'r`. ²³ Jo i jóo'` i dseamí` i si'níng` do caliséñ` laco'gui liseeng` lí' doñí` i` jóo'` dsea; jogui i jóo'` dseáng'` dseamí` quiá'` 'lí' yúu'` Abraham do caliséñ` lajob cajo, dsu' lí' laco' niliti` lajii'` júu` e nicacuó'` Fidié` ír` lamí` jéeng`gui. ²⁴ Jo dsu' líim` ee` guóng'` jalé'` e la; dsaco' laji` gáng` i dseamí` do líim` ee` júu` siséé` quiá'r` lajaang` lajaaiñ`. Jo i dseamí` jaang` i sii` Agar do cuó` cóo'` lí' quiá'r` quiá'` lajii'` júu` e cajmiró` Fidié` cóo'` Moi` fí' yú'` mó'` Sinaí; joba' jaléng'` dsea` i níng'` la'eáang` cóo'` e júu` jo líiñ'` lafa' dsea` si'níim`. ²⁵ Jogui i dseamí` i sii` Agar do cuó` cóo'` lí' quiá'r` fí' yú'` mó'` Sinaí e si' fí' Arabia e guóng'` e jaléng'` dsea` Jerusalén i seeng` fí' lí' se' Israel líiñ'` lafa' dsea` si'níim`. ²⁶ Dsu' jaléng'` dsea` quiá'` Dsea` Jmáang` i catíng` e fi` Jerusalén 'mí` quiá'` Fidié` do ja` líiñ'` dsea` si'níng`. Jogui lí' lafa' niquí'`baa' e fi` jo. ²⁷ Co' lalab fé'` fí' ni` jì` quiá'` Fidié`:

Jmi'iaang` o', dseamí,

'nu` i ja` mí` cangoquieeng` yuu`;

jogui jmi'iaang` a' cajo e ja` mí` ca'lin'` iihuí'` laco' mí` liseeng` jiuung` quiá'` dsea`.

Dsaco' 'nu`, dseamí i catúu` dseañu'` quí'`,

fíng`gui jóo'` niliseeng` laco'gui i dseamí i seeng` dseañu'` quiá'`.

Jo lanab fé'` Fidié` fí' ni` jì` quiá'r`.

²⁸ Joba' fi`guí` 'nú', dsea` rú'naa' dsea` quiá'` Dsea` Jmáang`, jneaa`aa' colíng` cóo'` i jóo'` Abraham i sii` Isáa' do lí'naa' jóo'` Fidié` e laco' niliti` lajii'` júu` quiá'r` e nicacuó'r' 'lí' yúu'` Abraham lamí` jéeng`gui. ²⁹ Jo co' ie` jo i jóo'` i dseamí` si'níng` do cajmeáñ'` ga` i jóo'` dseamí` quiá'` 'lí' yúu'` Abraham do i caliséng` la'eáang` cóo'` ta` quiá'` Jmiguí` quiá'` Fidié`, jo lajob cajo jmóo` dsea` sijur` cartí` lana e jmáñ'` ga` rúñ'`. ³⁰ Jogui quie`na' cuente lajii'` júu` quiá'` Fidié` e casí'r` Abraham: "Uóong` fí` quí'` i dseamí` i si'níng` colíng` cóo'` jóor` do, co' ja` catíng` jóo'` i dseamí` do lajii'` guíeé` quiá'` i jóo'` dseáng'` dseamí` quí'` i néé` ni` jaléb'` e sea` quí'`na', yúu'` Abraham." ³¹ Jo lajob lí',

dsea` rú'naa', ja` lí'naa' lafa' jóo' dseamî i si'nning̃, co' lana nilí'î' lafa' jóo' dseáng' dseamî i ja' si'nning̃ do.

5

Dsea` Jmáam`bing' láang` jneaa`aa' e laco' ja` lí'î' dsea` i lafa' si'nning̃

¹ Joba' fî-guî' 'nú', dsea` gálatas, e Dsea` Jmáam`bing' caleáng` jneaa`aa' e laco' jo` 'ga' lí' quié' nifí' qui'î' e júu` quiu' ta` quiá'- Moi` do. Joba' 'né' e niliseeng`na' e silaam`ba', jogui jo` cuó`tu fí' yaang`na' calé` catú` e nijmití`tu` jalé` e júu` jo.

² Jnea` Paa`, jo` núu`na' júu` quié`e, jogui quié`na' cuente røø` jalé` e nifî`î' 'nú', e song cacuøø` fí' yaang`na' e nitó` lí' fí' ngúu` táang`na' laco'gui tîng` dsea` Israel, joba' ja` e ta` íng` qui'na' jalé` e cangongíng` Dsea` Jmáang` uí' 'nú' jóng. ³ Joba' fî-túu` 'nú' e lí' doñí' î' 'nú' i tóo` lí' fí' ngúu` táang`, joba' 'né' nijmití`na' dseáng`- røøb` lajalé` e júu` quiu' ta` quiá'- Moi` do. ⁴ Jo` jaléng` 'nú' i í' dsí' e Fidiéeb` ni'îñ` 'nú' e líng`na' dsea` i ja` røøng` dsee` uí' e jmití`na' e júu` jo, joba' catiúum`ba' Dsea` Jmáang` jogui ca'náam` yaang`na' e laco' jo` ni'íng`na' lajî' e guiúng` Fidié` do. ⁵ Dsu' jaléng` jneaa`aa' nisita` dsí`naa' e Fidié` ni'íng` jneaa`aa' e lí'naa' dsea` i ja` røøng` dsee` la'eáng` cóo` Jmiguí` quiá'r` jogui la'eáng` e cajáang` yee`naa' fí' jaguó` Dsea` Jmáang`. ⁶ Jogui song lí'naa' dseáng`- lajang` dsea` quiá'- Dsea` Jmáang`, joba' ja` e lí' nañí' fa' tóo` lí' fí' ngúu` táang`naa' laco'gui litíng` dsea` Israel, dsuco' ja` e quíng` e jo; co' lajî' e quíng` fí' quini` Fidié` e jáang` yee`naa' fí' jaguó` Dsea` Jmáam` e laco' nijmi`neáng`naa' dsea` rú'naa'.

⁷ Jogui 'nú', guiáb` lami` seeng`na' cóo` Dsea` Jmáang`; dsu' lanagui liim` î' nicatáng` 'nú' júu` e nicatúu`na' e jo` núu`na' lajî' júu` quiá'- Dsea` Jmáang`. ⁸ Dsu' o' Fidié` i cajéng` 'nú' e cajmee`na' lajo, co' dsea` do nicató'r` 'nú' e laco' ni'uíng`na' dsea` quiá'-bre. ⁹ Jo` lalab júu` róo: "Coo` capí` quiéb` nijmé` niróo` ca` quiá'- îñ'." ¹⁰ Dsu' jnea` tab` dsii` e la'eáng` cóo` Dsea` Jmáang` ni'í`tu` áa`na' calé` catú` laco'gui í' dsí` jnea`. Jo` Fidiéeb` nicuó` iihuí' i dsea` i jmigøøng` 'nú' cóo` jalé` e 'né' jmití`na', jo` ja` e lí' î' dsea`.

¹¹ Dsea` rú'naa' dsea` quiá'- Dsea` Jmáang`, faco' jnea` guíabí` júu` e dseáng`- la guíim` 'né' jmé` dsea` quiá'- Dsea` Jmáang` e lí' fí' ngúu` táaiñ` lí' laco' litíng` dsea` Israel, joba' faco' lajo, ja` e ta` e jmáng` dsea` Israel jnea` ga` jóng. Jo` faco' lajob` jmóo'o, joba' ja` liguíng` dsea` Israel uii` quiá'- jalé` e júu` e guíaa` quiá'- jalé` e cangongíng` Dsea` Jmáang` fí' dse` crúu` jóng. ¹² Jogui jaléng` i dsea` i ngí' ta` jmigøøng` 'nú' do e quiá'- e tó` lí' fí' ngúu` táang`na', iguíá` gui fa' nidsi'íim`bre congúia' jo` lajoba' nitiúu`îñ` 'nú'!

¹³ Jogui co' 'nú', dsea` rú'naa', Fidié` cató'r` 'nú' e laco' jo` quiu'gui ta` qui'na' e júu` quiu' ta` quiá'- Moi` do. Jo` co' lajob` líng`na', joba' jo` jmée`na' lí' doñí' ee` lí' óo`na' yaang`na', co' dsea` silaam` nilíng`na'. Dsuco' guíá`-gui e jmicóo` rúng`na' lajee` la'ó' yaang`na' uí' e 'neáng` rúng`na'. ¹⁴ Co' lajaléb` lí' fé' júu` quiu' ta` quiá'- Fidié`, e júu` laba' eáng`gui lití: "Jmi'neáng` jaléng` dsea` rún` lí' laco'gui jmi'neáng` uø'." ¹⁵ Jo` song jmoo`na' ta` jíng` osi ta` tîng` cóo` jalé` e síng`na', joba' ni'íim` lajî' juguíá` júu` røø` e sea` jee` 'nú' e cangíng`na' e cacuø` Fidié`.

Jalé` e lí' dsí' dsea` fí' jmigúu` jogui jalé` e iing` Jmiguí` quiá'- Fidié`

¹⁶ Joba' fî-guî' 'nú' la guíng`, dsea` rú'naa': Güiliseem`ba' contøøng` la'eáng` cóo` Jmiguí` quiá'- Fidié`, jo` lajoba' ja` jmití`na' lajî' e lí' óo`na'. ¹⁷ Dsuco' jalé` e lí' dsí`naa' do ja` cóøng` røø` cóo` jalé` e iing` Jmiguí` quiá'- Fidié`, jogui jalé` e iing` Jmiguí` quiá'- Fidié` ja` cóøng` røø` cóo` jalé` e lí'

dsi'naa' do. Dsuo' laji' tú- e na ja' røø' cøøng' quiá'-, joba' ja' cuøøng' e jmée' 'nú' lajii' e lí' áa'na' do. ¹⁸ Dsu' song 'nú' seem'ba' e quie' nifi' Jmiguí' quiá'- Fidiée' quií'-na', joba' e júu' quiu' ta' quiá'- Moi' do jo' quiu' ta' quií'-na' lana jóng.

¹⁹ Jo ja' e huíng' e jóø'naa' quiá'- jaléng' dsea' i cá' fi' ga' jogui jmóor' lajii' e lí' dsíir' yaaiñ' fa' jalé' e la: mi' 'lée' jaléng' dseañu' osi jaléng' dseamí' e güüiñ' cóo' dsea' i o' quiá'r-, osi mi' jmóo' dsea' jalé' e 'lí' e jié'gui, osi mi' jmóor' jalé'gui e ja' tíí' ta' e quií'- tñiñ' jmóor', ²⁰ osi mi' jmiféng' dsea' lí' doñí' ee', jogui mi' jmóor' ta' dsea' láang', osi mi' 'ní' ní' dsea' quiá'- jaléng' dsea' rúíñ', osi mi' jmóor' ta' jíng', osi mi' suuiñ' laco'gui la líng' jaang'gui dsea', osi mi' jmináb' liguiñ-, osi mi' iññ' e íbre silí'r' jalé' e sea', osi mi' 'naam'bre quiá'- rúíñ' co' ja' røø' sñiñ', osi mi' jii' la'ó' íbre tí' dsíir' sñiñ', ²¹ osi mi' dsihuñiñ' quiá'- jaléng' dsea', osi mi' jmóor' ta' jngang' rúng', osi mi' jmóor' ta' í', osi mi' dsíng' cúíñ', osi mi' jmóo'biguir jalé' e ga' e jié' cajo. Joba' fí'guí' 'nú' calé' catú' laco'gui nicafí' 'nú' ie' lamí' jéeng'gui do e jaléng' dsea' i quií'- tñng' jmóo' jalé' e ga' lajo, joba' i dsea' í' ja' niñiñ' e Fidiée' quie' nifi' quiá'r-, jogui ja' niñiñ' guíee' quiá'r- e cuø' Fidiée' jaléng' dsea' quiá'r- cajo.

²² Dsu' mi' seeng' dsea' la'eáang' cóo' Jmiguí' quiá'- Fidiée', co' la'eáang' e Jmiguí' doba' jmi'neáang' rúíñ', jogui e íaang' dsíir', jogui e seeiñ' juguiá' júu' røø' cóo' dsea' rúíñ', jogui e féng' dsíir' quiá'- rúíñ', jogui e guiúñ' cóo' jaléng' dsea' rúíñ', jogui guiáb' éer' cóo' jaléng' dsea' rúíñ', jogui jmiti'bre lajii' júu' e cuø', ²³ jogui ja' jmicøøng' yaaiñ' jee' dsea' rúíñ', jogui ja' jmóor' lajii' ta' quiu'r' yaaiñ'. Jogui lajib' júu' quiu' ta' cøøng' røø' cóo' e júu' la. ²⁴ Jogui jaléng' i dsea' i líng' dsea' quiá'- Dsea' Jmáang' lafa' cató' fi' dse' crúb' jalé' e ga' e jmóor' cóo'gui jalé' e lí' dsíir' yaaiñ', jo lajoba' ca'naam'bre quiá'- e jo. ²⁵ Jo co' la'eáang' cóo' Jmiguí' quiá'- Fidiée' nisee'naa', joba' 'né' cuøø' fi' yee'naa' e e Jmiguí' dob' quie' nifi' quií'-ii'.

²⁶ Jogui ja' 'né' jmicøøng' yee'naa' jee' jaléng' dsea' o'gui nijmijløng' yee'naa' o'gui nijmó'oo' dsihuíng'naa' quiá'- jaléng' dsea' rú'naa' cajo.

6

Jmicóo'na' jaléng' dsea' rúng'na'

¹ Joba' fí'guí' 'nú', dsea' rú'naa' dsea' quiá'- Dsea' Jmáang-, song móo' 'nú' e jaang' dsea' rúng'na' nicatøng' fi' ní' dsee-, joba' jaléng' 'nú', dsea' seeng'na' la'eáang' cóo' Jmiguí' quiá'- Fidiée', 'né' nijmicóo'ba' i dsea' í' e laco' niliseeñ' laco' la seeng' dsea' quiá'- Dsea' Jmáang-. Jo jmee'ba' e guiúng'na' cóo'r-, jogui ñiim' áa'na' e laco' ja' güilí' e la quie' 'náb' cajo nijjúng'na' fi' ní' dsee-. ² Jogui jmicóo' rúng'na' cóo' jalé' e huíng' lí' quií'-na', jo lajoba' dseáng'- niliti' lajii' júu' quiá'- Dsea' Jmáang-.

³ Jo song jaang' dsea' í' dsíir' e niing'guir, dsu' o' já'- e lajo, co' lico' jmicøøng' 'ñia'bre song í' dsíir' lajo. ⁴ Dsuo' lajaang' lajaam' dsea' 'né' í' dsíir' su guiá' jalé' e jmóor' osi ja' dseeng' é. Jo song í' dsíir' 'ñia'r' e guiá' lajii' e jmóor' do, jo song dseáng'- lajob lí', joba' ja' 'né' jóør- jial jmóo' dsea' jiéng'. ⁵ Dsuo' lajaang' lajaam' dsea' 'né' to' fñiñ' lajii' e lí' quiá'r-. ⁶ Jogui i dsea' i jmitíng' júu' quiá'- Dsea' Jmáang- 'né' cuø'-bre i dsea' i e' quiá'r- do lajii' e catñiñ' do e laco' nijmicóo' rein' do.

⁷ Jo ja' jmicøøng' yaang'na' cóo' jalé' e jmoo'na', co' jii' jaang' dsea' cuøøng' lí' jmicøøñ' Fidiée'. Cofa' lajii' e jni' dsea' fi' ní' guóo' uø' quiá'r-, e job cajo e nisitñiñ' mi' niró. ⁸ Jo lajob lí' cóo' i dsea' i seeng' laco' lí' dsíir' yaaiñ-, co' mi' nití' í' quiá'r- e nijúuiñ-, ni'nám'bre quiá'- Fidiée' lata-. Jogui i dsea' i seeng' laco' iing' Jmiguí' quiá'- Fidiée', joba' la'eáang' e Jmiguí' quiá'- Fidiée'

dob niliseeiñ` cøøng` cõõ` dsea` do lata~. ⁹ Jogui song cuø` bî yee~naa' e jmo`oo' j Mang' e guiá~, jogui song dseáng' ja` jmitúng` dsi`naa' e jmo`oo' e jo, joba' mi~ nití` í', ni`ím'`baa' guiéé` quí`ii' e cuø' Fidiéé` jaléng' dsea` quiá'r~. ¹⁰ Joba' contøøm~ 'né` jmo`naa' j Mang' e guiá~ cõõ` jaléng' dsea` jogui e jmicõõ`naa're, dsu' la guíng`gui eáang' 'né` jmo`oo' lajo cõõ` jaléng' dsea` rú`naa' dsea` quiá'~ Dsea` Jmáang~.

Júu` ñ`'goo` quiá'~ Paa~

¹¹ Jo jøø`na', dsea` rú`naa', jial tí' cõõ` e júu` e jmo`o la quí`na'! ¹² Jo jaléng' i dsea` i jmo`o` úung` e nitõ`na' li~ fí` ngúu' táang`na', jmoór` lajo e laco' nijér` guiá~ cõõ` jaléng' dsea` caguiaang`gui jogui e laco' ja` nijmeáng' dsea` ga` ír` uii~ quiá'~ e guiar` júu` e cajúng` Dsea` Jmáang~ fí` dse` crúu`. ¹³ Jo j`gui jaléng' i dsea` i jmo`o` úung` e tóor` li~ fí` ngúu' táaiñ` do ja` jmitir` jalé' e júu` quiu' ta~ quiá'~ Moi~. Dsu' jmoór` úung` e 'nú` nitõ`na' li~ fí` ngúu' táang`na' e laco' nijmér` ráaiñ` fí` quini` jaléng' dsea` jiéng' e nicalí`-bre 'nú` e nicajmee`na' li~ fí` ngúu' táang`na'. ¹⁴ Dsu' jnea~, jii` cõõ` ja` e jmo`o`o ráan`n e jié'gui; co' dseáng' lajii` e calí` cõõ` Dsea` Jmáang~ fí` dse` crúub`, jii` joba' sée` e teá. Co' la'eáang' e catáng` Dsea` Jmáang~ fí` dse` crúu`ba', jo` ee` ta` íng` quié` e jii` cõõ` jalé' e sea` fí` jmigüi` la lana, jogui lí' lafa' e cajúm`baa, co' jo` seen` e quiu' ta~ jnea~ jalé' e sea` fí` jmigüi`. ¹⁵ Jogui jo` ee` ta` íng` quí`na' song tóo` li~ osi ja` tóo` li~ fí` ngúu' táang`na' é; dsuco' lajii` e quíng`gui quí`na' e nicaguí`-jíng' yaang`na' fí` quini` Fidiéé`, jo joba' nilíng`na' dsea` 'mám` lana. ¹⁶ Jo jaléng' i dsea` i seeng` laco' la lí' e júu` e nicafá`-a na, cõõ`gui jaléng' dsea` Israel i quie' Fidiéé` nifí` quiá'r~, güiliseem`bre juguiá~ júu` røø, jogui güilíb` fí' líng` Fidiéé` ír` cajo.

¹⁷ Latí` lana jogui li~ dsé`gui cajo jii` jaang` dsea` nicuø'`guir jnea~ iihuñ; co' jalé' e güi' e quiee` la lana cuø` li~ e jmo`o`o lajii` e iing` Fí`naa' Dsea` Jmáang~.

¹⁸ Joba' dsea` rú`naa', nimí`i Fí`naa' Dsea` Jmáang~ e ni`ír` güea` quiá'r` jee` 'nú'. Jo lajob` 'né` lí.

Jo lanab` jii` fé' jii` quiá'~ Paa~ e catíng` jaléng' dsea` quiá'~ Dsea` Jmáang~ i seeng` fí' lí` se' Galacia.

Júu^ e toq̃ fi' ni~ ji` quiá'- Paa- e catíng- dsea` seeng` fi' ÉFESO

¹ Jnea~ Paa- lín'n jaang` dsea` apóo^ i jmóo` ta~ ni' júu^ quiá'- Dsea` Jmáang-, co' lajob ta~ e cali'iaang` dsíi' Fidiée` cacuø'r' jnea~. Jo guiéen'n júu^ guicóo' qui- na', jaléng' 'nú', dsea` quiá'- Fí'naa' Fidiée` i neáang' fi' Éfeso i já' líng' júu^ quiá'- Dsea` Jmáang-. ² Jo mii' i Tiquí'naa' Fidiée` cóo' gui Fí'naa' Dsea` Jmáang- e ni'ír- güea'^ quiá'r- jee~ 'nú', jogui e nicuø'r- 'nú' e seeng'na' juguiú- júu^ røø`.

Jalé' e guiá- e nicacuø' Fidiée` jneaa~aa'

³ Jo majmifém' baa' Fidiée` i líng' Fidiée` quiá'- Fí'naa' Dsea` Jmáang- jogui i líng' Tiquiá'r' cajo, dsuco' la'eáang' e líi' lafa' jaang` dsea` cóo' Dsea` Jmáang-, lajoba' Fidiée` nicacuø'r' jneaa~aa' jalé' e guiá- e sea` quiá'r- e jáa' fi' lí' guiíñ~ e laco' uíng- guiá- qui-ii'. ⁴ Jo Fidiée` caguíñ' jneaa~aa' latí' jíi' mii' ná'-gui e nitiroo' jmi'güi' e laco' niliguiúng-naa' fi' quinir' e ja` dsee- sea` qui-ii' la'eáang' cóo' Dsea` Jmáang-. ⁵ Jo co' eáam' 'neáang' Fidiée` jneaa~aa', joba' caguiar' guiá- latí' malí' e laco' nijéiñ- jneaa~aa' laco' jóo' bre la'eáang' cóo' Dsea` Jmáang-, lí' laco'gui jíi' e cali'iaang' dsíir' 'ñia'r'. ⁶ Jo cajméer' lajo e laco' nijmiféng'naa' Fidiée`, co' eáam' guiúñ- cóo' jneaa~aa' nañí' fa' ja` catí- naa' e jo. Jo cacuø'r' jneaa~aa' e jo e ja` 'lee' jíi' cóo' la'eáang' cóo' Jóor' Dsea` Jmáang- i 'neáaiñ' eáang' do. ⁷ Jo co' eáam' 'neáang' Fidiée` jneaa~aa' nañí' fa' ja` catí- naa', joba' nicaleáaiñ- jneaa~aa' jee~ dsee- qui-ii' la'eáang' cóo' jmi'øøng- Jóor' Dsea` Jmáang- e catuú' fi' dse' crúu^. Jo la'eáang' cóo' e jmi'øøng- dsea` do ca'liñ- dsee- qui- naa'. ⁸ Jo co' eáam' guiúng- Fidiée` cóo' jneaa~aa' nañí' fa' ja` catí- naa', joba' cacuø'r' jneaa~aa' e tí- naa' jogui e ngáng'naa' ⁹ jalé' e iíñ- jmóor' 'ñia'r' e ja` ní' dsea` jéeng'gui, lí' lajíi' júu^ e nicacuø' jéeng'gui quiá'- jalé' e nijmitir- la'eáang' cóo' Dsea` Jmáang-. ¹⁰ Jo lí' laco'gui jíi' e nicagua' Fidiée` guiá- jéeng'gui, dseáng'- nilitib- laco' sí' mii' nití' í' lajo e Dsea` Jmáam- niliñ- dsea` mogui- quiá'- lajaléng' jogui quiá'- lajalé' e sea` fi' ñifí- cóo' gui fi' ni~ guóo' uø- la.

¹¹ Jo lajíi' malí' Fidiée` nicaguíñ' jnea'^, dsea` lí'naa' dsea` Israel, e laco' ni'uíng-naa' jóor' la'eáang' cóo' Dsea` Jmáang- lí' laco'gui nica'í' dsíir' jéeng'gui e nijmér-; jo jaléb' e jmóo' Fidiée` do, jmóor' laco' jíi' e líiñ- e guiáb-. ¹² Jo nicajméer' lajo e laco' jnea'^, dsea` nita~ dsí'naa' la'uii' e Dsea` Jmáang- nileáiñ- jnea'^ jee~ dsee- qui-ii', see-naa' e nijmiféng'naa' Fidiée`, co' íb' dsea` laniing- 'gøiñ'. ¹³ Jo lajobi jaléng' 'nú', dsea` ja` líng'na' dsea` Israel, mii' canáa-naa' e júu^ já'- quiá'- Dsea` Jmáang- e quiá'- jial laang' dsea` jee~ dsee- quiá'r-, jogui ca'uíng-na' jóo' Fidiée`, joba' cacuø' Fidiée` 'nú' Jmiguí quiá'r- lí' laco'gui júu^ e nicacuø' jéeng'gui e laco' liing-na' e líng'na' dsea` quiá'r-. ¹⁴ Jo co' seem' e Jmiguí quiá'- Fidiée` do cóo' jneaa~aa', joba' lita~ dsí'naa' e ni'íng'naa' lajíi' e catí- naa' quiá'- Fidiée` cartí' mii' nileáiñ- jneaa~aa' congua' jee~ jalé' dsee- qui- naa', jneaa~aa' dsea` lí'naa' dsea` quiá'r-. Jo lajob nijmiféng'naa're, co' íbre dsea` laniing- 'gøiñ' fi' la'úng-.

Jalé' e mii' Paa- Fidiée` uii- quiá'- jaléng' dsea` quiá'- Dsea` Jmáang-

¹⁵⁻¹⁶ Jo uii- quiá'- e cajmée' Fidiée` e nilíng'naa' jóor', joba' laco' ya' mii' fón'n dsea` do, cuøø-øre gui'máang' uii' 'nú' latí' mii' cali'ñii- e cajáang' yaang-na' fi' jaguó' Dsea` Jmáang- jogui eáam' jmi'neáang' rúng'na' cóo'

jaléng' dsea` quiá' Dsea` Jmáang` caguaang`gui cajo. ¹⁷ Jogui má' i Fidié` i líng' Fidié` quiá' Fí'naa' Dsea` Jmáang`, jogui i líng' Tiquí'ii' i laniing` 'gøng' do cajo, e nicuø'r` 'nú' e tíng' ngáng'na' i` dseáng' Fidié` la'eáng' cóo' Jmiguí' quiá'r`, jo lajob nilicuíng'gui'r' guiá' cajo. ¹⁸ Jogui má' i Fidié` e nicuø'r` 'nú' e nijneá` moguí'na' e laco' niliñí'na' e` e nisijeeng`na' e nilíng'na' quiá'r`, co' dsea` quiá'bre nilíng'na', jogui jial tí' jlo' jogui niguo' jalé' e cuø' Fidié` jaléng' dsea` quiá'r` i catíng` lajo. ¹⁹ Jogui má' i Fidié` cajo e niliñí' 'nú' jial ja` cøøng` cóo' 'gøng' Fidié`, jo cóo' e 'gøiñ' do jmicóo' jneaa`aa', dsea` lí'naa' dsea` quiá' Dsea` Jmáang`. Jo cóo' e laniing` 'gøng' dsea` do, cóo' e job cajo cajméer` ²⁰ e cají'tu Dsea` Jmáang` mi` cangí' e cajúñ`, jo caguiéiñ` lí' lí' dsé' laco' guíñ` 'ñia'r' fí' ñiff'. ²¹ Jo cacuø' Fidié` Dsea` Jmáang` e í'bing' laniing`gui eáang' jee` lajaléng' i seeng' fí' yú' jmigüí, fa' jaléng' dsea` mogui, jogui jaléng' i si'neang` i quiu' ta, cóo'gui dsea` laniing` i quiu' ta, lí' doñí' ii' dsea` ee' ta` óor' i quiu' ta` lajee` lana osi lajee` lí' dsé`gui é. ²² Jo lajalé' niguiá' Fidié` fí' uii` tí' Dsea` Jmáang`, jo cangím'bir cajo e líng' dsea` do dsea` mogui quiá' lajaléng' dsea` quiá'r`. ²³ Jo jaléng' dsea` quiá' Dsea` Jmáang` líiñ` lafa' coo` ngúu' táaiñ` cóo' dsea` do, joba' røøb` sea` quí'ii' laco'gui la sea` quiá' dsea` do, jo dsea` íb` dsea` mogui quiá' lajaléng' cóo'gui lajalé' e sea` fí' la'úng`.

2

Fidiéeb` dsea` caleáaiñ` jneaa`aa' jee` dsee` quí'ii'

¹ Jo lami` jéeng'gui do, jaléng' 'nú' líng'na' lafa' 'liim`ba' fí' quini` Fidié` uii' jalé' e 'lee`na' jogui uii' jalé' dsee` e ee`naa', ² co' caliséng'na' e jmoo`na' jialco' nirøng`na' dsee` laco'gui la jmoo` dsea` jmigüí, jogui cajmití'na' lajii' ta` quiu' fí' i 'ling' i quie` niff' quiá' jalé' guí' lí' e í' fí' yú' jmigüí. Jogui i fí' i 'ling' do née' nir` jaléng' dsea` i ja` jii' Fidié`. ³ Jo lajob cajo lami` see` jneaa`aa' lajii`naa' lami` jéeng'gui e jmoo`naa' lajii' e ja` dseeng' e ii`naa' yee`baa', co' jmoo`naa' doñí' ee' já` dsi`naa' jogui í' dsi`naa'. Jo co' lajob jmoo`naa', joba' catí`baa' e nilíng'naa' iihuí' eáang' quiá' Fidié` uii' quiá' jalé' e ja` dseeng' e jmoo`naa' do lí' laco'gui iihuí' e íng' jaléng' dsea` jmigüí i jmoo` jialco' nirøiñ` dsee`. ⁴⁻⁵ Dsu' Fidié` eáam' fí' líiñ` jaléng' jneaa`aa', jogui eáam' cali'neáaiñ` jneaa`aa', joba' cangíng`naa' quiá'r` e see`naa' lafa' 'mím`baa' la'eáng' cóo' Dsea` Jmáang` nañí' fa' lí'naa' lafa' e 'liim`bí' uii' dsee` quí'naa'. Co' la'eáng' e guíúm` Fidié` cóo' 'nú' nañí' fa' ja` catíng`na', joba' nicaleáaiñ` 'nú' jee` jalé' dsee` quí'na' lana. ⁶ Jo Fidié` cajméer` e lafa' røøb` cají'túu' cóo' Dsea` Jmáang` mi` cají'tu dsea` do, jogui lafa' caguiéiñ` jneaa`aa' colíng` cóo' dsea` do fí' ñiff' quiá'r`. ⁷ Jo cajméer` e jo e laco' nicuø` lí' lata` jial tí' guíúng` Fidié` cóo' jneaa`aa' e jii' ja` catí`naa' e eáam' 'neáaiñ` jneaa`aa' la'eáng' cóo' Fí'naa' Dsea` Jmáang`. ⁸ Jo co' guíúm` Fidié` cóo' 'nú' e jii' ja` catíng`na', joba' nicangíng`na' e nileáng`na' jee` dsee` quí'na' la'eáng' e cajáang' yaang`na' fí' jaguór`. Dsu' e jo ja` cali`na' yaang`na', co' Fidié` bing' cacuø' 'nú' e jo e ja` 'lee'`. ⁹ Jo jalé' e jo ja' lí'naa' uii' quiá' jalé' e jmoo`naa', dsuco' faco' lajo, joba' cóo' e job' nijmijløng' yee`naa' jóng. ¹⁰ Dsu' Fidié` bing' nicajmée' jalé' e jo quí'ii', co' cajméer` e lafa' cali'mím`baa' la'eáng' cóo' Fí'naa' Dsea` Jmáang` e laco' nijmó`oo' jmang' e guiá' lí' laco'gui jii' guiá' nicaguiar' quí'ii' jéeng'gui e nijmó`oo'.

Jial see`naa' juguiá` júu`røø` la'eáng' cóo' Dsea` Jmáang`

¹¹ Jo téé' áa'na' jial líng'na' ie` lami` jéeng'gui do, 'nú' dsea` ja` líng'na' dsea` Israel. Jo jaléng' jnea' i líng' dsea` Israel i tíng' tóo' lí' fí' ngúu' táang' lajii'

dseañu' e laco' cuo' li e lí'naa' dsea` quiá'- Fidiéé, jo jneab'^ cajo i fé' e ja` líng' 'nú' dsea` quiá'- Fidiéé. ¹² Jo jmiguiéng' áa'na' e ie~ lami~ jééng'gui do ja` mí` cuíng'na' Dsea` Jmáang-, jogui jmaquíim' í' óo'na' laco'gui jnea'^, dsea` lí'naa' dsea` siju` dsea` Israel, jogui ja` catíng-na' lajii~ júu^ e cajmée` Fidiéé jogui cajmirø'r` cóo'~ jnea'^. Jo lami~ jééng'gui dsea` i ja` cuíng' Fidiéé lami~ líng'na', o'gui líng' ee` sijeá'na' quiá'- Dsea` Jmáang-. ¹³ Jo lami~ jééng'gui ja` cuíng'na' Fidiéé, dsu' lanagui nicuíim'ba' dsea` do la'eáang' cóo'~ Dsea` Jmáang- i catuu` jmi'øøng- fí' dse' crúu^ mi~ cajúin~ uíi~ jneaa~aa'. ¹⁴ Jogui lana, la'eáang' cóo'~ Dsea` Jmáam-ba', røøb` ni'í' dsi'naa' lajii~naa', jogui jo` 'ní' nééng' rú'naa'. Co' lami~ jééng'gui lí' lafa' si' iáb` e sijni' quí-ii' laca'íng'~naa', co' 'ní' néem' rú'naa'. Jo lí' lafa' Dsea` Jmáang- cajgiééin~ e iá' do mi~ cajúin~ fí' dse' crúu^. ¹⁵ Co' mi~ cajúng- Dsea` Jmáang- uíi~ jneaa~aa', joba' ca'uíng- e laco'jo` quie` nifi' quí-ii' e júu^ quiu' ta` quiá'- 'lí' Moi. Jo cajméer` lajo e laco' ca'uíng-~naa' coøb` 'lé' e 'mí' laji` tú- íng'~naa' do la'ó' ca'uíng-~naa' dsea` quiá'- Dsea` Jmáang-. Jo lajob` cajméer` e laco'jo` 'ní' nééng' rú'naa'. ¹⁶ Jogui la'eáang' e cajúng- Dsea` Jmáang- fí' dse' crúu^ cuaiñ~ quí-ii', joba' juguiá- júu^ røøb` nisee~naa' cóo'~ Fidiéé lana laji` tú- íng'~naa', dsea` ca'ni' nééng' rú'naa', jo cajméer` e lafa' jaam` dsea` ca'uíng-~naa'. ¹⁷ Jo Dsea` Jmáang- cajár- cajaguiar~ júu^ jial niliseeng` dsea` juguiá- júu^ røøb` cóo'~ Fidiéé laco'gui 'nú', dsea` ja` lami~ cuíng'na' Fidiéé, cóo'~gui jnea'^, dsea` lí'naa' dsea` Israel i cuíng' Fidiéé latí' mi~ uíing-. ¹⁸ Co' la'eáang' cóo'~ e cangongíng- Dsea` Jmáang- fí' dse' crúu^ cuaiñ~ quí-ii', joba' lajaang` lajaang` jneaa~aa', dsea` lí'í' dsea` Israel osi o' lajo é, nicuøøm` sii~naa' cóo'~ Tiquí'ii' Fidiéé la'eáang' e jmicóo'~ jneaa~aa' e Jmiguí' quiá'r- 'ñia'r' do.

¹⁹ Joba' lanagui, røøb` ni'í' dsi'naa' laji` tú- íng'~naa' do, co' dsea` quiá'- Fidiéé ni'í'í'; jogui lana lafa' coøb` fií' nilí'í' laji` tú- íng'~naa'. Co' lanagui laco' coøb` fií' nisee~naa' cóo'~ dsea` do, jo laco' dsea` sinúu^ quiá'- Fidiéé ni'í'naa' lana. ²⁰ Jo jaléng' jneaa~aa', dsea` lí'naa' dsea` quiá'- Fidiéé, lí'naa' lafa' coø' 'núu'. Jo lafa' tíi' fií' quiá'- e 'núu' do lí' jnea'^, dsea` lí'naa' dsea` apóo^ quiá'- Dsea` Jmáang- cóo'~gui i dsea` i jmóo' ta` fé' cuaiñ~ quiá'- Fidiéé cajo. Jogui 'ñia' Dsea` Jmáang- lí'í' lafa' e cuiteá'^ la'uii~ e dsée' quiá'- quiúung'~ e 'núu' do. ²¹ Jogui lajaang` lajaang` jneaa~aa', dsea` quiá'- Dsea` Jmáang-, lí'naa' lafa' cuiteá'^ e ngóo' só' røøb` quiá'- e 'núu' do la'eáang' cóo'~ Dsea` Jmáang- cartí' ni'uíi~naa' coø' 'núu' güeang'^ quiá'- Fidiéé. ²² Jo 'nú', dsea` quiá'- Dsea` Jmáang- nilíng'na' colíng~ cóo'~ jaléng' jnea'^, jo ngóo' uíng-na' laco'gui ngóo' uíng- e 'núu' quiá'- Fidiéé do. Jogui jee~ jaléng' jneaa~aa' seem` Fidiéé la'eáang' cóo'~ Jmiguí' quiá'r-.

3

Mí~ caguia' Paa- júu^ quiá'- Dsea` Jmáang- jee` dsea` i ja` líng' dsea` Israel

¹ Jnea~ Paa-, jo sijni'n`n fí' la lana dsu' uíi~ e guiaa- júu^ quiá'- Dsea` Jmáang- jee~ 'nú', dsea` ja` líng'na' dsea` Israel. ² Co' niñib` 'nú' e eám' guiúng- Fidiéé cóo'~ jnea~ nañí' fa' ja` catíng-n, joba' nicacuø'r' jnea~ e ta` la e laco' ni'uíng- guiá- quí-na'. ³ Dsaco' Fidiéé cajméer` e ñii- jalé' e cali'íin~ e nilínee'- jééng'gui e nijmér- jee~ jaléng' dsea` e ja` mí' ñí' dsea` jééng'gui. Jogui Fidiéé nicacuø'r' jnea~ e caliñii- lí' laco'gui e nicajmée'~ e capí'^ fí' ni~ jì' quie- e e nicasíng-n quí-na'. ⁴ Jo mi~ ni'í'na' e jì' do, joba' nilíñi'na' e niñib` jnea~ lajii~ e cali'íing~ Fidiéé jmér- la'eáang' cóo'~ Dsea` Jmáang- e ja` mí' ñí' dsea` jééng'gui. ⁵ Co' lajii~ e quiá'- Fidiéé e ja` mí' caliñi' dsea` jééng'gui do, lanagui nicacuø' Fidiéé jnea'^, dsea` lí'naa' dsea` apóo^ quiá'- Dsea` Jmáang-, e ngáng'naa' colíng~gui cóo'~ i dsea` quiá'r- i jmóo' ta` fé' cuaiñ~ quiá'r- cajo.

Jø cajméer` lajō la'eáang' cóo'~ Jmiguí' quiá'-bre. ⁶ Jø e nab e ja` caliñí' dsea` jéeng' do e la'eáang' e ja` líng' 'nú' cóo'~gui jaléng'gui dsea` i ja` líng' dsea` Israel e júu` quiá'- Fidiéé' e quiá'- jial laang' dsea` jee` dsee` quiá'-r` la'eáang' cóo'~ Dsea` Jmáang` , jōba' jaléng' 'nú', dsea` quiá'- Fidiéeb' nilíng'na' laco'gui jnea'^, dsea` lí'naa' dsea` Israel. Jogui coob` 'lé' nilí'naa' lajee` lajalé'naa' do, jogui catím`baa' e nilíng'naa' conrøø` lajii'~ e sijeeng'naa' quiá'- Fidiéé' lí' laco'gui jii'~ júu` e nicacuø' Dsea` Jmáang` jneaa`aa'.

⁷ Jø co' eáam' guiúng` Fidiéé' cóo'~ jnea` nañí' fa' ja` catín`n, jōba' cacuø'r` jnea` ta` e guíaa` e júu` jō. Jogui la'eáang' cóo'~ e laniing` 'gøiñ' do, jōba' nicuøøm` jmee` e ta` jō. ⁸ Jø jnea` ja` catín`n jii'~ capí' e nilí'naa' e ta` jō jee` jaléng' dsea` quiá'- Fidiéé'. Dsu' la'eáang' e guiúm` Fidiéé' cóo'~ jnea` e jii'~ ja` catín`n, jōba' cacuø'r` jnea` ta` e guíaa` júu` quiá'- Dsea` Jmáang` jee` jaléng' dsea` i ja` líng' dsea` Israel, jalé' e jlo` niguó' e 'gøng' eáang' quiá'- Fii'naa' Dsea` Jmáang` e jii'~ ja` quí'naa' jmii` ningáng'naa' jial lí'. ⁹ Jogui nicacuø' Fidiéé' jnea` cajo e nijmee` e e nilí'naa' dsea` lajii'~ e cali'iiñ` jmér` jee` 'nú', lí' lajaléng' 'nú', dsea` ja` líng'na' dsea` Israel, e ja` mí' ñí' dsea` lajii'~ malí', co' ja` mí' cajmijnéeng' dsea` do e jō. Jø íb` dsea` cajméer` jalé' e sea` fí' la'úng` fí' jmigüí'. ¹⁰ Jø uí'~ e nilí'naa' coo'` 'lé' la'ó' jneaa`aa', dsea` lí'naa' dsea` quiá'- Dsea` Jmáang` , jōba' lanagui jaléng' i quí'~ jmii` i quiá' ta` fí' guíá' güí' cóo'~gui jaléng' dsea` mogui` i quiá' ta` fí' jō cajo nilí'naa' e jmiguiá' íim` tí' tting` Fidiéé' jmóor` lí' laco'gui jii'~ guíá` e guiar'. ¹¹ Jø Fidiéé'bing' cajméé' jalé' e jō lí' laco' í' dsíir' malí'gui eáang' e nijmér` , lajii'~ mí' ná'gui e nitiroo' jmigüí'. Jø e jō caliti` quiá'- Fidiéé' la'eáang' cóo'~ Fii'naa' Dsea` Jmáang` . ¹² Jø co' dsea` quiá'- Dsea` Jmáang` nilí'naa', jogui la'eáang' e nicajáang' yee`naa' fí' jaguór', jōba' nicuøøm` sii'naa' cóo'~ Fidiéé', jogui nisita` dsí'naa' cajo e dseáng' ninú` bre júu` qui`ii'. ¹³ Jōba' mii'~i 'nú' e ja` jmitúng` óo'na' uii` quiá'- jalé' iihuí' e íng'~ jnea` uí'~ 'nú', dsu' íin`n e iihuí' la e lí' laco' nidsijéé' guíá` quií'na'.

Mí' camí' Paa` Fidiéé' uii` quiá'- dsea` seeng' fí' Éfeso

¹⁴ Jø uii` quiá'- jalé' e jō nisi'i uø` jnií` fí' quini` Tiquí'ii' Fidiéé'. ¹⁵ Jø í'bing' líng' Tiquiá' jaléng' dsea` jmigüí' cóo'~gui jaléng' dsea` i nineáang' fí' ñí'fí'. ¹⁶ Jogui mii'~i Tiquí'ii' Fidiéé' e la'eáang' cóo'~ Jmiguí' quiá'-r` nicuø'r` 'nú' güea' 'gøng' quiá'-r` e laco' nijmicóo'~ quií'na', co' jii'~ íb` dsea` i sea` quiá'- jalé' e jlo` jogui niguó' e jii'~ ja` tōo` jmii` niguiá'. ¹⁷ Jø mii'bii` e contøøng` guíng` áa'na' Dsea` Jmáang` la'eáang' e nicajáang' yaang`na' fí' jaguór'. Jø mii'bii' cajo e la'eáang' e eáam' 'neáang' Fidiéé' 'nú', jōba' 'nú' eáam' nilí'neáang'na' dsea` do cajo, jō ja` jmitúng` áa'na' lajii'~ fí' niteáang`na'. ¹⁸ Jø mii'bii' cajo e ningáng' 'nú' røø` colíng` cóo'~ jaléng'gui jnea'^, dsea` lí'naa' dsea` quiá'- Dsea` Jmáang` , jial tí' laniing` e 'neáang' Dsea` Jmáang` jneaa`aa'. ¹⁹ Jø mii'bii' Tiquí'naa' cajo e nilí'naa' dseáng' røø` jial tí' laniing` 'neáang' Dsea` Jmáang` 'nú', nañí' fa' jii'~ jaang' dsea` ja` quí'r` jmii` dseáng' e ningáiñ'. Co' song` niñí'ba' lajō, jōba' seab` la dsíng` quií'na' laco'gui la dsíng' e sea` quiá'- Fidiéé' 'ña'r'.

²⁰ Jø güilífém' Fii'naa' Fidiéé', i dsea` i tting` jmóo` e jmiguiá'gui laco'gui jii'~ e í' dsí'naa' osi e mii'naa'r` é, jō e jō jmóor` la'eáang' cóo'~ bí' quiá'-r` e jmicoo'~ jneaa`aa' quiá'- jalé' e jmoo`naa' do. ²¹ Jø majmifém'baa' Fidiéé' contøøng` jogui lata` jaléng' jneaa`aa', dsea` lí'naa' dsea` quiá'- Dsea` Jmáang`.

Jø lajōb` nilí'.

4

Dsea` quiá'- Dsea` Jmáang` lí'naa' lafa' jaam` dsea` lajee` la'ó' rúí'na'

¹ Jnea~ Paa~, jo sijññn~n uí~ e guíaa~ júu^ quiá~ Dsea` Jmáang~ jee~ 'nú', dsea` ja` líng`na' dsea` Israel. Jo mñ~i 'nú' e güiliseem`ba' laco' sí'í e seeng` dsea` i cató~ Fidié~ i ni'uíng~ dsea` quiá~r~ lí^ laco'gui nicató~r~ 'nú' e ca'uíng~na' lajo. ² Jo ja` jmicóong~!~ yaang~na' jee~ jaléng` dsea` rúng`na', jogui ee~ba' guiá~ jee~ ír, jogui ja` jmoo`na' guíng~na' cóo'r~, jogui jmee~ba' féng` áa`na' la'ó` rúng`na' e 'neáang` rúng`na'. ³ Jo co' juguíá~ júu^ røøb` niseeng` 'nú' la'ó` 'nú', dsea` líng`na' dsea` quiá~ Dsea` Jmáang~, la'eáang` cóo~ Jmiguí quiá~ Fidié~, joba' jmi'úung`na' e seeng`gui' lajo. ⁴ Jo coøb` 'lé' nilí~i' la'ó` jneaa~aa', dsea` lí~i' dsea` quiá~ Dsea` Jmáang~, jogui dseáng~ lajii~ Jmiguí quiá~ Fidié~ba' seeng` jee~ jneaa~aa', jogui ca'ím~ e guiá~ e sijeeng`naa' e nilisee~naa' cøøng` cóo~ Fidié~ lata~. ⁵ Jo jaam` Fí`naa' Dsea` Jmáang~ i seeng`, jogui jii~ júu^ quiá~ dsea` íba' nijá~ lí~naa', jo uí~ joba' cajgáang~naa' jmñ. ⁶ Jo jaam` Fidié~ i seeng`, jo íbing` líng` Tiquiá~ lajaang` lajaang` jneaa~aa', dsea` lí~i' dsea` quiá~r~; jogui íbi cajo i líng` Fii` quiá~ lajii~naa' la'ó` jneaa~aa'; jogui jmáañ` ta~ jneaa~aa' e laco' nijmé~naa' lajii~ e iññ` 'ñia'r', jogui seeñ` cóo~ jneaa~aa' lajii~naa' cajo.

⁷ Jo Dsea` Jmáang~ cacuø'r` jneaa~aa' lajaang` lajaang`naa' lajii~ ta~ e sí'í~ii' nijmó`oo' quiá~r~ lí^ laco'gui nicali'iññ` e cuø'r` jaléng` dsea` quiá~r~. ⁸ Joba' fé' fí` ni~ ji` quiá~ Fidié~ cuaiñ` quiá~ e na e nidsijéé` cóo~ Dsea` Jmáang~ jo fé`:

Jo cajgóo~bre fí` yá~ jmigüi` e jeeñ` jaléng` dsea` i calí'r~, jogui cacuø'r` dsea` quiá~r~ e tiiñ` lajii~ e sí'í` nicuø'r` dsea` do.

⁹ Jo ¿e` guóng` e nisór` fí` yá~ do? Co' guóng` e la'uii~ nijgiáañ` fí` jmigüi` la cartí` fí` nú~ uó~. ¹⁰ Jo Dsea` Jmáam~ i dsea` i cajgáng~ do, jo íbi cajo i cangáng~tu cartí` yá~gui lí~ niniing~gui eáang` e laco' íb` nilíng~ Fii~ quiá~ lajalé`. ¹¹ Jo íbre dsea` cacuø'r` jaléng` jneaa~aa', dsea` lí~i' dsea` quiá~r~, lajii~ e sí'í` nicuø'r~. Jo cacuø'r` e i líng~ jnea~ jmoo~naa' ta~ ni' júu^ quiá~ Dsea` Jmáang~, jogui e i líng~gui jneaa~aa' jmoo~naa' ta~ fé` cuaiñ` quiá~ Fidié~, jogui e i líng~gui jmoo` ta~ guiá` júu^ quiá~ jial laang` dsea` jee~ dsee~ quiá~r~, jogui e i líng~gui jmoo` ta~ quie` nifí` quiá~ ta~ quiá~ Fidié~ jogui jmoo`bir ta~ e júu^ quiá~ dsea` do cajo. ¹² Jo lajob` caguiéeng` Dsea` Jmáang~ guiá~ jaléng` jneaa~aa', dsea` lí~i' dsea` quiá~r~, e laco' nijmicóo~naa' dsea` rú`naa' laco' catíng~, jo lajob` nicuøø~ bí` rú`naa' la'ó` jneaa~aa', dsea` nilí~naa' dsea` quiá~ Dsea` Jmáang~. ¹³ Jo lajob` né` jmó`guí` cartí` conrøøb` nijá~ lí~naa' júu^ quiá~ Dsea` Jmáang~ jogui conrøøb` nilicuíng`naa' dsea` do i líng` Joo` Fidié~, jo lajob` nilí~naa' dsea` quiá~ Dsea` Jmáang~ i niráang` cartí` ni'ié` qui~naa' laco'gui dsea` do 'ñia'r'.

¹⁴ Jo lajob` jo` nilí~guí` laco'gui líng` jaang` jiuung~ i lajmináb~ jmisíng~ jalé' e í` dsíir` lí^ laco'gui coo` móo` fí` ni~ jmñ e dséé` lí^ doñí` jíé` fí` lí` í` guí. Co' i jiuung~ do lajmináb~ naaiñ` e jmitir~ lí^ doñí` ee` júu^ 'mñ` cartí` nilí` e nijmigøøng` dsea` ír, fa' jaléng` dsea` i nitíng` jmigøøng` dsea` rúng`. ¹⁵ Dsu' guiá~gui e sñ~naa' jmang~ júu^ já~, jogui e nijmi'neáang` rú`naa' dsea` lí~i' dsea` quiá~ Fidié~, jo lajoba' nidsicuáng`gui qui~ii' dseáng~ cartí` ni'ee~naa' laco'gui la ée` Dsea` Jmáang~ 'ñia'r'; co' íb` dsea` líiñ` lafa' mogui~ quiá~ jalé`naa', dsea` lí~i' dsea` quiá~r~. ¹⁶ Jo jaléng` jneaa~aa', dsea` lí~i' dsea` quiá~ Dsea` Jmáang~, lí~i' lafa' coøb` ngúu` táang`naa' cóo~ dsea` do; jo dsea` íb` dsea` líiñ` lafa' mogui~ quiá~ lajii~naa', dsea` lí~i' dsea` quiá~r~. Jo dsea` íbi cajo dsea` cacuø'r` jneaa~aa' coo` ta~ lajaang` lajaang`naa', dsea` lí~i' dsea` quiá~r~; joba' mi~ guiáb~ jmoo~naa' e ta~ jo e jmi'neáang`naa' dsea` rú`naa', joba' colíim~ dsicuáng` e ee~naa' guiá~ lajii~naa'.

Jial seeng` dsea` la'eáang` cóo~ Dsea` Jmáang~

17 Jo e lab fñ-guá 'nú', dsea` rú'naa', la'eáang' cóo' júu^ quiá'- Dsea` Jmáang-, e jo` güiliseeng'gui' laco'gui' la seeng` dsea` góona' i ja` cuíng' Fidiéé'. Co' i dsea` í seeiñ` e í dsíir' j mang'- jalé' e ja` ta` íim^, 18 jo` lí' lafa' nñb` dsíir', co' dsíng'- ja` lí'r` ni'í` dsíir' røø; jo` ja` íñ' lajii~ e cuø' Fidiéé' jaléng' jneaa`aa', dsea` lí'í' dsea` quiá'r-, uíi~ e ja` iñ~ e nilicuíñ` dsea` do, co' eáam' ue' dsíir'. 19 Jo` jii~ ja` lí'r` i' líiñ~ e cuø' fí yaaiñ~ e jmóor` jalé' e 'li^, jo` dseáng'- ja` quíe' íb' jmóor` jalé' e 'li^ e tñiñ` jmóor` do.

20 Dsu' 'nú'gui, dsea` cuíng'na' Dsea` Jmáang-, ja` calicuíng'na' dsea` do e laco' nijmée^na' jalé' e 'li^ lajo. 21 Co' dseáng'- ja` ba' nicanáa`na' júu^ quiá'- dsea` do, jogui líim~ ee` calitíng'na' quiá'r- jo` lajoba' niñí'na' e j mang'- e jáb'- júu^ quiá'- Dsea` Jmáang-. 22 Joba' túu'na' jalé' e 'li^ e lamí~ quí'- tñng'na' jmoo'na' do, co' cóo~ e jo` cajmée` e eáam' caligóng'na'. 23 Jogui jmísing'na' jalé' e í óona', jo` í' áa'na' j mang'- e guiá-. 24 Jogui güiliseeng'na' e nicali'mám`ba' e laco' ni'ee`na' laco'gui' la ée` Fidiéé' 'ñia'r', jogui jmée^na' j mang'^ e guiá-, jogui ee`na' røø` laco' sí'í` jee~ jaléng' dsea` rúng'na'.

25 Joba' túu'na' e quíe'na' júu^ e o' já-, jo` fée'ba' j mang'- júu^ e já- cóo~ dsea` rúng'na', dsuco' lajii`baa' lí'naa' lafa' coo` ngúu` táang'naa' la'ó' jneaa`aa', dsea` lí'í' dsea` quiá'- Dsea` Jmáang-.

26 Jo` song` jmiguíng^ áa'na', ja` cuø' fí yaang`na' e ni'ee`na' dsee-; jogui jmí'úung'na' e ja` huøø` ee~ e guíng`na' do cajo, 27 jo` lajob` ja` cuø'na' fii` i 'ling'^ fí e nijmigøøiñ` 'nú'.

28 Jogui jaléng' 'nú' i lamí~ jmoo` ñ, quiúum'ba' e jo` jmée^na' lajo, jo` jmee`ba' ta` guiá- cóo~ layaang` guóona' e laco' seab` e cuø'^na' jaléng' dsea` i 'né- quiá'- lajo.

29 Jo` ja` cá'na' júu^ 'lé', co' dseáng'- lajii~ júu^ e guiá- jogui e íng^ ta`ba' 'né- cá'na' e laco' nijmicóo~ quiá'- jaléng' dsea` i ninú- e júu^ jo` jial nidsicuáng'gui quiá'r- e cuíñ` Dsea` Jmáang-. 30 Jo` ja` jmoo'na' e nilíng- fí'í` Jmiguí quiá'- Fidiéé', co' í'bing' seeng` cóo~ 'nú' e laco' cuø' lí' quí'na' e nilíng`na' dsea` sílaang` mí` nití- í' e nileáng- Fidiéé' jaléng' dsea` quiá'r- laco' sí'í'.

31 Jogui túu'na' jalé' e 'ní' áa'na' cóo~gui jalé' e guíng`na' quiá'- rúng'na' cóo~gui jalé' e jñng`na', jogui ja` fo'^na' júu^ 'lé' quiá'- rúng'na', lí^ lajalé' e 'li^ e jíe'gui é. 32 Jo` ee`ba' j mang'- e guiá- cóo~ jaléng' dsea` rúng'na', jogui jmee`ba' fí' líng`na' jaléng' dsea` rúng'na', jogui íng'na' dsee- quiá'- dsea` rúng'na' lí^ laco'gui' la jmoo` Fidiéé' e íñ- dsee- quí' 'nú' la'eáang' cóo~ Dsea` Jmáang-.

5

Jial 'né- seeng` dsea` quiá'- Dsea` Jmáang-

1 Jo` co' 'nú' líng'na' jóo' Fidiéé' i iñ~ eáang', joba' jmí'úung'na' e ni'ee`na' laco' 'ñia' dsea` do. 2 Jo` güiliseem`ba' e jmí'neáang'na' jaléng' dsea` rúng'na' lí^ laco'gui' Dsea` Jmáang- jmí'neáaiñ` jneaa`aa' jogui cajáng' 'ñia'r' e cajúñ- fí` dse' crúu` uíi~ jneaa`aa'; jo` e cajúñ- do lí' lafa' coo` e jmeafñ` jlo^ e catíng- Fidiéé'.

3 Jo` co' dsea` quiá'- Fidiéeb` líng' 'nú', joba' jii~ ja` cuøøng` í' óona' fa' e síng`na' cóo~ dseañu` osi dseamí` i o' quí'na' é, o'gui e í' óona' jalé' e 'li^ e jíe'gui cajo, o'gui suung'na' lí^ doñí' ee'. 4 Jo` ja` fo'^na' júu^ 'li^ o'gui júu^ í' o'gui júu^ ga` e ja` uíng~ sea, co' ja` catíng- jmée'^ 'nú' lajo; co' guiá-gui quí'na' e jmiféng'na' Fidiéeb'. 5 Jogui güilita~ óona' cajo e lí^ doñí' ii` dsea` i 'léé' e güiñ` cóo~ dsea` i o' quiá'r-, osi jmóor` e 'li^ e jíe'gui é, osi suuiñ` lí^ doñí' ee', joba' i dsea` í ja` quí'- jmí~ e Dsea` Jmáang- cóo~gui Fidiéé' nicá` nifí' quiá'r-. Co' i dsea` i suung` lí^ doñí' ee` do, joba' lí' e lafa' e job` jmiféiñ'. 6 Jo` ja`

cuø' fí yaang~na' e jíi'~ jaang`dsea`nijmigóøiñ`'nú' cóo'~ jalé' júu^ e ja` íng^ ta~. Dsuo' uii~ quiá'~ jalé' e 'li'^ e nicafá'~a na, joba' cuø' Fidiéé` iihuú' eáang' jaléng' dsea` i ja` núu'~ lajii'~ júu^ quiá'r~. ⁷ Joba' ja` quíng'na' jee~ jaléng' i dsea` i jmóo` lajo.

⁸ Dsu' 'nú', lami~ jéeng'gui, fí lí~ nuub` seeng'na'; dsu' lanagui, co' nilíng'na' lafa' jaam` dsea` cóo'~ Dsea` Jmáang~, joba' fí lí~ jneáb` niseeng'na'. Joba' güiliseem'ba' laco'gui i dsea` i seeng` fí lí~ jneá'. ⁹ Jo mi~ seeng` dsea` fí lí~ jneá, joba' jmang'~ e guiá~ jmóor` cóo'~ dsea` rúíñ', jogui éer røø` cóo'~ dsea` do cajo, jogui jmang'~ júu^ jáb'~ quier'. ¹⁰ Jo fíi'~guú' 'nú', jmi'úung'na' e güiliseem'ba' laco' la iáang` dsíi' Fíi'naa' Dsea` Jmáang~. ¹¹ Jo ja` sicøøng^ yaang~na' e jmée'na' jalé' e ja` ta` íng^ laco'gui la jmóo` dsea` i seeng` fí lí~ nuu; co' guiá~gui e nifí'na're e ja` dseeng` jalé' e jmóor` do. ¹² Dsuo' lí'i' líim`baa' e lico' fé' bñ' uii~ quiá'~ jalé' e 'li'^ e jmóo` i dsea` la'í' fí lí~ íng'. ¹³ Dsu' mi~ nifí'na're e ja` dseeng` jalé' e jmóor` do, joba' cajneáb` niing` jalé' e jo, jo lajoba' nililí' jaléng' dsea` jial lí' jalé' e jmóo` dsea` í' ¹⁴ lí' laco'gui e júu^ la:

Jmijnée` a', 'nu` dsea` lafa' güiñ' uii'~ dsee` quíi'~,

jo güijí' tu' la'eáang' cóo'~ Dsea` Jmáang~;

jo lajoba' dsea` do nijmér~ e niliseen' fí lí~ jneá' jir~.

¹⁵ Jo fíi'~guú' 'nú', dsea` rú'naa', ñiing` áa'na' jial ni'ee'na' jmang'~ e guiá~, jo ja` güiliseeng'na' e jmoo'na' jalé' e ja` uiiing` sea, co' lí' lí' né' í' áa'na' laco' catíim` cóo'~ jalé' e jmoo'na' do. ¹⁶ Jogui jmi'úung'na' e ee'na' guiá~ contøøng` cóo'~ jaléng' dsea` rúng'na', co' eám' ga` nijmóo` dsea` lajee` lana. ¹⁷ Jo ja` jmoo'na' jíi'~ cóo' e ja` mí' ca' lí' áa'na' røø` laco' catíng~, co' 'né' jmi'úung'na' e ningám'ba' lajii'~ e iing` Fíi'naa' Fidiéé` e nijmée'na'. ¹⁸ Jogui ja` jmée'na' jmang'~ ta` í', co' fí' gab` cá' jaléng' dsea` i jmóo` lajo; co' guiá~gui e jíi'~ Jmiguí' quiá'~ Fidiéeb` nicá' nifí' quíi'na'. ¹⁹ Jogui mi~ føng' rúng' 'nú' la'ó' líng'na' dsea` quiá'~ Dsea` Jmáang~, féeng' rúng'na' cóo'~ jalé' júu^ quiá'~ Fidiéé` e toø` fí' ní' jì' salmos jogui cóo'~ jalé' júu^ e ø' dsea` quiá'~ Fidiéé` cajo cóo'~gui jalé' júu^ e cuø' Jmiguí' quiá'~ Fidiéé`. Lajobi cajo, mi~ ø'na' jogui mi~ jmiféng'na' Fíi'naa' Dsea` Jmáang~, jmee'ba' car` ngocáng` óo'na'. ²⁰ Jogui ja` tiúung'na' e cuø'na' gui'máang'~ Tiquí'ii' Fidiéé` la'eáang' cóo'~ Fíi'naa' Dsea` Jmáang~ quiá'~ jalé' e dsingíng'na'.

Jial seeng`dsea` quiá'~ Dsea` Jmáang~ cóo'~ jaléng' dsea` sinúu^ quiá'r~

²¹ Jo jmée'na' núu'~na' júu^ quiá'~ rúng'na' e iáang` áa'na' e laco' cuø' lí' e jmi'goo'ba' Dsea` Jmáang~.

²² Jo e laba' fíi' i 'nú', jaléng' dseamí, jmi'goo'ba' jaléng' dseañu' quíi'na'. Jo song lajob jmoo'na', joba' núu'~ba' júu^ quiá'~ Fíi'naa' Dsea` Jmáang~. ²³ Dsuo' dseañu'bing' líng' dsea` mogui~ quiá'~ jaléng' dseamí quiá'r~ laco'gui Dsea` Jmáang~ líiñ' dsea` mogui~ quiá'~ jaléng' dsea` quiá'r~. Jo jaléng' i dsea` quiá'r~ do lí' lafa' coøb` ngúu' táaiñ` cóo'~ dsea` do. Jo dsea` dob dsea` láaiñ` jaléng' dsea` quiá'r~ jee~ dsee` quíaiñ'. ²⁴ Jo jaléng' dseamí 'né' nú-bre júu^ quiá'~ dseañu' quiá'r~ e iáang` dsíi' lí' laco'gui jaléng' dsea` quiá'~ Dsea` Jmáang~ 'né' jmér~ núu'~bre júu^ quiá'~ dsea` do cajo.

²⁵ Jo e laba' fíi' i 'nú', jaléng' dseañu', jmi'neáang'na' jaléng' dseamí quíi'na' laco'gui Dsea` Jmáang~ jmi'neáaiñ` jaléng' jneaa'aa', dsea` lí'naa' dsea` quiá'r~, jogui cajáng' 'ñia'r' e cajúñ' uii~ quíi' cajo. ²⁶ Jo cajméer` lajo e laco' ca'uíng'naa' dseáng' jíi'~ dsea` quiá'~ Fidiéé`. Jogui cajméer` e lafa' cajgíng'naa' cóo'~ e jmi' e cajgáang'naa' do cóo'~gui e júu^ quiá'r~ e caguiar` do cajo. ²⁷ Jo cajáng' 'ñia' dsea` do e cajúñ' e laco' nisíñ' jaléng' jneaa'aa' fí' quini' laco' jaang` dsea` i sijgíng^ jogui i siguíng` fí' quini' dsea` do jogui

i jii~ coo` dsee- ja` sea` quiá~. 28 Jo jaléng` dseañu` 'né- 'neáam`bre jaléng` dseamf` quiá~r- lí^ laco'gui la 'neáang` yaaiñ~. Co' i dsea` i 'neáang` dseamf` quiá~, joba' 'neáaiñ` yaaiñ~ cajo. 29 Dsaco' ja` seeng` dsea` fa' e ja` to` fíing` yaaiñ~, co' lí^ lí` jmóor` í^ røøb` jogui to` fíiñ` cóo~ jalé' e 'né- quiá~r-. Jo lajob` jmóo`gui Dsea` Jmáang- cóo~ jaléng` jneaa~aa', dsea` líí# dsea` quiá~r-, røøb` to` fíiñ` cajo, 30 co' lafa' ngúu` táam`bre líí` jneaa~aa', dsea` líí# dsea` quiá~r-. 31 Co' lalab fé' fí` ní` jì` quiá~ Fidié~: “'Naam` jaléng` dseañu` quiá~ tiquiá~r` jogui quiá~ niquiá~r`, jo dsiliñ- cóo~ dseamf` i nicúng` guó` cóo~bre, joba' lajì` huáaiñ- do ni`uíñ- lafa' jaam` dsea~.” 32 Jo e júu^ quiá~ Fidié~ na ja` mí` cangáng` dsea` røø` jéeng`gui, dsu' jnea~gui fá'a e júu^ la lana cuaiñ~ quiá~ Dsea` Jmáam- colíing~gui cóo~ jaléng` jneaa~aa', dsea` líí# dsea` quiá~r-. 33 Jo lajob` líí, lajaang` lajaam` 'nú' dseañung`na', 'né- 'neáam`ba' dseamf` quiá~na' laco'gui 'neáang`na' yaang~na'; jogui lajobi jaléng` dseamf` 'né- jmi'gó`bre dseañu` quiá~r- cajo.

6

1 Jogui e laba' fíi- i 'nú', jaléng` jiuung~, jmée^na' núu~na' jalé' ta~ quiu' tiquíi^ niquíi^na', co' lajob` iing~ Fidié~ e catíng- nijmée^na'. 2 Jogui e lab júu^ la'uii- e quiu' ta~ quiá~ Fidié~ e song` jmiti~ dsea` e jo, joba' ni'íñ` e nisi'íiñ^ e nicuó~ Fidié~ ír; jo lalab fé' e júu^ do: “Jmi'goo` tiquíi^ cóo~ niquíi^, 3 jo lajoba' niliseen` juguiá- jogui niñiín` e huóøb- seen` fí` jmigüi^.”

4 Jogui jaléng` 'nú', dsea` líng`na' teaa~, ja` jmoo`na' e niliguiing- jaléng` jóo`na'; co' guiá- gui e jmícuang`na're e íib' 'goo` quiá~r- cóo~ jalé' e e'na're laco'gui cóøng` cóo~ júu^ quiá~ Dsea` Jmáang-.

5 Jogui lalab fíi- i jaléng` 'nú', dsea` si'níing~ i jmóo` ta~ huí` i ja` 'léeng`-, jmee~ba' núu~na' jalé' ta~ quiu' fii~ quíi~na'. Jogui jmee~ba' jalé' ta~ jo e jmi'goo`ba're jogui e ngocáng` óo`na' cajo lí^ laco'gui catíng- e 'né- jmée^na' cóo~ Dsea` Jmáang- 'ñia'r'. 6 Jogui jmee~ba' ta~ røø` laco' síí^, jo o' jii~ mí~ ní` fii~ quíi~na' 'né- jmée^na' ta~ e lí^ laco' níjá`na' guiá- cóo~r-. Jo co' 'nú' dsea` i jmóo` lajii~ e iing~ Fíi`naa' Dsea` Jmáam- nilíng`na', joba' car` ngocáng` áa`ba' 'né- jmiti`na' e ta~ do, jo lajoba' íaang` dsíi' Fidié~ cóo~ jalé' e jmoo`na' do. 7 Jo 'né- jmée^na' e ta~ do e íaang` óo`ba' laco'gui catíng- jmée^na' mí~ jmoo`na' lajii~ e iing~ Dsea` Jmáang-, jo o' laco' mí~ jmoo`na' ta~ fí` quini~ dsea` jmigüi^.

8 Co' niñib^ 'nú' e doñi' ií` dsea', si dsea` si'níing~ i jmóo` ta~ huí` e ja` 'léeng`- osi o' lajo é, ni'ím`bre lajii~ e catíñ- e cuø` Fidié~ quiá~ jalé' e guiá- e cajmээр` do.

9 Jogui jaléng` 'nú', dsea` líng`na' fii~, ee~ba' røø` cóo~ jaléng` dsea` jmóo` ta~ quíi~na', jo ja` jmée^na' soo` áa`na' cóo~r-. Jogui téé' óo`na' e jaam` Fíi`naa' Fidié~ i seeng` i guíing~ fí` ñifí- i quiu' ta~ quíi~na' cóo~gui dsea` i si'níing~ i jmóo` ta~ quíi~na' cajo. Co' fí` quini~ Fidié~ røøb` líí`naa' lajaang` lajaang`naa'.

Jial jmi'óng` dsea` yaaiñ~ jee~ i 'líng`^

10 Jogui lana, dsea` rú`naa', cuóø~ bí` yaang~na' lajii~ fí` niteáang`na' la'eáng` cóo~ e bí` 'gøng` quiá~ Fíi`naa' Dsea` Jmáang-, co' dsea` quiá~ dsea` dob` nilíng`na'. 11 Jo jmi'óng` yaang~na' cóo~ jalé' e cangíing`na' e cacuø' Fidié~ 'nú' e laco' ja` nicá`na' fí` ga` mí~ iing~ fii~ i 'líng`^ jmigøøiñ` 'nú', lafa' jaang` 'lee- quie`bre cóo~ jalé' e jmi'óng` 'ñia'r` mí~ dsээр` jee~ 'nii'. 12 Co' ja` jmoo~naa' ta~ tíng` cóo~ dsea` jmigüi, co' ta~ tíng` cóo~ jalé' guí` lí^ e eáang` óo` bí` e íi' fí` guiá^ güi`ba' jmoo~naa', co' e guí` jo quie` nifi` jogui sílí~ jaléng` dsea` fí` la fí` na. 13 Joba' jmeáang~na' ta~ jalé' e cangíing`na' e cacuø' Fidié~ 'nú' e nijmi'óng` yaang~na', jo lajoba' nité`na' cóo~ i 'líng`^ mí~ nití-

í' e nijmeáin' 'nú' ga. Joba' mi' calí'na' jalé' e jo, jie' mí' tú'na' lajii' fí' teáang'na' jóng.

¹⁴ Jo jie' mí' tú'na' lajii' fí' niteáang'na' e quié'ba' jmang' júu' já' quiá' Fidié'; jo e júu' já' na lí' lafa' cō' lo'ñú' tu' e 'ñú' teá' tu' jaang' 'lée'. Jogui ee'ba' røø' fí' quini' Fidié' contøng'; jo e na lí' lafa' cō' 'mi'qui' ní' quiá' jaang' 'lée' cō' e jmi'óin' fí' nidsír' fí' jee' 'ni'. ¹⁵ Jogui' né' néeb' guiá' qui'na' contøng' e laco' ni'uóng'na' nigüiguiá'na' júu' quiá' Dsea' Jmáang' e quiá' jial seeng' dsea' juguiá' júu' røø' cō' Fidié'; jo e na lí' laco'gui mi' jaang' 'lée' guieeng' guiá' 'ñia'r' e ni'ø'r' lomü'r'. ¹⁶ Jo cō' nicajáam' yaang'na' fí' jaguó' Dsea' Jmáang', joba' qui'ba' jmü' nijmi'øng' yaang'na' jee' jalé' e ga' e iing' fí' i' ling' nijmeáin' 'nú'; jo e na lí' laco'gui mi' jaang' 'lée' quié'bre cō' e nijmi'øng' 'ñia'r' jee' ñisü'. ¹⁷ Jo nisilaam'ba' jee' dsee' qui'na'; jo e na lí' laco'gui cō' logui' ní' qui'na' cō' e jmi'øng'na' moguí'na'. Jogui jmeám'ba' ta' e júu' quiá' Fidié' e nica'ling'na' do e cacuø' Jmiguí' quiá'r'; jo e júu' na lí' laco'gui cō' ñisü' e eáang' dsea' jee' 'ni'. ¹⁸ Jo lajee' jo, ja' tiúung'na' e føng'na' Fidié' jogui' mí'na' dsea' do contøng' la'eáang' cō' Jmiguí' quiá'r' e nijmicō'r' 'nú'. Jo contøng' 'né' e ñiing' áa'na' e ja' nilitúng' óo'na' e mí'na' Fidié' uii' quiá' lajüng' dsea' quiá'r'.

¹⁹ Jogui' mí'na' Fidié' uii' quié' jnea' cajo, e nicuø'r' jnea' e ñi'baa' e júu' niguiáa' jee' dsea' e ja' 'gó'o' e laco' niliñi' dsea' júu' quiá' Dsea' Jmáang' e quiá' jial laang' dsea' jee' dsee' quiá'r' e ja' mí' caliñir' lami' jéeng'gui. ²⁰ Cō' Fidié' casíñ' jnea' fí' la e laco' niguiáa' júu' quiá' jial laang' dsea' jee' dsee' quiá'r', jo uiiing' e joba' e sijn'ñ'na' lana. Jo mí'gui' Fidié' uii' quié' e e laco' nifá'a e júu' jo jee' jaléng' dsea' e ja' 'gó'o' jii' capí'.

Júu' guicō' lí' cadséng' quiá' Paa'

²¹ Jo Tíquico líiñ' jaang' dsea' quiá' Fidié' i' 'neáang'naa' eáang' jogui' i' ée' ta' røø' cō' jalé' ta' quiá' Fidié'. Jo dsea' íb' nicár' júu' fí' na' jial seen' jogui' jalé' e jmóo' fí' la cajo. ²² Jo uiiing' lajoba' nisün'nre fí' na' e laco' nijmeá'r' 'nú' júu' jial see'naa' fí' la, jo lajoba' nicuø'r' 'nú' bí' e laco' ja'gui' líng'na' fí' uii' jnea'.

²³ Jo mí'i' Tiquí'naa' Fidié' cō'gui' Fí'naa' Dsea' Jmáang' e nijmér' e niliseeng' 'nú', dsea' líng'na' dsea' quiá'r', juguiá' júu' røø', jogui' e nijmi'neáang' rúng'na' la'eáang' e nicajáang' yaang'na' fí' jaguó' dsea' do. ²⁴ Jo mí'i' Fidié' e güi'í'bre güea' quiá'r' jee' jaléng' dsea' quiá'r' i' 'neáang' Fí'naa' Dsea' Jmáang' contøng' jogui' lata'.

Jo lanab' jii' fé' jii' quiá' Paa' e catíng' jaléng' dsea' quiá' Dsea' Jmáang' i' seeng' fí' Éfeso.

Júu^ e toq̄ fí ni~ jì quiá'- Paa- e catíng- dsea` seeng' fí FILIPOS

¹ Jnea~ Paa- cóo'~ Timoteo lí'naa' dsea` i jmóo` lajii'~ e iing~ Dsea` Jmáang-. Jogui lana guiéeng'~naa' júu^ guicóo'~ quiá'-na', dsea` quiá'- Fidié~ i neáng' fí' na fí' Filipos i líng' lafa' jaam` dsea` cóo'~ Dsea` Jmáang-. Jogui lajobi guiéeng'~naa' júu^ guicóo'~ quiá'- jaléng' dsea` mogui~ i quiá' ta~ jee~ 'ná' cóo'~ gui jaléng' i jmicóo'~ gui quiá'r- cajo. ² Jo má'~ i Tiquí'naa' Fidié~ cóo'~ gui Fí'naa' Dsea` Jmáang- e ni'ir- güea' quiá'r- jee~ 'ná' jogui e nicuó'r- 'ná' e seeng'na' juguiá- júu^ røø`.

Mi~ caféng' Paa- Fidié~ uii'~ quiá'- dsea` seeng' fí Filipos

³ Jo lacoq̄` née'~ mi~ dséng' dsii- 'ná', cuøø-ø gui'máang'~ Fidié~ uii~ quiá'-na'. ⁴ Jogui lacoq̄` née'~ mi~ fón'n Fidié~ uii~ quiá'-na' lajaléng'na', jmóo` e iáang` dsí'baa, ⁵ co' eáam' cajmicóo'~ rú'naa' e guiá'naa' júu^ quiá'- Dsea` Jmáang- jii'~ ie~ latí' mi~ caneeng~ rú'naa' jo cartí' jmii~ na. ⁶ Jo tab~ dsii- e Fidié~ bing' i canaang` jmóo` jalé' e guiá- jee~ jaléng' 'ná', jogui í'bi cajo i nijmé- gui lajo cartí' niteáiñ' e ta~ jo ie~ mi~ nití- í' e nigüéeng-tu Dsea` Jmáang- fí' jmigüi' la. ⁷ Jo dseáng'- lajob catíng- e í' dsii- uii~ quiá'-na' lajaléng'na', co' eáam' 'neáan'n 'ná' jogui røøb' nica'íng'~naa' jalé' e guiá- e cuø' Fidié~ jneaa~aa', nañí' fa' iuun- sijnín'n fí' dsí' 'nañí' osi e niguién'-n fí' quini~ dseata~ é, e jmi'ó'ø osi jmitaa` dsí' dsea` e júu^ quiá'- jial laang` dsea` jee~ jalé' dsee- quiá'r-. ⁸ Jo Fidié~ b' dsea` ñir' jial tí' e iin~ n nimáan~n lajaléng' 'ná' lí' laco' jii'~ e cuø' Dsea` Jmáang- jnea~ e nijmi'neáan'n 'ná'.

⁹ Jo má'~ i Fidié~ e eáang'gui nidsicuáng` e jmi'neáang` rúng'na', jogui e nicuó'r- guir 'ná' e nilijmii'na' jogui e ningáng'na' ¹⁰ e laco' lí'na' guii'na' contøøng- lajalé' e guiá-. Jo lajob quii'na' jmii~ e seeng'na' e ee-na' guiá- e laco' ja` nilisea` dsee- quiá'-na' mi~ nití- jmii~ e nigüéeng-tu Dsea` Jmáang- fí' jmigüi' la. ¹¹ Jo ie~ jo jaléng' 'ná' nijáa'~na' júu^ cuaiñ~ quiá'- jalé' e guiá- e cajmee'na' la'eáang' cóo'~ Dsea` Jmáang- e laco' nijmi'goo'na' Fidié~ jogui nijmiféng'na' dsea` do.

Seen- fí' jmigüi' la e jmóo` lajii'~ e iing~ Dsea` Jmáang-

¹² Jo jnea~ iin~n e niliñí' 'ná', dsea` rú'naa', e jalé' e nicangongín-n fí' la dseáng'- eáam' nicalí'íng' ta~ e laco' nini'gui júu^ quiá'- jial laang` dsea` jee~ jalé' dsee- quiá'r-. ¹³ Co' jaléng' dsea` i jmóo` ta~ fí' 'nú' lí' guing~ dseata~ dsea` féng' quiá'- dsea` romano cóo'~ jaléng'gui dsea` caguaaang-, guiáb- ñir' e sijnín'n fí' dsí' 'nañí' dsu' uii'~ e lín'n dsea` quiá'- Dsea` Jmáang-. ¹⁴ Jogui mi~ caliñí' jaléng' dsea` rú'naa' dsea` quiá'- Dsea` Jmáang- e sijnín'n fí' la, joba' e jie~ ja' lajalém' dsea` do eáang'gui nicagua' dsíir' e ni'r' júu^ quiá'- Dsea` Jmáang-, jogui dseáng'- ja' 'gó'bre jmóor' lajo.

¹⁵ Jo e jáb'-, i líng~ i dsea` í' guiar' júu^ quiá'- Dsea` Jmáang- dsu' e dsihuim'bre osi e 'ní' ní'-bre é, jo dsu' i líng~ gui jmóor' e ta~ jo e guiá- dsí'bre. ¹⁶ Jogui i líng~ i dsea` í' jmóor' e ta~ jo e ngocáng` dsí'bre co' eáam' 'neáiñ' Fidié~, co' ñi'bre e uing~ e iuung- jnea~ fí' la e laco' jmi'ón'n júu^ quiá'- Dsea` Jmáang-; ¹⁷ jo dsu' i líng~ i dsea` í' guiar' júu^ quiá'- Dsea` Jmáang- e lí' laco' nijmeáng- quiá'r- yaam~bre, jogui ja' jmóor' e ngocáng` dsíir' e ta~ jo, co' lico' iin~ e ni'meáang'guir jnea~ lí' iuun- fí' dsí' 'nañí' la. ¹⁸ Jo dsu' ja' e cuaiñ~ quié- e jialco' guiá' dsea` e júu^ jo, si e ngocáng` dsíir' osi o' lajo é; co' jmi'íáam` dsí' jnea~ dsu' e guiá' dsea` júu^ quiá'- Dsea` Jmáang-.

Jø eám'bi nili'iaang` dsii-, ¹⁹ cø' ñi'baa e nileám'baa li~ iuun- la, cø' jaléng' 'nú' mii'ba' Fidiée' uii~ quié-e, jøgui jmicóo'~bi Jmiguí' quiá'- Dsea` Jmáang- jnea~ cajo. ²⁰ Jø dsu' eám' iin~n jøgui eám' sijeem' e ja` nicuó- Fidiée' fí' e nicaa- fí'i', cø' lí' lí' eáang'gui sijeem' e teá' dsii- e guiaa- júu^ fí' quini' jaléng' dsea, jø lajòb nijmi'goo- Dsea` Jmáang- e ngocáng` dsii- jø ja` e lí' e seen- osi e júun- n é. ²¹ Cø' jnea~ seen- fí' jmigü' la e jmóo'o lajii'~ e iing~ Dsea` Jmáang-; jøgui song jún- n, jøba' guiá'-guiá' ni'uíng- quié-e jóng. ²² Jø dsu' song seeng- guí' fí' jmigü' la, nili'bi' jmee' e ta~ e laco' nilifíng'gui dsea' quiá'- Dsea` Jmáang-; jøba' ja` ñii- e~ nigui'~i, su e seeng- guí' ofa' e júum- baa é. ²³ Cø' huím' lí' quié-e e nigui'~i cøo' lajee' e tú- júu^ la: ca'íng'~ e iáang` dsii- e nijúun- n e laco' niní'í' cøo'~ Dsea` Jmáang- fí' jmigü' cøo', cø' lajòba' e eáang'gui nijmeáng- quié-e; ²⁴ jøgui e ca'íng'~gui do, eáang'gui la guíng' quií-na' e seem- bi' fí' jmigü' la. ²⁵ Jø cø' nitab~ dsii- e seem- bi' fí' jmigü' la, jøba' nija' bi' cøo'~ 'nú' fí' na e laco' nijmicóo'~ bi' 'nú' e nidsicuáng'gui quií-na' cøo'~ júu^ quiá'- Dsea` Jmáang-, jøgui e laco' eáang'gui nili'iaang` óo'na' cøo'~ e júu^ e já'- nicalíng-na' do. ²⁶ Jø mi~ niguiéng'- túu fí' jee' 'nú', nili'iaang'gui óo'na' uii'~ quiá'- jalé' e guiá'- e nicajmée' Dsea` Jmáang- cøo'~ jnea~.

²⁷ Jø jmi'úung-na' e niliseeng-na' røø laco' cøøng` cøo'~ júu^ quiá'- Dsea` Jmáang-. Jøba' nañi' fa' e gáa'a ga'ee'e 'nú' osi huíi- bi' táan- n é, dsu' tab~ dsii- e teá' teáang-na' cøo'~ júu^ quiá'- Dsea` Jmáang- jøgui e dseáng'- conrøø siiing-na' lajaléng-na' e cuø'~ bi' bi' yaang-na' colíing~ e laco' nijá'- líng' dsea' júu^ quiá'- jial laang' dsea' jee~ jalé' dsee- quiá'r-, ²⁸ jøgui e ja' føøng-na' jii'~ capí'~ jaléng' dsea' i' ní' 'ní' quií-na'. Cø' e na cuø' li~ quiá'- jaléng' i' dsea' do e ningoliñ- fí' lí' 'lí', jø dsu' quií- 'nú' cuø' li~ e niliseem'ba' lata~ cøo'~ Fidiée', cø' lajòb nisi'í' quiá'- dsea' do. ²⁹ Cø' dsea' quiá'- Dsea` Jmáam- líng' 'nú', jøba' ngíng-na' e já'- líng-na' júu^ quiá'r-, jøgui ngíim'ba' cajo e nimó-na' iihuí' dsu' uii'~ e nilíng-na' lajò, ³⁰ cø' conrøø 'ní' níng- dsea' jneaa'aa' lana, jø móob- 'nú' e lajòb cajmeáng' dsea' jnea~ lamí~ jéeng'gui, jøgui niñi'~ bi' cajo e lajòbi jmóor' cøo'~ jnea~ latí' lana.

2

Dsea` Jmáang- cajmi'uóng- 'ñia'r' jø ca'uiñ- jaang' dsea' niing-

¹ Jø teáb' óo'na', dsu' cø' lafa' jaam` dsea' líng-na' cøo'~ Dsea` Jmáang-; jøgui ja' fí'í' líng-na', cø' Dsea` Jmáam- 'neáang' 'nú' jøgui Jmiguí' quiá'r- seem` røø colíing~ cøo'~ 'nú'; jøgui jmi'neáang` rúng-na', jøgui fí' líng- rúng-na' cajo, ² jøba' jmee- bi' bi' e laco' jmi'iaang-na' dsii- e seeng-na' colíing~ juguiá- júu^ røø, jøgui 'neáam' rúng-na' lajiiing-na', jøgui cøo'ba' í' óo'na' lajii'~ fí' teáang-na'. ³ Jø jie~ mí' jmoo-na' jii'~ cøo' e móo-na' e jmóo' dsea' rúng-na' dsu' uii'~ e 'ní' máang-na' r' osi e jmicøøng'~ yaang-na' é, cø' lí' lí' 'né- e jmi'uóng' yaang-na' jøgui e jmi'goo-na' dsea' rúng-na' eáang'gui laco' yaang-na'. ⁴ Jø dsu' ja' jmée-na' e lico' 'no'~na' jial ni'uíng- guiá- quií-na' yaang-na', cø' lajòb 'né- 'no'~na' cajo jial ni'uíng- guiá- quiá'- jaléng' dsea' rúng-na'.

⁵ Jø í' óo'na' røø lajii'~ fí' teáang-na' lí' laco'gui cajmée' Dsea` Jmáang-.

⁶ Cø' ír' røøb` cøøiñ` cøo'~ Fidiée',
jø dsu' ja' cajmeáng' 'ñia'r' fa' e røøb` cøøiñ` cøo'~ dsea' do,

⁷ cø' cab' caséer' lajii'~ e si'íiñ` quiá'- Fidiée',

jø ca'uiñ- e røøb` cøøiñ` laco' jaang` dsea' jmigü' i' jmóo' ta~ fí' quini' dsea' rúng',

jø caliséiñ` fí' guóo'~ uó- e líiñ` jaang` dsea' jmigü'.

⁸ Jø dsu' lajee' e ca'uiñ- lajò, cajmi'uóng- 'ñia'r' e ja' cajméer' ta~ quiá'r' 'ñia'r',

co' lajii' ta~ quiu' Fidiée'ba' cajmээр` car` cartí' í' e catáin~ fí' dse' crúu^, jo fí' job cajúin~.

⁹ Jo uí' e lajob cajmээр`, joba' Fidiée' caseaiñ' dsea` do yú^gui, jogui cajmээр` e niing~gui dsea` do lajee` lajalé' jogui lajee` lajaléng' i seeng` fí' la'úng~ fí' jmiigüi'.

¹⁰ Jo cajmée` Fidiée' lajo e laco' mi~ ninú' jial tí' niing~ Jesús, joba' coo' quiéeb~ nisi' dsea` uø~ jnir~ doñi' jié' seem`bre, si fí' jmiigüi' coo' osi fí' jmiigüi' la osi fí' lí' teáang'~ 'líi~ é,

¹¹ jo nililí' lajiiing` dsea` jo nifé'r' e jáb'~ e Dsea` Jmáam~ líiñ' Fii~ i quiu' ta~ fí' la'úng~, jo lajoba' nijmi'gó' lajiiing` dsea` Tiquí'ii' Fidiée'.

Dsea` quiá'~ Dsea` Jmáang~ líiñ' dsea` i lafa' sijing'~ jee` dsea` jmiigüi'

¹² Jo lana, dsea` rú'naa' i iin~n eáang', jo lí' laco' nicajmee'na' núu~na' contøng~ júu^ quiá'~ Fidiée' e nicafíi' i 'nú' lajee' e nicataan~n cóo'~ 'nú', joba' eáang'gui 'né~ jmée'na' núu~na' cajo mi~ ja` quiigeáan`n cóo'~ 'nú'. Jo jmi'goo'na' e ngocáng` óo'na' lajii' e fí' guiá~ lí' niteáang~na' cóo'~ Dsea` Jmáang~; ¹³ co' Fidiée'bing' i cuø' 'nú' e iing~na' jmée'na' jmang'~ e guiá~, jogui dsea` íb` cajo i jmicóo'~ 'nú' e laco' nijmée'na' jalé' e jo lí' laco' e iáang` dsíir' 'ñia'r'.

¹⁴ Jo jmée'na' lajalé' e jmoo'na' e ja` sée'~na' dsee~ jogui e ja` jiiing~na', ¹⁵ jo lajoba' jii'~ jaang` dsea` niguié'r' jial ni'niñ' 'nú' osi nicuø'r' 'nú' dsee~ é. Jo jmiliing~ yaang~na' e líng'na' dseáng'~ jóo' Fidiée' i ja` si'ling'~ jee` dsea` jmiigüi' i seeng` jmi~ na. Co' jaléng'~ i dsea` seeng` jmi~ na eáam' 'líiñ'~ jogui ja` í dsíir' laco' catiiing~. Jo dsu' 'nú' líng'na' dsea` i lafa' sijing'~ jee` jaléng' dsea` jmiigüi' i seeng` fí' lí' nuu' lí' laco'gui jing'~ jaléng' núu' i sitøng'~ yú^ jmiigüi' mi~ canuu'. ¹⁶ Jo lajob líng'na', joba' ée'~na' jaléng' dsea` e júu^ quiá'~ jial niliseeng` dsea` cøng` cóo'~ Fidiée' lata~. Joba' mi~ nití' í' e nijáatu Dsea` Jmáang~ fí' jmiigüi' la, eáang'gui nili'íáang` dsii~ uii~ quií'na', co' ñi'baa e eáam' nicali'íing` ta~ lajii' e ta~ huíng' e nicajmé~ e jee' 'nú' jogui lajobi lajalé' iihuí' e nicamó~ o jee' 'nú' cajo. ¹⁷ Jo nañi' fa' nijáang'~ 'ñiá'a e nijúun~n e laco' ni'ie' lajii' e cuø' 'nú' Fidiée' uí'~ e já'~ líng'na' júu^ quiá'r~, joba' eáam' nili'íáang` dsii~ fíng song calí~ lajo lí' laco' nili'íáang` óo' 'nú' cajo. ¹⁸ Jogui lajobi 'nú' nijmi'íáam' áa'na' coliiing` cóo'~ jnea~.

Mi~ cajmée` Paa~ júu^ e niguiéiñ' Timoteo cóo'~ Epafrodito fí' Filipos

¹⁹ Jo song Fii'naa' Jesús cuø'r' fí' lajo, joba' lajmináb~ iin~n nisiñ~n Timoteo e nidsi'eer' 'nú' fí' na. Joba' nitíin~n bí quié~ e mi~ ni'ín'~n júu^ quií'na' e nicóo' dsea` do e quiá'~ jial seeng'na'. ²⁰ Jo jo' i dsea` seeng'gui quié~ e i jiéng'gui laco' Timoteo i guing~ dsii' dseáng'~ lajang'~ uii~ quií'na'; ²¹ co' lajalém' dsea' 'nó'r' jmóor` lali~ e tí dsíir' yaam~bre, jo ja' 'nó'r' jmóor` jalé' e guiá~ e iing~ Dsea` Jmáang~. ²² Dsu' niñib^ 'nú' jial tí' guiá~ nica'ée' Timoteo jogui jial nicajmó~naa' ta~ e guia'naa' júu^ quiá'~ Dsea` Jmáang~, co' nicajmicóo'r~ jnea~ laco' jaang' jóo' dsea` mi~ jmóor` ta~ jmicóo'~ sejmiir'. ²³ Jo íbing' sijeem' e nisiñ~n e dsie'er' 'nú' fí' na ladsifí' mi~ niliñii~ jial ngóo' quié~ e fí' la. ²⁴ Jo sijeem'baa cajo e Fii'naa' Dsea` Jmáang~ nicuø'r' jnea~ fí' e ngóo'baa 'ñiá'a e ni'ee' e 'nú' fí' na lajminá~.

²⁵ Jogui lín~n e la guím' 'né~ niguiéeng'~ túu' fí' na i dsea` rú'naa' dsea` quiá'~ Dsea` Jmáang~ i siñ' Epafrodito i nicajmée' bí cóo'~ jalé' ta~ e nicajmé~ e coliiing` cóo'r~, co' íb` dsea` i casíng' 'nú' fí' la e quiá'~ jmicóo'r~ jnea~ cóo'~ jalé' e 'né~ e lí' iuun~ sijniñ~n fí' la. ²⁶ Jo i Epafrodito na eáam' ni'iiñ~ e niníiñ~ 'nú', co' fí' íb^ líiñ' dsu' e nicaliñi'na' júu^ e calidsée'r~ eáang'. ²⁷ Jo e já'~ e

nicalidsée'r~ jo jie~ ja` mí cajúum~bre; jo dsu' Fidiée` calí~ fí~ lím~breiñ' do, joba' cajmi'leáam~bre, jo la quie' tí jneab~ calí~ fí~ líng~ Fidiée` cajo cóo~ jalé' fí'í^ dsí' seen~, co' nilifé'guib fí'í^ quie~e fíng song cajúñ~. ²⁸ Joba' niguiém'~ba're lajminá~ fí' na e laco' nili'iaang` áa'na' mí nimáang~na'r calé' catú~, jogui jnea~ guáa'guijiu fí'í^ quie~e cajo. ²⁹ Jo mí niguieng'tur fí' na, íng~na'r e íaang` óo'na', co' dsea` quiá~ Fí'naa' Dsea` Jmáang~ líñ'. Jogui jmi'goo'ba' jaléng` dsea` í ée` laco'gui ée` í dsea` na. ³⁰ Jo jie~ ja` mí cajúum~bre dsu' uí'~ e jmóor` ta~ e nicang`íñ~ quiá~ Dsea` Jmáang~. Co' caguaí` dsír' doñí' ee` calím~bre e laco' cajméer` ta~ jmicóo~ jnea~ uí'~ e 'nú' ja` dsítíng~ qui~na' jmée^na' lajo.

3

Jíi~ cóo` e quíng'gui eáang` e laco' e licuíng'guí Dsea` Jmáang~

¹ Jogui lana, dsea` rú'naa', jmi'iaang`gui óo'na' uí'~ e líng`na' dsea` quiá~ Fí'naa' Dsea` Jmáang~.

Jo dsu' ja` e 'ní' tñ'n` jnea~ e fí~túu` 'nú' calé' catú~ e fí' ni~ jí' la lajii~ e nicafí~i 'nú' lami~ jéeng`gui, co' e júu^ la eáam` nili'íng` ta~ qui~na'. ² Jo jmeáang~ í yaang~na' quiá~ jaléng` í 'ná^ dsinóo` í ja` ée` ta~ røø` jogui too~ lí' fí' ngúu` táaiñ`. ³ Jo dsu' jneaa'aab' dsea` lí'naa' í dseáng~ lajang` dsea` quiá~ Fidiée~, co' la'eáang` cóo~ Jmiguí quiá~bre e jmiféng`naa'r jogui jmi'iaam`bi dsí'naa' cajo dsu' uí'~ e lí'naa' dsea` quiá~ Dsea` Jmáang~, jogui ja` ta~ dsí'naa' e niliguiúng~naa' fí' quini` Fidiée` cóo~ jalé' e jmoo`naa' osi jial lí'naa' fí' jmigüí' la é. ⁴ Co' nañí' fa' jnea~ seab` uing~ e nijmee~ e ta~ dsii~ e niliguiún~n fí' quini` Fidiée` cóo~ jalé' e jo, jo dsu' jíi~ jaang` dsea` cuøøng` lí' jmita~gui dsír' laco'gui jnea~ cóo~ jalé' e jo. ⁵ Co' jnea~, jñiá~ jmi~bi ngóo'ó mí' cató~ lí' fí' ngúu` táan`n lí' laco' quí'~ tñng` dsea` Israel; jogui lín`n síju` dsea` Israel; jogui dsea` quiá~ 'líi` yúu~ Míng~ lín`n; jogui jmi' hebreo fá'a jogui lajobi dsea` cuøøng~ quié~e cajo; jogui dsea` Israel í líng` fariseob lín`n cajo, co' cajmi'goo~ dseáng~ laco' sí'í^ jalé' júu^ quiu' ta~ quiá~ Moi~; ⁶ jogui eáam` caliguiing~ dsii~ jalé' e 'né~ jmitii^ cóo~ dsea` góo'ó dsea` Israel, co' jí'gui cajmeáan`n ga` jaléng` dsea` quiá~ Dsea` Jmáang~; jogui cajmé~baa núu~ lajii~ júu^ quiu' ta~ quiá~ Moi~, joba' jíi~ cóo` dsee~ cuøøng` lí' cuø~ dsea` jnea~. ⁷ Jo dsu' jalé' e ca'í^ dsii~ lami~ jéeng`gui e eáam` quíng` quie~e, dsu' lana jo` e quíng` quie~e jíi~ cóo` jalé' e jo, co' lana Dsea` Jmáam~bing' í nicalicuíñ`. ⁸ Jo jnea~ í dsii~ e jíi~ cóo` e quíng` e níng~gui eáang` laco' e quíng` e licuíng'guí Fí'naa' Dsea` Jmáang~. Jo jalé' e lami~ í dsii~ e eáam` quíng` quie~e do, dseáng~ jo` e ta~ íng` quie~e lana, co' lafa' quib` calí~; dsuco' níng~gui eáang` quie~e e nilicuíng'guí Fí'naa' Dsea` Jmáang~ ⁹ jogui e nilín`n lafa' jaam` dsea` cóo'r~. Dsu' ofa' nijmiguiúng~ 'ñiá'a fí' quini` Fidiée` uí'~ e jmóo'ó núu~ e júu^ quiu' ta~ quiá~ Moi~, co' lanagui nilín`n dsea` guiúng~ fí' quini` Fidiée` dsu' la'eáang` e nicajáang~ 'ñiá'a fí' jaguó` Dsea` Jmáang~. Co' lí' laco' cuøøng` fe`ee', e Fidiée`bing' cajmée` e caliguiún~n fí' quinir` la'eáang` e cajáang~ 'ñiá'a fí' jaguór`. ¹⁰ Jo dsu' jnea~ iin~n e nijmicuíim`bí Dsea` Jmáang~ jogui e niñín`n e bí' 'gøng' quiá~ Fidiée` cóo~ e cajmijí'tur Dsea` Jmáang~ jee~ jaléng` 'líi~, jogui e moo~o iihuí' uí'~ e lín`n dsea` quiá~ Dsea` Jmáang~, jogui cajo ca' guíaa~ jalé' e iin~n jmee~ e 'ñiá'a, co' uí'~ e cajmée` Dsea` Jmáang~ lajo, joba' cajúñ~ fí' dse` crúu~; ¹¹ jo lajob` jmóo'ó uí'~ e nitab~ dsii~ e nilí'í e nijí'túu` jee~ jaléng` 'líi~ mí' nití~ í' lajo.

Nijmi'úung'guí e laco' nilí'í lajii~ e nisi'íng' Fidiée` jnea` fí' jmigüí' cóo`

12 Jo dsu' ofa' fá'-a e nilí'-i lajalé' e fá'-a na, o'gui e dseáng'- níguiún-ñ fí' quini' Fidié' cajo; dsu' jmi'úum'bñ e laco' nilí' i e jo, co' uii' e joba' catáng'^ Dsea' Jmáang- jnea' lami' jéeng'gui. 13 Dsea' rú'naa' dsea' quiá'- Dsea' Jmáang-, dsu' ofa' fá'-a e dseáng'- nicalí'-i 'ñiá'a jalé' e na; dsu' e jáb'- dseáng'- jo' ee' í'gui dsii' cuaiñ' quiá'- jalé' e nicajmé'-e lami' jéeng'gui do, co' lí'^ lí' jmi'úung'guñ e nilí' i jalé' e sijéé'gui quié'-e 14 e laco' niñin'ñ jalé' e nisi'í' e nicuó'- Fidié' jneaa'aa' fí' jmigü' coo' uii' e nicaló'-r' jneaa'aa' e nica'uíng'-naa' dsea' quiá'- Dsea' Jmáang-.

15 Jo lajob 'né- í' dsi'naa' jaléng' jneaa'aa', dsea' ningóo' cuí'naa' jogui jmití'ii' júu' quiá'- Dsea' Jmáang-. Jo song sea' e í' óo' 'nú' e jié'gui jii' laco' e nicalá'-a na, joba' 'ñiab' Fidié' dsea' nineár- moguí'na' cuaiñ' quiá'- e jo.

16 Jo dsu' lifa' 'né- see'-naa' jialco' cóong' røø' cóo' lajii' e nicalí'-naa'.

17 Dsea' rú'naa' dsea' quiá'- Dsea' Jmáang-, jmi'úung'na' e seeng'na' røø' laco'gui la seeng' jnea', jogui jóø'-na' røø' quiá'- jaléng' dsea' i niseeng' lajii' laco' e nicalé'- jnea' 'nú'. 18 Jo jmiguiab' ya' nicalí'-i 'nú', jogui lana fñ' túu' 'nú' carji' qui' baa' uii' e fñm'bing' seeng' i e' e ja' ee' uing' sea' lajii' iihuí' e calíng' Dsea' Jmáang- mi' catáñ' fí' dse' crúu'. 19 Jo i dsea' la'í' fí' lí' 'lib'^ nidsiliñ' mi' nijúuiñ-, jo dseáng'- lajii' e lí' dsii' yaam'bre jmitir-, jogui lí'^ lí' jmi'jlong'^ yaaiñ' e lafa' nilí' i' líiñ' quiá'- jalé' e 'lí'^ e jmóor' do. Jo lí'^ guing' dsii' lajii' e dsijéé' fí' jmigü' la. 20 Jo dsu' jneaa'aa', dsea' seeng' ñifñ' nilí'naa', jogui fí' job cajo nijáa'tu Fí'naa' Dsea' Jmáang- i niseeng'naa' do i nicaléang' jneaa'aa' jee' dsee' qui' ii'. 21 Jo nijmísim'bre ngúu' táang'naa' e ja' bí' sea' quiá'- fí' jmigü' la, jo nicuó'-r' jneaa'aa' ngúu' táang'naa' e 'mí' e nigüeang'^ lí'^ laco' lí' e ngúu' táaiñ' 'ñia'r'. Jo nijmér- lajo la'eáang' cóo' e bí' 'gøng' quiá'-r' cóo' e quiar' ta' fí' la'úng-.

4

Jmi'iaang' óo'na' contøong- uii' e nilíng'na' dsea' quiá'- Dsea' Jmáang-

1 Jo uii' e lajob lí', dsea' rú'naa' i iin'ñ eáang', joba' fñ' i 'nú' e güiteám-bi' teá' lajii' e fí' lí' niteáang'-na' cóo' Dsea' Jmáang-. Jo eáam' iin'ñ 'nú' jogui dsíng'- iin'ñ nimáang'túu' 'nú' calé' catú-, co' jmi'iaam' dsii' cóo' 'nú' uii' e nicalíng'-na' dsea' quiá'- Dsea' Jmáang- la'eáang' cóo' ta' e nicajmé'-e jee' 'nú'.

2 Jogui liúun'ñ 'nu', dseam' i sii' Evodia cóo'gui 'nu', dseam' i sii' Síntique, e nisiim'tu' røø' laco' catíng- e jmóo' dsea' quiá'- Dsea' Jmáang-. 3 Jogui 'nu', dsea' i dseáng'- i ja' calitúng- dsii' e cajmicóo' jnea' cóo' ta' guía' júu' quiá'- Dsea' Jmáang-, joba' mí' i 'nu' e nijmicóo' laji' huáang- i dseam' na i líng' dsea' quiá'- Dsea' Jmáang- e laco' nisíng'-tur røø', co' laji' huáam'-biñ' na cacuó' bí' yaaiñ' e cajmicóo'-r' jnea' lajee' e caguiá'a júu' quiá'- jial laang' dsea' jee' jalé' dsee' quiá'-r' lí'^ laco' cajmicóo' jnea' i dseañu' i sii' Clemente cóo'gui jaléng'gui dsea' caguiang- i cajmée' ta' colíng' cóo' jnea'. Jo jaléng' i dsea' na nicateáang' Fidié' fí' ni' jii' quiá'-r' fí' lí' nitaang' jaléng' dsea' i niliseeng' lata' cóo'-r'.

4 Jo jmi'iaang' óo'na' contøong- uii' e nilíng'na' dsea' quiá'- Dsea' Jmáang-. Jo fñ' túu' 'nú' calé' catú- e nijmi'iaang' óo'na'. 5 Jo gülicuíng' lajaléng' dsea' 'nú' e líng'na' dsea' guíu' dsii'. Jo nijaquíem' e nigüeeng'tu Fí'naa' Dsea' Jmáang- fí' jmigü' la calé' catú-.

6 Jo ja' jmi'iuung' óo'na' cóo' doñi' ee' e lí' qui'na', co' lí'^ lí' 'né- e yejí' føng'^na' Fidié' cuaiñ' quiá'- jalé' e jo; jogui mí'na'r jalé' e 'né'-na', jo ja' tiúung'na' e cuó'na'r gui'máang' quiá'- jalé' e mí'na'r do. 7 Jo lajoba' nicuó'- Fidié' 'nú' e seeng'na' juguiá' júu' røø' e jii' jaang' dsea' jmigü' quí'r' jmi'

e ningáiñ'; jo cóo' e juguiá- do Fidié- nijmér- í 'nú' cóo' jalé' e í óóna' uí' e nilíng'na' lafa' jaam` dsea` cóo' Dsea` Jmáang-.

Í' áána' lali~ e guiá-

⁸ Jo lí- ngóo' cadséng- gui fí- guí' 'nú', dsea` rú'naa', e í óóna' lali~ júu^ e já'- jogui júu^ e catíng- jmi'gó' dsea', jogui jmang'- júu^ dséeb' 'né- cá'na'. Jogui 'né- cá'na' cajo jmang'- juguiá- cóo' gui júu^ íáang` dsí' jogui júu^ niguó'^. Jogui í' áána' lali~ e guiá- jogui jalé' e catíng- nifé' dsea` guiá- uí~ quiá'-.

⁹ Jogui jmití'na' jalé' e nica'éé- e 'nú' jogui jalé' e júu^ e nica'fí- i 'nú' jogui jalé' e nicaná- na' e nica'fá'- a jogui jalé' e nicañí- na' e nica'jmé- e; jo jmeé- ba' lajo. Jo Fidié- i cuø' e seeng` dsea` juguiá- júu^ røø, íb` dsea` niliseeng` cøøng` cóo' 'nú'.

Jalé' e cajmicóo'~ dsea` seeng` fí' Filipos quiá'- Paa-

¹⁰ Jo eám' jmi'íáang` dsii- la'eáang` cóo' Fí'naa' Dsea` Jmáang- uí' e 'nú' nicadséng'^ tú óóna' jnea~ calé' catú-. Dsu' ofa' fí- i 'nú' cóo' e júu^ na e nica'íng- óóna' jnea~, co' niñib` jnea~ e uí' e ja` dsitíng'~ qui- baa' fa' e nica'jmicoóo'~ na' jnea~. ¹¹ Jo dsu' ofa' fí- i 'nú' e júu^ na uí' e ja` sea` 'né- e, co' nicalitím'baa e jmi'íáang` dsii- cóo' lajii' e sea` quié- e. ¹² Co' nicalitím'baa jial seen- e tiñí' jogui lajobi mi~ eáang` sea` cajo. Jogui nicalitím'baa cajo e jmi'íáang` dsii- cóo' doñí' ee' e dsingín- n, si e røøng` tú' u osi e jø~ tú' u é. Jogui nicalitím'baa cajo e sea` lalíng` quié- e osi e ja` sea` jii' coo' é. ¹³ Jo Dsea` Jmáam- bing' i cuø' jnea~ bí' quiá'- r- e laco' lí' i jmóo' o lajalé' e 'né- jmeé- e. ¹⁴ Jo dsu' 'nú', eáang` guiá- cajmicóo'~ na' jnea~ ie~ lami~ cangongín- n jalé' iihuí'.

¹⁵ Jo guiáb- ñí' 'nú', dsea` líng'na' dsea` quiá'- Dsea` Jmáang- i neáang` fí' na fí' Filipos, e jii' 'nú' bing' i cajmicóo'~ jnea~ cóo' jalé' e 'né- e ie~ lami~ canaan- e caguiá' a júu^ quiá'- Dsea` Jmáang- jee~ 'nú'. Co' jii' jaang` dsea` jiéng' i cuíng` Dsea` Jmáang- cajmicóo'~ jnea~ ie~ jo ie~ mi~ cajú- u fí' Macedonia. ¹⁶ Jogui lajobi cajo, ie~ lami~ cataan- n fí' coo' fí' e sii' Tesalónica, casím'ba' tú- 'ní' néé- jalé' e 'né- e. ¹⁷ Jo dsu' ofa' jnea~ í' dsii- jmang'- e ni'ín- n, co' jnea~ líco' iin- n e nidsicuáng` gui quií- na' cóo' jalé' e nicuø'- Fidié- 'nú' mi~ nití- í' lajo. ¹⁸ Jo dsu' jnea~ nica'ím'~ baa lajalé' e nicacuøø'- na' jnea~ e casíng'na' cóo' Epafróditó, joba' seab` lalíng` quié- e náng co' j'gui cartí' niseáang-. Jo jalé' e cacuøø'- na' jnea~ do lí' lafa' coo' e jmeafí' jlo' e cacuøø'- na' Fidié-, joba' dsea` do eám' tí' dsí' mi~ íñ'. ¹⁹ Jo co' jii' Fidié- qui- baa' dsea` sea` laj' quiá'- r-, joba' íb` dsea` nicuø'- 'nú' lajalé' e 'né- na' e jlo' e ja` cøøng` cóo' la'eáang` cóo' jalé' e nica'jmé- Dsea` Jmáang- cóo' jneaa- aa'. ²⁰ Jo majmiféng'naa' car` ngongí' jmi~ Tiquí' ii' Fidié- dsea` guíng` ñif-. Jo lajob' 'né- lí'.

Júu^ guicóo'~ quiá'- Paa- lí- cadséng-

²¹ Jo lana guiéen'~ n júu^ guicóo'~ quiá'- jaléng' dsea` i seeng` fí' na i nilíng' dsea` quiá'- Fidié- la'eáang` cóo' Dsea` Jmáang-. Jogui cajo jaléng' dsea` rú'naa' dsea` quiá'- Dsea` Jmáang- i taang` cóo' jnea~ fí' la guiém- bre júu^ guicóo'~ quií- na'. ²² Jo lajobi cajo lajii'ng` dsea` i seeng` fí' la i nilíng' dsea` quiá'- Fidié- guiém'~ bre júu^ guicóo'~ quií- na', jo dsu' laniing- gui eáang` guiéng' júu^ guicóo'~ quií- na' jaléng' i dsea` i jmóo' ta~ quiá'- dseata~ dsea` féng' i quiá' ta~ fí' la fí' Roma.

²³ Jo gü' íb' Fí'naa' Dsea` Jmáang- güea'^ quiá'- r- jee~ lajaléng' 'nú'.

Jo lanab jii' fé' j' quiá'- Paa- e catíng- jaléng' dsea` quiá'- Dsea` Jmáang- i seeng` fí' Filipos.

Júu[^] e toq̃ fí ni[~] ji` quiá'- Paa⁻ e catíng⁻ dsea[`] seeng[`] fí COLOSAS

¹ Jnea[~] Paa⁻, jo lánⁿ jaang[`] dsea[`] apóo[^] i jmóo[`] ta[~] ni['] júu[^] quiá'- Dsea[`] Jmáang⁻, co['] lajob ta[~] e cali'iaang[`] dsí' Fidié[~] e cacuø'r['] jnea[~]. Jo lana, colíng[~] cóo['] Timoteo, jaang[`] dsea[`] rú'naa' dsea[`] quiá'- Dsea[`] Jmáang⁻, ² guiéng[~] naa' júu[^] guicóo['] quií⁻ na', dsea[`] rú'naa' dsea[`] quiá'- Dsea[`] Jmáang⁻ dsea[`] neáng['] na' fí na fí Colosas, 'nú' dsea[`] teáng⁻ na' teá' fí guiá⁻ cóo['] dsea[`] do. Jo mí['] i Tiquí'naa' Fidié[~] cóo['] gui Fí'naa' Dsea[`] Jmáang⁻ e ni'ír⁻ gúea['] quiá'r⁻ jee[~] 'nú' jogui e nicuø'r⁻ 'nú' e seeng['] na' juguiá⁻ júu[^] røø.

Mí[~] féng' Paa⁻ Fidié[~] uí['] quiá'- jaléng['] dsea[`] quiá'- Dsea[`] Jmáang⁻

³ Jo laco^o née['] mí[~] fóng['] naa' Fidié[~] i líng['] Tiquí'naa' Fí'naa' Dsea[`] Jmáang⁻, sojiéb['] cuøø⁻ naa'r gui'máang['] uii[~] quií⁻ na'. ⁴ Co['] nicalíne[~] baa' jial niteáng⁻ na' fí guiá⁻ cóo['] Fí'naa' Dsea[`] Jmáang⁻, jogui jial 'neáng['] rúng['] na' cóo['] jaléng['] dsea[`] quiá'- dsea[`] do i caguaang⁻ gui cajo. ⁵ Jo jmee⁻ ba' e jo uí['] e tab[~] óo['] na' e ni'ím['] ba' jalé' e sijeeng['] na' do e si'má['] Fidié[~] fí ñíff⁻ quiá'r⁻. Co['] calitab[~] óo['] 'nú' uii[~] quiá'- e jo mí[~] canú[~] na' júu[^] quiá'- Fidié[~] e catíng⁻ Dsea[`] Jmáang⁻ e quiá'- jial laang['] dsea[`] jee[~] dsee⁻ quiá'r⁻. ⁶ Jogui e júu[^] nab e cagua['] dsea[`] jee[~] 'nú', jo lana nicanib['] la'úng⁻ fí jmigüí. Jogui e júu[^] jo eáam['] cali'íng['] ta[~] e caquí['] jíng['] yaang[~] dsea[`] fí quini['] Fidié[~] lí['] laco['] nicalí⁻ jee[~] 'nú' lajii['] mí[~] canú[~] na' jogui cangáng['] na' e eáam['] guiúng⁻ Fidié[~] cóo['] 'nú' nañí['] fa' ja' catíng⁻ na'. ⁷ Jo e júu[^] jo ca'e' i Epafras 'nú', jaang['] dsea[`] i 'neáng['] naa' eáang['] i nicajmée['] ta[~] guiá['] júu[^] quiá'- Dsea[`] Jmáang⁻ colíng[~] cóo['] jnea[']; jo i dsea['] í líiñ['] jaang['] dsea[`] i cuøø^m lí jmita[~] óo['] na' cóo['] i jmóo['] lajii['] e iing[~] Dsea[`] Jmáang⁻. ⁸ Jogui í bre cajo dsea[`] cagüéiñ⁻ fí la e quier['] júu[^] quií⁻ na' quiá'- jial 'neáng['] rúng['] na' la'eáang['] cóo['] Jmiguí quiá'- Fidié[~] e cangíng['] na' do.

⁹ Jo uing[~] lajoba' ja' mí['] catiuung[~] naa' e mí['] naa' Fidié[~] uii[~] quií⁻ na' latí['] e jmí[~] e calíne[~] naa' júu[^] quií⁻ na'. Jogui mí['] naa'r e la'eáang['] cóo['] Jmiguí quiá'r⁻ nicuø'r⁻ 'nú' e ngáng['] na' jogui tíng['] na' jo lajoba' niliñí['] na' røø e e iing[~] dsea[`] do e nijmée['] na'. ¹⁰ Jo jmee⁻ naa' lajo e laco['] nilí['] na' niliseeng['] na' røø laco['] catíng⁻ e jmóo['] dsea[`] i cúing['] Dsea[`] Jmáang⁻: e jmoo['] ba' lajii['] e íaang['] dsí' Fidié[~], jogui e jmoo['] gui' cajo jmang['] jalé' e guiá⁻, jogui e lícúing['] gui' Fidié[~] e eáang['] gui cajo. ¹¹ Jogui mí['] bí' Fidié[~] e nicuø'r⁻ 'nú' bí la'eáang['] cóo['] e laniing⁻ 'gøiñ['] do, jo lajob nilí['] 'nú' nité['] na' jogui niliféng['] óo['] na' cóo['] jalé' e nidsingíng['] na', ¹² jogui nicuø['] ba' gui'máang['] Tiquí'ii' Fidié[~] e íaang['] óo['] na', co['] nicaguiéem['] bre 'nú' guiá⁻ e laco['] niñíng['] na' jalé' e jlo['] e catíng⁻ na' e sea['] quiá'- Fidié[~] fí ñíff⁻ quiá'r⁻ e nicuø'r⁻ jaléng['] dsea[`] quiá'r⁻. ¹³ Co['] í bre caleáaiñ['] jnea['] aa' fí lí['] n[~] sò' e laco['] jo see⁻ naa' e quí['] i 'líng['] ta[~] jnea['] aa', jogui cajáiñ['] jnea['] aa' fí quini['] Jóor['] i eáang['] iñ['], jogui lana íbing['] quie['] níff⁻ quií⁻ ii'. ¹⁴ Co['] la'eáang['] e cajáng['] 'ñia' i Jóor['] do fí dse['] crúu['], joba' Fidié[~] caleáaiñ['] jnea['] aa' e caliñ⁻ jalé['] dsee⁻ quií⁻ ii'.

Jo' si'naang['] gui dsea[`] cóo['] Fidié[~]

¹⁵ Jo ja' quí['] jmí[~] niníng⁻ dsea[`] Fidié[~], dsu['] mí[~] níng⁻ dsea[`] Dsea[`] Jmáang⁻ joba' líñir['] jial líng['] Fidié[~] dsea[`] guing[~] ñíff⁻. Jogui i Jóor['] Dsea[`] Jmáang⁻ do, íbing['] i níng⁻ gui lajee['] lajalé' jogui lajaléng['], co['] niseeiñ['] lajii['] ná['] gui e nináng['] Fidié[~] guiar['] uing[~] jmigüí. ¹⁶ Co['] la'eáang['] cóo['] Dsea[`] Jmáang⁻ 'ñia' bre, Fidié[~] cajmээр['] lajalé' e sea['] fí yú['] jmigüí jogui lajalé' e sea['] fí guóo[']

uó̄, jalé" e jnéeng- tá" jalé" e ja' jnéeng-, jogui lajobi cóo" jaléng" dsea' guí i ée' guiá- i líng' fi~ jogui jaléng" i óo' bí, jogui jaléng" i quidsí í", jogui jaléng" i quiá" ta~ cajo. Jo lajaléb" e la cajmée' Fidiée' la'eáang' cóo" Dsea' Jmáang-, jogui í'bing' i catíng- lajalé" e la. 17 Jo lajii~ latí' mali"ba' e niseeng' Dsea' Jmáang-, lajii~ e nú" gui e nijmé- Fidiée' lajalé" e sea' fí' jmigüí. Jogui la'eáang' í'bre cajo røø' ngóo' laca'íng' ca'íng'. 18 Jogui í'bre líiñ' dsea' mogui i quie' nifí' quiá" jaléng" dsea' quiá'r-, jogui i dsea' quiá'r- do líiñ' lafa' coob' ngúu' táaiñ' cóo" dsea' do. Jo Dsea' Jmáang- lajii~ nú" gui nitiroo' jmigüí'ba' niseeiñ-, jogui í'bi cajo i la'uii~ i cají"tu jee~ jaléng" líi~ e laco' nicár' nifí' quiá" lajalé"ba' e sea' fí' jmigüí. 19 Co' Fidiée' cali'íiñ~ e lajalé" e líiñ' 'ñia'r' líng' Dsea' Jmáang- cajo. 20 Jo la'eáang' cóo" Dsea' Jmáang- nicajmée' Fidiée' e niliseeng'tu juguiá- cóo'r~ lajaléng" cóo" lajalé" e sea' fí' la'úng- fí' jmigüí, fa' jalé" e sea' fí' guoo" uó̄ jogui jalé" e sea' fí' yá" jmigüí. Jo cajmér- lajo la'eáang' cóo" jmi'øøng- Dsea' Jmáang- e catu~ mi~ cajúíñ- fí' dse" crúu^ e laco' niliseeng' juguiá- júu^ røø' cóo" Fidiée' lajaléng" jogui lajalé" e sea'.

21 Jogui 'nú", lami~ jéeng'gui, dsea' si'naang' quiá" Fidiée' líng'na', jogui 'ní" máam'bi' dsea' do cajo, co' jmang' e 'lí" í' óo'na' jogui jmang' e 'lí" jmoo'na' cajo. 22 Dsu' lanagui Fidiée' nicajmээр' e niliseeng'tu dsea' juguiá- cóo" dsea' do la'eáang' cóo" jalé" iihuí' e cangá- Dsea' Jmáang- fí' ngúu' táaiñ' mi~ cajúíñ- fí' dse" crúu^. Jo cajmээр' lajo e laco' nijáiñ" 'nú" fí' quinir~, dsea' nilíng-na' dseáng'- dsea' quiá'r- i ja' si'ling'^ jogui i ja' dsee- táang' jii~ coo". 23 Dsu' 'né- jmée^na' e ja' tú^na' e ja' líng'na' júu^ quiá" Dsea' Jmáang- o'gui tú^na' e júu^ ta~ dsii' e sijeeng'na' e quiá" jial laang' dsea' jee~ dsee- quiá'r- lí" laco' jii~ e nicanáa-na' lami~ jéeng'gui. Jo e júu^ nab nicaní' fí' la'úng- fí' jmigüí, jo jnea~ Paa- jmicóo"bí e niguia'guí e júu^ na fí' jo.

Jalé" ta' e cangíng' Paa- quiá" Fidiée'

24 Jo íin~n iihuí' fí' ngúu' táan'n uí" e guiaa- júu^ quiá" Dsea' Jmáang- jee~ jaléng" dsea', jo 'nú" nica'íng'^na' e júu^ jo cajo. Jo dsu' íaang' dsii- e íin~n e iihuí' na, co' cóo" jalé" e jo nijmicóo"o e nijmi'íe"baa lajii~ iihuí' e 'né- e ni'íng'^gui jaléng" dsea' i jmoo' lajii~ ta~ quiá" Dsea' Jmáang-. Jo jalé" e iihuí' e íin~n lana nijmicóo" quiá" jaléng" dsea' quiá" Dsea' Jmáang- i líng' lafa' ngúu' táaiñ'. 25 Jo Fidiée' nicajmээр' e nilín'n jaang' dsea' i jmicóo" jaléng" dsea' quiá'r-. Jo dsea' do nicacuø'r' jnea~ ta~ e niguiaa- la'íe" júu^ quiá'r-, jo lajob ni'uíiing- guiá- quií-na'. 26 Jo laco' cuøøng' fé^naa' e e júu^ quiá" Fidiée' do líib~ eáang' si'má'r^ quiá" jaléng" dsea', dseáng'- mali~gui eáang' laco' nicangongíng' jii, dsu' lanagui nicajmijnéem'bre e júu^ do jee~ jaléng" dsea' quiá'r-. 27 Jo 'ñiab' Fidiée' cali'íiñ~ cacuø'r' jaléng" dsea' quiá'r- e tíiñ' ngáiñ" jial tíí' jlo" jogui jial tíí' quíng' e júu^ e lami~ si'má'r^ do e catíng- la quie'gui dsea' i ja' líng' dsea' Israel cajo. Jo e júu^ e lami~ si'maang' do, íb' Dsea' Jmáang- i seeng' cøøng' cóo" 'nú", dsea' i ja' líng'na' dsea' Israel. Jo i dsea' do cuø'r' 'nú" e jmitar~ óo'na' e ni'íng'^na' lajii~ e catíng-na' e nicuø" Fidiée' jaléng" dsea' quiá'r-. 28 Joba' jnea'^ guia'naa' júu^ jee~ lajiiing' dsea' jalé" e cajmée' Dsea' Jmáang-, jogui fíng'naa'r jogui ée^naa'r cartí' ningáiñ' røø, jo lajoba' niliñ- e ni'íe" quiá'r- dseáng'- laco' líng' Dsea' Jmáang- 'ñia'r'. 29 Jo uí" quiá" e la, jngáam"bí dsii- e jmoo"bí e ta~ la, co' eáam' oo- bí la'eáang' cóo" e laniing- 'gøng' quiá" Dsea' Jmáang- e nicacuø'r' jnea~.

2

1 Jo iin~n e ní"ba' e jngáam"bí dsii- e jmoo"bí bí uí" quií-na' cóo"gui jaléng" dsea' quiá" Dsea' Jmáang- i seeng' fí' Laodicea, lí" lajaléng" dsea' rú"naa' dsea' quiá" Dsea' Jmáang- i ja' mi' calicuíng' jnea~. 2 Jo jmoo"bí bí

e laco' jaléng' 'nú', dsea` i nilíng'na' dsea` quiá'- Dsea` Jmáang-, ni'ling'gui' bí e laco' niliseeng'na' cøøng` e 'neáang'na' rúng'na', jo lajoba' ningáng'na' dseáng'- laco' si'í^ e júu^ e lami~ si'ma^ quiá'- Fidiéé` do. Jo e júu^ do, íb` Dsea` Jmáang- 'ñia'r'. ³ Jo jíí~ íb` dsea` laniing- tíiñ` quiá'r~ jmí~ e cuø'r` dsea` e tíiñ` ngáiñ` lajì e jlo^ e niguo^ quiá'- Fidiéé`. ⁴ Joba' fíi- i 'nú' e júu^ na e laco' jíí~ jaang` ja` ií` nijmigøøng` 'nú' cóo~ jalé' júu^ jlo^ e o' já'- . ⁵ Dsu' nañí' fa' ja` seen- 'ñia'a` jee~ 'nú' lana, dsu' seem` jmiguí` quié- e cóo~ 'nú', jogui iáam` dsii- e núu` júu^ quií- na' e røøb` seeng'na' colíng~, jogui e teáb` teáang- na' cóo~ júu^ quiá'- Dsea` Jmáang- cajo.

La'eáang` cóo~ Dsea` Jmáam-ba' uíng- dsea` dsea` m#ng-

⁶ Jo co' 'nú' nica'ím'ba' Dsea` Jmáang- e líiñ` Fii` quií- na', joba' 'né- ni'ee- na' laco'gui la iing~ dsea` do, co' dsea` quiá'- bre nilíng'na'. ⁷ Jo síng'na' teá` yaang~ na' cóo~ júu^ quiá'r~, jogui güiliseem`ba' la'eáang` cóo'r~, jogui ja` jmitúng- óo'na' lajíí~ fí` niteáang- na' cóo'r~, co' nicajáam~ yaang~ na' fí` jaguór` lí^ laco' jíí~ júu^ e nica'e' dsea` 'nú'. Jogui cuøø~ ba' gui'máang~ Fidiéé` contøøng-.

⁸ Ñiing~ óo'na' jo ja` cuø' fí` yaang~ na' e dsea` jiéng' nijmigøøñ` 'nú' e laco' nitú^ na' lajíí~ fí` niteáang- na' cóo~ Dsea` Jmáang-. Co' jaléng' i dsea` la'f` e'r` dsea` jogui féiñ` dsea` cóo~ jalé' júu^ quiá' ta~ e jmi'uíng- dsea` jmiguí. Jo jalé' e júu^ jo ja` cøøng` røø` cóo~ júu^ quiá'- Dsea` Jmáang-, co' jalé' e júu^ jo jmang'- júu^ e casée' jaléng' dsea` mí` áang` cóo~ jalé' ta` huí' e quí'- tíng` dsea` e 'né- jmitir~ fí` jmiguí` la.

⁹ Jo lajalé' e líng` Fidiéé`, líng` Dsea` Jmáang- 'ñia'r', jo lajob cajo lajee` cateáaiñ` fí` jmiguí` la. ¹⁰ Jogui 'nú' cøøm` seeng'na' cóo~ Dsea` Jmáang-, joba' dsea` si'ieem` nilíng'na' la'eáang` cóo~ dsea` do. Jogui íbre líiñ` dsea` mogui` i quiá' ta~ quiá'- jaléng' dsea` jmiguí` i quié' nifí` jogui óor` bí e quiá'r` ta~ quiá'- lí^ doñí` ee`. ¹¹ Jo co' cøøm` seeng'na' cóo~ Dsea` Jmáang-, joba' jo` quié' nifí` quií- na' jalé' e 'lí^ e lami~ jmoo'na' do. Jo e la lí' e lafa' nica'ím'ba' e lí e tíng` dsea` Israel tóor` fí` ngúu' táaiñ`, dsu' o' lajo, co' calí- lajo uí~ e Dsea` Jmáang- caleáaiñ` 'nú' jee~ jalé' dsee- quií- na'. ¹² Jogui mí` cajgáang- na' jmí~, joba' lí' lafa' røøb` ca'áng- na' laco'gui ca'áng- Dsea` Jmáang-, jogui lafa' røøb` cají' tu' laco'gui cají' tu' dsea` do, co' jáb'- calíng- na' e quíib~ Fidiéé` jmí~ e cajmijí' tur Dsea` Jmáang- jee~ jaléng' 'lí- la'eáang` cóo~ e 'gøiñ` do. ¹³ Jogui 'nú', lami~ jéeng'gui do líng'na' lafa' sijúum-ba' uí~ dsee- quií- na', jogui e job cajo quiá' ta~ quií- na'; jo dsu' lana Fidiéé` nicacuø'r` 'nú' e lafa' nicají' tu' laco'gui cajmijí' tur Dsea` Jmáang-. Jo la'eáang` cóo~ dsea` doba' nica'íng- Fidiéé` lajalé' dsee- quií- ii'. ¹⁴ Jo Fidiéé` cajgiéeiñ` jì e caráang- e 'níng` jneaa~ aa' lí^ laco'gui la ta` huí' quiá'r~, jo uí~ e lafa' cabá e jì do fí` dse' crúu^ cóo~ mí^ clavo, lajoba' cajgiéeng- jalé' e si'níng` naa' do. ¹⁵ Jogui la'eáang` e catáng- Dsea` Jmáang- fí` dse' crúu^, jo lajoba' Fidiéé` ca'íiñ- jalé' bí quiá'- dsea` jmiguí` i líng'^ i quié' nifí` jogui óor` bí e quiá'r` ta~, jogui cajmi'uøng- neiñ` do fí` quini` jaléng' dsea` e catø- laco'gui tée` dsea` dsea` 'ñúung'. Jo lajoba' cajmijnéeng` Fidiéé` fí` quini` jaléng' dsea` e nicalí'- bre.

Í' óo'na' lajíí~ e siséé^ quiá'- Fidiéé` fí` ñifí-

¹⁶ Jo lajob lí', ja` jmijí'na' mí` éeng` dsea` 'nú' cóo~ jalé' e ú' cø'na', o'si e jalé' jmí~ e jmi'goo'na' lacoø` jíí, o'si fíng` jmi'goo'na' mí` yuung` si' é, o'si jial` jmi'goo'na' jalé' jmí~ e jmi'íng' dsea`. ¹⁷ Co' jalé' e ta` huí' na jíí~ lico' cuø' lí~ quiá'- jalé' e nidsijéé` cøøng'gui, jo lí' lafa' í^ quiá'- jaang` dsea` i ngóo' jéeng'gui laco' ngóor'. Jo dsu' i dsea` i líng' lafa' i dsea` quiá'- e í^ do, íb` Dsea` Jmáang- 'ñia'r'. ¹⁸ Jogui ja` jmijí'na' mí` jíng'- dsea` e iíñ~ niguir- quií- na' lajíí~

e nisi'ling^na' quíá' Fidiée, fa' jaléng' dsea' i tí dsí' e jmícaaiñ e jgiáang yaaiñ, jogui jmiféiñ' jaléng' ángeles, jogui jíñ' e ngü' gui quíá' jalé' e ja' mí cangar', jogui jmicóong' yaaiñ cóo' jalé' e í dsír' quíá' fí jmígü' la. ¹⁹ Jo jaléng' i dsea' í si'naam bre cóo' Dsea' Jmáang i líng' dsea' mogui quíá' jaléng' dsea' quíá'r. Jo Dsea' Jmáang cuø'bre i dsea' quíá'r do jalé' e 'néiñ' e laco' cøøm seeiñ cóo' dsea' do jogui cøøm seeiñ lajee' la'ó' yaaiñ cajo lí' laco' la iing' Fidiée.

²⁰ Jo co' 'nú' lafa' røøb' cajúng na' cóo' Dsea' Jmáang fí dse' crúu, joba' jo quíu' ta' quí'na' jalé' ta' huí' e quí' tñng' dsea' e 'né' jmitir' fí jmígü' la. Joba' zjali' seeng'na' e ee'na' laco'gui la ée' dsea' jmígü' e núu'na' jalé' ta' huí' e jing' dsea' e 'né' jmée'na', ²¹ fa' mí jíñ': "Ja' güi'na' e la, ja' có'na' e na' osi ja' jmó'na' e do" é? ²² Jo jalé' e ta' huí' na' jí' lajee' cateá'ba' e íng' ta', jo cóo' mí jo' e ta' íng', co' jí' dsea' jmígü' jmóor' jalé' e ta' huí' na. ²³ Dsu' e já', jalé' e ta' huí' na cuøøm sea' lí' dsi'naa' e guiáb', dsuco' quíu' ta' dsea' e 'né' lí' e jo' e ngocáng' dsíb' laco'gui ta' quíu' fí jmígü' la. Jogui quíu' ta' cajo e lafa' e jmi'uøng' yaang' dsea' jogui laguidseam' quíu' ta' yaaiñ cóo' jalé' e jmóor' fí ngúu' táaiñ. Dsu' ja' e ta' íng' e ta' huí' do fa' e nijmicóo' quíá'r e jo' nijmé' guir jalé' e 'lí' e iñ' jmóor' fí ngúu' táaiñ do.

3

¹ Jo co' 'nú' lafa' nicajib' túu' colíng' cóo' Dsea' Jmáang, joba' 'né' jmée'na' e í' óo'na' jí' caníng' e sisée' quí'na' fí lí' guíu' fí lí' guíng' Dsea' Jmáang lí' lí' dsée' cáang' Tiquiár' Fidiée' fí ñifí' quíá'r. ² Jo í' óo'na' lají' e sisée' quíá' Fidiée' fí ñifí', jo ja' í' óo'na' jí' cuaiñ' quíá' fí jmígü' la. ³ Co' lí' lafa' nicajúm'ba', joba' lana Fidiée' nicajmitar' óo'na' e nilíng'na' dsea' 'míng' la'eáng' cóo' Dsea' Jmáang. ⁴ Jo jí' Dsea' Jmáam'bing' cuø' 'nú' e nilíng'na' dsea' 'míng', jogui mí nijmijnéng'tu' 'ñia'r' jee' jneaa'aa' fí jmígü' la, joba' 'nú' nijnéng'na' colíng' cóo'r' jee' jalé' e níng' 'gøng' quíá'r.

Jial líng' dsea' mí cang' e calicúñ' Dsea' Jmáang

⁵ Joba' jmeé'ba' e ní'ím' jalé' e 'lí' e quíu' ta' quí'na' fí jmígü' la: fa' mí 'lée' dsea' e güiñ' cóo' dseañu' osi dseam' i o' quíá'r, osi jalé'gui e 'lí' e jíe' e jmoo'na' cóo' ngúu' táang'na', osi jmití'na' jalé' e iing' ngúu' táang'na', osi í' áa'na' e jmée'na' jmang' e 'lí', osi suung'na' lí' doñí' ee' e ja' catíng'na', co' e na' lí' lafa' e jmiféng' dsea' diée' i o' já'. ⁶ Jo co' jmóob' dsea' jalé' e na, joba' iihu' eáam' nicuø' Fidiée' jaléng' i dsea' la'í' i ja' núu' júu' quíá'r. ⁷ Jogui 'nú', lajob' lamí' seeng'na' e jmoo'na' jalé' e 'lí' na. ⁸ Dsu' lana 'né' tú'ba' jalé' e na: fa' mí liguíng'na', osi mí 'ní' óo'na', osi mí jmoo'na' jalé' e 'lí', osi mí fó'na' ga' uii' quíá' jaléng' dsea' rúng'na', osi mí fó'na' jalé' júu' e 'lí' e jíe'gui é. ⁹ Jogui ja' fí' rúng'na' júu' e o' já', dsuco' lana nicatú'ba' e lamí' jmoo'na' e eáng' beáng' dsee' yaang'na' cóo' jalé' e ga' e nicasi' ní' quí'na' lamí' jéeng'gui do. ¹⁰ Joba' lana dsea' 'míng' nilíng'na', jo Fidiée' dsea' jmóo' e nilí'míng'gui' e laco' ní'ee'na' laco'gui la ée' dsea' do, jo lajoba' nilicuíng'gui' dsea' do dseáng' laco' sí'í'. ¹¹ Jo ja' e líng' fí quini' Fidiée' su líng'na' dsea' Israel osi ja' líng'na' lajo é, osi tóo' e lí' fí ngúu' táang'na' osi ja' tóo' é, osi líng'na' dsea' i jalíng' tí' lí' huí' osi i neáng' tí' lí' huí' lí' jíe'gui é, osi líng'na' dsea' sí'niing' osi fí' i quíu' ta' é. Co' lají' Dsea' Jmáam'bing' níng'gui' jee' lajalé' cóo' jee' lajaléng', jogui í'bre seeiñ cøøng' cóo' jaléng' dsea' quíá'r cajo.

¹² Jo Fidiée' eáam' 'neáaiñ' 'nú', jogui nicaguíñ' 'nú' e laco' nilíng'na' dsea' quíá'r. Joba' güiliseem'ba' e jmoo'ba' fí' líng' rúng'na', jogui e guíng'na' cóo' dsea' rúng'na', jogui e ja' jmicóong' yaang'na' jee' dsea' rúng'na',

jogui e ee-ba' guiá- cóo- jaléng- dsea- rúng-na', jogui e jmée-na' féng- áa-na' uii- quíá- rúng-na' cajo. ¹³ Jmee-ba' féng- óo-na' quíá- dsea- rúng-na', jogui íng-na' dsee- quíá- rúng-na' mi- ee-go 'léer- quí- na'. Jo laco'gui Dsea- Jmáang- ca'ím-bre dsee- quí- na', joba' lajob 'né- jmée- 'nú', 'né- ím-ba' dsee- quíá- jaléng- dsea- rúng-na'. ¹⁴ Dsu' e nifi'gui quíá- jalé- e la e røøb- 'né- nijmi'neáng- rúng-na' lajee- la'ó- yaang-na', co' lajoba' niliseeng-na' cøøng- dseáng- laco' si'í. ¹⁵ Jo co' Dsea- Jmáam-bing' cuø' 'nú' e seeng-na' juguiá- júu- røø, 'nú' dsea- líng-na' dsea- quíá-r-, joba' seem-bi' la'eáng- cóo- e juguiá- júu- røø do, co' uii- lajoba' catø- Fidiée- 'nú' e nilíng-na' lafa' coøb- ngúu- táang-na' la'ó- 'nú'. Jo cuøø-ba' Fidiée- gui'máang- cóo- lajalé- e jmóor- cóo- 'nú'.

¹⁶ Jo 'né- quie-bi nifi' quí- na' júu- quíá- Dsea- Jmáang-. Jogui ée- rúng-na' jogui cuøø- bí- rúng-na' cóo- jalé- júu- niguo- e niñi-na'. Jogui cuøø-ba' gui'máang- Fidiée- e ø-na' júu- e toø- fi- ni- jì- salmos cóo- gui jalé- gui júu- e ø- dsea- quíá- Fidiée- cóo- gui jalé- júu- e cuø- Jmiguí- quíá- Fidiée- cajo.

¹⁷ Jogui jalé- e jmoo-na' jogui jalé- e fó-na', jmee-ba' la'eáng- cóo- júu- quíá- Dsea- Jmáang- e cuø-na' gui'máang- Tiquí-i' Fidiée- la'eáng- cóo- Fii-naa' Dsea- Jmáang-.

Jial 'né- seeng- dsea- quíá- Dsea- Jmáang- jee- la'ó- rúñ'

¹⁸ Jogui 'nú', jaléng- dseamf, jmi'goo-ba' jaléng- dseañ- quí- na', co' lajob catíng- e jmoo- dsea- quíá- Dsea- Jmáang-. ¹⁹ Jogui jaléng- 'nú', dseañung-na', jmi'neáng-na' dseamf quí- na', jogui ja- jmoo-na' ta- jíng- cóo-r-.

²⁰ Jogui jaléng- 'nú', jiuung-, núu-ba' jalé- ta- quí- tiquí- niquí-na', co' lajoba' e íaang- dsí- Dsea- Jmáang-. ²¹ Jogui jaléng- 'nú', dsea- líng-na' sejmií, ja- jmoo-na' e niligúing- jiuung- quí- na', jo lajoba' ja- nilitúng- dsír- cóo- jalé- e 'né- jmér-.

²² Jogui jaléng- 'nú', dsea- i- jmoo- ta- e ja- ee- 'léeng-, jmee-ba' núu-na' jalé- ta- quí- fii- quí- na' fi- jmi'gü- la; dsu' o' jii- mi- nír- 'né- cuø- áa-na' e laco' nijmiguiúng- yaang-na' fi- quinir-, co' e ngocáng- óo-ba' 'né- jmée-na' e jmi'goo-na' Fidiée-. ²³ Jo lajalé- e jmoo-na', 'né- jmée-na' e ngocáng- óo-ba' lí- laco' quíá- 'ñiab- Fidiée- e jmoo-na' e jo, jo o' laco' mi- jmoo-na' lajii- e iing- dsea- jmi'gü-. ²⁴ Co' niñib- 'nú' e seab- guiée- quí- na' e catíng-na' fi- jmi'gü- coø- e nicuø- Fidiée- 'nú'. Dsaco' jaléng- 'nú' jmoo-ba' lajii- e iing- Dsea- Jmáang-, jogui íb- dseáng- i- líng- Fii- quí- na' cajo. ²⁵ Dsu' i- dsea- gui i- jmoo- ga, joba' Fidiée- nicuø-r- iihuí- i- dsea- í- quíá- lajii- e ga- e jmooiñ- do, co' ja- jmingí- Fidiée- e- líng- dsea- lajaang- lajaaiñ-, co' røøb- niquidsir- í- quíá- lajii- dsee- sea- quíá- dsea- mi- nití- í- lajo.

4

¹ Jogui jaléng- 'nú', dsea- líng-na' fii-, ee-ba' guiá- cóo- jaléng- dsea- i- jmoo- ta- quí- na' i- ja- ee- 'léeng-, jogui quíe-na' í- júu- quí- na' cóo-r-. Jogui téé- óo-na' cajo e seem- jaang- Fii- quí- na' fi- ñifi- i- quie- nifi' quí- na'.

² Jo jaléng- 'nú', dsea- neáng-na' fi- Colosas, ja- tiúung-na' e føng-na' Fidiée-, jo lajee- jo 'né- e siñiim- áa-na' cajo, jogui yejí- cuøø-ba' gui'máang- Fidiée-. ³ Jogui féem-ba' Fidiée- uii- quí- naa' cajo e laco' sea- fi- e guiá-naa' júu- quíá- Dsea- Jmáang- e si'ma- lamí- jéeng- gui do, co' uii- e guíaa- e júu- jo, joba' sijñn- lana. ⁴ Jogui mí- ba' Fidiée- e ni'e-guá- e júu- la dseáng- laco' si'í e laco' ningáng- jaléng- dsea-, co' lajob catíng- e nijmee- e.

⁵ Jogui ee-ba' røø- cóo- jaléng- dsea- i- ja- cúing- Dsea- Jmáang- lí- laco'gui catíng- e jmoo- dsea- quíá-r-, jogui lajee- jo jmi'oo-ba' e føng-na'r- júu- quíá-

Dsea` Jmáang-. ⁶ Jogui féem`ba'r cóo`~ jmang` juguiá- e nití- dsír', jogui 'né` ní`na' jial ningí`na' quiá-` lajaang` lajaang` i dsea` i fõng`na' do.

Júu` guicóo`~ e cadséng` quiá-` Paa`

⁷ Jo Tíquico, jaang` dsea` rú`naa' dsea` quiá-` Dsea` Jmáang- i 'neáang`naa' eáang` i contøng- nicajmicóo`~ jnea` jogui colim- nicajmó`naa' lajii`~ e iing` Fí`naa' Dsea` Jmáang-, jo í`bing' nicá` júu` quié- e fí` na. ⁸ Jo nisín`nre fí` na cóo`~ 'nú` e laco' niliñí`na' jial see`naa' fí` la jogui e laco' nicuó`~ guir 'nú` bî` cajo. ⁹ Jogui cóo`~ i nab cajo nijang' Onésimo, jaang` dsea` rú`naa' dsea` quiá-` Dsea` Jmáang- i ta` dsi`naa' cóo`~ jogui i ii`naa' eáang` jogui i líng` dsea` góo`na' cajo. Jo i dsea` gáng- la nijmeá'r- 'nú` júu` jalé` e dsingí`naa' fí` la.

¹⁰ Jogui Aristarco, jaang` dsea` rú`naa' dsea` quiá-` Dsea` Jmáang- i iuung- 'nuñí` coling- cóo`~ jnea` fí` la, guiéñ` júu` guicóo`~ qui-`na' cajo, jogui lajobi i sii` Marcos cajo, jaang` rúng` Bernabé. Jogui 'nú`, nicanú`ba' júu` quiá-` Marcos; jo song dsi`eer- 'nú`, íim`ba'r cóo`~ e guiá- fí` na. ¹¹ Jogui lajobi Chú`, i sii`bi cajo Justo, guiém`bre júu` guicóo`~ qui-`na' cajo. Jo jii`~ i gaang` lab dsea` Israel dsea` quiá-` Dsea` Jmáang- i nicajméé` ta` coling- cóo`~ jnea` cóo`~ jalé` ta` guiá` júu` quiá-` jial quie` Fidié`~ nifí` quiá-` jaléng` dsea` jmigüi, jogui nicajmicóo`~ bre jnea` e catí`~ gui dsii- cajo. ¹² Jogui lajobi Epafras, jaang` dsea` góo`na' i jmóo` lajii`~ e iing` Fí`naa' Jesús, guiéñ` júu` guicóo`~ qui-`na'. Jogui contøm- féiñ` Fidié`~ uii` qui-`na' e ngocáng` dsír' e laco' teáang`na' teá` lajii`~ fí` niteáang`na' e dseáng`~ nijáam`~ yaang`na' e jmée`na' jalé` e iing` Fidié`~ e jmée`na'. ¹³ Jo niñib` jnea` jial guing` dsíí` í` uii`~ 'nú` jogui uii` quiá-` dsea` neáang` fí` Laodicea cóo`~ gui fí` Hierápolis cajo. ¹⁴ Jogui Lucas, jaang` timí` i 'neáang`naa' eáang`, guiéñ` júu` guicóo`~ qui-`na' coling- cóo`~ jaang` i sii` Demas.

¹⁵ Jogui 'nú`, dsea` neáang`na' fí` Colosas, cuóo`~ba' guicóo`~ jaléng` dsea` quiá-` Dsea` Jmáang- i neáang` fí` Laodicea cuaiñ` quié- e, jogui lajobi Ninfa cóo`~ lajaléng` dsea` i seáng` i jmiféng` Fidié`~ fí` quiá'r-. ¹⁶ Jogui mi` ningí` e ni`í` 'nú` e jii` quié- e la fí` quini` jaléng` dsea`, síim`ba' quiá-` dsea` quiá-` Dsea` Jmáang- i neáang` fí` Laodicea, jo lajob ni`í`r- cajo; jogui lajobi 'nú` ni`í`ba' jii` quié- e e ni`íng`~na' e jáa' fí` Laodicea cajo. ¹⁷ Jogui síi`ba' Arquipo cajo cuaiñ` quié- e e güijmiti`bre røø` lajii`~ ta` e nicacuó` Dsea` Jmáang- ír`.

¹⁸ Jnea` Paa- jmo`o e júu` guicóo`~ qui-`na' la cóo`~ guóo`o 'ñiá`baa. Jo jmiguiéng` áa`na' cajo e sijníim`baa fí` la.

Jo má`i Fidié`~ e ni`í`r- güea` quiá'r- jee` 'nú`. Jo lajob nilí`.

Jo lanab jii`~ fé` jii` quiá-` Paa- e catíng- jaléng` dsea` quiá-` Dsea` Jmáang- i seeng` fí` Colosas.

Júu[^] e toq̄ fi' ni~ jì la'uii~ quiá'- Paa- e catíng- dsea` seeng` fi' TESALÓNICA

¹ Jnea~ Paa-, colíng~ cóo~ Silvano jogui Timoteo, jmo'naa' e jì la e catíng- jaléng' 'nú', dsea` rú'naa' dsea` quiá'- Dsea` Jmáang- i seeng` fi' na fi' Tesalónica, dsea` nilíng'na' dsea` quiá'- Tiquí'ii' Fidié~ cóo~gui Fí'naa' Dsea` Jmáang-. Jo mii'naa' Fidié~ e ní'r- güea' quiá'r- jee~ 'nú' jogui e nicuó'r- 'nú' e niliseeng'na' juguiá- júu[^] røø.

Gui'máang' Fidié~ e calicuíng` dsea` seeng` fi' Tesalónica Dsea` Jmáang-

² Jo lacoo` ya' mi~ féng'naa' Fidié~, cuøø-baa'r gui'máang' uii~ quí- 'nú' lajíng'na', jogui lacoo` ya' mi~ mii'naa' Fidié~, mii'baa'r la quie' tí uii~ quí- 'nú' cajo. ³ Jogui lacoo` ya' mi~ féng'naa' Tiquí'ii' Fidié~, jmiguiéng' dsi'naa' lajii~ ta~ quí- na' e jmoo'na' la'eáang' e nicajáang~ yaang~na' fi' jaguó' Dsea` Jmáang-; jogui jmiguiéng' dsi'naa' uii~ e ta~ e nicajmee'na' e íaang' óo'na' la'eáang' e 'neáang'na' Dsea` Jmáang-; jogui jmiguiéng' dsi'naa' cajo jial nicateá'-na' lajii~ fi' teáang~na' cóo~ Dsea` Jmáang- e sijeeng~na' mi~ nijáa'tu dsea` do. ⁴ Dsea` rú'naa', 'neáam` Fidié~ 'nú', jogui nine`bii' e íbre dsea` caguín' 'nú' e nilíng'na' dsea` quiá'r-. ⁵ Jo mi~ caguiá'naa' júu[^] quiá'- Dsea` Jmáang- fi' jee~ 'nú' e quiá'- jial laang` dsea` jee~ dsee- quiá'r-, ja' cajmó'naa' cóo~ jii~ layaang~ júu[^] quí'naa' yee'naa', co' caguiá'naa' e júu[^] do la'eáang' cóo~ e 'gøng' quiá'- Jmiguí quiá'- Fidié~, jogui e lajam'-ba' ta~ dsi'naa' e dseáng'- jáb'- e júu[^] jo cajo. Jogui nií'ba' jial nica'ee'naa' cóo~ 'nú' e laco' guiáb- ni'uíng- quí- na'.

⁶ Jo 'nú', ee-ba' laco'gui la ee- jnea' laco'gui la ée' Fí'naa' Dsea` Jmáang- 'ñia'r' cajo. Jo ja' e lí' e cangíng'na' iihuí' uí' e ca'íng~na' e júu[^] quiá'- Dsea` Jmáang- do, dsu' íaam` óo'na' la'eáang' cóo~ Jmiguí quiá'- Fidié~. ⁷ Jo co' guiáb- ee- 'nú', joba' jaléng' dsea` quiá'- Dsea` Jmáang- i seeng` fi' lí' se' Macedonia cóo~gui fi' lí' se' Acaya nií'r' jial 'né- ér- cajo. ⁸ Jo la'eáang' cóo~ 'nú', dsea` seeng'na' fi' Tesalónica, jaléng' dsea` seeng` fi' lí' se' Macedonia cóo~gui fi' lí' se' Acaya nicanúur- júu[^] quiá'- Dsea` Jmáang-. Jo jaléng' dsea` seeng' doñí' jié' fi' lí' dsée'naa' nií'r' e dseáng'- nicajáam~ yaang~na' fi' jaguó' Fidié~. Jo jii~ o' 'né- fé'gui jnea' e jo uí' quí' 'nú', ⁹ co' yaam~ i dsea' í nisí'r' jnea' jial mi~ ca'íng' 'nú' júu[^] quiá'- Dsea` Jmáang- e léé'naa' mi~ caguié'naa' e cango'ee'naa' jaléng' 'nú', dsea` seeng'na' fi' na fi' Tesalónica. Jogui sí'r' jnea' cajo jial mi~ catáa'na' e jmiféng'na' lí' doñí' ee' lafa' dié~ i o' já', jo lajob canaang~na' e jmoo'na' lajii~ e iing~ i Fidié~ i dseáng'- já' do. ¹⁰ Jogui fé'bir cajo e sijeem' 'nú' e nijáa'tu Jesús fi' ñif- i líng' Joo' Fidié~ i cajmijí'tu Fidié~ quiá'r- jee~ jaléng' 'lí'. Jo íb' dsea` i láang' jneaa'aa' cóo~ jalé' iihuí' eáang' e nijaquiéng' e ní'íng' dsea` uí' jalé' dsee- quiá'r- e nica'éer'.

2

Jalé' e cajmée' Paa- fi' Tesalónica

¹ Jo 'nú', dsea` rú'naa', nií'ba' guiá- e liim~ ta~ cali'íng' jalé' e cajmó'naa' lajee~ cataang~naa' cóo~ 'nú' fi' Tesalónica. ² Co' nií'í' 'nú' guiá- e nú'-gui e nidsé'naa' fi' na, lajee~ cataang~naa' fi' coo` fii' e sii' Filipos, eám' ga' cajmeáng' i dsea' í jnea', jogui fé'r' ga' uii~ quí- naa' uí' e guia'naa' júu[^] quiá'- Dsea` Jmáang-. Jo mi~ caguiá'naa' e júu[^] jo jee~ 'nú', 'ní' níib- dsea` quí- naa'; dsu' ja' e lí' e jo, co' Fidiéeb' eáang' cajmicóo~ quí- naa' e caliseá'

bí qui-naa' e caguiá-naa' e júu jo. ³ Jo lajii~ júu e caguiá-naa' jee~ 'nú' do, jming' júu jáb', jogui e car`ngocáng` dsi'baa' caguiá-naa' e júu do cajo. Jo dseáng'- ja' í dsi'baa' fa' e nijmigóøng'naa' dsea`cõo~ jalé' e júu e guia'naa' do. ⁴ Jo dseáng'- ja' jmoo-baa' lajo, co' Fidiée'bing' i caguíng' jnea' jogui cacuø'r' jnea' ta~ e guia'naa' júu quiá'- jial laang` dsea`jee~ dsee- quiá'r-; jo co' lajob líí, joba' fé'naa' e júu jo. Co' ja' 'né'-naa' e lico' nijá'naa' guiá`cõo~ jii~ dsea`jmigüí, co' lajii~ e iing` Fidiée'ba' jmoo-naa', co' jii~ íb` dsea`niñir` jogui nicuír` dsi'naa' lajaang` lajaang'naa'. ⁵ Jo niñib` 'nú' guiá' e jii~ coo` née~ ja` caféng'~naa' 'nú' cõo~ júu` goo' e laco' nijmicóøng'naa' 'nú' lajee` e ngi'naa' guia'naa' júu quiá'- Dsea`Jmáang-, o'gui cajmó'naa' fa' e cajmigóøng'naa' 'nú' e lí' laco' nilí'naa' cuu- qui-naa'; lí' Fidiée'bigui ninir` lajalé' e la. ⁶ Jo dseáng'- ja' mí cajmó'naa' fa' e nijmiféng' dsea`jnea' o'gui 'nú' fa' nijmiféng'na' jnea' o'gui dsea`jiéng' cajo. Co' nañí fa' cuøøm`bre e jmó`jnea' e lí'naa' lafa' dsea`niing- i quiu' ta~ jee~ 'nú' uí' e lí'naa' dsea` i casíng` Fidiée` i quie' júu quiá'- Dsea`Jmáang- jee~ jaléng' dsea`, ⁷ dsu' ja` cajmó'naa' lajo. Co' guiáb- ca'ee-naa' jee~ 'nú' lí' laco' jaang`niquiá' jiuung` jmóo`bre í jór' jogui to' fím`bre laco' catíng- co' 'neáam`bre. ⁸ Jo co' eám' 'neáang'naa' 'nú', joba' ii'naa' e nicuøø'naa' 'nú' e júu quiá'- Fidiée` e quiá'- jial laang` dsea`jee~ dsee- quiá'r-; dsu' o' dseáng'- jii~ júu jo cajo, co' cartí jáang' yee~baa' song 'né- lajo uí' e 'neáang'naa' 'nú'. ⁹ Jogui tóob` áa'na', dsea` rú'naa', jial cacuøø' bí yee~naa' e cajmó'naa' ta~ e quiá'- lí'jiu e 'né'-naa' lajee` taang'naa' fí na. Co' ie~ jo cajmó'naa' ta~ e lico' cajneá- jogui cartí canu e laco' ja` nicuøø'naa' iihuí jii~ jaang` 'nú' lajee` e guia'naa' júu quiá'- Fidiée` fí na.

¹⁰ Jo niñib` 'nú', jogui niñi'bi Fidiée` cajo, e eám' guiá- nica'ee-naa' jee~ 'nú', dsea` líng'na' dsea` quiá'- Dsea`Jmáang-, jo ja' jmoo-naa' ga`cõo~ jii~ jaang` 'nú', jogui lajalé'ba' e nicajmó'naa' dseáng'- nicajmó'naa' røø` laco' si'íb, jogui jii~ coo` dsee- ja` cuøøng` cuø' dsea`jnea'. ¹¹⁻¹² Jogui ní'bi 'nú' guiá- e nicacuøø'baa' 'nú' bí jogui nicajmitii-baa' óo'na' lajaang` lajaang'na' lí' laco'gui la jmóo`jaang` tiquiá' dsea`cõo~ jór'. Jogui sí'naa' 'nú' e ee-ba' røø` laco'gui catíng- e jmóo`dsea` quiá'- Fidiée`, co' íb` catø'r- 'nú' e nimó'na' jial tí' niing- 'gøiñ' jogui jial quiu'r' ta' fí la'úng- fí jmigüí.

¹³ Jo uí' joba' contøøng- cuøø'naa' gui'máang' Fidiée`, dsuco' mi~ la'uii` canu- 'nú' e júu quiá'- Dsea`Jmáang- e caguiá` jnea' jee~ 'nú', dsifib' ca'íng'na' e júu jo, co' calilí'ba' e quiá'- Fidiée` e júu jo, jo o' quiá'- dsea`jmigüí. Dsuco' dseáng'- lajam'-ba' e júu e caguiá'naa' do líí júu quiá'- Fidiéeb, jo la'eáang' Fidiéeb` cajo jmóo` ta~ e júu jo fí áa'na' cõo~ jalé' e jmoo'na', 'nú' dsea`já- líng'na' júu quiá'- Dsea`Jmáang-. ¹⁴ Jogui jaléng' 'nú', dsea` rú'naa', mi~ ca'íng'na' jalé' iihuí e cacuø` dsea`góo'na' uí' e líng'na' dsea` quiá'- Dsea`Jmáang-, røøb` ca'íng'na' e jo laco'gui ca'íng' dsea` quiá'- Dsea`Jmáang- i seeng` fí lí se' Judea, dsuco' lajob iihuí cangá- í cajo e cacuø` dsea`góor` dsea` Israel. ¹⁵ Jo i líng- i dsea` Israel cajo, íb` i cajngang' jaléng' dsea` ruiñ` i café' cuaiñ` quiá'- Fidiée` mali'gui eáang'. Jo mi~ cang'gui e jo, i líng`gui i dsea` í cajngaiñ' Fí'naa' Dsea`Jmáang- i líng' dsea`góor` cajo. Jogui i líng`guiñ' do cajmeaiñ' ga`jnea' cajo, dsea` lí'naa' dsea` quiá'- Dsea`Jmáang-. Jo ja' jmóor` laco' tí dsí' Fidiée`, jogui 'ní' ním-bre lajaléng'gui dsea`jmigüí cajo. ¹⁶ Co' mi~ ii'naa' guiá'naa' júu quiá'- Dsea`Jmáang- jee~ jaléng' dsea` i ja` líng' dsea` Israel e laco' jial nileaiñ` jee~ dsee- quiá'r-, dsu' i dsea` Israel do ja` cacuø'r' jnea' fí lajo, jo lajoba' eám' nicajmi'miñ' dsee- quiá'r- uí' jalé' e nicajmeer` do. Joba' lanagui catí' í' quiá'- i dsea` do e ni'íñ' iihuí e eáang' e jáa' quiá'- Fidiée`.

Mī ca' dsí' Paa- e nidsé-tur fí Tesalónica

17 Jo fí-guá 'nú', dseá' rú'naa', e mī cangohuíng-naa' quí' 'nú' e huóom-jia, nañí' fa' ja' neeng- rú'naa' dseáng'- lana, dsu' contøom- guing- dsí'naa' uii- quí'na', jo dseáng'- ii-naa' fa' e dsí'eeb-túu' 'nú' fí' na calé' catú-. 18 Jo cajmó'baa' quijí- e nidsé'naa' fí' na; jo jnea- Paa-, eáang'gui jmiguiá' ya' cajmé- e quijí- e niniitúu' fí' na, dsu' fii- i 'ling' i sii' Satanás cajnir' fí' quí'naa' e ja' cajmó'naa' lajo. 19 Jo yaam- 'nú' dseá' cuø'na' jnea' e tab- dsí'naa' jogui e iáang' dsí'naa' jogui e guiáb- fé'naa' uii- quí'na'. Co' dseáng'- 'nú'bing' i nicuø'- jnea' e iáang' dsí'naa' mi- tí' lí' nití- í' e nijáa'tu Fí'naa' Dseá' Jmáang- fí' jmiigü' la. 20 Dsu' e jáb-, dseáng'- 'nú'bing' i cuø' jnea' e guiáb- fé'naa' uii- quí'na' jogui e nijmi'íáang' dsí'naa' uii- quí'na' cajo.

3

Paa- casíñ- Timoteo fí Tesalónica

1 Jo co' eáam' cali'in- n e ninuu- u júu- quí'na' calé' catú-, joba' ca' dsii- e guiá- gui e cajá'baa' 'ñía'a' fí' la fí' Atenas, 2 jo casín- n fí' na jaang' dseá' rú'naa' dseá' quíá'- Dseá' Jmáang- i sii' Timoteo. Jo i dseá' í' líiñ' jaang' dseá' i jmóo' lajii- e iing- Fidiéé', jogui jmóor- ta- røø- cóo'- jnea- e guiá'naa' júu- quíá'- Dseá' Jmáang-. Jo casín- nre fí' na e laco' dsí'eer- 'nú' jogui tíí' nir- jial seeng'na' jogui cuø'r' 'nú' bí' e laco' teáang'-na' teá' cóo'- júu- quíá'- Dseá' Jmáang-. 3 Jo casín- nre fí' na e laco' jii- jaang' 'nú', dseá' seeng'na' fí' na fí' Tesalónica, nijmitúng- óo'na' cóo'- jalé' iihuú' e móo'-na' uii- e níling'na' dseá' quíá'- Dseá' Jmáang-. Dsuo' niñí'bí' e dseáng'- nisi'í'ba' e nidsingíng-naa' iihuú' uii- e líng'naa' dseá' quíá'- Dseá' Jmáang-. 4 Jo niñí'b' 'nú' guiá- e lajee- e taam-bí' fí' na cóo'- 'nú', cajmó'baa' 'nú' júu- e dseáng'- nidsingím-baa' jalé' iihuú' uii- e lí'naa' dseá' quíá'- Dseá' Jmáang-, jo lajob' lí' e calí-. 5 Jo co' lahuím' cali'in- n cali'ni- júu- quí'na', joba' casín- n Timoteo fí' na e laco' cali'ni- jial seeng'na' lajii- fí' teáang'-na' cóo'- Dseá' Jmáang-. Co' jmoob- jnea' fí' í' fíng song fii- i 'ling' casíñ- 'nú' fí' ga'. Dsuo' fíng song lajo, ja' e ta- níli'íng- lajii- ta- quí'naa' e nicajmó'naa' jee- 'nú' fí' na jóng.

Mī caguiéng'-tu Timoteo fí Atenas

6 Dsu' lanagui nicagüeam'- Timoteo e jaiñí' fí' na fí' Tesalónica, jo quiéer- jmang'- júu- guiáb- quí'na' e teáb- teáang'-na' cóo'- júu- quíá'- Dseá' Jmáang- jogui e 'neáam'ba' dseá' rúng'na'. Jogui jing'- gui Timoteo e contøom- dséng' óo' 'nú' jnea', co' eáam' 'neáang'na' jnea', jogui eáam' iing'-na' nimáang'-tu' jnea' laco'gui jnea' ii-naa' e nineeng-túu' 'nú'. 7 Jo lajob' lí', dseá' rú'naa', e jee- jalé' iihuú' e íng'-naa' cóo'-gui e jmáng'- dseá' ga' jnea', jee- job' quiéeng' e jmi'íáang' dsí'naa' mi- caline-naa' e teá' teáang'-na' cóo'- júu- quíá'- Dseá' Jmáang-. 8 Jo mi- caline-naa' e jo, joba' cuø'gui bí' jnea' lajii- fí' téé'-naa' cóo'- Dseá' Jmáang-. 9 Joba' í' dsii- jial cuøng' e nicuøø'-naa' Fidiéé' jmiiguiá'gui gui'máang'- uii- quí' 'nú' jogui uii- quíá'- e jmi'íáang' dsí' jnea' uii- quí' 'nú' fí' quini- 'ñia'r' cajo. 10 Jogui uøø' jmíb' dseáng'- mí'naa' Fidiéé' e nijmicóo'-r' jnea' e nineeng-tu' rú'naa' fí' na calé' catú-, jogui e nijmicóo'-guí' 'nú' jial laco' nisíng'-guí' teá' cóo'- júu- quíá'- Dseá' Jmáang- cartí' ní'íé' quí'na' laco' sí'í'.

11 Jo mí'naa' Fidiéé' i líng' Tiquí'ii' do cóo'- Fí'naa' Jesús, e nijmicóo'-r' jnea' e laco' níli'naa' nineeng-tu' rú'naa' calé' catú- fí' na fí' Tesalónica. 12 Jogui mí'naa' Fí'naa' Dseá' Jmáang- e nijmicóo'-r' 'nú' e níli'neáang'gui' dseá' rúng'na' lí' lajaléng' dseá' laco'gui jnea' eáam' 'neáang'naa' jaléng' 'nú' cajo. 13 Jogui mí'naa'r' cajo e nijmicóo'-r' 'nú' e laco' ja' nílitúng- áa'na'

lajjĩ~ fĩ niteáang~na' cóo~ Dsea` Jmáang~, jogui e nilíng~gui' dseáng~ dsea` quiá~ Tiquí'ii' Fidiéé` i jo` dsee~ sea` quiá~ fĩ quini~ dsea` do mi~ nitĩ` í' e nigüéeng~ tu Fí'naa' Jesús fĩ jmgüü' la colíng~ cóo~ jaléng' dsea` quiá'r~. Jo lajob` 'né` liti~.

4

Jial íáang` dsí' Fidiéé` cóo~ jneaa`aa'

¹ Jo lanagui, dsea` rú'naa', nica'ée^baa' 'nú' jial seeng`na' e laco' íáang` dsí' Fidiéé` lí^ laco'gui seeng`na' lana. Joba' mii'`bii' 'nú' jogui síi'`bii' 'nú' cajo la'eáang` cóo~ Fí'naa' Jesús e güiliseem`ba' laco'gui la íáang` dsí' Fidiéé`, jo jmée^bi' lajo cajo.

² Co' 'nú' niñi'ba' guiú~ jalé' e nica'ée^naa' 'nú', jo e jo nicajmó^naa' la'eáang` cóo~ Fí'naa' Jesús. ³ Co' lajji'~ e iing~ Fidiéé` e líng`na' dseáng~ dsea` quiáb~ dsea` do e ja`jmée^na' jalé' e lí dsí' ngúu' táang`na'. ⁴ Co' iing~ Fidiéé` e lajaang` lajaang` 'nú' ñi'na' jial 'né` ee~na' røø` cóo~ lajji'~ dseamí` quíi~na', jogui jial 'né` e jmi'goo`na're cajo laco' catíng~. ⁵ Co' ja` catíng~ e jmée^na' jalé' e ja` dseeng` lajo laco'gui la jmóo` dsea` jmgüü' i ja` cúing` Fidiéé` e suuiñ` dsea` i o' quiá'r~. ⁶ Dsea` rú'naa' dsea` quiá~ Dsea` Jmáang~, ja` cuøøng` e jii'~ jaang` dseañu` nijmér~ jalé' e ja` dseeng` lajo e nijmigøøiñ` jaang`gui dsea` rúiiñ` dsea` quiá~ Dsea` Jmáang~ lí^ laco'gui jii'~ e nicafii` i 'nú' na. Dsu' iihuú' eáam` nicuø~ Fidiéé` jaléng` i dsea` i jmóo` lajo lí^ laco'gui 'goo` nica'í'naa' quíi~na' jéeng`gui. ⁷ Dsuco' ja` catø~ Fidiéé` jneaa`aa' fa' e nijmó^naa' jalé' e 'lí', co' catø'r~ jneaa`aa' e lí^ laco' nilisee~naa' e lí'naa' dseáng~ dsea` quiá~bre. ⁸ Jo doñi'` ii' dsea` i guia' ca' e júu^ quiá~ Dsea` Jmáang~ e guia` jnea` do, joba' ja` 'né` í` dsíir' e júu^ quiá~ dsea` jmgüü' e guiar' ca' do, co' júu^ quiá~ Fidiéé` e jo. Jo Fidiéeb` cajo i cacuø' jneaa`aa' dseáng~ Jmiguü' quiá'r~.

⁹ Jo jo` 'né` fa' jnea~gui nifií`i 'nú' e 'né` nijmi'neáang` rúng`na' la'ó' líng`na' dsea` quiá~ Dsea` Jmáang~, dsuco' 'ñiab' Fidiéé` nica'e'r' 'nú' jial nijmi'neáang`na' dsea` rúng`na'. ¹⁰ Jogui lajob` jmoo` 'nú', dsea` rú'naa', co' 'neáang`na' jaléng` dsea` quiá~ Dsea` Jmáang~ i seeng` fí' la'úng~ lí` se' Macedonia. Jo síi'`guú' 'nú' e güili'neáang`gui rúng`na' lacoo` jmi~ lacoo` jmi~. ¹¹ Jogui jmi'úung`na' e niliseeng`na' juguiú~ júu^ røø` cóo~ jaléng` dsea', jogui ja` jmoo`na' e quíng`na' lí` ja` catíng~na', jogui jmee`na' ta` cóo~ layaang~ guoo`na' lí^ laco'gui nicasíi'naa' 'nú' lami~ jéeng`gui do. ¹² Jo lajob` 'né` jmée^na' e laco' nijmi'gó` jaléng` dsea` i ja` cúing` Dsea` Jmáang~ 'nú' jogui e laco' niliseab` jalé' e 'né` quíi~na' cajo.

Mi~ nijáa`tu Dsea` Jmáang~ fĩ jmgüü' la

¹³ Jo e laba' fii`guú' 'nú', dsea` rú'naa', co' ii~ jnea^ fa' e 'nú' niliñi'na' jial lí' cóo~ jaléng` dsea` quiá~ Dsea` Jmáang~ i nicajúng~ e laco' ja` cuø^ fí'í' yaang~na' laco'gui la jmóo` dsea` i ja` já~ líng` e jí'tu jaléng` 'líi'. ¹⁴ Jo co' jáb~ líi'naa' e cajúm~ Jesús jogui cajib`tur calé' catú~, joba' lajob` já~ líi'naa' cajo e Fidiéé` cóo~gui Jesús nijmér~ e nijjítu jaléng` dsea` quiá'r~ i cajúng~ e já~ líiñ` júu^ quiá'r~.

¹⁵ Joba' síi'`guú' 'nú', dsea` rú'naa', lí^ laco'gui júu^ e ca'e' Fí'naa' Dsea` Jmáang~, e jaléng` jneaa`aa', dsea` lí'naa' dsea` quiá'r~, e see~bii' mi~ tí' lí' nití' í' e nigüéeng~tur fĩ jmgüü' la calé' catú~, ja` nidseá^naa' cóo'r~ jéeng`gui laco'gui dsea` quiá'r~ i nicajúng~ lami~ jéeng`gui. ¹⁶ Jo ie~ jo nijgiáang` Fí'naa' Dsea` Jmáang~ fí' lí' guiiñ` fí' ñifi~. Jo lajee` jo niná' luu~ Fidiéé` e quiar' ta` fí' yá^ jmgüü', jogui niná' e guinifé' jaang` ángel i niing~gui lajee` lajaléng`, jogui niná' e ni'ii~ lúu' trompé^ quiá~ Fidiéé` fí' yá^ jmgüü' cajo. Jogui jaléng`

dsea` quiá'- Dsea` Jmáang- i nicajúng-, í'bing' i nijí'tu la'uii~ mi~ nití- e í' jo.
 17 Jo mi~ ningí jo, jaléng' jneaa~aa', dsea` i jí'gui, colim~ nidseá'^naa' cóo'r~ fí'
 guiá'^ güi, jo nijí' rú'naa' cóo'~ Fí'naa' Dsea` Jmáang- fí' yú'^ jmigüi, jo lajob
 nilisee~naa' cóo'r~ lata~. 18 Joba' fíi-i 'nú' e cuóø'~ bí' rúng'na' cóo'~ lajalé' e
 júu^ na.

5

1 Joba' fá'guí, dsea` rú'naa', ja` 'né- jmée'~e quí-na' e fí' ni~ jì' la lana lí'
 dseáng'- nidsijéé' jalé' e fá'a la. 2 Co' niñib^ 'nú' røø e jíi~ jaang` dsea` ñir'
 jéeng'gui e~ jmí~ e nigüéeng-tu Fí'naa' Dsea` Jmáang-, lí'^ laco'gui mi~ jaang`
 dsea` ja` ñir' jéeng'gui lí' nigüéé' jaang` ñi i dsi'lee~ fí' quiá'r- mi~ uóø. 3 Jo mi~
 nijíng'- jaléng' dsea` i ja` cúing` Dsea` Jmáang-: "Tiib- í' jogui juguiáb- sea",
 dsu' ie~ job dseáng'- ni'íñ' iihuí' e jo` tóo` jmí~ nileáiñ` lajee' e ja` ñiing~ dsiir',
 lí'^ laco'gui jaang` dseamí i quíéeng` jiuung` jíi~ ja` ñir' lí' dseáng'- nináng` e
 dseá` jmohuí' quiá'r- e niliseeng` yuu` quiá'r-. Jo ie~ jo, jíi~ jaang` i dsea` í'
 quí'- jmí~ nileáng`guir e ja` ni'íñ' e iihuí' do. 4 Dsu' 'nú'gui, dsea` rú'naa', jo`
 seeng'gui' e ja` 'ga' lí' ñí'na' laco'gui la líng' dsea` i seeng` fí' lí' nuu, joba' ja`
 nidsigá' óo'na' mi~ tí' lí' nití- í' e nijáa'tu Dsea` Jmáang- fí' jmigüi' la laco'gui
 dsigá' dsí' jaang` dsea` mi~ guíéé' jaang` i dsijmée- ñi fí' quiá'r- mi~ uóø.
 5 Co' lajalém' 'nú', dsea` rú'naa', líng'na' dsea` quiá'- Dsea` Jmáang- i jmóo`
 jmang'- e guiá-, jo fí' lí' jneáb' seeng'na'. Jo ja` líng'na' dsea` i ja` cúing` Dsea`
 Jmáang- i jmóo` jalé' e 'lí', co' fí' lí' nuub' seeng` i la'í; 6 joba' 'né- e ja` sijlí'
 jminí'na' laco'gui la líng' dsea` i ja` cúing` Dsea` Jmáang-, dsu' 'né- e sijnéeb`
 dsí'naa' contøng- jogui 'né- e í' dsí'naa' dseáng'- laco' catím- cajo. 7 Co'
 jaléng' dsea` i ja` cúing` Dsea` Jmáang- líiñ' la líng' dsea` i sijlí' jminí' mi~ uóø,
 jogui jmóor` ta` í' mi~ uóø cajo. 8 Dsu' jneaa`guí, dsea` see~naa' fí' lí' jneá,
 contøom- 'né- í' dsí'naa' dseáng'- laco' catím-. Jo co' nicajáam~ yee~naa' fí'
 jaguó' Fidiéé' jogui jmi'neáam`bí' dsea` do cajo, joba' e jo lí' lafa' coo` 'mi'quí'
 ñí' cóo'~ e jmi'øng' yee~naa'. Jo co' nitab~ dsí'naa' e dseáng'- nileám`baa' jee~
 dsee- quí'naa', joba' e la lí' lafa' coo` logui' ñí' cóo'~ e lí'øng' mogui'naa'.
 9 Co' ja` sí'íng'naa' quiá'- Fidiéé' e nicuó'r- jneaa~aa' iihuí', dsu' sí'ím`baa'
 quiá'r- e laco' nileáng'naa' jee~ jalé' dsee- quí'naa' la'eéang' cóo' Fí'naa'
 Dsea` Jmáang-. 10 Co' Dsea` Jmáang- cajúñ- cuaiñ~ quí-ii' e laco' nilisee~naa'
 cøøng` cóo'r~ lata~, song see~naa' tá'- sa' see~naa' mi~ nijáa'tur. 11 Joba' fíi-guí
 'nú', dsea` rú'naa', cuóø'~ bí' rúng'na' jogui jmicóo'~ rúng'na' e ja` tiúung`na'
 lajíi~ fí' niteéang`na' lí'^ laco'gui la jmoo'na' lana.

Jalé' e casí'- Paa- dsea` quiá'- Dsea` Jmáang-

12 Jo fíi-guí 'nú', dsea` rú'naa', e jmi'goo'ba' dsea` quiá'- Dsea` Jmáang- i
 jmóo` ta~ jmicóo'~ 'nú' e quier' nifí' quí-na' jogui e'r' 'nú' jial laco' catíng- e
 niliseeng'na', dsea` líng'na' dsea` quiá'- Dsea` Jmáang-. 13 Jo eáam' 'né- ee~na'
 guiá- cóo'r~, jogui 'né- jmi'neáang'na're quiá'- jalé' e ta~ e jmóor` jee' 'nú'. Jo
 güiliseem`ba' juguiá- júu^ røø cóo'~ jaléng' dsea` rúng'na'.

14 Jogui síi'guí 'nú' cajo, dsea` rú'naa', e jíng-na' jaléng' dsea` i ja` iing`
 jmé- ta~, jogui cuóø'na' bí' jaléng' dsea` i litúng- dsí' cóo'~ júu` quiá'- Fidiéé',
 jogui jmicóo'~na' jaléng' dsea` i ja` mí' sea` bí' quiá'- la'íé' fa' dseáng'- nilíiñ'
 dsea` quiá'- Dsea` Jmáang-, jogui jmee'na' féng' óo'na' cóo'~ lajíng` dsea`.

15 Jo ñiing~ óo'na' e jíi~ jaang` dsea` quí- cóo'~ e ga` quiá'- jaang'gui dsea`
 rúíñ' uii~ quiá'- e ga` e jmóo` í' quiá'r-. Co' lajíi~ e 'né- jmée'na' e jmi'úung`na'
 jmée'na' jmang'- e guiáb- cóo'~ jaléng' dsea` rúng'na', lí'^ lajaléng' dsea`
 jmigüi.

16 Jo jmi'iaang` óona' contøøng-. 17 Jo féeng'~na' Fidiée` yejí-. 18 Jogui cuøø'~ba'r gui'máang`~ quiá'- lí^ doñí ee` catíng-na', co' lajoba' iin~ e ni-jmée^na' laco'gui catíng- e jmóo`dsea` quiá'- Dsea` Jmáang-.

19 Jo ja` jniing~na' lajii'~ e iing~ Jmiguí` quiá'- Fidiée` e jmér- jee~ 'ná'. 20 Jo ja` guiá^na' ca' jalé` e fé` i dsea` i fé` cuaiñ~ quiá'- Fidiée`. 21 Dsu' quie`na' cuente lajii'~ júu^ quiá'- i dsea` í, su dseeng`osi ja` dseeng`é, jo 'mea`baa' lajii'~ e guiá-. 22 Jo 'naang- yaang~na' cóo'~ jalé` e 'lí^ e sea` fí` jmigüi`.

23 Jo máí~naa' Fidiée` i cuø` juguiá- júu^ røø` e nijmeáiñ` 'ná` dseáng'- jii'~ dsea` quiá'-bre. Jogui máí~naa'r cajo e nijmér- í` 'ná` lajii'~ fí` niteáang-na' cóo'~ jalé` e í` áa`na', jogui e nijmér- í` 'ná` jial laco' seeng`na' fí` ngúu` táang-na' e laco' ja` dsee- nilisea` quíi-na' jii'~ coo` mi` nití- í` e nijáa`tu Fíi`naa' Dsea` Jmáang- fí` jmigüi` la. 24 Jo Fidiéeb` dsea` cató'r- jneaa`aa' e laco' ni'uúing-naa' dsea` quiá'r-, jogui dseáng'- jmiti~bre e jo.

Júu^ guicóo`~ quiá'- Paa- lí` cadséng-

25 Dsea` rú`naa' dsea` quiá'- Dsea` Jmáang-, féem'~ba' Fidiée` uii~ quí-ii'.

26 Jo røøng- rúng'na' e ngocáng` óona' cóo'~ jaléng` dsea` quiá'- Dsea` Jmáang- i neáang` fí` na.

27 Jo fíi`-i 'ná', la'eáang` cóo'~ Fíi`naa' Dsea` Jmáang-, e í`na' e jii` la fí` quini` jaléng` dsea` quiá'- Dsea` Jmáang- i seeng` fí` na.

28 Güi`íib` Fíi`naa' Dsea` Jmáang- güea`^ quiá'r- jee~ 'ná'.

Jo lanab jii'~ fé` jii` la'uii~ quiá'- Paa- e catíng- jaléng` dsea` quiá'- Dsea` Jmáang- i seeng` fí` Tesalónica.

Júu[^] e toq[~] fi' ni[~] ji[~] catî tú⁻ quiá^{'-} Paa⁻ e catíng⁻ dsea[`] seeng[`] fi' TESALÓNICA

¹ Jnea[~] Paa⁻, colíng[~] cóo[~] Silvano jogui Timoteo, jmo[']naa' e ji[~] la e catíng⁻ jaléng['] 'nú', dsea[`] rú[']naa' dsea[`] quiá^{'-} Dsea[`] Jmáang⁻, dsea[`] neáang[']na' fi' na fi' Tesalónica, i seeng[`] cøong[`] cóo[~] Tiquí[^]ii' Fidié[~] jogui cóo[~] Fí[']naa' Dsea[`] Jmáang⁻. ² Jo m[^]naa' Tiquí[^]ii' Fidié[~] cóo[~]gui Fí[']naa' Dsea[`] Jmáang⁻ e ni[']r⁻ güea['] quiá[']r⁻ jee[~] 'nú' jogui e nicuó[']r⁻ 'nú' e niliseeng[']na' juguiá⁻ júu[^] røø.

Fidiéeb[~] niquidsí['] í['] quiá^{'-} jaléng['] dsea[`] røøng[`] dsee⁻

³ Dsea[`] rú[']naa' dsea[`] quiá^{'-} Dsea[`] Jmáang⁻, yejib⁻ 'né⁻ cuøø[~]naa' gui[']máang[~] Fidié[~] uii[~] quií⁻ 'nú', co['] lajob catíng⁻ 'né⁻ jmó[^]naa', co['] eáang[']gui já^{'-} líng['] 'nú' júu[^] quiá^{'-} Dsea[`] Jmáang⁻ laco^o jm[^] jogui eáang[']gui jmi[']neáang[']na' dsea[`] rúng[']na' laco^o jm[^] laco^o jm[^] cajo. ⁴ Jo lajoba['] fé[']naa' júu[^] uii[~] quií⁻na' jee[~] jaléng['] dsea[`] quiá^{'-} Dsea[`] Jmáang⁻ e iáang['] dsi[']baa'; jo fé[']naa' e téb['] 'nú' lajii[~] fi' teáang[']na' cóo[~] Dsea[`] Jmáang⁻, jogui já^{'-}bi líng[']na' júu[^] quiá^{'-} dsea[`] do cajo jalí['] lí['] móo⁻na' jalé['] iihu['] cóo[~]gui jalé['] e jmáng['] dsea[`] ga['] 'nú' uii[~] e cuíng[']na' Dsea[`] Jmáang⁻. ⁵ Jo cóo[~] e job cuø['] lí['] e dseáng['] røøb['] quidsí['] Fidié[~] í['] quiá^{'-} jaléng['] dsea[`] jmigüí['], jo la'eáang['] e iihu['] e íng[']na' do, lajoba['] nitíng[']na' e Fidié[~] nicár['] nifi['] quií⁻na'.

⁶ Co['] Fidié[~] laco['] catíng⁻ jmóor['], joba['] nicuó[']r⁻ iihu['] jaléng['] dsea[`] i cuø['] iihu['] 'nú'. ⁷ Jogui 'nú', dsea[`] móo⁻na' iihu['] lana, Fidiéeb[~] nicuó[']r⁻ 'nú' e jo nidsing[']na' jii[~] co^o iihu['], jogui lajobi jnea['] cajo, jo['] nine[']naa' iihu[']. Jo jalé['] e la nidsijéé['] m[^] nití['] í['] e nigüéeng[']tu Fí[']naa' Jesús fi' jmigüí['] la colíng[~] cóo[~] jaléng['] ángeles i 'gøng['] quiá[']r⁻, jo nijgiáaiñ['] fi' yá['] jmigüí['] e quií[~] jee[~] niing⁻ jì. ⁸ Jo nijáar['] fi' jmigüí['] la e laco['] nicuó[']r⁻ iihu['] jaléng['] dsea[`] i ja['] iing[~] jmicuíng['] Fidié[~] o[']gui jí[']r[~] júu[^] quiá^{'-} jial nileáng['] dsea[`] jee[~] jalé['] dsee⁻ quiá[']r⁻ la'eáang['] cóo[~] Fí[']naa' Dsea[`] Jmáang⁻. ⁹ Jo jaléng['] dsea[`] íbing['] ni'íng['] iihu['] e eáang['] m[^] nijúuiñ⁻ e jo['] tóq['] jm[^] tíiñ['], co['] huí[']b⁻ eáang['] ni'náaiñ['] cóo[~] Fidié[~] jogui cóo[~] e laniing⁻ 'gøng['] dsea[`] do. ¹⁰ Jo lajob nilí['] m[^] nijáa[']tu Fí[']naa' Dsea[`] Jmáang⁻. Jo ié[~] jo, jaléng['] dsea[`] quiá[']r⁻ nijmi[']gób[']re dsea[`] do jogui nijmiféiñ['] dsea[`] do cajo; jogui lajobi 'nú' cajo, lajob nijmée[']na', co['] eáam['] já^{'-} nicalíng[']na' lajalé['] júu[^] e nicaguiá[']naa' jee[~] 'nú'.

¹¹ Joba['] eáam['] féng[']naa' Fidié[~] uii[~] quií⁻na', jogui m[^]naa[']re e nijmicóo[']r⁻ 'nú' e niliseeng[']na' røø lí['] laco['] catíng⁻ e jmé⁻ dsea[`] i nicató[']r⁻ e ni'uíiñ⁻ do dsea[`] quiá[']r⁻. Jogui m[^]naa[']re e nijmicóo[']bre 'nú' cóo[~] e 'gøiñ['] do e laco['] guiáb⁻ ni'uíng⁻ jalé['] e iing[~] 'nú' jmée[']na' cóo[~]gui jalé['] ta[~] jmoo[']na' la'eáang['] e cajáang['] yaang[']na' fi' jaguó['] Dsea[`] Jmáang⁻. ¹² Jo féng[']naa' Fidié[~] lana e laco['] eáam['] nijmi[']gób['] dsea[`] Fí[']naa' Jesús la'eáang['] cóo[~] 'nú', jogui Fí[']naa' Jesús eáam['] nijmi[']gób['] 'nú' cajo. Jo nilí['] jalé['] e jo dsuco['] eáam['] guiúng⁻ Fidié[~] cóo[~]gui Fí[']naa' Dsea[`] Jmáang⁻ cóo[~] 'nú'.

2

Júu[^] quiá^{'-} m[^] nijáa[']tu Dsea[`] Jmáang⁻ fi' jmigüí['] la

¹⁻² Jogui lana, dsea[`] rú[']naa', nifi[']guí['] 'nú' quiá^{'-} m[^] nijáa[']tu Fí[']naa' Dsea[`] Jmáang⁻ fi' jmigüí['] la, jogui m[^] nijí['] rú[']naa' cóo[']r[~] cajo, jaléng['] jnea[']aa', dsea[`] lí[']naa' dsea[`] quiá[']r⁻. Jogui m[^] 'nú' e ja['] jmí[']síng[']na' lajii[~] e í['] óo[']na', o[']gui fòøng[']na' m[^] nijíng['] dsea[`] e nicagüém⁻ Dsea[`] Jmáang⁻ fi' jmigüí['] la. Co['] seem['] dsea[`] i nijíng['] e fé[']r⁻ cuaiñ['] quiá^{'-} Fidié[~] e júu[^] jo, dsu['] o['] já^{'-}. Jogui seem[']bi

dsea` i fé' e quiá'- Fidiéé` e júu` jo, dsu' o' já'- e lajo. Jo seem`bi dsea` cajo e jíñ'- e jneab` cajméé' e fí' ni` jì' quié'- e júu` jo, dsu' o' já'- e lajo cajo. ³ Joba' fíi` guí' 'nú', dsea` rú'naa', e ja` jmigóøng` yaang`na' jii` cõo` mi` fé' dsea` e nicagüéng`tu Dsea` Jmáang`. Dsucõ' lajee` ná'gui e jmii` jo, dseáng'- cab' niguiéng` dsea` Fidiéé`, jo ie` job cajo nijmijnéeng` 'ñia' i dsea` i 'ling'^ do fí' jmigüi` la, jo Fidiéé` dseáng'- nibíim`breiñ' do fí' li` 'li'^. ⁴ Jo i dsea` i 'ling'^ do dseáng'- cab' niguiár` jalé' e jmiféng' dsea` laco'gui mi` jmiféiñ' e quiá'- Fidiéé`. Jogui iing` i dsea` i 'ling'^ do fa' e nijmiféng' dsea` ír` cartí' nijmér` e nigüéar` li` si' éé` quiá'- Fidiéé` fí' dsíi' sinúu` guá'-, jogui nijmeáng' 'ñia'r' e íbre' gøng'guir laco' Fidiéé`.

⁵ Já` tóo` áa' 'nú', dsea` rú'naa', e cafíi` i 'nú' jalé' e la ie` lami` cataang`naa' colíing` cõo` 'nú' fí' na fí' Tesalónica? ⁶ Jogui lana niñíi` 'nú' e` e nicajníng` quiá'- i dsea` i 'ling'^ do e laco' ja` mí' cajmijnéeng` 'ñia'r' jééng'gui jii` laco' jmii` e si'í' e nijmijnéeng` 'ñia'r'. ⁷ Jo lana fíim` dsea` nijmóor` jalé' e 'li'^, jo jii` Fidiéé` dsea` cuø'r` jneaa`aa' e ngáng'naa' jiali'` jmóo` dsea` jalé' e 'li'^ do. Jo lico' 'né`gui e ja` i` nijníng` quiá'- jalé' e 'li'^ do e laco' nidsijéé` jalé' e nicafá'- a na. ⁸ Jo mi` nijmijnéeng` 'ñia' i dsea` i 'ling'^ do jee` jaléng' dsea` jmigüi`, job mi` nití' í' e nijjáa`tu Fíi'naa' Jesús fí' jmigüi` la calé' catú` e quiá'- nijmiguiéiñ` quiá'- i 'ling'^ do la'eáang` cõo` e jiiñ' eáang` do jogui cõo` capí'` guí' e nijjáar` fí' mo'oor`. ⁹ Jo mi` nijjáa` i dsea` i 'ling'^ do la'eáang` cõo` bí' quiá'- i fii` i 'ling'^ rúíñ' i sii` Satanás, joba' nijmigóøiñ` dsea` cõo` jalé' e li` e nijmér` cõo`gui jalé' e quí'r` jmi` la'eáang` cõo` e bí' quiá'- fii` i 'ling'^ do. ¹⁰ Jo nijmigóøiñ` jaléng' dsea` i niteáang` fí' e nidsilíiñ` fí' li` 'li'^ cõo` jalé' e 'li'^ e quí'r` jmi` jmér`. Jo jaléng' i dsea` í niteáaiñ` e fí' jo, cõ' ja` cali'iñ` fa' ca'iñ` lajii` júu` quiá'- Dsea` Jmáang` e laco' nileáiñ` jee` jalé' dsee` quiá'r`. ¹¹ Jo uing` e ja` ca'íng' i dsea` do e júu` jo, joba' cuø'b` Fidiéé` fí' e jáb'- líng` i dsea` do jalé' e o' já'- e nijmigóo` i dsea` i 'ling'^ do. ¹² Joba' dseeb` nicuø'- Fidiéé` jaléng' i dsea` í mi` tí' li` nití' í' lajo, cõ' cali'iñ` e cajméer` jalé' e 'li'^ do jogui ja` cali'iñ` fa' já'- caliñ` lajii` júu` quiá'- Dsea` Jmáang`.

Jial guíng' Fidiéé` jaléng` dsea` i nileáang`jee` jalé' dsee` quiá'-

¹³ Dsea` rú'naa' dsea` quiá'- Dsea` Jmáang`, eám' 'neáang` Fidiéé` 'nú'. Jo jnea`, sojiéb' 'né` cuø'naa' gui'máang' Fidiéé` cuaiñ` quií' 'nú', dsucõ' Fidiéé` caguiñ' 'nú' latí' mi` uing` e quiá'- nileáang`na' jee` jalé' dsee` quií'na'. Jo cajméer` lajo la'eáang` cõo` e ta` quiá'- Jmiguí' quiá'r` e cuø' e uing`na' dseáng'- dsea` quiá'r` jogui la'eáang` e já'- nicalíng`na' júu` quiá'- Dsea` Jmáang` cajo. ¹⁴ Jo uing` e laba' caguing' Fidiéé` 'nú' la'eáang` cõo` júu` quiá'- Dsea` Jmáang` e guia` jnea` jee` 'nú' e laco' nilí'na' nilisea` quií'na' fí' li` niing` 'gøng' Fíi'naa' Dsea` Jmáang`.

¹⁵ Joba' fíi` guí' 'nú', dsea` rú'naa', jie` mí' tú'na' lajii` fí' niteáang`na' cõo` Dsea` Jmáang`, jo ja` tú'na' lajii` júu` quiá'- Dsea` Jmáang` e nica'éé'naa' 'nú' lajee` cataang`naa' colíing` o'gui jalé' e toq` fí' ni` jì' e nicasing`naa' quií'na' fí' na cajo. ¹⁶⁻¹⁷ Jo cõ' eám' guiúng` Fidiéé` cõo` jneaa`aa', nañí' fa' ja` catíi`naa', dsu' cajmi'neáam`bre jneaa`aa' jogui nicacuø'r` jneaa`aa' e tab` dsi'naa' lata` lajii` fí' téé`ee' cõo` Dsea` Jmáang`, jogui jmang' e guiá'ba' sijeeng`naa' quiá'r` cajo. Joba' míi`naa' Fíi'naa' Dsea` Jmáang` cõo`gui Tiquí'ii' Fidiéé` e nicuø'r` 'nú' bí' lajii` fí' niteáang`na' e jmee`ba' jmang' e guiá' jogui e fó'na' jmang' júu` guiáb` cajo.

3

Míi`na' Fidiéé` uíi` jnea`

¹ Jo lí ngóo' cadséng' gui fíi' i 'nú', dsea' rú'naa', féeng'na' Fidiée' uíi' jnea'^ e laco' jminá' gui nini' júu' quíá' Dsea' Jmáang' fí' la'úng' fí' jmigüí. Jogui féeng'na' dsea' do cajo e jaléng' dsea' i ninú' e júu' do ni'im'bre e ngocáng' dsíir' lí' laco'gui cajmee' 'nú' mi' canúu'na' júu' quíá' Dsea' Jmáang'. ² Jogui mii'na' Fidiée' cajo e laco' nileáiñ' jnea'^ jee' jaléng' dsea' i 'ling' i soo' dsíi', co' ja' lajñng' dsea' já' líiñ' júu' quíá' Dsea' Jmáang'. ³ Jo dseáng' jmitib' Fidiée' lajii' júu' cuør', jo jmicóo'bir 'nú' e ja' nijmitúng' óóna' lajii' fí' teáng'na' cóo' Dsea' Jmáang', jogui nijmi'óiñ' 'nú' e laco' ja' nijmigóøng' fii' i 'ling' 'nú' cajo. ⁴ Jogui nisita' dsí'naa' e Fí'naa' Dsea' Jmáang' nijmicóo'r' 'nú' e jmoo'ba' jogui e jmée'bi' jalé' e nicasíi'naa' 'nú' do. ⁵ Jo mii'naa' Fí'naa' Dsea' Jmáang' e nicuør'r' 'nú' e lí'na' jial tíi' neáng' Fidiée' 'nú' jogui e nicuør'r' 'nú' bí' quíá'r' e nité'na' e féng' óóna' lajii' fí' teáng'na' laco'gui cateá' Dsea' Jmáang' 'ña'r'.

La guím'ba' 'né' e jmé' dsea' ta'

⁶ Jo síi'guíi' 'nú', dsea' rú'naa' dsea' quíá' Dsea' Jmáang', la'eéang' cóo' júu' quíá' Fí'naa' Dsea' Jmáang', e ja' quing' yaang'na' jee' jaléng' dsea' quíá' Dsea' Jmáang' i ja' iing' jmé' ta', co' i dsea' í' ja' seeiñ' cøøng' cóo' jalé' júu' e casíi'naa' 'nú' lami' jéeng'gui. ⁷ Co' niñib' 'nú' guíá' jial dseáng' 'né' niliseeng'na' lí' laco'gui nicalisé' jnea'^ jee' 'nú'; dsuco' jmoob' jnea'^ ta' lajee' calisé'naa' jee' 'nú', ⁸ jo jii' coo' née' ja' camí'naa' e niquiee'naa' quíá' dsea' e ja' niquí'naa' quíá'r'. Co' lí' lí' cajmi'úung'naa' e cajmó'naa' ta' uóø' jmáb' e laco' ja' cacuøø'naa' iihuú' jii' jaang' 'nú'. ⁹ Dsu' ofa' ja' catñng'naa' e nimii'naa' 'nú' e nijmicóo'na' jnea'^, co' lí' lí' cali'ii'naa' e ni'éé'naa' 'nú' jial dseáng' 'né' jmée'na' tab'. ¹⁰ Co' mi' cataang' jnea'^ jee' 'nú', cacuøø'baa' 'nú' lajii' e júu' la e fé' lala: Doñi' ii' dsea' i ja' iing' jmé' ta', ja' cuø'na'r e nidø'r'. ¹¹ Dsu' lanagui nicalineb' jnea'^ e seem' 'nú' e fñng'na' jmée'na' ta', jo lico' tí' óóna' e quíng'na' lí' ja' catñm'ba'. ¹² Jo jaléng' i dsea' í' nisíi'naa'r, la'eéang' cóo' júu' quíá' Fí'naa' Dsea' Jmáang', e güijmée'bre ta' laco' catñng', jo lajoba' nilí'r' jalé' e 'né' lajee' e taaiñ' fí' jmigüí la.

¹³ Joba' fii'guíi' 'nú', dsea' rú'naa' dsea' quíá' Dsea' Jmáang', jie' mí' tú'na' e jmoo'na' e guíá' lí' laco'gui jii' fí' niteéang'na'.

¹⁴ Jogui song seeng' jaang' lajee' 'nú' i ja' núu' lajii' júu' e fé' jnea'^ e fí' ní' jì' la, joba' quie'na' cuente røø' i' í' jo jo' sicøøng'gui yaang'na' cóo'r', jo lajob' i dsea' í' nilí' i' líiñ' quíá' jalé' e jmóor' do. ¹⁵ Dsu' o' uíi' jo 'ní' nimáang'na're cajo, co' lí' lí' 'né' føng'na'r jial laco' catñng' e niliseem'bre lí' laco'gui la catñng' e føng'na' jaang'gui dsea' rúng'na' dsea' quíá' Dsea' Jmáang'.

Júu' lí' cadséng' quíá' Paa' e catñng' dsea' seeng' fí' Tesalónica

¹⁶ Jo 'ña' Fidiée' i cuø' juguiá' júu' røø' güijmée'bre lajo cóo' 'nú' contøøng' cóo' doñi' ee'go' jmoo'na'; jogui güiliseem' dsea' do contøøng' cóo' 'nú' cajo.

¹⁷ Jnea' Paa' jmo'o e júu' guicóo' e catñng' 'nú' la cóo' layaang' guó'o. Jo jii' lanaba' e tñn'n' jmó'o cóo' jalé' jì' quíe' e caguiee'gui cajo e laco' líñi' dsea' e jneab' dsea' jmo'o. ¹⁸ Jo güi'lib' Fí'naa' Dsea' Jmáang' güea'^ quíá'r' fí' jee' 'nú' lajaléng'na'.

Jo lanab' jii' fé' jì' tñ' tú' quíá' Paa' e catñng' jaléng' dsea' quíá' Dsea' Jmáang' i seeng' fí' Tesalónica.

Júu^ e toq̄ fi' ni~ jì la'uii~ quiá'- Paa- e catíng- TIMOTEO

¹ Jnea~ Paa-, jo lín'n jaang` dsea` apóo^ i jmóo` ta~ ni' júu^ quiá'- Dsea` Jmáang-. Jo Fidié~ i láang` jneaa~aa' jee~ dsee- qui' ii' cóo' gui Dsea` Jmáang- i cuo' jneaa~aa' e nita~ dsi'naa' cóo'r~, íbing' caquiú' ta~ lajo. ² Jo jmo'o e jì la e catíng- 'na, Timoteo, co' 'nab` lin' lafa' dseáng'- joo`o i dseáng'- lajang'^ nicajáng' uo' fi' jaguó` Dsea` Jmáang-. Jo míi~ i Tiquí'ii' Fidié~ cóo' gui Fíi'naa' Dsea` Jmáang- e ni'ír- güea'^ quiá'r- fi' lí- táan', jogui e nilí fi' líiñ- 'na, jogui cajo e nicuór- e niliseen' juguiá- júu^ røø.

Júu^ # 'goo` quiá'- jaléng` dsea` i jmi'gøøng` dsea` cóo' jalé' e er'

³ Jo lí' lacq' jii~ e nicafii- i 'na, Timoteo, ie~ cangó-o fi' lí se' Macedonia, jo fá'túu lana, e dobi nijá^ e fi' fii Éfeso e lacq' niliúun' jaléng' i dsea` i e júu^ e ja` cóøng` røø cóo' júu^ quiá'- Dsea` Jmáang- e jo' nijmé- guir lajo. ⁴ Jogui nifi'^ re cajo e ja' 'né- cár` cuente lajii~ júu^ cuento quiá'- dsea` mí áang' qui'naa' o'gui jalé' júu^ e ja' tóo` jmi~ té' cuaiñ~ quiá'- dsea` mí áang' qui'naa'. Co' cóo' jalé' e júu^ la lico' uing~ e sea` jii~ ta~ jím` jo ja' e jmicóo' e jo fa' nidsicuáng' gui lacq' si'í e júu^ quiá'- Fidié~ e quiá'- jial já- líng` dsea` júu^ quiá'- Dsea` Jmáang-.

⁵ Dsu' e lab uing~ quiá'- e júu^ quiá'- Fidié~ do e 'né- nijmi'neáang'naa' dsea` rú'naa' e guiú- dsi'naa', jogui e tñng'naa' guí'naa' jnang~ e guiá- e catíng- jmé'naa', jogui cajo e já- líng'naa' júu^ quiá'- Dsea` Jmáang- e ngocáng` dsi'naa'. ⁶ Co' seem` i líng~ dsea` i nicatá e júu^ la jo nicár- fi' jié' jo nifé'r` jman' júu^ e ja' uing~ sea'. ⁷ Dsaco' lico' iñ~ jmeáng' yaaiñ~ tifa' i e júu^ quiú' ta~ quiá'- dsea` Israel, dsu' ja' ngáiñ' do e guøng' lacqo' lacqo' e júu^ e er' la úung` do.

⁸ Co' nínēbaa' guiá- jalé'naa' e eám' íng- ta~ e júu^ quiú' ta~ do e cajme' Moi~ do fíng song jmán'g' dsea` ta~ dseáng'- lacq' si'í quiá'- . ⁹ Jogui 'né- e tóo` dsi'naa' cajo e jii~ cóo' júu^ quiú' ta~ ja' calí fa' e catíng- jaang` dsea` i jmóo` jman'g' e guiá-; dsuco' e júu^ e quiú' ta~ do calí e catíng- jaléng' dsea` soo` dsí' cóo' gui jaléng' dsea` i laang` mí ee'go ta~ huí', jogui cóo' jaléng' dsea` i jmóo` jalé' e 'lí' e lacq' jmirøng` dsee- yaaiñ~, jogui jaléng' dsea` i ja' jmi'gó' Fidié~ o'gui jmi'gór' júu^ quiá'- dsea` do cajo, jogui jaléng' dsea` i jngang' tiquiá'^ niquiá', osi lí' doñí i dsea` i jmóo` ta~ jngang' dsea` rúng', ¹⁰ lí' lajaléng' dsea` i 'léé e güiñ` cóo' dsea` i o' quiá'r-, osi dseañu' 'léer' e güiñ` la'ó' dseañuiñ', osi dseam' 'léer' e güiñ` la'ó' dseam' iñ` é, jogui jaléng' dsea` i jmóo` ta~ lóøng` jogui ta~ 'nñng` dsea', jogui jaléng' dsea` i ngí ta~ quié' jalé' júu^ adsee, jogui jaléng' dsea` i éeng' fií-, jo dsu' o' já- jalé' e fé'r' do. Jo lí' lacq' cuøøng` fe'ee', e e júu^ quiú' ta~ do catíng- jaléng' i jmóo` lí' doñí ee' e ja' cóøng` røø cóo' júu^ niguo'^ quiá'- Fidié~. ¹¹ Jo e júu^ niguo'^ do røøb` cóøng` cóo' e júu^ jlo'^ quiá'- jial laang` dsea` jee~ jalé' dsee- quiá'r-. Jo i Fidié~ dsea` güea'ng' nicacuø'r' jnea~ ta~ e niní'guí e júu^ jo.

Gui'máang' Fidié~ e fii- líiñ- jnea~

¹² Jo cuøø-ø gui'máang' Fíi'naa' Dsea` Jmáang- car` ngocáng` dsii- e nicacuø'r' jnea~ bí e lacq' niní'guí júu^ quiá'r-, co' eám' nita~ dsí' cóo' jnea~, joba' nicacuø'r' jnea~ e ta~ jo. ¹³ Jo nañí fa' jnea~ malii~ gui eáang' gab` cafá'- a uii~ quiá'- Fíi'naa' Dsea` Jmáang-, jogui gab` cajmeáan' n jaléng' dsea` quiá'r-, jogui caløøm~bí jaléng' i dsea` í cajo, dsu' ie~ jo eám' calí- fii- líng-

Fidiéé˘ jnea˘, co˘ ja` mi´ cuín˘n Dsea` Jmáang˘ ie˘ jo, jogui ja` ñii˘ cajo e˘ jalé˘ e ga` e jmóo˘ do. ¹⁴ Jo dsu˘ Fíi˘naa˘ Fidiéé˘ eáam˘ caliguiúíiñ˘ cóo˘ jnea˘, jo cajméer˘ e nicajáang˘ ˘ñiá˘a fí jaguór˘ jogui e nijmi˘neáan˘re cajo e ngocáng˘ dsii˘ uíi˘ e cøøng˘ see˘naa˘ cóo˘ Dsea` Jmáang˘.

¹⁵ Dsuo˘ dseáng˘ e jáb˘ e júu˘ la, jogui dseáng˘ la guíim˘ ˘né˘ nilí já˘ líng˘ jaléng˘ dsea˘ e júu˘ la cajo; Fíi˘naa˘ Dsea` Jmáang˘ cajar˘ fí jmiǵúí la e laco˘ nileáiñ˘ jaléng˘ dsea˘ røøng˘ dsee˘, jo lajee˘ lajaléng˘ dsea˘ røøng˘ dsee˘, jnea˘bing˘ i eáang˘gui líng˘ lajo. ¹⁶ Jo uíi˘ e lajob líí, joba˘ Fidiéé˘ eáam˘ calí fíi˘ líiñ˘ jnea˘; jo cajméer˘ lajo e laco˘ Fíi˘naa˘ Dsea` Jmáang˘ cajmijnéeiñ˘ fí quini˘ jaléng˘ dsea˘ jiéng˘ jial tíí e féng˘ dsíir˘ uii˘ quié˘ e. Jo cajméer˘ lajo cóo˘ jnea˘ e laco˘ cuø lí˘ quiá˘ jaléng˘ dsea˘ i nabi˘ nijáng˘ yaang˘ fí jaguó˘ dsea˘ do, jo lajoba˘ niliseeiñ˘ cøøng˘ cóo˘ Fidiéé˘ lata˘. ¹⁷ Joba˘ majmi˘goo˘naa˘ Fidiéé˘ jogui majmiféng˘naa˘re cajo, co˘ íb˘ Fidiéé˘ i quiu˘ ta˘ fí la'úng˘ fí jmiǵúí lata˘, jogui íb˘ cajo i ja˘ cuøøng˘ lí júung˘ jogui ja˘ quí˘ jmi˘ fa˘ e nineeng˘naa˘re, jogui jíi˘ íb˘ Fidiéé˘ i já˘! Jo lajob líí.

¹⁸⁻¹⁹ Joba˘ fíi˘guíi˘ ˘nu˘, Timoteo, ˘nu˘ i lin˘ lafa˘ jóo˘o, lí˘ laco˘gui jíi˘ júu˘ e nicafé˘ jaléng˘ dsea˘ quiá˘ Dsea` Jmáang˘ lamí˘ jéeng˘gui uii˘ quií˘, e la'eáang˘ cóo˘ e júu˘ jo nijmi˘úun˘ e nijméé˘ røø lajii˘ ta˘ e nicang˘n˘. Jo jmée˘ e ta˘ jo la'eáang˘ e nisín˘ teá˘ fí guíá˘ cóo˘ Dsea` Jmáang˘ jogui e nitíin˘ guíi˘ e guíá˘ e catíin˘ e nijme˘. Dsu˘ i líng˘gui dsea˘ niñi˘bre jalé˘ e guíá˘ e ˘né˘ jmér˘ dsu˘ ja˘ cajméer˘ lajo, joba˘ ja˘ té˘r˘ e teáaiñ˘ teá˘ fí guíá˘ cóo˘ Dsea` Jmáang˘. ²⁰ Jo lajob nicalí˘ cóo˘ gáng˘ dseañu˘, jaang˘ i sii˘ Himeneo jogui jaang˘gui i sii˘ Jaang˘, jo nicajáan˘n i dsea˘ la fí jaguó˘ fíi˘ i ˘ling˘ e laco˘ nijmitíiñ˘ e ja˘ cár˘ júu˘ ga˘ uii˘ quiá˘ Fidiéé˘.

2

Jial ˘né˘ nimí˘ dsea` Fidiéé˘ uii˘ quiá˘ dsea` rúíiñ˘

¹ Jo e laba˘ la guíng˘ e liúun˘n jaléng˘ dsea˘ rú˘naa˘, e mi˘ féiñ˘ Fidiéé˘, ˘né˘ mír˘ jmi˘ee˘ uii˘ quiá˘ jaléng˘ dsea˘ rúíiñ˘ e laco˘ sea˘ jalé˘ e ˘néiñ˘, jogui e cuø˘r˘ gui˘máang˘ Fidiéé˘ cóo˘ jalé˘ e jmóo˘ dsea˘ do. ² Jogui ˘né˘ bi˘ mír˘ Fidiéé˘ cajo uii˘ quiá˘ jaléng˘ dsea˘ cøøng˘ i quiu˘ ta˘ cóo˘gui quiá˘ lí˘ doñi˘ i dseata˘ cajo, e laco˘ cuøøng˘ e nilisee˘naa˘ juguiá˘ júu˘ røø e ja˘ jmoo˘naa˘ ta˘ jíng˘, jogui e jmi˘goo˘naa˘ Fidiéé˘ e ngocáng˘ dsí˘naa˘, jogui e see˘naa˘ e jmoo˘naa˘ jman˘ e guíá˘. ³ Co˘ e joba˘ guíá˘, jogui cajo lajoba˘ e íaang˘ dsíí Fidiéé˘ i caleáang˘ jneaa˘aa˘ jee˘ jalé˘ dsee˘ quí˘ií, ⁴ co˘ Fidiéé˘ iíñ˘ e lajím˘ dsea˘ nileáiñ˘ jee˘ dsee˘ quiár˘, jogui iíñ˘ e niliñi˘ dsea˘ lajii˘ júu˘ quiár˘ e catíng˘ Dsea` Jmáang˘. ⁵ Dsuo˘ jo˘ seeng˘gui Fidiéé˘ i fíng˘gui, co˘ jaam˘ Fidiéé˘ i seeng˘; jogui ja˘ seeng˘ fíng˘ i quií˘ jmi˘ i íi˘ íi˘ uíi˘ quiá˘ dsea˘ jmiǵúí fí quini˘ Fidiéé˘, co˘ jíi˘ Dsea` Jmáam˘bing˘ i quií˘ jmi˘ jmé˘ lajo. ⁶ Jo íb˘ dsea˘ i cajáng˘ ˘ñia˘ car˘ cajúíñ˘ e laco˘ niquíir˘ cuaiñ˘ quiá˘ jalé˘ dsee˘ quiá˘ jaléng˘ dsea˘ jmiǵúí, jo jalé˘ e jo cajmijnéem˘ Fidiéé˘ mi˘ catí íi˘ lajo. ⁷ Jo uíi˘ e joba˘ e ca˘náang˘ Fidiéé˘ jnea˘ e líin˘n jaang˘ dsea˘ apóo˘ i quie˘ júu˘ quiá˘ Dsea` Jmáang˘ jogui i ni˘ júu˘ quiá˘ dsea˘ do. Jo casíiñ˘ jnea˘ e laco˘ ni˘éé˘ e jaléng˘ dsea˘ i ja˘ líng˘ dsea˘ Israel e júu˘ sea˘ contøøng˘ e catíng˘ Dsea` Jmáang˘ jogui jial nijáng˘ yaaiñ˘ fí jaguó˘ Fidiéé˘ cajo. Jo dseáng˘ já˘ e júu˘ e cafá˘ a na, co˘ ja˘ jmiǵóo˘.

⁸ Jo lajoba˘ iing˘ jnea˘ e jaléng˘ dsea˘ güijmifém˘bre Fidiéé˘ fí doñi˘ jíé˘ fí lí˘ seeiñ˘ e í dsíir˘ jman˘ e guíá˘ jogui e o˘ guíiñ˘ o˘gui e jíiñ˘ cajo. ⁹ Jogui lajoba˘ iing˘ jnea˘ cajo e jaléng˘ dseam˘ güiquí˘bre sír˘ laco˘ catíng˘, jogui e ja˘ ˘né˘ fa˘ e cár˘ ˘mi˘ e ˘goo˘ e toø jalé˘ e ˘mo˘, o˘gui ˘né˘ fa˘ e nijmi˘íing˘ ˘ñia˘r˘ e nijmér˘ e jlo˘gui jñuquir˘ o˘gui ˘né˘ e cár˘ jalé˘ ní˘ e ˘mo˘ eáang˘ lafa˘ cunée˘

osi cuu~ e 'mo^ eáang' o'gui si'r^ e 'mo^ eáang' cajo. ¹⁰ Jo dsu' ja 'né- jmér- lajo, co' lí^ lí' 'né- e jmér- jmang'- e guiáb- laco' catíng- e jmóo' jaléng' dseamf i dseáng'- nijáng' yaang~ fí' jaguó' Fidiée'. ¹¹ Jo lajaléng' dseamf 'né- e nú- bre lajalé' e e' dsea' quiá'- Dsea' Jmáang- e ja' séer' teá' jii~ coo', jogui cajo 'né- e náu~ bre lajii~ e ta~ e si'í^ e nijmitir~. ¹² Jo o'gui jnea~ cuøø- fí' e jaléng' dseamf ni'é- fí' lí' siseáng' dsea' o'gui e nisór' yá'^gui laco' dseañu', co' iing~ jnea~ e tiib- nijér- mi~ nití- lí' siseáng' dsea' quiá'- e nijmiféiñ' Fidiée'. ¹³ Dsaco' cuøøng' Adámbing' i cajméaang' Fidiée', joguiba' cajmeáaiñ' i dseamf i sii' Eva do. ¹⁴ Jogui o' Adán i caligóng', co' i dseamf i sii' Eva do, íb' i caligóng' quiá'- fii' i 'ling'^ do ie~ jo, jogui mi~ caligóñ' quiá'- i 'ling'^ do, job mi~ ca'uíng- dsee- fí' jmigüi' la. ¹⁵ Dsu' nileám' jaléng' dseamf jee~ dsee- quiá'r- song nijmitir~ lajii~ e jmóo' jaang' niquíá'^ dsea', jogui song e ngocáng' dsíir' nijáng' yaaiñ' fí' jaguó' Dsea' Jmáang- e ja' litúng- dsíir' jogui song nijmi'neáaiñ' jaléng' dsea' rúíñ', jogui cajo song seeiñ' laco' catíng- e jmóo' dsea' i cúing' Dsea' Jmáang-.

3

Jial 'né- lãng' dsea' i quie' nifí' quiá'- dsea' quiá'- Dsea' Jmáang-

¹ Jo lajob fíi-guú' 'nu', Timoteo, jo dseáng'- e jáb'- e júu^ la: song jaang' dsea' iñ~ e nicár' nifí' quiá'- dsea' quiá'- Dsea' Jmáang-, joba' coo' ta~ guiáb- jøø- e iñ~ nijmér- jóng. ² Co' i dsea' i quie' nifí' do 'né- jmér- jmang'- e guiáb- e laco' ja' cuøøng' e nicuó'- dsea' dsee- ír'. Jogui ja' 'né- e seeng' fíing' dseamf quiá'r-, jogui 'né- e iu~ dsíir' cóo'~ jalé' ta~ quiá'r- jogui e guing~ dsíir' cóo'~ jalé' ta~ e nijmér-, jogui 'né- e nijmi'gó' dsea' ír'. Jogui 'né- e si'íiñ' e cuó'r- lí^ doñí' iñ' dsea' e nidóñiñ'- jogui lí~ nijéiñ'- mi~ ii' guilíng- fí' quiá'r-; jogui eáang' 'né- tiiñ' e e'r' jaléng' dsea' cajo; ³ jo ja' cuøøng' fa' e líiñ' jaang' dsea' íng' o'gui e jmóor' ta~ tíng' cóo'~ dsea' rúíñ', co' 'né- e líiñ' jaang' dsea' i jmicóo'~ dsea' rúng', jogui e ja' 'nóor' má'~; jogui 'né- e líiñ' jaang' dsea' i ja' dsináang' cuu- cajo. ⁴ Jo i dsea' í' 'né- e tiim-bre quiu'r' ta~ sináa^ quiá'r-, jogui 'né- e quiu'r' ta~ røø' jaléng' jóor' e laco' nijmitiñ' røø' jalé' ta~ huí'; ⁵ dsaco' song jaang' dseañu' ja' tiiñ' quiu'r' ta~ røø' sináa^ quiá'r-, joba' zjial nilí'r' e niquíu'r' ta~ jaléng' dsea' quiá'- Dsea' Jmáang- jóng? ⁶ Jo lajob líí', co' i dsea' i quie' nifí' do ja' cuøøng' e líiñ' jaang' dsea' i tá' caqui'- cajíng' 'ñia' e ca'uíñ' dsea' quiá'- Dsea' Jmáang-, co' jial fíng cabíng- Fidiée' ír' uíi~ e cajmijlóng' 'ñia'r' lí^ laco' calí- cóo'~ fii' i 'ling'^ malii~ gui eáang'. ⁷ Jogui 'né- e líiñ' jaang' dsea' i catíng- e nijmi'gó' i dsea' i ja' líng' dsea' quiá'- Dsea' Jmáang- do ír', jo lajoba' ja' nicuó'- dsea' dsee- ír' o'gui nijmigøøng' fii' i 'ling'^ ír' cajo.

Jial 'né- lãng' jaléng' i dsea' i née' ni~ jaléng' dsea' quiá'- Dsea' Jmáang-

⁸ Jogui lana iin~ n fá'^a quiá'- jaléng' dsea' i jmóo' ta~ née' ni~ jaléng' dsea' quiá'- Dsea' Jmáang-. Jo jaléng' í' 'né- líiñ' dseañu' i guiúng- i jmi'gó' dsea' quiá'-, jogui 'né- e quier' jmang'^ júu^ e já'-, jogui ja' cuøøng' fa' e nijmér- ta~ í' o'gui e jmér- ta~ jmigøøng' dsea' cajo e laco' nilí'r' cuu-. ⁹ Jogui 'né- e dseáng'- e jáb'- líiñ' car' ngocáng' dsíir' e júu^ quiá'- Dsea' Jmáang- e já'- lí'naa' do, jogui 'né- ñi'bre jnang- e guiá- e nijmér-. ¹⁰ Dsu' la'uii~ jang'- 'né- ñiñ' coo' ta' jiiab e fí' lí' seáng' dsea', jo song guiá- nijmér- e ta~ jo, joguiba' nicuøøng' e niliñ' dsea' i née' ni~ dsea' quiá'- Dsea' Jmáang-. ¹¹ Jogui lajobi jaléng' dseamf quiá'- jaléng' i dseañu' i née' ni~ jaléng' dsea' quiá'- Dsea' Jmáang- 'né- e líiñ' dseamf i catíng- e nijmi'gó' dsea' ír', jogui 'né- e ja' quier' jalé' adsee, jogui dseáng'- eáang' 'né- e iu~ dsíir' cóo'~ jalé' ta~ jmóor', jogui 'né- e éer' laco' catíng- cóo'~ jalé' e jo. ¹² Jo i dseañu' i née' ni~ do ja' cuøøng' fa' e seeng' fíing' dseamf quiá'r-, jogui 'né- e tiiñ' quiu'r' ta~ røø' jaléng' jóor' cóo'~ gui jaléng'

dsea`sinúu` quiá'r` i caguaang`gui. ¹³ Dsucó' mi` jmóo` jaléng' i dsea` i née' ni` do røø` jalé' ta` quiá'r`, joba' lí'bre e jmi'gó' jaléng' dsea` ír` jogui e eáang`gui líta` dsíir' e teáaiñ` teá' fí' guiá- cóo' Dsea` Jmáang`.

Júu` laniing` e caliñi` dsea` quiá'- Dsea` Jmáang`

¹⁴ Jo eám' iin`n e ninii`i fí' na lajee` lajmináb` e nimáang`túu` 'nu` calé' catú-; dsu' lana jmo'o e jì' la, ¹⁵ dsucó' song cacøøng`guí e ja` mí' guiéé' e fí' na, joba' niñi`ba' jial`né` ée` jaléng' dsea` quiá'- Dsea` Jmáang` i líng' laco' dsea` sinúu` quiá'- Fidiéé` i jí' jogui i seeng` contøøng` do. Jo jaléng' i dsea` íbing' i se' teá' jogui e jmi'ó'r` lajii` e júu` já'- e cajmée` Fidiéé` la'eáang` cóo' Dsea` Jmáang`. ¹⁶ Jo dseáng'- eám' laniing` 'gøng' jalé' e júu` jo e ja` cajmijnéeng` Fidiéé` lami` jéeng`gui do. Jo lalab` lí' e júu` jo: Dsea` Jmáang` cajmijnéeiñ` 'ñia'r' fí' jmigüi` la e líiñ` jaang` dsea` la jneaa`aa', jo e Jmiguí` quiá'- Fidiéé` do cuø` lí' e Dsea` Jmáang` líiñ` jaang` dsea` i ja` røøng` dsee` júi` cóo'. Jo cangám` jaléng' ángeles` ír'. Jo eáang` cani` júu` quiá'r` fí' la'úng` fí' jmigüi`, jogui i fíim` eáang` já'- calíng` júu` quiá'r`, jo cangám`-tur` fí' ñifí` calé' catú`.

4

Jial` lí' cóo' jaléng' dsea` i tú' e teáaiñ` fí' guiá- cóo' Dsea` Jmáang`

¹ Jo dseáng'- lí' laco' fé' Jmiguí` quiá'- Fidiéé` e mi` tí' lí' jaquiéeng` e ni'íng` jmigüi`, jo ie` jo niliseeng` i líng` dsea` i nitú' e teáaiñ` fí' guiá- cóo' Dsea` Jmáang`, có' nijmér` náu'r` lajii` júu` e ni'é` jalé' guí' lí' e jmigóo'; jo jalé' e nijmigóo` do jáa' quiá'- jaléng' i 'líim'. ² Jo jaléng' i dsea` i e' jalé' e júu` jo líiñ` dsea` i jmicaang` jogui i adsee` cajo, jo lajii` e í' dsíir' do ja` quiá'` jmí` e niliñir` su guiá- `osi ja` dseeng` é, có' contøøm` jmóor` jalé' e ja` dseeng` e coøb` mi` jáb'- niliñ` e guiáb` jalé' e jmóor` do. ³ Jo jaléng' i dsea` lala quiá'r` ta` e ja` cuøøng` nicúng' dsea` guóor` o'gui cuøøng` e nidó'- dsea` lí' doñi` ee` jmiñi`; dsu' Fidiéé`bing' i cuø' fí' jaléng' dsea` i níling` dsea` quiá'r` i nicuí' jalé' júu` já'- quiá'r` cajo e cuøøm` dóiñ` do doñi` ee` jmiñi`, lífa' 'né` e niñiñ` gui'máam' quiá'- jalé' e jo. ⁴ Dsucó' guiáb` laji` e cajmée` Fidiéé` fí' jmigüi` la, joba' ja` cuøøng` fa' e nífé'naa' e ja` dseeng` song ni'íng`naa' jalé' e jo e cuøø`naa' gui'máang` Fidiéé`. ⁵ Có' la'eáang` cóo' e júu` quiá'- Fidiéé` e fé' dsea` mi` féiñ' dsea` do, ligüeam' jalé' e jo.

Jial` líng' jaang` dsea` i jmóo' lajii` e iing` Dsea` Jmáang`

⁶ Jo song ni'é` jaléng' dsea` quiá'- Dsea` Jmáang` e júu` la, jogui eám' tí' o' e jmitím`bi' e júu` quiá'- e teáang` dsea` teá' cóo' Dsea` Jmáang` jogui jalé' e júu` jlo' e nicañi' jmitín', joba' ni'uín' jóng` jaang` dsea` i jmóo' guiá- lajii` e iing` Dsea` Jmáang`. ⁷ Jo dsu' 'nu` 'né` jmée' e ja` já'- líin' jalé' júu` e ja` e uing` sea` lí' laco'gui la fé' i líng` dsea` áang` qui`naa'; có' lí' lí' 'né` e nijmi'úun' e jmi'goo`bi' Fidiéé` car` ngocáng` o' cóo' jalé' e jmoo' jogui cóo' jalé' e fó', có' e lajoba' e íng` ta` quiá'- . ⁸ Jo íim`jiá ta` quiá'- dsea` mi` jmóor` e cuø'r` bí' ngúu` táaiñ`, jo dsu' eáang`gui íng` ta` fíng` e jmi'gó' dsea` Fidiéé` car` ngocáng` dsíir', dsucó' e jo eám' íng` ta` quiá'r` fí' jmigüi` la jogui fí' jmigüi` cóo' cajo. ⁹ Jo lajaléb' e fá'a na dseáng'- lajam`ba' e já'-, joba' lajiiim` dsea` 'né` e jáb'- niliñ` e júu` jo cajo. ¹⁰ Jo uing` e lajoba' e cuø' bí' yee`naa' jogui eám' íng`naa' iihuí` jee` e ta` la, có' nita` dsí'naa' cóo' i Fidiéé` i jí' do e íbing' i láang` dsea`

jee` dsee` quiá'r`, lifa' eáang`gui jee` jaléng` dsea` i ja` líng` júu` quiá` Dsea` Jmáang`.

11 Jo lajalé` e júu` la 'né` fí` jaléng` dsea` jogui 'né` é`re cajo. 12 Jo jie` mí` cuø` fí` uø` fa' e nijmé` dsea` e ja` ja` líng` júu` quiá` dsu` uí` e simim`bí` laco`gui yaaiñ`. Co' lí` lí` 'né` e nisín` nifí` jee` jaléng` dsea` quiá` Dsea` Jmáang` cóo` lajalé` e fó` jogui cóo` lajalé` e jmoo` jogui cóo` jial 'neáan` dsea` rún`. Jogui 'né` e sin` teá` fí` guiá` cóo` Dsea` Jmáang` jogui e jmée` jmang` e guiá` e laco` ja` ni`ee` dsee`. 13 Jo lajee` e ja` mí` guiée` e fí` na, cuøø` bí` uø` e ni`fí` jalé` júu` quiá` Fidiée` fí` lí` seáng` dsea`, jogui cuøø` gui` bí` jaléng` i dsea` í` cóo` e júu` jo, jogui ée` guir cajo. 14 Jogui jmée` ta` røø` lajii` e tii`n` ngán` e cacuø` Fidiée` 'nu` mí` caquidsí` jaléng` yáa` dsea` cóøng` quiá` dsea` quiá` Dsea` Jmáang` guóor` fí` moguí` jo lajee` jo fé`r` júu` quiá` dsea` do.

15 Jogui quie` cuente røø` cóo` jalé` e na, jo lajoba` cuøøng` e niliñí` dsea` jiéng` jial jmícuáan` e sin` teá` cóo` júu` quiá` Dsea` Jmáang`. 16 Jo títng` cóo` lajalé` e jmoo` jogui cóo` lajalé` e e` dsea` jiéng` cajo, jogui ja` jmitúng` o` e sin` teá` cóo` júu` quiá` Dsea` Jmáang`. Jo song jmití`ba` lajalé` e júu` na, joba` Fidiée` nileáng` 'nu` jee` jalé` dsee` quiá`, jogui lajob` nijmér` cajo cóo` jaléng` dsea` i núu` jogui núu` júu` quiá`.

5

Jial 'né` ée` dsea` cóo` dsea` quiá` Dsea` Jmáang`

1 Jo fí` guí` 'nu`, Timoteo, jie` mí` jmoo` e jín` jaléng` dsea` cóøng`, co' lí` lí` 'né` e cuø`re bí` cóo` júu` røø` lafa` mí` siin` cóo` tiquí`ba`. Jogui 'né` siin` røø` cóo` jaléng` siming` e lafa` siin` cóo` rún` dsea` ngáang` cóo`ba`. 2 Jogui 'né` jmí`goo` jaléng` dseamf` i nidseáng` lafa` niquí`ba`, jogui cajo 'né` jmí`goo` jaléng` simí` e lafa` rúm`ba` jo ja` cuøøng` e í` a` e ga` cóo`r`.

3 Jogui cajo jmí`goo` jaléng` dseamf` 'nii` i ja` seeng` i nijmicóo` quiá`r` cóo` jalé` e 'né`r`. 4 Jo song i dseamf` 'nii` do seeng` jóor` osi guieer` é, joba` í`bing` i catúng` i 'né` nijmé` í` ír` e laco` nijmitíiñ` do la`uii` jial e 'né` nijmicóo`r` jaléng` dsea` sinúu` quiá`r` jogui jial e nijmér` lí` laco` cato` fíng` sejmiir` ír`, dsuco` lajoba` e guiá` jogui cajo lajoba` e íáang` dsí` Fidiée`. 5 Jo i dseamf` i dseáng` ja` i 'nii`ng` i ja` i seeng` i nijmé` í` ír`, dsu` nitab` dsír` e Fidiée`bing` i nijmé` í` ír` contøøng`, joba` yejib` féiñ` dsea` do jogui uøø` jmáb` mí`r` dsea` do jmí`ee` e nijmicóo`reiñ`. 6 Dsu` i dseamf` 'nii` i suung` la jmang` e jlo` e sea` fí` jmigü` la líiñ` lafa` ni`liim`bre cóo` jalé` e lí` dsír` do. 7 Jo fí` guí` 'nu`, Timoteo, íi` 'goo` cóo` jaléng` dsea` quiá` Dsea` Jmáang` e júu` e nicafá` a na e laco` ja` cuøøng` nicuø` dsea` dsee` ír`. 8 Jo song ii` dsea` ja` guing` dsír` fa` e nijmicóo`r` dsea` rúñ` lí` la quie` cartí` dsea` sinúu` quiá`r` ja` iñ` fa` e nijmér` lajo, joba` i dsea` í` nicatú`bre lajii` e siñ` teá` fí` guiá` cóo` Dsea` Jmáang`, jo dseáng` ga`gui`b` lí` quiá`r` laco`gui jaang` dsea` i ja` mí` ja` líng` júu` quiá` dsea` do.

9 Jo lajii` dseamf` 'nii` i nitaang` fí` ni` jì` quiá` e nilicóo`r` cóo` jalé` e 'né`r` 'né` e ngoliñ` lí`gui laco` sesenta jii` jogui e jaam` dseañu` quiá`r` caliséng` lajee` cateáaiñ` fí` jmigü` la. 10 Jo i dseamf` 'nii` do 'né` e ñib` dsea` e líiñ` jaang` dsea` i guiúng` cóo` jalé` e guiá` e nicajméer`; lafa` song nicato` fíiñ` røø` jaléng` jóor`, jogui song nica`éer` e guiá` cóo` jaléng` dsea` i guíling` fí` quiá`r`, jogui song nicaru`r` tii` jaléng` dsea` quiá` Dsea` Jmáang`, jogui song nicajmicóo`r` jaléng` dsea` i nica`íng` iihuí`, lí` lajee` laji` e guiá` e nicacuø` bí` 'ñia`r` e nicajméer`.

11 Jogui ja` 'né` fa' e nitáang` fí` ní` jì` do jaléng` i dseamf` 'nái` i ja` mí` ngolíng` sesenta jii` e laco' nilicóo'r` cóo` jalé` e 'né`r` ; dsuco' coob` mí` nili'iiñ` e nidsihuíñ` cóo` júu` quiá`- Dsea` Jmáang` , jo iiñ` e nicúm` tur guoor` calé` catú` , 12 joba' dseeb` nilisea` quiá`r` jóng` quiá`- e ja` nijmitir` lajii` e sí`í` e catíiñ` e nijmér` . 13 Jogui cajo jmóor` ta` ngí` la gui` 'núu` e o' e ta` , jo lajoba' e uíng` e lifíiñ` ; jogui o' jii` e lifíiñ` do cajo, co' ngír` ta` quie` adsee` lí` doñí` lacaang` jié` lí` ja` catíiñ` , jogui fé`r` jalé` júu` e ja` catíng` nijmér` lajo. 14 Joba' iing` jnea` e nicúm` tu guoo` calé` catú` jaléng` dseamf` 'nái` i bí`bi` dsí` , jogui e niliseeng` jóor` , jogui e niquiá`-bre ta` røø` sínúu` quiá`r` , jo lajoba' jii` jaang` dsea` cuøøng` nicuø`-reiñ` dsee` . 15 Dsuco' seem` i líng` dseamf` 'nái` i nica'naam` yaang` fí` guiá`- cóo`- Dsea` Jmáang` jo nicanaaiñ` e síng` yaaiñ` fí` ga` cóo`- fii` i 'líng` .

16 Jo jaléng` dsea` quiá`- Dsea` Jmáang` i seeng` dseamf` 'nái` jee` dsea` sínúu` quiá`r` , güijmée` breiñ` í` , jo lajoba' ja` 'né` e nicá` i dsea` quiá`- Dsea` Jmáang` i caguaiang`-gui do ta` e nijmicóo`-reiñ` cóo`- jalé` e 'néiñ` .

17 Jogui jaléng` dsea` cóøng` i quiu` ta` røø` jee` jaléng` dsea` quiá`- Dsea` Jmáang` 'né` e niquib` e 'léeiñ`- laco' catíng` , dsu` eáang` gui guíng` 'né` lí` lajo cóo`- jaléng` dsea` i jmóo` ta` guía` jogui ta` e júu` quiá`- Fidiée` . 18 Dsuco' lalab` fé` fí` ní` jì` quiá`- Fidiée` : "Ja` jnái` mo'oo` jó` núu` quií`- lajee` e ø're' cuí`iee` ." Jogui fé`-gui cajo : "Jaang` dsea` i jmóo` ta` dseáng`- 'né` quib` e 'léeiñ`- laco' catíng` ."

19 Jogui ja` jmijii` cajo fíng` song` jmóo` dsea` dsee` quiá`- jaang` lajee` i dsea` cóøng` i quie` nífi` quiá`- dsea` quiá`- Dsea` Jmáang` song` ja` mí` caguilíng` gáng` gaang` dsea` jiéng` i tí` ní` i nija`- júu` røø` cuaiñ` quiá`- jalé` e jo .

20 Jogui jaléng` dsea` quiá`- Dsea` Jmáang` i ja` quiu` dsí` e jmóo` bir` jalé` e 'lí` , joba' 'né` fí`re` fí` quini` jaléng` dsea` quiá`- Dsea` Jmáang` e ja` dseeng` jalé` e jmóor` do, jo lajoba' ní`f` 'gó` quiá`- i caguaiang`-gui i iing` jmé` lajo .

21 Joba' fí`-guí` 'nú` , Timoteo, jalé` e júu` la fí` quini` Fidiée` quí`-ii` jogui fí` quini` Dsea` Jmáang` cóo`-gui fí` quini` jaléng` ángeles, e dseáng`- 'néb` e contøøm` tóo` o' jalé` e júu` e nicaí`-i` 'nú` la, jo ja` jmo` cuente jalé` e fé` dsea` , jo coo` gui'náb` 'né` í` í` . 22 Jogui jie` mí` quidsi` guoo` fí` mogui` jii` jaang` dsea` lajminá` e ja` mí` ca'í` o' røø` , jo lajoba' ja` niquin` jee` dsee` quiá`- i dsea` í` , jogui jmí`úun` e ja` nitén` fí` ní` dsee` .

23 Jo fí`-guí` 'nú` , Timoteo, e mí` ja` 'goo` dseeng` tu` jo ja` u` layaang` jmí` , co' guiá`-gui ní`u` capí` jmí` mí` huíng` jó` e nicó` .

24 Jo seab` dsee` quiá`- i líng` dsea` e dsifib` líñi` dsea` nú`-gui e nití` fí` lí` nití`dsí` í` quiá`r` , dsu` sea`bi` dsee` cajo e ja` líñi` dsea` cartí` mí` niguiée` i dsea` i óo` dsee` do fí` quini` dseata` . 25 Jo lajob` lí` cóo`- jalé` e guiá`- e cajmée` dsea` , sea`ba' e dsifib` lílír` , jo sea`bi` cajo e ja` nilílír` dsifí` jo cøøng`-gui nilílír` , dsuco' ja` cuøøng` fa` lí` níjé` lajo e sí`maang` .

6

1 Jogui jaléng` dsea` quiá`- Dsea` Jmáang` i jmóo` ta` quiá`- dsea` 'né` e eám` nijmí`gór` fíir` e lí` jmóor` ta` do, jo lajoba' ja` ní`uíng` e nífé` dsea` ga` uii` quiá`- Fidiée` jogui uii` quiá`- júu` quiá`r` cajo. 2 Jogui song` i líng` dsea` quiá`- Dsea` Jmáang` i jmóo` ta` quiá`- dsea` do seeng` fíir` i líng` dsea` quiá`- Dsea` Jmáang` cajo, jo jie` mí` tár` e jmí`gó`reiñ` , dsuco' røøb` teáaiñ` fí` guiá`- cóo`- Dsea` Jmáang` . Co' lí` lí` 'né` e nijmitir` røø`-gui jalé` ta` quiu` i fíir` do, dsuco' dsea` quiá`- Dsea` Jmáang` i 'neáang` rúng` líng` i dsea` i íng` e ta` e jmóo` i dsea` i jmóo` ta` quiá`r` do. Joba' fí`-guí` 'nú` , Timoteo, ée`-gui dsea` jalé` e júu` na jogui sí`-guir` cajo e güijmiti`-bre lajii` e júu` jo .

Jial lá' mĩ dsináang' dsea' cuu-

³ Jo song seeng' i e' júu^ e jié'gui e ja' cóong' røø' cóo' jalé' júu^ e ca'e' Dsea' Jmáang' jogui cóo' jalé' júu^ quiá'- jial niliseeng' dsea' cóong' cóo' Fidié',
⁴ joba' i dsea' í líiñ' jaang' i jløm'^ i ja' e tiing' jii' cóo'. Co' dsea' lafa' jmohuñ' quiá'r- e jmóor' ta' tting' júu^ quiá'r- e ja' cuø'r' júu^ ruiñ' cóo' lí' doñí' e síiñ'; jo fí' job lí' uíng' jalé' dsihuñ' jogui e ja' seeiñ' røø' jogui e jmiguiñ' dsea' ruiñ' jogui e ja' sea' júu^ ta' dsí' quiá'- ruiñ',
⁵ jogui jmóor' ta' tting' e ja' guiéng' jee' jaléng' dsea' ruiñ', co' jmang' jalé' e 'li'^ba' í dsír', jogui ja' cuír' lajii' júu^ sea' contøng- e catíng- Dsea' Jmáang-, jo jmáañ' ta' e júu^ jo e laco' nilí'r' cuu-. Jo jie' mĩ jmoo' e niquin'^ jee' jaléng' i dsea' í. ⁶ Jo e jáb'- dseáng'- lajob lí', co' eám' jlo'^ jogui eám' quíng' cajo e júu^ quiá'- Fidié' quiá'- jial niliseeng' dsea' cóong' cóo'r-, dsu' lí' lajo jii' quiá'- jaléng' dsea' i jmi'iaang' dsí' cóo' jii' e sea' quiá'-bre. ⁷ Dsaco' jii' cóo' ja' ee' mĩ sea' qui-naa' mĩ caliséng'naa' fí' jmigü' la, jogui jii' cóo' ja' e cuøng' lí' lé'naa' fí' jmigü' la mĩ nidseá'^naa' fí' jmigü' cóo';
⁸ jogui song seab' jalé' e quiee'naa' jogui jalé' sí'naa', joba' cóo' jii' e job 'né' e nijmi'iaang' dsí'naa'. ⁹ Jo dsu' jaléng' dsea' i eáang' iing' jmeáng' yaang' e nilisea' cuu- quiá'r-, ja' té'r' e iñ' nijmér- jalé' e ja' dseeng' e laco' nilí'r' e cuu- do. Jo job lí' uíng' e nisi' fí' ga' quiá'r- e nijmér- jalé' e ja' uíng' sea' jogui eáang' 'lee' quiá'r- cajo. Jo mĩ jmóo' dsea' jalé' e jo, job lí' uíng' e íng- quiá'- dsea' jogui e nidsiliñ' fí' lí' 'li'^ mĩ nití- oor' quiá'r-.
¹⁰ Dsaco' mĩ dseáng'- eáang' dsináang' dsea' cuu-, job lí' uíng' quiá'r- e iñ' nijmér- jalé' e 'li'^; jogui i líng' dsea' nicatú'bre e teáañ' fí' guiá- cóo' Dsea' Jmáang- dsu' uí' e jmóor' lajo, joba' lana eám' ja' juguiá- niseeñ'.

Júu^ laniing' quiá'- Paa- e casí'r- Timoteo

¹¹ Jo fii'-guñ' 'nu', Timoteo, 'nu' i líng' dsea' quiá'- Fidié', jmihuíng' uø' quiá'- jalé' e 'li'^ na. Jo güiliseem'ba' fí' jmigü' la e ee' jmang'- e guiá-, jogui contøom- 'né' guíng' o' e jme'^ jii' e íaang' dsí' Fidié' jogui e sin' teá' cóo' júu^ quiá'r- jogui e jmi'neán' dsea' rún' jogui e féng' o' cóo' jalé' iihuñ' e íin' jogui e ja' jmijløng'^ uø' cóo' dsea' rún'. ¹² Jogui cuøø' bí' uø' e contøng- sín' teá' fí' guiá- cóo' Dsea' Jmáang-; jogui jie' mĩ tiun' jalé' e júu^ na, joba' nitin' fí' lí' guiá- mĩ nijúun', dsaco' uíng' e lajoba' e cató'- Fidié' 'nu', jogui uíng' e joba' cajo cajmee- 'nu' júu^ fí' quini' fíng' dsea' e dseáng'- e já'-ba' e sin' teá' cóo' Dsea' Jmáang-. ¹³ Jogui lana fii'-guñ' 'nu', Timoteo, fí' quini' Fidié' i cuø' e jí' dsea' fí' jmigü' la, jogui cajo fí' quini' Dsea' Jmáang- i café' juguiá- quiá'- Fidié' fí' quini' Poncio Pilato, ¹⁴ joba' fii'-guñ' 'nu' e jmée'ba' náu'^ jalé' e nifí' i 'nu', jo ja' jmisín'^ jalé' e jo cóo' e jié', jo lajoba' ja' e uíng' sea' e nijin'. Jo jmee'-bí' lajo cartí' mĩ nití- í' e nigüéng- tü Fii'naa' Dsea' Jmáang- fí' jmigü' la. ¹⁵ Jo nijmé- Fidié' lajo mĩ nití- e í' jo, dsaco' jii' íb' dsea' i güeang'^ jogui i néé' ní' lajalé' cóo' lajaléng' jogui i níng- gui eáang' jee' jaléng' dsea' mogui-, jogui jii' íb' Fii' féng' quiá'- jaléng' dsea' quiá' ta' cajo. ¹⁶ Jogui jii' íb' i ja' tóo' jmí' e nijúuiñ-, jogui contøom- seeiñ' e guíñ' lí' jlo'^ jneá' jí' e jii' jaang' dsea' jmigü' cuøng' lí' dsiquiéiñ' fí' jo, o'gui jii' jaang' dsea' mĩ cangáañ' dsea' do o'gui lí'r' fa' e niníñ- dsea' do cajo. Jo majmifém'baa're lata-, co' jii' íb' dsea' i 'gøng'! Jo lajob nilí'.

¹⁷ Jo fii'-guñ' 'nu', Timoteo, e júu^ la: Sí' jaléng' dsea' i eáang' sea' cuu- fí' jmigü' la e ja' güijmjiløng'^ yaaiñ' e eáang' ta' dsír' cóo' jalé' cuu- quiá'r-, dsaco' jalé' e jo seab' mĩ ja' ee' quíng' jii' cóo'. Dsu' ja' 'né- jmér- lajo, co' lí' lí' 'né- jmér- e ta' dsír' jii' cóo' Fidiéeb-, co' jii' íbing' dseáng'- i cuø' jalé' e 'né- naa' quiá'- e see'-naa' fí' jmigü' la. ¹⁸ Jo sí' jaléng' i dsea' sea' cuu- do e güjmée'bre jmang' jalé' e guiá-, jogui e eáang' güijmicóo'r- jaléng' dsea' ruiñ', jogui e contøng- guíng' dsír' e nijmicóo'r- cóo' jalé' e sea' quiá'r-

jaléng' dsea` i ja` sea` jalé' e 'né'. ¹⁹ Jogui song nijmicóo' i dsea` sea` cuu` do jaléng' dsea` rúin' cóo' jalé' e sea` quiá'r-, joba' sea` uiing` quiá'r- e nitíin' fí' lí' guiá- mi~ nijúuin' e niliseeiñ` juguiá- júu^ røø` lata~.

Júu^ lí' cadséng- quiá'- Paa-

²⁰ Jo fí-guá' 'na, Timoteo, jie~ mí jmitúng- o' lajii' ta~ e nica'íin' quiá'- Fidié'. Jogui jie~ mí' já'- nuu' jalé' júu^ 'lí' e ja` uiing` sea, o'gui e jmée' ta~ jing` cóo' jaléng' dsea` i jing'- e tiiñ` ngáin'. ²¹ Dsucó' i líing` dsea` i já'- nicalíng- e júu^ jmigóo` do nīcatábre e já'- líin' júu^ quiá'- Dsea` Jmáang-.

Jo mii' i Fí'naa' Fidié' e ni'ír- güea'^ quiá'r- fí' lí' seeng'na'. Jo lajob nilí'. Jo lanab jii' fé' jì la'uii~ quiá'- Paa- e catíng- Timoteo.

Júu[^] e toq[~] fi' ni[~] ji[~] catí tú⁻ quiá^{'-} Paa⁻ e catíng⁻ TIMOTEO

¹ Jnea[~] Paa⁻, jo jaang[^] dsea[^] apóo[^] i jmóo[^] ta[~] ni' júu[^] quiá^{'-} Dsea[^] Jmáang⁻ lín[^]n, co' lajob íáang[^] dsí' Fidié[~] cajméer[^] cóo[~] jnea[~]. Jo la'eáang[^] e niseen⁻ cøng[^] cóo[~] Fí'naa' Jesús, joba' Fidié[~] nicacuø'r' jnea[~] e niliseen⁻ cøng[^] cóo[~]r[~] lata[~] lí' laco' lí' júu[^] quiá^{'-} e nicacuø'r' lami[~] jéeng[^]gui. ² Jo jmo'o e jí' la e catíng⁻ 'nu', Timoteo, co' lín[^] lafa' jóo[^] i eáang[^] iin[~]n. Jo mii[~] i Tiquí'naa' Fidié[~] jogui Fí'naa' Dsea[^] Jmáang⁻ e ni'í'r⁻ güea[^] quiá^{'-} fi' lí' táan[^] jogui e nilí' fí' lí'ni⁻ 'nu' jogui e nicuø'r⁻ 'nu' e niliseen⁻ juguiá⁻ júu[^] røø.

'Né⁻ guiá⁻ dsea[^] júu[^] e jalé[^] jmóo[^] Dsea[^] Jmáang⁻ cóo[~]r[~]

³ Jo laco[^] née[~] mi[~] fón[^]n Fidié[~], dséng[^] dsii⁻ 'nu', Timoteo, jo uøø[^] jmíib[^] cuøø⁻ø gui'máang[^] dsea[^] do uii[~] quií^{'-}. Jo dseáng[^] lajii[~] e iing[~] Fidié[~] jmóo[^] lí' laco[^]gui la cajmée[^] jaléng[^] 'lí' dsea[^] áang[^] quié⁻e, jo tab[~] dsii⁻ e guiáb⁻ jmóo[^] jalé[^] e ta[~] jo fi' quini[~] Fidié[~]. ⁴ Jo tóob[^] dsii⁻ jial fi'í' calín⁻ mi[~] ca'í' júu[^] rú[^]naa', joba' iim[~]baa máang[^]túu 'nu' calé[^] catú⁻ e laco' nilí'íáang[^]tu dsii⁻. ⁵ Jo tóob[^] dsii⁻ cajo e dseáng[^] e lajam[^]'ba' teá[^] sin[^] cóo[~] júu[^] quiá^{'-} Dsea[^] Jmáang⁻ e ngocáng[^] o'. Co' la'uii[~] cajmée[^] lajo i niyúng[^] quií^{'-} i sii[^] Loida jogui niquí[^] i sii[^] Eunice, jo tab[~] dsii⁻ e lajob nilíng[^] 'nu' cajo.

⁶ Joba' fí'guí[^] 'nu', Timoteo, jmeáang[^]gui' ta[~] lajii[~] e quií^{'-} jmí[~] e cangíng[^] quiá^{'-} Fidié[~] mi[~] caquidsii[^] guóo[^] fi' yá[^] moguí[^]. ⁷ Dsaco[^] Fidié[~] ja' cacuø'r' jneaa[^]aa', dsea[^] lí'naa' dsea[^] quiá^{'-} Dsea[^] Jmáang⁻, Jmiguí[^] quiá^{'-} e laco' nijmó[^]naa' 'gó[^]naa', co' cacuø'r' jneaa[^]aa' Jmiguí[^] quiá^{'-} e 'gøng[^] e laco' quií^{'-}naa' jmí[~] jogui e nijmi'neáang[^] rú[^]naa' jogui e lajang[^] i' dsí'naa' røø cóo[~] jalé[^] e jmoo[^]naa'. ⁸ Joba' ja' jmoo[^] e i' lín[^] e niguiá[^] júu[^] jalé[^] e cajmée[^] Fí'naa' Jesús, o'gui jmoo[^] i' lín[^] uii[~] quié⁻e cajo dsu[^] uí[^] e sijnín[^] fi' dsí' 'nuí[^] dsu[^] e guiaa[^] júu[^] quiá^{'-} dsea[^] do. Dsu[^] lí' lí' né⁻ e guiab[^] o' e ni'íin[~] jalé[^] iihuí[^] lí' laco' la íin[^] jnea[~] uí[^] e guia[^]naa' júu[^] quiá^{'-} Dsea[^] Jmáang⁻ quiá^{'-} jial laang[^] dsea[^] jee[~] jalé[^] dsee⁻ quiá^{'-}. Jo Fidié[~] bing[^] i jmícoo[^] 'nu' cóo[~] bí quiá^{'-} jee[~] jalé[^] e dsingín[^] do. ⁹ Jo Fidié[~] dsea[^] i caleáang[^] jneaa[^]aa' jee[~] dsee⁻ quií^{'-} jo nicatø'r⁻ jneaa[^]aa' e laco' dseáng[^] lajang[^] ni'uúing[^]naa' dsea[^] quiá^{'-} i jmóo[^] jmang[^] e iin[~]. Jo lajii[~] nú[^]gui e nitiroo[^] jmíguí[^]ba' e ca'í' dsíir[^] e nijmér⁻ lajo; dsu[^] ja' cajméer[^] lajo uí[^] e nicajmó[^]oo' e guiá⁻, co' cajméer[^] lajo uí[^] e lajob cali'íin[~] jogui co' eáam[^] guiúin[~] cóo[~] jneaa[^]aa' la'eáang[^] cóo[~] Dsea[^] Jmáang⁻. ¹⁰ Jo lana Fidié[~] nicajmilir[~] e eáam[^] guiúin[~] cóo[~] jneaa[^]aa', co' casíin[^] Dsea[^] Jmáang⁻ fi' jmíguí[^] la e laco' nileáin[~] jneaa[^]aa' jee[~] jalé[^] dsee⁻ quií^{'-} jogui e ca'ím[^]bre bí quiá^{'-} 'mó[^] cajo. Jo la'eáang[^] cóo[~] e júu[^] e quiá^{'-} jial laang[^] dsea[^] jee[~] jalé[^] dsee⁻ quiá^{'-} do, cajmijnéeng[^] Fidié[~] jee[~] jneaa[^]aa' jial e nilisee⁻naa' cøng[^] cóo[~]r[~] lata[~].

¹¹ Jo Fidié[~] bing[^] i nica[^]naang[^] jnea[~] e laco' niguiaa[^] jalé[^] e júu[^] na, jogui e nicasiín[^] jnea[~] e lín[^]n jaang[^] dsea[^] apóo[^] jogui e lín[^]n jaang[^] tífa[^] i e jalé[^] e júu[^] jo. ¹² Jo uúing[^] e joba' e dsingín[^] iihuí[^] lana. Dsu[^] ja' jmóo[^] i' lín[^] cuaiín[~] quiá^{'-} jalé[^] e jo, dsaco[^] dseáng[^] lajam[^] nicuín[^] Dsea[^] Jmáang⁻ jo fi' jaguó[^]bre nicajáang[^] 'nía[^]a. Jogui eáam[^] nita[~] dsii⁻ e quií^{'-}bre jmí[~] e ni'méin[~] jalé[^] ta[~] e nicangín[^] quiá^{'-} cartí[^] mi[~] nijáa[^]tur calé[^] catú⁻ fi' jmíguí[^] la.

¹³ Jo fí'guí[^] 'nu', Timoteo, jmee⁻ e quié[^] nifi[^] quií^{'-} jalé[^] e nica[^]é⁻ e 'nu' lami[~] jéeng[^]gui e quiá^{'-} jial teáang[^] dsea[^] teá[^] cóo[~] júu[^] quiá^{'-} Dsea[^] Jmáang⁻ jogui jial jmi'neáang[^] dsea[^] rúin[^]. ¹⁴ Jogui la'eáang[^] cóo[~] Jmiguí[^] quiá^{'-} Fidié[~] e seeng[^]

jee~ jneaa~aa', jmee- í^ lajii~ e juguiá- quíá- Dsea` Jmáang- e nicaguiar' fí jaguó'.

¹⁵ Jo niñib^ 'nu` guiá- e jaléng' dsea` quíá- Dsea` Jmáang- i seeng' fí lí se' Asia catiúum-bre jnea~; jo jee- í quíng' i dsea` i sii` Figelo cóo' gui Hermógenes. ¹⁶ Jo mii~ i Fíinaa' Dsea` Jmáang- e nilí fí' líiñ- jaléng' dsea` sinúu` quíá- i dseañu` i sii` Onesíforo, dsuco' jmiguiab' ya' cajmicóo'r~ jnea~, co' cajár- e jajmitii'r~ dsii~, jogui ja' cajmeer' i' líiñ- uii~ quíe- e dsu' uii~ e sijñn'n. ¹⁷ Co' mi~ cagüeiñ- fí la fí' Roma, jo dsifí lajob canaañ- 'naíñ' jnea~ car` cadséiñ' jnea~, jo ja' cajmi'íñ' jii~ capi^ lajee~ jo. ¹⁸ Joba' mii~ i Fidiée~ uii~ quíá- i Onesíforo do e nilí fí' líng- neiñ' mi~ nití- jmii~ e nijáa'tu Dsea` Jmáang- fí jmigüi' la. Jo niñib^ 'nu` guiá- e eáam' cajmicóo' i dsea` do jneaa~aa' lajee~ cataang~naa' fí Éfeso.

2

'Né- e jmó'naa' té'baa' cóo' jalé' iihuú'

¹ Jo fii-guii 'nu`, Timoteo i líng' lafa' jóo'o, teá sin' uø' e fí nisín' la'eáang' cóo' e bí e nicangñn' quíá- Dsea` Jmáang-. ² Jogui jalé' júu^ e canúu'- e nicafá'- jnea~ fí quini~ jaléng' dsea' fíng', joba' fii- i 'nu` lana e ni'é^ dsea' jiéng' e júu^ jo. Jo 'né- jmée^ lajo jii~ cóo' dsea' i ta- o' cóo', lí^ lajaléng' dsea' i lí quii~ jmii~ e ni'é'r- jaléng' dsea' jiéng'.

³ Jogui jmee- té' cóo' jalé' iihuú' e dsingñn'- uii~ e lín' dsea` quíá- Dsea` Jmáang- lí^ laco'gui la jmoo' jaang' 'lée- té'r- cóo' jalé' e dsingñiñ-. ⁴ Dsuco' jii~ jaang' 'lée-, e lajee~ e jmóor' ta~, catíng- e nijmér- núu'r~ lajii~ ta~ quii' jaang' dsea' jiéng' i ja' líng' fii~, co' lajii~ fii-bre 'né- e nijmi'íaiñ' dsiiñ'. ⁵ Jogui lajobi cajo, fa' jaang' dsea' cóo' bóø', ja' catíng- e ni'íñ' lajii~ e calí'r- do fíng song ja'gui cajmitir~ røø' laco'gui jii~ e síí^ e cóo' dsea'. ⁶ Jogui lajobi cajo, fa' jaang' dsea' jmóor' ta~ jenuu', catíim-bre e ni'íñ' guíe^ quíá'r- la'uii- mi~ niró' jalé' e jnir'. ⁷ Joba' fii-guii 'nu`, Timoteo, í' o' røø' lajii~ e júu^ e fii- i 'nu` lana, jo lajoba' Fíinaa' Dsea` Jmáang- nijmicóo'r- 'nu` e ningán' røø' lajii~ e júu^ na.

⁸ Jo contøøng- jmiguién' o' jalé' e cangongíng- Dsea` Jmáang-, i dsea' i cají'tu la'uii- jee~ jaléng' 'lí~, jogui i líng' dsea' siju~ dseata~ dsea' féng' Daví^; jo lanab jii~ lí júu^ e guia' jnea~ quíá- jial laang' dsea' jee~ jalé' dsee- quíá'r-. ⁹ Jogui uii~ e guiaa- júu^ laba' e íin~n jalé' iihuú', jo jiguí e 'ñúum~baa iuun- fí dsíí 'nuñí^ lafa' jaang' dsea' i nica'lée'; dsu' e júu^ quíá- Dsea` Jmáang- e guiaa- la ja' lí fa' e ja' cuøøng' líñí dsea' dsuco' ja' jié' sijní quíá-. ¹⁰ Jo uii~ e lajob lí, joba' jmoo'baa té'e cóo' jalé' e iihuú' la e laco' jaléng' dsea' i nicaguíng' Fidiée~ i nilíng- dsea' quíá'r- nilí'r- e nileáiñ' jee~ jalé' dsee- quíá'r- jo niliseeiñ' fí ñifí- lata~ la'eáang' cóo' Fíinaa' Dsea` Jmáang-.

¹¹ Jo dseáng'- e jáb'- lajii~ e júu^ e fii- i 'nu` la:
Song nijúu- naa' uii~ e línaa' dsea' quíá- Dsea` Jmáang-,
joba' nilisee~baa' cóo'r~ lata~ cajo.

¹² Jogui song jmoo~baa' té'naa' cóo' jalé' iihuú' e ngíng'naa',
joba' ni'í-baa' í' røø' cóo'r~ fí jmigüi' cóo'.
Jogui song fé^naa' e ja' cuíng'naa'r,
joba' lajob nijíñ- cajo e ja' cuíiñ' jneaa~aa' mi~ tí lí jo.

¹³ Jogui song jmoo~naa' e ja' já'- líng'naa' júu^ quíá'r-,
dsu' ír~ contøøm- jmitir~ jalé' e nicajíñ'-,
co' ja' cuøøng' fa' e ja' jmitir~ jalé' júu^ quíá'r-.

Jaang' dsea' i jmoo' ta~ e íaang' dsíí Fidiée~

14 Jo fñ-guñ 'nu, Timoteo, jmiguién' dsí' jaléng' dsea` quiá'- Dsea` Jmáang` jalé' júu` e nifá'^a la, jo liúung'~ jaléng' í fí quini` Fidiéé` e ja` gñiquiñ' e tñng` júu` quiá'r- cóo'~ lí'^ doñí' ee` júu`. Dsúco' jalé' e júu` jo ja` e ta` íng` jii'~ cóo'; jo lico'` léeb' jogui` jmóo` e dsicam'` jaléng' i dsea` i núu` jalé' e jo. 15 Jo jmee` quiji` car` ngocáng` o' e nili'íáang` dsí' Fidiéé` cóo'~ jalé' ta` jmoo', jo lajoba' ja` nilí' i' lín'~ quiá'- jalé' e jo. Jogui` ée'~ røø` jaléng' dsea` júu` sea` contøøng` quiá'- Fidiéé`. 16 Jogui` jie` mí` jmoo' fa' e quín' jee` jaléng' dsea` i fé' jalé' júu` e ja` uiing` sea`; dsúco' jaléng' dsea` i jmóo` lajo, eáang` gui` dsihuíñ` quiá'- Fidiéé` lacoø` jmíi` lacoø` jmíi`, 17 jogui` eáam' ni'r` jalé' e júu` 'lí'^ e er` do lí' laco' lí' cóo` jmohuí' e dsicuáng` jminá`. Jo lajob` cangong`ing` i dseañu' i sii` Himeneo cóo'~ gui` i sii` Fileto, 18 co' i dsea` gáng` la nicacár` fí ga` lajee` e cuiñ` Dsea` Jmáang`, jo lana` ningir` fé'r` júu` e nicajib' tu` jaléng' dsea` i nicajúng`. Jo cóo'~ jalé' e júu` e fé'r` do, nicaligóm` i lñng` dsea` i já'- lñng` e júu` e sea` contøøng` quiá'- Fidiéé`. 19 Dsu' Fidiéé` lafa' catá'r- cóo` tñ` fñ` quiá'- 'núu` e té' huøø` e ja` ni'íng`, jo e tñ` fñ` do lí' la lí' e júu` la e ja` tóo` jmíi` ni'íng`, jo lalab` fé': "Jo nicuíim` Fí'naa' Fidiéé` jaléng' dsea` i lñng` dsea` quiá'r-"; jogui` fé' bi` cajo: "Jaléng' dsea` i jing' e lññ' dsea` quiá'- Fí'naa' Fidiéé` 'né` nitá`bre e jo` jmér` jalé' e ja` dseeng` e lamí` jmóor` do."

20 Dsúco' fa' cóo` dsí' sináa` quiá'- jaang` dsea` i sea` cuu-, o' laji` e jmáíñ' ta` do lí' cóo'~ cunée` o'gui` cóo'~ cutee`, co' seab` cajo e lí' cóo'~ 'ma` jogui` cóo'~ guoo'~. Dsu' e lñng` e jmáíñ' ta` do jmáíñ' ta` mí` jmóor` jmíi` laniing`, jogui` e lñng` gui` e do jmáíñ' ta` contøøng`. 21 Jo song` jaang` dsea` contøøng` jmi'úuiñ` e laco' ja` nitéñ' fí` ni` dsee-, joba' ni'úuiñ` jaang` i si'íng` jogui` i íng` ta` quiá'- Fidiéé`. Jo Fidiéé` bing' i nijmeáng' ta` ír` e laco' nijmér` jman' e guiá`.

22 Jo fñ-guñ 'nu` jie` mí` quín' jee` jalé' e ja` dseeng` e litíng` jaléng' siming' cóo'~ simí' e jmóor`, jo teá'gui` sin' uø' e jmóo` jman' jalé' e guiá-, jo e já'-gui` lín' júu` quiá'- Dsea` Jmáang`, jogui` e jmi'neáang` gui' jaléng' dsea` rún', jogui` e seeng` gui' juguiá- júu` røø'. Jo jmee` jalé' e jo colíng` cóo'~ jaléng' dsea` i 'náng' Fidiéé` e ngocáng` dsíir'. 23 Jogui` jie` mí` quín' jee` jalé' júu` í' e ja` uiing` sea`, co' niñí'ba' guiá- e jalé' e júu` jo quíeé` jii'~ ta` jñm'. 24 Jo jaang` dsea` i jmóo` lajii'~ e iing` Fí'naa' Dsea` Jmáang` ja` cuøøng` e ningir` ta` tñng` cóo'~ jaléng' dsea`, co' o' lajo e catíng` e nijmér-. Co' lí' lí' 'né` jmér` jman' e guiá- cóo'~ lí'^ doñí' ii' dsea`, jogui` 'né` e quíi'~bre jmíi` jial` ni'é'r- dsea`, jogui` 'né` e féng' dsí'bre cóo'~ jaléng' dsea` rúñ', 25 jogui` 'né` e ja` jmi'jløng`^ ñia'r` mí` liúñ' jaléng' dsea` i ja` jí' júu` quiá'- Dsea` Jmáang`; jo la'eáang` cóo'~ e jo, jangám` nijmicóo'~ Fidiéé` quiá'- jaléng' i dsea` í e laco' niquí' jing` yaaiñ` fí` quini` dsea` do, jogui` e nijá'- líñ` júu` quiá'- Dsea` Jmáang`, 26 jo lajoba' ni'í- tu` dsíir` røø` e laco' nijmihuíng` yaaiñ` cóo'~ fii` i 'ling', dsúco' í'bing' i lamí' 'mé' quiá'r- e jmóor` lí'^ doñí' ee` e iing` í.

3

Jial` nilíng` dsea` mi` nijaquíéeng` e tí` lí` ni'íng` jmigüí`

1 Jogui` fñ-guñ 'nu, Timoteo, 'né` ñí'ba' e mí` nijaquíéeng` e tí` lí` ni'íng` jmigüí, eáam` huíng` nilí. 2 Dsúco' jaléng' dsea` i niliseeng` ie` jo lico' nijmijíñ` jii'~ yaam`bre jo jo` jmijíñ` jaléng' dsea` jiéng' gui, jogui` eáam` nilí` dsináaiñ` cuu-, jogui` nijmijløng`^ yaaiñ~, jogui` eáang` nijmiráang` yaaiñ` cóo'~ jalé' e nicajmér. Jogui` gab` nifé'r` quiá'- dsea` jogui` quiá'- Fidiéé` cajo, jogui` ja` nijmér- núu'r` cóo'~ jalé' ta` quiá' sejniir, jogui` ja` nicuø'r- gui'máang' dsea` mí` ee` go` ngíñ` o'gui` nijmi'gór` Dsea` Jmáang` cóo'~ jalé' júu` quiá'- dsea` do cajo. 3 Jogui` ja` nijmi'neáaiñ` o'gui` nilí` fñ` lññ` jaléng' dsea`, jogui` nifé'r` júu` adsee` e 'ñíñ` jaléng' dsea` rúñ', jogui` ja` téeng` yaaiñ` e iñ` nijmér-

lajji' e 'li' e li' dsíir', jogui eáam' nijmér' saang' dsíir' cóo' jaléng' dsea' rúin', jogui nijmér' e 'ni' ním-bre lajalé' e guiá' e jmóo' dsea'. ⁴ Jogui gab' nifér' e 'niin' jaléng' dsea' i seeng' røø' cóo'r', jogui eáang' niliteá' dsíir' e nijmér' jalé' e ga' e li' dsíir', jogui eáang' nijmér' e nijmijløng' yaain' cóo' jalé' e í' dsíir' e tíin', jogui eáang' gui ni'nó'r' jalé' e jmi'iaang' dsíir' e lafa' nijmifein' Fidié'. ⁵ Jogui cóo' jalé' e jmóo' i dsea' do, eáang' nijmigøøin' jaléng' dsea' e liin' dsea' quiá' Dsea' Jmáang', dsu' dseáng' ja' ja' e liin' lajo, co' ja' jmóor' laco' catíng' e jmóo' dsea' quiá' Dsea' Jmáang' i seeng' la'eáang' cóo' e 'gøng' quiá' dsea' do.

Joba' fii-gui 'nu', Timoteo, jie' mí' jmoo' fa' e niquin' jee' jaléng' i dsea' lana. ⁶ Dsuo' i liing' i dsea' la' lico' jmóor' ta' ngí' quiá' dsea' jo jmi'gøøin' jaléng' dseam' i ja' huíng' tøng' fí' ni' dsee'. Jo jaléng' i dseam' í' eáam' røøin' dsee', co' lico' jmóor' lajji' e ga' e li' dsíir' yaam-bre, ⁷ jo contøøm' tí' dsíir' jmitiin' mí' ee'go' júu' 'mí' sea', dsu' dseáng' ja' tóo' jmi' e qui'r' jmi' fa' e ningáin' e júu' ja' quiá' Fidié' e catíng' Dsea' Jmáang'. ⁸ Joba' fii-gui 'nu' e júu' la, e li' laco' cajmé' i dsea' láang' gáng' i caliséng' malii' do i sii' Janes cóo' gui Jambres ie' lamí' cajniin' quiá' Moi', jo lajob' cajo nijmé' jaléng' i dsea' i seeng' mí' nijaquíéng' e tí' lí' ni'ling' jmi'gü', co' nijním-bre quiá' e júu' ja' quiá' Fidié' e catíng' Dsea' Jmáang'. Jo jaléng' i dsea' í' liin' dsea' i í' dsíir' jmang' e 'li' jogui i nicajgiéng' dsíir' e teáin' teá' fí' guiá' cóo' Dsea' Jmáang'. ⁹ Jo dsu' ja' huí' dsilíin' cóo' e jmi'gøor' do, co' jalém' dsea' niliin' guiá' e jaléng' i dsea' la' ja' í' dsíir' røø' lí' laco' calí' cóo' i dsea' gáng' i sii' Janes cóo' gui Jambres ie' lamí' cajniin' quiá' Moi' do.

Júu' e ca'í' Paa' quiá' Timoteo

¹⁰⁻¹¹ Dsu' 'nu', Timoteo, guiáb' niin' lajji' júu' e ee' e dsea', jogui jial seen' røø' laco' seeng' dsea' quiá' Dsea' Jmáang', jogui niin' bi' cajo lajji' e í' dsii' e nijmee'e, jogui jial ja' lín'n e nisín'n teá' cóo' júu' quiá' Dsea' Jmáang' e car' ngocáng' dsii', jogui jial féng' dsii' cóo' jaléng' dsea' jiéng', jogui jial e 'neáan' jaléng' dsea' rún'n, jogui jial nicateá' a cóo' jalé' iihu' e nica'in'n. Jogui niin' bi' cajo e cateá' baa cóo' jalé' e ga' e nicajmeáng' dsea' jnea' fí' Antioquia cóo' gui fí' Iconio jogui fí' Listra; dsu' cateá' baa, co' Fí'naa' Dsea' Jmáam-bing' i caleáang' jnea' jee' jalé' e jo. ¹² Dsu' dseáng' e jáb' jalé' e la, e jaléng' dsea' i iing' seeng' e si'naain' jee' jalé' e 'li' uí' e liin' dsea' quiá' Dsea' Jmáang', joba' 'né' nidsingim-bre iihu' e jmó' dsea' quiá'r'. ¹³ Jo dsu' jaléng' dsea' i jmóo' ga' jogui i jmi'gøøng' jaléng' dsea' rúng', ga' gui' nidsijé' quiá'r' laco' jmi' jogui eáam' nijmigøøin' jaléng' dsea' rúin' lí' laco' jmi'gøøin' yaain'.

¹⁴ Dsu' fii-gui 'nu', Timoteo, teá' sing' uø' lí' laco' jmoo' cóo' jalé' e nicajmitin', co' dseáng' niin' ba' e dseáng' jáb' jalé' e jo. Jogui niin' bi' guiá' cajo i dsea' i ca'e' 'nu' jalé' e jo, ¹⁵ co' e júu' güeang' quiá' Fidié' e niin' catí' ie' lamí' jiuun' do, e joba' e nili'ling' ta' qui' e niliin' jial e nileán' cóo' jalé' dsee' qui' la'eáang' e nicajáang' uø' fí' jaguó' Dsea' Jmáang'. ¹⁶ Jo lajib' e júu' quiá' Fidié' cajme' dsea' la'eáang' cóo' 'niab' Jmiguí' quiá' Fidié'; jo jalé' e júu' jo eáam' íng' ta' e e' jneaa'aa' jmang' jalé' e ja', jogui e jmicóo' jneaa'aa' e line'naa' mí' ee'naa' dsee' jogui jial cuøøng' e nisíng' túu' teá' fí' guiá' cóo' Dsea' Jmáang'; jogui e' jneaa'aa' cajo jial e nijmó'oo' lajji' e iing' dsea' do. ¹⁷ Jo jalé' e júu' jo íng' ta' e laco' jaang' dsea' quiá' Fidié' né' guiá' quiá'r' laco' catíng', jo lajoba' cuøøng' nijmér' jalé' e guiá'.

4

¹ Joba' fii-guú' 'nu', Timoteo, fí quini' Fidié' jogui fí quini' Fí'naa' Dsea' Jmáang- i nijáa'tu mi' tí li' ni'ing- jmigü' e laco' niquidsir' í' røø' jo nicár' nifí' quíá'- lajaang' lajaang' dsea', ja' e lí' su seeng'guir' osi nijúm-bre é, ² jo fii-i 'nu' car' ngocáng' dsii- e niguiá'bi' júu' quíá'- Dsea' Jmáang- jee' jaléng' dsea'; jo dseáng'- jmi'úung' e jme'^ lajo mi' li' sea' fí' osi mi' ja' sea' é. Jogui 'né- jmitá'ba' dsí' jaléng' dsea' i ja' 'goo' já'- líng' júu' quíá'- Dsea' Jmáang-, jogui 'né- í'ba' 'goo' mi' jmóor' doñí' ee' e ja' dseeng', jogui 'né- cuø'-bir' bí' e laco' nilití' dsír', jo 'né- é'^re lajo dseáng'- e féng' óo'ba'. ³ Dsuo' coob' mi' nití' í' e jo té' dsea' e núur' lajii' júu' niguó'^ quíá'- Fidié'; dsuo' ie' jo lí'^ iin' e nijmitir' lajii' ta' quíu'r' yaam-bre, jogui nijmér' quijí- cabøø' tifa' i ni'é- quíá'r- lí' doñí' ee' jalé' e iin' ninúr-. ⁴ Jogui jo' iin' fa' e ninúr- lajii' e júu' niguó'^ do, co' lajii' júu' cuento quíá'- dsea' áam'ba' iin' e ninúr-. ⁵ Dsu' e laba' fii-guú' 'nu', Timoteo, jang'- í' o' røø' mi' ee'go' nijme'^, jogui jmee- té'bi' cóo'- jalé' iihuú' e dsing'in-', jogui cuøø'-bi' bí' uø' e quíá'- niguiá'gui' júu' e quíá'- jial laang' dsea' jee' jalé' dsee- quíá'r-, jogui jmiti- røø' jalé' ta' e nicang'ng'.

⁶ Jo tí li' nití' í' e nijngáng'- dsea' jnea~, co' nijaquíém' oor' quíe- e e tí li' nijúun-n. ⁷ Jo teáb' eáng' nicasín-n fí' guíá'- cóo'- Dsea' Jmáang-, jogui lana nicatí' í' e nicadsín-n cóo'- jalé' ta' quíe- e, jo jii' cateá' ja' calitúng- dsii- cóo'- júu' quíá'- Dsea' Jmáang-. ⁸ Jo lana nisijeeng' jnea' e ni'ín-n lajii' e catín-n. Jo Fidié', i dsea' i quidsí' í' røø', íb' i nicuø'- jnea' e jo uí' e nica'ín' jnea' e lín'n jaang' dsea' i ja' røøng' dsee- fí' quini'. Jo o' jii' jnea' ni'ín-n e jo, co' lajio' ni'ing' cajo jaléng' dsea' i nigüijeeng' e iáang' dsír' e nijáa'tu Dsea' Jmáang- calé' catú- fí' jmigü' la mi' nití' í' lajo.

Júu' e cajng' gui Paa- cas'r- Timoteo

⁹ Jo fii-guú' 'nu', Timoteo, e jmee- úung' e niñí'ba' lajmináb- e niñi'ee' jnea~; ¹⁰ dsu' i dseañu' i sii' Demas do eáng'gui catí' dsír' e nijmér- jalé' e jmóo' dsea' fí' jmigü' la, jo uing- e joba' nicatiúuiñ- jnea~, jogui lana nicangór- fí' Tesalónica fí' lí' se' Macedonia. Jo i dseañu' i sii' Crescente nicangór- fí' lí' se' Galacia, jogui i sii' Tito nicangór- fí' lí' se' Dalmacia. ¹¹ Jo lajii' Lucasbing' i táang' cóo'- jnea' fí' la lana. Jogui fii-i 'nu' e nigü'ném'ba' Marcos jo nijóøm'ba'r fí' la mi' niñi', dsuo' liim- ee' ta' nili'íin' quíe- e cóo'- jalé' ta' guíá' júu' quíá'- Dsea' Jmáang- e jmóo'o' fí' la. ¹² Jogui nicasín-n i dseañu' i sii' Tíquico do fí' na fí' Éfeso. ¹³ Jo fii-i 'nu', Timoteo, e mi' niñí'tu' calé' catú- fí' la, jo cá'go' e 'mijñú' iá' luu- do quíe- e e casee' e fí' quíá'- i dseañu' i sii' Carpo i seeng' fí' Troas; jogui cá'bi' cajo jalé' jii' quíe- e, jo dsu' e laniing'-gui eáng' e 'né- cá' e mají' e sibéeng' e lí' toø- júu' quíe- e do.

¹⁴ Jo fii-guú' 'nu' uii' quíá'- jaang' dseañu' i líng' tiñí' i sii' Jaang- e eám' ga' nica'éer' cóo'- jnea~; dsu' Fidié'bing' i niquí'^ laco' catíng- quíá'r- cóo'- jalé' e ga' e nicajméer' do. ¹⁵ Jo uí' e joba' e fii-i 'nu' e jmeáng' í' uø' cóo'- i dseañu' do, dsuo' eám' ga' 'ní' níin- júu' quíá'- Dsea' Jmáang- e guíá'naa'.

¹⁶ Jogui la'uii' néé' mi' cangó-o' fí' quini' dseata- i quidsí' í' e laco' nijmi'óng' 'niá'a, jii' jaang' dsea' ja' i cajmicóo'- jnea' ie' jo, co' lajii' dsea' catiúuiñ- jnea~. Jo mii' Fidié' uii' quíá'- jaléng' i dsea' í' e ja' güjme'r- cuente cóo'- jalé' e cajmééin' do. ¹⁷ Dsu' eám' cajmicóo'- Fí'naa' Dsea' Jmáang- jnea~, jogui cacuø'r' jnea' jalé' bí' quíá'r- e laco' cateá- dsii- e caguíaa- júu' quíá'r- e quíá'- jial laang' dsea' jee' jalé' dsee- quíá'r-; jo lajio'ba' canúu- jaléng' dsea' i ja' líng' dsea' Israel jalé' e júu' jo. Jo Fí'naa' Dsea' Jmáam-bing' i caleáng' jnea' ie' jo jee' jaléng' i dsea' i 'ní' ní- quíe- e fa' laco' mi' laang' jaang' dsea' e ja' cu' ie' quíá'r-; ¹⁸ jogui dsea' í'bi' cajo i nileáng- jnea~ jee' jalé' e 'lí', jogui dsea' í'bi' cajo i nito' fíng' jnea~ cartí' mi' nitøø' jnea' fí'

lí~ quiá'r ta~ fí' ñíí~ quiá'r. Jõgui majmifém'baa' dsea` do car` ngongí` jmíí~!
Jõ lajob 'né~ lí.

Júu^ guicóo~ quiá'- Paa- lí~ cadséng-

¹⁹ Jõ lí~ ja` quiéeng' niguéng' fíí~ guíí 'næ', Timoteo, e guicóob~ ì dseamf ì sii` Prisca cóo~gui ì dseañu' quiá'r- ì sii` Aquila, jõgui guicóob~ cajõ jaléng' dsea` sinúu^ quiá'- ì dseañu' ì sii` Onesíforo. ²⁰ Jõ ì dseañu' ì sii` Erasto do, dob cajer' fí' Corinto, jõgui ì dseañu' ì sii` Trófimo, dob caseaan~nre e dsée'r~ fí' Mileto. ²¹ Jõ fíí~i 'næ' e nijmi'úung' quií'- e niñi' fí' la ná'- gui e nití~ jii` güíí-. Jõ ì dseañu' ì sii` Eubulo jõgui Pudente jõgui Lino cóo~gui ì dseamf ì sii` Claudia, lí^ lajaléng' dsea` quiá'- Dsea` Jmáang- ì caguaang~gui ì seeng' fí' la, guiéiñ' júu^ guicóo~ quií'-.

²² Jõ güiliseem` Fí`naa' Dsea` Jmáang- contøøng- cóo~ 'næ'. Jõgui míí~i Fidié~ e ni'ír- güea'^ quiá'r- fí' lí~ seeng'na', dsea` líng'na' dsea` quiá'- Dsea` Jmáang-.

Jõ lanab jii~ fé' jì catí tú~ quiá'- Paa- e catíng- Timoteo.

Júu^ e toq̃ fi' ni~ ji` quiá'- Paa- e catíng- TITO

¹ Jnea~ Paa- lín'n jaang` dsea` i jmóo` lajii~ e iing` Fidié~, jogui lín'n cajo jaang` dsea` apoo^ i jmóo` ta~ ni' júu^ quiá'- Dsea` Jmáang-. Jo oo- e ta~ la e laco' ni'éé^e jaléng' dsea` i nicaguíng' Fidié~ lamí~ jéeng'gui e quiá'- jial nijáng' yaaiñ` fi' jaguó` dsea` do, jogui jial niliñir' lajii~ e júu^ e sea` contøng- quiá'- Fidié~ e laco' nijmér- dseáng'- laco' iing` dsea` do. ² Jo nitab~ dsinaa' e niliseem~baa' cøng` cóo' Fidié~ lata~, co' lajob júu^ e cacuø Fidié~ lamí~ jéeng'gui lajii~ mi~ ná'- gui e nitiroo~ jmiçüf, jo dsea` do dseáng'- ja fé'bre júu^ ta~ júu^. ³ Jo lana nicatib` í' e nicacuø'r' jneaa~aa' e niline~naa' lajii~ e júu^ ta~ dsí' do, jo cajmér' lajo la'eáang' cóo' e júu^ quiá'r- e guiaa-, co' lajob ta~ caquiur' e nijmee~e. Jo dsea` íb` i láang` jneaa~aa' jee~ jalé` dsee- quí-ii'.

⁴ Jo jmo'o e ji' la e catíng- 'na, Tito, jo lafa' jóo'baa lín', co' laji' gó-baa' já'- lí'naa' júu^ quiá'- Dsea` Jmáang-. Jo má'i Tiquí'naa' Fidié~ jogui Fíi'naa' Dsea` Jmáang- i láang` jneaa~aa' jee~ jalé` dsee- quí-ii' do, e güi'bre güea'^ quiá'r- fi' lí' seen', jogui e nicuø'r- 'na e niliseen' juguiá- júu^ røø.

Lajii~ ta' e cajmée' Tito fi' Creta

⁵ Jo caseaan`n 'na e fi' ni~ guoo~ uø- e róo` fi' ni~ jmiñí'^ do e sii` Creta e laco' nijmité' røø lajii~ e ta~ e 'né- niliti~gui do, jogui e fi' lacoø` fi' ni'nan'^ dsea` cøng' i niné- ni~ dsea` quiá'- Dsea` Jmáang- lí' laco'gui jii~ e nicafii- i 'na lamí~ jéeng'gui. ⁶ Jo i dsea` i ni'nang'^ do 'né- e røøb` seeiñ` e lí' laco' ja` cuøng` fa' e nicuø'- dsea` dsee- ír', jogui ja` cuøng` fa' e seeng` fíing` dseamí quiá'r-, jogui jaléng' jóo'r' 'né- e jáb'- líiñ` júu^ quiá'- Dsea` Jmáang-, jogui 'né- e ja` jméiñ'- do saang` dsíir', jogui 'né- jmér- náu~bre cóo' jalé' ta~ quiu' dsea` cøng' quiá'r- cajo. ⁷ Co' jaléng' i dsea` i néé' ni~ do, íb` dsea` i néé' ni~ jalé' ta~ quiá'- Fidié~, joba' dseáng'- la guíim` 'né- e jmér- lajii~ e guiá- e laco' ja` cuøng` fa' e nicuø'- dsea` dsee- ír'. Jogui ja` 'né- fa' e ráaiñ` uii~ quiá'r- o'gui líiñ` dsea` i 'ní' dsíí, o'gui cuøng` fa' e jmér- ta~ í' méé', o'gui fa' e jmér- ta~ jíing` ta~ tíng', o'gui fa' e jmér- e dsináaiñ` cuu- tá'^ sea. ⁸ Dsuo' o' lajo e 'né- jmér-, co' lí' lí' 'né- e eáam` guiá- ni'íñ' jaléng' dsea` i guilíng- fi' quiá'r-, jogui 'né- e tí' dsíir' jmóor' lajii~ e guiá-, jogui 'né- e quier' júu^ røø contøng-, jogui 'né- e éer` røø contøng-, jogui 'né- e jmér- dseáng'- lajii~ e tí' dsíí Fidié~ jogui contøng- íu~ dsíir' e jmitir~ jalé' e quí'- tiiñ` jmóor'. ⁹ Jo jaléng' i dsea` i néé' ni~ do eáam` teá' 'né- teáaiñ` cóo' e júu^ sea` contøng- quiá'- Fidié~ lí' laco' jii~ e nica'éé-ere lamí~ jéeng'gui, jo lajoba' cuøng` e nijmití'r- dsíí jaléng' dsea` jéng' cóo' e júu^ jo, jogui e nisí'r' jaléng' dsea` i 'ní' níng- júu^ quiá'- Dsea` Jmáang- e ja` dseeng` laco' jmóoiñ' do.

¹⁰ Joba' fi' i 'na, Tito, jalé' e júu^ na, dsuo' fíim' dsea` seeiñ` i ja` iing~ nijmé- náu~ e júu^ quiá'- Dsea` Jmáang- do, jogui fé'r' jalé' júu^ e ja` oo- ni~ sea` e lí' laco' cóo' e jo jmóor` e jmiçøiñ` jaléng' dsea`. Jo jee~ i dsea` í quíng' jaléng' dsea` i jíng'- e dseáng'- la guíim`ba' 'né- e niliti~ lajii~ e quí- tíng` dsea` Israel. ¹¹ Jo jaléng' i dsea` í 'né- e ni'í- tiib- mo'oor-, dsuo' eáam` cøoiñ` dsíí dsea` jiguí latøng- cóo' sinúu^ e laco' jmiçøøng`neiñ', co' e' reiñ' jalé' e ja` catíng- ni'éer- e lí' laco' lí'r` cuu- tá'^ sea.

¹² Jo malí~gui eáang' caliséng` jaang` dsea` i eáang' tíng` fé' e fi' Creta na, jo lalab fé'r' e éeiñ` dsea` góor` jo jíñ'-: "Jaléng' dsea` góo'o dsea` seeng` fi' Creta contøom- quier' júu^ adsee, jogui líiñ` lafa' jó' núu^, co' dsíng'- soo' dsíir' jogui dsíng'- cúiñ~, jogui eáam` iñ~ e tá'- séiñ` cajo." ¹³ Jo dseáng'- e já'-ba' e líng' i dsea` seeng` fi' na laco' cajíng'- i dsea` í. Jo uí' joba' fi' i 'na, Tito, e dseáng'-

cóo' júu^ teáb` 'né- liúun'~ jaléng' i dsea` í, jo lajoba' e nidsicuáng`gui quiá'r- e teáiñ- teá` cóo' júu^ quiá'- Dsea` Jmáang-. ¹⁴ Jo 'né- liúum'~ba're cajo e laco' ja` nijmi'gór` jalé' júu^ cuento e jmi'uúing- jaléng' dsea` Israel, o'gui jalé' ta~ quiu' jaléng' dsea` i nicatú e teáiñ- teá` cóo' e júu^ sea` contøng- quiá'- Fidié.

¹⁵ Jo jaléng' dsea` i í dsí' j mang'- e guiá-, joba' lajib` e nír` guiáb- cajo; dsu jaléng'gui dsea` i ja` já'- líng` júu^ quiá'- Dsea` Jmáang- jogui í dsíir' j mang'- e 'li', joba' lajib` e nír` do 'lib' cajo, dsuco' jí' ja` lír` gui'r` su dseeng` osi ja` dseeng` lajalé' e 'li' e í dsíir' do. ¹⁶ Jogui fé'r` e cuím`bre Fidié, dsu o' já'- e líiñ` lajo, co' j mang'- jalé' e ja` dseem`ba' jmóor`; jo ja` iñ` jmér- náu'r` jalé' ta~ huí', jogui dseáng' ja` qui'bre jmi' fa' e nijmér- coo` e guiá-.

2

Jalé' e 'né- é'- Tito dsea` rúñ'

¹ Jo fñ- guí` 'nu, Tito, e lajalé' júu^ e e' dsea` 'né- e cóom` røø` cóo' júu^ quiá'- Fidié. ² Jo 'né- é' jaléng' dsea` cóong'~ e ja` 'né- jmér- ta` í', jogui e 'né- ér- røø` cóo' jalé' e jmóor', jogui e 'né- iu~ dsíir' e jmitir` cóo' jalé' e qui' tñiñ` jmóor', jogui e 'né- e jmi'neáaiñ` jaléng' dsea` rúñ', jogui e 'né- cajo e nicuó' b' yaaiñ` e laco' nijmér- té'r` cóo' jalé' iihuí' e íñ'. ³ Jo 'né- é' bi' cajo jaléng' dseam' i nidseáng- e 'né- ér- laco' iing- Fidié, jogui 'né- e ja` ngír` ta~ quie' adsee, o'gui 'né- jmér- ta` í' méé' cajo. Co' lí' lí' 'né- e ni'é'r- dsea` j mang'- jalé' e guiáb-, ⁴ jogui 'né- é' ba' jaléng' dseam' i li'eáng`gui e 'né- nijmi'neáaiñ` jaléng' dseañu` quiá'r- cóo'gui jaléng' jóor'; ⁵ jogui 'né- é' bir cajo e iu~ dsíir' e jmitir` cóo' jalé' e qui' tñiñ` jmóor', jogui 'né- e í dsíiñ` contøng- j mang'- e guiá-, jogui 'né- e iu~ dsíir' cóo' jalé' ta~ sea` fí sinúu` quiá'r-, jogui 'né- e eám` guiúñ- cóo' dseañu` quiá'r- jogui e nijmér- náu'r` jalé' ta~ quiu' dsea` do cajo, jo lajoba' jí' jaang` dsea` cuøng` lí fé'r` ga` uii` quiá'- júu^ quiá'- Fidié.

⁶ Jo fñ- guí` 'nu, Tito, e 'né- liúun'~ jaléng' siming', jo fí're e jang'- 'né- ni'í' dsíir` røøb` mí ee`go nijmér-. ⁷ Jogui 'nab', Tito, dsea` 'né- ee' røø` laco' catíng- fí quini` jaléng' dsea`. Jogui mí' e' dsea`, 'né- jméé' cóo' j mang'- júu^ røø', jogui ja` fí're júu^ e sicáng'; ⁸ jogui 'né- é' re cóo' júu^ já'- quiá'- Fidié e laco' jí' jaang` dsea` cuøng` lí fé'r` ga` uii` quií'. Jo lajoba' nil' í' líng- jaléng' i dsea` i 'ní' ní- qui'naa', dsuco' jo` niguié'r` júu^ ga` e nifé'r` uii` quiá'- jalé' júu^ qui'naa'.

⁹ Jo lajob fñ- guí` 'nu, Tito, sí' go jaléng' dsea` i jmóo` ta~ e güijméé`bre náu'r` cóo' jalé' ta~ quiu' fíir~, jogui e güijmi'úum`bre e nijmér- j mang'- e guiá- cóoiñ` do, co' ja` catíng- e niñír- júu^ 'ní' quiáiñ'- do. ¹⁰ Jogui 'né- fí're cajo e ja` güijméer` i, jo lajoba' tab` dsí' dsea` cóo'r` contøng-. Jo mí` niní dsea` jíéng' jial seeiñ, joba' guiá- nifé' dsea` quiá'- e júu^ jlo' quiá'- Fidié, dsea` i láang` jneaa`aa' jee` jalé' dsee- qui'ii'.

¹¹ Jo 'né- see`naa' lajo, dsuco' Fidié` nicajmijnéem`bre e ja` cóong` cóo' jial tí' 'neáaiñ` jneaa`aa', jo jee` jo quiéng` e cuøng` lí leáiñ- dsea` jee` jalé' dsee- quiá'r-. ¹² Jo dsuco' eám` 'neáng` Fidié` jneaa`aa', jo uing` e joba' e jo` i'naa' e nijmó`guí' jalé' e 'li' cóo'gui jalé' e ga` e jmóo` dsea` fí jmi'gü' la, co' lí' lí' i'naa' e see`naa' fí jmi'gü' la e jang'- ni'í' dsí'naa' røø` mí ee`go nijmó`oo', jogui e see`naa' e ee`naa' lajii' e guiá-, jogui e jmó`naa' lajii' e iing` Fidié. ¹³ Jo lajee` jo, sijeeng`naa' e nití- e jmi' íáng` dsí' mí` nijáa`tu fí jmi'gü' la Fí'naa' Dsea` Jmáang- i líng` Fidié` i láang` jneaa`aa' jee` jalé' dsee- qui'ii'. Jo mí` nijáar, joguiba' nijnéng- jial dseáng'- jlo' e ja` cóong` cóo' líiñ'. ¹⁴ Jo dsea` í'bing' i cajáng' 'ña' e cajúñ- cuaiñ` qui'ii' e laco' caleáaiñ`

jneaa~aa' jee~ jalé' e 'li'. Jo ca'naaiñ` jneaa~aa' jee~ jalé' dsee~ quí~ii' e laco' nilí~naa' dseáng'~ dsea` quiá'r~ i iing~ Jmé^ jmang'~ e guiá~.

¹⁵ Jōba' fii~guá' 'nua', Tito, e é^'bi' dsea' e júu^ e nicafá'~ a na, jōgui cuóø'~biguir bí cajo, jōgui íi~ 'goo' laco' catiing~ mi~ ee'go jmóor' e ja` dseeng', co' lajōb ta` siná^'. Jo song jmoo' lajō, jōba' nijmi'gób' dsea` jalé' júu^ e e' jōng.

3

Lajii~ e catiing~ e nijmé~ dsea` quiá'~ Dsea` Jmáang~

¹ Jo fii~guá' 'nua', Tito, e jmiguiéng'go dsii' jaléng' dsea` quiá'~ Dsea` Jmáang~ e ja` gūisēer` teá' cóo'~ jaléng' dseata` osi cóo'~ jaléng' dsea` quie' nifí' é, jōgui e gūijmēe~bre náu'r~ contøøng~ cóo'~ lajalé' ta` quiañ', jōgui e iu~ dsii' contøøng~ cóo'~ lajii~ ta` e guiá~ e catiing~ nijmér~. ² Jōgui 'né' fí^'bi' jaléng' i dsea' í e ja` gūifé'r' ga` uii~ quiá'~ lí^ doñi' ii' dsea', jōgui ja` gūijmēer' ta` jing', jōgui e gūijmēe~bre guiúñ~ cóo'~ jaléng' dsea` rúñ', jōgui cajo ja` gūijmēer' e jløñ'^ cóo'~ lí^ doñi' ii' dsea`.

³ Jo lalab lami~ lí' jneaa~aa' ie~ lami~ jéeng'gui do, co' saam` dsi'naa' cóo'~ júu^ quiá'~ Fidié', jōgui ja` náu'~naa' e júu^ jo cajo, jōgui dseáng'~ jmang'~ fí' gab` tée^naa', jōgui jmoo~naa' lajii~ ta` quia' yee~baa' cóo'~gui lajalé' e ja` dseeng' e tí' dsi'naa'. Jōgui lami~ jmoo~naa' jmang'~ e ga', jōgui e lami~ dsihuing'naa' cóo'~ jaléng' dsea', jōgui lami~ 'ní' neeng~naa' jaléng' dsea` rú'naa' jōgui lajōb lami~ líng' í cóo'~ jneaa~aa' cajo. ⁴ Jo ie~ lami~ jmoo~naa' jalé' e ja` dseeng' do, lajee' jōb mi~ cajmijnéeng' Fidié' i láang' jneaa~aa' jee~ jalé' dsee~ quí~ii' jial tí' e guiúñ~ jōgui jial tí' e 'neáaiñ' jaléng' dsea'. ⁵ Jo uí'~ e lajōb líñ~ cóo'~ jneaa~aa', jōba' nicaleáaiñ` jneaa~aa' jee~ jalé' dsee~ quí~ii', dsu' ofa' uí'~ e jneaa~aa' cajmé^naa' coo' e guiá~. Jo cajmēer' lajō cóo'~ jneaa~aa' la'eáang' e nica'íñ~ dsee~ quí~ii', jōba' lana nilí'naa' lafa' dsea' i nicaliséng'túu calé' catú~, jōgui cajo la'eáang' cóo'~ e Jmiguí' quiá'r~ dob e nilí'naa' lajō. ⁶ Jo la'eáang' cóo'~ Fí'naa' Dsea` Jmáang~ i caleáang' jneaa~aa' jee~ jalé' dsee~ quí~ii', nicacuøb' Fidié' jneaa~aa' Jmiguí' quiá'r~ lalíng'. ⁷ Jo uí'~ e eáam' 'neáang' Fidié' jneaa~aa', jōba' nicajmēer' cóo'~ jneaa~aa' e lí'naa' dsea' i ja` røøng' dsee~ fí' quini'r', jo nicacuø'r' jneaa~aa' e nita~ dsi'naa' e nilíng'~naa' lajii~ e sijeeng'naa' do e nilisee~naa' cøøng' cóo'r~ lata~.

⁸ Jo fii~guá' 'nua', Tito, dseáng'~ e jáb'~ jalé' e júu^ e nicafá'~ a na, jo uí'~ jōba' iin~n e ja` tá' e fí^ dsea' jalé' e jo e laco' jaléng' dsea' i dseáng'~ lajang'^ nijá'~ líng' e júu^ quiá'~ Fidié' 'né' cuó'~ dsii' e nijmér~ contøøng~ jalé' e guiá~. Jo eáam' jlo^ e júu^ jo jōgui eáam' íng' ta` cajo quiá'~ lí^ doñi' ii' dsea'. ⁹ Jōgui e lab iin~n fii~guá' 'nua', Tito, e jie~ mí' quín' jee~ jaléng' dsea' i fé' júu^ íi' e ja` uing~ sea` jōgui jee~ jalé' júu^ e quí'~ títng' jaléng' dsea' áang', jōgui jie~ mí' jmoo' ta` jing' ta` títng' uí'~ e júu^ quia' ta` quiá'~ Moi~, dsuco' jalé' e jo ja` ee' ta` íng' jii' coo' jōgui ja` ee' uing~ sea` cajo.

¹⁰ Jōgui song jaang' dsea' jmóor' 'niñ' lajee' la'ó' dsea` quiá'~ Dsea` Jmáang~, jōba' tú~ 'ní' ya' sí' gor e ja` gūijmēer' lajō. Jōgui song ja` náu'r~ jii' coo' e júu^ quiá'~ do, jōba' guiñ~ jee~ 'ná'. ¹¹ Jo cóo'~ jii' e jōb niliñ'^ guiá~ e i dsea' í nicajgiéem~ dsii' jōgui 'ñia'bre ninaang' beáng' dsee~ 'ñia'r'.

Júu^ quiá'~ Paa~ e casí'~guir Tito

¹² Jōgui mi~ nisín^ n fí' na i Artemas osi i Tíquico é, jōba' jmee~ úung' jōng e niguó' fí' Nicópolis e nigüi'ee'~ jnea~, dsuco' fí' jōb nica'í dsii~ e ningiñ~n lajee' jii' gūi'. ¹³ Jōgui i dsea` quidsí' í' i sii' Zenas cóo'~ gui i Apolos jmicóo'~bre cóo'~ jalé' e 'né'~ lí^ jie' jii' lí~ quí'~ jmii~ e jme'^, jo lajōba' seab' jalé' e 'né'~ e laco' cuóøng' e niguilíñ~ fí' lí' sí'í^ e ngolíñ~. ¹⁴ Jo 'né' e nijmitiing' jaléng'

dsea` rú'naa' dsea` quiá'⁻ Dsea` Jmáang⁻ e nijmér⁻ jmang'⁻ e guiá⁻ jogui e nijmicóo'r⁻ jaléng'⁻ dsea` i` 'né⁻ quiá'⁻ lajō, jō lajōba' nili'íing⁻ ta⁻ quiá'r⁻ lajee⁻ e taaiñ⁻ fí' jmigüí' la.

Júu⁻ guicóo'⁻ lí' cadséng⁻ quiá'⁻ Paa⁻

¹⁵ Jō lajüim` dsea` quiá'⁻ Dsea` Jmáang⁻ i` taang⁻ cóo'⁻ jnea⁻ fí' la guiéiñ'⁻ júu⁻ guicóo'⁻ quiá'⁻. Jogui jnea⁻ guiéen'⁻ n júu⁻ guicóo'⁻ quiá'⁻ jaléng'⁻ dsea` quiá'⁻ Dsea` Jmáang⁻ i` seeng⁻ fí' na cajo.

Jō güi'íib⁻ Fidiée⁻ güea'⁻ quiá'r⁻ jee⁻ jaléng'⁻ 'nú'⁻. Jō lajōb nilí'.

Jō lanab júi'⁻ fé'⁻ jì' quiá'⁻ Paa⁻ e catíng⁻ Tito.

Júu[^] e toq̃ fi' ni~ jì quiá'- Paa- e catíng- FILEMÓN

¹ Jnea~ Paa-, jo fi' 'nuñib[^] sijnánⁿ dsu' uíi~ e guiaa- júu[^] quiá'- Dsea` Jmáang-. Jo sínⁿ e jì la colíng~ cóo~ jaang`gui dsea` rú'naa' dsea` quiá'- Dsea` Jmáang- i sii` Timoteo. Jo fi' ni~ e jì la toq̃ júu[^] quié- e e catíng- 'nu, Filemón, co' lin' jaang` dsea` rú'naa' dsea` quiá'- Dsea` Jmáang- i 'neáang`naa' eáang' jogui i jmóo` ta~ colíng~ cóo~ jnea[^] jee~ ta~ guía' júu[^] quiá'^ Dsea` Jmáang-. ² Jogui catím- e jì la cajo jaléng[^] dsea` quiá'- Dsea` Jmáang- i seáng' fi' quií'- e jmiféiñ' Fidié~, jogui lajobi cajo catím- i dseamf i sii` Apia cóo' gui i dseañu' i sii` Arquipo. Jo i dseañu' na eáam' cuø' bí' ñia'r' jee~ ta~ e cangúñ' quiá'- Dsea` Jmáang- lí' laco'gui la jmóo` jnea[^]. ³ Jo mii~naa' Tiquí'ii' Fidié~ jogui Fí'naa' Dsea` Jmáang- e ni'ír- güea[^] quiá'r- jee~ 'nú' jogui e nicuø'r- 'nú' juguiá- júu[^] røø`.

Jial 'neáang` Filemón jaléng` dsea` rúñ'

⁴ Jo lacoø` ya' mi~ fónⁿ Fí'i Fidié~, contøøm- cuøø-øre gui'máang[^] uii~ quií'-, Filemón, ⁵ dsuco' nica'íim~baa júu[^] quiá'- jial tíi' e 'neáan' jaléng' dsea` rún' dsea` quiá'- Dsea` Jmáang- jogui jial já'- línⁿ júu[^] quiá'- Dsea` Jmáang- cajo. ⁶ Jo uíi~ e já'- lí'naa' e júu[^] jo, joba' mii~i Fidié~ e nicuø'r- 'nu' e guiá- gui níngánⁿ jial tíi' jlo[^] niguó[^] e ngúng`naa' quiá'- Fidié~ la'eáang' e se~naa' cøøng` cóo~ Dsea` Jmáang-. ⁷ Jo uíi~ e 'neáan' jaléng[^] dsea` rún', joba' eáam' iáang` dsii- jogui nicatíi~tu dsii- cajo, co' la'eáang' cóo~ 'nu' jaléng' dsea` rú'naa' dsea` quiá'- Dsea` Jmáang- nicalitíi~tu dsíir' calé' catú-.

Mi~ camí' Paa- jmi'ee~ uii~ quiá'- Onésimo

⁸⁻⁹ Jo co' eáam' 'neáan' jaléng[^] dsea` rún' jogui uíi~ e coøb' fi' tí'-naa' cóo~ Dsea` Jmáang-, joba' línⁿ e seab' fi' quié- e e níñi~i 'nu' coø' e 'né- jme[^]. Dsu' ja' iin~n jmee- lajo, co' línⁿ e guiá- gui e nimii~i 'nu' jmi'ee~ uíi~ e eáang' 'neáan' 'nu'. Joba' jnea~, Paa-, mii~i 'nu' coø' jmi'ee~, nañi' fa' jaang` dsea` fémm' nilínⁿ, jo lana lab iuun- sijnánⁿ fi' dsíi' 'nuñi[^] dsu' uíi~ e guiaa- júu[^] quiá'- Dsea` Jmáang-. ¹⁰ Joba' mii~i 'nu' e jmi'ee~ jo cuaiñ~ quiá'- i dseañu' i sii` Onésimo, co' i dsea` la, lajee~ iuun- jnea~ fi' la, jáb'- nicalíñ- júu[^] quiá'- Dsea` Jmáang-, joba' lana lafa' joo`baa nica'uíñ-.

¹¹ Jo lami~ jéeng'gui i Onésimo la lami~ líiñ' jaang` dsea` i jmóo` ta~ quií'- e ja' 'léiñ' i ja' 'ga' lí' ta~ íing[^] quií'- . Jo dsu' lanagui, eáam' ni'íiñ' ta~ quií'- jogui quié- jnea~ cajo. ¹² Jo niguiéem~túyure cóo~ 'nu' calé' catú- fi' na, jo cóo~ e guiáb- 'né- ín~re lí' laco'gui la jmoo' cóo~ jnea~. ¹³ Jo eáam' lami~ iing~ jnea~ e nijé- guir fi' la cóo~ jnea~ e laco' nijmicóo'r~ jnea~ cuaiñ~ quií'- lajee~ e iuun- e sijnánⁿ fi' la uíi~ e guiaa- júu[^] quiá'- Dsea` Jmáang-. ¹⁴ Dsu' ja' iing~ jnea~ jmee- laco' tñn' 'ñiá'a' fa' e nijé- guir cóo~ jnea~ fi' la, co' jang'- iing~ jnea~ e nisii~naa' røø, jo lajoba' ja' cuøøng' fo[^] fa' e nijmicóo~ jnea~ e laguidseang~, co' iing~ jnea~ e nijme[^] jíé' jíi~ e iáang' óo'ba'. ¹⁵ Jo jangám- i Onésimo la ca'naaiñ' quií'- e huøøb- jiu e lí' laco' lanagui nitíng[^] tur jo niliseeñ' cóo~ 'nu' contøøng-. ¹⁶ Dsu' jo' 'né- jmeáan~re lafa' jaang` dsea` i jmóo` ta~ quií'- i ja' 'léen~, co' 'né- e guiá- guib nijmeáan~re laco' jaang` i dsea` la'í, co' lana nilíiñ' jaang` dsea` rú'naa' dsea` quiá'- Dsea` Jmáang- i 'neáang`naa' eáang'. Jo jnea~, eáam' 'neáan`re, dsu' 'nu', eáang'gui nili'neáan`re, dsu' o' uíi~ e nilíng[^] tur jaang` dsea` i nijmé- ta~ quií'-, co' lana nilím`bre cajo jaang` dsea` rú'naa' dsea` quiá'- Dsea` Jmáang-.

¹⁷ Jo lajob líí, uíí' e líí'naa' dsea` quiá' Dsea` Jmáang-, joba' íim' i Onésimo la cóo' e guiá' líí' lafa' mí' íin' jnea~. ¹⁸ Jogui song líing~ ee` nica'léer' quií' osi ee` nicarøøiñ` quií' é, joba' jneab~ niquí' i cuaiñ~ quiá'r-. ¹⁹ Jnea~ Paa- jmo'o e júu^ la cóo' layaang~ guóo'o. Jogui dseáng' e jáb-, jneab~ niquí' i jalé' e nicarøøng` i Onésimo la quií'. Jo lín-n e ja` ngii` lí fa' 'né- e nijmigiéén'n o' e lafa' 'nub` røøñ' quié-e, dsuco' la'eáang' jnea~ba' e calín- dsea` quiá' Dsea` Jmáang-. ²⁰ Jo máí' i 'nu' lajo uíí' e coob` fí' tí'-naa' cóo' Dsea` Jmáang-, joba' jmee-gó uíí' diéé~ e ni'íim'ba' i Onésimo la cóo' júu^ røø` uíí' e lín' dsea` quiá' Dsea` Jmáang-; jo mí' nijme'^ lajo, joba' eáam` nili'íáang` dsii- jóng.

²¹ Jo guiéén'n e jì' la quií' e catín-, dsuco' dseáng' nitab~ dsii- e nijmití'ba' e jmi'ee~ e nicamíí' i 'nu', jogui niñí' bñi cajo e jmiguiú'guiú' nijmée'^ laco' jii' e nicafá'-a na. ²² Jogui jmee-gó uíí' diéé~ quií' e niguiá'^ guiá' jíé' fí' lí~ nijaa- fí' na, dsuco' nitab~ dsii- e nijmitib~ Fidiéé' lajii' e nicamíí'-na're uii~ quié-e e nicuó'r- jnea~ fí' e ninii~ túu fí' na e ni'ee'e 'nú' calé' catú-.

Júu^ guicóo' lí' cadséng- quiá'- Paa-

²³ Jo lí' ngóo' cadséng-gui fíí' i 'nu', Filemón, e guiéng' i Epafras la júu^ guicóo' quií', jaang` dsea` rú'naa' dsea` quiá' Dsea` Jmáang- i sijníng` colíing~ cóo' jnea~ fí' la uíí' e guia'naa' júu^ quiá' Fíí'naa' Dsea` Jmáang-.

²⁴ Jogui lajobi cajo i dsea` quiá' Dsea` Jmáang- caguiaang-gui i seeng` fí' la i nicajmicóo' jnea~ jee~ ta~ e guia' júu^ quiá' Dsea` Jmáang- guiéiñ' júu^ guicóo' quií'-na' cajo; jo jaléng' i dsea` la siir` Marcos jogui Aristarco jogui Demas cóo' gui Lucas.

²⁵ Jo máí'-naa' Fíí'naa' Dsea` Jmáang- e ni'í'r- güea'^ quiá'r- jee~ jaléng' 'nú'. Jo lajob nilí.

Jo lanab jii' fé' jì' quiá' Paa- e catíng- Filemón.

Coo` ji` e catoeing` jaléng` dsea` Israel i loeing` dsea` quiá'- Dsea` Jmáang`

Nicacuø Fidiée` júu` quiá'r` la'eáang` cóo` i Joor` camúng` do

1 Lajíi` lamali`gui eáang`, jmiguiub` ya` cangúng` Fidiée` júu` quiá'r` fí quini` jaléng` dsea` áang` qui`-ii' la'eáang` cóo` fíng` dsea` i café` cuaiñ` quiá'r`. Jo jalé` e júu` e ca'íng` jaléng` i dsea` do, jmaquíim` lí' jial ca'íñ` lajaang` lajaaiñ`. 2 Jo dsu' lanagui, lajee` lí` ngóo` cadséng`, Fidiée` cangúñ` júu` quiá'r` condsee` qui`-ii' la'eáang` cóo` i Joor` camúng` do. Jogui la'eáang` cóo` i Joor` do cajo cajméer` latøøng` yá^ jmigúí cóo`gui guóo` uó` latí` mí` uing~, jogui nicangúñ` fí jaguó` i Joor` camúng` do dseáng`- lajalé`ba' e sea` fí jo. 3 Jogui i Joor` camúng` do, íb` i dseáng`- jing` güeang` i 'gøng` quiá'r`, jogui dseáng`- laco' líiñ` 'ñia`bre líng` dsea` do cajo; jo íb` i nee` ni` lajalé` e sea` cóo`- lajaléng` i seeng` la'eáang` cóo` e júu` 'gøng` quiá'r`. Jo mí` cangf` e nicajáng` 'ñia`r` e laco' nicaleáaiñ` jneaa`aa' jee` jalé` dsee` qui`-ii', nicangám` tur fí ñífi`, jo lana dob niguiiñ` lí^ lí` dsée` cáang` lí` lí' ée` quiá'- Fidiée`.

'Gøng`gui i Joo` Fidiée` i camúng` do laco`gui jaléng` ángeles

4 Jo Fidiée` cajméer` e 'gøng`gui i Joor` camúng` do laco'gui jaléng` ángeles, co' nicangúñ` quiá'- dsea` do e líiñ` jaang` dsea` i niing`-gui laco'gui líng` jaléng` ángeles i líng` jíi` guotíi` Fidiée`. 5 Co' Fidiée` jíi` coo` ya` ja` cajíñ` e sí'r` jíi` jaang` ángel lala:

'Nub` dseáng`- lin` Joo`o;

jogui jmíi` na nijmee` e e niliñí` dsea` e jneab` lín`n Tiquíi`.

Jogui cajo ja` cajíñ`- lala e éeiñ` jíi` jaang` ángel:

Jneab` nilíin`-n Tiquíi` dsea` do,

jogui dsea` do nilíiñ`- Joo`o.

6 Jo fé`bi Fidiée` fí lí` jíé` cuaiñ` quiá'- i Joor` camúng` do ie` mí` cacuøøng`neiñ` do fí jmigúí` la, jo lalab` cajíñ`-:

'Né`- nijmifém` jaléng` ángeles quié` e i Joo`o na.

7 Jogui cajíng`-guir cajo cuaiñ` quiá'- jaléng` ángeles mí` cajíñ`- lala:

Jmóo`o e jaléng` ángeles quié` e líiñ` laco' guí,

jogui jmóo`o e lajaléiñ` do líiñ` laco' mí` sóng` niing`- jí.

8 Jogui dsu' jíng`-gui Fidiée` uii` quiá'- i Joor` camúng` do mí` fé`r` lala:

'Nub` líng` Fidiée`, jogui car` ngongú` jmíi`ba' e nicá^` nífi` quiá'- jaléng` dsea` quií`-,

jogui dseáng`- røøb` íi` í` quiá'- jaléng` dsea` do cajo.

9 Jogui eáam` tí` a' jalé` e guiá`-

jogui eáam` 'ní` man` jalé` e 'lí`;

jo uíi` joba' jnea~, i líng` Fidiée` quií`-, caguín`-n 'nu`

jo cajmé`- e lajo e laco' nilí`iáang`gui o' laco'gui lajaléng` dsea` i seeng` røø` cóo`- 'nu`.

10 Jogui jíim`-bigui Fidiée` cajo cuaiñ` quiá'- i Joor` do mí` fé`r` lala:

Janú` 'nu`, Fíi`, 'nub` cajmee`- e catiøø` jmigúí` latí` mí` uing~,

jogui 'nu`bi cajo dsea` cajmee`- yá^ jmigúí`.

11 Jo jalé` e jo tóob` jmíi` ní`íng`, dsu' 'nu`, latab` seen`.

Co' jalé` e jo niguiáb` mí` nití` í`

laco'gui la dsea` lí^ doñí` ee` 'mí`;

12 jogui nijmée` laco' tú`- ju` jalé` e jo laco'gui mí` júng` dsea` coo` 'mí`,

jogui nijmisín^l jalé^l e jo laco'gui mi[~] jmising⁻ dsea^l sí^r.

Dsu^l 'nu^lgui, røøb^l lin^l contøøng⁻, co^l ja^l sisín^l jí^l capí^l,

jogui cajo ja^l tóo^l jmii[~] fa^l e ní^lín⁻.

¹³ Jo jí^l coo^l née^l ja^l cajíng^l Fidiée[~] fa^l sí^r jaléng^l ángeles quiá^r mi[~] fé^r lala: Ní^l lí^l dsée^l laco^l guiin[~]n,

cartí^l nijmee[~] e jaléng^l dsea^l i^l ní^l níng⁻ 'nu^l

nisí^r uø⁻ jnir[~] fí^l quini^l e laco^l nijmi^lgór^l 'nu^l.

¹⁴ Jo jaléng^l ángeles dsea^l jmiguí^b líiñ^l i^l jmóo^l lají^l ta[~] e iing[~] Fidiée[~], jogui jaléng^l íb^l cajo i^l síng^l Fidiée[~] i^l jmicoo^l jaléng^l dsea^l i^l cangíng^l e nileáiñ^l jee[~] jalé^l dsee⁻ quiá^r.

2

Ja^l 'né⁻ jmitúng[^] dsí^lnaa^l e fí^l lí[~] nitée⁻naa^l cóo^l Dsea^l Jmáang⁻

¹ Jo co^l lajob lí^l, joba^l eáang^lgui guíng^l 'né⁻ e nicuøø^l bí^l yee[~]naa^l e nijmi^lgoo⁻naa^l lají^l júu[^] e nicajá^l lí^lnaa^l do e laco^l ja^l ní^lnáng^lnaa^l lají^l fí^l guí^l lí[~] nitée⁻naa^l cóo^l Dsea^l Jmáang⁻. ² Jo dseáng^l røøb^l í^l jalé^l e júu[^] e cacuø^l Fidiée[~] lamí[~] jéeng^lgui la'eáang^l cóo^l jaléng^l ángeles, joba^l jaléng^l dsea^l i^l ja^l cajmi^lgó^l o'gui cajméer^l náu^lr[~] jalé^l e júu[^] jo, dseáng^l iihuú^b ca'íñ^l laco^l catíng⁻. ³ Jo dseáng^l ja^l nileáng^lnaa^l jee[~] jalé^l iihuú^l e catí^lnaa^l do song jmitúm⁻ bí^l dsí^lnaa^l e júu[^] e cacuø^l i^l Jóor^l camíng^l do e quiá^l jial laang^l dsea^l jee[~] jalé^l dsee⁻ quiá^r. Co^l 'ñiab^l Fí^lnaa^l dseáng^l cacuø^l e júu[^] jo la'uii[~], jo mi[~] cangíng^lgui lajo, cajme^l jneaa[~]aa^l júu[^] jaléng^l dsea^l i^l canú⁻ e júu[^] jo, jo casí^r jneaa[~]aa^l e dseáng^l lajob cangojée^l. ⁴ Jo lajobi Fidiée[~] cajo cajméer^l e calita[~] dsí^lnaa^l e dseáng^l jáb^l e júu[^] jo la'eáang^l cóo^l jalé^l e lí[~] e cajméer^l colíng[~]gui cóo^l jalé^l e 'gøng^l e dsigá^l dsí^l dsea^l e quí^l jmii[~] jmóor^l, jogui cajmée^l bí^r cajo e ta[~] dsí^lnaa^l e lajo, co^l cacuø^l r^l jneaa[~]aa^l Jmiguí^l quiá^r lajaang^l lajaang^lnaa^l jmaquíng^l lí^l laco^l la íaang^l dsí^r 'ñia^lr.

Mí[~] calíng⁻ Dsea^l Jmáang⁻ jaang^l dsea^l jmigüí^l

⁵ Jo ja^l cacuø^l Fidiée[~] jaléng^l ángeles quiá^r ta[~] fa^l e niné⁻ niñ^l lajalé^l e sea^l fí^l jmigüí^l lí^l laco^lgui jí^l e sí^lnaa^l lana. ⁶ Dsu^l o^l lajo, co^l lalab fé^l fí^l ni[~] jí^l quiá^r lí[~] fé^l jaang^l cuaiñ[~] quiá^l dsea^l jmigüí^l:

Fidiée[~], ¿e[~] líng^l dsea^l jmigüí^l e laco^l eáang^l iin^l e nijmicoo^lre?

jogui ¿e[~] líng^l dsea^l dsee⁻ dsea^l quí^l e laco^l niné⁻ ní^lre?

⁷ Jo lajee[~] cateá^lba^l cajmée^l e ja^lgui niing⁻ dsea^l jmigüí^l laco^l jaléng^l ángeles; jo mi[~] cangí^l jo, cacuøø^lre coo^l ta[~] e jlo^l e niing⁻,

jogui cajmée^l e cajmi^lgó^l dsea^l í^r,

⁸ jo cacuøø^lre ta[~] e cané⁻ nir[~] lajalé^l e sea^l fí^l jmigüí^l.

Jo mi[~] cacuø^l Fidiée[~] e née^l ni[~] dsea^l jmigüí^l jalé^l e jo, jí^l coo^l ja^l e caséer^l ca^l fa^l e ja^l cané⁻ niñ^l. Dsu^l doñí^l fa^l e cajméer^l lajo, dsu^l ja^l mí^l ne[~]bí^l fa^l e ninée^l ni[~] dsea^l dseáng^l laco^l sí^l. ⁹ Dsu^l e já^l, nine^lbaa^l e Fidiée[~]bing^l cajmeáang^l Jesús ja^lgui fa^l dseáng^l niñ^l laco^lgui jaléng^l ángeles lajee[~] e calíñ^l dsea^l jmigüí^l. Jo co^l eáam^l 'neáang^l Fidiée[~] jneaa[~]aa^l, joba^l cajméer^l e cajúng⁻ Jesús cuaiñ[~] quí^lii^l. Jo la'eáang^l cóo^l e iihuú^l e cangíng^l Jesús mi[~] cajúíñ^l do, joba^l lana nine[~]naa^l e nicajmée^l Fidiée[~] e dsea^l do ca'uíñ⁻ jaang^l dsea^l 'gøng^l i^l 'né⁻ nijmi^lgó^l jaléng^l dsea^l jmigüí^l jogui i^l 'né⁻ nijmiféng^l dsea^l cajo.

¹⁰ Jo Fidiée[~] dsea^l cajméer^l lajalé^l e sea^l fí^l latøøng⁻ jmigüí^l, jogui la'eáang^l cóo^l íbre cajo e sea^l bí^l jalé^l e sea^l. Jo co^l iñ[~] e lajaléng^l dsea^l i^l nilíng^l dsea^l quiá^r niliseeng^l cøøng^l cóo^l lata[~] fí^l ñifí⁻ fí^l lí[~] niing⁻ 'gøíñ^l, joba^l la'eáang^l cóo^l e iihuú^l e cangíng^l Dsea^l Jmáang⁻ mi[~] cajúíñ⁻, Fidiée[~] cajméer^l e ca'uíng⁻ dsea^l do dseáng^l laco^l sí^l. Jo lajoba^l ca'uíng⁻ Dsea^l Jmáang⁻ jaang^l i^l íng⁻

dsee` quiá'~ jaléng' dsea` quiá'r~. ¹¹ Jo cajmée` i Jóor' camúing'~ do e nilí'naa' dsea` i jo` røøng`gui dsee` fí` quini` Fidiée` lí' la líiñ' 'ñia'r'; joba' colúing` cóo'~ i Jóor' do cajmée` Fidiée` e nilí'naa' lafa' coob` sinúu` cóo'r~, co' jaam` Tiquí'naa' niseeng`. Jo uii` joba' ja` e i' líng` i Jóo' Fidiée` do jíi'~ coo` e sí'r` jaléng' dsea` quiá'r~, rú'u, ¹² co' lalab fé'r` fí` ni` jì` quiá'~ Fidiée`:

Nifí' i jaléng' rún'n jial líng' 'na`,

jogui ni'øø` quiá'~ e jmifén'n 'na` jee` jaléng' dsea` i seáng' e jmiféiñ' 'na`.

¹³ Jo lalab cajíng'~ guir cajo:

Dseáng'~ fí` jaguó` Fidiéeb` seen~, co' íb` dsea` i quie` nifí` quie` e.

Jogui jíim'~ biguir cajo lala:

Lab seen` colúing` cóo'~ jaléng' dsea` quie` e i líng' jóo`o` i nicacuøng' Fidiée` jnea`.

¹⁴ Jo jaléng' jneaa`aa', dsea` lí'naa' dsea` jmigüi, røøb` sea` ngúu` táang`naa' cóo'~ gui jmi'øøng`naa'. Jo lajob cajo mi` cajá` Jesús fí` jmigüi la, seab` ngúu` táaiñ` cóo'~ gui jmi'øøiñ` lí' laco'gui la líng' dsea` jmigüi. Jo dsea` do ca'uiñ` lajo e laco' la'eáang` cóo'~ e cajúin` e líiñ` jaang` dsea` jmigüi, ca'íiñ` bí` quiá'~ fii` i 'líng' i líng' fii` quiá'~ 'mó'. ¹⁵ Jo la'eáang` e nica'íing` Jesús bí` quiá'~ i fii` i 'líng' do, joba' nicaléaam`bre jaléng' dsea` jmigüi i lí' jó' jmi` táang` fí` jmigüi e 'gó'r` nijúuiñ`. ¹⁶ Co' dseáng'~ e jáb'~ e ja` cajá` Jesús fí` jmigüi la e laco' nijmicóo'r` jaléng' ángeles, dsu' cajá`bre e laco' nijmicóo'r` jaléng' dsea` i líng' sijü` 'lí' yúu` Abraham. ¹⁷ Jo e laco' nijmicóo'~ Jesús jaléng' i dsea` rúin` dsea` jmigüi do, joba' la guím` 'né` e ca'uiñ` røøb` laco' dsea` do. Jo uii` lajoba' ca'uiñ` fí` quini` Fidiée` jaang` jmidsea` i laniing`gui eáang` i ée` røø` lata` jogui i eáang` fí` líng` i dsea` rúin` dsea` jmigüi do, jogui cajáng' 'ñia'r` e cajúin` fí` dse' crúu` e laco' ni'íing` jalé' dsee` quiá'~ dsea` jmigüi. ¹⁸ Jo lí' laco' cangúing` Jesús jee` jalé' iihuí` e laco' nitéiñ` fí` ni` dsee~, dsu' ja` calí` lajo, joba' lana dsea` do nicuøøm` nijmicóo'r` jneaa`aa' mi` ngúing`naa' jee` jalé' e jo e laco' ja` nijjá'naa' fí` ni` dsee`.

3

'Gøng'gui Jesús laco' Moi`

¹ Jo co' lajob lí', dsea` rú'naa' dsea` quiá'~ Dsea` Jmáang` i nicatø'~ Fidiée` e laco' ni'uíng`na' dsea` quiá'r~, joba' 'né` jmiguiém' áa'na' car` ngocáng` óo'na' e Jesús i casíng` Fidiée` fí` jmigüi la cuaiñ` quiá'r~, ca'uiñ` jaang` jmidsea` i laniing`gui jee` jaléng' jmidsea` e laco' nifé'r` fí` quini` Fidiée` dsea` guing` fí` ñifí` uii` qui'~ii', dsea` já'~ lí'naa' júu` quiá'r~. ² Jo dseáng'~ eám` røø` ée` Jesús jalé' ta` e cangúin` quiá'~ Tiquiá'r` Fidiée`, jogui røø` ca'ée` Moi` cajo lajíi'~ ta` e cajmээр` jee` jaléng' dsea` quiá'~ Fidiée`. ³ Dsu' eáang`gui catúing` e nijmi'gó` dsea` Jesús laco'gui Moi` lí' laco'gui la lí' quiá'~ jaang` dsea` i née` ni` coo` sinúu` eáang`gui catúing` e nijmi'gó` dsea` i dsea` í` laco'gui e 'núu` do 'ñia'. ⁴ Jo dsea` jmigüi'bing' jmo' jalé' 'núu', jo dsu' Fidiée`bing' i cajmée` lajalé' e sea` fí` la'úng`. ⁵ Jo dseáng'~ røøb` dseáng'~ ca'ée` Moi` lajíi'~ ta` e ca'íiñ` quiá'~ Fidiée` jee` jaléng' dsea` quiá'~ dsea` do; jo jalé' ta` e cajmээр` do quiá'~ e fé'r` fí` quini` jaléng' dsea` jalé' e nijmé` Fidiée` cøøng`gui. ⁶ Jo dsu' Dsea` Jmáang` dseáng'~ røøb` éer` ta` quiá'r~ e líiñ` Jóo' Fidiée` e née` nir` dsea` quiá'~ Tiquiá'r`. Jo jnea`^bi dsea` lí'naa' i dsea` quiá'~ dsea` do song já'~bi lí'naa' júu` quiá'r~ car` ngocáng` dsi'naa', jogui song sijeeng`naa' e nita` dsi'naa' e ni'íing`naa' lajíi'~ e catúing`naa' mi` nití` í' lajo.

Jial niñing` dsea` e jmi'íñ' cóo'~ Fidiée` laco' ngóo' jmi`

⁷ Jo lí' laco' fé' fí` ni` jì` quiá'~ Fidiée` lí' fé' Jmiguí quiá'r~ lala:

Jø song lana ninúu^na' lajii~ júu^ quiá^- Fidié~,

⁸ joba' ja` jmoo`na' saang` áa`na'

laco'gui cajmée` dsea` áang` quií~na', dsea` Israel, mi~ cajméer` saang` dsíir`

cóo~ Fidié~ ie~ lami~ cangir` fí` jee~ uó~ quiú~,

mi~ cali'iiñ~ caliñir` jial tíí` féng` dsíí` Fidié~ cóo~ jaléng` dsea` do.

⁹ Jø fé`bi Fidié~:

Jø ie~ jø jaléng` 'lii~ dsea` áang` quií~na' contøøm~ cajméer` e cali'iiñ~ e caliñir`
e su dseáng`- já`-ba' e quíi~i jmi~ e nijmicóo~`ore,

doñí` fa' lajee~ e cangí` jaléng` i dsea` do fí` jee~ uó~ quiú~ cangá~bre jalé` e guiá~
e quíi~i jmi~ e cajmé~ e cóo~r~ lajee~ tuló~` jii~.

¹⁰ Joba' ie~ jø eám` caliguín~n cóo~ jaléng` i dsea` í` jø cafíi~`ire lala:

“Contøøm~ i dsea` quié~ e la ja` mí` ca`íiñ` e jnea~ quiee~ nifí` quiá`r~
o`gui iiñ~ e nijmitir~ jalé` júu^ quié~ e.”

¹¹ Jø co' eám` siguíin~n quiá^- jaléng` i dsea` quié~ e do,

joba' cacuø` júu^ quié~ e quiá^- i dsea` do lala:

“Dseáng`- ja` niñiiñ` e nijmi`íiñ` e seeiñ` cøøng` cóo~` jnea~ laco' ngóo` jmi~”.

¹² Joba' fíi~guíi` 'nú`, dsea` rú`naa' dsea` quiá^- Dsea` Jmáang~, jmiñiing~

óo`na' e laco' jii~` jaang` 'nú` ja` nijmée`na' saang` áa`na' cóo~ Fidié~ e laco'
nijmitúng~ áa`na' fí` lí` niteáang~na' cóo~r~, co' jii~` dsea` íb` i já` i cuó` e

see~naa' fí` jmiigüí` la. ¹³ Co' lajee~ lana, lajee~ e fém`bi dsíí` Fidié~, lí` lí`
'né~ e cuó`gui bí` rúm`ba' laco~` jmi~ laco~` jmi~ e laco' jii~` jaang` 'nú` ja`

nijmigøøng` yaang~na' e niténg`na' fí` ni~ dsee~, co' fíng song cajmee`na' lajo,
joba' ni`uíng~na' e saam`tu` óo`na' cóo~ Fidié~ jóng. ¹⁴ Jø lata~ nilisee~naa'

cøøng` cóo~` Dsea` Jmáang~ song teá`bi tee~naa' lajii~` fí` guiá~ lí` nitée~naa'
cóo~r~ lata~ see~naa' fí` jmiigüí` la lí` laco'gui nicajmée~naa' latí` mi~ uing~.

¹⁵ Jø lalab fé`gui fí` ni~ jii~` quiá^- Fidié~ lí` fé` lala:

Jø song lana ninúu^na' júu^ quiá^- Fidié~,

joba' ja` jmoo`na' saang` áa`na' laco'gui cajmée` dsea` áang` quií~na' dsea`

Israel malii~gui eáang` mi~ cajméer` saang` dsíir` cóo~ Fidié~ lajee~
cangir` fí` jee~ uó~ quiú~.

¹⁶ Jø çí~ i dsea` i cajmée` saang` dsíí` cóo~ Fidié~ mi~ cangí` e canúur~ júu^
quiá^- dsea` do? Co' jaléng` dsea` Israel i ca`uøøng` Moi~ fí` Egipto, dsea` í`bing`

i cajmée` saang` dsíí` cóo~ Fidié~. ¹⁷ Jogui çí~ cóo~ jaléng` dsea` cajmée` Fidié~
guíiñ~ lajee~ tuló~` jii~? Cóo~ jaléng` i dsea` íb`, co' í`bing` i cabeáng` dsee~

yaang~ ie~ jø, joba' cajúíñ~ tá`- jáiñ` fí` jee~ uó~ quiú~ cartí` cadsem~bre. ¹⁸ Jogui
çí~ cóo~ jaléng` dsea` i cacuø` Fidié~ júu^ quiá`r~ e ja` nijmi`íiñ` e seeiñ` cøøng`

cóo~` dsea` do? Cóo~ jaléng` íb` cajo, co' ja` cajméer` náu`r~ júu^ quiá^- dsea` do.

¹⁹ Jø lajob calilí`naa' e ja` calí` jaléng` i dsea` do fa' e nijmi`íiñ` e seeiñ` cøøng`
cóo~ Fidié~, co' ja` já`- calíiñ~ júu^ quiá^- dsea` do.

4

¹ Joba' fíi~guíi` 'nú`, dsea` rú`naa', e lajee~ e sea`bi fí` qui`ii' e jmi`íng`naa'
e see~naa' cøøng` cóo~ Fidié~, joba' lajee~ jø 'né~ e nijmiñiim~ dsí`naa' e laco'

jii~` jaang` jneaa`aa' ni`náng`naa' fa' e ja` ni`íng`naa' e jø. ² Co' nicaguiab` dsea`
júu^ fí` jee~ jneaa`aa' quiá^- jial láang` Fidié~ dsea` jee~ jalé` dsee~ quiá`r~ lí`

laco' jii~` júu^ e canúur~ jaléng` i dsea` i cangí` fí` jee~ uó~ quiú~ do malii~gui
eáang`. Dsu' ja` e ta~ cali`íng` jii~` coo` e jø quiá^- i dsea` í, co' ja` já`- calíiñ~

e júu^ e canúur~ do o`gui calinúu`r~ cajo. ³ Jø dsu' jneaa`guíi~, dsea` nijá^- lí`hi`
júu^ quiá`r~, niñim`baa' e nijmi`íng`naa' e see~naa' cøøng` cóo~ Fidié~, jø o'

laco' i dsea` i éeng` Fidié~ fí` ni~ jii~` quiá`r~ mi~ fé`r` lala:

Jø co' eám` siguíin~n quiá^- jaléng` i dsea` i saang` dsíí` do,

jōba' cacuøθ jūu^ quié~ e quiá'- i dsea` do lala, e dseáng'- ja` niñiñ` e nijmi'íñ'
e seeiñ` cøøng` cōo'~ jnea~ laco' ngóo' jmñ~.

Jō cajíng'- Fidié~ lajō nañí' fa' cartí' mi~ canaang` uiiñ~ jmigüi'ba' catáñ' jalé'
ta~ quiá'r- e cajméer` latøøng- jmigüi'. ⁴ Cō' nine~baa' e lajalé'ba' ninéé' guiá-
quiá'- Fidié~ lami~ uing` lí' laco' la fé' fí' ni~ jì quiá'r- lí' fé' lala:

Jō lajee~ jñuu~ jmñ~ catób' jalé' ta~ quiá'- Fidié~,
jōba' cajmi'ím'bre mi~ catí' e jmñ~ guié- do.

⁵ Jō lalab cajíng'- gui Fidié~ cajo fí' ni~ jì quiá'r- cuaiñ~ quiá'- jaléng' i dsea` i
cajmée` saang` dsíí' cōo'r~ do:

Ja` niñíng` i dsea` na e nijmi'íñ' e seeiñ` cøøng` cōo'~ jnea~ laco' ngóo' jmñ~.

⁶ Jō jaléng' i dsea` i canúu- lami~ jéeng`gui jūu^ quiá'- Fidié~ e quiá'- jial laang`
dsea` jee~ jalé' dsee- quiá'r-, dsu' ja` cangñiñ` e seeiñ` cøøng` cōo'~ Fidié~, cō'
saam` dsíir' cajméer` cōo'~ dsea` do. Dsu' latí' lana tí'bi e ni'íng' dsea` e jō, cō'
cuø'bi Fidié~ fí' e nijmi'íng' dsea` cōo'r-. ⁷ Jō cō' lajōb líí, jōba' Fidié~ nicatéer`
cōo'gui jmñ~ lí' lí' dsea` e ni'íñ' e seeiñ` cøøng` cōo'~ dsea` do, jō e jmñ~ jōb
líí lana. Cō' Fidié~ nicasí'r- jneaa~aa' la'eáang` cōo'~ jūu^ quiá'r- e cajme'
dseata~ Daví' fí' ni~ jì ie~ lami~ casúung- jmiguiá' jii` e cajmée` dsea` Israel
saang` dsíir' cōo'~ Fidié~:

Jō song lana ninúu^na' lajii' jūu^ quiá'- Fidié~,

jōba' ja` jmoo'na' saang` áa'na' cōo'~ dsea` do.

⁸ Cō' faco' 'líi~ yáuu~ Josué cacuø'r' dsea` góor` dsea` Israel fí' e nijmi'íñ' ie~ jō
lí' laco'gui cajíng'- Fidié~ lami~ jéeng`gui e nicuø'-reiñ', jōba' ja` ee' ta~ café'
Fidié~ e nilisea` cōo'gui jmñ~ e nijmi'íng' dsea` lana faco' lajō. ⁹ Jō cō' lajōb
líí, jōba' sea'bi fí' e niñíng` i dsea` i nijá' líng` jūu^ quiá'- Fidié~ e nijmi'íñ'
e seeiñ` cøøng` cōo'~ dsea` do. ¹⁰ Cō' jaléng' dsea` i ngáing` e nijmi'íñ' e seeiñ`
cøøng` cōo'~ Fidié~, jōba' nijmi'íñ' e nicatáñ' jalé' e 'né- jmér- lí' laco'gui
cajmi'íng' Fidié~ mi~ cangí' e catáñ' ta~ quiá'r- e cajméer` latøøng- jmigüi'.

¹¹ Jōba' 'né- e nicuøø'bi bí' yee~naa' e laco' niñíng`naa' e nijmi'íng'naa' e
see~naa' cøøng` cōo'~ Fidié~ e laco' jii' jaang` jneaa~aa' ja` nijmó'oo' laco'gui
cajmée` i dsea` Israel do ie~ maliñ`gui do mi~ ja` já'- calíñ- jūu^ quiá'- Fidié~
o'gui calínúu'r- e jūu^ quiá'- dsea` do cajo.

¹² Cō' eáam' 'gøøng' jūu^ quiá'- Fidié~ jogui cuø' e seeng` dsea`. Jō eáang`gui
jlo' bí' quiá'- jogui íng-gui ta~ cajo laco'gui cōo' ñisu' e 'mé- lajì tú- taang`,
jogui cuø' e ngáng' dsea` jial laco' catíng- e í' dsíir' fí' dsíir' jogui jial e í' dsíir'
cōo'~ jmigüi' quiá'r-; jogui cuø' e líñi' dsea` su guiá- osi ja` dseeng` jalé' e í' dsíir'
jogui su guiá- osi ja` dseeng` jalé' e iñ~ nijmér-. ¹³ Jō jii' cōo' e sea' fí' la'úng-
fí' jmigüi' lí' 'meá- dsea` e ja` ñí' Fidié~ osi e ja` jøør- é, cō' jaléb' e jmoo~naa'
niñir' jogui nijøør- cajo, jogui dseáng'- fí' quini'bre cajo lí' ni'í- í' røø' quí-ii'
mi~ nití- í' lajō.

Jesús líiñ' jmidsea` dsea` féng' i laniing-gui

¹⁴ Jō cō' Jesús dsea` líiñ' Joo' Fidié~ i camíng' do, jogui íb' cajo i jmidsea`
dsea` féng' i laniing-gui do quí-ii', jō íb' dsea` i nicangáng'-tū fí' ñifí- fí' lí'
guiing~ Tiquiá'r' Fidié~, jōba' 'né- e téē-naa' teá' fí' guiá- lí' nitée~naa' e
já'- lí'naa' jūu^ quiá'- dsea` do. ¹⁵ Jō i jmidsea` dsea` féng' i laniing-gui
quí-ii' do quíi'bre jmñ~ e nilí' fñ- líiñ- jneaa~aa', dsuco' niñi'bre jial dseáng'-
huíng' see~naa' fí' jmigüi' la e ja` nité'-naa' fí' ni~ dsee-. Cō' dsea` í' cajo
cangím'bre jee~ jalé' iihuí' lajee~ cateáañ' fí' jmigüi' la, lífa' ír' jii' cōo' dsee-
ja' ca'éer-. ¹⁶ Jō uii' e lajōb líí, jōba' nita~ dsí'naa' e nidsiquiéeng`naa' fí' quini'
éé' lí' guing~ Fidié~ e laco' nilí' fñ- líiñ- jneaa~aa' jogui e laco' nijmicōo'r~
jneaa~aa' mi~ dseáng'- 'né- quí-ii' lajō; dsuco' i dsea` í' eáang' 'neáañ' jneaa~aa'
jogui dsíng'- eáang' guiúñ- cōo'~ jneaa~aa' cajo.

5

¹ Jo jee~ jaléng' dsea` jmiǵüib' li~ 'náang` dsea` jaléng' jmidsea` laniing~ e laco' ni'é~ ta~ quie' júu^ quiá'- jaléng' dsea` do fi' quini' Fidiéé~, jogui e niguiár~ guiá- jalé' feá'- e nicuó'r- Fidiéé~, jogui e nijngáin~ jaléng' jó' i catúing~ dsea` do e laco' ni'íng~ dsee- quiá'- jaléng' i dsea` do. ² Jo co' jaléng' i jmidsea` do ñi'bre jial huíng' e ja` niténg' dsea` fi' ni~ dsee~, joba' tím-bre e nilí fii- líiñ~ jaléng' i dsea` i ja` ñi' e dseeb~ éer` cóo'~ jalé' e jmóor` do; ³ jo co' dsea` dsee- dsea` quib' líng' jaléng' i jmidsea` do, joba' 'né- líng~ e feá'- niji'r- fi' quini' Fidiéé~ e laco' ni'íng~ dsee- quiá'r- yaaiñ~ jogui jalé' dsee- quiá'- jaléng' dsea` caguaiang~ gui cajo. ⁴ Jo júi~ jaang` dsea` cuóøng' lí jmeáng' 'ña'r' e ni'é~ e ta~ 'goo' la e ni'uíiñ~ jaang` jmidsea` laniing~, co' Fidiéé'bing' 'náang` dsea` e laco' ni'é~ e ta~ 'goo' jo lí^ laco'gui cajmée` Fidiéé~ cóo' i jmidsea` la'uii i caliséng` malii~ gui eáang' i calisí Aarón. ⁵ Jo lajob líi cajo cóo'~ Dsea` Jmáang~, co' o' 'ña'r' dsea` ca'náng~ 'ña'r' e ni'é~ e ta~ 'goo' jo e ca'uíiñ~ jmidsea` dsea` féng' i laniing~ gui, dsu'co' Fidiéé'bing' i ca'náang~ ír' e ni'é~ e ta~ 'goo' jo car` ngongá~ jmi~, co' 'ñiab' Fidiéé~ dsea` cajíñ~ lala malii~ gui eáang': 'Nub` dseáng' lin' Joo' o;

jogui jmi~ na jneab~ dseáng' lín'n Tiquíi'^ cajo.

⁶ Jo cajím' biguir cajo fi' ni~ jì quiá'r- mi~ cajíñ~ casí'r- i Joor` Dsea` Jmáang~ do lala:

Jo car` ngongá~ jmiib~ óo' ta~ e lin' jmidsea` dsea` féng' i laniing~ gui,

lí^ laco' calíng~ i jmidsea` i sií Melquisedec ie~ malii~ gui do.

⁷ Jo lajee~ cateáng` Dsea` Jmáang~ fi' jmiǵüi' la, eám' teá caféeiñ~ Fidiéé~ jogui camí'r' dsea` do e ngocáng` dsíir' carji' qui'bre e quíi~ dsea` do jmi~ e nileáng~ neiñ' fi' ni~ 'mó'; jo uii~ e cajmíti~ Dsea` Jmáang~ car` ngocáng` dsíir' lajúi~ e iing~ Fidiéé~, joba' jáb'- canúu~ dsea` do lajúi~ júu^ quiá'r-. ⁸ Jo doñi' fa' e Dsea` Jmáang~ líiñ~ dseáng'- i Joo' Fidiéé~ camíng' do, dsu' dseáng' 'né- ba' e cangongá~ jmiñ~ jalé' e iihuí' do e laco' calilí'r^ jial 'né- jmér- núu'r~ mi~ quii' Tiquiá'r^ ta~ lajo. ⁹ Jo mi~ ca'uíiñ~ dseáng'- laco' júi~ e si'íiñ^ quiá'- Tiquiá'r^ Fidiéé~, joba' nicuóøng' leáiñ~ lata~ jee~ jalé' dsee~ jaléng' i dsea` i jmoo' lajúi~ e iing~ dsea` do. ¹⁰ Joba' Fidiéé~ ca'náaiñ~ dsea` do e oor` ta~ 'goo' e líiñ~ jmidsea` dsea` féng' i laniing~ gui lí^ laco'gui calíng~ i jmidsea` i sií Melquisedec ie~ malii~ gui do.

Jial dseáng' e nilitúng~ dsíi' dsea` cóo' júu^ quiá'- Dsea` Jmáang~

¹¹ Jo jmiǵui'bi jalé' e ii~naa' e nisíi~guíi' 'nú' uii~ quiá'- jalé' júu^ e nicasi~naa' na, lifa' huím'jiu qui~naa' e ni'é^naa' 'nú' e júu^ jo, co' eám' tá'-jiu ngáng' 'nú' e júu^ jo. ¹² Jo ningóob' eáang' e ca'íng' 'nú' júu^ quiá'- Dsea` Jmáang~, joba' lana nidsi' í' e nilíng'na' tifab' quiá'- e júu^ jo; dsu' lí^ riquib' líi quíi' 'nú' lana, co' 'nú' ni'neáng~tu' jaang' tifab' i ni'é'-tu' 'nú' jalé' júu^ quiá'- Fidiéé~ e nicanáa'na' lami~ jéeng'gui. Co' lanagui eám' jo' teá teáng~na' cóo' júu^ quiá'- Dsea` Jmáang~, co' nilíng'na' lafa' yuu' pí^ e jmang'^ fib' iing~na' u^na', jo ja' iing~na' cø^na' laco' gø' dsea` cóøng'~. ¹³ Jo jaléng' dsea` i líng' lafa' yuu' pí^ i j' jmang'^ fi', lajob líng' jaléng' dsea` i ja' lí' gui' su guiá~ osi ja' dseeng' jalé' e jmóor` do. ¹⁴ Dsu' jaléng' i líng' laco' dsea` cóøng'~, lafa' jmiñib' táng' í' gø'r', co' í'bing' nitíng' gui' e~ e guiá~ jogui e~ e ja' dseeng', jo nisitím~bre e jmóor` júi~ e guiá~.

6

¹ Joba' fii~guíi' 'nú', dsea` rú'naa' dsea` quiá'- Dsea` Jmáang~, matée^guíi' fi' guiá~ lí~ nitée^naa' cartí' ni'uíng~naa' dseáng'- laco' sí'í' fi' quini' Fidiéé~. Jo ja' jmiñitúu' lajúi~ júu^ tíi~ fii~ quiá'- Dsea` Jmáang~ e caná^naa' la'uii~ do quiá'-

jial quí' j́ng' yaang~ dseá' fí' quini~ Fidié' jogui quiá'- jial mi~ tú' dseá' jalé' e lí' e si' j́i' fí' 'mó', jogui jial já'- ĺng' dseá' júu^ quiá'- Fidié', ² osi jial mi~ saang' dseá' jmí', osi e~ uing~ mi~ quidsí' dseá' guóor' fí' yá'^ mogui~ jaléng' dseá' quiá'- Dseá' Jmáang~, osi jial lí' mi~ nijí'tu jaléng' dseá' quiá'- Dseá' Jmáang~ i nicajung~, osi jial mi~ niquidsí' Fidié' í' quiá'- jaléng' dseá' cóo' jalé' dsee~ e nica'éer'. ³ Jo majmó'guí' bí' e ni'uíng~naa' dseá' quiá'- Dseá' Jmáang~ dseáng' laco' sí'í', lí' jialco' iing~ Fidié' e nilí'naa'.

⁴ Jo jaléng' i dseá' i cangíng' quiá'- Fidié' e nijá'- caliñ~ júu^ quiá'- Dseá' Jmáang~, jogui e nicajmi'iaang' dsír' cóo' lajalé' e guiá' e nicajmée' Fidié' cóo'r~, jogui e nica'íñ' laj́i' e cuø' Jmíguí' quiá'- dseá' do, ⁵ jogui e niñi'bre jial tí' dseáng' guiá' e júu^ quiá'- Fidié' jogui jial tí' 'gøng' e jmíguí' 'mí' e nilisea' ie~ jo, ⁶ jo jaléng' i dseá' i ca'íng' jalé' e na, jo dsu' mi~ cangí' jo, catú'tur laj́i' e nica'íñ' do, joba' jo' quí'~ jmí' jóng e niquí' j́ng'tu yaaiñ' fí' quini~ Fidié', co' fíng song jmóor' lajo, joba' lí' lafa' e í'bre niteáng~tur i Joo' Fidié' camíng' do fí' dse' crúu' calé' catú', co' fíng song jmóor' lajo, joba' nilóøng~tur dseá' do jóng. ⁷ Jo jaléng' dseá' i ca'íng' júu^ quiá'- Dseá' Jmáang~ do, jo mi~ cangí' jo catú'tur fí' teáiñ~, joba' i dseá' í' líiñ' la lí' cóo' guóo' uø' e ca'íng' jalé' jmí' e tuu; jo mi~ niró' jalé' e cangojneá' e fí' ni' guóo' uø' do, joguib nilí'íng' ta~ quiá'- i dseá' i cajní' do; ⁸ jo dsu' song e fí' ni' guóo' uø' do ca'iaang' laj́i' 'matóo' cóo'gui jalé' onuu' guí', joba' ja' e ta' íng' j́i' cóo' e uø' do jóng; joba' lí' lafa' e tí' lí' nijéb' Fidié' e güeang' quiá'r~ e cata'r' e fí' ni' guóo' uø' do, jo ni'íim~ cartí' nicó'.

E lab e júu^ e cuø' ta~ dsí' e téé~naa' teá' fí' guiá' cóo' Dseá' Jmáang~

⁹ Dseá' rú'naa' dseá' quiá'- Dseá' Jmáang~ i 'neáan'n eáang', dsu' doñi' fa' e nica'fí' i 'nú' cóo' e júu^ jo, dsu' ofa' nica'fá'-a uii~ quí'na', co' eáam' nita~ dsii~ e dseáng' teáb' teáang' na' fí' guiá' cóo' Dseá' Jmáang~ e nileáang'na' jee~ jalé' dsee~ quí'na'. ¹⁰ Jo dseáng' eáam' guiúng~ Fidié', joba' ja' quí'~ jmí' fa' e ni'íng' dsír' jalé' e guiá' e nicajmee' 'nú' e nicajmicóo'na' jaléng' dseá' rúng'na' dseá' quiá'- Dseá' Jmáang~ jogui e nicajmi'neáang'na' jaléng' í' cajo lí' laco'gui la jmoo'na' lana. ¹¹ Jo ii~naa' e lajaang' lajaang' 'nú' jmée'bi' e íaang' óo'na' e jmícoo' rúng'na' lata~ seeng'na', jo lajoba' niñíng'na' laj́i' e nisijeeng'na' e catíng'na' e nicuø' Fidié' 'nú' mi~ nití' í' lajo. ¹² Jo ja' ii~naa' e 'nú' nijmée'na' fíng'na' e fí' guiá' lí' niteáang'na' cóo' Dseá' Jmáang~, co' lí' lí' 'né' e 'nú' nijmée'na' laco'gui la jmoo' jaléng' i dseá' i já'- ĺng' júu^ quiá'- Dseá' Jmáang~ e ja' litúng' dsír' doñi' ee' dsijée' fí' lí' nicasíng' yaaiñ~, jo la'eáang' e joba' e nidsijée' guiá' quiá'r~ e ninaaiñ' íñ' laj́i' e catíñ' e nicajíng' Fidié' e nicuø' reiñ' lamí' jéeng'gui.

Laj́i' júu^ e cacuø' Fidié' jaléng' dseá' quiá'r~

¹³ Jo ie~ malí'gui eáang' Fidié' cacuø'r' líi~ yá'u' Abraham júu^ quiá'r~, jo e jo dseáng' cajmitir~ 'ñia'r', co' ja' ii' seeng' i 'gøng'gui laco' ír' i nicuø'r' júu^ quiá'r' 'ñia'r'. ¹⁴ Jo e lab júu^ e cacuø'r' dseá' do ie~ jo mi~ cajíñ' lala: "E jáb', jneab~ nijmigüean' n 'nu' jogui nijmee' e niliseeng' i 'leáang' dseá' sijú'." ¹⁵ Jo mi~ ca'íng' líi~ yá'u' Abraham e júu^ jo, joba' cajéem'bre e féng' dsír' e nijmiti~ Fidié' laj́i' e nicajíñ'; jo mi~ cangí' jo, ca'ím' líi~ yá'u' Abraham laj́i' e nicajíng' Fidié' e nicuø' reiñ' lamí' jéeng'gui do. ¹⁶ Co' mi~ cuø' doñi' ii' dseá' júu^ quiá'r~ e ĺng' e nijmitir~, joba' e jo jmóor' fí' quini~ jaang'gui dseá' i niing~gui laco' ír'. Jo mi~ cuø' dseá' júu^ quiá'r~ fí' quini~ jaang' dseá' i niing~gui, joba' la guím' 'né' nijmitir~ e júu^ quiá'r~ do. ¹⁷ Jo co' Fidié' cali'íñ' e cacuø'r' júu^ quiá'r~ condséeb' fí' quini~ jaléng' i dseá' i nisí'íng' e ni'íng' jalé' e nicajíñ' lamí' jéeng'gui e nicuø' reiñ' do, joba' cacuø'r' júu^

quíar' fí quinir' ñia'r e ja' quí' jmi' fa' e nijgiéeng' gui lajii' e nicajii' lamí' jéeng' gui e nicuø'r' jaléng' dsea, jogui dseáng' 'né' e guiab' dsír' e nijmitir' jalé' e jo e ja' jmisíiñ' jii' coo. ¹⁸ Jo la'eáang' cóo' e tú' íng' júu' na e cacuø' Fidié' e ja' jmisíiñ' jii' coo' jogui e já' lí' cajo, co' dseáng' ja' quie'bre júu' adsee, joba' la'eáang' cóo' e tú' íng' júu' na nitab' dsí'naa' e íbre nito' fíiñ' jneaa'aa', jogui nisítav' dsí'naa' cajo e ni'íng'naa' lajii' e catí'naa' e sijeeng'naa' e nicuø'r' jneaa'aa' lí' laco'gui jii' júu' e nicacuø'r' jneaa'aa' lamí' jéeng'gui. ¹⁹ Jo la'eáang' cóo' e júu' ta' dsí' na nitée'naa' teá' fí' guí' cóo' Dsea' Jmáang' jogui nitab' dsí'naa' cóo' dsea' do cajo; jo e jo lí' lafa' 'lo' ñí' quí' coo' móo' e quíng' dsea' teá' fí' 'ni' jmi'ñí' e laco' nijé' tí' e móo' do. Jo nitab' dsí'naa' cóo' Jesús, jo íb' dsea' i nicang'íng' fí' lafa' 'mi' e í', jogui lana dob guíiñ' fí' lí' laniing' 'gøng' quí' Fidié' fí' ñifí'. ²⁰ Co' job e fí' e caneaa' Jesús lamí' jéeng'gui e laco' cuøøng' e niguié'naa' dseáng' fí' quini' ée' lí' guíng' Fidié', jo lajoba' cang'íiñ' e óor' ta' 'goo' e ca'uíiñ' i jmidsea' dsea' féng' i laniing' gui quí'ii' car' ngong'í jmi' lí' laco'gui calíng' i jmidsea' i sií' Melquisedec ie' malí' gui do.

7

Jesús líiñ' i jmidsea' dsea' féng' i laniing' gui lí' laco'gui la calíng' Melquisedec

¹ Jo i Melquisedec na calíiñ' dseata' dsea' féng' fí' coo' fí' e calisí' Salem ie' lamí' jéeng'gui eáang', jogui calíiñ' cajo jmidsea' laniing' quí' Fidié' dsea' guíng' ñifí'. Jo ie' jo i 'lí' yáa' quí'ii' Abraham do ni'iuuiñ' fí' e jaiñ' fí' lí' cangór' fí' jee' 'nií' fí' lí' calí'r' jaléng' dseata' dsea' féng' i seeng' fí' fí' lí' jíé'; jo lajee' job cangó' Melquisedec e cangojmijíng' neiñ' jo cajmigüeam' bre cajo; ² jo mí' cangí' e jo, i yáa' Abraham do cacuø'r' i Melquisedec do coo' lajee' guí' íng' jalé' e calí'r' jee' e 'nií' do. Jo i Melquisedec la guøng' "jaang' dseata' dsea' féng' i í' laco' catíng'"; jogui co' líiñ' dseata' dsea' féng' quí' e fí' do e sií' Salem e guøng' "juguiá' júu' røø", joba' cajo sií'bre "jaang' dseata' dsea' féng' i quie' juguiá' júu' røø". ³ Jo jii' coo' ja' e ñí' dsea' quí' i Melquisedec do fa' i' calíng' niquíar' jogui i' calíng' tiquíar' jogui i' jaléng' 'lí' dsea' cøøng' quí'ar' caguiaang' gui cajo; o'gui ñí' dsea' lí' cangáang' i Melquisedec do o'gui lí' cajúíñ'. Jo latab' líiñ' jmidsea' laniing' lí' laco'gui la líng' i Jóo' Fidié' camíng' do e latab' líiñ' jmidsea' dsea' féng' i laniing' gui.

⁴ Jo lana quie'na' cuante, dsea' rú'naa', jial tí' laniing' calíng' i Melquisedec do e jí'gui 'lí' yáa' quí'ii' Abraham cacuø'r' dsea' do coo' lajee' guí' íng' quí'ar' lajalé' e calí'r' jee' 'nií' mí' catíiñ' cóo' jaléng' dseata' dsea' féng'. ⁵ Jo lí' laco'gui la fé' e júu' quí' ta' e casée' Moi' malí' gui eáang' e lajii' dsea' i teáang' jee' 'lé' dsea' Israel i sií' Levíbing' cuøøng' líng' jmidsea', jo lajii' dsea' í'bing' i sea' fí' quí'ar' i ni'íng' quí'ar' jaléng' dsea' góor' coo' lajee' guí' íng' lajalé' e sea' quí'ar', doñí' fa' e jaléng' i dsea' do líiñ' dsea' siju' 'lí' yáa' Abraham lí' laco'gui la líiñ' yaaiñ' cajo. ⁶ Jo dsu' i Melquisedec do ja' líiñ' dsea' siju' 'lí' yáa' Leví, dsu' ca'ím' bre coo' lajee' guí' íng' quí'ar' lajalé' e calí' 'lí' yáa' Abraham, jogui cajmigüeam' bre cajo. Jogui téé' óo'na' cajo e i 'lí' yáa' Abraham dobing' i calíng' jalé' júu' lajii' e cajíng' Fidié' e nicuø'r' reiñ'. ⁷ Jo jii' jaang' ja' cuøøng' jíng' e o' lajo e júu' la: Niing' gui jaang' dsea' i jmigüeam' jaang' dsea' rúng' laco'gui i dsea' i jmigüeam' ír' do. ⁸ Jo jaléng' jmidsea' quí'ar' dsea' Israel líiñ' siju' quí'ar' 'lí' yáa' Leví, jo ím'bre quí'ar' dsea' góor' coo' lajee' guí' íng' quí'ar' lajalé'; jo dsu' mí' nití' í' e nijúuiñ', joba' júum' bre jóng' lí' laco'gui doñí' ii' dsea' jmigüí; jo dsu' lí' laco' fé' fí' ni' jì' quí'ar' Fidié' e lafa' seem'bi i Melquisedec do latí' lana. ⁹ Joba' laco' cuøøng' fe'ee' e jaléng' jmidsea' i líng' dsea' siju' Leví, dsea'

íbing' íng' lana lajii~ e coo' lajee' guí' íng'~ e catíiñ'- do, jo lí' lafa' e caquíib' jaléng' i jmidsea' do e jo e catíng- i Melquisedec do ie~ lamí~ caquí' yúu~ Abraham quiá'- dsea' do. ¹⁰ Jo e jáb', ja' mí' calisémbi i Leví do ie~ jo ie~ lamí~ cacuø' Abraham i Melquisedec do coo' lajee' guí' íng'~ lajii~ e catíiñ'- do; dsu' cuøøng' fe' ee' e jobi lafa' ni quie' Abraham mijú' quiá'- jaléng' dsea' sijur' i niliseeng' cøøng'gui, co' i Leví do líiñ' jaang' dsea' siju' dsea' do.

¹¹ Jo jaléng' dsea' Israel cangíiñ' jalé' e júu' quiu' ta~ quiá'- Fidié' la'eáang' cóo'~ jaléng' jmidsea' i líng' dsea' siju' Aarón i líng' siju' yúu~ Leví do cajo. Jo faco' e ta~ e cajmée' jaléng' i jmidsea' do íng' ta~ e íng' dsee- e laco' liguiúng- dsea' fí' quini' Fidié', joba' ja' 'neáng- jmidsea' i jíéng'gui faco' lajo; dsu' dseáng'- la guíim' 'neáng- jaang'gui jmidsea' lí' laco' calíng- Melquisedec, jo o' laco' líng' i jmidsea' siju' Aarón do. ¹² Co' mí' jmiséng- dsea' lajii~ ta' óo' jmidsea', joba' 'né- jmíim-bre cajo lajii~ e júu' quiu' ta~ quiá'-r-. ¹³ Jo uii~ quiá'- Fí'naa' fé' fí' ni~ jì quiá'- Fidié' e dsea' í' líiñ' siju' quiá'- coo'gui 'lé' dsea' quiá'- dsea' Israel; jo jii~ jaang' dsea' ja' i mí' calíng' jmidsea' fí' jee~ e 'lé' jo lamí~ jéeng'gui. ¹⁴ Jo nitab~ dsí'naa' e Fí'naa' Dsea' Jmáang- cajár- fí' jee~ 'lé' dsea' Israel i sii' Judá, jo ja' cajár- fí' jee~ 'lé' dsea' Israel i sii' Leví; jogui nine' bñ' røø' cajo e Moi' ja' cajíñ'- jii~ coo' uii~ quiá'- e 'lé' dsea' Judá do ie~ lamí~ cafér' uii~ quiá'- jaléng' jmidsea'.

¹⁵ Jo eáang'gui nita~ dsí'naa' røø' lana cóo'~ jalé' e nicafá'- a na, co' nicagüém- i jmidsea' dsea' féng' i laniing-gui do i cøøng' laco' i jmidsea' Melquisedec do, jogui i quíng'~ jee~ 'lé' lí' jíe' laco'gui jee~ 'lé' dsea' Leví. ¹⁶ Jo Fí'naa' calíñ- jmidsea' dsea' féng' i laniing-gui dsu' o' uii~ laco' ta~ huí' e 'né- gü'íir' jee~ dsea' siju' quiá'- dsea' Leví, co' calím-bre jmidsea' dsea' féng' i laniing-gui dsu' la'eáang' cóo'~ e 'gøng' quiá'- e seeíñ' do e ja' tóo' jmíi~ ni'íng-. ¹⁷ Co' lalab fé' Fidié' fí' ni~ jì quiá'-r- e éeiñ' dsea' do:

Jo car' ngongíi~ jmíib~ oo'- ta~ e lin' jmidsea' dsea' féng' i laniing-gui

lí' laco' calíng- i jmidsea' i sii' Melquisedec ie~ malíi~gui do.

¹⁸ Jo Fidié' cab' caguiar' jalé' e júu' quiu' ta~ e cacuø'r' Moi', co' e júu' jo jo ta' íng' jogui jo' bí' sea' quiá'- cajo fa' e nijmé- e nileáng' dsea' jee~ jalé' dsee- quiá'-r-. ¹⁹ Jo jalé' e júu' quiu' ta~ e calíng' Moi' ie~ lamí~ jéeng'gui do ja' caquíi~ jmíi' fa' e cajmée' e caliséng' dsea' cøøng' cóo'~ Fidié' dseáng'- laco' si'í'. Jo dsu' lana nisea' coo' e nita~ dsí'naa' e 'gøng'gui e laco' nijmicóo'~ jneaa'aa' e niñíng'na' e nilisee-naa' cøøng' cóo'~ Fidié'.

²⁰ Jogui cajo Fidié' cacuø'r' júu' ta' dsí' quiá'- e júu' jo la'eáang' cóo'~ júu' quiá'-r- e cacuø'r' ñia'r' ie~ lamí~ cajíñ'- e Jesús ni'uíñ- jmidsea' dsea' féng' i laniing-gui. Dsu' i jmidsea' caguiaang-gui do ja' cacuø' Fidié' júu' quiá'-r- 'ñia'r' e ni'uíñ'- do lajo. ²¹ Jo Fí'naa' Jesús ca'uíñ- jmidsea' dsea' féng' i laniing-gui uii~ e cacuø' Fidié' júu' quiá'-r- 'ñia'r' lí' laco' la fé' fí' ni~ jì quiá'-r- lí' fé' lala:

Fí'naa' cacuø'r' júu' quiá'-r- 'ñia'r' e 'né- niliti~

jo ja' quí'- jmíi' fa' e nijgiéeng-gui e júu' jo.

Co' lalab fé' cuaiñ~ quiá'- i Joor' camíng'~ do:

“Car' ngongíi~ jmíib~ líng' 'nu' jmidsea' dsea' féng' i laniing-gui lí' laco' la líng' i Melquisedec do.”

²² Jo co' Fidié' cacuø'r' e júu' quiá'-r- 'ñia'r' do, joba' nitaa- dsí'naa' e Jesús tí' nír~ e júu' tigua' catí' tú- do e 'gøng'gui laco'gui júu' e cacuø' Fidié' lamí~ jéeng'gui do. ²³ Jo jaléng' i jmidsea' caguiaang-gui do cajúm-bre mí' catí' oor~ quiá'-r-, joba' i jíém' caguá' ée^ quiá'-r-. ²⁴ Jo dsu' Jesús latab~ seeíñ', joba' latab~ líiñ' jmidsea' dsea' féng' i laniing-gui, jo uii~ joba' jo 'neáng-gui jmidsea' i jíéng'gui i ni'íng' ée^ quiá'-r-. ²⁵ Jo co' lajob líng' Jesús, joba'

la'eáang' íbre cuøøng' e leáiñ- jaléng' dsea` jee~ jalé' dsee- quiáiñ- lata~ e laco' niliseeiñ` cøøng` cóo' Fidiée', co' car` ngonghí jmiib~ seeiñ` e laco' mi'r Fidiée' cuaiñ~ quiá' jaléng' dsea`.

²⁶ Jōba' Jesús líiñ' dseáng'- i jmidsea` dsea` féng' i laniing-gui do i 'neáng-naa' do, co' íbre dsea` caneáar' fí e laco' cuøøng' nilisee-naa' cøøng` cóo' Fidiée'. Jō dseáng'- dsea` güeam' líng' dsea` do fí quini' Fidiée', jō jii' cóo' dsee- ja` táaiñ, jōgui ja` líiñ' laco' la líng' dsea` dsee- dsea` qui'. Jō lana dob niguiiñ` fí ñifí- lí' lí dsée' ée^ laco' guing- Tiquiá'r^ Fidiée'. ²⁷ Jō Jesús ja` líiñ' laco'gui i jmidsea` caguaang-gui i caliséng' lami~ jéeng'gui do, co' jaléng' jmidsea` í laco' jmiib~ laco' jmiib~ 'né- jngáiñ- jaléng' jó' e quiá'- nicuóiñ'- Fidiée', jō lajōba' ni'íng- dsee- quiá'r- la'uii~, jō mi~ ningf jō, 'né- nijmé-guir e laco' ni'íng- dsee- quiá'- jaléng' dsea` rúíñ'. Dsu' Jesús cóo' née'ba' 'né- e cajáng' 'ñia'r' e laco' ni'íng- dsee- quiá'- dsea` jmiigüí lata~. ²⁸ Jō jalé' e júu^ quiu' ta~ e ca'íng' Moi~ do dsea` dsee- dsea` qui'bing' guing' i~ i ni'uíng- jmidsea` laniing-; jō e júu^ e cacuø' Fidiée' 'ñia'r' do e café'r' mi~ cangf e cacuø'r' Moi~ jalé' e júu^ quiu' ta~ do lami~ jéeng'gui, jō dsu' cóo' e júu^ e café' Fidiée' doba' ca'náaiñ- i Jōor' camíng'- do e laco' ni'uíñ- jmidsea` dsea` féng' i dseáng'- laniing-gui i dseáng'- lata~ ée ta~ røø` cóo' lajalé' e canghíñ` quiá'- Tiquiá'r^ Fidiée'.

8

Jesús ca'uíñ- jmidsea` dsea` féng' i laniing-gui qui'-ii'

¹ Jōba' fíi guíi 'nú', dsea` rú'naa' dsea` quiá'- Dsea` Jmáang-, e lab e uiing~ e niing-gui eáang' quiá'- lajii' e júu^ e síi'naa' 'nú', e Jesúsbing' líng' i jmidsea` dsea` féng' i laniing-gui qui'-ii', jōgui íb` cajo i niguiing~ lana fí ñifí- lí' lí dsée' laco' guing~ Fidiée' dsea` laniing- 'gøñí'. ² Jō guíiñ` fí jō e éer' ta~ e líiñ' jmidsea` dsea` féng' i laniing-gui, co' fí jōb dseáng'- lí' lí ée^ já'- quiá'- Fidiée' fí lí' cajméer' 'ñia'r' jō o' fí lí' cajmée' dsea` jmiigüí.

³ Jō jaléng' jmidsea` laniing- si'neaaiñ` e nicuør- lajii' feá'- e catíng- Fidiée' jōgui e nijngáiñ- jaléng' jó' e laco' nicuóiñ- dsea` do; jō lajōb lí' cóo' Fí'naa' Dsea` Jmáang-, co' la guíim'ba' 'né- líng~ ee' nicacuør' fí quini' Fidiée' uíi' dsee- quiá'- jaléng' dsea` jmiigüí. ⁴ Jōgui faco' ír` táam'bir fí jmiigüí la, jōba' ja` qui' jmiib~ jóng e líiñ' jmidsea` faco' lajō, co' fí jmiigüí la niseem' jmidsea` i cuøøng' lí' cuø- feá'- fí quini' Fidiée' lí' laco'gui e ta~ e caquiú' Fidiée' e cajme' Moi~ fí ni' jì quiá'r-. ⁵ Co' jalé' ta~ e cajmée' jaléng' i jmidsea` do fí jmiigüí la, rúm'jiu lí' laco'gui la lí' fí ñifí-, co' cajméer' lajō fí jmiigüí la e lí' laco' cuø' lí' e quiá'- jial dseáng'- lí' fí ñifí-. Jō nine~baa' røø' e jalé' e la e lic' cuø' lib~; dsuco' ie~ malii~gui do, ie~ lami~ caquiú' Fidiée' ta~ quiá'- Moi~ e nijméiñ'- cóo' 'núu' 'mi' fí lí' jmiiféng' jaléng' dsea` Israel Fidiée', jō ie~ jō casí'r- Moi~ lala: "Moi~, quie` cuente røø', jō jmée' e 'núu' jō lí' laco'gui jii' e nica'ée- e 'nu' e fí yá' mó' Sinaí do." ⁶ Jō dsu' Jesús i líng' jmidsea` dsea` féng' i laniing-gui qui'-ii' do, íb` dsea` i nica'íng' e ta~ e 'gøng'gui eáang' laco'gui e ta~ quiá'- jaléng' jmidsea` i seeng' fí jmiigüí la; co' dsea` íb` i caneáa' fí e laco' cuøøng' e dseáng'- niliseeng' dsea` jmiigüí cøøng` cóo' Fidiée' lata~. Jō cajméer' lajō la'eáang' cóo' e júu^ e cajmirø' Fidiée' cøøng'gui do, co' e jō 'gøng'gui laco'gui e júu^ tigua' e cacuø'r' Moi~ lami~ jéeng'gui do. Jō e júu^ e cajmirør' cøøng'gui do lí' cóo' júu^ tíi- fii' e guiá' gui, co' eáang'gui cuø' e ta~ dsíi' dsea`.

⁷ Jō faco' cali'íng' ta~ dseáng'- laco' si'í' e júu^ tigua' la'uii~ e cacuø' Fidiée' malii~gui do, jōba' jō cali'né-gui jóng e júu^ tigua' e cacuø' Fidiée' cøøng'gui do faco' lajō. ⁸ Jō dsu' mi~ calilí' Fidiée' e ja' jii' jaléng' i dsea` quiá'r- do e júu^

tigua˘ la'uii˘ quiá'r˘ do, joba' cajmiquím˘ dsíir' cóoĩñ˘ do, jo lalab cajíñ˘ fí ni˘ jì quiá'r˘:

Lalab fá'a: Niguiéeb' jmíi˘ mi˘ nicuóøø jaléng˘ dsea` Judá cóo˘gui jaléng˘ dsea` Israel caguaang˘gui cóo˘gui júu˘ tigua˘ e 'míi˘.

⁹ Jo e júu˘ tigua˘ e 'míi˘ e nicuóøø i dsea` í e jiéeb˘ líi˘ laco' e júu˘ tigua˘ la'uii˘ do e cacuóøø jaléng˘ dsea` áang' quiá'r˘ mi˘ cacá'a nifí' quiá'r˘ e ca'uóøø-re fí ni˘ guóo˘ uó˘ quiá'˘ dsea` Egipto; jo dsuco' jaléng˘ i dsea` áang' quiá'r˘ do ja` calinúu'r˘ lajúi˘ júu˘ tigua˘ e cacuóøø-re do, joba' ca'náam˘ 'nía'a quiá'r˘ jóng.

¹⁰ Jo e lab e júu˘ tigua˘ e 'míi˘ e nicuóøø dsea` Israel mi˘ niguiéé' e jmíi˘ jo: Nicuóøø jaléng˘ i dsea` í e laco' ni'í˘ dsíir' røø lajúi˘ júu˘ quiu' ta˘ quié'e jogui e ni'íñ˘ car`ngocáng˘ dsíir' jalé' e júu˘ jo cajo.

Jogui dsea` do nijmiféiñ˘ jnea˘, co' júi˘ jneab˘ nilíin˘ n Fidiéé˘ quiá'r˘, jogui júi˘ íb˘ nilíing˘ dsea` quié'e cajo.

¹¹ Joba' ie˘ jo jo 'né-gui fa' e nijmeá˘-gui dsea` júu˘ rúin˘ jial laco' nijmicuíñ˘ jnea˘, co' lajmíi˘ dsea` nilicuíñ˘ jnea˘ ie˘ jo, nañí fa' líiñ˘ dsea` níing˘ osi ja` líiñ˘ lajo é.

¹² Jo ie˘ jo ni'ím˘ baa dsee˘ quiá'r˘ uií quiá'˘ jalé' e ga` e nicajméer˘, jo jo` nijmiguiéng˘gui dsii˘ jalé' dsee˘ e nica'éer˘ lamí jéeng˘gui.

¹³ Jo mi˘ fé' Fidiéé˘ e nicuóøø e júu˘ tigua˘ e 'míi˘ do, joba' cuø li˘ jóng e nicadseáb˘ bí quiá'˘ e júu˘ tigua˘ e la'uii˘ do e cacuø' lamí jéeng˘gui do; jogui jalé' e niyúu˘ jogui e jo ta˘ íng˘, capí'ba' 'né-gui quiá'˘ e tí li˘ ni'íing˘ conguia˘.

9

Jial líi fí lí jmféng˘ dsea` Fidiéé˘

¹ Jogui lanagui fíi˘-guú 'nú', dsea` rú'naa' dsea` quiá'˘ Dsea` Jmáang˘, e mi˘ cacuø Fidiéé˘ e júu˘ tigua˘ quiá'r˘ lamí jéeng˘gui do, jo cacuø' e júu˘ jo e laco' jial 'né- jmé˘ dsea` mi˘ jmféiñ˘ Fidiéé˘, jo jalé' e jo 'né- jmér˘ fí cóo˘ dsíi' 'núu' 'mí' e cajme' yaang˘ dsea` jmígúí. ² Jo e 'núu' 'mí' do quiéeng˘ tú˘ jnáng˘, jo e jnáng˘ la'uii˘ do, fí job lí si' e ní˘ cunéé˘ e fí lí téé˘ candíi˘ e coo˘ do; jo fí job cajo fí lí si' cóo˘ mes˘ fí lí néé˘ íñi˘ güeang˘ e catíng˘ Fidiéé˘. Jo e jnáng˘ la'uii˘ la sié˘ Éé˘ lí Güeang˘ quiá'˘ Fidiéé˘. ³ Jo e jnáng˘ e catí tú˘ quiá'˘ e 'núu' do lí cóo˘ cóo˘ 'mí' fé' e niguo˘ e í' e fí dsíi' 'núu' do, jo e fí dsíi' job lí sié˘ Éé˘ e Laniing˘ Güeang˘ quiá'˘ Fidiéé˘. ⁴ Jo e fí jo sea` cóo˘ nife' e lí cóo˘ layaang˘ cunéé˘, jo fí job lí jír˘ sù; jo fí quiá'˘ job cajo si' e guóo' e fí lí téé˘ júu˘ tigua˘ quiá'˘ Fidiéé˘ e caráaiñ˘ lamí jéeng˘gui do, jo e guóo' jo sibé' dse' cóo˘ layaang˘ cunéé˘. Jo e fí dsíi' guóo' do íu˘ cóo˘ dsuu˘ e lí cóo˘ layaang˘ cunéé˘; jo e fí dsíi' job lí si'ma˘ capí' e maná e cacuø' Fidiéé˘ jaléng˘ dsea` Israel mi˘ cangiñ˘ do fí ni˘ guóo˘ uó˘ quiú. Jo fí dsíi' guóo' job cajo fí lí si'ma˘ e 'ma'u˘ quiá'˘ 'líi˘ yúu˘ Aarón e ca'íéetú má' quiá'˘ calé' catú; jogui e fí dsíi' guóo' job cajo lí íu˘ e cuu˘ e lí too˘ júu˘ tigua˘ quiá'˘ Fidiéé˘ e cacuø' malíi˘gui do. ⁵ Jo e fí ni˘ e guóo' e sibé' cunéé˘ do teáng˘ gáng˘ i dsíi˘ cuéé', jo e fí nú' lí dsíi˘ cueiñ˘ do cuø li˘ e dob seeng˘ Fidiéé˘, jogui e fí nú' job cajo fí lí íng˘ dsee˘ quiá'˘ dsea`. Jo dsu' lana jo ngíi˘ lí fa' 'né-gui e nifíi˘-guú 'nú' dseáng˘ la'uiing˘ cuaiñ˘ quiá'˘ jalé' e jo.

⁶ Jo mi˘ tí lí cató' e guía' dsea` guíu˘ lajalé' e ni'né˘ e fí dsíi' 'núu' 'mí' do, joba' jaléng˘ jmidsea` nicuóøøm˘ dsitáaiñ˘ jóng laco˘ jmíi˘ laco˘ jmíi˘ e fí e

jnáng'~ la'uii~ quiá'- e 'núu' 'mi' do e laco' niguiár- guiá- lajii~ e feá'- e catíng- nicuø'r- Fidié~. ⁷ Jøgui e jnáng'~ li~ catí tú- quiá'- e 'núu' 'mi' do dseáng'- lajii~ jmidsea` laniim`bing' i cuøng` lí î e fí dsí' jø cø` née' lacø` jii~; joba' mi~ tí li~ nití- í' e ni'ír' e fí jø, 'né- e niquier' feá'- e lí' cø'~ jmi~ jó' núu^ e laco' nicuø'r- Fidié~, jø lajoba' dsea` do ni'íiñ- jalé' dsee- quiá'- i jmidsea` do 'ña'r' cø'~ gui jalé' dsee- quiá'- jaléng' dsea` góor` caguiaang- gui mi~ éeiñ' dsee- e ja' líl'r^ lajø. ⁸ Jø cø'~ jalé' e na, la'eáang' cø'~ Jmiguí quiá'- Fidié~ ba' jmicø'~ jneaa`aa' e laco' line`naa' e ja' mí sea` fí e ngíng' dsea` e catí dsí' Êe^ lí~ Laniing- Güeang^ do lajee~ e jmáang` ta~ e fí lí~ lí' jnáng'~ la'uii~ do. ⁹ Jø lajaléb' e la cuø' cø' li~ quiá'- jial lí' lana; dsu'cø' jalé' e calí- e fí dsí' 'núu' 'mi' do; fa' jaléng' jó' i cajíng' jmidsea` fí quini~ Fidié~ cø'~ gui jalé' e feá'- e jié'gui e cacuø'r' Fidié~, jø dsu' jalé' e jø ja' quí~ jmi~ fa' e niliguiá- dsí' dsea` i jmféng' Fidié~ cø'~ jalé' e feá'- do dseáng'- laco' sí'í' fí quini~ dsea` do. ¹⁰ Cø' jalé' e quí'- tíng` dsea` fí quini~ Fidié~ la'eáang' e júu^ tigua` la'uii~ do e cacuø' dsea` do lamí~ jéeng'gui do, dsu' e jø quí' ta~ jii~ quiá'- jalé' e jmóob` dsea`, fa' jalé' e gø' dsea` cø'~ gui jalé' e í' dsea` osi jalé' e jié'gui é, e laco' niliguiá- dsí' dsea` laco' sí'í' fí quini~ Fidié~; jø dsu' jalé' e jø íng` ta~ jii~ cartí mi~ nicuø- Fidié~ e júu^ tigua` e 'mí- do.

¹¹ Jø dsu' lana nicagüem- Dsea` Jmáang- e nilíiñ i jmidsea` dsea` féng' i laniing- gui e laco' nijmicø'r- jneaa`aa' e niñíng`naa' jalé' e guiá- e sí'í'naa' quiá'- Fidié~. Jø e fí lí~ éer' e ta~ 'goo' e cangíiñ do, fí jøb lí~ 'gøng'gui jøgui niing- gui cajo, cø' ø' dsea` jmi'güí i cajme', ø'gui cajme'r' cø'~ e sea` fí jmi'güí cajo. ¹² Dsu' lanagui nicangím- Dsea` Jmáang-, joba' dob niguiiñ e fí Êe^ lí~ Laniing- Güeang^ do dsu' ø' uíi~ e cacuø' fí quini~ Fidié~ jmi'øøng- jø'chí' osi jmi'øøng- güitá^ jiuung- é, cø' cangím`bre fí jø dsu' la'eáang' e cacuø' jmi'øøiñ- 'ña'bre, jø lajoba' calí'r- e nileáang`naa' jee~ dsee- qui-ii' lata~. ¹³ Dsu' e jáb'-, e lajee~ e jmáang` ta~ e júu^ tigua` la'uii~ e cacuø' Fidié~ lamí~ jéeng'gui do, ie~ lamí~ jmáang` ta~ jalé' jmi'øøng- güitá^ jiuung- cø'~ gui jø'chí' colíng`gui cø'~ fa' quiá'- jaang` güitá^ iee~ mi~ níngí e cáng`ne' fí nife', joba' cø'~ jalé' e jø seab`jiu capí'^ bí e laco' nijláb- Fidié~ dsee- quiá'- dsea`, jø lajoba' niliguiúñ- lajee~ cateá' fí quini~ dsea` do. ¹⁴ Jø e já'-, e jalé' e jmi'øøng- jó' do óob`jiu bí, jø dsu' e jmi'øøng- Dsea` Jmáang- 'ña'r' do dseáng'- eáang'gui laniing- 'gøng' jøgui eáang'gui óo' bí cajo, cø' dseáng'- conguiab` íng- dsee- qui-ii' fí quini~ Fidié~ lata~. Cø' la'eáang' cø'~ Jmiguí quiá'- Fidié~ e sea` lata~ do, Dsea` Jmáang-, dsea` ja' dsee- røøiñ jii~ cø', cajáng' 'ña'r' e cajúñ- jøgui cacuø' jmi'øøiñ-. Jøgui la'eáang' e jmi'øøiñ- do calilí'naa' e jø` 'né- nijmó'guí jii~ cø' e lamí~ quí'- tíng`naa' jmoo`naa' do e sí' jii~ fí 'mó-, jø lajoba' cuøng` nijmó'oo' dseáng'- laco' iing- Fidié~ i dsea` i seeng` car` ngongí jmi~.

¹⁵ Jø la'eáang' e cajáng' 'ña' Dsea` Jmáang- e cajúñ- fí dse' crúu^, joba' niseab` fí qui-ii' e nilisee`naa' cøng` cø'~ Fidié~ la'eáang' cø'~ e júu^ tigua` e 'mí- do, jø lajoba' ni'íng- e iihuí' e catí- naa' do uíi~ jalé' dsee- qui-ii' lí' laco' la fé' fí ni~ e júu^ tigua` la'uii~ do. Jø la'eáang' cø'~ e cajúng- Dsea` Jmáang- do, joba' jalém' dsea` i nicagúng' Fidié~ i ni'uíng- dsea` quiá'r- cuøng` e nilí'r' e ni'íñ' jalé' e guiá- e catíiñ- lí' laco'gui jii~ júu^ e nicacuø' Fidié~ lamí~ jéeng'gui do. ¹⁶ Jø facø' jaang` dsea` iñ~ níngíñ- jalé' e sea` quiá'r- fí jaguó' jaang'gui dsea` mi~ níngí e nijúuiñ-, dsu' ja' cuøng` e ni'íng' i dsea` í jalé' e jø lajee~ e seem`bi i dsea` i nicuø- do, cø' jang'- 'né- líta~ dsí' song nicajúng- i dsea` i nicuø- e do, jøguiba' nicuøng` e níngíng- fí jaguó' i dsea` i catíng- do. ¹⁷ Cø' ja' bí sea` e níngíng- fí jaguó' i dsea` i catíng- jalé' e jø lajee~ e seem`bi i dsea` i nicuø- do, dsu' mi~ níngí e nijúum- i dsea` i nicuø-

do, joguiba' nisea` fi' e ni'ing` i dsea` i catiing` do. ¹⁸ Jo co' lajob líí, joba' e júu` tigua` e cacuø' Fidiée` dsea` lami` jéeng`gui do la guim` 'né` jmi'øøng` jó' núu` e laco' sea` bí` quia'` fi' quini` Fidiée`. ¹⁹ Jo ie` malí` do Moi` cajme'r` júu` jaléng` dsea` góor` dsea` Israel jalé'` júu` quia'` ta` quia'` Fidiée` e 'né` nijmitiñ` do fi' quini` Fidiée`; jo mi` cangi` e café'r` e júu` jo, joba' cacár` coo` si` e silíng` e 'ñuu` ñi` yuu`, jo cajgiéer` jmi` jó' núu` e nisicang`' cóo` jmi` fi' ni` li` toq` júu` quia'` Fidiée` e cajme'r` do, jogui cajgiéer` bre quia'` lajiing` dsea` do cajo. ²⁰ Jo mi` cató' e jo, lalab cajíng`- Moi` casí'r` jaléng` i dsea` góor` dsea` Israel do: "E jmi'øøng` la cuø' e tí' ni` e júu` quia'` Fidiée` e cacuø'r` jneaa`aa' e dseáng`- 'né` e nijmiti`baa'." ²¹ Jogui ca'ée`-bí` Moi` e jmi'øøng` do cajo fi' dsí' e 'núu` 'mi'` güeang`' li` jmiféng`' dsea` Fidiée` cóo`'gui fi' ni` jalé' e jmáang` ta` e fi' dsí' 'núu` do. ²² Jo lí' laco' la fé' júu` quia'` ta` quia'` Fidiée` e cajme'` Moi`, e cóo` laji'` jmi'ba' ligüeang`' lí' doñi' eé'; jogui cajo ja` quí'` jmi` ni'ing` Fidiée` dsee` song ja` catuu` jmi'øøng`.

La'eaang` e cajúng` Dsea` Jmáang` fi' dse'` crúu`, joba' laang`naa' jee` dsee` quí`ii'

²³ Jo e 'núu` 'mi'` güeang`' li` jmiféng`' dsea` Fidiée` cóo`' jalé' e jmáang` ta` fi' dsí' jo lí' lafa' rúm`'jiu cóo`' jalé' e sea` fi' ñifi' fi' li` guing` Fidiée`, jo jalé' e sea` e fi' dsí' 'núu` do ligüeang`' cóo`' jmi'øøng` jó' núu`; jo dsu' jalé'gui e sea` fi' ñifi' quia'` Fidiée` dseáng`- lajib` nigüeang`', joba' 'né` jmi' e 'gøng`'gui laco' jmi` jó' núu`. ²⁴ Jo dsu' Fíi'naa' Dsea` Jmáang`- ja` ca'ír`- fi' Ée` Laniing`- Güeang`' quia'` e 'núu` 'mi'` e cajme'` dsea` jmigüi, co' e 'núu` jo lí' jii' lafa' coo` e li` e sea` fi' ñifi' fi' li` Laniing`- Güeang`' quia'` Fidiée`. Co' Dsea` Jmáang`- dseáng`- fi' ñifb`- li` caguiéiñ`, jo lana dob niguiiñ` cóo`' Fidiée` e mi'r` dsea` do uii` quí`ii'. ²⁵ Jo lacoo` jii` lacoo` jii` jaléng`' jmidsea` laniing`- quia'` dsea` Israel 'né` e dsitáaiñ` e fi' Ée` li` Laniing`- Güeang`' quia'` e 'núu` 'mi'` do e dsijii`r` jmi` jó' núu` fi' quini` Fidiée`. Jo dsu' ja` cajmée` Dsea` Jmáang`- laco'gui cajmée` i jmidsea` í, co' coo` ya'ba' ca'í`- dsea` do fi' Ée` li` nigüeang`'gui fi' ñifi' e cacuø'r` jmi'øøiñ`, jo ja` ca'ír`- jmigui` ya'. ²⁶ Co' faco' lajob líí, joba' jmiguiab` ya' catí` jóng e cajúng`- Dsea` Jmáang`- ie` lami` catiroo` jmigüi faco' lajo; dsu' lajee` lana jo cartí` mi` niguiá` jmigüi, coo` née'`ba' dseáng`- cagüéng`- dsea` do fi' jmigüi la, jogui coo` néeb` cajo e cajáng`' ñia'r` e cajúñ` e laco' ni'ing`- congua' jalé' dsee` quia'` dsea` jmigüi. ²⁷ Jo co' coo` née'`ba' e júung`- jaléng` dsea`, jo mi` ningí` jo, niguiiñ` fi' quini` Fidiée` e laco' nitídsí' í' quia'r`- uii` quia'` jalé' e nicajméer` lajee` ie` lami` seeng`guir fi' jmigüi la, ²⁸ jo lajob Fíi'naa' Dsea` Jmáang`- coo` née'`ba' si'íñ` quia'`- Tiquia'r` Fidiée` e cajáng`' ñia'r` e cajúñ` e laco' congua' ca'íñ` jalé' dsee` quia'` i fíng` dsea` jmigüi. Jo mi` nijáa'tur fi' jmigüi la calé' catú-, jo` nijáar` fa' e nijúung`-tur uii` dsee` quia'` dsea` jmigüi, co' nijáa`bre dsu' e jaleaaiñ` jaléng` dsea` quia'r` i nisijeeng` ír` i nisita` dsí' e nigüéeng`-tur calé' catú-.

10

¹ Jo e júu` quia'` ta` quia'` Fidiée` e cajme'` Moi` do cuø' li` e laco' liñi`'jiu dsea` jalé' e guia` e nidsijéé` cøøng`gui, dsu' o' dseáng`- jial laco' líí e jo. Joba' jalé' e feá' e cuø' jaléng` i jmidsea` do lacoo` jii` lacoo` jii` ja` quí'` jmi` fa' dseáng`- e niliguiá`- dsí' dsea` dseáng`- laco' si'í` fi' quini` Fidiée`. ² Co' faco' e júu` quia'` ta` quia'` Fidiée` do dseáng`- e já'` quí'` jmi` e ni'ing`- jalé' dsee` quia'` dsea`, joba' jo` í` dsí' dsea` jóng e líiñ` dsea` óo` dsee-, jogui nitú`bre cajo e nicuø'r` jmi` jó' núu` uii` dsee` quia'r`- faco' lajo. ³ Jo uiiing` e dsicar` e jmi` jó' núu` do fi' quini` Fidiée` lacoo` jii` lacoo` jii` e lí' laco' jmiguiéng`' dsí'r` lacoo` jii` e

lím'bir dsea` óo` dsee-. ⁴ Co' dseáng'- e jáb'-, e jmi` güitá` jiuung~ do cóo'~gui jmi` jaléng' jo'chí' dseáng'- ja` quí'~ jmi` fa' e ni'íng- jalé' dsee- quiá'- dsea` jmi'güi'.

⁵ Jo co' ja` quí'~ jmi` yaang~ e jmi'øøng- jó' do e ni'íng- dsee- quiá'- dsea`, joba' mi` cagüéng- Fí'naa' Dsea` Jmáang- fí' jmi'güi' la, lalab cas'r- Tiquiá'r^ Fidié'~:

Jo co' ja` tí' óo' 'nu' e jì' dsea` jmi'øøng- jó' 'lì' fí' quini'`
 o'gui e jì' dsea` lí' doñí' ee' feá'- e laco' jmi'féiñ' 'nu',
 joba' 'nu' nicacuóø'~ jnea~ ngúu' táan'n cóo'~gui jmi'øøng-
 e laco' nijmitii- lajii'~ e iing~ 'nu', Fí'i Fidié'~.

⁶ Jo co' ja` tí' óo' 'nu' mi` jíng' dsea` jó' núu` i nicacáang- fí' nife'` osi jalé' feá'- e jié'gui e cuø' dsea` 'nu' e laco' ni'íin'- dsee- quiá'r-,

⁷ joba' lalab ca'fá'- a: "Lab cagüén- n fí' jmi'güi' la e laco' nijmitii- jii'~ laco' iing~ 'nu', Fí'i Fidié'~,

lí' laco'gui la fé' fí' ni` jì' quí'- lí' fé' cuaiñ~ quié- e."

⁸ Jo nicajíng'- Dsea` Jmáang- e ja` iing~ Fidié'~ o'gui tí' dsíir' e jì' dsea` jmi'øøng- jó' núu` fí' quini'` o'gui jalé' feá'- quiá'- jaléng' jó' i nicacáang- fí' nife' e laco' ni'íng- dsea` do dsee- quiá'- dsea`. Jo cajíñ'- lajo doñí' fa' e lajob ta~ quiu' fí' ni` jì' quiá'- Fidié'~ e cacuø'r' Moi~ ie~ malii~gui do, e dseáng'- lajob guíng` 'né- jmé- dsea` jmi'güi'. ⁹ Jo cajím'- bigui Dsea` Jmáang- cajo e cas'r- Tiquiá'r^ Fidié'~ lala: "Teaa~, lana lab nicagüén- n fí' jmi'güi' la e laco' nijmee~ e dseáng'- jii'~ laco' e iing~ 'nu'." Jo laco' cuøøng' fe'ee' e mi` cagüéng- Dsea` Jmáang- fí' jmi'güi' la, caséer' coo' e guiá'-gui jogui e 'gøng'gui eáang' cajo, jogui cab' ca'naang~ e feá'- e lami~ quí'- títng` dsea` jmóor' lami~ jééng'gui do. ¹⁰ Jo uí'~ e Dsea` Jmáang- nicajmitir~ lajii'~ e iing~ Fidié'~ e cajáng' 'ñia'r' coo' néé' e cajúñ- fí' dse' crúu` e laco' ni'íng- dsee- quí'-ii' lata~, joba' uí'~ e jo Fidié'~ nicajméer' e nilí'naa' dsea` guiúng- fí' quini'~.

¹¹ Jo lajalém' jmidsea` quiá'- dsea` Israel quí'- tiiñ` e dsijiiñ~ jó' fí' quini'` Fidié'~ lacoo` jmi` lacoo` jmi`; jo jmóor' lajo, co' lajob júu` tigua~ e cacuø' Fidié'~ ír` lami~ jééng'gui. Dsu' jalé' e jmóor' do, ja` quí'- jmi` fa' e ni'íng- jalé' dsee- e røøng` dsea` jmi'güi'. ¹² Jo dsu' Dsea` Jmáang- gui cajáng' 'ñia'r' e cajúñ- coo' néé' 'ñiab' carta` róo` jmi'güi', jo e jo íng` ta~ e ni'íng- dsee- quí'-ii' lata~. Jo mi` cangf` e cajméer' e jo, cangám'-bre jóng jo cangogüear' lí' lí' dsée' laco' guíng~ Tiquiá'r^ Fidié'~ fí' ñiff-. ¹³ Jo fí' job niguiiñ~ lana e sijeeiñ~ e Tiquiá'r^ Fidié'~ nijmé- e nijmi'gó' jaléng' dsea` i 'ní' ní- quiá'r- jogui e nisí' jaléng' dsea` do uó- jni~ fí' quiniñ~ e laco' nijmiféng'neiñ'. ¹⁴ Jo coo' néé' 'ñia'ba' cajáng' 'ñia'r' e cajúñ- e laco' ca'íñ- dsee- quiá'- jaléng' dsea` jmi'güi', jo lajoba' cajmigüeang'^ neiñ' laco' sí' fí' quini'` Fidié'~ car` ngongí' jmi'. ¹⁵ Jo lalab tí' ni` Jmiguí' quiá'- Fidié'~ e jáb'- e júu` la mi` fé' lala:

¹⁶ Jo lalab jíng'- Fí'naa' Fidié'~:

Jo e lab e júu` tigua~ e 'mí- e nijmirøø- cóo'~ jaléng' dsea` Israel mi` niguiéé' e jmi` jo:

Nicuøø`ø jaléng' dsea` quié- e e niliñir' jalé' júu` quiu' ta~ quié- e, jogui nijmee~ e e nijmér- náu'-bre jalé' e júu` jo laco' sí'.

¹⁷ Jo dseáng'- jo' nijmiguiéng' dsii- jalé' dsee- e nica'éer' fí' quini'` cóo'~gui jalé' dsee- e nica'éer' cóo'~ jaléng' dsea` rúñ', co' dseáng'- latab~ ni'íin~n jalé' e dsee- jo.

¹⁸ Jo co' dseáng'- conguiab' nica'íng- Fidié'~ jalé' dsee-, joba' dseáng'- jo' 'né' fa' ee' líng~ feá'- nijj'~gui dsea` fí' quini'` dsea` do e laco' ni'íin- jalé' dsee-.

Nicuøøng` e ningüing~naa' fí' Ée` Laniing- Güeang'^ quiá'- Fidié'~

19 Jogui lana fñi-guá 'nú', dsea` rú'naa' dsea` quiá'- Dsea` Jmáang-, e cóo~ e jmi'øøng- Dsea` Jmáang- e catuú' fí dse' crúu^ mi~ cajúñ- cuaiñ~ qui~ii', la'eáang' cóo~ e joba' lana nisea` fí qui~ii' e nicuøøng' e ningñing~naa' e ja` 'gó'naa' jii~ capí^ fí Ée^ li~ Laniing- Güeang^ fí li~ guing~ Fidié~ fí ñiff-. 20 Co' la'eáang' e cajáng' 'ña' Dsea` Jmáang- e cajúñ- fí dse' crúu^ uii~ qui~ii', joba' nicaneáa`bre cóo' fí 'mí- e laco' cuøøng' e ningñing~naa' fí li~ guing~ Fidié~, co' cajéb' e lafa' 'mí' e sijní' fí jo. 21 Jo co' Jesús ca'uíñ- i jmidsea` dsea` féng' i laniing-gui qui~ii' i niquie' nifí quiá'- lajaléng' dsea` quiá'- Fidié~, 22 joba' madsiquiéeng'naa' cóo~ Fidié~ car` ngocáng' dsi'naa' jogui e nita~ dsi'naa' e dseáng'- nijmitib~ dsea` do jalé' júu^ quiá'r-. Jo madsiquiéeng'naa' cóo~ Fidié~ cajo e jo` røø-naa' dsee- jogui e niñí'naa' lafa' dsea` sijgñng^ cóo~ jmi~. 23 Jo dseáng'- teáb' 'né- téé-naa' fí guíá- li~ nitée-naa' cóo~ Dsea` Jmáang-, e dseáng'- ta~ dsi'naa' e jáb'- júu^ quiá'- dsea` do, co' dseáng'- nijmitib~ Fidié~ lajii~ júu^ quiá'r- e nicacuø'r' jneaa~aa' lamí- jéeng'gui do. 24 Jo 'né- nijmi'úum`bí' jial e nijmicóo~naa' jaléng' dsea` rú'naa' e nijmi'neáaiñ` rúñ' jogui jial e nijmér- jmang^ e guíá-. 25 Jo fñi-guá 'nú', dsea` rú'naa' dsea` quiá'- Dsea` Jmáang-, e ja` dseeng' fa' e nijmi'naang- yee~ee' e ja` seáng'- rú'naa' lí^ laco' jmóo~ i liing~ dsea`, co' o' lajo e 'né- jmó^ jneaa~aa'; co' lí^ lí' 'né- e nicuøø'gui bí' rú'baa' e laco' ja` nitá^uu' fí li~ nitée-naa' cóo~ Dsea` Jmáang-, jo eáang'gui 'né- jmi'úung'naa' e jo lana, co' ninee- jøø^baa' e nijaquíém' e tí' lí- nigüéeng-tu Fii'naa' Dsea` Jmáang- fí jmigüi' la calé' catú-.

26 Jogui fñn'n 'nú', dsea` rú'naa', e song la ee~bí' dsee- e guita~ dsi'naa' mi~ cangí e nicalicuíng'naa' Dsea` Jmáang-, joba' jo` sea` feá'- jóng e laco' cuøøng' e ni'íing-gui jalé' e dsee- jo` fíng song jmoo~naa' lajo. 27 Co' song la ee~bí' dsee-, joba' eáam' nisijéé' qui~ii' lajii~ iihuí' e nicuø- Fidié~ mi~ tí' lí- niquidsir' í' quiá'- lajaang' lajaang' dsea` mi~ nibíñ- jaléng' i dsea` i 'ní' ní- quiá'r- fí lí' coo' jì e ja` tóo' jmi~ yu'. 28 Jogui nine~baa' e mi~ jaang' dsea` ja` jmitir~ laco' catíng- e júu^ quiu' ta~ quiá'- Fidié~ e cajme' Moi~, jogui song seeng' gáng- si gaang' dsea` i tí' ní- quiá'- lajii~ e dsee- e ca'ée' i dsea` do, joba' dseáng'- ja` mñ' seab' jóng, co' dseáng'- ja` fi'íb^ 'né- júung- i dsea` do uii~ e dsee- e nica'éer' do. 29 Jo dsu' iihuí' eáang'guib ni'íng' jaléng' i dsea` i jmóo' ta~ 'ní' níng- i Jóo' Fidié~ camíng' do cóo~gui jaléng' i dsea` i ja` jmi'gó' e jmi'øøng- dsea` do cóo~gui jaléng' i dsea` i fé' ga' uii~ quiá'- Jmiguí' quiá'- Fidié~ e 'neáang' jneaa~aa' do cajo. Co' la'eáang' cóo~ e jmi'øøng- dsea` dob e jmita~ dsi'naa' e júu^ tigua~ e 'mí- e cacuø' Fidié~, jogui la'eáang' cóo~ e jmi'øøng- dsea` dob cajo e caligüeang'^naa' fí quini~ Fidié~. 30 Jogui nine~baa' e labab cajíng'- Fii'naa': "Jneab~ dsea` catíñ n e ni'ñí' i' laco' catíng- jogui e niquí~ táa' lí^ jialco' ée` dsea~." Jogui cajím'- biguir cajo: "Ñía'baa dsea` niquidsii- í' quiá'- jaléng' dsea` jmigüi'." 31 Jo dseáng'- eáam' ga` ni'í' fø' quiá'- jaléng' i dsea` røøng' dsee- mi~ ni'í' Fidié~ i seeng' car` ngongñ' jmi~ í' quiá'r-!

32 Jogui jmiguiéng' áa'na' cajo e ie~ mi~ tá' já'- calíng-na' júu^ quiá'- Dsea` Jmáang-, jmiguiá' íng' iihuí' ca'íng'-na', lifa' cajmee-ba' té'na' cóo~ jalé' e jo, jo ja` calitúng- óo'na' lajii~ fí li~ niteáang-na' cóo~ Dsea` Jmáang-. 33 Jo ie~ jo, i liing~ 'nú' gab` café' dsea` uii~ qui'na' jogui gab` cajmeáng' dsea` 'nú' fí' quini~ fñ' cajo. Jo mi~ cangá- dsea` quiá'- Dsea` Jmáang- i caguiaang-gui e dsingñng-na' lajo, joba' caquim^bre cajo e ca'íñ' iihuí'. 34 Jogui eáam' calí- fñ- líng-na' jaléng' dsea` rúng'na' dsea` quiá'- Dsea` Jmáang- i cajníng- fí dsí' 'nuñí' ie~ jo, jogui ja` calíng-na' fi'í' mi~ cajmée' dsea` ñ' jalé' e sea` qui'na', co' niñí'ba' guíá- e fí ñiffb- nisijéé' jalé' e jlo^ qui'na' e ja` qui' jmi~ fa' e ni'íng-. 35 Joba' fñ-i 'nú' lana e teá'gui síng' yaang~na' e ja` jmitúng^ óo'na' lajii~ fí niteáang-na', dsuco' la'eáang' cóo~ e joba' e ni'íng'-na' jalé' e jlo^ e

nicuó' Fidiée' 'nú' mi~ nití' í' lajo. ³⁶ Jogui fíi-guú' 'nú' e la guím'ba' 'né' e cóo' e féng' óo'ba' 'né' nijmití'na' lajii' e iing' Fidiée' e nijmée'na', jo lajoba' cuóøng' e ni'íng'na' lajii' e nijíñ' e nicuó'r' 'nú' lamí' jéeng'gui. ³⁷ Co' lalab fé'r' fí' ni~ jì' quiá'r':

Jo dseáng' lajee' lajminá' nijáa'tu fí' jmígüi' la i sí'í' nijáa', jo jo' fa' dseáng' li'ing'guir eáang'.

³⁸ Jo doñi' ii' dsea' i jmóo' lajii' e iing' jnea~, joba' niliseeiñ' la'eáang' e já' líiñ' júu' quié'e; jo dsu' song ii' dsea' ni'náng' 'ña'r' lajii' fí' li' nisíñ' cóo' jnea~, joba' jnea~, Fidiée', ja' iáang' dsii' cóo' i dsea' í' jóng.

³⁹ Jo dsu' jneaa'aa' ja' lí'naa' dsea' i jmí'náng' yaang' e fí' guiú' li' nitée'naa' cóo' Dsea' Jmáang' e laco' nibíng' Fidiée' jneaa'aa' fí' li' 'lí'; dsuco' jneaa'aa' nilí'naa' dsea' i nita' dsí' cóo' Fidiée', joba' dsea' do nileáiñ' jneaa'aa' jee' jalé' dsee' qui'ii' la'eáang' e já' lí'naa' júu' quiá'r'.

11

Jial lí' mi' dseáng' já' líng' dsea' júu' quiá' Fidiée'

¹ Jo e laba' fíi-guú' 'nú', dsea' rú'naa' dsea' quiá' Dsea' Jmáang', e mi' jaang' dsea' dseáng' já' líiñ' júu' quiá' Fidiée', joba' dseáng' nitab' dsír' jóng e nijmitib' dsea' do jalé' júu' e sí'reiñ', jogui dseáng' lafa' nica'ím'bre lajii' e nicamír' do nañi' fa' ja' mi' nírer. ² Jo eáam' cali'iaang' dsí' Fidiée' cóo' jaléng' 'lí' dsea' áang' qui'naa' uí' e jáb' calíng' jaléng' dsea' do júu' quiá' dsea' do.

³ Jo uí' e já' lí'naa' júu' quiá' Fidiée', joba' nitab' dsi'naa' e la'eáang' cóo' júu' quiá' bre cajméer' lajalé' e sea' fí' la'úng' fí' jmígüi', jo lí' laco' cuóøng' fe'ee' e lajalé' e ne'naa' lana ca'uíng' cóo' jalé' e ja' cuóøng' ne'naa'.

⁴ Jo i dseañu' i calisí' Abel i caliséng' maliñ'gui eáang', la'eáang' e jáb' caliñ' júu' quiá' Fidiée', joba' cacuø'bre dsea' do coo' feá' e guiú'gui laco'gui e feá' e cacuø' i rúñ' i calisí' Caín do, jo ca'ím' Fidiée' i Abel do e líiñ' jaang' dsea' i ja' røøng' dsee', jogui ca'ím'bir lajii' e cacuøiñ' do cajo. Jo ja' e lí' e maliñ' eáang' nicajúng' i Abel do, dsu' sea'bi júu' quiá'r' latí' lana la'eáang' e jáb' caliñ' júu' quiá' Fidiée'.

⁵ Jogui la'eáang' e jáb' calíng' júu' quiá' Fidiée' i dsea' i calisí' Enoc i caliséng' maliñ'gui eáang', joba' condsée' cató' Fidiée' dsea' do fí' ñíff' e jii' ja' cajúñ'. Jo co' condséeb' cangáiñ' fí' ñíff', joba' jo ii' cangá'gui quiá'r' mi' cangá' jo. Jo lí' laco' la fé' fí' ni~ jì' quiá' Fidiée', e lajee' e nú'gui nitøø' dsea' do í' fí' ñíff', jmang' e cali'iaang' dsí' Fidiée' cajméer'. ⁶ Jogui ja' qui' jmí' e nijmó'oo' e nilí'iaang' dsí' Fidiée' song ja' já' lí'naa' júu' quiá'r', co' doñi' ii' dsea' i iing' nijáng' yaang' fí' jaguó' Fidiée', jang' 'né' e jáb' nilíiñ' e dseáng' seem' dsea' do, jogui e cuø'bre jmang' e guiú' jaléng' i dsea' i cuø' b' yaang' i iing' nijmicuíng' í'.

⁷ Jo lajob cajo i 'lí' yáa' i calisí' Noé, la'eáang' e jáb' caliñ' júu' quiá' Fidiée', joba' jáb' caliñ' mi' cajíng' Fidiée' e nidsijé' jalé' e iihu' e nijaquíéeng' e jii' ja' mi' ní' dsea' jéeng'gui, jo Noé cajmée'bre náa'r' lajii' júu' quiá' Fidiée' ie' jo, jo cajméer' coo' móo' dsée' e ni'í' fí' ni~ jmí' lí' laco'gui la ta' e caquiú' Fidiée' e nijmér', jo cóo' e job nilí'r' nileáiñ' jaléng' dsea' sináa' quiá'r' mi' tí' lí' nitú' e jmí' dsiing' do. Jo co' jáb' calíng' Noé júu' quiá' Fidiée', joba' dsea' ja' røøm' dsee' ca'uíñ' fí' quini' dsea' do, jo dsu' jaléng' dsea' jmígüi' caguaang'gui ca'naam'bre quiá' Fidiée' lata'.

⁸ Jogui 'lí' yáa' Abraham la'eáang' e jáb' caliñ' júu' quiá' Fidiée', joba' cajmée'bre náa'r' mi' cajíng' dsea' do e 'né' nitár' góor' jo nidsér' nidsigüear'

fí guóo'~ uó' fí lí~ huíí' fí lí~ nicajíng'~ Fidiée' e nicuó'~ reiñ' lami~ jéeng'gui. Joba' cagüi'ñ'bre e fí góor' do colíng'~ cóo'~ jaléng' dsea' sinúu' quiá'r~ cóo'~ gui jalé' e sea' quiá'r~ e jíí'~ ja' ñir' jie' fí lí~ ngóor'. ⁹ Jo la'eáang' e jáb'~ calíñ'~ júu' quiá'~ Fidiée', joba' cangó'~bre cangogüear' e fí guóo'~ uó' fí lí~ cajíng'~ dsea' do lami~ jéeng'gui e nicuó'~ reiñ' e nigüear' lafa' dsea' i jáa' fí lí~ jie'. Jo 'núu' 'mib' cajme'r' e caguár', jogui lajob calí'~ 'nu' i jóor' i sii' Isáa' do jogui i guieer' i sii' Jacóo' do cajo, jo laji' huáang'~ i dseañu' na ca'ím'~bre lajíí'~ e cajíng'~ Fidiée' e nicuó'~ reiñ' lami~ jéeng'gui lí'~ laco' ca'íng' dsea' cóong'~ quiá'r~ cajo. ¹⁰ Jo i 'líi' yúu'~ Abraham do dseáng'~ lami~ sijeem'bre e nigüear' e fí fi' 'míi' e ja' tóo' jmi'~ ni'íng'~ e cajíng'~ Fidiée' e nicuó'r' dsea' do. Jo 'ñiab' Fidiée' dsea' caguiar' guiá'~ jogui cajme'r' e fi' jo.

¹¹ Jo la'eáang' e já'~ calíng'~ Abraham júu' quiá'~ Fidiée', joba' caquí'~bre jmi'~ e caliséng' jóor' cóo'~ dseam' quiá'r'~ i sii' Sara, nañí' fa' eáam' nidséaiñ' laji' huáaiñ' do. Jo lajob calí', co' dseáng'~ jáb'~ calíñ' e nijmitib' Fidiée' lajíí'~ júu' e nicacuó'~ reiñ' lami~ jéeng'gui. ¹² Jo ja' e líi' e eáam' nidséang'~ 'líi' yúu'~ Abraham mi' tí' lí' canaang' e liseeng' jóor', dsu' mi' cang'gui lajo, i 'leáam' dsea' sijur' caliséng' lí'~ laco'gui la fíng'~ núu' i sitóng'~ fí yú'~ jmi'güi' mi' canu', osi lí'~ laco' la jmi'gui'~ tóo'~ e néé' 'ni' jmi'ñí'~ e jíí'~ ja' quiá'~ dsea' jmi'~ nijmi'í'~.

¹³ Jo jalém'~ i dsea' í' cajúm'~bre mi' catí' í' lajo quiá'~ lajaang' lajaaiñ', jo jíí'~ ja' mí' ca'ím'~bir lajíí'~ e cajíng'~ Fidiée' e nicuó'~ reiñ' do lami~ jéeng'gui. Jo co' jaléng'~ i dsea' do jáb'~ calíñ'~ júu' quiá'~ Fidiée', joba' líi' e lafa' ca'ím'~bre jalé' e jo; jo cóo'~ jalé' e jo cajmée' e íáam' dsír', co' calilí'~bre e o' dseáng'~ góor' fí jmi'güi' la, co' lí'~ cateá'ba' ngíng'~tear fí jmi'güi' la lafa' jaang' dsea' i iuung' fí.

¹⁴ Jo jaléng' dsea' i í' dsíi' e o' dseáng'~ góor' fí jmi'güi' la, joba' cuó'~ lí' quiá'r' e sijeem'bre e nidsilíñ' e fí fi' 'míi' quiá'~ Fidiée'. ¹⁵ Co' faco' jaléng'~ i dsea' do guim'~bi dsír' uui' quiá'~ e fí lí' ca'uóñ' do, joba' caquim'~tur jóng e fí jo faco' mi' cajmées' lajo. ¹⁶ Dsu' jaléng'~ i dsea' í' eáang'gui b calí'íñ' e nidsigüear' e fí fi' 'míi' e jlo' eáang' quiá'~ Fidiée' e sea' fí ñifí'. Jo uing'~ e joba' Fidiée' ja' jáa' e í' líiñ' e líiñ' Fidiée' quiá'~ i dsea' do, co' nicagua'~bre guiá'~ e fi' 'míi' jo fí lí' nidsigüea' i dsea' quiá'r' do lata'.

¹⁷ Jogui la'eáang' e jáb'~ calíng'~ Abraham júu' quiá'~ Fidiée', joba' calinúu'~bre lajíí'~ e camí' Fidiée' í' mi' calí'iing'~ dsea' do e ñir' su dseáng'~ nijmiti' Abraham lajíí'~ e nicajíng'~ dsea' do e nijngáiñ'~ i jóor' Isáa' do e laco' nicuó'ñ' dsea' do. Joba' ie' jo dseáng'~ ni'íi' ñijlí'~ quiá'r' e si'í'~ nijngám'~bre i jóor' do, jo ja' e líi' e Fidiée' nicacuó'r' júu' quiá'r' lami~ jéeng'gui mi' cajíñ'~ lala: ¹⁸ "La'eáang' cóo'~ i jóo' Isáa' nab niliseeng' i fíng' dsea' sijú' lí'~ laco' júu' quié' e e cacuó'~ 'nu' lami~ jéeng'gui." ¹⁹ Jo co' niñib' 'líi' yúu'~ Abraham ie' jo e quíib'~ Fidiée' jmi'~ nijmér' doñí' ee' jiguí' e nijmijí'r' jaléng'~ 'líi'~ joba' lajob cuó'ng' lí' fe' ee' quiá'~ i jóor' Isáa' do e lafa' cajíb'~tuiñ' do, co' ja' cajúíñ' ie' jo, jo e jo líi' coo' lí' e nidsijée' cøong'gui.

²⁰ Jogui la'eáang' e jáb'~ calíng'~ i Isáa' do júu' quiá'~ Fidiée', joba' cacuó'~bre júu' quiá'r'~ i jóor' gáng' do i sii' Jacóo' jogui i sii' Esaú e guiáb' nidsijée' quiá'ñ' do.

²¹ Jogui la'eáang' e jáb'~ calíng'~ i Jacóo' do júu' quiá'~ Fidiée', joba' lajee' e tí' lí' nijúuiñ'~, cajmigüeam'~bre lajaang' lajaang' i guieer' i líng' jóo' Sé' do, jo lajee' jo cajmiféiñ' Fidiée' e siñúuiñ' e cuó'~ 'ma'u' quiá'r' do.

²² Jogui la'eáang' e jáb'~ calíng'~ i Sé' í' júu' quiá'~ Fidiée', joba' cajíñ'~ casí'r' jaléng' dsea' sinúu' quiá'r' lajee' e niráaiñ' e tí' lí' nijúuiñ' e fí Egipto do e ni'uóm' jaléng' dsea' góor' dsea' Israel mi' ningoó'gui jíi' lajo, jo nidsilíñ' fí guóo'~ uó' lí'~ nicajíng'~ Fidiée' e nicuó'~ reiñ' lami~ jéeng'gui. Jogui casí'~gui Sé' jaléng'~ i dsea' sinúu' quiá'r' do e nicóo'~biñ' do e móo'~ teáaiñ'~ fí coo' dsíi'

guóo' mi~ tí li~ nitaiñ'~ fí e nidsiliñ' e fí jo, co' jo' seeng' i Sé^ do mi~ nití~ e í' jo.

²³ Jogui la'eáang' e jáb'~ calíng~ sejmii' Moi~ júu^ quiá'~ Fidiéé', joba' ca'méem'bre i yuu' Moi~ do quiá'r~ lajee' gaang' si' mi~ cangf' e caliséiñ' do; co' calilí'bre e Fidiéeb' caguíng' i yuu' do quiá'r~, jogui ja' cajmi'gór' lajii' ta' caquiá' dseata~ dsea' féng' ie~ jo e 'né~ nijúung~ jaléng' yuu' siñuu^ quiá'~ dsea' Israel.

²⁴ Jogui la'eáang' e jáb'~ calíng~ i Moi~ do júu^ quiá'~ Fidiéé', joba' mi~ tí li~ cacuaíñ~, ja' cali'iiñ~ fa' e nifé' dsea' e calí~ niquiá'r^ i dseamf' i líng' jóo' dseata~ dsea' féng' do, i dseamf' i cajmicuóo' quiá'r~ jii' ie~ latí' mi' cadséng'neiñ' do e fí 'ni' gua' Nilo. ²⁵ Jo ja' cali'iiñ~ fa' e calíñ~ dsea' sináuu^ quiá'~ i dseata~ dsea' féng' quiá'~ Egipto do, jo cóo'~ dsea' góor' dsea' Israel cangotáaiñ~, co' eáang'gui cali'iiñ~ e ni'íñ' iihu' lí^ laco' la íng' dsea' góor' e lafa' e caliséiñ' juguiá' e nijmi'óor' cateá' jalé' e ja' dseeng' e sea' fí jmi'gü' la. ²⁶ Co' ie~ jo ca'f' dsí' i Moi~ do e guiá'~ guib' ni'uúing~ quiá'r~ e ni'íñ' iihu' uí' e sijeeiñ' i dsea' i nisíng~ Fidiéé' i nileáang~ ír' cóo'~ gui jaléng' i dsea' góor' dsea' Israel e lafa' e niliseeñ' juguiá' e nijmi'óor' jalé' e jlo' e sea' fí quiá'~ i dseata~ dsea' féng' quiá'~ Egipto do; jo ja' cajméer' lajo, co' nitab' dsír' e ni'ím'bre lajii' e catíiñ~ e nicuó'~ Fidiéé' ír'.

²⁷ Jogui la'eáang' e jáb'~ calíng~ i Moi~ do júu^ quiá'~ Fidiéé', joba' cagü'í'bre cóo'~ jaléng' dsea' góor' e fí Egipto do e jii' ja' lí'r^ 'gór' doñí' fa' dsíng'~ caliguíng~ i dseata~ dsea' féng' do; jo ja' caquúíñ'~ tucaiñ' fí li~ nisiñ', co' náuu'bre cajméer' laco' si'í' júu^ quiá'~ Fidiéé' lí^ laco' cuóong' fe'ee' e fa' dseáng'~ lanab níiñ~ i Fidiéé' i seeng' car' ngong' jmi'. ²⁸ Jogui la'eáang' e jáb'~ calíñ~ júu^ quiá'~ Fidiéé' ie~ jo, joba' coo' jmi' ná'gui e ni'uóíñ' cóo'~ jaléng' dsea' góor' e fí Egipto do, cajmées'bre náur' júu^ quiá'~ Fidiéé' mi' caquiá' dsea' do ta' quiá'~ lajaléng' dsea' Israel e nisúuiñ'~ capí' jmi' jó' núu' fí dse' jni' quiá'r~ lajaang' lajaañ~, jo lajoba' ja' nijúung~ i jiuung~ siñuu^ la'uii' quiá'r~ do mi~ tí li~ ningíng~ i dsea' mojí' i nijngáng'~ jaléng' i jiuung~ siñuu^ la'uii' quiá'~ dsea' Egipto lí^ laco'gui la ta' caquiá' Fidiéé' lamí' jéeng'gui.

²⁹ Jogui la'eáang' e jáb'~ calíng~ dsea' Israel júu^ quiá'~ Fidiéé', joba' mi~ tí li~ ca'uóóíñ' fí Egipto e cangotáaiñ' fí, jo lajee' teáaiñ' fí cacuo'r' e jmi'í' e si' mar Rojo lí^ lafa' mi' ngir' fí ni' guóo' uó' quiá'; jo co' ngolíng~ dsea' Egipto e óom'bre dsea' do, jo dsu' mi~ tí li~ caguilíng~ i dsea' Egipto e nicuá'r~ e jmi' jo, jo lajee' e ningolíñ'~ guiá'~ jóob' jmi'í' mi' cajgó'r' jmi', joba' conguiab' cajúíñ~ lajiiñ' jóng.

³⁰ Jogui la'eáang' e jáb'~ calíng~ dsea' Israel júu^ quiá'~ Fidiéé', joba' cangir' coo' ya' lacoo' jmi' lajee' guié' jmi' fí lacúng' lajíng' e iá' cuu' e ní' eáang' e si' lacúng' e fii' Jericó. Jo mi' catí' e jmi' guié' do, job mi' caqui' e iá' cuu' do.

³¹ Jogui la'eáang' e jáb'~ calíng~ i dseamf' i calisí Rahab do júu^ quiá'~ Fidiéé', joba' ja' cajúíñ~ colíing~ cóo' i dsea' góor' i seeng' fí Jericó do mi~ tí li~ ca'íng~ e fii' jo; co' i dseamf' do guiáb' ca'íñ' coo' tú~ máng' dsea' Israel i caguilíng~ fí quiá'r~ lamí' jéeng'gui i cangoquie' cuente jial lí' e fí jo. Jo i Rahab do lamí' jmóor' ta' 'níng' 'ñia'.

³² Jo jmi'guiá'bi sea' e 'né~ fii' i 'nú' faco' dsitíng'~ quié' e lajo: fa' jalé' júu^ quiá'~ jaléng' i dsea' la i já' calíng~ júu^ quiá'~ Fidiéé' ie~ malí'gui eáang' do lí^ lajaléng' i dseañu' la: jaang' i calisí Gedeón cóo'~ gui jaang' i calisí Barac jogui jaang' i calisí Sansón cóo'~ gui jaang' i calisí Jefe' jogui jaang' i calisí dseata~ Daví' cóo'~ gui jaang' i calisí Samuel, jogui jaléng' dsea' i café' cuaiñ' quiá'~ Fidiéé' cajo. ³³ Jo la'eáang' e jáb'~ calíng~ jaléng' i dsea' na júu^ quiá'~ Fidiéé', joba' calí'bre jalé' 'ni' e catíiñ' cóo'~ dsea' jéng', jogui ca'í'bre í' røø

jee~ jaléng' dsea, jogui ca'ím'bre jalé' e guiá~ e cajíng' Fidiée~ e nicuó' reiñ' lamí~ jéeng'gui, jogui caquí'bre jmií~ e caláaiñ~ e ja` cajmeáng' ie' ír' jii' coo' mi~ cangotáaiñ' fí' jee~ i jó' í. ³⁴ Jogui calisémbi cajo i líng~ dsea i caquí' jmií~ i cayu' jì jò ja` cacáaiñ~ cóo' e jì do, jogui calisémbi i caquí' jmií~ i caleáng' yaang~ e ja` cajúíñ~ cóo' ñisu', jogui calisémbi dsea i caguá~ fong', joba' dsea laniim~ ca'uíñ~ quiá' jalé' jee~ 'nií jogui calí'bre jaléng' dsea i 'ní' ní~ quiá'r~ cajo. ³⁵ Jo calisémbi jaléng' dseam' ie~ jo e la'eáng' e jáb' calíñ~ júu^ quiá' Fidiée~, joba' cangáb~ tur e cají' tu jaléng' dsea sinúu^ quiá'r~ mi~ cang' e nicajúíñ~.

Jogui i líng~gui i dsea i já' calíng~ júu^ quiá' Fidiée~ do ca'ím'bre iihuí' e eáng' cartí cajúíñ~, co' cajmeáng'gui quiá'r~ e cajúíñ~ e laco'gui e nileáiñ' ni' 'mó' fíng catúr~ júu^ quiá' Dsea Jmáang~, co' calilí'bre e guiá~gui nidsijé' quiá'r~ mi~ nijí' tur calé' catú' fí' ñiff'. ³⁶ Jogui i líng~gui i dsea do eám' ga' ca'ée' dsea cóo'r~ co' cartí cabóong~ neiñ' jogui calóong~ neiñ' cajo, jogui i líng~gui ca'ñung' cóo' ñí' cadena, jogui i líng~gui cajo cangotáang' fí' dsí' 'nañí'. ³⁷ Jogui i líng~gui i dsea i já' calíng~ júu^ quiá' Fidiée~ do cajngab' dsea quiá'r~ cóo' layaang~ cuu~ osi cajméer~ tú' 'náang' dsea do cóo' ñí' sieer~ é, osi cajúíñ~ e ca'liéñ~ ñisu' é. Jogui calisémbi i dsea í cajo i ja' 'ga' lí caliseá' jalé' e 'né', jogui cangir' fí' la fí' na e jii' loo~ jó'ba' lí' sí'r^, jogui eám' ga' cajmeáng' jaléng' dsea ír', jogui cacuó'reiñ' iihuí' e eáng' cajo. ³⁸ Jo jaléng' i dsea í jii' ja' catúíñ~ e nidsingúíñ~ jalé' e iihuí' do e fí' jmigüí' la fí' lí' seeng' dsea dsee~ dsea qui', jo dsu' jaléng' i dsea í eám' ca'íñ' iihuí' e ngir' fí' la fí' na fí' jee~ mó' jogui fí' ni' guóo' uó~ quiú', jogui e jar' fí' ná' lí' sitá' 'loo' cuu~ fí' lí' í' quiá' osi lacaang' lí' sitá' quiá' fí' 'náang' uó~ é.

³⁹ Jo nañí' fa' ca'ím' Fidiée~ jaléng' i dsea do e lííñ' dsea i ja' røong' dsee~ fí' quinir' uí' e jáb' calíñ~ júu^ quiá' dsea do, dsu' jii' jaang' i dsea do lajee~ taaiñ' fí' jmigüí' la ca'íñ' lajii' e nicajíng' Fidiée~ e nicuó'reiñ' lamí~ jéeng'gui quiá' e nisíñ~ jaang' i nileáng~ ír' jee~ jalé' dsee~ quiá'r~; ⁴⁰ dsuco' Fidiée~ nicagui'r' e guiá~gui qui' jneaa'aa', joba' jaléng' i dsea i cajúng~ lamí~ jéeng'gui do ja' mí' ca'íñ' lajii' e nicajíng' Fidiée~ lamí~ jéeng'gui e nicuó'reiñ' cartí mi~ niñíng'naa' lajalé'naa' e nicajíng' Fidiée~ e nicuó'r~ jneaa'aa' lamí~ jéeng'gui.

12

Jesúsbíng' i 'né~ quie' nif' qui' ii'

¹ Jo co' fíim' jaléng' dsea quiá' Fidiée~ i nicaliséng' ie~ mali' do tí' nir~ fí' quini'naa' lana jial dseáng' já' calíñ~ júu^ quiá' Fidiée~ e car' ngocáng' dsíir', joba' jneaa'aa' lanagui 'né~ e nisée'naa' cab' jalé' e ja' dseeng' e jmóo' jii' qui' ii' jogui jalé' dsee~ e jnáng' qui' ii' e ja' cuó' fí' e nijmó'naa' e guiá~, jogui 'né~ e nijmi'úung'naa' e teá'gui nisíng'naa' lajii' fí' guiá~ lí' nitée'naa' lí' laco' catíng~ e nijmé~ jaléng' dsea quiá' Dsea Jmáang~. ² Joba' fí' i 'nú', dsea rú'naa', e lí' laco' ca'ée' Jesús, lajob 'né~ quie'naa' cuente e ni'ee'naa' cajo, co' la'eáng' dsea dobing' canaang' e já' lí'naa' júu^ quiá' Fidiée~, jogui la'eáng' íb' cajo i jmi'ie' e laco' sí'í' e já' lí'naa' do. Jo Jesús ja' caquííñ'~ tucaiñ' mi~ ca'íñ' jalé' iihuí' lajee~ e cataíñ~ fí' dse' crúu^ nañí' fa' e eám' ga' fí' í' quiá' jaléng' dsea i júung~ fí' jo. Co' niñí'bre e mi~ ning' e ni'íñ' e iihuí' jo, eám' guiá~ ni'uíng~ quiá'r~; jo e jáb', lajob calí', co' lana dob niguiíñ~ fí' ñiff' lí' lí' dsée' laco' guiíng~ Tiquiá'r^ Fidiée~.

³ Jo uí' joba' íi' óóna' jalé' e guiá~ e cajmée' Jesús lajee~ e ga' cajmeáng' jaléng' dsea dsee~ dsea qui' ír', jo uí' joba' ja' 'né~ fa' e nijmifíng' yaang'na' o'gui fa' e nijmitúng' áa'na' e teáng'na' fí' guiá~ cóo'r~. ⁴ Co' 'nú' ja' mí'

calíng'na' fa' e nicajúng-na' uí' e cuø'na' bí yaang-na' e ja`nijiúng'na' fí ni` dsee-. ⁵ Jogui 'né- e tóob`áa'na' cajo jalé' e cajíng'- Fidiéé' fí ni` jì quiá'r- e sí'r jaléng' 'nú', dsea`líng'na' jóor', co' lalab fé'r' fí ni` e jì jo:

Jóo`o, ja`jmoo`naan' mi` ñi` 'goo`quí'-'
o'gui jmitúng`o' cajo mi` jín`n' 'nu`.

⁶ Co' ñb`jneá` 'goo`quíá'- i dsea` i 'neáan',
jogui røøb`quidsii` í' cajo quiá'- i dsea` i líng' jóo`o.

⁷ Joba' fí`i 'nú' e ni`ím'`ba' lajii` e 'goo` e ñ' Fidiéé', jo lajoba' dsea` do nito' fíim`bre 'nú' e líng'na' jóor'; co' ja`jie` lí` seeng` jaang` jóo` dsea` i ja` ñ' tiquiá'^ 'goo'. ⁸ Co' song Fidiéé' ja` ñr` 'goo`quí-na' mi` 'né- lajo lí'^ laco' jmóor` cóo`~ jaléng' jóor', joba' cuøøng` fe`ee' jóng e jaléng' 'nú' ja` líng'na' dseáng'- jóo' Fidiéé' jóng. ⁹ Co' ie` lami` jiuung`naa' do, ñb` tiquiá'ii' 'goo`quí-ii' laco' catíng-, joba' jmi'goo`baa're. Jo eáang`guib` 'né- e nijmi'goo`naa' Tiquiá'ii' Fidiéé' dsea` guing` ñifí` mi` ñr` 'goo`quí-ii', jo lajoba' nilí'naa' e nilisee`naa' cøøng` cóo'r` lata`. ¹⁰ Jo lajee` e seeng`teáa' fí` jmigüf` la, ñb` tiquiá'ii' 'goo` cajo lí'^ laco' jii` e í` dsír' e guiá`gui quiá'ii'. Dsu' Fidiéé`gui ñbre 'goo`quí-ii' e lí'^ laco' nilí'ling` ta` quiá'ii' car` ngong` jmi`, jo lajoba' ni`uíng`naa' dseáng'- dsea` guíng- lí'^ laco' líiñ` 'ñia'r'. ¹¹ Dsu' e já'-, ja` cuø` e íaang` dsinaa' dseáng'- ladsifí` mi` ñ' Fidiéé' 'goo`quí-ii', co' huím`jiá` lí' lajee` jo; jo dsu' song ni`íng'naa' e jo e ja` sée`naa' dsee-, joba' guiáb- ni`uíng` quiá'ii' jóng, co' lajoba' e ni`íng`naa' e nilisee`naa' juguiá` cóo`~ Fidiéé' e jmoo`naa' lajii` e iing` dsea` do.

Dseáam` mi` ja` iing` dsea` rú`- júu` quiá'- Fidiéé'

¹² Jo fí`guí` 'nú', dsea` rú'naa' dsea` quiá'- Dsea` Jmáang-, cuøø`gui bí yaang-na' e laco' ja` nilitúng` áa'na' mi` í` óo'na' e eáam` huíng` lajii` e fí` guiá` lí` niteáang`na', ¹³ jogui jmi'úung`na' e teá`gui nisíng`na' e fí` jo, jo lajoba' cuøøng` e nijmicóo`na' jaléng' i dsea` rúng'na' i ja` 'goo`teáang` teá' e fí` guiá` jo e laco' teá`gui nisíñ` fí` jo.

¹⁴ Jo jmi'úung`na' e seeng`na' juguiá` júu` røø` cóo`~ jaléng' dsea` rúng'na', jogui jmi'úung`na' cajo e laco' ja` nijiúng'na' fí` ni` dsee-, co' jii` jaang` dsea` cuøøng` liseeiñ` cøøng` cóo`~ Fidiéé' song ja` ni`náng` 'ñia'r` jee` jalé' dsee` quiá'r-. ¹⁵ Jo jmi'úung`na' lajaléng'na' e laco' ja` nitá'na' lajii` e guiá` e ngíng'na' quiá'- Fidiéé'. Jo ja` cuø' fí` yaang-na' cajo fa' e nijmée`na' guíng`na' uii` quiá'^ jaléng' dsea` rúng'na', co' e jo lí' lafa' e nilíng'na' cóo` onuu` e guiá`; co' fíng` líng'na' lajo, joba' dseáam` e ni`lee`na' quiá'- jaléng' dsea` rúng'na' jogui e nidsicuáng`gui dsee` quiá-na' cóo`~ jaléng' dsea` caguaang`gui. ¹⁶ Jo jii` jaang` 'nú' jie` mí` lee`na' e nigüíng'na' cóo`~ dsea` i o' quiá-na', jogui jie` mí` jmoo`na' e ja` nijmi'goo`na' lajii` ta` quiá' Fidiéé' lí'^ laco' cajmée` jaang` dseañu` i calisí` Esaú ie` malí`gui eáang` mi` ja` cajmi`gór` lajii` e catíiñ` quiá'- Fidiéé'; co' i dseañu` í` líiñ` siñu` la'uii` quiá'- tiquiá'r', jo dsu' catábre e líiñ` lajo ie` lami` casiúíñ` cóo` huí' e a` jmiñi`. ¹⁷ Jo ñib` 'nú' guiá` e mi` cangí`gui lajo, mi` cali`iing` tiquiá'r` e nicuø'-reiñ` lajii` e catíiñ` do dsu' uí' e líiñ` jóor` la'uii~, dsu' ja` caquí` jmi` fa' e calíng`guir e jo, co' catábre e líiñ` lajo lajii` lami` jéeng`gui; jo nañí` fa' eáam` camir` jmi`ee` cartí` caqui'r` ie` jo, dsu' jo` e mí` caliseá` quiá'- lajii` e cajmээр` do.

¹⁸ Jo fí`guí` 'nú', dsea` rú'naa' dsea` quiá'- Dsea` Jmáang-, e ja` caguiquiéeng`na' fí` quini` Fidiéé' laco'gui cajmée` dsea` áang` qui`naa' dsea` Israel ie` lami` cangoquiéeiñ` e fí` tí` mó' Sinaí ie` lami` cangíiñ` e júu` quiá' ta` quiá'- Fidiéé'; co' ie` jo e fí` jee` mó' do uøø` níng` jì jogui sibé' jní' e nuu` só' jogui e eáang` ñ' guí` jogui e quie` güi`ñiá` cajo; ¹⁹ jogui canúur` cajo jial tí' teá` ca'ii` lúu` trompé'^ jogui canúur` jial tí' teá` caná' luu` Fidiéé'. Jo jaléng'

dsea` i canúu~ luu~ Fidiée` ie~ jo camir' jmi'ee` e niqiuúm'~ dsea` do lajii~ e fé'r' do, ²⁰ co' ie~ jo dseáng'~ eáam' cafóng' jaléng' i dsea` do mi~ canúur~ e caquiú' Fidiée` ta` lala: "Doñi' i' dsea` i nisi' tii~ e fi' mó' la 'né~ nijúum~ bre cóo'~ layaang~ cuu~ osi cóo'~ ñisú' é, jo ja' e lí' doñi' fa' jaang' jó', lajob 'né~ líng~ ne' cajo." ²¹ Jo dseáng'~ eáam' cafóng' jaléng' dsea` áang' qui~naa' mi~ cangár~ jalé' e jo, co' j'gui carti' Moi' cajiiñ'~ ie~ jo e 'gó'r' carti' jléeiñ'.

²² Jo dsu' jaléng' 'nú' ja' calíng~na' lajo, co' niseab` fi' quií~na' e nigüiquiéeng'na' dseáng'~ condsée' e fi' yá' mó' Sión fi' dseáng'~ lí' guíng~ Fidiée` i seeng` car` ngongú' jmi~, jo e fi' job lí' sii Jerusalén 'mú~ e sea` fi' ñifi' fi' lí' siseáng' i 'leáng~ ángeles i jmféng' Fidiée`. ²³ Jogui lana niseab` fi' quií~na' e niseáng'na' colíng~ cóo'~ jaléng' dsea` quiá'~ Dsea` Jmáang~ i caliséng' ie~ malii~gui do jo i nitaang~ fi' ni~ j' quiá'~ Fidiée` fi' ñifi'. Jogui cajo niseab` fi' quií~na' e nigüiquiéeng'na' fi' quini' Fidiée` i quidsi' í' laco' catíng~ quiá'~ jaléng' dsea` jmigüí; jogui niseab` fi' quií~na' e niseáng'na' colíng~ fi' ñifi' cóo'~ jalé' jmigüí quiá'~ jaléng' dsea` i nicaláang~ jee~ jalé' dsee~ quiá', jo lana nilíiñ' dseáng'~ laco' iing~ Fidiée` e líiñ'. ²⁴ Jo niseab` fi' quií~na' cajo e cuøøng` e nigüiling'na' dseáng'~ condsée' fi' quini' Fidiée` fi' lí' nigüing~ Jesús lana, i dsea` i caneáa' e fi' jo. Jogui íb` dsea` cajo i cacuø' jmi'øøng~ e laco' sea` fi' quiá'~ jaléng' dsea` lana e niliseeñ' cøøng` cóo'~ Fidiée` la'eáang' cóo'~ e júu` tigua` e 'mú~ e cacuø' Fidiée`; co' e jmi'øøng~ Jesús do eáang'gui laniing~ laco'gui e jmi'øøng~ Abel i caliséng' ie~ malii~gui do.

²⁵ Joba' fii' i 'nú', dsea` rú'naa' dsea` quiá'~ Dsea` Jmáang~, e contøøm~ 'né~ ñiing~ óo'na' e nijmée'na' núu'na' lajii~ júu` e sí' Fidiée` jneaa'aa', dsuco' ne'baa' e ie~ malii~gui do jaléng' i dsea` i ja' calinúu' júu` quiá'r~ ja' caláaiñ~ jee~ jalé' iihuí'. Jogui jneaa'aa' eáang'guib ja' quií~naa' jmi~ fa' e nileáng'naa' jee~ jalé' iihuí' e catii~naa' song nijmó'naa' laang'naa' lajii~ e júu` e sí' Fidiée` jneaa'aa' e cangúñ' cóo'~ Jóor' Jesús fi' jmigüí la e jáa' tí' ñifi'. ²⁶ Jo ie~ malii~ do e luu~ Fidiée` do cajmée' e cajlé' guoo'~ uø' fi' mó' Sinaí, dsu' lanagui jing'~ Fidiée` e o' jii~ guoo'~ uø' nijmér~ e nijlé~tu, co' la quie' tí' yá' jmigüíb' nijmér~ e nijlé'. ²⁷ Jo mi~ fé' Fidiée` e nijmér~ e jo calé' catú', joba' niñi' dsea` e ni'ím~ dsea` do jalé' e cajmээр' mi~ caguia' uiiñ~ jmigüí, jo nisé~guir fi' jmigüí la lajii~ e ja' qui'~ jmi~ e ni'íing~. ²⁸ Jo ja' qui'~ jmi~ fa' e ni'íing~ e Fidiée` quier' nifi' quiá'~ jaléng' dsea` quiá'r~, joba' lana 'né~ nicuøø'baa' gui'máang' dsea` do jogui e nijmféng'naa'r e ngocáng' dsí'naa' jogui e nijmi'goo'naa'r e nijmó'oo' jmang'~ jalé' e tí' dsír'. ²⁹ Joba' majmé'naa' lajo, co' Fidiée` qui'~ii' líiñ' lafa' cóo' j' e íng~ congua' lajalé'.

13

Jalé' e iáang' dsí' Fidiée'ba' 'né~ jmó'oo'

¹ Jo lalab fii' guí' 'nú', dsea` rú'naa' dsea` quiá'~ Dsea` Jmáang~, ja' tiúung'na' e jmi'neáang'na' jaléng' dsea` rúng'na' lí' laco' catíng~ e jmóo' jaléng' dsea` quiá'~ Dsea` Jmáang~. ² Jogui íng'na' e iáang' óo'na' jaléng' dsea` i guíling~ fi' quií~na' i jalíng~ fi' lí' jié', co' mi~ cajmée' dsea` lajo lamí' jéeng'gui, i líng~ i dsea` i caguíling~ fi' quiá'r~ do líiñ' ángeles e jii~ ja' calilí'r' e líiñ' do lajo.

³ Jogui jmicóo'na' jaléng' dsea` i sijníng' fi' dsí' 'núñi' lí' laco' iing~na' e nijmé~ dsea` cóo'~ 'nú' fa' mi~ 'nú' sijníng'na'. Jogui jmicóo'na' cajo jaléng' dsea` i nicajmé' dsea` ga' quiá'~ lí' laco'gui iing~na' e ni'é~ dsea` guíá~ cóo'~ 'nú' song cajmeáng' dsea` 'nú' lajo.

⁴ Jo lajaléng' 'nú' eáam' 'né' e nijmi'goo'na' quiá'~ e cung' guoo' dsea`, jogui jie~ mí' lee'na' e güíng'na' cóo'~ dseañu' osi dseamí' i o' quií~na'; co' Fidiée` niquidsi' í' laco' catíng~ quiá'~ jaléng' i dsea` i güíng' cóo'~ dseañu' osi

dseamí mi~ nú-gui e nicúng' guór` osi jaléng' i dsea` i jmoo` lajo cóo~ dsea` i o' quíar- mi~ ningí e nicúng' guór`.

⁵ Jo ja` jmoo`na' e eáang' suung`na' jalé` cuu-, co' lí' lí' 'né- e nijmi'iaang' óo`na' cóo~ lajii~ capi'^ e sea` quí-ba', co' lalab fé` Fidiéé' fí' ni~ jì' quíar-: "Ja` quí- jmii~ fa' e nijmihuíng' 'ñiá`a cóo~ 'nu` o'gui fa' e nitiúun`n 'nu` cajo."

⁶ Joba' lalab cuóong` fé`naa' e dseáng' ta~ dsi`naa':

Fí'i Fidiéeb' dsea` i jmicóo~ jnea~;

joba' ja` gó'o jii~ capi'^ ee` iing~ dsea` jmigüi' nijmér- cóo~ jnea~.

⁷ Jogui jmiguiéng' áa`na' cajo quíar- jaléng' dsea` rúng`na' dsea` quíar- Dsea` Jmáang- i nicajmicóo~ 'nú` lamí~ uii~ quíar- jial já- calíng`na' júu^ quíar- Fidiéé'; jogui íi' óo`na' jial caliséiñ` cøong` cóo~ Fidiéé' cartí catí í' e cajúñ-, joba' teágui síng' yaang`na' cóo~ júu^ quíar- Dsea` Jmáang- lí' laco'gui cajmée` i dsea` í' cóo~ júu^ quíar- dsea` do.

⁸ Jo ja` sisíng' jii~ capi'^ Fí`naa' Dsea` Jmáang-, co' røøb` líng' dsea` do lati' lajii~ lamí~ nú-gui e nitiroo` jmigüi' jogui lana lí' car` ngongí jmi~ lajob líng' dsea` do. ⁹ Jo ja` cuø' fí' yaang`na' fa' e nijmi'goo`na' jalé` júu^ e ja` cøong` røø` cóo~ júu^ quíar- Dsea` Jmáang-. Co' eáang'gui quíng' e téé-naa' teá' fí' guiá- cóo~ Dsea` Jmáang- la'eáang' e 'neáang' Fidiéé' jneaa`aa' e lafa' e jmití`naa' júu^ cuaiñ~ quíar- jalé` e cuóong` osi e ja` cuóong` dø' dsea` é; co' jalé` e jo ja` ee` ta~ íing' jii~ coo' fa' e nijmicóo~ quí-ii' fí' lí' nitée-naa'.

¹⁰ Jogui jneaa`aa', dsea` lí`naa' dsea` quíar- Dsea` Jmáang-, seab` lafa' feá- quí-ii' e jii~naa' fí' quini` Fidiéé' mi~ jmiféng'naa're. Jo dsu' ja' fí' sea` quíar- jaléng' jmidsea` i lamí~ jii' jalé` feá- fí' quini` Fidiéé' lamí~ jéeng'gui fa' e nidø'r- e lafa' feá- quí-ii' do. ¹¹ Co' ie~ lamí~ jéeng'gui do, e ta~ quíar- jmidsea` laniing- quíar- dsea` Israel quíar- e nidsicar' jii~ jmi~ jó' catí' Ée` lí' Laniing- Güeang' quíar- e 'núu' 'mi' e lí' jmiféng' jaléng' dsea` do Fidiéé', jo cuø'r' Fidiéé' e jo e laco' la'uii~ ni'íng- dsee- quíar- 'ñia'r', jogui mi~ ningí jo, ni'íng- dsee- quíar- jaléng' dsea` góor'; jo dsu' i jó' i ca'uøø` jmi'øøng- do, cartí caluu` fiib` dsijiiñ` í. ¹² Jo lajob calí- cóo~ Jesús cajo, fí' caluu` fií' Jerusalén cajúñ- e laco' cóo~ e jmi'øøiñ- e catuu` do cajmээр` cóo~ jaléng' dsea` quíar- e jo røøng`guiiñ` dsee-. ¹³ Joba' fií-i 'nú', dsea` rú`naa' dsea` quíar- Dsea` Jmáang-, 'né- e lafa' e nidsé`naa' cóo~ dsea` do fí' caluu` fií e ja` í' lí`naa' fa' jialgui la fé` dsea` ga` uii~ quí-ii' lí' laco'gui cajmée` dsea` cóo~ dsea` do. ¹⁴ Co' ja` sea` quí-ii' fí' jmigüi' la lí' see-naa' lata~, dsu' sijeem`baa' e nilisee-naa' e fí' fií 'má- quíar- Fidiéé' e néé' fí' ñifi- quíar-, co' e job fií e sea` lata~. ¹⁵ Jo uíi' e joba' contøøm- 'né- jmiféng'naa' Fidiéé' la'eáang' cóo~ Fí`naa' Dsea` Jmáang-, jo e lab lí' lafa' e feá- e 'né- e nijjii~naa' fí' quini` Fidiéé'. jo contøøm- 'né- e nijmiféng'naa're cóo~ lajalé` e fé`naa'! ¹⁶ Jo e laba' 'né- cajo e contøøng- 'né- jmée`na' e ni'ee-na' guiá- cóo~ jaléng' dsea` rúng`na' jogui e nijmicóo~na'r cóo~ jalé` e sea` quí`na'; dsu' jalé` e naba' lí' lafa' e feá- e nijjii~na' fí' quini` Fidiéé' e laco' cuø' e íaang` dsír'.

¹⁷ Jo 'nú', jmee-ba' núu`na' cóo~ jaléng' dsea` quíe' nifi' quí-na' jogui jmí'goo`na' dsea` do cajo, co' íb` dsea` i néé' ni~ 'nú' contøøng-; co' niñib` i dsea` do guiá- e fí' quini` Fidiéeb' niguiéer' cuente jalé` e jmóor` cóo~ 'nú'. Jogui cuøø~ bí' yaang`na' e guiá- ta~ nijmée`na' fí' quini` i dsea` do, jo ja` jmeáang` yaang`na' e nijmée`na' laguidseaang` doñí' ee` jmoo`na', co' fíng song jmoo`na' lajo, joba' ja` e ta~ nilí'íng' quí-na' jii~ coo' jalé` e jo.

¹⁸ Joba' síi~naa' 'nú', dsea` rú`naa' dsea` quíar- Dsea` Jmáang-, e nimíi~na' Fidiéé' uii~ quí-naa'. Jo nitab~ dsi`naa' e Dsea` Jmáam-bing' i nica'íng- congua' jalé` dsee- quí-naa', jo uíi~ joba' ii~naa' e contøøm- ni'ee-naa' e guiá- cóo~ lí' doñí' ee` jalé` e jmoo-naa'. ¹⁹ Jogui la guím` má-i 'nú' cajo

e nifóng[^]na' Fidiée[˘] uii[˘] quié⁻e e laco' dsea` do nicuó^r- jnea[˘] fí' e lajee[˘] lajminá⁻ niliseeng⁻túu cóo[˘]' 'nú' calé' catú⁻.

Júu[^] lí[˘] ngóo' cadséng⁻ e catúng⁻ dsea` Israel

²⁰ Jo má[˘]'i Fidiée[˘] i cuó' e see⁻naa' juguiá⁻ júu[^] røø, jogui i cajmée⁻ e cají[']tu Fí[˘]naa' Jesús jee[˘] jaléng[˘] 'lí[˘], jogui i jmóo[˘] í[^] jneaa[˘]aa', dsea` lí[˘]naa' lafa' jo'se[˘] quiá^r-; joba' má[˘]'i la'eáang' cóo[˘]' jmi'øøng⁻ Dsea` Jmáang⁻ e catuu[˘] fí' dse[˘] crúu[^] e tí[']ni[˘] lata[˘] e júu[^] tigua[˘] e 'má[˘] e cajmée⁻ Fidiée[˘] cóo[˘]' jneaa[˘]aa', ²¹ joba' má[˘]'i[˘]ire e la'eáang' cóo[˘]' e job['] nijmér⁻ e ni'uíng⁻na' dsea` guiúng⁻ i ée[˘] røø laco' sí[']í[^], jo lajoba' cuóøng⁻ e jmée[^]na' dseáng⁻ lají['] e iin[˘]; jogui má[˘]'i dsea` do e nijmér⁻ lají['] e iin[˘] cóo[˘]' jneaa[˘]aa' e íaang[˘] dsíir' la'eáang' cóo[˘]' i Jóor' Dsea` Jmáang⁻. Jo majmifém[']baa' Dsea` Jmáang⁻ lata[˘]! Jo lajob['] 'né⁻ lí.

²² Jo má[˘]'i 'nú', dsea` rú[']naa' dsea` quiá[']- Dsea` Jmáang⁻, e ni'ím[']ba' e féng['] óo[']na' lají['] capí['] júu[^] cuó' bí e nicafí['] i 'nú' e fí' ni[˘] jì quié⁻e la. ²³ Jogui jmóo[˘]'o 'nú' júu[^] cajó e i dsea` rú[']uu' dsea` quiá[']- Dsea` Jmáang⁻ i sii['] Timoteo nicagü[']í[']bre fí' dsíí' 'nañ[']; jo song cagüéiñ⁻ fí' la lajminá⁻, joba' nijøø^mbaare fí' na mi[˘] ninii['] i ni'ee[˘] e 'nú' jóng.

²⁴ Jogui guicóob['] jaléng[˘] dsea` quiá[']- Dsea` Jmáang⁻ i quié['] nifí' quií⁻na' fí' na, lí[^] lajaléng[˘] dsea` rú[']naa' dsea` quiá[']- Dsea` Jmáang⁻ caguaiang⁻gui i seeng[˘] fí' na. Jogui guicóo[']baa' jíng['] jaléng[˘] dsea` rú[']naa' dsea` quiá[']- Dsea` Jmáang⁻ i neáang['] fí' la fí' lí[˘] se['] Italia.

²⁵ Jo güi[']íib['] Fidiée[˘] güea[^] quiá^r- fí' jee⁻ 'nú' lajaléng[˘]na'. Jo lajob['] nilí.

Ji` e cajme` TIÁA~

¹ Jnea~ sii` Tiáa~, jaang` dsea` i jmoó` lajii~ e iing~ Fidiée` cóo~ gui Fíi'naa' Dsea` Jmáang~, jo jmo'o e ji` la e catíng~ laji` guitu' 'lé' dsea` Israel i líng' dsea` quía'~ Dsea` Jmáang~ i sisoo` sijóng^ fí' la'úng~ fí' jmigüi'. Guicóo~'baa' lajaang` lajaang`na'.

Fidiée`bing' i jmicóo~ dsea` e ñir' e~ nijmér~

² Dsea` rú'naa' dsea` quía'~ Dsea` Jmáang~, güili'iaang` óo'na' mi~ íng'~na' lí^ doñí' ee' e huíng', ³ dsuco' niñib^ 'nú' guiá~ e mi~ móo~na' jalé' e huíng' do, joba' eáang'gui sea` bí quíi'na' e té'na' fí' guiá~ lí niteáang`na' cóo~ Dsea` Jmáang~. ⁴ Jo có' jmi'úum`ba' e dseáng~ té'ba' e nisíng'~na' teá'gui e fí' guiá~ do cóo~ jalé' e dsingüng~na' do, joba' niliguiúng~na' laco' si'í^ fí' quini' Fidiée`.

⁵ Jo song jaang` dsea` lajee` la'ó' 'nú' ja` ñir' e~ nijmér~ quía'~ lí^ doñí' ee', joba' 'né~ e nimí'r~ Fidiée` e nijmicóo~ quía'r~ e ni'í^ dsír' e~ jalé' e nijmér~ quía'~ jalé' e camir' do; có' í'bing' cuø' jaléng' dsea' lalíng' jogui e íaang' dsír' mi~ mi' dsea' ír' e jmicóoiñ~ do quía'r~, jogui ja' e 'gaañ` jii~ cóo' quía'~ jalé' e jo cajo. ⁶ Dsu' mi~ nimí'r~ Fidiée` lajo, 'né~ e jáb'~ niliñ` e nijmicóob~ dsea` do quía'r~, jogui ja' í^ dsír' jii~ cóo' fa' e dsea` do ja' nijmicóo'r~ cóo~ e jo; có' song ii~ dsea' ja' oor' júu^ ta` dsír' e nijmicóo~ Fidiée` quía'r~, joba' i dsea' í' líiñ' lafa' jmi' mi~ dsiguíng~ cóo~ guí' fí' la fí' na. ⁷ Jo i dsea' i líng' lajo ja' güi'í^ dsír' fa' líng~ ee' nijmicóo~ Fidiée` quía'r~, có' ja' niñiñ` jii~ cóo' e jo quía'~ dsea` do. ⁸ Có' i dsea' la'í, lana' í dsír' cóo' jogui dsa'ó' e jiéb' ni'í' dsír', jogui ja' iu~ dsír' cóo~ jalé' e jmoór' do cajo.

⁹ Jo fii~ guí' 'nú', dsea` rú'naa' dsea` quía'~ Dsea` Jmáang~, e ii~ lajee` la'ó' 'nú' i ja' 'ga' lí' sea` quía'~ fí' jmigüi' la, joba' 'né~ e nijmi'iaam' dsír' i dsea' la'í, có' Fidiée`bing' i niseáng' i dsea` do yá^ mi~ nití~ oor~ quía'r~. ¹⁰ Jogui lajobi cajo ii~ lajee` la'ó' 'nú' i sea` cuu~, 'né~ e nijmi'iaam' dsír' dsea` do fíng' cajméé` Fidiée` e nijgiáañ` dsea` do, có' i dsea` sea` cuu~ do líiñ' lafa' cóo' lí^ quía'~ lí^ doñí' ee' onuu', có' ja' huøø~ té' e jii'. ¹¹ Có' mi~ niliguií~ iee', dsifí' lajob lífíng'^ lí^ quía'~ e onuu' do, jo dsifí' ladob nité' fí' ni' uø~, jogui íim~ lajii~ e ia' do. Jo lajob lí' cóo~ i dsea` sea` cuu~, có' mi~ nití~ oor~ quía'r~ e nidséiñ~ fí' jmigüi' cóo', catúbre lajalé' e sea` quía'r~ fí' jmigüi' la.

Mi~ dsingüng~ dsea` jalé' e huíng'

¹² Juguiá~ jia quía'~ jaléng' dsea` i jmoó` té' cóo~ jalé' huíng' e dsingüiñ~ uíi~ e ja' jmoór' jalé' e ja' dseeng', dsuco' mi~ ningí' e cajméer' e jo, joguiba' ni'íñ' lajii~ e guiá~ e catíiñ~ e niliseeiñ` cøøng` cóo~ Fidiée` lata~, có' lajob júu^ cacuø' Fidiée` lami~ jééng'gui quía'~ jaléng' dsea` i jmi'neáang` ír'.

¹³ Jogui mi~ iing~ jaang` dsea` e nijmér~ e ja' dseeng', jo ja' güi'í^ dsír' e Fidiée`bing' i jmoó` e iñ~ e nijmér~ lajo, có' Fidiée` ja' catíiñ~ jii~ capí^ fa' e nijmér~ e ja' dseeng', o'gui jmoór' fa' e lajob nijmé~ dsea' jiéng' cajo. ¹⁴ Dsu' ja' lí' lajo, có' lí^ lí' yaam~ dsea' í dsír' ga', jogui yaam~bre cajo iñ~ e nijmér~ jalé' e ja' dseeng', có' job líquieé' quía'r~ e niligøøiñ` e nijmér~ jalé' e ja' dseeng' do. ¹⁵ Jo cóo~ jalé' e ga' e í dsír' do, e joba' jmoó` e jmiróng` dsee~ yaañ~. Jogui mi~ ni'míng'~ eáang' e dsee~ do, joba' i dsea' í ni'nám`bre cóo~ Fidiée` lata~ jóng.

¹⁶ Joba' fii~ guí' 'nú', dsea` rú'naa' i 'neáan`n eáang', ja' jmigøøng` yaang~na' cóo~ jalé' e jo. ¹⁷ Jo Fidiée`bing' i cuø' jneaa~aa' jalé' e guiá~ jogui jalé' e niguo'^, jo íb` cajo i cajmeáang` jaléng' i jmi'neá' jì i seeng' fí' yá^ jmigüi' e laco' sea` jmi' jogui sea` uøø. Jogui 'ñia' Fidiée` ja' tóo` jmi' fa' e nilisiñ~

laco'gui lisíng̃ jalé' jî̃ ì seeng' fí yá' jmígüü, co' ja` quí' jmî̃ e nilí lajo, co' dseáng' røøb` líng' dsea` do lata. ¹⁸ Jo co' Fidiée' 'ñia'bre cali'iiñ̃, joba' cacuør' e nilisee-naa' cøøng' cóo'r̃ la'eéang' cóo' e já' lí'naa' júu` quiá' Dsea` Jmáang̃. Jo cajméer' lajo e laco' jaléng' jneaa'aa', dsea` lí'naa' dsea` quiá'r̃, nisíng' naa' fí' quini'gui jee` jaléng' dsea` ì nijmé' Fidiée' ì nilíng' dsea` quiá'r̃.

Jial lí' mî̃ dseáng' e já' e licúing' dsea` Dsea` Jmáang̃

¹⁹ Jo téé' óo'na' jalé' e júu` la, dsea` rú'naa' ì 'neáan`n eéang', e lajím' 'nú' 'né' guiéeng' guíá' yaang'na' e ninúu'na' røøb'; dsu' ja` 'né' fo'na' ladsifí' e ja` mí' ca'íi' óo'na' røø, o'gui cuó' fí' yaang'na' e jmée'na' guíng'na' quiá' doñí' ee' e jmóo' dsea` cóo' 'nú'. ²⁰ Dsuco' mî̃ jmiguíng' dsea` rúñ', joba' ja` éer' røø' laco' catíng' e jmóo' dsea` quiá' Dsea` Jmáang̃, co' ja` jmóor' laco' iáang' dsíí' Fidiée' e nilí. ²¹ Joba' fíi' 'nú' e 'né' tú'ba' jalé' e ja` dseeng' e jmoo'na' fí' jmígüü la, jogui ca' 'naang'na' cajo jalé' e 'lí' e sea' fí' jmígüü la, jo líng'na' e ngocáng' óo'na' lajii' júu` quiá' Dsea` Jmáang̃ e nicanúu'na', dsuco' e júu` joba' e quí' jmî̃ e nileáng'na' jee` jalé' dsee' quí'na'.

²² Jo dsu' ja` e ta` íng' quí'na' lico' nuu'na' e júu` jo song ja`gui jmití'na'. Dsuco' song ja` jmití'na' e jo, joba' lí' jmígøøng' yaam'ba' jóng e líng'na' dsea` quiá' Dsea` Jmáang̃. ²³ Jo jaléng' ì dsea` ì lico' núu' e júu` jo dsu' ja`gui jmitir' laco' catíng', joba' ì dsea` í' líiñ' lafa' jaang' dsea` mî̃ jøøng' 'ñia'r' dsíí' sî̃ jo jnéem' jial laco' ír'; ²⁴ jo dsu' dsifí' mî̃ cang' e cangáng' 'ñia'r' dsíí' e sî̃ do, ca'ím' dsír' jialco' líiñ' ladsifí' lado jóng. ²⁵ Jo dsu' ì dsea` ì ja` íng' dsíí' jalé' e júu` quiá' Dsea` Jmáang̃ e núur' do, jogui núu'bir e ngocáng' dsír' e jo, joba' dsea` í'bing' ì contøøm' tóo' dsíí' e nileáñ' jee` jalé' dsee' quiá'r' la'eéang' cóo' júu` quiá' Dsea` Jmáang̃, jogui íb' cajo ì niliseeng' juguiá' cóo' Fidiée'.

²⁶ Jogui song jaang' dsea` í' dsír' e líiñ' dsea` quiá' Dsea` Jmáang̃ jo dsu' mî̃ 'noo'bi fé'r' júu' e ja` dseeng', joba' ì dsea` í'bing' ì jmígøøng' yaang' e líiñ' dsea` quiá' dsea` do, jo dseáng' ja` ee' ta` íng' jii' coo' quiá'r' cóo' lajii' e fé'r' do e cuiñ' Dsea` Jmáang̃.

²⁷ Jo lajii' dsea` ì ja` beáng' dsee' yaang' cóo' jalé' e 'lí' e sea' fí' jmígüü la, jogui jmicóo'r̃ jaléng' jiuung' 'nî̃ jogui jaléng' dseam' ì 'nî̃ cóo' jalé' fí'í' dsíí' e sea' quiáñ' do, jo lajii' dsea` í'bing' ì dseáng' lajang' líng' dsea` quiá' Dsea` Jmáang̃, jogui ja` ee' s'líiñ' jii' coo' fí' quini' Fidiée' cajo.

2

'Né' ée' dsea` røøb' cóo' jaléng' dsea` rúñ'

¹ Jogui fíi' guí' 'nú', dsea` rú'naa' dsea` quiá' Dsea` Jmáang̃, co' 'nú' líng'na' dsea` quiá' Dsea` Jmáang̃ ì dsea` ì laniing' 'gøng' do, joba' 'né' e ee'na' røøb' cóo' jaléng' dsea` jmígüü. ²⁻³ Cofa' lí' lí' lala: e coo' lí' siseáng'na' fíng'na' colíng', jo lajee' e siseáng'na' do niguiée' jaang' dsea` ì sea' cuu' ì qui' 'mî̃' e jlo' jogui quier' ní' ía' niguoo' e 'mo' eéang', jo joba' eám' guíá' ni'íng'na're, jogui jaang' 'nú' nifí'na're lala: "Ní' e fí' lí' jlo'gui la." Dsu' lajee' job cajo niguiée' jaang' dsea` tiñíng' e fí' lí' siseáng'na' do ì qui' 'mî̃' e sito', jo jaang' 'nú' nifí'na're lala: "Do güinootea 'nu' lí' doguijia", osi "Güiguieeng'tea uó' lí' ni' uó' lí' do." ⁴ Jo song lajobi fó'na', joba' gab' lí' quí'na', co' nijmoo'na' e niguíim'ba're jóng uí' e ní'í' óo'na' e dsea' sea' cuu'bing' ì niing'gui, dsu' o' lajo.

⁵ Jo núu'na' jalé' e nifí' guí' 'nú' la, dsea` rú'naa' dsea` quiá' Dsea` Jmáang̃: 'Né' nicá' 'nú' cuente e Fidiée'bing' nicaguíng' jaléng' dsea` tiñíng' fí' quini' jaléng' dsea` jmígüü e laco' ni'uíñ' do dsea` ì lajang' teáng' teá' fí' guíá'

cóo'~ Dsea` Jmáang- laco' si'í^, jogui lajoba' e ni'ing^ i dsea` í e Fidiée` quie` nifí` quía'r- lí^ laco' jii~ e nicajíng'- dsea` do lamí` jéeng'gui e nicuó'r- jaléng' dsea` i 'neáang` ír'. ⁶ Jo dsu' 'nú' lí^- lí` jmi'uóng^na' jaléng' dsea` tiñíng-, co' ja` jmi'goo`na're. Jo` ja` ca`na' cuente e jaléng' dsea` sea` cuu`bing' i jmáang' 'nú' ga, jogui íbing' cajo i dsijeáang- 'nú' laguidseaang^ fí` quini` dseata`? ⁷ Jo` téé` óo`na' cajo e i dsea` sea` cuu`bing' i fé' júu^ 'lí' quía'- Dsea` Jmáang- cóo'~ jaléng' dsea` quía'r-.

⁸ Jo` e guiá`ba' jmoo` 'nú' song dseáang'- e lajang'- núu`na' lajii~ júu^ e laniing- eáang` lí^ laco'gui la fé' fí` ní` jii` quía'- Fidiée` lí` fé' lala: "Jmi'neáang` jaléng' dsea` rún' lí^ laco'gui jmi'neáan` uø'." ⁹ Dsu' fing song ja` røø` jmoo`na' cóo'~ lajaang`lajaang`dsea` rúng'na', joba' nilí` e nibeáang`na' dsee- yaam`ba' jóng, jogui ni'oo`ba' dsee-, co' ja` cajmití`na' júu^ quíu' ta` quía'- Fidiée`. ¹⁰ Jo` fa' núu`- jaang`dsea` jalé' e júu^ quía'- Fidiée` do dsu' ja` jmitir` fa' coob` e júu^ do, joba' dseáang'- óo`bre dsee- jóng, co' ja` jmitir` dseáang'- lajalé' e júu^ quía'- dsea` do. ¹¹ Co' 'ñiab' Fidiée` dsea` cajíñ'- lala cajo: "Ja` 'lee'~ e güñ' cóo'~ dseañu' osi dseamí` i o' quíi'~." Jogui cajím'- biguir cajo: "Ja` jngan` dsea` rún'." Joba' jia` fing ja` mí` cajmée` dsea` e güñiñ` cóo'~ dsea` i o' quía'r-, jo dsu' song nicajngam`bre dsea` rúñ', joba' nicabeám` dsee- 'ñia'r` jóng, co' ja` mí` calínúu'r~ dseáang'- lajalé' júu^ quía'- Fidiée`. ¹² Jo` lí^ doñí` ee` e nifo`na' osi lí^ doñí` ee` e nijmée`na', 'né` ní`ee`na' røø` laco' catíng- e jmoo` dsea` quía'- Dsea` Jmáang-, co' Fidiée`bing' i niquidsí` í' quíi`na' cóo'~ e júu^ e nileáang`naa' jee` jalé' dsee- quí`-ii' do. ¹³ Jo` jaléng' dsea` i ja` mí` fii` calíng- jaléng' dsea` rúng', joba' lajob` nijmé` Fidiée` cóo'~ ír` cajo mí` tí` lí` nití` í' quía'r'; jo dsu' jaléng'gui dsea` i nicalí` fii` líng- jaléng' dsea` rúng', guiáb- nidsijée` quía'r- mí` nití` oor~ e niquidsí` Fidiée` í' quía'- jaléng' dsea` jmigüf.

'Né- e jmitib` dsea` o' lico' fé'r`

¹⁴ Jo` lajoba' fii` guí` 'nú', dsea` rú`naa' dsea` quía'- Dsea` Jmáang-, dseáang'- ja` ee` ta` íng^ quíi`na' e fó`na' e já'- líng`na' júu^ quía'- Dsea` Jmáang- song ja`gui jmití`na' lajii~ júu^ quía'- dsea` do. Co' i dsea` i fé' e já'- líññ` júu^ quía'- Dsea` Jmáang- jo dsu' ja` núu'r~ e fa' jmitir` e júu^ jo, joba' dseáang'- ja` nileám`bre jee` jalé' dsee- quía'r-. ¹⁵⁻¹⁶ Fa' majmée`duu' cuente e jaang` dseamí` osi jaang` dseañu' i líng' dsea` quía'- Dsea` Jmáang- i ja` sea` jalé' e 'né-, fa' la si'r` osi jalé' e dó'r- e lalíng` laco` jmi~ laco` jmi~, jogui jaang` lajee` 'nú' nifí`na're lala: "Guóng' cóo'~ e guiá` guiá' fí', jo ja` güñí` güiquín', jogui quie` la tí' e já` o'." Jo dsu' fing song i dsea` i cajíng'- do ja` ee` cuø'r` jii~ cóo' i dsea` í lajii~ e 'né- quía'r- e táaiñ` fí` jmigüf la, joba' dseáang'- ja` ee` ta` íng^ e jo jii~ cóo' quía'r- fing song lajobi` jmóor`. ¹⁷ Jo` lajob` lí' mí` jíng'- dsea` e já'- líññ` júu^ quía'- Dsea` Jmáang-, dsu' fing song ja`gui núu` dsea` dseáang'- lajalé' e júu^ quía'- dsea` do, joba' ja` ee` ta` íng^ quía'r- e jíñ'- e já'- líññ` e júu^ jo. Co' song ja` éer` laco' si'í^ cóo'~ e júu^ e já'- líññ` do, joba' ja` ee` ta` íng^ quía'r- jii~ cóo'.

¹⁸ Jo` jialfa' i líng- dsea` nifé'r': "Nu` fó' e já'- lín' júu^ quía'- Dsea` Jmáang-, jogui jnea` fá` a e núu`baa e júu^ jo." Joba' fii` i 'nú', ée`du' jnea` e já'- lín' júu^ quía'- Dsea` Jmáang- nañí` fa' e ja` núu` e júu^ jo, jogui jnea`gui ní`ée`duu` 'nu` e dseáang'- e jáb'- lín`n` júu^ quía'- Dsea` Jmáang-, co' dseáang'- núu`baa e júu^ jo.

¹⁹ Jogui 'nu` nijá'- nilín' e seem` Fidiée`, jo guiáb- jmoo` song lajob` í` o', co' e já'- e júu^ jo. Dsu' 'né- e tóo' o' cajo e la quie` tí` jaléng' i 'lim' já'- líññ` e jo, joba' dsíng'- jléeiñ` dsu' uíi~ e 'góiñ' Fidiée`. ²⁰ Jo` jie` mí` jmicaan` melé-, co' ja` ee` ta` íng^ jii~ cóo' quíi' e já'- lín' júu^ quía'- Dsea` Jmáang- song ja`gui núu` e júu^ jo. ²¹ Co' 'né- e tóob` o' cajo e ca'ím' Fidiée` i 'líi` yúu` quí`ii' i sii`

Abraham do e líiñ' jaang` dsea` guiúm` fí` quinir`, co' cajmée`bre núu`r` júu`
 quiá'- Fidiée` mi` cacuõin' i jór' i sii` Isáa' do e si'í` nijngáin' do fí` quini`
 dsea` do. ²² Jõba' niñ'bi e i` 'lii` yúu` Abraham do cajmilir` e já'- líiñ' júu`
 quiá'- Fidiée` uí'` cóo'` jalé' e cajméer` do. Jõ la'eáang' cóo'` e jõ, jõba' cuó`
 lí' e ca'ie' e dseáng' e jáb'- líiñ' júu` quiá'- dsea` do laco' si'í'. ²³ Jõ lajõba'
 calití` jalé' e fé' fí` ni` jì` quiá'- Fidiée` lí' fé' lala: "I` 'lii` yúu` Abraham do
 jáb'- caliñ' júu` quiá'- Fidiée`, jõba' Fidiée` ca'ín' dsea` do e líiñ' jaang` dsea`
 i ja` carøong` dsee`." Jõba' calisí` i` 'lii` yúu` Abraham do jaang` dsea` i` eáang`
 iing` rúng' cóo'` Fidiée`.

²⁴ Jõ niñ'bi` 'nú'` guiá'- cajo e ím' Fidiée` dsea` e líiñ' dsea` i ja` røong` dsee`
 jaléng' i` núu` jalé' júu` quiá'r`, jõ o' i` dsea` i` jii' lico' fé' e já'- líiñ' júu` quiá'-
 dsea` do.

²⁵ Jõ lajõb` calí` cajo cóo'` jaang` dseamí` i` sii` Rahab i` caliséng` malii`gui
 eáang' i` cajmée` ta` 'níng` 'ñia'. Co' ie` jõ Fidiée` ca'ím'breiñ' do e líiñ' jaang`
 dsea` i ja` røong` dsee` fí` quinir` uí'` e cajméer` e cacuør' lí' nijé` dsea` Israel
 i` casíng` dsea` góo' Josué`nú'`gui e ningíng` jaléng' dsea` Israel do fí` lí' se'
 Canaán. Jõ i` dseamí` la cajmicóo'`bre i` dsea` do e caguiéng'neiñ' fí` lí' jié'
 e laco' caláin' do cóo'` jaléng' dsea` i` 'ni'` ní'` quiá'r`. ²⁶ Jõ lajõb` líi', fa' mi`
 cango'` jmiguí` quiá'- jaang` dsea` jõ júum`bre, jõba' jõ ee` ta` íng` jii' coo' e
 ngúu` táain' do jóng. Jõ lajõb` líi' cajo, ja` ee` ta` íng` mi` fé' dsea` e já'- líiñ' júu`
 quiá'- Fidiée` song ja`gui` núu`r` fa' e nijmitir` e júu` quiá'- dsea` do.

3

'Né` e quie' í'ba' jalé' e fé' dsea`

¹ Dsea` rú'naa' dsea` quiá'- Dsea` Jmáang`, ja` í` óo'na' fa' e ja` huíng' e
 líng'na' tifa' i` e' júu` quiá'- Fidiée`, co' nine`ba' guiá' e eáang'gui` ni'í' Fidiée`
 í'` qui`-ii' jaléng'` jneaa`aa' dsea` lí'naa' tifa' mi` ja` núu`naa' e júu` jõ laco'gui
 i` dsea` caguiang`gui i` ja` e' e júu` jõ. ² Jõ e jáb'-, e lajii`baa' dsea` lí'naa' dsea`
 jmigüi` ee`naa' dsee`. Jõ dsu' song seeng` jaang` dsea` i ja` røong` jii' coo' dsee`
 cóo'` jalé' e fé'r', jõ i` dsea` í'bing' i` guiúng` laco' si'í' fí` quini` Fidiée`, jõgui` íb`
 cajo i` lí' jmé` e ja` nitéin' fí` ni` dsee` cóo'` lí'` doñi' ee' e lí' dsí' ngúu` táain' do
 cajo.

³ Fa' laco' mi` iing` jaang` dsea` e nilinúu`` cuea` quiá'r` lajii' ta` quiu'r',
 jõba' ta'r' coo'` ñi' freno fí` mo'oo` i` cuea` do e laco' nilinúu`re' lajii' ta` quiu'
 fii`re'. Jõ cóo'` jii' e ñi'` dob e jmóo' dsea` e núu` i` cuea` do mi` ee`gõ iing` dsea`
 e nijmé`re'. ⁴ Jõgui lajõbi` líi' cajo cóo'` jalé' móo', e nañi' fa' jialgui la tí' cóo'`,
 jõgui` 'lea' gui' e huíng' eáang' e móo' do e laco' ningí', dsu' cóo'` coo'` ñi'`jiaba'
 e sii` timón e e' fí` jié' fí` lí' iing` i` dsea` i` quie' do e nidsé` e móo' do.

⁵ Jõ lajõb` líi' cóo'` nisí'naa' cajo, co' coo' e pí'gui` líi' jee` lajalé'` guotii`naa',
 dsu' cóo'` e jõ dseáng'` jmigui`ba' e cuøong` fé' dsea` e guiá' jõgui e ja` dseeng`.
 Jõgui lajõbi` cajo cóo'` capí'` 'ma' jî` cuøom` e nijmé` e nicó` móo' e fe' eáang',
 ¿já` já'`? ⁶ Jõ e nisí'naa' do líi' lafa' jib`; jõgui cajo líi' lafa' coo' e 'li' e 'lée' mi`
 fé' dsea` e ja` dseeng`. Jõ mi` litíng` e fé' dsea` lajõ, gab` uíng` quiá'r` jóng
 lajee` e seeiñ' fí` jmigüi` la, jõ jalé' e 'li' e fé'r' do jáa' fí` lí' 'li'.

⁷ Jõgui seem` i` líng` dsea` i` tíng` e' jaléng'` jó' e laco' nilinúu`re', fa' jaléng'
 jó' i` ngí` jee` móo' jõgui jaléng'` ta' jõgui jaléng'` jó' i` dsijñúung` uø` cóo'` jaléng'
 jó' teáang'` jmíi. ⁸ Dsu' jii' jaang` dsea` jmigüi` quí'r` jmíi e ni'é'r` nisí'r` e
 laco' nilinúu`, co' e nisí'r` do líi' lafa' nó` mi', co' contøom` í'` jleng' e 'lée' cóo'`
 jalé' e fé' dsea`.

⁹ Jõ cóo'` nisí'baa' jmiféng'naa' Tiquí'`i' Fidiée` dsea` guíng` ñiff`, jõgui
 cóo'` e jõb` cajo` lee`naa' mi` ee`gõ fé'naa' ga` uii` quiá'- jaléng' dsea` rú'naa'

ĩ cajmeáang` Fidiéẽ lí lacq' líiĩn' 'ñia'r'. ¹⁰ Jo lajob líí, dsea` rú'naa', dsucq' fí mo'oo` jaang` dsea` cuóom` lí uó` júu` e jmfíiĩn' Fidiéẽ jogui júu` e fé'r` ga` quiá'` dsea` rú'naa' cajo, jo dseáng'` ja` dseeng` e nijmé` dsea` lajo. ¹¹ Jo lajob líí, dsea` rú'naa', cq' ja` cuóong` e fa' cqo` ojmí` nicuó` tú` 'lé'` jmíi, ca'íing` e ráang` jogui ca'íing` e ñii. ¹² Jogui lajobi cajo fa' cqo` 'ma` güiĩn'`, ja` cuóong` fa' nicuó` ofíi e jie', cq' jii` güiĩn'`ba' e cuóong` níí` yá'; o'gui huíing` güiing` jó'` cuóong` fa' e nicuó` güiĩn'` yá', o'gui cqo` ojmí` ñii` cuóong` cuó` jmíi e ráang`, cq' jii` lajob líí, ¿já` já'`?

Jial líing` dsea` mi` dseáng'`-já'` e cangíiĩn` e tiiĩn` ngáiĩn`

¹³ Jo lajob fíi`guíi` 'nú', dsea` rú'naa', song seeng` i líing` lajee` la'ó'` 'nú' i dseáng'` lajang'` e ngíiĩn` e tiiĩn` jogui e ngáiĩn`, joba'` né` e nijmilib` i dsea` do e líiĩn` lajo la'eéang` e éer` røø` jee` la'ó'` dsea` rú'naa' jogui la'eéang` e jmicóo'r` dsea` rú'naa' cajo, dsu' ja` tíing` e jmicóong` yaaiĩn`. ¹⁴ Jogui song ii` 'nú' í óo'na' e tíing`na' ngáng`na' dsu' contøom` guing`na' dsea` rú'naa' jogui jmoo'na' jløng`na' cóo'r`, jogui lajii` e jmoo'na' do lí'` jii` e líing`na' yaam`ba', joba'` gab` líí` song jmoo'na' lajo, cq' júu` ta` júu` e líing`na' jaang` dsea` i cangíing` e tíing` ngáng` song jmoo'na' lajo. ¹⁵ Dsu' mi` líing`na' lajo, o' e cacuø` Fidiéẽ e tíing`na' do, cq' laji` e na` jii` e jmoo` dsea` dsee` dsea` qui' fí` jmigüi` lab e náu'r` lajii` ta` quiu'` 'ñia'` fii` i` 'lim'`. ¹⁶ Cq' mi` seeng` dsea` i` dsihuíing` quiá'` rú'ng'` osi` jmijløng` yaaiĩn` é, jo job` lí` uíing` e có'` ga` quiá'` i` dsea` la'í, jogui uíing` quiá'` e jmoo'guir` jalé'` e 'lí'` e jie'`gui e sea` fí` jmigüi` la cajo. ¹⁷ Dsu' jaléng`gui dsea` i` dseáng'` lajang'` cangíing` quiá'` Fidiéẽ e tiiĩn` ngáiĩn`, joba'` jmang'` e guiá'`ba'` jmóor`, jogui juguiá'` júu` røø` seeiĩn`, jogui guiáb` dsíir', jogui fém'`bi dsíir'` cóo'` jaléng` dsea` rú'naa', jogui eáam`bi fí'` líiĩn` jaléng` dsea` rú'naa' jogui jmicóo'`bre jaléng` í` cajo, jogui jmang'` júu` jáb'` fé'r'. ¹⁸ Cq' jaléng` dsea` i` cuø'` bí` yaang` e seeiĩn` røø` cóo'` jaléng` dsea` rú'naa' jogui e jmicóo'`biguir jaléng` dsea` rú'naa' cajo e lacq' lajim`bre niliseeiĩn` lajo, joba'` i` dsea` í` nilí'r` e líiĩn` dsea` guiúing` fí` quini` Fidiéẽ.

4

Güiliseem`ba' cóo'` Fidiéẽ

¹ Jo lalab fíi`guíi` 'nú', dsea` rú'naa' dsea` quiá'` Dsea` Jmáang` : ¿Jie` fí` lí` naang` uíing` jalé'` e jmiquíing` óo'na' jogui jalé'` míi` e jmoo'na' la'ó'` rú'ng`na'? Jo jmoo'na' lajo cq' contøom` suung`na' jalé'` e lí` óo'na' fí` jmigüi` la, jogui jmang'` e gab` í` óo'na', ¿já` já'`? ² Cq' mi` ee`go` iing`na' e sea` fí` jmigüi`, jo mi` lí'`na' e ja` cuóong` nilí'`na' e jo, joba'` jie` ja` nijngám'`ba' dsea` rú'ng`na' jóng. Jogui eáam` dsihuíing`na' mi` ee`go` sea` quiá'` dsea` rú'ng`na', jo dsucq' ja` lí'`gui e jo, joba'` eáam` jmoo'na' 'nií` cóo'r`, ¿já` já'`? Dsu' ja` mí` cali'`na' jalé'` e iing`na' do cq' ja` mí` camíi`na' Fidiéẽ e nicuø'r` 'nú' e jo. ³ Jo dsu' mi` míi`na're ee`go` iing`na', ja` nicuø'r` 'nú' jalé'` e míi`na're do, dsucq' míi`na'r lajii` e ja` dseeng` e lico'` jmi'iaang` óo'na' yaam`ba'.

⁴ iDsea` 'líng'` 'nú', cq' líing`na' dsea` i` tú` í'`! ¿Já` ní'` 'nú' e mi` iing`na' e jmi'iaang` óo'na' cóo'` lajii` e sea` fí` jmigüi` la, joba'` ní'` máam`ba' Fidiéẽ jóng dsea` guiíiñ` ñíi'`? Cofa'` lí'` doñí` ii` dsea` i` iing` e nijmi'iaang` dsíir'` cóo'` lajii` e sea` fí` jmigüi` la, joba'` ni'`uíiñ` jóng jaang` dsea` i` ní'` níing` Fidiéẽ. ⁵ Cq' e líing` uiim`ba' e tóo'` fí` ni` jii` quiá'` Fidiéẽ lala: "Fidiéẽ dseáng'` e lajam'`ba' eéang` 'neáaiĩn` jneaa`aa', cq' í'`bing'` cacuø'` lajaang` lajaang` jneaa`aa' e jmigüi` cóo'` e see`naa'." ⁶ Dsu' eáam` jmicóo'` dsea` do jneaa`aa', cq' dsíing'` guiúíiñ` cóo'` jneaa`aa', dsea` ja` catíi`naa' lajo, cq' lalab fé'` fí` ni` jii` quiá'r` : "Dseáng'` teáb` sée` Fidiéẽ quiá'` jaléng` dsea` i` jmicóong` yaang`, dsu' eáam` guiá'` jmicóo'r` jaléng` dsea` i` ja` jmoo' lajo cq' ní'`bre e 'né` e nijmicóo'` Fidiéẽ quiá'r`."

⁷ Joba' jáang' yaang~na' fi' jaguó' Fidiéé', jogui ja` cuø'na' fi' yaang~na' e jmijíng^na' i fi~ i 'ling', jo lajoba' i do nidsihuíñ~ fi' lí' seeng~na'.
⁸ Güiquiéeng'gui' fi' quini' Fidiéé', jo dsea` do nijaquíéeng'guir fi' quini^na' cajo. Jogui jaléng' 'nú', dsea` dsee~ dsea` qui', túu'na' jalé' e ja` dseeng' e jmoo'na', jo jmisíng^na' jalé' e ga` e í' óo'na', co' jaléng' 'nú' líng'na' dsea` i tú~ neáang' dsíí', dsuco' iing~na' teáang~na' fi' guiá~ cóo'~ Dsea` Jmáang~ jogui iim~bi' cajo e jmée^na' jalé' e ga` e sea` fi' jmigüi' la. ⁹ Quíi~na', jogui jmée^na' e líng~na' fi'í' quiá'~ jalé' dsee~ e nica'ee~na' do. Jogui ja` dseeng' fíng song ningíi^na' uii'~ quiá'~ jalé' e dsee~ jo, co' 'né~ e qui'ba' uii'~ quiá'~ e dsee~ quíi'na' do. Jogui fíng song e iáang' óo'na' cóo'~ jalé' dsee~ quíi'na' e nicarøøng~na' do, joba' 'né~ e nilíng~na' e fi'íb^ jóng uii'~ quiá'~ jalé' e jo.
¹⁰ Jogui mi~ lí'na' e røøng~na' dsee~, joba' 'né~ e ja` nijmiráang~ yaang~na' fi' quini' Fidiéé', jo lajoba' dsea` do nijmicóo'r~ 'nú' e seeng~na' cøøng' cóo'r~.

Ja` cuø'na' dsee~ jaléng' dsea` rúng'na'

¹¹ Dsea` rú'naa' dsea` quiá'~ Dsea` Jmáang~, ja` fó'na' ga` uii'~ quiá'~ jaléng' dsea` rúng'na'. Dsuco' i dsea` i fé' ga` uii'~ quiá'~ dsea` rúng' osi cuø'reiñ' dsee~ é, joba' lí' laco' e fé'r' ga` uii'~ quiá'~ júu^ quiá'~ Fidiéé' jóng, jo o'gui jmitir~ lajii'~ e júu^ quiá'~ dsea` do. Co' jaléng' i dsea` i ja` jmi'gó' jalé' e júu^ do, joba' lí' laco' gab' nifé'r' uii'~ quiá'~ e júu^ jo e lafa' e nijmér~ núu'r~ e jo laco' si'í'. ¹² Jo jaam` dsea` féng' seeng', jo íb' i cacuø' e júu^ do. Jogui íbi cajo i tíng' quidsí' í' røø' quiá'~ dsea', jo lajii'~ íbi cajo dsea` i tíng' láang' dsea` jmigüi' jee~ jalé' dsee~ quiá'ñ'~ osi cuø'r' dsea` iihuí' laco' catíng' é uii'~ quiá'~ jalé' e jo. Jogui 'nu', ¿i~ lín'~ e lín' e sea` fi' e nicuø'^ dsea` rúng' dsee~?

Ja` ne~naa' e~ nidsijéé' dsa'ó' iée'

¹³ Jogui lana, dsea` rú'naa' dsea` quiá'~ Dsea` Jmáang~, núu~na' jalé' e nifíi' 'nú' la, jaléng' 'nú', dsea` jmicøøng' yaang~na' e fó'na' lala: “Dsa'ó' iée' nidsé'naa' fi' fi' la osi fi' fi' do é, jo fi' job nitaang~naa' coo' jii' e jmó'naa' ta~ lí' cuu~.” ¹⁴ Jo ¿jialí' í' óo'na' lajo?, co' jii'~ ja` mi' ní'bi' e~ nidsingíng~na' lí' dsa'ó' lí' iée'. Co' 'nú' líng'na' lafa' jni' tii', co' e joba' e jnéeng' jii'~ lajee' cateá' jo ni'íim~ jóng. ¹⁵ Joba' ja` dseeng' e fo^na' lajo, dsu' lalaba' e catíng~ e nifo'na': “Song cuø' Fidiéé' fi' lajo e see~ guí' fi' jmigüi' la, joba' nilí' jalé' e 'né~ lí' jóng.” ¹⁶ Dsu' 'nú'gui lí' ríquib' í' óo'na', joba' eám' jmicøøng' yaang~na' cóo'~ jalé' e fó'na' e nijmée^na'. ¿Su ja` ní'na' e mi~ jmoo'na' e jmicøøng' yaang~na' lajo, gab' lí'?” ¹⁷ Jo 'né~ e tóo' óo'na' e la cajo: Song ñib' jaang' dsea' jalé' e guiá~ e 'né~ jmér~, jo dsu' song ja`gui jmitir~ jalé' e jo, joba' jmirøm' dsee~ 'ña'r' jóng.

5

Júu^ í' 'goo' quiá'~ jaléng' dsea` sea` cuu~

¹ Jogui fi' guí' 'nú', jaléng' dsea` rú'naa' dsea` i sea` cuu~, núu^na' jalé' e júu^ e nifíi' 'nú' la: Quíi~na' jogui oo~na' quiá'~ e fi'í' e nilíng~na' cóo'~ jalé' iihuí' e nabi nidsingíng~na' mi~ niquidsí' Fidiéé' í' quiá'~ dsee~ quíi'na'.
² Co' ni'íim~ lajalé' e 'mo' e nisis'mó'na', jo jo' e ta~ nilí'íng' jii'~ coo' quíi'na'; jogui jalé' sii'~ quíi'na' cajo ni'íim~ e nidó'~ jaléng' jó' fi'. ³ Jogui jalé' cutee' cóo'~ cunée' e si'má^na' nisó' 'lee', jo jo' ee' ta~ nilí'íng'gui quíi'na' jóng. Jo e 'lee' e só' dob nicuø' lí' quiá'~ jalé' e ja` dseeng' e jmoo'na' e cajmi'óo'na' yaang~na' jalé' e sea` fi' jmigüi' la, jo e jo lí' lafa' nicáng' 'nú' cóo'~ jí, co' eám' nicajmi'óo'na' jalé' e jo lajee' lana e nijaquíéeng' e tí' lí' ni'íng~ jmigüi'.

⁴ Núu~na' e jaléng' i dsea` i cajmée' ta~ quíi'na' i ja` caquí'na' e 'léeiñ' laco' catíng~, joba' lana múb'~ nitáng' i dsea` do 'nú', dsu' nicanúub~ 'ña' Fidiéé' dsea' 'gøøng' i guíng' fi' ñifí' jalé' e júu^ e nicafé' teá' jaléng' i dsea' í'. ⁵ Jogui

lajee˘ e taang˘ 'nú' fí jmiǵüŷ la, nicaliséng˘na' lí˘ laco' jaang˘ dsea` 'goo' eáang˘ e jmoo˘na' la tí' e já˘ óóna', joguı e sea` jalé' e iing˘na' e laco' jmi'íaang˘ óóna' laco' jaang˘ jó' i jmi'úng' dsea` quiá' e nijngáin'. jjo dsu' lana nıcatı í' quiına'! 6 Jo 'nú', eáam nıcacuøø'na' dsee˘ jaléng' dsea` i ja` dsee˘ røøng˘ cartı nıcajngam'baa're, jo ja` ee` teá casée` i dsea` do cóo' 'nú' jji' capı'.

'Né-jmó'oo' féng' dsi'baa'

7 Jo fii-guı 'nú', dsea` rú'naa' dsea` quiá' Dsea` Jmáang˘, jmée˘na' féng' óóna' cóo' jalé' e dsingıng˘na' cartı mı nıǵüéeng˘tu Fı'naa' fí jmiǵüŷ la. Jo 'né' jmée˘na' e jo laco' jaang˘ dsea` i jmóo' ta` jenuu` e sıjeem˘bre lajji' e nıró fí guóo' uø` quiá'r car mı nitı jji' jmıı, co' lajoguıba' e nıcuáng˘ laco' sıı' lajalé' e cajnır do. 8 Jo e laco' e féng' dsıı' i dsea` í, lajobı 'né' e féng' óó' 'nú' cajo, joguı cuøø'guı' fí yaang˘na' e teáang˘guı' teá fí guıá' cóo' Dsea` Jmáang˘, co' lajee˘ lajmináb˘ nıǵüéeng˘tu Fı'naa' fí jmiǵüŷ la calé' catú'.

9 Jo lajob fii-guı 'nú', dsea` rú'naa': Ja` jmoo˘na' e jmiquíng' óóna' la'ó' rúng˘na', co' lajoba' ja` nıcuø' Fıdıéé˘ 'nú' dsee˘; co' nıjaquíém' e nıǵüéeng˘tu Fıdıéé˘ fí jmiǵüŷ la calé' catú' e nıquıdsır' í' quiá' dsea` jmiǵüŷ.

10 Jo lajob lí, dsea` rú'naa', jmiǵuíéng' óóna' jalé' e cajmée` jaléng' i dsea` i café' cuaiñ` quiá' Fıdıéé˘ malıı'guı eáang˘ mı cangár˘ jalé' iihuıı, co' cajméeb` dsea` do e féng' dsıı' cóo' jalé' e jo. 11 Jo fé'naa' e juguıú' jıı quiá' jaléng' i dsea` i cajmée` té' cóo' jalé' e iihuıı e ca'ıñ' do. Jo nıcanıub` 'nú' cajo jalé' júu˘ e café' dsea` quiá' jaang˘ dseañu' i calısı Job i calıséng˘ malıı'guı eáang˘, co' ie` jo i dsea` í eáam calıféng' dsıı' cóo' jalé' iihuıı e cangár˘. Joguı ñı'bi 'nú' guıá' cajo jıal cajmıcóo' Fı'naa' Fıdıéé˘ e nı'uııng˘ guıá' quiá'r mı cangı jalé' e jo; co' eáam guıúng˘ Fıdıéé˘ cóo' jaléng' dsea` joguı eáam fı' líıñ˘ cajo. 12 Jo lí' lajee˘ lajalé' e niıng˘guı, dsea` rú'naa', e lab e jo; mı cuø˘na' júu˘ quiına', ja` ééng˘na' fıı quiá' lí' doñı ee': ja` ééng˘na' fıı ñıfı' o'guı ééng˘na' fıı guóo' uø' o'guı quiá' lí' doñı jíé' é. Dsu' mı cuø˘na' júu˘ quiına' e jmée˘na' lí' doñı ee', jo dseáng' 'né' e jmitı'ba' jóng; joguı mı cuø˘na' júu˘ quiına' e ja` jmée˘na' lí' doñı ee', joba' dseáng' 'né' e ja` jmée˘ba' jóng. Jo fıng song jmitı'na' jalé' e júu˘ quiına' do, joba' ja` nıcuø' Fıdıéé˘ 'nú' dsee˘ quiá' jalé' e jo.

Dsıng' íng˘ ta` e féng' dsea` Fıdıéé˘

13 Jo fii-guı 'nú', dsea` rú'naa' dsea` quiá' Dsea` Jmáang˘, fıng song jı' la'ó' 'nú' móo˘na' iihuıı, joba' i dsea` í 'né' mı'r Fıdıéé˘ e nıjmicóo' dsea` do quiá' jalé' e jo. Joguı fıng song jı' la'ó' 'nú' e íáang˘ óóna', joba' 'né' e ø`bre quiá' e jmi'féıñ' Fıdıéé˘. 14 Joguı song jaang˘ dsea` la'ó' 'nú' ráaiñ` dsée'r, joba' 'né' e nitø'r jaléng' dsea` i quıé' nıfı' quiá' dsea` quiá' Dsea` Jmáang˘ e laco' i dsea` í nııı'r Fıdıéé˘ uıı' quiá' i dsea` dsée' do e nı'leáam˘bıñ' do, jo la'eáang˘ cóo' júu˘ quiá' Dsea` Jmáang˘ nııúur˘ capı' noo' fı' guıaquıı i dsea` dsée' do, jo lajoba' nı'leáaiñ˘ do. 15 Joguı mı já' líıñ' e Fıdıéé˘ nıñır˘ lajji' e mı'ı'ı'ı' do, joba' nı'leáam˘ i dsea` dsée' do jóng, jo la'eáang˘ cóo' Fı'baa' e nıtııng˘tur calé' catú'. Joguı fıng song nıca'ée' i dsea` i lamı' dsée' do dsee˘, joba' nı'ıım˘ Fı'naa' dsee˘ quiá'r jóng. 16 Jo fii-guı 'nú', dsea` rú'naa', jmée˘na' júu˘ la'ó' rúng˘na' quiá' jalé' dsee˘ e nıcarøøng˘na', jo mı'na' Fıdıéé˘ uıı' quiá' rúng˘na' cajo e laco' nıtııng˘na'. Co' mı jaang˘ dsea` sıng' teá fı' guıá' cóo' Dsea` Jmáang˘ jo féng' i dsea` do Fıdıéé˘ dseáng' e canııng˘ fı dsıı', joba' eáam íng˘ ta` e 'gøng' e júu˘ jo fı' quııñ' Fı'naa'.

17 Jo jmiǵuíéng' óóna' quiá' e calı' ie' malıı' do ie' cateáang˘ jaang˘ dsea` i café' cuaiñ` quiá' Fıdıéé˘ fı jmiǵüŷ la i calısı Líı. Jo i dseañu' í líıñ˘ jaang˘ dsea` jmiǵüŷ laco' líng˘jneaa'aa', dsu' mı camı' dsea` do Fıdıéé˘ la'eáang˘ cóo'.

Jmiguí quíá' dsea` do e niquiúng' e tuu` jmí', jō lajōb calí'. Jōba' lajee` 'ní jii` dsí ca'ná' ja` catuu` jmí' fí e guóo' uó' jō. ¹⁸ Jō mí` cangí jō, i Líí` do camí` tur Fidiée` e nitá tu` jmí', jōba' lajōb calí', catuub` tu` jmí', jōgui canaam` tu` cuó` jalé' e jní dsea` fí guóo' uó'.

¹⁹ Jō fíi` guí` 'ná', dsea` rú` 'naa' dsea` quíá' Dsea` Jmáang', e song jaang` la'ó' 'ná' i casíng' fí guíá` cóo' Dsea` Jmáang', jō dsu' lajee` jō ninaang` i dsea` do e nilitúng` dsír' cóo' júu` quíá' dsea` do, jō song jaang` guí dsea` la'ó' 'ná' cajméer` e calínáa' tu` i dsea` do júu` quíá' Dsea` Jmáang', ²⁰ jōba' güiliñí` 'na' guíá', dsea` rú` 'naa', e doñí` i dsea` i niquí'` nijíng' jaang` guí dsea` rúng' i ngóo' fí ga, jōba' i dsea` i jmóor` e ní'ím` jalé' dsee` e nirøøng` i dsea` do, jōgui nileám` i dsea` do e ja` nidséiñ' fí lí` 'lí'` mí` nití` oor` quíá'r` e nidséiñ' fí jmigüí` coo`.

Jō lajōb nilí`.

Jō júi` lanab fé' jì` quíá'` Tiáa`.

Ji' la'uii~ e cajme' TŨ^ SIMÓN

Júu^ guicóo~ e catiing~ dsea` quiá~ Dsea` Jmáang~

¹ Jnea~ sií TŨ^, jogui lín'n jaang` dsea` i casíng` Fíi'naa' Dsea` Jmáang~ e quiá~ niníi~i júu^ quiá'r~, jo jmo'o e ji' la e catiing~ jaléng` 'nú', dsea` quiá~ Dsea` Jmáang~, i neáang` sisoo` sijong` fi' caluu` fi' góona', i neáang` fi' li~ se' Ponto cóo~gui fi' li~ se' Galacia jogui fi' li~ se' Capadocia cóo~gui fi' li~ se' Asia jogui fi' li~ se' Bitinia. ² Jo Tiquí'ii' Fidiéé` nicaguíng` jaléng` 'nú' lamí~ jéeng`gui e laco' nilíng~na' dseáng~ dsea` quiá'r~ lí^ laco' júi~ e nica'f` dsíir'; jo e jo nicajméer` la'eáang` cóo~'ñia' Jmiguí quiá~bre e laco' nijméé^na' núu~na' júu^ quiá'r~. Jo la'eáang` cóo~' jmi'øong` Dsea` Jmáang~ e catuü` fi' dse' crúu^ba' nica'íng~ jalé` dsee~ quiá~na'.

Jo güi'ím~ba' güea^ quiá'r~ lalíng` e laco' niliseeng`na' juguiá~ júu^ røø.

Nitab~ dsí'naa' e seë~naa' cøong` cóo~ Fidiéé~

³ Jo majmifém'baa' Fidiéé~, Tiquiá^ Fíi'naa' Dsea` Jmáang~, dsuco' la'eáang` e eám' guiúíñ~ cóo~ jneaa~aa', joba' nicajméer` e lafa' nicangáang~naa' calé' catú~ la'eáang` e cají'tu Dsea` Jmáang~ mi~ cangí e cajúíñ~. Jo e jo nicuø` júu^ ta~ dsíib` qui~naa' e seë~naa' cøong` cóo~ Fidiéé~ ⁴ lajee~ e sijeeng~naa' e nilíng~naa' lajii~ jalé` e niguo^ e catí~naa' do e nicuø' Fidiéé~ jneaa~aa' e nisi'má'r~ fi' ñifi~ quiá'r~. Jo jalé` e sijeeng~naa' do ja` tóo` jmi~ fa' e nilíng~ o'gui tóo` jmi~ fa' e nili'li^ o'gui fa' e nilíng~ laco'gui cóo` lí. ⁵ Jo có' jáb~ líng` 'nú' lajii~ júu^ quiá~ Fidiéé~, joba' dsea` íbing` jmóo` í^ 'nú' la'eáang` cóo~ e eáang` 'gøiñ' do; jo lajoba' nilí'na' e nileáang`na' jee~ jalé` iihuí e catiing~ jaléng` dsea` dsee~ dsea` qui' cartí mi~ tí li~ nití~ í' e Fidiéé~ nileáiñ~ lajaléng` jogui lajalé` e sea`.

⁶ Jo la'eáang` e joba' iáang` óo` 'nú' lalíng`, nañí fa' lajee~ cateá` jangám~ dsingíng~na' jmiguiab` jalé` e huíng` fi' jmigüí la. ⁷ Jo e uíng~ e dsingíng~na' lajo e laco' cuø` li~ e ne`duu' su dseáng~` já~ líng`na' júu^ quiá~ Dsea` Jmáang~. Có' e já~ líng`na' e júu^ quiá~ Dsea` Jmáang~ do lí' lafa' cunéé~: có' song` iing~ dsea` nilita~ dsíir` su dseáng~` já~ cunéé~ e do osi o' lajo é, joba' jang~` 'né~ nisigui' do ni~ jib~, joguiba' nilili~. Jo eáang`gui quíng` laco' cunéé~ e já~ líng`na' júu^ quiá~ Dsea` Jmáang~ mi~ eegø` huíng` dsingíng~na'. Jo nañí fa' e cunéé~ do cuøong` lí íng~, dsu' e júu^ quiá~ Dsea` Jmáang~ ja` lí' lajo, có' seab` lata~. Joba' song` ja` nilitúng~` óo'na' e já~ líng`na' e júu^ jo, joba' ni'ím` Fidiéé~ 'nú' e guiúm~ba', jogui e yáb^ niseáiñ` 'nú' mi~ nití~ í' e nigüéeng~ tu Fíi'naa' Dsea` Jmáang~ fi' jmigüí la calé' catú~.

⁸ Jo 'nú'gui, nañí fa' ja` mí cañíng`na' Fíi'naa' Dsea` Jmáang~, dsu' eám' iing~na'r; jogui lana dseáng~` jáb~ líng`na' júu^ quiá'r~, nañí fa' ja` mí cañíng`na' dsea` do. Jogui dseáng~` laniim~ eám' iáang` óo'na' la'ie` e júi~ ja` sea` júu^ jial nifo'na' uii~ quiá'r~, ⁹ có' la'eáang` íbre e caláang~na' jee~ jalé` dsee~ quiá~na'; có' lajoba' e íng`na' mi~ já~ calíng~na' júu^ quiá~ dsea` do.

¹⁰ Jo lajii~ mali'gui eáang` jaléng` dsea` i café' cuaiñ~ quiá~ Fidiéé~ cajmitíiñ~ jogui ca'no'r~ e quiá~ jial nileáang` dsea` jee~ jalé` dsee~ quiá'r~, jo cajím~biguir quiá~ jial guiúng~ Fidiéé~ nijmér~ cóo~' 'nú'. ¹¹ Jo cajmeab' Jmiguí quiá~ Dsea` Jmáang~ júu^ jaléng` i dsea` i café' cuaiñ~ quiá~ Fidiéé~ mali'gui eáang` do lajii~ e iihuí e 'né~ nidsingíng~ Dsea` Jmáang~ jogui jial nili'gøiñ` mi~ ningí jo; jogui jaléng` i dsea` í cajméer` quijí i~ i dsea` i nijáa` do, jogui e~ jmi~ e jíng~ e Jmiguí quiá~ Fidiéé~ do e nijáa` i dsea` do. ¹² Dsu' Fidiéé~

cajmea'bre i dsea` í júu` e lajii~ júu` e guiaiñ' do o' e quiaíñ' do yaaiñ~, co' e jmicóo' 'núb' e júu` do cajo. Jogui lanagui e lab e júu` jo e canáa'na' e nicagua' yaam~ i dsea` i cagua' júu` quia' jial nileáng` dsea` jee~ dsee~ quia'r- la'eáang' cóo'~ Jmiguí quia' Fidiée` e jáa' fí ñifi~ quia'r-. Jo lajalé' e la yaam~ ángeles i líng' guotii~ Fidiée` cali'iiñ~ cangár~ jogui cangáñ' cajo.

Fidiée` iñ~ e ni'náng`naa' jee~ dsee~ quí`naa'

¹³ Jo fí~ guí' 'nú', dsea` rú'naa' dsea` quia' Dsea` Jmáang~, guieeng~ guí~ yaang~na' jogui í' óo'na' røø lajii~ e nijmée^na' dseáng' e ngocáng` óo'ba', jogui güiliseeng`na' e ta~ óo'na' e ni'ling'na' lajii~ e íaang` dsí' Fidiée` e nicuø'r- 'nú' mi~ nití' í' e nijáa'tu Dsea` Jmáang~ calé' catú-. ¹⁴ Jo co' lanagui nilíng`na' dsea` i náa' júu` quia' Dsea` Jmáang~, joba' jo` jmée^na' lajii~ e lí' e lí' áa'na' yaang~na' laco'gui lami~ jmoo'na' ie~ nú'gui e nilicuíng`na' Fidiée`. ¹⁵ Co' 'né' niliseeng`na' laco' jaang` dsea` güeang'^ e ni'naang`na' jee~ jalé' dsee~ quí`na', dsuco' Fidiée`bing' i catø' 'nú' e ca'uíng`na' dsea` quia'r-, jo íb` dsea` i líng' jaang` i güeang'^ i ja` dsee~ røøng` jii~ cóo'; ¹⁶ co' lajob fé' fí' ni~ jii` quia' Fidiée`: "Güi'naang`na' jee~ jalé' dsee~ quí`na' e laco' nilíng`na' dsea` güean'^, dsuco' jnea` lín'n jaang` i güeang'^ i ja` dsee~ røøng` jii~ cóo'."

¹⁷ Jo niñib' 'nú' e røøb` ée` Fidiée` cóo'~ lajaléng` dsea`, jo quidsir' í' quia'~ lajaang` lajaang` dsea` lí' jialco' lí' dsee~ quia' dsea`, jogui ja` jmóor` ta` guíng` dsea` cajo. Jo song 'nú' fó'na' Teaa' fí'na' Fidiée`, joba' contøøm~ 'né' e nijmiféng`na'r carjó' jmii~ e ngúing`na' taang~na' fí' jmigüí la. ¹⁸ Jo co' calíee'na' laco' líng' dsea` cóøng` quí`na' e seeng`na' e ja` uíing~ sea', joba' Fidiéeb` nicaleáaiñ' 'nú' jee~ dsee~ quí`na'. Jo dsu' 'nú' niñ'ba' guí~ e ja` caquí e caláang`na' jee~ dsee~ quí`na' do cóo'~ jalé' e tóo' jmii~ ni'ling-, fa' cunée` osi cutee` é, ¹⁹ dsu' caláam`ba' jee~ jalé' dsee~ quí`na' la'eáang' cóo'~ jmi'øøng` Fí'naa' Dsea` Jmáang~ e niing~ eáang' e catu~ mi~ catáñ' fí' dse' crúu`. Jo dsea` do, i líng' Jo'se' Jiuung` i guiúng` i ja` si'ling'^ jii~ cóo~, cajúñ~ uíi~ dsee~ quí`ii'. ²⁰ Dsuco' lajii~ mali'ba' nisi'ling` Dsea` Jmáang~ e nidsing'iiñ~ lajo, lajii~ mi~ nú'gui e nitiroo` jmigüí, dsu' lanagui nicatib` í', joba' nicagüém`bre fí' jmigüí la e laco' nijmér~ lajii~ ta~ e si'íiñ` e laco' nijmicóo'r- 'nú'. ²¹ Jo la'eáang' cóo'~ Fí'naa' Dsea` Jmáang~, 'nú' nicajáang` yaang~na' fí' jaguó' Fidiée`; jo i dsea` í'bing' i cajmée` e cají'tu Fí'naa' Dsea` Jmáang~, jogui cajmээр` e casáng' dsea` do yá'^; joba' 'nú' jáb'~ nicalíng`na' júu` quia' Fidiée` jogui nisita`bi' óo'na' cóo'~ dsea` do cajo.

²² Jogui 'nú', la'eáang' e nicalinúu'ba' júu` quia' Fí'naa' Dsea` Jmáang~, joba' lana nilíng`na' dsea` i jo` beáng'gui dsee~ yaang~ jogui i 'neáang` rúng' la'ó' dsea` quia' Dsea` Jmáang~; jo lajob 'né' cajo e nijmi'neáam`bi' dsea` rúng`na' dseáng' e ngocáng` óo'na' jogui cóo'~ jalé' bí' quí`na'. ²³ Co' 'nú' lanagui nilíng`na' lafa' e nicangáang`tu' calé' catú-, dsu' o' e laco' nicangáang`tu' fí' jmigüí la e seeng` tiquí' niquí'na' i cuøøng` lijúung-; co' la'eáang' cóo'~ e júu` quia' Fidiée` e ca'ling`na' do, cóo'~ e joba' nicalí' lajo. Jo e júu` jo ja` tóo' jmii~ ni'ling-, co' latab~ sea`. ²⁴ Co' lalab fé' fí' ni~ jii` quia' Fidiée`:

Co' lajii~ dsea` jmigüí líiñ` lafa' onuu`;

jogui e 'gøiñ' do lí' lafa' lí' quia' e onuu` do.

Co' e onuu` do cateáb` té', co' niliquiíi~;

jogui e lí' quia' do nijíab` cajo.

²⁵ Jo dsu' e júu` quia' Fidiée` do ja` tóo' jmii~ ni'ling-, co' latab~ sea`.

Jo e lab júu` e quia' jial laang` dsea` jee~ dsee~ quia'r- e nicagua' dsea` jee` 'nú'.

2

¹ J_ob^a f_hi-gu_hi 'nú', d_sea` rú'naa' d_sea` quiá'- D_sea` J_máang-, t_uú'na' jalé' e 'li' e qui' j_moo'na' f_i j_migüi' la, fa' m_i j_migóøng'na' jaléng' d_sea` rúng'na', j_og_ui m_i j_micaang'na' cóo' jalé' júu' e fo'na', j_og_ui m_i j_moo'na' e dsihuíng'na' quiá'- jaléng' d_sea` rúng'na', j_og_ui m_i quié'na' júu' adsee` cajo. ² J_meáang' yaang'na' laco'gui jiuung` i tá` cangáang' e 'nór' yaang' f_i' quiá'- niquiá'r' e ni'í'r', co' la'eáang' cóo' e j_ob^a e cuaaiñ'; j_o laj_obⁱ 'nú' cajo, cuøø' f_i' yaang'na' e ni'íng'na' layaang' júu' quiá'- Fidiéé' la'eáang' cóo' J_miguí' quiá'r' e laco' nidsicuáng'gui quí'na' cóo' jalé' e júu' j_o, j_o laj_ob^a niléang'na' jee` jalé' dsee` quí'na'. ³ Co' lana lajam'-ba' eáang' já'- nicalilí'na' e dsím'-ba' guiúng- Fí'naa' D_sea` J_máang-.

D_sea` J_máam-bing' i caguíng' Fidiéé`

⁴ J_ob^a f_hi-gu_hi 'nú', d_sea` rú'naa' d_sea` quiá'- D_sea` J_máang-, j_mée'na' e nilicuíng'gui' Fí'naa' D_sea` J_máang-, co' doñí' fa' ja' jí' d_sea` j_migüi' i d_sea` do, dsu' í'bing' i caguíng' Fidiéé` e laco' líiñ' lafa' e cuu` e nisiguó' j_og_ui e quíng' eáang'. ⁵ J_o laj_ob^a 'nú' cajo, Fidiéé` cajméer' e nilíng'na' lafa' cuu` e quíng', j_ob^a cuøø' f_i' yaang'na' e Fidiéé` nijmeaiñ' 'nú' ta` e lafa' nilí' coo' guá'- güeang' quiá'- Fidiéé`, j_og_ui e nilíng'na' lafa' j_midsea` quiá'- Fidiéé` i j_moo' laj_ui' e iing` d_sea` do, co' la'eáang' cóo' Fí'naa' D_sea` J_máang- cuø'na' Fidiéé` jalé' e catíñ' e laco' iáang' dsír'. ⁶ Co' e laj_ob^a fé' f_i' ni' j_i' quiá'- Fidiéé` m_i fé' cuaiñ' quiá'- D_sea` J_máang- lala:

J_nea` niquiee` e coo' cuu` quiá'- t_hi' f_hi' quiá'- 'ñúú' f_i' Sión

j_og_ui e cuu` j_ob e nisiguó' quié' e j_og_ui eáam' quíng' cajo;

j_o dsu' jaléng' d_sea` i já'- líng' júu' quiá'- D_sea` J_máang-,

ja' niligøøiñ' cóo' e j_o, co' D_sea` J_máam-bing' líng' lafa' e cuu` do.

⁷ J_o jaléng' 'nú', d_sea` i já'- líng'na' júu' quiá'- D_sea` J_máang-, eáam' quíng' e cuu` do quí'na'; j_o dsu' quí' 'nú', d_sea` i ja' já'- líng'na' e j_o, j_ob^a nilitib` laco' fé' f_i' ni' j_i' quiá'- Fidiéé` lí' fé' lala:

E cuu` e ja' calijí' d_sea` j_migüi' quiá'- t_hi' f_hi' quiá'- 'n_ur',

lanagui d_seáng' cuu` laniim` nica'uíng' quiá' 'nú'.

⁸ J_og_ui litib` cajo laco' fé'gui f_i' ni' j_i' quiá'- Fidiéé`:

J_o cóo' e cuu` j_o

seem` d_sea` i niquiung'.

J_o co' uí' e ja' jí' i d_sea` do júu' quiá'- D_sea` J_máang-, j_ob^a caquiuiñ', dsuco' laj_ob d_seáng' si'íñ'.

⁹ D_su' 'nú'gui nilíng'na' d_sea` i nicaguíng' Fidiéé` e laco' nilíng'na' d_sea` quiá'r', j_og_ui nilíng'na' lafa' j_midsea` i j_moo' laj_ui' e iing` Fidiéé`, j_og_ui nilíng'na' lafa' coo' f_hi' güeang' quiá'r'. J_o laj_ob lí' e laco' niguiá'na' júu' quiá'- jalé' e guiá' e cajméé' Fí'naa' D_sea` J_máang- cóo' 'nú', co' í'bre d_sea` cató'r' 'nú' e laco' nilíng'na' d_sea` quiá'r' i seeng' f_i' lí' j_nea' j_ir' e laco' j_o seeng'na' f_i' lí' n_uú' só' f_i' lí' j_moo'na' ta` quiá' i 'líng'. ¹⁰ J_o 'nú', lamí' jéeng'gui, d_seáng' ja' lám'ba' d_sea` f_hi' quiá'- Fidiéé`, dsu' lanagui d_sea` f_hi' quiá'- d_sea` dob nilíng'na'; j_og_ui lamí' jéeng'gui ja' m_i' catíng'na' e f_hi' líng' Fidiéé` 'nú', dsu' lanagui nicatíim'-ba' laj_o.

'Né` liseeng'na' e j_moo'na' laj_ui' e iing` Fidiéé`

¹¹ J_o f_hi-gu_hi 'nú', d_sea` rú'naa' d_sea` quiá'- D_sea` J_máang- i iin`n eáang', d_sea` i seeng'na' f_i j_migüi' la e sisoo' sijóng'na' f_i caluu' f_hi' góo'na', j_ob^a f_hi' 'nú' e ja' cuø' f_i' yaang'na' e nijméé'na' jalé' e ga' e iing` ngúu' táang'na', co' m_i j_moo'na' laj_o, j_ob^a ni'íng' quí'na' yaam'ba' jóng. ¹² J_o ee'na' guiá' jee` jaléng' d_sea` i ja' m_i' cúing' Fidiéé`, co' nañí' fa' lana gab` fé' i d_sea` í' uii`

quí-na' e lafa' 'nú' líng-na' dsea' i jmóo' ta' 'léé, dsu' mi' nití- í' e nijáatu Dsea' Jmáang- calé' catú- fí' jmigüi' la, joba' i dsea' í' nijmifém' bre Fidié' cajo co' nilí' bre lajii' e guiá- e jmoo' 'nú' fí' jmigüi' la.

¹³ Jo la'eáang' Fí'naa' Dsea' Jmáang- jmi'goo'na' jogui jmití'na' jalé' ta' quiá' jaléng' dseata' quií'na': fa' jaléng' dseata' dsea' mogui' quiá'- latøng- gó'na', ¹⁴ jogui i dsea' i casíng' i dseata' dsea' mogui' do e laco' dsea' do niquidsir' í' quií'na' jogui e nicuó'r- iihuí' jaléng' dsea' i jmóo' ta' 'léé jogui e nijmi'gór' cajo jaléng' dsea' i jmóo' jalé' e guiá-. ¹⁵ Dsuo' iing' Fidié' e ni'ee-na' røð laco' sí'í', jo lajoba' nitá' dsea' e fé'r' ga' uii' quií'na', jo i dsea' i 'léé ja' mí' cangáin' røð jalé' e jmóor' do.

¹⁶ Jo güiliseeng'na' e jo' quié'gui nifí' quií'na' jalé' dsee-. Jo dsu' lajee' e seeng'na' lajo, ja' cuø' fí' yaang'na' e sí' nifí' e nijmée'na' e ga'. Joba' fí' i 'nú' e ee-na' guiá- laco'gui ée' dsea' i jmóo' lajii' e iing' Fidié'. ¹⁷ Jogui jmi'goo'na' jaléng' dsea' dseáng'- laco' sí'í', jogui jmi'neáang'na' jaléng' dsea' rúng'na' dsea' quiá'- Dsea' Jmáang- laco' catíng-, jogui jmiféng'na' Fidié', jogui lajobi jmi'goo'na' dseata' dsea' féng' quiá'- latøng- gó'na' cajo.

E' uing' e cacá- Dsea' Jmáang- iihuí'

¹⁸ Joba' fí' guí' jaléng' 'nú', dsea' rú'naa' i líng' dsea' 'léeng' quiá'- dsea', e jmi'goo'ba' jaléng' fii' quií'na' jogui jmití'na' jalé' júu' quiá'r-, dsu' o' dseáng' jii' cóo' fii'na' i féng' dsí' cóo' 'nú' 'né' jmée'na' lajo, dsu' lajob 'né' jmée'na' cóo' i fii'na' i soo' dsí' cajo. ¹⁹ Co' guiá-guib fing song jaang' dsea', la'eáang' e iin' jmér- lajii' e iing' Fidié', nijmér- té'r' cóo' jalé' e huíng' e cangáin' e ja' catáin-. ²⁰ Co' song cangóng'na' e huíng' dsu' uii' e nicajmée'na' e ga', joba' ja' ee' ta' íng' quií'na' jii' cóo' e nijmée'na' féng' áa'na' quiá'- e huíng' do jóng. Jo song 'nú' cangóng'na' e huíng' dsu' uii' e nicajmée'na' e guiá-, jogui e jmoo'ba' té'na' cóo' jalé' e huíng' do, joba' e jo eáang'gui quíng' fí' quini' Fidié'. ²¹ Co' uii' e lajoba' e cató'- Fidié' 'nú', co' mi' ca'íng' Dsea' Jmáang- iihuí' uii' quií'na', ca'e'r' 'nú' jial e 'né' té'na' cóo' jalé' e huíng' lí' laco'gui cajméer' 'ñia'r' mi' ca'ín' iihuí'. ²² Jo Fí'naa' Dsea' Jmáang- ja' ca'éer' jii' cóo' dsee- o'gui cajmigøøin' jii' jaang' dsea' cóo' jalé' e fé'r'. ²³ Jo mi' casí' dsea' júu' 'lé' dsea' do, dsu' ja' cañír' cóo' júu' 'lé' quiá'- dsea' í'; jogui mi' cacuø' dsea' jalé' iihuí' dsea' do, dsu' ja' cañír' e cuø'r' dsee- i dsea' í', dsuo' lí' lí' e cajáng' 'ñia'r' fí' jaguó' Fidié', co' niñír' e quidsí' dsea' do í' quiá'- lajng' dsea' laco' catím-.

²⁴ Jo cacó- Dsea' Jmáang- jalé' dsee- quií'naa' mi' cacár' jalé' iihuí' fí' dse' crúu' e laco' jneaa'aa' lafa' nicajúm-baa', co' jo' quiá'gui ta' quií'jalé' dsee-, jogui e laco' nisee-naa' e ee-naa' røð laco' catíng-. Dsuo' Fí'naa' Dsea' Jmáang- calihuíin' e catáin- fí' dse' crúu' e lí' laco' 'nú' nilí'na' e niliseeng'na' røð laco' sí'í'. ²⁵ Dsuo' 'nú' lamí' jééng'gui ngí'na' laco' ngí' jo'se' i sí'im' i ja' seeng' fii', dsu' lanagui nicaqui' jím' yaang'na' e nicajmicuíng'na' Dsea' Jmáang-, jogui lana íb' dsea' i ninéé' ni' 'nú' jogui i nijmóo' í' 'nú' laco'gui jaang' dsea' i jmóo' í' guiá- jo'se' quiá'- contøng-.

3

Jial' né' seeng' jaléng' dsea' sícúng' guó'

¹ Joba' fí' guí' 'nú', dsea' rú'naa' dsea' quiá'- Dsea' Jmáang-, jaléng' 'nú' dseamí' 'né' nijmi'goo'ba' jaléng' dseañu' quií'na'. Co' song jii' lajee' la'ó' dseañu' ja' já'- mí' calíin- júu' quiá'- Fí'naa' Dsea' Jmáang-, dsu' song guiáb- ee-na' cóo'r-, jangám- já'- nilíin' e júu' jo' doñí' fa' ja' mí' casí'na'r' jii' camí' júu' quiá'- dsea' do. ² Co' mi' niní' jaléng' i dseañu' do e eám' guiá- jalé' e

jmoo`na' jogui e eáam' jmi'goo` rúng`na' cajo, joba' jangám` ni'íñ' e júu` do jóng. ³ Dsu' o' jíí~ e jmáang~ guiá~ yaang~na' lí' caluu', fa' jalé' e si'náang~ gui`na' e jlo'` osi quié`na' jalé' ñí' cunéé` é osi jalé' mi'ñúung~ e niguó`^.
⁴ Co' guiá~gui jogui niing~gui fí' quini` Fidiéé` e jial guiá~ jmáang~ yaang~na' cóo~ jalé' e í' óo`na', jogui e ja` jmicøøng~ yaang~na' cóo~ dsea` rúng`na', jogui e seeng`na' juguiá~ júu` røø, co' lajíí~ e naba' e eáang`gui quíing' fí' quini` Fidiéé`. ⁵ Jo lajob líing' jaléng` dseamí` i caliséng` malíí~ i calicuíing' Fidiéé`, co' jaléng` i dseamí` í` cajáng` yaaiñ` fí' jaguó` Fidiéé` jogui cajmi'gó`bir dseañu` quiá'r` cajo. ⁶ Jo lajob cajmée` jaang` dseamí` i caliséng` malíí~ i calisí` Sara, cajmée`bre núur~ júu` quiá'` dseañu` quiá'r` i calisí` Abraham jo eáam' cajmi'gór` í'. Jogui 'nú', dseamí, lafa' jóo' i Sara dob líing`na' song jmoo`na' jmang`- e guiá~ jogui e ja` 'gó`na' jíí~ cóo` e jmoo`na' jalé' e jo.

⁷ Jogui jaléng` 'nú', dsea` líing`na' dseañu`, jmee`na' féng' áa`na' cóo~ jaléng` dseamí` quíi`na'. Jmi'goo`na'r dseáng`- laco' si'í' e jmi'gó` dsea` jaang` dseamí, jo o' uíí~ lajíí~ e dseamí dseáng`- guir laco' dseañu` e 'né` jmée`na' lajo, dsu' lajob 'né` jmée`na' cajo uíí~ e røøb` íng` Fidiéé` jneaa`aa' e see`naa' cøøng` cóo`r` lata~, doñí' fa' dseañu` osi dseamí` é. Joba' jmee`ba' lajo e laco' ja` ee` jnáng` quiá'` júu` quíi`na' mi` føng`na' Fidiéé`.

Jaléng` i íng` iihuí' uíí~ e jmóor` jalé' e guiá~

⁸ Joba' fíi` guí` 'nú', dsea` rú`naa', e güiliseem`ba' e guiá~ la'ó' rúng`na', jogui e siing`na' røø, jogui e iing` rúng`na' laco' catíng` e jmóo` dsea` quiá'` Dsea` Jmáang`. Jogui jmée`na' e guiúng`na' cóo~ jaléng` dsea` jogui e ja` jmi'jløng`^ yaang~na' cajo. ⁹ Jogui song i líing` dsea` éer` ga` cóo~ 'nú', joba' ja` jmée`na' qui` táa' lajo cóo`r`, jogui song sí'r` 'nú' 'leáang`, dsu' 'nú'gui ja` 'né` e ngíi`na' lajo quiá'r`, dsuco' o' lajo e 'né` jmée`na'. Co' lí' lí' 'né` míi`na' Fidiéé` uii~ quiáb'` i dsea` la'í' e laco' nijmigüeang`^neiñ, co' Fidiéé`bing` i nicató`- 'nú' e ni'íing`na' güea`^ quiá'r`. ¹⁰ Dsuco' lalab fé' fí' ni` jì quiá'` Fidiéé`:

Ii` dsea` iing` e niliseeng` guiá~ fí' jmi'güí` la

jogui e seeiñ` juguiá~ laco` jmíí~,
 'né` nijmeáiñ` í' nisíi`bre e laco' ja` nifé'r` ga`,
 jo lajobi losuær~ cajo e laco' ja` nifé'r` júu` adsee`.

¹¹ Jo 'né` e nitú`na' e jmoo`na' jalé' e ga`,

jo 'né` nijmée`na' jmang`- e guiá~
 jogui 'né` nijmi'úung`na' e seeng`na' juguiá~ júu` røø cóo~ dsea` rúng`na'.

¹² Co' Fíi`naa' jmóo`bre í' jaléng` dsea` quiá'r` i jmóo` jalé' e guiá~,
 jogui jáb'` núur` jalé' júu` quiá'` dsea` í' mi` ee`go mi'r` dsea` do,
 dsu' 'ní' níim`bre jaléng` i dsea` i jmóo` ga`.

¹³ Co' jíí~ jaang` dsea` cuøøng` lí' jmeáiñ` 'nu` ga` song jmi'úung`na' e jmoo`na' jmang`- e guiá~. ¹⁴ Dsu' car` jíí~ e ee`na' e guiá~ do ni'íim`ba' e huíing', dsu' eáam' juguiá~ quíi` 'nú' song lajo. Joba' ja` føøng`na' quiá'` i dsea` i jmáng` 'nú' ga`, o'gui jmoo`na' 'gó`na' cajo. ¹⁵ Co' lí' lí' 'né` e nijmi'goo`na' Fíi`naa' Dsea` Jmáang` e car`ngocáng` óo`ba', jogui 'né` e néeb' guiá~ quíi`na' contøøng` e ningíi`na' quiá'` jaléng` dsea` i iing` niliñí` cuaiñ` quiá'` lajíí~ e nisita` óo`na' e nicuó`- Fidiéé` 'nú'. ¹⁶ Dsu' mi` ngíi`na' quiá'` i dsea` í', 'né` jmée`na' e jmi'goo`ba're jogui 'né` e ja` jmi'jløng`^ yaang~na' cóo`r`, jogui lajobi 'né` ee`na' guiá~ e jo` í' áa`na' jalé' e ga` e lamí~ jmoo`na' lamí~ jéeng`gui, jo lajoba' jaléng` i dsea` i fé' ga` uii~ quiá'` jalé' e guiá~ e jmoo`na' do nilí` í' líim`bre quiá'r` yaaiñ` cóo~ lajíí~ e fé'r` do.

¹⁷ Co' guiá~gui e ni'íing`naa' iihuí' uíí~ e jmoo`naa' e guiá~ song lajo iing` Fidiéé`, dsu' ga`guib líí' e ni'íing`naa' iihuí' uíí~ e jmoo`naa' jalé' e ga`. ¹⁸ Co' 'ñiab` Fíi`naa' Dsea` Jmáang` cacár` iihuí' cartí' cajúíñ` uíí~ dsee` quíi`naa',

co' lajo nisi'lb^ e nidsinguiñ- coo' ya' lata~ roo' jmi'guí. Dsuo' ír' líiñ' jaang' i ée' røø' i ja' dsee- røøng', dsu' cajám' 'ñia'r' e cacár- iihuú' uii~ quiá'- jaléng' jneaa~aa', dsea' líng'naa' dsea' dsee- dsea' qui', e laco' nitøø' jneaa~aa' fí' quini' Fidié'. Jo ír' cajnga' dsea' quiá'r- lafa' jaang' dsea' jmi'guí, dsu' cajíb'tur la'eáang' cóo'~ Jmiguí quiá'- Fidié'. 19 Jo la'eáang' cóo'~ e Jmiguí quiá'- Fidié' do e jmicóo'~ quiá'r- do cangór- e cangoguiar' júu^ quiá'- Fidié' jee~ jaléng' 'líi~ i sijnáng' cartí' mi~ nití- í^ e Fidié' quidsí' í^ quiá'r-. 20 Jo jaléng' i dsea' í' laam' bre cajméer' ie~ mali~ gui do, ie~ lamí' seeng' gui Noé, ie~ lamí' cajéng' Fidié' e féng' dsíir' cóo'~ ír' do lajee' e lí' e móo' dsée- do e fí' lí' caláang- jñíng- dsea' sináú^ quiá'- Noé la'eáang' fí' dsíi' e móo' do mi~ ca'á' jmi' fí' jmi'guí la. 21 Co' e jmi' jo guóng' lafa' jmi' cóo'~ e saang' dseab', dsuo' la'eáang' cóo'~ e joba' e cuø' lí' e caláang- naa' jee~ dsee- quí-ii'. Dsu' e saang' dsea' jmi' do ofa' guóng' e jgíng- nguú' táang' dsea', co' lí' lí' guóng' e 'né' mii~ naa' Fidié' e ni'liñ- dsee- quí-ii' e laco' jo lí' guí' dsea' dsee-. Jo dsu' jo lí' naa' lajo, co' nicajgáang- naa' jmi' uii~ e cají'tu' Fí'naa' Dsea' Jmáang- mi~ cangí' e cajúñ-. 22 Jo mi~ cangí' e cají'r' do, cangám'-tur fí' ñíff-, jo lana dob niguiñ- lí' lí' dsée' laco' guíng- Tiquiá'r^ Fidié', jo fí' job quier' nifí' quiá'- jaléng' ángeles i líng' guotíir- cóo'~ gui jaléng' gui dsea' guí' i 'gøng' jogui jaléng' i óo' ta~ cajo.

4

Majmicóo'~naa' dsea' rú'naa' lí' laco' e cangíng'naa' e cacuø' Fidié' jneaa~aa'

1 Joba' fí' guí' 'ná', dsea' rú'naa' dsea' quiá'- Dsea' Jmáang-, e lí' laco' gui cangongíng- Dsea' Jmáang- iihuú' lajee' táaiñ' fí' jmi'guí la, joba' lajob 'ná' cajo 'né- e jmée'na' té'ba' jogui e féng' óo'na' mi~ ningíng'na' e huíng'. Jo doñí' i dsea' quiá'- Dsea' Jmáang- i ngíng' e huíng' fí' jmi'guí la, nica'ím- bí' quiá'- dsee- quiá'- i dsea' í'. 2 Jo co' lajob lí', joba' jo 'né- jmér- lají'~ e iing' nguú' táaiñ' laco' gui la jmoo' dsea' i si'niim'bi cóo'~ dsee- quiá'-, dsu' lana 'né- nijmitir- lají'~ e iing' Fidié' lata~ seeíñ'. 3 Dsu' té' jii~ lana e jmoo'na' laco' gui la jmoo' dsea' i ja' cuíng' Fidié'; co' 'ná', ie~ ná' gui e calicuíng'na' dsea' do, cajmee'na' jalé' e ga' e ja' dseeng', fa' mi~ suung'na' jalé' e sea' fí' jmi'guí, jogui jmoo'na' ta~ güíng' cóo'~ dseañu' osi dseamí' i o' quí'na', jogui jmoo'na' ta' í', jogui jmoo'na' ta' gø' cúng', jogui eáang' ta'na' mii~ fí' lí' néé' júu^, jogui jmi'féng'na' jaléng' dié~ i o' já'. 4 Jo laco' 'ná' nica'ú'ba' lana e jmoo'na' jalé' e ga' do, joba' eám' dsigá' dsí' jaléng' i dsea' i jmoo'bi e 'lí' do cóo'~ 'ná', jogui gab' nífé'r' uii~ quí'na' cajo. 5 Jo dsu' jaléng' i dsea' í' niguiéeb' jmi' mi~ niguiéer- cuente quiá'r- fí' quini' Fidié', dsea' ninéé' guíá- quiá'r- e niquidsir' í' quiá'- jaléng' dsea' jmi'guí i seeng' gui cóo'~ gui jaléng' dsea' i nicajúng- cajo. 6 Jo dsu' uii~ e lajob lí', joba' nicagua' dsea' júu^ quiá'- Dsea' Jmáang- jee~ jaléng' i dsea' i nicajúng- do e laco' e caliséíñ' fí' quini' Fidié' e cajmicóo'~ Jmiguí quiá'- Fidié' quiá'r-, nañí' fa' nica'idsib' í' quiá'r- lajee' e seeíñ' fí' jmi'guí la.

7 Jo jo' huøø- roo' gui jmi'guí e nidsijéé' lají'~ e sí' í' quiá'- Fidié' e nidsijéé'. Joba' fí' i 'ná', dsea' rú'naa', í' óo'na' laco' catíng-, jogui ñiim'bi óo'na' e laco' lí'na' e føng'na' Fidié' e ngocáng' óo'na' mi~ ee'go mii~na'r. 8 Dsu' niing- gui eáang' e nijmi'neáang'na' dsea' rúng'na' e ngocáng' óo'na', dsuo' mi~ jmi'neáang'na' rúng'na', joba' nilí' niliféng' óo'na' quiá'- rúng'na' doñí' fa' sea' jmi'guí dsee- quiá'r-. 9 Jogui íim'ba' e iáang' óo'na' jaléng' dsea' cóo'~ júu^ røø' mi~ ií' guilíng- fí' quí'na'. 10 Jogui 'né- jmicóo'~ rúng'na' laco' sí' í', dseáng- lí' laco' jii'~ e catíng- e cangíng'na' quiá'- Fidié' lajaang'

lajaang`na'. ¹¹ Jogui song *ii* `nú` cang`ing`na' e guia`na' júu` quiá'- Fidiéé, `né` fo`na' e júu` jo laco' iing` Fidiéé e fo`na'. Jogui mi` *ii* jaang` `nú` ng`ing`na' e jmoo`na' co` ta` e jmoo`na' lajii` e iing` Fidiéé, `né` jméé`na' e jo dseáng'- la'eáang' cóo` bí e cuo` dsea` do `nú`. Jo lajaléb` e jmoo`na', jmee`ba' dseáng'- laco' nijmiféng`na' Fidiéé la'eáang' cóo` Fii`naa' Dsea` Jmáang-, co' íb` dsea` i féng' jogui i `gøng` lata`. Jo lajob `né` niliti`.

Mi` íng` dsea` quiá'- Dsea` Jmáang- jalé` iihuí`

¹² Jo lalab fii` túu `nú`, dsea` rú`naa' dsea` quiá'- Dsea` Jmáang-, ja` jmoo`na' e dsi`gó` óo`na' mi` ng`ing`na' jee` jalé` iihuí` uí` e líng`na' dsea` quiá'- dsea` do, jogui ja` í` áa`na' e jii` `nú` dsing`ing`na' lajo. ¹³ Dsaco' o' lajo e `né` jméé`na', co' lí` lí` `né` e cuo` bí` rúng`na' e jmi`iáang` óo`ba' lajii` e iihuí` do, co' lajob e cangong`ing` Dsea` Jmáang- fí` jmigüi` la, jo lajoba' nili`iáang` óo`na' mi` nimó`na' e nijáa`tu Dsea` Jmáang- fí` jmigüi` la cóo` e laniing` `gøin` do. ¹⁴ Jo juguiá- quiá'-na' song *ii* dsea` i sí` `nú` júu` lí` uí` e líng`na' dsea` quiá'- Dsea` Jmáang-, co' contøom- seeng` cóo` `nú` e Jmiguí` jlo` niing` quiá'- Fidiéé do. ¹⁵ Jogui song *ii* `nú` móo`na' iihuí`, dsu' gab` lí` song e iihuí` do ca'íng`na' uí` quiá'- e cajngang`na' dsea`, osi quiá'- e jmoo`na' *ii*, osi quiá'- e nica`lee`na' é, osi quiá'- e quíng`na' jee` jalé` e ja` e cuaiñ` quiá'-na'. ¹⁶ Jo dsu' song e iihuí` e móo`na' do ca'íng`na' uí` quiá'- e líng`na' dsea` quiá'- Dsea` Jmáang-, joba' ja` `né` jméé`na' e í` líng`na', co' lí` lí` `né` e jmiféng`gui' Fidiéé uí` quiá'- e jo.

¹⁷ Jo lanagui nicatíb` í` e Fidiéé` niquidsir` í` quiá'- jaléng` dsea` jmigüi`, jogui nináng` lajee` la'ó` jneaa`aa', dsea` lí`naa' dsea` quiá'r-. Jo co' lajob lí`, joba' *jjialgui* tí` ga` iihuí` nidsing`ing` jaléng` dsea` i ja` núu` júu` quiá'- Fidiéé? ¹⁸ Jogui laco' fé` fí` ní` jì` quiá'- Fidiéé lala: "Song jaléng` i dsea` i guíung` laco' sí` huim` nileáiñ` jee` dsee` quiá'r-, joba' *jjialgui* tí` ga` nidsijéé cóo` jaléng` dsea` i líng` jogui cóo` i beáng` dsee` yaang`?" ¹⁹ Jo song cuo` Fidiéé fí` e íng` jaléng` dsea` quiá'- Dsea` Jmáang- iihuí`, joba' jaléng` i dsea` í` `né` jméé`bir` jmang` e guíá-, jogui nijáng` yaaiñ` car` ngocáng` dsír` fí` quini` Fidiéé i cajmeáang` ír` do, co' dseáng` jmitib` Fidiéé jalé` júu` quiá'r-.

5

Júu` í` `goo` e cat`ing` jaléng` dsea` quiá'- Dsea` Jmáang-

¹ Jo lanagui iin`n nifón`n jaléng` dsea` cóong` i quie` nifí` quiá'-na' jee` la'ó` `nú`, dsea` líng`na' dsea` quiá'- Dsea` Jmáang-, co' jnea` lín`n jaang` i quie` nifí` laco' í`bre cajo, jogui camó`bii` jalé` iihuí` e cangong`ing` Dsea` Jmáang- fí` dse` crúu`, jogui nitim`baa cajo laco' i dsea` í` e nimoo`o e laniing` `gøng` quiá'- Dsea` Jmáang- mi` nijáa`tur fí` jmigüi` la. ² Joba' fii` i `nú`, dsea` líng`na' dsea` cóong` i quie` nifí`, jmee`na' í` jaléng` dsea` i cang`ing`na' i nicane` ní`na' i nicacuøng` Fidiéé `nú`, co' i dsea` í` líiñ` lafa' jo'se` quiá'- Fidiéé. Jogui jmee`ba' e jo e ngocáng` óo`na' laco'gui iing` Fidiéé, jo ja` jméé`na' e laguidseaang` o`gui e laco' dsináang`na' cuu` cajo. Dsu' jmee`ba' jalé` e jo e íaang` óo`na'; ³ jo ja` `né` jméé`na' lafa' dsea` fii` i laguidseaang` quiá' ta` quiá'- jaléng` dsea` quiá', dsu' lí` lí` `né` e nijmi`úung`na' e ni'ee`na' røø, jo lajoba' cuoøng` nijøø` i dsea` quiá'-na' do e nijmér` laco' sí` cajo. ⁴ Joba' mi` tí` lí` nijáa`tu Dsea` Jmáang-, i dsea` i laniing` do i jmóo` lafa' ta` ní` jo'se`, joba' `nú` ni`líng`na' lajii` e sí`líng`na' quiá'- Fidiéé e jlo` eáang` e ja` tóo` jmi` fa' e ni`líng`.

⁵ Jogui lajobi 'nú' cajo, jaléng' siming', 'né- jmée^na' núu~na' jogui e jmi'goo'na' jaléng' dsea` cóong'. Jo lajing' 'nú' ja` 'né- jmée^na' jløng'^na' quiá'- rúng'na', dsuco' lalab fé' fí' ní' jì' quiá'- Fidiéé' lí' fé' lala:

Dseáng'- teá' sée' Fidiéé' quiá'- jaléng' dsea` i jmicóong' yaang',

dsu' eáam' guiá- jmicóo'r~ jaléng' dsea` i ja` jmóo' lajo dsu' ñi'bre e 'né- e nijmicóo'~ Fidiéé' quiá'r-.

⁶ Joba' cuøø'~ fí' yaang'na' e Fidiéé' nicár' nifí' quií-na', co' íb` dsea` laniing- 'gøng' cajo, jo lajoba' niseáiñ' 'nú' yá' mĩ' nití- í' quií-na'. ⁷ Joba' fíi' i 'nú', dsea` rú'naa' dsea` quiá'- Dsea` Jmáang-, 'naang'na' ca' jalé' fí'í' dsí' e seeng'na' fí' jmi'güi' la jo guiá'na' jalé' e jo fí' jaguó' Fidiéé', dsuco' dsea` dobing' i eáang' to' fíing' 'nú' contøøng-.

⁸ Jogui 'né- e í' áa'na' røø, jogui cajo 'né- e siñiing' áa'na' contøøng- e laco' ja' nijmigøøng' fii' i 'ling' 'nú', dsuco' í' dseáng'- 'ní' níim-bre jneaa~aa' e ngir' fí' la fí' na lafa' jaang' ie' e 'náng'ne' liing~ i nisáng'ne'. ⁹ Dseáng'- ja' cuø'na' fí' e fii' i 'ling' do nijmér- e nijmigøøiñ' 'nú' lajo, jogui jie~ mí' tiúung'na' e já'- líng'na' júu^ quiá'- Dsea` Jmáang-, co' niñí'na' e jaléng' rúng' dsea` quiá'- Dsea` Jmáang- i seeng' fí' la'úng- fí' jmi'güi' røøb' ngíiñ' iihu' laco' 'nú'. ¹⁰ Dsu' mĩ' ningí' e nica'ling' 'nú' jalé' iihu' lajee' cateá, job mĩ' nijmé- Fidiéé' e ni'uíng'na' dsea` guiúng- dseáng'- laco' si'í', jogui nijmér- e nisíng'-na' teá'gui fí' guiá- cóo'~ Dsea` Jmáang-, jogui e nita' óo'na' e Fidiéeb' dsea` nicá' nifí' quií-na'. Dsuco' dsea` dobing' i eáang' 'neáang' jneaa~aa', jo nicató'r- jneaa~aa' cajo e laco' ni'uíng'na' dsea` i seeng' cóong' cóo'r~ lata~ colíng' cóo' Joor' Dsea` Jmáang-. ¹¹ Jo eáang' laniing- 'gøng' dsea` do lata~ jee~ jalé' e sea` fí' jmi'güi'. Jo lajob 'né- niliti'.

Júu^ guicóo' e lidséng^

¹² Jo la'eáang' cóo'~ Silvano, jaang' dsea` rú'naa' i dseáng'- i lajang'- líng' dsea` quiá'- Dsea` Jmáang-, nicajmee' e e jì'jiu la e laco' nifón'^n 'nú' jogui e nicuøøø' 'nú' bí' e laco' nijmitaa' óo'na' e lajalé' e güea'^ e nica'ling'na' do cuø' lí' dseáng'- e lajam'-ba' 'neáang' Fidiéé' 'nú'. Joba' fíi' i 'nú' e lajob 'né- jmée^na' e teáam-bi' teá' fí' lí' niteáang'na' cóo'~ Dsea` Jmáang-. ¹³ Jogui jaléng' dsea` quiá'- Dsea` Jmáang- i neáang' fí' Babilonia i nicaguíng' Fidiéé' do laco'gui nicaguíñ' 'nú', guiéiñ' júu^ guicóo' quií-na' cajo, jogui lajobi i jóo'o i sií' Marcos. ¹⁴ Jogui se'na' guoo' rúng'na' mĩ' jing' rúng'na' uii' e 'neáang' rúng'na'. Jogui güiliseem'ba' juguiá- júu^ røø' lajing'na' dsea` líng'na' dsea` quiá'- Fí'naa' Dsea` Jmáang-.

Jo júi'~ job quiá'- lana.

Jo lanab júi'~ fé' jì' la'uii' quiá'- Tú^ Simón.

Ji` e catí tú` e cajme' TŨ^ SIMÓN

¹ Jnea` Tú` Simón, jaang` dsea` i jmóo` lajii` e iing` Fíinaa' Dsea` Jmáang` jogui i siiiñ` cuaiñ` quiá'r-, jmo'o e ji` la e catíng` 'nú', dsea` i røø` nicangíng`na' e já`- líng`na' júu` quiá` Fíinaa' Dsea` Jmáang` laco'gui nicangíng` jnea' e já`- línaa' júu` quiá` dsea` do cajo, co' eáang` guiúng` Fidié` cóo`~ jneaa`aa' e nicaleáaiñ` jneaa`aa' jee` dsee` qui`ii' la'eáang` cóo`~ Fíinaa' Dsea` Jmáang`. ² Jogui íim`ba' lalíng` e güea` quiá` Fíinaa' Dsea` Jmáang`, jogui güiliseeng`na' juguiá` júu` røø` la'eáang` e nicuíng`na' Fidié` cóo`~ gui`ña' Dsea` Jmáang` cajo.

Jial líng` dsea` quiá`- Dsea` Jmáang`

³ Jo lalab fii`i 'nú', dsea` rú`naa' dsea` quiá`- Dsea` Jmáang`, e la'eáang` cóo`~ güea` 'gøng' quiá`- Fidié`ba' nicangíng`naa' jalé` e 'né`naa' e quiá`- jial nilisee`naa' laco' catíng` e seeng` dsea` quiá`- Dsea` Jmáang`, co' nicató` i dsea` do jneaa`aa' la'eáang` cóo`~ güea` quiá`r- jogui la'eáang` cóo`~ e eám` guiúñ` e laco' nilicuíng`naa'r. ⁴ Joba' la'eáang` cóo`~ jalé` e nicangíng`naa' do, nicacuø` Fidié` júu` quiá`r- e niñíng`naa' jalé` e jlo` niguó` quiá`r-, jo jalé` e júu` e nicacuø` Fidié` do eám` 'gøng' jogui eám` quíng` cajo, co' la'eáang` cóo`~ e júu` joba' e nicangíng`na' e nica`naam`ba' jee` jalé` e 'lí`, fa' jalé` e lí` dsí` yaang` dsea` e sea` fí` jmigü` la, jogui nicangíng`na' e nilíng`na' dsea` i seeng` cøøng` cóo`~ dsea` do. ⁵ Jo uí` e cajmée` Fidié` jalé` e jo qui`na', joba' 'né` e jmi`úung`na' e jmicuáam`bi' e já`- líng`na' júu` quiá`- Dsea` Jmáang`; jo cóo`~ e jo 'né` jmée`bi' lajii` e guiá` cóo`~ dsea` rúng`na' laco' catíng`; jo cóo`~ e jo 'né` nijmée`bi' quií`- jial e laco' nilicuíng`gui' Fidié`; ⁶ jo cóo`~ e jo 'né` jmée`na' jialco' ja` lí` áa`na' yaang`na'; jo cóo`~ e jo 'né` cuø` bí` yaang`na' e féng` áa`na' nañí` fa' e ngíng`na' iihuú; jo cóo`~ e jo 'né` e dseáng`- lajang`- nijáang` yaang`na' fí` jaguó` Fidié` e nijmee`na' lajii` e iing` dsea` do; ⁷ jo cóo`~ e jo 'né` jmée`bi' quií`- e nijmicóo`- rúng`na'; jo cóo`~ e jo 'né` jmée`na' e nijmi`neáang`na' dsea` rúng`na'.

⁸ Joba' song` 'nú' jmi`úung`na' e jmoo`na' jalé` e la, jogui jmoo`bi' jalé` e jo laco' sí`í, joba' íim` ta` qui`na' e nilicuíng`gui' Fíinaa' Dsea` Jmáang` jogui cajo seab` uing` quiá`- jalé` e jmoo`na' do. ⁹ Jo dsu' jaléng`gui dsea` i ja` jmóo` jalé` e júu` la líiñ` lafa' jaang` dsea` tiuum` osi jaang` dsea` i jo` jné` røø` é, co' nica`ím` dsíir` e Fidié`bing' ca'íng` jalé` dsee` quiá`r- e laco' ca'uíng` dsea` do jaang` dsea` guiúng` mi` calí`- já`- líiñ` júu` quiá`- dsea` do.

¹⁰ Joba' fii`guí` 'nú', dsea` rú`naa' dsea` quiá`- Dsea` Jmáang`, e 'né` jmi`úung`na' e niliseeng`na' e laco' cuø` lí` e dseáng`- nicató`- Fidié` 'nú' jogui e nicaguíñ` 'nú' cajo. Jo song` jmoo`ba' lajo, joba' ja` dseáng`- qui`na' e nijjúng`na' fí` ni` dsee`. ¹¹ Jogui song` jmée`na' jalé` e jo cajo, jo lajoba' nilita` óo`na' e Fidié`bing' ni`íng` 'nú' cóo`~ e guiá` fí` jmigü` coo` fí` lí` guiing` Fíinaa' Dsea` Jmáang` quiá`r` ta` lata~, i dsea` i caleáang` jneaa`aa' jee` jalé` dsee` qui`ii'.

¹² Joba' dseáng`- nijmee`bí` e nijmigiém`bí` áa`na' jalé` e júu` na contøøng`, nañí` fa' lajam` e niñí`na' e júu` jo jogui e niteáang`na' teá` fí` guiá` cóo`~ dsea` do lí` laco' jii` e nica`e` dsea` 'nú'. ¹³ Dsu' jnea`gui lajee` e seen` fí` jmigü` la lín`n e catím`baa e niliúun`n 'nú' e niguiéng` áa`na' jalé` e júu` na. ¹⁴ Dsu' lanagui Fíinaa' Dsea` Jmáang` nicajmea`r` jnea` júu` e jo` huøø` seeng`guí` fí` jmigü` la, ¹⁵ joba' dseáng`- nijmee`bí` bí` e niguiém`bi` áa`na' e júu` la mi` ningá` e ningán`n fí` jmigü` coo`.

Mi~ cangá dsea` jial tí' 'gøng' Dsea` Jmáang`

¹⁶ Jo nica'él'naa' 'nú', dsea` rú'naa', quiá'- jial tí' 'gøng' Fí'naa' Dsea` Jmáang` jogui jial lí' mi~ nijáa'tur fí' jmigüí' la calé' catú-, jo dseáng'- lajang'- e júu^ jo, jo o' júu^ e cuøøng` nijmi'uíng` dsea` e nijmé'r- e ja` mí' cangar', co' dseáng'- e já'- e cane~naa' cóo'~ jmini'naa' yee~baa' jial tí' 'gøng' Fí'naa' Dsea` Jmáang`. ¹⁷ Co' cane~baa' mi~ ca'e' Tiquí'ii' Fidiéé' jnea'^ jial líng' Dsea` Jmáang` cóo'~ jalé' e niing` 'gøiñ' do, jogui ie~ job canú'na' mi~ café' Fidiéé' catí' ñifí' quiá'r- lala cuaiñ~ quiá'- Dsea` Jmáang`-: "Ílab Jóo' o' i' neáan` eáang', jo dsíng'- iáang` dsii- cóo'r-." ¹⁸ Jo jneab'^ dsea` canú'naa' e júu^ jo e jáa' tí' yá'^ jmigüí', co' taam~baa' cóo'~ Fí'naa' Dsea` Jmáang` e fí' yá'^ mó' e güeang'^ do ie~ jo.

¹⁹ Jo e jo dseáng'- e lita~gui dsi'naa' e já'- e júu^ e cagua' jaléng' i dsea` i café' cuaiñ~ quiá'- Fidiéé' mali~gui eáang', jo e júu^ job dseáng'- 'né' e jmi'goo' 'nú' cajo, co' e júu^ jo lí' lafa' cóo' jì' quiá'- candíí', jo e joba' jmáang' dsea` ta~ mi~ canuu. Jo e jo jneá' cartí' nijneá' e jmi~ e nití' mi~ nijáa'tu Dsea` Jmáang` fí' jmigüí' la e líiñ' lafa' i núu' ée^ i camíng' i jnéng' fí' yá'^ jmigüí' mi~ la'ee. Jo ie~ jo jaléng' 'nú', dsea` líng'na' dsea` quiá'r-, jo` niliseeng`gui' lafa' fí' lí' nuu, co' ni'uíng`na' dseáng'- laco' la líng' dsea` do 'ñia'r'. ²⁰ Jo dsu' e júu^ laba' iin`n e niliñ'na', e jíi'~ cóo' júu^ e cajme' jaléng' dsea` i café' cuaiñ~ quiá'- Fidiéé' fí' ni~ jì' quiá'r- dseáng'- ja` café'r' o'gui cajméer' júu^ e~ guøng' e júu^ jo dseáng'- laco' iin~ yaaiñ~. ²¹ Co' jaléng' i dsea` i café' cuaiñ~ quiá'- Fidiéé' do ja` café'r' júu^ dseáng'- laco' i' dsíir' yaaiñ~, co' lí'^ lí' café' jaléng' i dsea` do la'eáang' cóo'~ 'ñia' Jmiguí' quiá'- Fidiéeb'.

2

*Jaléng' dsea` i e' júu^ e o' já'-
(Judas 4-13)*

¹ Jo lala fíi-guú' 'nú', dsea` rú'naa' dsea` quiá'- Dsea` Jmáang`, e lami~ jéeng`gui caliséng` dsea` jee~ dsea` Israel i cajmícaang` e café'r' cuaiñ~ quiá'- Fidiéé', dsu' o' já'-, co' e júu^ e caguiar' do jmang'^ júu^ e o' já'-; jogui lajee~ lanab cajo niliseeng` dsea` i nijmícaang` e líiñ' tifa' i e' júu^ quiá'- Fidiéé', dsu' júu^ e o' já'-ba' ni'ér- jee~ 'nú', dsea` líng'na' dsea` quiá'- Dsea` Jmáang`. Jo jaléng' i dsea` la'í' e ñm` ni'ér- e júu^ e 'léé' do e o' já'-, jogui nifé'r' ga` uii~ quiá'- Fí'naa' Dsea` Jmáang`, jogui i dsea` la'í' fé'r' e ja` cuíiñ` i dsea` i caquí' jalé' dsee~ quiá'- dsea` jmigüí'. Joba' lajmináb- niquidsí' Fidiéé' í' quiá'- i dsea` la'í', jogui nicuø'-reiñ' iihu'í' cajo e catíiñ- uíi'~ quiá'- jalé' e nicajméer' jogui e mí' 'noo'bi jmóor'. ² Jo fíim' dsea` niligøøiñ` cóo'~ e júu^ e o' já'- do, jo nisíng'tu yaaiñ~ e fí' ga' do, jo uíi'~ jaléng' i dsea` la'í' gab` nifé' dsea` uii~ quiá'- fí' guiá- quiá'- Dsea` Jmáang`. ³ Jo uíi'~ e lí' dsíi' jaléng' i dsea` i e' jalé' e 'lí'^ do cuub-, joba' nilí'r' e nijmigøøiñ` 'nú' cajo cóo'~ jalé' e júu^ e o' já'- e er' do. Jo dsu' nisijéeb' e fí' lí' 'lí'^ do quiá'r- fí' lí' jo` míi' sea`gui, dsuco' tí' nití' í' e Fidiéé' niquidsí' í'^ quiá'r-.

⁴ Jo nine~naa' guiá- e ja` ca'íng- Fidiéé' dsee~ quiá'- jaléng' ángeles i ca'ée' dsee-, dsu' lí' lí' cangojéiñ` fí' lí' 'lib'^ jaléng' í' jo fí' lí' nuu' sób' caseáang`neiñ' do e si'ñúu'ñi~ do cóo'~ ñí' cadena cartí' mi~ niquidsí' Fidiéé' í' quiá'iñ'- do. ⁵ Jogui lajobi nine~naa' guiá- e ja` ca'íng- Fidiéé' dsee~ quiá'- jaléng' dsea` dsee~ dsea` qui' i caliséng` mali', co' ie~ jo Fidiéé' cacuø'reiñ' do iihu'í' e cajméer' e ca'á' jmi~ fí' la'úng- fí' jmigüí' e quiá'- cajúm- lajmi~ dsea` i soo' dsíi' i cajmíe' ga' do. Jo dseáng'- lajíi'~ Noébing' i caseáang`gui, co' jíi'~ í'bing' i ca'ée' e guiá- laco' catíng- fí' quini' Fidiéé', jo lajob cajo caseáam'bi guiáng- gui dsea` sinúu^ quiá'r- ie~ jo. ⁶ Jogui lajob cajo ca'ím- Fidiéé' jaléng' dsea` i seeng` fí'

fiñ Sodomá cóo' gui fiñ Gomorra e cacóo e éang' fi' jo cartí cajé yaang' fa e laco' niliñí jaléng' dsea i niliseeng' cøng' gui e lajob iihuñí ni'ing' jaléng' dsea i jmóo' ga i 'ní' níng' Fidié. ⁷ Dsú ie i jo caleám' bre jaang' dseañu' i sií Lot, co' jaang' dsea' guiúm' líng' í, jogui eám' óor' fi' í' cóo' jalé' e 'lí' e nír' e jmóo' jaléng' i dsea i seeng' fi' lí' táaiñ' do.

⁸ Jo laco' jmíib' i dsea' guiúng' i sií Lot do seeñ' e eám' óor' fi' í' cóo' i dsea' i soo' dsí' do uí' e nír' jogui e núur' jalé' e 'lí' e jmóo' i dsea' 'líng' do. ⁹ Jo co' já' jalé' e la, joba' nine' naa' guiú' e ja' huíng' quiá' Fí'naa' Fidié e láaiñ' jaléng' dsea' jee' jalé' iihuñí. Jo nine' naa' cajo jial cuø' Fidié iihuñí jaléng' i dsea' i jmóo' ga' cartí mi' niqidsir' í' 'ñia'r' quiá' i dsea' la' í. ¹⁰ Jo lajee' lajaléng' dsea', eáang' gui nicuø' Fidié iihuñí quiá' jaléng' dsea' i lí' dsí' e jmóor' jalé' e 'lí' lajee' la' ó' yaaiñ' jogui i ja' iing' e Fí'naa' Fidié quier' nifí quiá'r'. Jo jaléng' i dsea' la' í' íib' líiñ', jogui teáb' dsí' jmér' lí' doñí ee' e 'lí', jogui ja' 'gó'r' e fé'r' ga' uii' quiá' jaléng' i 'gøng' i ja' jnéng' i seeng' fi' yá' jmigüí. ¹¹ Jo jaléng' ángeles i líng' guotí quiá' Fidié, nañí fa' íbing' dseáng' e sea' gui bí quiá' laco' i dsea' i e' júu' e o' já' do, jogui nañí fa' sea' gui fi' quiá'r' cajo laco' gui i dsea' í, dsú' niñí bre e ja' dseeng' fa' e nifé'r' ga' fi' quini' Fí'naa' Fidié uii' quiá' jaléng' i 'gøng' do i ja' jnéng' i seeng' fi' yá' jmigüí.

¹² Jo dsú' jaléng' i dsea' i e' júu' e o' já' do líiñ' lafa' jó' núub' co' ja' e ngáiñ' jii' coo', co' lí' seeñ' lajob; co' jó' núu' bing' i líng' e lico' ngáang' ne' e sáang' dsea' íre' jo jngaiñ', joba' lajob líng' jaléng' i dsea' la' í, co' fé'r' ga' uii' quiá' jalé' e ja' ngáiñ' do. Dsú' lajob nidsingíiñ' e ni' íim' quiá'r' cajo mi' nití' í' quiá'r' laco' gui júung' jaléng' i jó' í, ¹³ jo røøb' ni'ing' i dsea' la' í iihuñí laco' gui nicajmeaiñ' jaléng' dsea' rúíñ' i jíéng' gui. Jo dseáng' ja' í' líng' jaléng' i dsea' í e jmóor' lajo mi' jmí, co' lico' í' dsí' e eám' juguiú' seeñ' e lí' dsí' jalé' e sea' fi' jmigüí la; dsú' dseáng' gab' lí' e seeng' jaléng' i dsea' la' í jee' 'nú' i tá' mii' lajee' ee' go' jmí' jmoo' na', jo i dsea' la' í lico' jmi' íaang' dsí' lajii' e lí' dsí' yaam' bre fi' jmigüí la mi' ee' go' jmigüí dsea'.

¹⁴ Jo jaléng' i dsea' la' í ja' lí' níñ' jaang' dseamí e fa' ja' suuiñ'; jo dseáng' ja' fim' bre e beáng' dsee' yaaiñ'. Jogui eám' jmóor' ta' jmi' óo' e cøøiñ' dsí' jaléng' dsea' i ja' mí' teáang' teá' cóo' júu' quiá' Dsea' Jmáang', jogui dseáng' tí' i dsináang' cuub' líiñ'. Jo uí' quiá' jalé' e 'lí' e jmóo' i dsea' la' í, joba' dseáng' 'ñiab' Fidié nibíiñ' jaléng' i dsea' í. ¹⁵ Jo sí' íim' dsea' do lana, co' nicatú' bre e teáiñ' fi' guiú' cóo' Dsea' Jmáang'. Jo nicajméer' laco' cajméé' jaang' dsea' i sí' í' café' cuaiñ' quiá' Fidié malí' gui i calisí Balaam, jóo' jaang' dseañu' i calisí Beor, co' i dsea' í lí' lí' cajméer' lí' doñí ee' e ga' e laco' nilí'r' cuub' lamí' líiñ', ¹⁶ jo dsú' i dsea' í cajím' bre uí' e dsee' e ca'éer' do, co' cajím' bú' quiá'r' ír', co' i bú' do café' re' laco' fé' dseab', jo job' mi' cajníng' ne' lajii' e lí' dsí' i dsea' do.

¹⁷ Jo jaléng' i dsea' í i e' júu' e o' já' do líiñ' laco' dsea' i ja' ta' íng', co' líiñ' lafa' coo' ojmí' lí' ja' a' jmí, osi lafa' jní' e dsigúing' cóo' gui e ja' quie' jmí' é; jo Fidié bing' cacuø' e nisí' íng' i dsea' do dseáng' e nidsilíiñ' fi' lí' nuu' sò' lata'. ¹⁸ Co' yaam' bre guiar' júu' e róo' jogui júu' e ja' uing' sea', jo cóo' e ga' e sí' íiñ' jmóor' do jogui cóo' jalé' e lí' dsí' yaaiñ' do cøøiñ' dsí' jaléng' dsea' i nabi' lé' já' líng' júu' quiá' Dsea' Jmáang' jogui e nabi' nicanaaiñ' e 'naaiñ' yaaiñ' jee' jaléng' i dsea' dsee' dsea' qui' do. ¹⁹ Co' i dsea' i e' júu' e o' já' do sí'r' jaléng' i dsea' do e cuøøm' lí' jméiñ' jalé' e iñ', jogui ja' 'né' jmitiñ' júu' quiá' Fidié, dsú' o' já' e júu' e ca'er' do, co' yaam' bir' líiñ' lafa' dsea' i sí' níng' cóo' jalé' e 'lí' e sea' fi' jmigüí la; co' niñí dsea' e lí' doñí i dsea' i nicajáng' 'ñia' e nijmér' jalé' e 'lí' e sea' fi' jmigüí la líiñ' lafa' i dsea' i nicalí'

e quiu' ta' quiá'r- jalé' e 'li' e jmóor` do. ²⁰ Jo dsu' jaléng' dsea` i nicalicuíng' Fí'naa' Dsea` Jmáang- i láang` dsea` jee` jalé' dsee- quiá'r-, jo la'eáang' cóo' e joba' nica'naang' yaaiñ~ jee` jalé' e 'li' e jmóo` dsea` fí' jmigüi' la, jo dsu' song caquing'-tu i dsea` do e fí' ga` do jo cajmée'tur jalé' e 'li', jogui niquíá'-tu ta' quiá'r- jalé' e jo, joba' eáang'gui ga` ni'uíng- quiá'r- laco'gui lami~ jéeng'gui ie~ lami~ ná'-gui e nilicuíñ` Dsea` Jmáang-. ²¹ Joba' guiá'-gui quiá'- jaléng' i dsea` la'í fa' e ja` mí' canaañ` e teáañ` fí' guiá'- cóo' Dsea` Jmáang- laco'gui catú'tur jalé' e nicanquíñ` do mi~ nicalicuíñ` dsea` do jogui e nicasíñ` yaaiñ` fí' guiá'- cóo'ñ` do. ²² Co' nicalitib~ cóo' jaléng' i dsea` la'í lajii~ júu^ e róo` e fé' lala: "Yaam~ dsii' gø'ture' ñu~ quiáa-re' e ñú're' do"; jogui "Jaang` cú' i dseáng'- lalí- calá'- nitáang'-tu 'ña're' jee~ jmijii~".

3

Mi~ nijáa'tu Fí'naa' Dsea` Jmáang- fí' jmigüi' la

¹ Joba' fii-gui 'nú', dsea` rú'naa' dsea` quiá'- Dsea` Jmáang- i iin~n eáang', la catí túb- e jì la e jmo'o e catíng-na'. Jo e jì la cóo'gui e lami~ jéeng'gui do jmo'o e laco' ni'í- áa'na' røø jogui e ni'ee-na' guiá'- laco' catíng- e jmóo` dsea` quiá'- Dsea` Jmáang-. ² Jogui iin~n e jmiguiéng' áa'na' jalé' e júu^ e casée' jaléng' i dsea` i café' cuaiñ~ quiá'- Fidiée' mali~gui eáang', jogui cajo iin~n e nitó` óo'na' lajii~ júu^ quiá'- Fí'naa' Dsea` Jmáang- i láang' jneaa'aa' jee~ dsee- qui'ii'; jo jaléng' i dsea` apóo`bing' i ca'e' jneaa'aa' jalé' e júu^ jo.

³ Jo e lab e niing-gui e 'né- e nitó` áa'na' nifí' quiá'- e júu^ la, e mi~ tí li~ nijaquíéeng' e ni'íng- jmigüi', nijalíng- jaléng' dsea` e lí' niliseeiñ` e jmóor` lajii~ e ga` e lí' dsíir' yaam~bre, jogui jaléng' i dsea` la'í nijmér- ta' lóø` cóo' jalé' júu^ güeang'^ quiá'- Fidiée' jogui cóo' dsea` quiá'r- cajo, ⁴ jo nijmér- ta' jmíng' lala cóo' júu^ e lóø` : "¿E~gui calí- cóo' lajii~ júu^ e sisée^ e quiá'- sí'í e nijáa'tu Dsea` Jmáang- calé' catú- fí' jmigüi' la? Dsu' ningóo'jiu jii' e cajúng- Dsea` Jmáang- do, jo ja` e lí' e nigüéeng-tu dsea` do fí' la, dsuco' ja` ee' sisíng^ jii~ cóo' jalé' e sea` fí' jmigüi' la, co' røøb' lí' laco' lí' lami~ uíng~ do lí' lana cajo." ⁵ Jo dsu' o' já'- e laco' fé' i dsea` do, co' 'né- e ní- 'nú' e jaléng' i dsea` la'í ja` iin~ fa' e nicár` cuente e latí' lajii~ mali'ba' nisea' latøøng- yá' jmigüi' la'eáang' cóo' júu^ quiá'- Fidiée', jo la'eáang' cóo' ta' e caquiá' Fidiée'ba' cajo e cagüi'fí' guóo' uó^ fí' é' jmii, jogui la'eáang' cóo' jmii'ba' cajmээр e jo cajo. ⁶ Jo ie~ mali' do ca'ím- jaléng' dsea` jmigüi' la'eáang' cóo' jmii' cajo, co' ca'á' jmii' fí' ni' la'úng- guóo' uó-. ⁷ Jo dsu' latøøng- jmigüi' cóo'gui guóo' uó- e sea` lana nisisée^ e quiá'- e nicób', co' lajob ta' e caquiá' Fidiée' e nilí. Jo cóo' e jì job nicáng` dsea` mi~ tí li~ nití' í' e niquidsí Fidiée' í' quiá'- lajaang' lajaang' dsea` jmigüi', jo ie~ job mi~ ni'íng^ jaléng' dsea` i ja` calinúu~ jalé' júu^ quiá'- Fidiée'.

⁸ Jogui fii-bii 'nú' e la, dsea` rú'naa' i iin~n eáang', jie~ mí' íng- áa'na' e la: Røøb' tí' quiá'- Fí'naa' Dsea` Jmáang- e cóo' jmii' osi cóo' mil jii' é, co' líng- dsea` do e lafa' cóo' jmii'b~ quiá'r- e cóo' mil jii' do, jogui e cóo' mil jii' do líiñ~ lafa' cóo' jmii~ tøøm-. ⁹ Jo ofa' jmi'íng- Fí'naa' Dsea` Jmáang- e nijmitir~ lajii~ júu^ e nicacuø' lami~ jéeng'gui laco'gui í' dsí' i líng- dsea', dsu' o' lajo, co' e eáang' féng' dsí' dsea` do, co' ja` iin~ fa' lí' e nidsilíng' jii~ jaang' dsea` lajo fí' lí' 'li', dsu' iing~ dsea` do e lajim` dsea` niquí'- nijíng' yaaiñ` fí' quini' Fidiée', jo lajoba' ni'náng` dsea` jee~ jalé' dsee- quiá'r-.

¹⁰ Dsu' dseáng'- jáb'- e nijaquíéem' e jmii~ e nijáa'tu Fí'naa' Dsea` Jmáang- calé' catú- fí' jmigüi' la, jo jii~ ja` ii~ nililí', co' nijáar' lajee' ja` ñiiñ` dsí' dsea` laco' mi~ ngí' jaang' dsea` i jmóo` ii~ mi~ uóø. Jo ie~ job mi~ ni'ii~ eáang' car' niféng' dsea` mi~ ninga' la'úng- fí' yá' jmigüi', jogui ni'ím- jaléng' i seeng' fí'

yá' do cajo, cō' nicám`bre cōo' jì, jogui lajōbi guóo' uó' cōo' jalé' e sea` fí' jō, nicób' cōo' jì' cajo.

¹¹ Jō cō' lajib` e sea` fí' latøng` jmigüi` nicó' cartí' ni'ling`, jōba' 'né' e ni-jmiñing` áa'na' e ni'naang` yaang`na' jee` jalé' dsee` quí'na', jogui contøom` 'né' jmée`na' lajii` e iing` Fidié` car` ngocáng` óo'na'. ¹² Jō jmée`na' jalé' e jō lajee` e nisijeem`ba' e jmii` e nijáa'tu Fidié` fí' jmigüi` la, jō jmi'úum`ba' e nigüea` lajminá` e jmii` jō. Jō mi` nití` e jmii` jō, ni'ím` la'úng` jmigüi` cō' nicób', jogui jaléng' i seeng` fí' yá' jmigüi` nijmám`bre cōo' e niing` jì' do cajo. ¹³ Dsu' jneaa`guí', dsea` lí'naa' dsea` quía'` Dsea` Jmáang`, sijeeng`naa' jmigüi` e 'máb` cōo'`gui guóo' uó' e 'máb` cajo lí' laco' lajii` júu` e nicacuø' Fidié` lami` jéeng`gui e nicacuø'r' jneaa`aa', jō lajalém' i niliseeng` e fí' jmigüi` 'mii` do líiñ' i guiúng` i jmóo' lajii` e iing` dsea` do jogui i güeang`.

¹⁴ Jōba' fii`guí' 'nú', dsea` rú'naa' i iin`n eáang', e lajee` e sijeeng`na' jalé' e jō, jmee`ba' úung` quí'na' e nijmée`na' jmang' e guiá' e laco' mi` nigüéeng`tu Fidié` fí' jmigüi` la calé' catú`, e niguiéiñ' 'nú' e seem`ba' juguiá` júu` røø` e ja` si'ling`na' fí' quinir` jogui e ja` dsee` røøng`na' jii` cōo'. ¹⁵ Jogui téé' áa'na' e contøom` féng' dsí' Fii'naa' Dsea` Jmáang` e laco' tí'bi niquí'` nijíng' yaang`na' fí' quini` dsea` do e laco' nilí'na' nileáng`na' jee` jalé' dsee` quí'na'. Jō quía'` lajōbi cajo, jaang` dsea` rú'naa' dsea` quía'` Dsea` Jmáang` i iin`naa' eáang' i sii' Paa` nicajme'r' jalé' jì' e quía'` jial laang` dsea` jee` dsee` quía'r` lí' laco' jii` e cacuø' Fidié` quía'r` e tiiñ` ngáiñ'. ¹⁶ Jō fí' ni` jalé' e jì' e nicajme' dsea` do, røø` nicaféiñ' 'nú' cuaiñ` quía'` lajì' e júu` e quía'` jial laang` dsea` jee` dsee` quía'r`, nañí' fa' jee` e jì' jō sea`bi e huíng' e ningáng' jaléng' i dsea` i ja` ngáng' e júu` jō cōo'`gui jaléng' dsea` i ja` mí' teáng` teá' cōo'` jalé' e júu` jō cajo, cō' jaléng' i dsea` la'í' lí' riquib' fé'r' e` guóng' e júu` e er' do, jogui jmisím`bre cajo e` guóng' e júu` quía'` Fidié` caguiee`gui do, dsu' mi` jmóor` lajō lico' guiéng' yaaiñ` fí' lí' 'lí' latab`.

¹⁷ Jōba' fii`guí' 'nú', dsea` rú'naa' dsea` quía'` Dsea` Jmáang` i iin`n eáang', cō' 'nú' dseáng'` niñí'ba' guiá' jial lí' e júu` la, jōba' fii`i 'nú' e jmeéang`na' í' yaang`na' e laco' ja` nijmigøøng` dsea` 'nú' e laco' fa' e nilí'r' e nitiúung`na' Fii'naa' Dsea` Jmáang`. ¹⁸ Dsu' 'nú' lí' lí' 'né' e nijmicuíim`bi' eáang`gui Fii'naa' Dsea` Jmáang`, cō' íb` dsea` láang` jneaa`aa' jee` jalé' dsee` quí'ii', jogui 'né' e niline`guí' jial tí' 'neáng` dsea` do jneaa`aa', dsea` i ja` catíng` lajō. Jōba' majmifém'baa' dsea` do contøøng` jogui lajōbi lata`!

Jō lajōbi nilí'.

Jō lanab` jii' fé' jì' e catí' tú' quía'` Tú' Simón.

Ji' la'uii~ e cajme' JUAN

E~ uiing~ e calt~ e ji' la

¹ Lalab fii~i 'nú' e fi' ni~ ji' la cuaiñ~ quiá'- jaang~ i niseeng~ lajii~ mi~ nú'-gui nitiroo~ jmigüi. Jo dsea` í dseáng'- nicaná'baa' jial fé'r, jogui nicanem~baa'r dseáng'- quini~naa' lana, jogui nicalé'naa' cuente e dsea` la jneaa~aab' líiñ', co' quiá'- lanab nicalisé'naa' cóo'r~ la'ó' jnea'^, dsea` oo~naa' ta~ quiá'- Fidié'. Jo dsea` íb` Dsea` Jmáang~ i cuø' e ee~ dsea` lata~ cóo'~ Fidié'. ² Jo i dsea` i cuø' e jo dseáng'- nica'éem' 'ñia'r' fi' jmigüi la, jo nicanem~baa'r, joba' nicaníi~naa' júu^ quiá'- jalé' e nicané'naa' quiá'r~; jogui lana guía'naa' júu^ jee~ 'nú' quiá'- i dsea` i cuø' e ee~ dsea` lata~ cóo'~ Fidié' do, jo dsea` íb` cajo i caguá' fi' ñiff~ lamí~ jéeng'gui cóo'~ Tiquiá'r^, jogui i Tiquiá'r^ do nica'éem~bre dsea` do jee~ jneaa~aa' fi' jmigüi la. ³ Jo lajob júu^ e guía'naa' jee~ 'nú' quiá'- lajii~ e nicané'naa' jogui lajii~ e nicaná'naa' quiá'- dsea` í, co' ii~naa' e 'nú' seeng'na' cøøm` cóo'~ jnea'^ laco'gui jnea'^ cøøm` see~naa' cóo'~ Tiquí'ii' Fidié' dsea` guing~ ñiff~ colüing~gui cóo'~ Jóor' Dsea` Jmáang~. ⁴ Joba' jmo'naa' jalé' e júu^ la quí'na' e laco' nicuø' e íaang` dsi'naa' laco' si'í'.

Fidié' líiñ' jaang~ i jing' jlo'

⁵ Jo e lab e júu^ e ca'e' Dsea` Jmáang~ jnea'^, jo e job e ee~naa' 'nú' lana, e Fidié' líiñ' jaang~ i jing' jlo'^, jo jii~ capí'^ e nuu` só' ja` sea` quiá'r-. ⁶ Jo mi~ fé'naa' e cøøm` see~naa' cóo'~ Fidié', jogui dsu' lajee~ jo beám~ dsee~ yee~naa' laco'gui la jmoo` i dsea` i seeng' fi' lí' nuu` só', joba' jmigøøm` yee~naa' cóo'~ e fé'naa' do jóng, co' ja` jmoo~naa' laco'gui la iing~ Fidié' e nijmó'oo'. ⁷ Dsu' song see~naa' cøøng` cóo'~ Fidié' i jing' jlo'^ do, joba' cøøm` see~naa' lajee~ la'ó' rú'naa', dsea` lí'naa' dsea` quiá'- Dsea` Jmáang~, jogui nileám'baa' jee~ dsee~ quí'ii' la'eáng` cóo'~ jmi'øøng~ Jesús i líng' Jóo' Fidié' e catuu~ mi~ cajúñ~.

⁸ Jo mi~ fé'naa' e ja` dsee~ røø~naa' jii~ coo', joba' lí' lí'^ jmigøøng` yee~baa' jóng, co' ja` lé'ee' júu^ já'- quiá'- Fidié'. ⁹ Jo dsu' song jmoo~baa' júu^ røø` uii~ quiá'- jalé' dsee~ quí'ii' fi' quini~ Fidié', joba' dseáng'- nisita` dsi'naa' e guiáb~ ee' Fidié' cóo'~ jneaa~aa', jogui jmiti~bre júu^ quiá'r~ e ím~bre jalé' dsee~ quí'ii' jogui láaiñ' jneaa~aa' jee~ jalé' e ga' e jmoo~naa'. ¹⁰ Jo dsu' song fé'naa' e ja` dsee~ mi' ca'ee~naa' jii~ coo', joba' lí' e lafa' fé'naa' e adseaam` Fidié' song lajo; jo ja` lé'ee' dseáng'- lajang'- júu^ já'- quiá'- dsea` do song lajob fé'ee'.

2

Dsea` Jmáam~bing' mi' Fidié' cuaiñ~ quí'ii'

¹ Dsea` rú'naa' i 'neáan`n eáng', jmo'o e júu^ la e catüing~na' e laco' ja` ee~na' dsee~. Jo nañi' fa' sea~bre mi~ jiung'na' ni~ dsee~, dsu' seem` jaang~ i jmicóo'~ jneaa~aa' i mi' Tiquí'ii' dsea` guing~ ñiff~ cuaiñ~ quí'ii', jo íb` Dsea` Jmáang~ i ee' guiá' do. ² Jogui dsea` íb` i cajung~ fi' dse' crúu^ e laco' ca'íng~ lajii~ dsee~ quí'ii' e røø~naa' fi' quini~ Fidié'. Dsu' o' jii~ dsee~ quí'ii' yee~ee' dsea` lí'ii' dsea` quiá'- Dsea` Jmáang~ e ca'íñ~, co' lajob ca'íñ~ dsee~ quiá'- lajüing` dsea` jmigüi cajo.

³ Jo song núu'baa' jalé' júu^ quiá'- Fidié', joba' nisita` dsi'naa' e nicalicuim~baa're jóng. ⁴ Jo song seeng` dsea` jín' e cuim~bre Fidié' jo dsu' ja` núu'r~ lajii~ júu^ quiá'- dsea` do, joba' i dsea` í líiñ' jaang~ i adseaang~, co'

ja`quier` júu` já`-` quiá`-` Fidiéé` . 5 Jo dsu' song seeng`gui dsea` i contøom` núu` júu` já`-` quiá`-` dsea` do, joba' lita` dsi`naa' e dsea` i` 'neáam`bre Fidiéé` laco' si'í'; jo song jmoo`baa' lajo, joba' line`naa' e cøom` see`naa' cóo`-` Fidiéé` . 6 Jo song seeng` dsea` i` jing`-` e cøom` seeiñ` cóo`-` Fidiéé`, joba' 'né` ni'ér` laco'gui ca'ée` 'ñia'` Dsea` Jmáang` fi` jmigüí` la.

Júu` 'né` liti` e nisea` lati` mi` uiing`

7 Dsea` rú`naa' i` 'neáan`n eáang`, ja` lí` laco' coo` júu` 'máí` e júu` e 'né` liti` quiá`-` Fidiéé` e jmo`o la e catíng`na', co' e lab cajo e ca'íng`-` 'nú` lati` mi` calicuíng`na' Dsea` Jmáang` . Jo e júu` e 'né` liti` do ja` sisíng` cóo`-` e júu` e ca'íng`-` 'nú` lami` jéeng`gui do. 8 Jogui dsu' e júu` e 'né` liti` e jmo`o la quí`na' lana laco' coo` júu` 'máí` lí'; jo dseáng`-` jáb`-` e júu` jo, jo cajmitib` Dsea` Jmáang` laco'gui jmití` 'nú` cajo, co' nicango'ím` e nuu` só` do, jo lana nicanaang` jing` i` jing` jlo` do.

9 Jo song seeng` dsea` i` jing`-` e cøom` seeiñ` cóo`-` i` jing` jlo` do jo dsu' 'ní` níim`bre dsea` rúíñ`, joba' i` dsea` i` fi` lí` nuu` só`'bi seeiñ`. 10 Jogui i` dsea` quiá`-` Dsea` Jmáang` i` jmi'neáang` rúng`, cøom` seeiñ` cóo`-` i` jing` jlo` jo ja` e uiing` sea` quiá`r` e nitéiñ` fi` ni` dsee`. 11 Jo dsu' i` dsea` i` 'ní` níng` rúng` do, seem`bir e jmóor` laco'gui la jmóo` dsea` i` seeng` fi` lí` nuu` só`; jo jíí` ja` ñir` jie` fi` lí` ngóor`, co' fi` lí` nuu` só` dob seeiñ`, joba' lí` lafa' tiuum`bre.

12 Dsea` rú`naa' i` lafa' jóo`o, jmo`o e júu` la e catíng`-` 'nú` quiá`-` e jmiguiéng` áa`na' e nica'ím` Fidiéé` dsee` quí`na' la'eáang` cóo`-` jalé` e calíng` Dsea` Jmáang` fi` dse` crúu`. 13 Jogui jmo`guí` e júu` la quí`-` 'nú', dsea` líng`na' dsea` cóong`-` jee` dsea` quiá`-` Dsea` Jmáang`, quiá`-` e jmiguiéng` áa`na' e nicuíim`ba' i` niseeng` lajíí` mi` nú`-`gui nitiroo` jmigüí` do. Jogui jmo`guí` e júu` la quí`-` 'nú', dsea` i` ní`lé` cuíng`na' Dsea` Jmáang`, quiá`-` e jmiguiéng` áa`na' e nicalí`ba' e jo` lí` fi` i` 'ling`^ jmigóoiñ` 'nú`.

14 Dsea` rú`naa' i` lafa' jóo`o, nab nicajméé` e quí`na' e laco' nijmiguiéng` áa`na' e nicalicuíim`ba' Tiquí`ii' Fidiéé`. Jogui nicajméé`baa quí`na' cajo jaléng` 'nú', dsea` líng`na' dsea` cóong`-` jee` dsea` quiá`-` Dsea` Jmáang`, e jmiguiéng` áa`na' e nicuíim`ba' i` niseeng` lajíí` mi` nú`-`gui nitiroo` jmigüí` do. Jogui nicajméé`bá quí`-` 'nú', dsea` i` ní`lé` cuíng`na' Dsea` Jmáang`, e jmiguiéng` áa`na' e nica'ím`ba' júu` quiá`-` Fidiéé` car` ngocáng` óo`na', jo ja` mí` catiúung`na' jíí` capí`, jo nicalí`ba' e jo` lí` fi` i` 'ling`^ jmigóoiñ` 'nú`.

15 Joba' fí`guí` jaléng` 'nú` e ja` síng` yaang`na' fi` ga, o'gui jmoo`na' dsináang`na' jalé` e 'lí` e sea` fi` jmigüí`; jo song seeng` dsea` i` jmóo` lajo, joba' i` dsea` i` ja` 'neáaiñ` Tiquí`ii' Fidiéé`. 16 Co' jalé` e 'lí` e lí` dsií` dsea` fi` jmigüí` la ja` jáa` quiá`-` Tiquí`ii' Fidiéé`, co' quiá`-` i` 'lim`^ lí` jáa` do cofa' jalé` e la: mi` lí` dsií` dsea` jalé` e iing` ngúu` táaiñ` fi` jmigüí` la, jogui mi` dsináaiñ` lí` doñí` ee` 'lí` cangár` fi` jmigüí` la, jogui mi` iíñ` e í`bre silí`r` jalé` e jlo` e sea` fi` jmigüí` la e laco' jmiféng` dsea` ír`. 17 Dsu' coob` mi` nití` í` e ni'íng` lajíí` bí` e sea` quiá`-` i` 'ling`^ fi` jmigüí` la colíng` cóo`-` jalé` e 'lí` e dsináang` jaléng` dsea` jmigüí`. Jogui jaléng` i` dsea` i` jmóo` jíí` e iing` Fidiéé`, latab` niliseeiñ` cóong` cóo`-` dsea` do.

Jial`ñí` dsea` jnang` júu` e já`-` jogui` jnang` júu` e o'` já`-`

18 Dsea` rú`naa' i` 'neáan`n eáang`, lana nijaquíéng` e tí` lí` ni'ím` jmigüí`. Jogui nicanúub` 'nú` e nú`-`guijia e jo, nijáa` jaang` dsea` i` 'ling`^ i` 'ní` ní` quiá`-` Dsea` Jmáang`. Jo nicaliñí`baa' røø` e téeb` róo`gui jmigüí`, co' lati` lanab nicanaang` ngí` fíng` dsea` i` 'ní` ní` quiá`-` Dsea` Jmáang`. 19 Jo jaléng` i` dsea` í` cangotáam`bre jee` jneaa`aa' lami` jéeng`gui, dsea` lí`í` dsea` quiá`-` Dsea` Jmáang`, dsu' catiúum`tur` jneaa`aa'; cofa' mi` ja` cajméer` lajo, joba' quíim`bir

jee~ jneaa~aa' latí lana jóng, dsu' catiúum~bre jneaa~aa'. Jo calí~ lajo e laco' calíñí' dsea` røø` e jíí~ jaang` i dsea` do lííñ' laco' jneaa~aa', dsea` lííñ' dsea` quiá~ Dsea` Jmáang~.

²⁰ Dsea` rú'naa', Dsea` Jmáang~ nicaguíñ' jneaa~aa', dsea` líí'naa' dsea` quiá'r~, e nicangíng'naa' Jmiguí' quiá'r~, jo lajoba' nine~naa' jnang~ dseáng'~ júu^ já~. ²¹ Jo uíing~ joba' jmo'o e jí' la e catíing~ 'nú', dsu' ofa' uii~ e ja` mí' cuí'na' jnang~ júu^ já~; co' 'nú', dseáng'~ røøb` níñí'na' e jo. Jogui ní'bi 'nú' cajo e jíí~ coo` júu^ já~ ja` cuøøng` nigüí'íng' jee~ júu^ e o' já~. ²² Joba' fá' jnea~: ¿í~ i dsea` adseaang` do? Co' íb` i dsea` i fé' e o' já~ e Jesús lííñ' Dsea` Jmáang~. Jo íb` i dsea` i 'ní' ní~ quiá~ dsea` do, dsuco' mí' 'ní' níñ' Joo' Fidiéé' joba' 'ní' níim~bre la quie' Tiquiá' dsea` do cajo. ²³ Jo doñí' íi` i 'ní' níng~ Joo' Fidiéé', lajob 'ní' níñ' Tiquiá' dsea` do cajo; dsu' i dsea` gui i fé' e jáb~ e Dsea` Jmáang~ cagüéíñ~ e lííñ' jaang` dsea` jmigüí, joba' dsea` do e já~ba' cuíñ' Dsea` Jmáang~ jóng, jogui nicuíim~bre la quie' Tiquiá' dsea` do cajo.

²⁴ Jo fí~guí 'nú', jie~ mí' tú'na' e júu^ já~ quiá~ Dsea` Jmáang~ e canú~na' latí mí~ uíing~ do. Jo song ja` catiúung'na' e júu^ jo, joba' cøøm` niliseeng'na' cóo~ Joo' Fidiéé' jogui lajobi cóo~ Tiquiá' dsea` do cajo. ²⁵ Jo e lab e júu^ e dseáng'~ nicacuø' Dsea` Jmáang~ jneaa~aa', e nilisee~naa' cøøng` cóo~ Fidiéé' lata~. ²⁶ Jo nicajmée' e e júu^ la quí'na' e laco' nilíñí'na' quiá~ jaléng' dsea` i iing~ nijmigøøng` 'nú' e nisíñ' 'nú' fí' ga. ²⁷ Jo dsu' la'eáng' e seem~ Jmiguí' quiá~ Fidiéé' cøøng` cóo~ 'nú' e cangíng'na' cacuø' Dsea` Jmáang~ do, joba' ja` 'neáng~na' e dsea` jíéng' ní'é' 'nú' laco'gui jíí~ e níñí'na', co' 'ñiab' Jmiguí' quiá~ Fidiéé' e e' 'nú' jalé' e 'né~ nilíñí'na'. Jo jalé' e er' do jmang'~ júu^ jáb~, jo jíí~ coo` fa' lí' júu^ e o' já~. Joba' fí~i 'nú', jie~ mí' tú'na' e seeng'na' cøøng` cóo~ Dsea` Jmáang~ laco'gui nica'e' Jmiguí' quiá~ Fidiéé' 'nú'.

²⁸ Joba' fá'guí dsea` rú'naa' i 'neáan`n eáang', jie~ mí' tiúung'na' e seeng'na' cøøng` cóo~ Dsea` Jmáang~, jo lajoba' nisita` dsí'naa' e jo` 'gó'naa' o'gui i' líng'naa' fí' quinir~ mí~ nigüéeng~tur fí' jmigüí la. ²⁹ Co' níñí'bi 'nú' guíá~ e Dsea` Jmáam~bing' i dseáng'~ ée' guíá~, jogui níñí'bi 'nú' cajo e doñí' íi` dsea` i ée' guíá~ contøøng~, dsea` íb` dseáng'~ i líng' joo' Fidiéé'.

3

Jial lí' mí~ uíing~ dsea` joo' Fidiéé'

¹ Joba' fí~guí 'nú', dsea` rú'naa' dsea` quiá~ Dsea` Jmáang~ i 'neáan`n eáang', níñí'na' jial tí' 'neáang' Tiquí'íi' Fidiéé' jneaa~aa', co' í'bing' nicacuø' jneaa~aa' e líí' laco' joo'bre. Co' e já~, dseáng'~ joo'bre líí'ñí'. Jo uíí~ e lajob líí'naa', joba' jaléng' i dsea` i ja` mí' calicuíng' Fidiéé' ja` cuíñ' jneaa~aa' cajo. ² Jogui lana, dseáng'~ joo' Fidiéé' nilí'ñí'; dsu' ja` ne'ee' røø ee' e nidsijéé' quí'íi' cøøng'gui, lífa' nisítá' dsí'naa' e mí~ nigüéeng~tu Dsea` Jmáang~ fí' jmigüí la, joba' ie~ jo nilí'naa' laco'gui la líng' Fidiéé' 'ñia'r', dsuco' nilíne~baa' jial dseáng'~ líng' dsea` do. ³ Jo doñí' íi` dsea` i nita` dsí' e nilíñí' laco'gui Fidiéé' mí~ nijáatu Dsea` Jmáang~, joba' nijmí'úuiñ' e ní'er~ guíá~ laco'gui dsea` do 'ñia'r'.

⁴ Dsu' doñí' íi` dsea` i beáng' dsee~ yaang~, joba' jmóor' laco'gui dsea` i 'líng' i 'ní' níng' Fidiéé', dsuco' dseeb~ mí' 'ní' níng~ dsea` Fidiéé'. ⁵ Jo 'náb' níñí'na' guíá~ e cajá~ Dsea` Jmáang~ fí' jmigüí la e caja'íñ' dsee~ quí'baa', jo dsea` íb` dsea` i ja` røøng` jíí~ coo` dsee~. ⁶ Jogui doñí' íi` i contøøm~ seeng` cøøng` cóo~ Dsea` Jmáang~, joba' ja` beáng' dsee~ yaaiñ~. Jogui doñí' íi` i beáng' dsee~ yaang~, joba' dseáng'~ ja` mí' cangáaiñ' dsea` do o'gui cuíñ' dsea` do cajo. ⁷ Joba' fí~guí 'nú', dsea` rú'naa' i 'neáan`n eáang', ja` cuø' fí' yaang~na' e nijmigøøng` dsea` 'nú'; co' song jaang` dsea` éer` guíá~ laco' catíng~ e jmóo' jaang` dsea` quiá~ Dsea` Jmáang~, joba' dsea` guíum~ lííñí', co' guíáb~ éer`

laco'gui 'ñia' dsea` do. ⁸ Jogui song seeng` dsea` i ja` tú e beáng' dsee` 'ñia'r', joba' dsea` quiá'- fi` i 'lim`^ líiñ', dsuco' í'bing' i beáng' dsee` 'ñia' latí' mi` uiing~. Jo uiing~ joba' cajá- Joo' Fidiéé' fi' jmigü' la e laco' ni'liñ` jalé' ta` quiá'- fi` i 'ling`^ do.

⁹ Jo jii'~ jaang` dsea` i líng' joo' Fidiéé' jmóor` ta` jmiróng'gui dsee` 'ñia', dsuco' i dsea` í seeiñ` la'eáang` cóo'~ Jmiguí quiá'- Fidiéeb'; joba' jo` catíiñ` fa' ni'é`guir dsee`-, co' joo' Fidiéeb` nilíiñ'. ¹⁰ Co' nine`baa' røø` i` i líng' joo' Fidiéé' jogui` i` i líng' joo' fi` i 'ling`^ cajo, co' doñí' i` dsea` i ja` ée` guiá' fi' quini` Fidiéé' o'gui jmi'neáaiñ` dsea` rúíñ', joba' i` dsea` í ja` já'- e líiñ' joo' Fidiéé'.

'Né` nijmi'neáam`baa' dsea` rú'naa'

¹¹ Jo latí' mi` uiim` nicanáa` 'ná' e 'né` jmi'neáang`naa' dsea` rú'naa'. ¹² Jo ja` güjmeáang' yee`naa' laco' Caín, dsea` cali'iiñ` e caliñ` dsea` quiá'- fi` i 'ling`^; jo uí' e lajoba' cajngaiñ' jaang` rúíñ' dsea` ngáang' cóo'r~, co' jmang'~ e guiáb` ca'ée` i 'lí` rúíñ' do, jogui 'ñia'r' jmang'~ e gab` ca'éer`.

¹³ Joba' fii`guí 'ná', dsea` rú'naa' dsea` quiá'- Dsea` Jmáang~, ja` güidsigá` óóna' e 'ní' níng` jaléng` dsea` jmigü' i ja` cúing` Dsea` Jmáang` 'nú'. ¹⁴ Jo nine`baa' e jo` lí'guí lafa' 'líng`naa' uí'~ dsee` quí-ii', co' lanagui cøøm` nisee`naa' cóo'~ Fidiéé'. Jo guiáb` nine`ee' e jo, co' jmi'neáam` rú'naa' la'ó' jneaa`aa', dsea` lí'í' dsea` quiá'- Dsea` Jmáang~. Jogui i` dsea` i ja` jmi'neáang` dsea` rúng', lafa' 'líim`bir líiñ' uí'~ dsee` quiá'r'. ¹⁵ Jogui doñí' i` dsea` i jmóo` ta` 'ní' níng` rúng' líiñ' laco' jaang` dsea` i jmóo` ta` jngang' rúng'. Jogui 'náb' niñí'na' cajo e jii'~ jaang` dsea` i jmóo` ta` jngang' rúng' cuøøng` liseeiñ` cøøng` cóo'~ Fidiéé' lata`. ¹⁶ Jo nicuí'baa' jial lí' e jmi'neáang` dsea` rúíñ' do, co' lajob` cajméé` Dsea` Jmáang~ e 'neáaiñ` jneaa`baa' mi` cajáng' 'ñia'r' e cajúíñ` fi' dse' crúu` uí'~ dsee` quí-ii'. Jo lajob` 'né` jmó` jneaa`aa' cajo e nijáang'~ yee`naa' e nijmicóo' rú'naa', jo lajoba' cuø` lí' e jmi'neáam` rú'naa'. ¹⁷ Facó' jaang` dsea` i seab` jalé' e 'né`, jogui ñi`bre cajo e seem` dsea` dseáng'~ laniing` 'né` e licóo'r~, jo dsu' jii'~ cóo' ja` e jmicóo'r` i` dsea` í, joba' ja` 'neáang` i` dsea` do Fidiéé', co' ja` jmicóo'r` i` dsea` rúíñ' do.

¹⁸ Joba' fii`guí 'ná', dsea` rú'naa' i lafa' joo'o, ja` cá'na' júu` ta` júu` e fó'na' e jmi'neáang`na' dsea` rúng'na'; co' la tí' la líb' júu` 'né` cá'na', jo lajoba' nililí` e dseáng'~ jmi'neáam` rúng'na'.

Jial ta` dsí' e seé`naa' cóo'~ Fidiéé'

¹⁹ Jo song jmi'neáam` rú'naa', joba' dseáng'~ nitab` dsí'naa' e lí'í' dsea` quiá'- Fidiéé', jo lajoba' nine`naa' røø` e jo` i' lí'naa' mi` nití' fi' quini` dsea` do, co' jmi'neáam` rú'naa'. ²⁰ Jo song i' líim`baa' fi' quini` Fidiéé' uí'~ e jmoo`naa' jalé' e ja` catíng` do, joba' güiguiéng' dsí'naa' e dseáng'~ dsea` féng' líiñ' jogui niñir' lajalé'. ²¹ Joba' fii`guí 'ná' dsea` rú'naa' i 'neáan` eáang', song ta` dsí'naa' e ja` i' líng`naa' fi' quini` Fidiéé', joba' nitab` dsí'naa' e ja` 'né` jmó`oo' 'gó'naa' fi' quinir' mi` féng'~naa'r` jóng. ²² Joba' mi` mí'naa' Fidiéé' lí' doñí' ee', núu`bre júu` quí-ii' jo lajoba' ngím`baa', co' núu`baa' júu` quiá'r` e 'né` liti` do, jogui jmoo`baa' jalé' e iáang` dsíir' cajo. ²³ Jo e lab e júu` quiá'- Fidiéé' e 'né` liti` do, e nijáang'~ yee`naa' fi' jaguó' Fí'naa' Dsea` Jmáang~, jogui e nijmi'neáang`na' dsea` rú'naa' laco' ta` quiu' Fidiéé'. ²⁴ Jo doñí' i` dsea` i núu` jalé' júu` e 'né` liti` quiá'- Fidiéé', joba' cøøm` seeiñ` cóo'~ Fidiéé', jogui dsea` do seem`bre cøøng` cóoiñ' do cajo. Jo ne`baa' e seem` Fidiéé' cóo'~ jneaa`aa' la'eáang` cóo'~ Jmiguí quiá'r` e nicangíng`naa' do.

4

Jial lí' Jmiguí quiá'- Fidiéé' jogui jial lí' bí' quiá'- dsea` i 'ling`^

¹ Joba' fñ-guñ 'nú', dsea' rú'naa' i 'neáan'n eáang', ja' já'- güilíng'na' quiá'- jaléng' dsea' i fé' e la'eáang' cóo' Jmiguí' quiá'- Fidié'ba' guiar' e júu' quiá'r- do, co' la'uii' jang'- cá'na' cuante su e júu' e guía' i dsea' do guiar' la'eáang' cóo' Jmiguí' quiá'- Fidié' osi la'eáang' cóo' bñ quiá'- i dsea' i 'ling'^ dob é. Co' fñm' dsea' niseeñ' lana e jmigóor' e fé'r' cuaiñ' quiá'- Fidié', dsu' o' já'- e lajo. ² Jo niliñib' 'nú' i i guía' júu' la'eáang' cóo' Jmiguí' quiá'- Fidié': co' doñí' ii' i jing'- e já'-ba' cagüéng' Dsea' Jmáang'- fí' jmigüi' e líiñ' jaang' dsea' la jneaa'aa', dsea' líi' dsea' jmigüi', joba' dsea' íb' i guía' júu' la'eáang' cóo' Jmiguí' quiá'- Fidié'. ³ Jo doñí' ii' i fé' e ja' já'- e Jesús cagüéñ' lajo, joba' i dsea' í ja' fé'r' la'eáang' cóo' Jmiguí' quiá'- Fidié', dsuco' fé'r' la'eáang' cóo' jmigüi' quiá'- i 'ling'^ i 'ní' ní' quiá'- Dsea' Jmáang'. Co' nináub' 'nú' lamí' jééng'gui e dseáng'- nisi'í' quijgeáam' bñ quiá'- i dsea' i 'ling'^ do jee' dsea' jmigüi', jo latí' lana, lab niqijgeáaiñ' fí' jmigüi' la.

⁴ Dsea' rú'naa' i lafa' jóo'o, 'nú' seeng'na' la'eáang' cóo' Jmiguí' quiá'- Fidié', joba' ja' mí' calí' i dsea' i ngí' ta' jmigóo' do fa' nicajmigóoñ' 'nú'; dsuco' 'gøng'gui Jmiguí' quiá'- Fidié' e seeng' jee' 'nú' laco'gui bñ quiá'- i dsea' i 'ling'^ i quijgeáang' jee' dsea' i ja' cuíng' Fidié'. ⁵ Jo jaléng' i dsea' i ngí' ta' jmigóo' do líiñ' dsea' i ja' cuíng' Fidié', jogui fé'r' quiá'- laji' e ia' e ligøøng' dsea' e sea' fí' jmigüi' la, joba' jaléng'gui dsea' i ja' cuíng' Fidié' tib' dsír' núur' e júu' jo. ⁶ Dsu' jneaa'guñ', dsea' quiá'- Fidiéeb' líi', joba' doñí' ii' dsea' i cuíng' Fidié' tib' dsír' núur' júu' qui' ii'. Jogui i dsea' i ja' cuíng' Fidié' ja' jí'r' júu' qui' ii'. Jo job' lí' line'naa' i i dsea' i fé' la'eáang' cóo' Jmiguí' quiá'- Fidié' jogui i i fé' la'eáang' cóo' bñ quiá'- i dsea' i 'ling'^ do.

Jaang' i 'néeb' líng' Fidié'

⁷ Jo fñ-guñ 'nú', dsea' rú'naa' i 'neáan'n eáang', e dseáng'- 'né' e ni-jmi'neáang'naa' dsea' rú'naa', dsuco' lajob' cangüing'naa' cacuø' Fidié' jneaa'aa'. Jo jalém' dsea' i jmi'neáang' rúng', dseáng'- já'-ba' nicuíim'bre Fidié', joba' jóo' dsea' dob nilíiñ'. ⁸ Co' doñí' ii' i ja' jmi'neáang' rúng', joba' ja' mí' calicuíñ' Fidié', co' jii' dsea' íb' dsea' líiñ' jaang' i 'néeb'. ⁹ Jogui laco' nililí'naa' jial tí' 'neáaiñ' jneaa'aa', joba' Fidié' casíñ' i jóor' camíng' do fí' jmigüi' la e laco' la'eáang' ír', cøøm' nilisee'naa' cóo' Fidié' lata'. ¹⁰ Jo lajob' líne'naa' jial tí' 'neáang' Fidié' jneaa'aa'; dsu' jneaa'aa' ja' cajmi'neáang'naa' dsea' do la'uii', co' íbre dsea' cajmi'neáaiñ' jneaa'aa' la'uii', jo uíng' lajoba' casíñ' i jóor' i cajúng' fí' dse' crúu' do e laco' ca'íng' dsee' qui' ii'.

¹¹ Joba' fñn'túu' 'nú', dsea' rú'naa' i 'neáan'n eáang', e laco' nicajmi'neáang' Fidié' jneaa'aa', lajob' cajo jneaa'aa' 'né' nijmi'neáang'naa' dsea' rú'naa'. ¹² Dsu' e já', jii' jaang' dsea' ja' quí'r' jmí' níiñ' Fidié' dseáng'- lana, jo dsu' song jmi'neáang'naa' rú'naa', joba' seem' Fidié' cóo' jneaa'aa' contøøng', jogui dsea' do jmi'neáam'bre jneaa'aa' laco' sí'í'. ¹³ Jo ne'baa' røø' e cøøm' see'naa' cóo' Fidié' jogui dsea' do cøøm' seeñ' cóo' jneaa'aa' contøøng' la'eáang' cóo' Jmiguí' quiá'r- e nicangüing'naa'. ¹⁴ Jo co' jnea'^ dseáng'- nicane'baa', joba' cuøøng' fe'ee' e já'- e Tiquí'ii' Fidié' casíñ' jóor' Dsea' Jmáang' fí' jmigüi' la e laco' nileáiñ' dsea' jmigüi' jee' dsee' quiáiñ'. ¹⁵ Jogui doñí' ii' i jáb'- líng' jogui fé'r' e já'-ba' e Jesús líiñ' i jóo' Fidié' camíng' i cagüéng' fí' jmigüi' la, joba' i dsea' í cøøm' seeñ' cóo' Fidié', jogui Fidié' cøøm' seeñ' cóo' dsea' do cajo.

¹⁶ Jo co' lajob' líi', joba' dseáng'- nicaline'baa' jogui jáb'- líi' cajo, e eáam' jmi'neáang' Fidié' jneaa'aa'. Jogui co' jáb'- e dsea' do líiñ' jaang' i 'néeb' qui' ii', joba' doñí' ii' dsea' i seeng' i jmi'neáang' rúng', seem'bre cøøng' cóo' Fidié' jogui Fidié' seem'bre cøøng' cóo' dsea' do cajo. ¹⁷ Jo co' nisitab' dsi'naa' e jmi'neáam' Fidié' jneaa'aa' laco' sí'í', joba' jo 'né' jmó'naa' 'gó'naa' mí' nití'

í' e niquidsí Fidiéé' í' quiá'- jalé' dsee- quiá'- dsea, co' laco'gui líng' Dsea' Jmáang- 'ñia'r', lajob lí' jneaa~aa' fí' jmigüü' la cajo. ¹⁸ Jo song see~baa' e Fidiéé' jmi'neáaiñ` jneaa~aa', joba' ja` 'gó'naa' fí' quini~ dsea` do mi~ niquidsir' í' qui'~ii'. Jo co' dseáng'- laco' si'í'b^ jmi'neáang` dsea` do jneaa~aa', joba' jgiéem- e 'gó'naa' do. Jo song ii` jneaa~aa' jáa' qui'~ii' e 'gó'naa', dsu' e jo lí' uii~ quiá'- jalé' dsee- e 'né- qui'baa'. Joba' song eáang' lí'naa' e 'gó'naa', joba' ja` mí' calita~ dsinaa' e 'neáam` Fidiéé' jneaa~aa' dseáng'- laco' si'í'.

¹⁹ Jo co' Fidiéeb~ dsea` la'uii~ cajmi'neáaiñ` jneaa~aa', joba' jmi'neáam`baa' dsea` rú'naa' jogui jmi'neáam`baa' Fidiéé' cajo. ²⁰ Jo song seeng` dsea` i` jing'- e já'-ba' 'neáaiñ` Fidiéé', jo dsu' lajee` jo ta` 'ní' níng- jaléng' dsea` rúm' jmóor', joba' i` dsea` í' líiñ' jaang` i` adseaam`. Co' song jaang` dsea` ja` jmi'neáaiñ` dsea` rúíñ' i` níiñ- contøøng~, joba' ja` quí'r~ jmí~ nijmi'neáaiñ` Fidiéé', co' dsea` dogui ja` mí' cangáaiñ` jii~ coo' née'. ²¹ Jo 'ñiab' Dsea` Jmáang- cajíñ'- e júu^ quiá'- Fidiéé' e 'né- liti~ na: "Doñí' ii` dsea` i` jmi'neáang` Fidiéé', lajob 'né- jmi'neáaiñ` dsea` rúíñ' cajo."

5

Jial lí'naa' e ja` ligøøng-naa' cóo'~ jalé' e 'lí' e sea' fí' jmigüü'

¹ Jo doñí' ii` 'nú' e dseáng'- jáb'- líng'na' e Jesús líiñ' Dsea` Jmáang- i` casíng` Fidiéé' fí' jmigüü' la, joba' i` dsea` í' jóo' Fidiéeb~ líiñ'; cofa' jneaa~aa' jmi'neáam`baa' jaléng' tíquí'ii', joba' la quie' tí' jaléng' rúm'baa' jmi'neáang`naa' jóng. ² Jo nitab~ dsinaa' e dseáng'- jmi'neáam`baa' jaléng' dsea` i` líng' jóo' Fidiéé' mi~ jmi'neáam`bá' Fidiéé' 'ñia'r' jogui núu'~bá' dseáng'- laco' catíng- jalé' júu^ 'né- liti~ quiá'r-. ³ Jo song jmi'neáam`baa' Fidiéé', joba' náu'~baa' e júu^ quiá'r- do; jo o' júu^ ii` e jo fa' ja` quí'~ jmí~ nijmití'ii'. ⁴ Jo jaléng' dsea` i` líng' jóo' Fidiéé', lí'bre e ja` ligøøiñ` cóo'~ jalé' e 'lí' e sea' fí' jmigüü'. Jogui la'eáang' e jáb'- lí'naa' e Jesús líiñ' Dsea` Jmáang-, joba' calí'-baa' e ja` caligøøng`naa' cóo'~ jalé' e 'lí' e sea' fí' jmigüü'. ⁵ Jo jii~ i` dsea` i` já'- líng' e Jesús líiñ' jóo' Fidiéé', jii~ í'bing' lí' e ja` ligøøng` cóo'~ jalé' e 'lí' e sea' fí' jmigüü'.

Júu^ e cacuø' Fidiéé' quiá'- Jóor' Dsea' Jmáang-

⁶ Jo i` Jesús i` líng' Fí'naa' Dsea` Jmáang-, dsea` íb` i` cagüéng- fí' jmigüü' la jo cajgáaiñ- jmí~ jogui catuü` jmi'øøiñ- mi~ cajúíñ- e laco' cuø' lí' quiá'- jalé' ta~ quiá'r- e cajajméer^ fí' jmigüü' la. Dsu' o' jii~ e cajgáaiñ- jmí~ do, co' 'né- laji` túb- colíng~, e cajgáaiñ- jmí~ do cóo'~gui jmi'øøiñ- e catuü` mi~ cajúíñ-. Jo e Jmiguü' quiá'- Fidiéé' do tí' ni~ jogui cuø' júu^ quiá'- jalé' e jo, jogui jmang'- júu^ jáb'- cuø' e Jmiguü' quiá'- Fidiéé' do. ⁷ Jo lí' laco' 'ní' líng' e tí' ni~ do jogui cuø' júu^ quiá'- e jo: ⁸ jo ca'íng' do Jmiguü' quiá'- Fidiéé', jo ca'íng'~gui e cajgáang- Dsea` Jmáang- jmí~, jogui e ca'íng'~gui do e jmi'øøng- e catuü` quiá'- Dsea` Jmáang- mi~ cajúíñ-, jo røøb` júu^ quiá'- laca'íng' do. ⁹ Jogui jáb'- lí'naa' lajii~ júu^ e cuø' dsea` jmigüü' quiá'- lajii~ e cangár-, dsu' e júu^ e cuø'gui Fidiéé' eáang'gui 'né- já'- nilí'naa', co' laniing-gui lí', dsuco' Fidiéé' cuø' júu^ uii~ quiá'- Jóor' Dsea` Jmáam-. ¹⁰ Jo ii` i` já'- líng' e júu^ e cacuø' Fidiéé' quiá'- Jóor', joba' dseáng'- ím'bre e júu^ jo car` ngocáng` dsír'. Jogui ii` i` ja` já'- líng' lajii~ e júu^ e cacuø' Fidiéé' do, joba' lí' lafa' fé'r' e Fidiéé' líiñ' jaang` i` adsee, co' ja` já'- líiñ' lajii~ júu^ e cacuø' dsea` do uii~ quiá'- Jóor' Dsea` Jmáang-. ¹¹ Jo e lab júu^ e cacuø' Fidiéé' jneaa~aa' e cuøøng` see~naa' cøøng` cóo'r~ lata~, jo e jo cacuø'r' jneaa~aa' la'eáang` cóo'~ Jóor' Dsea` Jmáang-. ¹² Jo doñí' ii` i` seeng` cøøng` cóo'~ i` jóo' Fidiéé' do, joba' seem`bre cøøng` cóo'~ Fidiéé' lata~; jogui ii` i`

ja`seeng`cøøng`còo' i Jòo' Fidié' do, joba' ja`seeiñ`cøøng`còo' dsea`do lata`cajo.

Júu`lí`cadséng`e`lá' Juan

¹³ Joba' jmo'o jalé' júu` e tōo` fí` nî` jî` la e catíng` jaléng` 'nú' e laco' niliñ`na' e seeng`na' cøøng`còo' Fidié' lata~, 'nú' dsea`jáb' líng`na' e Jesús dseáng`-já' líiñ` Jòo' Fidié'.

¹⁴ Jogui nitab`dsi`naa' mi` líng` ee` mî'naa' Fidié' e cøøng`còo' lajii` e iñ` 'ñia'r, joba' núu`bre júu` quí`ii'. ¹⁵ Jo mi` dseáng`-nine`baa' røø` e jáb' núu` Fidié' jalé' júu` quí`ii', lajoba' nita`dsi`naa' e dseáng`-nicang`m`baa' lajii` e nicamî'naa're do.

¹⁶ Jo song jaang`dsea`nir` e jaang`gui dsea`rúin` éer`dsee-, jo song e dsee- jo ja`jmóo` e 'naang`dsea`còo' Fidié' lata~, joba' 'né`nim'r` Fidié' uii` quíá'- i dsea` í` e laco' nitúin` do e jo, jo lajoba' Fidié' nicuør` e niliseem`biñ` do cøøng`còo'r` song e dsee- e sea` quíá'- dsea`do ja` lí' quíá'- còo` dsee- e jmóo` e 'naang`dsea`còo' Fidié' lata~. Dsu' e já'-, seab`dsee- cajo e jmóo` e 'naang`dsea`còo' Fidié' lata~, jo ja`fá'a e 'né`mî'naa' Fidié' uii` quíá'- e dsee- jo. ¹⁷ Dsu' jaléb` e ga` e jmóo` dsea`, dseeb` lí' fí` quini` Fidié'; dsu' seab` e dsee- do e ja`jmóo` e 'naang`dsea`còo' Fidié' lata~.

¹⁸ Jo nine`baa' røø` e jaléng` dsea` i fé' e já'-ba' Fidiéeb` dseáng`-líng` Tiquiá'r, joba' jo` beáng`gui dsee- yaaiñ~, dsuco' 'ñia' i Jòo' Fidié' dob nijmóo` í` ír, jo lajoba' jo` dsiquiéeng` fii` i 'líng` cáaiñ` e nijmeáng`neiñ` ga`.

¹⁹ Jogui nine`baa' røø` e jòo' Fidiéeb` lí'í, jogui lajüng` dsea` i ja` jí' Fidié', fii` i 'líim`bing' quie` nifi` quíá'r. ²⁰ Jogui nine`bí' cajo e nicagüem` i 'ñia' Jòo' Fidié' do fí` jmigüí` la e laco' cacuør` jneaa`aa' e nilicuíng`naa' dseáng`- i Fidié' i já'- do. Jo lana cøøm` nisee`naa' còo' i Fidié' i já'- do jogui còo' i Jòor` Dsea` Jmáng` do cajo. Jo í'bing' líng` dseáng`- i Fidié' i já'- do, jo la'eáng` còo' íb` cajo ngíng`naa' e see`naa' cøøng`còo' Fidié' lata~. ²¹ Joba' liúung`guí` 'nú', dsea` rú'naa' i lafa' jòo`o, jmee- í` yaang`na', jo ja` güiligøøng`na' e nijmiféng`na' dié` i o' já'-.

Jo lajob`nilí`.

Jo lanab`jii` fé' jî` la'uii` quíá'- Juan.

Ji e cati tú e cajme' JUAN

Jial 'neáng dsea` rúñ' la'eáng e já' lúñ' júu` quiá' Dsea` Jmáng`

¹ Jnea` sii` Juan, jo` lín`n jaang` dsea` féng` i` quie` nifí` jee` dsea` quiá'` Dsea` Jmáng` , jo` jmo`'o e` jì` la e` catíng` 'nú', dsea` i` nicaguíng` Fidié` e` ca'uíng` na' dsea` quiá'` Dsea` Jmáng`. Jo` dseáng`- lajam`-ba' e` 'neáng` jnea` 'nú', jo` o' jíi` jnea` cajo, co' lajob` jaléng` guí` dsea` i` nica'íng` júu` quiá'` i` Fidié` i` já'` do.

² Jo` dseáng`- 'neám`baa` 'nú', co' seem` fí` dsi`naa' e` júu` quiá'` i` Fidié` i` já'` do, jo` dseáng`- contøøm` nilisea` e` júu` jo` fí` dsi`naa'. ³ Jo` mñi` i` Tiquí`ii' Fidié` colíng` guí` cóo'` JÓo'` Dsea` Jmáng` e` nijmigüeiñ` 'nú' jogui` e` nilí` fñi` lúñ` 'nú' jogui` e` nicuó'r` 'nú' juguiá` júu` røø. Jo` jaléb` e` na` nicuó'r` 'nú', dsea` jáb`- líng`na' júu` quiá'` i` Fidié` i` já'` do jogui` jmi`neám`bi` rúng`na' cajo.

⁴ Jo` eám` cali`iáng` dsii` mi` calicuíng` rú`naa' cóo'` cóo'` tú` máng` dsea` quiá'` Dsea` Jmáng` i` neáng` fí` na e` seem` bir` cøøng` cóo'` júu` quiá'` i` Fidié` i` já'` do, co' lajob` júu` e` 'né` liti` e` nica'íng`-naa' quiá'` dsea` do. ⁵ Jo` lana` fñi`-guí` 'nú', dsea` rú`uu', e` 'né` nijmi`neám`ba' dsea` rú`naa'. Jo` lajaléb` e` júu` e` jmo`'o na` quií`-na' ja` lí' cóo'` júu` e` 'né` liti` e` 'mñi`, co' e` job` cajo e` ca'íng`-naa' latí` mi` uíng` do. ⁶ Jo` song` see`-naa' e` jmi`neám`baa' Fidié` cóo'` guí` jaléng` dsea` rú`naa', lajoba' náu`-naa' jalé' júu` e` 'né` liti` quiá'` Fidié`. Jo` e` lab e` júu` e` 'né` liti` e` caná`naa' latí` mi` uíng` do e` quiá'` nilisee`-naa' e` jmi`neám`baa' Fidié` cóo'` guí` jaléng` dsea` rú`naa'.

Jial líng` dsea` i` ngí` ta` jmigóo`

⁷ Jo` fñi` i` 'nú' cajo e` fñim` dsea` ngir` ta` fé' e` o' já' e` caguéng` Fí`naa' Dsea` Jmáng` fí` jmi`guí` la e` lúñ` jaang` dsea` jmi`guí`. Jo` jaléng` i` dsea` íb` ngí` ta` jmi`góo` jogui` 'ní' níim`-bre Dsea` Jmáng` cajo. ⁸ Jo` ñiing` áa`na' jo` ja` güilígøøng`na' quiá'` i` jmi`góo` do, co' song` lajo, joba' ja` uíng` nilisea` lajii` ta` quií`-na'. Jo` ñiing` áa`na' cajo jie` mí` tú`na' lajii` guíe` quií`-na' e` nisi`í' Fidié` e` nicuó'r` 'nú', dsea` líng`na' dsea` quiá'r`. ⁹ Jo` doñi` ii` dsea` i` ja` náu` o'gui` seeiñ` cøøng` cóo'` jalé' júu` e` e' Dsea` Jmáng`, joba' i` dsea` í` ja` seeiñ` cøøng` cóo'` Fidié`; jo` dsu` i` dsea` guí` i` seeng` cøøng` cóo'` e` júu` e` e' Dsea` Jmáng` do, joba' seem`-bre cøøng` cóo'` Tiquí`ii' Fidié` colíng` guí` cóo'` i` JÓo'` dsea` do. ¹⁰ Jo` song` ii` dsea` jalíng` i` iing` ní`é' 'nú' júu` e` ja` cøøng` cóo'` e` júu` quiá'` Dsea` Jmáng` do, joba' ja` ní`íng`-na're fí` sináú` quií`-na' o'gui` fong`-na're, ¹¹ dsuco'` song` ca'íng`-na're, joba' lí' lafa' røøb` cøøng`na' cóo'r` jogui` cóo'` jalé' e` jmóor` do.

Júu` lí` cadséng` quiá'` Juan

¹² Jo` jmi`gui`bi` sea` jalé' e` 'né` nifí` i` 'nú' lí' ja` 'goo` tí` dsii` e` nijméé' e` jalé' e` jo` fí` ní` jì` la; co' e` eáng` guí` iin`n e` nii`baa` ní`ee` e` 'nú' fí` na e` laco'` cuøøng` sií`naa' dseáng`- quini`naa' lana, jo` lajoba' nili`iáng` dsi`naa' dseáng`- laco'` sí'í'.

¹³ Jo` jaléng` dsea` i` nicaguíng` Fidié` i` líng` dsea` quiá'` Dsea` Jmáng` i` neáng` fí` la` guíe`iñ` júu` guicóo'` quií`-na', dsea` neáng`na' fí` na.

Jo` lanab` jíi` fé' jì` e` cati` tú` quiá'` Juan.

Ji' e catí 'ní e cajme' JUAN

Júu' e catíng- jaang' dseañu' i sii' Gayo

¹ Jnea' sii' Juan, jo lín'n jaang' dseañu' fég' i quie' nifí jee' dseañu' quiá' Dseañu' Jmáang-, jo jmo'o e ji' la e catíng- 'nu', Gayo, jaang' dseañu' rún'n i 'neáan'n eáang'.

² 'Nu' Gayo lín'n jaang' dseañu' rún'n i 'neáan'n eáang', jo mí'i Fidié' e guiá' bi nidsijé' quiá' lí' lajii' fí' nisin' cóo' Dseañu' Jmáang-, jogui e guiúm' ba' contøng- cajo. ³ Jo eáam' lí' iáang' dsii- mí' güilíng' tu i líng' dseañu' rú' naa' dseañu' quiá' Dseañu' Jmáang- fí' la e jma'r' jnea' júu' e sim' ba' fí' guiá' cóo' Dseañu' Jmáang- jogui e seem' ba' cøng' cóo' e júu' quiá' i Fidié' i já' do. ⁴ Jo ja' sea' quie' e e iáang' gui dsii- laco' gui e iáang' dsii- mí' lí' i' e dseañu' quiá' Dseañu' Jmáang- i líng' lafa' joo' seem' bre cøng' cóo' e júu' quiá' i Fidié' i já' do.

⁵ Jo fí' guí' 'nu', rú' u i 'neáan'n eáang', iáam' dsii- e guiá' ee' e jmicóo' jaléng' dseañu' rú' naa' dseañu' quiá' Dseañu' Jmáang-, jo ja' e lí' e i dseañu' i cajmicóo' do ja' mí' cuín' re jéng' gui. ⁶ Jo mí' cagüilíng' i dseañu' do fí' jee' jaléng' dseañu' quiá' Dseañu' Jmáang- fí' la, nicasíiñ- jial tí' 'neáang' 'nu' dseañu' do mí' cajmicóo' re. Joba' fí' 'nu', jgié' o' e jmicóo' bire cóo' jalé' e 'né' quiá' r- e laco' cuøng' ningí' guir ta' guía' júu' quiá' Dseañu' Jmáang-, co' lajob iáang' dsii' Fidié'. ⁷ Jo jaléng' i dseañu' í, huím- nicangir' e jmóor' ta' guía' júu' quiá' Dseañu' Jmáang-, jo ja' mí' camir' fa' e dseañu' i ja' cuíng' Dseañu' Jmáang- nijmicóo' quiá' r-. ⁸ Joba' jneaa' aa', dseañu' lí' dseañu' quiá' Dseañu' Jmáang-, 'né' nijmicóo' baa' i dseañu' i guía' júu' quiá' Dseañu' Jmáang- do e laco' conrøø niní' guí' júu' quiá' Fidié' i já' do.

Jalé' e ga' e cajmé' Diótfes

⁹ Jnea' nicajmé' e coo' ji' e catíng- dseañu' quiá' Dseañu' Jmáang- i seeng' fí' na, dsu' i dseañu' i sii' Diótfes do jnám' bre quie' e jo ja' íñ' jalé' e júu' quié' e do, co' 'ñia' bre iñ' cár' nifí' quiá' jaléng' dseañu' quiá' Dseañu' Jmáang- i neáang' fí' na. ¹⁰ Joba' mí' niguiéng' jnea' fí' na, nifí' baa' i Diótfes do fí' quini' na' jialí' jmóor' lajo, co' ngir' ta' quie' júu' ga' jogui júu' adsee' e éeiñ' jnea'. Jo o' jii' e jo e jmóor' cajo, co' ja' íñ' jaléng' dseañu' quiá' Dseañu' Jmáang- i dsilíng' dsii' ee' ír' fí' quiá' r-, jogui jnám' bir quiá' jaléng' dseañu' i iing' jmé' lajo, jogui øm' bre congua' fí' jee' dseañu' quiá' Dseañu' Jmáang- jaléng' i dseañu' i jmóo' lajo.

¹¹ Dseañu' rún'n i 'neáan'n eáang', ja' jmoo' laco' jmóo' i dseañu' ga' do, dsu' jmee' laco' jmóo' jaang' dseañu' guiúng-. Co' jaléng' dseañu' i jmóo' lajii' e guiá-, joba' dseañu' quiá' Fidié' lí' iñ'; dsu' jaléng' gui dseañu' i jmóo' e ga', joba' dseañu' í ja' mí' calicuiñ' Fidié'.

¹² Jo lajii' dseañu' fé' r' guiá- uii' quiá' i dseañu' i sii' Demetrio do, jo la quie' gui jalé' e jmóor' do fé' guiá- uii' quiá' r-. Jogui lajii' jnea' fé' naa' guiá- uii' quiá' i dseañu' í cajo, jogui 'nu' ní' ba' e jmang' júu' jáb' fé' naa' contøng-.

Júu' lí' cadséng' quiá' Juan

¹³ Jo jmiguiab' jalé' e sea' e 'né' nifí' 'nu', dsu' ja' 'ga' lí' tí' dsii- e jalé' e jo nitóo' fí' ní' ji', ¹⁴ dsuco' lajmináb- ni' iin' n máan' n 'nu', jo joguiba' nisí' naa' jalé' júu' qui' i' dseañu' quini' naa' lana.

¹⁵ Jo güiliseem' ba' juguiá- júu' røø. Jo guicóo' ba' jing' jaléng' dseañu' quiá' Dseañu' Jmáang- i cuíng' na' fí' la. Jogui guicóo' ba' lajaléng' dseañu' rú' uu' i cuíng' naa' fí' na e fá' jnea'.

Jo lanab jii' fé' ji' e catí' 'ní' quiá' Juan.

Ji' e cajme' JUDAS

Júu^ guicóo' e catñing- dsea` quiá'- Dsea` Jmáang-

¹ Jo jnea~ sií Judas, jogui lán'n jaang` dsea` ngáang~ cóo' Tiáa~, jogui lajii~ e iing~ Fii'naa' Dsea` Jmáang~ jmóo'o. Jo jmo' o e ji' la e catñing~ jaléng' 'nú', dsea` i nicató' Tiquí'ii' Fidié~ e laco' ni'uíng~ na' dsea` quiá'r~, jo Fidié~ bing' i 'neáang' 'nú' jogui Fii'naa' Dsea` Jmáang~ bing' i jmóo' 'nú' í cajo. ² Jo fii~ i 'nú' lana e ni'íing~ na' lalíng' e fii~ líng~ Fidié~ 'nú' jogui e nicuó'r~ 'nú' e seeng~ na' juguiá~ júu^ røø' jogui e jmi'neáiñ' 'nú' cajo.

E~ uing~ e calñ- e ji' la

(2 Pedro 2:1-7)

³ Dsea` rú'naa' dsea` quiá'- Dsea` Jmáang~, eáang' nicali'iin~ n e nijmée' e ji' e catñing~ na' lí fé' cuaiñ~ quiá'- e júu^ quiá'- jial nicaláang~ naa' jee~ jalé' dsee~ qui' ii'; jo dsu' lanagui nicalilí' i e dseáng'- la guím' 'né' nijmée' e ji' qui' na' lí fii~ i 'nú' e dseáng'- nijmi'úung~ na' e cuó' óo'na' e jmi'ø'na' e júu^ quiá'- Dsea` Jmáang~ e nicacuø' Fidié~ jaléng' dsea` quiá'r~ latí' mi~ uing~. ⁴ Co' i líng~ dsea` i jmigóo' nicaquiñ'^ jee~ 'nú' lí^ laco' la fé' fí' ni' ji' quiá'- Fidié~ latí' mi~ uing~ lí fé' e nisi'íing~ jaléng' i dsea' la'í e nidsiliñ' fí' lí' lí'; jo jaléng' i dsea' í eáam' éer' ga, co' jmi'óo'r~ jial tí' guiúng~ Fidié~ e laco' jmóor' lí^ doñí' ee' lí^ lí' dsíir', jogui cajo ja' jmi'gór' Fii'naa' Dsea` Jmáang~, jo jii~ dsea' íb' i quie' nifí' qui' jneaa~ aa'.

⁵ Jo niñí' 'nú' jial calí' mali~, jo dsu' lana iin~ n nijmiguién' n óo'na' calé' catú~ e doñí' fa' caleám' Fii'naa' Fidié~ jaléng' dsea' Israel e fí' Egipto do, jo dsu' mi~ cangf' jo, jaléng' i dsea' í i ja' calinúu~ júu^ quiá'r~ ie~ jo dseáng'- ca'ím~ breiñ' do conguaí'. ⁶ Jo lajob calí' cajo cóo' jaléng' ángeles i ja' caguá' fa' cajmée'r~ ta~ quiá'r~ laco' sí'í' lí' lajii~ lí' catñiñ~, jo dsu' fí' lí' nuu' sób' caseáang' Fidié~ jaléng' í, jogui fí' job nijér~ e 'ñúuiñ~ cóo' ñí' cadena cartí' mi~ nití' í' e nitidsí' í' quiá'r~ cuaiñ~ quiá'- lajii~ e dsee~ e ca'éer' do. ⁷ Jogui lí' laco' ja' calinúu~ i ángeles na, lajob cajo cajmée' jaléng' dsea' seeng' fí' Sodoma cóo' gui fí' Gomorra cóo' gui fí' jalé' fii' e néé' lacúng' lajiiing; jo jaléng' i dsea' í cajmée'r~ jalé' e 'lí' cóo' dseañu' jogui cóo' dseam' i o' quiá'r~, jogui cajmée'bre cajo jalé' e 'lí' e jié'gui e lí' dsí' ngúu' táaiñ' fí' jmigü' la. Jo uí' e lajob cajmée' jaléng' i dsea' í, joba' cacár~ iihuí' e cacáiñ' fí' ni' ji' e ja' tóo' jmi~ yu'. Jo e jo cajmée' Fidié~ e laco' nililí' jaléng' dsea' i jalíng~ cøng'gui quiá'- jial laniing~ 'né' nijmi'gó' dsea' Fidié~.

⁸ Jo lí' la lí' jalé' e 'lí' e cajmée' jaléng' i dsea' na, lajob lí' cajo jalé' e jmóo' jaléng' i dsea' i jmóo' ta~ jmigóo' do, co' lí' tí' dsíir' fé'r' jalé' e nir' lafa' mi~ quir', jo dsu' o' já' jalé' e fé'r' do; jogui jmi'ling' yaaiñ~ cóo' jalé' e tí' dsíir' jmóor' fí' ngúu' táaiñ', jogui gab' fé'r' quiá'- jaléng' i güeang'^ quiá'- Fidié~ i seeng' fí' ñifí'. ⁹ Jogui i fii~ féng' quiá'- jaléng' ángeles quiá'- Fidié~ i sii' Yé^ do, doñí' fa' eáang' 'gøiñ' jogui sea' bí' quiá'r~, jo dsu' ja' cajmée'r~ fa' cabiñ~ i fii' i 'ling' do cóo' júu^ lí' mi~ catiñ' ngúu' táang' Moi~, co' jii~ júu^ laba' casí' reiñ' do: "¡Fii' Fidié~ dsea' ni'gaiñ' qui'!" ¹⁰ Jo jaléng' i dsea' i jmóo' ta~ jmigóo' do lí' jmine'r~ lajii~ e ja' ñí'bre; jo dsu' jalé' e ñir' lí' fé'r' jial líiñ' yaam~bre lí' laco' líng' jaléng' jó', co' jaléng' í ja' í dsí're'; jo dsu' cóo' jalé' e fé' jaléng' i dsea' do, cóo' e job nidsijéeng' yaaiñ' fí' lí' lí' car' ngongü' jmi~.

¹¹ Jo e ngi~ fii^ jaléng' i dsea' i jmigóo' do, co' nicasíng' yaaiñ' fí' ga' lí' laco' cajmée' jaang' dseañu' i calisí' Caín ie~ mali' do, jogui laco' cajmée' jaang' i calisí' Balaam i cajmée' lí' doñí' ee' e ja' dseeng' e lí' laco' calí'r~ cuu~. Jo

jaléng' i dsea i jmigóo do nidsingúin lî^ laco' cangongúing jaang dsea i calisî Coré ie~ mali' do, co' i dsea í ja' cajméer' núu'r~ júu^ quíá' Fidiéé. ¹² Jogui jaléng' i dsea i jmigóo do jmi'li'bre fí lî~ jmoo' 'nú' jmiî lî~ seáng' rúng'na' e có'na' í'na' coling~. Co' lî^ tî dsír' e teáaiñ~ ta~ jmi'iaang dsí' e í' gø'r', jogui ja' ee' jmi'gór' jii~ capí' lajee' e jmoo' 'nú' e jmiî do. Jogui i dsea i jmigóo do líiñ lafa' dsea i nî jo'se' i eáang'gui jmoo' í' 'ñia' e lafa' nijmér' í' jo'se' quíá'r~; jogui líiñ cajo lî^ laco' lí' jni' e dsiguíng~ cóo' guí lajo, jo jii~ ja' tuu jmiî; osi líiñ lafa' 'ma' ofii' e ja' cuø' ofii' mi~ nití' jii' quíá'. Jo co' lajob líing'gui i dsea do, joba' lana líiñ lafa' 'ma' ofii' e nicagütøø~ catí' jmó' quíá', jo ninéé' guíá' e nidsitoo~ fí ni~ jî e ja' tóo' jmiî yu'. ¹³ Jogui jaléng' i dsea i jmigóo do líiñ la lí' ja' e róo' fí 'ni' jmiñí' mi~ í' guí teá, co' jnéeng' jøø-baa' jalé' e ga' e jmóor'. Jogui líiñ cajo lafa' núu' i nica'ing~ lajii' ée^ quíá', jogui lana niteáaiñ~ fí e nidsiliiñ fí lî~ núu' sò' car' ngongú jmiî.

¹⁴ Jo i dsea i calisî Enoc i caliséng' ie~ maliî do mi~ catí' guíé' 'lé' dsea' mi~ cangî e cajmeáang' Fidiéé i Adán do, jo i Enoc do café'r' cuaiñ~ quíá' Fidiéé e éeiñ jaléng' i dsea i jmigóo do mi~ cajíng' lala: "Nicamám-baa Fí'naa' e nijáar' cóo' i 'leáang' ángeles quíá'r~ ¹⁵ e niquidsir' í' quíá' lajaang' lajaang' dsea jmigú' jogui mifíng' nicuø'r' iihu' jaléng' dsea' soo' dsí' uii~ quíá' jalé' e ga' e nicajméer' jogui uii~ quíá' jalé' júu^ 'li' e nicafé'r' uii~ quíá' Fidiéé." ¹⁶ Jo jaléng' i dsea' soo' dsí' do contøom~ jmóor' ta~ jíng' cóo' dsea' rúin', jogui jmóor' ta~ éeng' jaléng' í' cajo, jogui lî^ jmitir~ lajii' e lî dsí' ngúu' táam'bre. Jo eáam' jmicøng' yaaiñ~ jogui fé'r' jalé' júu^ róo' e laco' lî'r' cóøiñ~ dsí' dsea' rúin', jo lajoba' lî'r' jalé' e iin~ quíá' i dsea' rúin' do.

Júu^ 'gúo' e catíng' dsea' quíá' Dsea' Jmáang'

¹⁷ Jo dsu' fii' guí' 'nú', dsea' rú'naa' dsea' quíá' Dsea' Jmáang', e téé' óo'na' lajii' e júu^ e nicafé' jaléng' i dsea' i síng' Fí'naa' Dsea' Jmáang' cuaiñ~ quíá'r~ ¹⁸ ie~ mi~ casí'r' 'nú' lala: "Mi~ tî lî~ nijaquíéeng' e ni'íing' jmigú' nigüeam' dsea' i nijmine'^ jalé' e güeang'^ quíá' Fidiéé, jo lî^ nijmitir~ lajii' e 'li' e lî dsír' yaam'bre." ¹⁹ Jo jaléng' i dsea' la'íb' jmoo' ta~ 'naang' dsea' quíá' rúin', jogui caníng' jmóor' lajii' e lî dsí' ngúu' táam'bre, jogui ja' seeng' Jmiguí quíá' Fidiéé cóo'r~ cajo.

²⁰ Joba' fii' guí' 'nú', dsea' rú'naa' dsea' quíá' Dsea' Jmáang' i iin~n eáang', e cuøø'gui bí' rúng'na' e laco' nidsicuáng'gui' quí-na' cóo' júu^ quíá' Dsea' Jmáang' lî^ lajii' e fí güeang'^ lî~ niteáang-na' cóo'r~. Jogui féeng'na' Fidiéé la'eáang' cóo' Jmiguí quíá'r~. ²¹ Jogui contøong' jmiguiéng' óo'na' jial tí' 'neáang' Fidiéé jneaa~aa' jogui jeeng'na' e nití' e jmiî e niñíing'na' quíá' Fí'naa' Dsea' Jmáang' e niliseeng'na' cøong' cóo' Fidiéé lata~ uí' e fii' líiñ jneaa~aa'. ²² Jogui jmee-na' úung' e laco' ningáng' jaléng' dsea' i ja'gui mí' ngáng' røø' laco' sí' júu^ quíá' Dsea' Jmáang'. ²³ Jogui jmicóo'na' cajo jaléng' dsea' e laco' nileáiñ' jee~ jalé' dsee~ quíá'r~, jo lajoba' ja' nidsiliiñ fí lî~ 'li' fí lî~ cóo' jî e ja' tóo' jmiî yu'. Jogui jmee-na' fii' líng'na' jaléng' dsea' cajo, jo dsu' 'né' ñiim~ óo'na' jie~ mí' síng' yaang~na' fí ga' lî~ teáang' jaléng' i dsea' i jmigóo do, jogui jie~ mí' jmée'na' e jmeáang'na' ta~ jalé' sí'r^, co' jî'gui cartí' jalé' e jo 'li' uí' e jmóor' jalé' e ja' dseeng'.

Júu^ lî~ cadséng' quíá' e jmiféng' dsea' Fidiéé'

²⁴ Jo dsu' jaam' Fidiéé i seeng', jogui íb' i nicaleáang' jneaa~aa' jee~ jalé' dsee~ quí-ii', jogui íb' i jmoo' í' jneaa~aa' cajo e laco' ja' nijí'naa' fí ni~ dsee~, co' eáam' 'gøiñ', jo jmóor' lajo e laco' niguiéiñ' jneaa~aa' fí quinir~ e ja' sí'ling'naa' cóo' jii~ cóo' dsee~. Joba' eáang' íaang' dsi'naa' mi~ nití' fí lî~ jlo' niin~ fí ñiff' quíá'r~. ²⁵ Jo jii' íb' dsea' catíng' nijmiféng' dsea', co' jii'

íb` dsea` líng' Fí`naa' dsea` féng' dsea` ñíng' fí' la'úng-, jogui dsea` íb` dsea`
 cuøøng` lí` jmér- lí` doñí' ee`, jogui jíí~ íb` dsea` óor` ta~ e quiu'r' ta~ fí' la'úng-
 la'eáang' cóo'~ Fí`naa' Dsea` Jmáang-, jo lajob jmóor` lajíí~ ná'-gui e nitiroo`
 jmiigüí, jogui lajob jmóor` lana jogui tí' lí' dsé^gui cajo lí'^ dseáng'- car` ngongí`
 jmií~. Jo lajob nilí`.

Jo lanab jíí~ fé` jí` quiá'- Judas.

Lajíi' júu^ e cajíng' Dsea` Jmáang- e nidsijéé'

¹ Jalé' júu^ e fé' e fí' ní' jì' la lí' júu^ e cacuø' Fí'naa' Dsea` Jmáang- e ca'íñ' quiá'- Fidiéé' e ja` mí' cajmijnéeng` dsea` do lamí' jéeng`gui. Jo Fidiéé' cacuø'r` dsea` do jalé' e júu^ la e laco' ní'él' dsea` do jaléng' dsea` quiá'r- e jalé' e nidsijéé' lajee' lajmináb- jia fí' jmigü' la. Jo Dsea` Jmáang- casíñ' jaang` ángel quiá'r- e laco' cajmééiñ' do júu^ fí' quini' jaang` dsea` quiá'r- i sii' Juan. ² Jo i dsea` ígui guiar' jalé' e júu^ quiá'- Fidiéé' do jee' jaléng' dsea` jmigü' cuaiñ' quiá'- jalé' e cangár- do lafa' mí' quir', jogui tíb' ní' cajo lajii' e júu^ e cacuø' Fidiéé' e caliti' la'eáang' cóo' Dsea` Jmáang-.

³ Jo juguiá- o' quiá'- i dsea` i jalé' e júu^ la jogui juguiá- o' cajo quiá'- jaléng' i dsea` i jmoo' náu' mí' núur' jalé' e júu^ e silí' e fí' ní' jì' la, co' jalé' e júu^ la lí' júu^ e jáa' quiá'- 'ñiab' Fidiéé', dsu' nijaquíém' e jmí' e niliti' lajii' e júu^ e fé' e fí' ní' jì' la.

Júu^ e cajme' Juan e catíng- lajì' guié- 'lé' dsea` quiá'- Dsea` Jmáang-

⁴ Jnea' sii' Juan, jo jmo'o e jì' la e catíng- lajì' guié- 'lé' dsea` rú'naa' dsea` quiá'- Dsea` Jmáang- i neáng' fí' lí' se' Asia. Íng'na' güea' quiá'- Fidiéé' jogui güiliseeng'na' juguiá- júu^ røø' la'eáang' cóo' dsea` do, co' lajii' íb' dsea` i seeng' lajii' latí' mí' uíng' jogui latí' lana jogui i nijáa'tu calé' catú-. Jogui lajobi cajo ím'ba' güea' quiá'- lajì' guiáng- jmiguí' i seeng' fí' quini' lí' lí' éé' laniing- fí' lí' guíng- Fidiéé' quiá'r' ta-. ⁵ Jogui cajo ím'ba' güea' quiá'- Dsea` Jmáang-, co' íb' dsea` i dseáng- tí' ní' røø' jalé' e júu^ la, jogui íbi dsea` i la'uii' cají'tu jee' jaléng' 'lí', jogui íb' dsea` niing- i quie' nifí' jee' jaléng' dsea` i oo' ta' i seeng' fí' la'úng- fí' jmigü'. Jogui cajo íb' i eáang' 'neáng' jneaa'aa', jogui cajáng' 'ñia'r' e cajúñ' e laco' caleáaiñ' jneaa'aa' jee' jalé' dsee' quí-ii' la'eáang' cóo' e jmí'øøiñ- e catuu' do. ⁶ Jogui nicajméer' e jaléng' jneaa'aa', dsea' lí'naa' dsea' quiá'r-, nilí'naa' coo' 'lé' dsea` i líng' lafa' jmidsea` i jmoo' lajii' e iing' Tiquiá'r' Fidiéé'. Jo majmí'goo'baa' jogui majmifém'baa' dsea` do, co' íb' dsea` i eáang' 'gøng' jogui i güeang' car` ngongí' jmí'! Jo lajob nilí'.

⁷ Jøø-na' jogui quie'na' cuenta!

Dob nijáa' Dsea` Jmáang- fí' jee' cabøø' jní',
jo lajím' dsea` niníñ- dsea` do, jo jì'gui jaléng' i dsea` i líng' ee' ca'íéiñ- dsea` do niníng- neiñ';
jo ie' job mí' niquí'- jogui nilijiu' dsí' jaléng' dsea` i seeng' latøøng- fí' jmigü' uí' dsea` do, jo e jáb'- e jo.

Jo lajob nilí'.

⁸ Jo lalab jíng'- Fí'naa' Fidiéé': "Jneab- i la'uii' do jogui jnea'bi i lí' cadséng- do cajo, co' jneab- Fidiéé' i 'gøng' i quí' jmí' jmé- lí' doñí' ee', jogui jnea'bi cajo i seeng' lajii' latí' mí' uíng' jogui latí' lana jogui i nijáa'tu calé' catú-."

Mí' cangá- Juan jial tí' jlo' jnéng- Dsea` Jmáang-

⁹ Jnea' sii' Juan, jogui la'ó' rú'baa' lí'naa' uí' e nilí'naa' dsea` quiá'- Dsea` Jmáang-. Jo røøb' íng'naa' iihuí' dsu' uí' e lí'naa' dsea` quiá'- dsea` do, jogui røøb' cajo catí'naa' e quie' Fidiéé' nifí' quí-ii', jogui røøb' jmoo'naa' té'naa' cóo' jalé' iihuí' e dsingíng'naa' do. Jo uí' e guíaa- júu^ quiá'- Fidiéé' e caliti' la'eáang' cóo' Dsea` Jmáang-, joba' casíng' dsea` do jnea' fí' coo' guoo' uø' jia e sii' Patmos e néé' fí' ní' jmí'í'. ¹⁰ Jo cangojéé' e lajee' e jmí' domiing- e jmiféng' dsea` Fidiéé' cajá'a jee' Jmiguí' quiá'- dsea` do jo canú- u lí' calúu

coō luū e féⁿ teáⁿ eáangⁿ líⁿ lacoⁿ mī iī coō lúuⁿ trompéⁿ, jo lalab cajíngⁿ síⁿ jneā:

11 —Jo fiī-i 'nū, Juan, e nijméeⁿ fíⁿ coō nī jì lajaléⁿ e móoⁿ la jmī na, jo mī ningíⁿ jo, nisínⁿ jaléⁿ e jì jo quiáⁿ lajī guiéⁿ 'léⁿ dseaⁿ quiéⁿ e i neáangⁿ fíⁿ e fiī e siī Éfeso, jogui e fiī e siī Esmirna, jogui e fiī e siī Pérgamo, jogui e fiī e siī Tiatira, jogui e fiī e siī Sardis, jogui e fiī e siī Filadelfia, jogui e fiī e siī Laodicea; jo lajī guiéⁿ e fiī na néeⁿ fíⁿ líⁿ seⁿ Asia.

12 Jo mī cangíⁿ e canúⁿ u e luū do, jobaⁿ cajíī-i niī líⁿ calúuⁿ e lacoⁿ nicaaⁿ cuate ī guī i tóⁿ jneā do; jo job mī camóⁿ o guiéⁿ candeléerⁿ e jìⁿ e líⁿ cóoⁿ layaangⁿ cunéeⁿ. 13 Jo jeengⁿ e guiéⁿ candeléerⁿ e jìⁿ do camánⁿ jaangⁿ i jnéengⁿ dseángⁿ lacoⁿ jaangⁿ dseaⁿ jmigüíⁿ i quiⁿ coō 'mī' e cueeⁿ e tíⁿ cartíⁿ uiī tírⁿ, jogui 'ñúúⁿ núⁿ dsírⁿ coō e líⁿ cóoⁿ layaangⁿ cunéeⁿ, 14 jogui teeⁿ jñuguirⁿ líⁿ lacoⁿ teeⁿ 'mooⁿ osi jooⁿ é, jogui jminirⁿ líⁿ lafaⁿ sóngⁿ jì, 15 jogui tírⁿ líⁿ dseángⁿ lafaⁿ coō níⁿ e siī bronce e dseángⁿ jíngⁿ jì lafaⁿ mī iáⁿ fíⁿ nī jì, jogui júuⁿ quiáⁿ rⁿ náⁿ líⁿ lacoⁿ iī coō lóoⁿ e féⁿ eáangⁿ. 16 Jogui e fíⁿ jaguórⁿ dséeⁿ do teáangⁿ guiángⁿ núúⁿ, jogui fíⁿ mo'oorⁿ güíⁿ coō 'nisúⁿ e dsíngⁿ 'méⁿ lajī túⁿ taangⁿ. Jogui nirⁿ dseángⁿ jíngⁿ jì líⁿ lacoⁿ jnéengⁿ ieeⁿ mī íiñⁿ guieñíⁿ jóoⁿ.

17 Jo mī camánⁿ i dseaⁿ do, jobaⁿ dseángⁿ caquímⁿ baa fíⁿ uiī tírⁿ lafaⁿ jaangⁿ 'lī. Jo dsuⁿ írⁿ caquidsirⁿ guóorⁿ dséeⁿ fíⁿ yáⁿ moguiī jo casíⁿ rⁿ jneā lala:

—Jaⁿ fíⁿ jiī coō; coⁿ jneabⁿ dseaⁿ i la'uiī jogui jneaⁿ bī dseaⁿ i tíⁿ líⁿ cadséngⁿ do cajo, 18 jo jneaⁿ bī cajo i dseaⁿ i seengⁿ lana; jogui e jáⁿ baⁿ e cajúnⁿ cateáⁿ, dsuⁿ cajíⁿ túⁿ caléⁿ catúⁿ, jo dsuⁿ carⁿ ngongíⁿ jmī seenⁿ nángⁿ; jogui jneabⁿ dseaⁿ quieeⁿ joñíⁿ quiáⁿ 'móⁿ jogui joñíⁿ quiáⁿ fíⁿ líⁿ 'liⁿ cajo. 19 Jobaⁿ lana nijméeⁿ fíⁿ nī jì lajiī e nicañíⁿ jogui jaléⁿ e móoⁿ jmī na cóoⁿ gui jaléⁿ e nimóⁿ guiⁿ cøngⁿ gui. 20 Jo lalab guóngⁿ i guiángⁿ núúⁿ i nicañinⁿ fíⁿ jaguóoⁿ dséeⁿ la, jogui lalab guóngⁿ cajo lajī guiéⁿ candeléerⁿ e jìⁿ e líⁿ cóoⁿ layaangⁿ cunéeⁿ do; i guiángⁿ núúⁿ do guóngⁿ quiáⁿ jaléngⁿ dseaⁿ i quieⁿ nifiⁿ quiáⁿ dseaⁿ quiéⁿ e i seengⁿ fíⁿ lajī guiéⁿ fiī e néeⁿ fíⁿ líⁿ seⁿ Asia, jogui lacoⁿ e candeléerⁿ e tíⁿ guiéⁿ do guóngⁿ i guiéⁿ 'léⁿ dseaⁿ quiéⁿ e i seengⁿ fíⁿ lacoⁿ e fiī jo.

2

Júuⁿ e catíngⁿ dseaⁿ quiáⁿ Dseaⁿ Jmáangⁿ i neáangⁿ fíⁿ Éfeso

1 Jo fiī-guáⁿ 'nū, Juan, e nijméeⁿ coō jì e catíngⁿ i dseaⁿ i quieⁿ nifiⁿ quiáⁿ dseaⁿ quiéⁿ e i neáangⁿ fíⁿ fiī Éfeso, jo lalab jméeⁿ: “Lalab jíngⁿ i dseaⁿ i teáangⁿ lajī guiángⁿ núúⁿ fíⁿ jaguórⁿ dséeⁿ jogui i ngíⁿ fíⁿ jeeⁿ lajī guiéⁿ candeléerⁿ e jìⁿ e líⁿ cóoⁿ layaangⁿ cunéeⁿ do: 2 Jo lalab fiī-i 'nū e guiáⁿ ñiī lajaléⁿ e jmooⁿ lafaⁿ jaléⁿ e la; e eáamⁿ cuøⁿ bíⁿ uøⁿ e jmooⁿ taⁿ jogui e eáamⁿ iáⁿ níⁿ cóoⁿ jaléⁿ e jo cajo, jogui ñiⁿ baa cajo e jaⁿ cuøⁿ fíⁿ e nijméⁿ dseaⁿ jaléⁿ e jaⁿ dseengⁿ líⁿ eeⁿ jáⁿ dsírⁿ. Jogui ñiⁿ baa guiáⁿ e nicajøⁿ suⁿ jáⁿ lacoⁿ féⁿ jaléngⁿ i dseaⁿ i jíngⁿ e líiñⁿ dseaⁿ apóoⁿ i niⁿ júuⁿ quiéⁿ e, jo dsuⁿ oⁿ jáⁿ e líiñⁿ lajo, jo 'nū nicalilíⁿ baⁿ e jaléngⁿ i dseaⁿ i jmangⁿ i adseaamⁿ. 3 Jogui eáamⁿ nicajmeeⁿ féngⁿ aⁿ jogui nicateáⁿ líⁿ bī cóoⁿ jaléⁿ iihuíⁿ e nica'ínⁿ uiī jneā, jo dseángⁿ jaⁿ mī calitúngⁿ oⁿ e sinⁿ teáⁿ fíⁿ guiáⁿ cóoⁿ jneā. 4 Jo dsuⁿ seabⁿ coō júuⁿ e ni'leeⁿ quiⁿ lana, jo e lab e jo: joⁿ guieeⁿ e 'neáanⁿ jneā oⁿ gui dseaⁿ rúnⁿ lacoⁿ gui lamíⁿ uingⁿ do ieⁿ lamíⁿ canaanⁿ e cuínⁿ jneā. 5 Jobaⁿ fiī-i 'nū e ni'íⁿ du oⁿ jieⁿ líⁿ nica'leeⁿ quiíⁿ lana, jo quíⁿ jíngⁿ túⁿ uøⁿ caléⁿ catúⁿ fíⁿ quiniⁿ Fidiéeⁿ, jogui jmeeⁿ túⁿ lajaléⁿ líⁿ lacoⁿ gui lamíⁿ quiíⁿ tñnⁿ e jmooⁿ latíⁿ mī uingⁿ do. Jo song jaⁿ nijméeⁿ lajo, jobaⁿ lajminábⁿ nigáaⁿ fíⁿ na jo nijéⁿ baa éeⁿ quiáⁿ e candeléerⁿ do quiíⁿ, jo dsuⁿ jaⁿ nilíⁿ lajo song niqúíⁿ jíngⁿ túⁿ uøⁿ fíⁿ quiniⁿ Fidiéeⁿ. 6 Jo dsuⁿ e labaⁿ guiáⁿ e jmicoⁿ quiíⁿ, e 'níbⁿ manⁿ jaléⁿ e jmooⁿ i dseaⁿ nicolaíta líⁿ lacoⁿ gui jneā

'nib' máan'nre cajo. ⁷ Joba' fá'a: Ii jaléng' dsea` dsi` logua~, güinú^bre lajii` júu^ e jing' Jmiguí' quiá'- Fidiéé' e catúng' laji' guié' 'lé' dsea` quié'-e: Jaléng' i dsea` i nité' lí' cóo'~ jalé' iihuú' jogui ja` nitiúuúñ` jnea~, joba' nicuóó^baare e nidó'r- lajii` e sea` quiá'- e 'ma` e cuó' e seeng` dsea` lata` e si' fi' ñifi' quiá'- Fidiéé'."

Júu^ e catúng' dsea` quiá'- Dsea` Jmáang' i neáang' fi' Esmirna

⁸ Jo fii' guú' 'nu', Juan, e nijméé'~ coo` jì e catúng' i dsea` i quié' nifi' quiá'- dsea` quié'- e i neáang' fi' fii' Esmirna, jo lalab jméé': "Lalab fé' i dsea` la`uui` do jogui i dsea` tí lí' dséng' gui do, i dsea` i cajúng' do jogui i cají' tu mi` catí' 'ní' jmiú` lajo: ⁹ Jo lalab fii' 'nu' e guiúb- ñii- lajii` iihuú' e íin'~ jogui jial tiñín'- cajo, nañi' fa' eáam'bre jmicóo'~ Fidiéé' 'nu' cóo'~ jalé' e lí' quií'. Jogui ñi'bá' guiá- cajo jial fé' dsea` ga` uui` quií', fa' jaléng' i dsea` i jing' e líiñ' dsea` Israel, jo dsu' o' já'- e líng' i dsea` í' lajo, co' i dsea` í' lico' líiñ' dsea` i jmiféng' fii' i 'lim'-. ¹⁰ Jo fii' 'nu' e ja' fóon'~ lajii` iihuú' e tí lí' ni'íin'~; co' fii' i 'ling'^ nijmér- e i líng'~ 'nú' nigüitáang'~na' fi' dsí' 'nuñi' e laco' nijmér- quijí' jial nitú^na' e teáang'-na' teá' fi' guiá- cóo'~ jnea~; jo e iihuú' jo ni'íing'~na' lajee' gui' jmiú`. Jo dsu' fii' 'nu' dseáng'- jie` mí' litúng' o' e sin' teá' fi' guiá- cóo'~ jnea~, doñi' fa' iing'~ dsea` jngaiñ' 'nu' uui` e jo, joba' jneab~ nicuóó^ø' nu' lajii` e catúin'- e niliseen' cøøng' cóo'~ jnea~ car` ngongú' jmiú'. ¹¹ Jo jaléng' 'nú', dsea` dsi` loguá^na', núu- na' lajii` e júu^ e jing' Jmiguí' quiá'- Fidiéé' e catúng' laji' guié' 'lé' dsea` quié'-e: Jo jaléng' dsea` i ja` nilitúng' dsí' e teáaiñ' teá' fi' guiá- cóo'~ jnea~, joba' i dsea` í' jo` tóo` jmiú' fa' e nitúñ- fi' lí' 'li' mi` nití' fi' fii' coo`."

Júu^ e catúng' dsea` quiá'- Dsea` Jmáang' i neáang' fi' Pérgamo

¹² Jo fii' guú' 'nu', Juan, e nijméé'~ coo` jì e catúng' i dsea` i quié' nifi' quiá'- dsea` quié'- e i neáang' fi' fii' Pérgamo, jo lalab jméé': "Lalab fé' i dsea` i quié' e ñisu' e 'mé- laji' tú- taang` do: ¹³ Jo lalab fii' 'nu', e guiúb- ñii- lajaléb' e jmoo', jogui ñi'baa cajo e seen' fi' lí' quiú' fii' i 'ling'^ ta~, dsu' ja` mí' catiun' e dseáng'- já'- lín'- lajii` júu^ quié'-e. Jogui ja` mí' catiun' jnea~ fa' e ja` mí' jmiti'^ lajii` ta~ quiá' u, o'gui mí' catiun' jnea~ ie` mí' cajngang' dsea` i dsea` quié'- e i sií' Antipas i cajmiti~ júu^ quié'- e e fi' fii' e fi' lí' quiú' fii' i 'ling'^ i sií' Satanás ta~ do. ¹⁴ Dsu' fii' guú' 'nu' e seab` coo` tú- íing' e 'léé' quií', jo e lab e jo: ja` mí' cajniin'~ quiá'- coo` tú- máng'~ dsea` i seeng' fi' na i ja` mí' catú' e jmitíiñ' lajii` júu^ 'li' e caguia' Balaam, co' i dsea` na ca'e'r' jaang'gui dsea` i sií' Balac, jo i dsea` í' guib i cajmigóøng' jaléng' dsea` Israel e laco' éeiñ' dsee- e gø'r' ngu` jó' i nicacuóñ' diéé' i o' já' jogui e 'léer' e güiñ' cóo'~ dseañu' osi dseamf i o' quiá'r-. ¹⁵ Jo lajobi cajo seem'bi coo` tú- máng'~ dsea` la'ó' 'nú' i neáang' fi' na i ja` mí' catú' jalé' e 'li' e quí'- túng' e jmoo' jaléng' dsea` nicolaíta. ¹⁶ Joba' fii' 'nu' lana e quí'- jíng'~ uø' fi' quini' Fidiéé'; jo dsu' song ja` nijme' lajo, joba' lajmináb- nigáa' a fi' lí' guuin' e nitúñ- n cóo'~ jaléng' i dsea` í' cóo'~ e ñisu' e iu` fi' mo'óo'. ¹⁷ Jo jaléng' 'nú', dsea` dsi` loguá^na', núu- na' lajii` júu^ e jing' Jmiguí' quiá'- Fidiéé' e catúng' laji' guié' 'lé' dsea` quié'-e: Jo i dsea` i ja` nilitúng' dsí' e núu'r' júu^ quié'-e, joba' nicuóó^baare coo` e lafa' iñi' e catíiñ- e sil'ma` fi' ñifi'; jogui nicuóó^baare cajo coo` cuu~ e tee', jo e fi' ni` e cuu~ do nijé- coo` júu^ e 'mí- laco' sií' i dsea` do, jo dsu' jii` jaang' dsea` jiéng' ja` niliñi' e júu^ jo, co' jii' i dsea` i ni'íng' do, jii' í'bing' i niliñi' e júu^ jo."

Júu^ quiá'- Fidiéé' e catúng' dsea` quiá'- Dsea` Jmáang' i neáang' fi' Tiatira

¹⁸ Jo fii' guú' 'nu', Juan, e nijméé'~ coo` jì e catúng' i dsea` i quié' nifi' quiá'- dsea` quié'- e i neáang' fi' fii' Tiatira, jo lalab jméé': "Lalab jing' i Jóo' Fidiéé' camúng'~ do i quié' jmini' e lí' lafa' sóng' jì jogui tír- jnéeng' lafa' ñi' e jing' jì' jlo' e sií' bronze: ¹⁹ Jo lalab fii' 'nu', e guiúb- ñii- lajaléb' e jmoo', jogui

e eáam' 'neáan' dsea` rún', jogui e teáb` sin' fí` guiá~ cóo'~ jnea~, jogui eáam' la'úung` nicajmee'~ lajii'~ ta~ e iin~n, jo ja` mí` cajmitúng~ o' lajii'~ e ta~ jo, co' dseáng'~ nicateá'~ba', jo ñi'baa guiá~ e eáang'gui nicuø' bí` uø' lana e røø'gui nijmoo' ta~ laco'gui lamí~ jmoo' lamí~ uuing~ do. ²⁰ Lí'~ jii'~ e laba' e 'lée' quí'~ e ga: ja` mí` cajníin'~ quiá'~ i dseam' i sii' Jezabel e sí' 'ñia'r' e líiñ' jaang` dseam' i fé' cuaiñ~ quiá'~ Fidiée~, jo dsu' i dseam' i lí' jmigøøiñ` jaléng' dsea` quíe~ e cóo'~ jalé' e e'r' do, co' iin~ e nisíng' tu jaléng' dsea` quíe~ e fí` gab` e jmé~tur ta~ 'lée' cóo'~ jaléng' dseañu' osi dseam' i o' quiá'r~, jogui e jmé~tur ta~ gø' jalé' e nicuø'r' diée~ i o' já'-. ²¹ Jo huøøb~ nicacuøø`øre fí` fa' e niquí'~ jíng' 'ñia'r' fí` quini~ e laco' jo` nijmér~ e ga` lajo, jo dsu' ja` mí` cali'iiñ~ fa' e nicajméer` lajo e jo` nibeáng'gui 'ñia'r' dsee~, co' ja` iiñ~ fa' nicatúr` jalé' e 'li' e jmóor` do. ²² Jo dsu' lalab fá'a uii~ quiá'~ jaléng' i dsea` i jmóo' ta~ 'lée' cóo'~ i dseam' i, e song ja` niliúng~ yaaiñ~ e jmóor` jalé' e jo, joba' nijmee~ e e nilidsée'~bre lajaléiñ' do, co' eáam' nicár` iihuú', jogui huúim' nidsijéé' quiá'r~. Jo jalé' e iihuú' nab nidsingúiiñ~ song ja` niquí'~ jíng' yaaiñ~ uii~ quiá'~ jalé' e dsee~ e nica'éer` do. ²³ Jogui nijngám'~baa jaléng' joo' i dsea` i e laco' jaléng' dsea` i líng' dsea` quíe~ e niliñir' e jneab~ dsea` móo'o jogui cuí'i jial lí' dsí' dsea` lajaang` lajaaiñ'; jo jneab~ dsea` catín~n e nicuøø`ø` 'nú' lajii'~ e catíng~na' lajaang` lajaang`na' uii~ quiá'~ lajii'~ ta~ e nicajmee'na' fí` jmigüi' na. ²⁴ Jo fii' i jaléng' 'nú' caguaiang~gui dsea` i seeng` fí` na fí` Tiatira; ii' i ja` mí` casíng' yaang~ fí` ga` cóo'~ i dseam' ga` do o'gui mí` cajmitir~ lajii'~ e fé' dsea` e lí' júu^ nuu' quiá'~ fii' i 'líng' i sii' Satanás, joba' lalab fii' i 'nú' e jo` nicuø`guú' 'nú' ta~ ii' e jie'gui. ²⁵ Joba' lí' jie~ mí` tú'na' lajii'~ e guiá~ e jmoo'na' na cartí' mí' nití' í' e ninii~túu` calé' catú~ fí` jmigüi' na. ²⁶ Jo jaléng' dsea` i nigüeáng' e jmitir~ lajii'~ e iing~ jnea~ e nijmér~, joba' nicuøø`baare ta~ e niquiá'r~ ta~ fí` jalé' fii' e sea` fí` jmigüi' na; ²⁷ jogui dseáng'~ lí' laco'gui nicacuø' Tiquié^ e jnea~ fí' e niquiá'u ta~ quiá'~ jaléng' dsea` jmigüi', lajob i dsea` i cajo niñiiñ` lafa' 'ma'u' quiá'~ dseata~, jo cóo'~ e job niquiá'r~ ta~ fí` jalé' fii' cartí' nijmér~ jmiguiá' cuí'~ laco'gui mí' fíing~ coo' tu'. ²⁸ Jogui cajo nicuøøm`baa 'nú' i núu' i jnéeng^ mí' la'ee'. ²⁹ Jogui fii' i 'nú', ii' 'nú' dsea` dsi~ loguá'na', núu' na' lajii'~ júu^ e jíng'~ Jmiguí' quiá'~ Fidiée~ e catíng~ lajii' guié' 'lé' dsea` quíe~e."

3

Júu^ quiá'~ Fidiée~ e catíng~ dsea` quiá'~ Dsea` Jmáang~ i neáang' fí' Sardis

¹ Jo fii' guú' 'nu', Juan, e nijmée'~ coo' jii' e catíng~ i dsea` i quíe' nifí' quiá'~ jaléng' dsea` quíe~ e i neáang' fí' fii' Sardis, jo lalab jmée'~: "Lalab jíng'~ i dsea` i quíe' lajii' guié~ jmiguí' quiá'~ Fidiée~ jogui i teáang'~ guiáng~ núu' fí' jaguór': Lalab fá'a e dseáng'~ ñi'baa guiá~ lajalé' e jmoo', jo fii' dsea` i dsíir' e dseáng'~ lajam' e lin' jaang` dsea` i seeng` cøøng` cóo'~ jnea~, jo dsu' o' já' e lin' lajo, co' ñi'baa guiá~ e lin' jaang` dsea` lafa' i sijúung~ i si'naang` cóo'~ jnea~. ² Joba' fii' i 'nu' e í' a' røø' jogui cuøø' bí' uø' e nijmée'~ laco' sí'í' lajii'~ e sisée^ e 'né~ jmée^gui'; jo song ja` nijme'~ lajo, joba' dseáam'~ seen' e nilíng~ conguaí' quí'~; co' lí' lajii'~ e móo'o e jmoo' na dseáng'~ ja` dseem' lí' fí' quini' Fidiée~. ³ Jo téé' a' lajii'~ júu^ quíe~ e e nica'íin'~ jogui e nicanúu'~; jo jmee~ lajii'~ e jo, jogui quí'~ jíng' uø' fí' quini' Fidiée~. Co' song ja` nijmée'~ lajalé' e fii' i 'nu' na, joba' niguiéeb' jmi~ mí' niguié~ e fí' quini' lajee~ e ja` ñiing~ o', lafa' mí' ngí' jaang` ii' e dsijméer~ ii' quiá'~ dsea` e jii'~ ja` ñiing~ dsí' i dsea` do lí' niguiéiñ' do. ⁴ Jo dsu' e fí' fii' Sardis na seem`bi coo' tú~ máng'~ dsea` i la'ó' røø' cuíng`na' jnea~, jo i dsea` i ja` mí' cajmi'ling' yaaiñ~ fí' quini' Fidiée~, joba' i dsea` i catím~bre e ningír~ cóo'~ jnea~, co' ja` sí'liiñ'^ jii'~ capí'. ⁵ Jo jaléng' dsea` i nité' lí' e já'~ líiñ' jalé' júu^ quíe~e, joba' niquí'bre sí'r^ e tee' e laco' cuø' lí' e

niguiúm-bre fí quini Fidiée, jogui ja' tóo jmi~ fa' e ni'uóng'guir li~ niteáaiñ~ fí ni~ jì li~ nitaang~ jaléng' dsea` quie~ e, jogui nijmee~ e júu^ fí quini Tiquié e dsea` guing~ ñifi~ jogui fí quini jaléng' ángeles quiá'r~ e jaléng' i dsea` í dsea` quie` baa nilíiñ. ⁶ Joba' fí-i 'nú', iñ 'nú' dsea` dsi~ loguá'na', núu~na' lajii~ e jing'- Jmiguí quiá'- Fidiée e catíng- laji guie` 'lé' dsea` quie~ e."

Júu^ quiá'- Fidiée e catíng- dsea` quiá'- Dsea` Jmáang- i neáang' fí Filadelfia

⁷ Jo lalab fí-guú 'nú, Juan, e nijmee~ coo` jì e catíng- i dsea` i quie` nifi quiá'- jaléng' dsea` quie~ e i neáang' fí fí Filadelfia, jo lalab jmee~: "Lalab jing'- i dsea` güeang'^ jogui i fé' jmang'^ júu^ ja'- contøong- jogui i quie` joñí quiá'- dseata~ dsea` féng' Daví'; jo mi~ náa i dsea` i quie` e joñí do, joba' jii~ jaang` dsea` jo` iñ nilí' fa' e nijnír-; jogui mi~ jnír', joba' jii~ jaang` dsea` ja` iñ nilí' fa' e nineár-. ⁸ Jo jnea~ ñi'baa guiú- lajalé' e jmoo'. Jogui lana lafa' nicaná'a coo` jn'í fí quini'^ e jii~ jaang` ja` iñ qui' jmi~ fa' nijní-tu, jo nañí' fa' ja` leáang- bí quií'- sea, dsu' nicajmee~ba' núu~ lajii~ júu^ quie~ e, jo ja` mí cajmee'- fa' e ja` jmicuíñ' jnea~. ⁹ Jogui jnea~ nijmee~ e e jaléng' i dsea` i teáang'- jee~ 'lé' quiá'- Satanás, jaléng' i adsee` i fé' e líiñ dsea` Israel jo dsu' o' ja'- e líiñ lajo, jo nijmee~ e e nisí' jaléng' i dsea` í uó- jnir~ fí quini', jo lajob niliñir' e eám' 'neáang' jnea~ 'nú. ¹⁰ Jo co' contøom- nicateá'- e jmoo' núu~ lajii~ júu^ quie~ e e ja` mí calitúng- o' e júu^ jo, jo uí' e joba', jnea~ nijmee~ e í 'nú mi~ nijaquieéng' e niní dsea` iihu' fí latøong- jmi~ guí, co' ie~ job mi~ nijøø` jial líng' lajaang` lajaang` dsea` seeng' fí ni~ guóo~ uó- na, jo ne~duu' su teáaiñ^ teá' fí guiú- coo~ jnea~ osi o' lajo é. ¹¹ Jo lajee~ lajmináb- nigáa'túu fí jmi~ guí na, lí' jie~ mí tá' lajii~ e jmoo', jo lajoba' jii~ jaang` ja` iñ cuøong` niguí quií'- lajii~ e catíñ- quiá'- Fidiée. ¹² Jo jnea~ nijmee~ e e iñ i nité' lí' jogui e ja` nitár' júu^ quie~ e, íb` dsea` i nilí' e nilíiñ- jaang` i niing- i niliseeng` colíng- coo~ jnea~ fí li~ guing~ Tiquié e Fidiée, jo jo' quií'- jmi~ fa' e nidsihuíng- guir fí jo; jogui jnea~ nijmee~ e e jaléng' i dsea` í nilíiñ- dsea` quie~ e jogui e nilíiñ- dsea` góo' Tiquié e fí fí li~ sii' Jerusalén e 'mí- e jáa' fí ñifi~ quiá'- Fidiée, jogui nijmee~ e e nilíiñ jaléng' i dsea` do e júu^ 'mí- e nilisii- ie~ jo. ¹³ Jo fí-i 'nú', iñ 'nú' dsea` dsi~ loguá'na', núu~na' lajii~ júu^ e jing'- Jmiguí quiá'- Fidiée e catíng- laji guie` 'lé' dsea` quie~ e."

Júu^ quiá'- Fidiée e catíng- jaléng' dsea` quiá'- Dsea` Jmáang- i neáang' fí Laodicea

¹⁴ Jo fí-guú 'nú, Juan, e nijmee~ coo` jì e catíng- i dsea` i quie` nifi quiá'- jaléng' dsea` quie~ e i neáang' fí fí Laodicea, jo lalab jmee~: "Lalab jing'- i dsea` i líng' dseáng'- lajang'^ Fí'naa' Fidiée, jogui i dseáng'- tí' ni~ røø` i fé' jmang'^ júu^ ja'-, jogui cajo la'eáang' coo~ íb` cajmee` Fidiée lajalé' e sea` fí jmi~ guí: ¹⁵ Jo lalab fá'a e niñib- jnea~ guiú- lajalé' e jmoo', joba' ñi'baa e ja` mí 'naan' coo~ jnea~ o'gui cuø' bí uø' fa' e nisíng- gui' teá' coo~ jnea~. Dsu' e laba' fí-i 'nú e 'né- e ni'í' o' røø` jnang' fí e iin~ e nicá'; su e nisín- teá' coo~ jnea~, osi e 'ní' man' jnea~ é. ¹⁶ Jo dsuco' lí' í o' e ja` ee` lí' quií'- jie' fí sin', uí' joba' e nibiñ~n 'nú fí caluu'. ¹⁷ Co' 'nú fó' e lin' jaang` dsea` sea` cuu-, jogui guiáb- nicangojée' quií', jo jo' e 'né- quií'- jii~ coo'; dsu' ja` ca' cuente uø' fa' e huím' lí' quií'- coo~ jalé' e í o', jo dseáng'- fí-ba' co' lafa' tiñim-ba' lin', jogui lafa' fí'í, jogui lafa' tiuun-, jogui lafa' ringúum-ba' cajo. ¹⁸ Jo uí' e joba' liúun~n 'nú e lá' cunée' quie~ e e nicaguo'- jlo' fí ni~ jì, jo lajoba' e nilíin- lafa' jaang` dsea` sea` cuu-; jogui la'eáang' jneab~ cajo e lafa' nilá' sí' e jlo' e tee' e niquí', jo lajoba' ja` nilí' í' lin' e ngi' lafa' ringun'; jo lajob cajo lafa' nilí' mí' quiá'- jminí'^ e laco' cuøong' e nilijné' røø'. ¹⁹ Jo jnea~ liúum'-baa jogui ñi'baa 'goo' quiá'- jaléng' dsea` i 'neáan'. Joba' fí-i 'nú e cuøø' bí uø'

e ngocáng` o' laco' catíng` , jogui quí' jíng' uø' fí' quini` Fidiée` . 20 ¡Janú'! Náu` e júu` la: jnea` tóø`-ø dsea` catí' o'ná'; jo ii` dsea` i ninú` júu` quié` e jogui nineár` jní` e laco' ni'íñ` e júu` do quié` e mi` nitóø`øre, joba' ni'ú`baa fí' dsí' sinúu` quiá'r` , jo colíim` niquiee`naa' i`naa' cóo` i dsea` do. 21 Jo ii` dsea` i nité` lí' e já`- líiñ` jalé` júu` quié` e, joba' nicuóø`baare fí' lí` nigüear` colíing` cóo` jnea` fí' ñifí` lí' laco' nicalí' jnea` e guiin`n cóo` Tiquié` e fí' ñifí` quiá'r` fí' lí` quiu'r` ta` . 22 Jo fíi` i 'nú', ii` 'nú' dsea` dsi` loguá`na', náu`na' lajii` júu` e jíng' Jmiguí` quiá' Fidiée` e catíng` lajii` guié` 'lé` dsea` quié` e."

4

Jial lá' lí' jmiféng' dsea` Fidiée` fí' ñifí`

¹ Jo mi` cangí` e jo, lalab jíng' gui Juan e cangár` : Jo camó` o e óob` coo` jní` quiá' ñifí` , jo canú` u e guica`ii` fí' yá'` jmigüi` coo` luu` e ii` lafa' coo` lúu` trompé` lí' laco' canú` u lamí` uii` do, jo lalab casí' jnea` :

—Ñiquiéeng` fí' la, jo nijméé` e 'nu` júu` lajii` e 'né` nidsijéé` lajee` mi` ningíng` e la.

² Jo ladsifí` lajob cajá` a jee` Jmiguí` quiá' Fidiée` , jo lajee` jo camán` n jaang` dsea` fí' ñifí` ; jo i dsea` í` guiiñ` e fí' éé` e lí` gua` dsea` i laniing` i quiu'r` ta` .

³ Jo camán` nre e jnéeng` nir` laco'gui la lí' coo` cuu` jlo` e jí' eáang` e sii` cornalina, jogui jnéeiñ` cajo laco' coo` cuu` e sii` jaspe e jíng` jí' ; jogui lacúng' lajíng` e lí` guing` i dsea` 'ña' do camó` o e lafa' sí' coo` cuu` e jnéng` mi` dséé` jmigui` e tí' ié` , jo e jo jíng` jí' jlo` laco' coo` cuu` rø' e sii` esmeralda. ⁴ Jo fí' job camó` guí` cajo jíé` gui guiequiúung` yáú` dsea` cóong` e neáaiñ` fí' jo, jo lajiiing` i dsea` í` qui'r` 'mi' té, jogui téé` fí' moguir` lajaang` lajaaíñ` jmá' có` lí' corona e lí' cóo` layaang` cunéé` . ⁵ Jo e fí' lí` guing` i dsea` laniing` do jnéeng` lafa' mi` líjii` güi'ñaí` , jogui náub' mi` nii` cajo, jo dseáng' e eám` téé` mii` ; jogui e fí' quini` lí` guing` i dsea` laniing` do jnéeng` coo` guié` bóø` jí, jo e jo guóng` quiá' lajii` guiáng` jmiguí` quiá' Fidiée` . ⁶ Jo e fí' quini` e lí` guing` i dsea` do, fí' job jnéeng` cajo laco' la jnéeng` fí' ni` jmiñí' , jo jnéeng` ta' jmi` lafa' coo` sí' jí' . Jo dseáng' guiá' jóo` jogui lacúng' lajíng` e fí' lí` guing` i dsea` laniing` do, neáang` quiúung` i jí' i dsi` jmigui` jmini` lí' quini` jogui lajobi lí' caluu` cajo. ⁷ Jo i jí' i la'uii` do jnéeiñ` lafa' jaang` ie` , jogui i jí' i catí` tú` do jnéeiñ` lafa' jaang` güitá` , jogui i jí' i catí` 'ni' do, í`bing' líing` laco' jaang` dsea` jmigüi` la jneaa`aa' , jogui i jí' i lí' catí` quiú` do jnéeiñ` lafa' jaang` mii` i íing` guiá' güi` . ⁸ Jo lajaang` lajaang` i quiúung` do dsi` jnúu` cuéer` , jogui dsi` jmigui` jminir` lí' lí' ni` jogui lí' lí' nú' cajo; jo dseáng' uøø` jmíib` ja` tár` e fé'r` lala:

Dseáng' ja` cóong` cóob` güeang` Fíi'ii' ,

Fidiée` dsea` guing` ñifí` .

Dseáng' dsea` güeam` dsea` do,

dseáng' dsea` guiúm` dsea` do, jo íb` dsea` 'gøng' , jogui tiiñ` jmér` lí' doñí` ee` .

Jo íb` Fidiée` i seeng` lajii` latí` malii` gui, lajii` nú' gui e nitiroo` jmigüi` jogui latí` lana jogui cajo i nijáa` tu calé` catú` , i seeng` car` ngongíi` jmi` .

⁹ Jo lacoo` néé` mi` jmiféng' i quiúung` do Fidiée` e cuø'r` dsea` do gui'máang' , jogui mi` jmi'gór` dsea` do dsea` guing` fí' ñifí` , dsea` i seeng` car` ngongíi` jmi` , ¹⁰ jo mi` jmóor` lajo, joba' fí' quini` i dsea` i guing` fí' lí` niing` do, lajii` guiequiúung` i dsea` cóong` do jmiféiñ' dsea` do e téé` uø` jnir` , jogui uø'r` e lí' corona cunéé` e téé` fí' moguir` lajaang` lajaaíñ` , jo guiar` fí' quini` dsea` do jo fé'r` lala:

11 Fí'naa' Fidiéé, 'nub`dseáng' dsea`féng' dsea`ñíng' fí'la'úng' fí'jmigüí,
 joba' 'nub`dsea`catíng' e nijmiféng' dsea`'nua',
 jogui e nijmí'gó`dsea`'nua',
 jogui e nifé' dsea` e eáam' 'gøñ' cajo,
 co' 'nub`dsea`cajmeé' lajalé' e sea` fí'jmigüí,
 jo`jaléb' e cajmeé`'nua` caliseá' dseáng' laco' la iin' uø'.

5

Jì`quíá' Fidiéé e róo`fí`ñifí`

1 Jogui camó`guí cajo e fí' jaguó`dséé`quíá' i dsea` i guíng' fí' lí` níng' do e iá` coo` jì e sibéeng' e silí` lí' dsí' jogui lí' caluu` cajo, jogui síjní` røø` cóo` guié` sello e laco' ja` sea` fí' e nineá` lí' doñí` ii. 2 Jo camám`bí cajo jaang` ángel i 'gøng' eáang'`quíá' Fidiéé, jo`jmíng'ur` cóo` luu` teá` lala:

—¿I` dsea` i catíng' i nineá' e jì do jogui e nifíñ` lajì` guié` e sello`quíá' e ja` cuóøng` nineá' do?

3 Jo`dsu' ja` jìé' lí` seeng` jaang` i catíng' i nijmé` lajo, o'gui fí' yá'` jmigüí o'gui fí' guóo'` uø` o'gui fí' ná'` uø` cajo fa` seeng` jaang` i catíng' i nineá' e jì do o'gui e ír` cajo. 4 Jogui jnea~, Juan, dob sín'n`quí' i jii' ja` ñii` ee` nijmeé` e, co' ja` mí` caliséng' jii'` jaang` fa' i catíng' i nineá' e jì do o'gui e nijóør` o'gui e ní'ír` cajo. 5 Dsu' jaang` lajee` i dsea` cóøng' i tí' guiequíúung` do casí'r` jnea` lala:

—Jo`quí'`gui, co' ja` ee` fí'í` sea, co' i do i líng' i Ie' i iuung` jee` 'lé'`quíá' dsea``quíá' Judá jogui i líng' dsea` síju` dseata` dsea` féng' Daví', íb' i nicalí', joba' lana nicuóøm` nifíñ` lajì` guié` e sello do, jo`lajoba' nilí'r` nineár` e jì do.

6 Jo`mí` cangí e café' i dsea` do, joba' camán` n i Jo'se' Jiuung` i sing' fí' guíá'` jóo` e fí' lí` guíng' i dsea` laniing` do cóo``gui e lí` neáang` i quiúung` do jogui e fí' guíá'` jóo` e fí' lí` neáang' i guiequíúung` dsea` cóøng' do. Jo` i Jo'se' Jiuung` do líng'ne' lafa' jaang` i nicajung` i nicajnga' dsea``quíá'. Jogui dsí` guié` fí're' jogui guié` jmini`re' cajo; jo e job` lí' lafa' lajì` guíang` jmíguí`quíá' Fidiéé e casíñ' fí' la'úng' fí' jmigüí. 7 Jo` i Jo'se' í` cangó`re' jo` catíng`ne' casá`re' e jì e iá` fí' jaguó`dséé``quíá' i dsea` féng' i guíng' fí' lí` níng' do. 8 Jo` dsifí` mí` catíng`ne' e jì do, i quiúung` do jogui lajì` guiequíúung` i dsea` cóøng' do casíng'` yaaiñ` e téé` uø` jnir` fí' quini` i Jo'se' Jiuung` do. Jo` lajaang` lajaaíñ` do quier` cóo` lúu' e sií` arpa, jogui quier` úu' e lí' cóo` layaang` cunée` e téé` su` e coo', jo e joba' lí' jalé' e júu``quíá' dsea``quíá' Dsea` Jmáang` mí` jmiféíñ' Fidiéé. 9 Jogui ør` júu` e 'mí` e ngóo` lala:

'Nub`dseáng' i catíng' i nisó' e jì do, jogui i nifíng` jalé' e sello`quíá' do, co' cajngang' dsea`'nua', jo` cóo` e jmí'øøñ' e catuú` do íng` ta``quíá' jaléng' dsea` e laco' ni'uíñ` dsea``quíá' Fidiéé;

jo`jee` i dsea` do quíng'` jmaquíng'`lé' dsea`,

jogui jmaquíng'` íng'` jmí' e fé'r',

jo`jaléng' i dsea` í` jalíñ` fí' jmaquíng'` fí' e sea` fí' la'úng' fí' jmigüí.

10 Jo`cajmeé` cóo` lajaléng' i dsea` í` e 'nub`dsea``quíé' nifí``quíá'r` lajaang` lajaaíñ`.

Jogui cajmeé' cajo e jaléng' i dsea` í` lííñ' lajii'` jmidsea``quíá' Fidiéé.

Jogui coob` mí` niguiéé` jmí` e niquíá'r` ta` fí' latøøng` jmigüí.

11 Jo`mí` cangí e jo, jo`cajø`ø`jo` canú` u luu` dseáng' i leáang` eáang``ánges` i teáang` lacúng' lajíng' e lí` guíng' i dsea` níng'`quíá' ta` do jogui lacúng' lajíng' e lí` neáang' i quiúung` do jogui i dsea` cóøng' i tí' guiequíúung` do, 12 jo` guicaná' e guicaféíñ` do lala cóo` júu` teá` eáang`:

I Jo'se' Jiuung` i cajung` do dseáng' catíng`bre'

e ni'íng'ne' jalé' e 'gøng' jogui jalé' e jlo' e sea' fí' la'úng' fí' jmígüí
 jogui e tíng'ne' eáang,
 jogui catím-bre' e íng'ne' jalé' bî cajo,
 jogui e nijmí'gó' dsea' íre',
 jogui e nijmí'íang' dsí' dsea' cóo're',
 jogui e nijmiféng' dsea' íre' contøng- cajo.

¹³ Jo mi~ cangí jo, canú-biguí cajo —jíng' Juan— e lajib` e cateáa' Fidié' fí' yá' jmígüí jogui fí' ni~ guóo' uó' la jogui fí' lí' nú' uó' jo lajobi fí' lí' nú' jmiñí' cajo, jo lalab guicajíng':

Í dsea' quie' nifí' i guíng' fí' lí' níng' quiu' ta~ do, jogui i Jo'se' Jiuung~ do cajo, íbing' i catíng' i nijmiféng' dsea' jogui i nijmí'gó' dsea' cajo, có' dsea' íb' dsea' i 'gøng' i tíng' jmé' lí' doñí' ee', joba' dseáng' catím-bre e nijmér- lajii' e íang' dsír' lata~ róo' jmígüí.

¹⁴ Jogui i quiúung- do cañír' lala:

—iE jáb', lajob lí'!

Jogui laj' guiequiúung' i dsea' cóøng' do casí'r' uó' jnir~ jogui ja' quiuiñ' e jmiféiñ' dsea' do.

6

Mi~ cañing- laj' guie' sello

¹ Jo mi~ cangí jo, camó-guí —jíng' Juan— jial i Jo'se' Jiuung~ do cañing'ne' la'uii~ e guie' sello do. Jo mi~ calí jo, jo canú-u e guicafé' jaang' lajee' i quiúung- do, jo dseáng' canú' lafa' e líng' ee' cóo' guicaniib' dseáng' e teá' eáang' jo cajíñ':

—iNea' jo jóø- e la!

² Joba' cajóø- jnea~ ladsifí' lana, jo camán-n jaang' cuea~ teaang', jo i dsea' i guíng' fí' mocóo're' do se'r' cóo' lí'. Jo i dsea' í cangíiñ' cóo' e lí' corona e nitó'r' fí' moguir~ jo líiñ' jaang' dsea' i calí' jogui i nilí'bi cajo.

³ Jo mi~ tí lí' cañing' i Jo'se' Jiuung~ do e sello e catí tú- do, joba' canú-u e guicajíng' i catí tú- do lajee' i quiúung- do, jo lalab cajíñ' do:

—iNea' jo jóø- e la!

⁴ Joba' cajóø- jnea~ ladsifí' lana, jo camán-n jaang' cuea~ i yúung', jo i dsea' i guíng' fí' mocóo're' do cangíiñ' e tíiñ' e ni'nór- 'nií' quiá' dsea' e laco' niliseeng' dsea' mii' fí' jmígüí la, jogui e nijmér- e nijngáng' rúng' dsea' lajee' la'ó' rúñ'; jo mifíng' cangíiñ' cóo' ñisú' e niguó' quiá' jee' 'nií'.

⁵ Jo mi~ tí lí' cañing' i Jo'se' Jiuung~ do e sello e catí 'ní' do, joba' canú-u e guicajíng' i catí 'ní' lajee' i quiúung- do, jo lalab cajíñ' do:

—iNea' jo jóø- e la!

Joba' cajóø- jnea~ ladsifí' lana, jo camán-n jaang' cuea~ i uíng', jo i dsea' i guíng' fí' mocóo're' do se'r' cóo' cue'í'. ⁶ Jo jee' laco' neáang' i quiúung- do canú-u lafa' luu~ dsea' jo guicajíng' lala:

—Dseáng' cóo'b' kiil~ micui'íee' jíi' e tíng' dsea' quiá' e 'léeiñ' cóo' jmiñ' ta~, jogui jíi' 'ní' kiil~ micui'í' cebadaba' e 'léeiñ' quiá' cóo' jmiñ' ta~ cajo; dsu' ja' cuøng' e lí' nidsi'í' lajo e aceite o'gui e jmí' m'í' huíng' jó' cajo.

⁷ Jo mi~ tí lí' cañing' i Jo'se' Jiuung~ do e sello e catí quiú' do, joba' canú-u e guicajíng' i catí quiú' do lajee' i quiúung- do, jo lalab cajíñ' do:

—iNea' jo jóø- e la!

⁸ Joba' cajóø- jnea~ ladsifí' lana, jo camán-n jaang' cuea~ i iuung- i' rø' uaang~, jo i dsea' i guíng' fí' mocóo're' do siir' 'mó'. Jo caluu' i dsea' í jáa' jaang'gui i líng' fii' quiá' 'mó'; jo cangíiñ' e tíiñ' e quiu'r' ta~ latøng- caquiúung' fí' jmígüí e nijngáiñ' dsea' cóo' jalé' ñisú', jogui niseáiñ' dsea' e

jo` sea` dóniñ´, jogui nitó`r` jalé` j mohuñ´, jogui nitáñ´ jaléng` jó` nuu` e laco` nijngáng`-ne` dsea`.

⁹ Jo mi` cafiing` i Jo`se` Jiuung` do e sello e catí` ñiá` do, joba` camán`-n` fí` ná` nife` jaléng` i dsea` i cajúng` i cajnga` dsea` quiá`- uí` e cani`r` júu` quiá`- Fidié` . ¹⁰ Jo fé` jaléng` i dsea` í` cóo` júu` e teá` eáang`, jo lalab` jín`- do:

—Fí`naa`, 'nab` dsea` i güean` i ja` dsee` røøng` jii` cóo` jogui dseáng` i jmiti` júu` quiá`- contøøng` . Jo çli` catí` niquidsi` í` quiá`- jaléng` dsea` jmigüi` jogui nicuó`re` iihuñ´ uii` quiá`- e cajngaiñ´ jnea`^?

¹¹ Jo lajaang` lajaang` i dsea` do cangüñ` si`r` e tee` jlo`, jogui canúur` e `né` nijmi`ím`bir` cateá` lajo, co` `né` e nijém`bir` jaléng`gui` dsea` caguaang`gui` quiá`- Dsea` Jmáang` i jmóo` ta` quiá`r` e nijúuiñ` lí` laco` cajúng` jaléng` í`r` cajo, jo lajoguiba` nidsíng` i si`íng` lajo.

¹² Jo dob` sín`n` jóø`ø` mi` tí` lí` cafiing` i Jo`se` Jiuung` do e sello e catí` jñáa` do. Jo lajee` job` mi` cajó` uó` dseáng` e eáang`. Jo iee` dseáng` caliniúm`bre` dseáng` lafa` cóo` `ná` `mi` uí` e qui` dsea` mi` líiñ` fí`í` ; jogui si` dseáng` caliyúuiñ` lafa` jmi`, ¹³ jogui jaléng` náa` i sitóng` fí` yú` jmigüi` cajiúm`bre` fí` ni` uó` lí` laco`gui` sijiá` güñí` sí` fí` yú` `ma` quiá`- mi` í` guí` e teá` eáang`.

¹⁴ Jogui yú` jmigüi` ca`ím` e casitíng` yaang` laco`gui` mi` béeng` cóo` mají, jogui lajalé` mó` cóo`gui` jalé` guóo` uó`-ji` e née` ni` jmiñí` calisím` ée` quiá`- laco` laco`. ¹⁵ Jo jaléng` dseata` dsea` féng` cóo`gui` jaléng` dsea` laniing` i quiu` ta` fí` jmigüi` na, jogui jaléng` `lé` laniing` i quie` nifí, cóo`gui` jaléng` dsea` sea` cuu`, jogui jaléng` dsea` laniing` i quie` nifí jogui jaléng` dsea` i silaang`, cóo`gui` jaléng` dsea` i si`niing` i jmóo` ta`, jo jaléng` dsea` íb` i canaang` `méeng` fí` dsí` tó` jogui lacaang` jee` jiáa` fí` jee` mó` cajo, ¹⁶ jogui canaaiñ` s`r` jalé` e mó` do cóo`gui` jalé` e jiáa` do:

—Jliing` jnea` jo `meeng` jnea` quiá`- i dsea` i laniing` i guing` quiu` ta` do jogui quiá`- i Jo`se` Jiuung` do cajo, co` eáam` niguiñ` qui`naa` joba` iihuñ´ eáam` nicuó`r` lana.

¹⁷ Dsaco` lanab` cadsíng` jmñ` e nidsijé` iihuñ´ e eáang`, joba` çí` nité` lí` cóo` e jo?

7

Lajii` dsea` quiá`- Fidié` i nisi`íng`

¹ Jo mi` cangí` e jo, camán`-n` -jín`- Juan— quiúung` ángeles i teáang` laji` quiu` quiúung` ni` guóo` uó` jmigüi` e se`r` laji` quiu` quiúung` jmigüi` e laco` jo` ni`f`-gui` guí` fí` ni` guóo` uó` o`gui` fí` ni` jmiñí` o`gui` fí` jee` `ma` cajo. ² Jo camám`biguñ` cajo jaang`gui` ángel i jaa` fí` lí` lí` guo` iee`, jo jaar` se`r` e sello quiá`- Fidié` i seeng` car` ngongñ` jmñ` do. Jo i ángel do cóo` júu` teáb` eáang` cató`r` laji` quiúung` i ángeles i cangíng` e tñiñ` quiá`- e ni`lér` fí` ni` guóo` uó` jogui fí` ni` jmiñí` cajo. ³ Jo i ángel i jaa` fí` lí` lí` guo` iee` do casí`r` i ángeles i quiúung` do jo lalab` cajín`-:

—Ja` `lee`na` jii` cóo` fí` ni` guóo` uó` osi` ni` jmiñí` osi` jalé` `ma` é cartí` mi` nité`naa` e sello quiá`- Fidié` qui`-ii` fí` guiaquí` lajaang` lajaang` dsea` i jmóo` lajii` e iing` Fidié` .

⁴ Jogui canú` bñ` cajo jié` jii` tí` i dsea` i ni`íng` e sello quiá`- Fidié` do, jo i dsea` í` tíir` ciento cuarenta y cuatro mil jee` jaléng` `lé` dsea` Israel. ⁵ Jo jaléng` i dsea` í` quíng` guitu` mil dsea` i teáang` jee` `lé` quiá`- dsea` siju` Judá, jogui guitu` mil dsea` i teáang` jee` `lé` quiá`- dsea` siju` Rubén, jogui guitu` mil dsea` i teáang` jee` `lé` quiá`- dsea` siju` Gad, ⁶ jogui guitu` mil dsea` i teáang` jee` `lé` quiá`- dsea` siju` Aser, jogui guitu` mil dsea` i teáang` jee` `lé` quiá`- dsea` siju` Neftalí, jogui guitu` mil dsea` i teáang` jee` `lé` quiá`- dsea` siju`

Manasés, ⁷ jogui guitu' mil dsea` i teáang' jee` 'lé' quiá'- dsea` siju` Simeón, jogui guitu' mil dsea` i teáang' jee` 'lé' quiá'- dsea` siju` Leví, jogui guitu' mil dsea` i teáang' jee` 'lé' quiá'- dsea` siju` Isacar, ⁸ jogui guitu' mil dsea` i teáang' jee` 'lé' quiá'- dsea` siju` Zabulón, jogui guitu' mil dsea` i teáang' jee` 'lé' quiá'- dsea` siju` Sé^, jogui guitu' mil dsea` i teáang' jee` 'lé' quiá'- dsea` siju` Míing`.

Jaléng' dsea` i nitee` sí'

⁹ Jo mi~ cangî e jo -jíng'-gui Juan- camán-n dsea` i dseáng'- i 'leáang'- eáang', jo jíi~ jaang` dsea` ja` i` quíi~ jmî~ fa' e nijmi'íñ^ jóng' i dsea` do tíir'. Jo jee` i dsea` do quíing' dsea` i seeng` fí' lajalé' fii, jogui laca'íing' ca'íing' dsea`, jogui laca'íing' fii e sea` fí' jmigüí, jogui lajalé' jmíi' e fé' dsea` e sea` fí' jmigüí. Jo lajiiñ` do, dob teáaiñ` fí' quini` e ée^ e li~ guíing` i dsea` laniing` do jogui fí' quini` i Jo'se' Jiuung` do cajo. Jo lajii~ bre qui'r` sír^ e tee` jogui se'r` guo' moo` quíee` lajaang` lajaañ`. ¹⁰ Jo lalab féiñ` do cóo'~ júu^ e teá':

i nab Fidiéé` quí-naa' colíing` cóo'~ i Jo'se' Jiuung` do i nicalí'- cacuó'r` jnea'^ e nicaláang-naa' jee` jalé' iihuí' e catíing-naa' uí'~ jalé' dsee` quí-naa',

co' i nab dsea` i guíing` e fí' li~ níing` do fí' li~ quiu'r` ta'!

¹¹ Jo lajii~ ángeles teáaiñ` lacúng' lajíing` e li~ guíing` i dsea` laniing` quiu'r` ta` do jogui lacúng' lajíing` e li~ neáang` jaléng' dsea` cóong' jogui e li~ neáang` i quiúung` do; jo lajiiing` i ángeles do catúuiñ` cartí' cajnúu` dsequíir` e fí' quini` e li~ guíing` i dsea` níing` do e jmiféng' neiñ' lala:

¹² iLajob nilí'!

Jo catíim` Fidiéé` quí-ii' e nijmiféng'naa'r,
jo catíim`-bre e ni'íñ` dseáng'- lajii~ e 'gøng',
jogui íb' dsea` i tíing` ngáng',
jogui catíim`-bre e nicuóø'naa're gui'máang'
jogui e nijmi'goo`-baa're cajo jo tíim`-bre jmér` lí'^ doñí' ee`,
jogui seab` bí' quiá'r` cajo car` ngongí' jmî~.

iJo lajob nilí'!

¹³ Jo jaang` lajee` guiequiúung` i dsea` cóong' do cajming'í'r` jnea` lala jo cajíñ`-:

-¿Í' jaléng' i dsea` i qui' 'mi' té' na? ¿Jo jie` fí' li~ cajalíñ'- na?

¹⁴ Joba' lalab cangíi~ jnea` quiá'r`-:

-Ée', 'nub` dsea` ñí'.

Joba' cañí'tur quíe` e lala:

-I nab jaléng' dsea` i nicangíing` jee` jalé' iihuí', jogui nicaru'bre sír^ jo teeb` nicaséer' la'eáang` cóo'~ jmí'øong` i Jo'se' Jiuung` do.

¹⁵ Jo uíi~ joba' teáaiñ` fí' quini` laco' lí' guíing` Fidiéé` quiu'r` ta`.

Jo uóø` jmíib` jmicóo'r` fí' sináú^ guá'- quiá'- Fidiéé`,
jo nijméb` i dsea` i guíing` fí' laniing` do í' jaléng' i dsea` í'.

¹⁶ Jo ja` tóo` jmî~ fa' niguiá` jmí'aañ`

o'gui jmíjmíiñ` calé' catú` ,

o'gui nilí' guí'r` iee`

o'gui e guiné'r` cajo,

¹⁷ co' i Jo'se' Jiuung` i guíing` dseáng'- fí' quini` e li~ guíing` i dsea` níing` quiu'r` ta` do,

íb` i nilíing` dsea` i jmóo` í' jaléng' i dsea` í' lafa' jaang` dsea` i jmóo` í' jo'se' quiá'r` ,

jo íb` i nijé` quiá'r` cajo fí' li~ sea` lafa' jmî` jlo'^ e jmóo` e seeng` dsea` cóong` cóo'~ Fidiéé` lata`;

jo Fidiée˘ nijmér˘ e jo` niquí˘li jaléng˘ i dsea` í.

8

Mi˘ caŕŕing˘ e sello e catí˘ guié˘ do

¹ Jo mi˘ cangí˘ jo, jo camó˘ o mi˘ tí˘ li˘ caŕŕing˘ i Jo'se˘ Jiuung˘ do e sello e catí˘ guié˘ quiá˘ e jì˘ do, jo dsifí˘ mi˘ calí˘ lajo dseáng˘ tiib˘ ca'í˘ fí˘ yá˘ jmigüi˘ lajee˘ ca'ná˘ oor˘. ² Jo lajee˘ job, camán˘ n lajì˘ guiáng˘ ángeles e teáaiñ˘ fí˘ quini˘ Fidiée˘, jo cangíiñ˘ do lajaang˘ lajaaiñ˘ jmacó˘ lúu˘ trompé˘. ³ Jo mi˘ cangí˘ jo, cajnéng˘ jaang˘ gui˘ ángel, jo casíñ˘ do 'ñia˘r˘ fí˘ nife˘ jo quier˘ coo˘ úu˘ e lí˘ cóo˘˘ layaang˘ cunée˘, jo róòm˘ téé˘ sù˘ e silíng˘. Jo jmguiab˘ e sù˘ do cangíiñ˘, jo cacang˘ niung˘ cóo˘˘ jalé˘ júu˘ e jmiféng˘ dsea˘ Fidiée˘ quiá˘ jaléng˘ dsea˘ i nilíng˘ dsea˘ quiá˘ dsea˘ do. Jo jalé˘ e jo, fí˘ dob cajé˘ fí˘ nife˘ e lí˘ silí˘ cóo˘˘ layaang˘ cunée˘ e si˘ fí˘ quini˘ e lí˘ lí˘ éé˘ e lí˘ guing˘ i dsea˘ laniing˘ i quiu˘ ta˘ do. ⁴ Jo mi˘ cacóo˘ e sù˘ e silíng˘ do e téé˘ e fí˘ dsí˘ úu˘ quiá˘ sù˘ do e se˘ i ángel do, joba˘ e jmiñi˘ quiá˘ do canaang˘ soo˘ fí˘ quini˘ Fidiée˘ colíng˘ cóo˘˘ jalé˘ júu˘ e fé˘ dsea˘ mi˘ féiñ˘ Fidiée˘. ⁵ Jo mi˘ cangí˘ jo, i ángel do cajmiróoiñ˘ e úu˘ do cóo˘˘ mí˘ jito˘ quiá˘ nife˘, jo ngí˘ jo coo˘ cafeá˘bre fí˘ ni˘ guóo˘ uó˘; jo job mi˘ caná˘ e gab˘ caní˘ jogui˘ catá˘ mí˘ eéang˘ jogui˘ caquie˘ güi˘ñiá˘ jo cajó˘ uó˘ e eéang˘ cajo.

Mi˘ calí˘ jalé˘ lúu˘ trompé˘

⁶ Jo mi˘ cangí˘ jo, lajì˘ guiáng˘ ángeles i quie˘ jmacó˘ lúu˘ trompé˘ caguiéeng˘ guiá˘ yaaiñ˘ e nijíuu˘ bre.

⁷ Joba˘ i ángel la'uii˘ do cajiúur˘ lúu˘ trompé˘ quiá˘r˘, jo dsifí˘ lajob canaang˘ cabi˘ fí˘ ni˘ guóo˘ uó˘ jalé˘ dsí˘ cóo˘˘ jì˘ e sicáng˘ cóo˘˘ jmi˘. Jo cacóob˘ jie˘ ja˘ ca'ná˘ fí˘ latøng˘ guóo˘ uó˘, jogui˘ lajobi jalé˘ 'ma˘ cacóob˘ jie˘ ja˘ condseá˘, lí˘ lajalé˘ onuu˘ rø˘ e sea˘ lajob calí˘.

⁸ Jo i ángel i catí˘ gaang˘ do cajiúur˘ e lúu˘ trompé˘ quiá˘r˘, jo dsifí˘ lajob camó˘ o —jíng˘ Juan— coo˘ e lí˘ la lí˘ coo˘ mó˘ e fé˘ e ía˘ jì˘ eéang˘, jo e jo fí˘ dob cabi˘ fí˘ ni˘ jmiñi˘, jogui˘ jie˘ ja˘ condseá˘ jmiñi˘ ca'uíng˘ jmi˘. ⁹ Jogui˘ cajo jie˘ ja˘ condseá˘ jaléng˘ jó˘ teéang˘ é˘ jmiñi˘ cajúm˘ bre˘, jogui˘ ca'ím˘ cajo jie˘ ja˘ condseá˘ jalé˘ e móo˘ e ngí˘ fí˘ ni˘ jmiñi˘.

¹⁰ Jo i ángel i catí˘ gaang˘ do cajiúur˘ lúu˘ trompé˘ quiá˘r˘, jo dsifí˘ lajob catóng˘ jaang˘ núu˘ féng˘ i íng˘ fí˘ yá˘ jmgüi˘ i caang˘ lafa˘ coo˘ bøji˘. Jo i la catóíñ˘ jie˘ ja˘ condseá˘ fí˘ ni˘ lajalé˘ gua˘ jogui˘ lacaang˘ fí˘ lí˘ níng˘ jmi˘ cajo.

¹¹ Jo gab˘ jiu˘ núu˘ júu˘ jí˘ laco˘ e si˘ i núu˘ do, co˘ siir˘ Coo˘ e Guí˘; jogui˘ jie˘ ja˘ condseá˘ lajee˘ lajalé˘ jmi˘ cali˘lib˘ e caligui˘, jo i fíim˘ jaléng˘ dsea˘ cajúng˘ dsu˘ e ca'í˘r˘ e jmi˘ e cacáng˘ lafa˘ oguí˘ do.

¹² Jo mi˘ cangí˘ jo, i ángel i catí˘ quiúung˘ do cajiúur˘ lúu˘ trompé˘ quiá˘r˘, jo dsifí˘ lajob jie˘ ja˘ condseá˘ iee˘ jogui˘ jie˘ ja˘ condseá˘ si˘ jogui˘ jie˘ ja˘ condseá˘ lajee˘ lajaléng˘ núu˘ calé˘b˘ quiá˘r˘, lí˘ jie˘ ja˘ condseá˘ tøng˘ laca'íng˘ ca'íiñ˘ do, jo jo˘ e jir˘ caliseá˘ gui˘ jí˘ capí˘. Joba˘ jie˘ ja˘ ca'ná˘ jmi˘ jogui˘ jie˘ ja˘ ca'ná˘ uóø˘ jo˘ ee˘ jì˘ caliseá˘ jí˘ capí˘.

¹³ Jo ngí˘ jo, camán˘ n jaang˘ jó˘ i jnéng˘ lafa˘ mi˘ e cangíng˘ne˘ íng˘ne˘ fí˘ guiá˘ güí˘. Jo lalab cajíng˘ ne˘ cóo˘˘ júu˘ teá˘:

—iE ngí˘ fíib˘ jaléng˘ dsea˘ i seeng˘gui˘ fí˘ ni˘ guóo˘ uó˘ jmgüi˘ mi˘ tí˘ li˘ nití˘ í˘ e ni˘i˘ lúu˘ trompé˘ e nabi˘ nijíuu˘ i gaang˘gui˘ ángeles do!

9

¹ Jo mi˘ cangí˘ jo, i ángel i catí˘ 'ñíng˘ do cajiúur˘ lúu˘ trompé˘ quiá˘r˘, joba˘ camán˘ n ladsifí˘ lado jaang˘ núu˘ i íng˘ fí˘ yá˘ jmgüi˘ jo catóíñ˘ fí˘ ni˘ guóo˘ uó˘; jogui˘ cangíiñ˘ do e joñí˘ quiá˘ too˘ lí˘ nuu˘ só˘. ² Jo mi˘ caná˘ e too˘ jo,

dseáng' ca'uøø jmiñi' ñuu lafa' jmiñi' e uøø fi' dsí' too' hornob dseáng'; jogui e jmiñi' e ca'uøø e fi' too' nuu sò' do cajmée e calinú, co' caquiáam' iee' cóo' e jmiñi' do. ³ Jo i' leáng' miñi' ca'uøøng' jee' e jmiñi' do jo caning' ne' fi' ni' guóo' uøø; jo cangúng' i' jó' do e ca'uing' ne' jó' i' guím' jogui e í're' lafa' tacúb'. ⁴ Jo cahuí' ta' quiá' i' jó' do e ja' ni' lé' re' jí' coo' onuu, dseáng' jí' ca'ling' onuu' rø' o'gui jalé' ma'. Jo dseáng' lají' dsea' i' ja' too' sello quiá' Fidiée' fi' guiaquí', lají' í'bing' i' ni'ing' i' jó' do. ⁵ Jo dsu' jaléng' i' miñi' do ja' cangúng' ne' fi' fa' dseáng' e nijngáng' ne' jaléng' dsea', co' lají' fi' e cangúng' ne' e lico' nicuø' re' dsea' iihu' eáam' lajee' ñíng' si'; jo e li' ni' re' do cu' laco'gui cu' li' í' jaang' tacú' guíng'. ⁶ Jo ie' jmí' jo jaléng' dsea' nijmé-bre quijí' jial nijúuñ', jo dsu' ja' niguié'r' e' uíng' e nijngáng' yaaiñ'; co' iim-bre e nijúuñ', dsu' ja' mó' nilisea' quiá'r'.

⁷ Jo i' miñi' do jnéeng' ne' laco' cuea' i' níng' guiá' quiá' e nidsilíng' ne' fi' jee' ni'; jo té' moguí' re' lajaang' lajaang' ne' lí' corona e lí' cóo' layaang' cunée', jogui ni' re' líb'jiu laco' lí' ni' dsea' jmigú'. ⁸ Jogui jñú' re' líb'jiu laco' lí' jñugui' dseamí', jogui maja' re' lí' la lí' maja' ie'. ⁹ Jogui lacaang' nidsí' re' sibé' layaang' ní' e laco' jmi'øng' yaang' ne', jogui lají' e mí' e ta' cuée' re' do laco' íng' ne' ná' lafa' mi' i' jalí' bøø' carreta e jñú' cuea' e níngol' fi' jee' ni'. ¹⁰ Jogui nicú' re' lí' laco' lí' nicú' tacú', jo cóo' e job í' re'. Jo cangúng' ne' e líng' ne' jó' guíng' e laco' ni'ing' ne' jaléng' dsea' lajee' ñíng' si'. ¹¹ Jo seem' jaang' i' quie' nifi' quiá' jaléng' i' miñi' do i' quiá' ta' quiáa' re', jo íb' i' ángel i' ling' laniing' do i' née' ni' e fi' too' nuu sò' do. Jo Abadón siir' cóo' jmí' hebreo, jogui Apolión siir' cóo' jmí' griego, jo e jo guøng' jaang' i' léé'.

¹² Jo lanab cadséng' la'uii' coo' 'lé' e iihu' do; dsu' lí' uiim' bi' jóng, co' nabi jalí' tú' 'lé' gui iihu' e eáang' gui.

¹³ Jo mi' tí' lí' cajiú' i' ángel i' catí' jñúung' do lúu' trompé' quiá'r', jo dsifí' lajob canú' u luu' dsea' e guicajá' e fi' lí' té' laj' quiú' fi' fi' laj' quiú' quiúung' quiá' nife' e lí' cóo' layaang' cunée' do e si' fi' quini' Fidiée'. ¹⁴ Jo e luu' jo casí' lala i' ángel i' catí' jñúung' do i' quie' lúu' trompé' jo cajiñ':

—Leaang' laj' quiúung' i' ángeles i' ñúung' cóo' ní' cadena do e fi' gua' fé' e sii' Éufrates.

¹⁵ Jo caláam' i' ángeles i' quiúung' do e laco' nijngáiñ' jie' ja' condseá' tøøng' jaléng' dsea' i' seeng' fi' jmigú', co' jéem' nicané' guiá' quiáñ' do e oor' jogui e' jmí' jogui e' si' jogui e' jí' e nijméñ' do lajo. ¹⁶ Jo i' léé' i' neáang' cuea' do canú' baa e tír' doscientos millones.

¹⁷ Jo lajoba' camó' o lají' e iing' Fidiée' e nimoo' do e camán' n jaléng' i' cuea' do, jo jaléng' i' dsea' i' neáang' fi' mocóo' re' do quier' fi' ni' dsí' chulé' e lí' cóo' ní' e laco' jmi'øng' yaaiñ'. Jo e jo jnéeng' laco' jnéeng' j' jogui azul lí' laco' lí' coo' cuu' e sii' jacinto, jogui e née' laco'gui lí' azufre. Jogui moguí' jaléng' i' cuea' do lí' laco' lí' moguí' ie', jogui fi' mo'oo' re' uøø' j' jogui jmiñi' jogui azufre cajo. ¹⁸ Jo jie' ja' condseá' tøøng' laj' dsea' jmigú' cajúñ' cóo' e j' do cóo' gui e jmiñi' do jogui cóo' e azufre do e uøø' fi' mo'oo' i' jó' do. ¹⁹ Dsuo' e oo' i' cuea' do e qui' re' jmí' fi' mo'oo' re' cóo' gui fi' nicú' re', co' nicú' re' lí' laco' lí' moguí' mi', jo cóo' e job e cú' re' car' jngang' ne' dsea'.

²⁰ Jo jaléng' dsea' i' ja' cajúng' cóo' jalé' e iihu' e caliseá' do, dsu' ja' catá' bir e jmóor' jalé' e lí' e tá' jmóor', o'gui catár' e jmiféñ' jaléng' i' ling', o'gui catár' e jmiféñ' jaléng' diée' i' o' já' i' líng' cóo' layaang' cunée' osi cóo' cutee' osi cóo' ní' bronce osi cóo' jalé' cuu' osi cóo' jalé' ma' é; jo jí' jaang' i' diée' i' o' já' do cuøøng' lí' jøø' o'gui cuøøng' lí' núr' o'gui cuøøng' lí' ngír' cajo. ²¹ Jo dseáng' ja' cali' iing' i' dsea' do fa' catár' e jmóo' bir jalé' ta' jngang'

jaléng' dseá` rúng' jogui jalé' ta` dseá` láang` jogui jalé' ta` 'léé' cóo' dseañu' osi dseamf i o' quíá'r` jogui jalé' ta` jmóo` ð cajo.

10

Jaang` ángel cóo' cóo' jì'jiu

¹ Jo mi` cangf jo —jìng' Juan— camáng` guí jaang` ángel i 'gøng' i jajgiáng` fí yá' jmi`güi i quíng' jee` cabøø` jni', jo e fí lacúng' moguir` si' cóo' cuu` e jnéeng` mi` dsée' jmi`gui` jogui e tí' iee`. Jogui nir` jìng' jì' laco' jì' iee', jogui tíir` lí' laco' mi` sòng' niing` jì e cuee`. ² Jogui se'r` cóo' jì'jiu e sina', jo casí' i ángel do tíir` dsée' fí ni` jmi`ní', jogui e tíir` tuung` do casí'r` fí ni` guóo' uó`. ³ Jo teá' eáang' ca'óor` lí' laco'gui mi` óo` jaang` ie'; jo mi` tí' lí' ca'óor`, e luur` do canú' lafa' e caquie' güi`ñiá` guié` ya'. ⁴ Jo mi` cangf e canii` e guié` ya' do, jnea` lamí` si'í` nijmée' baa jalé' e jo fí ni` jì; dsu' lajee` job mi` tí' lí' canú` u cóo' luu` e jaa' fí yá' jmi`güi` jo casí' jnea` lala:

—Juan, lico' 'meeng` fí dsí' moguí' lajalé' júu` e canúu'` quíá' e guié` ya' e nicanii` do, jo jie` mí' í' a' fa' e nijmée'.

⁵ Jo i ángel i camán` n do i casí' tíir` e dsée' fí ni` jmi`ní' jogui tíir` e tuung` fí ni` guóo' uó`, caséer` guóor` dsée' fí yá' jmi`güi` ⁶ jo cacuør` júu` quíá'r` uii` quíá' i dseá' i seeng` car` ngongf jmi` do, i dseá' i cajmée` yá' jmi`güi` jogui jaléng' i seeng` fí jo, cóo' gui guóo' uó` cóo' jalé' e sea' fí jo jogui jalé' jmi`ní' lí' lajaléng' i seeng` fí la'úng` fí jmi`güi`, jo lalab cajíñ'`:

—Jo` 'né' fa' e nili`ñ` gui e niliti` jalé' e na; ⁷ co' mi` tí' lí' nití' í' e i ángel i catf guiáng` do nináñ` nijiáur` lúu' trompé' quíá'r`, jo ie` job mi` nilili` lajii` e si'má' Fidié` e 'né' niliti` e ja' ñi' dseá' jéeng'gui, lí' laco' jii` júu` e casí'r` jaléng' dseá' quíá'r` i café' cuaiñ` quíá'r` mali`gui eáang'.

⁸ Jo lajii` e luu` e canú` u la'uii` do e jaa' fí yá' jmi`güi`, caléb' catú` caféng' tu jnea` jo casí' jnea` lala:

—Juan, gua` jo quie` e jì'jiu e sina' do e iu` fí jaguó' i ángel i si'ø' fí ni` jmi`ní' jogui fí ni` guóo' uó`.

⁹ Joba' cangób` jnea` fí lí' sing' i ángel do, jo camí' ire e jì'jiu e óo' do, jo lalab cañír` quie` e:

—Jó' o' jo quie'. Jo lifa' fí mo'oo' niliróob` laco'gui la róo` ta', jo dsu' fí dsí' tú' niligui'b'.

¹⁰ Jo mi` cangf e jo, catim` baa' e jì'jiu do e fí lí' se' i ángel do jo cagó' baa; jo já' ba' e fí mo'óo' jlob' róo` e do, lifa' mi` catf fí dsí' tú' u, gab` guí' e do.

¹¹ Joba' guicanú' cóo' luu` e guicajíng' casí' jnea` lala:

—Nu` 'né' niguiá' tu calé' catú` jalé' júu` e jìng' Fidié` cuaiñ` quíá' jaléng' dseá' i seeng` fí jalé' fii` jogui laco' sinúu` jogui laca'íng' jmi' e fé' dseá' jogui fí quini` jaléng' dseata` dseá' cóøng' i quie' nifí' cajo.

11

Gáng` dseá' i tí' ni`

¹ Jo mi` cangf jo —jìng' gui Juan— cangñ` cóo' sñ` e quíá'` guía' í' e lí' lafa' cóo' cuiñí', jo canú` u e lüing` ii` casí' jnea` lala:

—Raan` jo quie` e sñ` guía' í' na quí' jo quiee' í' jìé' jii` tí' e guá' quíá' Fidié` jogui jìé' jii` tí' e fí nifé' quíá'r` cajo, jogui nijmi'ím` ba' cajo jaléng' i dseá' i dsilíng` fí jo e dsijmiféiñ' Fidié`. ² Dsu' lifa' jie` mí' guía' í' fí siguí' quíá' e guá' do, co' e fí jo nicangñng` jaléng' dseá' i ja' mí' cuíng' Fidié` e laco' dseá' íb` i niso'øng' fí jee` fii` güeang' quíá' Fidié` lajee` 'ní' jii` dsí' ca'ná'. ³ Jo jnea`, Fidié`, nisín` n gáng` lajee` dseá' quie` e i tí' ni`, jo i dseá`

í qui'r 'mi' e qui' dsea` mi` líiñ' fi'í, jo jneab` cajo nicuøø`øre e nifé'r` cuaiñ` quié` e lajee` mil doscientos sesenta jmiñ`.

⁴ Jo i dsea` gáng` i tí' ni` do líiñ' lafa' laji` tú` e 'ma` olivo cóo`~gui laji` tú` e candeléer` do e téé` fi' quini` Fí'naa' dsea` née' nir' fi' la'úng` fi' ni` guóo`~ uø` jmiñ'güí. ⁵ Jo doñi' i dsea` i iing` nijmeáng` ga` i dsea` gáng` do, joba' i gáng` do uøø` ji' fi' mo'oor` jo cóo`~ e job` jñiñ` dseáng` congua' jaléng` dsea` i 'ní' ní` quiá'r`, jo lajob` nijúung` doñi' i dsea` i iing` nijmeáiñ` do ga`. ⁶ Jo i dsea` gáng` i tí' ni` do ngám`bre fi' e laco' quí'r` jmiñ` e jmér` e nijná` yá' jmiñ'güí e laco' jo` nitú`gui jmiñ' lajee` e taaiñ` e jmóor` ta` e fé'r` cuaiñ` quiá' Fidié`, jogui cajo seab` fi' quiá'r` e lí'r` e nijmi'uíñ` jmi' jalé` jmiñ', jogui seab` fi' quiá'r` cajo e nicuø'r` lajñg` dsea` jmiñ'güí lí' doñi' ee` iihu' lí' jó` ya' e cali'iñ` lajo. ⁷ Jo dsu' mi' tí' lí' cató' ta` quiá' i dsea` gáng` do e nicafé'r` cuaiñ` quiá' Fidié`, joba' i jó' 'ling` i dsée` i nigüí' fi' too` nuu` só' do, íb` i nitíng` cóo'r` jogui íb` i nilí' ír` jogui nijnga'`bing` do quiá'r`. ⁸ Jo i 'lí` gáng` do fi' dob` nrisaaiñ` fi' jee` 'núu' quiá' e fi' fé' e lí' catáng` Fiir` fi' dse'` crúu`. Jo e fi' jo lí' lafa' fi' Sodoma osi lí' lafa' Egipto é. ⁹ Jo lajee` 'ni' jmiñ` dsí condseá'` niní lajñg` dsea` i seeng` fi' fi' pí' osi fi' fi' cóo'` é, jo laco` laco` sinúu` jogui laca'ling` laca'ling` jmi' e fé' dsea`, e dob` risaang` i dsea` gáng` i ni'ling` do fi' jee` 'núu'. Jo jaléng` i dsea` do ja` nicuø'r` fi' fa' e ni'áng` i dsea` i teng'` 'líng` do. ¹⁰ Jo ie` jo jaléng` dsea` i seeng` fi' ni` guóo`~ uø` eáam` nili'íang` dsíir` dsu' e nicajúng` i dsea` gáng` do, jo jmiñ` nidsitáaiñ` e laco' cuø` lí' e eáam` íang` dsíir`, jo nicuø'` rúñ' jalé' e íang` dsíir` la'ó' ír`. Jo nijmér` lajo uí' e i dsea` gáng` do eáam` jmiñ'güí jalé' iihu' cacuø'r` jaléng` dsea` seeng` fi' jmiñ'güí.

¹¹ Jo dsu' mi' cangí e 'ni' jmiñ` dsí condseá'` do, Fidié` cajméer` e cajíb` tu` i dsea` gáng` i tí' ni` do, jo caráam` tuiñ' do calé' catú`; jo jaléng` dsea` i cangá` e cají' tuiñ' do, dsíng` cafóñ'. ¹² Jo i dsea` gáng` do canúur` coo` luu` teá' e jáa' fi' yá' jmiñ'güí jo lalab` guicajíng` e luu` do:

—¡Huí` na' fi' la!

Joba' lajob` cajméeiñ` do, cajgóo`bre e quiñ'` jee` cabøø` jni', jo jaléng` dsea` i 'ní' ní` quiá'r` cangá`bre jalé' e jo. ¹³ Jo ladsifí lajob` cajó' uø` e eáang`, jo cóo`~ e job` cajléng` guóo`~ uø` jo calím` caquiúung` jiu e fi' jo, co' caquíb' jalé' 'núu' jo guié` mil dsea` cajúng`. Jogui lajii` i ja` cajúng` cóo`~ e jo, eáam` cafóñ', jo joguib` mi` canaaiñ` e jmiñ'güí Fidié` dsea` guíng` ñiff`.

¹⁴ Jo casúum` jiu e iihu' e catí tú` do; dsu' jo` huøø` dsé` gui e nijáa' e iihu' e catí 'ni' do.

Mi' ca'ii` lúu' trompé` e catí guié` do

¹⁵ Jo coob` mi' cajiúu` i ángel i catí guiáng` do lúu' trompé'` quiá'r`, jo job` mi' tí' lí' caná' jmiñ'güí luu` e teá' eáang` fi' yá' jmiñ'güí jo lalab` nú' guicajíng` : Lanab` catí í' e Fí'naa' Fidié`,

colíng` cóo`~ i jóor` Dsea` Jmáng` i casíñ` do,

niquiá'r` ta` fi' latøøng` fi' ni` guóo`~ uø` jmiñ'güí, jo car` ngongí` jmiñ` nijmér` lajo.

¹⁶ Jogui laji` guiequiúung` i yúu` dsea` cóøng` i neáang` éé` quiá'` fi' quini` laco' guíng` Fidié` 'ña'r', lajñm` i dsea` cóøng` do catúuiñ' cartí cajnúu` nir` fi' ni` uø`, jo lajob` cajmiñ'güí Fidié` ¹⁷ jo fé'r`:

Cuøø`naa' 'nu' gui'máng`, Fí'naa' Fidié`,

'nu' dsea` féng` dsea` ñin' i quí'` jmiñ` jmé` lí' doñi' ee`,

jo 'nu' dsea` i seeng` lajii` latí malí' lajii` ná' gui e nitiroo` jmiñ'güí jogui cajo cartí lana,

jogui i nijáa` tu` calé' catú`,

dsuco' 'nu' nicangám`ba' e tiñ' e quí'` jmiñ` lí' doñi' ee`,

jogui latí lanab nicanaan' e quiá' ta~.

18 Jo lajalém' dsea` seeng` fí jmigüi' eáam' nicaligniñ` quiá';
jo dsu' lanab catí í' e nijmiguíng` uó' uui~ quiá'r- cajo,
jogui lanab cajo catí í' e niquidsi' í' quiá'- jaléng' dsea` i nicajúng-;
jogui lanab catí í' e nicuó' guiéé` quiá'- jaléng' i dsea` i cajmée` ta~ quiá'- i
café' cuaiñ` quiá'-
coling~ cóo'~ jaléng' dsea` i caling- dsea` quiá'- i cajmi'gó' 'na, nañí su
dsea` i niing- osi ja` niñ- é.

Jogui lanab catí í' cajo e ni'ím`ba' jaléng' i nica'lee',
jaléng' i nicacuó' jalé' iihuí' fí ni~ guóo'~ uó- jmigüi'.

19 Jo ngí jo, joguib cana' e guá'- quiá'- Fidiéé` e si' fí ñiff-, jogui fí dsí' job
si' e guóo' e siling` e li~ si'ma` lajii' júu` tigua` quiá'- Fidiéé`. Jo lajee` jo
dsíng'- lijí` güiñiá', jogui dsíng'- nií, jo téé~ mii~ eáang' cajo, jogui cajó' uó-,
jo dseáng'- dsí' e cóob'~ cajiá' fí ni~ guóo'~ uó- cajo.

12

Jaang` dseamí cóo'~ jaang` jó' guié- mogui~

1 Jo mi~ cangí e jo -jíng'- Juan- cóo'gui e li~ e dsigá' dsí'naa' eáang' cajnéng-
fí yá' jmigüi': jo cajnéng- jaang' dseamí i quíng' iee` lafa' e qui'r si'r, jo
lí' uui~ tár- do líng' si' jogui iu~ moguir~ cóo' lí' corona e taang~ guitúung`
núu'. 2 Jogui yuu`bi niquíéeng` i dseamí do cajo, jo dseáng'- teá eáang' óor, có'
tí li~ niliseem` i yuu` do quiá'r-. 3 Jo mi~ cangí e jo, cóo'gui li~ e cajnéng- fí
yá' jmigüi': jo cajnéng- jaang' jó' 'líng'^, jo i jó' do latøøm-bre' yúung-ne', jo
guié- mogui~re' tí' jogui guí' fí're' cajo, jo lacoó' e mogui~re' do téé~ jmacó'
lí' corona. 4 Jo cóo'~ nicúub' i jó' 'líng'^ do ca'íng-ne' jie~ ja` condseá'- tøøng-
lajaléng' núu' i sitøng'- fí yá' jmigüi' jo cabíng-ne' fí ni~ guóo'~ uó-. Jo i jó'
'líng'^ do casíng' 'ñia're' fí quini' i dseamí i tí li~ niliseeng` yuu` quiá'- do; jo
i jó' do nisijeeng`ne' e nijngám'-bre' i yuu` quiá'- i dseamí do e nicúng`ne'
ladsifí mi~ niliseeiñ` do. 5 Jo cóob` mi~ tí li~ catí í' e cangáam' i yuu` quiá'- i
dseamí do, jo jaang' jiuung~ siñuub` caliséng', jo íb` i niquíá'- ta~ fí la'úng- fí
jmigüi', jo nijmeáiñ` ta~ e 'ma'u` e lí' cóo'~ layaang~ ní'. Jo dsu' i jiuung~ do
condsée` cangáiñ'- fí li~ guíng- Fidiéé` e fí li~ lí' éé` li~ niing- do; 6 jo i dseamí
do cacuii`bre cangór- fí ni~ guóo'~ uó- quiá', có' fí jo caguia' Fidiéé` guiá- e
nilíñ'- do í' lajee` mil doscientos sesenta jmi~.

Mi~ caliseá' nií fí yá' jmigüi'

7 Jo mi~ casúung- e jo, canaang' 'nií fí yá' jmigüi'. Jo i ángel i eáang' 'gøng' i
sií Yé` cóo'~ jaléng' ángeles quiá'r- catíñ' cóo'~ i jó' 'líng'^ i guié- mogui~ do
coling~ cóo'~ jaléng' ángeles i 'líng'^ quiá'- i jó' do. 8 Jo dsu' i jó' 'líng'^ do
cóo'~gui jaléng' ángeles i 'líng'^ quiáa`re' ja` sea` bí quiáa`re' fa' e calí-re' e
'nií do. Joba' jo` caliseá'gui éé` quiáa`re' fí ñiff- fa' e nigüéa`re' fí jo. 9 Jo lajoba'
catóm' i jó' guié- mogui~ do, jo íbing' líng' fií i 'líng'^, jo sií`bire' Satanás cajo,
jo íb` i jmóo` ta~ jmigøøng` jaléng' dsea` seeng` fí la'úng- fí jmigüi'. Jo tí yá'
jmigüi' cabiing`ne' cartí ni~ guóo'~ uó- coling~ cóo'~ jaléng' ángeles i 'líng'^
quiáa`re'.

10 Jo job mi~ tí li~ canú-túu cóo' luu~ e teá eáang' fí yá' jmigüi' e guicajíng'-
lala:

Jo lanab nicatí í' e Fidiéeb` nileáiñ- jaléng' dsea` jmigüi',
jo nicár- nifí quiá'- dsea` la'eáang' cóo'~ e 'gøiñ' do.

Jogui i jóor' Dsea` Jmáang- i casíng' Fidiéé` do
lana niquíá'r- ta~ røø` quiá'- jaléng' dsea` jmigüi',

- co' nicabiim~ i lami~ 'n#ng` jaléng` dsea` rú'naa' dsea` quiá'- Dsea` Jmáang`
 i lami~ 'n#ng` jaléng` i fí' quini~ Fidiée~ e uóø` jm#i~.
- 11 Jo jaléng` i dsea` rú'naa' dsea` quiá'- Dsea` Jmáang` do nicalí'-bre i do
 la'eáang' cóo'~ e jmi'øøng` i Jo'se' Jiuung` do e catuü` fí' dse' crúu`
 jogui la'eáang' cóo'~ jalé' júu` quiá'- Fidiée~ e nicaguiar',
 jo ja` cafóin' fa' e nijúuiñ` ,
 co' caguiab' dsíir' e doñí' ee` calib`.
- 12 Jo uíi~ joba' güili'iaám` dsíi' fí' ñifí` ,
 jogui jaléng` 'nú' , dsea` nineáang`na' fí' jo, güili'iaám` óo'na' cajo!
 Jo dsu' e ngi~ f#ib` jaléng` i seeng` fí' ni~ guóo'~ uóø` jmigüi' cóo'~ gui jaléng` i
 seeng` fí' ni~ jmiñí' ,
 dsuco' nicajgáng` fii~ i 'ling'` fí' jee` 'nú' e eáang' nisigüiñ` quií'na' ,
 co' guiáb` ñiñir' e si'í' jmi~ba' seeng`guir' fí' jmigüi' na!
- 13 Jo mi~ calilí' i jó' guié` mogui~ do e cabiing`ne' fí' ni~ guóo'~ uóø` , joba'
 canaang`ne' ngi're' 'nám'bre' i dseamí' i cangoquieeng` i yuu` siñuu` do. 14 Jo
 dsu' i dseamí' do cangüiñ` quiá'- Fidiée~ e sea` tú` cuéer' e fe' , jo e jo lí' laco'
 lí' cuéé' jaang` mi~ , jo cóo'~ e jo nilí'r' ni'ñiñ` jo nidsér` fí' quiá'r` e fí' ni~
 guóo'~ uóø` quiú` do, jo lajoba' niliseeñ` huíi`-gui laco' seeng` i jó' guié` mogui~
 do, jo fí' guóo'~ uóø` job cangüiñ` jalé' e 'néer` lajee` 'ní' jii` dsí' ca'ná' . 15 Jo i
 jó' guié` mogui~ do canaang`ne' ñá're' jmiguiá' jm#i' e fí' lí' taang` i dseamí'
 do e lí' laco' nijúung` i dseamí' do e nijgiér' jm#i' ; 16 jo dsu' 'ña' guóo'~ uóø`
 cajmicóob' i dseamí' do co' canab' lafa' mo'oo` , jo fí' guóo'~ uóø` canaang` ya'
 e jm#i' quiá' e gua` do e catuü` fí' mo'oo` i jó' 'ling'` do. 17 Jo dsu' cóo'~ e jo i
 jó' 'ling'` do dseáng' e eáam' caligüing`ne' quiá' i dseamí' do, jogui cangó-bre'
 e cangotíng`ne' cóo'~ jaléng` dsea` siju` i dseamí' do i seeng`gui fí' guóo'~ uóø` ,
 jaléng` i dsea` i jmiti~ jalé' júu` quiá'- Fidiée~ jogui i teáang` teá' fí' guiá' cóo'~
 Jesús cajo. 18 Jo i jó' guié` mogui~ do fí' dob cajé're' fí' 'ni' jmiñí' .

13

Gáng`gui jó' dsée` i 'ling'`

- 1 Jo mi~ cangí' e jo -jíng' Juan- camó-gui e cagüi'fí' jee` é' jmiñí' jaang`
 jó' dsée` , jo guié` mogui`re' tí' jogui dsi~ gui` fí're' cajo. Jo laco` laco` e
 fí're' do téel' jmacó' lí' corona, jogui e fí' laco` mogui`re' do tóo` júu` e ga` e
 jmineang` Fidiée` . 2 Jo i jó' dsée` i camán`n do jnéem`bre' la jnéeng` jaang`
 ie' i sii' leopardo; jogui ti~re' líb'jiu la lí' ti~ jó' i sii' oso, jogui mo'oo`re' lí'
 la lí' mo'oo` ie' . Jo i jó' guié` mogui` la'uii~ do cacuø'bre' i jó' dsée` do lajii~
 e bí' quiáa`re' jogui lajii~ ée` lí' guing`ne' , jogui cacuø're' fí' e quiñiñ' do ta` .
 3 Jo cóo` mogui` i jó' dsée` do jnéeng` lafa' e sicuí' e jo tóo` jm#i~ nijíng` m#i' ; jo
 dsu' ca'lóob` e lí' sicuí' quiáa`re' do, joba' lajii~ dsea` jmigüi' eáam' cangogá'
 dsíir' jo lajii~ dsea` casíñ' uii~ quiá' i jó' dsée` do. 4 Jo cajmifém' dsea` i jó'
 guié` mogui` la'uii~ do dsuco' cacuø'bre' i jó' dsée` do fí' e quiñiñ' do ta` , jo
 cajmifém'bi dsea` i jó' dsée` do cajo, jo lalab casí`-reiñ' :
 -Jo' jié' lí' seeng` jaang`gui laco' i jó' dsée` la, jo jii~ jaang` ja` ii' quíi~ jm#i~
 e nilí' i jó' dsée` do mi~ ii' nitíng` cóo'`re' .
 5 Jogui cangüim`bi i jó' dsée` do fí' e nifé're' júu` róo` jogui jalé' júu` ga` uii~
 e 'ní' níng`ne' Fidiée` , jogui cangüing`bire' fí' cajo e niquiá'`re' ta` lajee` tuló`
 dsí' gáng` si' . 6 Jo lajob cajmée're' ; café'bre' júu` ga` uii~ quiá' Fidiée` cóo'~ gui
 fí' lí' guing` dsea` do, jo café'bre' júu` ga` cajo uii~ quiá' jaléng` i neáang' fí'
 ñifí' . 7 Jogui cangüim`bre' fí' cajo e nijmé`re' 'nií' cóo'~ jaléng` dsea` i líng` dsea`
 quiá' Fidiée` cartí' nilí'bre' jaléng` i dsea` í' ; jo dseáng' i jó' dsée` dobing' i

quia' ta~ lí' doñí' ìi' dsea' ì seeng' fí' fíi' cóo'~ osi fí' fíi' pí' é osi lí' doñí' ee' jmí' e fé' dsea' é. ⁸ Jo ì fíim' dsea' ì seeng' fí' ni' guóo'~ uó'~ jmigüí' nijmiféiñ' ì jó' dsée' do, dsu' nijmé' lajo lajaléng' ì dsea' ì ja' sijnéeng' fí' ni' jì' latí' mĩ' catiroo'~ jmigüí' e fí' lí' taang'~ jaléng' dsea' ì nisiguáng' quia' ì Jo'se' Jiuung' do ì cajúng' fí' dse' crúu'.

⁹ Jo ìi' 'nú' sea' loguá'na', joba' núu'na' jalé' e júu' na:

¹⁰ Jo ì jaléng' dsea' ì nisi'íng' quia'~ Fidié' e nidsiliñ' fí' 'nuñí',
joba' fí' 'nuñí' nidsiliñ';

jogu' jaléng' dsea' ì nisi'íng' quia'~ dsea' do e nijnga'~ dsea' quia'r',
jo lajob nijmé' Fidié' e nijúuiñ'~ do cajo lí' laco'gui cóo'~ e jngang' dsea'
rúñ'.

Jo uí'~ cóo'~ jalé' e na, joba' jaléng' dsea' ì nilíng' dsea' quia'~ Dsea' Jmáang'
'né' teáiñ'~ teá cóo'~ júu' quia'~ Fidié' jogui e ja' nilitúng' dsír' cóo'~
e júu' jo.

¹¹ Jo mĩ' cang' e jo -jíng' Juan— camán' n jaang'gui jó' dsée' ì 'líng', jo ì jó' í' cagüí' fí' guóo'~ uó'. Jo dsi' tú' fí' re' e lí' jia' la lí' fí' jaang' jo'se' jiuung', dsu' fé' re' laco' fé' ì jó' guié' mogui' la'uii' do. ¹² Jo ì jó' dsée' la ì cagüí' fí' ni' guóo'~ uó'~ seab' fí' quiaa' re' fí' quini' ì jó' dsée' la'uii' do e quia' re' ta', jo cajmé' re' e lajím' dsea' seeng' fí' ni' guóo'~ uó'~ jmigüí' cajmiféiñ' ì jó' dsée' ì la'uii' do ì lamí' jnéeng' dseáng'~ e sicu'ng' ne' e la hu'ng' e jo' nijíng' mĩ', dsu' calláam' ture'. ¹³ Jo ì jó' dsée' do ì cagüí' fí' guóo'~ uó'~ quí' bre' jmí' e jmóo' re' jalé' e lí' e dsigá' dsí' dsea', co' lí' bre' e nijmé' re' e nijjá' jì' fí' yá' jmigüí' jo nisojiá' fí' ni' guóo'~ uó'~ dseáng' laco' la ní' dsea' lana. ¹⁴ Jo cóo'~ jalé' e lí' e jmóo' re' do fí' quini' ì jó' dsée' la'uii' do cajmigóong' ne' jaléng' dsea' seeng' fí' ni' guóo'~ uó', jo caquia' re' ta' e calíng' jaang' dié' dsea' guóo'~ quia' ì jó' dsée' la'uii' do ì sicu'ng' lahu'ng' cóo'~ ñisu' e ja' mĩ' nijíng' quiaa' re', dsu' calláam' bre'. ¹⁵ Jo ì jó' dsée' ì cagüí' fí' ni' guóo'~ uó'~ do cang'ng' ne' e quí' re' jmí' e nijmé' re' e jí' ì dié' dsea' guóo'~ quia' ì jó' dsée' ì la'uii' do e laco' ì dié' do lí' bre' e ní' fé' r' jogui e nijmér' e nijúung' jaléng' dsea' ì ja' nijmiféng' ír'. ¹⁶ Lajobi cajo cajméer' e coo' gui'náb' nité' dsea' coo' e lí' fí' guóo' dsée' osi fí' guiaquí' é, na ì le'eáng' jogui na ì cóong', na ì tiñíng' jogui na ì sea' cuu', na jaléng' dsea' ì silaang' jogui na jaléng' dsea' ì si'níng' ì jmóo' ta' tá' jmóo' quia'~ dsea'. ¹⁷ Jo jí' jaang' dsea' cuóong' ee' lí' lár' o'gui ee' lí' 'nir' song ja' quier' e lí' do o'gui táaiñ' e júu' quia' ì jó' dsée' la'uii' do osi e número quia'~ jial siiñ' do é.

¹⁸ Jo 'né' dseáng' e tím' dsea' e laco' ningáiñ' e júu' la; jo ì dsea' ì ngáng' do, áam' bre' í' e número quia' ì jó' dsée' la'uii' do, jo e job número quia'~ dsea' jmigüí', jo e número jo lí' seiscientos sesenta y seis.

14

Lajú' e ca'ø' ì dsea' ì tí' ciento cuarenta y cuatro mil

¹ Jo mĩ' cang'gui e jo -jíng' Juan— camáng' túu' ì Jo'se' Jiuung' do e sing' ne' si'ø' re' fí' yá' mó' Sión. Jo dob teáng' colíng' cóo' ì Jo'se' Jiuung' do ciento cuarenta y cuatro mil dsea' quia'r' ì tóo' e lí' quia'r' fí' guiaquí' jial sii' ì Jo'se' Jiuung' do jogui jial sii' Tiquiaa' re' cajo. ² Jo mĩ' cang' jo, canú' u coo' e guica' ìi' e jáa' fí' yá' jmigüí', jo e jo nú' laco' nú' lí' í' coo' lóo' e fé' jogui canú' ca' ìi' laco'gui la nú' mĩ' quie' güi'ñiá' e teá' eáng', jo nú' bi cajo laco' la nú' fa' mĩ' teáng'~ dsea' fíng' ì bó' jalé' lúu' quia'r' e sii' arpa. ³ Jo jaléng' ì dsea' do ø' coo' e ø' e 'mí' fí' quini' e lí' lí' ée' e lí' guíng' ì dsea' níng' do jogui fí' quini' ì quiúung' do jogui fí' quini' jaléng' ì yá' dsea' cóong' do cajo. Jo jí' jaang' dsea' ja' niquí' r' jmí' fa' e nilitíñ' e ø' do, co' dseáng' lajú'~

ī dseá f̄ing' ī tí' ciento cuarenta y cuatro mil dob j̄i' ī quí' j̄m̄ n̄ilit̄ing', co' j̄i' í'bing' ī caláang' jee' jalé' dsee' quiá' lajee' lajaléng' dseá ī seeng' f̄i' n̄i' guóo' uó' j̄m̄igüí. ⁴ J̄o jaléng' ī dseañu' nab ī ja' cajmeáng' yaang' fa' e ca'léer' cóo' dseam̄f, j̄o jaléng' ī dseañu' nab ī teáang' uui' quiá' ī Jo'se' J̄iuung' do jogui dseá quiá' īb' líiñ' jogui contøøm' seeiñ' cóo' dseá do. J̄o jaléng' ī dseá nabing' ī caláang' jee' jalé' dsee' quiá' lajee' lajaléng' dseá j̄m̄igüí, j̄o e j̄o guóng' lafa' coo' e cacuø'r' la'uii' e cat̄ing' Fidié' cóo' gui ī Jo'se' J̄iuung' do. ⁵ J̄o jaléng' ī dseá í' j̄i' coo' júu' e o' ja' ca'uøø' f̄i' mo'oor', j̄oba' dseáng' ja' e si'liñ' j̄i' coo' f̄i' quini' Fidié'.

Laj̄i' júu' e quie' ī ángeles ī gaang' do

⁶ J̄o mi' canḡf̄ j̄o —j̄ing' Juan— camáng' guí jaang' gui ángel ī ngang' íng' f̄i' guíá' j̄oo' yú' j̄m̄igüí. J̄o ī ángel do quie' júu' quiá' Fidié' e ja' tóo' j̄m̄i' n̄i'ing' e quiá' n̄idsiguiar' jee' jaléng' dseá ī seeng' f̄i' n̄i' guóo' uó' j̄m̄igüí lí' lacoo' lacoo' f̄i' e pí' osi e cóo' é, jogui laca'íng' ca'íng' dseá, jogui laca'íng' ca'íng' j̄m̄i' e fé' dseá cajo. ⁷ J̄o lalab fé'r' cóo' júu' teá:

—J̄m̄i'goo'na' Fidié' dseá guing' ñif̄f̄ jogui j̄m̄iféng'na'r, co' lanáb cat̄ í' e niquidsir' í' quiá' lajaang' lajaang' dseá j̄m̄igüí. J̄o j̄m̄iféng'na' ī dseá í', co' í'bing' ī cajmée' yú' j̄m̄igüí cóo' guóo' uó' jogui j̄m̄iñ' lí' lacaang' lí' níng' j̄m̄i'.

⁸ J̄o mi' canḡf̄ j̄o, jaang' gui ángel cajíñ' cóo' júu' teá lala:

—¡Lanáb cat̄ í'! ¡Lanáb cat̄ í' e dseáng' n̄i'ing' e f̄i' fé' e sii' Babilonia, co' jaléng' ī dseá ī seeng' f̄i' j̄o n̄icajm̄i'liñ' jaléng' dseá ī seeng' f̄i' la'úng' f̄i' j̄m̄igüí e j̄m̄oor' lí' doñi' ee' e lí' dsí' ngúu' táaiñ'!

⁹ J̄o mi' canḡf̄ j̄o, cangoquiéng' jaang' gui ángel, j̄o cóo' ī la cat̄ gaañ', j̄o lala cajíñ' do cóo' júu' teá:

—Sonḡ i' ī j̄m̄iféng' ī j̄o' dsé' la'uii' do cóo' gui ī dié' guóo' quiáa' re' do, jogui e n̄i'íñ' e nitó' e lí' quiáa' re' f̄i' guiaquí' osi f̄i' guóor' é, ¹⁰ j̄oba' jaléng' ī dseá í' 'né' e n̄i'ím'bre e guíng' Fidié' e jo' té' guir uí' e dsee' e j̄m̄i'róng' yaaiñ' do, j̄o e j̄o lafa' n̄icajm̄i'ñú' f̄i' dsí' cóo' quiá'r', co' eáam' n̄isiguiñ' quiá' jaléng' ī dseá í'; j̄oba' iihu' e eáam' n̄i'íñ' do e n̄idsitáaiñ' f̄i' n̄i' j̄i' e quiéng' azufre lí' coo' e ja' tóo' j̄m̄i' yu', j̄o e j̄o nilí' f̄i' quini' jaléng' ángeles ī güeang' quiá' Fidié' jogui f̄i' quini' ī Jo'se' J̄iuung' do cajo. ¹¹ J̄o e j̄m̄iñ' quiá' e lí' coo' e lí' teáang' ī dseá íng' iihu' do jo' tóo' j̄m̄i' fa' e n̄iquiúng' gui, jogui ja' tóo' j̄m̄i' sí' e j̄m̄i' osi e uøø' fa' e nijm̄i'íng' gui jaléng' ī j̄m̄iféng' ī j̄o' dsé' la'uii' do cóo' gui ī dié' guóo' quiáa' re' do jogui jaléng' ī n̄ica'íng' laj̄i' e lí' quiáa' re' do cajo. ¹² J̄o jaléng' ī dseá ī líng' dseá quiá' Fidié' ī n̄uu' jalé' júu' quiá'r' jogui teáaiñ' teá' f̄i' guíá' cóo' Jesús, j̄o jaléng' ī dseá í'bing' ī 'né' cuó' bí' yaang' e ja' nitár' laj̄i' e f̄i' n̄iteáaiñ' do.

¹³ J̄o mi' canḡf̄ e j̄o, canú' u coo' gui luu' f̄i' yú' j̄m̄igüí e cajíng' lala:

—Juan, j̄m̄e' e júu' la: “Juguiá' j̄i' latí' j̄m̄i' na jogui lí' dsé' gui quiá' jaléng' ī dseá ī júung' uí' Fí'naa' Dseá J̄m̄aang'.”

—Laj̄ob' lí' —cajíng' J̄m̄igüí quiá' Fidié' — lana nijm̄i'ím' jaléng' ī dseá í' uí' jalé' ta' e n̄icajm̄eér', co' e j̄ob' cuø' lí' f̄i' quini' Fidié' e guíá' jalé' e j̄o.

Laj̄i' e sit̄ing' dseá f̄i' n̄i' guóo' uó'

¹⁴ J̄o cajøø' guí j̄ong' —j̄ing' Juan— j̄o camó' o cabøø' j̄n̄i' e tee'; j̄o f̄i' n̄i' e j̄n̄i' do camó' o e guing' jaang' ī j̄néem' j̄i' la j̄néeng' jaang' dseá la j̄neaa'aa'. J̄o iu' f̄i' moguir' coo' lí' corona e lí' cóo' layaang' cuné' jogui se'r' coo' ñí' hoz e 'mé'. ¹⁵ J̄o cagüi' j̄i' jaang' gui ángel f̄i' dsí' sinúu' guá' e si' f̄i' ñif̄f̄, j̄o ī ángel do oor' teá lala e áiñ' ī dseá ī guing' f̄i' n̄i' e j̄n̄i' do, j̄o casí' reiñ' do lala:

—jMéé!~ ta~ e ní^ hoz na quií'~, jo sitíng~ lajii~ e nicaroo, co' lanab catí í', jogui lajii~ e lafa' e cajní dsea' fí' ní~ guóo~ uó~, lanab nicaroo!

¹⁶ Jo ba' i dsea' i guing~ e fí' ní~ jní' do cangim bre e ní^ hoz do quiá'r~ fí' ní~ guóo~ uó~, jo casití bre lajii~ e lí' e lafa' e caroo' fí' jo.

¹⁷ Jo mi~ cangí jo, cagüi'í' jaang'gui ángel fí' dsí' sinúu^ guá'~ e si' fí' ñiff~, jo í' quie'bre cajo coo~ ní^ hoz e 'mé~. ¹⁸ Jo e fí' nife' do cagüi'í' jaang'gui ángel i quí'~ jmí~ nijmé~ e nicó, jo cató'r~ cóo~ júu^ teá' i ángel i quie' e ní^ hoz e 'mé~ do, jo casí'~ reiñ' do lala:

—jMéé!~ ta~ e ní^ hoz e 'mé~ na quií'~, jo quiúu~ jalé' guáng' huíng' jó'^ e sea' fí' ní~ guóo~ uó~, dsuco' nicatíb' í' quiá'~ e nilí lajo, co' nifíib' mí'^ huíng' jó'^ quiá'~!

¹⁹ Jo i ángel do caquiú'bre e huíng' jó'^ do cóo~ e ní^ hoz e 'mé~ do, jo cató'r~ coo~ lí' cató'r, jo fí' job lí' niyéé' do, jo e la guóng' lajii~ e iihuí' sóong^ e nicuó' Fidiéé' jaléng' dsea' jmigüí. ²⁰ Jo e mí'^ huíng' jó'^ do fí' lí'^ caluu' fíib' cangolí' e cayéé', jo e fí' lí' cangotóo~ e niyéé' do jmíb' ca'iéng', jo e jmí jo cadsí' cartí mo'oo~ cuea' lí' íu~ e ní^ e sií freno quiáa~re', jo cani' e jmí do lí' bjiu la trescientos kilómetros.

15

Laji' guié' iihuí' lí' cadséng~

¹ Jo mi~ cangí jo, camó~ guí' fí' yú'^ jmigüí coo'gui e lí' e dsigá' dsí' dsea' eáang', jo camán~ n guiáng~ ángeles i quie' jie'gui guié~gui íng'~ iihuí' e cartí lí' dséng~, jo cóo~ e job e niguiá' féng' dsí' Fidiéé' quiá'~ lajii~ e nisiguiíñ' do.

² Jogui camó~ bhi cajo coo~ lí' jnéeng~ laco' la jnéeng~ jmiñí'^ e jnéeng~ laco' jnéeng~ sí' e sicáang' cóo~ jí; jo quiá'~ e jmiñí'^ e jnéeng~ la jnéeng~ sí' do teáang~ lajii~ dsea' i calí' e ja' caquiú' ta~ quiá'r~ i jó' dséé~ la'uii~ do cóo~ gui i diéé~ guóo~ quiáa~re' do, jogui e ja' ca'íñ' cajo e lí' quiá'~ i jó' do o'gui lajii~ e número e sií're' do cajo. Jogui quier' lúu' e sií arpa e cangíñ' e cacuø Fidiéé'. ³ Jo i dsea' í' ør' coo~ e ca'ø Moi~, jaang' dsea' i cajméé' lajii~ ta~ e iing~ Fidiéé', jogui ca'ø' cajo coo~ e ca'ø' i Jo'se' Jiuung~ do, jo lalab ngóo' e jo:

Eáam' jlo'^ jogui niguo'^ laji' e nicajmee' 'nu', Fí'ii',

co' 'nub' Fidiéé' dsea' féng' dsea' ñíng' i 'gøng' fí' jmigüí i quí'~ jmí~ jmé~ lí'^ doñí' ee;

jo jmang'~ júu^ jáb'~ quié' 'nu',

jogui jmang'~ fí' røøb' sin' cajo,

co' 'nub' lin' Fí' féng' fí' la'úng~ fí' jmigüí.

⁴ Jo lajim' dsea' 'né~ nijmí'gór' 'nu', Fí'ii',

jo lajim' dsea' 'né~ nijmiféiñ' 'nu' cajo.

Co' dseáng'~ lajii~ 'nub' dsea' güeang'^;

jo lajim' dsea' seeng' fí' la'úng~ fí' jmigüí nijalíñ~ e nijajmiféiñ' 'nu',

co' nicajmilí'ba' e dseáng'~ røøb' quidsí' í' quiá'~ lajaang' lajaang' dsea' jmigüí.

⁵ Jo mi~ cangí e jo, camó~ guí' e cana' fí' yú'^ jmigüí, jo camó~ o fí' ñiff~ fí' lí' lí' e 'núu' güeang'^ quiá'~ Fidiéé' fí' lí' sí'ma' e lí' tóo' júu^ tigua' quiá'~ Fidiéé' cóo~ dsea' jmigüí. ⁶ Jo e fí' dsí' sinúu^ do, fí' job lí' ca'uøøng' i ángeles i guiáng~ do i quie' laji' guié' íng'~ iihuí' lí' cadséng~ do. Jo lajim' bre qui'r' 'mí' e tee' jlo'^ e niguo'^ e jlo'^ jíng' jí', jogui cajo 'ñúu' nú' dsí' coo' e lí' cóo~ layaang~ cunéé'. ⁷ Jo jaang' lajee' i quiúung~ do cacuø'r' lajaang' lajaang' i ángeles i guiáng~ do jmacó' cóo^ e lí' cóo~ layaang~ cunéé', jo fí' dsí' job lí' sí'øøng' e iihuí' quiá'~ e guíng~ Fidiéé' i seeng' car' ngongí' jmí~ do. ⁸ Jo e fí' dsí' sinúu^ güeang'^ do

dseáng' caróm e téé' jmiñi, jo e jo calí la'eáang' cóo' güea' e 'gøng' quiá' Fidiée, jo jii' jaang' ja' ii' quii' jmiñ' fa' e ni'ír' e fí jo lajee' e ná' gui e nité' lajii' e guié' iihuí' do e quie' i ángeles i guiáng' do.

16

Lajii' cóo' e sirøøng' iihuí'

¹ Jo mi' cangí jo, canú-u cóo'gui luu' teá' e jáa' fí dsí' sinúu' güeang' do quiá' Fidiée, jo lalab jing' sí' laji' guiáng' i ángeles do:

—Güiling' na' fí ni' guóo' uó' jmiñi, jo fí job nigüi'ing' na' e cóo' e li' a' e iihuí' quiá' e eáang' guíng' Fidiée cóo' jaléng' dsea' jmiñi.

² Jo dsifí lajob cangó' i ángel la'uii' do, jo cangojiim'bre e cóo' quiá'r' do fí ni' guóo' uó', jo lajim' dsea' i quie' e li' quiá' i jó' dsée' la'uii' do jogui i cajmiféng' i diée' guóo' quiáa' re' do, lajalém' i dsea' í ca'ieeiñ' cóo' íng' 'mi' e 'li' e dseáng' eáang' ga' cu'.

³ Jo mi' cangí jo, i ángel i catí gáng' do cangojiim'bre e cóo' quiá'r' do fí ni' jmiñi, jo ladsifí lanab ca'uíng' jmi' e jmiñ' do laco'gui la lí' jmi' quiá' jaang' dsea' i cajnga' dsea' quiá', jo cóo' gui'náb' cajúng' jaléng' i seeng' fí dsí' e jmiñi' do.

⁴ Jo mi' cangí jo, i ángel i catí gaang' do cangojiim'bre e cóo' quiá'r' do fí lacaang' gua' jogui lacaang' li' níng' jmiñ', jo ladsifí lanab ca'uíng' jmi' e jmiñ' do.

⁵ Jo mi' cangí jo, canú-u e cajíng' i ángel i jmóo' í jalé' jmiñ' do lala:

Fidiée' qui' ii', ja' dsee' røøñ' jii' cóo';

có' nicaquidsí'ba' í' laco' catíng',

jo 'nab' i seeng' jogui niseem'ba' cajo lajii' ná' gui e nitiroo' jmiñi,

⁶ có' jaléng' i dsea' í nicaingaiñ' jaléng' dsea' qui' cóo' gui jaléng' dsea' áang' i café' cuaiñ' qui' malí' gui eáang',

joba' 'na' lana nicacuøø'ba' re e ni'ír' jmi'øøng' e laco' ni'ín' lajii' e catíñ'.

⁷ Jo mi' cangí jo, canú-gui cóo'gui luu' e jáa' fí nife' e jing' lala:

—Jáb', lajob lí', Fí'naa' Fidiée, 'nab' dsea' i quii' jmiñ' jme' lí' doñí' ee', có' nicaquidsí'ba' í' laco' catíng' jogui laco' sí' í' cajo.

⁸ Jo mi' cangí jo, i ángel i catí quiúung' do cangojiin' cóo' quiá'r' fí li' íng' iee', jo iee' cangíñ' e quii'r' jmiñ' e cóo' e jii' e jmiñeár' do nijíñ' jaléng' dsea' seeng' fí jmiñi. ⁹ Joba' dseáng' cóo' gui'náb' eáang' cacáng' dsea'; dsu' car' jii' jo ja' caqui' jím'bi yaaiñ' fí quini' Fidiée' o'gui cajmiféñ' dsea' do cajo, có' lí' lí' jmang' júu' ga'guib café'r' uii' quiá' dsea' do ie' jo, doñí' fa' quí' b' Fidiée' jmiñ' e nijmihuiñ' jalé' e iihuí' do facó' mi' caqui' jing' yaang' i dsea' do.

¹⁰ Jo mi' cangí jo, i ángel i catí 'níng' do cajíñ' cóo' quiá'r' fí li' lí' éé' li' guíng' i jó' dsée' la'uii' do, jo ladsifí lanab cango'íng' lajii' e quii' i jó' do jmiñ' e quia're' ta', jo nuu' sòb' ca'uíng' fí la'úng' fí li' lamí' quia're' ta'. Joba' lajaléng' dsea' canaiñ' cu'r' nisí'r' uii' e iihuí' eáang' e cangíñ' do; ¹¹ jo dsu' car' jii' jo ja' catú'bir e jmóor' jalé' e ga', có' lí' lí' eáang' gui caliguiim'bre quiá' Fidiée' dsea' guíng' ñifí', jogui fé'bir jmang' jalé' júu' ga' quiá' dsea' do uí' e ca'íñ' jalé' e iihuí' do cóo' gui jalé' e 'mi' e ca'ieeiñ' do.

¹² Jo mi' cangí jo, i ángel i catí jñúung' do cajíñ' e cóo' quiá'r' do fí li' iu' gua' laniing' e sií' Éufrates, jo ladsifí lanab caliquiú' jmiñ' e sea' e fí gua' jo, jo lajoba' caliseá' fí e cangíng' jaléng' dseata' dsea' féng' i neáang' lí' lí' 'ngóo' lí' guo' iee'.

¹³ Jo mi' tí' lí' cangí e jo, camán' n gaang' i 'ling' i jnéem' jiu' la jnéeng' tee', jo ca'uøøng'ne' tá' jáng'ne' fí mo'oo' i jó' guié' mogui' do cóo' gui fí

mo'oō i jón dsée la'uiī do cóo'gui fí mo'oō i jón dsée i catí tú i jmicaanḡ i fé' cuaiñ̄ quíá' Fidiéē. ¹⁴ Jo jaléng' i 'ling' do i jnéem̄ jia la jnéenḡ teē quí'bre' jmí̄ e jmóore' jalé' e lí e dsigá dsí' dsea, jo jaléng' i 'ling' í uønḡne' e seáng'ne' lajinḡ dseatā dsea féng' i quí' tā fí la'únḡ fí jmigüī, jo jmóore' lajo e laco' nitíñ̄ do jeē cóo' 'nií, jo job mī nití' e jmí̄ e nisi'í' quíá' Fidiéē dsea féng' dsea ñíng' i quí' jmí̄ jmé' lí' doñí' ee' e niquidsir' í'.

¹⁵ Jo lalab cajíng' Dsea Jmáanḡ: "Quie'na' cuente e jiī ja ñínḡ dsí' dsea jmigüī mī nigáa'túu calé' catú' fí jmigüī na, lí' laco' lí' mī guiéé' jaang' ñ̄ i jmóo' ñ̄. Joba' fá'a: juguíá' jia quíá' i dsea i sijnéé' dsí' iē jo joguí nées' guíá' quíá'r̄ e qui'bre' sí'r̄ e laco' ja' nilí' í' lí'ñ̄ uí' e ja' nées' guíá' quíá'r̄ mī niguíéé' e jmí̄ jo."

¹⁶ Jo iē jo, jaléng' i 'ling' do i jnéenḡ la jnéenḡ teē caseáng'ne' lajinḡ dseatā dsea féng' i quí' tā fí la'únḡ fí jmigüī e laco' nitíñ̄ e fí lí' sií Armagedón cóo' jmí' hebreo.

¹⁷ Jo mī cangí e jo, i ángel i catí guíanḡ do cajmijøbre e cóo' quíá'r̄ do fí guíá' güī; jo tí dsí' sinúu' güeang' e sí' fí ñíff̄ guicaná' cóo' luū e teá' e jáa' e fí lí' lí' éé' e lí' guínḡ i dsea ñínḡ i quí' tā do jo fé' lala:

—iLanab nicatí í' e nicató' lajalé'!

¹⁸ Joba' ladsifí lanab canaang' quie' güi'ñíá' e teá' eáang', joguí líjire' cajo, joguí eáang' téé' mí'̄, joguí cajó' uó' dseáng' e teá' eáang' e jiī cóo' nées' ja' mí' cajó' lajo lajiī tí' mī caliséng' dsea fí jmigüī. ¹⁹ Joguí e fí' fé' laniinḡ do 'ní' dseá' ca'uínḡ, joguí lajalé' guí' fí' e sea' fí' jmigüī sií' cangolí' lí' nées'; joguíb mī tí' lí' cadse' dsí' Fidiéē e fí' laniinḡ e sií' Babilonia do e laco' nicuør̄ jaléng' i dsea seeng' fí' jo e méé' do e ni'íñ̄ do laguidseang' e guøng' jalé' iihuí' e casíng' Fidiéē quíá' jaléng' i dsea í' uí' e eám' nisigüiñ̄ quíá'ñ̄ do. ²⁰ Jo iē jo cango'ím' lajalé' uó' jia e nées' lacaang' nī jmíñí' cóo'gui jalé' mó'. ²¹ Joguí cajiá' fí' nī guóo' uó' dsí' e cóo' eáang' e ií' lí' guí' cuarenta kiil' laco'. Joba' café' jaléng' dsea jmang' júu' ga' uiī quíá' Fidiéē uí' e ca'íñ̄ e iihuí' e cajiá' e dsí' cóo' do, dsuco' cóo' iihuí' e huím' eám' dseáng' cangár̄.

17

Mí' cangíng' iihuí' i dseamí' i ca'éé' dsee do

¹ Jo jaang' lajeē i ángeles i guíanḡ do i quie' guíé' e cóo' do cajár̄ fí' lí' sín'n jo casí'r̄ jneā lala:

—iJuan, nea' fí' la! Jo lab ni'éé' e 'nu' lajiī iihuí' e catínḡ ni'íng' i dseamí' i jmóo' tā 'níng' 'ñia' i guínḡ fí' lacaang' nī jmí̄ e sea' fí' la'únḡ fí' jmigüī. ² Jo i fíim' dseatā dsea féng' i quí' tā fí' jmigüī dseeb̄ nica'éer̄ cóo' i dseamí' í' cóo' jalé' e lí' dsí' ngúu' táaiñ̄. Jo i fíim' dsea jmigüī cajo lafa' nicadseá' íim'bre cóo' jalé' e lí' e jmóo' i dseamí' do.

³ Joguí jneā —jíng' Juan— dseáng' lafa' dsea quib' dseáng' camó' guí' e cajá' guí' jeē Jmiguí quíá' Fidiéē, jo i ángel do cangojéiñ̄ jneā fí' cóo' lí' lí' jeē guóo' uó' quí'̄, jo fí' job camán̄ n jaang' dseamí' i guínḡ fí' mocóo' jaang' jón dséē i yúunḡ i sea' guíé' moguí joguí guí' fí're'. Jo fí' latønḡ i jón do tóo' jmang' júu' e gab' e jmineang' Fidiéē. ⁴ Jo i dseamí' i jmóo' tā 'níng' 'ñia' do qui'r̄ sí'r̄ e í' í' nú' cóo' e yúū, joguí quier' jalé' cunée' cóo'gui jalé' cuū jí' e jíé' e 'mo' eáang'. Jo ngóor' se'r̄ cóo' cóo' e lí' cóo' layaang' cunée', jo fí' dsí' jo sirøng' jmang' júu' e 'ní' ní' cóo'gui jalé' dseē e éer̄ quíá' e jmóor' tā 'níng' 'ñia'r̄ do; ⁵ joguí quie'bre' cajo cóo' júu' e tóo' fí' guiaquí'r̄, jo líim̄ ee' guøng' do quíá'r̄ lífa' ja' ií' ní' lí' lajiī 'ñia'bre dsea ñir̄, jo lalab tóo':

“Eáam fé' niing jogui 'gøng' fi' fé' e sii Babilonia, co' e joba' e lí' lafa' niquiá' lajaléng' dseamf i ée' dsee e jmóor' ta' 'nning' yaang, jogui e job cajo lí' lafa' niquiá' lí' lajalé' e 'lí' e sea' fí' jmigüi' la.” ⁶ Job mi' calili' i jóng —jíng' Juan— e íim' i dseamf do cóo' jmi' jaléng' dsea i líng' dsea' quiá' Fidié' jogui cóo' jmi' jaléng' gui dsea i cajúng' uí' e guiar' júu' quiá' jalé' e cajmée' Jesús.

Jø mi' camó' o jalé' e jø, eáam' cangogá' dsii'. ⁷ Joba' cajíng' i ángel do casí'r' jnea' lala:

—Juan, ¿jiali' dsigá' o'? Lab nijmée' duu 'nu' júu' e' guóng' lajii' e tóo' fí' guiaquí' i dseamf do, jogui e uing' e guiiñ' fí' mocóo' i jó' dsée' i yúung' i sea' guié' mogui' do jogui guí' fí' re' cajo. ⁸ Jø i jó' dsée' i niñin' i seeng' lajii' lati' malib' na, dsu' lana jø' seeng' ne'; jø dsu' lifa' nigüi' bre' e fí' lí' lí' lí' too' nuu' só' nú' gui e ni'ling' ne' congua'. Jø jaléng' dsea i seeng' fí' ni' guóo' uø' jmigüi' i ja' mí' taang' fí' ni' jì' quiá' Fidié' lajii' mi' canaang' uing' jmigüi' fí' lí' nitaang' jaléng' dsea' quiá' r' i nitøor' mi' nití' í' lajø, jø jaléng' íb' i eáang' nidsigá' dsii' mi' tí' lí' niniiñ' i jó' dsée' i guié' mogui' i lami' seeng' do jogui lana jø' seeng' ne', dsu' lifa' nijáab'ture' mi' tí' lí' nití' í' lajø.

⁹ Jø lalab nililí' i dsea' i quí' jmi' ningáng': E mogui' re' e guié' do guóng' guié' mó', jø e fí' ni' job guing' i dseamf do; jø guóm' bi' cajo e guié' mogui' re' do guiáng' dseata' dsea' féng' i quiá' ta'. ¹⁰ Jø 'níing' lajee' i dseata' dsea' féng' do nicajúm' bre, jø jaang' lajee' ír' quiá' bir' ta' lati' lana, jø i jaang' gui do ja' mí' catí' í' fa' mí' güeeiñ'. Jø dsu' mi' nití' í' e nigüéeng' i lí' cadséng' lajee' ír' do, ja' huøø' nigüear' niquiá' r' ta'. ¹¹ Jogui i jó' dsée' i yúung' i seeng' lami' jéeng' do jogui e lana jø' seeng' ne', íb' i dseata' dsea' féng' i lí' catí' jñing' do; jø iuum' bir' cajo jee' i guiáng' do, jø lifa' ningóor' dseáng' e ni'ím' bre congua'.

¹² Jogui lajii' guí' fí' re' e cañii' do guóng' guing' dseata' dsea' féng' i ja' mí' canaang' quiá' ta'; jø dsu' jii' lajee' cóo' oor' niñiiñ' fí' e niquiá' r' ta' colíng' cóo' i jó' dsée' i yúung' do, jø nilisea' fí' quiá' r' e niquiá' r' ta' laco' jaang' dseata' dsea' féng'. ¹³ Jø lajee' lajii' guing' i dseata' dsea' féng' la røøb' síiñ', jogui cuø' bre i jó' dsée' i yúung' do lajii' bí' quiá' r' jogui e tiiñ' quiá' r' ta'. ¹⁴ Jø nitím' bre cóo' i Jo'se' Jiuung' do; dsu' lifa' i Jo'se' Jiuung' dob nilí' ír' colíng' cóo' jaléng' dsea i nicaguíng' Fidié' i dseáng' lajang' eáang' teáang' teá' cóo' júu' quiá' dsea' do; dsuco' i Jo'se' Jiuung' do Fii' quiá' jaléng' fib' líng' ne' jogui Dseata' Dsea' Féng' quiá' jaléng' dseata' dsea' féng' líng' ne' cajo.

¹⁵ Jø cajím' bigui i ángel do casí'r' jnea' lala cajo:

—Lajii' e jmi' e cañii' do e fí' lí' guing' i dseamf i jmóo' ta' 'nning' 'ñia' do, e jø guóng' jalé' fi' pí' osi jalé' fi' cóo' é jogui laca'íng' ca'íng' dsea' jogui laca'íng' ca'íng' jmí' e fé' dsea' cajo. ¹⁶ Jogui lajii' guí' fí' e cañii' quiá' i jó' yúung' do 'nib' niníng' i dseamf i jmóo' ta' 'nning' 'ñia' do, jogui cab' nijmi' náng' neiñ' do, jogui nijmér' ringúuiñ' do; jogui nidó'r' ngúu' táaiñ', jogui cajo nijím' bre cóo' jì' mi' ningf' jø. ¹⁷ Jø Fidiéeb' nicuø' jial' ni'í' dsii' jaléng' i dseata' dsea' féng' do e laco' nijmitir' lajii' e iing' Fidié' e nijméiñ' do, jø røøb' nisíng' jaléng' i dseata' dsea' féng' do e laco' nija' r' i jó' dsée' do lajii' ta' óor' cartí' niliti' lajii' júu' e nicajíng' Fidié'. ¹⁸ Jogui i dseamf i cañin' do, íbing' líng' lafa' e fi' fé' e laniing' e quí' jmi' quiá' ta' jaléng' dseata' dsea' féng' i quiá' ta' fí' ni' guóo' uø' jmigüi'.

18

Mi' ca'íng' fi' Babilonia

1 Jo mi~ cangf̄ e jo —j̄ing' Juan— camán-n jaang`gui ángel i jajgiáang` fí yá' j̄migüí. Jo eám' 'gøng' i ángel do e quiu'r ta~; jo mi~ tí lí catisiñ' fí ni~ guóo' uó~, dseáng' jlo' cajneá cōo' lajii' e jiiñ' do. 2 Jo café'r cōo' júu' teá lala: ¡Lanab catf̄ í! ¡Lanab catf̄ í' e dseáng' ni'ling' e fi' fé' e 'gøng' eáang' e sii' Babilonia!

¡Co' j̄mang' jaléng' i 'lim'bing' i seeng' do j̄mii' na,
jo j̄mang' jalé' e 'li'ba' j̄móor',

jogui lí' lafa' 'núu' fí lí seáng' jaléng' i 'ling';

jo e fi' jo lí' cajo lafa' sii' jaléng' i 'ní' ní' i j̄móo' j̄mang' e ja' dseeng'!

3 Co' lajiiim' dsea' i seeng' fí la'úng' fí j̄migüí nicadseá' íim'bre cōo' e lafa' méé' e j̄móo' e ée' dsea' dsee' e 'léer' cōo' dseañu' dseamf̄ i o' quiá'r';

jogui jaléng' dseata~ dsea' féng' i quiu' ta~ fí j̄migüí nica'éé'bre dsee' cajo cōo' i dseamf̄ i 'ling' do.

Jogui jaléng' dsea' i seeng' fí ni~ guóo' uó~ j̄migüí i j̄móo' ta~ 'nii' jogui ta~ láa', eám' nicaliseá' cuu' quiá'r' la'eáang' cōo' jalé' e nical'r' lajee' e nicajméer' jalé' ta~ e 'léé' do.

4 Jo ngf̄ jo canú' u cōo'gui luu' e jaa' fí yá' j̄migüí, jo lalab cajíng' e do:

Uøng'na' e fí jee' fi' na, 'nú' dsea' líng'na' dsea' quié'e,

jo lajoba' ja' nibeáang' dsee' yaang'na' e nijméé'na' ta~ 'léé',

jo lajobi cajo ja' nitíng'na' jalé' iihu' e catíng' jaléng' i dsea' seeng' e fi' fi' jo.

5 Dsaco' lajii' dsee' e nica'éé' jaléng' i dsea' í',
dseáng' e níib' eáang' e tí' cartf̄ yá' j̄migüí.

Jo nitóob' dsí' Fidiéé' jalé' dsee' e nica'ééiñ' do,

joba' lana ninéeb' guiá' quiá' Fidiéé' e nicuó' reiñ' do iihu' uí' quiá' jalé' e jo.

6 Jo qui'na' quiá' jaléng' i dsea' do laco'gui ír' nicajméer' cōo' dsea' jiéng',

jo cuóø'na'r tú' 'lé'gui iihu' laco'gui jii' e nicajméer';

jo cáang'na' fí dsí' cuéé' hu' tú' ya'gui iihu' e lí' lafa' méé' guí',

jo cuóø'na'r e jo lí' laco' jii' e nicacuó'r' dsea' jiéng' lamí' jéeng'gui.

7 Jo jmeáang'na'r ga' jogui cuóø'na'r jalé' iihu',

dsaco' lajob cali'iiñ' 'ñia'r' e cateaaiñ' juguiá' fí j̄migüí e cajméer' ta~ 'níng' 'ñia' jogui e j̄miféng' 'ñia'r'; co' lalab fé'r' e j̄mijløng' 'ñia'r':

“Fí lab guíng~ jnea~ dseáng' laco' guíng~ jaang' dseamf̄ níng' i quiu' ta~;

co' ja' líng' jnea~ jaang' dseamf̄ i 'nii',

jo dseáng' ja' e fi' í' nijaa' quié'e jii' cōo'.”

8 Jo uii' quiá' jalé' e jo, joba' eám' huíng' nidsijéé' quiá'r' lajee' ta~ jii;

co' eám' ni'íñ' iihu' e cu' jnga' jogui ninír' oo'

jogui eám' nilíñ' fi' í'

jogui nicám'bre cōo' jii' mi~ nití' í' lajo,

dsaco' 'ñia' Fí'naa' Fidiéé' dsea' 'gøng' dsea' níng' fí la'úng' fí j̄migüí,

íb' dsea' nicajíng' e nidsingíng' i dseamf̄ do lajo uí' jalé' dsee' e nica'éer'.

9 Jo mi~ cangf̄gui lajo, jaléng' dseata~ dsea' féng' i quiu' ta~ i cajméé' ta~ 'léé' cōo' i dseamf̄ do jogui eáang' cajmi'íáang' dsíir' cōo' jalé' e 'li' e sea' quiá'iñ' do, eám' nijmér' fi' í' jogui ta~ qui' mi~ tí lí' ninír' jalé' jmiñi' quiá' mi~ nicáiñ' do. 10 Jo dsu' huíim' ni'náng' yaaiñ' quiá' i dseamf̄ do, co' 'gó'bre e ninír' lajii' iihu' e catíiñ' do. Jogui yaam'bi jaléng' i dseata~ dsea' féng' do fé'r' lala:

¡E ngí' fiib' 'nu'! ¡E ngí' fiib' 'nu', fi' fé' e laníng' 'gøng' e sii' Babilonia!

Dsaco' cōo' lajee' jali' lanab cagüéá' iihu' qui'.

11 Jogui jaléng^l dsea^l i seeng^l fi^l ni^l guóo^l uó^l jmi^lgüi^l i jmóo^l ta^l láa^l jogui ta^l 'nái, eáam^l fi^l ní^l ní^lñ^l cō^l carji^l niquí^l-bre, dsuco^l jo^l jíe^l lí^l seeng^lgui i nijmé^l ta^l láa^l jalé^l e iñ^l e nidsi^l'nái^l quiá^l-r^l do. 12 Dsuco^l lami^l jéeng^lgui eáang^l cajméer^l ta^l 'nái cunée^l cō^lgui cutede^l lí^l lajalé^l cuu^l jí^l e jlo^l e 'mo^l eáang^l, jogui 'nái^l jalé^l 'mi^l jlo^l e niguo^l eáang^l jogui 'mi^l e niung^l cō^lgui 'mi^l e yúu^l e lí^l cō^l layaang^l ní^l e 'mo^l eáang^l, jo langíng^l íim^l jalé^l 'ma^l e jmeafíi, jogui 'nái^l bir cajo jalé^l e tí^l dsí^l dsea^l e lí^l cō^l yaang^l maja^l jaléng^l jó^l, jo 'nái^l bir cajo jalé^l e jmi^lñ^l cō^l yaang^l jalé^l 'ma^l e quíng^l cuu^l eáang^l, jo 'nái^l bir cajo jalé^l ní^l bronze lí^l langíng^l íng^l cuu^l e quíng^l cuu^l. 13 Jogui jmóor^l ta^l 'nái langíng^l íng^l jalé^l oo^l quiá^l- jmiñ^l jogui jalé^l jmi^l jmeafíi, jo 'nái^l bir cajo langíng^l íng^l jalé^l méé^l cō^lgui jalé^l aceite jogui fi^l cui^l'iee, lí^l langíng^l íng^l jalé^l fi^l. Jo 'nái^l bir cajo jaléng^l jó^l i cá^l lee^l cō^lgui jaléng^l jo^l se^l jogui jaléng^l cuea^l cō^lgui jalé^l carreta e jñá^l re^l, jo cajmées^l bir cajo ta^l 'nái^l la quie^lgui jaléng^l dsea^l i jmóo^l ta^l tá^l jmóo^l e ja^l ee^l 'léeiñ^l jii^l capí^l. 14 Jo jaléng^l i dsea^l í, lalab nisí^l-r^l e fi^l fé^l do:

Laji^l e jlo^l e lami^l sea^l quí^l- do, laji^l e jo nisí^l íim^l quí^l- lana.

Jogui laji^l cuu^l quí^l- cō^lgui jalé^l e sí^l óo^l fi^l jmi^lgüi^l nisí^l íim^l quí^l- cajo.

Jo jo^l tōo^l jmi^l fa^l e nitíng^l tu^l jalé^l e jo.

15 Jo jaléng^l dsea^l i cajmées^l ta^l 'nái jogui ta^l láa^l jalé^l e jo, jogui e ca^luíñ^l dsea^l sea^l cuu^l la^l eáang^l e fi^l fé^l do, jaléng^l íb^l i nijmihuíng^l yaang^l dsu^l uí^l e 'gó^l-r^l lajii^l iihu^l e jōr^l do. Jo ie^l jōb eáam^l nijmér^l ta^l qui^l jogui ta^l jmi^ljuung^l dsí^l, 16 jo lalab nífé^l-r^l ie^l jo:

iE ngí^l fíib^l 'nái, e ngí^l fíib^l 'nái, fi^l fé^l laniing^l 'gøng^l e sii^l Babilonia!

Cō^l lami^l jéeng^lgui lí^l lafa^l jaang^l dseamí^l i qui^l 'mi^l niguo^l e jlo^l eáang^l, jogui i qui^l cajo 'mi^l e niung^l jogui e yúu^l jogui i síng^l 'ña^l jlo^l e quier^l jalé^l cunée^l cō^lgui jalé^l cuu^l jíng^l jí^l jlo^l e quíng^l cuu^l eáang^l.

17 iDsu^l cō^l lajee^l jali^l lanab ca^líng^l lajalé^l e sea^l quí^l-!

Jo jaléng^l i dsea^l i jmóo^l ta^l quie^l jalé^l móo^l cō^lgui jaléng^l dsea^l i jmóo^l ta^l cō^l e móo^l do colíng^l cō^l jaléng^l dsea^l i teáang^l dsí^l móo^l do cajo i ngí^l fi^l la fi^l na cō^lgui jaléng^l dsea^l i jmóo^l ta^l caguiee^lgui fi^l ni^l jmiñ^l, jaléng^l í ca^l'náam^l yaaiñ^l quiá^l- e fi^l jo. 18 Jo mi^l tí^l lí^l cangár^l jmiñ^l quiá^l- e nicoo^l e fi^l do, jo lalab canaaíñ^l fé^l-r^l e teá^l eáang^l:

-Jii^l cō^l ya^l ja^l mí^l caliseá^l cō^l fi^l e laniing^l 'gøng^l e cøøng^l røø^l cō^l e fi^l Babilonia do.

19 Jo canaaíñ^l jgiéer^l 'lee^l fi^l moguir^l, jo canaaíñ^l qui^l-r^l dseáng^l e lijjuung^l dsí^l jo lalab fé^l-r^l:

iE ngí^l fíib^l 'nái, e ngí^l fíib^l 'nái, fi^l fé^l e laniing^l 'gøng^l!

Cō^l fi^l nab lí^l ca^luíng^l dsea^l sea^l cuu^l jaléng^l dsea^l i líng^l fi^l jalé^l móo^l.

iDsu^l lanagui náng^l cō^l lajee^l jalib^l nica^líng^l laji^l e jo!

20 Jo jaléng^l 'nú^l, dsea^l seeng^l na^l fi^l ní^lñ^l, eáang^l jmi^líáang^l óo^l na^l colíng^l cō^l jaléng^l dsea^l i café^l cuaiñ^l quiá^l- Fidiée^l malí^l gui eáang^l

jogui colíng^l cō^l jaléng^l dsea^l quiá^l- Fidiée^l

jogui cō^l jaléng^l dsea^l apóo^l i sí^l íng^l e ní^l júu^l quiá^l- Dsea^l Jmáang^l;

jo jmi^líáang^l óo^l na^l jóng^l uii^l e nicacuø^l Fidiée^l iihu^l laco^l catíng^l jaléng^l i dsea^l seeng^l e fi^l fi^l fé^l do i eáang^l cajmeáng^l 'nú^l ga^l.

21 Jo mi^l cangí^l jo, jaang^l ángel^l i 'gøng^l eáang^l caséer^l cō^l cuu^l 'loo^l e lí^l laco^lgui la lí^l e cuu^l tōo^l quiá^l- lí^l dsí^l micui^l'iee, jo e cuu^l 'loo^l do cabír^l fi^l dsí^l jmiñ^l, jo lalab cajíñ^l mi^l cabí^l-re do:

Jo 'nú^l, fi^l fé^l e laniing^l 'gøng^l e sii^l Babilonia, lanab nibíin^l é^l jmi^l cajo lí^l laco^lgui cabí^l e cuu^l 'loo^l do,

jo jo^l tōo^l jmi^l fa^l e ii^l niníng^l gui 'nú^l.

- 22 Jøgui jalé' lúu' e bó' jaléng' dsea' fí jee' fii' na,
 fa' jalé' lúu' e sii' arpa
 cóo'~gui jalé' lúu' tá'
 jøgui jalé' lúu' trompé'^,
 jø' tóo' jmi' fa' e ninú'gui e ni'ii' jalé' e jø.
 Jø ie' jø jø' nijnéng'gui jii' camíng' dsea' i jmóo' ta',
 o'gui e ii' e cuu' 'loo' do ninú'gui fí quini'^ cajo.
- 23 Jøgui jø' nilijneá'gui jii' cóo' jì fí quí'~
 o'gui ninú'gui cajo jalé' juguiá' júu' jlo'^ quíá'~ jial mi' cúng' dsea' guóor'
 fí quini'^.
- Jø jaléng' dsea' i caliséng' fí na i cajmée' ta' láa' jøgui ta' 'nii',
 íb' dsea' i lamí' líng' i laniing' eáang' fí jmi'güi'.
- Jø 'nab' dsea' i cajmée' ta' jmi'gøøng' jaléng' dsea' jmi'güi' e cajmi'gøøng're cóo'~
 jalé' ta' dsea' láang' quí'~.
- 24 Jøgui e fí fii' nab cajo lí' nicajnéng' jmi'øøng' jaléng' yúu' dsea' cóøng'~
 i café' cuaiñ' quíá'~ Fidiée' malí'gui eáang', lí' lajaléng' i líng' dsea' quíá'~
 Fidiée' jøgui lí' lajaléng' dsea' i cajúng' i cajnga' dsea' quíá'~ fí ni' guóo'~ uó'
 jmi'güi'.

19

Jial jmi'féng' dsea' Fidiée' fí' ñifí'

- 1 Jø mi' cangí' jalé' e la -jíng' Juan- jø canú' túu cóo' luu' e teá' lí' laco'gui
 la ná' luu' i 'leáang' dsea', jø e jø canú' u e jaa' fí' ñifí', jø lalab fé' do:
 Majmiféng'naa' Fidiée' quí'~ii', có' íb' dsea' láaiñ' jneaa'aa'
 e laco' ja' ni'íng'naa' iihu' uí' quíá'~ dsee' quí'~ii';
 jø majmi'goo'naa'r,
 dsuco' íb' dsea' féng' dsea' i níng' i 'gøng' fí' jmi'güi',
- 2 dsuco' íbing' i tíng' í' laco' catíng'~
 có' nisi'í'bre jial tí' iihu' e catíng'~ lajaang' lajaang' dsea';
 jøgui í'bre cajo dsea' nicacuø'r' iihu' jaléng' dsea' i seeng' fí' e fii' e lí' lafa' i
 dseam' i cajmée' ta' 'níng' 'ña' do,
 có' cóo'~ jalé' e 'lí' e nicajmээр' do ca'íe'r' ta' e laco' cajmi'ling' yaang'~ jaléng'
 dsea' jmi'güi';
 jø uii' jøba' Fidiée' nicacuø'r' iihu' jaléng' i dsea' i cajngang' jaléng' dsea'
 quíá'r'
 i jmóo' lajii' ta' e iing' Fidiée' 'ña'r'.
- 3 Jø mi' cangí' jø, canú' túu e guicafé' tu calé' catú' i dsea' 'leáang' do, jø
 cajíñ'~:
 i Majmiféng'naa' Fidiée' quí'~ii'!
 Có' e jmi'ñi' quíá'~ e caang' i dseam' do
 ja' tóo' jmi' fa' e ni'quiúng'~gui.
- 4 Jøgui laji' guiequiúung' i yúu' dsea' cóøng'~ do cóo'~gui i quiúung'~ do
 catúuiñ' cartí' ni' uó' e cajmiféiñ' Fidiée' dsea' guing' e fí' ée' lí' niing'~ lí'
 quíu'r' ta' do, jø lalab café'r': "iLajob nilí' i Majmifém'baa' Fí'naa' Fidiée'!"
- 5 Jø cartí' e lí' lí' ée' quíá'~ Fidiée' e fí' lí' niing'~ guíiñ'~ quíu'r' ta' do guicaná'
 cóo' luu' dsea' jø guicajíng'~ lala:
 i Jmiféng'na' Fidiée' quí'~ii' lajíng' 'ná',
 dsea' jmoo'na' jii' laco' iing' dsea' do 'ña'r' jøgui núu'na' jalé' ta' quíu'r'
 cajo, nañ' su líng'na' dsea' niing'~ osi ja' líng'na' lajò e!

Jmi' e cung' guó' i Jo'se' Jiuung' do

⁶ Jo canú⁻bí cajo —jínɡ⁻ Juan— coo^ogui luu[~] mi[~] cangí e jo e ná[^] laco^o luu[~] dsea[^] i fíng[^], jo ii⁻ laco^o ii⁻ coo^o lóo[^] e fé[^] e hí jmí, jogui ii⁻ cajo lafa[^] mi[~] quie[^] güi[^]ñiá[^] e teá[^] eáang[^], jo lalab fé[^] e luu[~] do:

¡Majmifém[^]baa[^] Fíi[^]naa[^] Fidié[~] dsea[^] féng[^],
dsea[^] 'gøng[^] i quí[^] jmí jmé⁻ lí[^] doñí ee[^]!

Co^o lanab nicatí í[^] e dsea[^] do nináiñ[^] niquíú[^]r⁻ ta[~] fí jee[~] dsea[^] jmigüí.

⁷ Jo 'né⁻ e nijmi[^]iaang[^] dsi[^]baa[^], jogui e nilisee⁻naa[^] juguíú[^] jogui e ni-
jmiféng[^]naa[^]r cajo,

co^o lanab catí í[^] e nicúng[^] guó[^] i Jo[^]se[^] Jiuung[~] do.

Jo 'ñiab[^] i nilí dseamí quiáa⁻re[^] do nicaguiar[^] guíú⁻ quiá[^]r⁻;

⁸ jo lana i dseamí do nicangí[^]m[^]bre fí e niquíú[^]r[^] sí[^]r[^] e jlo[^] jogui e 'mo[^] eáang[^]
jogui e tee[^] e jínɡ[^] jí[^] jlo[^] eáang[^] cajo.

Jo e 'mi[^] e niguo[^] do cuó[^] lí[^] e jaléng[^] i dsea[^] i líng[^] dsea[^] quiá⁻ Fidié[~] teáaiñ⁻
teá[^] fí guíú⁻ cóo[^] dsea[^] do.

⁹ Jo mi[~] cangí jo, i ángel do casí[^]r⁻ jnea[~] lala:

—Juan, jmé[^] e júu[^] la: “Juguíú⁻ jí[^] quiá⁻ jaléng[^] dsea[^] i nisimíng[^] quiá⁻ e
nidsilíñ⁻ jmí lí[^] nicúng[^] guó[^] i Jo[^]se[^] Jiuung[~] do.”

Jo cajínɡ[^] guir:

—Jo e lab júu[^] já⁻ quiá⁻ Fidié[~].

¹⁰ Joba[^] casí[^] i uó⁻ jnii⁻ fí uii[~] tí[^] i ángel do e laco^o nijmifén[^] nre, dsu[^] í[^]r[^] cañír[^]
quíe⁻ e lala:

—Juan, ja[^] jmoo[^] lana; co^o jnea[~] jaang[^] i jmóo[^] ta[~] quiá⁻ Fidié[~] lí[^]n[^]n cajo,
co^o røøb[^] lí[^]naa[^] cóo[^] 'nu[^] cóo[^] gui jaléng[^] dsea[^] rún[^] i teáang⁻ teá[^] i jmiti[~]
dseáng[^] lajang[^] júu[^] quiá⁻ Jesús. Jo fí⁻ 'nú[^] e lají[^] Fidié[~]bing[^] i 'né⁻
nijmifén[^].

Jogui lají[^] e júu[^] já⁻ e guía[^] dsea[^] quiá⁻ Jesús, e job cajo e caguaí[^] jaléng[^] i
lí[^] yáa[^] i café[^] cuaiñ[~] quiá⁻ Fidié[~] malí[^] gui eáang[^].

Jaang[^] i guíng[^] fí mocóo[^] cuea[~] teaang[^]

¹¹ Jo ngí jo, camó⁻ o e óo[^] fí ñifí⁻; jo fí job cajnéng⁻ jaang[^] cuea[~] teaang[^], jogui
i dsea[^] i guíng[^] fí mocóo[^] re[^] do líiñ[^] jaang[^] dsea[^] i dseáng[^] lajang[^] jmiti[~] jalé[^]
júu[^] quiá⁻ jogui jmanɡ[^] júu[^] já⁻ ba[^] fé[^]r[^] cajo, dsuco^o lají[^] ta[~] e quiá⁻ r[^] jogui
jalé[^] 'nii[^] e guiar[^], dseáng[^] røøb[^] jmóor[^] dseáng[^] lí[^] laco^o sí[^]í[^]. ¹² Jogui jminir[^]
dsíng[^] jínɡ[^] jí[^] co^o uøø[^] niing⁻ jí, jogui fí moguir[~] té[^] jmiguiá[^] lí[^] corona, jo
fí dse[^] jo silí[^] coo^o júu[^] e jí[^] 'ñia[^]bre dsea[^] ngáiñ[^] e guóng[^] e do. ¹³ Jo ngóor[^]
quí[^]r[^] sí[^]r[^] e síñ[^] jmi[^]øøng⁻ dsea[^], jogui siir[^] lají[^] Júu[^] quiá⁻ Fidié[~]. ¹⁴ Jo i fí[^]m[^]
'lé[^] i neáang[^] fí ñifí⁻ tí[^]leáang[^] laco^o ngóor[^], jo lajím[^]biñ[^] do qui[^]r[^] 'mi[^] e niguo[^]
e jlo[^] tee[^], jo lajím[^]bre neáaiñ[^] fí mocóo[^] jaléng[^] cuea[~] teaang[^] cajo. ¹⁵ Jogui
fí mo[^]oo⁻ i dsea[^] quie[^] ní[^] do güi[^] coo^o ñisu[^] e 'mé⁻ jlo[^] e laco^o nijmihuíñ[^]
jaléng[^] dsea[^] seeng[^] fí la[^]úng[^] fí jmigüí cóo[^] e ní[^] jo. Jo íbre niquíú[^]r⁻ ta[~] jee[~]
i dsea[^] í e jmeáiñ[^] ta[~] 'ma[^]u[^] quiá⁻ dseata[~] e lí[^] cóo[^] ní[^]. Jogui niquidsir[^] í[^]
quíá⁻ lajaang[^] lajaang[^] dsea[^] lafa[^] mi[~] ngí dsea[^] jee[~] lí[^] sea[^] mí[^] huíng[^] jó[^] fí
lí[^] jmi[^]uíñ[^] mé[^] guí[^]. Jo e mé[^] guí[^] do lí[^] lafa[^] iihuí[^] e jáa[^] quiá⁻ Fidié[~] i
'gøng[^] i quí[^] jmí jmé⁻ lí[^] doñí ee[^], jogui e iihuí[^] do catíng⁻ jaléng[^] i dsea[^] í
uii[~] e eáang[^] niguíng⁻ Fidié[~] quiá⁻. ¹⁶ Jo fí ní⁻ 'mi[^]quí[^]r[^] jogui fí dse[^] quiá⁻,
fí job lí[^] silí[^] e júu[^] la: “¡Dseata[~] Dsea[^] Féng[^] quiá⁻ jaléng[^] dseata[~] dsea[^] féng[^],
jogui Fii[~] quiá⁻ jaléng[^] fí!”

¹⁷ Jo mi[~] cangí jo, camán⁻ n jaang[^] gui ángel i sing[^] sí[^]ø[^] fí lí[^] íng[^] iee[^] i ca[^]áng[^]
teá[^] eáang[^] jaléng[^] mi[^] i ngí fí guíá[^] güí, jo lalab casí[^] reiñ[^] do:

—Seáang[^] yaang[~] na[^] jo ñilíng[^] na[^] fí la, co^o fí lab nicató⁻ Fidié[~] 'nú[^] e
niñiquié[^] na[^] í[^] na[^]. ¹⁸ Ñilíng[^] na[^] jo ñiquié[^] na[^] ngu[~] jaléng[^] dseata[~] dsea[^] féng[^],

cóo'~gui ngu~ jaléng' fii~ quiá'~ 'léé~, cóo'~gui ngu~ jaléng' dsea` i teá táang` dsíí, cóo'~gui jalé' ngu~ cuea~ cóo'~gui ngu~ jaléng' i gua` fí mocóo'~re' do cajo, jogui ngu~ jaléng' dsea` lí' cóo' gui' ná'~, nai niing` osi nai ja niing` é, nai líng' dsea` silaang` jogui na i líng' dsea` si' niing` i jmóo` ta` tá'~ jmóo` e ja` 'lééiñ'~ jíí'~ capí'~.

19 Jo mi~ cangígui lajo, camán~n i jó' dsée~ i la'uii~ do cóo'~gui jaléng' dseata~ dsea` féng' i seeng` fí jmgüi coling~ cóo'~ jaléng' 'léé~ quiá'r~. Jo nicaseáiñ' yaaiñ~ e laco' nitíñ~ cóo'~ i guing~ fí mocóo'~ i cuea~ teaang` do cóo'~gui jaléng' 'léé~ quiáiñ'~ do cajo. 20 Jo job catáng' i jó' dsée~ la'uii~ do coling~ cóo'~ i jó' dsée~ catí tú~ do i cajmícaang~ i café' cuaiñ~ quiá' Fidié~, co' i jó' lab i cajmíe` jalé' e quí'~re' jmi~ dseáng'~ fí quini~ i jó' dsée~ la'uii~ do. Jo la'eáang` cóo'~ jalé' e lí e cajmíe`re' do, cóo'~ e job cajmígóong`ne' jaléng' i cacuóong` yaang~ e catáiñ~ e lí quiá'~ i jó' dsée~ do e laco' líiñ~ e líiñ' dsea` quiá'~ i jó' dsée~ la'uii~ do. Jogui cajo jaléng' í cajmífém'bre i dié~ guóo'~ quiáiñ'~ do cajo. Jo fí ni` jì lí coo` jì e quiéng` azufre e jo` tóo` jmi~ ya' cabiing`ne' laco' jí'bre' i jó' dsée~ la'uii~ do coling~ cóo'~ i jó' dsée~ catí tú~ do i cajmícaang~ e líng'ne' dsea` i café' cuaiñ~ quiá' Fidié~. 21 Jogui i dsea` caguaang`gui do cajúm~bre cóo'~ e ñisú' e iú' fí mo'oo~ i dsea` i guing~ fí mocóo'~ i cuea~ teaang` do, jo lajim` tusú'~ cóo'~gui jaléng' tujlá' cajmí'óo'~re' dseáng'~ la guiúm~ jalé' nguú' táaiñ' do.

20

Lajee` cóo` mil jíi`

1 Jo mi~ cangígui lajo —cajín'~ Juan— camán~n jaang`gui ángel i jajgiáang` fí yá'~ jmgüi jo quier` joñí' quiá'~ e fí lí' lí' fí lí' lí' too` nua` só', jogui se'r` cóo` ní' cadena e fé'. 2 Jo i ángel la ca'ñúíñ' i jó' guié~ mogui~ do i líng' jó' 'líng'~ i ningóo' seeng`, jo íb` i líng' fii~ i 'líng'~ i sií Satanás, jo ca'ñúng`neiñ' do cóo'~ ní' cadena lajee` mil jíi`. 3 Jo fí dob cabíng`neiñ' do e fí lí' lí' too` nua` só' do, jo fí job cajniñ'~ do lajee` cóo` mil jíi`, jo catéer` cóo` sello fí dse' jn' e laco' jo` quí'~ jmi~ fa' e nijmígóong`guiñ' do dsea` jmgüi cartí ningíng` e cóo` mil jíi` do. Jo mi~ ningí jo, joguiba' e nicuóong` nileáiñ' do cateá'.

4 Jo mi~ cangí jo, camó~guí éé' lí' gua' jaléng' dsea` i nicangíng` fí e quidsir' í' quiá'~ dsea` jmgüi. Jo dob camó~o cajo ni~ jaléng' 'lí' i nicajúng` e caquiá' dsea` moguir` uí' e teáiñ~ teá cóo'~ e júu` e casée` Jesús jogui cóo'~ jalé' e fé' júu` quiá'~ Fidié~. Jo jaléng' i dsea` í ja` cajmíféiñ' i jó' dsée~ la'uii~ do o'gui cajmí'gór` i dié~ guóo'~ quiáiñ'~ do cajo o'gui cacuóong` yaaiñ` fa' e catáiñ~ lajíi'~ e lí quiá'~ i 'líng'~ do fí guiaquíir' osi fí guóor` é. Jo camó~o e cajíb'tu jaléng' i dsea` í calé' catú~, jo røb` caquiá'r' ta~ coling~ cóo'~ Dsea` Jmáang~ lajee` cóo` mil jíi`. 5 Jo dsu' e naguib e la'uii~ e jí'tu dsea` jee~ jaléng' 'lí'. Co' jaléng'gui i 'lí' i caguaang`gui do ja` cají'tu cartí mi~ cangí e cóo` mil jíi` do. 6 Juguiá` jia quiá'~ jaléng' dsea` i nitíng` mi~ nití' í' e nijí'tu dsea` la'uii~ jee~ jaléng' 'lí', dsuco' jaléng' i dsea` íb` dseáng'~ dsea` quiá'~ Fidiéeb` nilíiñ'! Jo ja` ee` bí sea` quiá'~ e 'mó~ e catí tú~ ya' fa' e nitíng`gui jaléng' i dsea` í, co' jaléng' í ni'uíñ~ jmidsea` quiá'~ Fidié~ jogui quiá'~ Dsea` Jmáang~, jo colim~ niquíá'r~ ta~ cóo'~ dsea` do lajee` cóo` mil jíi`.

Mi~ cacá~ quiá'~ fii~ i 'líng'~ dseáng'~ congua'

7 Jo mi~ tí lí casúung` e cóo` mil jíi` do, job mi~ catí í' e nileáng` i fii~ i 'líng'~ do fí lí' sjniiñ'. 8 Jo job mi~ tí lí ningír~ e nijmígóoiñ' jaléng' dsea` i seeng` fí la'úng` fí jmgüi, jo jaléng' íb` i sií Gog cóo'~gui Magog, jo lajim` í niseáiñ' ie~

jo e quiá' nisér' 'nii. Jo dsea' leáam'bing' niseáng' e jmiñ jo lí' laco' tí' too' e neé' 'ni' jmiñí'.

⁹ Jo jaléng' i dsea' í la'úm' fí' ni' guóo' uó' jmiñ' niniñ' mi' nití' í' lajo, jogui cajo lacúng' lajín' lí' neáang' jaléng' dsea' quiá' Fidié', jogui lacúng' lajín' e fi' e lí' iing' Fidié'. Jo dsu' lajee' job canaang' jiá' j' fí' yá' jmiñ', jo lajím' i dsea' í cacáañ' ie' jo dseáng' congua'. ¹⁰ Jogui i fi' i líng' i cajmigóong' jaléng' dsea' jmiñ' lamí' jéeng' gui do, fí' dob cabiñ' fí' é' guié' lí' coo' j' e téé' azufre e jo' too' jmiñ' niyá', jogui fí' job cajo lí' cabíng' i jó' dsée' la'uii' do cóo' gui i jó' dsée' catí' tú' do i cajmicaang' e café' cuaiñ' quiá' Fidié'. Jo fí' job lí' nicá' jaléng' í iihu' e uó' jmiñ' dseáng' car' ngong' jmiñ'.

Jial mi' ni'ing' iihu' jaléng' dsea' i røong' dsee'

¹¹ Jo mi' cangí' jo —jín' Juan— camó'o cóo' éé' e jlo' tee', jo fí' jo guing' i dsea' i quidsí' í'. Jo fí' quini' i dsea' í camó'o e dseáng' conguiab' ca'ing' guóo' uó' cóo' gui yá' jmiñ', jo jo' jié' lí' cajnéng' gui jii' cóo'. ¹² Jogui camán' n lajín' 'lí' e teáañ' fí' quini' e éé' do, na i niing' jogui na i ja' niing'; jogui canab' jalé' j', jo mi' cangí' jo, jié' gui cóo' j' cana' cajo, jo e j' job e lí' nitáang' jaléng' dsea' quiá' Fidié'. Jo joguib mi' tí' lí' catídsí' í' quiá' jaléng' i 'lí' do lí' laco' jii' e cajméer' ie' lamí' seeíñ' fí' jmiñ' lí' laco' gui jii' la fé' e fí' ni' jalé' e j' quiá' Fidié' do. ¹³ Jo camó'o e cajang' jmiñ' jaléng' 'lí' i catíng', jogui i fi' e lí' teáang' jaléng' 'lí' cajam' bre lajii' i 'lí' i catíñ' cajo. Jo lajaang' lajaang' i dsea' í catídsí' í' quiá'r' lí' laco' jii' e cajméer' ie' lamí' seeíñ' fí' jmiñ'. ¹⁴ Joguib e 'mó' cóo' gui e fí' lí' teáang' jaléng' 'lí' do, fí' dob cabiñ' e fí' é' guié' fí' lí' coo' j' e téé' azufre e ja' too' jmiñ' niyá'. Jo e guié' do, e job e guóng' 'mó' e catí' tú' do. ¹⁵ Jo jaléng' dsea' i ja' sijnéng' e fí' ni' j' lí' taang' jaléng' dsea' quiá' Fidié', fí' dob biñ' cajo e fí' é' guié' e fí' lí' iu' j' e quiéng' azufre e ja' too' jmiñ' niyá'.

21

Yá' jmiñ' 'mí' cóo' gui guóo' uó' 'mí'

¹ Jo mi' cangí' jo —jín' Juan— camó'o cóo' yá' jmiñ' e 'mí' cóo' gui cóo' guóo' uó' e 'mí' cajo; dsuco' e yá' jmiñ' e la'uii' do cóo' gui e guóo' uó' e la'uii' do nica'ím', jo lajobi jalé' jmiñ' cajo nica'ím'. ² Jo camó'b' e fi' e güeang' quiá' Fidié' do e si' Jerusalén 'mí' e cajgó' fí' yá' jmiñ' e fí' lí' guing' dsea' do. Jo dseáng' eáam' jlo' sili' e fi' do lí' laco' gui la líng' jaang' simí' ie' jmiñ' e nicung' guór'. ³ Jo mifíng' canú' u cóo' luu' e jáa' fí' lí' lí' éé' e fí' lí' guing' i laniing' quiá' ta' do, jo lalab cajíng' cóo' júu' e teá' eáang':

—Lana Fidié' niseeíñ' jee' jaléng' dsea' jmiñ', jo contøom' niliseeíñ' cóo' dsea' do, jo jaléng' dsea' íb' ni'uíng' dsea' quiá'r', jogui 'ñiab' Fidié' niliseeíñ' cóo' do, jogui jii' íb' ni'uíng' Fidié' quiá'r' cajo. ⁴ Jogui Fidiéeb' cajo dsea' nijmiquí'r' jmiñ' í' jmini' lajaang' lajaang' dsea', jogui jo' too' jmiñ' fa' e nilisea' gui 'mó' quiá'r', o'gui jalé' fí' í', o'gui jalé' ta' jmiquíng' dsí', o'gui jalé' e cu' jnga'; dsuco' lajib' e lamí' sea' fí' jmiñ', caquium' e sea' jalé' e jo.

⁵ Jo i dsea' i guing' e fí' lí' lí' éé' e fí' lí' niing' quiá'r' ta' do cajíñ' lala:

—Jnea' jmó'o e 'mí' lajalé' e sea' fí' latøong' jmiñ'.

Jogui cajím' biguir cajo:

—Juan, jméé' lajaléb' e júu' la, có' lajalé' ba' la lí' júu' dseáng' e laniing' e já', jogui dseáng' catím' e nili'goo' cajo.

⁶ Jo mi' cangí', jo casí' tur' jnea' lala:

—Lajib` nicaliti`. Jo jneab` lín`n i la`uii` do jogui jnea` bi lín`n i ti` li` cadséng` do cajo. Jo lí` doñi` i` dsea` i jmi`m`ing`, jneab` nicu`ø`ø`re e jmi` e jmó` e seeng` dsea` cø`ng` cóo` Fidié` lata`, jo e jmi` jo ja` e quíng` jii` cóo` `ñiá` quía` i dsea` i iing` ni`i` e jo. ⁷ Jo i` dsea` i nigüéang` i nité` lí` e siñ` teá` cóo` júu` quie`e, ni`ím`bre lajalé` e la; jo jneab` niliín`n Fidié` quía`r`, jogui i`bre niliñ` joo` cajo. ⁸ Jo dsu` jaléng`gui dsea` i `gó` fi` quini` dsea` jiéng` uí` júu` quie`e, jogui jaléng`gui dsea` i ja` ja` lín`g` júu` quie`e nañi` fa` nicaliñi`bre, cóo`gui jaléng` dsea` i `ni` níng` rúng`, cóo`gui jaléng` dsea` i jmóo` ta` jngang` dsea` rúng`, cóo`gui jaléng` dsea` i `léé` cóo` ngúu` táaiñ`, cóo`gui jaléng` dsea` i jmóo` ta` dsea` láang`, cóo`gui jaléng` dsea` i jmiféng` diéé` i o` ja`, jogui lajobi` jaléng` dsea` i jmóo` ta` quie` júu` e o` ja` cajo, fi` dob nibiñ` e fi` é` guiéé` lí` coo` ji` e téé` azufre e ja` too` jmi` yu`. Jo e lab e `mó` e cati` tú` do.

Jerusalén e `mñ`

⁹ Jo mi` cangf` jo, camán`n jaang` lajee` i guiáng` ángeles i lami` quie` e guié` cóo` do e lami` sirø`ng` guié` íng` iihu` e lí` cadséng` do, jo cangoquieeiñ` fi` lí` sín`n, jo cóo` júu` lalab cas`r` jnea`:

—Juan, nea` fi` la, jo lab ni`één`n `nu` i simi` i nicúng` guó` cóo` i Jo`se` Jiuung` do.

¹⁰ Jo lajee` job —jín` Juan— e Jmiguí` quía` Fidié` cajmée` e camó` o e i ángel do cangojéeiñ` jnea` fi` cóo` yá` mó` e fé` jogui e ñi`, jo fi` job ca`e`r` jnea` e fi` laniing` e güeang` e siñ` Jerusalén e ñigó` fi` ñiñ` fi` lí` guiing` Fidié`.

¹¹ Jo dseáng` eám` jlo` jín`g` ji` e fi` do la`eáng` cóo` güea` niing` ji` quía` Fidié`, jo jnéng` lajo lí` laco` la lí` cóo` cuu` e ji` e siñ` jaspe, jogui cajo lí` laco` lí` cóo` sñ` e ta` jmi`. ¹² Jogui lacúng` lajín`g` e fi` do sijñib` cóo` cóo` iá` cuu` fé` e ñi` e eáng`, jo e iá` do sea` guitu` jni` quía` lí` cuø`ng` dsitáng` dsea`, jo lacoo` lacoo` e jni` do seeng` jaang` ángel i jmóo` í; jogui e fi` lacoo` dse` jni` do too` jial siñ` ca`lé` jee` laji` guitu` `lé` dsea` seeng` fi` Israel. ¹³ Jo `ni` e jni` do jøø` lí` lí` guo` iee`, jogui `ni` jøø` lí` lí` ñi`, jogui `ni` gui jøø` lí` lí` uøø`, jogui `ni` lí` lí` dsea` iee`. ¹⁴ Jo e iá` cuu` e si` fi` lacúng` e fi` do téé` guitu` cuu` e lafa` quía` tñ` fi`, jo fi` lacoo` e cuu` do too` jmacó` jial siñ` lajaang` lajaang` lajee` guitúung` i dsea` apoo` i si` íng` i cajmée` ta` ni` júu` quía` i Jo`se` Jiuung` do.

¹⁵ Jo i ángel i sñng` cóo` jnea` do quier` cóo` siñ` e lí` cóo` layaang` cunée` e laco` niguiár` í` e jee` fi` fé` do cóo`gui jalé` jni` quía` jogui e iá` cuu` do cajo. ¹⁶ Jo e fi` fé` do quiúum` lí`, jo røøb` í` oo` lí` lí` cuee` cóo`gui lí` lí` ú. Jo i ángel do caguiar` í` e fi` do cóo` e siñ` cunée` e quier` do; jo mi` caguiar` í`, jo oo` tú` mil la dsí` tú` ciento kilómetro; jo røøb` oo` lí` lí` cuee` jogui lí` lí` ú jogui røøb` cajo lí` lí` ñi`. ¹⁷ Jo mi` cangf` jo, caguiar` í` e iá` cuu` do, jo lalab í` oo` e jo: oo` sesenta y cinco metros. Jo i ángel do cacór` í` lí` laco` jii` í` quía` dsea` jmi`güi` e jmaíñ` ta`.

¹⁸ Jo e iá` cuu` do lí` cóo` jmag` cuu` ji` e siñ` jaspe, jogui e fi` do lí` cóo` jmag` cunée` yaang` e lí` lafa` sñ` e jlo` huí`. ¹⁹ Jo jalé` cuu` tñ` fi` quía` e iá` cuu` do jlo` silñ` cóo` jalé` cuu` e jlo`; jo e la`uii` do lí` cóo` cuu` e ji` e siñ` jaspe; jogui e cati` tú` do lí` cóo` cuu` jlo` e iñ` í` azul e siñ` zafiro; jogui e cati` `ni` do lí` cóo` cuu` e jlo` e iñ` í` teá` langñng` e siñ` ágata; jogui e cuu` e cati` quie` do lí` cóo` cuu` jlo` e iñ` í` rø` e siñ` esmeralda; ²⁰ jogui e cuu` lí` cati` `ñiá` do lí` cóo` cuu` e siñ` ónice; jogui e cuu` lí` cati` jññ` do lí` cóo` cuu` e yúu` e siñ` cornalina; jogui e cuu` lí` cati` guié` do lí` cóo` cuu` e siñ` crisólito; jogui e cuu` e lí` cati` jñiá` do lí` cóo` cuu` e siñ` berilo; jogui e cuu` e cati` ñá` do lí` cóo` cuu` ue` e jing` e neáng` e siñ` topacio; jogui e cuu` lí` cati` guí` do lí` cóo` cuu` e siñ` crisoprasa; jogui e cuu` lí` cati` guicó` do lí` cóo` cuu`

e sii` jacinto; jogui e cuu~ e li~ cati~ guitu~ do líí cóo~ cuu~ e sii` amatista. ²¹ Jo laji~ guitu~ e jni~ do líí cóo~ cóo~ cuu~ e ji~ jlo~ e sii` perla. Jogui e fi~ laniing~ e ngóo~ jee~ 'núu~ e sea` e fi~ jee~ fi~ fé~ do líí cóo~ layaang~ jmang~^ cunée~, jogui dseáng~ jlob~^ ta~ jmf lí~ laco~gui la líí cóo~ síí.

²² Jo ja` camó~ o jii~ cóo~ guá~ e fi~ jee~ fi~ do, có~ Fíinaa~ Fidiée~ dsea` féng~ dsea` níing~ fi~ jmigüi~ i quíi~ jmii~ jmé~ lí~ doñi~ ee` cóo~gui i Jo'se~ Jiuung~ do, íbing~ líng~ laco~ guá~ quiá~ e fi~ do. ²³ Jo ja` ngii~ lí fa~ dseáng~ 'né~ ji~ iee~ e fi~ jee~ fi~ do osi~ ji~ sí~ é e laco~ nijneá~, dsaco~ lajii~ e güea~^ quiá~ Fidiée~ do, e joba~ jmóo~ e jneá~ jlo~, jo i Jo'se~ Jiuung~ dobing~ líng~ e ji~ quiá~ e fi~ do. ²⁴ Jo jaléng~ dsea` seeng~ fi~ ni~ guóo~ uó~ jmigüi~ cóo~ e ji~ job~ ningir~, jogui jaléng~ dseata~ dsea` féng~ i seeng~ fi~ jmigüi~, fi~ dob~ nija~r~ jalé~ bí quiá~r~ fi~ quini~ Fíinaa~ Fidiée~ e laco~ e nijmiféiñ~ dsea` do jogui~ nijmi~gó~reiñ~ cajo. ²⁵ Jogui jalé~ e o'nú~ quiá~ e fi~ do jo` nijni~gui lajee~ jmii~, jogui cajo jo` nilisea~gui uóø~ e fi~ jo. ²⁶ Jo job~ nijá~ dsea` jmigüi~ jalé~ e niguo~ e sea` quiá~r~ cóo~gui lajalé~ e jlo~ e sea` fi~ jmigüi~; ²⁷ jo dsu~ ja` quí~ jmii~ fa~ e ni~í~ fi~ jo jii~ cóo~ e 'lí~ o~gui jii~ jaang~ i ee~ dsihu~ osi~ jaléng~ i jmigóo~ é. Có~ dseáng~ lajii~ dsea` i nitaang~ e fi~ ni~ ji~ quiá~ i Jo'se~ Jiuung~ do li~ nitaang~ jaléng~ dsea` i sííing~ seeng~ lata~, jo jii~ íbing~ cuóøng~ nidsitaang~ fi~ jo.

22

Coo~ tú~gui júu~^ quiá~ fi~ Jerusalén e 'mii~ do

¹ Jo mi~ cangí~gui lajo, i ángel do ca'e'r~ jnea~ cóo~ gua` fi~ lí~ sea~ jmii~ e jmóo~ e seeng~ dsea` cøøng~ cóo~ Fidiée~ lata~. Jo e jmii~ jo dseáng~ jlo~^ ji~, có~ lí~ dseáng~ laco~ líí cóo~ síí e ta~ jmf. Jo e fi~ ná~ e li~ lí~ ee~ e fi~ lí~ niing~ lí~ guiing~ Fidiée~ quiá~r~ ta~ colíng~ cóo~ i Jo'se~ Jiuung~ do, fi~ job~ fi~ lí~ níng~ e jmii~ do. ² Jo guiá~^ joo~ e fi~ guiá~ fi~ laniing~ quiá~ e fi~ do jogui lacataang~ cataang~ e gua~ do, fi~ job~ lí~ cuaang~ e 'ma~ e jmóo~ e seeng~ dsea` cøøng~ cóo~ Fidiée~ lata~. Jo e 'ma~ jo cuø~ guitu~ íng~^ ofii~ laco~ jii~, cóo~ íng~^ ofii~ lajaang~ síí. Jogui mamó~ quiá~ e 'ma~ ofii~ do íng~^ ta~ e jmi~leáng~ jaléng~ dsea` jmigüi~. ³ Jo jii~ cóo~ jo` e nilisea~gui e fi~ jee~ fi~ do e ja` dseeng~ e nijmé~ e ni~é~ dsea` dsee~. Jo fi~ job~ nijé~ e ee~ lí~ niing~ lí~ guiing~ Fidiée~ cóo~gui i Jo'se~ Jiuung~ do, jogui jaléng~ i dsea` i jmóo~ lajii~ e iing~ dsea` do caniing~ jii~ ta~ jmiféng~ dsea` dobing~ nijmér~. ⁴ Jo fi~ joguib~ lí~ niníng~ rúng~ Fidiée~ fi~ quini~ lana cóo~ jaléng~ dsea` quiá~r~, jo fi~ guiaquí~ jaléng~ i dsea` í nitó~ jialco~ síi~ dsea` do. ⁵ Jo e fi~ jo jo` nilisea~gui uóø~; jo jaléng~ i dsea` i nigüea~ fi~ jo, jo` nili~né~ guir~ ji~ o~gui ji~ iee~, có~ contøøm~ Fíinaa~ Fidiée~ nicuør~ jir~, jo jaléng~ i dsea` í contøøm~ niquíá~r~ ta~ car~ ngongí~ jmii~.

Lajmináb~ nijá~tu Dsea` Jmáang~

⁶ Jo mi~ cangí~ jo, cajíng~^gui i ángel do casí~r~ jnea~ lala:

—Juan, lajii~ e júu~^ la dseáng~ laniim~ e já~ jogui dseáng~ catim~ e nili~goo~ cajo. Jo Fíinaa~ Fidiée~bing~ i cacuø~ júu~ jaléng~ dsea` i café~ cuaiñ~ quiá~r~ malii~gui eáang~, joba~ lana nicasíiñ~ jaang~ ángel quiá~r~ e laco~ niliñi~ jaléng~ dsea` i jmóo~ ta~ quiá~r~ lajii~ e nidsijéé~ lajee~ lajminá~.

⁷ Jo cajíng~ Fíinaa~ Dsea` Jmáang~:

—iNúu~ na! Lajee~ lajminá~ nigáa~túu. iJo juguiá~ jii~ quiá~ jaléng~ dsea` i jmiti~ lajii~ e fé~ e fi~ ni~ ji~ la!

⁸ Jo jnea~, Juan, nicanú~ u jogui nicamó~ o lajalé~ e la. Jo mi~ cangí~ jalé~ e la, casí~i uóø~ jnii~ fi~ uii~ tíi~ i ángel i ca'e~ jnea~ jalé~ e jo e laco~ e nijmifén~ nre síí. ⁹ Jo dsu~ cajíñ~ casí~r~ jnea~ lala:

—Juan, ja' jmoo' lana, co' jnea' lín'n jaang' i jmoo' ta' quíá' Fidiéeb' cajo, jo røøb' lí'naa' cóo' 'nu' colíing' cóo' gui jaléng' dsea' rún' i café' cuaiñ' quíá' Fidié' malí' gui eáang' lí' lajaléng' i jmiti' jalé' e júu' e fé' e fí' ni' jì la. Jo fí' i 'nu' e lajii' Fidié'bing' i 'né' nijmifén'.

¹⁰ Jogui casí' gui i ángel do jnea' lala:

—Juan, jie' mí' jmoo' e ja' nijmijnéen' e ni'meá' e ñing' lajii' e júu' quíá' Fidié' e fé' e fí' ni' jì la, dsuco' lajee' lajminá' nidsijé' lajalé' e la. ¹¹ Joba' fí' guí' 'nu' e jaléng' dsea' i dsí' jalé' e ga', güijmée'bre lajii' e 'lí' rúñ' e iñ' jmér'; jogui jaléng' dsea' i teáang' fí' ga', güiteáam' bir fí' jo; jo dsu' jaléng' dsea' i seeng' røø cóo' Fidié', güijmée'bre lajii' e guiá' e jmóor' do; jogui jaléng' dsea' i jmoo' lajii' e ñing' Fidié', güijmée'bre lajo cajo.

¹² Jo lalab cajíng' gui Dsea' Jmáang':

—¡Náa' na! Lajee' lajminá' nigáa'túu; jo joguib' nigáa'a quíe' lajii' e catíng' jaléng' dsea' lí' jialco' jii' lí' e nicajméer' lami' jéeng' gui. ¹³ Jo jneab' dsea' i la'uii' do jogui jnea' bi' i tí' lí' cadséng' do cajo, jo jneab' i seeng' ie' lajii' mí' catiroo' jmigüí', jogui jnea' bi' cajo i seeng' cartí' mí' ni' íng' jmigüí'.

¹⁴ Jo juguiá' jia quíá' jaléng' dsea' i lafa' ru' jalé' sí' e laco' nilísea' fí' quíá' e nidsitáaiñ' e fí' lí' lí' o'nú' quíá' e jee' fí' quíá' Fidié' do, co' lajoba' nilísea' fí' quíá' e nidó'r' e ofí' quíá' e 'ma' e cuø' e seeng' dsea' cøøng' cóo' Fidié' lata'. ¹⁵ Jo dsu' fí' lí' caluu' e fí' do nijé' jaléng' i jmoo' jalé' e 'lí', lafa' jaléng' dsea' i jmoo' jalé' ta' dsea' láang', jogui jaléng' dsea' i ée' dsee' e 'léer' cóo' jalé' e lí' dsí' ngúu' táaiñ', jogui jaléng' i jmoo' ta' jngang' jaléng' dsea' rúng', jogui jaléng' dsea' i jmoo' ta' jmiféng' jaléng' dié' i o' ja', jogui jaléng' dsea' i tí' dsí' jmoo' ta' jmigóo'.

¹⁶ Jo mí' cang' jo, lalab cajíng' Jesús:

—Jneab' dsea' nicasín' n' ángel quíe' e fí' quini' e quier' jalé' e júu' la e catíng' jaléng' i líng' dsea' quíe' e. Jo jneab' lín'n dsea' siju' dseata' dsea' féng' Daví', jogui jnea' bi' cajo lín'n lafa' i náa' jing' i jnéeng' jlo' mí' la'ee'.

¹⁷ Jo Jmiguí' quíá' Fidié' jogui i líng' lafa' dseam' quíá' i Jo'se' Jiuung' do lalab fé'r' jo jín':

—¡Nea' fí' la!

Jo lajob' nijíng' jaléng' i ninú' cajo:

—¡Nea' fí' la!

Jo doñí' i dsea' i jmijmíng', güijalím'bre jo güija' r' e jmí' e jmoo' e seeng' dsea' cøøng' cóo' Fidié' lata', jo e jmí' jo jii' cóo' ja' ee' quíng' quíá'r'.

¹⁸ Jo jaléng' dsea' i núu' e júu' quíá' Fidié' e tóo' e fí' ni' jì la, joba' jmiñiim'baa dsí' lala: Song' i líng' iñ' nijmingí' guir lajii' e júu' e dseáng' fé' e fí' ni' jì la, joba' Fidié' nijmingí'bre cajo jalé' iihu' quíá' i dsea' í' lí' laco' la fé' e fí' ni' jì la. ¹⁹ Jogui song' i líng' dsea' iñ' e nijé' guir fa' camí' e júu' e fé' e fí' ni' jì la, joba' Fidié' nijé'bre cajo quíá' i dsea' í' lajii' e 'ma' e jmoo' e seeng' dsea' cøøng' cóo' Fidié' lata', jogui cajo ja' nitíñ' e nigüear' e fí' fí' güeang' quíá' Fidié' e fé' e fí' ni' jì la.

²⁰ Jo i dsea' i jmita' dsí' jalé' e júu' la jín' lala:

—Dseáng' e jáb', lajee' lajminá' nigáa'a.

Jo lalab jíng' dsea' quíá' Dsea' Jmáang':

—Lajob' nilí'. ¡Nea' fí' la, Fí'naa' Jesús!

²¹ Jo güi' íb' Fí'naa' Jesús güea' quíá'r' fí' jee' jneaa'aa' lajalé'naa'.

Jo lajob' nilí'!

Jo jii' lanab jii' fé' jì e cajme' Juan.